



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



N
ii
132

~~Street~~ RBS

CONTINUED





303647347.

**T. LIVII PATAVINI
HISTORIARUM**

AB URBE CONDITA

LIBRI QUI SUPERSUNT OMNES,

EX RECENSIONE

ARN. DRAKENBORCHII.

ACCEDUNT

NOTÆ INTEGRÆ

EX EDITIONIBUS

J. B. L. CREVIERII.

CUM

INDICE RERUM LOCUPLETISSIMO.

TOM. II.


OXONII,

EXCUDERAT W. BAXTER;

IMPENSIS J. PARKER, ET R. BLISS: ET R. PRIESTLEY, ET

G. ET W. B. WHITTAKER, LONDINI.

MDCCCXXI.



EPITOME LIBRI XI.

QUUM Fabius Gurges consul male adversus Samnites pug-
nasset, et senatus de removendo eo ab exercitu ageret, Fabius
Maximus pater, deprecatus ¹ hanc filii ignominiam, eo maxime
senatum movit, quod iturum se filio legatum pollicitus est, idque
præstitit. ejus consiliis et opera filius consul adjutus, cæsis
Samnitibus, triumphavit. C. Pontium, imperatorem Samni-
tium, ductum in triumpho securi percussit. Quum civitas pesti-
lencia laboraret, missi legati, ut Æsculapii signum Romam ab
Epidauro transferrent, anguem, qui se in navem eorum contu-
lerat, in quo ipsum numen esse constabât, deportavere : eoque
in insulam Tiberis egresso, eodem loco ² ædes Æsculapio conse-
crata est. L. Postumius consularis, quoniam, quum exercitui
præesset, opera militum in agro suo usus erat, damnatus est.
Cum Samnitibus pacem petentibus fœdus quarto renovatum est.
Curius Dentatus consul, Samnitibus cæsis, et Sabinis, qui rebel-
laverant, victis, et in deditionem acceptis, bis in eodem magis-
tratu triumphavit. Coloniae deductæ sunt, Castrum, Sena,
Hadria. Triumviri capitales tunc primum creati sunt. Censu
acto, lustrum conditum est. censa sunt civium capita ducenta
septuaginta duo millia. Plebs propter æs alienum, post gra-
ves et longas seditiones, ad ultimum secessit in Janiculum :
unde a Q. Hortensio dictatore ³ deducta est, isque in ipso magis-
tratu decessit. Res præterea contra Volsinienses gestas conti-
net : item adversus Lucanos, contra quos auxilium ⁴ Thurinis
ferre placuerat.

¹ Hanc sibi ignominiam] Duo Hearnii codd. Andreas et Campanus habent hanc filii ignominiam : quod anteponendum videtur.

² Sedes Æsculapii constituta est] Jubet Sigonius emendari ex fide vet. lib. Ædes Æsculapio consecrata est. Unus Hearnii codex, ut et Campanus, præfert quoque ædes. Si nihil muta-
tur, certe sedes intelligi debebit pro æde. Constat enim ex Festo, l. IX. et Valer. Max. l. I. c. 8. in insula Ti-

berina ædem Æsculapio constructam fuisse.

³ Deducta est] Forte reducta est. GRONOVIVS.

⁴ Thurinis] Vulgo Tyrrhenis. Sed Pighius ex Plin. l. XXXIV. c. 6. et Henr. Valesius ex Val. Max. l. I. c. 8. probant legendum esse Thurinis. Et vero longius dissiti sunt Lucani a Tyrrhenis, quam ut eis graves esse potuerint.

EPITOME LIBRI XII.

QUUM legati Romanorum a Gallis Senonibus interfecti essent, bello ob id Gallis indicto, L. Cæcilius prætor cum legionibus ab iis cæsus est. Quum a Tarentinis classis Romana direpta esset, diumviro, qui præerat classi, occiso, legati, ad eos a senatu, ut de iis injuriis quererentur, missi, pulsati sunt: ob id, bellum iis indictum est. Samnites defecerunt. Adversus eos, et Lucanos, et Bruttios, et Etruscos aliquot præliis a compluribus ducibus bene pugnatum est. Pyrrhus Epirotarum rex, ut auxilium ferret Tarentinis, in Italiam venit. Quum in præsidium Rheginorum legio Campana cum præfecto Decio Jubellio missa esset, occisis Rheginis Rhegium occupavit.

EPITOME LIBRI XIII.

VALERIUS Lævinus consul parum prospere adversus Pyrrhum pugnavit, elephantorum maxime inusitata facie territis militibus. Post id prælium cum corpora Romanorum, qui in acie ceciderant, Pyrrhus inspiceret, omnia versa in hostem invenit, populabundusque ad urbem Romam processit. C. Fabricius, missus ad eum a senatu, ut de redimendis captivis ageret, frustra, ut patriam desereret, a rege tentatus est, captivi sine pretio remissi sunt. Cineas, legatus a Pyrrho ad senatum missus, petiit, ut componendæ pacis causa rex in urbem reciperetur. de qua re quum ad frequentiore senatum referri placuisset, Ap. Claudius, qui ¹ propter valetudinem oculorum jamdiu consiliis publicis se abstinuerat, venit in curiam, et sententia sua tenuit, ut id Pyrrho negaretur. Cn. Domitius censor primus ex plebe lustrum condidit. censa sunt civium capita ducenta septuaginta octo millia, ducenta viginti duo. Iterum adversus Pyrrhum dubio eventu pugnatum est. ² Cum Karthaginensibus quartum fœdus renovatum est. Quum C. Fabricio consuli is, qui ad eum a Pyrrho transfugerat, polliceretur, se regi venenum daturum, cum indicio ad regem remissus est. Res præterea contra Etruscos, Lucanos, Bruttios, et Samnites prospere gestas continet.

¹ Propter invaletudinem] Sic veteres omnes. Jac. Gronovius edidit valetudinem. Sed invaletudo vox proba est, et Ciceroni aliquoties usurpata, puta l. VII. ad Att. ep. 2. et 5. et de

Amicit. c. 2. Itaque eam mutari nihil attinebat.

² Cum Carthaginensibus quarto fœdus renovatum est] Vid. not. 83. ad IX. 43.

EPITOME LIBRI XIV.

PYRRHUS in Siciliam trajecit. Quum inter alia prodigia fulmine dejectum esset in Capitolio Jovis signum, caput ejus per aruspices inventum est. Curius Dentatus, quum delectum haberet, ejus, qui citatus non responderat, ¹ bona primus vendidit. Pyrrhum iterum ex Sicilia in Italiam reversum vicit, et Italia expulit. Fabricius censor P. Cornelium Rufinum consularem senatu movit, quod is decem pondo argenti facti haberet. Lusto a censoribus condito, censa sunt capita civium ducenta septuaginta unum millia, ducenta viginti quatuor. Cum Ptolemæo Ægypti rege societas juncta est. Sextilia virgo Vestalis, damnata incesti, viva defossa est. Coloniae deductæ sunt Posidonia et ² Cosa. Karthaginensium classis auxilio ³ Tarentinis venit. quo facto ab iis foedus violatum est. Res præterea contra Lucanos, Samnites, et Bruttios feliciter gestas, et Pyrrhi regis mortem continet.

¹ *Bona primus vendidit*] Sigonius addidit vocem *primus* ex vett. lib.

² *Cossa*] Sive *Cosa*: utroque enim modo hoc nomen scribitur. Olim legebatur *Consa*. Emendavit Sigonius ex Vell. lib. I. et Plin. l. III. c. 5.

³ *Tarentinis*] Sic habere MSS. tes-

tatur idem Sigonius: et hanc veram esse lectionem manifeste probatur tum et Orosio et Zohara, quos allegat Freinshemius capp. 44. et 45. hujus libri, tum ex Livio ipso, XXI. 10. Male ergo quondam hoc loco legebatur *Mamertinis*.

EPITOME LIBRI XV.

VICTIS Tarentinis pax et libertas data est. Legio Campana, quæ Rhegium occupaverat, obsessa, deditione facta, securi percussa est. Quum legatos Apolloniatum ad senatum missos quidam juvenes pulsassent, dediti sunt Apolloniatibus. Picentibus victis pax data est. coloniae deductæ, Ariminum in Piceno, Beneventum in Samnio. Tunc primum populus Romanus argento uti cœpit. Umbri et Sallentini victi in deditionem accepti sunt. Quæstorum numerus ampliatus est, ¹ ut essent octo.

¹ *Ut essent octo*] Numerum, qui deerat, adjecit Sigonius ex Tac. XI. Ann. 22.

EPITOME LIBRI XVI.

ORIGO Karthaginensium et primordia urbis eorum referuntur; contra quos et Hieronem regem Syracusanorum auxilium Mamertinis ferendum censuit senatus, quum de ea re inter suadentes, ut id fieret, dissuadentesque contentio fuisset. ¹ Transgressis tum primum mare equitibus Romanis, adversus Hieronem sæpius bene pugnatum. Petenti pax data est. Lustrum a censoribus conditum est. censa sunt ² civium capita ducenta octoginta duo millia, ducenta triginta quatuor. D. Junius Brutus munus gladiatorium in honorem defuncti patris edidit primus. Colonia Æsernia deducta est. Res præterea contra Pænos et ³ Vulsinios prospere gestas continet.

¹ Transgressis... tum primum mare equitibus Romanis] An soli equites, non vero et pedites Romani mare transgressi sunt? Rescribimus, exercitibus.

² Civium capita CCXCII. millia] Sic legi jussit Sigonius ex Eutropio. Antea CCLXXII.

³ Vulsinios] Et hoc debetur Sigonio, qui testatur ita habere vet. lib. Adstipulatur unus e codd. Hearnii. Alii Volcos. Sed Volsci jamdiu perdomiti erant. De Vulsinensibus triumphat M. Fulvius consul primo anno Punici belli.

EPITOME LIBRI XVII.

CN. Cornelius consul, a classe Punica circumventus, et per fraudem velut in colloquium evocatus, captus est. ¹ C. Duilius consul adversus classem Pænorum prospere pugnavit, primusque omnium Romanorum ducum navalis victoriæ duxit triumphum. ob quam causam ei perpetuus honos habitus est, ut revertenti a cæna, ² tibicine canente, funale præferretur. L. Cornelius consul in Sardinia ³ et Corsica contra Sardos, et Corsos, et Hannonem Pænorum ducem feliciter pugnavit. Atilius Calatinus consul, quum in locum iniquum, a Pænis circumsum, temere durisset exercitum, M. Calpurnii tribuni militum virtute et opera evasit: qui, cum trecentis militibus eruptione facta, hostes in se ⁴ converterat. Hannibal dux Pænorum victa classe, cui præfuerat, a militibus suis in crucem sublatus est. Atilius Regulus consul, victis navali prælio Pænis, in Africam trajecit.

¹ C. Duilius] Suum Duilio prænomen restituit Sigonius. Antea hic legebatur Cn.

² Tibicine canente, funale præferretur] Hæc lectio est a vet. lib. Sigonii. Olim: tibicines canerent, et funale præferretur. Utrolibet modo legatur, parum interest.

³ Et Corsica] Has duas voces, quas Sigonius alique omittunt, exhibent Campanus et unus Hearnii codex, et e vet. lib. atque Fastis Capitol. tuetur Delrius.

⁴ Converterat] Sic edidere Gronovius et Hearnius. Vulgo convertit.

EPITOME LIBRI XVIII.

¹ *ATILIUS* *Regulus* in *Africa* serpentem portentosæ magnitudinis cum magna militum clade occidit, et, quum aliquot præliis bene adversus *Karthaginienses* pugnasset, successorque ei a senatu prospere bellum gerenti non mitteretur, id ipsum per literas ad senatum missas questus est. in quibus inter causas petendi successoris erat, quod agellus ejus a mercenariis desertus esset. Quærente deinde fortuna, ut magnum utriusque casus exemplum in *Regulo* proderetur, arcessito a *Karthaginiensibus* *Xanthippo* *Lacedæmoniorum* duce, victus prælio et captus est. Res deinde a ducibus Romanis omnibus terra marique prospere gestas deformaverunt naufragia classium. *Ti. Coruncanius* primus ex plebe pontifex maximus creatus est. *P. Sempronius Sophus*, *M. Valerius Maximus* censores, quum senatum legerent, tredecim senatu moverunt. lustrum condiderunt, quo censa sunt civium capita ducenta nonaginta septem millia, septingenta nonaginta septem. *Regulus* missus a *Karthaginiensibus* ad senatum, ut de pace, et, si eam non posset inpetrare, de captivis commutandis ageret, ² et jurejurando adstrictus, redituum se *Karthaginem*, si commutari captivos non placuisset; utrumque negandi auctor senatui fuit: et, quum fide custodita reversus esset, supplicio a *Karthaginiensibus* de eo sumto, periit.

¹ *Atilius Regulus* consul victis navali prælio *Pœnis* in *Africam* trajecit] Hæc verba in omnibus quas vidimus *Livii* editionibus, præter eas quæ a *Gronovio* et *Hearnio* adornatæ sunt, annexa sunt ad calcem *Epit. lib. XVII.* Hujus autem libri epitome incipit in hunc modum: *Atilius Regulus* consul in *Africa* serpentem, &c. *Freinshemius* quum hoc libro *XVIII.*

victoriam navalem *Reguli* de *Pœnis* memoraverit, censuerat profecto sic legendam esse hanc epitomen, quomodo eam *Gronovius* et *Hearnius* edidere.

² Et jurejurando adstrictus redituum] Sic *Campanus*, et vet. lib. *Sigonii*. Vulgo: jurejurando adstrictus est redituum.

EPTOME LIBRI XIX.

CÆCILIVS Metellus, rebus adversus Pœnos prospere gestis, speciosum egit triumphum, tredecim ducibus hostium et centum viginti elephantis in eo ductis. Claudius Pulcher consul, contra auspicia profectus, jussis mergi pullis, qui cibari volebant, infeliciter adversus Karthaginienses classe pugnavit; et, revocatus a senatu, jussusque dictatorem dicere, ¹ Claudium Gliciam dixit, sortis ultimæ hominem: qui, coactus abdicare se magistratu, postea ludos prætextatus spectavit. Atilius Calatinus primus dictator extra Italiam exercitum duxit. Cum Pœnis captivorum commutatio facta est. Coloniae deductæ sunt ² Fregenæ, in agro Sallentino Brundisium. Lustrum a censoribus conditum est. censa sunt civium capita ducenta quinquaginta unum millia, ducenta viginti duo. Claudia, soror P. Claudii, qui, contemptis auspiciis, male pugnaverat, a ludis revertens, quum turba premeretur, dixit: Utinam frater meus viveret, iterumque classem duceret! ob eam causam multa ei dicta est. Duo prætores tum primum creati sunt. Cæcilius Metellus pontifex maximus A. Postumium consulem, quoniam idem et flamen Martialis erat, quum is ad bellum gerendum proficisci vellet, in urbe tenuit, nec passus est a sacris recedere. Rebus adversus Pœnos a pluribus ducibus prospere gestis, summam victoriæ C. Lutatius consul, victa ad Ægates insulas classe Pœnorum, inposuit. Petentibus Karthaginiensibus pax data est. Quum templum Vestæ arderet, Cæcilius Metellus pontifex maximus ex incendio sacra rapuit. Duæ tribus adjectæ sunt, Velina et Quirina. Falisci quum rebellassent, sexto die perdomiti, in deditionem venerunt.

¹ Claudium Gliciam] Hunc dictatorem sic vocant marmora Capitolina. Hic olim: C. Glauciam.

² Fregenæ] Sic habuit vetus liber Sigonii, non, quomodo vulgati, Fre-

gellæ. Et vero Fregellas pridem deducta colonia fuerat, teste ipso Livio, VIII. 22. Fregenæ sunt in Etruria, Fregellæ in Latio.

EPITOME LIBRI XX.

SPOLETIUM colonia deducta est. *Adversus Ligures tunc primum exercitus promotus est. Sardi et Corsi, quum rebellassent, subacti sunt.* ¹ *Tuccia virgo Vestalis incesti damnata est. Bellum Illyriis, propter unum ex legatis, qui ad eos missi erant, occisum, indictum est: subactique in deditionem venerunt. Prætorum numerus ampliatus est, ut essent quatuor. Galli Transalpini, qui in Italiam intruperant, cæsi sunt. Eo bello populus Romanus sui Latinique nominis trecenta millia armatorum habuisse dicitur. Exercitibus Romanis tum primum trans Padum ductis, Galli Insubres, aliquot præliis fusi, in deditionem venerunt. M. Claudius Marcellus consul, occiso Insubrium Gallorum duce Virdomaro, opima spolia retulit. Istri subacti sunt. Item Illyrii, quum rebellassent, domiti in deditionem venerunt. Lustrum a censoribus conditum est, quo censa sunt civium capita ducenta septuaginta millia, ducenta tredecim. Libertini in quatuor tribus redacti sunt, ² *quum antea dispersi per omnes fuissent; Esquilinam, Palatinam, Suburranam, Collinam.* ³ *C. Flaminius censor viam Flaminiam munivit, et circum Flaminium extruxit. Coloniae deductæ in agro de Gallis capto, Placentia et Cremona.**

1 *Tuccia*] Sic dedit Sigonius. Antea *Tutia*. Sed parvi refert.

2 *Quum antea dispersi per omnes fuissent*] Adjecit Sigonius ex vet. lib. auctoritate *per omnes*: quæ duæ voces sensum clariorem et rotundiores efficiunt. Adstipulatur Sigonio unus Hearnii codex.

3 *C. Flaminius censor viam Flaminiam*] Has voces omnes supplevit Sigonius ex historiæ fide, quum olim nullum hic earum vestigium exstaret. Hanc ejus conjecturam, nixam Cassiodoro et Festo auctoribus, deinceps omnes post illum editi receperunt.

T. LIVII PATAVINI
HISTORIARUM
AB URBE CONDITA
LIBRI.

EPITOME LIBRI XXI.

¹ *IN Italiam belli Punici secundi ortus narratur, et Hannibalis Poenorum ducis contra fœdus per Iberum amnem transitus, a quo Saguntum, sociorum populi Romani civitas, obsessa octavo mense capta est. De quibus injuriis missi legati ad Karthaginienses, qui quererentur. quum satisfacere nollent, bellum iis indictum est. Hannibal, superato Pyrenæo saltu, per Gallias, fuis Volscis, qui obsistere conati erant, ad Alpes venit; et laborioso per eas transitu (quum montanos quoque Gallos obvios aliquot præliis repulisset) descendit in Italiam, et ad Ticinum amnem Romanos equestri prælio fudit: in quo vulneratum P. Cornelium Scipionem protexit filius, qui Africani postea nomen accepit. iterumque exercitu Romano ad flumen Trebiam fuso, ² Hannibal Apenninum quoque, per magnam militum vexationem propter vim tempestatum, transit. Cn. Cornelius Scipio in Hispania contra Pœnos prospere pugnavit, duce hostium ³ Magone capto.*

¹ *In Italiam]* Testatur Gronovius, in nota ad Epit. lib. XX. ultima, aliquot scriptos habere *in Italia*, censetque has voces remittendas esse ad calcem ejusdem Epit. lib. XX. tanquam ab hoc loco prorsus alienas, quum bellum Punicum secundum non in Italia modo, sed et in Hispania, Sicilia, Africa gestum sit; imo ne in Italia quidem ortum sit, sed in Hispania. Sed eadem hæ voces ad calcem

præcedentis Epit. adnexæ, prorsus inutiles ac supervacue viderentur. Itaque resecari eas omnino satius esse existimamus.

² *Annibal Appenninum . . . transit]* Imo, transire frustra conatus est. Vid. c. 59. hujus libri, et c. 1. lib. XXII.

³ *Magone]* Hannonem vocat Livius infra c. 60.

T. LIVII PATAVINI

LIBER XXI.

IN parte operis mei licet mihi præfari, quod in principio summæ totius professi plerique sunt rerum scriptores, bellum maxime omnium^a memorabile, quæ umquam gesta sint, me scripturum; quod, Hannibale duce, Karthaginien-
Belli Punici secundi magnitudo. ses cum populo Romano gessere. Nam neque validiores opibus ullæ inter se civitates gentesque contulerunt arma, neque his ipsis tantum umquam virium aut roboris fuit: et haud ignotas belli artes inter se, sed expertas primo Punico conserebant bello. et adeo varia belli fortuna ancepsque Mars fuit, ¹ ut propius periculum^b fuerint, qui vicerunt. Odiis etiam prope majoribus certarunt, quam viribus: Romanis indignantibus, quod victoribus victi ² ultro inferrent arma; Pœnis, quod ³ superbe avareque crederent imperitatum victis esse. Fama etiam est, Hannibalem annorum ferme novem, pueriliter blandientem patri Hamilcari, ut duceretur in Hispaniam, quum, perfecto ⁴ Africo bello, exercitum eo trajecturus sacrificaret, altaribus admotum, tactis sacris jurejurando adactum, se, quum primum posset, hostem fore populo Romano. Angebant ingentis spiritus virum Sicilia Sardiniaque amissæ: nam et ⁵ Siciliam nimis ce-
Hannibal odium jurat in Romanos.
Hamilcar bellum Romanum meditatur.

^a *memorabile omnium* Gron. Crev.

^b *periculo* Eæd.

¹ * *Ut proprius periculum fuerint, qui vicerunt]* Ut melius intelligatur hæc sententia, lege ea quæ de Cannensi clade disserit noster, infra XXII. 54. Propiores periculo fuere post Cannensem cladem Romani, quam erant Pœni post pugnam in Africa cui Annibal succubuit. Ideo cessere Carthaginenses, non quia majus periculum erat, sed quia ipsi minores animos gessere. † Muretus et Gronovius ex quibusdam scriptis reponunt *propius periculum*. Sane sic loqui gaudet Livius. Lib. XXII. c. 40. *ut nova minora essent propius Anniba-*

lem. IV. 17. *Propius est fidem.* Et alibi sæpius. Tamen hoc loco potuit maluisse *periculo*, ut serviret claritati.

² * *Ultro]* Vid. not. 39. ad I. 5.

³ * *Superbe avareque]* Hæc spectant præcipue ad Sardiniam, ut mox dicetur, a Romanis interceptam.

⁴ *Africo bello]* Quod Amilcare duce Carthaginenses cum mercenariis militibus in Africa gesserunt. Hoc bellum Polybius describit l. I. a c. 66. ad finem libri.

⁵ *Siciliam . . concessam]* Pace ad Ægates insulas. * *Nimis celeri desperatione rerum.* Nimium cito despe-

leri desperatione rerum concessam, et ⁶ Sardiniam inter motum Africæ fraude Romanorum, stipendio etiam insuper ^c inposito, interceptam.

II. His anxius curis ita se Africo bello, quod fuit sub recentem Romanam pacem, ⁷ per quinque annos, ita deinde novem annis in Hispania augendo Punico imperio gessit; ut adpareret, majus eum, quam quod gereret, agitare in animo bellum: et, si diutius vixisset, Hamilcare duce Pœnos arma Italiæ inlaturos fuisse, quæ Hannibalis ductu intulerunt. ⁸ Mors Hamilcaris peropportuna et pueritia Hanni- Moritur.
balis distulerunt bellum. Medius Hasdrubal inter patrem Hasdrubal
et filium octo ferme annos imperium obtinuit; flore ætatis gener ei
(uti ferunt) primo Hamilcari conciliatus: gener inde ob al- succedit.
tam indolem ⁹ provecto annis adscitus, et, quia gener erat, ¹⁰ factionis Barcinæ opibus, quæ apud milites plebemque plus quam modicæ erant, haud sane voluntate principum, imperio potitus. Is, plura consilio, quam vi, gerens, hospitiiis regulorum magis, conciliandisque per amicitiam principum novis gentibus, quam bello aut armis, rem Karthaginensem auxit. Ceterum nihilo ei pax tutior fuit. barbarus eum quidam palam, ob iram interfecti ab eo domini, obtruncavit; Occisus.
comprehensusque ab circumstantibus haud alio, quam si evasisset, vultu; tormentis quoque quum laceraretur, eo fuit habitu oris, ut, superante lætitia dolores, ridentis etiam speciem præbuerit. Cum hoc Hasdrubale, quia miræ artis in sollicitandis gentibus, imperioque jungendis suo fuerat, foedus renovaverat populus Romanus, ut ¹¹ finis utri-

^c *superinposito* Gron. Crev.

rantibus de summa republica Carthaginensibus. Judicabat nempe Amilcar suis, etiam post cladem ad Ægates insulas, eas superfuisse vires, ut bellum adhuc tolerare, aut certe melioribus conditionibus finire possent.

⁶ *Sardiniam . . interceptam*] Romani ex quibusdam, seu veris, seu ad tempus fictis irarum causis, bellum Carthaginensibus tum decreverunt, quum hi ex Africo bello vix bene emersissent. Ita Carthaginenses bellum gravissimum alieno tempore suscipere nolentes, non modo cessare Sardinia, sed etiam, postulantis Romanis, ad priorem summam, quam pepigerant foedere ad Ægates insulas icto, adjecerunt argenti talenta mille ducenta.

⁷ *Per quinque annos*] Bellum Africum Polybius tribus annis tantummodo cum quatuor mensibus gestum esse scribit, l. I. c. ult.

⁸ *Mors Amilcaris*] Amilcar in prælio quodam adversus Vetrones ferocissimos Hispaniæ populos, fortissime dimicans occubuit. Quidam eum fugientem, fluminis, in quod ingredi coactus fuerat, vorticibus raptum perisse tradunt.

⁹ *Provecto annis*] Hoc a conjectura Lipsii est: quam firmat unus ex Hearnii codicibus, qui habet *profecto annis*. Ceteri *profectus*, vel *profecto animi*.

¹⁰ *Factionis Barcinæ*] Amilcar cognominabatur *Barca*. Hinc nomen factioni Barcinæ.

¹¹ *Finis utriusque imperii esset annis Iberus*] Hæc non ita accipienda sunt, quas tota trans Iberum Hispania Carthaginenses, tota cis Iberum Romani dominarentur. Ex iis enim quæ infra memorantur patet, multos trans Iberum populos Pœnis non paruisse, Romanorum autem ditionis

usque imperii esset annis Iberus, Saguntinisque mediis inter imperia duorum populorum libertas servaretur.

III. In Hasdrubalis locum haud dubia res fuit, quin ¹²prærogativam militarem, qua extemplo juvenis Hannibal in prætorium delatus, imperatorque ingenti omnium clamore atque adsensu adpellatus erat, favor etiam plebis sequeretur. Hunc ¹³vixdum puberem Hasdrubal literis ad se arcessierat: actaque res etiam in senatu fuerat, Barcinis nitentibus, ut adsuesceret militiæ Hannibal, atque in paternas ¹⁴succederet opes. Hanno, alterius factionis princeps, *Et æquum postulare videtur, inquit, Hasdrubal; et ego tamen non censeo, quod petit, tribuendum.* Quum admiratione tam ancipitis sententiæ in se omnes convertisset, *Florem ætatis, inquit, Hasdrubal, quem ipse patri Hannibalis fruendum præbuit, justo jure eum a filio repeti censet. nos tamen minime decet, juventutem nostram pro militari rudimento adsuefacere libidini prætorum. An hoc timemus, ne Hamilcaris filius nimis sero imperia inmodica et regni paterni speciem videat? et, cujus regis genero hereditarii sint relictis exercitus nostri, ejus filio parum mature serviamus? Ego, istum juvenem domi tenendum, sub legibus, sed ^d magistratibus docendum vivere æquo jure cum ceteris, censeo: ne quandoque parvus hic ignis incendium ingens exsuscitet.*

IV. Pauci, ac ferme optimus quisque, Hannoni adsentiebantur: sed (ut plerumque fit) major pars meliorem vicit. Missus Hannibal in Hispaniam primo statim adventu omnem exercitum in se convertit. ¹⁵Hamilcarem juvenem ^e redditum sibi veteres milites credere; eundem vigorem in vultu, vimque in oculis, habitum oris, lineamenta que intueri. dein ^f brevi effecit, ut pater in se minimum momentum

^d sub Gron. Crev.

^e viventem Eæd.

^f deinde Crev.

vix quicquam cis Iberum fuisse: qui etiam nullum imperatorem, nullos milites in ea regione tunc temporis habebant, ut observat Cato in oratione ad exercitum l. XXXIV. infra, c. 13. Cavebatur tantum, ne quicquam in ea quæ trans Iberum essent Romani, aut in ea quæ cis Iberum essent Pœni sibi juris arrogarent; neve alteruter populus eum annum belli causa transiret. Vid. Polyb. II. 13.

¹² *Prærogativam militarem*] Suffragium ante a militibus latum. Vid. not. 28. ad c. 51. l. III. supra.

¹³ *Vixdum puberem*] Non facile intelligitur quomodo Livius *vixdum puberem* appellare possit juvenem eum, qui, ut ex ipsius narratione colligitur, annum tunc 22. ætatis ex-

cesserat. Annibal novem ferme annorum erat, quum Amilcar in Hispaniam trajecit: novem annis in Hispania rem gessit Amilcar: octo ferme annis imperium obtinuit Asdrubal, ex quibus si triennium detraxeris, quo sub eo imperatore meruit Annibal, efficitur Annibalem, tunc quum ab Asdrubale arcessitus est, annum 23. egisse.

¹⁴ *Succederet*] Melius fortasse *succresceret*: quod ex uno libro suggerit Gron. * Id est, sensim crescendo sibi viam faceret ad eandem potentiam, quam pater Amilcar obtinuerat.

¹⁵ *Amilcarem viventem*] Gronovius ex uno codice, cui assentitur unus e nostris, malit *Amilcarem juvenem*. Nec aliter Pithœus apud Hearnium.

Hannibalis
dotes et in-
genium.

ad favorem conciliandum esset. Numquam ingenium idem ad res diversissimas, parendum atque imperandum, habilis fuit. itaque haud facile ¹⁶ decerneres, utrum imperatori, an exercitui, carior esset: neque Hasdrubal alium quemquam praeficere malle, ubi quid fortiter ac strenue agendum esset: neque milites alio duce plus confidere, aut audere. Plurimum audaciae ad pericula capessenda, plurimum consilii inter ipsa pericula erat. nullo labore aut corpus fatigari, aut animus vinci poterat. Caloris ac frigoris patientia par: cibi potionisque desiderio naturali, non voluptate, modus finitus. vigiliarum somnique nec die, nec nocte discriminata tempora. Id, quod gerendis rebus superesset, quieti datum: ea neque molli strato, neque silentio ¹⁷ arcessita. Multi saepe militari sagulo opertum, humi jacentem inter eustodias stationesque militum, conspexerunt. Vestitus nihil inter aequales, excellens: arma atque equi ¹⁸ conspiciebantur. Equitum pedumque idem longe primus erat. princeps in proelium ibat: ultimus conserto proelio excedebat. Has tantas viri virtutes ingentia vitia aequabant; ¹⁹ inhumana crudelitas, perfidia plus quam Punica, nihil veri, nihil sancti, nullus Deum metus, nullum jusjurandum, nulla religio. Cum hac indole virtutum atque vitiorum triennio sub Hasdrubale imperatore meruit, nulla re, quae agenda videndaque magno futuro duci esset, praetermissa.

V. Ceterum ex quo die dux est declaratus, velut Italia ei provincia decreta, bellumque Romanum mandatum esset, nihil prolatandum ratus, ne se quoque, ut patrem Hamilcarem, deinde Hasdrubalem, cunctantem casus aliquis obprimeret, Saguntinis inferre bellum statuit. quibus obpugnandis quia haud dubie Romana arma movebantur, in Olcadum fines prius (ultra Iberum ea gens ²⁰ in parte magis, quam in ditio- ne, Karthaginensium erat) induxit exercitum, ut non petisse Saguntinos, sed rerum serie, finitimis domitis gentibus,

Hannibal bellum inferre Saguntinis statuit.

Sed prius Olcadibus bellum infert.

§ *discerneret* Crev.

16 *Discerneret*] Sic habent libri, fatente Gronovio, qui tamen reposuit *decerneret*. Nobis haec mutatio necessaria non visa est. Itaque veterem lectionem revocavimus.

17 * *Arcessita*] Invitata, conciliata.

18 *Conspiciebantur*] Conspicua erant. Sic l. l. c. 47. *Quid te ut regium juvenem conspici sinis?* et l. XXXV. c. 52. *Regem conspici debere.*

19 *Inhumana crudelitas*] In Excerpt. e l. IX. Polyb. de virt. et vitiis habemus bene longam disquisitionem de hoc crudelitatis crimine, quod non Livius solum, sed et ceteri certatim

Romani scriptores in Annibalem conjiciunt. Graecus scriptor dubium relinquit, utrum ingenio ac natura crudelis fuerit Annibal, an vero amicorum consiliis et necessitati rerum tribuenda sint ea quae crudeliter ab ipso facta memorantur. Idem avidum pecuniae Annibalem apud ipsos Carthaginenses habitum fuisse pro comperto affirmat.

20 *In parte magis, quam in ditio- ne*] Magis intra limites foedere Romano Carthaginensibus definitos, quam in eorum ditio- ne, seu potestate.

Tum Vac-
cæis.

Vaccæi, et
alii populi
vincuntur.

²¹ jungendoque, tractus ad id bellum videri posset. ²² Carteiam, urbem opulentam, caput gentis ejus, expugnat diripitque. Quo metu percussæ minores civitates, stipendio inposito, imperium acceperunt. victor exercitus, opulentusque præda, Karthaginem novam in hiberna est deductus. Ibi large partiendo prædam, stipendio præterito cum fide exsolvendo, cunctis civium sociorumque animis in se firmatis, vere primo in Vaccæos promotum bellum. Hermandica et Arbocala^h ²³ urbes vi captæ. Arbocala et virtute et multitudine oppidanorum diu defensa. Ab Hermandica profugi, exsulibus Olcadum, priore æstate domitiæ gentis, quum se junxissent, concitant Carpetanos: adortique Hannibalem, regressum ex Vaccæis, haud procul Tago flumine agmen grave præda turbavere. Hannibal proelio abstinuit; castrisque super ripam positis, quum prima quies silentiumque ab hostibus fuit, amnem vado trajecit: ²⁴ valloque ita producto, ut locum ad transgrediendum hostes haberent, invadere eos transeuntes statuit. Equitibus præcepit, ut, quum ingressos aquam viderent, adorirentur. Peditum agmen in ripa, ²⁵ elephantos ante quadraginta disposuit. Carpetanorum ²⁶ cum appendicibus Olcadum Vaccæorumque centum millia fuere; invicta acies, si æquo dimicaretur campo. Itaque et ingenio feroces, et multitudine freti, et quod metu cessisse credebant hostem, ²⁷ id morari victoriam rati, quod interesset amnis, clamore sublato, passim sine ullius imperio, qua cuique proximum est, in amnem ruunt. Et ex parte altera ripæ ²⁸ vis ingens equitum in flumen inmissa, medioque alveo haudquaquam pari certamine concursum; quippe ubi pedes instabilis, ac vix vado fidens, ²⁹ vel abⁱ inermi

^h Arbocala Carteiorum Gron. Crev.

ⁱ ab del. Gron.

²¹ *Jungendoque*] Ut partis bello regionibus jungeret Saguntinum agrum, qui Punicum imperium quodammodo denormaturus erat.

²² *Carteiam*] Imo *Altheum* ex Pol. l. III. Carteia sita fuit in ora Oceani, ad fretum Herculeum. Ea autem urbs, de qua hic agitur, quum dicatur fuisse gentis Olcadum caput, non potuit longe abesse a Carthagine nova.

²³ *Carteiorum urbes*] Imo *Vaccæorum*, teste Polyb. Igitur aut reponendum hic Vaccæorum nomen, aut legendum horum.

²⁴ * *Valloque ita producto*] Et quum ita longe a ripa produxisset vallum, quum eo intervallo a ripa castra communisset, ut locum ad transgrediendum amnem hostes haberent.

²⁵ *Elephantos ante quadraginta*] Ante peditum agmen elephantos qua-

draginta collocavit. Sed, teste Gronovio, plerique MSS. pro *ante* habent *autem*; duo, quibus accedit unus e nostris, addunt *erant*. Unde ille legendum censet: *peditum agmen in ripa et elephantos (quadraginta autem erant) disponit*. Sic enim et complures membranæ, non *disposuit*.

²⁶ * *Cum appendicibus Olcadum Vaccæorumque*] Cum adjunctis sibi Olcadibus et Vaccæis, qui quidem appendicis loco erant, quum Carpetani præcipuum robur exercitus essent.

²⁷ * *Id morari victoriam rati quod interesset amnis*] Rati id unum sibi moræ esse ad victoriam, quod amnis interpositus hostem a se dirimeret.

²⁸ *Vis ingens equitum in flumen inmissa*] Ab Annibale.

²⁹ *Vel ab inermi equite*] In vulgatis deest præpositio. Eam addidimus ex

equite, equo temere acto, perverti posset: eques, corpore armisque liber, equo vel per medios gurgites stabili, cominus eminusque rein gereret. Pars magna flumine absumpta: quidam, verticoso amni delati in hostes, ab elephantis obtriti sunt: postremi, quibus regressus in suam ripam tutior fuit, ex varia trepidatione quum in unum conligerentur, priusquam ex tanto pavore^k reciperent animos, Hannibal, agmine quadrato amnem ingressus, fugam ex ripa fecit: vastatisque agris, intra paucos dies Carpetanos quoque in deditionem accepit. Et jam omnia trans Iberum, præter Saguntinos, Karthaginensium erant.

VI. Cum Saguntinis bellum nondum erat. ceterum jam belli caussa certamina cum finitimis serebantur, maxime Turdetanis. quibus quum adesset idem, qui litis erat sator, nec certamen juris, sed vim quæri adpareret; legati a Saguntinis Romam missi, auxilium ad bellum jam haud dubie immineus orantes. ³⁰ Consules tunc Romæ erant P. Cornelius Scipio et Ti. Sempronius Longus: qui ³¹ quum, legatis in senatum introductis, de republica retulissent, placuissetque mitti legatos in Hispaniam, ad res sociorum inspiciendas; quibus si videretur digna caussa, et Hannibali denunciarent, ut ab Saguntinis, sociis populi Romani, abstineret, et Karthaginem in Africam trajicerent, ac sociorum populi Romani querimonias deferrent. Hac legatione decreta, necdum missa, omnium spe celerius Saguntum obpugnari adlatum est. ³² Tunc relata^l ex integro res ad senatum. Alii, provincias consulibus Hispaniam atque Africam decernentes, terra marique rem gerendam censebant: alii totum in Hispaniam Hannibalemque intendebant bellum. Erant, qui non temere movendam rem tantam, exspectandosque ex Hispania legatos censerent. Hæc sententia, quæ tutissima videbatur, vicit: legatique eo maturius missi, P.^m Valerius Flaccus et Q. Bæbius Tamphilus, Saguntum ad Hannibalem, atque inde Karthaginem, si non absisteretur bello, ad ducem ipsum in pœnam foederis rupti deposcendum.

VII. Dum ea Romani parant consultantque, jam Saguntum summa vi obpugnabatur. Civitas ea longe opulentissima ultra Iberum fuit, sita passus mille ferme a mari. Oriundi a Zacyntho insula dicuntur, mixtique etiam ab Ar-

^k tanto ex pavore Gron. Crev.

^l delata Gron.

^m Q. Ead.

auctoritate aliquot librorum a Gronovio allatorum, duorum Hearnii codicum, et unius e nostris.

³⁰ Consules tunc erant] Vid. c. 15. infra, et ea quæ ad illud annotabimus.

³¹ Quum de republica retulissent] Quum senatoribus deliberandum

proposuissent, quid in tali re esset e republica.

³² Tunc relata] Solennis et notissima locutio *referre ad senatum*. Ideo hic pro *delata*, quod vulgo legitur, admisimus *relata* ex MSS. Gronovianis quatuor, uno e nostris.

Saguntini Romam legatos mittunt.

U. C. 534.

A. C. 218.

P. Cornelio,

Ti. Sempronio Coss.

Sagunti ob-

pugnatio.

Legati in

Hispaniam

a Rom.

mittuntur.

U. C. 534.
A. C. 218.

Saguntini
fortiter re-
pugnant.

Hannibal
vulneratus.

dea Rutulorum quidam generis. ceterum in tantas brevi cre-
verant opes, seu maritimis, seu terrestribus fructibus, seu
multitudinis incremento, seu sanctitate disciplinæ, qua
fidem socialem usque ad perniciem suam coluerunt. Han-
nibal, infesto exercitu ingressus fines, pervastatis passim
agris, urbem tripartito adgreditur. Angulus muri erat in
planiorum patentiorumque, quam cetera circa, vallem ver-
gens. adversus eum ³³ vineas agere instituit, per quas aries
moenibus admoveri posset. Sed ut locus procul muro satis
æquus agendis vineis fuit; ita haudquaquam prospere, post-
quam ad effectum operis ventum est, coeptis succedebat. et
turris ingens imminebat: et murus, ut in suspecto loco, su-
pra ceteræ modum altitudinis emunitus erat: et juvenus
delecta, ubi plurimum ³⁴ periculi ac laboris ostendebatur, ibi
vi majore obsistebant. Ac primo missilibus submovere hos-
tem, nec quidquam satis tutum munientibus pati. deinde
jam non pro moenibus modo atque turri tela micare, sed ad
erumpendum etiam in stationes operaque hostium animus
erat: quibus tumultuariis certaminibus haud ferme plures
Saguntini cadebant, quam Poeni. Ut vero Hannibal ipse,
dum murum incautius subit, adversum femur ³⁵ tragula
graviter ictus cecidit; tanta circa fuga ac trepidatio fuit,
ut non multum abesset, quin opera ac vineæ desereren-
tur.

VIII. ³⁶ Obsidio deinde per paucos dies magis, quam
obpugnatio, fuit, dum vulnus ducis curaretur. per quod
tempus ut quies certaminum erat, ita ab adparatu operum
ac munitionum nihil cessatum. Itaque acrius de integro
obortum est bellum, pluribusque partibus, vix accipientibus
quibusdam opera locis, vineæ coeptæ agi, admoverique
aries. Abundabat multitudine hominum Poenus; ad centum
enim quinquaginta millia ³⁷ habuisse in armis satis ⁿ credi-
tur. Oppidani ad omnia tuenda atque obeunda ³⁸ multifa-

ⁿ satis del. Gron.

³³ Vineas] Vid. not. 94. ad c. 17. l. II.

³⁴ Periculi ac laboris] Parum inter-
est. Sed tamen sex scripti a Grono-
vio allegati, tres nostri habent ac ti-
moris.

³⁵ Tragula] Tragula missile erat
telum, sic dictum, si credimus Var-
roni, l. IV. de Lingua Lat. a trajici-
endo. Validissimum fuisse apparet
ex Suida in voce Κέρας. Ceterum
ejus forma parum nota.

³⁶ * Obsidio . . . magis quam oppug-
natio] Cingebat quidem urbem hosti-
lis exercitus, at eam non oppugnabat.

Quies erat, ut mox dicetur, certami-
num.

³⁷ Habuisse in armis satis creditur]
Vocem satis adjiciunt duo vel optimi
scripti, alter Gronovio, nobis alter
inspectus: et placuit illa, ob affir-
mandi modestiam, et quia elegantius
hic usurpatur quam ut sapiat librarii
manum. In iis quæ præcedunt pro
obortum est, iidem libri habent coor-
tum est: sed parvi refert.

³⁸ Multimoda arte distineri] Mul-
timodam adhibere artem, ut possent
sese per omnia quæ tuenda essent et
obeunda, dispertire. Expeditius esset,

riam^o distineri coëpti sunt. et non sufficiebant (jam enim fe-^{U. C. 534.}
riebantur arietibus) muri, quassatæque^p multæ partes erant. ^{A. C. 218.}
una continentibus ruinis nudaverat urbem: tres deinceps
turres, quantumque inter eas muri erat; cum fragore ingeni-
ti prociderant: captumque oppidum ea ruina crediderant
Pœni; qua, velut si pariter utrosque murus texisset, ita
utrimque in pugnam procursum est. Nihil tumultuariæ
pugnæ simile erat, quales in obpugnationibus urbium per
occasionem partis alterius conseri solent; sed³⁹ justæ acies,
velut patenti campo, inter ruinas muri tectaque urbis modi-
co distantia intervallo constiterant. hinc spes, hinc despera-
tio animos irritat: Pœno cēpisse jam se urbem, si paullu-
lum adnitatur, credente; Saguntinis pro nudata mœnibus
patria corpora obponentibus, nec ullo pedem referente, ne
in^q relicto a se locum^r hostem immitteret. Itaque quo
acrius et conferti^s magis utrimque pugnant, eo plures
vulnerabantur, nullo inter arma corporaque vano interciden-
te telo. ⁴⁰ Falarica erat Saguntinis, missile telum ⁴¹ hastili
abiegno^t; et cetera tereti, præterquam ad extremum, unde
ferrum exstabat. id, sicut in pilo, quadratum stuppa circum-
ligabant, linebantque pice. ⁴² Ferrum autem tres longum^u
habebat pedes, ut cum armis transfigere corpus posset. Sed
id maxime, etiam si hæsisset in scuto, nec penetrasset in
corpus, pavorem faciebat; quod, quum medium accensum
mitteretur, conceptumque ipso motu multo majorem ignem
ferret, arma omitti cogebat, nudumque militem ad insequen-
tes ictus præbebat.

IX. ⁴³ Quum^x diu anceps fuisset certamen, et Saguntinis,

^o multimoda ante Gron. Crev. ^p quassatæ quoque Eæd. ^q in del. Eæd.
^r relicto a se loco Eæd. ^s confertim Eæd. ^t oblongo Gron. ^u in
longum Gron. ^x add. ergo Gron. Crev.

quod e duobus scriptis affert Grono-
vius, nos in uno reperimus: *multifa-
riam distineri*, id est, in multas va-
riasque partes distrahi, distendi.

³⁹ *Justæ acies*] Quæ jure dici pos-
sent acies. Opponuntur *justæ acies* et
tumultuaria pugna.

⁴⁰ *Falarica*] Hoc telum, teste Fes-
to, nomen habet a *falis*, quæ sunt
turres lignæ militares, unde tela
mittebantur.

⁴¹ *Hastili abiegno*] Jamdudum
Lipsius, Pollorcet. l. V. dial. 5. testa-
tus est se didicisse hic melioribus in
libris legi *abiegno*: quam vocem iti-
dem exhibet unus codex a Jac. Grono-
vio inspectus, servant quoque duo e
nostris. Vulgati habent *oblongo*. Sed
J. Frid. Gronovius vix ullo in codice
MS. sic legi affirmat, vetustissimas

quoque editiones in alia omnia abire.
Itaque ex nostro instituto scriptam
lectionem, quæ nullius vitii argui
possit, sequimur.

⁴² *Ferrum autem tres longum ha-
bebat pedes*] Falarica ferrum habebat
longum tres pedes. Sic passim lo-
quitur Livius. Infra, c. 28. *Ratēni
unam ducentos longam pedes*. VIII.
10. *Signum septem pedes altum*. et
alibi sæpius. Editi vulgo habent *tres
in longum*. Sed præpositionem igno-
rant duo scripti, unus a Jac. Grono-
vio, alter a nobis excussus: et videtur
illa ab iis adjecta qui non animadver-
terent repetendum esse hoc loco ex
præcedentibus nomen *falarica*, et *fer-
rum* in primo casu acciperent, quum
sit quartus.

⁴³ *Quum ergo*] Abest *et* ergo ab

U. C. 534. quia præter spem resisterent, crevissent animi; Pœnus,
A. C. 218. quia non vicisset, pro victo esset; clamorem repente oppi-
dani tollunt, hostemque in ruinas muri expellunt; inde in-
peditum trepidantemque exturbant; postremo fusum fuga-
tumque in castra redigunt. Interim ab Roma legatos venis-
se nunciatum est. quibus obviam ad mare missi ab Hanni-
bale, qui dicerent, nec tuto eos adituros inter tot tam ⁴⁴ ef-
feratarum ² gentium arma: nec Hannibali, in ³ tanto discri-
mine rerum, ⁴⁵ operæ esse legationes audire. Adparebat, non
admissos protinus Karthaginem ituros. literas igitur nun-
ciosque ad principes factionis Barcinæ præmittit, ut præpa-
rarent suorum animos, ne quid pars altera gratificari pro
Romanis posset.

Hannibal
legatos
Rom. non
admittit.

Legati
Rom. Kar-
thaginem
eunt.
Hannonis
oratio in
Hanniba-
lem.

X. Itaque, præterquam quod admissi auditique sunt, ea
quoque vana atque irrita legatio fuit. Hanno unus adverso
senatu causam fœderis, magno silentio propter auctorida-
tem suam, ⁴⁶ non adsensum audientium, egit. *Per Deos,*
fœderum arbitros ac testes, monuisse, prædixisse se, ne Hamil-
caris progeniem ad exercitum mitterent. non manes, non stir-
pem ejus conquiescere viri: nec umquam, donec sanguinis nomi-
nisque Barcini quisquam supersit, quietura Romana fœdera.
Juvenem flagrantem cupidine regni, viamque unam ad id cer-
nentem, si ex bellis bella serendo subcinctus armis legionibusque
vivat, velut materiam igni præbentes, ad exercitus misistis. alu-
istis ergo hoc incendium, quo nunc ardetis. Saguntum vestri
circumsident exercitus, unde arcentur fœdere: mox Karthagi-
nem circumsidebunt Romanæ legiones, ducibus iisdem Diis, per
quos priore bello rupta fœdera sunt ulti. Utrum hostem, an vos,
an fortunam utriusque populi, ignoratis? Legatos, ab sociis et
pro sociis venientes, bonus imperator vester in castra non admi-
sit, jus gentium sustulit. hi tamen, unde ne hostium quidem le-
gati arcentur, pulsî ad vos veniunt, res ex fœdere repetunt.
⁴⁷ *publica fraus absit; auctorem culpæ et* ⁴⁸ *reum criminis de-*

² *effrenatarum* Gron. Crev.

³ *in del.* Esæd.

uno e codd. Gronovianis, uno itidem
e nostris: nec sane illa voce quid-
quam hic est opus.

⁴⁴ *Effrenatarum*] Sigonius e ve-
tere libro legit *effertatarum*. Assen-
titur Victorinus codex. Nec displi-
cet. Sic I. 19. *effertatos militum animos*.
Gronovio quoque probabilis videtur
emendatio.

⁴⁵ *Operæ esse*] Operæ pretium esse,
vacare. Vid. I. 24.

⁴⁶ *Non assensum audientium*] Sic
emendavit Rubenius ex conjectura,
propterea quod supra dicitur Hanno
adverso senatu causam fœderis egisse;

non ergo *cum assensu audientium*,
quomodo habent libri. In iis quæ
proxime sequuntur, unus vel optimus
codex auctior est vulgatis, et sic ha-
bet, teste Gronovio: *egit, per deos fœ-*
derum arbitros ac testes obtestans ne
Romanum cum Saguntino suscitant
bellum. Monuisse, prædixisse se. Et
eodem alludunt quatuor alii codices,
ipsi Gronovio unus, unus Hearnio,
duo nobis inspecti.

⁴⁷ *Publica fraus absit*] Concessio
ex persona Romanorum; quasi dice-
ret Hanno: fœderis rupti et noxam
et pœnam non publicam esse Cartha-

poscunt. Quo lenius agunt, segnius incipiunt; eo, quum cœpe- U. C. 534.
rint, vereor, ne perseverantius sœviant. ⁴⁹ Ægates insulas ⁵⁰ Ery- A. C. 218.
cemque ante oculos proponite; quæ terra marique per quatuor
et viginti annos passi sitis. Nec puer hic dux erat, sed pater
ipse Hamilcar, Mars alter, ut isti volunt. sed ⁵¹ Tarento, id
est ^b Italia, non abstinueramus ex fœdere: sicut nunc Sagunto
non abstinemus. Vicerunt ergo Dii hominesque; et, ⁵² id de
quo verbis ambigebatur, uter populus fœdus rupisset, eventus
belli, velut æquus iudex, unde jus stabat, ei victoriam dedit.
Karthagini nunc Hannibal vineas turresque admovet: Kartha-
ginis mœnia quatit ariete. Sagunti ruinæ (falsus utinam vates
sim) nostris capitibus incident: susceptumque cum Saguntinis
bellum, habendum cum Romanis est. Dedemus ergo Hanniba-
lem? dicet aliquis. Scio, meam lerem esse in eo auctoritatem
propter paternas inimicitias. Sed et Hamilcarem eo perisse ^c
lætatus sum, quod, si ille viveret, bellum jam cum Romanis
haberemus; et hunc juvenem, tamquam furiam facemque hujus
belli, odi ac detestor. Nec dedendum solum id piaculum rupti
fœderis; sed, si nemo deposcat, devehendum in ultimas maris
terrarumque oras, ablegandumque eo, unde nec ad nos nomen
famaque ejus accedere, ⁵³ neque sollicitare quietæ civitatis statum
possit. Ego ita censeo, legatos extemplo Romam mittendos, qui
senatui satisfaciant: alios, qui Hannibali nuncient, ut exerci-
tum ab Sagunto abducatur, ipsumque Hannibalem ex fœdere Ro-

^b id est leg. tum in Gron. Crev.

^c perisse Eæd.

giniensium, sed solius Annibalis pro-
prium, Romani facile patiuntur.

48 ^a *Reum criminis*] Eum cui cri-
men luendum est.

49 *Ægates insulas*] Ad quas victi
Carthaginenses, pacem gravissimis
conditionibus accipere coacti fue-
rant.

50 *Erycem*] Montem in Sicilia, ad
quem clausus exercitus Pœnorum so-
lius demum pacis beneficio liberatus
fuerat.

51 *Tarento tum in Italia*] Grono-
vius ex vestigiis MSS. legit *Tarento*,
id est, *Italia*. Italiam nimirum Han-
no significat nominatim in fœdere
expressam fuisse. Philinus, referente
Polybio, l. III. c. 26. scripserat fuisse
Romanos inter et Pœnos fœdus, ex
quo Carthaginenses abstinere omni
Italia oportebat. Nec ab eo dissen-
sisse Livium, tum ex hoc loco suspi-
cari licet, tum ex Epit. lib. XIV. Po-
lybius tamen Philinum hac in re er-
roris coarguit.

52 *Id de quo verbis ambigebatur*] Sensus patet: verba paulo impeditiora

sunt. Possis ordinare in hunc mo-
dum: *Eventus belli . . . ei victoriam
dedit, unde jus stabat, id de quo, sive
quæ erat res de qua verbis ambigeba-
tur, nempe uter populus fœdus rupis-
set.* Sed veremur ne, dum volumus
Livium Grammaticæ loqui, parum
Latine loquentem faciamus. Potius
credimus eum ex brevitate et licentia
quadam extra consuetas leges evagan-
te captasse elegantiam, et, quando
sensus satis apertus erat, parum cu-
rasse de verbis ad Grammaticæ nor-
mam exigendis. Sic ergo hunc locum
exponendum duxerimus: *id de quo
verbis ambigebatur, nempe uter popu-
lus fœdus rupisset, eventus belli decre-
vit, dum ei unde jus stabat, victoriam
dedit.* Non absimilis anomalie ex-
emplum rursus occurrit infra l.
XXVIII. c. 27. Vid. ibi notam ad
has voces *Multitudo omnis*.

53 *Neque sollicitare*] Plenius ac
melius unus e Gronovianis codd. et
unus quoque e nostris: *neque ille sol-
licitare.*

U. C. 534. *manis dedant. tertiam legationem ad res Saguntinis reddendas*
 A. C. 218. *decerno.*

Favet senatus Karthagin. Hannibali.

XI. Quum Hanno perorasset, nemini omnium certare oratione cum eo necesse fuit. adeo prope omnis senatus Hannibalis erat; infestiusque locutum arguebant Hannonem, quam Flaccum Valerium, legatum Romanum. Responsum inde legatis Romanis est, *Bellum ortum ab Saguntinis, non ab Hannibale esse. populum Romanum injuste facere, si Saguntinos*⁵⁴ *vetustissimæ Karthaginensium societati præponat.* Dum Romani tempus terunt legationibus mittendis, Hannibal, quia fessum militem præliis operibusque habebat, paucorum iis dierum quietem dedit, stationibus ad custodiam vinearum aliorumque operum dispositis. interim animos eorum nunc ira in hostes stimulando, nunc spe præmiorum accendit. Ut vero pro concione prædam captæ urbis edixit militum fore, adeo accensi omnes sunt, ut, si extemplo signum datum esset, nulla vi resisti videretur posse. Saguntini ut a præliis quietem habuerant, nec lacessentes, nec lacessiti per aliquot dies; ita non nocte, non die umquam cessaverant ab opere, ut novum murum ab ea parte, qua patefactum oppidum ruinis erat, reficerent. Inde obpugnatio eos aliquanto atrocior, quam ante, adorta est: nec, qua primum aut potissimum parte ferrent opem, (quum omnia variis clamoribus streperent) satis scire poterant. Ipse Hannibal, qua turris mobilis, omnia munimenta urbis superans altitudine, agebatur, hortator aderat. quæ quum admota,⁵⁵ catapultis ballistisque per omnia tabulata dispositis, muros defensoribus nudasset; tum Hannibal, occasionem ratus, quingentos ferme Afros cum dolabris ad subruendum ab imo murum mittit. nec erat difficile opus, quod cæmenta non calce durata erant, sed interlita luto, structuræ antiquæ genere. Itaque⁵⁶ latius, quam cæderetur, ruebat: perque patentia ruinis agmina armatorum in urbem vadebant. Locum quoque editum capiunt: conlatisque eo catapultis ballistisque, ut castellum in ipsa urbe velut arcem imminem haberent, muro circumdant; et Saguntini murum interiorem ab nondum capta urbis parte ducunt. Utrunque summa vi et muniunt, et pugnant: sed, interiora tuendo, minorem in dies urbem Saguntini faciunt. Simul crescit inopia omnium

Saguntinorum constantia.

54 * *Vetustissimæ Karthaginensium societati*] Socii Romanorum Karthaginenses erant jam a primis Romanæ reipublicæ initiis.

55 *Catapultis ballistisque*] Antiquitus hæc duo sedulo distingui mos erat. *Catapultis* tela, *ballistis* saxo torquebantur. Ballistæ majoris erant molis, quam catapultæ. Sed poste-

rioribus temporibus utrumque nomen confundi ceptum est. Vid. Lips. l. III. Poliorc. Dial. 2. et 3.

56 * *Latius quam cæderetur, ruebant*] Impacta dolabra, non id tantum ruebat, quod ictum erat, sed et vicina quoque. Itaque latior erat ruina, quam ea pars muri quæ cæsa sive icta fuerat.

longa obsidione, et minuitur expectatio externæ opis; U. C. 534.
 quoniam tam procul Romani, unica spes, circa omnia hostium A. C. 218.
 essent. Paucis tamen adfectos animos recreavit repen-
 tina profectio Hannibalis in Oretanos Carpetanosque. qui
 duo populi, delectus acerbitate consternati, retentis conqui-
 sitoribus, metum defectionis quum præbuissem, oppressi
 celeritate Hannibalis, omiserunt mota arma.

XII. Nec Saguntæ obpugnatio segnior erat, Maharbale,
 Himilconis filio, (eum^d prælecebat Hannibal) ita impigre rem
 agente, ut ducem abesse nec cives, nec hostes sentirent. Is
 et prælia aliquot secunda fecit, et tribus arietibus⁵⁷ aliquan-
 tulum^e muri discussit; strataque omnia recentibus ruinis
 advenienti Hannibali ostendit. Itaque ad ipsam arcem ex-
 templo ductus exercitus, atroxque prælium cum multorum
 utrimque cæde initum, et pars arcis capta est. Tentata Pax frustra
 deinde per duos est exigua pacis spes, Alconem Sagunti- tentata.
 num, et Alorcum Hispanum. Alcon, insciis Saguntinis,
 precibus aliquid moturum ratus, quum ad Hannibalem noc-
 tu transisset, postquam nihil lacrimæ movebant, conditio-
 nesque tristes, ut ab irato victore, ferebantur, transfuga ex
 oratore factus, apud hostem mansit; moriturum adfirmans,
 qui sub conditionibus his de pace ageret. Postulabatur
 autem, redderent res Turdetanis; traditoque omni auro at-
 que argento, egressi urbe cum singulis vestimentis ibi habi-
 tarent, ubi Pœnus jussisset. Has pacis leges abnuente Al-
 cone accepturos Saguntinos, Alorcus, vinci animos,⁵⁸ ubi
 alia vincantur, adfirmans, se pacis ejus interpretem fore pol-
 licetur. Erat autem tum miles Hannibalis; ceterum⁵⁹ pub-
 lice Saguntinis amicus atque hospes. Tradito palam telo
 custodibus hostium, transgressus munimenta, ad prætorem
 Saguntinum (et ipse ita jubebat) est deductus. quo quum
 extemplo concursus omnis generis hominum esset factus,
 submota cetera multitudine, senatus Alorco datus est: cujus
 talis oratio fuit.

XIII. Si civis vester Alcon, sicut ad pacem petendam ad Alorci ora-
 Hannibalem venit, ita pacis condiciones ab Hannibale ad vos tio de pace.
 retulisset, supervacaneum hoc mihi fuisset iter, quo nec orator
 Hannibalis, nec transfuga ad vos venissem. Quum ille, aut
 vestra, aut sua culpa, manserit apud hostem, (si metum simu-
 lavit, sua; vestra, si periculum est apud vos vera referentibus)

^d quem Gron. Crev.

^e aliquantum Crev.

⁵⁷ Aliquantum muri] Hic opera-
 ram incuria mendum irrepsit in Gro-
 novianas editiones, aliquantulum.
 Vetustius cusi, cum uno e scriptis
 nostris, præferunt aliquantum, quo

modo edidimus.

⁵⁸ Ubi alia vincantur] Alia, nempe
 urbs, vires, arma.

⁵⁹ Publice Saguntinis amicus] Po-
 puli Saguntini amicus.

U. C. 534. *ego, ne ignoraretis, esse aliquas et salutis et pacis vobis condi-*
 A. C. 218. *tiones, pro vetusto hospitio, quod mihi vobiscum est, ad vos veni.*
Vestra autem caussa me, nec ullius alterius, loqui, quæ loquor
apud vos, ⁶⁰ vel ea fides sit, quod, neque dum vestris viribus
restitistis, neque dum auxilia ab Romanis sperastis, pacis um-
quam apud vos mentionem feci. Postquam nec ab Romanis vobis
ulla spes est, nec vestra jam aut arma vos, aut moenia satis de-
fendunt, pacem adfero ad vos magis necessariam, quam æquam.
cujus ita aliqua spes est, si eam quemadmodum ut victor fert
Hannibal, sic vos ut victi audiat: si non id, quod amittitur,
in damno, (quum omnia victoris sint) sed, quidquid relinquitur,
pro munere habituri estis. Urbem vobis, quam ex magna jam
parte dirutam, captam fere totam habet, adimit, agros relinquit,
locum adsignaturus, in quo novum oppidum ædificetis: aurum
argentumque omne, publicum privatumque, ad se jubet deferri:
⁶¹ *conjugum vestraque corpora ac liberorum vestrorum seruat*
inviolata, si inermes ⁶² cum binis vestimentis velitis ab Sagunto
exire. Hæc victor hostis imperat. Hæc, quamquam sint gravia
atque acerba, fortuna vestra vobis suadet. Equidem haud de-
spero, ⁶³ quum omnium potestas ei facta sit, aliquid ex his rebus
remissurum. Sed vel ⁵ hæc patienda censeo potius, quam tru-
cidari corpora vestra, rapi trahique ante ora vestra conjuges
ac liberos belli jure sinatis.

Captum
Saguntum.

XIV. Ad hæc audienda quum, circumfusa paullatim mul-
 titudine, permixtum senatui esset populi concilium; repente
 primores, secessione facta, (priusquam responsum daretur)
 argentum aurumque omne, ex publico privatoque in forum
 conlatum, in ignem ad id raptim factum conjicientes, eodem
 plerique semet ipsi præcipitaverunt. Quum ex eo pavor ac
 trepidatio totam urbem pervasisset, alius insuper tumultus
 ex arce auditur. Turris diu quassata prociderat: perque
 ruinam ejus cohors Pœnorum inpetu facto quum signum
 imperatori dedisset, nudatam stationibus custodiisque solitis
 hostium esse urbem; non cunctandum in tali occasione ra-
 tus Hannibal, totis viribus adgressus urbem, momento ce-
 pit, signo dato, ut omnes puberes interficerentur. quod im-
 perium crudele, ceterum prope necessarium ⁶⁴ cognitum ip-

f add. a vobis Gron.

g vel del. Gron. Crev.

⁶⁰ *Vel ea fides sit]* Hoc unum ar-
 gumento esse potest.

⁶¹ *Conjugum vestraque corpora ac*
liberorum] Decentior est ordo quem
 servant quidam scripti: *corpora ves-*
tra, conjugum ac liberorum vestro-
rum.

⁶² *Cum binis vestimentis]* Supra c.
 12. Annibal postulat, ut cum singulis
 vestimentis Saguntini exeant. Itaque

recte videtur Lipsius hic reponere:
cum privis, i. e. singulis, vestimentis.
 Tametsi vox illa paulo rarioris est
 usus.

⁶³ *Quum omnium potestas ei facta*
sit] Vulgo *a vobis facta sit.* Sed *et a*
vobis ignorant omnes scripti, tum
 Gronoviani, tum nostri.

⁶⁴ *Cognitum in ipso eventu est]*
 Duo scripti a Gronovio allegati, et

so^h eventu est. Cui enim parci potuit ex iis, qui aut inclusi U. C. 534, cum conjugibus ac liberis domos super se ipsos concremaverunt, aut armati nullum ante finem pugnae, quam morientes, fecerunt? A. C. 218.

XV. Captum oppidum est cum ingenti praeda. Quamquam pleraque ab dominis de industria corrupta erant, et in caedibus vix ullum discrimen ætatis ira fecerat, et captivi militum praeda fuerant; tamen et ex pretio rerum venditarum aliquantum pecuniæ redactum esse constat, et multam pretiosam supellectilem vestemque missam Karthaginem. Octavo mense, quam coeptum obpugnari, captum Saguntum, quidam scripsere: inde Karthaginem novam in hiberna Hannibalem concessisse: quinto deinde mense, quam ab Karthagine profectus sit, in Italiam pervenisse. Quæ si ita sunt, fieri non potuit, ut P. Cornelius, Ti. Sempronius consules fuerint, ad quos et principio obpugnationis legati Saguntini missi sint, et qui in suo magistratu cum Hannibale, alter ad Ticinum amnem, ambo aliquanto post ad Trebiam, pugnaverint. Aut omnia breviora aliquanto fuere, ⁶⁵ aut Saguntum principio anni, quo P. Cornelius, Ti. Sempronius consules fuerunt, non coeptum obpugnari est, sed captum. Nam excessisse pugna ad Trebiam in annum ⁶⁶ Cn. Servilii et C. Flamini non potest: quia Flaminus Arimini consulatum iniit, creatus ab Ti. Sempronio consule; qui, post pugnam ad Trebiam ad creandos consules Romam quum venisset, comitiis perfectis ad exercitum in hiberna rediit.

XVI. Sub idem fere tempus et legati, qui redierant a Karthagine, Romam retulerunt, omnia hostilia esse, et Sagunti excidium nunciatum est: tantusque simul moeror Capto Sagunto trepidant Romani. Patres, misericordiaeque sociorum peremtorum indigne, et pudor non lati auxilii, et ira in Karthaginienses, metusque de summa rerum cepit, velut si jam ad portas hostis esset;

^h in ipso Gron. Crev.

ⁱ C. del. Gron.

unus e nostris carent præpositione in: nec sane illa indiget oratio.

⁶⁵ Aut Saguntum principio anni captum] Omnino necesse est, ut Saguntum non principio hujus anni, sed aliquanto ante finem superioris captum fuerit. His enim temporibus consules Idibus Martiis magistratum inibant. Vid. XXII. 1. XXVI. 1. XXVII. 7. Infra autem c. 21. Annibalem videmus primo vere profectum esse ex Hispania, postquam totum tempus hiemis renovandis quiete et otio militum corporibus animisque datum esset. Unde colligitur Anni-

balem eodem fere tempore Carthagine Nova movisse, quo hi consules, P. Cornelius et Ti. Sempronius magistratum inierunt; Saguntum autem captum esse sub finem ætatis ejus anni, quo M. Livius et L. Æmilius consules fuere. Atque ita habet Polybius, a quo hac in re discessisse Livium mirum est, qui eum hic passim fere exscribit.

⁶⁶ Cn. Servilii et C. Flamini] Prænomen Flamini, quod in editis non comparebat, servant optimi e scriptis, tum Gronovianis, tum nostris: et al- ludunt ceteri.

U. C. 534.
A. C. 218.

ut, tot uno tempore motibus animi turbati, ⁶⁷ trepidarent magis, quam consulerent. Nam neque hostem acriorem bellicosiorumque secum congressum; neq. rem Romanam tam desidem umquam fuisse atque inbellem. Sardos, Corsosque, et Istros, atque Illyrios, ⁶⁸ lacessisse magis, quam exercuisse, Romana arma: et cum Gallis tumultuatum verius, quam belligeratum. Poenum, hostem veteranum, trium et viginti annorum militia durissima inter Hispanas gentes semper victorem, ⁶⁹ primum Hamilcare, deinde Hasdrubale, nunc Hannibale duce acerrimo adsuatum, recentem ab excidio opulentissimæ urbis, Iberum transire: trahere secum tot excitos Hispanorum populos: concitum avidas semper armorum Gallicas gentes, cum orbe terrarum bellum gerendum in Italia ac pro mœnibus Romanis esse.

Belli adparatus apud Romanos.

XVII. Nominatæ jam antea consulibus provinciæ erant; tum sortiri jussi. Cornelio Hispania, Sempronio Africa cum Sicilia evenit. Sex in eum annum decretæ legiones, et socium quantum ipsis videretur, et classis quanta parari posset. Quatuor et viginti peditum Romanorum millia sunt scripta, et mille octingenti equites: ⁷⁰ sociorum quadraginta millia^k peditum, quatuor^l millia et quadringenti^m equites: ⁷¹ naves ducentæ viginti quinqueres, ⁷² celoces viginti deductæ. Latum inde ad populum, *vellent, juberent, populo Karthaginensi bellum indici*. Ejusque belli causa supplicatio per urbem habita, atque adorati Dei, ut bene ac

^k millia l. quatuor Gron.
Ead.

^l quatuor etc. leg. et quatuor equitum millia
^m quatuor l. et quatuor millia quadringenti equites Crev.

⁶⁷ * *Trepidarent magis quam consulerent*] Tumultuarentur. potius, omnium incerti, et in varias partes animum versantes, quam quieti sedatique deliberarent.

⁶⁸ * *Lacessisse magis quam exercuisse*] Vetuisse potius ne omnino quiescerent, quam tanquam dignos adversarios, exercuisse Romana arma.

⁶⁹ *Primum Amilcare, deinde Asdrubale, nunc Annibale*] Hæc omnia omittunt plurimi scripti a Gronovio excussi, et omnes nostri. Sed et in nostris legitur *duci acerrimo*, non *duce*: quod amplectendum videtur. Scribamus ergo: *semper victorem, duci acerrimo assuetum*. Nisi si quod majus ulcus latet.

⁷⁰ *Sociorum XL. millia peditum, et IV. millia CCCC. equites*] Hos numeros emendandos curavimus ad mentem Gronovii, quum vulgo editi habeant *sociorum XLIV. peditum, et quatuor equitum millia*. Correxerit ille ex suis libris, quibus plane consen-

tiunt nostri. Similiter paulo infra pro *equitibus mille ducentis*, iisdem libris auctoribus dedimus *equitibus mille sexcentis*: et rursus pro *quatuordecim millia sociorum peditum*, edidimus *decem millia*.

⁷¹ *Naves . . quinqueres*] Naves quinque remorum ordinibus instructæ. Utrum autem hi remorum ordines per gradus et intervalla supra sese invicem assurgerent, an vero in longitudinem tantum secundum latum navis porrigerentur, magna inter doctos controversia est. Priorem opinionem tuetur Auctor Antiquitatis Schematibus illustratæ, compluribus in eam rem allatis et testimoniis scriptorum veterum, et antiquis monumentis. Eam tamen impugnari fatetur unanimi peritorum omnium artis nauticæ consensu, qui id omnino fieri potuisse negant. Eum vide Tom. VIII. l. II. c. 8. et seq.

⁷² *Celoces*] Levia navigia sine rostris.

feliciter eveniret, quod bellum populus Romanus jussisset, U. C. 534. Inter consules ita copiae divisae. Sempronio datæ legiones A. C. 218. duæ, (⁷³ ea quaterna millia erant peditum, et trecenti equites) et ^a sociorum sexdecim millia peditum, equites mille octingenti: naves longæ centum sexaginta, celoces duodecim. Cum his terrestribus maritimisque copiis Ti. Sempronius missus in Siciliam; ita in Africam transmissurus, si ad arcendum Italia Pœnũ consul alter satis esset. Cornelio minus copiarum datum, quia ⁷⁴ L. Manlius prætor et ipse cum haud invalido præsidio ⁷⁵ in Galliam mittebatur. Navium maxime Cornelio numerus deminutus. sexaginta quinqueremes datæ (neque enim mari venturum, aut ea parte belli dimicaturum hostem credebant) et duæ Romanæ legiones cum suo justo equitatu, et quatuordecim millibus sociorum peditum, ⁷⁶ equitibus mille sexcentis^o. Duas legiones Romanas, et decem ^p millia sociorum peditum, mille equites socios, sexcentos Romanos Gallia provincia ⁷⁷ eodem anno versa in Punicum bellum habuit.

XVIII. His ita comparatis, ut omnia justa ante bellum Legati missi fierent, legatos maiores natu, Q. Fabium, M. Livium, L. Karthaginiem. Æmiliũ, C. Licinium, Q. Beebium, in Africam mittunt ad percunctandos Karthaginienses, publicone consilio Hannibal Seguntum obpugnasset? et si, id quod facturi videbantur, faterentur, ac defenderent publico consilio factum, ut indicerent populo Karthaginiensi bellum. Romani postquam Karthaginem venerunt, quum senatus datus esset, et Q. Fabius nihil ultra, quam unum, quod mandatum erat, percunctatus esset; tum ex Karthaginiensibus unus: ⁷⁸ Præ-

^a et del. Gron. Crev.

^o ducentis Gron.

^p quatuordecim Ead.

⁷³ *Ea quaterna millia erant peditum*] Intelligenda sunt quaterna in singulas legiones; et pariter trecenti, sic enim mallemus, equites in singulas.

⁷⁴ *L. Manlius prætor*] Prætores hoc anno fuerunt, ut ex variis Livii locis colligitur, L. Manlius Vulso, M. Æmilius Lepidus, C. Atilius Serranus, C. Terentius Varro. Horum L. Manlius Galliam, M. Æmilius Siciliam obtinuerunt. C. Atilio videtur primo obtigisse peregrina jurisdictio, deinde, ingravescente bello, Ligures. C. Terentius urbanam jurisditionem sortitus, et, absente Atilio, peregrinam quoque exercuisse videtur.

⁷⁵ *In Galliam*] Cisalpinam.

⁷⁶ *Equitibus mille sexcentis*] Hic, et paulo infra decem millia, vid. not. 70. supra.

⁷⁷ *Eodem anno*] Vox anno neque in MSS. neque in antiquioribus editis

reperitur; unde Gronovius eam delet, et eodem mutat in nondum. *Gallia provincia nondum versa in Punicum bellum*: i. e. ut exponit ipse emendator, priusquam ea adducerent consules copias suas Annibali opponendas, priusquam ea sedes et campus Punici belli fieret.

⁷⁸ *Præcepta vestra, Romani, et prior*] Hanc lectionem ex antiquioribus editis et veteribus scriptis adstruit Gronovius: Dujatius admisit: firmant quoque nostri codd. *Præcepta* est temeraria, inconsiderata, a præpropero et fervido consilio profecta. Ceterum dubitamus, an sic quoque locus omnino sanus sit. In iis enim quæ, sequuntur, hæ voces adhuc lenior videntur indicare aliquid de lenitate præmissum esse: nisi si forte ibi legendum est, *verbis lenior est, re adhuc asperior*. Hoc loco vulgati ha-

U. C. 534. *ceps vestra, Romani, et^a prior legatio fuit, quum Hannibalem;*
 A. C. 218. *tamquam suo consilio Saguntum obpugnantem deposcebatis :*
ceterum hæc legatio verbis adhuc lenior est, re asperior. Tunc
enim Hannibal et insimulabatur, et deposcebatur. nunc ab
nobis et confessio culpæ exprimitur: et, ut a confessis, res
extemplo repetuntur. Ego autem non, privato publiconè consi-
lio Saguntum obpugnatum sit, quærendum censeam: sed utrum
jure, an injuria. Nostra enim hæc quæstio atque animadversio
in civem nostrum est; nostro, an suo fecerit arbitrio. Vobis-
cum una disceptatio est, licueritne per fœdus fieri. Itaque
quoniam discerni placet, quid publico consilio, quid sua sponte
imperatores faciant; nobis vobiscum fœdus est a Lutatio con-
sule ictum: in quo quum caveretur^r utrorumque sociis, nihil de
Saguntinis (nec dum enim erant socii vestri) cautum est. At
enim eo fœdere, quod cum Hasdrubale ictum est, Saguntini ex-
ciuntur. adversus quod nihil ego dicturus sum, nisi quod a
vobis didici. Vos enim, quod C. Lutatius consul primo nobis-
cum fœdus icit, quia neque auctoritate Patrum, nec populi
jussu ictum erat, negastis vos eo teneri. itaque aliud de integro
fœdus publico consilio ictum est. Si vos non tenent vestra fœ-
dera, nisi ex auctoritate aut jussu vestro icta; ne nos quidem
Hasdrubalis fœdus, quod nobis insciis icit, obligare potuit.
Proinde omittite Sagunti atque Iberi mentionem facere, et,
quod diu parturit animus vester, aliquando pariat. Tum Ro-
manus, sinu ex toga facto, Hic, inquit, vobis bellum et pacem
portamus; utrum placet, sumite. Sub hanc vocem haud minus
ferociter, daret, utrum vellet, subclamatum est. et quum is
iterum sinu effuso bellum dare dixisset, accipere se omnes re-
sponderunt, et, quibus acciperent animis, iisdem se gesturos.

Bellum in-
dicunt.

Disceptatio
de fœderum
jure.

XIX. Hæc directa percunctatio ac denunciatio belli magis ex dignitate populi Romani visa est, quam de fœderum jure verbis disceptare, quum ante, tum maxime Sagunto excisa. nam, si verborum disceptationis res esset, ⁷⁹ quid fœdus Hasdrubalis cum Lutatii priore fœdere, quod^t mutatum est, comparandum^u erat? quum in Lutatii fœdere diserte additum esset, *ita id ratum fore, si populus censuisset;* in Hasdrubalis fœdere nec exceptum tale quidquam fuerit, et tot annorum silentio ita vivo eo comprobatum sit fœdus, ut ne mortuo quidem auctore quidquam mutaretur. Quam-

^a unus:—et l. unus princeps: Vana, Romani, inquit, et Gron.
 caveretur leg. cavetur Gron. Crev. ^r quum
 commutatum Ead. ^t quod Gron. ^u erat l. non erat Ead. ^u quod mutatum leg.

bent: tum ex Carthaginiensibus unus princeps, Vana, Romani, inquit, et prior.

⁷⁹ Quid fœdus] Hanc lectionem, quam ex duobus MSS. codicibus affert Gronovius, non dubitavimus in

textum recipere. Quid intellige qua in re, quam ratione. Prius legebatur: Quid fœdus Asdrubalis cum Lutatii priore fœdere commutatum est, comparandum non erat: aut nullo, aut perobscuro sensu.

quam, ⁸⁰etsi priore foedere staretur, satis cautum erat Sa- u. c. 534.
guntinis, sociis utrorumque exceptis. nam neque additum A. C. 218.
erat, iis, qui tunc essent: nec, ne qui postea adsumerentur. et
quum adsumere novos liceret socios, quis æquum censeret,
aut ob nulla quemquam merita in amicitiam recipi? aut re-
ceptos in fidem non defendi? ⁸¹tantum, ne Karthaginien-
sium socii aut sollicitarentur ad defectionem, aut sua sponte
⁸²desciscentes reciperentur. Legati Romani ab Karthagine, Legati Ro-
sicut his Romæ imperatum erat, in Hispaniam, ⁸³ut adirent, mani in
civitates, ut in societatem perlicerent, aut averterent a Pœ- Hispaniam
nis, trajecerunt. Ad Bargusios primum venerunt: a quib- trajiciunt.
us benigne excepti, quia tædebat imperii Punici, multos
trans Iberum populos ad cupidinem novæ fortunæ erexe-
runt. Ad Volcianos inde est ventum: quorum celebre per
Hispaniam responsum ceteros populos ab societate Romana
avertit. ita enim maximus natus ex iis in concilio respondit:
*Quæ verecundia est, Romani, postulare vos², uti vestram Kar-
thaginensium amicitiae præponamus, quum, qui id fecerunt,
Saguntinos crudelius, quam Pœnus hostis perdidit, vos socii
prodideritis? ibi quæratiss socios, censeo, ubi Saguntina clades
ignota est. Hispanis populis, sicut lugubre, ita insigne docu-
mentum Sagunti ruinæ erunt, ne quis fidei Romanæ aut socie-
tati confidat.* Inde extemplo abire finibus Volcianorum
jussi, ab nullo deinde concilio Hispaniæ benigniora verba
tulere. itaque nequidquam peragrata Hispania, ⁸⁴in Galliam
transeunt.

² Romani, postulare vos, leg. vos, R. p. Gron. Crev.

⁸⁰ *Etsi priore foedere*] Hic intelli-
gendum est foedus illud Lutatii, quod
publico consilio ictum est, et prius
vocatur, ob foedus Asdrubalis, quod
aliquot post annis secutum est.

⁸¹ *Tantum, ne Carthaginensium*] Id tantum cavendum, servandum
erat, ne

⁸² *Desciscentes reciperentur*] Hæc
omnia, quæ Romanorum causæ fa-
vent, diligenter excerpsit e Polybio
Livius. At id omittere fortasse non
debuerat, quod ille eximia fide com-
mendatus scriptor addit: conceden-
dum quidem necessario esse, Cartha-
ginienses injuste hoc bellum susce-
pisse, si quis hujus belli originem et
causam a solo Sagunti exscidio ducat.
Sin autem belli causa esse dicatur
Sardinia, stipendio etiam mille et du-
centorum talentorum superimposito,
per fraudem intercepta; juste omni-
no Carthaginenses occasione invita-
tos ab iis pœnas exigere voluisse, qui
per occasionem temporum ipsis no-

cuerant.

⁸³ *Ut adirent civitates, ut in socie-
tatem*] Melius videretur, quod Gro-
novius legi jubet: *ut adirent civitates,
et aut in societatem perlicerent, aut . .*

⁸⁴ *In Galliam transeunt.* In his
nova] Hic perspicuum est aliquid es-
se vitii, et requiri nomen gentis aut
urbis, ad quam venerint primo Ro-
mani in Galliam transgressi. Hoc
permulti viderunt: solus Jac. Grono-
vius feliciter emendasse videtur. Ju-
bet ille legi: *in Galliam transeunt.*
Ruscinone terribilis species visa est.
Juvant ejus conjecturam et loci situs,
et mentio Ruscinonis ab Livio bis
facta, infra c. 24. Attamen *et nova* ita
huic quæ narratur rei congruere vi-
detur, ut illud eliminari non facile
patiamur. Et cum illa voce haud æ-
gre coalescere potuerunt duæ postre-
mæ syllabæ *et Ruscinone*. Legimus
ergo: *Ruscinone nova terribilisque
species.*

U. C. 534.
A. C. 218.
Gallos ad-
eunt.

XX. In his nova terribilisque species visa est, quod armati (ita mos gentis erat) in conciliam venerunt. quumque verbis extollentes gloriam virtutemque populi Romani ac magnitudinem imperii, petissent, ne Poeno, bellum Italiae inferenti, per agros urbesque suas transitum darent; tantus cum fremitu risus dicitur ortus, ut vix a magistratibus maioribusque natu juvenus sedaretur. ⁸⁵ Adeo stolidi impudensque postulatio visa est, censere, ne in Italiam transmittant Galli bellum, ipsos id avertere in se, agrosque suos pro alienis populandos objicere. Sedato tandem fremitu, responsum legatis est, *Neque Romanorum in se meritum esse, neque Karthaginensium injuriam, ob quæ aut pro Romanis, aut adversus Pœnos sumant arma. Contra ea audire sese, gentis suæ homines agris finibusque Italiae pelli a populo Romano, stipendiumque pendere, et cetera indigna pati.* Eadem ferme in ceteris Galliae conciliis dicta auditaque: nec hospitale quidquam pacatumve satis prius auditum, quam Massiliam venere. ⁸⁶ Ibi omnia, ab sociis inquisita cum cura ac fide, cognita, *præoccupatos jam ante ab Hannibale Gallorum animos esse. sed ne illi quidem ipsi satis mitem gentem fore, (adeo ferocia atque indomita ingenia esse) ni subinde auro, cujus avidissima gens est, principum animi concilientur.* Ita peragratis Hispaniae et Galliae populis, legati Romam redeunt, haud ita multo post, quam consules in provincias profecti erant. civitatem omnem in expectationem belli erectam invenerunt, satis constante fama, jam Iberum Pœnos transmississe.

Hannibalis
oratio ad
milites.

XXI. Hannibal, Sagunto capto, Karthaginem novam in hiberna concesserat. ibique, auditis, quæ Romæ, quæque Karthagine acta decretaque forent, seque non ducem solum, sed etiam causam esse belli, partitis divenditisque reliquiis prædæ, nihil ultra differendum ratus, Hispani generis milites convocat: *Credo ego vos, inquit, socii, et ipsos cernere, pacatis omnibus Hispaniae populis, aut finiendam nobis militiam, exercitusque dimittendos esse: aut in alias terras transferendum bellum: ita enim hæ gentes non pacis solum, sed etiam victoriae, bonis florebunt, si ex aliis gentibus prædam et gloriam quæremus. Itaque, quam longinqua ab domo instet militia, incertumque sit, quando domos vestras, et* ⁸⁷ *quæ cuique ibi cara*

ante del. Gron.

⁸⁵ Adeo stolidi . . postulatio visa est, censere] Dele cum Gronovio supervacaneum verbum, censere.

⁸⁶ Ibi omnia] Ibi cognita sunt omnia, quippe quæ socii cum cura ac fide inquisierant; nempe *præoccupatos jam ante* (sic enim habent optimæ

membranae, vulgo omittitur ante) ab Annibale animos.

⁸⁷ Quæ cuique ibi cura sint] Melius codex Puteanus, et unus e Gronovianis, sunt. Nihil enim hic dubitationis est.

sunt², viseri sitis, si quis vestrum suos invisere vult, comneatum U. C. 594.
do. Primo vere, edico, adsitis: ut, Diis bene juvantibus, bel- A. C. 218.
lum ingentis gloriæ prædæque futurum incipiamus. Omnibus

fere visendi domos oblata ultro potestas grata erat, et jam desiderantibus suos, et longius in futurum providentibus desiderium. Per totum tempus hiemis quies inter labores, aut jam exhaustos, aut mox exhauriendos, renovavit corpora animosque ad omnia de integro patienda. Vere primo ad

edictum convenere. Hannibal, quum recensuisset omnium Adparatus
auxilia gentium, Gades profectus Herculi vota exsolvit: Hannibalis
novisque se obligat votis, si cetera prospera evenissent. In- ad bellum.

de partiens curas⁸⁸ simul in inferendum atque arcendum bellum, ne, dum ipse terrestri per Hispaniam Galliasque itinere Italiam peteret, nuda apertaue Romanis Africa ab Sicilia esset, valido præsidio firmare eam^a statuit. Pro eo supplementum ipse ex Africa, maxime jaculatorum, levium armis, petiit; ut Afri in Hispania, in Africa Hispani^b, melior procul ab domo futurus uterque miles, velut mutuis pignoribus obligati, stipendia facerent. Tredecim millia octingentos quinquaginta pedites⁸⁹ cætratos misit in Africam, et funditores Baliares^c octingentos septuaginta: equites mixtos ex multis gentibus mille ducentos. Has copias partim Karthagini præsidio esse, partim distribui per Africam jubet. simul conquisitoribus in civitates missis, quatuor millia conscripta delectæ juventutis, præsidium eosdem et obsides, duci Karthaginem jubet.

XXII. Neque Hispaniam neglegendam ratus, (⁹⁰ atque ideo haud minus, quod haud ignarus erat, circumitam ab Romanis eam legatis ad sollicitandos principum animos) Hasdrubali fratri, viro inpigro, eam provinciam destinat, firmatque eum Africis maxime præsidiis, peditum Afrorum undecim millibus octingentis quinquaginta, Liguribus trecentis, ⁹¹ Baliaribus quingentis. ad hæc peditum auxilia additi equites ⁹² Libyphœnices (mixtum Punicum Afris genus) trecenti^d, et Numidæ Maurique adcolæ Oceani ad mille octingentos, et parva Ilergetum manus ex Hispania, ducenti equites: et, ne quid^e terrestris deesset auxiliî genus,

² sint Gron. Crev.

^a eam l. et eam Eæd.

^b in Afr. Hisp. leg.

Hisp. in A. Eæd.

^c Balaeres Eæd.

^d quadringenti et quinquaginta

Crev.

^e quod Eæd.

⁸⁸ Simul in inferendum atque arcendum] Sic habent scripti, et Gronoviani, et nostri, nisi quod particula in a Gronovio adjecta est. Olim simul inferendi atque arcendi.

⁸⁹ Cætratos]. De cetra vid. not. ad l. XXVIII. c. 5.

⁹⁰ Atque ideo haud minus] Delenda est vocula haud, quæ sensum corrum-

pit.

⁹¹ Baliaribus quingentis] Deest numerus apud nostrum. Adjecit eum Sigonius ex Polybio, e quo hæc omnia desumpta sunt.

⁹² Libyphœnices . . . CCCCL.] Olim CCC. et. Emendatum est itidem ex Polybio. Nimirum ~~et~~ cl in fine numeri transierat in et, facili errore.

U. C. 534. elephantum quatuordecim. classis præterea data ad tuendam
A. C. 218. maritimam oram, (quia, qua parte belli vicerant, ea tum
quoque rem gesturos Romanos, credi poterat) quinquaginta
quinqueremes, quadriremes duæ, triremes quinque: sed
⁹³ aptæ instructæque remigio triginta et duæ quinqueremes
erant, et triremes quinque. Ab Gadibus Karthaginem ad
hiberna exercitus rediit. atque inde, profectus præter Eto-
vissam urbem, ad Iberum maritimamque oram ducit. Ibi,
Somnium Hannibalis fama est, in quiete visum ab eo juvenem divina specie, qui se
*ab Jove diceret ducem in Italiam Hannibali missum: proinde
sequeretur, neque usquam a se deflecteret oculos.* Pavidum
primo, nusquam circumspicientem aut respicientem, secu-
tum; deinde, cura humani ingenii, quum, quidnam id esset,
quod respicere vetitus esset, agitare animo, temperare ocu-
lis nequivisse; tum vidisse, post sese serpentem mira mag-
nitudine cum ingenti arborum ac virgultorum strage ferri,
ac post insequi cum fragore coeli nimbum: tum, *quæ moles
ea, quidve prodigii esset, quærentem audisse: Vastitatem
Italiae esse. pergeret porro ire, nec ultra inquireret, sineretque
fata in occulto esse.*

Hannibal
Iberum
transit.

Pyrenæum
saltum su-
perat.

XXIII. Hoc visu lætus tripartito Iberum copias traje-
cit, præmissis, qui Gallorum animos, qua traducendus exer-
citus erat, donis conciliarent, Alpiumque transitus specula-
rentur. nonaginta millia peditum, duodecim millia equitum
Iberum traduxit. Ilergetes inde, Bargusiosque, et Auseta-
nos, et ⁹⁴ Lacetaniam, quæ subjecta Pyrenæis montibus est,
subegit: oræque huic omni præfecit Hannonem, ut fauces,
quæ Hispanias Galliis jungunt, in potestate essent. Decem
millia peditum Hannoni ad præsidium ⁹⁵ obtinendæ regionis
data, et mille equites. Postquam per Pyrenæum saltum
traduci exercitus est coeptus, rumorque per barbaros mana-
vit certior de bello Romano; tria millia inde Carpetanorum
peditum iter averterunt. constabat, non tam bello motos,
quam longinquitate viæ insuperabilique Alpium transitu.
Hannibal, quia revocare aut vi retinere eos anceps erat, ne
ceterorum etiam feroces animi irritarentur, supra septem
millia hominum domos remisit, ⁹⁶ quos et ipse gravari mi-
litia senserat, Carpetanos quoque ab se dimissos simulans.

XXIV. Inde, ne mora atque otium animos sollicitarent,

^f add. est Gron. Crev.

⁹³ * *Aptæ*] Convenienter ornatae.
Infra XXX. 10. *nautico instrumento
aptae classi.*

⁹⁴ *Lacetaniam*] Prius hic legeba-
tur *Aquitaniam*: corrupte. Neque
enim adhuc Annibal in Galliam tra-
jecerat. Correxerit Sigonius felici con-
jectura *Lacetaniam*, quæ regio est

Hispaniæ subjecta Pyrenæo.

⁹⁵ * *Obtinendæ*] Tenendæ, servan-
dæ.

⁹⁶ *Quos et ipse gravari militia*] Muretus ac Gronovius legi jubent:
*quos et ipsos gravari militiam sense-
rat.*

cum reliquis copiis Pyrenæum transgreditur, et ad oppidum U. C. 534.
 Illiberi³ castra locat. Galli quamquam Italiæ bellum in- A. C. 218.
 ferri audiebant, tamen, quia vi subactos trans Pyrenæum
 Hispanos fama erat, præsidiaque valida inposita, metu
 servitutis ⁹⁷ ad arma consternati, Ruscinonem aliquot populi
 conveniunt. quod ubi Hannibali nunciatum est, moram
 magis, quam bellum, metuens, oratores ad regulos eorum Gallos sibi
 misit, *conloqui semet ipsum velle cum his; et vel illi propius* conciat.

Illiberi accederent, vel se Ruscinonem processurum, ut ex pro-
pinquo congressus faciliior esset: nam et acceperunt eos in
castra sua se lætum, nec cunctanter se ipsum ad eos venturum.
Hospitem enim se Galliæ, non hostem, advenisse: nec strictu-
rum ante gladium, si per Gallos liceat, quam in Italiam ve-
nisset. Et per nuncios quidem hæc. Ut vero reguli Gallo-
 rum, castris ad Illiberim extemplo motis, haud gravate ad
 Poenum venerunt; capti donis, cum bona pace exercitum
 per fines suos præter Ruscinonem oppidum transmiserunt.

XXV. In Italiam interim nihil ultra, quam Iberum
 transisse Hannibalem, a Massiliensium legatis Romam per-
 latum erat: quum perinde, ac si Alpes jam transisset, Boii, Boii in Ita-
 sollicitatis Insubribus, defecerunt; nec tam ob veteres in lia rebel-
 populum Romanum iras, quam quod nuper circa Padum, lant.
 Placentiam Cremonamque colonias in agrum Gallicum de-
 ductas ægre patiebantur. Itaque, armis repente adreptis,
 in eum ipsum agrum inpetu facto, tantum terroris ac tu-
 multus fecerunt, ut non agrestis modo multitudo, sed ipsi
 triumviri Romani, qui ad agrum venerant adsignandum,
 diffusi Placentiæ mœnibus, Mutinam confugerint, C. Luta-
 tius, C. Servilius, T. Annius. Lutatii nomen haud dubium
 est. pro C. Servilio et T. Annio, Q. Acilium et C. Heren-
 nium habent quidam annales: alii P. Corneliū Asinam et
 C. Papirium Masonem. Id quoque dubium est, legati, ad
 exostulandum missi ad Boios^b, violati sint, an in trium-
 viros agrum metantes inpetus sit factus. Mutinæ quum Mutina ob-
 obsiderentur, et gens, ad obpugnandarum urbium artes sessa.
 rudis, pigerrima eadem ad militaria opera, segnis intactis
 adsideret muris, simulari cœptum de pace agi. evocatique
 ab Gallorum principibus legati ad conloquium, non contra
 jus modo gentium, sed violata etiam, quæ data in id tem-
 pus erat, fide, comprehenduntur; negantibus Gallis, nisi
 obsides sibi redderentur, ⁹⁸ eos dimissuros. Quum hæc de

³ Illiberim Crev.

^b ad Boios missi Gron. Crev.

⁹⁷ * Ad arma consternati] Concitati
 ad arma capiendā. Eodem modo lo-
 cutus est Livius VII. 42. ad arma
 consternatum. Et sæpius apud nos-
 trum verbum consternare de furore

dicitur, quam de pavore. Sic VIII. 27.
 tumultu etiam sanos consternante ani-
 mos: et XXXIV. 2. consternatio mul-
 tibus.

⁹⁸ Eos dimissuros] Auctiores sunt,

U. C. 534.
A. C. 218.
Manlius
prætor
male rem
gerit.

legatis nunciata essent, et Mutina præsidiumque in periculo esset, L. Manlius prætor, ira accensus, effusum agmen ad Mutinam ducit. Silvæ tunc circa viam erant, plerisque incultis. ibi, inexplorato profectus, ⁹⁹ in insidias præcipitatus, multaue cum cæde suorum ægre in apertos campos emer- sit. ibi castra communita; et, quia Gallis ad tentanda ea defuit spes, refecti sunt militum animi, quamquam ¹ accisas res satis constabat. Iter deinde de integro cœptum; nec, dum per patentia loca ducebatur agmen, ² adparuit hostis; ubi rursus silvæ intratæ, tum postremos adorti, cum magna trepidatione ac pavore omnium, octingentos milites occide- runt, sex signa ademere. Finis et Gallis territandi, et pa- vendi Romanis fuit, ut e¹ saltu invio atque inpedito eva- sere. inde, apertis locis facile tutantes agmen, Romani Ta- netum, vicum propinquum Pado, contendere: ibi se muni- mento ad tempus com meatibusque fluminis et Brixianorum Gallorum auxilio, adversus crescentem in dies multitudinem hostium, tutabantur.

XXVI. Qui tumultus repens postquam est Romani per- latus, et Punicum insuper Gallico bello auctum Patres ac- ceperunt; C. Atilium prætorem cum una legione Romanæ et quinque millibus sociorum, delectu novo a consule con- scriptis, auxilium ferre Manlio jubent: qui sine ullo certamine (abscesserant enim metu hostes) Tanetum pervenit. Et P. Cornelius, in locum ejus, quæ missa cum prætore fuerat, transcripta legione nova, profectus ab urbe sexaginta ³ longis navibus, præter oram Etruriæ Ligurumque, et inde Salyum montes, pervenit Massiliam, et ad proximum os- tium Rhodani (pluribus enim divisus annis in mare decur- rit) castra locat: vixdum satis credens, Hannibalem supe- rasse Pyrenæos montes. quem ut de Rhodani quoque trans- itu agitare animadvertit, incertus, quonam ei loco obcur- reret, necdum satis reffectis ab jactatione maritima militi- bus, trecentos interim delectos equites, ducibus Massiliensi- bus et auxiliaribus Gallis, ad exploranda omnia visendosque ex tuto hostes præmittit. Hannibal, ceteris metu aut præ- tio pacatis, jam in Volcarum pervenerat agrum, gentis va- lidæ. Colunt autem circa utramque ripam Rhodani: sed, diffusi citeriore agro arceri Poenam posse, ut flumen pro

P. Cornelius
Coss. cum
classe per-
venit Mas-
siliam.

¹ ex Gron. Crev.

et merito, Andreas, Campanus, et Si- gonius: eos se dimitturos.

⁹⁹ In insidias præcipitatus, multa- que] Vel delenda est particula que, quam aliquot editi non agnoscunt, vel legendum præcipitatur.

¹ Accisas res] Ex MSS. recte Gro- novius admonet legendum esse ad . . .

cecidisse. Numerus cæsorum in am- biguo est.

² Apparuit hostis] Ante Sigonium legebatur quæm apparuit. Ille parti- culam quæm merito erasit.

³ Longis navibus] Navibus bellicis. Vid. not. 12. ad c. 28. l. V.

munimento haberent; omnibus ferme suis trans Rhodanum U. C. 534. trajectis, ulteriorem ripam annis armis obtinebant. Ce- A. C. 218. teros adcolas fluminis Hannibal,⁴ et eorum ipsorum quos^k sedes tenuerant, simul perlicit donis ad naves undique contrahendas fabricandasque: simul et ipsi trajici exercitum, levarique quamprimum regionem suam tanta urgente hominum turba cupiebant. Itaque ingens coacta vis navium est lintriumque⁵ temere ad vicinalem usum paratarum: novasque alias primum Galli inchoantes cavabant ex singulis arboribus: deinde et ipsi milites, simul copia materiae, simul facilitate operis inducti, alveos informes, (nihil, dummodo innare aquae et capere onera possent, curantes) quibus se suaque transveherent, raptim faciebant.

XXVII. Jamque omnibus satis comparatis ad trajiciendum, terrebant ex adverso hostes, omnem ripam⁶ equites virique obtinentes: quos ut averteret, Hannonem, Bomilcaris filium, vigilia prima noctis, cum parte copiarum, maxime Hispanis, adverso flumine ire iter unius diei jubet; et, ubi primum possit^l, quam occultissime trajecto amni, circumducere agmen, ut, quum opus facto sit, adoriatur ab tergo hostem. Ad id dati duces Galli⁷ edocent^m, inde millia quinque et viginti ferme supra, parvae insulae circumfusus amnem, latiore, ubi dividebatur, eoque minus alto alveo, transitum ostendere. ibi raptim caesa materia ratesque fabricatae, in quibus equi virique et alia onera trajicerentur. Hispani⁸ sine ulla mole, in utres vestimentis coniectis, ipsi caetris subpositis incubantes, flumen tranavere. Et alius exercitus, ratibus junctis trajectus, castris prope flumen positus, nocturno itinere atque operis labore fessus, quiete unius diei reficitur, intento duce ad consilium opportune exsequendum. Postero die, profecti ex loco, prodito

Hannibalis
stratagema.

^k qui Gron. Crev.

^l posset Eaed.

^m educunt Gron.

⁴ *Et eorum ipsorum*] Et ex Volscis ipsis eos qui in sedibus suis manserant. Gronovius, elegantiore aliquanto e duobus scriptis lectionem profert: *et eorum ipsorum, quos sedes suae tenuerant*: id est, qui sedes suas relinquere non sustinuerant. Assentitur unus e codd. Hearnii, et nostri omnes, nisi quod duo carent *et suae*.

⁵ *Temere ad vicinalem usum paratarum*] Properanter et parum curiose structarum ad breves in vicina trajectus.

⁶ *Equites virique*] Sic et Caesar l. II. Civil. *Capti homines equitesque producebantur*. GRON.

⁷ *Edocent*] Sic duo scripti, alter Gronovio, alter nobis inspectus: at-

que id admisimus, quum vulgatum *educunt* nullo modo stare possit. *Ad id dati duces Galli edocent, ad millia quinque et viginti ferme inde*, id est ab eo loco ubi tum erant, *supra*, sive versus superiora amnis, *parvae insulae circumfusus amnem, latiore transitum ostendere*. Verbum *ostendere* pro praes. infinit. habendum est. Quomodo hic *inde millia quinque et viginti ferme supra*, sic et l. XL. c. 30. *Celtiberi, millia duo ferme inde, sub colle posuerunt castra*. Millia quinque et viginti passuum efficiunt amplius octo leucas nostrates.

⁸ *Sine ulla mole*] Sine ullo majore apparatu.

U. C. 534.
A. C. 218.
Trajicit
Rhodanum.

fumo significant, se transisse, et haud procul abesse. quod ubi accepit Hannibal, ne tempori deesset, dat signum ad trajiciendum. Jam paratas aptatasque habebat pedes lintres. ⁹ equites fere propter equos nantes navium agmen, ad excipiendum adversi inpetum fluminis parte superiore transmittens, tranquillitatem infra trajicientibus lintribus praebebat. Equorum pars magna nantes loris a puppibus trahebantur, praeter eos, quos ¹⁰ instructos frenatosque, ut exemplo egresso in ripam equiti usui essent, inposuerant in naves.

Elephanti
quomodo
trajecti.

XXVIII. Galli obscurant in ripam cum variis ululatibus cantuque moris sui, quatientes scuta super capita, vibrantesque dextris tela: ¹¹ quamquam et ex adverso terrebat tanta vis navium cum ingenti sono fluminis et clamore vario nautarum et militum, qui nitebantur perrumpere inpetum fluminis, et qui ex altera ripa trajicientes suos hortabantur. Jam satis paventes adverso tumultu terribilior ab tergo adortus clamor, castris ab Hannone captis. mox et ipse aderat, ancepsque terror circumstabat, ¹² et e navibus tanta vi armatorum in terram evadente^a, et ab tergo improvisa premente acie^o. Galli, ¹³ postquam, ultro^p vim facere conati, pellebantur^q, qua patere visum maxime iter, perrumpunt, trepidique in vicos passim suos diffugiunt. Hannibal, ceteris copiis per otium trajectis, spernens jam Gallicos tumultus, castra locat. Elephantorum trajiciendorum varia consilia fuisse credo: certe variata memoria actae rei. quidam, congregatis ad ripam elephantis, tradunt, ferocissimum ex iis irritatum ab rectore suo, quum refugientem in aquam nantem sequeretur, traxisse gregem, ¹⁴ ut quemque timen-

^a vis — evadens Gron. Crev.
Crev.

^o premebat acies Eaed.

^p ultro del.

^q ultro pellebantur Gron. Crev.

⁹ Equites fere propter equos nantes] Navium agmen superiore fluvii parte transmittens equites, qui fere, sive quorum plerique erant propter, seu prope equos nantes, tranquillitatem praebebat lintribus infra trajicientibus. Addit vocem fere, quia non omnes equites prope se habebant equos nantes. Siquidem, ut infra memoratur, aliquot equos instratos frenatosque in naves inposuerant.

¹⁰ Instructos frenatosque] Lege cum Gronovio ex auctoritate duorum codicum instratos.

¹¹ Quamquam et ex adverso] Recidenda videtur particula et.

¹² Et e navibus tanta vis] Lege omnino ex duobus scriptis a Gronovio allatis, a quibus unus e nostris

parum dissentit: et e navibus tanta vi armatorum in terram evadente, et ab tergo improvisa premente acie.

¹³ Postquam vim facere conati, ultro pellebantur] Postquam vim facere conati, non modo vana moliebantur, sed etiam pellebantur. In Jac. Gronovii editione male trajecta est vox ultro: postquam ultro vim facere conati. Non aspernanda tamen est unius codicis scriptura ab eodem allata: quam tuetur unus quoque e nostris. Postquam utroque, id est, in utramque partem, tum in eos qui a fronte, tum in eos qui a tergo adoriebantur, vim facere conati, pellebantur.

¹⁴ Ut quemque timentem] Prout quisque elephantorum timens altitudinem aquae, a vade destituebatur.

tem altitudinem destituerat vadum, inpetu ipso fluminis in U. C. 534. alteram ripam rapiente. Ceterum magis constat, ratibus A. C. 218. trajectos: ¹⁵ id ut tutius consilium ante rem foret, ita, acta re, ad fidem pronius est. Ratem unam, ducentos longam pedes, quinquaginta latam, a terra in amnem porrexerunt: quam, ne secunda aqua deferretur, pluribus validis retinaculis parte superiore ripæ religatam, pontis in modum humo injecta constraverunt; ut belluæ audacter velut per solum ingrederentur. altera ratis, æque lata, longa pedes centum, ad trajiciendum flumen apta, huic copulata est: et quum elephanti, per stabilem ratem, tamquam viam, prægredientibus feminis, acti, in minorem adplicatam transgressi sunt; extemplo resolutis, quibus leviter adnexa erat, vinculis, ab actuariis aliquot navibus ad alteram ripam pertrahitur: ita primis expositis, alii deinde repetiti ac trajecti sunt. Nihil sane trepidabant, donec continenti velut ponte agerentur. primus erat pavor, quum, ¹⁶ soluta ab ceteris rate, in altum raperentur. ibi, urgentes inter se, cedentibus extremis ab aqua, ¹⁷ trepidationis^r aliquantum edebant; donec quietem ipse timor circumspectantibus^s aquam fecisset. excidere etiam sævientes quidam in flumen. sed, pondere ipso stabiles, dejectis rectoribus, quærendis pedetentim vadis, in terram evasere.

XXIX. Dum elephanti trajiciuntur, interim Hannibal Numidas equites quingentos ad castra Romana miserat speculatum, ubi, et quantæ copiæ essent, et quid pararent. Huic alæ equitum missi, ut ante dictum est, ab ostio Rhodani trecenti Romanorum equites obcurrunt. prælium atrocius, quam pro numero pugnantium, editur. Nam præter multa vulnera, cædes etiam prope par utrimque fuit: fugaque et pavor Numidarum Romanis, jam admodum fessis, victoriam dedit. victores ad centum sexaginta, nec omnes Romani, sed pars Gallorum: victi ¹⁸ amplius ducenti^t ceciderunt. Hoc principium simul omenque^u belli, ut summæ rerum prospe-

Equestre prælium inter Numidas 500. et Rom. 300.

^r *trepidationem* Gron. Crev. ^s *circumspicientibus* Eæd. ^t *ducentis* Eæd. ^u *simulque omen* Eæd.

¹⁵ * *Id, ut tutius*] Id ut, ante rem actam, tutius videri consilium debebat, ita nunc, quum acta res memoratur, probabilius est, tale est ut credi facilius posset.

¹⁶ *Soluta ab ceteris rate*] Supra unius tantum ratis mentio facta fuit, quæ ad partem ripæ superiorem alligata immobilis remaneret. At Polybius de eadem re agens, plures fuisse rates memorat, quum inter se, tum ad ripam valide religatus. * Possis quoque referre vocem *ceteris* ad elephan-

tos, in hunc modum: *quum soluta rate ab ceteris elephantis avulsi in altum amnem raperentur.*

¹⁷ *Trepidationem aliquantum edebant*] Sic l. I. c. 16. *quantum illi viro fides fuerit.* Itaque nihil est opus rescribere cum Gronovio *trepidationis.*

¹⁸ *Amplius ducentis*] Duo scripti Gronovio inspecti, Mureti liber, unus Hearnii codex, et tres nostri habent *amplius ducenti.* Et sic passim Livius. Intelligitur enim *quam.*

U. C. 584. rum eventum, ita haud sane incruentam ancipitisque certaminis victoriam, Romanis portendit. Ut^x, re ita gesta, ad utrumque ducem sui redierunt, ¹⁹ nec Scipioni stare sententia poterat, nisi ut ex consiliis coeptisque hostis et ipse conatus caperet: et Hannibalem incertum, utrum coeptum in Italiam intenderet iter, an cum eo, qui primus se obtulisset Romanus exercitus, manus consereret, ²⁰ avertit^y a præsenti certamine Boiorum legatorum regulique Magali adventus: qui se duces itinerum, socios periculi fore, adfirmantes, ²¹ integro bello, nusquam ante libatis viribus, Italiam adgredendam censent. Multitudo timebat quidem hostem, nondum oblitterata memoria superioris belli: sed magis iter inmensum Alpesque, ²² rem fama utique inexpertis horrendam, metuebat.

Hannibal
hortatur
milites.

XXX. Itaque Hannibal, postquam ipsi sententia stetit pergere ire, atque Italiam petere, advocata concione, varie militum versat animos castigando adhortandoque. *Mirari se, quinam pectora semper inpavida repens terror invaserit. per tot annos vincentes eos stipendia facere; neque ante Hispania excessisse, quam omnes²³ gentesque et terræ eæ, quas duo diversa maria amplectantur, Karthaginiensium essent. Indignatos deinde, quod, ²⁴ quicumque Saguntum obsedissent, velut ob noxam, sibi dedi postularet populus Romanus, Iberum trajecisse ad delendum nomen Romanorum, liberandumque orbem terrarum. Tum nemini visum id longum, quum ab occasu solis ad exortus^z intenderent iter. Nunc, postquam multo majorem partem itineris emensam cernant, Pyrenæum saltum inter ferocissimas gentes superatum, Rhodanum, tantum annem, tot millibus Gallorum prohibentibus, domita etiam ipsius fluminis vi, trajectum, in conspectu Alpes habeant, quarum alterum latus Italiæ sit; in ipsis portis hostium fatigatos subsistere, quid Alpes aliud esse credentes, quam montium altitudines? Fingent altiores Pyrenæi jugis. nullas profecto terras cælum contingere, nec inexsuperabiles humano generi esse. Alpes quidem habitari, coli, gignere atque alere animantes. pervias paucis*

^x Ut del. Gron. Crev.

^y averterat Gron.

^z ortum Gron. Crev.

¹⁹ Nec Scipioni stare sententia poterat] Hoc debetur Sigonio. Prius Scipionis.

²⁰ Avertit] Sic et vetustius cusi, et scripti. Posteriores editiones, averterat.

²¹ Integro bello] Bello nusquam ante tentato, cujus ex apparatu viribusque nihil delibatum aut imminutum esset.

²² Rem fama utique] Rem arduam per se, sed præsertim, si quis eam ex fama tantum noverit, nun-

quam expertus, horrendum.

²³ Gentesque et terræ eæ . . . Carthaginiensium essent] Conjectura Laurentii Vallæ. Campanus edidit: gentes et terras eas . . . Carthaginiensium fecissent. Et sic scripti, nisi quod profecissent, præferunt esse.

²⁴ Quicumque Saguntum obsedissent] Solum Annibalem depoposcerant Romani. Sed hic Annibal non tam spectat quid verum sit, quam quid invidiosum in Romanos, et ad suorum animos inflammandos efficax.

esse, ²⁵ *exercitibus invias?* eos ipsos, quos cernant, legatos non U. C. 534.
 pennis sublime elatos Alpes transgressos: ne majores quidem A. C. 218.
 eorum indigenas; sed advenas Italiae cultores, has ipsas Alpes
 ingentibus saepe agminibus cum liberis ac conjugibus, migran-
 tium modo, tuto transmisisse. Militi quidem armato, nihil se-
 cum praeter instrumenta belli portanti, quid invium aut in easu-
 perabile esse? Saguntum ut caperetur, quid per octo menses
 periculi, quid laboris exhaustum esse? ²⁶ Romam, orbis terra-
 rum caput, petentibus quidquam adeo asperum atque arduum
 videri, quod inceptum moretur? Cepisse quondam Gallos ea,
 quae adiri posse Poenus desperet. proinde aut cederent animo
 atque virtute genti, per eos dies toties ab se victae: aut itineris
 finem sperent campum interjacentem Tiberi ac moenibus Roma-
 nis.

XXXI. His adhortationibus incitatos corpora curare,
 atque ad iter se parare jubet. Postero die, profectus adver-
 sa ripa Rhodani, mediterranea Galliae petit: non quia rec- Mediterra-
nea Galliae
petit.
 tior ad Alpes via esset, sed, quantum a mari recessisset,
²⁷ minus obvium^a fore Romanum credens: cum quo, prius-
 quam in Italiam ventum foret, non erat in animo manus
 conserere. Quartis castris ad Insulam pervenit: ²⁸ ibi Arar
 Rhodanusque amnes, ²⁹ diversis^b ex Alpibus decurrentes,
 agri aliquantum^c amplexi, confluent in unum. Mediis
 campis Insulae nomen inditum. Incolunt prope Allobroges,
 gens ³⁰ jam inde nulla Gallica gente opibus aut fama infe-
 rior: tum discors erat. Regni certamine ambigebant fra-
 tres. major, ³¹ et qui prius imperitarat, Brancus nomine, mi-
 nore ab fratre et coetu juniorum, qui jure minus, vi plus
 poterant^d, pellebatur. Hujus seditionis peropportuna dis-
 ceptatio quum ad Hannibalem rejecta esset, arbiter regni

^a *obviam* Gron. Crev. erat Ead.

^b *diversi* Gron.

^c *aliquantulum* Ead.

^d *pot-*

²⁵ *Exercitibus invias*] Vox *invias* abest a scriptis et vett. editis: at merito adjecta est.

²⁶ *Romam, Orbis terrarum caput*] Jam observavimus Livium, amoris in patriam indulgentem, elatius de ea loqui gaudere. Sic hoc loco, quomodo dici potest, idque ab Annibale, Roma Orbis terrarum caput, cujus tunc imperium finibus Italiae vicinarumque insularum terminabatur?

²⁷ *Minus obviam*] Rectius videtur *obvium*, quod reperiri in uno codice testatur Gronovius.

²⁸ *Ibi Arar Rhodanusque amnes*] Legendum est, *Ibi Isara*. Hoc probant quum alia multa, tum hoc vel maxime, quod Polybius, quem hic vertit noster, in insula illa quam de-

scribit, in ipsa, inquam, insula, non prope, quemadmodum Livius, dicit incolere Allobroges. Allobroges autem non inter Rhodanum et Ararim, sed inter Rhodanum et Isaram incolebant. Reposuimus ex auctoritate MSS. *diversis ex Alpibus*, e diversis Alpium partibus; itidemque *agri aliquantum*. Vulgo *diversi, aliquantulum*. Haec monuit Jac. Gronovius.

²⁹ *Diversis ex Alpibus*] E diversis Alpium partibus.

³⁰ *Jam inde*] Hoc addit Livius, quia postea maxime gens Allobrogum opibus et fama inclaruit: qua et devicta insigne sibi *Allobrogici* cognomen Q. Fabius peperit.

³¹ *Et qui prius*] Lege, qui et prius.

U. C. 534. factus, ³² quod ea senatus principumque sententia fuerat^c, im-
 A. C. 218. perium majori restituit. ob id meritum ³³ commeatu copia-
 que rerum omnium, maxime^f vestis, est adjutus, quam^e in-
 fames frigoribus Alpes præparari^h cgebant. Sedatis cer-
 taminibus Allobrogum, quum jam Alpes peteret, non recta
 regione iter instituit; sed ³⁴ ad lævam in Tricastinos flexit;
 inde per extremam oram Vocontiorum agri tetendit in Tri-
 corios: haud usquam inpedita via, priusquam ad Druen-
 tiam flumen pervenit. Is et ipse Alpinus amnis longe om-
 nium Galliæ fluminum difficillimus transitu est. nam, quum
 aquæ vim vehat ingentem, non tamen navium patiens est:
 quia nullis coercitus ripis, pluribus simul, neque iisdem al-
 veis fluens, ³⁵ nova semper vada novosque gurgites faciens,
 (et ob eadem pediti quoque incerta via est) ad hæc ³⁶ saxa
 glareosa volvens, nihil stabile nec tutum ingredienti præ-
 bet; et tum, forte imbribus auctus, ingentem transgreden-
 tibus tumultum fecit, quum super cetera trepidatione ipsi
 sua atque incertis clamoribus turbarentur.

Druentia
amnis.

P. Corne- XXXII. P. Cornelius consul, triduo fere post, quam
 lius ad cas- Hannibal ab ripa Rhodani movit, quadrato agmine ad cas-
 tra ab Han- tra hostium venerat, nullam dimicandi moram facturum. ce-
 nibale de- tra hostium venerat, nullam dimicandi moram facturum. ce-
 certa venit. terum, ubi deserta munimenta, nec facile se tantum ³⁷ præ-
 gressos adsecuturum videt; ad mare ac naves rediit, tutius
 Redit ad naves. faciliusque ita descendenti ab Alpibus Hannibali obcursu-
 rus. Ne tamen nuda auxiliis Romanis Hispania esset,

^c ea s. p. s. fuerat l. erat s. p. s. futurum Gron.
 Crev. § quæ Eæd. ^h præparare Eæd.

^f maxime leg. et Gron.

³² Quod ea senatus . . . sententia fuerat] Sic edi curavimus, secuti auctoritatem optimorum codicum, ex quibus hanc lectionem profert Gronovius. Id elegantius et clarius visum est, quam quomodo vulgo hic legitur: quod erat senatus sententia futurum. *Sensus est: Quod ita senatus Allobrogum censuerat: nempe imperium majori restituendum esse.

³³ Commeatu copiaque rerum] Admittenda videtur unius codicis, ad quem plurimi varie alludunt, scriptura a Gronovio allata: commeatu copiaque rerum omnium, maxime vestis, est adjutus, quam infames frigoribus Alpes præparari cgebant.

³⁴ Ad lævam in Tricastinos flexit] Nihil de hoc Annibalis itinere habet Polybius. Et sane non facile intelligitur, quomodo Annibal, qui adversa ripa Rhodani ad Isaram pervenerat, Tricastinos inde petens ad lævam iter

flexisse dicatur, qui potius vestigia relegebat sua.

³⁵ Nova semper vada novosque gurgites faciens] Verbum faciens additum est. Gronovius putat verbum volvens, quod infra reperitur, sufficere ad omnia. Nam, inquit, et vada volvere et gurgites bene dicitur amnis, qui volvendo arenas, facit vada hac, illac gurgites. Expeditissima lectio videtur ea quam Campanus expressit: pluribus simul neque iisdem alveis fluens, per nova semper vada novosque gurgites, et ob eadem

³⁶ Saxa glareosa] Glarea est terra lapidosa, minutis saxulis et lapillis aspera. Itaque non satis apparet, quid sint saxa glareosa. Melius videtur, quod subjicit Gronovius, saxa glareasque.

³⁷ Prægressos] Sic dedit Gronovius, magis proprie et apposite, quam, ut legebatur antea, progressos.

quam provinciam sortitus erat, Cn. Scipionem fratrem cum U. C. 534. maxima parte copiarum adversus Hasdrubalem misit; non A. C. 218. ad tuendosⁱ tantummodo veteres socios conciliandosque novos, sed etiam ad pellendum Hispania Hasdrubalem. ipse cum admodum exiguis copiis Genuam repetit, eo, qui circa Padum erat, exercitu Italiam defensurus. Hannibal ab Druentia campestri maxime itinere³⁸ cum bona pace ad Alpes incolentium ea loca Gallorum pervenit. Tum, quam-^{Hannibal transit Alpes.}quam fama prius (qua incerta in majus vero ferri solent)³⁹præcepta res erat, tamen ex propinquo visa montium altitudo, nivesque cœlo prope inmixtæ, tecta informia inposita rupibus, pecora jumentaue torrida frigore, homines intonsi et inculti, animalia inanimaque omnia rigentia gelu, cetera visu, quam dictu, fœdiora, terrorem renovarunt. Erigentibus in primos agmen clivos adparuerunt imminentes tumulos insidentes montani: qui, si valles occultiores inessissent, coorti in pugnam repente, ingentem fugam stragemque dedissent. Hannibal consistere signa jubet; Gallisque ad visenda loca præmissis, postquam comperit, transitum ea non esse, castra inter confragosa omnia præruptaque, quam extentissima potest valle, locat. Tum per eosdem Gallos, haud sane multum lingua moribusque abhorrentes, quum se inmiscuissent conloquiis montanorum, edoctus interdium tantum obsideri saltum, nocte in sua quemque dilabi tecta; luce prima subiit tumulos, ut ex aperto atque interdium⁴⁰vim^k per angustias factururus. Die deinde simulando aliud, quam quod parabatur, consumto, quum eodem quo constiterant, loco castra communissent, ubi primum degressos tumulis montanos laxatasque sensit custodias, pluribus ignibus, quam pro numero manentium, in speciem factis, impedimentisque cum equite relictis, et maxima parte peditum; ipse cum expeditis, acerrimo quoque viro, raptim angustias evadit: iisque ipsis tumulis, quos hostes tenuerant, consedit.

XXXIII. Prima deinde luce castra mota, et agmen reliquum incedere coepit. Jam montani signo dato ex castellis ad stationem solitam conveniebant; quum repente conspiciunt alios, arce occupata sua, super caput imminentes, alios via transire hostes.⁴¹ Utraque simul objecta res oculis ani-

ⁱ tutandos Gron. Crev.

^k viam Gron.

38 * Cum bona pace ad Alpes] Pervenit ad Alpes cum bona pace Gallorum, nihil tumultus nec molestiæ expertus a Gallis.

39 * Præcepta] Ante animo capta, præcognita.

40 Vim per angustias factururus]

Vulgo viam. At scripti habent vim, ut et Andreas et Campanus. Nec necesse fuerat mutari.

41 Utraque simul objecta res, oculis animisque immobiles] Particulam que omittunt vulgati. Eam addidimus ex aliquot MSS. a Jac. Gronovio me-

U. C. 534. misque¹ immobiles parumper eos defixit. deinde ut trepidationem in angustiis, suoque ipsum tumultu misceri agmen videre, equis maxime consternatis, quidquid adjecissent ipsi terroris, satis ad perniciem fore rati, ⁴² perversis rupibus juxta invia ac devia adsueta discurrunt. Tum vero simul ab hostibus, simul ab iniquitate locorum Poeni obpugnabantur; plusque inter ipsos, (sibi quoque tendente, ut periculo prius evaderet) quam cum hostibus, certaminis erat. Equi maxime infestum agmen faciebant, qui et clamoribus dissonis, quos nemora etiam percussæque valles augebant, terri trepidabant: et icti forte aut vulnerati adeo consternabantur, ut stragem ingentem simul hominum ac sarcinarum omnis generis facerent: ⁴³ multosque turba, quum præcipientes deruptæque utrimque angustiae essent, in immensum altitudinis dejecit; quosdam et armatos. sed ^m ruinae maximae modo jumenta cum oneribus devolvebantur. Quae quamquam foeda visu erant, stetit parumper tamen Hannibal, ac suos continuit, ne tumultum ac trepidationem augetet. deinde postquam interrumpi agmen vidit, periculumque esse, ne exutum impedimentis exercitum nequidquam incolumem traduxisset, decurrit ex superiore loco; et, quum inpetu ipso fudisset hostem, suis quoque tumultum auxit. sed is tumultus momento temporis, postquam liberata itinera fuga montanorum erant, sedatur: nec per otium modo, sed prope silentio, mox omnes traducti. Castellum inde, quod caput

¹ animis Gron.

^m inde Gron. Crev.

moratis, quibus consentiunt e nostris duo. In vett. quoque editis illa exstabat, teste Glareano. Et sic concinnior est, et apertior, et Livio dignior oratio, quam quomodo hactenus edebatur: *Utraque simul objecta res oculis, animis immobiles parumper eos defixit.* Quis non sentiat duas illas voces, *oculis animis*, non in diversa membra dispartiendas, sed potius inter devinciendas esse.

⁴² *Perversis rupibus juxta invia ac devia assueti discurrunt*] Primo, scripti aliquot habent *decurrunt*: quod verbum altiori loco convenit, ex quo barbari in Pœnos sese cum impetu dejiciebant. 2º. pro *perversis rupibus*, Gronovius legendum suadet *per transversas rupes*: nimium fortasse audacter. Videndum an hic *perversis rupibus* accipi debeat *per infestas incommodasque rupes*: ut apud Plautum Men. Act. V. sc. 5. v. 1. *perversus dies* dicitur pro incommodo, molesto die; apud Virgil. Æn. VII. v.

584. *perverso numine*, id est, infesto, adverso numine; apud Propert. IV. Eleg. 9. v. 38. *perversa manu*, id est, noxia, infesta manu. Quod si placeat, *invia ac devia* pendebunt a verbo *decurrunt*, ut sic totus locus exponi debeat: per infestas molestasque rupes, decurrunt haud ægre, utpote assueti, invia pariter ac devia, id est, et ea in quibus nulla via erat, et ea quæ a via trita divertebant.

⁴³ *Multosque turba*] Turba hic est tumultus. Intelligendum est autem hunc tumultum accidisse maxima circa impedimenta. Itaque hi, qui dicuntur in immensum altitudinis dejecti, accipiendi sunt lixæ ac calones. Propterea addit Livius *quosdam et armatos*: sed *ruinae maximae modo jumenta cum oneribus*. Sic enim habet unus codex, omisso verbo *devolvebantur*, quod sane necessarium non est, quum verbum *dejecit* in omnia sufficiat. Ita sentit et exponit Gronovius.

ejus regionis erat, viculosque circumjectos capit, et ⁴⁴ capti- U. C. 594.
vorum pecoribus per triduum exercitum aluit. et quia ⁴⁵ nec A. C. 218.
montanis primo percussis, nec loco magnopere inpediebantur, aliquantum eo triduo viæ confecit.

XXXIV. Perventum inde ad frequentem cultoribus alium, ut inter montana, populum. ibi non bello aperto, sed suis artibus, fraude, deinde insidiis est prope circumventus. Magno natu principes castellorum oratores ad Poenum veniunt: *alienis malis, utili exemplo, doctos, memorantes, amicitiam malle, quam vim experiri Pœnorum. itaque obedienter imperata facturos, commeatum itinerisque duces, et ad fidem promissorum obsides acciperet.* Hannibal nec temere credendo, nec aspernando, ne repudiati aperte hostes fierent, benigne quum respondisset; obsidibus, quos dabant, acceptis, et commeatu, quem in viam ipsi detulerant, usus, nequaquam ut inter pacatos, composito agmine duces eorum sequitur. Primum agmen elephantum et equites erant: ipse post cum robore peditum, circumspectans sollicitusque^a omnia, incedebat. Ubi in angustiore viam ex parte altera subjectam jugo insuper imminente ventum est, undique ex insidiis barbari a fronte, ab tergo coorti, cominus eminus petunt: saxa ingentia in agmen devolvunt: maxima ab tergo vis hominum urgebat. ⁴⁶ in eos versa peditum acies haud dubium fecit, quin, nisi firmata extrema agminis fuissent, ingens in eo saltu accipienda clades fuerit. Tunc quoque ad extremum periculi ac prope perniciem ventum est: nam, dum cunctatur Hannibal demittere agmen^o in angustias; quia non, ut ipse equitibus præsidio erat, ita peditibus quidquam ab tergo auxilii reliquerat; obscurantes per obliqua montani, perrupto medio agmine, viam insedere; noxque una Hannibali sine equitibus atque impedimentis acta est.

XXXV. Postero die, jam segnius intercursantibus barbaris, junctæ copiæ, saltusque ⁴⁷ haud sine clade (majore tamen jumentorum, quam hominum, pernicio) superatus: inde montani pauciores jam, et latrocinii magis quam belli

^a sollicitus Gron. Crev.

^o agmen dem. Eæd.

⁴⁴ Captivorum pecoribus] Videtur fuisse vel captivis pecoribus, vel captivo pecore. Scripti nostri partim captivis ac pecoribus, partim captivo ac pecore.

⁴⁵ Nec montanis primo percussis] Valla et Granovius legi jubent prælio percussis: atque ita edidit Campanus, sed Vallæ fortasse obsecutus.

⁴⁶ In eos versa peditum acies haud dubium fecit] In eos versa peditum

acie, apparuit, ex magno scilicet plenoque periculi certamine, ingentem in eo saltu cladem accipiendam fuisse, nisi firmata valido præsidio extrema agminis fuissent. Tunc quoque, id est, atque etiam licet firmasset peditum Annibal extrema agminis, tamen...

⁴⁷ Haud sine clade, majore tamen jumentorum, quam hominum, pernicio] Redundat hic vox pernicio. Potest enim repeti ex præcedentibus clade.

U. C. 534. more, concursabant; modo in primum, modo in novissimum agmen, ⁴⁸ utcumque^p aut locus opportunitatem daret, aut progressi morative aliquam occasionem fecissent. ⁴⁹ Elephanti, sicut præcipites per artas vias magna mora agebantur, ita tutum ab hostibus, quacumque incederent, (quia insuetis adeundi propius metus erat) agmen præbebant. Nono die in jugum Alpium perventum est, per invia pleraque et errores, quos aut ducentium fraus, aut, ubi fides iis non esset, temere initæ valles a conjectantibus iter, faciebant. ⁵⁰ Biduum in jugo^q stativa habita: fessisque^r labore ac pugnando quies data militibus: jumentaque aliquot, quæ prolapsa in rupibus erant, sequendo vestigia agminis in castra pervenere. Fessis tædio tot malorum nivis etiam casus, ⁵¹ occidente jam sidere Vergiliarum^s, ingentem terrorem adjecit. Per omnia nive oppleta quum, signis prima luce motis, segniter agmen incederet, pigritiaque et desperatio in omnium vultu emereret; prægressus signa Hannibal in promontorio quodam, unde longe ac late prospectus erat, consistere jussis militibus Italiam ostentat, subjectosque Alpinis montibus Circumpadanos campos: *mœniaque eos tum transcendere non Italiæ modo, sed etiam urbis Romanæ. cetera plana, proclivia fore: uno, aut* ⁵² *summum altero prælio arcem et caput Italiæ in manu ac potestate habituros.* Procedere inde agmen cœpit; jam nihil ne hostibus quidem, præter parva furta per occasionem, tentantibus. Ceterum iter multo, quam in adscensu fuerat, (ut pleraque Alpium ab Italia sicut breviora, ita ⁵³ adrectiora^t sunt) diffi-

^p ut cuique Gron.
giliarum Gron.

^q jugis Gron. Crev.
^t arctiora Ead.

^r fessis Ead.

^s Vir-

⁴⁸ *Utcunque*] Vulgo *ut cuique*. Sed meliores scripti, tum Gronoviani, tum nostri, habent *utcumque*, id est, prout.

⁴⁹ *Elephanti sicut præcipites per artas vias*] Possumus sic exponere: Elephanti magna quidem mora agebantur, utpote præcipites, id est, pendentes quodammodo et jamjam casuris similes, per artas vias. At iidem hoc commodi afferebant, quod, quacumque incederent, tutum agmen præberent. Melius tamen vox *præcipites* videretur referri ad vias, quam ad elephantos. Ideo nobis placet is ordo verborum quem servat unus e nostris codicibus: *sicut per artas præcipites vias*. Addenda est tantum particula copulativa: *per artas et præcipites*, vel *præcipitesque vias*. Sane in vulgata lectione haud exprimitur, cur elephantum agantur præcipites. Via

enim arcta esse eadem et plana potest.

⁵⁰ *Biduum in jugis*] Magis placeret *in jugo*, quod habet Gronovii unus codex, et noster Victorinus, alludentibus eodem et aliis aliquot, plane autem assentientibus duobus Hearnii scriptis. Supra: *nono die in jugum Alpium perventum est*.

⁵¹ *Occidente jam sidere Vergiliarum*] Vergiliæ, sive Pleiades, sunt stellæ septem in collo Tauri. Occasus Pleiadum de quo hic agit Livius, contingebat, Plinii ævo, III. Idus Novembris, ipso teste, l. XVIII. c. 31.

⁵² *Summum*] Ad summum, quod Gallice dicimus *au plus*. Restituit hanc loquendi formam Livio Gronovius, quum vulgo editi haberent *ad summum*, scripti *summo*.

⁵³ *Adrectiora*] Hæc vera est lectio,

cilius fuit. omnis enim ferme via præceps, angusta, lubrica U. C. 534. erat: ut ⁵⁴ neque sustinere se a lapsu possent; nec, qui A. C. 218. paululum titubassent, hære afflicti vestigio suo; alique super alios, et jumenta et homines, occiderent.

XXXVI. Ventum deinde ad multo angustiores rupes, atque ita rectis saxis, ut ægre expeditus miles tentabundus, manibusque retinens virgulta ac stirpes circa eminentes, demittere sese posset. Natura locus jam ante præceps, recenti lapsu terræ ⁵⁵ in pedum mille admodum altitudinem abruptus erat. Ibi quum, velut ad finem viæ, equites constitissent, miranti Hannibali, quæ res moraretur agmen, nunciatur, rupem inviam esse. digressus deinde ipse ad locum visendum. ⁵⁶ haud dubia res visa, quin per invia circa nec trita antea, quamvis longo ambitu, circumduceret agmen. Ea vero via insuperabilis fuit. nam ⁵⁷ quum super veterem nivem intactam nova modicæ altitudinis esset, molli nec præaltæ nivi facile pedes ingredientium insistebant. ut vero tot hominum jumentorumque incessu dilapsa est, per nudam infra glaciem ⁵⁸ fluentemque tabem liquescentis nivis ingrediebantur. Tetra ibi luctatio erat. ⁵⁹ ut a lubrica glacie, non recipiente vestigium, et in prono citius pede se fallente, et, seu manibus in adsurgendo seu genu se adjuvissent, ⁶⁰ ipsis

^u qui l. si qui Gron. Crev.

quam firmant aliquot MSS. tum Gronovio, tum nobis inspecti. Editorum turba habet *arctiora*: insulse.

⁵⁴ *Neque sustinere se a lapsu, nec, si qui paululum titubassent, hære afflicti vestigio suo*] Hæc impedita sunt et obscura. Particula *nec* videtur in alienum locum temere immigrasse. Sensus fortasse clarior esset hoc modo: *ut neque sustinere se a lapsu possent, si qui paululum titubassent, nec hære afflicti vestigio suo*. Nimirum nec poterant, qui paululum titubassent, sustinere se a lapsu, nec afflicti, i. e. postquam lapsi erant, hære vestigio suo, sive locum suum tenere. Nam in præcipitia et abrupta devolvebantur.

⁵⁵ *In pedum mille admodum altitudinem*] Emendatio Vallæ. Prius legebatur *impeditus tum ille admodum*. Firmat emendationem Polybius, qui hac ipsa de re agens, numerat, *ἑξῆς τῆς ἡμῶν*.

⁵⁶ *Haud dubia res visa*] Apparuit dubium non esse, quin circumducendum esset agmen per loca invia circa: quia nempe rupes illa ad quam perventum erat, rectum iter relinquere omnino cogebat.

⁵⁷ *Quum super veterem nivem intactam nova... esset*] Sic quidem omnes libri quos inspeximus. Non dubitamus tamen, quin rescribendum sit, *intacta*: quod epitheton longe melius cadit in novam nivem, quam in veterem.

⁵⁸ *Fluentemque tabem*] Proba Gronovii conjectura. Cic. de Nat. Deor. l. II. n. 26. *Frigoribus durescit humor et idem... tabescit calore*. Seneca, Nat. Quæst. l. III. c. 27. *congestæ seculis tabuerunt nives*. Male hic olim legebatur *labem*.

⁵⁹ * *Ut a lubrica glacie*] Quia nempe illis res erat cum lubrica glacie, cui vestigium infigi non posset: et quum præterea locus pronus esset, pes citius se fallebat labebaturque.

⁶⁰ *Ipsis adminiculis prolapsi si iterum corruissent, nec stirpes circa... erant*] Si hæc lectio maneat, particula *nec* interpretanda est *ne... quidem*. At planius et expeditius multo foret legere: *ipsis adminiculis prolapsi iterum corruerant*. Et quidem hic aliquid esse vitii indicare videtur ipsa MSS. varietas, quorum plerique habent *prolapsis iterum*, quidam etiam, *corruerant*.

U. C. 534. adminiculis prolapsis^z, iterum cornuissent, nec stirpes circa
A. C. 218. radicesve, ad quas pede aut manu quisquam eniti posset,
erant; ita^y in levi tantum glacie tabidaque nive volutaban-
tur^z. ⁶¹jumenta secabant; interdum etiam^z, tum infimam
ingredientia nivem, et prolapsa jactandis gravius in conti-
nendo ungulis, penitus perfringebant: ut pleraque, velut
pedica capta, hæerent in durata et alte concreta glacie.

Rupes igne
et aceto
mollita.

XXXVII. Tandem, nequidquam jumentis atque homini-
bus fatigatis, castra in jugo posita, ægerrime ad id ipsum
loco purgato: tantum nivis fodiendum atque egerendum fuit.
Inde ad rupem muniendam, per quam unam via esse pot-
erat, milites ducti, quum cædendum esset saxum, arboribus
circa inmanibus dejectis detruncatisque, struem ingentem
lignorum faciunt: eamque (quum et vis venti apta faciendo
igni coorta esset) succendunt, ⁶²ardentiaque saxa infuso ace-
to putrefaciunt. Ita torridam incendio rupem ferro pan-
dunt, ⁶³moliuntque amfractibus modicis clivos, ut non ju-
menta solum, sed elephanti etiam, deduci possent. Quatri-
dum circa rupem consumtum, jumentis prope fame absum-
tis: nuda enim fere cacumina sunt, et, si quid est pabuli,
obruunt nives. ⁶⁴Inferiora^b valles et apricos quosdam col-
les habent, rivosque prope silvas, ⁶⁵et jam^c humano cultu
digniora loca. Ibi jumenta in pabulum missa, et quies mu-
niendo fessis hominibus data triduo. inde ad planum de-
scensum^d, etiam locis mollioribus et adcolarum ingeniis.

Italiam in-
greditur
Hannibal.

XXXVIII. Hoc maxime modo in Italiam perventum

^z prolapsi si iterum Gron. Crev. ^y itaque Crev. ^z interpunctio
Gronoviana, probata Creverio, hæc est: — *volutabantur jumenta: secabant inter-
dum, etiam tum inf. &c.* ^a et jam Crev. ^b inferiora vallis apricos quosd.
Gron. Crev. ^c etiam Gron. ^d add. est Crev.

⁶¹ *Jumenta secabant interdum et jam tum*] In vulgatis distinctio appo-
nitur post vocem *jumenta*. Sed me-
rito videtur Gronovius eam huic vo-
ci præposuisse, ut ea quæ præcedunt
ad homines ipsos referantur. Hoc
quippe modo oratio et distinctior est,
et magis accommodata ad Polybii
mentem, quem hic fidus interpret ex-
scribit Livius. In iis quæ sequuntur,
particulam *etiam* resolvimus in duas
voculas *et jam*. *Jumenta infimam il-
lam nivem*, hoc est, veterem, duram,
et jam tum ingredientia, i. e. vel ip-
so primum ingressu, *secabant, et pro-
lapsa, jactandis gravius ungulis in
continendo se*, ut se continerent, ut
firmarent vestigium, *penitus perfrin-
gebant*.

⁶² *Ardentiaque saxa infuso aceto
putrefaciunt*] Mirum sane, unde An-

nibali tantum suppeditaverit aceti.
Et quidem nihil tale habet Polyb.
Ceterum igni et aceto rumpi silices
affirmat Plin. XXXIII. 3.

⁶³ * *Moliunt . . . amfractibus mo-
dicis clivos*] Non rectas ducunt vias,
sed per modicos amfractus inflexas,
ita ut mollior descensus per clivos
fieret.

⁶⁴ *Inferiora vallis*] Melius fortasse,
quod ex uno MS. cui accedit unus e
regiis, affert Jac. Gronovius: *inferio-
ra valles et apricos . . .*

⁶⁵ *Et jam humano cultu*] Divisim
legi jussimus auctore Gronovio, *et
jam*, quum vulgati haberent *etiam*.
Infra quoque dividenda rursus vide-
tur eadem particula: *et jam*, seu po-
tius, *jam et locis mollioribus, et acco-
larum ingeniis*.

est, quinto mense a Karthagine nova, (ut quidam auctores U. C. 534. sunt) quinto decimo die Alpibus superatis. Quantæ copiae A. C. 218. transgresso in Italiam Hannibali fuerint, nequaquam inter auctores constat. qui plurimum, centum millia peditum, viginti equitum fuisse scribunt; ⁶⁶ qui minimum, viginti millia peditum, sex equitum. ⁶⁷ L. Cincius Alimentus, qui captum se ab Hannibale scribit, maxime auctor me moveret, nisi confunderet numerum, Gallis Liguribusque additis: cum his octoginta millia peditum, decem equitum, adducta in Italiam; (⁶⁸ magis adfluxisse verisimile est, et ita quidam auctores sunt.) ex ipso autem audisse Hannibale, postquam Rhodanum transierit, ⁶⁹ triginta sex millia hominum, ingentemque numerum equorum et aliorum jumentorum amisisse in Taurinis, quæ Gallis proxima gens erat, in Italiam degresso^f. Id quum inter omnes constet, eo magis miror ambigi, quam Alpes transierit: et vulgo credere, Penino^g, ⁷⁰ atque inde nomen et iugo Alpium inditum, transgressum. ⁷¹ Coelius per ⁷² Cremonis jugum dicit transisse: qui ambo saltus eum non in Taurinos, sed ⁷³ per Salassos montanos ad Libuos Gallos deduxissent. Nec verisimile est, ea tum ⁷⁴ ad Galliam patuisse itinera; utique, quæ ad Peninum ferunt, obsepta gentibus semigermanis fuissent. neque, Hercule, montibus his (⁷⁵ si quem forte id movet^h) ⁷⁶ ab transitu Poe-

^g add. scribit Gron. Crev.
cunque occurrit. Eæd.

^f digressio Eæd.
^h movit Eæd.

^g Pennino sic, quoties-

⁶⁶ Qui minimum, viginti millia peditum, sex equitum] Ita memorat Polybius, qui quidem sese id didicisse testatur ex ærea tabula Lacinii ab ipso Annibale inscripta et incisa.

⁶⁷ L. Cincius Alimentus] Vid. not. 30. ad VII. 3.

⁶⁸ Magis affluxisse verisimile est] Verisimilius est tantum copiarum numerum affluxisse ad eum, postquam in Italiam transierit, quam adductum ab eo in Italiam.

⁶⁹ Triginta sex millia hominum] Multum placet Gronovii conjectura: triginta sex millia hominum amissa, Taurinis... in Italiam degresso: i. e. Annibali, postquam per Taurinorum regionem in Italiam descenderit, amissa apparuisse, defuisse triginta sex millia hominum ex eo numero quocum Rhodanum transierat.

⁷⁰ Atque inde nomen et iugo] Forte, nomen ei iugo. GRONOVIVS.

⁷¹ Coelius] L. Coelius Antipater, scriptor non mediocris apud antiquos famæ: qui ex jejunitate veterum et serpente humi simplicitate primus

paululum se crexit, et addidit historiae majorem sonum vocis, ut ait Cicero, l. II. de Or. n. 54. L. Crassi, insignis illius oratoris, familiaris, imo et magister, teste eodem Cic. ibid. et in Bruto, n. 102. Hinc satis cognoscitur quo tempore vixerit; Gracchanis nimirum temporibus, ut clare docet Val. Max. l. 7. et sat diu etiam post Gracchos. Scripserat historiam belli hujus Annibali, ut colligitur ex hoc et non paucis aliis hujus decadis locis, in quibus a Livio testis citatur.

⁷² Cremonis jugum] Glareanus testatur in vetustioribus codicibus legi centronis jugum. Sane hæc præcub a Pennino iugo incolebant Centrene, Gallicus populus; et Centronicarum Alpium Plinius mentionem fecit l. XI. c. 42.

⁷³ Per Salassos] Hoc debetur Lipsio et Cluverio. Antea per saltus.

⁷⁴ Ad Galliam] Togatam, seu Cisalpinam.

⁷⁵ Si quem forte id movit] Scripti aliquot, movet.

⁷⁶ Ab transitu Pœnorum ullo Po-

U. C. 534. norum ullo Veragri, incolæ jugi ejus, norunt nomen inditum ;
A. C. 218. sed ⁷⁷ ab eo, quem, in summo sacratum vertice, ⁷⁸ Peninum
montani adpellant.

Cornelius
Cos. ob-
viam venit.

XXXIX. Peroportune ad principia rerum Taurinis, proximæ genti, adversus Insubres motum bellum erat. sed armare exercitum Hannibal, ut parti alteri auxilio esset, (⁷⁹ in reficiendo maxime sentientem contracta ante mala) non poterat. otium etenim ex labore, copia ex inopia, cultus ex inluvie tabeque, squalida et prope ⁸⁰ efferata corpora varie movebant. Ea P. Cornelio consuli caussa fuit, quum Pisas navibus venisset, exercitu a Manlio Atilioque accepto tirone, et in novis ignominiis trepido, ad Padum festinandi; ut cum hoste nondum refecto manum consereret. sed cum Placentiam consul venit, jam ex stativis moverat Hannibal; Taurinorumque unam urbem, caput gentis ejus, ⁸¹ quia volentis in amicitiam non veniebant¹, vi expugnarat: junxissetque sibi, non metu solum, sed etiam voluntate, Gallos adcolas Padi; ni eos, circumspectantes defectionis tempus, subito adventus consulis obpressisset. Et Hannibal movit ex Taurinis, incertos, quæ pars sequenda esset, Gallos præsentem se secuturos ratus. Jam prope in conspectu erant exercitus, convenerantque duces ⁸² sicuti^k inter se nondum satis noti, ita jam inbutus uterque quadam admiratione alterius. Nam Hannibalis et apud Romanos, jam ante Sagunti excidium, celeberrimum nomen erat: et Scipionem Hannibal eo ipso, quod adversus se dux potissimum lectus esset, præstantem virum credebat. et auxerant inter se opinionem, Scipio, quod, relictus in Gallia, obvius fuerat in Italiam transgresso Hannibali; Hannibal, et^l conatu tam auda-

¹ veniebat Gron.

^k sicut uterque Gron. Crev.

^l et del. Eæd.

ragri] Codd. nostri, ut et Gronoviani, et antiquiores editi: *ab transitu Pænorum nullo sed uno vel acri*. Nullo recte mutatum est in *ullo*, et *vel acri* in *Veragri*. Sed haud recte suppressæ sunt mediæ voces, in quibus latere populi Alpini nomen vidit oculatissimus Gronovius. Legamus igitur cum eo vel *Seduni et Veragri*, vel *Seduno-Veragri*, si forte duobus populis in unum confusis etiam nomina permista sunt, ut *Tauroscythæ*, *Celtiberi*. Sedunos et Veragros inter Alpinos populos recensent Cæsar de B. Gall. l. III. Plinius, l. III. c. 20.

⁷⁷ *Ab eo*] Deo, vel heroë.

⁷⁸ *Penninum*] *Pennum* legit Cluverius; quem vide l. I. Germ. c. 26.

⁷⁹ *In reficiendo*] Qui contracta in transitu Alpium mala tum maxime

sentiebat, quum se reficere conaretur.

⁸⁰ *Efferata*] Propter squalorem, et omissum tanto tempore omnem corporis cultum, aliquid torvi ferique præferentia. Supra II. 23. *Promissa barba et capilli efferaverant speciem oris*.

⁸¹ *Quia volentes in amicitiam non veniebant*] Nempe oppidani. Prius legabatur *quia volentis . . . veniebat*. Unus e regiis codicibus exhibuit nobis eam scripturam quam expressimus. Illam conjectura jam præceperat Gronovius.

⁸² *Sicut uterque inter se nondum satis noti, ita jam inbutus uterque*] Prius illud *uterque* vacat, et abest a duobus MSS. Gronovio inspectis, et ab uno e nostris.

ci trajiciendarum Alpium, et effectum. Occupavit tamen U. C. 534. Scipio Padum trajicere, et, ad Ticinum amnem motis cas- A. C. 218. tris, prius, quam educeret in aciem, adhortandorum militum causa, talem orationem exorsus est:

XL. Si eum exercitum, milites, educerem in aciem, quem in ^{Cornelius} Gallia mecum habui, supersedissem loqui apud vos. quid enim ^{militēs suos} adhortari referret aut eos equites, qui equitatum hostium ad ^{adhortatur.} Rhodanum flumen ⁸³ egregie^m vicissent, aut eas legiones, cum quibus fugientem hunc ipsum hostem, secutus, confessionem cedentis ac detrectantis certamen pro victoria habui? Nunc, quia ille exercitus, Hispaniæ provinciæ scriptus, ibi cum fratre Cn. Scipione meis auspiciis rem gerit, ubi eum gerere senatus populusque Romanus voluit; ego, ut consulem ducem adversus Hannibalem ac Pœnos haberetis, ipse me huic voluntario certamini obtuli; novo imperatori apud novos milites pauca verba facienda sunt. Ne genus belli, neve hostem ignoretis; cum iis est vobis, milites, pugnandum, quos terra marique priore bello vicistis: a quibus stipendium per viginti annos exegistis: a quibus capta belli præmia, Siciliam ac Sardiniam, habetis. Erit igitur in hoc certamine is vobis illisque animus, qui victoribus et victis esse solet. Nec nunc illi, quia audent, sed quia necesse est, pugnaturi sunt: nisi creditis, qui exercitu incolumi pugnam detrectavere, eos, ⁸⁴ duabus partibus peditum equitumque in transitu Alpium amissis, (⁸⁵ quum ⁸⁶ plures pene perierint, quam supersunt) plus spei nactos esse. At enim pauci quidem sunt, sed vigentes animis corporibusque, quorum robora ac vires viz sustinere vis ulla possit. Effigies, immo umbræ hominum, fame, frigore, inluvie, squalore enecti, contusi ac debilitati inter saxa rupesque. ad hæc, præusti^a artus, nive rigentes nervi, membra torrida gelu, quassata fractaque arma, claudi ac debiles equi. Cum hoc equite, cum hoc pedito pugnaturi estis: reliquias extremas hostium, non hostes, habebitis. ⁸⁷ Ac nihil

^a non ægre Crev.

^a perusti Gron. Crev.

⁸³ Non ægre vicissent] Gronovius in not. ad l. XXXIII. c. 6. testatur hanc sibi occurrisse lectionem in uno optimæ notæ codice. Eam nos quoque invenimus in Thuanæo. Ceteri habent tantummodo ægre: unde Valla fecerat egregie, quod deinceps editores amplexi sunt. Favet huic emendationi unus e nostris, in quo legitur egree. Nos tamen pro more nostro, scriptam lectionem, cujus probus est sensus, cuilibet conjecturæ anteponimus.

⁸⁴ Duabus partibus] Duabus tertiis partibus. Vid. not. 81. ad II. 13.

⁸⁵ Quum] Olim editi, qui. Quis

mutaverit, incertum. Sed et quum hic melius videtur.

⁸⁶ Plures pene perierint, quam supersunt] Falsum et pene, ut observat Gronovius. Duabus enim e tribus partibus amissis, non possunt non periisse plures. Delenda est igitur hæc vocula, quæ videtur orta esse ex repetitione primarum litterarum sequentis verbi perierint.

⁸⁷ Ac nihil magis vercor, quam ne antequam vos cum hoste pugnaveritis] Prius illud quam, quod neque Jac. Gronovius, neque nos in ullo scripto reperimus, inseruit Sigonius ex suis libris: et merito quidem, quum sine eo

U. C. 534. *magis vereor, quam ne, vos^o quum^p pugnaveritis, Alpes vicisse*
 A. C. 218. *Hannibalem videantur. Sed ita forsitan decuit, cum foederum*
raptore duce ac populo Deos ipsos, sine ulla humana ope, com-
mittere ac⁸⁸ profligare bellum: ⁸⁹ nos^q, qui secundum Deos vio-
lati sumus, commissum ac profligatum conficere.

XLI. *Non vereor, ne quis me hoc⁹⁰ vestri adhortandi causa*
magnifice loqui existimet; ipsum aliter animo adfectum esse.
Licuit in Hispaniam, provinciam meam, quo jam profectus
eram, cum exercitu ire meo: ubi et fratrem consilii participem
ac periculi socium haberem, et Hasdrubalem potius, quam
Hannibalem, hostem, et minorem haud dubie molem belli: ta-
men, quum præterveherer navibus Galliae oram, ad famam hu-
jus hostis in terram egressus, præmisso equitatu, ad Rhoda-
num movi castra. Equestri prælio, qua parte copiarum conse-
rendi manum fortuna data est, hostem fudi: peditum agmen,
quod in modum fugientium raptim agebatur, quia adsequi terra
non poteram, regressus ad naves, quanta maxima celeritate po-
tui, tanto maris terrarumque circuitu, in radicibus Alpium ob-
vius fui. Huic timendo hosti utrum, quum declinarem certa-
men, improvisus incidisse videor^r, an obcurrere in vestigiis ejus?
laccessere ac trahere ad decernendum? Experiri juvat, utrum
alios repente^s Karthaginienses per viginti annos terra ediderit:
an iidem sint, qui ad Ægates pugnaverunt insulas, et quos ab
Eryce⁹¹ duodevicenis denariis æstimatos emisistis: et utrum
Hannibal hic sit æmulus itinerum Herculis, ut ipse fert, an
⁹² vectigalis stipendiariusque et servus populi Romani a patre
relictus: quem nisi Saguntinum scelus agitare, respiceret pro-
fecto, si non patriam victam, domum certe, patremque, et fæde-
ra Hamilcaris scripta manu. qui, jussus a consule nostro, præ-

^o *antequam vos* Gron. Crev.
 Gron.

^p *quum l. cum hoste* Eæd.

^q *nos autem*

^r *videor incidisse* Gron. Crev.

^s *derepente* Eæd.

oratio stare non possit. Vocem *hoste* ighorant omnes scripti: in ceteris varie corrupti sunt. Unam sinceram nobis visus est obtulisse scripturam: *ne, antequam vos cum eo pugnaretis, Alpes vicisse Annibalem videantur.* Pronomen *eo* refertur ad *Annibalem*, qui mox appellatur. Quod quum non intellexerint librarii, hunc locum alii alio modo depravarunt.

88 * *Profligare*] Promovere et prope finem adducere.

89 *Nos, qui*] Vulgati huc inferciunt *autem*, contra scriptorum fidem.

90 *Vestri adhortandi causa*] Videretur ratio grammaticarum legum postulare vel *vestri adhortandorum*, vel *vos adhortandi*. Sed hanc loquendi formam compluribus ex probatissimis quoque scriptore exemplis tuen-

tur Sanctius in *Minerva*, l. III. c. 8. et auctor *Novæ Methodi linguae Latinae* in observationibus ad *Gerundia*.

91 *Duodevicenis denariis æstimatos emisistis*] Oratorie dictum. Scilicet Carthaginienses ad *Erycem* inclusi, duodevicenos in capita denarios, ut emitterentur, pendere coacti fuerant. Duodeviceni denarii sunt amplius duæ argenti unciae nostrates.

92 * *Vectigalis stipendiariusque*] Sæpe hæ duæ voces eodem sensu usurpantur, ut infra XXXVII. 55. Tamen si accuratam proprietatem querimus, eo differunt, quod *stipendiarii* sunt illi qui certum pecuniae frumentive aut cujuslibet rei modum pendere debent; *vectigales* qui incertum, v. g. decumas fructuum.

*sidium deduxit ab Erycē: qui graves inpositas victis Karthagi- U. C. 534.
niensibus leges fremens mœrensque accepit: qui decedere Sicilia, A. C. 218.
qui stipendium populo Romano dare pactus est. Itaque vos
ego, milites, non eo solum animo, quo adversus alios hostes sole-
tis, pugnare velim; sed cum indignatione quadam atque ira:
velut si servos videatis vestros arma repente contra vos feren-
tes. ⁹³ Licuit^t ad Erycem clausos, ultimo supplicio humano-
rum, fame interficere: licuit victricem classem in Africam tra-
jicere, atque intra paucos dies sine ullo certamine Karthaginem
delere. Veniam dedimus precantibus: emisimus ex obsidione:
pacem cum victis fecimus: ⁹⁴ tutelæ deinde nostræ^u duxi-
mus, quum Africo bello urguerentur. Pro his inpartitis, furio-
sum juvenem sequentes, obpugnatum patriam nostram veniunt.
Atque utinam ⁹⁵ pro decore tantum hoc vobis, et non pro salute,
esset certamen. non de possessione Siciliae ac Sardiniae, de qui-
bus quondam agebatur, sed pro Italia vobis^x est pugnandum:
nec est alius ab tergo exercitus, qui, nisi nos vincimus, hosti
obsistat; nec Alpes aliae sunt, quas dum superant^y comparari
nova possint præsidia. hic est obstandum, milites, velut si ante
Romana mœnia pugnemus. Unusquisque se non corpus suum,
sed conjugem ac liberos parvos armis protegere putet: nec do-
mesticas solum agitet curas, sed idemtidem hoc animo reputet,
nostras nunc intueri manus senatum populumque Romanum.
qualis nostra vis virtusque fuerit, talem deinde fortunam ⁹⁶ il-
lius urbis ac Romani imperii fore.*

XLII. Hæc apud Romanos consul. Hannibal, rebus Hannibal
prius, quam verbis, adhortandos milites ratus, circumdato rebus prius
ad spectaculum exercitu, captivos montanos vinctos in me- quam ver-
dio statuit; armisque Gallicis ante eorum pedes projectis, bis milites
interrogare interpretem jussit, ecquis, si vinculis levaretur, hortatur.
armaque et equum victor acciperet, decertare ferro vellet?
Quum ad unum omnes ferrum pugnæque poscerent, et de-
jecta in id sors esset, se quisque eum optabat, quem fortuna
in id certamen legeret. Ut cujusque sors exciderat, alacer,
inter gratulantes gaudio exsultans, cum sui moris tripudiis
arma raptim capiebat. ubi vero dimicarent, is habitus ani-
morum non inter ejusdem modo conditionis homines erat,

^t Licuit si voluissemus Gron. ^u tutelæ nostræ deinde Gron. Crev. ^x no-
bis Crev. ^y superat Ead.

⁹³ Licuit ad Erycem clausos] Delevimus, volentibus scriptis, inutilem verborum sarcinam, si voluissemus.

⁹⁴ ^u Tutelæ nostræ deinde duximus] Ad tutelam nostram pertinere existimavimus. Sic fere l. XXIV. c. 22. quæ suæ fidei tutelæque essent. † Dum Africo bello urgebantur Carthaginien- ses, Romani, teste Polyb. l. I. foederis leges servantes, nulla in re iis defue-

runt. At finito eo bello, invasere Sar- diniam.

⁹⁵ Pro decore tantum hoc nobis] Hic et paulo infra nobis est pugnandum, quædam editiones utrobique habent vobis. At vetustiores id tenent quod edidimus. Et magis convenire visum est *et nobis*.

⁹⁶ Illius urbis] Vel delenda est vox illius, vel mutanda in ipsius.

U. C. 584. sed etiam inter spectantes vulgo, ut non vincentium magis
A. C. 218. quam bene morientium, fortuna laudaretur.

Ejus oratio.

XLIII. ⁹⁷ Dum sic aliquot spectatis paribus adfectos dimisisset, concione inde advocata, ita apud eos locutus fertur: ⁹⁸ Si, quem animum in alienæ sortis exemplo paullo ante habuistis, eundem mox in æstimanda fortuna vestra habueritis, vicinus, milites. neque enim spectaculum modo illud, sed quædam veluti imago vestræ conditionis erat. Ac ⁹⁹ nescio, an majora pericula majoresque necessitates vobis, quam captivis vestris, fortuna circumdederit. ¹ Dextra lævaque duo maria claudunt, nullam, ne ad effugium quidem, navem habentibus. circa Padus amnis, major Padus² ac violentior Rhodano; ab tergo Alpes urgent, vix integris vobis ac vigentibus transitæ. Hic vincendum aut moriendum, milites, est, ubi primum hosti occurristis. et eadem fortuna, quæ necessitatem pugnandi inposuit, præmia vobis ea victoribus proponit, quibus ampliora homines ne ab Diis quidem immortalibus optare solent. Si Siciliam tantum ac Sardiniam, parentibus nostris ereptas, nostra virtute recuperaturi essemus, satis tamen ampla prætia essent. quidquid Romani tot triumphis partum congestumque possident, id omne vestrum cum ipsis dominis futurum est. In hanc tam opimam mercedem, agite, cum Diis bene juvantibus arma capite. Satis adhuc in² vastis Lusitaniæ Celtiberiæque montibus, pecora consecrando, nullum emolumentum tot laborum periculorumque vestrorum vidistis: tempus est jam, opulenta vos ac ditia stipendia facere, et magna operæ prætia mereri, tantum itineris per tot montes fluminaque et tot armatas gentes emensos. Hic vobis terminum laborum fortuna dedit: hic dignam mercedem emeritis stipendiis dabit. Nec, quam magni nominis bellum est, tam difficilem existimaritis victoriam fore. sæpe et contemptus hostis cruentum certamen edidit, et incliti populi regesque

² Padus del. Gron. Crev.

⁹⁷ Dum sic] Lege Quum.

⁹⁸ Si, quem animum] Si, quo animo spectavistis alienæ sortis exemplum, sive sortem captivorum vestrorum, quæ vobis in exemplum proponebatur, eodem animo judicaveritis de fortuna vestra, et sic statueritis, vincendum vobis esse, aut bene moriendum, vicinus, milites.

⁹⁹ Nescio an] Supple, non.

¹ Dextra lævaque] Hic sunt aliqua, quæ paululum conturbent. Duo maria claudunt, nullam . . . navem habentibus. Hoc omnino inconcinnum. Jam vero quæ sequuntur, non sibi accurate respondent, circa et ab tergo: nec magis Padus circa eos fuit, quam

Alpes et maria. Jac. Gronovius resecat omnino verbum claudunt. Nāq̃ fortasse audacter, et cum aliquo sententiæ detrimento. Suspiciamus potius residere vitium in voce habentibus, eamque pervulgato ac pene solenni librariorum errore scriptam esse pro habentis, sive habentes. Assentimur eidem Gronovio pro circa reponenti contra, id est, ex adverso. Sic exurgit integra et omnibus numeris suis absoluta oratio: dextra lævaque duo maria claudunt, nullam ne ad effugium quidem navem habentes. Contra Padus amnis, major ac violentior Rhodano. Ab tergo Alpes urgent.

² Vastis] Desertis et inopibus.

³ perleui momento victi sunt. Nam, demto hoc uno fulgore U. C. 594. nominis Romani, quid est, cur illi vobis comparandi sint? A. C. 818. Ut viginti annorum militiam vestram cum illa virtute, cum illa fortuna taceam; ab Herculis columnis, ab oceano terminisque ultimis terrarum, per tot ferocissimos Hispaniæ et Galliæ populos vincentes huc pervenistis: pugnabitis cum exercitu tirone, hac ipsa æstate cæso, victo, circumsessio a Gallis, ignoto adhuc duci suo, ignorantique ducem. An me, in prætorio patris, clarissimi imperatoris, prope natum, certe eductum, domitorem Hispaniæ Galliæque, victorem eundem non Alpinarum modo gentium, sed ipsarum, quod multo majus est, Alpium, cum semestri hoc conferam duce, desertore exercitus sui? Cui si quis, dentis signis, Pœnos Romanosque hodie ostendat, ignoraturum certum habeo, utrius exercitus sit consul. Non ego illud parvi æstimo, milites, quod nemo vestrum est, cujus non ante oculos ipse sæpe militare aliquod ediderim facinus; cui non idem ego, virtutis spectator ac testis, notata temporibus locisque referre sua possim decora. ⁴ Cum laudatis a me millies donatisque, alumnus prius omnium vestrum, quam imperator, procedam acie adversus ignotos inter se ignorantesque.

XLIV. Quocumque circumtuli oculos, plena omnia video animorum ac roboris; veteranum peditem, generosissimarum gentium ⁵ equites frenatos et infrenatos, vos socios fidelissimos fortissimosque, vos Karthaginienses, ⁶ quum^a ob patriam, tum ob iram justissimam, pugnaturos. Inferimus bellum, infestisque signis descendimus in Italiam, tanto audacius fortiusque pugnaturi, quanto major spes, major est animus inferentis vim, quam arcentis. Accendit præterea animos et stimulat dolor, injuria, indignitas. ad supplicium depoposcerunt me ducem primum, deinde ⁷ vos omnes, qui Saguntum obpugnassetis: deditos ultimis cruciatibus adfecturi fuerunt. Crudelissima ac superbissima gens sua omnia sui que arbitrii facit. cum quibus bellum, cum quibus pacem habeamus, se modum inponere æquum censet: circumscribit includitque nos terminis montium fluminumque, quos ne excedamus: neque eos, quos statuit, terminos observat. Ne transieris Iberum: ne quid rei tibi sit cum Sa-

^a tum Gron.

³ Perleui momento] Levissima impulsione, parvo molimine, facile.

⁴ Cum laudatis a me millies donatisque] Hanc elegantissimam lectionem formavit Rubenii conjectura, quum olim legeretur, Tum laudastis me milites donatisque. Liber optimus, teste Gronovio, habet tum laudatis me milites donatisque. Atque hac lectione duce Rubenius pervenit ad ve-

rum.

⁵ Equites frenatos et infrenatos] Numidæ, qui plurimi in equitatu Annibalis erant, equis infrenatis utebantur. Hinc apud Virgilium, Numidæ infreni.

⁶ Quum ob patriam] Vulgo tum ob. Mutavimus ex cod. Puteanæo.

⁷ Vos omnes, qui Saguntum oppugnassetis] Vid. not. 24. ad c. 30. supra.

U. C. 534. *guntinis. ⁸Ad Iberum est Saguntum: nusquam te vestigio mo-*
 A. C. 218. *veris. Parum est, quod veterrimas provincias meas Siciliam et*
Sardiniam adimis. etiam Hispanias? et ⁹inde cessero, in Afri-
cam transcendes. Transcendes autem, dico? duos consules hu-
jus anni, unum in Africam, alterum in Hispaniam miserunt.
nihil usquam nobis relictum est, nisi quod armis vindicarimus.
Illis timidis et ignavis licet esse, ¹⁰qui respectum habent, quos
suus ager, sua terra, per tutu ac pacata itinera fugientes, acci-
pient: vobis necesse est fortibus viris esse, et, ¹¹omnibus inter
victoriam mortemve certa desperatione abruptis, aut vincere,
aut, si fortuna dubitabit, in praelio potius, quam in fuga, mor-
tem obpetere. Si hoc bene fixum omnibus destinatumque in
animo est, iterum dicam, vicistis: ¹²nullum momentum ad vin-
cendum homini ab Diis immortalibus acrius datum est.

XLV. His adhortationibus quum utrimque ad certamen accensi militum animi essent, Romani ponte Ticinum jungunt, tutandique pontis causa castellum insuper inponunt. Pœnus, opere occupatis hostibus, Maharbalem cum ala Numidarum, equitibus quingentis, ad depopulandos sociorum populi Romani agros mittit. Gallis parci quam maxime jubet, principumque animos sollicitari ad defectionem. Ponte perfecto, traductus Romanus exercitus in agrum Insubrium, quinque millia passuum ¹³a Victumviis consedit.

⁸ *Ad Iberum est Saguntum*] Saguntum, ipso teste Livio, supra c. 7. ultra Iberum situm est, a cujus amnis ostio distat 90. fere passuum millibus. Libenter legeremus, *cis Iberum est Saguntum*, ut hæc intelligerentur dicta ex persona Pœnorum. Romanus vetuit transiri Iberum. Respondet Pœnus: at eum amnem non trans eo, dum Saguntum oppugno. Etenim *cis Iberum* (si spectes ulteriorem Hispaniam et Pœnos) *est Saguntum*. Romanus in respondendo voluntatem affert pro ratione: *nusquam te vestigio moveris*: ^{*}id est, sta in vestigio, neque ex eo loco, in quo te consistere jubeo, pedem efferas. † Illud quoque ex hac levi mutatione sequetur commodi, quod sic intelligetur quomodo Romani eos quos statuunt terminos non observent, id quod illis paulo ante ab Annibale objectum est. Terminum statuunt Iberum, et tamen illum transcendunt, dum nos vetant Saguntum, urbem sitam cis Iberum respectu nostri, oppugnare.

⁹ *Inde cessero*] Si inde cessero. Supprimitur particula *si* ad majorem vim.

¹⁰ *Qui respectum habent*] Qui ha-

bent quo respiciant, quum illis a tergo sit Roma et Italia.

¹¹ *Omnes inter victoriam mortemve certa desperatione abruptis*] Quum inter victoriam mortemve nihil sit vobis medium, sed omnia certa desperatione, velut profunda quadam voragine, abrupta.

¹² *Nullum momentum*] Hoc loco omnes MSS. vitiiati sunt. Optimi habent loco ultimæ vocis *contemptum*: nec abluunt ceteri. Inde Gronovius finxit *momentum*, quod verissimum putavit, atque adeo non dubitavit in textum immittere. Prius editi ex Vallæ conjectura habebant *incitamentum*, quod aptius congruit cum adjectivo *acrius*. Jac. Gronovius propius insistentis ipsis apicibus litterarum scriptæ lectionis suspicatur *nullum eo telum*.

¹³ *A Victumviis*] Scripti, tum Gronoviani, tum nostri, *a vico tumulis*: unde Gronovius legendum putat *ab Ictimulis*, qui locus commemoratus est Straboni l. V. p. 218. et Plinio, l. XXXIII. c. 4. Similiterque c. 57. hujus libri, ubi et scripti et editi habent *ad Victumvias* . . . *oppugnandas*, emendat idem Gronovius *ad Ictimulos* *oppugnandos*.

Ibi Hannibal castra habebat: revocatoque propere Mahar- U. C. 594.
 bale atque equitibus, quum instare certamen cerneret, nihil A. C. 218.
 umquam satis dictum præmonitumque ad cohortandos mili- Præmia
 tes ratus, vocatis ad concionem certa præmia pronunciat, in suis pro-
 quorum spem pugnarent. *Agrum sese daturum esse in Ita-* nunciat
lia, Africa, Hispania, ubi quisque velit, immunem ipsi, qui ac- Hannibal.
cepisset, liberisque; qui pecuniam, quam agrum, maluisset, ei
se argento satisfacturum: qui sociorum cives Karthaginienses
feri vellent, potestatem facturum: qui domos redire mallent,
daturum se operam, ne cujus suorum popularium mutatam se-
cum fortunam esse vellent. Servis quoque dominos prosecutis
 libertatem proponit, binaque pro his mancipia dominis se
 redditurum. Eaque ut rata scirent fore, agnum læva manu,
 dextera silicem retinens, si falleret, Jovem ceterosque pre-
 catus Deos, ita se mactarent, quemadmodum ipse agnum
 mactasset, secundum precationem caput pecudis saxo elisit.
 Tum vero omnes, velut Diis auctoribus in spem suam quis-
 que acceptis, ¹⁴ id moræ, quod nondum pugnarent, ad poti-
 enda sperata rati, prælium uno animo et voce una poscunt.

XLVI. Apud Romanos haudquaquam tanta alacritas
 erat, super cetera recentibus etiam territos prodigiis. nam et Prodigia in
 lupus intraverat castra, laniatisque obviis ipse intactus eva- castris Ro-
 serat; et examen apum in arbore prætorio imminente manis.
 consederat. Quibus procuratis, Scipio, cum equitatu ja-
 culatoribusque expeditis profectus ¹⁵ ad castra hostium,
 exque propinquo copias, quantæ, et cujus generis es-
 sent, speculandas, obviis fit Hannibali, et ipsi cum equiti-
 bus ad exploranda circa loca progresso. neutri alteros primo
 cernebant: densior deinde incessu tot hominum equorum-
 que oriens pulvis signum propinquantium hostium fuit.
 Constitit utrumque agmen, et prælio sese expediebant. Sci-
 pio jaculatores et Gallos equites in fronte locat; Romanos,
 sociorumque quod roboris fuit, in subsidiis. Hannibal fre-
 natos equites in medium accipit, cornua Numidis firmat.
 Vixdum clamore sublato, jaculatores fugerunt ¹⁶ inter subsidia Pugna
 ad secundam aciem. inde equitum certamen erat aliquamdiu equestris ad
 anceps. dein, quia turbabant equos pedites intermixti, mul- Ticinum.
 tis labentibus ex equis, aut desilientibus, ubi suos premi cir-
 cumventos vidissent, jam magna ex parte ad pedes pugna

¹⁴ * *Id moræ*] Id tantum sibi esse moræ rati, quominus speratis poti-
 rentur, quod nondum pugnarent; at-
 que adeo sese, statim atque pugnare
 daretur, compotes votorum fore.

¹⁵ *Ad castra hostium, exque pro-*
pinquo copias] Male collocata est par-
 ticula *que*. Scripti fere omnes *ex quo*
propinquo, unus e regiis *ex propinquo*.

Lege cum Gronovio *ad castra hostium*
ex propinquo, copiasque.

¹⁶ *Inter subsidia ad secundam*
aciem] Subsidia sunt hic ipsa secunda
 acies. Itaque recte observat Jac. Gro-
 novius has voces *inter subsidia* prorsus
 supervacaneas esse. Quum igitur in
 uno MS. desint, eas videmur posse re-
 cidere.

U. C. 594.
A. C. 218.
Vincit
Hannibal.
Cos. a filio
servatus.

ierat: donec Numidæ, qui in cornibus erant, circumvecti paullulum, ab tergo se ostenderunt. Is pavor perculit Romanos, auxitque pavorem consulis vulnus, periculumque inter cursu tum primum pubescentis filii propulsatum. Hic erit juvenis, penes quem perfecti huiusce belli laus est, Africanus ob egregiam victoriam de Hannibale Poenisque appellatus. Fuga tamen effusa jaculatorum maxime fuit, quos primos Numidæ invaserunt. Alius confertus equitatus consulem in medium acceptum, non armis modo, sed etiam corporibus suis, protegens, in castra, nusquam trepide neque effuse cedendo, reduxit. Servati consulis decus Coelius ad servum natione Ligurem delegat. malim equidem de filio verum esse, quod et plures tradidere auctores, et ¹⁷fama obtinuit.

Ultra Padum recedunt Romani.

XLVII. Hoc primum cum Hannibale prælium fuit; quo facile adparuit, et equitatu meliorem Poenum esse, et ob id campos patentes, quales sunt inter Padum Alpesque, bello gerendo Romanis aptos non esse. Itaque proxima nocte, jussis militibus vasa silentio conligere, castra ab Ticino mota, festinatumque ad Padum est; ut ratibus, quibus junxerat flumen, nondum resolutis, sine tumultu atque insectatione hostis, copias trajiceret. Prius Placentiam pervenere, quam satis sciret Hannibal ab Ticino profectos: tamen ¹⁸ad sexcentos moratorum in citeriore ripa, segniter ratem solventes, cepit. transire non potuit pontem, ¹⁹ut extrema resoluta erant, tota rate in secundam aquam labente. Coelius auctor est, Magonem cum equitatu et Hispanis peditibus flumen extemplo transnasse; ipsum Hannibalem per superiora Padi vada exercitum traduxisse, elephantis in ordinem ad sustinendum inpetum fluminis obpositis. Ea peritis amnis ejus vix fidem fecerint. nam neque equites, armis equisque salvis, tantam vim fluminis superasse verisimile est, ²⁰ut jam Hispanos omnes inflati transvexerint utres. et multorum dierum circuitu ²¹Padi vada petenda fuerant^c, qua exercitus

^c fuerint Crev.

17 * *Fama obtinuit*] Fama tenet: vulgo creditur.

18 *Ad sexcentos moratorum*] Numerum apposuit e Polybio Gronovius. Vulgati præferebant *aliquot*: scripti *adhæc*. Nimirum Livius scripserat *ad DC*.

19 *Ut extrema*] Toto illo ponte, qui e ratibus junctus erat, labente secundum cursum fluminis, simul atque extrema resoluta fuere.

20 *Ut jam Hispanos omnes*] Etiam si id quoque ponatur, credatur, Hispanos ope utrius inflatorum amnem transisse. Vox *omnes* vacare videtur,

et mutanda esse in *pedites*, vel omnino ableganda.

21 *Padi vada petenda fuerint*] Sic scripti aliquot Gronoviani, omnes nostri. Editi vulgo, *fuerant*. Sed in ea re quæ non ponatur pro vera, sed ex qua concessa et data aliquid inferatur absurdi, modus potentialis eleganter et proprie usurpatur. Si id quod Coelius narrat, verum esse existimetur, inquit Livius, necesse fuerit ut Annibal multorum dierum circuitu petierit Padi vada. Cetera hujus periodi nequicquam sollicitat Gronovius.

gravis impedimentis traduci posset. Potiores apud me auc- U. C. 534.
tores sunt, qui biduo vix locum rite jungendo flumini in- A. C. 218.
ventum tradunt; ea cum Magone equites Hispanorum ex-
peditos præmissos. dum Hannibal, circa^d flumen legationi- Sequitur
bus Gallorum audiendis moratus, trajicit gravius peditum eos Hanni-
agmen, interim Mago equitesque ab transitu fluminis diei bal.
unius itinere Placentiam ad hostes contendunt. Hannibal
paucis post diebus sex millia a Placentia castra communi-
vit, et postero die, in conspectu hostium acie directa, potes-
tatem pugnae fecit.

XLVIII. Insequenti nocte caedes in castris Romanis, tur-
multa tamen quam re major, ab auxiliariis Gallis facta Galli 2200
est. ad duo millia peditum et ducenti equites, vigilibus ad transfugi-
portae trucidatis, ad Hannibalem transfugiunt: quos Pœ- unt ad Han-
nus benigne adlocutus, et spe ingentium donorum accen- nibalem.
sos, in civitates quemque suas, ad sollicitandos popularium
animos dimisit. Scipio, caedem eam signum defectionis
omnium Gallorum esse ratus, contactosque eo scelere, velut
injecta rabie, ad arma ituros; quamquam gravis adhuc vul-
nere erat, tamen quarta vigilia noctis insequentis tacito ag- Scipio ad
mine profectus ad Trebiam fluviam, in loca altiora colles- Trebiam
que inpeditiones equiti castra movet. Minus, quam ad Ti- recedit.
cinem, fefellit: missisque Hannibal primum Numidis, dein-
de omni equitatu, turbasset utique novissimum agmen, ni
aviditate prædæ in vacua Romana castra Numidæ devertis-
sent^e. Ibi dum, perscrutantes loca omnia castrorum, nullo
satis digno moræ pretio tempus terunt, emissus hostis de
manibus est: et quum jam transgressos Trebiam Romanos,
metantesque castra conspexissent, paucos moratorum occi-
derunt, citra flumen interceptos. Scipio, nec vexationem
vulneris²² in via jactanti ultra patiens, et collegam (jam
enim et revocatum ex Sicilia audierat) ratus expectandum,
locum, qui prope flumen tutissimus stativis est visus, delec-
tum communiit^f. Nec procul inde Hannibal quum conse-
disset, quantum victoria equestri elatus, tantum anxius in-
opia, quæ per hostium agros euntem, nusquam præparatis
commeatibus, major in dies excipiebat, ad Clastidium vi- Clastidium
cum, quo magnum frumenti numerum congesserant Roma- Pœnis pro-
ni, mittit ibi quum vim pararent, spes facta proditi- ditum.
onis: nec sane magno pretio, ²³ nummis aureis quadringentis; Da-
sio Brundusino præfecto præsidii corrupto, traditur Hanni-

^d *citra* Gron. Crev.^e *divertissent* Eæd.^f *communiit* Eæd.

²² *In via jactanti*] Olim, *jactantis*:
male. Mutavit Gronovius; et potes-
tatem exponere: in via quæ vexa-
bat vulnus jactando et agitando.

²³ *Nummis aureis*] Romæ nondum
signari ceptum erat aurum. Si hi de

quibus hic sermo est nummi atref-
fuere pares Atticis, id est, didrachma-
les, quadringenti tales nummi æqua-
bunt pondere 12. marcas nostrates
cum quatuor uncis.

U. C. 534. bali Clastidium. id horreum fuit Pœnis sedentibus ad Tre-
A. C. 218. biam. In captivos ex tradito præsidio, ut fama clementiæ
in principio rerum conligeretur, nihil sævitum est.

Res circa
Siciliam
terra mari-
que gestæ.

XLIX. Quum ad Trebiam terrestre constitisset bellum, interim circa Siciliam insulasque Italiæ imminentes, et a Sempronio consule, et ante adventum ejus, terra marique res gestæ. viginti quinqueremes cum mille armatis ad depopulandam oram Italiæ a Karthaginiensibus missæ, novem Liparas, octo insulam Vulcani tenuerunt, tres in fretum avertit æstus. Ad eas conspectas a Messana duodecim naves ab Hierone rege Syracusanorum missæ, qui tum forte Messanæ erat, consulem Romanum opperiens, nullo repugnante captas naves Messanam in portum deduxerunt. Cognitum ex captivis, præter viginti naves, cujus ipsi classis essent, in Italiam missas, quinque et triginta alias quinqueremes Siciliam petere ad sollicitandos veteres socios. Lilybæi occupandi præcipuam curam esse: credere eadem tempestate, qua ipsi disjecti forent eam quoque classem ad Ægates insulas dejectam. Hæc sicut audita erant, ²⁴ rex M. Æmilio prætori, cujus Sicilia erat provincia, perscribit, monetque, Lilybæum firmo teneret præsidio. ²⁵ Extemplo et circa prætorem ad civitates missi legati tribunique, qui suos ad curam custodiæ intenderent; ²⁶ ante omnia Lilybæum teneri: ad adparatum belli, edicto proposito, ut ²⁷ so-

8 rex Messana M. Gron.

²⁴ *Rex M. Æmilio*] Editi hactenus adjiciebant vocem *Messana* vel *Messanæ*: quam, ut otiosam, et a compluribus scriptis ignoratam, delevimus.

²⁵ *Extemplo et circa prætorem*] Extemplo etiam legati tribunique circa prætorem, sive, qui circa prætorem erant, missi sunt ad civitates.

²⁶ *Ante omnia Lilybæum teneri: ad apparatum belli*] Primo supple ex sensu, *jussit prætor*. Deinde, quum uno tenore legeretur *teneri ad apparatum belli*, mutavimus distinctionem, et *ad* intelligimus *præter*: ut sensus sit, præter apparatum belli collatum jam, aut etiam conferendum in urbem Lilybæum, puta arma, tela, frumentum, &c. propositum fuisse edictum prætoris, quo socii navales juberentur decem dierum cocta cibaria ad naves deferre. Ad non raro sumitur apud Livium eo sensu quem volumus, ut infra XXVI. 5. *Ad alium virorum, equorum, armorumque sonum . . . Campanorum imbellis multitudo tantum . . . edidit clamorem*.

²⁷ *Socii navales*] *Sociorum navaliū* nomine interdum intelliguntur soli remiges ac nautæ; interdum et ipsi milites, non quidem ii qui aut ad navales pugnas in naves imponuntur, aut ut transvehantur in aliquam oram, ubi pedestri Marte pugnent; sed ii quorum proprium officium ac munus est tueri naves, iisque præsidio esse. Priore sensu sumpsit Livius, dum l. XXIV. c. 11. quos primo *nautas* nominaverat, et l. XXVI. c. 35. quos *remiges* dixerat, eosdem utrobique *socios* deinde *navales* appellat: posteriore sensu, tum c. 28. l. XXVI. ubi jubetur Sulpicius omnem exercitum, præter socios navales, dimittere, ut legionariis militibus abductis, classe sola arceat ab Italia Philippum; (quod certe facere nequivisset si naves remige quidem instructas, at sine ullo milite habuisset) tum c. 48. ejusdem libri: ubi primo Sex. Digitius socius navalis muralem coronam postulat et aufert, unde patet eum pugnassee; secundo, qui *socii navales*, iidem et *classici mi-*

cū navales decem dierum cocta cibaria ad naves deferrent; U. C. 534. ubi signum datum esset, ne quis moram conscendendi faceret: ²⁸ perque omnem oram qui erant, ex speculis prospicerent adventantem hostium classem. Simul itaque (quamquam de industria morati cursum navium erant Karthaginienses, ut ²⁹ ante lucem accederent Lilybæum) præsensum tamen est, quia et luna pernox erat, et sublatis armamentis veniebant; extemplo datum e speculis signum, et in oppido ad arma conclamatum est, et in naves consensum: ³⁰ pars militum in muris portarumque in stationibus, pars in navibus erant. Et Karthaginienses, quia rem fore haud cum imparatis cernebant, usque ad lucem portu se abstinerunt, demendis armamentis eo tempore aptandaque ad pugnam classe absumto. Ubi inluxit, recepere classem in altum, ut spatium pugnae esset, exitumque liberum e portu naves hostium haberent. Nec Romani detrectavere pugnam, et memoria ³¹ circa ea ipsa loca gestarum rerum freti, et militum multitudine ac virtute.

L. Ubi in altum evecti sunt, Romanus conserere pugnam, et ex propinquo vires conferre velle: contra eludere Poenus, et arte, non vi, rem gerere, naviumque, quam virorum aut armorum, malle certamen facere. nam ut sociis navalibus adfatim instructam classem, ita ³² inopem milite habebant^b: et, sicubi conserta navis esset, haudquaquam par numerus armatorum ex ea pugnabat. Quod ubi animadversum est, et Romanis multitudo sua auxit animum, et paucitas illis minuit. Extemplo septem naves Punicæ circumventæ; ³³ Victi Pœnigam ceteræ ceperunt. mille et septingenti fuere ³³ in navibus capti, milites nautæque; in hisⁱ tres nobiles Karthaginensium. Classis Romana incolumis, una tantum perfora-

Pugna navalis ad Lilybæum.

^b habebat Gron. Crev.

ⁱ iis Crev.

lites nuncupantur. Hic et cap. sequenti videtur Livius socios navales intellexisse eos solummodo qui navica ministeria obibant.

²⁸ *Perque omnem oram qui erant ex speculis*] Verbum *erant* in pluribus MSS. non reperitur. Lege itaque cum Gronovio, *perque omnem oram uti ex speculis prospicerent*.

²⁹ *Ante lucem*] Antelucano tempore. Potuissent Carthaginienses accedere Lilybæum sub vesperam diei præcedentis, aut etiam fortasse media luce. Sed de industria morati erant cursum, atque ita temperaverant, ut horis noctis antelucanis accederent, quibus maxime opportunus est hostis ad insidias et improvisum impetum. Præsensum tamen est il-

los adventare.

³⁰ *Pars militum in muris portarumque stationibus*] Gronovianæ editiones iterant præpositionem *in* ante *et stationibus*, præter necessitatem, et per operarum, ut videtur, errorem. Abest enim illa a vetustioribus.

³¹ * *Circa ea ipsa loca*] Ægates insulæ, ad quas celebris illa pugna pugната est, qua victi Carthaginienses pacem petiere, non longe absunt a Lilybæo.

³² *Inopem milite habebat*] Magis placeret *habebant*, quod exstat in tribus nostris codicibus, tribus Hearnii, Andrea, et Campano.

³³ *In navibus capti*] Nec minus bene *captis*: quod habet Put. codex.

U. C. 534.
A. C. 218.

ta navi, sed ea quoque ipsa reduce, in portum redit. Secundum hanc pugnam, nondum gnaris ejus, qui Messanae erant, Ti. Sempronius consul Messanam venit. ³⁴ Ei^k fretum intranti rex Hiero classem ornata obviā duxit: transgressusque ex regia in praetoriam navem, gratulatus sospitem cum exercitu et navibus advenisse, precatusque prosperam ac felicem in Siciliam transitum; statum deinde insulae et Karthaginiensium conata exposuit: pollicitusque est, quo animo priore bello populum Romanum juvenis adjuvisset, eo senem adjuturum. Frumentum vestimenta^que sese legionibus consulis sociisque navalibus gratis praebiturum. grande periculum Lilybaeo maritimisque civitatibus esse, et ³⁵ quibusdam volentibus novas res fore. Ob haec consuli nihil cunctandum visum, quin Lilybaeum classe peteret: et rex regiaeque classis una profecti. navigantes inde, pugnatum ad Lilybaeum, fusasque et captas hostium naves, accepere.

Sempronius Melitam capit.

LI. A Lilybaeo consul, Hierone cum classe regia dimisso, relictoque praetore ad tuendam Siciliae oram, ipse in insulam Melitam, quae a Karthaginiensibus tenebatur, trajecit. Advenienti Hamilcar, Gisgonis filius, praefectus praesidi, cum paullo minus duobus millibus militum, oppidumque cum insula traditur: inde post paucos dies reditum Lilybaeum, captivique et a consule et a praetore, praeter insignes nobilitate viros, ³⁶ sub corona venierunt. Postquam ab ea parte satis tutam Siciliam censebat consul, ad insulas Vulcani (quia fumant erat, stare ibi Puniceam classem) trajecit. nec quisquam hostium circa eas insulas inventus. Jam forte transmiserant ad vastandam Italiae oram: depopulatoque Vibonensi agro, ³⁷ urbem etiam terrebant. Repetenti Siciliae consuli excelsio hostium in agrum Vibonensem facta nunciatur: litteraeque ab senatu de transitu in Italiam Hannibalis, et, ut primo quoque tempore collegae ferret auxilium, missae traduntur. Multis simul anxius curis, exercitum, extemplo in naves inpositum, Ariminum supero mari misit: Sex. Pomponio legato cum viginti quinque longis navibus Vibonensem agrum maritimamque oram Italiae tuendam adtribuit: M. Emilio praetori quinquaginta navium classem explevit: ipse, compositis Siciliae rebus, decem navibus oram Italiae legens, Ariminum pervenit: inde cum exercitu suo profectus ad Trebiam flumen, collegae conjungitur.

Revocatur in Italiam.

Ad collegam venit.

LII. Jam ambo consules, et quidquid Romanarum vi-

^k Et Gron.

³⁴ *Ei fretum intranti*] Sic legendum esse jamdiu monuit Sigonius: cui assentiuntur nostri codices, et in primis Put. Vulgo *et fretum*.

³⁵ *Quibusdam volentibus novas res*

fore] Quibusdam placituras novas res, et mutationem imperii.

³⁶ *Sub corona*] Vid. not. 98. ad c. 17. l. II.

³⁷ *Urbem*] Vihonem.

riam erat, Hannibali obpositum, aut illis copis defendi posse U. C. 594.
 Romanum imperium, aut spem nullam aliam esse, satis de- A. C. 218.
 clarabat. Tamen consul alter, ³⁸ equestri proelio uno et vul-
 nere suo ³⁹ minutus, trahi rem malebat: recentis animi alter,
 eoque ferocior, nullam dilationem patiebatur. Quod inter
 Trebiam Padumque agri est, Galli tum incolebant; in duo-
 rum præpotentium populorum certamine, per ambiguum
 favorem, haud dubie gratiam victoris spectantes. Id Ro-
 mani, ne quid modo moverent, æquo satis, Poenus periniquo
 animo ferebat, ab Gallis adcitum se venisse ad liberandos
 eos, dictitans. Ob eam iram, simul ut præda militem aleret,
 duo millia peditum et mille equites, Numidas plerosque,
 mixtos quosdam et Gallos, populari omnem ⁴⁰ deinceps
 agrum usque ad Padi ripas jussit. Egentes ope Galli, quum
 ad id dubios servassent animos, coacti ab auctoribus injuriæ
 ad vindices futuros declinant: legatisque ad consulem mis-
 sis, auxilium Romanorum terræ, ob nimiam cultorum fidem
 in Romanos laboranti, orant. Cornelio nec caussa, nec
 tempus agenda rei placebat: suspectaque ei gens erat,
 quum ¹ ob infida multa facinora, tum, ut alia vetustate obso-
 levissent, ob recentem Boiorum perfidiam. Sempronius
 contra, continendis in fide sociis maximum vinculum esse
⁴¹ primos, qui eguissent ope, defensos, censebat. Tum,
 collega cunctante, ⁴² equitatum suum, mille peditum jacula-
 toribus ferme admixtis, ad defendendum Gallicum agrum
 trans Trebiam mittit. Ii, sparsos et incompositos, ad hoc ⁴³ Proelium
 graves præda plerosque, quum inopinatos invasissent, in- equestre
 gentem terrorem cædemque ac fugam usque ad castra statio- dubium.
 nesque hostium fecere: unde multitudine effusa pulsi, rur-
 sus subsidio suorum proelium restituere. ⁴⁴ Varia inde pugna
 sequentes, quamquam ad extremum sequassent certamen,
⁴⁵ major tamen hostium Romanis fama victoriæ fuit.

LIII. Ceterum nemini omnium major justiorque, quam

¹ tum Gron.

³⁸ hæc Gron. Crev.

³⁸ *Equestri proelio uno*] Vacat ulti-
 ma vox, aut celat aliquod vitium.

³⁹ *Minutus*] Minus spei et fiduciæ
 habens.

⁴⁰ *Deinceps*] Ex ordine, uno te-
 nore.

⁴¹ *Primos qui eguissent*] Certissi-
 ma Gronovii conjectura. Antea qui
 coissent.

⁴² *Equitatum suum, mille peditum*] Equitatum suum, cui admisti, ad-
 juncti erant mille pedites, qui pleri-
 que jaculatores erant. Forsitan Li-
 vius scripserat *mille peditibus*.

⁴³ *Varia inde pugna sequentes*]

Suspicitur Gronovius: *varia inde pugna cedentes sequentesque*. Sane vulgata lectio parum liquidum legenti sensum offert: et Put. liber clare, *sequentesque*. Et suspicari possis majus hic vitium latere. Etenim idem codex habet *cumque ad extremum*.

⁴⁴ *Major tamen hostium*] Hunc locum varii varie tentant. Clericus non immerito fortasse integrum putat, et exponit hoc modo: major tamen fama victoriæ fuit Romanis, quam fama victoriæ hostium: *magis pro victoribus vulgo habiti sunt Romani, quam hostes.

U. C. 584.
A. C. 218.
Sempro-
nius pugnae
cupidus.

ipsi consuli, videri; gaudio efferri, qua parte copiarum alter consul victus foret, ea se vicisse. restitutos ac refectos militibus animos: nec quemquam esse, praeter collegam, qui dilatam dimissionem vellet: eum, animo magis, quam corpore, aegrum, memoria vulneris aciem ac tela horrere. Sed non esse cum aegro senescendum. Quid enim ultra differri aut teri tempus? Quem tertium consulem, quem alium exercitum exspectari? Castra Karthaginiensium in Italia, ac prope in conspectu urbis esse. ⁴⁵ non Siciliam ac Sardiniam victis ademptas, nec cis Iberum Hispaniam peti, sed solo patrio terraque, in qua geniti forent, pelli Romanos. Quantum ingemiscant, inquit, patres nostri, circa moenia Karthaginis bellare soliti, si videant nos, progeniem suam, duos consules consularesque exercitus, in media Italia paventes intra castra? Poenum, quod inter Alpes Apenninumque agri sit, suae ditionis fecisse? Haec adsidens aegro collegae, haec in praetorio prope concionabundus agere. Stimulabat et tempus propinquum comitiorum, ne in novos consules bellum differretur, et occasio in se unum vertendae gloriae, dum aeger collega erat. Itaque, nequidquam dissentiente Cornelio, parari ad propinquum certamen milites jubet. Hannibal, quum, quid optimum foret hosti, cerneret, vix ullam spem habebat, temere atque improvide quidquam consules acturos. quum alterius ingenium, fama prius, deinde re cognitum, percitum ac ferox sciret esse, ferociusque factum prospero cum praedatoribus suis certamine crederet; adesse gerendae rei fortunam hand diffidebat. cuius ne quod praetermitteret tempus, sollicitus intentusque erat, dum tiro hostium esset miles, dum meliorem ex ducibus inutilem vulnus faceret, dum Gallorum animi vigerent: quorum ingentem multitudinem sciebat segnius secuturam, quanto longius ab domo traherentur. Quum ob haec taliaque speraret propinquum certamen, et facere, si cessaretur, cuperet; speculatoresque Galli, ad ea exploranda, quae vellet, tutiores, quia in utrisque castris militabant, paratos pugnae esse Romanos retulissent; locum insidiis Hannibal circumspectare Poenus coepit.

Locum insidiis Hannibal circumspectat.

LIV. Erat in medio rivus, praetis utrimque clausus ripis, et circa obsitus palustribus herbis et, quibus inculta ferme vestiuntur, virgultis vepribusque. quem ubi ⁴⁶ ad equites quoque tegendos satis latebrosum locum circumvectus ipse oculis perlustravit; *Hic erit locus*, Magoni fratri ait, *quem teneas. Delige centenos viros ex omni pedite atque equite; cum*

⁴⁵ * *Non Siciliam peti*] Non id agi a Carthaginiensibus, ut repeterent armis Siciliam ac Sardiniam, quae victis ademptae fuerant.

⁴⁶ *Ad equites quoque tegendos satis latebrosum*] Longe id elegantius est

quod a Gronovio e codicibus non spernendis allatum firmat unus e regis, equiti quoque tegendo. Puteaneus ignorat quoque *ad*: in ceteris nihil mutat de vulgata lectione.

quibus ad me vigilia prima venias. Nunc corpora curare tempus est. Ita ⁴⁷ prætorium missum. mox cum delectis Mago aderat. Robora virorum cerno, inquit Hannibal. sed, ut et numero etiam, non animis modo, valeatis, singulis vobis novenos ex turmis manipulisque vestri similes eligite: Mago locum monstrabit, quem insideatis. ⁴⁸ Hostem cæcum ad has belli artes habebitis. Ita mille equitibus Magoni, mille peditibus dimissis, Hannibal prima luce Numidas equites, transgressos Trebiam flumen, obequitare jubet hostium portis, jaculandoque in stationes elicere ad pugnam hostem: injecto deinde certamine, cedendo sensim citra flumen pertrahere. Hæc mandata Numidis. ceteris ducibus peditum equitumque præceptum, ut prandere omnes juberent: armatos deinde, instratisque equis, signum exspectare. Sempronius, ad tumultum Numidarum primum omnem equitatum, ferox ea parte virium, deinde sex millia peditum, postremo omnes copias ⁴⁹ ad destinatum ^a jam ante consilio, avidus certaminis, eduxit. Erat forte brumæ tempus et nivalis dies in locis Alpibus Apenninoque interjectis, propinquitatem etiam fluminum ac paludum prægelidis. ad hoc raptim eductis hominibus atque equis, non capto ante cibo, non ope ulla ad arcendum frigus adhibita, nihil caloris inerat: et quidquid auræ fluminis adpropinquabant, adflabat acrior frigoris vis. Ut vero refugientes Numidas insequentes aquam ingressi sunt, (et erat pectoribus tenuis aucta nocturno imbri) tum utique egressis rigere omnibus corpora, ut vix armorum tenendorum potentia essent, et ⁵⁰ simul lassitudine procedente jam die, fame etiam deficere.

LV. Hannibalis interim miles, ignibus ante tentoria factis, oleoque per manipulos, ut mollirent artus, misso, et cibo per otium capto, ubi transgressos flumen hostes nunciatum est, alacer animis corporibusque arma capit, atque in aciem procedit. Baliares locat ante signa, levem armaturam, octo ferme millia hominum; dein graviores armis peditum, quod virium, quod roboris erat: in cornibus circumfudit decem millia equitum; et ab cornibus in utramque partem divisos

Numidæ
obequitant
castris Ro-
manis.

Semproni-
us educit
copias.

Cedunt Nu-
midæ.

Hannibal
aciem in-
struit.

^a add. locum Gron. Crev.

^o et simul lassitudine l. simul jejuni Eæd.

⁴⁷ Prætorium missum] Dimissi præcipui ducum, qui in prætorium, sive tabernaculum imperatoris, conveniebant. Vid. Lips. l. V. de Mil. Rom. dial. 2.

⁴⁸ Hostem . . . habebitis] Put. liber habetis: quod fortasse magis placebit.

⁴⁹ Ad destinatum locum] Ultimam vocem non agnoscunt scripti a Gronovio excussi. Unus tantummodo

e nostris illam adjicit a secunda manu. Abfuerat quoque a Vallæ codice, ut apparet ex ejus nota ad hunc locum. Nec fortasse necessaria est. Sic absolute dicitur ad constitutum, ad conditum: et infra l. XXXVIII. c. 26. destinatum petentibus.

⁵⁰ Simul jejuni] Pro his scripti habent et similitudine. Emendavit Gronovius ex Polybio.

U.C. 534.
A.C. 218.

Prælium
committi-
tur.

elephantos statuit. Consul effusus sequentes equites, quum ab resistentibus subito Numidæ incauti exciperentur, signo receptui dato, revocatos ⁵¹ circumdedit peditibus. Duodeviginti millia Romani erant, socium nominis ^P Latini viginti; auxilia præterea Cenomanorum. ea sola in fide manserat Gallica gens. his copiis concursus est. Prælium a Baliaribus ortum est; quibus quum maiore robore legiones obsisterent, deductæ propere in cornua leves armaturæ sunt. quæ res effecit, ut equitatus Romanus extemplo urgueretur: nam quum vix jam per se resisterent decem millibus equitum quatuor millia, et fessi plerisque integris, obruti sunt insuper velut nube jaculorum a Baliaribus conjecta. ad hoc elephantum, eminentes ab extremis cornibus, (equis maxime non visa modo, sed odore insolito territis) fugam late faciebant. Pedestris pugna par animis magis quam viribus, erat; quas recentes Poenæ, paullo ante curatis corporibus, in prælium adtulerat: contra, jejuna fessaque corpora Romanis et rigentia gelu torpebant. restitissent tamen animis, si cum peditum solum foret pugnatum. Sed et Baliares, pulso equite, jaculabantur in latera, et elephantum jam in mediani peditum aciem sese tulerant: et Mago Numidæque, simul latebras eorum improvida præterlata acies est, exorti ab tergo ingentem tumultum ac terrorem fecere. Tamen in tot circumstantibus malis mansit aliquamdiu immota acies, ⁵² maxime præter spem omnium adversus elephantos. eos velites, ad id ipsum locati, verutis conjectis et avertere, et insecuti aversos sub caudis, qua maxime molli cute vulnera accipiunt, fodiebant.

Vincuntur
Romani.

LVI. ⁵³ Trepidantesque prope ⁹ jam in suos consternatos media acie in extremam, ad sinistram cornu, adversus Gallos auxiliares agi jussit Hannibal. Extemplo haud dubiam fecere fugam. additus quoque novus terror Romanis, ut fusa auxilia sua viderunt. Itaque, quum jam in orbem pugnarent, decem millia ferme hominum, ⁵⁴ quum alii ^r evadere nequissent, media Afrorum acie, quæ Gallicis auxiliis firmata erat, cum ingenti caede hostium perrupere. et, quum neque in castra reditus esset flumine interclusis, neque præ imbi sa-

^P nominisque Gron. Crev.

⁹ trepidantes propeque Crev.

^r alia Gron. Crev.

⁵¹ * Circumdedit peditibus] Locavit a. dextra lævæque peditum.

⁵² * Maxime præter spem omnium adversus elephantos] In. que id maxime præter spem omnium accidit, quod etiam adversus elephantos aliquamdiu resistere.

⁵³ Trepidantes propeque jam in suos consternatos] In Gronovianis editionibus legitur Trepidantesque prope jam. Particulam que male trajectam,

in suum ordinem revocavimus ex vetustiorum fide. Sensus est: Trepidantes elephantos; et ita effertos ut prope jam ruituri viderentur in suos, i. e. in Poenos. Vox consternatus, non tam pavidum, quam furem denotat. Max. legendum videtur, adjecta præpositione, e media acie.

⁵⁴ Quum alia evadere] Sic legi jussit Gronovius. Vulgati, alios: scripti, alii.

tis decernere possent, quæ suis opem ferrent, Placentiam U. C. 531.
 recto itinere perrexere. Plures deinde in omnes partes A. C. 218.
 eruptiones factæ: et, qui flumen petiere, aut gurgitibus ab-
 sumti sunt, aut inter cunctationem ingrediendi ab hostibus
 obpressi. qui passim per agros fuga sparsi erant, vestigia ce-
 dentis sequentes agminis, Placentiam contendere: aliis timor Placentiam
 hostium audaciam ingrediendi flumen fecit, transgressique in fugiunt.
 castra pervenerunt. Imber nive mixtus, et intoleranda via
 frigoris, et homines multos, et jumenta, et elephantos prope
 omnes, absumsit. Finis insequendi hostis Poenis flumen Tre-
 bia fuit: et ita torpentes gelu in castra rediere, ut vix læti-
 tiam victoriæ sentirent. Itaque nocte insequenti, quum præ-
 sidium * castrorum, ⁵⁵ et quod reliquum ex magna parte mili-
 tum erat, ratibus Trebiam trajicerent, aut nihil sensere[†], ob-
 strepente pluvia; aut, quia jam moveri præ lassitudine ne-
 quibant ac vulneribus, sentire sese dissimularunt: quietis-
 que Poenis, tacito agmine ab Scipione consule exercitus Pla-
 centiam est perductus: inde Pado trajectus Cremonam, ne
 duorum exercituum hibernis una colonia premeretur.

LVII. Romam tantus terror ex hac clade perlatus est, ut Romæ tre-
 jam ad urbem crederent infestis signis hostem venturum; pidatio.
 nec quidquam spei aut auxilii esse, quo portia mœnibusque
 vim arcerent. *Uno consule ad Ticinum victo, altera ex Sici-
 lia revocato, duobus consulibus, duobus consularibus exercitibus*
victis, quos alios duces, quas alias legiones esse, quæ arcessantur?
 Ita territis Sempronius consul advenit, ingenti periculo per
 effusos passim ad prædandum hostium equites (audacia magis,
 quam consilio aut spe fallendi resistendive, si non falleret)
 transgressus. Id quod unum maxime in præsentia desidera- Comitia
 batur, comitiis consularibus habitis, in hiberna rediit. consularia: *Creati*
consules Cn. Servilius et C. Flaminius. Ceterum ne hiberna
 quidem Romanis quietæ erant, vagantibus passim Numidia
 equitibus, ⁵⁶ et, quæ his inpeditiona erant, Celtiberis Lusita-
 niisque. Omnes igitur clausi undique commeatus erant,
⁵⁷ nisi quos * Pado naves subveherent. Emporium prope Pla-
 centiam fuit, et opere magno munitum, et valido firmatum
 præsidio. ⁵⁸ ejus castelli obpugnandi spe cum equitibus ac

* add. Romanorum Gron. Crev.

† add. Pæni Ead.

⁵⁵ quod Gron.

⁵⁵ Et quod reliquum ex magna parte militum erat] Et quod reliquum militum erat, saltim magna ex parte, plerique certe, trajicerent flumen Trebiam. Dicit Livius plerumque Trebiam trajecisse, non omnes, quia aliqua pars profecto Sempronium ad urbem Romam comitata est.

⁵⁶ Et, quæ his inpeditiona erant] Celtiberis Lusitanisque vagantibus, quæ parte loca inpeditiona erant,

quam ut ex Numidiæ pervagari possent. Ea propria laus Hispanorum erat, quod ad concursandum inter saxa rupesque apti ac leves essent. Vid. infra l. XXII. c. 18. Quæ est a conjectura Gronovii. Antea quæ.

⁵⁷ Nisi quos] Sic Put. et Victor. codices: melius quam, ut vulgati, nisi quod.

⁵⁸ Ejus castelli obpugnandi spe] Recte Perizonius censere videtur le-

U. C. 534. A. C. 218. levi armatura profectus Hannibal, ⁵⁹ quum plurimum in celando incepto ad effectum spei habuisset, nocte adortus, non fefellit vigiles. Tanta repente clamor est sublatus, ut Placentiæ quoque audiretur. Itaque sub lucem cum equitatu consul aderat, jussis quadrato agmine legionibus sequi. Equestre prælium interim commissum : in quo, quia saucius Hannibal pugna excessit, pavore hostibus injecto, defensum egregie præsidium est. Paucorum inde dierum quiete sumpta, et vixdum satis percurato vulnere, ad Victumvias ire pergit obpugnandas. Id emporium a Romanis Gallico bello fuerat munitum. inde ⁶⁰ locum frequentaverant adcolæ mixti undique ex finitimis populis; et tum terror populationum eo plerosque ex agris compulerat. Hujus generis multitudo fama inpigre defensi ad Placentiam præsidii accensa, armis adreptis obviam Hannibali procedit. ⁶¹ Magis agmina, quam acies, in via concurrerunt; et, quum ex altera parte nihil, præter inconditam turbam, esset, in altera et dux militi, et duci fidens miles, ad triginta quinque millia hominum a paucis fusa. Postero die, deditione facta, præsidium intra moenia accipere : jussique arma tradere quum dicto paruis- sent, signum repente victoribus datur, ut tamquam vi captam urbem diriperent. neque ulla, quæ in tali re memorabilis scribentibus videri solet, prætermissa clades est : adeo omnis libidinis, crudelitatisque, et inhumanæ superbiæ editum in miseros est exemplum. Hæ fuere hibernæ expeditiones Hannibalis.

Transitum
Apennini
tentat Han-
nibal.

LVIII. ⁶² Haud longis inde temporibus, dum intolerabilia frigora erant, quies militi data est : et ad prima ac dubia signa veris profectus ex hibernis, in Etruriam ducit, eam quoque gentem, sicut Gallos Liguresque, aut vi aut voluntate adjuncturus. Transeuntem Apenninum adeo atrox adorta tempestas est, ut Alpium foeditatem prope superaverit. Vento mixtus imber quum ferretur in ipsa ora, primo, quia aut arma omittenda erant, aut contra enitentes vortice intorti adfligebantur, constitere : dein, quum jam ⁶³ spiritum

gendum esse *expugnandi*. Oppugnare voluntatis est : at expugnatio speratur.

⁵⁹ * *Quum plurimum*] Quum maximam spem efficiendi id quod destinarat in eo collocasset, si celare posset inceptum suum.

⁶⁰ * *Locum frequentaverant adcolæ*] Loco frequentiam addiderant adjunctes se ad emporii moenia multi habitatores.

⁶¹ * *Magis agmina, quam acies*] *Agmen* est exercitus eo ordine compositus, qui ad iter faciendum accommodatus

est : *acies*, exercitus aptatus ad pugnam. Vult igitur Livius hos exercitus eo ordine instructos concurrissos, qui itineri magis aptus esset, quam prælio.

⁶² * *Haud longis inde temporibus . . . quies*] Gronovio magis placeret, *Haud longi inde temporis . . . quies* : nec immerito. Sic c. præc. *Paucorum dierum quiete sumpta*. Et displicet *et temporibus*.

⁶³ * *Spiritum intercluderet*] Puteanus liber *includeret*.

includeret*, nec ⁶⁴reciprocare animam sineret, aversi à U. C. 534.
 vento parumper consedere. Tum vero ingenti sono cœlum A. C. 218.
 strepere, et inter horrendos fragores micare ignes. capti auri-
 bus et oculis metu omnes torpere. Tandem, effuso imbre,
 quum eo magis accensa vis venti esset, ipso illo, quo depre-
 hensi erant, loco castra ponere necessarium visum est. Id
 vero laboris velut de integro initium fuit. nam nec explicare
 quidquam, nec statuere poterant: nec, quod statutum esset,
 manebat, omnia perscindente vento et rapiente. et mox
⁶⁵aqua levata vento, quum super gelida montium juga con-
 creta esset, tantum nivosæ grandinis dejecit, ut, omnibus
 omissis, procumberent homines, tegminibus suis magis ob-
 ruti, quam tecti. tantaque vis frigoris insecuta est, ut, ex
 illa miserabili hominum jumentorumque ⁶⁶strage quum se
 quisque adtollere ac levare vellet, diu nequiret, quia, torpen-
 tibus rigore nervis, vix flectere artus poterant. deinde, ut
 tandem agitando sese movere ac recepere animos, et raris
 locis ignis fieri est cœptus, ad alienam opem quisque inops
 tendere. Biduum eo loco, velut obsessi, mansere. multi ho-
 mines, multa jumenta, elephantum quoque ex his, qui prælio
 ad Trebiam factò superfuerant, septem absumpti.

LIX. Degressus Apennino retro ad Placentiam castra Regreditur.
 movit, et ad decem millia progressus consedit. postero die
 duodecim millia peditum, quinque equitum adversus hostem
 ducit. Nec Sempronius consul (jam enim redierat ab Ro-
 ma) detrectavit certamen: atque eo die tria millia passuum
 inter bina castra fuere. Postero die ingentibus animis, va-
 rio eventu, pugnatum est. primo concursu adeo res Romana Pugna inter
 superior fuit, ut non acie vincerent solum, sed pulsos hostes Sempro-
 in castra persequerentur; mox castra quoque obpugnarent. nium et
 Hannibal, paucis propugnatoribus in vallo portisque positus, Hanniba-
 ceteros confertos in media castra recepit, intentosque sig-
 num ad erumpendum spectare jubet. Jam nona ferme diei
 hora erat, quum Romanus, nequidquam fatigato milite,
 postquam nulla spes erat potiundi castris, signum receptui
 dedit. Quod ubi Hannibal accepit, laxatamque pugnam et
 recessum a castris vidit, extemplo equitibus dextra lævaque
 emissis in hostem, ipse cum peditum robore ⁶⁷medius castris
 erupit. pugna raro ulla magis sæva, et cum utriusque partis
 perniciæ clarior fuisset, si extendi eam dies in longum spa-

* intercluderet Gron. Crev.

⁶⁴ * *Reciprocare animam*] Aërem
 excipere prima, deinde efflare, reciproco
 illo halitu, unde vita pendet.

⁶⁵ *Aqua*] Aqua sublata ac suspen-
 sa viventi, quum in aëre concreta es-
 set.

⁶⁶ *Strage*] *Strages* est stratorum
 et jacentium corporum multitudo.

⁶⁷ *Medius castris erupit. Pugna
 raro ulla magis sæva*] Hæc in scriptis
 corrupta erant. *Medius* Gronovio de-
 betur: sæva Vallæ.

U. C. 534. tium sivilisset. Nox accensum ingentibus animis proelium
 A. C. 218. diremit. itaque acrior concursus fuit, quam cædes; et, sicut
 æquata ferme pugna erat, ita clade pari discessum est. ab
 neutra parte sexcentis plus peditibus, et dimidium ejus equi-
 tum cecidit. Sed major Romanis, quam pro numero, jac-
 tura fuit: quia equestris ordinis aliquot, et tribuni militum
 quinque, et ⁶⁸ præfecti sociorum tres, sunt interfecti. Secun-
 dum eam pugnam Hannibal in Ligures, Sempronius Lucam
 concessit. Venienti in Ligures Hannibali per insidias inter-
 cepti duo quæstores Romani, C. Fulvius et L. Lucretius,
 cum duobus tribunis militum, et quinque equestris ordinis
 senatorum ferme liberis, quo magis ratam fore cum his pa-
 cem societatemque crederet, traduntur.

Res gestæ a
 Cn. Scipio-
 ne in His-
 pania.

Hanno vic-
 tus.

LX. Dum hæc in Italia geruntur, Cn. Cornelius Scipio,
 in Hispaniam cum classe et exercitu missus, quum, ab ostio
 Rhodani profectus, Pyrenæosque montes circumvectus, Em-
 poriiis adpulisset classem, exposito ibi exercitu, orsus a La-
 cetanis, ompem oram usque ad Iberum flumen, partim re-
 novandis societatibus, partim novis instituendis, Romanæ
 ditionis fecit. Inde conciliata clementiæ fama, non ad ma-
 ritimos modo populos, sed, in mediterraneis quoque ac mon-
 tanis, ad ferociiores jam gentes valuit: nec pax modo apud
 eos, sed societas etiam armorum, parata est: validæque ali-
 quot auxiliorum cohortes ex iis conscriptæ sunt. Hannonis
 cis Iberum provincia erat: eum reliquerat Hannibal ad re-
 gionis ejus præsidium. itaque prius, quam alienarentur om-
 nia, obviam eundum ratus, castris in conspectu hostium po-
 sitis, in aciem eduxit. nec Romano differendum certamen
 visum: quippe qui sciret, cum Hannone et Hasdrubale sibi
 dimicandum esse; malletque adversus singulos separatim,
 quam adversus duos simul, rem gerere. Nec magni certa-
 minis ea dimicatio fuit. sex millia hostium cæsa, duo capta
 cum præsidio castrorum. nam et castra expugnata sunt,
 atque ipse dux cum aliquot principibus capiuntur: et
 Scissis, propinquum castris oppidum, expugnatur. Ce-
 terum ⁶⁹ præda oppidi parvi pretii rerum fuit; supellex
 barbarica, ac vilium mancipiorum. castra militem dita-
 vere; ⁷⁰ non ejus modo exercitus, qui victus erat, sed et
 ejus, qui cum Hannibale in Italia militabat, omnibus fere

⁶⁸ *Præfecti sociorum*] Vid. not. 89.
 ad c. 36. l. VIII.

⁶⁹ * *Præda oppidi*] *Præda oppidi*
 fuit rerum parvi pretii; nihil habuit
 nisi res parvi pretii.

⁷⁰ *Non ejus modo exercitus*] Hic
 aliquid ex sensu supplendum est.

Castra militem ditare, qui in iis re-
 perit non modo ejus exercitus opes,
 qui victus erat, sed etiam omnes fere
 caras res ejus qui cum Annibale mili-
 tabat, relictas citra Pyrenæum, ne
 gravia impedimenta ferentibus essent.

caris rebus (ne gravia impedimenta ferentibus essent) citra U. C. 534.
Pyrenæum relictis. A. C. 218.

LXI. Priusquam certa hujus cladis fama accideret, trans-
gressus Iberum Hasdrubal cum octo millibus peditum, mil-
le equitum, tamquam ad primum adventum Romanorum
obcursurus, postquam perditas res ad Scissim amissaque cas-
tra accepit, iter ad mare convertit. Haud procul Tarracone
classicos milites navalesque socios, vagos palantesque per
agros, (quod ferme fit, ut secundæ res neglegentiam creent)
equite passim dimisso, cum magna cæde, majore fuga ad
naves compellit. nec diutius circa ea loca morari ausus, ne a
Scipione obprimeretur, trans Iberum sese recepit. Et Sci-
pio, raptim ad famam novorum hostium agmine acto, quum
in paucos ⁷¹ præfectos navium animadvertisset, præsidio
Tarracone modico relicto, Emporias cum classe rediit.
Vixdum digresso eo, Hasdrubal aderat: et, Ilergetum po-
pulo, qui obsides Scipioni dederat, ad defectionem impulsus, <sup>Vastat soci-
orum P. R.
agros.</sup>
cum eorum ipsorum juventute agros fidelium Romanis so-
ciorum vastat. Excito deinde Scipione hibernis, toto cis
Iberum rursus cedit agro. Scipio, relictam ab auctore de-
fectionis Ilergetum gentem quum infesto exercitu invasis-
set, compulsis omnibus Athanagiam, urbem (quæ caput ejus
populi erat) circumscedit: intraque dies paucos, pluribus
quam ante obsidibus imperatis, Ilergetes, pecunia etiam
multatos, in jus ditionemque recepit. Inde in Ausetanos
prope Iberum, socios et ipsos Pœnorum, procedit: atque,
urbe eorum obsessa, Lacetanos auxilium finitimis ferentes
nocte, haud procul jam urbe, quum intrare vellent, excepit
insidiis. Cæsa ad duodecim millia: exuti pene omnes ar-
mis, domos passim palantes per agros diffugere; nec obses-
sos alia ulla res, quam iniqua obpugnantibus hiems, tutaba-
tur. triginta dies obsidio fuit: per quos raro umquam nix
minus quatuor pedes alta jacuit: adeoque ⁷² pluteos ac vi-
neas Romanorum operuerat, ut ea sola, ignibus aliquoties
conjectis ab hoste, etiam tutamentum fuerit. Postremo
quum Amusitus princeps eorum ad Hasdrubalem profugis-
set, ⁷³ viginti argenti talentis pacti deduntur. Tarraconem
in hiberna reditum est.

LXII. Romæ aut circa urbem multa ea hieme prodigia
facta: aut (quod evenire solet, motis semel in religionem
animis) multa nunciata, et temere credita sunt: in quibus in-
genium infantem semestrem in foro olitorio triumphum
clamasse: et foro boario bovem in tertiam contignationem

⁷¹ *Præfectos navium*] Scriptus op-
timus *pavium*: unde Gronovius effe-
cit *navium*. Vulgo *paululum*.

⁷² *Pluteos*] *Plutei* non multum

differebant a vineis, et ad similes fer-
me usus adhibebantur.

⁷³ *Viginti argenti talentis*] Marcia
argenti nostratibus 1875.

U. C. 534. A. C. 218. sua sponte escendisse, atque inde tumultu habitatorum ter-
ritum sese dejecisse: et navium speciem de cœlo adfulsisse,
et ædem Spei, quæ est in foro olitorio¹, fulmine ictam: et
⁷⁴ Lanuvii hastam se commovisse: et corvum in ædem Ju-
nonis devolasse, atque in ipso pulvinario consedis-
se: et in agro Amiternino multis locis hominum specie procul candi-
da veste visos, nec cum ullo congressos: et in Piceno lapi-
dibus pluisse; et Cære⁷⁵ sortes extenuatas: et in Gallia lu-
pum vigili gladium e vagina raptum abstulisse. Ob cetera
prodigia libros adire decemviri jussi. quod autem lapidibus
pluisset in Piceno, novemdiale sacrum edictum, et subinde
aliis procurandis prope tota civitas operata fuit. Jam pri-
mum omnium⁷⁶ urbs lustrata est, ⁷⁷ hostiæque majores, qui-
bus editum est, Diis cæsæ; et donum⁷⁸ ex auri pondo qua-
draginta Lanuvium ad Junonis portatum est; et signum
æneum matronæ Junoni in Aventino dedicaverunt; et ⁷⁹ lec-
tisternium Cære, ubi sortes adtenuatæ erant, imperatum; et
supplicatio Fortunæ in Algido; Romæ quoque et lectister-
nium Juventati, et supplicatio ad ædem Herculis nomina-
tim; deinde universo populo circa omnia pulvinaria, indic-
ta; et Genio majores hostiæ cæsæ quinque; et C. Atilius
Serranus prætor vota suscipere jussus, si in decem annos
respublica eodem stetisset statu. Hæc procurata vota-
que ex libris Sibyllinis, magna ex parte levaverant religione
animos².

LXIII. Consulium designatorum alter Flaminius, cui eæ

¹ quæ in foro olitorio est Gron. Crev.

² animos religione Eæd.

⁷⁴ Lanuvii hastam se commovisse] Intelligenda videtur hasta Junonis Soopitæ, cujus fortasse etiam nomen excidit. Justus Rycquius lib. de Capitol. c. 19. observat. solitum antiquis hastas diis atque etiam deabus addere ad manum, quæ iis essent pro acce-
ptis. Sic infra l. XXIV. c. 10. refer-
tur inter prodigia, hastam Martis Præneste sua sponte promotam.

⁷⁵ Sortes extenuatas] Sortes Præ-
nestinæ, teste Cic. l. II. de Div. n.
85. erant insculptæ in robore prisca-
rum litterarum notæ. Idem l. II. in
Verr. n. 127. sortes usurpat pro sche-
dulis, quæ nomina in urnam conji-
cienda et sorte educenda præferrent.
Itaque sortes hoc loco intelligi pos-
sunt vel tabulæ lignæ, vel membra-
nulæ, quæ inscriptas haberent ali-
quas vel litteras, vel voces, vel versi-
culos. Igitur ubi hic sortes extenua-
tæ dicuntur, intelligendum est eas
vel tabellas, vel membranulas visas

esse coarctari et in angustius spa-
tium redigi; sive potius sacerdotum
fraude subjectas quasdam minores in
locum earum, quæ vulgo educebantur,
et majores erant. Porro Salma-
sius observat, in ostentis, ut et in
somnia, omnia majora et auctiora vi-
dere lætum ac prosperum judicari so-
litum fuisse: contra, triste omen fu-
isse, si qua res solito minor, tenua-
tior, defectiorque appareret.

⁷⁶ Urbs lustrata est] Designatur
Amburbium, sive Amburbale sacrum;
quod sic dicebatur, quia urbem cir-
cuibat et ambibat victima. Vid. Ser-
vium ad Eclog. III. Virgilii, v. 77.

⁷⁷ Hostiæ . . . majores] Hostiæ ma-
jores opponuntur lactentibus, ut ap-
paret ex c. l. libri seq.

⁷⁸ Ex auri pondo quadraginta] Selibris, seu marcis nostratibus 62.
cum quatuor unciiis.

⁷⁹ Lectisternium] Vid. lib. V. c. 13.

legiones, quæ Placentiæ hibernabant, sorte evenerant, edic- U. C. 531.
tum et literas ad consulem misit, ut is exercitus Idibus A. C. 218.
Martius Arimini adesset in castris. Huic in provincia con- Temeritas
sulatum inire consilium erat, memori ⁸⁰ veterum certaminum et arrogan-
cum Patribus; quæ tribunus plebis, et quæ postea consul, tia Flami-
prius de consulatu, qui abrogabatur, dein de triumpho ha- nii.
buerat; invisus etiam Patribus ob novam legem, quam Q.
Claudius tribunus plebis adversus senatum, uno Patrum ad-
juvante C. Flaminiō, tulerat; ne quis senator, quive senato-
ris pater fuisset, maritimam navem, ⁸¹ quæ plus quam tre-
centarum amphorarum esset, haberet. Id satis habitum ad
fructus ex agris vectandos. ⁸² quæstus omnis Patribus inde-
corus visus. Res, per summam contentionem acta, invidiam
apud nobilitatem suasori legis Flaminio, favorem apud ple-
bem alterumque inde consulatum, peperit. Ob hæc ratus
auspiciis ementiendis, Latinarumque feriarum mora, et con-
sularibus aliis impedimentis retenturos se in urbe, simulato
itinere privatus clam in provinciam abiit. Ea res, ubi palam Clam in
facta est, novam insuper iram infestis jam ante Patribus mo- provinciam
vit: *Non cum senatu modo, sed jam cum Diis immortalibus,* abit.
C. Flaminium bellum gerere. consulem ante inauspicato factum
revocantibus ex ipsa acie Diis atque hominibus non paruisse;
et nunc ⁸³ conscientia spretorum et Capitolium et sollemnem vo-
torum nuncupationem fugisse: ne die initi magistratus Jovis
optimi maximi templum adiret: ne senatum, invisus ipse, et sibi
uni invisum, videret consuleretque: ne ⁸⁴ Latinas indiceret, Jo-
vique Latiari sollemne sacrum ⁸⁵ in monte faceret: ne, auspica-
to profectus in Capitolium ad vota nuncupanda, paludatus inde
cum lictoribus ad provinciam iret. lixæ modo sine insignibus,
sine lictoribus, profectum clam, furtim, haud aliter quam si ex-
silii causa solum vertisset. ⁸⁶ magis pro majestate videlicet im-
perii Arimini, quam Romæ, magistratum initurum, et in de-
versorio ^x hospitali, quam apud penates suos, prætextam sumtu-
rum. Revocandum universi retrahendumque censuerunt;
et cogendum omnibus prius præsentem in Deos hominesque

^x diversorio Gron. Crev.

⁸⁰ *Veterum certaminum cum Pa-*
tribus] De his certaminibus Flaminii
cum Patribus * operæ pretium est
consulere l. X. Suppl. Freinsheimii,
qui respondet vicesimo Livii, primo
c. 19. tum c. 47. et seqq. vel Histo-
riam Romanam Clar. Rollini, l. XII.

⁸¹ *Quæ plusquam trecentarum am-*
phorarum esset] Quæ plus ferre pos-
set, quam quantum trecentæ ampho-
ræ caperent: id est, libras pondo
Romanas aquæ vel vini 30000. Pari-
cienses 15625.

⁸² * *Quæstus omnis]* Visum est in-
decorum esse ordini senatorio, quem-
quam senatorem quæstum facere: ac
proinde senatoribus sufficere debere
navem ejus magnitudinis, quæ ad
fructus ex agris vectandos satis esset.

⁸³ * *Conscientia spretorum]* Quum
sibi conscius esset spretos a se deos.

⁸⁴ *Latinas]* Vid. lib. V. c. 17.

⁸⁵ * *In monte]* Albano.

⁸⁶ * *Magis pro majestate . . . im-*
perii] Dignius majestate imperii con-
sularis.

U. C. 534. fungi officiis, quam ad exercitum et in provinciam iret. In
 A. C. 218. eam legationem (legatos enim mitti placuit) Q. Terentius
 Frustra re- et M. Antistius profecti, nihilo magis eum moverunt', quam
 vocatur. priori consulatu literæ moverant ab senatu missæ. Paucos
 U. C. 535. post dies magistratum iniit, inmolantique ei vitulus jam ic-
 A. C. 217. tus e manibus sacrificantium sese quum proripuisset, multos
 Cn. Servi- circumstantes cruore respersit. Fuga procul etiam major
 lio, C. Fla- apud ignaros, quid trepidaretur, et concursatio fuit. id a ple-
 minio II. risque in omen magni terroris acceptum. Legionibus inde
 Coss. duabus a Sempronio prioris anni consule, duabus a C. Ati-
 lio prætore acceptis, in Etruriam per Apennini tramites ex-
 ercitus duci est coeptus.

y movere Gron. Crev.

EPITOME LIBRI XXII.

HANNIBAL, per continuas vigilias in paludibus oculo amisso, venit in *Etruriam*: per quas paludes quatrīduo et tribus noctibus sine ulla requie iter fecit. *C. Flaminius* consul, homo temerarius, contra auspicia profectus, signis militaribus effossis, quæ tolli non poterant, et ab equo, quem conscenderat, per caput devolutus, insidiis ab *Hannibale* circumventus, ad *Trasimenum* lacum cum exercitu cæsus est. Sex millia, quæ eruperant, fide ab *Maharbale* data, perfidia *Hannibalis* vincta sunt. Quum ad nuncium cladis *Romæ* luctus esset, duæ matres, ex insperato receptis filiis, gaudio mortuæ sunt. Ob hanc cladem ex *Sibyllinis* libris ver sacrum votum. Quum deinde *Q. Fabius Maximus* dictator, adversus *Hannibalem* missus, nollet acie cum eo configere, ne, contra ferocem tot victoriis hostem, territum adversis præliis militem pugnae committeret, et, obponendo se tantummodo, conatus *Hannibalis* impediret: *M. Minucius* magister equitum, ferox et temerarius, criminando dictatorem tamquam segnem et timidum, effecit, ut populi jussu æquaretur ei cum dictatore imperium; divisoque exercitu, ¹ quum iniquo loco conflixisset, et in maximo discrimine legiones ejus essent, superveniente cum exercitu *Fabio Maximo* discrimine liberatus est. quo beneficio victus castra cum eo junxit, et patrem eum salutavit; idemque facere milites jussit. *Hannibal*, vastata *Campania*, inter *Casilinum* oppidum et *Calliculam* montem a *Fabio* clausus, sarmentis ad cornua boum adligatis et incensis, præsidium Romanorum, quod *Calliculam* insidebat, fugavit: et sic transgressus est saltum. idemque *Q. Fabii Maximi* dictatoris, quum circumposita ureret, agro pepercit, ut illum tamquam proditorem suspectum faceret. *Æmilio* deinde *Paullo* et *Terentio Varrone* consulibus et ducibus, cum maxima clade adversus *Hannibalem* ad *Cannas* pugnatum est: cæsaque eo prælio Romanorum quadraginta quinque millia, cum *Paullo* consule et senatoribus octoginta, consularibus atque prætoris aut ædiliis triginta. Post quam cladem quum a nobilibus adolescentibus propter desperationem consilium de relinquenda *Italia* iniretur, *P. Cornelius Scipio* tribunus militum, qui postea *Africanus* nuncupatus est, stricto super capita deliberantium ferro, juravit, se pro hoste habiturum eum, qui in verba sua non

¹ Quum iniquo loco] Vulgati habesse Sigonius et Sanctius testantur, bent quum in iniquo. Inutilem et insustulimus.
gratam hic voculam, quam a vett. libb.

jurasset ; effecitque, ut omnes minime relictum iri a se Italiam jurejurando adstringerentur. Præterea trepidationem urbis et luctum, et res in Hispania meliore eventu gestas continet. Opimia et Floronia, Vestales virgines, incesti damnatæ sunt. Propter paucitatem vero militum servorum octo millia armata sunt. captivi, quum potestas esset redimendi, redempti non sunt. Varroni obviam itum est, et gratiæ actæ, quod de republica non desperasset.

T. LIVII PATAVINI

LIBER XXII.

JAM ver adpetebat, quum Hannibal ex hibernis movit, et U. C. 535. nequidquam ante conatus transcendere Apenninum intole- A. C. 217. randis frigoribus, et cum ingenti periculo moratus ac metu. Galli, quos prædæ populationumque conciverat spes, postquam pro eo, ut ipsi ex alieno agro raperent agerentque, suas terras sedem belli esse, premique utriusque partis exercituum hibernis viderunt; verterunt retro ad Hannibalem ab Romanis odia: petitusque sæpe principum insidiis, ¹ ipsorum ² inter se fraude, ³ eadem levitate, qua consenserant, consensum indicantium, servatus erat; et, mutando nunc vestem, nunc ⁴ tegumenta capitis, ⁵ errore etiam sese ab insidiis munierat. Ceterum hic quoque ei timor caussa fuit maturius movendi ex hibernis. Per idem tempus ⁶ Cn. Servilius consul Romæ Idibus Martiis magistratum iniit. Ibi quum de republica retulisset, redintegrata in C. Flaminium invidia est. *Duos se consules creasse, unum habere. quod enim illi ⁷ justum imperium, quod auspicium esse? Magistratus id a domo, publicis privatisque penatibus, Latinis feriis actis, sacrificio ⁸ in monte perfecto, votis rite in Capitolio nuncupatis, secum ferre: ⁹ nec privatum auspicia sequi, nec sine auspiciis*

Galli in-
fensi Han-
nibali.

Querelæ
Romano-
rum de
Flaminio.

² ipsorumque Gron.

¹ *Ipsorum inter se fraude*] Particulam que, quam hic inserunt vulgati post *et ipsorum*, resecuimus ex auctoritate omnium nostrorum codicum, et plurimorum e Gronovianis.

² *Eadem levitate*] Quia sicut levitate ac mobilitate ingenii præcipientes ad consentiendum et conspirandum in Annibalis necem fuerant, ita eadem levitate consensum et conspirationem indicabant.

³ *Tegumenta capitis*] Capillamenta, comas adscititias, perruques, quas quidem, teste Polybio, ad omnia ætatum discrimina formatas subinde mutabat.

⁴ *Errore etiam*] Sic habitum corporis immutando, ut insidiatores er-

rarent, nec ipsum possent agnoscere. Addit vocem etiam, quia aliquoties servatum eum esse dixerat Gallorum ipsorum indicio.

⁵ *Cn. Servilius consul*] Omisit præter morem Livius eorum nomina, qui præturam hoc anno gesserunt. Ea hic reddemus. M. Æmilius Regillus urbanam jurisdictionem obtinuit: M. Pomponius Matho peregrinam: T. Otacilius Crassus Siciliam: A. Cornelius Mammula Sardiniam.

⁶ *Justum*] Verum ac legitimum.

⁷ *In monte*] Albano.

⁸ *Nec privatum auspicia sequi*] Levis ambiguitas in verbis, non in sensu. Privatum, inquiunt, auspicia non sequuntur.

U. C. 535.
A. C. 217.
Prodigia.

Procurata.

*profectum in externo ea solo*⁹ *nova atque integra concipere posse.* Augebant metum prodigia ex pluribus simul locis nuntiata: in Sicilia militibus aliquot spicula,¹⁰ in Sardinia autem in muro circumeunti vigilias equiti scipionem, quem manu tenuerat, arsisse, et litora crebris ignibus fulsisse, et scuta duo sanguine^b sudasse, et milites quosdam ictos fulminibus, et¹¹ solis orbem minui visum: et Præneste ardentis lapides coelo cecidisse: et Arpis parmas in coelo visas, pugnantesque cum luna solem: et Capenæ duas interdum lunas ortas: et aquas Cæretes sanguine mixtas fluxisse; fontemque ipsum Herculis cruentis manasse sparsum maculis: et¹² in Antiati metentibus cruentas in corbem spicas cecidisse: et Faleriis coelum findi velut magno hiato visum; quaque patuerit, ingens lumen effulsisse:¹³ sortes sua sponte adtenuatas, unamque excidisse, ita scriptam: MAVORS TELUM SUUM CONCUTIT: et per idem tempus Romæ signum Martis Appia via¹⁴ ad simulacra luporum sudasse: et Capuæ speciem coeli ardentis fuisse, lunæque inter imbrem cadentis. Inde minoribus etiam dictu prodigiis fides habitata: capras lanatas quibusdam factas, et gallinam in marem, gallum in feminam sese vertisse. His, sicut erant nuntiata, expositis, auctoribusque in curiam introductis, consul de religione Patres consuluit. Decretum, ut ea prodigia, partim maioribus hostiis, partim lactentibus, procurarentur: et uti supplicatio per triduum ad omnia pulvinaria haberetur. Cetera, quum decemviri libros inspexissent, ut ita fierent, quemadmodum cordi esse¹⁵ Divi carminibus¹⁶ præfarentur. Decemvirorum monitu decretum est, Jovi primum donum¹⁷ fulmen aureum pondo quinquaginta fieret; Junoni Minervæque ex argento dona darentur; et Junoni Reginæ in Aventino, Junonique Sospitæ Lanuvii maioribus hostiis

^b sanguinem Gron. Crev.

9^o *Nova atque integra concipere*] Semel enim cum auspiciis profectus domo, poterat in externo solo ea iterumque iterumque rite capere. At ea nova et non ante quæsitæ sibi acquirere in externo solo non posse contendunt Patres eum qui sine iis profectus esset.

10 *In Sardinia autem in muro*] Recte videtur observare Jac. Gronovius hic deesse nomen ejus urbis, cujus in muro id prodigium, de quo agitur, factum est. Quumque aliquot libri optimi habeant *Sudes* pro *autem*, inde ille suspicatur legendum, *Sulcis*. Sulci nobilis et antiqua Sardiniae civitas fuit.

11^o *Solis orbem minui visum*] In-

tellige eclipsin, per quam solaris orbis pars obscurata est.

12 *In Antiati*] Conjectura Gronovii. Olim *Antii*. Sigonius legi jusserrat in *Antii-agro*. Sed vocem *agro* non agnoscunt scripti.

13 *Sortes sua sponte attenuatas*] Vid. supra XXI. 62.

14 *Ad simulacra luporum*] Alias et fortasse melius, *ac simulacra*.

15 *Divi carminibus*] Scripti, *divinis*: unde Jac. Gronovius legendum putat *divi suis carminibus*.

16 *Præfarentur*] Lege cum Gron. *profarentur*.

17 *Fulmen aureum pondo quinquaginta*] Marcarum nostratum 78. cum una uncia.

sacrificaretur; matronæque, pecunia conlata, quantum con- U. C. 535.
ferre cuique commodum esset, donum Junoni Reginæ in A. C. 217.
Aventinum ferrent, lectisterniumque fieret; quin et liberti-
næ ut ipsæ, unde Feroniæ donum daretur, pecuniam pro
facultatibus suis conferrent. Hæc ubi facta, decemviri
Ardeæ in foro majoribus hostiis sacrificarunt. postremo
¹⁸ Decembri jam mense ad ædem Saturni Romæ inmolatum
est, lectisterniumque imperatum, (et eum lectum senatores
straverunt) et convivium publicum; ac per urbem ¹⁹ Satur-
nalia diem ac noctem clamatum, ²⁰ populusque eum diem
festum habere ac servare in perpetuum jussus.

II. Dum consul placandis Romæ Diis ²¹ trahendoque^c de- Hannibal
lectu dat operam, Hannibal, profectus ex hibernis, quia jam Etruriam
Flaminium consulem Arretium pervenisse fama erat, quum petit.
aliud longius, ceterum commodius, ostenderetur iter, pro-
piorem viam per paludem petit, qua fluvius Arnus per eos
dies solito magis inundaverat. Hispanos et Afros, (id omne
veterani erat robur exercitus) admixtis ipsorum inpedimen-
tis, necubi consistere coactis necessaria ad usus deessent,
primos ire jussit: sequi Gallos, ut id agminis medium esset;
novissimos ire equites: Magonem inde cum expeditis Nu-
midis cogere agmen, maxime Gallos, si tædio laboris lon-
gæque viæ (ut est mollis ad talia gens) dilaberentur aut sub-
sisterent, cohibentem. Primi, qua modo præirent duces Molestum
per præaltas fluvii ac profundas voragines, hausti pene limo iter per pa-
inmergentesque se, tamen signa sequebantur. Galli ^d ²² ne- ludes.

^c habendoque Crev.

^d add. qui Gron.

¹⁸ Decembri jam mense] Intellige mensera Decembrem hujus ipsius anni, qui consules habuit Flaminium et Servilium. Nimirum hic Livius in unum colligit quidquid hoc anno procurandis hisce prodigiis factum est.

¹⁹ Saturnalia... clamatum] Imo clamata, quod voluit Gronovius. Codex Puteanæus habet clamata: sed in eo persæpe litteram m in fine vocum redundare observavimus.

²⁰ Populusque eum diem festum habere] Hic Saturnalia novo edicto sancita, non tum primum instituta intelligi debent. Siquidem supra II. 21. trecentos fere ante annos institutum esse diem festum Saturnalia Livius jam memoravit. Vide hac de re Lips. Saturnal. l. I. c. 2.

²¹ Habendoque delectu] Sic pleræque editiones: at non vetustissimæ, nec scripti, in quibus legitur trahendoque delectu. Hanc ultimam lectionem Gronovius expressit, et interpre-

tatur producendo delectu, morando per delectum. Sed cur delectum in longum extraheret consul, cur sedulo et data opera delectum produceret et ei moram quæreret, causa nulla affertur a Livio: et nullam esse potuisse res ipsa clamat. Nobis non tam sancta est scriptorum auctoritas, ut eam semper editis anteferamus, quum ab his stare ratio nobis videtur. Possumus quippe suspicari editores copiam habuisse librorum, qui diversi sint ab illis qui in manus nostras venerunt. Præterea maxima est litterarum affinitas et similitudo in vocibus habendo et trahendo. Et eo facilius lapsus librariis fuit, quod hæc vox coalucrat cum præcedente. Scripti enim exhibent, tanquam unum vocabulum, distrahendo: male natum scilicet, si quid videmus, ex dishabendo.

²² Neque sustinere se prolapsi, neque assurgere... poterant] Qui prolapsi sunt, iis jam non est opus ut

U. C. 535. que sustinere se prolapsi, neque adsurgere ex voraginibus
 A. C. 217. poterant; ²³ aut corpora animis, aut animos spe sustinebant:
 alii fessa ægre trahentes membra; alii, ubi semel victis tæ-
 dio animis procubuissent, inter jumenta, et ipsa jacentia
 passim, morientes. maximeque omnium vigiliæ conficiebant,
 per quattriduum jam et tres noctes toleratæ. Quum, omnia
 obtinentibus aquis, nihil, ubi in sicco fessa sternerent cor-
 pora, inveniri posset, cumulatis in aquas sarcinis insuper in-
 cumbebant. jumentorum itinere toto prostratorum passim
 acervi tantum, quod exstaret aqua, quærentibus ad quietem
 parvi temporis necessarium cubile dabant. Ipse Hannibal,
 æger oculis ex verna primum intemperie variante calores fri-
 goraque, elephanto, qui unus superfuerat, ²⁴ quo^o altius ab
 aqua exstaret, vectus; vigiliis tandem et nocturno humore
 palustrique cœlo gravante caput, et quia medendi nec locus
 nec tempus erat, altero oculo capitur.

Hannibal
 oculum
 amittit.

Flaminii
 Cos. ferocia.

III. Multis hominibus jumentisque foede amissis, quum
 tandem de puludibus emersisset, ubi primum in sicco potuit,
 castra locat: certumque per præmissos exploratores habuit,
 exercitum Romanum circa Arretii mœnia esse. consulis de-
 inde consilia atque animum, et situm regionum, itineraque,
²⁵ et copias ad commeatus expediendos, et cetera, quæ cog-
 nosse in rem erat, summa omnia cum cura inquirendo exse-
 quebatur. Regio erat in primis Italiæ fertilis, Etrusci campi,
 qui Fæsulas inter Arretiumque jacent, frumenti ac peco-
 ris et omnium copia rerum opulenti. Consul ferox ab con-
 sulatu priore, et ²⁶ non modo legum ac Patrum majestatis,
 sed ne Deorum quidem satis metuens. Hanc insitam inge-
 nio ejus temeritatem fortuna prospero civilibus bellicisque
 rebus successu aluerat. Itaque satis adparebat, nec Deos
 nec homines consulentem, ferociter omnia ac præpropere
 acturum. quoque pronior esset in vitia sua, agitare eum at-
 que irritare Poenus parat: et, læva relicto hoste, Fæsulas
 petens, medio Etruriæ agro prædatum profectus, quantam
 maximam vastitatem potest, cædibus incendiisque consuli

^o quod Gron.

sustineant se, sed ut erigant. Itaque legendum censuerimus: *neque susti-
 nera se, neque prolapsi assurgere . . . poterant.* Similem medicinam adhi-
 buimus simili vitio c. 35. l. XXI.

²³ *Aut corpora animis*] Huc revo-
 care opus est particulam negantem,
 quæ in præcedentibus exprimitur. Ita-
 que sic exponenda sunt hæc verba,
 quasi legeretur: Neque corpora ani-
 mis, neque animos spe sustinebant.

²⁴ *Quo altius ab aqua exstaret*]

Hactenus edebatur *quod altius*. Sed
 Put. codex, et alius item e regis ha-
 bent *quo*: idque profecto anteponen-
 dum est.

²⁵ *Et copias*] Abundantiam. In-
 quirebat Annibal, quæ pars regionis
 dives esset rerum necessariarum co-
 piis, opulentia, ubertate; idque, ad
 commeatus expediendos.

²⁶ *Non modo*] Non modo non. VII.
 not. 62. ad l. V. c. 42.

procul ostendit. Flaminius, qui ne quieto quidem hoste U. C. 535.
 ipse quieturus erat, tum vero, postquam res sociorum ante A. C. 217.
 oculos prope suos ²⁷ ferri agique vidit, suum id dedecus ratus,
 per mediam jam Italiam vagari Poenum, atque, obsistente
 nullo, ad ipsa Romana moenia ire obpugnanda; ceteris om-
 nibus in consilio salutaria magis, quam speciosa, suadenti-
 bus, *collegam expectandum, ut conjunctis exercitibus, commu-
 ni animo consilioque rem gererent; interim equitatu auxiliis-
 que levium armorum ab effusa prædandi licentia hostem cohi-
 bendum*; iratus se ex consilio proripuit, signumque simul
 itineris pugnaeque proposuit. *Quin immo Arretii ante moenia
 sedeamus, inquit, hic enim patria et penates sunt. Hannibal
 emissus e manibus perpopuletur Italiam, vastandoque et urendo
 omnia ad Romana moenia perveniat; nec ante nos hinc moveri-
 mus, quam, sicut olim Camillum ab Veis, C. Flaminium ab
 Arretio Patres advixerint.* Hæc simul increpans, quum
 ocus signa convelli juberet, et ipse in equum insilisset, Ex equo
 equus repente conruit, consulemque lapsum super caput prolabitur.
 effudit. Territis omnibus, qui circa erant, velut fædo omine
 incipiendæ rei, insuper nunciatur, signum, omni vi moliente Signum
 signifero, convelli nequire. Conversus ad nuncium, ²⁸ Num convelli
litteras quoque, inquit, ab senatu adfers, quæ me rem gerere ve- nequit.
*rent? Ibi, nuncia, signum effodiant, si ad convellendum manus
 præ metu obtorpuerint.* Incedere inde agmen cœpit; primo-
 ribus, super quam quod dissenserant a consilio, territis
 etiam duplici prodigio; milite in vulgus læto ferocia ducis,
 quum spem magis ipsam, quam caussam spei, intueretur.

IV. Hannibal, quod agri est inter Cortonam urbem Tra-
 simenumque lacum, omni clade belli pervastat, quo magis
 iram hosti ad vindicandas sociorum injurias acuat. Et jam
 pervenerant ad loca insidiis nata, ubi maxime ²⁹ montes
 Cortonenses Trasimenus subit. via tantum interest peran-
 gusta, velut ad id ipsum de industria relicto spatio: deinde
 paullo latior patescit campus, inde colles adsurgunt. Ibi
 castra in aperto locat, ubi ipse cum Afris modo Hispanis-
 que consideret. Baliares ceteramque levem armaturam post

²⁷ * *Ferri agique*] Diripi. Latini dixerunt *ferre, agere* pro *diripere*, exemplo sumpto a Græcis, qui eodem sensu usurpant *ἄγαν καὶ φέρειν*. Origo autem hujus locutionis inde est, quod in præda alia sunt vita prædita, homines, pecora, jumenta, adeoque *aguntur*; alia inanimata, et quum agi non possint *feruntur*.

²⁸ * *Num litteras . . . ab senatu adfers*] In hoc dicto respicit Flaminius id quod ipsi primo suo consulatu acciderat, ut quum jam in conspectu hos-

itium esset, litteræ a senatu afferrentur, quibus vetabatur certamen committere, jubebaturque, quasi vitio creatus, redire Romam ut consulatum abdicaret.

²⁹ *Montes Cortonenses Trasimenus subit*] Omnes scripti in *Thrasimenum*: quidam etiam *subeunt*. Gronovius l. IV. Observ. c. 17. emendat in *Trasimenum* *sidunt*, id est, in Trasimeni alveum molliter sese demittunt, ac desinunt.

U. C. 535.
A. C. 217.

Flaminius
in insidias
præcipitat.

Undequa-
que eum
Pœni inva-
dunt.

montes circumducit: equites ad ipsas fauces saltus, tumulis apte tegentibus, locat; ut, ubi intrassent Romani, objecto equitatu, clausa omnia lacu ac montibus essent. Flaminius quum pridie solis occasu ad lacum pervenisset, inexplorato, postero die, vix dum satis certa luce, angustis superatis, postquam in patentiorem campum pandi agmen coepit, id tantum hostium, quod ex adverso erat, conspexit^f: ab tergo et^g super caput³⁰ decipere insidiæ. Pœnus ubi, id quod petierat, clausum lacu ac montibus et circumfusus suis copiis habuit hostem, signum omnibus dat simul invadendi. qui ubi, qua cuique proximum fuit, decucurrere, eo magis Romanis subita atque improvisa res fuit, quod orta ex lacu nebula campo, quam montibus, densior sederat, agminaque hostium³¹ ex pluribus vallibus ipsa inter se satis conspecta, eoque magis pariter decucurrerunt. Romanus clamore prius undique orto, quam satis cerneret, se circumventum esse sensit; et ante in frontem lateraque pugnari coeptum est, quam satis instrueretur acies, aut expediri arma, stringique gladii possent.

V. Consul, percussis omnibus, ipse satis, ut in trepida re, inpavidus, turbatos ordines, vertente se quoque ad dissonos clamores, instruit, ut tempus locusque patitur; et, quacumque adire audirique potest, adhortatur, ac stare et pugnare jubet; *nec enim inde votis aut inploratione Deum, sed vi ac virtute, evadendum esse. Per medias acies ferro viam fieri: et, quo timoris minus sit, eo minus ferme periculi esse.* Ceterum præ strepitu ac tumultu nec consilium nec imperium accipi poterat. tantumque aberat, ut sua signa atque ordinem et locum nosceret miles, ut³² vix ad arma capienda aptandaque pugnae competeret animus: ³³ obprimerenturque quidam, onerati magis his, quam tecti: et erat in tanta caligine major usus aurium, quam oculorum. Ad gemitus vulnerum ictusque corporum aut armorum, et mixtos strepentium paventiumque clamores, circumferebant ora oculosque. Alii fugientes pugnantium globo inlati hærebant: alios redeuntes in pugnam avertebat fugientium agmen. Deinde,

^f *adsperit* Gron. Crev.

^g *ac* Eæd.

³⁰ *Decipere insidiæ*] Fefellere insidiæ: a Flaminio non sunt animadvertæ. Olim editi habent *detectæ*: scripti, *deceptæ*. Inde Gronovius non dubitavit admittere in textum *decipere*, quod et pridem conjecerat Lipsius.

³¹ *Ex pluribus vallibus*] Res ipsa clamat, et tota narratio Liviana, legendum esse *collibus*, non vallibus.

Lipsius, referente Fran. Modio.

³² *Vix . . . competeret animus*] Vix animus sui compos esset. Alia forma, sed eodem sensu, dixit Sallustius: *neque animo, neque auribus, aut lingua competere.*

³³ *Opprimerenturque quidam*] Et quidam opprimerentur ab hostibus, dum arma nondum aptata oneri magis ipsis erant quam usui.

ubi in omnes partes nequidquam ³⁴ inpetus capti ^h, et ab lateri- U. C. 535.
 bus montes ac lacus, a fronte et ab tergo hostium acies clau- A. C. 217.
 debat, adparuitque, nullam, nisi in dextra ferroque, salutis
 spem esse; ³⁵ tum sibi quisque dux adhortatorque factus ad
 rem gerendam, et nova de integro pugna exorta est;
 non illa ³⁶ ordinata per principes hastatosque ac triarios, nec
 ut ³⁷ pro signis antesignani¹, post signa alia pugnaret acies;
³⁸ nec ^k ut in sua legione miles, aut cohorte, aut manipulo
 esset. Fors conglobat, et animus suus cuique ante aut ^l post
 pugnandi ordinem dabat: tantusque fuit ardor armorum,
 adeo intentus pugnae animus, ut eum motum terrae, qui Terra mo-
 multarum urbium Italiae magnas partes prostravit, ³⁹ aver- tum nemo
 titque cursu rapido amnes, mare fluminibus invexit, montes pugnans-
 lapsu ingenti proruit, nemo pugnantium senserit. tium sentit.

VI. Tres ferme horas pugnatum est, et ubique atrociter.
 circa consulem tamen acrior infestiorque pugna est. Eum
 et robor virorum sequebantur, et ipse, quacumque in parte
 premi ac laborare senserat suos, inpigre ferebat opem; in-
 signemque armis et hostes summa vi petebant, et tuebantur
 cives: donec ⁴⁰ Insuber eques (Ducario nomen erat) facie
 quoque noscitans, *Consul, en, inquit, hic est, popularibus*
suis; qui legiones nostras cecidit, agrosque et urbem est depo- Mors Fla-
pulatus. Jam ego hanc victimam manibus peremptorum foede minii.
civium dabo: subditisque calcaribus equo, per confertissi-
mam hostium turbam inpetum facit: obtruncatoque prius
armigero, qui se infesto venienti obviam objecerat, consu-
lem lancea transfixit, spoliare cupientem triarii objectis
scutis arcuere. Magnae partis fuga inde primum coepit: et Fugiant
jam nec lacus, nec montes obstabant pavori. per omnia arta Romani.

^h facti Gron.
 Gron. Crev.

¹ antesignanus Gron. Crev.

^k nec del. Gron. ^l et

³⁴ *Impetu capti*] Sic l. II. c. 65.
rursus impetu capto enituntur. Vulgo
facti. Sed Put. codex habet quomodo
 edidimus. Tamen supra primam lit-
 teram vocis *capti* superscripta est lit-
 tera *f*, supra tertiam, *c*: atque inde
 propagata est ea lectio quae hactenus
 editos occupavit. Put. libro assentiun-
 tur et alii scripti optimi, teste Grono-
 vio, qui praeter id exemplum, quod in
 initio hujus notae allegavimus, et aliud
 quoque non absimile affert e l. IX.
 c. 4. *quam frustra multi conatus ad*
crumpendum capti essent.

³⁵ *Tum sibi quisque dux... captus*] Hic contra in Put. legitur *factus*: et sic Livium scripsisse crediderimus, ne idem verbum tam in propinquo itera-
 ret.

³⁶ *Ordinata per Principes, Hasta-*

tosque, ac Triarios] Ita ordinata, ut
 seorsim Principes, seorsim Hastati,
 &c. pugnarent. Non enim haec ita ac-
 cienda sunt, quasi Livius ordinem
 horum inter se corporum representa-
 re voluisset, quum constet Hastatos
 in fronte solitos locari, deinde Princi-
 pes, postremo Triarios. Vid. VIII. 8.

³⁷ *Pro signis antesignanus*] Vid.
 not. 17. ad II. 20. et not. 42. ad VIII.
 8. Vid. et VIII. 11.

³⁸ *Nec ut in sua*] Particulam *nec*,
 omissam in editionibus Gronovianis,
 tenent scripti et vett. editi.

³⁹ *Avertitque cursu rapido amnes*] Put. codex, *rapidos*.

⁴⁰ *Insuber eques*] Adversus Insu-
 bres Gallos in priore consulatu Flami-
 nius bellum gesserat.

U. C. 535.
A. C. 217.

præruptaque velut cæci evadunt: armaque et viri super alium alii præcipitantur. Pars magna, ubi locus fugæ deest, per prima vada paludis in aquam progressi, quoad capitibus humerisque exstare possunt, sese inmergunt. fuere, quos inconsultus pavor nando etiam capessere fugam inpu-lerit. Quæ ubi immensa ac sine spe erat, aut deficientibus animis hauriebantur gurgitibus, aut nequidquam fessi vada retro ægerrime repetebant, atque ibi ab ingressis aquam hostium equitibus passim trucidabantur. Sex millia ferme primi agminis, per adversos hostes eruptione inpigre facta ignari omnium, quæ post se agerentur, ex saltu evasere. et, quum in tumultu quodam constitissent, clamorem modo ac sonum armorum audientes, quæ fortuna pugnae esset, neque scire, nec perspicere præ caligine poterant. Inclinata denique re, quum incalescente sole dispulsa nebula aperuisset diem, tum liquida jam luce montes campique perditas res stratamque ostendere foede Romanam aciem. itaque, ne in conspectos procul inmitteretur eques, sublati raptim signis, quam citatissimo poterant agmine, sese abripuerunt. Postero die, quum super cetera extrema fames etiam instaret, fidem dante Maharbale, qui cum omnibus equestribus copiis nocte consecutus erat, si arma tradidissent, abire cum singulis vestimentis passurum, sese dediderunt. quæ Punica religione servata fides ab Hannibale est, ⁴¹ atque in vincula omnes conjecit.

Numerus
cæsorū
utrimque.

VII. Hæc est nobilis ad Trasimenum pugna, atque inter paucas memorata populi Romani clades. Quindecim millia Romanorum in acie cæsa sunt; decem millia, sparsa fuga per omnem Etruriam, diversis itineribus urbem petiere. Mille^m quingenti hostium in acie, ⁴² multi postea utrimque ex vulneribus periere. ⁴³ Multiplex cædes utrimque facta traditur ab aliis. Ego, præterquam quod nihil haustum ex vano velim, quo nimis inclinant ferme scribentium animi, ⁴⁴ Fabium æqualem temporibus hujusce belli potissimum auctorem habui. Hannibal, captivorum qui Latini nominis essent, sine pretio dimissis, Romanis in vincula datis, segre-

^m Mille et Gron. Crev.

⁴¹ *Atque in vincula omnes conjecit*] Hæc est scriptorum nostrorum, ut et Gronovianorum lectio. At editi ante Gronovium præferebant *conjecit*. Atque hic quoque, ut supra. c. 2. horum fidem potius sequeremur.

⁴² *Multi postea utrimque, ex vulneribus periere*] Assentimur Perizonio delenti hic vocem *utrimque*, ut male repetitam ex versu sequenti. Hic de solis Pœnis agit Livius. Et sane, qui

Romani letalia vulnera acceperant, eos verisimile non est, lacu, montibus clausos, nullum propinquum receptum habentes, effugere potuisse.

⁴³ *Multiplex cædes utrimque facta*] Multo plures ex utraque acie cecidisse dicuntur ab aliis, supple, quam modo a me memoratum fuit.

⁴⁴ *Fabium*] Q. Fabium Pictorem, historiæ Romanæ scriptorem. Vid. infra, l. XXIII. c. 11.

gata ex hostium coacervatorum cūmulis corpora suorum U. C. 535.
 quum sepeliri jussisset, Flaminii quoque corpus, funeris A. C. 217.
 caussa magna cum cura inquisitum, non invenit. Romæ, Romæ
 ad primum nuncium cladis ejus, cum ingenti terrore ac tu- magnus
 multu concursus in forum populi est factus. Matronæ va- terror.
 gæ per vias, quæ repens clades adlata, quæve fortuna exer-
 citus esset, obvios percunctantur. et quum frequentis con-
 cionis modo turba in ⁴⁵comitium et curiam versa. magistra-
 tus vocaret; tandem haud multo ante solis occasum M.
 Pomponius prætor, *Pugna*, inquit, *magna victi sumus*: et,
 quamquam nihil certius ex eo auditum est, tamen alius ab alio
 impleti rumoribus domos referunt, *consulem cum magna parte*
copiarum cæsum: superesse paucos, aut fuga passim per Etru-
riam sparsos, aut captos ab hoste. ⁴⁶ Quot casus exercitus vic-
 ti fuerant, tot in curas dispertiti eorum animi erant, quorum
 propinqui sub C. Flaminio consule meruerant, ignorantium,
 quæ cujusque suorum fortuna esset. nec quisquam satis cer-
 tum habet, quid aut speret, aut timeat. Postero, ac dein-
 cept aliquot diebus, ad portas major prope mulierum, quam
 virorum, multitudo stetit, aut suorum aliquem, aut nuncios
 de his opperiens: circumfundebanturque obviis sciscitantes;
 neque avelli, utique ab notis, prius, quam ordine omnia in-
 quisissent, poterant. Inde varios vultus digredientium ab
 nunciis cerneret, ut cuique aut læta aut tristia nunciaban-
 tur: gratulantesque aut consolantes redeuntibus domos cir-
 cumfusus. Feminarum præcipue et gaudia insignia erant,
 et luctus. Unam in ipsa porta, sospiti filio repente oblatam, Matres re-
 in conspectu ejus exspirasse ferunt; alteram, cui mors filii ceptis filiis
 falso nunciata erat, moestam sedentem domi, ad primum gaudio ex-
 conspectum redeuntis filii gaudio nimio exanimatam. animatæ. Sena-
 tum prætores per dies aliquot ab orto usque ad occidentem
 solem in curia retinent, consultantes, quonam duce, aut
 quibus copiis, resisti victoribus Poenis posset.

VIII. Priusquam satis certa consilia essent, repens alia nun- Alia clades.
 ciatur clades: quatuor millia equitum, cum C. Centenio pro
 prætore missa ad collegam ab Servilio consule, in Umbria,
 quo post pugnam ad Trasimenum auditam averterant iter,
 ab Hannibale circumventa. Ejus rei fama varie homines
 adfecit. pars, occupatis majore ægritudine animis, levem, ex
 comparatione priorum, ducere recentem equitum jacturam:
 pars non id, quod acciderat, per se æstimare, sed, ut in ad-
 fecto corpore quamvis levis caussa magis, quam valido gra-
 vior, sentiretur; ita tum ægræ et adfectæ civitati quodcum-

⁴⁵ Comitium] Vid. infra l. XXVII.
 c. 36.

⁴⁶ Quot casus] Varii casus exer-
 citus victi fuerant: alii cæsi, alii

capti erant, quidam vulnerati, qui-
 dam integri ex prælio effugerant. Tot-
 idem igitur in curas dispertiti erant
 animi propinquorum.

U. C. 335. que adversi inciderit, non rerum magnitudine, sed viribus
 A. C. 217. extenuatis, quæ nihil, quod adgravaret, pati possent, aesti-
 mandum esse. Itaque ⁴⁷ ad remedium, jam diu neque desi-
 deratum nec adhibitum, dictatorem dicendum, civitas con-
 fugit; et quia et consul aberat, a quo uno dici posse vide-
 batur: nec per occupatam armis Punicis Italiam facile erat
 aut nuncium, aut literas mitti; nec dictatorem populus cre-
 are poterat, quod numquam ante eam diem factum erat:
 Fabius pro- prodictatorem populus creavit Q. Fabium Maximum, et
 dictator. magistrum equitum M. Minucium Rufum. Hisque nego-
 tium ab senatu datum, ut muros turresque urbis firmarent,
 et præsidia disponderent, quibus locis videretur, pontesque
 rescinderent fluminum: ⁴⁸ ad penates pro urbe dimicandum
 esse, quando Italiam tueri nequissent.

Hannibal
 Spoletum
 frustra
 tentat.

Vastat Ita-
 liam.

IX. Hannibal recto itinere per Umbriam usque ad Spo-
 letum venit. inde, quum perpopulato agro urbem obpugnare
 adortus esset, cum magna cæde suorum repulsus, conjectans
 ex unius coloniae haud nimis prospere tentatae viribus,
 quantam moles Romanae urbis esset; in agrum Picenum aver-
 tit iter, non copia solum omnis generis frugum abundan-
 tem, sed refertum præda, quam effuse avidi atque egentes
 rapiebant. Ibi per dies aliquot stativa habita: refectusque
 miles, hibernis itineribus ac palustri via proelioque, magis ad
 eventum secundo, quam levi aut facili, adfectus. ⁴⁹ Ubi sa-
 tis quieti datum, præda ac populationibus magis, quam otio
 aut requie, gaudentibus profectus, Præstutianum, Hadria-
 numque agrum, Marsos inde Marrucinosque et Pelignos
 devastat, circaque Arpos et Luceriam proximam Apuliae re-
 gionem. Cn. Servilius consul, levibus proeliis cum Gallis
 actis, et uno oppido ignobili expugnato, postquam de colle-
 gae exercitusque cæde audivit, jam moenibus patriæ me-
 tuens, ne abesset in discrimine extremo, ad urbem iter in-
 tendit. ⁵⁰ Q. Fabius Maximus dictator iterum, quo die ma-

⁴⁷ *Ad remedium jamdiu neque de-
 sideratum*] Hæc intelligenda sunt de
 dictatore rei gerundæ causa creato,
 qui nullus post Atilium Calatinum
 per tres et triginta annos creatus fue-
 rat. Aliquot fuere per hoc temporis
 intervallum dictatores, inter quos ip-
 se Fabius, sed comitiorum habendõ-
 rum causa creati.

⁴⁸ *Ad penates pro urbe*] Varie hic
 locus legebatur in variis editionibus.
 Vetustiores habuerant *ac tum pro pe-
 natibus, pro urbe*. Sigonius dederat
cum Penis pro urbe. Gronovius quum
 reperiret in optimo codice, cui assen-
 titur unus e nostris, *ac penatibus*, ve-

ram lectionem videtur restituisse *ad
 penatis*, sive *penates*. Nimirum *pena-
 tis* vetusto more scriptum pro *pena-
 tes*, facili et pervulgato errore abierat
 in *penatibus*: ac deinde *ad* mutatum
 fuerat in *ac*, ne videlicet solæca esset
 oratio.

⁴⁹ *Ubi satis quieti datum . . . gau-
 dentibus*] Lege cum Gron. *quietis*.

⁵⁰ *Q. Fabius Maximus dictator ite-
 rum*] Dictator primum fuerat Fabius
 cum C. Flaminiio magistro equitum,
 auctore Val. Maximo, qui lib. I. c. 1.
 narrat occentum soricis auditum Fa-
 bio ademisse dictaturam, C. Flaminiio
 magisterium equitum. Ad quem au-

gistratum inuit, vocato senatu, ab Diis oras, quum edocuit- U. C. 535.
 set Patres, plus negligentia ceremoniarum auspicio- A. C. 217.
 rumque, quam temeritate atque inscitia, peccatum a C. Flaminio
 consule esse, quaque piacula iræ Deum essent, ipsos Deos
 consulendos esse; pervicit, ut, quod non ferme decernitur,
 nisi quum tetra prodigia nunciata sunt, decemviri libros Si- Libri Sibyl-
 byllinos adire juberentur. qui, inspectis fatalibus libris, re- lini inspec-
 tulerunt Patribus, ⁵¹ *quod ejus belli causa votum Marti foret,*
id non rite factum, de integro atque amplius faciendum esse: et
Jovi ⁵² *ludos magnos, et ædes Veneri Erycinæ ac Menti voven-*
das esse, et supplicationem lectisterniumque habendum, et ver
sacrum vovendum, si bellatum prospere esset, resque publica in
eadem, quo ante bellum fuisset, statu permansisset. Senatus,
 quoniam Fabium belli cura occupatura esset, M. Æmilium
 prætorem, ex collegii pontificum sententia, ⁵³ omnia ea ut
 mature fiant, curare jubet.

X. His senatusconsultis perfectis, L. Cornelius Lentulus
 pontifex maximus, ⁵⁴ consulente collegio prætorum^m, om-
 nium primum populum consulendum de vere sacro censet:
 injussu populi voveri non posse. Rogatus in hæc verba po-
 pulus, *Velitis jubeatisne hoc sic fieri? si res publica populi*
Romani Quiritium ad quinquennium proximum, ⁵⁵ *sicut velim*
eam, salva servata erit ⁵⁶ *hisce duellis;* ⁵⁷ *datum donum duit*
populus Romanus Quiritium, (quod duellum populo Romano
cum Karthaginensi est, quæque duella cum Gallis sunt, qui cis

^m collegium prætorum Gron.

tem annum illa prior Fabii dictatura
 referenda sit, valde in ambiguo est.
 De ea agunt Sigonius et Pighius ad
 annum ante hunc quintum, P. Cor-
 nelio, M. Minucio consulibus.

⁵¹ *Quod ejus belli causa votum*
Marti foret] Hoc tangit procul dubio
 ea vota, quæ libro superiore, c. 62.
 dicitur C. Atilius prætor suscipere
 jussus, si in decem annos respublica
 eodem stetisset statu. Ex hoc loco
 discimus, quod prius observare neg-
 lexerat Livius, id votum Marti factum
 fuisse.

⁵² *Ludos Magnos]* Vid. IV. 27.

⁵³ *Omnia ea ut mature fiant cura-*
re] Non jubetur M. Æmilius ea om-
 nia per se ipse peragere, sed curare
 ut mature fiant. Itaque nihil repug-
 nat huic loco, quod l. XXXIII. c. 44.
 A. Cornelius Mammula ver sacrum
 vovisse dicitur. Sic et infra c. 10.
 ædes Veneri Erycinæ vovetur a Fabio
 dictatore, Menti, a T. Otacilio præ-
 tore.

⁵⁴ *Consulente collegio prætorum]*

Hæc est MSS. lectio, testata tum a
 Gronovio, tum ab ipso Lipsio, qui ta-
 men eam mutavit, quomodo nunc
 vulgo editur, *consulente collegium*
prætorum. Sed nobis hæc mutatio ne-
 cessaria visa non est. Quamvis enim
 M. Æmilio potissimum hæc cura de-
 mandata esset, nihil tamen vetat cre-
 dere, eum communi cum collegis
 consilio totum negotium adminis-
 trasse.

⁵⁵ *Sicut velim]* Unus e regis codd.
velint: unde efficiendum *velitis.*

⁵⁶ *Hisce duellis]* De hac tota for-
 mula vid. Gron. l. IV. Observ. c. 14.
 Ei videtur hoc loco traiectione pecca-
 tum esse. Repone *hisce duellis*
(quod duellum populo Romano cum
Carthaginensi est, quæque duella cum
Gallis sunt, qui cis Alpes sunt) datum
donum duit populus Romanus Quiri-
tium, quod ver attulerit

⁵⁷ *Datum donum]* Hic agnosci-
 mus verbosam talium formularum di-
 ligentiam: *donum* vere et plane da-
 tum. *Duit* antique pro *det.*

U. C. 535.
A. C. 217.

Ludi mag-
ni

Lectister-
nium.

Ædes Ve-
neri et
Menti
votæ.

Alpes sunt) quod ver adtulerit ex suillo, ovillo, caprino, bovillo grege, ⁵⁸ quæque profana erunt, Jovi ⁵⁹ fieri, ⁶⁰ ex qua die senatus populusque jussert. Qui faciet, quando volet, quaque lege volet, facito: quo modo faxit, probe factum esto. Si id moritur, quod fieri oportebit, profanum esto, neque scelus esto. si quis rumpet occidetve insciens, ne fraus esto. si quis ⁶¹ clepsit, ne populo scelus esto, neve cui cleptum erit. si ⁶² atro die faxit insciens, probe factum esto. si nocte sive luce, si ⁿ servus sive liber faxit, probe factum esto. ⁶³ si anteidea^o senatus populusque jussert fieri, ac faxit, eo populus solutus, liber esto. Ejusdem rei caussa ludi magni voti ⁶⁴ æris trecentis triginta tribus millibus, trecentis triginta tribus, triente: præterea bubus Jovi trecentis, multis aliis Divis bubus albis, atque ceteris hostiis. Votis rite nuncupatis, supplicatio edicta: ⁶⁵ supplicatumque iere cum conjugibus ac liberis non urbana multitudo tantum, sed agrestium etiam, quos in aliqua sua fortuna publicæ quoque contingebat cura. Tum lectisternium per triduum habitum, decemviris sacrorum curantibus. sex pulvinaria in conspectu fuere: Jovi ac^p Junoni unum; alterum Neptuno ac Minervæ; tertium Marti ac^p Veneri; quartum Apollini ac Dianæ; quintum Vulcano ac Vestæ; sextum Mercurio ac Cereri. Tum ædes votæ. Veneri Erycinæ ædem Q. Fabius Maximus dictator vovit; quia ita ex fatalibus libris editum erat, ut is voveret, cujus maximum imperium in civitate esset. Menti ædem T. Otacilius prætor vovit.

ⁿ sive Gron. Crev.

^o ante id ea Gron.

rio ac C. utrobique pro ac l. et Gron. Crev.

^p Jovi ac Jun.—Mercurio

⁵⁸ *Quæque profana erunt]* Quæ non sacrata jam erunt alii cuiquam divo. Itaque, si quæ antea consecrata fuissent, ea hoc voto non continebantur.

⁵⁹ ** Fieri]* Immolari.

⁶⁰ *Ex qua die senatus populusque jussert]* Nimirum ad arbitrium senatus populi que reservabatur, quo die ver sacrum incipere deberet. Unde lib. XXXIV. c. 44. ubi hoc veris sacri votum persolvitur, decernitur *ver sacrum videri pecus, quod natum esset inter Kalendas Martias, et pridie Kalendas Maias.*

⁶¹ *Clepsit]* Furatus fuerit: *cleptum*, furto subductum: a Græco κλέπτω.

⁶² *Atro die]* *Atri* dies iidem erant, qui *religiosi*, quibus nempe vel rem divinam facere, vel rem novam quampiam exordiri religioni erat.

⁶³ *Si anteidea]* *Si senatus populusque jussert fieri*, sive immolari, *anteidea ac faxit*, id est, priusquam privatus quispiam faxit, sive immolaverit: si privatus aliquis immolaverit pecus

votum post diem a senatu populoque præfinitam, id ne fraudi sit populo. *Anteidea ac antique pro priusquam.*

⁶⁴ *Æris trecentis]* 333333½ assibus: qui æstimari possunt marcis argenti Parisiensibus 520. cum uncis 6. grans 384. Ceterum olim editi habebant tantummodo, *æris trecentis triginta tribus millibus triente.* Summa amplificata est et ad numeri ternarii religionem magis exacta, ex Budei et Scaligeri sententia. Vide hac de re Gronov. de Pecun. vetere, l. IV. c. 2.

⁶⁵ *Supplicatumque iere cum conjugibus]* Hæc refinxit Gronovius ex conjectura scriptis adjuta: ut et infra *publicæ quoque contingebat cura. Tum lectisternium per triduum habitum: et rursus sex pulvinaria.* Prius editi habebant primo loco *supplicatumque tit: secundo, publica quoque contingebat. Curatum lectisternium, et per triduum habitum: tertio denique, et pulvinaria.*

XI. Ita rebus divinis peractis, tum de bello reque de U. C. 536. publica dictator retulit, quibus quotve legionibus victori A. C. 217. hosti obviam eundum esse Patres censerent. Decretum, *ut ab Cn. Servilio consule exercitum acciperet: scriberet præterea ex civibus sociisque, quantum equitum ac peditum videretur: cetera omnia ageret faceretque, ut e re publica duceret.* Fabii consilia de bello gerendo. Fabius duas se legiones adjecturum ad Servilianum exercitum dixit. his, per magistrum equitum scriptis, Tibur diem ad conveniendum edixit. edictoque proposito, ⁶⁶ ut, quibus oppida castellaque inmunita essent, uti⁹ in loca tuta commigrarent; ex agris quoque demigrarent omnes regionis ejus, qua iturus Hannibal esset: tectis prius incensis ac frugibus corruptis, ne cujus rei copia esset; ipse, ⁶⁷ via Flaminia profectus obviam consuli exercituique, quum ad Tiberim circa Ocriculum prospexisset agmen, consulemque cum equitibus ad se prodeuntem, viatorem misit, qui consuli nunciaret, ut sine lictoribus ad dictatorem veniret. Qui quum dicto paruisset, congressusque eorum ingentem speciem dictaturæ apud cives sociosque, ⁶⁸ vetustate jam prope oblitos ejus imperii, fecisset; literæ ab urbe adlatæ sunt, naves onerarias, commeatum ab Ostia in Hispaniam ad exercitum portantes, a classe Punica circa portum Cosanum⁷ captas esse. Itaque extemplo consul Ostiam proficisci jussus, navibusque⁸, quæ ad urbem Romanam aut Ostiæ essent, completis milite ac navalibus sociis, persequi hostium classem, ac litora Italiæ tutari. Magna vis hominum conscripta Romæ erat: libertini etiam, quibus liberi essent, et ætas militaris, in verba juraverant. Ex hoc urbano exercitu, qui minores quinque et triginta annis erant, in naves inpositi: alii, ut urbi præsiderent, relict.

XII. Dictator, exercitu consulis accepto a Fulvio Flacco legato, per agrum Sabinum Tibur, quo die ad conveniendum edixerat novis militibus, venit: inde ⁶⁹ Præneste, ⁷⁰ ac^t transversis limitibus in viam Latinam est egressus^u: unde, itineribus summa cum cura exploratis, ad hostem ducit; nullo loco, nisi quantum necessitas cogeret, fortunæ se com-

⁹ *ut hi* Gron. Crev.
Gron.

⁷ *Cossanum* Eæd.

⁸ *navibus* Eæd.

^t *ac del.*

^u *regressus* Gron. Crev.

⁶⁶ *Ut quibus oppida ut hi*] Non raro geminat hanc particulam Livius. Exempla pete ex XXVIII.9. XXXVI. 1. et 3.

⁶⁷ *Via Flaminia*] Via munita ab hoc ipso Flaminio, qui modo ad Trasimenum lacum periisse memoratus est. Munierat illam ab Roma Ariminum usque, quum esset censor, quarto ante hunc anno.

⁶⁸ *Vetustate jam prope oblitos*] Vid. annotata ad c. 8. supra.

⁶⁹ *Præneste*] Regressus est ad oppidum Præneste, atque inde in viam Latinam.

⁷⁰ *Ac transversis limitibus*] Particulam *ac*, quam omittunt vulgo editi, addidimus ex Put. codice et omnibus nostris. Et sine ea sensus subobscurus est.

U. C. 536. missurus: Quo primum die ⁷¹ haud procul Arpis in con-
 A. C. 217. spectu hostium posuit castra, nulla mora facta, quin Pee-
 Fabius pug- nus educeret in aciem, copiamque pugnandi faceret: sed ubi
 nam detrec- tus educeret in aciem, copiamque pugnandi faceret: sed ubi
 tat. queta omnia apud hostes, nec castra ullo tumultu mota vi-

det; increpans quidem, victos tandem quoque ² Martios ani-
 mos Romanis¹, debellatumque, et ⁷² concessum³ propalam
 de virtute ac gloria esse, in castra rediit: ceterum tacita
 cura animum incensus, quod cum duce, haudquaquam Flam-
 nio Sempronioque simili, futura sibi res esset; ac tum de-
 mum edocti malis Romani parem Hannibali ducem quæsis-
 sent, et prudentiam quidem, non ⁷³ vim, dictatoris exem-
 plo timuit. constantiam haud dum expertus, agitare ac ten-
 tare animum movendo crebro castra, populandoque in ocu-
 lis ejus agros sociorum, coepit. et modo citato agmine e
 conspectu abibat, modo repente in aliquo flexu viæ, si ex-
 cipere degressum in æquum posset, occultus subsistebat.

Fabii artes. Fabius per loca alta agmen ducebat, modico ab hoste inter-
 vallo, ut neque omitteret eum, neque congredieretur. Cas-
 tris, nisi quantum usus necessario cogeret, tenebatur miles.
 pabulum et ligna nec pauci petebant, nec passim. Equitum
 levisque armaturæ statio, composita instructaque in subitos
 tumultus, et suo militi tuta omnia, et infesta effusis hostium
 populatoribus præbebat. neque universo periculo summa re-
 rum committebatur: et ⁷⁴ parva momenta levium certami-
 num ex tuto coeptorum, finitimo receptu, adsuëfaciebant
 territum pristinis cladibus militem, ⁷⁵ minus jam tandem
 aut virtutis, aut fortunæ poenitere suæ. Sed non Hanniba-
 lem magis infestum tam sanis consiliis habebat, quam in-
 gistrum equitum: qui nihil aliud, quam quod ⁷⁶ impar erat⁴
 imperio, moræ ad rempublicam præcipitandam habebat, fe-
 rox rapidusque in consiliis, ac ⁷⁷ lingua^b immodicus; primo

Mag. equi-
 tum inpru-
 dentia.

¹ quoque del. Gron. Crev.

¹ Romanorum Eæd.

² add. eis Gron.

³ impar erat l. parebat Gron. Crev.

^b linguis Gron.

⁷¹ *Haud procul Arpis*] Polybius circa Æcas, urbem Apuliæ itidem Dauniæ, Fabio obvium fuisse Annibalem scribit.

⁷² *Concessum propalam*] Editi habebant *concessum eis*. Sed vox *eis*, quæ hic odiosam ambiguitatem affert, abest a duobus MSS. Gronovianis, et ab uno e nostris. Ideo illam rejecimus.

⁷³ *Vim*] Acrem ac ferocem animum. Intellexit statim Annibal sibi rem esse cum prudenti hoste, non, quales fuerant alii duces Romani, acri ac fervido.

⁷⁴ *Parva momenta levium certaminum*] Levia certamina, quæ haud

magni per se momenti erant.

⁷⁵ *Minus . . . poenitere*] Minus damnare aut virtutem, aut fortunam suam; minus diffidere aut virtuti, aut fortunæ suæ.

⁷⁶ *Parebat in imperio*] Conjectura J. Frid. Gronovii, quam ipse hoc modo exponit: ita erat in imperio, ut tamen pareret. Omnes scripti habent *imperabat imperio*: unde rectius videtur emendare Jac. Gronovius, *impar erat imperio*: id est, impar erat dictatori quoad imperium.

⁷⁷ *Lingua immodicus*] Sic plurimi scripti e Gronovianis, et omnes nostri, cum vett. editis: melius sane, quam, quomodo recentiores, *linguis*.

inter paucos, ~~dele~~ propalam in vulgus, pro cunctatore seg- U. C. 535.
nem, ⁷⁸ pro^c cauto timidum, adfingens vicina virtutibus A. C. 217.
vitia, compellabat: premendorumque superiorum arte (quæ
pessima ars nimis prosperis multorum successibus crevit)
sese extollebat.

XIII. Hannibal ex Hirpinis in Samnium transit: Bene-
ventanum depopulatur agrum: Telesiam urbem capit: irri-
tat etiam de industria ducem, si forte accensum tot indig-
nitatibus cladibusque sociorum detrahare ad æquum certa-
men possit. Inter multitudinem sociorum Italici generis, Hannibal
qui ad Trasimenum capti ab Hannibale dimissique fuerant, Campani-
tres Campani equites erant, multis jam tum inlecti donis am petit.
promissisque Hannibalis ad conciliandos popularium ani-
mos. hi nunciantes, si in Campaniam exercitum admovisset,
Capuæ potiendæ copiam fore, ⁷⁹ quum res major, quam auc-
tores, esset, dubium Hannibalem, alternisque fidentem ac
diffidentem, tamen, ut Campanos ex Samnio peteret, move-
runt: ⁸⁰ monitos^d, ut etiam atque etiam promissa rebus ad-
firmarent, jussosque, cum pluribus et aliquibus principum
redire ad se, dimisit. ipse imperat duci, ut se in agrum Ca- Imperat
sinatem ducat: edoctus a peritis regionum, si eum saltum duci ut se
occupasset, exitum Romano ad opem ferendam sociis inter- Casinum
clusurum. Sed ⁸¹ Punicum abhorrens os ab Latinorum no- ducat.
minum prolatione, pro Casinò Casilinum dux ut acciperet,
fecit; aversusque ab suo itinere, per Allifanum, Calatinum-
que, et Calenum agrum, in campum Stellatam descendit:
ubi quum montibus fluminibusque clausam regionem cir-
cumspexisset, vocatum ducem percunctatur, ubi terrarum
esset? Quum is Casilini eo die ⁸² mansurum eum dixisset, Casilinum
tum deum cognitus est error, et Casinum longe inde aliâ deducitur.
regione esse: virgisque cæso duce, et ad reliquorum terro-
rem in crucem sublato, castris communitis, Maharbalem
cum equitibus in agrum Falernum prædatum dimisit. Us-
que ad ⁸³ aquas Sinuessanas populatio ea pervenit. ingentem

^c et Crev.

^d monitosque Gron. Crev.

⁷⁸ *Pro cauto*] Gronovius dedit et
cauto. Nos revocavimus vet. edito-
rum lectionem, quæ elegantior visa
est, ex auctoritate duorum e nostris
codd.

⁷⁹ *Quum res major quam auctores
esset*] Quum res major esset, quam
quanta erat auctoritas et potentia eo-
rum qui ad eam aggrediendam horta-
bantur.

⁸⁰ *Monitosque ut etiam atque etiam
promissa*] Recte monet Gronovius le-
gendum videri: *monitosque etiam at-
que etiam ut promissa*.

⁸¹ *Punicum abhorrens os*] Ultima
vox adjecta est a Gronovio.

⁸² *Mansurum*] Pernoctaturum.
Verbo *manere* designatum id quod
dicimus in itinere *la couchée*. Hot.
Sat. I. 6. In Mamurrarum lassi deinde
urbe manemus.

⁸³ *Aguas Sinuessanas*] Prope Sinu-
essam aquæ fuere celebres apud anti-
quos, ut apparet ex Plinio, l. XXXI.
c. 2. et Tacito, Ann. XII. 66. et Hist.
I. 72. Has calidas fuisse demonstrat
Silius, a quo dicitur *Sinuessæ tepens*,
l. VIII. v. 528.

U. C. 535. cladem, fugam tamen terroremque latius, Numidæ fecerunt.
A. C. 217. Nec tamen is terror, quum omnia bello flagrarent, fide socios dimovit: videlicet quia justo et moderato regebantur imperio; nec abnuebant, quod unum vinculum fidei est, melioribus parere.

Seditio in
castris Fabii.

Minucii seditiosa oratio.

XIV. Ut vero ad Vulturnum flumen castra sunt posita, exurebaturque amœnissimus Italiæ ager, villæque passim incendiis fumabant, per juga Massici montis Fabio ducente, ⁸⁴ tum prope de integro seditio accensa. quieverant enim per paucos dies; quia, quum celerius solito ductum agmen fuisset, festinari ad prohibendam populationibus Campaniam crediderant. Ut vero in extrema juga Massici montis ventum est, hostesque sub oculis erant, Falerni agri colonorumque Sinuessæ lecta urentes, nec ulla erat mentio pugnae, *Spectatumne huc, inquit Minucius, ⁸⁵ ut rem fruendam oculis, sociorum cædes et incendia venimus? nec si nullius alterius nos, ne civium quidem horum pudet, quos Sinuessam colonos patres nostri miserunt, ut ab Samnite hoste tuta hæc ora esset: quam nunc non vicinus Samnis urit, sed Pænus advena, ab extremis orbis terrarum terminis, nostra cunctatione et socordia, jam huc progressus. Tantum (pro!) degeneramus a parentibus nostris, ut, præter quam oram illi Punicas vagari classes, dedecus esse imperii sui duxerint, eam nos nunc plenam hostium Numidarumque ac Maurorum jam factam videamus? Qui modo, Saguntum obpugnari indignando, non homines tantum, sed fœdera et Deos, ciebamus, ⁸⁶ scandentem^e mœnia Romanæ coloniae Hannibalem lenti spectamus. Fumus ex incendiis villarum agrorumque in oculos atque ora venit; strepunt aures clamoribus plorantium sociorum, sæpius nos, quam Deorum invocantium opem. nos hic pecorum modo per æstivos saltus ⁸⁷ deviasque calles exercitum ducimus, conditi nubibus silvisque. Si hoc modo peragrando cacumina saltusque M. Furius recipere a Gallis urbem voluisset, quo hic novus Camillus (nobis dictator unicus in rebus adfectis quæsitus) Italiam ab Hannibale recuperare parat, Gallorum Roma esset: quam vereor, ne, sic cunctantibus nobis, Hannibali ac Pænis toties servaverint majores*

^e tendentem ad Gron.

⁸⁴ Tum prope de integro seditio accensa. Quieverant enim] Hæc deformata erant in scriptis, qui habuere: tum prope de integro seditio ac de seditione accensi quidam fuerant enim. Correxere Lipsius et Gronovius.

⁸⁵ Ut rem fruendam.] Vulgo ad rem. Gronovius ex ingenio substituit ut, quod sane elegantius est.

⁸⁶ Scandentem mœnia] Hoc animosius est et vividius, quam id quod hactenus editos occupavit, tendentem ad

mœnia. Nondum quidem scandebat mœnia Sinuessæ Annibal: sed oratorie rem auget Minucius. Nititur hæc emendatio auctoritate codicis Put. qui habet sciebamur candente mœnia. Unam tantum litteram antiquæ scripturæ addidimus, sive potius ex alieno loco in suum revocavimus.

⁸⁷ Deviasque calles] Sic scripti optimi, quorum fides firmatur testimonio Nonii Marcelli. Olim editi: deviosque colles.

*nostri. sed vir, ac vere Romanus,*⁸⁸ *quo die, dictatorem eum ex* U. C. 535. *auctoritate Patrum jussuque populi dictum, Veios adlatum est,* A. C. 217. *quam esset satis altum Janiculum, ubi sedens prospectaret hostem, descendit in æquum: atque illo ipso die media in urbe, qua nunc busta Gallica sunt, et postero die citra Gabios cecidit Gallorum legiones. Quid? post multos annos, quam ad Furculas Caudinas ab Samnite hoste sub jugum missi sumus, utrum tandem L. Papirius Cursor juga Samnii perlustrando, an Luceriam premendo obsidendoque, et lacessendo victorem hostem, depulsum ab Romanis cervicibus jugum superbo Samniti inposuit? Modo C. Lutatio quæ alia res, quam celeritas, victoriam dedit? quod postero die, quam hostem vidit, classem gravem commeatibus, inpeditam suomet ipsam instrumento atque adparatu, obpressit. Stultitia est, sedendo aut votis debellari credere posse. armari copias oportet, deducendas in æquum, ut vir cum viro congrediari. Audendo atque agendo res Romana crevit,*⁸⁹ *non his segnibus consiliis, quæ timidi cauta vocant. Hæc velut concionanti Minucio circumfundebatur tribunorum equitumque Romanorum multitudo, et ad aures quoque militum dicta ferocia volvebantur: ac, si militaris suffragii res esset, haud dubie ferebant, Minucium Fabio duci prælaturos.*

XV. ⁹⁰ *Fabius pariter, in suos haud minus quam in hos-* Fabius in *tes intentus,* ⁹¹ *prius ab illis invictum animum præstat.* cunctatione perstat. *quamquam probe scit, non in castris modo suis, sed jam etiam Romæ infamem suam cunctationem esse, obstinatus tamen eodem consiliorum tenore æstatis reliquum extraxit: ut Hannibal, destitutus ab spe summi opere petiti certaminis, jam hibernis locum circumspectaret: quia*⁹² *ea regio*

^f *præstans* Gron. Crev.

⁸⁸ * *Quo die . . . illo ipso die]* Ex rei veritate aliquot dies intercesserunt inter commissam Camillo dictatorem potestatem, et pugnam adversus Gallos. Sed præproperi ingenii concionator celeritatem Camilli supra verum exauget, ut majore invidia oneret Fabii cunctationem.

⁸⁹ *Non his segnibus consiliis]* Hoc protulit Lipsius e suo codice, cui secundas facit unus e nostris. Nec dubitari potest quin verum sit præ illo antea vulgato, *non his sensibus consiliisque.*

⁹⁰ *Fabius pariter in suos non minus quam in hostes]* Necessarium quidem non est *et pariter*: non tamen fortasse recidendum. Non magis nos offendit *pariter*, sequente *haud minus*, quam *potius . . . libentius* in Præfat.

Livii, quam *potius* iteratum infra XXXII. 21. et apud Cic. de Orat. I. II. n. 300. *optabilis . . . potius*, apud Justin. III. 2. *magis . . . clarior*. Vid. et not. 19. ad IX. 7. supra. Omnino hi pleonasmii apud optimos scriptores non raro occurrunt. Si cui tamen hic illud supervacaneum vocabulum displicet, loco *et pariter*, legat cum Jac. Gron. *acriter*.

⁹¹ *Prius ab illis]* Primum certamen erat Fabio cum suis; et, quo se invictum præstaret ab hostibus, prius necesse erat ut se invictum præstaret a suis. Olim editi *ab aliis* pro *ab illis*: quomodo et legebat Gronovius, ut apparet ex ejus nota ad hunc locum. Quisquis legi jussit *ab illis*, is bonam operam navavit Livio.

⁹² * *Ea regio præsentis erat copiae,*

U. C. 535. præsentis erat copiae, non perpetuae, arbusta vineæque, et
 A. C. 217. consita omnia magis amcenis, quam necessariis fructibus.
 Hæc per exploratores relata Fabio. Quam satis sciret, per
 easdem angustias, quibus intraverat Falernum agrum, redi-
 turum, Calliculam montem et Casilinum occupat modicis
 præsiidiis; quæ urbs, Volturno flumine diremta, Falernum
 ac Campanum agros dividit: ipse jugis iisdem exercitum
 reducit, misso exploratum cum quadringentis equitibus so-
 ciorum L. Hostilio Mancino: qui ex turba juvenum audi-
 entium sæpe ferociter concionantem magistrum equitum,
 progressus primo exploratoris modo, ut ex tuto speculareretur
 hostem, ubi vagos passim per vicos Numidas vidit, per
 occasionem etiam paucos occidit: extemplo occupatus cer-
 tamine est animus, excideruntque præcepta dictatoris; qui,
 quantum tuto posset, progressum prius recipere sese juss-
 rat, quam in conspectum hostium veniret. Numidæ, alii
 atque alii obcursantes refugientesque, ad castra prope ip-
 sum cum fatigatione equorum atque hominum pertraxere.
 Inde Karthalo, penes quem summa equestri imperii erat,
 concitatis equis invectus, quum prius, quam ad conjectum
 telum veniret, avertisset hostem, quinque millia ferme conti-
 nenti cursu secutus est fugientes. Mancinus, postquam nec
 hostem desistere sequi, nec spem vidit effugiendi esse, co-
 hortatus suos in prælium rediit, omni parte virium impari.
 Itaque ipse, et delecti equitum, circumventi occiduntur. ce-
 teri effuso rursus cursu Cales primum, inde prope inviis cal-
 libus ad dictatorem perfugerunt. Eo forte die Minucius se
 conjunxerat Fabio, missus ad firmandum præsidio saltum,
 qui super Tarracinam, in artas coactus fauces, imminet mari,
 ne ⁹³ inmunito Appiæ limite Pœnus pervenire in agrum Ro-
 manum posset. Coniunctis exercitibus dictator ac magister
 equitum castra in viam deferunt, qua Hannibal ducturus
 erat. duo inde millia hostes aberant.

Mancinus
cæsus.

Equestre
certamen.

XVI. Postero die Pœni, quod viæ inter bina castra erat,
 agmine complevere. Quum Romani sub ipso constitissent
 vallo, haud dubie æquiore loco, successit tamen Pœnus cum
 expeditis equitibus, atque ad læssendum hostem carptim et
 procursando recipiendoque sese pugnare. restitit suo loco
 Romana acies. lenta pugna et ex dictatoris magis, quam
 Hannibalis, fuit voluntate. ducenti ab Romanis, octingenti
 hostium occidere. Inclusus inde videri Hannibal, via ad
 Casilinum obsessa: quum Capua et Samnium, et tantum ab
 tergo divitum sociorum Romanis commeatus subveheret;

non perpetua] Ea regio in præteritis æ-
 statis tempus, non in totum annum
 subministrare poterat ea quæ alendo
 exercitui necessaria erant.

93 Inmunito Appiæ limite] Si limes
 Appiæ viæ, ferens ab Tarracina in
 Romanum agrum, munitus præsidio
 non esset.

Poenus contra⁹⁴ inter Formiana saxa ac Literni⁹⁵ arenas stagnaque perhorrida situ hibernaturus esset. Nec Hannibalem fefellit, suis se artibus peti. itaque, quum per Casilinum evadere non posset, petendique montes et jugum Calliculæ superandum esset, necubi Romanus inclusum vallibus agmen adgrederetur; ludibrium oculorum, specie terribile, ad frustrandum hostem commentus, principio noctis furtim succedere ad montes statuit. Fallacis consilii talis adparatus fuit. Faces undique ex agris conlectæ, fascisque virgarum, atque arida sarmenta præligantur cornibus boum, quos domitos indomitosque multos inter ceteram agrestem prædam agebat. ad duo millia ferme boum effecta: Hasdrubalique negotium datum, ut primis tenebris noctis id armentum accensis cornibus ad montes ageret; maxime, si posset, super saltus ab hoste insessos.

U. C. 585.
A. C. 217.
Inclusum.
Hannibal
se explicat
arte.

Boves ac-
censis cor-
nibus.

XVII. Primis tenebris silentio mota castra; boves aliquanto ante signa acti. ubi ad radices montium viasque angustas ventum est, signum extemplo datur, ut accensis cornibus armenta in adversos concitentur montes. et metus ipse relucens flammæ ex capite, calorque, jam ad vivum, ad imaque cornuum adveniens, velut stimulos furore agebat boves. quo repente discursu, haud secus quam silvis montibusque accensis, omnia circum virgulta ardere: ⁹⁴ capitumque irrita quassatio, excitans flammam, hominum passim discurrentium speciem præbebat. Qui ad transitum saltus insidendum locati erant, ubi in summis montibus ac super se quosdam ignes conspexerunt, circumventos se esse rati, præsidio excessere; qua minime densæ micabant flammæ, velut tutissimum iter, petentes summa montium juga, tamen in quosdam boves palatos ab suis gregibus inciderunt. Et primo, quum procul cernerent, veluti flammæ spirantium miraculo adtoniti constiterunt: deinde, ut humana adparuit fraus, tum vero insidias rati esse, dum¹ majore metu concitant se in fugam, levi quoque armaturæ hostium incurrere. ceterum nox æquato timore neutros pugnam incipientes ad lucem tenuit. Interea, toto agmine Hannibal transducto per saltum, et quibusdam in ipso saltu hostium obpressis, in agro Allifano posuit castra.

XVIII. Hunc tumultum sensit Fabius. ceterum et insidias esse ratus, et ab nocturno utique abhorrens certamine, suos munimentis tenuit. Luce prima sub jugo montis præ-

⁹⁴ intra Gron. Crev.

⁹⁵ Linterni. Eæd.

¹ cum Eæd.

⁹⁴ Intra Formiana] Optaremus inter.

⁹⁵ Capitumque irrita quassatio] Hæc proxime ad optimorum MSS. fidem emendavit Gronovius; ut et in-

fra, qua minime densæ micabant flammæ. Antea editi præferebant capitumque inquietatio; et, qua ingens emicabat flamma.

U. C. 535.
A. C. 217.
Leve pro-
litum.

Dictator it
Romam.

Res gestæ
in Hispa-
nia.

lium fuit; quo interclusam ab suis levem armaturam facile (etenim numero aliquantum præstabant) Romani superas-
sent, nisi Hispanorum cohors, ad id ipsum ⁹⁶ remissa ab Hannibale, pervenisset. ea adsuetior montibus, et ad concursandum inter saxa rupesque aptior ac levior, cum velocitate corporum, tum armorum habitu, campestem hostem, gravem armis statariumque, pugnae genere facile elusit. Ita haudquaquam pari certamine digressi, Hispani fere omnes incolumes, Romani, aliquot suis amissis, in castra contenderunt. Fabius quoque movit castra: transgressusque saltum super Allifas, loco alto ac munito consedit. Tum, per Samnium Romam se petere simulans, Hannibal usque in Pelignos populabundus rediit. Fabius medius^k inter hostium agmen urbemque Romam jugis ducebat; nec absistens^l, nec congrediens. Ex Pelignis Pœnus flexit iter, retroque Apuliam repetens, Geronium^m pervenit; urbem metu, quia conlapsa ruinis pars moenium erat, ab suis desertam. Dictator in Larinate agro castra communiit. inde sacrorum causa Romam revocatus, non imperio modo, sed consilio etiam, ⁹⁷ ac prope precibus agens cum magistro equitum, *ut plus consilio, quam fortunæ, confidat: et se potius ducem, quam Sempronium, Flaminiūque, imitetur. ne nihil actum censeret,* ⁹⁸ *extractaⁿ prope æstate per ludificationem hostis. medicos quoque plus interdum quiete, quam movendo atque agendo, proficere. Haud parvam rem esse, ab toties victore hoste vinci desisse, et ab continuis cladibus respirasse.* Hæc nequidquam præmonito magistro equitum, Romam est profectus.

XIX. Principio æstatis, qua hæc gerebantur, in Hispania quoque terra marique coeptum bellum est. Hasdrubal ad eum navium numerum, quem a fratre instructum paratumque acceperat, decem adjecit: quadraginta navium classem Himilconi tradidit: atque ita Karthagine profectus navibus prope terram, exercitum in litore ducebat, paratus configere, quacumque parte copiarum hostis occurrisset. Cn. Scipioni, postquam movisse ex hibernis hostem audivit, primo idem consilii fuit: deinde, minus terra, propter ingentem famam novo-

^k *mediis* Gron. Crev.
Gron.

^l *abstinens* Gron.

^m *Gerunium* Crev.

ⁿ *exacta*

⁹⁶ *Remissa ab Annibale pervenisset]* Forte *supervenisset.* GRONOV.

⁹⁷ *Ac prope precibus agens]* Pendet oratio, nec concluditur nisi post absolutam totam Fabii oratiunculam, his nempe verbis *Romam est profectus.* Vide similiter interpositam duobus unius periodi membris orationem, lib. V. c. 24.

⁹⁸ *Extracta prope æstate per ludificationem hostis]* Sigonius maluerat *exacta*, et ei obtemperaverant editores. Sed pro ea lectione quam revocamus, stat sermonis elegantia et proprietas: stant quoque plurimi et optimi codices Gronovio inspecti, et unus e nostris.

rum auxiliorum, concurrere ausus, ⁹⁹ delecto milite ad naves U. C. 535. inposito, quinque et triginta navium classe ire obviam hosti A. C. 217. pergit. Altero ab Tarracone die ad stationem, decem millia passuum distantem ab ostio Iberi amnis, pervenit. inde duæ Massiliensium speculatoriæ præmissæ retulerunt, classem Punicam stare in ostio fluminis, castraque in ripa posita. Itaque, ut improvidos incautosque universo simul effuso terrore obprimeret, sublatis ancoris ad hostem vadit. Multas et locis altis positas turres Hispania habet, quibus et speculis et propugnaculis adversus latrones utuntur. inde primo, conspectis hostium navibus, datum signum Hasdrubali est; tumultusque prius in terra et castris, quam ad mare et ad naves, est ortus, nondum aut. pulsu remorum strepituque alio nautico exaudito, aut aperientibus classem promontoriis: quum repente eques, alius super alium ab Hasdrubale missus, vagos in litore quietosque in tentoriis suis, nihil minus quam hostem aut proelium eo die expectantes, conscendere naves propere atque arma capere jubet. classem Romanam jam haud procul portu esse. Hæc equites dimissi passim imperabant. mox Hasdrubal ipse cum omni exercitu aderat: varioque omnia tumultu strepunt, ruentibus in naves simul remigibus militibusque, ¹ fugientium magis e^o terra, quam in pugnam euntium modo. Vixdum omnes conscenderant, quum alii ² resolutis oris in ancoras evehuntur; alii, ne quid teneat, ³ ancoralia incidunt: raptimque omnia præpropere agendo, militum adparatu nautica ministeria inpediuntur, trepidatione nautarum capere et aptare arma miles prohibetur. Et jam Romanus non adpropinquabat modo, Classis Punicæ in fugam veræ. sed direxerat etiam in pugnam naves. itaque non ab hoste et proelio magis Poeni, quam suomet ipsi tumultu turbati, tentata verius pugna, quam inita, in fugam averterunt clas-

^o e leg. a Gron.

99 * *Delecto milite ad naves inposito*] Delecto e pedestribus copiis milite ad naves inposito, præter classicos milites. Nempe auget numerum militum Scipio, quia pugnam navalem meditabatur.

1 *Fugientium . . e terra*] Sic optimi scripti, teste Gronovio: sic et Hearnii codd. et nostri, et Campanus, et Andreas. Vulgo a terra.

2 *Resolutis oris in ancoras evehuntur*] Hanc lectionem Gronovius allatam ab se ex aliquot MSS. sic interpretatur ipse l. IV. Observ. c. 26. Quia missæ de proris ancoræ, funes ex puppi, statuebant naves; quidam funibus solutis, obliti ancoras vellere præ festinatione nimia, provecti contra an-

coras adhuc tenentes, propellunt easdem naves. At profecto retenti ab ancoris, haud multum progredi poterant. Itaque facile quis credat Gronovium non fecisse hic operæ pretium, dum hanc nobis lectionem invexit pro vulgata, quæ nihil obscuri continebat: alii resolvunt oras, aut ancoram vellunt. Utcunque legatur, oræ hic intelligendæ sunt retinacula quibus puppis littori alligabatur. Sic apud Quintilianum in præfatione ad Tryphonem, oram solventibus bene prece-mur. Sic et infra, l. XXVIII. c. 36. trahunt scalas orasque, et ancoras . . præcidunt.

3 *Ancoralia*] Funes quibus capita ancorarum annexa sunt.

U. C. 535. sem. et quum adversi amnis os lato agmine ac tam multis
A. C. 217. simul venientibus haud sane intrabile esset, in litus passim
naves egerunt: atque alii vadis, alii sicco litore excepti,
partim armati, partim inermes, ad instructam per litus aciem
suorum perfugere. Duæ tamen primo concursu captæ erant
Punicæ naves, quatuor subpressæ.

XX. Romani, quamquam terra hostium erat, armatam-
que aciem toto prætentam in litore cernebant, haud cunc-
tanter insecuti trepidam hostium classem, ⁴naves omnes,
quæ non aut perfregerant proras ⁵litore inlitas, aut carinas
fixerant vadis, religatas puppibus in altum extraxere. ad
quinque et viginti naves ⁶ex quadraginta cepere. Neque id
pulcherrimum ejus victoriæ fuit, sed quod una levi pugna
toto ejus oræ mari potiti erant. itaque ⁷ad Honoscam classe
provecti, exscensione ab navibus in terram facta, quum ur-
bem vi cepissent, captamque diripuissent, Karthaginem inde
petunt: atque, omnem agrum circa depopulati, postremo
tectæ quoque conjuncta ⁸muro portisque incenderunt. Inde
jam præda gravis ad Longunticam pervenit classis: ubi vis
magna sparti ad rem nauticam congesta ab Hasdrubale.
quod satis in usum fuit, sublato, ceterum omne incensum
est. Nec continentis modo projectas oras prætervecta, sed
in Ebusum insulam transmissum. ubi urbe, quæ caput in-
sulæ est, biduum nequidquam summo labore obpugnata, ubi
in spem irritam frustra teri tempus animadversum est, ad
populationem agri versi, direptis aliquot incensisque vicis,
majore, quam ex continenti, præda parta, quum in naves se
recepissent, ex Baliaribus insulis legati pacem petentes ad
Scipionem venerunt. Inde flexa retro classis, reditumque
in ceteriora provinciæ; quo omnium populorum, ⁹qui Ibe-
rum incolunt, multorum et ultimæ Hispaniæ legati concur-
rerunt. Sed, ⁹qui vere ditionis imperiique Romani facti
sunt, obsidibus datis, populi amplius fuerunt centum viginti.
Igitur terrestribus quoque copiis satis fidens Romanus us-

Ebusus in-
sula direp-
ta.

⁸ *injuncta* Gron. Crev.

⁹ *see* Ead.

⁴ *Naves omnes quæ non aut perfre-
gerant*] Recte monet Perizonius par-
ticulam negativam hinc ablegandam
esse. Nempe intelligendam est ali-
quot naves Pœnorum intrasse os am-
nis, atque hoc modo evasisse. Eas
autem quæ quum illud intrare non
potuissent, aut perfregerant proras in
litore, aut hæserant in vadis, a Ro-
manis captas esse.

⁵ *Littore illitas*] Quidam codices,
littoreis. An *littoribus*? Certe hic
magis placeret dandi casus, quam au-

ferendi.

⁶ *Ex quadraginta*] Olim *ex triginta*.
Sigonius jure mutavit, ut constat ex
c. 19. supra, et Polybio.

⁷ *Ad Honoscam*] Hoc nomen nullis
in scriptis exstat. Jac. Gronovius
conjicit, *Etovissam*.

⁸ *Qui Iberum incolunt*] Lege cum
Gronovio, vel *qui cis Iberum colunt*,
vel *qui Iberum accolunt*.

⁹ *Qui . . . facti sunt*] Codex Put.
sint: et placet magis.

que ad saltum Castulonensem est progressus. Hasdrubal in U. C. 535.
Lusitaniam ac propius oceanum concessit. A. C. 217.

XXI. Quietum inde fore videbatur reliquum æstatis tempus, fuissetque per Pœnum hostem; sed, præterquam quod ipsorum Hispanorum inquieta avidaque in novas res sunt ingenia, Mandonius Indibilisque, qui ¹⁰ antea Ilergetum regulus fuerat, postquam Romani ab saltu recessere ad maritimam oram, concitis popularibus, in agrum pacatum sociorum Romanorum ad populandum venerunt. Adversus eos ¹¹ tribunus militum cum expeditis ¹² auxiliis, a Scipione missi, levi certamine, et tumultuariam manum, fudere omnes; occisis quibusdam captisque, magna pars armis exuta. Hic tamen tumultus cedentem ad oceanum Hasdrubalem cis Iberum ad socios tutandos retraxit. Castra Punica in agro Ilercaonensium, ¹³ castra Romana ad novam classem erant, quum fama repens ¹⁴ alio avertit bellum. Celtiberi, qui principes regionis suæ legatos miserant, obsidesque derant Romanis, nuncio misso a Scipione excitati, arma capiunt, provinciamque Karthaginensium valido exercitu invadunt: tria oppida vi expugnant. inde, cum ipso Hasdrubale duobus præliis ¹⁵ egregie pugnantes, quindecim millia hostium occiderunt, quatuor millia cum multis militaribus signis capiunt.

Celtiberi
arma ad-
versus Pœ-
nos capiunt.

XXII. Hoc statu rerum in Hispania, P. Scipio in provinciam venit, prorogato post consulatum imperio ab senatu missus, cum triginta longis navibus, et octo millibus militum, magnoque comœntu advecto. Ea classis ingens agmine onerariarum procul visa, cum magna lætitia civium sociorumque, portum Tarraconis ex alto tenuit. ibi milite exposito, profectus Scipio ¹⁶ fratri se conjungit: ac deinde communi animo consilioque gerebant bellum. Occupatis igitur Karthaginensibus Celtiberico bello, haud cunctanter Iberum transgrediuntur; nec ullo viso hoste, Saguntum

P. Scipio
classē adve-
hitur in
Hispaniam.

¹ magnaue parte Gron. Crev. ² vertit Gron. ³ se del. Gron. Crev. ⁴ conjungitur Eæd.

¹⁰ *Antes*] Antequam Ilergetum gens sub jus ditionemque Romanorum redigeretur a Cn. Scipione, quod memoratum est l. XXI. c. 61.

¹¹ *Tribunus militum*] Hoc a Gronovio est. Vulgatus, *tribus millibus*: scripti, *tribus militibus*.

¹² *Auxiliis*] Copiis auxiliaribus, quæ non Romanæ nec Latine essent, sed ex aliis gentibus quæ se adjunxerant Romanis.

¹³ *Castra Romana, ad novam classem erant*] Hæ voces *Ad novam classem* accipiendæ videntur pro loci no-

mine. In itineralio Antonini memoratur locus inter Ilerdam et Tarraconem, *Ad Novas*.

¹⁴ *Alio avertit bellum*] Sic edi jussimus, auctoribus tribus vel optimis codicibus. Vulgo *alio vertit*.

¹⁵ *Egregie pugnantes quindecim*] Placet id quod Put. liber exhibet, *egregie pugnant ac quindecim*: modo in iis quæ sequuntur legas occidunt.

¹⁶ *Fratri conjungitur*] Put. liber: *fratris conjungit*. Unde videtur legendum *fratri se conjungit*.

U. C. 535.
A. C. 217.
Obsides
Hispano-
rum Sagun-
ti.

Eos Abelux
tradit Ro-
manis.

pergunt ire, quod ibi obsides totius Hispaniæ custodiæ traditos ab Hannibale fama erat modico in arce custodiri præsidio. id unum pignus inclinatos ad Romanam societatem omnium Hispaniæ populorum animos morabatur, ne sanguine liberum suorum culpa defectionis lueretur. Eo vinculo Hispaniam vir unus, solerti magis quam fideli consilio, exsolvit. Abelux erat Sagunti nobilis Hispanus, fidus ante Poenis: tum (qualia plerumque^x sunt barbarorum ingenia) cum fortuna mutaverat fidem. ceterum, transfugam, sine magnæ rei prodicione venientem ad hostes, nihil aliud quam unum vile atque infame corpus esse ratus, ¹⁷ id agebat, ut quam maximum emolumentum novis sociis esset. Circumspectis igitur omnibus, quæ fortuna potestatis ejus poterat facere, obsidibus potissimum tradendis animum adjecit: eam unam rem maxime ratus conciliaturam Romanis principum Hispaniæ amicitiam. Sed quum, injussu Bostaris præfecti, satis sciret, nihil obsidum custodes facturos esse, Bostarem ipsum arte adgreditur. Castra extra urbem in ipso litore habebat Bostar, ut ¹⁸ aditum ex portu intercluderet Romanis. ibi eum in secretum abductum, velut ignorantem, monet, quo statu sit res. *Metum continuisse ad eam diem Hispanorum animos, quia procul Romani abessent: nunc cis Iberum castra Romana esse, arcem tutam perfugiumque novas volentibus res. itaque, quos metus non teneat, beneficio et gratia devinciendos esse.* Miranti Bostari percunctantique, quodnam id subitum tantæ rei donum possit esse? *Obsides, inquit, in civitates remitte.* ¹⁹ *id et^y privatim parentibus, quorum maximum nomen in civitatibus est suis, et publice populis gratum erit. Vult sibi quisque credi, et habita fides ipsam plerumque obligat fidem. Ministerium restituendorum domos obsidum mihi met deponco ipse, ut opera quoque inpena consilium adjuvem meum, et rei suapte natura gratae, quantam insuper gratiam possim, adjiciam.* ²⁰ Homini, non ad cetera Punica ingenia callido, ut persuasit, nocte clam progressus ad hostium stationes, conventis

^x pleraque Gron. Crev.

^y et del. Eæd.

¹⁷ *Id agebat ut*] Hoc propositum animo habebat, eo nitendum sibi putabat ut

¹⁸ *Aditum ex portu*] Aditum ad urbem ex ea parte qua portus est. Saguntus mille circiter passus distabat a mari, testibus Livio XXI. 7. et Polybio, III. 19. vel tria millia passuum, ex Plinio, III. 3. et inter maritimas urbes censi solitam Cellarius docet, Geogr. Ant. l. II. c. 1. Itaque licet nusquam alias Saguntini portus fiat mentio, non est cur suspecta sit nobis hujus loci scriptura, et

cum Jac. Gronovio legamus *ut aditum ea parte*. Nihil mirum est portum alicujus urbis distare ab ea vel tribus passuum millibus. Inter Piræum et Athenas quadraginta stadia, sive quinque millia passuum interfuisse colligitur ex Thucydide, l. II.

¹⁹ *Id privatim*] Scripti *inde privatim*. Lege *id et privatim*: sequitur enim mox *et publice*.

²⁰ *Homini non ad cetera Punica ingenia callido*] Homini non tam callido quam solent esse Punica ingenia.

quibusdam auxiliaribus Hispania, et ab iis ad Scipionem U. C. 535.
perductus, quid adferret, expromit. Fide accepta dataque, A. C. 217.
ac loco et tempore constituto ad obsides tradendos, Saguntum redit; diem insequentem absumsit cum Bostare, mandatis ad rem agendam accipiendis. dimissus, quum se nocte iturum, ut custodias hostium falleret, constituisset, ad compositam cum iis horam excitatis custodibus puerorum profectus, veluti ignarus in præparatas sua fraude insidias ducit. In castra Romana perducti. cetera omnia de reddendis obsi- In castra Romana perductos suis reddit Scipio.
dibus, sicut cum Bostare constitutum erat, acta per eundem ordinem, ²¹quo si² Karthaginensium nomine ²²sic ageretur. Major aliquanto Romanorum gratia fuit in re pari, quam quanta futura Karthaginensium fuerat. illos enim, graves superbosque in rebus secundis expertos, fortuna et timor mitigasse videri poterat. Romanus primo adventu, incognitus ante, ab re clementi liberalique initium fecerat: et Abelux, vir prudens, haud frustra videbatur socios mutasse. itaque ingenti consensu defectionem omnes spectare: armaque extemplo mota forent, ni hiems, quæ Romanos quoque et Karthaginenses concedere in tecta coëgit, intervenisset.

XXIII. Hæc in Hispania quoque secunda æstate Punici belli gesta, quum in Italia ²³paullum^a intervalli cladibus Romanis solers cunctatio Fabii fecisset: quæ ut Hannibalem non mediocri sollicitum cura habebat, tandem eum militiæ magistrum delegisse Romanos cernentem, qui bellum Fabii cunctatio Romæ invisa.
ratione, non fortuna, gereret; ita contempta erat inter cives, armatos pariter togatosque; utique postquam, absente eo, temeritate magistri equitum, læto verius dixerim, quam prospero eventu, pugnatum fuerat. Accesserant duæ res ad augendam invidiam dictatoris: una fraude ac dolo Hannibalis, quod, quum a perfugis ei monstratus ager dictatoris Hannibalis dolus ad augendam invidiam dictatoris.
esset, omnibus circa solo æquatis, ab uno eo ferrum ignemque et ²⁴vim omnem hostium abstineri jussit, ut occulti alicujus pacti ea merces videri posset: altera ipsius facto, primo forsitan dubio, quia non exspectata in eo senatus auctoritas est; ad extremum haud ambigue in maximam laudem verso, in permutandis captivis: quod, sicut primo Punico bello factum erat, convenerat ²⁵inter duces Romanum^b Poenum-

² quo si l. quasi Gron.^a paullulum Gron. Crev.^b Romanos Gron.

²¹ Quo si] Hoc nobis elegantius visum est, quam, ut vulgo, quasi. Itaque incunctanter ex auctoritate Put. codicis admisimus.

²² Sic ageretur] Mallemus res ageretur.

²³ Paullulum intervalli] Put. paullum.

²⁴ Vim omnem hostium] Lege. hostilem.

²⁵ Inter duces Romanum Poenumque] Hactenus legebatur hoc loco Romanos: manifesto errore, quem coarguit Jac. Perizonius. Unius enim Fabii id factum erat, non plurium Romanorum. Put. codex habet Roma-

U. C. 535.
A. C. 317.
Fabius pecunia sua
captivos redimit.

que, ut, quæ pars plus reciperet, quam daret, ²⁶ argenti pondo bina et selibras in militem præstaret. Ducentos quadraginta septem quam plures Romanus, quam Pœnus, recepisset, argentumque pro eis debitum, sæpe jactata in senatu re, quoniam non consulisset Patres, ²⁷ tardius erogaretur^c: inviolatum ab hoste agrum, misso Romanum Quinto filio, vendidit, ²⁸ fidemque publicam inpendio privato exsolvit. Hannibal pro Geronii mœnibus, cujus urbis, captæ atque incensæ ab se, in usum horreorum pauca reliquerat tecta, in stativis erat. inde frumentatum duas exercitus partes mittebat: cum tertia ipse expedita in statione erat, simul castris præsidio, et circumspectans, necunde inpetus in frumentatores fieret.

Ro absente
Minucius
rem non
inprosperare
gerit.

XXIV. Romanus tunc exercitus in agro Larinati erat. præerat Minucius magister equitum, profecto, sicut ante dictum est, ad urbem dictatore. Ceterum castra, quæ in monte alto ac tuto loco posita fuerant, jam in planum deferuntur: agitabanturque pro ingenio ducis consilia calidiora, ut inpetus aut in frumentatores palatos, aut in castra, relicta cum levi præsidio, fieret. Nec Hannibalem fefellit, cum duce mutatam esse belli rationem, et ferocius, quam consultius, rem hostes gesturos. Ipse autem, (²⁹ quod minime

^c rogaretur Grøn. Crøv.

nosum, dubitante scilicet librario, Romanos ne scribendum esset, an Romanum: Tellerianus plane Romanum.

²⁶ *Argenti pondo bina et selibras*] Duas libras Romanas et semissem argenti, qui sunt mille sestertii, sive unum sestertium: id est, mærcæ nostrates argenti tres cum septem unciiis, et granis 144.

²⁷ *Tardius rogaretur*] Verbum rogaretur hic obscurum est. Videtur potius legendum, ut nonnulli, teste Gronovio, libri habent, erogaretur, id est, impenderetur, daretur ex ærario.

²⁸ *Fidemque publicam*] Quod rei publicæ nomine debebatur hostibus, privata sua pecunia exsolvit.

²⁹ *Quod minime quis crederet*] Cur autem quisquam ægre credat eum ducem qui, hoste procul disisto, duas militum partes frumentatum mittebat, postquam propius accessit hostis, jam solummodo tertiam partem militum misisse. Omnino hæc parenthesis parum digna Livio videtur, et aut corrupta, aut etiam penitus tollenda. Neque enim simile quidquam reperitur apud Polybium, quem hic sequitur Livius. Ceterum de toto hoc ne-

gotio operæ pretium est accuratissimum illum scriptorem consulere, qui rem distinctius et apertius narrat, in hunc fere modum. Postquam Minucius in tumultum illum unde Numidas dejecerat, castra transtulit, Annibal aliquamdiu maximam partem militum in castris tenuit. Verum post aliquot dies coactus est partim frumentatum, partim ad pecora pascenda quamplurimos dimittere. Quod quum sensisset Minucius, ipse ad castra hostium cum legionibus successit: equitatum et levem armaturam in pabulatores emisit. Annibali neque ad certandum acie satis virium erat, neque ad opem palatis per agros suis ferendam. Jamque vellebant vallum hostium Romani, quum Asdrubal, collectis frumentatoribus qui Geronium refugerant ad quatuor millia, auxilium Annibali jam prope obsessio in castris tulit. Tum Romani abecedere coacti sunt, multis tamen hostium ad castra cæsis. Frumentatorum major etiam cædes fuit. Postero die Annibal in priora castra, quæ pro Geronii mœnibus erant, recepit suos: ac postea parcius et cautius pabulati

quis crederet) quum hostis propius esset, tertiam partem U. C. 535. militum frumentatum, duabus in castris retentis, dimisit: A. C. 217: dein^d castra ipsa propius hostem movit, duo ferme a^e Geronio millia, in tumulum hosti conspectum; ut intentum sciret esse ad frumentatores, si qua vis fieret, tutandos. Propior inde ei, atque ipsis imminens Romanorum castris tumulus adparuit: ad quem capiendum si luce palam iretur, quia haud dubie hostis breviora via praeveniret, nocte clam missi Numidae ceperunt. quos tenentes locum, contempta paucitate, Romani postero die quum eiecissent, ipsi eo transferunt castra. Tum itaque, ut exiguum spatii vallum a vallo aberat, et id ipsum totum prope compleverat Romana acies, simul et³⁰ per aversa castra a castris Hannibalis equitatus, cum levi armatura emissus in frumentatores, late caedem fugamque hostium palatorum fecit. nec acie certare Hannibal ausus; quia³¹ tanta paucitate vix castra, si obpugnarentur, tutari poterat. Jamque artibus Fabii, (pars exercitus aberat) jam ferme sedendo et cunctando bellum gerebat, receperatque suos in priora castra, quae pro Geronii moenibus erant. Justa quoque acie et conlatis signis dimicatum, quidam auctores sunt. primo concursu Poenum usque ad castra fuscum, inde eruptione facta repente versum terrorem in Romanos: Nam. Decimii Samnitis deinde intervenit proelium restitutum. Hunc, principem genere ac divitiis non Boviani modo, unde erat, sed toto Samnio, jussu dictatoris octo millia peditum, et equites^f quingentos ducentem in castra, ab tergo quum adparuisset Hannibali, speciem

^d deinde Gron. Crev.

^e a l. e Gron.

^f add. ad Gron. Crev.

sunt Carthaginenses. Haec ideo atteximus, quia Liviana narratio paulo obscurior est, nec parum ei lucis ex his videtur afferri.

³⁰ *Per aversa castra a castris Annibalis*] Per portam castrorum Romanorum, quae erat aversissima a castris Annibalis. Postrema haec verba *a castris Annibalis* non sine causa videntur Gronovio recidenda, tanquam supervacanea.

³¹ *Tanta paucitate*] Haec vix intelligi in Livio possunt. Undenam enim judicabimus, quanta Carthaginensium in castris paucitas fuerit? At apud Polybium nihil clarius: ut apparebit relegenti paulo attentius not. 29. supra. Possumus tamen huic apud nostrum obscuritati aliquatenus mederi, si huc retrahamus ex sequentibus illam parenthesis, *pars exercitus aberat*, legamusque: *quia tanta paucitate (pars exercitus aberat) vix cas-*

tra tutari poterat. Pars illa exercitus erit tertia militum pars, quae supra dicitur missa frumentatum. Quo facilius credatur huc revocanda esse illa parenthesis, accedit illud etiam, quod ubi collocata vulgo legitur, turbat sensum et vitiat. Jamque artibus Fabii, (pars exercitus aberat) jam ferme sedendo et cunctando bellum gerebat. Annibal profecto non uno die, sed per aliquantum temporis Fabianam illam cunctationem imitatus est. Nemo autem crediderit partem exercitus ab Annibale tunc quum a Minucio valde premeretur, in longum temporis spatium alio fuisse ablegatam. Ceterum, dum consideramus sive tria haec vulnera, quod minime quis crederet, et aversa castra a castris Annibalis, et pars exercitus aberat; sive haerentem et impeditum totius narrationis cursum, facile nobis persuademus Livium hic male habitum esse a librariis.



U. C. 535. parti utrique præbuisse ³² novi præsidii³, cum⁴ Q. Fabio ab
A. C. 217. Roma venientis¹: Hannibalem insidiarum quoque aliquid
timentem recepisse suos: Romanum insecutum, adjuvante
Samnite, duo castella eo die expugnasse: sex millia hostium
cæsa, quinque admodum Romanorum. tamen in tam pari
prope clade famam egregiæ victoriæ cum vanioribus literis
magistri equitum Romam perlatam.

Oratio Me-
tilii Trib.
Pl. in Fa-
biūm.

XXV. De his rebus persæpe et⁵ in senatu et in concio-
ne actum est. Quum, læta civitate, dictator unus nihil nec
famæ, nec literis crederet; ut vera omnia essent, secunda
se magis, quam adversa, timere diceret: tum M. Metilius
tribunus plebis, *id enim ferendum esse negat. Non præsentem
solum dictatorem obstitisse rei bene gerendæ, sed absentem etiam
gestæ obstare: et in ducendo bello sedulo tempus terere, quo
diutius in magistratu sit, solusque et Romæ et in exercitu impe-
rium habeat. Quippe consulum alterum in acie cecidisse; al-
terum, specie classis Punicæ persequendæ, procul ab Italia ab-
legatum. Duos prætores Sicilia atque Sardinia occupatos,*
³³ *quorum neutra hoc tempore provincia prætore egeat. M.*
Minucium magistrum equitum, ne hostem videret, ne quid rei
bellicæ gereret, prope in custodiam habitum. Itaque, Hercule,
non Samnium modo, quo jam, tamquam trans Iberum agro,
Pœnis concessum sit, et¹ ³⁴ Campanum, Calenumque, et Faler-
num agros^m pervastatos esse, sedente Casilini dictatore, et legio-
nibus populi Romani agrum suum tutante. exercitum cupien-
tem pugnare, et magistrum equitum, clausos prope intra val-
lum retentos; tamquam hostibus captivis arma adempta. tandem,
ut abscesserit inde dictator; ut obsidione liberatos, extra vallum
egressos fudisse ac fugasse hostes. Quas ob res, si antiquus
animus plebi Romanæ esset, audaciter se laturum fuisse de
abrogando Q. Fabii imperio: nunc modicam rogationem pro-
mulgaturum de æquando magistri equitum et dictatoris jure:

³ subsidii Gron.
Gron. Crev.

⁴ tanquam Ead.
¹ sed Ead.

⁵ veniente Ead.
^m agrum Ead.

^k et del.

³² *Novi præsidii cum Q. Fabio ab
Roma venientis]* Omnes nostri codices,
quemadmodum et Gronoviani, habent
præsidii, non *subsidii*, quomodo vul-
gati. *Præsidium* nihil aliud est, quam
militum manus, ut alibi notatum. Ce-
tera hujus loci sic formantur in edi-
tis: *tanquam Fabio ab Roma veniente.*
Nos repræsentamus ipsissimam Pu-
teanæ et Victorini codicum scriptu-
ram, nisi quod Put. frequenti, etiam
in optimis libris, errore, habet *cumque*
Fabio: que scilicet pro Q. Et eodem
alludunt ceteri omnes nostri.

³³ *Quorum neutra hoc tempore pro-*

vincia prætore egeat] Hic facile est
agnoscere intolerandum structuræ vi-
tium, quod tollere licet deleta voce
prætorum. Quorum, nempe prætorum,
neutra hoc tempore provincia egeat.
Tam dicitur *egere alicujus rei*, quam
egere aliqua re.

³⁴ *Campanum, Calenumque, et Fa-*
lernum agrum pervastatos] Vel lege
agros, quomodo habet unus Hearnii
codex: vel dele omnino *et agrum*,
quod ignorant Andreas et Campanus.
Potest enim hic suppleri, quum ex-
stet agro in superiore versu.

nec tamen ³⁵ *ne ita quidem prius mittendum ad exercitum Q. U. C. 535.*
Fabium, quam consulem in locum C. Flamini subfecisset. ^{A. C. 217.}
 Dictator concionibus se abstinuit, ³⁶ in actione minime po- ^{Fabius se defendit}
 popularis. ne in senatu quidem satis æquis auribus audiebatur, ^{apud senatum.}
 tunc quum hostem verbis extolleret, biennique clades per-
 temeritatem atque inscientiam ducum acceptas referret: *ma-*
gistroque equitum, quod contra dictum suum pugnasset, ratio-
nem diceret reddendam esse. Si penes se summa imperii con-
siliique sit, propediem effecturum, ut sciant homines, bono im-
peratori haud magni fortunam momenti esse: mentem ratio-
nemque dominari. Se ³⁷ *in tempore et sine ignominia servasse*
exercitum, quam multa millia hostium occidisse ³⁸, *maiores glori-*
am esse. Hujus generis orationibus frustra habitis, et
 consule creato M. Atilio Regulo, ne præsens de jure impe- ^{M. Atilius}
 rii dimicaret, pridie quam rogationis ferendæ dies adesset, ^{subfectus}
 nocte ad exercitum abiit. Luce orta, quum plebis conci- ^{Cos.}
 lium esset, magis tacita invidia dictatoris favorque magistri
 equitum animos versabat, quam satis audebant homines ad
 suadendum, quod vulgo placebat, prodire: et, ³⁸ favore su-
 perante, auctoritas tamen rogationi deerat. Unus inventus
 est suasor legis C. Terentius Varro, qui priore anno prætor ^{C. Teren-}
 fuerat, loco non humili solum, sed etiam sordido, ortus. ^{tius Varro.}
 patrem lanium fuisse ferunt, ipsum institorem mercis, filio-
 que hoc ipso in servilia ejus artis ministeria usum.

XXVI. Is juvenis, ubi ex eo genere quæstus pecunia a
 patre relicta animos ad spem liberalioris fortunæ fecit, ³⁹ to-
 gae et forum placuere, proclamando pro sordidis homini-
 bus caussisque adversus rem et famam bonorum, primum in
 notitiam populi, deinde ad honores pervenit. ⁴⁰ quæstura
 quoque et duabus ædilitatibus, plebeia et curuli, postremo
 et prætura perfunctus, jam ad consulatus spem quum adtol-
 leret animos, haud parum callide auram favoris popularis
 ex dictatoria invidia petiit, scitique plebis unus gratiam tulit.

^a add. ducere Gron. Crev.

³⁵ *Ne ita quidem]* Ne ita quidem decreta re, ne æquato quidem dicta-
 toris et magistri equitum imperio. Quo pluribus velut frænis coerceat
 infinitam dictatoris potestatem, tribu-
 nus non æquari modo illi vult magis-
 trum equitum, sed et cogi eum suffi-
 cere consulem in locum C. Flamini,
 qui Romæ præsit dum dictator ad
 exercitum erit.

³⁶ *In actione]* In agendo, quum
 oratio illi habenda esset ad populum.

³⁷ *In tempore]* Tempestive, ubi
 ratio temporum id postularet: ubi
 opus esset eo intendi curam, ut ser-

varetur exercitus, non ut periculis
 pugnarum objiceretur.

³⁸ *Favore superante auctoritas ta-*
men] Quamvis favor esset immodicus,
 quamvis faverent impense et ultra
 modum rogationi homines, deerat ta-
 men qui se auctorem suasoremque ei
 rogationi præberet.

³⁹ *Toga]* Vulgus enim et sordi-
 dus popellus, quo ex genere ortus erat
 Varro, in tunica incedebat: toga, aut
 nunquam, aut perraro utebatur.

⁴⁰ *Quæstura quoque]* Magis place-
 ret quæsturaque.

U. C. 535.
A. C. 217.
Æquatur
dictatori
Mag. Equi-
tum.

Omnes eam rogationem, quique Romæ, quique in exercitu erant, æqui atque iniqui, præter ipsum dictatorem, in contumeliam ejus latam acceperunt. ipse, qua gravitate animi criminantes se ad multitudinem inimicos tulerat, eadem et populi in se sævientis injuriam tulit: acceptisque in ipso itinere ⁴¹litteris senatusconsulti de æquato imperio, satis fidens, haudquaquam cum imperii jure artem imperandi æquatam, ⁴²cumque invicto a civibus hostibusque animo ad exercitum rediit.

XXVII. Minucius vero, quum jam ante vix tolerabilis fuisset secundis rebus ac favore vulgi, tum utique inmodice inmodesteque, non Hannibale magis victo ab se, quam Q. Fabio, gloriari: *Illum in rebus asperis unicum ducem ac parem quæsitum Hannibali, majorem minori, dictatorem magistro equitum, quod nulla memoria habeat annalium, jussu populi æquatam in eadem civitate, in qua magistri equitum virgas ac secures dictatoris tremere atque horrere soliti sint. In tantum suam felicitatem virtutemque enituisse. Ergo secuturum se fortunam suam, ⁴³si dictator in cunctatione ac segnitie, ⁴⁴Deorum hominumque judicio damnata, perstaret. Itaque, quo die primum congressus est cum Q. Fabio, statuendum omnium primum, ait, esse, quemadmodum imperio æquato utantur. Se optimum ducere, aut diebus alternis, aut, si majora intervalla placerent, partitis temporibus, alterius summum jus imperiumque esse: ut par hosti non solum consilio, sed viribus etiam esset, si quam occasionem rei gerendæ habuisset. Q. Fabio haudquaquam id placere: omnia enim fortunam habituram, quæcumque temeritas collegæ habuisset. Sibi communicatum cum illo, non ademptum, imperium esse. Itaque ⁴⁵se nunquam volentem parte, qua posset, rerum consilio gerendarum cessurum: nec se tempora aut dies imperii cum eo, exercitus^o divisurum, suisque consiliis, quoniam omnia non liceret, quæ*

^o sed exercitus Gron. Crev.

⁴¹ *Litteris senatusconsulti]* Hæc locutio nec satis clara est, nec usitata. Lege vel *litteris consulis*, quomodo habet unus codex, teste Gronovio, vel *litteris senatusque consulto*. Nec mirere senatusconsulti mentionem fieri in re per plebem transacta. Quum enim post leges Horatiam et Hortensiam plebiscita populum tenerent, Patres, inquit Gronovius, ut eluderent plebis auctoritatem, plebiscita senatusconsultis confirmare soliti erant.

⁴² *Cumque invicto]* Erade incommodam particulam *que*, quam respuunt duo scripti.

⁴³ *Si dictator in cunctatione ac segnitie]* Sic emendavit Gronovius ex vestigiis MSS. qui exhibent *si dictatoris cunctationi ac segnitie*. Vulgo *si dictatoris cunctatio in segnitie*.

⁴⁴ * *Deorum hominumque judicio]* Deorum qui sibi egregiam de Annibale victoriam concessissent; hominum, qui sibi par cum dictatore imperium esse voluissent.

⁴⁵ * *Se nunquam]* Se nunquam sponte cessurum parte rerum consilio gerendarum, qua posset non cedere; se semper retenturum quam posset partem rerum viriumque, quas consilio et ratione gubernaret.

posset, servaturum. Ita obtinuit, uti legiones, sicut consue-
 libus mos esset, inter se dividerent, prima et quarta Minu-
 cio, secunda et tertia Fabio evenerunt. Item equites pari
 numero, sociūque et Latini nominis auxilia diviserunt; dividuntur.
 castris se quoque separari magister equitum valuit.

XXVIII. Duplex inde Hannibali gaudium fuit: neque
 enim quidquam eorum, quæ apud hostes agerentur, eum
 fallebat, et perfugis multa indicantibus, et per suos explo-
 rantem. nam et liberam Minucii temeritatem se ⁴⁶ suo modo
 captaturum, et solertiæ Fabii dimidium virium decessisse,
 Tumulus erat inter castra Minucii Poenorumque. eum qui
 occupasset, haud dubie iniquiorem erat hosti locum factu-
 rus. eum non tam capere sine certamine volebat Hannibal,
 (quamquam id operæ pretium erat) quam causam certami-
 nis cum Minucio, quem semper obscursum ad obsistendum
 satis sciebat, contrahere. Ager omnis medius erat prima
 specie inutilis insidiatori, quia non modo silvestre quid-
 quam, sed ne vepribus quidem vestitum habebat: re ipse
 natus tegendis insidiis, eo magis quod in nuda valle nulla
 talis fraus timeri poterat. et erant id amfraetibus cavæ rupes,
 ut quedam earum ducenos armatos possent capere. In
 has latebras, quot quemque locum apte insidere poterant,
 quinque millia conduntur peditum equitumque. necubi ta-
 men aut motus alicujus temere egressi, aut fulgor armorum
 fraudem in valle tam aperta detegeret; missis paucis prima
 luce ad capiendum, quem ante diximus, tumulum, avertit
 oculos hostium. Primo statim conspectu contempta pauci-
 tas: ac sibi quisque deposcere pellendos inde hostes. ⁴⁷ ad
 locum capiendum dux ipse inter atolidissimos ferocissimos-
 que ad arma vocat; et vanis animis et minis increpat hos-
 tem. Principio ⁴⁸ levem armaturam dimittit^p, deinde con-
 fert agmine mittit equites: postremo, quum hostibus quo-
 que subsidia mitti videret, instructis legionibus procedit. Et
 Hannibal, laborantibus suis alia atque alia, crescente certa-
 mine, mittens auxilia peditum equitumque, jam justam ex-
 pleverat aciem, ac totis utrimque viribus certabatur. Pri-
 ma levis armatura Romanorum, præoccupatum inferiore
 loco subcedens tumulum, pulsa detrusaque terrorem in sub-
 cedentem intulit equitem, et ad signa legionum refugit. pe-
 ditum acies inter percussos inpavida sola erat, videbaturque,
 si ⁴⁹ justa aut si recta pugna esset, haudquaquam impar fu-

U. C. 535.

A. C. 217.

Exercitus

inter eos

dividuntur.

Duplex in-

de Hanni-

bali gau-

dium.

Insidiæ.

Pugna inter

Hanniba-

lem et Mi-

nucium.

^p demittit Gron. Crev.

⁴⁶ * *Suo modo*] Quocunque modo
 ipse vellet: ad suum arbitrium.

lendas inde hostes ac locum capiendum.
Dux ipse. JAC. PERIZON.

⁴⁷ *Ad locum capiendum*] In Mo-
 guntina editione distinguitur ante
 dux: et recte modo ad mutes in ac,
 legasque, ac sibi quisque deposcere pel-

⁴⁸ *Levem armaturam demittit*] Vel
lege emittit, vel potius dele redundans
 verbum. GRONOV.

⁴⁹ * *Justa aut si recta pugna*] De

U. C. 535.
A. C. 217.
Laborat
Minucius.

tura. tantum animorum fecerat prospere ante paucos dies res gesta. Sed exorti repente insidiatores eum tumultum terroremque, in latera utrimque ab tergoque incursantes, fecerunt, ut neque animus ad pugnam, neque ad fugam spes cuiquam superesset.

XXIX. Tunc Fabius, primo clamore paventium audito, dein conspecta procul turbata acie, *Ita est, inquit, non celerius, quam timui, deprehendit fortuna temeritatem. Fabio æquatus imperio Hannibalem et virtute et fortuna superiorem videt. Sed aliud iurgandi succensendique tempus erit. nunc signa extra vallum proferte. Victoriæ hosti extorqueamus, confessionem erroris civibus.*

⁵⁰ Jam magna ex parte cæsis aliis, aliis circumspectantibus fugam, Fabiana se acies repente, velut cœlo demissa, ad auxilium ostendit. Itaque, priusquam ad conjectum teli veniret, aut manum consereret, et suos a fuga effusa, et ab nimis feroci pugna hostes continuit. qui solutis ordinibus vage dissipati erant, undique confugerunt ad integram aciem; qui plures simul terga dederant, conversi in hostem, ⁵¹ volventesque orbem, nunc sensim referre pedem, nunc conglobati restare. ac jam prope una acies facta erat victi atque integri exercitus, inferbantque signa in hostem; quum Poenus receptui cecinit, palam ferente Hannibale, ab se Minucium, se a Fabio victum. Ita per variam fortunam diei maiore parte exacta, quum in castra reditum esset, Minucius, convocatis militibus, *Sæpe ego, inquit, audiui, milites, eum primum esse virum, qui ipse consulat, quid in rem sit; secundum eum, qui bene monenti obediat: qui nec ipse consulere, nec alteri parere sciat, eum extremi ingenii esse. Nobis quoniam prima animi ingenique negata sors est, secundam ac mediam teneamus: et, dum imperare discimus, parere prudenti in animum inducamus. Castra cum Fabio jungamus: ad prætorium ejus signa quum tulerimus, ubi ego eum parentem adpellavero, quod* ⁵² *beneficio ejus erga nos ac majestate ejus dignum est; vos, milites, eos, quorum vos modo arma dexteræque texerunt, patronos salutabitis, et, si nihil aliud, gratorum certe nobis animorum gloriam dies hæc dederit.*

Minucius
errorem
suum ag-
noscit.

voce *justa* vid. not. 40. ad IV. 27. *Recta pugna* est itidem vera, legitima pugna, quum frontibus adversis inter se pugnant, non per insidias, quæ in terga incurrant aut latera.

⁵⁰ *Jam magna ex parte cæsis aliis, aliis circumspectantibus fugam*] Prius illud *aliis* omnino otiosum est post *magna ex parte*. Itaque quum illud omittant tres scripti Jac. Gronovio inspecti, quatuor e nostris, et unus Hearnii, recidendum videtur.

⁵¹ * *Volventesque orbem*] Hoc non sic dictum videtur quemadmodum alibi, (l. II. c. 50. l. IV. c. 28.) de iis qui circumventi ab hostibus, coguntur parrem in omnes partes pugnam intendere. Ii de quibus hoc loco agitur, conglobant sese, simul convertentes se in hostem, cui prius terga præbu-
erant.

⁵² *Beneficio ejus . . ac majestate ejus*] Posterius *ejus* fortasse ejiciendum.

XXX. Signo dato, conclamatur inde, ut conligantur va- U. C. 535.
sa: profecti et agmine incedentes ad dictatoris castra in ad- A. C. 217.
mirationem et ipsum, et omnes, qui circa erant, converte- Castra cum
Fabio
jungit.
runt. Ut constituta sunt ante tribunal signa, progressus
ante alios magister equitum, quum patrem Fabium adpel-
lasset, circumfususque militum ejus totum agmen patronos
consalutasset, Parentibus, inquit, meis, dictator, (quibus te
modo nomine, quo fando possum, æquavi) vitam tantum debeo:
tibi quam meam salutem, tum omnium horum. Itaque plebei-
scitum, quo oneratus magis, quam honoratus sum, primus an-
tiquo abrogoque: et, quod tibi mihiq̃ue, quod exercitibusque
his tuis, servato ac conservatori, sit felix, sub imperium auspi-
ciumque tuum redeo, et signa hæc legionesque restituo. Tu,
quæso, placatus ⁵³ me magisterium equitum, hos ordines suos
quemque tenere jubeas. Tum dextræ interjunctæ, militesque,
concione dimissa, a notis ignotisque benigne atque hospita-
liter invitati: lætusque dies, ex admodum tristi paullo ante
ac prope execrabili, factus. Romæ, ut est perlata fama rei
gestæ, dein literis non magis ipsorum imperatorum, ⁵⁴ quam
vulgo ⁹ militum ex utroque exercitu adfirmata, pro se quis-
que Maximum laudibus ad cælum ferre. Par gloria apud
Hannibalem hostesque Pœnos erat: ac tum demum sentire,
cum Romanis atque in Italia bellum esse. Nam biennio
ante adeo et duces Romanos et milites spreverant, ut vix
cum eadem gente bellum esse crederent, cujus terribilem
eam famam a patribus accepissent. Hannibalem quoque
ex acie redeuntem dixisse ferunt, tandem eam nubem, quæ
sedere in jugis montium solita sit, cum procella imbrem dedisse.

XXXI. Dum hæc geruntur in Italia, Cn. Servilius Gemi- Servilius
Cœs. male
rem gerit in
Africa.
nus consul ⁵⁵ cum classe centum viginti navium, circumvec-
tus Sardiniae et Corsicae oram, et obsidibus utrimque accep-
tis, in Africam transmisit: et, priusquam in continentem
excensiones faceret, Menige^r insula vastata, et ab inco-
lentibus Cercinam, ne et ipsorum ureretur diripereturque
ager, ⁵⁶ decem talentis argenti acceptis, ad litora Africae ac-
cessit, copiasque exposuit. Inde ad populandum agrum
ducti milites, navalesque socii juxta effusi, ac si insulis cul-
torum egentibus prædarentur. itaque in insidias temere inla-

⁹ vulgi Gron.

^r Meninge Gron. Crev.

⁵³ Me magisterium equitum, hos ordines suos quemque tenere] Hanc lectionem formavit Gronovius a scriptis adjutus. Artea: me magistrum equitum, hos ordinibus suis quemque teneri.

⁵⁴ Quam vulgo militum] Gronovius maluit vulgi, nulla satis probabili de causa. Nos antiquum revocavi-

mus.

⁵⁵ Cum classe centum viginti navium] Addidit numerum Lipsius ex Polybio. Idem, eodem auctore, in iis quæ sequuntur, emendavit incolentibus Cercinam pro incolentibus circa eam.

⁵⁶ Decem argenti talentis] Marcis nostratibus 937. unciiis 4.

U. C. 535.
A. C. 217.

Utrum Fabius dictator, an prodictatore fuerit.

Coss. artibus Fabii bellum gerunt.

ti, quum a frequentibus palantes, ab locorum gnaris ignari circumvenirentur, cum multa caede ac foeda fuga retro ad naves compulsi sunt. Ad mille hominum,⁵⁷ cum his Sempronio Blæso quæstore, amissum: classis, a litoribus hostium plenis trepide soluta, in Siciliam cursum tenuit: traditaque Lilybæi⁵⁸ T. Otacilio prætori, ut ab legato ejus P. Sura Romam reduceretur. ipse, per Siciliam pedibus profectus, freto in Italiam trajecit,⁵⁹ literis Q. Fabii^{*} aditus et ipse, et collega ejus M. Atilius,⁶⁰ ut exercitus[†] ab se, exacto jam prope semestri imperio, acciperent. Omnium prope annales Fabium dictatorem adversus Hannibalem rem gessisse tradunt. Coelius etiam eum⁶¹ primum a populo creatum dictatorem scribit. Sed et Coelium et ceteros fugit, uni consuli Cn. Servilio, qui tum procul in Gallia provincia aberat, jus fuisse dicendi dictatoris: quam moram quis expectare territa jam clade civitas non poterat, eo decursam esse, ut a populo crearetur, qui pro dictatore esset: res inde gestas gloriamque insignem ducis, et augentes titulum imaginis posteros,⁶² ut, qui pro dictatore, dictator[‡] diceretur, facile obtinuisse.

XXXII. Consules, Atilius^{*} Fabiano, Geminus Servilius Minuciano exercitu accepto, hibernaculis mature communitis, (⁶³ extremum autumnus erat[†]) Fabii artibus cum summa inter se concordia bellum gesserunt. Frumentatum exeunti Hannibali diversis locis opportuni aderant, carpentes agmen, palatosque excipientes. in casum universæ dimicationis, quam omnibus artibus petebat hostis, non veniebant.⁶⁴ adeoque inopia est coactus Hannibal, ut, nisi tum fugæ

^{*} literisque Fabii Gron.

dictatore Eæd.

Gron.

[†] exercitum Gron. Crev.

^{*} M. Atilius Eæd.

[‡] dictator pro

(tum enim autumnus erat tempus)

⁵⁷ Cum his Sempronio Blæso quæstore] Potest quidem tolerari, et exponi Blæso quæstore amisso. Sed magis placeret recidere voculam *his*.

⁵⁸ T. Otacilio] Proba Sigonii emendatio, quam firmat unus e nostris codd. Olim editi tota Atilio.

⁵⁹ Litteris Q. Fabii] Sic monuit legendum Sigonius, et tuetur Put. codex. Vulgo litterisque Fabii: quo de genere mendi jam diximus in not. 32. ad c. 24. supra.

⁶⁰ Ut exercitus] Fabianum Minucianumque, ut mox appellantur. Editi habent exercitum. Sed optimi MSS. stant pro ea lectione quam sequimur.

⁶¹ Primum a populo creatum dictatorem] Primum numerari, qui a populo creatus sit dictator. Secundum numerabat Coelius Syllam, qui haud dubie a populo dictator creatus est.

⁶² Ut dictator predictatore diceretur] Quidam volunt pro predictatore, et sic edidit Dujatius. Scripti optimi: ut qui predictatore caderetur, vel crederetur. Unde Perizonius, Animadv. Histor. c. 1. legendum putat, ut qui predictatore, supple erat, dictator crederetur.

⁶³ Extremum autumnus erat] Vulgo hic editur, jam enim autumnus erat tempus. Sed omnes scripti ignorant vocem tempus, et pro jam enim habent tum vel quum. Unus probæ notæ codex nobis visus est servasse veram Livii scripturam, eam ipsam quam expressimus. Et congruat tempora, si cogites Fabium per totos sex menses dictaturam tenuisse.

⁶⁴ Adeoque inopia est coactus Hannibal] Non immerito hoc carpit Gronovius, tanquam vix Latinum: tentat-

speciem abeundo timuisset, Galliam repetiturus fuerit, nulla U. C. 585.
 relictâ spe alendi exercitus in eis locis, si insequentes consu- A. C. 217.
 les eisdem artibus bellum gererent. Quum ad Geronium
 jam hieme impediante constitisset bellum, Neapolitani legati
 Romam venire. ab iis quadraginta pateræ aureæ magni
 ponderis in curiam inlatæ, atque ita verba facta, ut dice-
 rent: *Scire sese, Romani populi ærarium bello exhaustiri:* ⁶⁵ et, Neapolitani
quam juxta pro urbibus agrisque sociorum, ac pro capite at- aurum ob-
que arce Italiæ, urbe Romana atque imperio geratur, æquum ferunt Ro-
censuisse Neapolitanos, quod auri sibi quam ad templorum or- manis.
natum, tum ad subsidium fortunæ a majoribus relictum foret,
eo juvare populum Romanum. Si quam opem in sese crederent,
eodem studio fuisse oblaturus. gratum sibi Patres Romanos po-
pulumque facturum, si omnes res Neapolitanorum suas duris-
sent; dignosque judicaverint, ab quibus donum, animo ac vo-
luntate eorum, qui libentes darent, quam re, majus ampliusque,
acciperent. Legatis gratiæ actæ pro munificentia curaque.
patera, quæ ponderis minimi fuit, accepta.

XXXIII. Per eosdem dies speculator Karthaginiensis, Speculator
 qui per biennium fefellerat, Romæ deprehensus, præcisique Pænus.
 manibus dimissus: et servi quinque et viginti in crucem acti,
 quod in campo Martio conjurassent. indici data libertas et
⁶⁶ æris gravis viginti millia. Legati et ad Philippum Macedo- Legati in
 num regem missi ad deposcendum ⁶⁷ Demetrium Pharium, qui, varia loca
 bello victus, ad eum fugisset: et alii in Ligures ad expos- missi.
 tulandum, quod Pœnum opibus auxiliisque suis juvissent:
 simul ad visendum ex propinquo, quæ in Boiis atque Insu-
 bribus gererentur. Ad Pineum quoque regem in Illyrios
 legati missi ad stipendium, cujus dies exierat, poscendum;
 aut, si diem proferre vellet, obsides accipiendos. adeo, etsi
 bellum ingens in cervicibus erat, nullius usquam terrarum
 rei cura Romanos, ne longinqua quidem, effugiebat. In
 religionem etiam venit, ædem Concordiæ, quam per seditio-

que et ad id inopiæ est redactus Auni-
 bal.

65 *Et quum . . geratur*] Lege cum
 eodem Gronovio: id, nempe bellum
 quum . . geratur.

66 *Æris gravis viginti millia*] Sub
 hæc tempora, assibus uncialibus fac-
 tis, mutata est æris ad argentum ra-
 tio, ita ut non jam bini asses cum se-
 misse in sestertium, deni in dena-
 rium, sed quaterni in sestertium, se-
 nideni in denarium contribuerentur.
 Testis est Plinius, l. XXXIII. c. 3.
 Hinc nobis, auctore et faciem præfe-
 rente Perizonio, æs grave haberi inci-
 pit, non nummus, aut pondus quod-

dam verum æris, sed merum nomen,
 ad usurpandam vetustatis imaginem
 retentum, cum eadem ad argentum
 ratione, quam olim habuerant asses
 librales: ita ut decem æris gravis pro
 uno denario ambulare intelligantur.
 Vid. Appendicem de ære gravi, hu-
 jus Liviani operis tom. IV. *Æris gra-*
vis viginti millia erunt igitur denarii
 2000. marcæ argenti Parisienses 31.
 cum duabus uncias.

67 * *Demetrium Pharium*] Deme-
 trium e Pharo, sive Pharia, Adriatici
 maris insula, qui cum Illyriis rebel-
 lantibus a Romanis victus fuerat.

U. C. 535. A. C. 217. nem militarem biennio ante L. Manlius prætor in Gallia vovisset, locatam ad id tempus non esse. itaque duumviri ad eam rem creati a M. Æmilio prætore urbis, Cn. Pupius et K. Quinctius Flaminius, ædem in arce faciendam locaverunt. Ab eodem prætore ex senatusconsulto literæ ad consules missæ, ut, si iis videretur, alter eorum ad consules creandos Romam veniret: se in eam diem, quam jussissent, comitia edicturum. Ad hæc a consulibus rescriptum, *Sine detrimento reipublicæ abscedi non posse ab hoste. itaque per interregem comitia habenda esse potius, quam consulum alter a bello advocaretur.* Patribus rectius visum est, dictatorem a consule dici comitiorum habendorum causa. dictus L. Veturius Philo, M. Pomponium Mathonem magistrum equitum dixit. His vitio creatis, jussisque die quartodecimo se magistratu abdicare, ad interregnum res rediit.

U. C. 536. A. C. 216. Interreges. C. Terentius Varro consulatus candidatus. XXXIV. Consulibus prorogatum in annum imperium. interreges prodi a Patribus C. Claudius, Ap. filius, Cntho, inde P. Cornelius Asina. In ejus interregno comitia habita magno certamine Patrum ac plebis. C. Terentio Varroni, quem, sui generis hominem, plebei insectatione principum popularibusque artibus conciliatum, ab Q. Fabii opibus et dictatorio imperio concussis aliena invidia splendentem, vulgus et^z extrahere ad consulatum nitebatur, Patres summa ope obstabant, ne se insectando sibi æquari adsucescerent homines. Q. Bæbius Herennius tribunus plebis, cognatus C. Terentii, criminando non senatum modo, sed etiam augures, quod dictatorem prohibuissent comitia perficere, per invidiam eorum favorem candidato suo conciliabat. *Ab hominibus nobilibus, per multos annos bellum quærentibus, Hannibalem in Italiam adductum: ab iisdem, quum debellari possit, fraude id bellum trahi.*⁶⁸ *cum quatuor militum legionibus universis pugnari posse adparuisse eo, quod M. Minucius, absente Fabio, prospere pugnasset; duas legiones hosti ad cædem objectas, deinde ex ipsa cæde ereptas, ut pater patronusque adpellaretur, qui prius vincere prohibuisset Romanos, quam vinci. Consules deinde Fabianis artibus, quum debellare possent, bellum traxisse. Id fœdus inter omnes nobiles ictum: nec finem ante belli habituros, quam consulem vere plebeium, id est,*⁶⁹ *hominem novum, fecissent. nam plebeios*

Bæbii Trib.
Pl. oratio
in nobiles.

^z etiam Gron. Crev.

⁶⁸ Cum quatuor militum legionibus] Plane hic otiosa est vox militum. Put. codex habet cum quatuor millia legionibus. Suspiciamus rē millia ab imprudente librario additum esse: inde aliquem correxisse militum, quum potius eradere debuisset.

⁶⁹ Hominem novum] Qui nullas

haberet majorum imagines, cujus majores nunquam curulem magistratum gessissent. Inde enim apud Romanos nobilitas. Hinc mox mentio fit plebeiorum nobilium, id est, hominum ex familiis plebeis, quorum majores curuli sella sederant.

nobiles jam eisdem initiatos esse sacris, et contemnere plebem, ex quo contemni desierint a Patribus, coepisse. ⁷⁰ Cui non id apparere, id actum et quaesitum esse, ut interregnum iniretur, ut in Patrum potestate comitia essent? Id consules ambos ad exercitum morando quaesisse: id postea, quia invitis iis dictator esset dictus comitiorum causa, expugnatum esse, ut vitiosus dictator per augures fieret. Habere igitur interregnum eos. consulatum unum certe plebis Romanae esse: populum liberum habiturum ac daturum ei, qui magis vere vincere, quam diu imperare, malit.

XXXV. Quum his orationibus accensa plebs esset, tribus patriciis petentibus, P. Cornelio Merenda, L. Manlio Vulson^a, M. Aemilio Lepido, ⁷¹ duobus nobilibus jam familiarum plebei, C. Atilio Serrano et Q. Aelio Paeto, quorum alter pontifex, alter augur erat, C. Terentius consul unus creatur, ut in manu ejus essent comitia rogando collegae. Tum experta nobilitas, parum fuisse virium in competitoribus, ⁷² L. Aemilium Paullum, qui cum M. Livio consul fuerat, et ⁷³ damnatione collegae, et sua prope, ambustus evaserat, infestum plebei, diu ac multum recusantem, ad petitionem compellit. is proximo comitiali die, concedentibus omnibus, qui cum Varrone certaverant, par magis in adversandum, quam collega, datur consuli. Inde praetoria comitia habita. Creati M'. Pomponius Matho et P. Furius Philus. Romae juri dicundo ⁷⁴ urbana sors Pomponio, inter cives Romanos et peregrinos P. Furio Philo evenit. Additi duo praetores, M. Claudius Marcellus in Siciliam, L. Postumius Albinus in Galliam. Omnes absentes creati sunt; nec cuiquam eorum, praeter Terentium consulem, manda-

C. Terentio,
L. Aemilio
II. Coss.
Praetores.

^a *Vulsone* Gron. Crev.

⁷⁰ *Cui non id apparere*] Recidenda videtur vocula *id*: quae quidem abest ab uno Hearnii codice.

⁷¹ *Duobus nobilibus jam familiarum plebei*] Magis placeret nobilium.

⁷² *L. Aemilium Paullum, qui cum M. Livio consul fuerat*] Hi consulatum gesserant proximo ante hoc bellum anno.

⁷³ *Damnacione collegae, et sua prope ambustus evaserat*] Jungi debent hae duae voces *sua prope*, supple, damnatione. Non enim Paullus damnatus est, ut ex eo patet, quod evasisse dicitur: sed accusatus, ac prope damnatus fuerat. Atque haec vis est horum verborum, *ambustus, semiustus*.

⁷⁴ *Urbana sors*] Primo unus praetor creatus fuerat, qui jus in urbe diceret. Vid. supra VI. 42. Postea con-

fluente in urbem multa peregrinorum turba, additus est et alius praetor, partitaeque inter ambos jurisdictio, ita ut unus jus civibus diceret, alter inter cives et peregrinos. Ille *urbanus* praetor dicebatur, hic *peregrinus*. Urbani praetoris major dignitas erat: is absentibus consulibus senatui praeeerat, cetera consularia munia obibat. Duos praetores primum Romae creatos statuunt Pighius et Freinshemius anno ultimo primi Punici belli. Post aliquot annos, id est, secundum eorundem doctissimorum virorum sententiam, anno post decimo sexto, P. Valerio, et M. Regulo consulibus rursus adjecti sunt duo praetores, qui novas provincias populi Romani, Siciliam ac Sardiniam, regerent. Vid. Pomponium de Orig. Juris.

U. C. 596. tus^b honos, quem jam non antea gessisset, præteritis aliquot
A. C. 316. fortibus ac strenuis viris; quia in tali tempore nulli novus magistratus videbatur mandandus.

XXXVI. Exercitus quoque multiplicati sunt. Quantæ autem peditum equitumque additæ sint copiæ, adeo et numero et genere copiarum variant auctores, ut vix quidquam satis certum adfirmare ausim. Decem millia novorum militum alii scripta in supplementum; alii novas quatuor legiones, ut octo legionibus rem gererent: numero quoque peditum equitumque legiones auctas, millibus peditum et 75^o centenis equitibus in singulas adjectis; ut quina millia peditum, trecenti equites essent; socii duplicem numerum equitum darent, pedites æquarent. Septem et octoginta millia armatorum et ducentos in castris Romanis, quum pugnatum ad Cannas est, 76^o quidam auctores sunt. Illud haudquaquam discrepat, majore conatu atque impetu rem actam, quam prioribus annis; quia spem, posse vinci hostem dictator præbuerat. Ceterum, priusquam signa ab urbe novæ legiones moverent, decemviri libros adire atque inspicere jussi propter territos vulgo homines novis prodigiis. nam, et Romæ in Aventino et Ariciæ, nunciatum erat, sub idem tempus lapidibus pluisse: et multo cruore 77^o signa in Sabinis cædis, aquas e fonte calidas manasse. Id quidem etiam, quod sæpius acciderat, magis terrebat: et in via

^b erat mandatus Gron.

75^o Centenis equitibus . . . adjectis, ut . . . trecenti equites essent] Hic requirimus Livii diligentiam. † Nihil enim opus fuit adjectione centenarum equitum in singulas legiones, ut trecenti essent. Nam hic sollemnis est numerus, et notatus supra, l. XXI. c. 17. Nisi quis credat in ipso ardore belli, et periculo augescente, imminutum esse superiore anno copiarum numerum: quod sane non est verisimile. Tamen hoc loco Polybium intueri videtur Livius. Necesse est igitur ut ambo aut erraverint, aut male tractati fuerint a librariis.

76^o Quidam auctores sunt] Qui 87200. armatos in castris Romanorum fuisse scribunt, nihil differunt ab iis qui tradiderunt eos octo legionibus rem gessisse, ita auctis, ut essent singulæ 5000. peditum, 300. equitum, cum pari numero sociorum peditum, duplici equitum. Etenim octies quinque millia efficiunt 40000. et adjecto altero tanto sociorum, 80000. peditum. Similiter trecenti equites per octo legiones sunt 2400.

quibus si addas duplicem numerum ab sociis, nempe 4800. erunt 7200. equites. Igitur ableganda est vox *quidam*, et ejus loco reponendum *fuisse*, ita ut una eademque et sententia exponi, et periodus continuari intelligatur ab his usque verbis *alii novas quatuor legiones, ad hæc fuisse auctores sunt.* PERIZONIUS.

77^o Signa in Sabinis cædis] Locus corruptus. Vocem *cædis*, quæ procul dubio vitiosa est, alii alio modo mutant. Jac. Gronovius vult legi *Cærites* nempe *signa*, statuas. J. Frid. Gron. suspicabatur *Cærites*, et referebat ad *aquas*. Hoc fortasse verius. Sed quum aquæ Cærites calidæ essent, teste Strabone l. V. non potest haberi pro prodigio eas calidas manasse. Fortasse legendum: *et multo cruore signa in Sabinis, Cærites aquas e fonte cruentas manasse.* Hoc firmari videtur ex eo quod subjicitur: *id quidem etiam, quod sæpius acciderat, magis terrebat.* Supra enim, c. 1. memoratur inter prodigia, *Cærites aquas sanguine mistas fluxisse.*

Fornicata, quæ ⁷⁸ ad Campum erat, aliquot homines de cœlo U. C. 536. tacti exanimatique fuerant. Ea prodigia ex libris procu- A. C. 216. rata. Legati a Pæsto pateras aureas Romam adtulerunt. iis, sicut Neapolitanis, gratiæ actæ, aurum non accep- tum.

XXXVII. Per eodem dies ab Hierone classis ⁷⁹ Ostiam cum magno commeatu accessit. Legati Syracusani in se- Legati cum natum introducti nunciarunt: Cædem C. Flamini consulis donis ab exercitusque adlatam adeo ægre tulisse regem Hieronem, ut Hierone nulla sua propria regniq[ue] sui clade moveri magis potuerit. missi. Itaque, quamquam probe sciat, magnitudinem populi Romani admirabiliorem prope adversis rebus, quam secundis, esse; ta- men se omnia, quibus a bonis fidelibusque sociis bella juvare soleant, misisse: quæ ne accipere abnuant, magno opere se Pa- tres conscriptos orare. Jam omnium primum ominis causa ⁸⁰ Victoriæ auream pondo trecentum viginti adferre sese. ac- ciperent eam, tenerentque, et haberent propriam et perpetuam. Advexisse etiam ⁸¹ trecenta millia modium tritici, ducenta hor- dei, ne commeatus deessent: et, quantum præterea opus esset, quo jussissent, subvecturos. ⁸² Milite atque equite scire, nisi Romano Latinique nominis, non uti populum Romanum: ⁸³ levium armatorum auxilia etiam externa vidisse in castris Romanis. Itaque misisse mille sagittariorum ac funditorum, aptam manum adversus Baliares ac Mauros, pugnacesque alias missili telo gentes. Ad ea dona consilium quoque addebant. Ut prætor, cui provincia Sicilia evenisset, classem in Africam trajiceret; ut et hostes in terra sua bellum haberent, minusque laxamenti daretur iis ad auxilia Hannibali submittenda. Ab senatu ita responsum regi est: Virum bonum egregiumque so- cium Hieronem esse, atque uno tenore, ex quo in amicitiam po- puli Romani venerit, fidem coluisse, ac rem Romanam omni tempore ac loco munifice adjuvisse. id, perinde ac deberet, gra- tum populo Romano esse. Aurum et a civitatibus quibusdam adlatum, gratia rei accepta, non accepisse populum Romanum. Victoriæ omenque accipere; sedemque ei se Divæ dare, dicare Capitolium, templum Jovis Optimi Maximi. in ea arce urbis Romanæ sacratam, volentem propitiamque, firmam ac stabilem fore populo Romano. Funditores, sagittarii, et frumen-

78 Ad campum] Martium.

79 Ostiam] Put. et alii codices non spernendi Ostia. Et constat nomen hujus urbis duplici modo efferri, Os- tia, æ, et Ostia, orum.

80 Victoriæ auream pondo trecen- tum viginti] Marcarum nostratum 500.

81 Trecenta millia modium] Mo- dius Romanus minor erat nostro, et

dedrantem ejus paulo plus capiebat. Trecenta millia modium Romano- rum æquiparantur modis nostratibus 231250. ducenta millia, nostratibus amplius 154166.

82 Milite] Pedite: ut supra IV. 59.

83 Levium armatorum] Lege cum Gronovio levium armorum.

U. C. 536. tum traditum consulibus. Quinqueremes ⁸⁴ ad navium
A. C. 216. classem, quæ cum T. Otacilio proprætore ⁸⁵ in Sicilia erant,
Classis auc- quinque et viginti additæ, permissumque est, ut, si e repub-
ta. lica censeret esse, in Africam trajiceret.

Milites ju-
rejurando
adacti.

XXXVIII. Delectu perfecto, consules paucos morati dies, dum socii ab nomine Latino venirent. ⁸⁶ Milites tunc, quod numquam antea factum erat, jurejurando ab tribunis militum adacti, jussu consulum conventuros, neque injussu abituros. nam ad eam diem nihil præter sacramentum fuerat; et, ubi ad decuriatum aut centuriatum convenissent, sua voluntate ipsi inter se equites decuriati, centuriati pedites conjurabant, sese fugæ atque formidinis ergo non abituros, neque ex ordine recessuros, nisi ⁸⁷ teli sumendi, aut petendi, et ⁸⁸ aut hostis ferendi, aut civis servandi causa. id ex voluntario inter ipsos foedere ⁸⁹ a tribunis ad legitimam

⁸⁴ *Ad navium classem*] Videtur excidisse numeralis nota, quæ indicaret, quot navium illa classis esset.

⁸⁵ *In Sicilia erat*] Vulgo *erant*. Sed verbum melius refertur ad *classem*. Et *et erat* exhibent Andreas et Campanus, et duo MSS. Hearnii, duo e nostris.

⁸⁶ *Milites tunc*] Locus intricatus. Primo enim sacramentum illud *jussu consulum conventuros, neque injussu abituros*, antiquissimum est, nedum hocce primum tempore institutum sit; ejusque exstat formula ipsissimis his verbis concepta l. III. supra, c. 20. Secundo non intelligitur quid sibi velint hæc verba: *nam ad eam diem nil præter sacramentum fuerat*. Quodnam erit hoc sacramentum, ab antiqua illa formula diversum? Denique, quum primo dicantur milites jurejurando ab tribunis militum adacti, *jussu consulum conventuros, neque injussu abituros*; postea, ubi res explicatur, aliud jusjurandum huic subjicitur, nempe *fugæ et formidinis ergo non abituros, &c.* His tot incommodis videmur mederi posse, si verba male trajecta in suum revocaverimus locum, hoc modo. *Milites tunc, quod nunquam antea factum fuerat, jurejurando ab tribunis militum adacti. Nam ad eam diem nil præter sacramentum fuerat, jussu consulum conventuros, neque injussu abituros. Et, sive potius, At ubi ad decuriatum, &c.* Vult igitur Livius tum primum milites a tribunis jurejurando adactos. Quod autem fuerit illud jusjurandum, infra exponitur. Nam ad eam diem, inquit, nil fuerat, nil exigebatur a

militibus, præter solenne illud militiæ sacramentum, *jussu consulum conventuros, neque injussu abituros*. At ipsi, ubi pedites in centurias, equites in decurias ordinati fuerant, sua voluntate inter se jurabant, se fugæ et formidinis ergo non abituros, &c. Hoc igitur illud est jusjurandum, quo nunc primum a tribunis militum adiguntur: quum antea *sacramento tantummodo*, prisco illo et solenni, a tribunis rogarentur, ut ait Frontinus Strateg. l. IV. c. 1. Ceterum quod suspicamur hic luxatum esse duorum orationis membrorum ordinem inter se, id mirum iis non accidet qui scient hujusmodi depravationes, et graviores etiam, in compluribus scriptis, et in optimo quoque illo Puteansæo, reperiri: v. g. totam Sucronensis seditionis narrationem et plurima quæ sequuntur, e XXVIII. libro in XXIX. male translata.

⁸⁷ *Teli sumendi aut petendi*] Quodnam inter hæc duo discrimen sit, plane nos fugit. Legemusne *repetendi*? nempe ex hostium acie, si in eorum potestatem venerit, si gladio militis Romani, aut pilo, aut hasta potiti sint hostes. An suspicabimur voces *sumendi aut*, quas ignorat Frontinus, spurias esse?

⁸⁸ *Aut hostis*] Put. liber auctor est una vocula, et *aut hostis*: bene.

⁸⁹ *Ad tribunos et ad legitimam*] Sic plane habet unus codex Gronovio inspectus. Et omnes nostri consentiunt, nisi quod carent particula *et*. Vulgata lectio, *a tribunis ad legitimam*, minus elegans nobis visa est.

jurisjurandi adactionem translatum. Conciones, priusquam U. C. 536. ab urbe signa moverentur, consulis Varronis multæ ac fero- A. C. 216. ces fuere, ⁹⁰ denunciantes, bellum arcessitum in Italiam ab nobilibus, mansurumque in visceribus reipublicæ, si plures Fabios imperatores haberet; se, quo die hostem vidisset, perfecturum. Collegæ ejus Paulli una, pridie quam ex urbe proficiscerentur, concio fuit verior, quam gratior populo, qua nihil inclementer in Varronem dictum, nisi id modo; *Mirari se, quomodo quis dux, priusquam aut suum, aut hostium exercitum, locorum situm, naturam regionis nosset,* ⁹¹ *jam nunc locatus in urbe sciret, quæ sibi agenda armato forent; et diem quoque prædicere posset, qua cum hoste signis conlatis esset dimicaturus.* ⁹² *Se, quæ consilia magis res dent hominibus, quam homines rebus, ea ante tempus immatura non præcepturum. optare, ut, quæ caute atque consulte gesta essent, satis prospere evenirent. Temeritatem, præterquam quod stulta sit, infelicem etiam ad id locorum fuisse.* ⁹³ Id sua sponte adparebat, tuta celeribus consiliis præpositurum: et, quo id constantius perseveraret, Q. Fabius Maximus sic eum proficiscentem adlocutus fertur:

XXXIX. *Si aut collegam (id quod mallet) tui similem, L. Æmili, haberes, aut tu collegæ tui similis esses, supervacanea esset oratio mea. nam et duo boni consules, etiam* ⁹⁴ *me indicente, omnia* ⁹⁵ *e republica fide vestra faceretis: et mali nec mea verba auribus vestris, nec consilia animis acciperetis. nunc et collegam tuum et te talem virum intuenti mihi tecum omnis oratio est: quem video nequidquam et virum bonum et civem fore, si altera parte claudicet respublica. malis consiliis idem ac bonis juris et potestatis erit. Erras enim, L. Paulle, si tibi minus certaminis cum C. Terentio, quam cum Hannibale, futurum censes. nescio, an infestior hic adversarius, quam ille hostis, maneat: cum illo in acie tantum, cum hoc omnibus*

Monet Fabius Paulum.

⁹⁰ *Denunciantes]* Unus Hearnii codex, *denunciantis*: quod anteponendum.

⁹¹ *Jam nunc locatus in urbe]* Primo, pro *locatus* legendum videtur *togatus*, quod placuit Mureto. *Togatus* enim apte omnino opponetur *armato*. Quod si admittatur, jam duæ illæ voces in *urbe* glossema sapient, ac delendæ erunt.

⁹² *Se, quæ consilia]* Se non prope-raturum ante tempus immatura capere consilia, quum ex rebus capienda hominibus consilia sint, neque illi tantum sibi arrogare debeant, ut res ad consiliorum suorum normam et legem componere ac velut per vim tra-

here aggrediantur.

⁹³ *Id sua sponte]* Magis placeret, et sua sponte, ut respondeat alteri particulæ et, quæ sequitur: et quo id constantius perseveraret.

⁹⁴ *Me indicente]* Me non dicente, tacente. Verbum *indicente* rarissimum est: eo tamen usus est Terentius in Adelph. Act. III. Sc. 5. *Non me indicente hæc sunt.* Olim editi: *me tacente.* Gronovius quum reperiret in optimis scriptis *me indigentes*, non dubitavit rescribere et edere id quod et nos sequuti sumus.

⁹⁵ *E republica fide vestra]* Legit Perizonius *fideque vestra.* Et sic solet Livius.

U. C. 536. *locis ac temporibus certaturus es: et adversus^c Hannibalem le-*
 A. C. 216. *gionesque ejus tuis equitibus ac peditibus pugnandum tibi est:*
Varro dux tuis militibus te est obpugnaturus. ⁹⁶ *Ominis etiam*
tibi causa absit C. Flamini memoria: tamen ille consul demum,
et in provincia, et ad exercitum, cepit furere: hic, priusquam
peteret consulatum, deinde in petendo consulatu; nunc quoque
consul, priusquam castra videat aut hostem, insanit. et, qui
tantas jam nunc procellas, praelia atque acies jactando, inter
togatos ciet, quid inter armatam juventutem censes facturum,
et ubi extemplo verba res sequitur? Atqui si hic, quod factu-
rum se denunciat, extemplo pugnaverit; aut ego rem milita-
rem, belli hoc genus, hostem hunc ignoro, aut nobilior alius
Trasimeno locus nostris cladibus erit. ⁹⁷ *Nec gloriandi tempus*
adversus unum est; ut ego, contemnendo potius, quam adpe-
tendo, gloriam, modum excesserim. Sed ita res habet. una ratio
belli gerendi adversus Hannibalem est, qua ego gessi. nec even-
tus modo hoc docet, (stultorum iste magister est) sed eadem ra-
tio, quæ fuit, futuraque, donec res eadem^d manebunt, inmutabi-
lis est. In Italia bellum gerimus, in sede ac solo nostro. omnia
circa plena civium ac sociorum sunt. armis, viris, equis, com-
meatibus juvant, juvabuntque. ⁹⁸ *id jam fidei documentum in*
adversis rebus nostris dederunt. meliores, prudentiores, constan-
tiores nos tempus diesque facit. Hannibal contra in aliena, in
hostili est terra, inter omnia inimica infestaque, procul ab do-
mo, procul ab patria. neque illi terra, neque mari est pax: nul-
læ eum urbes accipiunt, nulla mœnia: nihil usquam sui videt: in
diem raptò vivit. Partem vix tertiam exercitus ejus habet, quem
Iberum amnem trajecit. plures fames, quam ferrum, absumsit:
nec his paucis jam victus suppeditat. Dubitas ergo, quin sedendo
superaturi simus eum, qui senescat in dies? non commeatus^e, non
pecuniam habeat? ⁹⁹ *Quamdiu pro Geronii, castelli Apulicæ in-*
opis, tamquam pro Karthaginis mœnibus? Sed ne adversus te
quidem ego gloriabor. Cn. Servilius¹ atque Atilius, proximi

^c adversum Gron. Orev.
Ead.

^d eadem res Ead.

^e non supplementum

⁹⁶ *Ominis etiam tibi causa]* Quia de Flaminio dicturus est, cujus mentio ominosa videri poterat, prius, ex familiari antiquis more, infaustum illud omen deprecatur.

⁹⁷ *Nec gloriandi tempus adversus unum est, ut]* *Adversus unum*, coram uno, uno teste. Deinde ut mutandum est in *et*. Duplici ex capite suspicionem arrogantiae a se amolitur Fabius, quod nec coram uno gloriandi tempus sit, et ipse eo sit animo, qui gloriam parvi pendat.

⁹⁸ *Id jam fidei documentum . . de-*

derunt] Id intellige per epiphonema. Dubitare non possumus quin socii nos adjuturi sint, post talia ab his fidei documenta data.

⁹⁹ *Quamdiu pro Geronii . . . mœnibus]* Supple, sedet, consenescit; vel, si mavis, eum detinui. Fortasse melius esset admittere conjecturam Vallæ et Gronovii: *Quamdiu pro Geronii . . . mœnibus sedet?* *Ne adversus te quidem.*

¹ *Atque Atilius]* Forte et M. Atilius.

consules, vide, quemadmodum cum ludificati sint. *Hæc una* U. C. 536.
salutis est via, L. Paule, quem difficilem infestumque cives A. C. 216.
sibi magis, quam hostes, facient. Idem enim tui, quod hostium
milites, volent: idem Varro, consul Romanus, quod Hannibal,
Poenus imperator, cupiet. duobus ducibus unus resistas, oportet:
resistes autem, adversus famam rumoresque hominum si satis
firmus steteris: si te neque collegæ vana gloria, neque tua falsa
infamia moverit. Veritatem² laborare nimis sæpe, aiunt, ex-
tingui numquam. Gloriam qui spreverit, veram habebit. Sine,
timidum pro cauto, tardum pro considerato, inbellem pro perito
belli vocent. malo te sapiens hostis metuat, quam stulti cives
laudent. Omnia audentem contemnet Hannibal; nil temere
agentem metuet. Nec ego, ut nihil agatur, moneo; sed ut
agentem te ratio ducat, non fortuna: tuæ potestatis semper, tua-
que omnia sint. armatus intentusque sis, neque occasionei tuæ
desis, neque suam occasionem hosti des. Omnia non properanti
clara certa que erunt. festinatio inprovida est et cæca.

XL. Adversus ea oratio consulis haud sane læta fuit, ma-
gis fatentis, ea, quæ diceret, vera, quam facilia factu, esse.
Dictatori magistrum equitum intolerabilem fuisse; ³ quid con- Paulli re-
suli adversus collegam seditiosum ac temerarium virium atque sponsum.
auctoritatis fore? ⁴ Se populare incendium priore consulatu se-
miustum effugisse: optare, ut omnia prospere evenirent. at, si
quid adversi caderet, hostium se telis potius, quam suffragiis
iratorum civium, caput objecturum. Ab hoc sermone profec-
tum Paullum tradunt, prosequentibus primoribus Patrum.
Plebeium consulem sua plebes prosecuta, turba, quam dig-
nitate, conspectior. Ut in castra venerunt, permixto novo
exercitu ac vetere, castris bifariam factis, ut nova minora
essent propius Hannibalem, in veteribus major pars et om-
ne robur virium esset; ⁵ tum consulum anni prioris M. Ati-
lium, ætatem excusantem, Romam miserunt; Geminum Ser-
viliū in minoribus castris legioni Romanæ et sociūm pedi-
tum equitumque duobus millibus præficiunt. Hannibal, Hannibalis
quamquam parte dimidia auctas hostium copias cernebat, angustie.
tamen adventu consulum mire gaudere. non solum enim ni-
hil ex raptis in diem com meatibus superabat, sed ne, unde
raperet, quidem quidquam reliqui erat, omni undique fru-
mento, postquam ager parum tutus erat, in urbes munitas

² Laborare] Defectum, vel deli-
quium pati. Notum est illud Virgilii,
Lunæque labores. Hunc esse hoc loco
sensum verbi *laborare*, probat id quod
sequitur, *extingui numquam.*

³ Quid consuli . . virium] Sigonio
et Florebello debetur hujus loci
emendatio. Antea legebatur: *quid*
consilii adversus collegam seditiosum

ac temerarium virum. Sigonius protu-
lit *et virium* ex vet. libro. Consuli
est a Florebello conjectura.

⁴ * Se populare incendium] Sub hac
metaphora designat populi iudicium,
quo pene damnatus fuerat.

⁵ Tum consulum] Put. codex omit-
tit *tum.* Et sane quid ea voce hic
opus?

U. C. 596. **convecto**: ut vix decem dierum (quod compertum postea
A. C. 216. **est**) frumentum superesset, Hispanorumque ob inopiam
transitio parata fuerit, si maturitas temporum expectata
foret.

Pabulatores
Pœnos cœ-
dunt Ro-
mani.

Hannibalis
insidiæ.

XLI. Ceterum temeritati consulis ac præproprio ingenio materiam etiam fortuna dedit: quod in prohibendis prædatoribus tumultuario proelio, ac procursu magis militum, quam ex præparato aut jussu imperatorum, orto, haudquaquam par Pœnis dimicatio fuit. ad mille et septingenti^f cæsi, non plus centum Romanorum sociorumque occisis. ceterum victoribus effuse sequentibus metu insidiarum obstitit Paullus consul; cujus eo die (nam alternis imperitabant) imperium erat, Varrone indignante ac vociferante, emissum hostem e manibus; debellarique, ni cessatum foret, potuisse. Hannibal id damnum haud ægerrime pati: quin potius credere, velut inescatam temeritatem ferocioris consulis ac novorum maxime militum esse. et omnia ei hostium, haud secus quam sua, nota erant: dissimiles discordesque imperitare, duas prope partes tironum militum in exercitu esse. Itaque, locum et tempus insidiis aptum se habere ratus, nocte proxima nihil præter arma ferentes secum milites ducens, castra plena⁶ omnis fortunæ publicæ privatæque relinquit; transque proximos montes læva pedites instructos condit, dextra equites, ⁷impedimenta per convallem, medium agmen, traducit: ut diripiendis velut desertis fuga dominorum castris occupatum inpeditumque hostem obprimeret. Crebri relictis in castris ignes, ut fides fieret, dum ipse longius spatium fuga præciperet, falsa imagine castrorum (sicut Fabium priore anno frustratus esset) tenere in locis consules voluisse.

XLII. Ubi inluxit, subductæ primo stationes, deinde propius adeuntibus insolitum silentium admirationem fecit. Jam satis comperta solitudine, in castris concursus fit ad prætoria consulum, nunciantium fugam hostium adeo trepidam, ut, tabernaculis stantibus, castra reliquerint: quoque fuga obscurior esset, crebros etiam relictos ignes. Clamor inde ortus, ut signa proferri juberent, ducerentque ad persequendos hostes, ac protinus castra diripienda. Et consul alter velut unus turbæ militaris erat. Paullus etiam atque etiam dicere, providendum præcavendumque esse. postremo,

^f septingentos Gron. Crev.

⁶ * *Omnis fortunæ publicæ privatæque*] Intellige omnia cara, ut infra loquitur Livius, sive quæ reipublicæ Carthaginiensium essent, sive quæ singulorum militum ac ducum.

⁷ *Impedimenta per convallem, medium agmen, traducit*] Traducit per

convallem impedimenta, quod erat medium agmen. Videtur innuere Livius equitatum ac peditatum ipsos superasse montes: sola impedimenta, ut quæ gravioris sunt moliminis, traducta per convallem, longiore circuitu.

quum aliter neque seditionem neque ducem seditionis susti- U. C. 536.
nere posset, Marium Statilium præfectum cum turma Lu- A. C. 216.
cana exploratum mittit. qui, ubi adequitavit portis, sub-
sistere extra munimenta ceteris jussis, ipse cum duobus
equitibus vallum intravit: speculatusque omnia cum cura
renunciat, insidias profecto esse: ignes in parte castrorum,
quæ vergat in hostem, relictos: tabernacula aperta, et om-
nia cara in promptu relictæ: argentum quibusdam locis te-
mere per vias, velut objectum ad prædam, vidisse. Quæ ad
deterrendos a cupiditate animos nunciata erant, ea accende-
runt; et, clamore orto a militibus, *ni signum detur, sine du-
cibus ituros*, haudquaquam dux defuit. nam extemplo Varro
signum dedit proficiscendi. Paullus, quum ei sua sponte
cunctanti ⁸ pulli quoque auspicio non addixissent, ⁹ obnun-
ciari jam efferenti porta signa collegæ jussit. quod quam-
quam Varro ægre est passus, Flamini tamen recens casus,
¹⁰ Claudique consulis primo Punico bello memorata navalis
clades, religionem animo incussit. Dii prope ipsi eo die
magis distulere, quam prohibuere, imminentem pestem Ro-
manis. nam forte ita evenit, ut, quum referri signa in castra
jubenti consuli milites non parerent: servi duo, Formiani Deprehen-
unus, alter Sidicini equitis, qui, Servilio atque Atilio consu- duntur.
libus, inter pabulatores excepti a Numidis fuerant, profuge-
rent eo die ad dominos: qui deducti ad consules ¹¹ nun-
ciant^s, omnem exercitum Hannibalis trans proximos mon-
tes sedere in insidiis. Horum opportunus adventus consules
imperii potentes fecit, quum ¹² ambitio alterius suam pri-
mum apud eos prava indulgentia majestatem solvisset.

XLIII. Hannibal, postquam motos magis inconsulte
Romanos, quam ad ultimum temere evectos, vidit; ¹³ ne-
quidquam, detecta fraude, in castra rediit. Ibi plures dies
propter inopiam frumenti manere nequibat; novaque con-
silia in dies non apud milites solum, mixtos ex conluvione
omnium gentium, sed etiam apud ipsum ducem, oriebantur.
nam quum initio fremitus, deinde aperta vociferatio Hannibalis
fuisset exposcentium stipendium debitum, querentiumque inopia et
annonam primo, postremo famem; et mercenarios milites, anxietas.

⁸ *denunciant* Gron.

⁸ *Pulli*] Vid. not. 63. ad c. 40. l. X.

⁹ *Obnunciari*] Nunciari, auspicia infausta esse, nec proinde licere quidquam rei novæ aggredi.

¹⁰ *Claudii . . . consulis . . . navalis clades*] Ejus qui pullos, quoniam non pascebantur, in mare præcipitari jussit, ut biberent, quando esse nollent.

¹¹ *Nunciant*] Vulgo *denunciant*:

quod verbum est potestatis aut minarum. Correximus ex auctoritate complurium scriptorum.

¹² *Ambitio*] Cura ambiendi et aucupandi militum favoris per assentationem et indecorum obsequium.

¹³ *Nequicquam . . . rediit*] Re infecta rediit. Sic apud Sall. in bello Jugurth. c. 25. *Legati frustra disces-
sere.*

U. C. 586. **maxime Hispani generis, de transitione cepisse consilium**
 A. C. 216. **fama esset: ipse etiam interdum Hannibal de fuga in Gal-**
liam dicitur agitasse, ita ut, relicto peditatu omni, cum
equitibus se proriperet. Quum hæc consilia atque hic ha-
 bitus animorum esset in castris, **move** inde statuit, in ca-
 lidiora atque eo maturiora messibus Apuliæ loca: simul ut,
 quo longius ab hoste recessisset, transfugia impeditiora levi-
 bus ingeniis essent. Profectus est nocte, ignibus similiter
 factis, tabernaculisque paucis in speciem relictis, ut insidia-
 rum par priori metus contineret Romanos. Sed, per eam-
 dem Lucanum Stätiliam, omnibus ultra castra transque
 montes exploratis, quum relatum esset, visum procul hos-
 tium agmen; tum de insequendo eo consilia agitari cœpta.
 Quum utriusque consulis eadem, quæ semper ante, fuisset
 sententia; ceterum Varroni fere omnes, Paulo nemo, præ-
 ter Servilium prioris anni consulem, adsentiretur; majoris
 partis sententia ad nobilitandas clade Romana Cannas, ur-
 guente fato, profecti sunt. Prope eum vicum Hannibal cas-
 tra posuerat aversa a Vulturno vento, qui campis torridis
 siccitate nubes pulveris vehit. id quum ipsis castris percom-
 modum fuit, tum salutare præcipue futurum erat, quum
 aciem dirigerent, ipsi aversi, terga tantum adflante vento,
 in obcæcatum pulvere effuso hostem pugnaturi.

Castra mo-
vet.

Ad Cannas
castra po-
nit.

Romani bi-
na castra
muniunt.

Discordia
Cons.

XLIV. Consules, satis exploratis itineribus, sequentes
 Pœnum, ut ventum ad Cannas est, ¹⁴ ubi in conspectu Pœ-
 num habebant, bina castra communiunt, eodem ferme in-
 tervallo, quo ad Geronium, sicut ante, copiis divisis. ¹⁵ Au-
 fidus annis, utrisque castris adfluens, aditum aquatoribus
 ex sua cujusque opportunitate haud sine certamine dabat.
 ex minoribus tamen castris, ¹⁶ quæ posita trans Aufidum
 erant, liberius aquabantur Romani, quia ripa ulterior nul-
 lum habebat hostium præsidium. Hannibal spem nactus,
 locis natis ad equestrem pugnam, qua parte viriam invictus
 erat, factures copiam pugnandi consules, dirigit aciem, la-
 cessitque Numidarum procursatione hostes. Inde rursus
 sollicitari seditione militari ac discordia consulum Romana
 castra: quum Paullus Sempronique et Flamini temerita-
 tem Varroni, Varro ¹⁷ speciosum timidis ac segnibus duci-

¹⁴ *Ubi in conspectu*] Plurimi MSS. *ut in conspectu. Lege et in conspec-
tu.*

¹⁵ *Aufidus annis utrisque castris
adfluens*] Utrisque castris Romano-
rum, quæ hoc flumine interjecto di-
videbantur.

¹⁶ *Quæ posita trans Aufidum erant*] In ripa ad Ortum spectante, ac pro-
inde trans Aufidum, si ratio habeatur

Pœnorum, qui in ripa ad Oecasum
vergente erant, ut et majora castra
Romanorum.

¹⁷ *Speciosum: .exemplum Fabium
objiceret*] Elegans appositio, quam
firmat unius vel optimi codicis a Jac.
Gronovio inspecti, et Puteanæi quo-
que, duorumque e regis auctoritas.
Vulgo legitur *Fabii*, quod præ illo al-
tero sordet.

bus exemplum Fabium^b obficeret; testareturque Deos ho- U. C. 536.
minesque hic, nullam penes se culpam esse, quod Hannibal A. C. 216.
jam velut usucepisset Italiam; se constrictum a collega teneri;
ferrum atque arma iratis et pugnare cupientibus adimi militi-
bus: ille, si quid projectis ac proditis ad inconsultam atque
inprovidam pugnam legionibus occideret, se omnis culpæ exsor-
tem, omnis eventus participem fore diceret. videret, ut, quibus
lingua tam prompta ac temeraria, æque in pugna vigerent manus.

XLV. Dum altercationibus magis, quam consiliis, tem-
pus teritur, Hannibal ex acie, quam ad multum diei tenu-
erat instructam, quum in castra ceteras reciperet copias, Nu- Numidæ
midas ad invadendos ex minoribus castris Romanorum aquatores
aquatores trans flumen mittit. quam inconditam turbam Rom. fu-
gant.
quum vixdum in ripam egressi clamore ac tumultu fugas-
sent, in stationem quoque pro vallo locatam atque ipsas
prope portas eveci sunt. Id vero indignum visum, ab tu-
multuario¹⁸ auxilio jam etiam castra Romana terreri: ut ea
modo una causa, ne extemplo transirent flumen, dirige-
rentque aciem, tenuerit Romanos, quod summa imperii eo
die penes Paullum fuerit. Itaque Varro postero die, cui Varro sig-
num pugnae
proponit.
sors ejus diei imperii erat, nihil consulto collega,¹⁹ signum
pugnae proposuit, instructasque copias²⁰ flumen traduxit,
sequente Paulo; quia magis non probare, quam non adju-
vare, consilium poterat. Transgressi flumen eas quoque, Instruit
aciem.
quas in castris minoribus habuerant, copias suis adjungunt:
atque ita instructa acie, in dextro cornu (id erat flumini
propius) Romanos equites locant, deinde pedites: lævum
cornu extremi equites sociorum, intra pedites, ad medium
juncti legionibus Romanis²¹ tenuerunt jaculatores. ex ce-
teris levium armorum auxiliis prima acies facta. Consules
cornua tenuerunt; Terentius lævum, Æmilius dextrum.
Gemino Servilio media pugna tuenda data.

XLVI. Hannibal luce prima, Baliaribus levique alia ar- Hannibal
matura præmissa, transgressus flumen, ut quosque tradux- aciem in-
erat, ita in acie locabat. Gallos Hispanosque equites prope struit.
ripam lævo in cornu adversus Romanum equitatum: dex-

^b Fabii Gron.

¹⁸ Auxilia] Numidis auxiliaribus.

¹⁹ Signum pugnae proposuit] Sa-
gum purpureum, quod super præto-
rium expanderetur. Plut. in Fab.

²⁰ Flumen traduxit] Uterque ex-
ercitus fluvium trajecit, quod com-
modior esset illic campus ad instru-
endam aciem. CLENICUS.

²¹ Tenuerunt jaculatores] Omnino
interpungendum est post verbum te-
nuerunt, ut Gronovio placuit. In
dextro cornu erant Romani equites, de-

inde pedites Romani. Lævum cornu
extremum tenebant equites sociorum:
intra, sive interius, erant pedites so-
ciorum, qui ad medium attingebant
pedites Romanos. Quæ sequuntur,
sic format Gronovius: jaculatores, et
cetera levium armorum auxilia, pri-
ma acies facta. Nimirum in fronte,
modico intervallo a gravi armatura,
locatum est quidquid levis armaturæ
erat. Atque ita narrat Polyb.

U. C. 536. A. C. 216. trum cornu Numidis equitibus datum, media acie peditibus firmata; ²² ita, ut Afrorum utraque cornua essent, interponerentur his medii Galli atque Hispani. Afros Romanam magna ex parte crederes aciem: ita armati erant, armis et ad Trebiam, ceterum magna ex parte ad Trasimenum captis. Gallis Hispanisque scuta ejusdem formæ fere erant: dispares ac dissimiles gladii: Gallis prælongi ac sine mucronibus: Hispano, punctim magis, quam cæsim, adsueto petere hostem, brevitatē habiles et cum mucronibus. ²³ ante ceteros habitus gentium harum tum magnitudine corporum, tum specie terribilis erat. Galli super umbilicum erant nudi: Hispani linteis prætextis purpura tunicis, candore miro fulgentibus, constiterant. Numerus omnium peditum, qui tum steterunt in acie, millium fuit quadraginta, decem equitum. Duces cornibus præerant: sinistro Hasdrubal, dextro Maharbal: mediam aciem Hannibal ipse cum fratre Magone tenuit. ²⁴ Sol, seu de industria ita locatis, seu quod forte ita starent, peropportune utrique parti obliquus erat, Romanis in meridiem, Pœnis in septentrionem versis. ²⁵ ventus¹, (Vulturum incolæ regionis vocant) adversus Romanis coortus, multo pulvere in ipsa ora volvendo prospectum ademittit.

Prælium
committitur.

XLVII. Clamore sublato, procursum ab auxiliis, et pugna levibus primum armis commissa: deinde equitum Gallorum Hispanorumque lævum cornu cum dextro Romano concurrit, minime equestris more pugnae: frontibus enim adversis concurrendum erat, quia, nullo circa ad evagandum relicto spatio, hinc amnis, hinc peditum acies ²⁶ claudabant in directum utrimque nitentes. Stantibus ac confertis postremo turba equis, vir virum amplexus detrahebat equo. pedestre magna jam ex parte certamen factum erat: acrius tamen, quam diutius, pugnatum est; pulsique Romani equites terga vertunt. Sub equestris finem certami-

¹ ventus, quem Vulturum—vocant, Gron.

²² Ita ut Afrorum utraque cornua essent] Ita ut utraque cornua mediæ aciei Afri pedites tenerent, cingentes hinc et inde latera Gallorum Hispanorumque peditum.

²³ Ante ceteros habitus harum gentium] Hoc ab Grutero esse docet Gronovius. Sensus non ineptus. Ceterum hæc non videtur esse vera Livii scriptura. MSS. enim in alia omnia abeunt. Sed quum hic omnes deformati sint, ante talius hannibatus, vel hannimatus, aut cum similibus ludibriis; quod editum reperimus, manere sivimus. Laurent. Valla conjiciebat, Ante alia habitus, vel Inter alia ipse

habitus. Lipsius: Ante alia ornatus, vel adspectus. Gronovius, propius ad scriptæ lectionis vestigia: sane et alius habitus.

²⁴ Sol . . utrique parti obliquus erat] Sol exoriens: quod diserte expressit Polybius.

²⁵ Ventus, Vulturum incolæ vocant] Vulgo quem Vulturum. Sed et quem ignorant tres optimi codices: et sic sæpe amat loqui Livius.

²⁶ Claudabant . . . nitentes] Claudabant hinc Romanos, inde Gallos Hispanosque equites, qui proinde cogebantur in directum frontibus adversis niti.

nis coorta est peditum pugna. primo et viribus et animis U. C. 536.
 pares constabant ordines Gallis Hispanisque: tandem Ro- A. C. 216.
 mani, ²⁷ diu ac sæpe connisi, æqua fronte acieque densa in-
 pulere hostium, cuneum nimis tenuem, eoque parum vali-
 dum, a cetera prominentem acie. impulsis deinde ac trepide
 referentibus pedem insistere: ac tenore uno per præceps
 pavore fugientium agmen in mediam primum aciem inlati,
 postremo, nullo resistente, ad subsidia Afrorum pervene-
 runt; ²⁸ qui utrimque reductis alis constiterant, media, qua
 Galli Hispanique steterant^k, aliquantum prominente acie:
²⁹ qui cuneus ut pulsus æquavit frontem primum, deinde ni-
 tendo etiam sinum in medio dedit, Afri circa jam cornua
 fecerant; inruentibusque incaute in medium Romanis, cir-
 cumdedere alas: mox, cornua extendendo, clausere et ab
 tergo hostes. Hinc Romani, defuncti nequidquam proelio
 uno, omissis Gallis Hispanisque, quorum terga ceciderant,
³⁰ etiam adversus Afros integram pugnam ineunt, non tan-
 tum eo iniquam, quod inclusi adversus circumfusus, sed
 etiam quod fessi cum recentibus ac vegetis pugnabant.

XLVIII. ³¹ Jam et in sinistro cornu Romano^l, ubi so-
 ciorum equites adversus Numidas steterant, consertum
 proelium erat, segne primo, et a Punica cœptum fraude.
 Quingenti ferme Numidæ, ³² præter solita^m arma telaque,
 gladios occultos sub loricis habentes, specie transfugarum
 quum ab suis, parmas post terga habentes, adequitassent,
 repente ex equis desiliunt; parmisque et jaculis ante pedes
 hostium projectis, in mediam aciem accepti, ductique ad
 ultimos, considerare ab tergo jubentur; ac, dum proelium ab
 omni parte conseritur, quieti manserunt. postquam omnium
 animos oculosque occupaverat certamen, tum, adreptis scu-

^k steterunt Gron. Crev.

^l Romanis Crev.

^m justa Gron. Crev.

²⁷ *Diu ac sæpe connisi*] Hunc lo-
 cum feliciter emendavere partim ex
 scriptis, partim ex conjectura, Lipsius
 et Gronovius. Olim editi: *diu ac sæ-
 pe consilio agitabant, qua fronte acie-
 que densa impellerent hostem, cuneum
 .. a ceteris prominentem acie.*

²⁸ *Qui utrimque reductis alis con-
 stiterant*] Qui ita constiterant, ut effi-
 cerent utrimque alas introrsum reduc-
 tas ac velut tetractas, Gallorum His-
 panorumque acie ultra illas alas non
 parum prominente. Quæ prius voca-
 vit Livius *cornua*, dum dicit utraque
 cornua Afrorum fuisse, hic *alas* vocat.
 In iis quæ sequuntur hæ eædem voces
 rursus promiscue usurpantur.

²⁹ *Qui cuneus*] Cuneo illo, qui a ce-
 tera prominebat acie, pulso a Romanis,
 æquata primum est frons aciei Punicæ:

deinde, quum niterentur ulterius Ro-
 mani, etiam sinuata ac velut excavata
 in medio est Punica acies.

³⁰ *Etiam adversus Afros*] Plerique
 e scriptis nostris *et adversus*. Nos
 suspicamur potius *et* et superesse,
 legendumque *jam adversus Afros*.

³¹ *Jam et in sinistro cornu Roma-
 nis*] Jam Romanis et in suo quoque
 sinistro cornu consertum prælium
 erat. Hic vulgo editur, *Romano*.
 Sed nulli scripti sic habent; plerique,
Romani; nonnulli, Gronovio teste,
 quibus accedit unus e nostris, quem-
 admodum edidimus, *Romanis*.

³² *Præter justa arma*] Hoc debe-
 tur Gronovio. Vulgati habent *præ-
 ter consueta arma*: scripti *præterita
 arma*.

U. C. 536. A. C. 216. **tis, quæ passim inter acervos caesorum corporum strata erant, aversam adoriuntur Romanam aciem; tergaque ferientes, ac poplites cædentes, stragem ingentem, ac majorem aliquanto pavorem ac tumultum, fecerunt. Quum alibi terror ac fuga, alibi pertinax in mala jam spe proelium esset;** ³³ **Hasdrubal, qui ea parte præerat, subduotos ex media acie Numidas, quia segnis eorum cum adversis pugna erat, ad persequendos passim fugientes mittit: Hispanos et Gallos pedites, jam Afris prope fessis, cæde magis quam pugna, adjungit.**

XLIX. Parte altera pugnae Pallas, quamquam primo statim proelio funda graviter ictus fuerat, tamen et obcurrit sæpe cum confertis Hannibali, et aliquot locis proelium restituit, ³⁴ **protegentibus eum equitibus Romanis; omissis postremo equis, quia consulem et ad regendum equum vires deficiebant. tum** ³⁵ **denuncianti cuidam, jussisse consulem ad pedes descendere equites, dixisse Hannibalem ferunt:** ³⁶ *Quam mallem, victos mihi traderet!* ³⁷ **Equitum pedestre proelium, quale jam haud dubia hostium victoria, fuit; quum victi mori in vestigio mallent, quam fugere; victores, morantibus victoriam irati, trucidarent, quos pellere non poterant. pepulerunt tamen jam paucos superantes, et labore ac vulneribus fessos. Inde dissipati omnes sunt, equosque ad fugam, qui poterant, repetebant. Cn. Lentulus tribunus militum, quum, prætervehens equo, sedentem in saxo cruore oppletum consulem vidisset: L. Æmili, inquit,** ³⁸ *quem unum insontem culpæ cladis hodiernæ Dii respicere debent, cape hunc equum. dum et tibi virium aliquid superest, comes ego te tollere possum ac protegere. ne funestam*

Vincit Hannibal.

³³ *Asdrubal, qui ea parte præerat]* Hæc et quæ sequuntur omnino corrupta sunt, et pro deploratis habenda. Primo enim Asdrubal non hac parte, sed læva præerat. Deinde quonam modo subduci possunt ex media acie Numidæ, qui in dextro cornu locati fuerant? Postremo quid necesse est adjungi Afris in media acie Gallos Hispanosque pedites, qui in ea semper fuere? Rem clare ex Polybio discimus. Asdrubal, qui in lævo cornu Hispanis Gallisque equitibus præerat, quum occisione occidisset Romanum equitatum, transiit in dextrum cornu, et conjunctus Numidis sociorum equites in fugam vertit. Eos deinde persequendos cædendosque permittit Numidis. Ipse cum suis Gallis Hispanisque equitibus Romanos pedites cum Afris tum maxime pugnantes a tergo invadit. Hoc procul dubio voluerat Livius. Sed ad hunc sensum

ejus verba refingere sine librorum ope frustra tentaverimus.

³⁴ *Protegentibus eum equitibus Romanis, omissis postremo equis]* Protegentibus eum equitibus: qui quidem postremo omiserunt equos.

³⁵ *Denuncianti]* Magis placeret denuncianti. Vid. not. 11. ad c. 42. supra.

³⁶ *Quam mallem victos mihi traderet]* Hæc ironice accipienda, quasi diceret Annibal: Mallem enim vero eos mihi victos traderet: cur non eos mihi victos tradit? Hoc unum superest, quo victoriam meam adjuvare possit.

³⁷ *Equitum pedestre proelium]* Equitum, qui ad pedes descenderant, pugna talis fuit, qualis esse poterat, quum haud dubia jam esset hostium victoria.

³⁸ *Quem unum insontem . . . dii respicere debent]* Quem unum dii propitio vultu intueri debent, quia unus es insons culpæ cladis hodiernæ.

hanc pugnam morte consulis feceris. Etiam sine hoc lacrimarum satis luctusque est. Ad ea consul: Tu quidem, Cn. Cornelii, macte virtute esto! Sed cave, frustra miserando exiguum tempus e manibus hostium evadendi absumas. Abi, nuncia publice Patribus, urbem Romanam^a muniant, ac³⁹ prius, quam hostis victor adveniat, praesidiis firment: privatimque Q. Fabio, L. Aemilium praeceptorum ejus memorem et vixisse, et adhuc mori.⁴⁰ Me^o in hac strage militum meorum patere exspirare, ne aut reus iterum e consulatu sim, aut accusator collegae existam, ut alieno crimine innocentiam meam protegam. Haec exigentes prius turba fugientium civium, deinde hostes, obpressere: consulem, ignorantes quis esset, obruere telis: Lentulum inter tumultum abripuit equus. tum inde effuse fugiunt. Septem millia hominum in minora castra, decem in majora, duo ferme in vicum ipsum Cannas perfugerunt: qui extemplo a Karthalone atque equitibus, nullo munimento tegente vicum, circumventi sunt. Consul alter, seu forte, seu consilio,⁴¹ nulli fugientium infestus agmini, cum septuaginta fere equitibus⁴² Venusiam perfugit^p. Clades^q Quadraginta millia peditum, duo millia septingenti equites,⁴³ et tanta prope civium sociorumque pars, caesi dicuntur; in his ambo consulum quaestores L. Atilius et L. Furius Bibaculus: unus et viginti tribuni militum; consulares quidam praetorique et aedilicii:⁴⁴ inter eos Cn. Servilium Geminum^q et M. Minucium numerant, qui magister equitum priore anno, aliquot ante consul fuerat^r: octoginta praeterea aut senatores,⁴⁵ aut qui eos magistratus gessissent,

U. C. 536.
A. C. 216.
L. Aemilii
Cns. postrema verba.

Clades
quanta fuerit.

^a Romam Gron. Crev. ^o Tu me Eaed. ^p profugit Gron. ^q Geminum del. Gron. ^r consul aliquot annis ante fuerat Gron. Crev.

39 *Priusquam hostis adveniat*] Put. liber *advenit*: elegantius.

40 *Me in hac strage*] Turba editorum, *Tu me*, contra scriptorum, sive Gronovianorum, sive nostrorum fides. Et vero illud *tu* respicit bene intellecta hujus orationculae mens, quae tribus partibus constat, quarum prima ad Lentulum dirigitur, secunda ad publicas de Roma et imperio curas, in tertia se ipse respicit Aemilias: unde consequens est, ut postremae hujus partis prima vox sit *Me*, quae statim admonet jam de se consulem loqui incipere.

41 *Nulli fugientium infestus agmini*] Vitium est in voce *infestus*. Nihil melius occurrit, quam quod conjicit Gronovius, *innisus*.

42 *Venusiam perfugit*] Vulgo *perfugit*. Illud alterum, quod tenent optimi codices, magis proprium visum est.

43 *Quadraginta millia peditum*] Quamplurimi scripti habent XLV. Put. vero XXXXV. D. id est, quadraginta quinque millia quingentos, *pedites*. Hoc amplectimur. Passim enim ubi de Cannensi pugna agitur, quinquaginta Romanorum millia caesa dicuntur.

44 *Et tanta prope*] Si haec sana sunt, *tanta* hic sumitur pro *aeque magna aequalis*: ut sensus sit, parem civium sociorumque numerum cecidisse.

45 *Inter eos Cn. Servilium Geminum et M. Minucium numerant, qui magister equitum priore anno, consul aliquot annis ante fuerat*] Totam hanc periodum misere deformatam refinxit Gronovius. Adjecit vocem *consul*, idque ratione evidentissima. Cetera sunt e scriptis. M. Minutius consul fuerat sexto ante anno.

46 *Aut qui eos magistratus gessissent*]

U. C. 586. unde in senatum legi deberent, quum sua voluntate milites
A. C. 216. in legionibus facti essent. Capta eo proelio tria millia ped-
ditum et equites trecenti dicuntur.

Canusium
multi Ro-
manorum
fugiant.

L. Hæc est pugna Cannensis, Allienai cladi nobilitate par: ceterum ut illis, quæ post pugnam accidere, levior, quia ab hoste cessatum est; sic strage exercitus gravior foediorque. fuga namque ad Alliam sicut urbem prodidit, ita exercitum servavit: ad Cannas fugientem consulem vix septuaginta secuti sunt: ⁴⁷ alterius morientis prope totus exercitus fuit. Binis in castris quum multitudo semiermis sine ducibus esset, ⁴⁸ nuncium, qui in maioribus erant, mittunt; *dum proelio, deinde ex lætitia epulis fatigatos quies nocturna hostes premeret, ut ad se transirent: uno agmine Canusium abituros esse.* Eam sententiam alii totam adspernari: *Cur enim illos, qui se arcessant, ipsos non venire, quum æque conjungi possent? quia videlicet plena hostium omnia in medio essent: et aliorum, quam sua, corpora tanto periculo malent obicere.* Aliis non tam sententia displicere, quam animus deesse. P. Sempronius Tuditanus tribunus militum, *Capi ergo mavultis, inquit, ab avarissimo et crudelissimo hoste, aestimarique capita vestra, et exquiri pretia ab interrogantibus, Romanus civis sis, an Latinus socius, ⁴⁹ ut ex tua contumelia et miseria alteri honos quaeratur? ⁵⁰ Non tu: si quidem L. Æmilii consulis, qui se bene mori, quam turpiter vivere, maluit, et tot fortissimorum virorum, qui circa eum cumulati jacent, cives estis. Sed ante, quam obprimit lux, majoraque hostium agmina obsepiunt iter, per hos, qui inordinati atque incompositi obstrepunt portis, erumpamus. Ferro atque audacia via fit, quamvis per confertos hostes. cuneo quidem hoc laxum atque solutum agmen, ut si nihil obstet, transibimus. Itaque ite mecum, qui et vosmetipsos et rempublicam salvam vultis.* Hæc ubi dicta dedit, stringit gladium, cuneoque

Qui magistratus curules gesserant, iis hoc jus erat, ut a proximis post gestum magistratum suum censoribus in senatum legi deberent. Atque etiam, antequam in senatum legerentur et senatores essent, curiam tamen ingredi poterant, et in senatu sententiam dicere. Hinc illa veteris edicti formula, qua consules utebantur, quum senatum in curiam convocarent: *senatores, quibusque in senatu sententiam dicere licet.* Vid. A. Gell. l. III. c. 8.

⁴⁷ *Alterius morientis prope totus exercitus fuit*] Alterum morientem prope totus exercitus secutus est, comitatus est: id est, cum eo periit.

⁴⁸ *Nuncium . . mittunt*] Supple, ad

eos qui in minoribus castris erant.

⁴⁹ *Ut ex tua . . . miseria*] Ut ex miseria et contumelia, quæ tibi Romano perpetienda indicetur, honos alteri, cuilibet nempe Latino, quaeratur. Annibal hoc institutum hactenus servaverat, ut e captivis eos qui erant Latini nominis sine pretio dimitteret, Romanos in vincula daret. Vid. supra, c. 7. infra, c. 58.

⁵⁰ *Non tu*] Illud tu pungit et admonet singulorum animos: ut acrius fere movent, quæ statim singulos feriunt, quam quæ in commune dicta unusquisque demum applicat sibi. Ita censet et exponit Gronovius, l. IV. Observ. c. 20.

facto per medios vadit hostes. et, quum in latus dextrum, U. C. 536. quod patebat, Numidæ jacularentur, translatis in dextrum A. C. 216. scutis, in majora castra ad sexcentos evaserunt: atque inde protinus, alio magno agmine adjuncto, Canusium incolumes perveniunt. ⁵¹ Hæc apud victos magis inpetu animorum, quod ingenium suum cuique aut fors dabat, quam ex consilio ipsorum, aut imperio cujusquam, agebantur.

LI. Hannibali victori quum ceteri circumfusi gratularentur, suaderentque, ⁵² ut, tanto perfunctus bello, diei quod reliquum esset, noctisque insequentis, quietem et ipse sibi sumeret, et fessis daret militibus; Maharbal, præfectus equitum, minime cessandum ratus, *Immo, ut, quid hac pugna sit actum, scias, die quinto, inquit, victor in Capitolio epulaberis.* ⁵³ *Sequere: cum equite, ut prius venisse, quam venturum, sciant, præcedam.* Hannibali nimis læta res est visa, majorque, quam ut eam statim capere animo posset. Itaque, *voluntatem se laudare Maharbalis, ait: ad consilium pensandum temporis opus esse.* Tum Maharbal, *Non omnia, nimirum, eidem Dii dedere. vincere scis, Hannibal; victoria uti nescis.* Mora ejus diei satis creditur saluti fuisse urbi atque imperio. Postero die ubi primum inluxit, ad spolia legenda foedamque etiam hostibus spectandam stragem insistunt. ⁵⁴ Jacebant tot Romanorum millia, pedites passim equitesque, ut quem cuique fors aut pugna junxerat aut fuga. adsurgentes quidam ex strage media cruenti, quos stricta matutino frigore excitaverant vulnera, ab hoste obpressi sunt. Quosdam et jacentes vivos succisis feminibus poplitibusque invenerunt, nudantes cervicem jugulumque, et reliquum sanguinem jubentes haurire. Inventi sunt quidam mersis in effossam terram capitibus, quos sibi ipsos fecisse foveas, obruentesque ora ⁵⁵ superjecta humo interclusisse spiritum adparebat. Præcipue convertit omnes substratus Numida mortuo superincubanti Romano vivus, naso auribusque la-

Hannibal
victoria uti
nescit.

Strages
etiam hos-
tibus mise-
rabilia.

* quas Gron. Crev.

⁵¹ *Hæc . . . magis impetu animorum, quem*] Gronovius ex aliquot scriptis dederat quod. Nos veterem lectionem, quam tuetur Victor. codex, et sensus ratio postulat, revocavimus.

⁵² *Ut . . . dici, quod reliquum esset*] *Ut sumeret sibi quietem diei hujus, per id spatium quod reliquum esset; et quietem noctis insequentis.*

⁵³ *Sequere. Cum equite*] Hic egregiam operam navavit Livio Gronovius, corruptissimumque prius hunc locum, perpaucis de scripta lectione mutatis,

perpurgavit. Antea editi habebant: *sequere cum equite, ut prius te venisse quam venturum sciant. Præcedant, Annibal inquit, nuncii: læta res est: sed via major, quam ut eam statim capere animo possim.*

⁵⁴ *Ut quem cuique fors*] Ut quem cuique casus adjunxerat, aut in pugna, aut in fuga.

⁵⁵ *Superjecta humo*] Sic plane unus e nostris scriptis non spernendus, ut jam Gronovius conjecerat, quum plerique libri haberent *subjecta super humo.*

U. C. 536. ceratis: quum, manibus ad capiendum telum inutilibus, in
A. C. 216. rabiem ira versus, laniando dentibus hostem exspirasset.

Bina Ro-
manorum
castra se
dedunt vic-
tori.

LII. Spoliis ad multum diei lectis, Hannibal ad minora ducit castra obpugnanda, et omnium primum, ⁵⁶ brachio objecto, flumine eos excludit. Ceterum ⁵⁷ ab omnibus, labore, vigiliis, vulneribus etiam fessis, maturior ipsius spe deditio est facta. ⁵⁸ pacti, ut arma atque equos traderent, in capita Romana trecentis ⁵⁹ nummis quadrigatis, in socios ducenis, in servos centenis, et ut, eo pretio persoluto, cum singulis abirent vestimentis, in castra hostes acceperunt; traditique in custodiam omnes sunt, seorsum^t cives sociique. Dum ibi tempus teritur, interea quum ex majoribus castris, quibus satis virium aut animi fuit, ad quatuor millia hominum et ducenti equites, alii agmine, alii palati passim per agros, quod haud minus tutum erat, Canusium perfugissent, castra ipsa ab sauciis timidisque eadem conditione, qua altera, tradita hosti. Præda ingens parta est: et, præter equos virosque, et si quid argenti, (quod plurimum in phaleris equorum erat; ⁶⁰ nam ad vescendum facto perexiguo, utique militantes, utebantur) omnis cetera præda diripenda data est. Tum sepeliendi causa conferri in unum ^{Poeni 8000.} corpora suorum iussit. ^{in acie cæsi.} Ad octo millia fuisse dicuntur fortissimorum virorum. Consulem quoque Romanum conquisitum sepultumque, quidam auctores sunt. Eos, qui Canusium perfugerant, ⁶¹ mulier Apula, nomine Busa, genere clara ac divitiis, mœnibus tantum tectisque a Canusinis acceptos, frumento, veste, viatico etiam jovit; pro qua ei munificentia postea, bello perfecto, ab senatu honores habiti sunt.

LIII. Ceterum, quum ibi tribuni militum quatuor essent, Fabius Maximus de legione prima, cujus pater priore anno dictator fuerat, et de legione secunda L. Publicius Bibulus et P. Cornelius Scipio, et de legione tertia Ap. Claudius Pulcher, qui proxime sedilis fuerat; omnium consensu ad P. Scipionem, admodum adolescentem, et ad Ap. Claudium

^t sed seorsum Gron. Crev.

⁵⁶ *Brachio objecto*] Ducta fossa inter castra flumenque.

⁵⁷ *Ab omnibus*] Legendum putaverimus *ab hominibus*. De crebra harum inter se vocum permutatione vid. not. 48. ad l. V. c. 38.

⁵⁸ *Pacti, ut arma*] Pacti trecentis nummis, i. e. pacti pretium fore in capita Romana trecentos nummos quadrigatos, cum eo, sive ea lege ut arma atque equos traderent.

⁵⁹ *Nummis quadrigatis*] Denariis, qui quadrigæ figuram insculptam ge-

rebant. Trecenti denarii efficiunt marcas argenti nostrates 4. cum unciiis quinque et dimidia uncie parte: ducenti, marcas tres cum una uncia: centum, marcā unam cum quatuor unciiis et semuncia.

⁶⁰ *Nam ad vescendum facto perexiguo . . utebantur*] Parum enim habebant argenti facti, argenti elaborati, quo ad vescendum uterentur.

⁶¹ *Mulier Apula*] Olim *Paula*. Emendavit ingeniose Lipsius.

summa imperii delata est. quibus consultantibus inter pau- U. C. 536.
cos de summa rerum nunciat P. Furius Philus, consularis A. C. 216.
viri filius, *Nequidquam eos perditam spem fovere: desperatam* Conjuratio
comploratamque rem esse publicam. Nobiles juvenes quosdam, deserendæ
quorum principem L. Cæcilium Metellum, mare ac naves spec- Italiæ caus-
tare, ut, deserta Italia, ad regem^u aliquem transfugiant. sa.
Quod malum, præterquam atrox, super tot clades etiam no-
vum, quum stupore ac miraculo torpidos defixisset, et, qui
aderant, ⁶² consilium^x advocandum de eo censerent; negat
consilii^y rem esse Scipio juvenis, ⁶³ fatalis dux hujusce
belli. *Audendum atque agendum,* ⁶⁴ non consultandum, ait, in
tanto malo esse. Irent secum extemplo armati, qui rempubli-
cam salvam vellent. ⁶⁵ nullo^z verius, quam ubi ea cogitentur,
hostium castra esse. Pergit ire, sequentibus paucis, in hos- A Scipione
pitium Metelli. et, quum concilium ibi juvenum, de quibus obprimitur.
adlatum erat, invenisset, stricto super capita consultantium
gladio, ⁶⁶ *Ex mei animi sententia,* inquit, *ut ego rempublicam*
populi Romani non deseram, neque alium civem Romanum de-
serere patiar. Si sciens fallo, tum me, Jupiter optime ma-
xime, domum, familiam, remque meam pessimo leto adficias!
In hæc verba, L. Cæcili, jures, postulo, ceterique, qui adestis:
qui non juraverit, in se hunc gladium strictum esse sciat. Haud
secus pavidum, quam si victorem Hannibalem cernerent, ju-
rant omnes: custodiendosque semet ipsos Scipioni tradunt.

LIV. Eo tempore, quo hæc Canusii agebantur, Venu- Venusiam
siam ad consulem ⁶⁷ ad quatuor millia peditum equitumque, ex fuga
qui sparsi fuga per agros fuerant, pervenere. Eos omnes coeunt ad
quatuor ho-
minum mil-
lia.

^u regum Gron. Crev.
quam Crev.

^x concilium Gron.

^y concilii Ead.

^z nus-

⁶² *Consilium*] Edidimus *consilium*,
et mox *consilii*, pro *concilium*, et *con-*
cilii, ita postulante Latini sermonis
proprietas. At paulo infra recte
scribitur *concilium juvenum* de dese-
renda Italia consultantium. Quid
hæc inter se differant, fuse docet ex
Livio Gronovius in not. ad XLIV. 2.
probatque *consilium* dici de senatu,
quod est *consilium publicum*; de *con-*
silio militari, quale est illud de quo
agitur hoc loco; de iudicibus asses-
soribusque, qui in *consilio* erant præ-
toribus; de consiliariis regum, aut
imperatorum. Rursus *concilium* est
conventus populi ac multitudinis, vel
communis respublica conjunctorum
populorum, vel conventus legatorum
ab diversis populis sociis, vel denique
coitio et congressus clam conspiran-
tium. Operæ pretium est consulere
ipsam Gronovii notam.

⁶³ *Fatalis dux*] Fato destinatus

dux ad hoc bellum egregie conficien-
dum.

⁶⁴ *Non consultandum ait*] Super-
vacaneum est *ait*, nec solet apponi
a Livio: ut recte admonet Jac. Gro-
novius.

⁶⁵ *Nusquam verius*] Omnes scripti,
nullo verius: et sic edidit Gronovius.
Unus e nostris additam habet a secun-
da manu vocem *loco*. Nobis optima
visa est editorum vulgo lectio.

⁶⁶ *Ex mei animi sententia . . ut ego*] Formula
jurisjurandi, quæ, ut evenit
fere in illis pervulgati usus formulis,
nonnulla supplenda relinquit. *Ex*
mei animi sententia, i. e. vere et ex
animo precor ita me dii juvent,
ament, *ut ego rempublicam non dese-*
ram.

⁶⁷ *Ad quatuor millia peditum equi-*
tumque] Put. codex: *ad quatuor mil-*
lia et D. pedites equitesque. Nec longe
abit Victorinus.

U. C. 536.
A. C. 216.

Pavor Ro-
mæ maxi-
mus.

Venusini per familias benigne accipiendos curandosque quum divisissent, ⁶⁸ in singulos equites togas et tunicas et ⁶⁹ quadrigatos nummos quinos vicanos, et peditibus denos, et arma, quibus deerant, dederunt. ceteraque publice ac privatim hospitaliter facta: certatumque, ne a muliere Canusina populus Venusinus officiis vinceretur. Sed gravius onus Busæ multitudo faciebat, et jam ad decem millia hominum erant. Appiusque et Scipio, postquam incolumem esse alterum consulem acceperunt, nuncium extemplo mittunt, quantæ secum peditum equitumque copiae essent: sciscitatumque simul, utrum Venusiam adduci exercitum, an manere juberet Canusii? Varro ipse Canusium copias traduxit. et jam aliqua species consularis exercitus erat; moenibusque se certe, ⁷⁰ si non armis, ab hoste videbantur defensuri. Romam, ne has quidem reliquias superesse civium sociorumque, sed ⁷¹ occidione occisos cum duobus exercitibus consules, deletasque omnes copias, adlatum fuerat. Numquam, salva urbe, tantum pavoris tumultusque intra moenia Romana fuit. itaque subcumbam oneri, neque adgrediar narrare, quæ edissertando minora vero fecero. Consule exercituque ad Trasimenum priore anno amisso, ⁷² non vulnus super vulnus, sed multiplex clades, ⁷³ cum duobus consulibus duo consulares exercitus amissi nunciabantur: nec ulla jam castra Romana, nec ducem, nec militem esse: Hannibalis Apuliam, Samnium, ac jam prope totam Italiam factam. Nulla profecto alia gens tanta mole cladis non obruta esset. ⁷⁴ Comparem cla-

^a duo del. Gron. Crev.

⁶⁸ *In singulos equites togas et tunicas*] Hinc, et ex aliis itidem Livii locis, XXIX. 3. et 36. XLIV. 16. patet togas etiam a militibus gestatas. At primo intelligendum est eos togis usos esse, non in acie, sed in hibernis aut in otio castrorum. Deinde ex eo quod hic solum equitum fiat mentio, et in duobus ultimis locis supra memoratis numerus togarum quæ mittuntur ad exercitus, longe minor sit tunicarum numero, nec sufficiens profecto ad totum exercitum vestiendum, colligit Aldus Man. l. III. de Quæstitis per epistolam, Ep. 1. togas honestioribus tantum in usu fuisse, puta equitibus, centurionibus, &c.

⁶⁹ *Quadrigatos nummos quinos vicanos*] Uncias argenti Paris. tres cum una octava unciae parte: denos, unciam unam cum uno unciae quadrante.

⁷⁰ *Si non armis*] Lege ex Put. codice *etsi non armis*.

⁷¹ *Occidione occisos cum duobus exercitibus consules*] Sigonii conjectura. Antea *occisum . . . consulem*. Nobis magis placeret cum Gronovio legere: *Occidione occisum cum duobus consulibus exercitum*. Hæc forma loquendi *occidione occidi* aptius cadit in multitudinem, quam in duos homines: et firmat Gronovianam lectionem Livius, infra hoc ipso capite: *cum duobus consulibus duo consulares exercitus amissi*.

⁷² *Non vulnus super vulnus*] Nunc, non vulnus super vulnus, id est, prope par additum priori malum, sed clades multis partibus major . . nunciabatur.

⁷³ *Cum duobus consulibus consulares exercitus*] Omnes scripti ante *consulares* interjiciunt *cum*. Quis dubitet legendum? *cum duobus consulibus duo consulares exercitus amissi*.

⁷⁴ *Comparem cladem*] Put. liber, *comparasset cladem*. Unus e regis

dem ad Ægates insulas Karthaginiensium prælio navali acceptam, qua fracti Sicilia ac Sardinia cessere, hinc vectigales ac stipendiarios fieri se passi sunt? aut pugnam adversam in Africa, cui postea hic ipse Hannibal subcubuit? nulla ex parte comparandæ sunt, nisi quod minore animo latæ sunt.

LV. P. Furius Philus et M.^b Pomponius prætores senatum in curiam Hostiliam vocaverunt, ut de urbis custodia consularent. neque enim dubitabant, deletis exercitibus, hostem ad obpugnandam Romam, quod unum opus belli restaret, venturum. Quum in malis, sicut ingentibus, ita ignotis, ne consilium quidem satis expedirent, obstreperetque clamor lamentantium mulierum, ⁷⁵ et, nondum palam facto, vivi mortuique per omnes pene domos promiscue complorarentur; tum Q. Fabius Maximus censuit, *equites expeditos et Appia et Latina via mittendos*, ⁷⁶ qui, obvios percunctando aliquos profectos ex fuga, passim dissipatos, forte referant, quæ fortuna consulum atque exercituum sit; et si quid Dii immortales, miseriti imperii, reliquum Romano nomini fecerint: ubi eæ copiæ sint: quo se Hannibal post prælium contulerit: quid paret, quid agat, acturusque sit. Hæc exploranda noscendaque per inpigros juvenes esse. illud per Patres ipsos agendum, quoniam magistratum parum sit, ut tumultum ac trepidationem in urbe tollant, matronas publico arceant, continerique intra suum quamque limen cogant: comploratus familiarum coërceant: silentium per urbem faciant: nuncios rerum omnium ad prætores deducendos curent: suæ ⁷⁷ quisque fortunæ domi auctorem expectent: custodesque ^c præterea ad portas ponant, qui prohibeant, quemquam egredi urbem; cogantque homines nullam, nisi urbe ac mœnibus salvois, salutem sperare. Ubi conticuerit tumultus, recte tum in curiam Patres revocandos, consulendumque de urbis custodiâ esse.

U. C. 536.
A. C. 216.

Senatus
consultitur
de urbis
custodiâ.

Sententia
Fab. Max.

LVI. ⁷⁸ Quum in hanc sententiam pedibus omnes issent, submotaque foro per magistratus turba, Patres diversi ad se-

^b M. Gron. Crev.

^c custodes Gron.

clare, compares cladem: quæ vera videtur Livii manus. Sensus patet: Num tibi sit animus comparare cum Cannensi clade, &c.

⁷⁵ Et, nondum palam facto, vivi mortuique] Et vivi mortuique pariter complorarentur, quia nondum palam factum erat, supple, quinam viverent, quinam cecidissent.

⁷⁶ Qui obvios percunctando aliquos profectos ex fuga]. Hic aliquid est redundans et inconcinnum, nec satis Liviana elegantia dignum. Vera procul dubio est Jac. Gronovii emendatio: Qui obvios percunctando, (aliquos profecto ex fuga passim dissipatos fore)

referant.

⁷⁷ Quisque . . . expectent] Andreas et Campanus, expectet: quod hic placet magis. Hoc enim verbum, non ad Patres, ut reliqua, sed ad quemque civem refertur.

⁷⁸ Quum in hanc sententiam pedibus omnes issent] Quum hanc sententiam omnes probassent. Tunc dicebantur senatores pedibus ire in aliquam sententiam, quum eam, non voce et verbis, sed solo pedum motu, probabant; transeundo scilicet in hanc illamve partem, prout huic vel illi sententiæ assentiebantur.

U. C. 536. A. C. 216. **dandos tumultus discessissent; tum demum literæ a Terentio consule adlatæ sunt; *L. Æmilium consulem exercitumque cæsum; sese Canusii esse, reliquias tantæ cladis velut ex naufragio conligentem.* ⁷⁹ *ad decem millia militum ferme esse incompositorum inordinatorumque.* ⁸⁰ *Pœnum sedere ad Cannas,* ⁸¹ *in captivorum pretiis prædaque alia, nec victoris animo, nec magni ducis more, nundinantem.* Tum privatæ quoque per domos clades vulgatæ sunt; adeoque totam urbem opplevit luctus, ut sacrum anniversarium Cereris intermissum sit; quia nec lugentibus id facere est fas, nec ulla in illa tempestate matrona expers luctus fuerat. Itaque, ne ob eandem causam alia quoque sacra publica aut privata desererentur, senatusconsulto diebus triginta luctus est finitus. Ceterum quum, sedato urbis tumultu, revocati in curiam Patres essent, aliæ insuper ex Sicilia literæ adlatæ sunt ab T. Otacilio pro prætore, *Regnum Hieronis classe Punica vastari: cui quum opem inploranti ferre vellet, nunciatum sibi esse, aliam classem* ⁸² *ad Ægates insulas stare, paratam instructamque; ut, ubi se versum ad tuendam Syracusanam oram Pœni sensissent, Lilybæum extemplo provinciamque aliam Romanam adgrederentur. itaque classe opus esse, si regem socium Siciliamque tueri vellent.***

Cereris sacrum intermissum.

Vestales stupri compertæ.

LVII. Literis consulis proprætorisque lectis, ⁸³ M. Claudium, qui classi ad Ostiam stanti præesset, Canusium ad exercitum mittendum, scribendumque consuli, ut, quum prætori exercitum tradidisset, primo quoque tempore, quantum per commodum reipublicæ fieri posset, Romam veniret. Territi etiam super tantas clades, quum ceteris prodigiis, tum quod duæ Vestales eo anno, Opimia atque Flornia, stupri compertæ, et altera sub terra, ut mos est, ad portam Collinam necata fuerat, altera sibimet ipsa mortem consciverat. L. Cantilius, ⁸⁴ scriba pontificis, quos nunc

⁷⁹ *Ad decem millia militum]* Forte ad quatuordecim millia. Nam decem millia jam Canusii erant, antequam Varro eo cum quatuor millibus venit. GRONOVIVS.

⁸⁰ *Pœnum sedere nundinantem]* Hanc elegantissimam lectionem eruit Gronovius e scriptis, qui habent *menum*, vel *me nunc*, vel *se nunc sedere nuntiantem*.

⁸¹ *In captivorum pretiis prædaque alia . . nundinantem]* In statuendis captivorum pretiis, prædaque reliqua vendenda, mercatoris in lucrum intenti more, versantem.

⁸² *Ad Ægates insulas]* Sic ubique Livius, et hoc quoque loco unus e MSS. Hearnii. Vulgati *insulam*.

⁸³ *M. Claudium ad exercitum*

mittendum] Omnino desideratur hic verbum aliquod, quale esset *censuerunt*, *decreverunt*.

⁸⁴ *Scriba pontificis, quos nunc]* Scriba pontificis, ex eorum scribarum numero, quos nunc minores pontifices appellant. Aliis magis placet, referre vocem *quos*, non ad scribam, sed ad pontificem: scriba pontificis, qui quidem pontifex esset ex eorum numero, quos nunc minores pontifices appellant. De hoc additamento, *quos nunc minores pontifices appellant*, scrupulum nobis movet locus plane geminus ex vita Macrini apud Capitolinum, sive Spartianum: cum (Macrinus) scriba pontificum esset, quos nunc pontifices minores vocant. Ut enim loquitur posterior hic scrip-

minores pontifices adpellant, qui cum Floropia stuprum fecerat, a pontifice maximo eo usque virgis in comitio caesus erat, ut inter verbera exspiraret. Hoc nefas quum inter tot, ut fit, clades in prodigium versum esset, decemviri libros adire jussi sunt. Et Q. Fabius Pictor Delphos ad oraculum missus est sciscitatum, quibus precibus ⁸⁵ supplicisque Deos possent placare, et quænam futura finis tantis cladibus foret. Interim ex fatalibus libris sacrificia aliquot extraordinaria facta; inter quæ Gallus et Galla, Græcus et Græca, in foro boario sub terra vivi demissi sunt in locum saxo conseptum, ⁸⁶ jam^d ante hostiis humanis, minime Romano sacro, imbutum. Placatis satis, ut rebantur, Deis, M. Claudius Marcellus ab Ostia mille et quingentos milites, quos in classem scriptos habebat, Romam, ut urbi præsidio essent, mittit; ipse, legione classis (ea tertia legio erat) cum tribunis militum Teanum Sidicinum præmissa, classe tradita P. Furio Philo collegæ, paucos post dies Canusium magnis itineribus contendit. ⁸⁷ Dictator ex auctoritate Patrum dictus M. Junius, et Ti. Sempronius magister equitum, delectu edicto, juniores ab annis septemdecim, ⁸⁸ et quosdam prætextatos, scribunt. quatuor ex his legiones et mille equites effecti. Item ad socios Latinumque nomen, ad milites ⁸⁹ ex formula accipiendos, mittunt. arma, tela, alia parari jubent: et vetera hostium spolia detrahunt templis porticibusque. Et aliam formam novi delectus inopia liberorum caput ac necessitas dedit: octo millia juvenum validorum ex servitiis, prius ⁹⁰ sciscitantes singulos, vellentne militare, emta publice armaverunt. Hic miles magis

U. C. 536.
A. C. 216.

Hostiæ humanæ immolatas.

Octo millia servorum armantur.

^d jam l. ibi Gron.

tor, illa pontificum minorum appellatio post Macrinum demum invaluit. Quod si verum est, certe Livii ævo nota esse non poterat. Inde nobis oritur suspicio, hoc additamentum ex altero scriptore in alterum esse translatum. Utri autem afflictum sit a librariis, dijudicandum aliis relinquimus.

⁸⁵ *Supplicis*] Supplicationibus: quæ quidem vox sese huc olim obtruserat. Emendavit Lipsius ex suo libro, cui assentiuntur nostri.

⁸⁶ *Jam ante*] Reposuimus jam pro ibi, secuti auctoritatem Gronovii ex Put. codice sic legendum docentis, *Anno ante hunc undecimo ad idem sæculus, quo jam imbutum hunc locum scribit Livius, prava religio Romanos impulerat, † Aliquam multa ad hanc abominandam religionem spectantia collegit Hugo Grotius, de Veritate

Relig. Christ. l. II. c. 11.

⁸⁷ *Dictator*] Put. liber indictator. Lege inde dictator.

⁸⁸ *Et quosdam prætextatos*] Qui nondum prætextam deposuerant, ut virilem togam sumerent. Pueri ingenui prætextam togam gerebant ad annum ætatis fere decimum-septimum.

⁸⁹ **Ex formula*] Qua descriptum erat, quantum numerum militum quæque civitas Latini nominis dare populo Romano deberet. Simile exemplum vid. infra XXVII. 10. ubi de coloniis agitur.

⁹⁰ **Sciscitantes singulos vellentne militare*] Id observat Livius, quia non illo modo agebatur cum civibus, qui non interrogabantur vellentne militare, sed citati ad nomina respondere debebant.

U. C. 536. placuit, quum pretio minore redimendi captivos copia fie-
A. C. 216. ret.

Hannibalis
oratio ad
captivos
Rom.

Legati cap-
tivorum.

Eorum
principis
oratio in se-
natu.

LVIII. Namque Hannibal, secundum tam prosperam ad Cannas pugnam, victoris magis, quam bellum gerentis, intentus curis, quum, captivis productis segregatisque, socios^c, sicut ante ad Trebiam Trasimenumque lacum, benigne adlocutus, sine pretio dimisisset; Romanos quoque vocatos (quod numquam alias antea) satis miti sermone adloquitur: *Non internecinum sibi esse cum Romanis bellum: de dignitate atque imperio certare. Et patres virtuti Romanæ cessisse: et se id adniti, ut suæ in vicem simul felicitati et virtuti cedatur. Itaque redimendi se captivis copiam facere. pretium fore in capita, equiti⁹¹ quingenos quadrigatos nummos, trecenos pediti, servo centum.* Quamquam aliquantum adjiciebatur equitibus ad id pretium, quod pepigerant dedentes se; læti tamen quamcumque conditionem paciscendi acceperunt. Placuit suffragio ipsorum decem deligi, qui Romam ad senatum irent. nec pignus aliud fidei, quam ut jurarent se redituros, acceptum. Missus cum his Karthalo nobilis Karthaginensis: qui, si forte ad pacem inclinarent animos, condiciones ferret. Quum egressi castris essent, unus ex iis, minime Romani ingenii homo, ⁹²velut aliquid oblitus, ⁹³jurisjurandi solvendi causa quum in castra redisset, ante noctem comites adsequitur. Ubi eos Romam venire nunciatum est, Karthaloni obviam lictor missus, qui dictatoris verbis nunciaret, ut ante noctem excederet finibus Romanis.

LIX. Legatis captivorum senatus ab dictatore datus est. Quorum princeps M. Junius, *Patres conscripti, inquit, nemo⁹⁴ nostrum ignorat, nulli umquam civitati viliores fuisse captivos, quam nostræ. Ceterum, nisi nobis plus justo nostra placet causa, non alii umquam minus negligendi vobis, quam nos, in hostium potestatem venerunt. non enim in acie per timorem arma tradidimus; sed, quum prope ad noctem superstantes cumulis casorum corporum prælium extraxissemus, in castra recepimus nos. Diei reliquum ac noctem insequentem, fessi labore ac vulneribus, vallum sumus tutati. Postero die, quum circumsessi ab exercitu victore aqua arceremur, nec ulla jam per confertos hostes erumpendi spes esset, nec esse nefas ducere-mus, quinquaginta millibus hominum ex acie nostra trucidatis,*

^c sociis, eos Gron. Crev.

⁹¹ Quingenos quadrigatos nummos] Marcas nostrates 7. cum sex unciiis et semuncia.

⁹² Velut aliquid] Put. velut illud aliquid. Consonat fidissimus e regiis. Lege cum Gronovio: velut illie aliquid oblitus.

⁹³ Jurisjurandi solvendi causa

quum in castra redisset] Quia juraverat se in castra Annibalis redituros, interpretabatur se fraudulento illo reditu jurisjurandi fidem exsolvisse.

⁹⁴ Nostrum] Vulgo vestrum. Mutavit merito Gronovius: et firmat unus e nostris codd.

aliquem ex Cannensi pugna Romanum militem restare; tum U. C. 536.
 demum pacti sumus pretium, quo redempti dimitteremur: arma, A. C. 216.
 in quibus nihil jam auxilii erat, hosti tradidimus. Majores
 quoque acceperamus se a Gallis auro redemisse: et ⁹⁵patres
 vestros^f, asperrimos illos ad conditionem pacis, ⁹⁶legatos tamen
 captivorum redimendorum gratia Tarentum misisse. atqui, et
 ad Alliam cum Gallis, et ⁹⁷ad Heracleam cum Pyrrho, utra-
 que non tam clade infamis, quam pavore ac fuga, pugna fuit.
 Cannenses campos acervi Romanorum corporum tegunt: nec
 supersumus pugnae, nisi in quibus trucidandis et ferrum et vires
 hostem defecerunt. Sunt etiam de nostris quidam, qui ne in
 acie quidem refugerunt: sed, praesidio castris relictis, quum cas-
 tra traderentur, in potestatem hostium venerunt. Haud equi-
 dem ullius civis et commilitonis fortunae aut conditioni invideo,
 nec premendo alium me extulisse velim: ne illi quidem, (nisi
 pernecitatis pedum et cursus aliquod praemium est) qui plerique
 inermes ex acie fugientes non prius, quam Venusiae aut Ca-
 nusii, constiterunt, se nobis merito praetulerint, gloriatique sint,
 in se plus, quam in nobis, praesidii reipublicae esse. ⁹⁸Sed illis
 et bonis ac fortibus militibus utemini: et nobis etiam promptio-
 ribus pro patria, quod beneficio vestro redempti atque in patriam
 restituti fuerimus. Delectum ex omni aetate et fortuna habetis:
 octo millia servorum audio armari. non minor numerus nos-
 ter est, nec majore pretio redimi possumus, quam hi emun-
 tur. nam si conferam nos cum illis, injuriam nomini Ro-
 mano faciam. Illud etiam in tali consilio animadvertendum
 vobis censeam, Patres conscripti, (si tamen duriores esse
 velitis, quod nullo nostro merito faciatis) cui nos hosti re-
 licturi sitis. ⁹⁹Pyrrho videlicet, qui nos hospitum numero
 habuit captivos, an barbaro ac Paeo; qui utrum ava-
 rior, an crudelior, sit, vix existimari potest. Si videatis ¹ca-
 tenas, squalorem, deformitatem^g civium vestrorum, non minus
 profecto vos ea species moveat, quam si ex altera parte cerna-
 tis stratas Cannensibus campis legiones vestras. Intueri pote-
 tis sollicitudinem et lacrimas in vestibulo curiae stantium cogna-

^f nostros Crev.^g deformitatemque Gron.

⁹⁵ Patres nostros] Sic olim editi, et
 tres e scriptis nostris. Nec aliter lo-
 qui possunt hi captivi, nisi se ipsi Ro-
 mano jam nomine abdicare velint.
 Non bene ergo Gronovius ediderat
 patres vestros.

⁹⁶ Legatos Tarentum misisse]
 Ad Pyrrhum, qui a Tarentinis in Ita-
 liam accitus, illorum urbem tenebat.

⁹⁷ Ad Heracleum cum Pyrrho. . .
 pugna] Qua Laevinus consul Roma-
 nus victus est, quum elephanti ma-
 xime odore et visu insolito equos Ro-
 manorum turbassent.

⁹⁸ Sed illis et] Lege: Sed et illis.

⁹⁹ Pyrrho qui nos hospitum
 numero habuit captivos] Potest quidem
 exponi nos, id est, captivos Romanos,
 quales nos sumus. Sed hoc durius.
 Quum igitur Put. codex habeat vos,
 libenter legeremus suos.

¹ Catenas, squalorem, deformitatem
 civium vestrorum] Hoc vividius vide-
 tur sic prolatum per asyndeton, quam,
 ut vulgo, deformitatemque. Resécui-
 mus copulativam ex auctoritate trium
 vel optimorum MSS.

U. C. 536. *torum nostrorum, expectantiumque responsum vestrum. quum*
 A. C. 216. *ii pro nobis proque iis, qui absunt, ita suspensi ac solliciti sint;*
quem censeatis animum ipsorum esse, quorum in discrimine vita
libertasque est? Si, me Deus fidius, ipse in nos mitis Hanni-
bal contra naturam suam esse velit, nihil tamen nobis vita opus
esse censeamus, quum indigni, ut a vobis redimeremur, ² visi
sumus. Rediere Romam quondam remissi a Pyrrho sine pretio
capti: sed rediere cum legatis, primoribus civitatis, ad redimen-
dos sese missis. Redeam ego in patriam, trecentis nummis non
aestimatus civis? Suum quisque habet animum, Patres conscrip-
ti. Scio in discrimine esse vitam corpusque meum. Magis me
famae periculum movet, ne a vobis damnati ac ³ repulsi ab-
eamus⁴. neque enim vos pretio pepercisse homines credent.

LX. Ubi is finem fecit, extemplo ab ea turba, quæ in comitio erat, clamor flebilis est sublatus, manusque ad curiam tendebant orantes, ut sibi liberos, fratres, cognatos redderent. Feminas quoque metus ac necessitas in foro turbæ huic virorum immiscuerat. Senatus, submotis arbitris, consuli coeptus. Ibi quum sententiis variaretur, et alii redimendos de publico, alii nullam publice inpensam faciendam, nec prohibendos ex privato redimi; si quibus argentum in præsentia deesset, dandam ex ærario pecuniam mutuam, ⁴ prædibusque ac prædiis cavendum populo, censerent; tum T. Manlius Torquatus, priscae ac nimis duræ, ut plerisque videbatur, severitatis, interrogatus sententiam, ita locutus fertur: Si tantummodo postulassent legati pro iis, qui in hostium potestate sunt, ut redimerentur, ⁵ sine ullius insectatione eorum, brevi sententiam peregissem. ⁶ Quid enim aliud quam admonendi essetis, ut morem traditum a patribus, necessario ad rem militarem exemplo, servaretis? Nunc autem quum prope gloriati sint, quod se hostibus dediderint, præferrique non captis modo in acie ab hostibus, sed etiam iis, qui Venusiam Canusiumque pervenerunt, atque ipsi C. Terentio consuli, æquum censuerint; nihil vos eorum, Patres conscripti, quæ illic acta sunt, ignorare patiar. Atque utinam hæc, quæ apud vos acturus sum, Canusii apud ipsum exercitum agerem, optimum testem ignaviæ cujusque et virtutis: aut unus hic saltem adesset

Manlius
suadet ne
captivi re-
dimantur.

⁴ habeamur Gron.

² Visi sumus] Muretus censet legendum *sintus*. ³ Non enim rem affirmat orator; sed, si ea contingat, quid sibi animi futurum sit, testatur.

³ Repulsi abeamus] Sic aliquot scripti, et principes editiones. Eodem alludunt plerique codices, in quibus Puteanus, exhibentque *habeamus*. Quod editos nunc obtinebat, *habeamur*, nullo in scripto nobis occurrit, et minoris est elegantia.

⁴ Prædibus ac prædiis cavendum populo] Prædes dandos et prædia obliganda populo, quibus caveretur redditum iri eas pecuniæ summas quæ ex ærario mutue darentur.

⁵ Sine ullius insectatione eorum] Redundat vel *ullius*, vel *eorum*. Posteriolem vocem libentius deleverimus.

⁶ Quid enim aliud quam admonendi essetis] Quid aliud mihi faciendum esset, quam ut vos admonerem.

P. Sempronius, quem si isti ducem secuti essent, milites ⁷ *hodie in castris Romanis, non captivi in hostium potestate essent?* ^{U. C. 536. A. C. 216.}
Sed quum, fessis pugnando hostibus, tum victoria lætis, et ipsis
plerisque regressis in castra sua, noctem ad erumpendum libe-
ram habuissent, ⁸ *et septem armatorum hominum millia perrum-*
pere etiam confertos hostes potuissent; neque per se ipsi id fa-
cere conati sunt, neque alium sequi voluerunt. Nocte prope tota
P. Sempronius Tuditanus non destitit ⁹ *monere, adhortari* ¹ *eos,*
dum paucitas hostium circa castra, dum quies ac silentium esset,
dum nox inceptum tegeret, se ducem sequerentur: ante lucem per-
venire in tuta loca, in sociorum urbes posse. ¹⁰ *Sicut avorum*
memoria P. Decius tribunus militum in Samnio; sicut, nobis
adolescentibus, priorẽ Punico bello Calpurnius Flamma trecen-
tis voluntariis, quum ad tumulum eos capiendum, situm inter
medios hostes, duceret, dixit: Moriamur, milites, et morte
nostra eripiamus ex obsidione circumventas legiones. Si
hoc P. Sempronius diceret; nec viros quidem, nec Romanos vos
duceret, si nemo tantæ virtutis exstisset comes. Viam non ad
gloriam magis, quam ad salutem, ferentem demonstrat; reduces
in patriam, ad parentes, ad conjuges ac liberos facit. Ut serve-
mini, deest vobis animus? quid, si moriendum pro patria esset,
faceretis? Quinquaginta millia civium sociorumque circa vos
eo ipso die cæsa jacent. si tot exempla virtutis non movent, ni-
hil umquam movebit: si tanta clades vilem vitam non fecit,
nulla faciet. Liberi atque incolumes desiderate patriam: im-
mo desiderate, dum patria est, dum cives ejus estis. sero nunc
desideratis, ¹¹ *deminuti capite, abalienati jure civium, servi*
Karthaginiensium facti. Pretio redituri estis eo, unde igna-
via ac nequitia abistis? P. Sempronium, civem vestrum, non
audistis, arma capere ac sequi se jubentem: Hannibalem post
paullo audistis, castra prodi et arma tradi jubentem. Quam
ego ignaviam istorum accuso, quum scelus possim accusare?

¹ *adhortarique Gron.*

⁷ *Hodie in castris Romanis]* Jac. Gronovius legi jubet: *Hodie in castris Romanis, non captivi in hostium potestate essent.* Quod quidem longe elegantius est ac vividius. Nimirum pro Romanis jam eos non agnoscit Manlius, servos Carthaginiensium factos, ut infra dicturus est.

⁸ *Et septem . . . millia perrumpere etiam confertos hostes potuissent]* Ante Gronovium editi habebant: *et septena . . . millia erumpere etiam inter confertos hostes potuissent.* Quod *septena* mutavit, probamus. Cetera, quæ servant plerique e nostris MSS. non videmus cur non intacta remanere possent.

⁹ *Monere, adhortari eos]* Vulgo *adhortarique.* Sed scripti quam plurimi abiciunt copulativam.

¹⁰ *Sicut avorum memoria . . si hoc Sempronius diceret]* Si, quemadmodum P. Decius, quemadmodum Calpurnius Flamma . . dixit: Moriamur milites . . . sic et P. Sempronius hoc idem vobis diceret.

¹¹ *Deminuti capite]* Sic Regulus apud Horat. dicitur *Capitis minor.* Capitis deminutio est prioris status mutatio. Hæc triplex est. At ea de qua hic agitur, quæ *maxima* dicitur, est, quum aliquis simul et civitatem et libertatem amittit. Vid. l. I. Instit. Justin. Tit. 16.

U. C. 536.
A. C. 216.

Non enim modo sequi recusarunt bene monentem, sed obsistere ac retinere conati sunt, ni strictis gladiis viri fortissimi inertes submovissent. prius, inquam, P. Sempronio per civium agmen, quam per hostium, fuit erumpendum. Hos cives patria desideret? quorum si ceteri similes fuissent, neminem hodie ex iis, qui ad Cannas pugnaverunt, civem haberet. Et millibus septem armatorum sexcenti exstiterunt, qui erumpere auderent, qui in patriam liberi atque armati redirent: neque iis quadraginta millia hostium obstitere. Quam tutum iter duarum prope legionum agmini futurum censetis fuisse? Haberetis hodie viginti millia armatorum Canusii, fortia, fidelia, Patres conscripti. nunc autem quemadmodum hi boni fidelesque (nam fortes ne ipsi quidem dixerint) cives esse possunt? ¹² nisi quis credere potest fuisse, ut erumpentibus, quin erumperent, obsistere conati sunt: aut non invidere eos, quum incolumitati, tum gloriae illorum per virtutem partæ, quum sibi timorem ignaviamque servitutis ignominiosæ causam esse sciant. Maluerunt in tentoriis latentes simul lucem atque hostem expectare, quum silentio noctis erumpendi occasio esset. At enim ad erumpendum e castris defuit animus; ad tutanda fortiter castra animum habuerunt. Dies noctesque aliquot obsessi, vallum armis, se ipsi tutati vallo sunt: tandem ultima ausi passique, quum omnia subsidia vitæ abessent, adfectisque fame viribus, arma jam sustinere nequirent, necessitatibus magis humanis, quam armis, victi sunt. Orto sole hostis ad vallum accessit: ante secundam horam, nullam fortunam certaminis experti, tradiderunt arma ac se ipsos. Hæc vobis ipsorum per biduum militia fuit. quum in acie stare ac pugnare decuerat, tum in castra refugerunt: quum pro vallo pugnandum erat, castra tradiderunt, neque in acie neque in castris utiles. Vos redimam? quum erumpere castris oportet, cunctamini ac manetis: ¹³ quum manere, castra^k tutari armis necesse est; et castra et arma et vos ipsos traditis hosti. Ego non magis istos redimendos, Patres conscripti, censeo, quam illos dedendos Hannibali, qui per medios hostes e castris eruperunt, ac per summam virtutem se patriæ restituerunt.

Senatus
censet captivos non
esse redimendos.

LXI. Postquam Manlius dixit, quamquam Patrum quoque plerosque captivi cognatione adtingebant, præter exemplum civitatis minime in captivos jam inde antiquitus indulgentis, pecuniæ quoque summa homines movit: quia nec ærarium exhaurire, magna jam summa erogata in servos ad

^k et castra Gron.

¹² Nisi quis credere potest fuisse, ut] Hæc paulo intricatiora sunt. Si nihil mendi subest, expone cum Gronovio: Nisi quis credere potest fuisse eos bonos fidelesque cives, ut, id est,

postquam obsistere conati sunt erumpentibus civibus suis, quin erumperent.

¹³ Quum manere, castra tutari] Hinc quoque ejecimus particulam et, auctore Put. codice.

militiam emendos armandosque, nec Hannibalem maxime U. C. 536. hujusce rei, ut fama erat, egentem locupletari volebant. A. C. 216.

Quum triste responsum, *non redimi captivos*; redditum esset, novusque super veterem luctus tot jactura civium adjectus esset, cum magnis fletibus questibusque legatos ad portam prosecuti sunt. Unus ex iis domum abiit, quod fallaci re- Nimis calli-
da jurisju-
randi inter-
pretatio. ditu in castra jurejurando se exsolvisset. Quod ubi innotuit, ¹⁴ relatumque ad senatum est, omnes censuerunt, comprehendendum et custodibus publice datis deducendum ad Hannibalem esse. ¹⁵ Est et alia de captivis fama, decem primos venisse. de eis quum dubitatum in senatu esset, admitterentur in urbem, nec ne; ita admissos esse, ne tamen iis senatus daretur. Morantibus deinde longius omnium spe, alios tres insuper legatos venisse, L. Scribonium, et C. Calpurnium, et L. Manlium. tum demum ab cognato Scribonii tribuno plebis de redimendis captivis relatum esse, nec censuisse redimendos senatum: et novos legatos tres ad Hannibalem revertisse, decem veteres remansisse; quod, per causam recognoscendi nomina captivorum ad Hannibalem ex itinere regressi, religione sese exsolvisset. de iis dedendis magna contentione actum in senatu esse: victosque paucis sententiis, qui dedendos censuerint. ceterum proximis censoribus adeo omnibus notis ignominiisque confectos esse, ut quidam eorum mortem sibi ipsi extemplo consciverint: ceteri non foro solum omni deinde vita, sed prope luce ac publico, caruerint. Mirari magis, adeo discrepare inter auctores, quam, quid veri sit, discernere queas. Quanto autem major ea¹ clades superioribus claudibus fuerit, vel ea res indicio est, quod, qui sociorum ad eam diem firmi steterant, tum labare cœperunt, nulla profecto alia de re, quam quod desperaverant de imperio. ¹⁶ Defecere autem ad Pœnos hi populi: Atellani, Calatini, Defectio so-
ciorum. Hirpini, Apulorum pars, Samnites præter Pentros, Bruttii omnes, Lucani. præter hos ¹⁷ Surrentini, et Græcorum omnis ferme ora, Tarentini, Metapontini, Crotonienses, Locrique, et Cisalpini omnes Galli. Nec tamen hæ clades defectio- Pacis tamen
mentio nul-
la. nesque sociorum moverunt, ut pacis umquam mentio apud

¹ hæc Gron. Crev.

¹⁴ *Relatumque ad senatum est*] Hic contra adjecimus *quod* que, volentibus scriptis nostris omnibus, et uno Hearnii, Andreæque et Campani editionibus. Et sic melius procedit oratio.

¹⁵ *Est et alia de captivis fama*] Vid. quæ de hac re habent Cic. l. III. de Off. n. 113. et A. Gell. l. VII. c. 18.

¹⁶ *Defecere . . . hi populi*] Non simul omnes hi populi defecere, sed quidam statim, quidam post annum, quidam tertio aut quarto post anno. GLAREANUS.

¹⁷ *Surrentini*] Lege cum Gronovio *Sallentini*. Nam Surrentini, qui sunt in Campaniæ ora, debuissent poni post Calatinos. At Sallentini ad Græcorum oram pertinent.

U. C. 536. Romanos fieret; neque ¹⁸ ante consulis Romam adventum,
 A. C. 216. nec postquam is rediit, renovavitque memoriam acceptae
 cladis. quo in tempore ipso adeo magno animo civitas fuit,
 ut consuli, ex tanta clade, cujus ipse causa maxima fuisset,
 redeunti, et obviam itum frequenter ab omnibus ordinibus
 Varroni ob- sit, et gratiae actae, quod de republica non desperasset: cui;
 viam itum, et gratiae ¹⁹ si Karthaginensium ductor fuisset, nihil recusandum sup-
 et gratiae actae. plicii foret.

¹⁸ *Ante consulis Romam adventum]*
 Olim Romani. Correxerit Sigonius; et
 firmat unus e regis codd.

¹⁹ * *Si Carthaginensium ductor*
fuisset] Mira fuit Carthaginensium

in duces suos acerbitas, quos in cru-
 cem tollere soliti erant, non modo si
 culpa sua victi fuissent, sed etiam si
 prospero eventu, pravo consilio, rem
 gessissent.

EPITOME LIBRI XXIII.

CAMPANI ad Hannibalem defecerunt. Nuncius Cannensis victoriae Mago Karthaginem missus annulos aureos, a digitis occisorum Romanorum detractos, in vestibulo curiae effudit: quos excessisse modii mensuram traditur. Post quem nuncium Hanno, vir ex Pœnis nobilissimus, suadebat senatui Karthaginensium, ut pacem a populo Romano peterent: nec tenuit, obstrepente Barcina factione. Claudius Marcellus prætor ad Nolam, eruptione adversus Hannibalem ex oppido facta, prospere pugnavit. Exercitus Hannibalis per hiberna Capuæ ita luxuriatus est, ut corporum viribus atque animorum enervaretur. Casilinum, a Pœnis obsessum, ita fame vexatum est, ut lora et pelles scutis detractas, item mures, essent; et nucibus, per Vulturum amnem a Romanis missis, vixerint. Senatus ex equestri ordine hominibus centum nonaginta septem suppletus est. L. Postumius prætor a Gallis cum exercitu cæsus est. Cn. et P. Scipiones in Hispania Hasdrubalem vicerunt, et Hispaniam suam fecerunt. Reliquiae Cannensis exercitus in Siciliam relegatæ sunt; ¹ ne recederent inde, nisi finito bello. Inter Philippum Macedonum regem et Hannibalem societas juncta est. Sempronius Gracchus consul Campanos cecidit. Præterea in Sardinia feliciter a T. Manlio prætore adversus Pœnos Sardosque res gestas continet: a quo Hasdrubal dux, et Mago, et Hanno capti. ² Claudius Marcellus prætor Hannibalis exercitum ad Nolam prælio fudit et vicit: primusque tot cladibus fessis Romanis meliorem spem belli dedit.

¹ *Ne recederent inde*] Melius decederent: quod monet Pithæus apud Hearnium.

² *Claudius Marcellus prætor Annibalis exercitum*] Hæc secunda memoratur in hac epitome Marcelli adversus Annibalem ad Nolam pugna, de qua agit Livius c. 44. et seqq. Eo autem tempore non jam prætor erat Marcellus, sed proconsul, ut constat

ex capp. 30. et 32. Præterea in priorem potius Marcelli de Annibale victoriam, quam in hanc, cadere debet id quod additur in fine hujus epitomes, primum Marcellum Romanis meliorem spem belli dedisse. Confer Liv. infra, c. 16. Itaque hic aliquid vel ab ipso epitomarum concinnatore, vel a librarlis peccatum esse videtur.

T. LIVII PATAVINI

LIBER XXIII.

U. C. 536.
A. C. 216.
Hannibali
Compsa
traditur.

Neapolim
petit.

Conspec-
tam obpug-
nare non
audet.

¹ HANNIBAL, post Cannensem pugnam, castra capta ac direpta, confestim ex Apulia in Samnium moverat: ² accitus in Hirpinos a Statio, pollicente se Compsam traditurum. Compsanus erat Trebius nobilis inter suos: sed premebat eum Mopsiorum factio, familiae per gratiam Romanorum potentis. Post famam Cannensis pugnae, vulgatumque Trebii sermonibus adventum Hannibalis, quum ³ Mopsiani urbem ^a excessissent; sine certamine tradita urbs Poeno, praesidiumque acceptum est. Ibi praeda omni atque impedimentis relictis, exercitu partito, Magonem regionis ejus urbes, aut deficientes ab Romanis accipere, aut detrectantes cogere ad defectionem jubet. ipse per agrum Campanum mare inferum petit, obpugnaturus Neapolim, ut urbem maritimam haberet. Ubi fines Neapolitanorum intravit, Numidas partim in insidiis, (et pleraeque cavae sunt viae, sinusque occulti) quacumque apte poterat, disposuit: alios, praese actam praedam ex agris ostentantes, obequitare portis jussit. in quos, quia nec multi, et incompositi videbantur, quum turma equitum erupisset, ab cedentibus consulto tracta in insidias, circumventa est: nec evasisset quisquam, nisi mare propinquum, et haud procul litore naves piscatoriae pleraeque conspectae peritis nandi dedissent effugium. Aliquot tamen eo proelio nobiles juvenes capti caesique sunt: inter quos et Hegeas praefectus equitum, intemperantius cedentes secutus, cecidit. Ab urbe obpugnanda Poenum ab-

^a urbe Gron. Crev.

¹ *Annibal post Cannensem pugnam, castra capta ac direpta*] Omnes scripti, tam Gronoviani, quam nostri, *Hæc Annibal*. Iidem ignorant vocem *castra*, praeter unum Victorinum, qui eam exhibet loco *cū capta*. Gronovius, scriptae lectionis vestigiis insistens, legendum censet: *Æcis Annibal post Cannensem pugnam captis ac direptis*. *Æce* Apulorum est oppidum, quod oppugnatur, et capitur a Fabio consule, infra l. XXIV. c. 20.

² *Accitus in Hirpinos a Statio*] Idem infra *Trebius* vocatur, ut nomen

integrum fuerit *Statius Trebius*. Et hic facile crediderimus cum Gronovio, scripsisse Livium *a Statio Trebio*. Est enim *Statius* praenomen Italicum.

³ *Mopsiani*] Olim *Compsani*. Quod quum evidenter vitiosum sit, (utraque enim factio Compsani erant) subjecit Gronovius *Mopsiani*, id est, Mopsiorum factio. Sed et mox omnes nostri libri praeferrunt *urbem excessissent*, non *urbe*, ut in editis vulgo legitur. Et saepe illud maluit Livius.

sterruere conspecta mœnia, haudquaquam prompta obpug- U. C. 536.
nanti. A. C. 216.

II. Inde Capuam flectit iter, ⁴ luxuriantem longe felicitate It Capuam.
atque indulgentia fortunæ, maxime tamen, inter corrupta
omnia, licentia plebis sine modo libertatem exercentis. Se-
natum et sibi et plebi obnoxium Pacuvius Calavius fecerat; Pacuvii Ca-
nobilis idem ac popularis homo, ceterum malis artibus nanc- lavii fraus.
tus opes. is quum eo forte anno, quo res male gesta ad Tra-
simenum est, in summo magistratu esset, jam diu infestam
senatui plebem, ratus, per occasionem novandi res, magnum
ausuram facinus, ut, si in ea loca Hannibal cum victore ex-
ercitu venisset, trucidato senatu traderet Capuam Pœnis;
inprobus homo, sed non ad extremum perditus, quum mal-
let incolumi, quam eversa, republica dominari; nullam au-
tem incolumem esse orbatam publico consilio crederet, ratio-
nem iniit, qua et senatum servaret, et obnoxium sibi ac plebi
faceret. ⁵ Vocato senatu, quum, sibi defectionis ab Roma-
nis consilium placitum nullo modo, nisi necessarium fuis-
set, præfatus esset; *quippe qui liberos ex Ap. Claudii filia* Senatum
haberet, filiamque Romam nuptum Livio dedisset; ceterum claudit in
majorem multo rem magisque timendam instare. Non enim curia.
per defectionem ad tollendum ex civitate senatum plebem spec-
tare, sed per cædem senatus vacuum rempublicam tradere Han-
nibali ac Pœnis velle. Eo se periculo posse liberare eos, si se
permittant sibi, et, certaminum in republica obliti, credant.
Quum omnes victi metu permitterent; *Claudam in curia*
vos, inquit, et, tamquam et ipse cogitati facinoris particeps, ad-
probando consilia, quibus nequidquam adversarer, viam saluti
vestræ inveniam. In hoc fidem, quam vultis ipsi, accipite.
Fide data egressus, claudi curiam, jubet, præsidiumque in
vestibulo reliquit; ne quis adire curiam injussu suo, neve
inde egredi possit.

III. Tunc vocato ad concionem populo, ⁶ *Quod sæpe, in-* Populo tol-
quit, optastis, Campani, ut supplicii sumendi vobis ex inprobo lendi sena-
ac detestabili senatu potestas esset; eam nunc, non per tumult- tus potesta-
tum expugnantes domos singulorum, quas præsidiis clientium tem facit.
servorumque tuentur, cum summo vestro periculo, sed tutam ha-
betis ac liberam. Clausos omnes in curiam accipite, solos, iner-

⁴ *Luxuriantem*] Verbo *luxuriari*
exprimuntur omnia vitia quæ ex otio
nimiaque copia nascuntur, deliciæ,
superbia, contemptus legum, &c.

⁵ *Vocato senatu, quum . . præfatus*
esset] Transilienda est tota Pacuvii
oratiuncula, quæ sequitur, ut inve-
niatur verbum finiti modi, nempe, *in-*
quit, in quo quiescat oratio, quæ hic
incipit. Vid. supra l. XXII. c. 18.

⁶ *Quod sæpe optastis . . ut . . vobis . .*
potestas esset, eam nunc] Eam potes-
tatem. Hic, ut sæpe alias, attendit
magis ad sensum, quam ad verba Li-
vius. Quum enim in priore orationis
membro reperiatur *quod*, consequens
videretur, ut alteri membro præfige-
retur *id*, non *eam*. Non absimile ex-
emplum vid. supra l. IV. c. 4.

U. C. 596.
A. C. 216.

Dummodo
novus sena-
tus coopte-
tur.

Hæret po-
pulus in
novis eli-
gendis se-
natoribus.

Senatus li-
beratur.

*mes: nec quidquam raptim, aut forte temere egeritis. de singu-
lorum capite vobis jus sententiæ dicendæ faciam, ut, quas quisque
meritus est, pœnas pendat. Sed ante omnia ita vos iræ indulgere
oportet, ut potioŕem ira salutem atque utilitatem vestram habe-
atis. etenim hos (ut opinor) odistis senatores; non senatum om-
nino habere non vultis. quippe aut res, (quod abominandum)
aut, quod unum liberæ civitatis consilium est, senatus habendus
est. Itaque duæ res simul agenda sunt vobis, ut et veterem se-
natum tollatis, et novum cooptetis. Citari singulos senatores
jubebo, de quorum capite vos consulam. quod de quoque censue-
ritis, fiet. Sed prius in ejus locum virum fortem ac strenuum
novum senatorem cooptabitis, quam de noxio supplicium suma-
tur. Inde consedit, et, nominibus in urnam conjectis, cita-
ri, quod primum sorte nomen excidit, ipsumque e curia
produci jussit. Ubi auditum est nomen, malum et impro-
bum pro se quisque clamare, et supplicio dignum. Tum
Pacuvius, *Video, quæ de hoc sententia sit data*^b. ⁷ *Eligite pro
malo atque improbo bonum senatorem et justum*^c. Primo si-
lentium erat inopia potioris subjiciundi; deinde, quum ali-
quis, omiſsa verecundia, quempiam nominasset, multo ma-
jor extemplo clamor oriebatur, quum alii negarent nosse;
alii nunc probra, nunc humilitatem sordidamque inopiam,
et pudendæ artis aut quæstus genus, objicerent. Hoc multo
magis in secundo ac tertio citato senatore est factum^d: ut
ipsius poenitere homines adpareret; quem autem in ejus
substituerent locum, deesse. quia nec eosdem nominari adi-
nebat, nihil aliud quam ad audienda probra nominatos, et
multo humiliores obscurioresque ceteri erant eis, qui primi
memoriæ obcurrerant. Ita dilabi homines, notissimum
quodque malum maxime tolerabile dicentes esse, jubentes-
que senatum ex custodia dimitti.*

IV. Hoc modo Pacuvius quum obnoxium vitæ beneficio
senatum multo sibi magis, quam plebi, fecisset, sine armis,
jam omnibus concedentibus, dominabatur. Hinc senatores,
omissa dignitatis libertatisque memoria, ⁸ plebem adulari,
salutare, benigne invitare, adparatis accipere epulis, eas
causas suscipere, ei semper parti adesse, ⁹ secundum eam,

^b quæ sententia de hoc sit data. Ejicitur—improbo. Bonum—eligite. Gron.
^c quæ sententia de hoc sit data. Ejicitur. Pro—justum eligite. Crev. ^d fac-
tum est Gron. Crev.

⁷ Ejicitur. Pro malo atque im-
probo bonum . . . eligite] Hic magna
est in scriptis varietas, quæ aliquid
mendii arguere videatur. Sententia
tamen clara est. Gronovio multa
molienti hactenus obsecuti sumus ut
interpunctionem mutaremus: quum
vulgati sic distinguant, *ejicitur pro
malo atque improbo. Bonum . . .*

⁸ Plebem adulari] Vulgo *adſari*.
Optimus codex *aduari*. Hinc factum
est *adulari*.

⁹ Secundum eam litem judices da-
re] Dabant, assignabant judices pro-
nos ad favendum ei litigatori, qui ma-
gis acceptus populo esset. Apud Cam-
panos nimirum, quemadmodum et a-
pud Romanos, magistratus judicem li-

litem iudices dare, quæ magis popularis aptiorque in vulgus U. C. 536.
 favori conciliando esset. Jam vero nihil in senatu actum A. C. 216.
 aliter, quam si plebis ibi esset concilium. Prona semper
 civitas in luxuriam, non ingeniorum modo vitio, sed adflu-
 enti copia voluptatum, et inlecebris omnis amœnitatis ma-
 ritimæ terrestrique; tum vero ita obsequio principum et
 licentia plebei lascivire, ut nec libidini nec sumtibus modus
 esset. ad contemptum legum, magistratum, senatus, acces-
 sit tum, post Cannensem cladem, ut, cujus aliqua erat vere-
 cundia, Romanum quoque imperium spernerent. id modo
 erat in mora, ne extemplo deficerent, quod connubium ve-
 ustum multas familias claras ac potentes Romanis miscu-
 erat: ¹⁰ et quod, quum militarent aliquot apud Romanos
 maximum vinculum erant trecenti equites, nobilissimus
 quisque Campanorum, in præsidia Sicularum urbium delecti
 ab Romanis ac missi.

V. Horum parentes cognatique ægre pervicerunt, ut le-
 gati ad consulem Romanum mitterentur. Ii, nondum Ca-
 nusium profectum, sed Venusiæ cum paucis ac semiermibus
 consulem invenerunt, quam poterat maxime miserabilem
 bonis sociis; superbis atque infidelibus, ut erant Campani,
 spernendum. Et auxit rerum suarum suique contemptum
 consul nimis detegendo cladem nudandoque. Nam quum
 legati, ægre ferre senatum populumque Campanum, adversi
 quidquam evenisse Romanis, nunciassent, pollicerenturque
 omnia, quæ ad bellum opus essent; *Morem magis, inquit*, ^{Legati Campanorum ad Cos. Rom.}
loquendi cum sociis servastis, Campani, jubentes, quæ opus essent
ad bellum, imperare, quam convenienter ad præsentem fortu-
nae nostræ statum locuti estis. Quid enim nobis ad Cannas re-
lictum est, ut, quasi aliquid habeamus, id, quod deest, expleri
ab sociis velimus? Pedites vobis imperemus, tamquam equites
habeamus? pecuniam deesse dicamus, tamquam ea tantum de-
sit? ^{Responsum consulis.} ¹¹ *Nihil, ne quod suppleremus quidem, nobis reliquit for-*
tuna. legiones, equitatus, arma, signa, equi virique, pecunia,
compeatus, aut in acie, aut binis postero die amissis castris pe-
rierunt. Itaque non juvetis nos in bello oportet, Campani, sed
pene bellum pro nobis suscipiatis. Veniat in mentem, ut tre-

• *Morem, inquit, magis* Gron. Crev.

tigantibus dabat, non ipse per se con-
 troversias, saltem plerasque, cognos-
 cebat. Hinc illæ loquendi formulæ,
ferre judicem, dicere judicem, de qui-
 bus vid. not. 4. ad c. 24. l. III. Aliter
 tamen Grönovius hunc locum expo-
 nit: *iudices*, qui scilicet erant e se-
 natoribus, *dabant litem secundum eam*
 partem, id est, litis victoriam ei parti
 dabant, *quæ magis popularis . . . esset.*

10 *Et quod . . . maximum vinculum*
erant] Supervacaneum omnino vide-
 tur illud *quod*, et inelegans.

11 *Nihil, ne quod suppleremus qui-*
dem] Nihil nobis reliquit fortuna, ne
 quod expleremus quidem et abolve-
 remus. Id enim solum expleri potest,
 cujus saltem aliquod habetur initium.
 At nihil omnino Romanis superesse
 affirmat Varro.

U. C. 536. *pidos: quondam majores vestros intra mœnia compulsos, nec*
 A. C. 216. *Samnitē modo hostem, sed etiam Sidicinum paventes, receptos*
*in fidem*¹² *apud Saticulam defenderimus, cœptumque propter*
*vos cum Samnitibus bellum*¹³ *per centum prope annos, variante*
fortuna eventum, tulerimus. Adjicite ad hæc, quod fœdus æquum
¹⁴ *deditis, quod leges vestras, quod ad extremum (id quod*
ante Cannensem certē cladem maximum fuit) civitatem nostram
magnæ parti vestrū dedimus; communicavimusque vobiscum.
Itaque communem vos hanc cladem, quæ accepta est, credere,
Campani, oportet, communem patriam tuendam arbitrari esse.
Non cum Samnite aut Etrusco res est, ut, quod a nobis ablatum sit,
in Italia tamen imperium maneat. Pœnus hostis, ne
Africæ quidem indigenam, ab ultimis terrarum oris, freto Oceani
*Herculisque columnis,*¹⁵ *expertem omnis juris et conditionis*
et linguæ prope humanæ, militem trahit. Hunc, natura et
*moribus inmitem ferumque, insuper dux ipse efferavit,*¹⁶ *ponti-*
bus ac molibus ex humanorum corporum strue faciendis, et
*(quod proloqui etiam piget)*¹⁷ *vesci humanis corporibus docen-*
do. Hos, infandis pastos epulis, quos contingere etiam nefas
sit, videre atque habere dominos, et ex Africa et a Karthagine
jura petere, et Italiam Numidarum ac Maurorum pati provin-
ciam esse, cui non, genito modo in Italia, detestabile sit? Pul-
chrum erit, Campani, prolapsū clade Romanum imperium
vestra fide, vestris viribus retentum ac recuperatum esse. Tri-
ginta millia peditum, quatuor equitum arbitror ex Campania
¹⁸*scribi posse. jam pecuniæ adfatim est frumentique. Si parem*

12 * *Apud Saticulam defenderimus]* Hoc narratum a Livio est, VII. 34—36.

13 *Per centum prope annos]* Sic et infra c. 42. Samnites Annibali dicunt se per centum prope annos cum populo Romano bellum gessisse. Verius tamen est, quod XXXI. 31. ab legato Romano dicitur, id bellum per septuaginta prope annos gestum esse. Cœptum enim est anno u. c. 412. peractum anno 480. Itaque per novem et sexaginta annos gestum est.

14 *Deditis]* Vobis qui in ditionem nostram vestra omnia vosque ipsos dedideratis; ac proinde non tam socii, quam subjecti imperio nostro haberi poteratis. Vid. supra VII. 31. Ceterum olim hic editi præferebant *dedimus*. Scripti *dedistis*: unde Gronovius emendavit *deditis*. Recte omnino.

15 * *Expertem omnis juris et conditionis et linguæ prope humanæ]* Qui nec jura gentium novit, nec pacta

naturalia, quibus humana societas continetur; vix humanæ linguæ particeps est.

16 *Pontibus ac molibus ex humanorum corporum strue faciendis]* Val. Max. l. IX. c. 2. memorat Annibalem in Vergello corporibus Romanis ponte facto exercitum traduxisse. Vergellus torrens est, sive amniculus prope Cannas, solo illo cadaverum ponte memorabilis.

17 *Vesci humanis corporibus]* Huic criminationi ansam dedit Annibal Monomachus, unus ex amicis Annibalis, qui ambigenti duci, quonam modo commeatus expediret per longum et infestum ab Hispania in Italiam iter, suasit ut milites doceret humanis corporibus vesci. Ceterum Annibal id consilium ad animum admittere non potuit. Vid. Polyb. in Excerptis de virtutibus et vitis, l. IX.

18 *Scribi posse]* Sic merito Lipsius pro scripsisse.

fortunæ vestræ fidem habetis; nec Hannibal se vicisse sentiet, nec Romani victos esse. U. C. 536.
A. C. 216.

VI. ¹⁹ Hac oratione consulis dimissis redeuntibusque domum legatis, unus ex iis, Vibius Virrius ^f, *Tempus venisse, ait, quo Campani non agrum solum, ab Romanis quondam per injuriam ademptum, recuperare, sed imperio etiam Italiae potiri possint. Fœdus enim cum Hannibale, quibus velint legibus, facturos. neque controversiam fore, quin, quum ipse confecto bello Hannibal victor in Africam decedat, exercitumque deportet, Italiae imperium Campanis relinquatur.* Hæc Virrio loquenti adsensi omnes, ita renunciant legationem, uti deletum omnibus videretur nomen Romanum. Extemplo Campani ad plebes ad defectionem ac pars major senatus spectare. extracta tamen, auctoritatibus seniorum, per paucos dies est res: postremo vicit sententia plurium, ut iidem legati, qui ad consulem Romanum ierant, ad Hannibalem mitterentur. Quo priusquam iretur, certumque defectionis consilium esset, Romam legatos missos a Campanis, in quibusdam annalibus invenio, postulantes, ut alter consul Campanus fieret, si rem Romanam adjuvari vellent. indignatione orta, submoveri a curia jussos esse: missumque lictorem, qui ex urbe educeret eos, atque eo die manere extra fines Romanos juberet. Quia nimis compar ²⁰ Latinorum quondam postulatio erat, Coeliusque et alii id haud sine causa prætermiserant scriptores, ²¹ ponere pro certo sum veritus.

VII. Legati ad Hannibalem venerunt, pacemque cum eo ²² conditionibus fecerunt: *Ne quis imperator magistratusve Pœnorum jus ullum in civem Campanum haberet, neve civis Campanus invitus militaret, munusve faceret. ut suæ leges, sui magistratus Capuæ essent. ut trecentos ex Romanis captivis Pœnus daret Campanis, quos ipsi elegissent; cum quibus equitum Campanorum, qui in Sicilia stipendia facerent, permutatio fieret.* Hæc pacta: illa insuper, quam quæ pacta erant, facinora Campani ediderunt. nam ²³ præfectos socium civesque Romanos alios, partim aliquo militiae munere occupatos, partim privatis negotiis implicitos,

^f Virius Gron. Crev.

¹⁹ *Hac oratione . . . dimissis]* Lege Ab hac.

²⁰ * *Latinorum postulatio]* Vid. supra l. VII. capp. 4. et 5.

²¹ * *Ponere pro certo sum veritus]* Cicero tamen rem affirmat, Agr. II. n. 95.

²² *Conditionibus]* Hæc vox sic nude posita exprimit fœdus certis legibus factum, non ita ut hi se permittant illius arbitrio.

²³ *Præfectos socium, civesque Ro-*

manos alios] Hinc patet præfectos socium, qui in sociali exercitu eundem honoris ac potestatis gradum tenebant, quem in legione tribuni militum, cives Romanos fuisse. Hoc idem probare videntur nomina præfectorum, quæ interdum occurrunt apud Livium, quæ quidem plane sunt Romana. Sic l. XXVII. c. 26. nominantur *duo præfecti socium, L. A. rennius, et M. Aulius*: et eodem l. c. 41. *P. Claudius*.

U. C. 536. plebs repente omnes comprehensos, velut custodiae causa,
 A. C. 216. balneis includi jussit: ubi, fervore atque aestu anima inter-
 clusa, foedum in modum expirarent. Ea ne fierent, neu
 Decius Ma- legatio mitteretur ad Pœnum, summa ope Decius Magius,
 gius adver- vir cui ad summam auctoritatem nihil, præter sanam civium
 satur Pœ- mentem, defuit, restiterat. ut vero præsidium mitti ab Han-
 nis. nibale audivit, ²⁴ Pyrrhi superbam dominationem, miserabi-
 lemque Tarentinorum servitutem, exemplâ referens, primo,
 ne reciperetur præsidium, palam vociferatus est: deinde, ut
 receptum aut ejiceretur, aut, si malum facinus, quod a ve-
 rustissimis sociis consanguineisque defecissent, forti ac me-
 morabili facinore purgare vellent, ut, interfecto Punico
 præsidio, restituerent se Romanis. Hæc (neque enim oc-
 culte agebantur) quum relata Hannibali essent, primo misit,
 Vocatus ab Hannibale negat se iturum. qui vocarent Magium ad sese in castra: deinde, quum is
 ferociter negasset se iturum, (nec enim Hannibali jus esse
 in civem Campanum) concitatus ira Pœnus, comprehendi
 hominem, vinctumque adtrahi ad se jussit. veritus deinde,
 ne quid inter vim tumultus, atque ex concitatione animo-
 rum inconsulti certaminis oriretur, ipse, præmisso nuncio
 ad Marium Blossium prætorem Campanum, postero die se
 Caputæ futurum, proficiscitur e castris cum modico præsi-
 dio. Marius concione advocata edicit, ut frequentes cum
 conjugibus ac liberis obviam irent Hannibali. Ab universis
 id non obedienter modo, sed enise, favore etiam vulgi, et
 studio visendi tot jam victoriis clarum imperatorem, factum
 Decii Magii est. Decius Magius nec obviam egressus est, nec, quo timo-
 constantia. rem aliquem ex conscientia significare posset, privatim se
 tenuit: in foro cum filio clientibusque paucis otiose inam-
 bulavit, trepidante tota civitate ad excipiendum Pœnum
 visendumque. Hannibal, ingressus urbem, senatum exem-
 plo postulat, precantibusque inde primoribus Campanorum,
 ne quid eo die seriæ rei gereret, diemque ut ipse adventu
 suo festum lætus ac libens celebraret; quamquam præ-
 ceptis ingenio in iram erat, tamen, ne quid in princi-
 pio negaret, visenda urbe magnam diei partem consum-
 sit.

VIII. Deversatus ^c est apud ²⁵ Ninnios ^b Celeres, Stenium
 Pacuviumque, inclitos nobilitate ac divitiis. Eo Pacuvius
 Calavius, de quo ante dictum est, princeps factionis ejus,

^c *Diversatus* Gron. Crev.

^b *Minios* Ead.

²⁴ *Pyrrhi superbam dominationem*] Pyrrhus a Tarentinis accitus in Italiam, illorum licentiam severa disciplina coercuit, atque etiam domum potius quam socium egit. † Vide Plut. in Pyrrho.

²⁵ *Minios Celeres*] Legit Gronovius

e scriptis *Ninnios*. Ceterum de toto hoc loco qui Perollam spectat, operæ pretium est legere c. 4. l. IV. Observ. Gronovii, ubi mirari licebit acutissimi hominis sagacitatem in eruenda e MSS. multum sæpe deformatis vera Livii scriptura.

quæ traxerât rem ad Poebos, filium juvenem adduxit, abs- U. C. 536.
tractum abs Decii Magii latere, cum quo ferocissime pro A. C. 216.
Romana societate adversus Punicum foedus steterat; nec
eum aut inclinata in partem alteram civitas, aut patria ma-
jestas sententia depulerat. Huic tum pater juveni Hanni- Pacuvius
balem deprecando magis, quam purgando, placavit, victus- veniam im-
que patris precibus lacrimisque etiam ad coenam eum cum petrat filio
patre vocari jussit: cui convivio neminem Campanum, suo Perol-
præterquam hospites, Jubelliumque Tauream, insignem bello. læ.
lo virum, adhibiturus erat. ²⁶ Cœperunt epulari de die, et
convivium non ex more Punico, aut militari disciplina esse;
sed, ut in civitate atque etiam domo luxuriosa, omnibus vo-
luptatum inlecebris instructum. Unus nec dominorum in-
vitatione, nec ipsius interdum Hannibalis, Calavii filius Pe-
rolla ²⁷ vinci potuit; ipse valetudinem excusans, patre ani-
mi quoque ejus ²⁸ haud mirabilem interturbationem caussan-
te. Solis ferme occasu patrem Calavium, ex convivio egres-
sum, secutus filius, ubi in secretum (hortus erat posticis
ædium partibus) pervenerunt, *Consilium*, inquit, *adfero, pa-* Perolla oc-
ter, quo non veniam solum ²⁹ *peccati, quod* ¹ *defecimus ad Han-* cisurus
nibalem, impetraturi ab Romanis, sed in multo majore dignitate Hanniba-
et gratia sinus Campani, quam umquam fuimus. Quum mi- lem, rem
rabundus pater, *quidnam id esset consilii*, quæreret; toga re- significat
jecta ab humero, latus subcinctum gladio nudat: *Jam ego,* patri.
inquit, sanguine Hannibalis sanciam Romanum foedus. te id
prius scire volui, si forte abesse, dum facinus patratur, mallets.

IX. Quæ ubi vidit audivitque senex, velut si jam agen- Dehortatur
dis, quæ audiebat, interesset, amens metum, *Per ego te,* in- eum pater.
quit, *fili, quæcumque jura liberos jungunt parentibus, precor*
quæsoque, ne ante oculos patris ³⁰ *facere et pati omnia infanda*
velis. Paucae horæ sunt, intra quas jurantes per quidquid De-
orum est, dextræ dextras jungentes, fidem obstrinximus, ³¹ *ut sa-*

¹ quo Gron. Crev.

²⁶ *Cœperunt epulari de die*] Quum multum adhuc diei superesset. Hoc notat Livius, tanquam parum severum et sobrium. Legitima enim convivii hora apud veteres erat solis occasus, aut certe decima diei hora. Itaque *partem solido demere de die*, ut loquitur Horatius, luxuriæ esse ridebatur. Vid. Lips. ad c. 2. l. XIV. Annal. Taciti.

²⁷ *Vinci potuit*] Adduci, ut se lætitiæ convivali permitteret.

²⁸ *Haud mirabilem interturbationem*] Ortam scilicet ab Annibalis conspectu, cui se paucas ante horas infensissimum hostem professus erat.

²⁹ *Peccati, quo defecimus ad Anni-*

balem] Unus e nostris codd. plane, ut volebat Gron. *quod defecimus.* Et firmat Liv. supra, c. 7. *Si malum facinus, quod . . defecissent.*

³⁰ * *Facere et pati omnia infanda*] Id facere, quo omnia scelera continentur; pati crudelissima supplicia. Ceterum hujus omnibus numeris absolutæ orationis vim et pulchritudinem singularem egregie exponit, et intuendam ac pene pertractandam præbet Clar. Rollinus, *Traité des Etudes*, T. II. c. 8. §. II. art. 1.

³¹ *Ut sacratas fide manus . . armaremus*] Sic habent optimi MSS. complures, nisi quod præferunt *mansis*, quod mutavit Jac. Gronovius in *ma-*

U. C. 596. *crâtas fidē manus^k, digressi ab conloquio, extemplo in eum ar-*
 A. C. 216. *maremus? Ab hospitali mensa surgis^l, ad quam tertius Cam-*
panorum adhibitus es ab Hannibale, ut eam ipsam mensam
cruentares hospitis sanguine? Hannibalem pater filio meo po-
tui placare, filium Hannibali non possum? Sed sit nihil sanc-
ti, non fides, non religio, non pietas: audeantur infanda, si non
perniciem nobis cum scelere adferunt. Unus adgressurus es
Hannibalem? quid illa turba tot liberorum servorumque? quid
in unum intenti omnium oculi? quid tot dextræ? torpescentne
in amentia illa? Vultum ipsius Hannibalis, quem armati ex-
ercitus sustinere nequeunt, quem horret populus Romanus, tu
sustinebis? et, alia auxilia desint, me ipsum ferire, corpus me-
um obponentem pro corpore Hannibalis, sustinebis? Atqui per
meum pectus petendus ille tibi transfigendusque est. deterreri hic
sine te potius, quam illic vinci. Valeant preces apud te meæ,
 Patri cedit *sicut pro te hodie valuerunt. Lacrimantem inde juvenem*
 Perolla. *cernens, medium complectitur, atque, osculo hærens, non*
ante precibus abstitit, quam pervicit, ut gladium poneret,
fidemque daret, nihil facturum tale. Tum juvenis, Ego qui-
dem, inquit, quam patriæ debeo, pietatem exsolvam patri. tuam
doleo vicem, cui ter proditæ patriæ sustinendum est crimen; se-
mel, quum defectionis ab Romanis; iterum, quum pacis cum
Hannibale fuisti auctor; tertio hodie, quum restituendæ Roma-
nis Capuæ mora atque impedimentum es. Tu, patria, ferrum,
quo pro te armatus,³² hanc arcem defendere volebam, hosti mi-
nime parcens, quando parens extorquet, recipe. Hæc quum
dixisset, gladium in publicum trans maceriam horti abje-
cit: et, quo minus res suspecta esset, se ipse convivio red-
didit.

Hannibal X. Postero die senatus frequens datus Hannibali. ubi
 Dec. Ma- prima ejus oratio perblanda ac benigna fuit, qua gratias
 gium sibi
 dedi postu-
 lat. *k ut sacratis de mensis essemus: — — — armaremur? Gron. l Surgis*
ab h. m. Gron. Crev. paullo post: adhibitus ab H. es Eæd.

mus. Hæc certissima est ac verissi-
 ma hujus loci lectio, quam quo at-
 tentius perpenderis, eo profecto com-
 probabis magis. Vulgo legitur, *ut*
sacratīs de mensis essemus: digressi
ab colloquio . . armaremur? nulla satis
 firma librorum auctoritate, et præter-
 ea ineleganter et iuconcinne. Infra
 enim *hospitalis mensæ* fit mentio: quæ
 repetitio frigida esset, si jam de *sa-*
cratis mensis actum foret. Non est,
 nec ullo pacto esse debet in eo loco
 quem perpendimus de *mensa hospitali*
sermo, sed tantum de eo colloquio
 quo Annibalem pater filio placavit:
 sicque a minoribus ad majora proce-
 dit oratio; quod artificium summa

cura Livius in tota hac oratione ob-
 servavit. * Sensus est: Num ideo fi-
 dem dedimus Annibali, ut jurisju-
 randi religione consecratas manus in
 eum armaremus?

³² *Hanc arcem defendere volebam,*
hosti minime parcens] Hæc inquinata
 sunt, et male assutis centonibus de-
 formata. Unus e nostris codd. *et*
defendere volebam et *parcens* exhibet
 supra lineam ab aliena procul dubio
 manu adjecta. Put. liber, *hanc arcem*
hostrimini: unde Rubenius efficit,
hanc arcem hostium ini. Nimirum
 Perolla non incommode vocat domum
 eam, in qua diversabatur Annibal, *ar-*
cem hostium.

egit Campanis, quod amicitiam suam Romanæ societati præposuissent: et inter cetera magnifica promissa pollicitus, brevi caput Italiæ omni Capuam fore, juraque inde cum ceteris populis Romanum etiam petiturum. Unum esse exsortem Punicæ amicitiae foederisque secum facti, quem neque esse Campanum, neque dici debere, Magium Decium. eum postulare, ut sibi dedatur, ac se præsentem de eo referatur, senatusque consultum fiat. Omnes in eam sententiam ierunt: quamquam magnæ parti et vir indignus ea calamitate, et haud parvo initio minui videbatur jus libertatis. Egressus curia, ³³ in templo magistratus consedit; comprehendique Decium Magium, atque ante pedes destitutum caussam dicere jussit. Qui quum, manente ferocia animi, negaret lege foederis id cogi posse, tum injectæ catenæ, ducique ante lictorem in castra est jussus. Quoad capite aperto est ductus, concionabundus incessit, ad circumfusam undique multitudinem vociferans; *Habetis libertatem, Campani, quam petistis. foro medio, luce clara, videntibus vobis, nulli Campanorum secundus, vinctus ad mortem rapior. Quid violentius Capua capta fieret? Ite obviam Hannibali, exornate urbem, diemque adventus ejus consecrate, ut hunc triumphum de cive vestro spectetis.* Hæc vociferanti, quum moveri vulgus videretur, obvolutum caput est, ociusque rapi extra portam jussus. ita in castra perducitur: extemploque inpositus in navim, et Karthaginem missus; ne, motu aliquo Capuæ ex indignitate rei orto, senatum quoque poeniteret dediti ³⁴ principis: et, ³⁵ legatione missa ad repetendum eum, ne aut negando rem, ³⁶ quam primum peterent, offendendi sibi novi socii; aut tribuendo, habendus Capuæ esset seditionis ac turbarum auctor. Navem Cyrenas detulit tempestas, ³⁷ quæ tum in ditioe regum erant. ibi quum Magius ad statuam ³⁸ Ptolemæi regis confugisset, deportatus a custodibus Alexandriam ad Ptolemæum, ³⁹ quum eum docuisset, contra jus foederis vinctum se ab Hannibale esse, vinculis liberatur; permissumque, ut rediret, seu Romam, seu Capuam mallet. *Nec Magius Capuam sibi tutam dicere; et Romam eo tempore, quo inter Romanos Campanosque bel-*

Magius obducitur in castra Hannib.

Cyrenas adpulsus confugit ad statuam regis.

³³ *In templo magistratus consedit]* In loco, qui juri dicundo destinatus erat, quique ideo *templum* hic vocatur, quod nimirum auguriis consecratus esset. Templum enim est omnis locus auguriis consecratus. Vid. not. 45. ad c. 6. l. I. et not. 19. ad c. 56. l. II.

³⁴ * *Principis]* Unius e principibus Capuæ viris.

³⁵ *Legatione missa]* Si legatio mitteretur ad repetendum eum.

³⁶ *Quam primum peterent]* Malit

Gronovius *primam.*

³⁷ * *Quæ tum in ditioe regum erant]* Quum hæc scriberet Livius, Cyrenæ jamdiu erant in ditioe populi Romani.

³⁸ * *Ptolemæi Regis]* Regnabat tunc in Ægypto Ptolemæus Philopator, a Ptolemæo Lagi filio quartus.

³⁹ *Cum eum docuisset]* Cum legi jussit Gronovius pro *dum*, ita postulante recta loquendi ratione. Ex favet Victor. codex.

U. C. 536. *lum sit, transfugæ magis, quam hospitis, fore domicilium.*
 A. C. 216. *nusquam malle, quam in regno ejus, vivere, quem vindicem
 atque auctorem habeat libertatis.*

Redit a Del-
 phis legatus
 Romanus.

XI. Dum hæc geruntur, ⁴⁰ Q. Fabius Pictor legatus a Delphis Romam rediit, responsumque ex scripto recitavit: ⁴¹ Divi quoque in eo erant, quibus quoque modo supplicaretur. tum, *Si ita faxitis, Romani, vestræ res meliores* ⁴² *facilioresque erunt: magisque ex sententia respublica vestra vobis procedet, victoriaque duelli populi Romani erit. Pythio Apollini, republica vestra bene gesta servataque,* ⁴³ *lucris meritis donum mittitote, deque præda, manubiis, spoliisque honorem habetote,* ⁴⁴ *lasciviam a vobis prohibetote.* Hæc ubi ex Græco carmine interpretata recitavit, tum dixit, se oraculo egressum extemplo his omnibus Divis rem divinam ture ac vino fecisse: jussumque ab templi antistite, sicut ⁴⁵ *coronatus laurea coronâ et oraculum adisset, et rem divinam fecisset; ita coronatum navim adscendere, nec ante deponere eam, quam Romam pervenisset. Se, quæcumque imperata sint, cum summa religione ac diligentia exsecutum; coronam Romæ* ⁴⁶ *in aram^m Apollinis deposuisse.* Senatus decrevit, ut eæ res divinæ supplicationesque primo quoque tempore cum cura fierent. Dum hæc Romæ atque in Italia geruntur, nuncius victoriæ ad Cannas Karthaginem venerat Mago Hamilcaris filius: non ex ipsa acie a fratre missus, sed retentus aliquot dies in recipiendis civitatibus Bruttiorum, ⁴⁷ quæque deficiebant. Is, quum ei senatus datus esset, res gestas in Italia a fratre exponit: ⁴⁸ *Cum*

Mago Karthaginem a fratre missus.

^m ara Gron. Crev.

⁴⁰ Q. Fabius Pictor] Is ipse qui horum temporum scripsit historiam, teste Appiano in bello Annibalico: scriptorum historiæ Romanæ antiquissimus, ut docet Livius, l. I. c. 44. Nec bellum hoc solummodo, sed res gestas populi Romani universas scribendo complexus fuerat.

⁴¹ Divi quoque in eo erant] Recidenda videtur particula quoque, quæ nihil huc pertinet, et facile immigrare potuit ex vicino orationis membro quibus quoque modo supplicaretur. Nisi quis malit, quia plerique scripti habent divinique, legere divi quique, id est, singuli divi.

⁴² Faciliores] Commodiores, fortunatiores. Sic Ter. Adelph. Act. III. Sc. 5. *Quam vos facillime agitis, quam estis maxime potentes, dites, fortunati, nobiles.* Et Plautus Epidico, Act. II. Sc. 2. *Quam facile et quam fortunate evenit illi, obsecro, mulieri!*

⁴³ Lucris meritis] Ex lucris, quæ

promeriti laboribus et certaminibus fueritis.

⁴⁴ Lasciviam a vobis prohibetote] Cavete irreligiosam exultationem in rebus secundis, atque ex ea defm incuriam et contemptum. GRON.

⁴⁵ Coronatus laurea coronâ] Jac. Gronovius observat vocem corona abesse ab uno MS. et recte suspicatur eam additam esse interpretamenti loco. Firmatur hæc conjectura ex hoc loco l. XXVII. c. 37. *Virginum ordinem sequebantur decemviri coronati laurea prætextatique.*

⁴⁶ In aram Apollinis deposuisse] Vulgo in ara. Sed omnes scripti habent in aram: quemadmodum l. I. c. 18. *dextra in caput Nunnæ imposita.*

⁴⁷ Quæ deficiebant] Optimi et complures scripti habent, teste Gronovio, quæque. Quod si admittendum sit, legendum videtur, ut quæque deficiebant.

⁴⁸ Cum sex imperatoribus] Imo

sex imperatoribus eum, quorum quatuor consules, duo dicta- U. C. 536.
tor ac magister equitum fuerint, cum sex consularibus exer- A. C. 216.
citibus acie conflixisse: occidisse supra ducenta millia hos- Exponit res
tium: supra quinquaginta millia cepisse. Ex quatuor con- gestas Han-
sulibus duos occidisse; ex duobus saucium alterum, alterum, nibalis.
toto exercitu amisso, vix cum quinquaginta hominibus effu-
gisse. ⁴⁹ *Magistrum equitum, quæ consularis potestas sit,*
fusum fugatumque: dictatorem, quia se in aciem numquam
commiserit, ⁵⁰ *unicum haberi imperatorem. Bruttios Apu-*
losque, ⁵¹ *partim Samnitium ac Lucanorum defecisse ad Pœ-*
nos. Capuam, quod caput, non Campaniæ modo, sed, post
adfectam rem Romanam Cannensi pugna, Italiæ sit, Han-
nibali se tradidisse. Pro his tantis totque victoriis, verum
esse, grates Deis immortalibus agi haberique.

XII. Ad fidem deinde tam lætarum rerum, effundi in vestibulo curiæ jussit annulos aureos, qui tantus acervus Annuli au-
rei ad mo-
dii mensu-
ram. fuit, ut, metientibus ⁵² dimidium super tres modios explesse, sint quidam auctores. Fama tenuit, quæ propior vero est, haud plus fuisse modio. Adjecit deinde verbis, quo majoris cladis indicium esset, ⁵³ neminem, nisi equitem, atque eorum ipsorum primores, id gerere insigne. Summa fuit orationis, Quo propius spem belli perficiendi sit, eo magis omni ope juvandum Hannibalem esse. procul enim ab domo militiam esse, in media hostium terra. magnam vim frumenti, pecuniæ, absumi: et tot acies, ut hostium exercitus delesse, ita victoris etiam copias parte aliqua minuisse. Mittendum igitur supplementum esse, mittendam in stipendium pecuniam frumentumque tam bene meritis de nomine Punico militibus. Secun- Hannonem
increpat
Himilco. dum hæc dicta Magonis lætis omnibus, Himilco, vir factionis Barcinæ, locum Hannonis increpandi esse ratus, Quid est, Hanno? inquit. etiam nunc poenitet belli suscepit adversus

septem. Ex sequentibus patet Ti. Sempronium hic omitti: quæ sane mirari debet scriptoris nostri indiligentia.

⁴⁹ * *Magistrum equitum, quæ consularis potestas sit*] Observa relativum, quod, duobus nominibus interpositum, sequenti conjungitur: cujus loquendi figuræ et aliud mox exemplum sequitur. *Capuam quod caput . . . Campaniæ . . . sit.*

⁵⁰ * *Unicum imperatorem haberi*] Eximium et excellentem imperatorem existimari. Sic l. VII. c. 1. *vir unicus in omni fortuna*: et c. 12. *unicum ducom*: et VIII. 33. *unico juveni.*

⁵¹ *Partim Samnitium*] Antiquæ pro partem. Hunc archaismum e tri-

bus scriptis arripuit Gronovius: et aliquot exemplis tuetur l. III. Observ. c. 2.

⁵² *Dimidium super tres modios*] Paulo minus tribus modis Parisiensibus.

⁵³ *Neminem, nisi equitem, atque eorum ipsorum primores*] Neminem id insigne gerere, nisi qui equo militaret, et eorum ipsorum primores, eos nempe qui publico equo merebant, ac proprie equites Romani dicebantur. Quum Pœnus homo hic Pœnos senatores alloquatur, mirum videri non debet, quod equites Romanos describebat ambitu verborum potius, quam signet nomine.

U. C. 536.
A. C. 216.
Oratio
Hannonis
de Hanni-
bale.

Romanos? Jube dedi Hannibalem: veta in tam prosperis rebus grates Diis immortalibus agi. audiamus Romanum senatorem in Karthaginensium curia. Tum Hanno: Tacuissem hodie, Patres conscripti, ne quid in communi omnium gaudio, minus lætum quod esset vobis, loquerer. nunc interroganti senatori, pœniteatne me adhuc suscepti adversus Romanos belli, si reticeam, aut superbus, aut ⁵⁴ obnoxius videar: quorum alterum est hominis alienæ libertatis obliti; alterum suæ. Respondeam igitur Himilconi, non desisse pœnitere me belli, neque desitutum ante ⁵⁵ invictum vestrumⁿ imperatorem incusare, quam finitum aliqua tolerabili conditione bellum videro: nec mihi pacis antiquæ desiderium ulla alia res, quam pax nova, finiet. Itaque ista, quæ modo Mago jactavit, Himilconi ceterisque Hannibalis satellitibus jam læta sunt. mihi possunt læta esse, quia res bello bene gestæ, si volumus fortuna uti, pacem nobis æquiores dabunt. nam si prætermittimus hoc tempus, quo magis dare, quam accipere, possumus videri pacem, vereor, ne hæc quoque lætitia ⁵⁶ luxuriet nobis, ac vana evadat. Quæ tamen nunc quoque qualis est? Occidi exercitus hostium: mittite milites mihi. quid aliud rogares, si esses victus? Hostium cepi bina castra, prædæ videlicet plena et comneatum; frumentum et pecuniam date. quid aliud, si spoliatus, si exutus castris esses, peteres? Et, ne omnia ipse mirer, (mihi quoque enim, quoniam respondi Himilconi, interrogare jus fasque est) velim seu Himilco, seu Mago respondeat; quum ad internecionem Romani imperii pugnatum ad Cannas sit, constetque in defectione totam Italiam esse; primum ecquis Latini nominis populus defecerit ad nos? deinde ecquis homo, ex quinque et triginta tribubus, ad Hannibalem transfugerit? Quum utrumque Mago negasset: Hostium quidem ergo, inquit, adhuc nimis multum superest. sed, multitudo ea quid animorum, quidve spei habeat, scire velim.

Disceptatio
cum Mago-
ne.

XIII. Quum, id nescire, Mago diceret; Nihil facilius scitu est, inquit. Ecquos legatos ad Hannibalem Romani miserunt de pace? ecquam denique mentionem pacis Romæ factam esse, adlatum ad vos est? Quum id quoque negasset, Bellum igitur, inquit, tam integrum habemus, quam habuimus, qua die Hannibal in Italiam est transgressus. Quam varia victoria ⁵⁷ priore Punico bello fuerit, plerique, qui me-

ⁿ nostrum Gron.

54 * Obnoxius] Ignobiliter pavens, ut servus nutum domini horret. Sic l. III. c. 39. Obnoxie dictas sententias.

55 Invictum vestrum imperatorem] In voce vestrum sese prodit indignatio et contemptus. Ideo illam auctore Put. libro admisimus. Vulgo nos-

trum.

56 * Luxuriet nobis] Nos vana spectatos destituat.

57 Priore Punico bello] Si hæc sunt a manu Livii, imprudens more Romano Pœnum hominem loquentem facit. CLERICUS.

mineritus, supersumus. numquam terra marique magis pro- U. C. 536.
speræ res nostræ visæ sunt, quam ante consules C. Lutatium et A. C. 216.
A. Postumium fuerunt. Lutatio et Postumio consulibus, de-
victi ad Ægates insulas sumus. Quod si (id quod Dii omen
avertant) nunc quoque fortuna aliquid variaverit; tum pacem
speratis, quum vincemur, quam nunc, quum vincimus, dat ne-
mo? Ego, si quis de pace consulat, seu deferenda hostibus, seu
accipienda, habeo, quid sententiæ dicam: si de iis, quæ Mago
postulat, refertis, nec victoribus mitti adtinere puto, et frus-
trantibus nos ⁵⁸ *falsa atque inani spe multo minus censeo mit-*
tenda esse. Haud multos movit Hannonis oratio. nam et
simultas cum familia Barcina leviolem auctorem faciebat,
et occupati animi præsentis lætitiæ nihil, quo vanius fieret
gaudium suum, auribus admittebant: debellatumque mox
fore, si adniti paullulum voluissent, rebantur. Itaque in-
genti consensu fit senatusconsultum, ut Hannibali quatuor
Numidarum millia in supplementum mitterentur, et qua-
draginta elephantis, et ⁵⁹ *argenti multa talenta.* ⁶⁰ *Dictator-*
que cum Magone in Hispaniam præmissus est, ad condu-
cenda viginti millia peditum, quatuor equitum, quibus ex-
ercitus, qui in Italia, quique in Hispania erant, suppleren-
tur.

XIV. Ceterum hæc, ut in secundis rebus, segniter otio- Romani in-
 seque gesta. Romanos, præter insitam industriam animis, pigre bel-
 fortuna etiam cunctari prohibebat. nam nec consul ulli rei, lum adpa-
 quæ per eum agenda esset, deerat: et dictator M. Junius rant.
 Pera, rebus divinis perfectis, latoque, ut solet, ad populum,
⁶¹ ut equum ascendere liceret, præter duas urbanas legiones,
 quæ principio anni a consulibus conscriptæ fuerant, et ser-
 vorum delectum, cohortesque ⁶² ex agro Piceno et Gallico
 conlectas, ad ultimum prope desperatæ reipublicæ auxi-
 lium, quum honesta utilibus cedunt, descendit, edixitque:
Qui capitalem fraudem ausi, quique ⁶³ *pecuniæ judicati in vin-*
culis essent, qui eorum apud se milites fierent, eos noxa pecunia-
que sese exsolvi jussurum. Ea sex millia hominum Gallicis
spoliis, quæ triumpho C. Flamini translatæ erant, armavit.

⁵⁸ *Falsa atque inani spe]* Sic Gronovius edidit, proxime ad scriptam lectionem. Vulgati olim *falsa atque inani victoria.*

⁵⁹ *Argenti multa talenta]* Videtur legendum *mille talenta* ex c. 32. infra.

⁶⁰ *Dictatorque]* Pænus: sic solent loqui Romani scriptores, * nomina magistratum et imperiorum apud se usitata ad externos quoque populos transferentes.

⁶¹ * *Ut equum ascendere liceret]* Vatabatur prisca lege dictator equum conscendere. Cujus prohibitionis originem et causas inquit Plut. in Fab.

⁶² * *Ex agro . . . Gallico]* Sic dicebatur ager inter Æsim et Rubiconem fluvios, qui quum olim Gallorum Senonum fuisset, postea iis expulsis, populo viritim distributus fuerat.

⁶³ *Pecuniæ judicati]* Vid. not. 55. ad VI. 14.

U. C. 536.
A. C. 216.
Hannibal
Neapolim
frustra ten-
tat.

Nolæ dis-
cordia.

Senatus
Nolanus
vocat Mar-
cellum.

itaque cum viginti quinque millibus armatorum ab urbe proficiscitur. Hannibal, Capua recepta, quum iterum Neapolitanorum animos, partim spe, partim metu, nequidquam tentasset, in agrum Nolanum exercitum traducit: ⁶⁴ et ut non hostiliter statim, quia non desperabat voluntariam deditionem; ita, si morarentur spem, nihil eorum, quæ pati aut timere possent, prætermisurus. Senatus, ac maxime primores ejus, in societate Romana cum fide perstare; plebs novarum, ut solet, rerum atque Hannibalis tota esse; metumque agrorum populationis, et patienda in obsidione multa gravia indignaque proponere animo. neque auctores defectionis deerant. Itaque ubi senatum metus cepit, si propalam tenderent, resisti multitudini concitatæ non posse; ⁶⁵ clam simulando dilationem mali inveniunt. placere enim sibi defectionem ad Hannibalem simulant: quibus autem conditionibus in foedus amicitiamque novam trans-eant, parum constare. Ita spatio sumto, legatos propere ad prætorem Romanum Marcellum Claudium, qui Casilini cum exercitu erat, mittunt, docentque, quanto in discrimine sit Nolana res, agrum Hannibalis esse et Pœnorum, urbem extemplo futuram, ni subveniatur. concedendo plebei senatum, ubi velint, defecturos se, ne deficere præfestinarent, effecisse. Marcellus, conlaudatis Nolanis, eadem simulatione extrahi rem in suum adventum jussit: interim celari, quæ secum acta essent, spemque omnem auxilii Romani. Ipse a Casilino Calatiam petit: atque inde, Vulturno amni^o trajecto, perque agrum Saticulanum ⁶⁶ Trebullanumque^p super Suessulam per montes Nola pervenit.

XV. Sub adventum prætoris Romani Pœnus agro Nolano excessit, et ad mare proxime Neapolim descendit, cupidus maritimi oppidi potiundi, quo cursus navibus tutus ex Africa esset. Ceterum, postquam Neapolim a præfecto Romano teneri accepit, (M. Junius Silanus erat, ab ipsis Neapolitanis adcitus) ⁶⁷ Neapoli quoque, sicut Nola, omis-

^o amne Gron. Crev.

^p Trebrianumque Crev.

⁶⁴ Et, ut non hostiliter statim] Dele supervacaneam voculam et. Favet Victorinus codex, qui omittit ut.

⁶⁵ Clam simulando] Simulare est ostentare aliud quid, quam apud animum tuum sentias. Itaque non clam, sed palam et aperte peragitur id quod simulatur. Hic igitur videtur esse aliquid vitii, præsertim quum MSS. plurimum et a vulgata lectione, et a se invicem dissentiant. Suggestit Gronovius obsecundando, quomodo supra, l. III. c. 35. obsecundando mollire

impetum aggrediuntur.

⁶⁶ Trebrianumque] Gronovianæ editiones habent Trebullanumque ex Cluverii emendatione. Nos veterum editorum et scriptorum lectionem retulimus, quam approbat Holstenius apud Cellar. Geogr. Ant. l. II. c. 9.

⁶⁷ Neapoli quoque, sicut Nola, omissa] Hanc scripturam (quam tenent duo e nostris codicibus, parum admodum abludentibus ceteris, sive quos Gronovius, sive quos ipsi inspeximus) non dubitavimus antepo-

sa⁹, petit Nuceriam. eam quum aliquamdiu circummedisset, U. C. 586.
 sæpe vi, sæpe sollicitandis nequidquam nunc plebe nunc A. C. 216.
 principibus, fame demum in deditionem accepit, pactus, ut Hannibal
 inermes cum singulis abirent vestimentis. deinde, ut qui a Nuceriam
 principio mitis omnibus Italicis, præter Romanos, videri
 vellet, præmia atque ⁶⁸ honores, qui remanerent, ac militare
 secum voluissent, proposuit. Nec ea spe quemquam tenuit.
 dilapsi omnes, ⁶⁹ quocumque hospitia aut fortuitus animi
 inpetus tulit, per Campaniæ urbes, maxime Nola Neapo-
 limque. Quum ferme triginta senatores, ac forte primus
 quisque, Capuam petissent, exclusi inde, quod portas Han-
 nibali clausissent, Cumas se contulerunt. Nuceriæ præda
 militi data est, urbs direpta atque incensa. Nola Mar-
 cellus non sui magis fiducia præsidii, quam voluntate prin-
 cipum, habebat. plebes timebatur, et ante omnes L. Ban-
 tius, quem ⁷⁰ consensus adtentatæ defectionis, ac metus a
 prætore Romano, nunc ad proditionem patriæ, nunc, si ad
 id fortuna defuisset, ad transfugiendum stimulabat. Erat ^{Bantius}
 juvenis acer, et sociorum ea tempestate prope nobilissimus ^{Nolanus}
 eques, seminecem eum ad Cannas in acervo cæsorū cor- ^{propensus}
 porum inventum, curatumque benigne, etiam cum donis ^{in Hanni-}
 Hannibal domum remiserat. ob ejus gratiam meriti rem ^{balem.}
 Nolanam in jus ditionemque dare voluerat Pœno: anxium-
 que eum et sollicitum cura novandi res prætor cernebat.
 Ceterum, quum aut pœna cohibendus esset, aut beneficio
 conciliandus, sibi adsumsisse, quam hosti ademisse, fortem
 ac strenuum maluit socium, adcitumque ad se benigne ad-
 pellat: *Multos eum invidos inter populares habere, inde exis-*
timatu facile esse, quod nemo civis Nolanus sibi indicaverit,
quam multa ejus egregia facinora militaria essent. Sed, qui
in Romanis militaverit castris, non posse obscuram ejus virtu-
tem esse. multos sibi, qui cum eo stipendia fecerint, referre,

⁹ Neapolim quoque sicut Nola non admissus Gron.

nere vulgatæ, Neapolim quoque, sicut Nola, non admissus. Melius enim et aptius cohæret hæc nostra cum iis quæ præcedunt, posteaquam Neapolim a præfecto Romano teneri accepit.

⁶⁸ Honores, qui remanerent ac militare secum voluissent, proposuit] Sic scripti, nisi quod habent remanserant: quod manifesto vitiosum est, debetque mutari in remanerent, vel remanere. Antea legebatur: Honores iis qui remansissent ac militare vellent secum, proposuit. Non raro supprimit in hunc modum pronomina Livius. Sic l. IV. c. 3. Civis Romanus si sit ex plebe, præcisus (ei) consulatus

spes erit? et X. 25. Hodierno et crastino die qui nomina dederitis, (eos) mecum ducam. Et durius longe Plautus, Men. Act. V. Sc. 8. Eripui, homines qui te ferebant sublimem quatuor: id est, qui te homines quatuor sublimem ferebant, iis te eripui. GRONOVIVS.

⁶⁹ Quocumque hospitia] Magis Livianum videretur, quo quemque hospitia, quod recte observat Gronovius. Sic infra, c. 17. qua quemque aut consilium, aut error tulit.

⁷⁰ Consensus attentatæ defectionis] Lege cum Gronovio: conscientia tentatæ defectionis.

U. C. 536. *qui vir esset ille, quæque et quoties pericula pro salute ac dig-*
 A. C. 216. *nitare populi Romani adisset: utique Cannensi prælio non*
prius pugna abstiterit, quam prope exsanguis ruina superinci-
dentium virorum, equorum, armorumque sit obpressus. Ita-
que macte virtute esto, inquit. apud me tibi omnis honos atque
omne præmium erit: et, quo frequentior mecum fueris, senties
eam rem tibi dignitati atque emolumento esse. lætoque juveni
promissis equum eximium dono dat, ⁷¹ bigatosque quingen-
tos quæstorem numerare jubet: lictoribus imperat, ut eum
se adire, quoties velit, patiantur.

Hannibal
ad Nolam.

XVI. Hac comitate Marcelli ferocis juvenis animus adeo
 est mollitus, ut nemo inde sociorum rem Romanam fortius
 ac fidelius juverit. Quum Hannibal ad portas esset, (Nolam
 enim rursus a Nuceria ⁷² moverat castra) plebesque Nolana
 de integro ad defectionem spectaret, Marcellus sub adven-
 tum hostium intra muros se recepit; non castris metuens,
 sed ne prodendæ urbis occasionem nimis multis in eam in-
 minentibus daret. Instrui deinde utrimque acies coeptæ,
 Romanorum pro mœnibus Nolæ, Pœnorum ante castra sua.
 prælia hinc parva inter urbem castraque, et vario eventu
 fiebant: quia duces nec prohibere paucos ⁷³ temere provo-
 cantes, nec dare signum universæ pugnæ volebant. ⁷⁴ In
 hac cotidiana duorum exercituum statione principes Nola-
 norum nunciant Marcello, *Nocturna conloquia inter plebem ac*
Pœnos fieri; statutumque esse, ut, quum Romana acies ⁷⁵ egres-
sa portis iret, impedimenta eorum ac sarcinas diriperent, clau-
derent deinde portas, murosque occuparent, ut, potentes rerum
suarum atque urbis, Pœnum inde pro Romano acciperent.
 Hæc ubi nunciata sunt Marcello, conlaudatis senatoribus
 Nolanis, priusquam aliquis motus intus oriretur, fortunam
 pugnæ experiri statuit. Ad tres portas in hostes versas tri-
 partito exercitum instruxit: impedimenta subsequi jussit:

Marcellus
se prælio
parat.

⁷¹ *rogantes* Gron. Crev.

⁷⁵ *foret* Gron.

⁷¹ *Bigatos quingento*] Vertit
 Plut. in Marc. *πεντακοσίας δραχμας*.
 Drachma autem æquiparatur denario.
 Itaque bigati quingenti efficiunt sep-
 tem marcas nostrates, cum sex unciiis
 et semuncia una. Bigati nimirum
 nihil differebant a quadrigatis, de qui-
 bus supra, XXII. 52. nisi quod hi
 quadrigarum, illi bigarum effigiem
 insculptam gerebant.

⁷² *Moverat castra*] Scripti omnes
movit.

⁷³ *Temere rogantes*] Hoc parum
 clarum est. Cur enim duces non de-
 negarent id quod temere rogarentur?
 In Put. libro invenimus *procantis*: un-
 de videndum est an effici debeat *pro-*

vocantis, sive provocantes. Quum utrim-
 que acies starent in conspectu, pauci
 injussu imperatorum temere interdum
 oppositos sibi hostes provocabant:
 quos prohibere duces non tanti esse
 ducebant.

⁷⁴ *In hac cotidiana*] Optimus co-
 dex *coditia jam*. Inde Gronovius fecit
cotidiana. Sigonius dederat *continua*.
Olim comitiaria.

⁷⁵ *Egressa portis iret*] Vulgo *egres-*
sa portis foret. Sed hoc quod edidi-
 mus, repertum in Put. et Victor. co-
 dicibus, Livianum esse facile persua-
 debimus iis qui vulgarem et plebeium
 sermonem eleganti et exquisito sciunt
 seponere.

calones lixasque et invalidos milites ⁷⁶ vallum ferre. media U. C. 536. porta robor legionum et Romanos equites, duabus circa A. C. 216. portis novos milites levemque armaturam ac sociorum equites statuit. Nolani muros portasque adire vetiti; ⁷⁷ subsidiaque destinata impedimentis data, ne, occupatis proelio legionibus, in ea inpetus fieret. ita instructi intra portas stabant. Hannibali, sub signis (id quod per aliquot dies fecerat) ad multum diei in acie stanti, primo miraculo esse, quod nec exercitus Romanus porta egrederetur, nec armatus quisquam in muris esset. ratus deinde prodita conloquia esse, metuque residues factos, partem militum in castra remittit, jussos propere adparatum omnem obpugnandæ urbis in primam aciem adferre; satis fidens, si cunctantibus instaret, tumultum aliquem in urbe plebem moturam. Dum in sua quisque ministeria discursu trepidat ad prima signa, succeditque ad muros acies, patefacta repente porta, Marcellus signa canere, clamoremque tolli, ac pedites primum, deinde equites, quanto maximo possent inpetu, in hostem erumpere jubet. Satis terroris tumultusque in aciem mediam intulerant, quum duabus circa portis P. Valerius Flaccus et C. Aurelius legati in cornua hostium erupere. Addidere clamorem lixæ calonesque, et alia turba custodiæ impedimentorum adposita, ut paucitatem maxime spernentibus Pœnis ingentis repente exercitus speciem fecerint. Vix equidem ^{Bene rem gerit.} ausim adfirmare, quod quidam auctores sunt, duo millia et octingentos ¹ hostium cæses; ⁷⁸ non plus quingentos Romanum ² amisisse. Sive tanta, sive minor victoria fuit, ingens eo die res, ac nescio, an maxima illo bello gesta sit. ⁷⁹ non vinci enim ab Hannibale vincentibus difficilius fuit, quam postea vincere.

XVII. Hannibal, spe potiundæ Nolæ adempta, quum Acerras recessisset, Marcellus extemplo, clausis portis custodibusque dispositis, ne quis egrederetur, quæstionem in

¹ trecentos Gron. Crev.

² plus uno Romanos Gron.

⁷⁶ * *Vallum ferre*] Ferre plures vallos, quibus si opus esset vallum strui posset. Milites Romani senos septenosque vallos, interdum etiam duodenos tulisse leguntur. Vid. supra III. 27.

⁷⁷ *Subsidiaque destinata impedimentis data*] Data sunt impedimentis subsidia quæ iis erant destinata. Ceterum facile pateremur alterutram harum vocum, sive *data*, sive *destinata*, eliminari.

⁷⁸ *Non plus D.*] Sic clare Put. Et assentitur Plut. in Marcello. Auget quoque idem codex numerum occisorum ex Annibalis exercitu ad duo mil-

lia et DCCC. Sed et, quum scripti habeant mox *Romanorum*, recte videtur Gronovius emendare *Romanum*. Vulgo editi *duo millia et trecentos hostium cæses: non plus uno Romanos amisisse*.

⁷⁹ *Non vinci enim ab Annibale vincentibus*] Hæc si sana sunt, sic exponi debent. Difficilius enim fuit vincentibus, id est, iis qui tunc vicere Marcello duce, non vinci ab Annibale; quam postea vincere. Olim legebatur *vincere solitis*, ubi nunc *vincentibus*. Inde Valla efficiebat vel *vincere solito*, nempe Annibale; vel, *vinci solitis Romanis*.

U. C. 536. foro de iis, qui clam in colloquiis hostium fuerant, habuit:
 A. C. 216. supra septuaginta damnatos prodicionis securi percussit, bonaque eorum jussit publica populi Romani esse: et, summa rerum senatui tradita, cum exercitu omni profectus, supra
 Acerras capit Pœnus. Suessulam castris positis consedit. Pœnus, Acerras primum ad voluntariam deditionem conatus perlicere, postquam obstinatos vidit, obsidere inde atque obpugnare parat. ceterum Acerranis plus animi, quam virium, erat. itaque, desperata tutela urbis, ut circumvallari moenia viderunt, priusquam⁸⁰ continuarentur hostium opera, per intermissa munimenta neglectasque custodias silentio noctis dilapsi, per vias inviaque,⁸¹ qua quemque aut consilium aut error^x tulit, in urbes Campaniæ, quas satis certum erat non mutasse fidem, perfugerunt. Hannibal, Acerris direptis atque incensis, quum a Casilino dictatorem Romanum⁸² legionesque novas acciri^y nunciassent,⁸³ ne quis tam propinquis hostium castris Capuam quoque recurrat, exercitum ad Casilinum ducit. Casilinum eo tempore⁸⁴ quingenti Prænestini habebant, cum paucis Romanis Latinique nominis; quos eodem audita Cannensis clades contulerat: hi, non confecto Præneste ad diem delectu, serius profecti domo, quum Casilinum ante adversæ pugnae famam venissent,⁸⁵ et aliis adgregarent sese Romanis sociisque, profecti a Casilino cum satis magno agmine irent; avertit eos retro Casilinum nuncius Cannensis pugnae. ibi quum dies aliquot, suspecti Campanis timentesque, cavendis ac struendis in vicem insidiis traduxissent,⁸⁶ jamque de Capuæ defectione agi, accipique Hannibalem satis pro certo habuere,⁸⁷ interfectis nocte oppidanis, partem ur-

^x terror Gron.

^y legionesque eminus adspici Crev.

80 * *Continuarentur*] Jungerentur inter se, ita ut nullum jam inter ea spatium pateret ad fugam.

81 *Qua quemque aut consilium, aut error tulit*] Sic supra, 13. *quo quemque hospitia, aut fortuitus animi impetus tulit*. Quod hactenus legebatur, *terror*, minime huc quadrat. Etenim eos etiam *terror* agitabat, qui certo *consilio* sedem sibi legere. Id sensit Gronovius. Sed non satis diligenter inspexerat codicem Put. qui veram lectionem servavit.

82 *Legionesque eminus adspici*] Lipsii conjectura, a Dujatio admissa; quæ quidem non longe abit a scripta lectione quorundam librorum, *minus accipi*. Gronovius ex uno codice affert *legionesque novas acciri*. Sed hoc minus clarum, minusque aptum huic loco visum est, quam Lipsiana emendatio.

83 *Ne quis . . . Capuam quoque re-*

currat] Gronovius emendat ex vestigiis MSS. *Ne quid . . . Capuæ quoque moveretur*.

84 *Quingenti Prænestini*] Notam numeri, quæ in plerisque libris deest, tenet unus e regijs. Ceterum infra c. 19. dicuntur fuisse *quingenti septuaginta*.

85 *Et aliis adgregarent sese*] Put. *adgregantur*. Unde proclive est efficere, *et aliis adgregantibus sese*: quod verum putamus.

86 *Jamque de Capuæ*] Libri magno consensu: *ita de Capuæ*. Lege ut, id est, postquam *de Capuæ defectione agi*. Hanc emendationem postulat verbum quod sequitur, *habuere*.

87 *Interfectis . . . oppidanis*] Ne intellige interfectos oppidanos omnes, sed eos videlicet, qui Pœnis favebant; cum ceteris communi animo consilioque Prænestinos urbem defendisse, ut constat ex c. 19. infra.

bis, quæ cis Vulturnum est, (eo enim dividitur amni) occu- U. C. 536.
pavere. idque præsidium^z Casilini habebant Romani. Ad- A. C. 216..
ditur et Perusina cohors, homines quadringenti sexaginta,
eodem nuncio, quo Prænestini paucos ante dies, Casilinum
compulsi. et satis ferme armatorum ad tam exigua mœnia,
et flumine altera parte cincta, tuenda erat. penuria frumenti,
nimium etiam ut videretur hominum, efficiebat.

XVIII. Hannibal quum jam inde haud procul esset, Casilinum
Hannibal
obpugnat.
Gætulos cum præfecto, nomine Isalca, præmittit: ac primo,
si fiat conloquii copia, verbis benignis ad portas ape-
riendas præsidiumque accipiendum perlicere jubet: si in
pertinacia perstent, rem gerere ac tentare, si qua parte in-
vadere urbem possit. Ubi ad mœnia accessere, quia si-
lentium erat, solitudo visa; metuque concessum barbarus
ratus, moliri portas et claustra refringere parat. quum, pa-
tefactis repente portis, cohortes duæ, ⁸⁸ ad id^a ipsum in-
structæ intus, ingenti cum tumultu erumpunt, stragemque
hostium faciunt. Ita primis repulsis, Maharbal, cum ma-
jore robore virorum missus, nec ipse eruptionem cohor-
tium sustinuit. postremo Hannibal, castris ante ipsa mœnia
obpositis, parvam urbem parvumque præsidium summa vi
atque omnibus copiis obpugnare parat. ac, dum instat la-
cessitque, corona undique circumdatis mœnibus, aliquot
milites et promptissimum quemque, e muro turribusque
ictos, amisit. Semel ⁸⁹ ultro erumpentes agmine elephanto-
rum obposito prope interclusit, trepidosque compulit in ur-
bem, satis multis, ut ex tanta paucitate, interfectis. plures
cecidissent, ni nox prælio intervenisset. Postero die om-
nium animi ad obpugnandum accenduntur; utique post-
quam corona aurea muralis proposita est, atque ipse dux
castelli, plano loco positi, segnem obpugnationem Sagunti
expugnatoribus exprobrabat, Cannarum Trasimenique et
Trebis singulos admonens universosque. Inde vineæ quo-
que cœptæ agi cuniculique: nec ad varios conatus hos-
tium ⁹⁰ aut vis ulla, aut ars deerat. Socii Romanorum
propugnacula adversus vineas statuere, transversis cunicu-
lis hostium cuniculos excipere, et palam et clam cœptis
obviam ire; donec pudor etiam Hannibalem ab incepto
avertit: castrisque communitis, ac præsidio modico inpo-
sito, ne omissa res videretur, in hiberna Capuam concessit. Hannibal it
Capuam in
hiberna.

^z *præsidii* Gron.^a *id* del. Ead.

⁸⁸ *Ad id ipsum*] Admisimus *ad id*,
quod et fecerat. Clericus, volentibus
membris nostris omnibus, et qui-
busdam Gronovii.

⁸⁹ * *Ultro erumpentes*] Quum etiam
non lacesiti erumpere ausi essent.

⁹⁰ *Aut vis ulla, aut ars deerat. So-
cii Romanorum*] Placeret magis cum
Gronovio legere: *aut vis ulla, aut ars
deerat sociis Romanorum. Propugna-
cula . . .*

U. C. 536. Ibi partem majorem hiemis exercitum in tectis habuit, ad-
A. C. 216. versus omnia humana mala sæpe ac diu duratum^b, bonis
inexpertum atque insuetum. itaque, quos nulla mali vice-
rat vis, perdidere nimia bona ac voluptates inmodicæ; ⁹¹ et
eo impensius, quo avidius ex insolentia in eas se merserant.

Conrumpi- Somnus enim, et vinum, et epulæ, et scorta, balineaque,
tur illic ejus et otium, consuetudine in dies blandius, ita enervaverunt
exercitus. corpora animosque, ut magis deinde præteritæ victoriæ
eos^c, quam præsentis tutarentur vires; majusque id pecca-
tum ducis apud peritos artium militarium haberetur, quam
quod non ex Cannensi acie protinus ad urbem Romanam
duxisset. illa enim cunctatio distulisse modo victoriam vi-
deri potuit; hic error vires ademisse ad vincendum. Ita-
que, Hercule, velut si cum alio exercitu a Capua exiret,
nihil usquam pristinæ disciplinæ tenuit. nam et redierunt
plerique scortis impliciti: et, ubi primum sub pellibus ha-
beri cœpti sunt, viaque et alius militaris labor excepit, ti-
ronum modo corporibus animisque deficiebant: et deinde
per omne æstivorum tempus magna pars sine commeati-
bus ab signis dilabebantur: neque aliæ latebræ, quam
Capua, desertoribus erant.

XIX. Ceterum, mitesciente jam hieme, educto ex hiber-
nis milite, Casilinum redit. ubi, quamquam ab obpugna-
tione cessatum erat, obsidio tamen continuata oppidanos
præsidiumque ad ultimum inopiæ adduxerat. Castris Ro-
manis Ti. Sempronius præerat, dictatore auspiciis re-
petendorum causa profecto Romam. Marcellum, et ip-
sum cupientem ferre auxilium obsessis, et Vulturnus amnis
inflatus aquis, et ⁹² preces Nolanorum atque Acerranorum,
tenebant, Campanos timentium, si præsidium Romanum
abcessisset. Gracchus, adsidens tantum Casilino, quia præ-
dictum erat dictatoris, ne quid absente eo rei gereret,
nihil movebat: quamquam, quæ facile omnem patientiam
vincerent, nunciabantur a Casilino. nam et, præcipitasse
se quosdam non tolerantes famem, constabat; et stare in-
ermes in muris, nuda corpora ad missilium telorum ictus
præbentes. Ea ægre patiens Gracchus, quum neque pug-
nam conserere dictatoris injussu auderet, (pugnandum au-
tem esse, si palam frumentum inportaret, videbat) neque

^b *durantem* Gron. Crev.

^c *eos victoriæ* Eæd.

91 * *Et eo impensius*] Et quidem de-
licie eo impensius perdidere Pœnos,
eo graviore exitio evertere Pœnorum
vires, quo avidius in eas se merserant,
propterea quod hactenus erant illa-
rum insueti.

92 *Preces . . Acerranorum*] Supra,

c. 17. Livius memoravit Acerranos
passim diffugisse, urbem direptam at-
que incensam fuisse. Itaque merito
Gronovius hic legendum putat *Avella-
norum*, quæ civitas erat Campaniæ
vicina Casilino.

clam inportandi spes esset, farre, ex agris circa undique U. C. 536. convecto, quum complura dolia complexset, nuncium ad A. C. 216. magistratum Casilinum misit, ut exciperent dolia, quæ Casilinum amnis deferret. Insequenti nocte, intentis omnibus in flu- in doliis per amnem frumentum mittitur. men ac spem ab nuncio Romano factam, dolia medio missa amni defluerunt: æqualiter inter omnes frumentum divisum. Id postero quoque die ac tertio factum est. nocte et mittebantur et perveniebant: eo custodias hostium fallebant. Imbribus deinde continuis citatior solito amnis, transverso vortice dolia inpulit ad ripam, quam hostes servabant. ibi hærentia inter obnata ripis salicta conspiciuntur: nunciatumque Hannibali est, et deinde intentione^d custodia cautum, ne quid falleret Vulturno ad urbem missum. Nuces tamen fusæ ab Romanis castris, quum Noces mittuntur. medio amni ad Casilinum defluerent, cratibus excipiebantur. Casilini lora pellesque mandere conarentur, nec muribus aliove animali abstinerent, et omne herbarum radicumque genus aggeribus infimis muri eruerent; ⁹³ et, quum hostes obarassent, quidquid herbidi terreni extra murum erat, raporum semen injecerunt, ut Hannibal, *Eone usque, dum ea nascantur, ad Casilinum sessurus sum?* exclamaret: et, qui nullam antea pactionem auribus admiserat, tum demum agi secum est passus de redemptione liberorum capitum. ⁹⁴ Septunces auri in singulos pretium convenit. Fide accepta, sese tradiderunt: donec omne aurum persolutum est, in vinculis habiti: tum remissi Cumas cum fide. Id verius est, quam ab equite in abeuntes Hannibali deditur Casilinum. inmisso interfectos. Prænestini maxima pars fuere. ex quingentis septuaginta, qui in præsidio fuerunt, minus dimidium ferrum famesque absumsit: ceteri incolumes Præneste cum prætore suo Manicio (scriba is antea fuerat) redierunt. Statua ejus indicio fuit, Præneste in foro statuta, loricata, amicta toga, velato capite; et tria signa cum titulo lamnæ æneæ inscripto, *Manicum pro militibus, qui Casilini in præsidio fuerint, votum vovisse*. Idem titulus tribus signis in æde Fortunæ positus fuit subjectus.

XX. Casilinum oppidum redditum Campanis est, firmatum septingentorum militum de exercitu Hannibalis præsidio; ne, ubi Pœnus inde abscessisset, Romani obpugnant. Prænestinis militibus senatus Romanus duplex stipendium et quinquennii militiæ vacationem decrevit. civita-

^d interiore Gron.

⁹³ *Et, quum hostes*] Quum Pœni jecerunt.

obarassent quidquid soli herbidi circa murum erat, Prænestini qui Casilinum tuebantur raporum semen eo in-

⁹⁴ *Septunces auri*] Septenæ auri uncie in singulos: uncie nostrates septem cum granis 168.

U. C. 496.
A. C. 216.

Petelini
Romanis
fidi.

Status re-
rum in Si-
cilia.

te quum donarentur ob virtutem, non mutaverunt. Perusi-
norum casus obscurior fama est; quia nec ipsorum monu-
mento ullo est inlustratus, nec decreto Romanorum. Eo-
dem tempore ⁹⁵ Petelinos^c, qui uni ex Bruttiiis manserant in
amicitia Romana, non Karthaginienses modo, qui regionem
oblinebant, sed Bruttii quoque ceteri, ob separata ab se
consilia, obpugnabant. ⁹⁶ Quibus^f quum obsistere malis ne-
quirent Petelini, legatos Romam ad praesidium petendum
miserunt. quorum preces lacrimaeque (in questus enim fle-
biles, quum sibi met ipsi consulere jussi sunt, sese in vesti-
bulo curiae profuderunt) ingentem misericordiam Patribus
ae populo moverunt. consultique iterum ⁹⁷ a M'. Pomponio
praetore Patres, circumspectis omnibus imperii viribus, fate-
ri coacti, nihil jam longinquis sociis in se praesidii esse, re-
dire domum, fideque ad ultimum expleta, ⁹⁸ consulere sibi-
met ipsos in reliquum^g praesenti fortuna jusserunt. Haec
postquam renunciata legatio Petelinis est, tantus repente
maeror pavorque senatum eorum cepit, ut pars profugiendi,
qua quisque posset, ac deserendae urbis auctores essent;
pars, quando deserti a veteribus sociis essent, adjungendi se
ceteris Bruttiiis, ac per eos dedendi Hannibali. Vicit tamen
ea pars, quae nihil raptim nec temere agendum, consulen-
dumque de integro censuit. Re ⁹⁹ laxata^h postero die per mi-
norem trepidationem tenueruntⁱ optimates, ut, convectis
omnibus ex agris, urbem ac muros firmarent.

XXI. Per idem fere tempus literae ex Sicilia Sardinia-
que Romam adlatæ. Priores ex Sicilia T. Otacilii propræ-
toris in senatu recitatæ sunt: ¹ *L. Furium prætorem cum
classe ex Africa Lilybæum venisse: ipsum graviter saucium
in discrimine ultimo vitæ esse. militi et navalibus sociis neque*

^c *Petellinos*. Sic semper. Gron. Crev.
del. Crev.

^h *Relata p. d. p. m. t. re* Ead.

^f *Quibus* del. Gron.

^g *reliquum*

ⁱ *retinuerunt* Gron.

⁹⁵ *Petellinos, qui uni ex Bruttiiis]*
Consentia quoque, quæ Bruttiorum
erat metropolis, in fide manserat, ut
constat ex c. 30. infra.

⁹⁶ *Quibus quum obsistere malis]*
Vulgo editi omittunt *re quibus*. Illud
addidimus ex scriptis.

⁹⁷ *A Manio Pomponio]* Emendatio
Sigonii. Antea *M. Emilio*: male.

⁹⁸ *Consulere sibimetipsos in præsen-
ti fortuna jusserunt]* Gronovius ex op-
timis, ut ipse vult, MSS. edidit, *in re-
liquum præsentis fortuna*: id est, inquit,
in futurum, dum præsens fortuna du-
raret. Nobis vulgata lectio, quam
tuentur vett. editi, et tres e nostris
scriptis, multo expeditior et clarior
visa est.

⁹⁹ *Relata . . re tenuerunt optimates]*

Vulgo *Re laxata . . retinuerunt*. Sed
vix videtur ullus sensus hoc loco erui
posse ex his vocibus *re laxata*. Jam
vero verbum *retinuerunt* haud satis
hic proprium est: cujus loco vetus
Sigonii liber, unus Hearnii codex,
Andreas, Campanus habent *re tenuerunt*. Put. codex pro *re laxata* ha-
bet *relaxa*. Quis dubitet scripsisse
Livium, quomodo edidimus, *Relata
postero die per minorem trepidationem
re, tenuerunt optimates?* Quum rela-
tum de ea re esset postero die, quo
minor jam erat trepidatio, optimates
evicere ut decretum fieret de urbe ad-
versus Pœnos animose defendenda.

¹ *L. Furium prætorem]* Lege *P.
Furium*. Sic enim supra, XXII. 55.
et 57. a Livio nominatur.

stipendium, neque frumentum ad diem dari; neque, unde de- U. C. 586.
tur, esse. Magnopere suadere, ut quam primum ea mittan- A. C. 246.
tur; sibi que, si ita videatur, ex novis prætoribus successorem
mittant. Eademque ferme de stipendio frumentoque ab
 A. Cornelio Mammula propræto ex Sardinia scripta.
 Responsum utrisque, non esse, unde mitteretur. jussique
 ipsi classibus atque exercitibus suis ² consulere. T. Otaci-
 lius, ad unicum subsidium populi Romani Hieronem lega- Hiero adja-
 tos quum misisset, in stipendium, quanti argenti opus fuit, vat Roma-
 et sex mensium frumentum accepit. Cornelio in Sardinia nos.
 civitates sociæ benigne contulerunt. Et Romæ quoque
 propter penuriam argenti ³ triumviri mensarii, rogatione M. Triumviri
 Minucii tribuni plebis, facti, L. Æmilius Papus, qui consul mensarii.
 censorque fuerat, et M. Atilius Regulus, qui bis consul
 fuerat, et L. Scribonius Libo, qui tum tribunus plebis erat.
 Et duumviri creati, M. et C. Atilii, ædem Concordiæ,
 quam L. Manlius prætor voverat, dedicaverunt. Et tres
 pontifices creati, Q. Cæcilius Metellus, et Q. Fabius Ma-
 ximus, et Q. Fulvius Flaccus, in locum P. Scantini de-
 mortui, et L. Æmilii Paulli consulis, et Q. Ælii Pæti, qui
 ceciderant pugna Cannensi.

XXII. Quum cetera, quæ continuis cladibus fortuna
 minuerat, quantum consiliis humanis adsequi poterant, Pa-
 tres explessent; tandem se quoque et solitudinem curiæ,
 paucitatemque convenientium ad publicum consilium re-
 spexerunt. neque enim post L. Æmilium et C. Flaminium
 censores senatus lectus fuerat, quum tantum senatorum ad-
 versæ pugnæ, ad hoc sui quemque casus per quinquennium
 absumsissent. Quum de ea re ⁴ M'. Pomponius prætor, Deliberatur
 dictatore post Casilinum amissum profecto jam ad exerci- de explendo
 tum, exposcentibus cunctis retulisset; tum Sp. Carvilius, senatu.
 quum longa oratione ⁵ non solum inopiam, sed paucitatem

² Consulere. T. Otacilius] Sic pla-
 ne Put. liber a prima manu. Postea in-
 ter consulere et litteram t adjectum
 est supra lineam a: unde propagatum
 est id quod ante Gronovium editos
 obtinebat, consulerent. Otacilius.

³ Triumviri mensarii] Vid. supra
 VII. 21.

⁴ Manius Pomponius] Idem men-
 dum, quod c. 20. supra, reperiebatur
 hoc loco in prætoris nomine. Correx-
 it Sigonius.

⁵ Non solum inopiam, sed paucita-
 tem] Omnino hic aliquid mendi esse
 videtur. Neque enim satis commode
 inopiam hic interpretari liceat pau-
 pertatem, cujus mentio prorsus hoc
 loco inexpectata et intempestiva est.

Unus ex MSS. Hearnii habet *inopiam*
senatus: unde hic sensus effci posse
 videretur: non solum inopiam, id est,
 penuriam, infrequentiam senatorum
 ipsorum, (quod Gallice diceremus *le*
manque de sénateurs) sed paucitatem
 civium quibus allectis senatus sup-
 pleretur. *Inopiam senatus* hic dixe-
 rit nempe Livius, quemadmodum
 fere supra c. 3. *inopia potioris subji-*
ciendi. Fortasse placeret magis, mu-
 tato duorum vocum ordine, legere:
non solum paucitatem, sed inopiam
etiam civium: ut Carvilius queratur,
 non, paucos superesse cives, sed plane
 nullos, qui in senatum legi possint.
 Idque omnino verum putamus.

U. C. 536.
A. C. 216.

etiam civium, e^k quibus in Patres legerentur, conquestus esset, explendi senatus caussa, et jungendi artius Latini nominis, ⁶ pro magna re se^l suadere dixit, ut ex singulis populis Latinorum, binis senatoribus, si Patres Romani censuissent, civitas daretur, atque in demortuorum locum in senatum legerentur. Eam sententiam haud æquioribus animis, quam ipsorum quondam postulatum Latinorum, Patres audierunt: et, quum fremitus indignantium tota curia esset, et præcipue ⁷ Manlius^m, *esse etiam nunc stirpis ejus virum*, diceret, ⁸ *ex qua quondam in Capitolio consul minatus esset, quem Latinum in curia vidisset, eum sua manu se interfectorum*; Q. Fabius Maximus, *Numquam rei ullius alieniore tempore mentionem factam in senatu*, dixit, *quam inter tam suspensos sociorum animos incertamque fidem id tactum, quod insuper sollicitaret eos. eam unius hominis temerariam vocem silentio omnium extinguendam esse: et, si quid umquam arcani sanctive ad silendum in curia fuerit, id omnium maxime tegendum, occulendum, obliviscendum, pro non dicto habendum esse.* ita ejus rei obpressa mentio est. Dictatorem, qui censor ante fuisset, vetustissimusque ex eis, qui viverent, censoriis esset, creari placuit, qui senatum legeret: adcirique C. Terentium consulem ad dictatorem dicendum jussurunt. qui, quum ex Apulia, relicto ibi præsidio, magis itineribus Romam redisset, ⁹ nocte proxima, ut mos erat, M. Fabium Buteonem ex senatusconsulto sine magistro equitum dictatorem in sex menses dixit.

Fabius Buteo dictator legendi senatus causa.

Dictatoris oratio.

XXIII. Is ubi cum lictoribus in Rostra escendit, *neque duos dictatores tempore uno, quod numquam antea factum esset, probare se*, dixit: *neque dictatorem se sine magistro equitum: nec* ¹⁰ *censoriam vim uni permissamⁿ, et eidem iterum:*

^k ex Gron. Crev.
sam uni Gron.

^l se del. Eæd.

^m T. Manlius Crev.

ⁿ permissam

⁶ *Pro magna re suadere dixit]* Dixit suadere se tanquam rem magni momenti. Atque in eo acquiesceremus, nisi nos alio vocarent scripti. Victor. præfert *cum magna re*: Put. *cum pro magno re se suadere*. Videntum an legi debeat: *explendi senatus causa, et jungendi artius Latini nominis cum p. ro.* id est, cum populo Romano, *magnopere se suadere*.

⁷ *T. Manlius]* Addidimus prænomen ex Put. codice, monente Gronovio.

⁸ *Ex qua quondam . . . consul]* Ex qua oriundus consul quondam in Capitolio minatus esset . . . Designatur T. Manlius Torquatus, cujus verba vid. l. VIII. c. 5.

⁹ *Nocte . . . ut mos erat]* Nocte dictatorem dici a consule mos erat, ut constat ex plurimis antiquorum scriptorum testimoniis. Vid. supra VIII. 23.

¹⁰ *Censoriam vim uni permissam, et eidem iterum]* Vulgo *permissam uni*. Mutavimus harum vocum ordinem, obsecuti libro Puteansæo, ut clarior sensus elucesceret. Nempe duplex vitium a Buteone notatur: primum, quod censoria vis permissa sit uni sibi, quum juxta leges duobus permitti deberet: secundum, quod eidem iterum permittatur, quum lege cautum esset, ne bis censorem fieri liceret. Hanc legem C. Marcius iterum censor tulerat.

nec dictatori, nisi rei gerendæ causa creato, in sex menses da- U. C. 536.
tum imperium. ¹¹ *Quæ immoderata fors, tempus ac necessitas* A. C. 216.
fecerint, iis se modum inpositurum. nam neque senatu quem-
quam moturum ex iis, quos C. Flaminius, L. Æmilius censo-
res in senatum legissent: transcribi tantum recitarique eos jus-
surum; ne penes unum hominem iudicium arbitriumque de
fama ac moribus senatoris fuerit; et ita in demortuorum locum
sublecturum, ut ordo ordini, non homo homini prælatus videre-
tur. Recitato vetere senatu, inde primos in demortuorum
 locum legit, ¹² qui post L. Æmilium et C. Flaminium cen-
 sores curulem magistratum cepissent, necdum in senatum
 lecti essent; ¹³ ut quisque eorum primus creatus erat: tum
 legit, qui ædiles, tribuni plebei, quæstoresve fuerant: tum
 ex iis, qui magistratus non cepissent, ¹⁴ qui spolia ex hoste
 fixa domi haberent, aut civicam coronam accepissent. Ita,
 centum septuaginta septem cum ingenti adprobatione ho-
 minum in senatum lectis, extemplo se magistratu abdicavit,
 privatusque de Rostris descendit, lictoribus abire ius-
 sis. turbæque se immiscuit privatas agentium res, tempus
 hoc sedulo terens, ne deducendi sui causa populum de foro
 abduceret: neque tamen elanguit cura hominum ea mora,
 frequentesque eum domum deduxerunt. Consul nocte in-
 sequenti ad exercitum rediit, non facto certiore senatu, ne
 comitiorum causa in urbe retineretur.

XXIV. Postero die consultus a M'. Pomponio prætore
 senatus decrevit, dictatori scribendum, uti, si e republica
 censeret esse, ad consules subrogandos veniret cum magis-
 tro equitum et prætore M. Marcello, ut ex iis præsentibus
 noscere Patres possent, quo statu respublica esset, consilia-
 que ex rebus caperent. Qui adciti erant, omnes venerunt,
 relictis legatis, qui legionibus præessent. Dictator, de se
 pauca ac modice locutus, in magistrum equitum, Ti. Sem-
 pronium Gracchum, magnam partem gloriæ vertit; comi-
 tiæque edixit, quibus L. Postumius tertium absens, qui tum
 Galliam provinciam obtinebat, et Ti. Sempronius Grac-
 chus, qui tum magister equitum ¹⁵ et ædilis curulis erat^o,

^o et ædilis curulis erat leg. eo accurrerat Gron.

¹¹ * *Quæ immoderata*] Quæ ultra
 modum, ultra præscriptum legum
 fieri coëgissent fors, tempus, ac ne-
 cessitas.

¹² *Qui... curulem*] Vid. not. 46. ad
 XXII. 49.

¹³ *Ut quisque eorum primus crea-*
tus erat] Olim ut quisque eorum pri-
 mus senator creatus erat. Resecuit
 Sigonius vocem senator, quæ sensum
 turbabat. Idem in iis quæ sequuntur

pro tribuni prætores legi iussit tribuni
 plebei: qua in re assentientes habet
 nostros codices. Denique inseruit
 particulam negantem huic membro,
 ex iis qui magistratus non cepissent.
 Omnia optime.

¹⁴ *Qui spolia ex hoste fixa domi*
haberent] Vid. not. 29. ad l. X. c. 7.

¹⁵ *Et ædilis curulis erat*] Resti-
 tuimus germanam Livii scripturam,
 auctore Put. et altero itidem ex re-

U. C. 536. A. C. 216. **consules crearentur. Praetores inde creati, M. Valerius Laevinus, Ap. Claudius Pulcher, Q. Fulvius Flaccus, Q. Mucius Scaevola. Dictator, creatis magistratibus, Teanum in hiberna ad exercitum rediit, relicto magistro equitum Romae: qui, quum post paucos dies magistratum initurus esset, de exercitibus scribendis comparandisque in annum Patres consuleret. Quum ex res maxime agerentur, nova elades nunciata, aliam super aliam cumulante in eum annum fortuna; L. Postumium, consulem designatum, in Gallia ipsum atque exercitum deletos. Silva erat vasta, (Litanam Gallia vocabant) qua exercitum traducturus erat. ejus silvae dextra laevaque circa viam Galli arbores ita incidant, ut inmotae starent, ¹⁶ momento levi impulsae occiderent. Legiones duas Romanas habebat Postumius, sociumque ab supero mari tantum conscripserat, ut viginti quinque milia armatorum in agros hostium induxerit. Galli oram extremae silvae quum circumsedissent, ubi intravit agmen saltum, tum extremas arborum succisarum inpellunt. quae, alia in aliam, instabilem per se ac male haerentem, incidentes, ¹⁷ ancipiti strage arma viros, equos obruerunt, ut vix decem homines effugerent. Nam quum exanimati plerique essent arborum truncis fragmentisque ramorum, ceteram quoque multitudinem, inopinato malo trepidam, Galli, saltum omnem armati circumsedentes ¹⁸, interfece-
 runt; paucis e tanto numero captis, ¹⁸ qui, fluminis pontem petentes, obsesso ante ab hostibus ponte interclusi sunt. Ibi Postumius, omni vi, ne caperetur, dimicans, obcubuit. spolia corporis caputque ducis praecisum Boii evan-
 tes templo, quod sanctissimum est apud eos, intulere: purgato inde capite, ut mos iis est, calvam auro cœlavere. idque sacrum vas iis erat, quo sollemnibus libarent: poculumque idem ¹⁹ sacerdoti esse, ac templi antistitibus. Praeda quoque haud minor Gallis, quam victoria, fuit. nam etsi magna pars animalium strage silvae obpressa erat, tamen**

L. Postu-
 mius Cos.
 des. in Gal-
 lia cum ex-
 ercitu dele-
 tus.

P circumsedentes Gron. Crev.

gliis optimo. Ti. Sempronium tum aedilem fuisse rursus monet Livius infra c. 30. Plerique libri et editi hic mendosi erant, habebantque *et ea, vel eo accurrerat*. Nimirum fraudi librariis fuit paululum vitata, nec omnibus expressa litteris, antiqua scriptura. Put. exhibet *et ead. cur erat*: alter a nobis allegatus, *et edil. curul. erat*.

¹⁶ * *Momento levi*] *Momentum* est id quod movet. Itaque *momento levi* hic idem est ac *levi ictu, levi tactu*.

¹⁷ * *Ancipiti strage*] Quum sterno-

rentur, sive ruerent arbores in quamcunque partem, in directum a dextra, a laeva.

¹⁸ *Qui fluminis pontem petentes, obsesso ante ab hostibus ponte, interclusi sunt*] Displicet *ad* *ponte* tam ex propinquo subsequens *pontem*. Facilius et liberius fluere oratio, si legeremus, *qui fluminis pontem petentes, obsessum ante ab hostibus, interclusi sunt*.

¹⁹ * *Sacerdoti . . . ac templi antistitibus*] Et qui sacra fecisset, et toti collegio antistitum templi.

ceteræ res, quia nihil dissipatum fuga est, stratas per omnem
jacentis agminis ordinem inventæ sunt. U. C. 596.
A. C. 216.

XXV. Hac nunciata clade, quum per dies multos in tanto pavore fuisset civitas, ut, tabernis clausis, velut nocturna solitudine per urbem acta, senatus ædilibus negotium daret, ut urbem circumirent, apeririq; tabernas, et moestitiæ publicæ speciem urbi demi juberent; tum Ti. Sempronius senatum habuit, consolatusque Patres est, et adhortatus, ne, qui Cannensi ruinæ non subcubuissent, ad minores calamitates animos submitterent. ²⁰ quod ad Karthaginienses hostes Hannibalemque adtinet, prospera modo essent, sicut speraret futura, Gallicum bellum et omitti tuto et differri posse: ultionemque eam fraudis in Deorum ac populi Romani potestate fore. De hoste Pæno exercitibusque, per quos id bellum gereretur, consultandum atque agendum. Ipse primum, quid peditum equitumque, quid civium, quid sociorum in exercitu esset dictatoris, disseruit. Tum Marcellus suarum copiarum summam exposuit. Quid in Apulia cum C. Terentio consule esset, a peritis quæsitum est. nec, unde consulares exercitus satis firmi ad tantum bellum efficerentur, inibatur ratio. itaque Galliam, quamquam stimulabat justa ira, omitti eo anno placuit. Exercitus dictatoris consuli decretus est. De exercitu Marcelli, qui eorum ex fuga Cannensi essent, in Siciliam eos traduci, atque ibi militare, donec in Italia bellum esset, placuit. eodem ex dictatoris legionibus rejici militem minimi quemque roboris, nullo præstituto militiæ tempore, ²¹ nisi qui⁹ stipendiorum legitimorum esset. Dux legiones urbanæ alteri consuli, qui in locum L. Postumii subfectus esset, decretæ sunt: eumque, quum primum salvis auspiciis posset, creari placuit. legiones præterea duas primo quoque tempore ex Sicilia adciri: ²² atque inde consul, cui legiones urbanæ evenissent, militum sumeret quantum opus esset. C. Terentio consuli propagari in annum imperium: neque de eo exercitu, quem ad præsidium Apuliæ haberet, quidquam minui.

XXVI. Dum hæc in Italia geruntur adparanturque, ni- Res gestæ
in Hispania.
hilo segnius in Hispania bellum erat: sed ad eam diem

⁹ quod Crev.

²⁰ Quod . . . attinet] Forte attineret. Indirecta enim est oratio.

²¹ Nisi quod stipendiorum] Gronovius dedit nisi qui. Sed ex quod tenent veteres editi, et Victor. codex: nec erat cur quidquam mutaretur. Hi milites minimi quisque roboris, eo meliore conditione erant, quam ii qui a Cannis fugerant, quod exacto stipendiorum legitimorum numero in

patriam redire poterant. At militi Cannensi non ante finis militiæ ostendebatur, quam hostes Italia pulsati essent.

²² Atque inde consul . . . sumeret] Melius videretur, consulem . . . sumere: ut idem servetur orationis tenor. Et favet Put. codex, qui a prima manu habuit sumere, littera t postmodum allita.

U. C. 536. magis prosperum Romanis. P. et Cn. Scipionibus inter se
 A. C. 216. partitis copias, ut Cnæus terra, Publius navibus rem gere-
 ret; Hasdrubal Poenorum imperator, neutri parti virium
 satis fidens, procul ab hoste, intervallo ac locis tutus, tene-
 bat se: ²³ quoad^r multum ac diu obtestanti quatuor millia
 peditum, et quingenti equites in supplementum missi ex
 Africa sunt. Tum, resecta tandem spe, castra propius hos-
 tem movit: classemque et ipse instrui pararique jubet, ad
 insulas maritimamque oram tutandam. In ipso inpetu mo-
 vendarum de integro rerum, perculit eum præfectorum na-
 vium transitio: qui, post classem ad Iberum per pavorem
 desertam graviter increpiti, numquam deinde satis fidi aut
 duci, aut Karthaginensium rebus fuerant. Fecerant hi^s
 transfugæ motum ²⁴ in Carpesiorum^t gente, desciverantque
 iis auctoribus urbes aliquot: una etiam ab ipsis vi capta
 fuerat. In eam gentem versum ²⁵ ab Romanis bellum
 est; infestoque exercitu Hasdrubal ingressus agrum hos-
 tium, pro captæ ante dies paucos urbis moenibus, Gal-
 bum, nobilem Carpesiorum ducem, cum valido exercitu
 castris sese tenentem, adgredi statuit. Præmissa igitur levi
 armatura, quæ eliceret hostes ad certamen, peditum par-
 tem ad depopulandum per agros passim dimisit, ut palantes
 exciperent. Simul et ad castra tumultus erat, et per agros
 fugaque et cædes; deinde undique diversis itineribus quum
 in castra se recepissent, adeo repente decessit animis pavor,
 ut non ad munimenta modo defendenda satis animorum
 esset, sed etiam ad lacesendum hostem prælio. Erumpunt
 igitur agmine e castris, tripudiantes more suo; repentina-
 que eorum audacia terrorem hosti, paullo ante ultro laces-
 senti, incussit. itaque et ipse Hasdrubal in collem satis ar-
 duum, ²⁶ tutum^u flumine etiam objecto, ²⁷ tum copias sub-
 ducit, et præmissam levem armaturam equitesque palatos
 eodem recipit: nec aut colli aut flumini satis fidens, vallo
 castra permunit. In hoc alterno pavore certamina aliquot
 sunt contracta. nec Numida Hispano eques par fuit; nec

Hasdrubal
adversus
Carpesios
ducit exer-
citum.

Carpesii
terrorem
hostibus
injiciunt.

^r quoad l. cui Gron.
Crev.

^t h Ead.

^t Tartessiorum. Sic et in sqq.

^u tutumque Gron.

²³ Quoad multum] Quoad hoc loco
est usque eo donec, usque ad id tempus
quo. Vulgo editi habent cui. Sed rⁱ
quoad nititur auctoritate optimorum
codicum: et sic melius connexa est
oratio.

²⁴ In Tartessiorum gente] Sic ha-
bere plurimos eodemque optimos
scriptos testatur Gronovius. Nec dis-
sentiant nostri. Sane Carpesii, quod
nomen hic legebatur, ignoti Livio,

qui eos quos Polybius Καρπεσιος vo-
cat, ipse Carpetanos nominavit supra
l. XXI. c. 5.

²⁵ Ab Romanis] Omissis Romanis,
Asdrubal in eam gentem vertit bel-
lum.

²⁶ Tutum flumine] Sic scripti.
Vulgati tutumque.

²⁷ Tum copias] Redundat particula
tum.

jaculator Maurus castrato, velocitate pari, robore animi vi-
riumque aliquantum præstanti. U. C. 536.
A. C. 216.

XXVII. Postquam neque elicere Pœnum ad certamen
obversati castris poterant, neque castrorum obpugnatio fa-
cilis erat; urbem ²⁸ Ascuam², quo fines hostium ingrediens,
Hasdrubal frumentum commeatusque alios convexerat, vi-
capiunt, omnique circa agro potiuntur. nec jam, aut in ag-
mine, aut in castris, ullo imperio contineri. Quam ubi
neglegentiam ex re (ut fit) bene gesta oriri senserat Has-
drubal, cohortatus milites, ut palatos sine signis hostes ad-
grederentur, degressus colle, pergit ire acie instructa ad
castra. quem ut adesse tumultuose nunciavere fugientes,
ex speculis stationibusque³, ad arma conclamatum est. Ut
quisque arma ceperat, sine imperio, sine signo, incompoti,
inordinati in proelium ruunt. Jam primi conseruerant⁴ ma-
nus, quum alii catervatim currerent, alii nondum e castris
exissent. tamen primo ipsa audacia terruere hostem. deinde,
rari in confertos inlati, quum paucitas parum tuta esset, re-
spicere alii alios, et undique pulsi coire in orbem; ²⁹ et dum
corporibus adplicantur, armaque armis jungunt, in artum
compulsi, quum vix movendis armis satis spatii esset, corona
hostium cincti, ad multum diei cæduntur. Exigua pars,
eruptione facta, silvas ac montes petit: parique terrore et
castra sunt deserta, et universa gens postero die in deditio-
nem venit. ³⁰ Nec diu in pacato mansit. nam subinde ab
Karthagine adlatum est, ut Hasdrubal primo quoque tem-
pore in Italiam exercitum duceret. quæ vulgata res per
Hispaniam omnium ferme animos ad Romanos avertit. ³¹ Si
Itaque Hasdrubal extemplo literas Karthaginem mittit, in-
dicans, quanto fama profectionis suæ damno fuisset. ³¹ Si
vero inde pergeret, priusquam Iberum transiret, Romanorum
Hispaniam fore. Nam, præterquam quod nec præsidium, nec
ducem haberet, quem relinqueret pro se; eos imperatores esse
Romanos, quibus vix æquis viribus resisti possit. Itaque si
ulla Hispaniæ cura esset, successorem sibi cum valido exerci-
tu mitterent: ³² cui, ut omnia prospere evenirent, non tamen
otiosam provinciam fore.

² Asenam Gron. Crev.
lere Eæd.

³ nuncii refugientes Eæd.

⁴ add. attu-

⁵ conseruerunt Gron.

²⁸ Asenam] Nomen ignotum om-
nibus Geographis. Scripti et veteres
editi habent Ascuam.

²⁹ Et dum corporibus] Multum
placet allata ab Hearnio ex uno e
suis codd. lectio: et dum corpora cor-
poribus applicantur.

³⁰ Nec diu in pacato mansit] Pro-
babilis est Gronovii conjectura: nec
diu pacata mansit, supple, gens.

³¹ Si vero inde pergeret] Nobis
suspecta est hæc loquendi forma.
Possis legere: si movere inde perge-
ret.

³² Cui ut omnia] Ante Gronovium
editi, cui si omnia. Scripti carent
particula si. Ille inseruit ut, quod
facile perire potuit, absorptum ab dua-
bus ultimis litteris vocis cui.

U. C. 598.
A. C. 216.

Himilco
mittitur in
Hispaniam.

Hasdrubal
in Italiam
ire parat.

Scipiones ei
obviam
eunt.

Pugna inter
Scipiones et
Hasdruba-
lem.

XXVIII. Hæ literæ quamquam primo admodum move-
runt senatum; tamen, quia Italiæ cura prior potiorque erat,
nihil de Hasdrubale, neque de copiis ejus mutatum est^b.
Himilco, ³³ cum exercitu justo et aucta classe, ad retinen-
dam terra marique ac tuendam Hispaniam, est missus; qui,
ut pedestres navalesque copias trajecit, castris communis,
navibusque subductis et vallo circumdatis, cum equitibus
delectis ipse, quantum maxime accelerare poterat, per du-
bios infestosque populos ³⁴ juxta intentus ad Hasdrubalem
pervenit. Quum decreta senatus mandataque exposuisset,
atque edidicisset ipse in vicem, quemadmodum tractandum
bellum in Hispania foret, retro in sua castra rediit; nulla
re, quam celeritate, tutior, quod ³⁵ undique abierat, ante-
quam consentirent. Hasdrubal, priusquam moveret castra,
pecunias imperat populis omnibus suæ ditionis, satis gna-
rus, Hannibalem transitus quosdam pretio mercatum: nec
auxilia Gallica aliter, quam conducta, habuisse; inopem,
tantum iter ingressum, vix penetraturum ad Alpes fuisse.
pecuniis igitur raptim exactis, ad Iberum descendit. De-
creta Karthaginiensium et Hasdrubalis iter ubi ad Roma-
nos sunt perlata, omnibus omissis rebus, ambo duces, junc-
tis copiis, ire obviam coeptis atque obsistere parant; rati si
Hannibali, vix per se ipsi tolerando Italiæ hosti, Hasdru-
bal dux atque Hispaniensis exercitus esset junctus, illum
Romani finem imperii fore. His anxii curis ad Iberum
contrahunt copias; et, transito amne, quum diu consulta-
sent, utrum castra castris conferrent, an satis haberent, so-
ciis Karthaginiensium obpugnandis, morari ab itinere pro-
posito hostem, urbem a propinquo flumine Iberam adpella-
tam, opulentissimam ea tempestate regionis ejus, obpugna-
re parant. quod ubi sensit Hasdrubal, pro ope ferenda so-
ciis, pergit ipse ire ad urbem, deditam nuper ³⁶ in fidem
Romanorum^c, obpugnandam. ita jam coepta obsidio omissa
ab Romanis est, et in ipsum Hasdrubalem versum bellum.

XXIX. Quinque millium intervallo castra distantia ha-
buere paucos dies: nec sine levibus proeliis, nec ut in aciem
exirent. tandem uno eodemque die volut ex composito utrim-
que signum pugnae propositum est, atque omnibus co-

^b est del. Gron. Crev.

^c Romanam Gron.

³³ Cum exercitu justo] Vid. not.
27. ad I. 4.

³⁴ * Juxta] Pariter. Non minus
intentus quum per dubiæ fidei popu-
los, quam quum per aperte infestos
transiret.

³⁵ * Undique abierat, ante quam
consentirent] Nulla fuit regio ex qua
non prius abiisset, quam ejus regionis

populi satis spatii ad consentiendum
haberent.

³⁶ In fidem Romanorum] Sic dedit
Andreas. Sic et habent duo MSS.
Hearnii, tres e nostris. Idque magis
est ex solito more loquendi, quam
quomodo vulgus editorum, in fidem
Romanam.

piis in campum descensum. ³⁷ Triplex stetit Romana acies. U. C. 596. A. C. 216.
 velitam pars inter antesignanos locata, pars post signa ac-
 cepta, equites cornua cinxere. Hasdrubal mediani aciem
 Hispanis firmat: in cornibus, dextro Pœnos locat, lævo
 Afros mercenariorumque auxilia: ³⁸ equitum Numidas Pœ-
 norum peditibus, ceteros Afris pro cornibus obponit^d. nec
 omnes Numidæ in dextro locati cornu, sed quibus, desul-
 torum in modum, binos trahentibus equos inter acerrimam
 sæpe pugnam in recentem equum ex fesso armatis trans-
 saltare mos erat: tanta velocitas ipsis, tamque docile equo-
 rum genus est. Quum hoc modo instructi starent, impe-
 ratorum utriusque partis haud ferme dispares spes erant.
 nam ne multam quidem, aut numero, aut genere militum,
 hi aut illi præstabant. Militibus longe dispar animus erat.
 Romanis enim, quamquam procul a patria pugnarent, fa-
 cile persuaserant duces, pro Italia atque urbe Romana eos
 pugnare. itaque, velut quibus reditus in patriam eo discri-
 mine pugnae verteretur, obstinaverant animis, vincere aut
 mori. Minus pertinaces viros habebat altera acies. nam
 maxima pars Hispani erant: qui vinci in Hispania, quam
 victores in Italiam trahi, malebant. Primo igitur concursu,
 quum vix pila coniecta essent, retulit pedem media acies,
 inferentibusque sese magno impetu Romanis terga vertit.
 Nihilò segnius in cornibus prælium fuit. hinc Pœnus,
 hinc Afer urget: et velut in circumventos prælio ancipiti
 pugnant. Sed quum in medium tota jam coisset Romana
 acies, satis virium ad dimovenda hostium cornua habuit.
 itaque duo diversa prælia erant: utroque Romani, ³⁹ ut Vincunt
 qui, pulsus tandem mediis, et numero et robore virorum Romani.
 præstarent, haud dubie superarunt. Magna vis hominum
 ibi occisa. et, nisi Hispani vixdum conserto prælio tam ef-
 fuse fugissent, perpauci ex tota superfuissent acie. Eques-

^d apponit Crev.

³⁷ *Triplex stetit Romana acies*] Romana acies in tria de more corpora
 divisa est, Hastatos, Principes, Tri-
 arios. Levis armaturæ milites partim
 locati sunt inter Antesignanos, quo
 nomine designantur Hastati, atque
 etiam fortasse Principes: partim in
 ultimam aciem, ac pone Triarios re-
 jecti. De Antesignanis vid. not. 17.
 ad II. 20. et not. 83. ad VIII. 11.

³⁸ *Equitum, Numidas*] Quæ præ-
 cessere pertinent ad pedites. Equi-
 tatum pro cornibus locatum ita divi-
 dit, ut Numidas adjungat Pœnorum
 peditibus, ceteros Afris. *Equitum*
 hic partitive sumitur, quasi ex equi-

tibus. Hic locus prava interpunc-
 tione laborabat, quam correximus,
 monente apud Gronovium Rubenio.
 Idem Rubenius ex conjectura suase-
 rat legendum *apponit*, non *opponit*:
 quod quum unus e nostris MSS. clare
 exhibeat, et sensus ratio omnino ef-
 flagitet, sine cunctatione admisimus.

³⁹ *Ut qui pulsus tandem mediis*] Gronovius legi jubet, *pulsus jam tum*,
 vel *jam ante mediis*. Particula *tan-*
dem hic locum habere posse non vi-
 detur, quum media acies supra dica-
 tur primo statim concursu retulisse
 pedem, et paulo post tergavertisse.

U. C. 536.
A. C. 216.

tris pugna nulla admodum fuit. quia, simul inclinatham mediam aciem Mauri Numidæque viderunt, extemplo fuga effusa nuda cornua, elephantis quoque præ se actis, deseruere. Et Hasdrubal, usque ad ultimum eventum pugnae moratus, e media cæde cum paucis effugit. Castra Romani cepere, atque diripuerunt. Ea pugna, ⁴⁰ si qua dubia in Hispania erant, Romanis adjunxit: Hasdrubalique non modo in Italiam traducendi exercitus, sed ne manendi quidem satis tuto in Hispania, spem reliquit. Quæ postquam literis Scipionum Romæ vulgata sunt, non tam victoria, quam prohibito Hasdrubalis in Italiam transitu, lætabantur.

Petelia in
Bruttiis ab
Himilcone
capta.

XXX. Dum hæc in Hispania geruntur, Petelia^e in Bruttiis, aliquot post mensibus, quam coepta obpugnari erat, ab Himilcone, præfecto Hannibalis, expugnata est. ⁴¹ Multo^f sanguine ac vulneribus ea Pœnis victoria stetit: nec ulla magis vis obsessos, quam fames, expugnavit. absumtis enim frugum alimentis, carnisque omnis generis quadrupedum; ⁴² sutrinæ postremo coriis, herbisque et radicibus, et corticibus teneris, ⁴³ strictisque rubis vixere; nec, antequam vires ad standum in muris ferendaque arma deerant, expugnati sunt. Recepta Petelia, Pœnus ad Consentiam copias traducit: quam, minus pertinaciter defensam, intra paucos dies in deditionem accepit. Iisdem ferme diebus et Bruttiorum exercitus Crotonem, Græcam urbem, circumscindit, opulentam quondam armis virisque, tum jam adeo multis magnisque cladibus adflictam, ut omnis ætatis minus viginti millia civium superessent. itaque ⁴⁴ urbe a defensoribus vasta facile potiti sunt hostes: arx tantum retenta, in quam inter tumultum captæ urbis e media cæde quidam effugere. Et Locrenses descivere ad Bruttios Pœnosque, prodita multitudine a principibus. Rhegini tan-

Croto capitur a
Bruttiis.

^e Petellia. Sic semper. Gron. Crev.

^f est; multoque Gron.

⁴⁰ Si qua dubia in Hispania erant] Put. codex omittit præpositionem. Forsitan legendum si qua dubia Hispaniæ erant.

⁴¹ Multo sanguine] Hoc, quod optimi præferunt, melius visum est, quam multoque sanguine, ut prius edebatur.

⁴² Sutrinæ postremo coriis] Vix dubitari potest, quin legendum sit, quemadmodum edidit Campanus, scutorumque postremo coriis, nisi quod *et* que abesse potest. Sic supra c. 19. in obsidione Casilini detractas scutis pelles in usum cibi versas fuisse narratum est.

⁴³ Strictis . . . rubis] Rubis quorum fructus strinxerant, i. e. decerp-

serant. Hos ruborum fructus appellat Ovidius *mora*, l. I. Metam. v. 105. . . et in duris hærentia mora rubetis.

⁴⁴ Urbe a defensoribus vasta] Urbe vacua defensoribus, quæ non idoneum defensorum numerum haberet. *Vastus* est desertus, incultus, vacuus. Livius supra l. V. c. 53. *vastam incendiis urbem*. Et Sallust. Jugurth. c. 48. *Mons . . vastus ab natura et humano cultu*. Addidimus voculam *a*, volentibus scriptis. Put. memorante Gronovio in not. ad l. V. c. 54. (nos enim nihil ex illo codice ad hunc locum enotavimus) a prima manu habet *vasta*. Ceteri, et plerique editi *vastata*.

tummodo regionis ejus, et in fide erga Romanos, et potestas suæ ad ultimum manserunt. In Siciliam quoque eadem inclinatio animorum pervenit: et ne domus quidem Hieronis tota ab defectione abstinuit. namque Gelo maximus stirpis, contempta simul senectute patris, simul post Cannensem cladem Romana societate, ad Pœnos defecit: movissetque in Sicilia res, nisi mors adeo opportuna, ut patrem quoque suspicione adspiceret, armantem eum multitudinem, sollicitantemque socios absumsisset. Hæc eo anno in Italia, in Africa, in Sicilia, in Hispania vario eventu acta. Exitu anni Q. Fabius Maximus a senatu postulavit, ut ædem Veneris Erycinæ, quam dictator vovisset, dedicare liceret. Senatus decrevit, ut Ti. Sempronius consul designatus, ⁴⁵ quum primum ^a honorem ^b inisset, ad populum ferret, ut Q. Fabium duumvirum esse juberent ædis dedicandæ caussa. Et ⁴⁶ M. Æmilio Lepido, qui bis consul augurque fuerat, filii tres, Lucius, Marcus, Quintus, ⁴⁷ ludos funebres per triduum, et gladiatorum paria duo et viginti per triduum in foro dederunt. Ædiles curules C. Lætorius, et Ti. Sempronius Gracchus, consul designatus, qui in ædilitate magister equitum fuerat, ludos Romanos fecerunt, qui per triduum instaurati sunt. Plebei ludum ædilium M. Aurelii Cottæ et M. Claudii Marcelli ter instaurati. Circumacto tertio anno Punici belli, Ti. Sempronius consul Idibus Martiis magistratum iniit. Prætores ⁴⁸ Q. Fulvius Flaccus, qui antea consul censorque fuerat, urbanam; M. Valerius Lævinus peregrinam sortem in jurisdictione habuit. Ap. Claudius Pulcher Siciliam, Q. Mucius Scaevola Sardiniam sortiti sunt. M. Marcello pro consule imperium esse populus jussit, quod post Cannensem cladem unus Romanorum imperatorum in Italia prospere rem gessisset.

XXXI. Senatus, quo die primum est in Capitolio consultus, decrevit, ⁴⁹ ut, quo ¹ eo anno duplex tributum imperatum.

^a primum del. Crev. ^b honorem l. magistratum Gron. ¹ quo del. Crev.

⁴⁵ Quum honorem inisset] Solus Victorinus codex hic fidus est. Reliqui corrupti, ita tamen ut ad verum alludent: cum ibono, vel cum bono inisset. Vulgatæ lectionis auctor attigerat sensum. Fecerat enim: quum primum magistratum inisset.

⁴⁶ M. Æmilio Lepido, qui bis consul fuerat] Hunc Lepidum observat Sigonius semel tantum in Fastis consulem reperiri, anno ante hunc decimo septimo. Quo igitur anno alterum consulatum gesserit, incertum est.

⁴⁷ Ludos funebres per triduum, et gladiatorum paria duo et viginti per triduum] Manifestum est duas postremas voces per triduum male huc inculcatas esse ex versu præcedente.

⁴⁸ Q. Fulvius, qui antea consul] Lege cum Perizonio: qui ante II. id est, bis, consul . . . fuerat: plane ut de eo rursus agens habet Livius, infra XXV. 5. Consul primum fuerat anno u. c. 515. secundum, anno 528.

⁴⁹ Ut eo anno] Gronovius ex aliquot scriptis ediderat ut quo eo anno. Sed illud quo turbat magis, quam ju-

Gelo filius Hieronis deficit ad Pœnos.

Moritur.

M. Æmilii ludi funebres.

U. C. 537. A. C. 215. Ti. Sempronio Cos.

Duplex tributum imperatum.

U. C. 537. *raretur, simplex confestim exigeretur, ex quo stipendium*
 A. C. 215. *præsens omnibus militibus daretur, præterquam qui milites*
 Decreta de *ad Cannas fuissent. De exercitibus ita decreverunt, ut dua-*
 exercitibus. *bus legionibus urbanis Ti. Sempronius consul Cales ad con-*
veniendum diem ediceret: ⁵⁰ inde sex legiones in castra Clau-
diana supra Suessulam deducerentur. quæ ibi legiones essent,
(erant autem Cannensis maxime exercitus) eas Ap. Claudius
Pulcher prætor in Siciliam trajiceret; quæque in Sicilia es-
sent, Romam deportarentur. Ad exercitum, cui ad conveni-
endum Cales edicta dies erat, M. Claudius Marcellus missus:
isque jussus ⁵¹ in castra Claudiana deducere urbanas legiones.
Ad veterem exercitum accipiendum deducendumque inde in
Siciliam, T. Metilius Crotto legatus ab Ap. Claudio est missus.
Taciti primo exspectaverant homines, uti consul comitia
collegæ creando haberet. deinde, ubi ablegatum, velut de
industria, M. Marcellum viderunt, quem maxime consulem
in eum annum ob egregie in prætura res gestas creari vo-
lebant, fremitus in curia est ortus. Quod ubi sensit consul,
Utrumque, inquit, e republica fuit, Patres conscripti, et M.
Claudium ad permutandos exercitus in Campaniam proficisci,
et comitia non prius edici, quam is inde, confecto, quod man-
datum est, negotio, revertisset; ut vos consulem, quem tempus
reipublicæ postularet, quem maxime vultis, haberetis. Ita de
comitiis, donec rediit Marcellus, silentium fuit. Interea
duumviri creati sunt Q. Fabius Maximus et T. Otacilius
Crassus, ædibus dedicandis, Menti Otacilius, Fabius Veneri
Erycinæ. Utraque in Capitolio est, canali uno discretæ.
Et de trecentis equitibus Campanis, qui, in Sicilia cum fide
stipendiis emeritis, Romam venerant, ⁵² dein latum ad popu-
lum, ⁵³ ut cives Romani essent: item, uti municipes Cuma-
ni essent, ⁵⁴ pridie quam populus Campanus a populo Ro-

vat orationem. Itaque vulgatos libros secuti sumus, quibus assentitur Victor. codex.

⁵⁰ *Inde sex legiones]* Nihil certius emendatione Perizonii: *inde ex legiones.* Et hujus lectionis vestigia servat Put. codex.

⁵¹ *In castra Claudiana]* In castra Claudii Marcelli.

⁵² *Dein latum ad populum]* Olim *delatum.* Mutavit Sigonius. Magis placeret, resecta omnino particula *de*, legere *qui Romam . . venerant, latum.* Revera Put. liber non agnoscit *de* nisi a secunda manu.

⁵³ *Ut cives Romani essent, item uti municipes Cumani essent, pridie]* Ut cives Romani essent, attributi municipio Cumano, idque ab illo die qui

proxime præcesserat diem defectionis Campanorum. Nempe ab illo die quo populus Campanus a populo Romano defecerat, hi equites desierant esse cives Campani, quum in fide erga Romanos perstitissent, ac proinde jam essent Capuæ hostes. Ab illo ergo eodem die nova illis patria substituitur in veteris locum, quam reliquerant, ne scilicet ullum esset tempus, quo nullius patriæ cives essent. Ceterum his in Livii verbis iteratur sine causa *et essent*: priore loco deleri potest. De jure municipiorum vid. not. 99. ad VIII. 14.

⁵⁴ *Pridie quam populus Campanus]* Suspiciatur Gronovius excidisse hic tres voculas, quæ notis expressæ facile omitti potuerint, nempe *ex a. d.*

mano defecisset. Maxime, ut hoc ferretur, moverat, quod, U. C. 537. quorum hominum essent, scire se ipsi negabant; veterem pa- A. C. 215. tria relicta, in eam, in quam redierant, nondum adsciti. Postquam Marcellus ab exercitu rediit, comitia uni consuli rogando in locum L. Postumii edicuntur. Creatur ingenti consensu Marcellus, qui extemplo magistratum occiperet. cui ineunti consulatum quum tenuisset, vocati augures vi- Marcellus tio creatum videri pronuntiaverunt; vulgoque Patres ita in locum fama ferebant, quod tum primum duo plebei consules facti Postumii Cos. creatur. essent, id Deis cordi non esse. In locum Marcelli, ubi is Se abdicat. se magistratu abdicavit, subfectus Fabius Maximus ter- Ei subfici- tium. Mare arsit eo anno: ad Sinuessam bos equuleum tur Fabius Maximus peperit: signa Lanuvii ad Junonis Sospitæ cruore mana- III. Cos. vere, lapidibusque circa id templum pluit. ob quem im- Prodigia. brem novemdiale, ut adsolet, sacrum fuit: ceteraque prodigia cum cura expiata.

XXXII. Consules exercitus inter sese^k dividerunt. Fabio exercitus, cui M. Junius dictator præfuerat, evenit; Sempronio⁵⁵ volones, qui fierent^l, et sociorum viginti quinque millia; M. Valerio prætori legiones, quæ ex Sicilia redissent, decretæ; M. Claudius proconsul ad eum exercitum, qui supra Suessulam Nolæ præsideret, missus. Prætores in Siciliam ac Sardiniam profecti. Consules edixerunt, quoties in senatum vocassent, uti senatores,⁵⁶ quibusque in senatu dicere sententiam liceret, ad portam Capenam convenirent. Prætores, quorum jurisdictio erat, tribunalia ad Piscinam publicam posuerunt. eo vadimonia fieri jusserunt: ibique eo anno jus dictum est. Interim

^k *se Gron. Crev.*

^l *volonum quod fuerat Crev.*

id est, ex ante diem. Ex ante diem pridie, idem est quod, ex illo die qui est pridie.

⁵⁵ *Volonum quod fuerat*] Plerique scripti *volonesque fierent*. Ideo Gronovius dederat *volones qui fierent*. Sed nobis non sit verisimile, hoc rursus anno æquos a Romanis armatos fuisse, silente Livio. Neque enim refert ejusmodi verbo tantum tetigisset. Præterea si legamus *volones qui fierent*, duplex volonum ordo agnoscendus erit: veteres nempe, a M. Junio lecti post Cannensem cladem, quique hoc anno in Fabii exercitu fuerint; et novi, a Graccho scripti. Atque ita censet Gronovius. At in tota temporum sequentium historia nusquam volonum fit mentio, nisi de Gracchi exercitu: ita ut omnibus quotquot fuerunt volonibus præfuisse Gracchus intelligatur. Vid. infra, c. 35. et l.

XXIV. capp. 11. 14. 15. 16. 18. et l. XXV. c. 20. His de causis reposuimus plerorumque editorum lectionem, cui etsi scripti nostri non favent, non continuo existimandum est ab ingenio emendatorum eam ortam esse, quum non omnes MSS. in Gronovii aut nostras manus venerint. Adde quæ disputamus de MSS. auctoritate in not. ad l. XXVII. c. 28. *Volones dicti sunt milites*, inquit Festus, qui post Cannensem cladem usque ad octo millia, quum essent servi, voluntarie se ad militiam obtulerunt. Rem narravit Livius supra XXII. 57. Hi igitur volones eximuntur de exercitu cui Fabius præfuturus erat, et traduntur Sempronio.

⁵⁶ *Quibusque in senatu dicere sententiam liceret*] Vid. not. 46. ad XXII. 49.

U. C. 537. Karthaginem, unde Mago frater Hannibalis duodecim mil-
 A. C. 215. lia peditum, et mille quingentos equites; viginti elephantos,
⁵⁷ mille argenti talenta in Italiam transmissurus erat, cum
 praesidio sexaginta navium longarum, nuncius adfertur, in
 Hispania rem male gestam, omnesque ferme ejus provinciae
 Vocantur Pœni in Sardiniam ab Hampsi-
 cora. populos ad Romanos defecisse. Erant, qui Magonem cum
 classe ea copiisque, omissa Italia, in Hispaniam averterent;
 quum Sardiniae recipiendae repentina spes adfulsit. *Par-
 vum ibi exercitum Romanum esse: veterem praetorem inde
 A. Cornelium provinciae peritum decedere, novum expectari.
 Ad hoc, fessos jam animos Sardorum esse diuturnitate imperii:
 et proximo iis anno acerbe atque avare imperatum. Gravi tri-
 buto et conlatione iniqua frumenti pressos. nihil deesse aliud,
 quam auctorem, ad quem deficerent.* Haec clandestina legatio
 per principes missa erat; maxime eam rem moliente Hamp-
 sicora, qui tum auctoritate atque opibus longe primus
 erat. His nunciis prope uno tempore turbati, erectique,
 Magonem cum classe sua copiisque in Hispaniam mittunt.
 in Sardiniam Hasdrubalem^m deligunt ducem: et tantum
 ferme copiarum, quantum Magoni, decernunt. Et Romae
 consules, transactis rebus, quae in urbe agendaerant, mo-
 vebant jam sese ad bellum. Ti. Sempronius militibus Sinues-
 sam diem ad conveniendum edixit; ⁵⁸ et Q. Fabius, consul-
 to prius senatu, ut frumenta omnes ex agris, ⁵⁹ ante Kalen-
 das Junias primas, in urbes munitas conveherent. *Qui non
 invexisset, ejus se agrum populaturum, servos sub hasta ven-
 diturum, villas incensurum.* Ne praetoribus quidem, qui ad
 jus dicendum creati erant, vacatio ab belli administratione
 data est. Valerium praetorem in Apuliam ire placuit, ad
 exercitum a Terentio accipiendum: quum ex Sicilia legio-
 nes venissent, iis potissimum uti ad regionis ejus praesi-
 dium: ⁶⁰ Terentianum mitti cum aliquo legatorum. Et vi-
 ginti quinque naves ⁶¹ M. Valerio datae sunt, quibus oram
 maritimam inter Brundisium ac Tarentum tutari posset.
 Par navium numerus Q. Fulvio praetori urbano decretus ad
 suburbana litora tutanda. C. Terentio proconsuli nego-
 tium datum, ut in Piceno agro conquisitionem militum ha-

^m add. cognomento Calvum Gron. Crev.

⁵⁷ *Mille argenti talenta*] Marcas nostrates 93750.

⁵⁸ *Et Q. Fabius*] Repete ex antecedentibus verbum *edixit*.

⁵⁹ *Ante Kalendas Junias primas*] Kalendas Junias praesentis anni. Additur *primas* ex consuetudine formularum hujusmodi, in quibus verborum apices religiose perpenduntur. Vid. et infra l. XLII. c. 21.

⁶⁰ *Terentianum mitti*] Exercitum Terentii Varronis mitti in Siciliam.

⁶¹ *M. Valerio*] Hoc nomen nusquam in scriptis occurrit, et facile intelligitur ex praecedentibus, adeoque odiosa ejus iteratio est. Si aliquod nomen exprimi debuit, videtur potius legendum *P. Valerio* ex capp. 34. et 38, infra.

beret, locisque iis præsidio esset. Et T. Otacilius Cras- U. C. 537.
sus, postquam ædem Mentis in Capitolio dedicavit, in Si- A. C. 215.
ciliam cum imperio, qui classi præesset, missus.

XXXIII. In hanc dimicationem duorum opulentissimo-
rum in terris populorum omnes reges gentesque animos in-
tenderant. inter quos Philippus Macedonum rex, eo magis,
⁶² quod^m propior Italiæ, ac mari tantum Ionio discretus
erat. Is ubi primum fama accepit, Hannibalem Alpes
transgressum, ut bello inter Romanos Pœnumque orto læ-
tatus erat, ita, utrius populi mallet victoriam esse, incertis
adhuc viribus, fluctuatus animo fuerat. ⁶³ Postquam ter- Philippus
tia jam pugna, tertia victoria cum Pœnis erat, ad fortunam rex Maced.
inclinavit, legatosque ad Hannibalem misit: qui, vitantes legatos
portus Brundisium Tarentinumque, quia custodiis navium mittit ad
Romanarum tenebantur, ad Laciniæ Junonis templum in Hanniba-
terram egressi sunt. Inde per Apuliam petentes Capuam, lem.
media in præsidia Romana inlati sunt: deductique ad M.
Valerium Lævinum prætorem, ⁶⁴ circa Nuceriam castra ha-
bentem. Ibi intrepide Xenophanes legationis princeps, a
Philippo rege se missum, ait, ad amicitiam societatemque
jungendam cum populo Romano; mandata habere ad con-
sules ac senatum populumque Romanum. Inter defectio-
nes veterum sociorum, Valerius, nova societate tam clari
regis lætus admodum, hostes pro hospitibus comiter acce-
pit. dat, qui prosequantur, itinera cum cura demonstrent,
quæ loca, quosque saltus, aut Romanus, aut hostes teneant.
Xenophanes per præsidia Romana in Campaniam, inde, qua
proximum fuit, in castra Hannibalis pervenit, fœdusque
cum eo atque amicitiam junxit legibus his: *ut Philippus* Fœdus in-
rex quam maxima classe (ducentas autem naves videbatur effec- ter Philip-
turus) in Italiam trajiceret, et vastaret maritimam oram: bel- pum et
lum pro parte sua terra marique gereret. ubi debellatum esset, Hanniba-
Italia omnis cum ipsa urbe Roma Karthaginiensium atque lem.
Hannibalis esset, prædaque omnis Hannibali cederet. Perdo-
mita Italia, navigarent in Græciam, bellumque, ⁶⁵ *cum quibus*
regibus placeret, gererent. quæ civitates continentis, quæ insu-
læ ad Macedoniam vergunt, eæ Philippi regniue ejus essent.

XXXIV. In has ferme leges inter Pœnum ducem lega-

^m quo Crev.

⁶² Quo propior Italiæ] Sic unus Hearnii codex, Andreas, et Campanus. Vulgo quod.

⁶³ Postquam tertia jam pugna] Quum videret Philippus tertiam jam pugnam, tertiam fuisse victoriam ab Pœnorum parte; sive, Pœnos ter pug-
nasse cum Romanis, ter vicisse.

⁶⁴ Circa Nuceriam] Sigonius mo-

net legendum *Luceriam*. M. enim Valerius in Apulia erat, cujus una e præcipuis civitatibus *Luceria*. At *Nuceria* urbs est Campaniæ. Scripti fere *Numeriam*, vel *Numiam*.

⁶⁵ Cum quibus regibus placeret] Lege cum Gronovio, cum quibus regi, nempe Philippo, placeret.

U. C. 587.
A. C. 215.
Legati Pœ-
norum ad
Philippum.

tosque Macedonum ictum foedus, missique cum iis ⁶⁶ ad regis ipsius firmandam fidem legati, Gisgo, et Bostaret, Mago, eodem ad Junonis Laciniae, ubi navis occulta in statione erat, perveniunt: inde profecti, quum jam altum tenerent, conspecti a classe Romana sunt, quæ præsidio erat Calabriae litoribus. P. Valerius Flaccus ⁶⁷ cercuros ad persequendam retrahendamque navem quum misisset, primo fugere regii conati: deinde, ubi celeritate vinci senserunt, tradunt se Romanis, et ad præfectum classis adducti: quum quæreret, *qui, et unde, et quo tenderent cursum?* Xenophanes primo, satis jam semel felix, mendacium struere, *a Philippo se ad Romanos missum, ad M. Valerium, ad quem unum iter tutum fuerit, pervenisse. Campaniam superare nequisse, septam hostium præsidiis.* Deinde, ut Punicus cultus habitusque suspectos legatos fecit Hannibalis, interrogatosque sermo prodidit: tum, comitibus eorum seductis, ac metu territis, literæ quoque ab Hannibale ad Philippum inventæ, ⁶⁸ et pactaⁿ inter regem Macedonum Pœnumque ducem. Quibus satis cognitis, optimum visum est, captivos comitesque eorum Romam ad senatum, aut ad consules, ubicumque essent, quam primum deportare. ad id celerrimæ quinque naves delectæ, ac L. Valerius Antias, qui præesset, missus: eique mandatum, ut in omnes naves legatos separatim custodiendos divideret, daretque operam, ne quod iis colloquium inter se, neve quæ communicatio consilii esset. Per idem tempus Romæ quum A. Cornelius Mammula, ex Sardinia provincia decedens, retulisset, qui status rerum in insula esset, bellum ac defectionem omnes spectare; Q. Mucium, qui successisset sibi, gravitate cœli aquarumque advenientem exceptum, non tam in periculosum, quam longum, morbum implicitum, diu ad belli vim sustinendam inutilem fore, ⁶⁹ exercitumque ibi ut satis firmum pacatæ provinciæ præsidio^o esse, ita parum bello, quod motum iri videretur: decreverunt Patres, ut Q. Fulvius Flaccus quinque millia peditum, quadringentos equites scriberet, eamque legionem primo quoque tempore in Sardiniam trajiciendam curaret,

Sardiniae
status.

ⁿ add. *pacis* Gron. Crev.

^o *præsidio* l. *præsidem* Eæd.

⁶⁶ * *Ad regis ipsius firmandam fidem*] Ad firmandam societatem fide, seu, juramento ipsius regis. Eodem fere modo infra XXXII. 40. *firmato præsidio*, id est, quum firmasset urbem præsidio.

⁶⁷ *Cercuros*] Cercurus erat genus navigii velocis et brevis cum longa puppi. Nomen ei videtur inditum a Corcyra insula, quæ Græcis Κερύρα, ubi fortasse illa navigii forma inventa est.

Vid. Martinii Lexic.

⁶⁸ *Et pacta pacis inter*] Sic dedit Gronovius, quum Put. codex habeat *et pactæ et pactis inter*. Nobis placeat magis cum ceteris plerisque scriptis legere *et pacta inter*, vel, quomodo unus e nostris, *et pactæ leges inter*.

⁶⁹ *Exercitum . . . provinciæ præsidem*] Eodem modo loquitur Livius, infra c. 48. *præsides provinciarum exercitus*.

mitteretque cum imperio, quem ipsi videretur, qui rem ge- U. C. 537.
reret, quoad Mucius convaluisset. Ad eam rem missus est A. C. 215.
T. Manlius Torquatus, qui bis consul censorque fuerat, sub-
eegeratque in consulatu Sardos. Sub idem fere tempus et a
Karthagine in Sardiniam classis missa, duce Hasdrubale,
cui Calvo cognomen erat, foeda tempestate vexata, ⁷⁰ ad
Baliares insulas dejicitur^p. ibique (adeo non armamenta
modo, sed etiam alvei navium quassati erant) subductæ na-
ves dum reficiuntur, aliquantum temporis triverunt.

XXXV. In Italia quum post Cannensem pugnam, frac-
tis partis alterius viribus, alterius mollitis animis, segnius
bellum esset: Campani per se adorti sunt rem Cumanam
suæ ditionis facere; primo sollicitantes, ut ab Romanis de-
ficerent. ubi id parum processit, dolum ad capiendos eos
comparant. Campanis omnibus statum sacrificium ad Ha-
mas. eo senatum Campanum venturum certiores Cumanos <sup>Campano-
rum molitiones in
Cumanos.</sup>
fecerunt: petieruntque, ut et Cumanus eo senatus veniret
ad consultandum communiter, ut eosdem uterque populus
socios hostesque haberet: præsidium ibi armatum sese ha-
bituros, ne quid ⁷¹ ab Romano Pœnove periculi esset. Cu-
mani (quamquam suspecta fraus erat) nihil abnuere; ita te-
gi ⁷² fallax consilium posse rati. Interim Ti. Sempro-
nius consul Romanus Sinuessæ, quo ad conveniendum diem
edixerat, exercitu lustrato, transgressus Vulturum flumen,
circa Liternum castra posuit. Ibi, quia otiosa stativa erant,
crebro decurrere milites cogebat, ut tirones (ea maxima
pars volonum erat) adsuescerent signa sequi, et in acie ag-
noscere ordines suos. ⁷³ inter quæ maxima inerat^q cura duci,
itaque legatis tribunisque præceperat, *ne qua exprobratio
cuiquam veteris fortunæ discordiam inter ordines sereret: ve-
tus miles tironi, liber voloni sese exæquari sineret. omnes satis*

^p ejicitur Gron.

^q add. tum Gron. Crev.

⁷⁰ *Ad Baleares insulas dejicitur*] Hanc scripturam solus servavit Vic-
torinus codex: sed eodem alludunt
ceteri, qui præferunt *dicitur* vel *duci-
tur*: et idem verbum eadem de re et-
iam in editis retentum est infra c. 40.
*Classis Punica . . . quæ tempestate de-
jecta ad Baleares erat.* Vulgati habent
hoc loco *ejicitur*. Sed *ejici* naufrago-
rum est, ut in decantato illo orationis
pro Roscio loco: *Quid tam commune,
quam . . . litus ejectis.* *Dejici* dicun-
tur ii qui vi tempestatis vertuntur a
cursu, aut ad terram inviti impellun-
tur, summa tamen re salva. Sic su-
pra l. XXI. 49. *eam quoque classem
ad Ægates insulas dejectam.*

⁷¹ *Ab Romano Pœnove*] Emendatio
Gronovii, educta ex scriptura paulu-
lum deformata Put. codicis *ab Roma-
no venove.* Editi antea *ab Romano
novo.*

⁷² *Fallax consilium*] Fraudem
quam et ipsi meditabantur adversus
fraudentos.

⁷³ *Inter quæ maxima inerat tum
cura duci*] Hoc eruit Gronovius ex
Put. qui præfert: *inter quæ maxemam-
erat cura cura duci.* Interea id ma-
xime curabat dux, et ita legatis tribu-
nisque præceperat, ne qua exprobra-
tio veteris fortunæ cuiquam facta dis-
cordiam . . . sereret.

U. C. 497. *honestos generososque ducerent, quibus arma sua signaque populus Romanus commisisset. quæ fortuna coëgisset ita fieri, eandem cogere tueri factum.* Ea non majore cura præcepta ab ducibus sunt, quam a militibus observata; brevique tanta concordia coaluerant omnium animi; ut prope in oblivionem veniret, qua ex conditione quisque esset miles factus. Hæc agenti Graccho legati Cumani nunciarunt, quæ a Campanis legatio paucos ante dies venisset, et quid iis ipsi respondissent. Triduum post eum diem festum esse: non senatum solum omnem ibi futurum, sed castra etiam et exercitum Campanum. Gracchus, jussis Cumanis omnia ex agris in urbem convehere, et manere intra muros, ipse pridie, quam statum sacrificium Campanis esset, Cumas movet castra. Hamæ inde tria millia passuum absunt. Jam Campani eo frequentes ex composito conveniant, nec procul inde in occulto Marius Alfius Medixtuticus (summus magistratus erat Campanis) cum quatuordecim millibus armatorum habebat castra; sacrificio adparando, et inter id instruendæ fraudi aliquanto intentior, quam muniendis castris, aut ulli militari operi. ⁷⁴ Triduum sacrificatum ad Hamas. Nocturnum erat sacrum, ita ut ante mediam noctem compleretur. Huic Gracchus insidiandum tempori ratus, custodibus ad portas positis, ne quis enunciare posset cœpta, et ab decima diei hora coactis militibus corpora curare, somnoque operam dare, ut primis tenebris convenire ad signum possent, vigilia ferme prima tolli jussit signa; silentique profectus agmine, quum ad Hamas media nocte pervenisset, castra Campana, ut in pervigilio neglecta, simul omnibus portis invadit: alios somno stratos, alios perpetrato sacro inermes redeuntibus obtruncat. hominum eo tumultu nocturno cæsa plus duo millia, cum ipso duce Mario Alfio. capta sunt signa militaria quatuor et triginta.

Castra
Campana
invadit
Gracchus.

XXXVI. Gracchus, minus centum militum jactura castris hostium potitus, Cumas se propere recepit, ab Hannibale metuens, qui super Capuam in Tifatis habebat castra. Nec eum provida futuri fefellit opinio. nam simul Capuam ea clades est nunciata, ratus Hannibal, ab re bene gesta insolenter lætum exercitum tironum, magna ex parte, servorumque, spoliante victos, prædasque agentem, ad Hamas

⁷⁴ *Triduum sacrificatum ad Hamas*] Recte observat Perizonius verisimile non esse, Gracchum, qui pridie istius sacrificii jam moverat Cumas, post triduum demum oppressisse Campanos: imo debuisse eum rem aggredi primo quoque tempore, ne insidiæ

detegerentur. Ideo ille legendum existimat *sacrificandum*: bene, si sensum solum spectes. At lenius procedet oratio, si legas *sacrificatur*, id est, sacrificari mos est: ut significet Livius istud sacrificium suo adhuc ævo celebrari.

se inventurum; citatum agmen præter Capuam rapit, ob- U. C. 537.
viosque ex fuga Campanorum ⁷⁵ dato præsidio Capuam du- A. C. 215.
ci, saucios vehiculis portari jubet. ipse Hamis vacua ab hos-
tibus castra, nec quidquam præter recentis vestigia cædis,
strataque passim corpora sociorum invenit. Auctores erant
quidam, ut protinus inde Cumas duceret, urbemque obpug-
naret. Id quamquam haud modice Hannibal cupiebat, ut,
quia Neapolim non potuerat, Cumas saltem, maritimam
urbem, haberet; tamen, quia præter arma nihil secum mi-
les, raptim acto agmine, extulerat, retro in castra supra Ti-
fata se recepit. inde, fatigatus Campanorum precibus, se-
quenti die cum omni adparatu obpugnandæ urbis Cumas
redit: perpopulatoque agro Cumano, mille passus ab urbe
castra locat; ⁷⁶ quum¹ Gracchus magis verecundia in tali
necessitate deserendi socios, inplorantes fidem suam popu-
lique Romani, substitisset², quam satis fidens exercitui. Defendit
Nec alter consul Fabius, qui ad Cales castra habebat, Vul- Cumas
turnum flumen traducere audebat exercitum; occupatus Gracchus.
primo ⁷⁷ auspiciis repetendis, dein prodigiis, quæ alia super
alia nunciabantur, expiantique ea haud facile litari aruspi-
ces respondebant.

XXXVII. Hæ causæ quum Fabium tenerent, Sempro-
nius in obsidione erat; et jam operibus obpugnabatur. ad-
versus ligneam ingentem admotam urbi, aliam turrem ex
ipso muro excitavit consul Romanus, aliquanto altiore:
quia muro satis per se alto subjectis validis sublicis pro solo
usus erat. inde primum saxis, sudibusque, et ceteris mis-
silibus propugnatores mœnia atque urbem tuebantur: post-
remo, ubi ⁷⁸ promovendo adjunctam muro viderunt turrem,
facibus ardentibus plurimum simul ignem conjecerunt. quo
incendio trepida armatorum multitudo quum de turre³ sese
præcipitaret, ⁷⁹ eruptio ex oppido simul duabus portis⁴ sta- Eruptio
tiones hostium fudit, fugavitque in castra; ut eo die ob- Gracchi.
sesso, quum obsidenti, similior esset Pœnus. Ad mille tre-
centi⁵ Karthaginensium cæsi, et undesexaginta vivi capti;

¹ quum l. tum Gron.
² add. facta Eæd.

³ substitit Ead.
⁴ trecentos Eæd.

⁵ turri Gron. Crev.

⁷⁵ Dato præsidio] Hoc a Lipsio est. Scripti duo præsidio. Vulgati per duo præsidia.

⁷⁶ Quum Gracchus . . . substitisset] Hæc est Put. et Vict. codicum scriptura: quam mutarunt editores, jussuruntque legi Tum Gracchus . . . substitit, quia scilicet non intellexerunt hic non incipere novam periodum, sed hoc esse membrum orationis cum iis quæ præcedunt connectendum.

⁷⁷ Auspiciis repetendis] Qua de

causa eum Romam proficisci necesse erat. Vid. supra c. 19. et l. VIII. c. 30.

⁷⁸ Promovendo adjunctam] Gerundium hic passive sumitur: ut l. V. c. 26. differendo deinde elanguit res.

⁷⁹ Eruptio . . . simul duabus portis facta] Omnes scripti nostri, ut et Gronoviani, ignorant vocem facta. Et, licet non expressa, facile intelligitur: ut supra c. 35. ne qua exprobra- tio cuiquam.

U. C. 537. qui, circa muros et in stationibus solute ac negligenter
 A. C. 215. agentes, quum nihil minus, quam eruptionem, timuissent,
 ex improviso obpressi fuerant. Gracchus, priusquam se
 hostes ab repentino pavore conligerent, receptui signum
 dedit ac suos intra muros recepit. Postero die Hannibal,
 lætum^y secunda re consulem justo proelio ratus certaturum,
 aciem inter castra atque urbem instruxit. ceterum postquam
 neminem moveri ab solita custodia urbis vidit, nec com-
 mitti quidquam temerariæ spei, ad Tifata redit infecta re.
 Quibus diebus Cumæ liberatæ sunt obsidione, iisdem die-
 bus et in Lucanis ad Grumentum Ti. Sempronius, cui Lon-
 go cognomen erat, cum Hannone Poeno prospere pugnat.
 Supra duo millia hostium occidit, et ducentos octoginta mi-
 lites amisit: signa militaria ad quadraginta unum cepit.
 Pulsus finibus Lucanis Hanno retro in Bruttios sese rece-
 pit. Et ex Hirpinis oppida tria, quæ a populo Romano
 defecerant, vi recepta per M. Valerium prætorem.⁸⁰ Ver-
 cellius Siciliusque, auctores defectionis, securi percussi. su-
 pra mille captivorum sub hasta venierunt: præda alia militi
 concessa, exercitus Luceriam reductus.

Cumas de-
 serit Han-
 nibal.

Legati Phi-
 lippi et
 Hanniba-
 lis Romam
 ducuntur.

XXXVIII. Dum hæc in Lucanis atque in Hirpinis ge-
 runtur, quinque naves, quæ Macedonum atque Poenorum
 captos legatos Romam portabant, ab supero mari ad infe-
 rum circumvectæ prope omnem Italiæ oram, quum præter
 Cumas velis ferrentur, neque, hostium an sociorum essent,
 satis sciretur, Gracchus obviam ex classe sua naves misit.
 Quum percunctando in vicem cognitum esset, consulem
 Cumis esse; naves Cumas adpulsæ, captivique ad consu-
 lem deducti, et literæ datæ. Consul, literis Philippi atque
 Hannibalis perlectis, consignata omnia ad senatum itinere
 terrestri misit: navibus devehi legatos iussit. Quum eo-
 dem fere die literæ legatique Romam venissent, et, per-
 cunctatione facta, dicta cum scriptis congruerent, primo
 gravis cura Patres incessit, cernentes, quanta vix toleranti-
 bus Punicum bellum Macedonici belli moles instaret. cui
 tamen adeo non subcubuerunt, ut extemplo agitaretur,
 quemadmodum ultro inferendo bello averterent ab Italia
 hostem. Captivis in vincula condi jussis, comitibusque eo-
 rum sub hasta venditis,⁸¹ ad naves viginti quinque, quibus

^y elatum Gron. Crev.

80 *Vercellius Siciliusque*] Si fides optimis libris, ex oppidis tribus duos homines fecerunt editores. Ita enim fere habent optimi MSS. *vi recepta . . Vercellium, Vercellium, Siciliumque, et auctores defectionis securi percussi.* GRONOVIVS.

81 *Ad naves viginti quinque, quibus . . præerat, viginti paratas alias*] Gronovius censet vocem *paratas* aut mutandam in *parari*, aut omnino delendam. Sed satius est cum Perizonio legere *viginti quinque alias*, quæ junctæ cum quinque illis navibus quas ad

P. Valerius Flaccus præfectus præerat, viginti paratas alias U. C. 537. decernunt. His comparatis deductisque, et additis quin- A. C. 215. que navibus, quæ advexerant captivos legatos, triginta^z naves ab Ostia Tarentum profectæ: jussusque P. Valerius, militibus Varronianis, quibus L. Apustius legatus Tarenti præerat, in naves inpositis, quinquaginta navium classe non tueri modo Italiæ oram, sed explorare de Macedonico bello. si congruentia literis legatorumque indiciis Philippi consilia essent, ut M. Valerium prætorem literis certiores faceret: isque, L. Apustio legato exercitui præposito, Tarentum ad classem profectus, primo quoque tempore in Macedoniam transmitteret: daretque operam, ut Philippum in regno contineret. Pecunia ad classem tuendam bellumque Macedonicum ea decreta est, quæ Ap. Claudio in Siciliam missa erat, ut redderetur Hieroni regi: ea per L. Apustium legatum Tarentum est devecta. simul ab Hierone missa⁸² ducenta millia modiorum tritici, et hordei centum.

XXXIX. Dum hæc Romani parant aguntque, ad Philippum captiva navis, una ex iis, quæ Romam missæ erant, Alteram le- ex cursu refugit: inde scitum, legatos cum literis captos. gationem mittit Phil. ad Hanni- Itaque⁸³ ignarus de iis, quæ cum Hannibale legatis suis convenissent, quæque legati ejus ad se adlaturi fuissent, le- balem. gationem aliam cum eisdem mandatis mittit. Legati ad Hannibalem missi, Heraclitus, cui Scotino cognomen erat, et⁸⁴ Crito Berræus^a, et Sositheus Magnes. Hi prospere tulerunt ac retulerunt mandata. sed prius se æstas circume- git, quam movere ac moliri quidquam rex posset: tantum navis una capta cum legatis momenti fecit, ad dilationem imminentis Romanis belli. Et circa Capuam, transgresso Vulturnum Fabio post expiata tandem prodigia, ambo consules rem gerebant. Compulteriam, et Trebulam, et Saticulam, urbes, quæ ad Pœnum defecerant, Fabius vi cepit; præsidiaque in iis Hannibalis, Campanique permulti capti.

^z quinquaginta Gron.

^a Berræus Gron. Crev.

captivos deportandos Romam P. Valerius e classe sua miserat, efficiunt numerum triginta navium, quæ mox dicuntur ab Ostia Tarentum profectæ. Porro quod edidimus *triginta naves*, quum vulgati habeant *quinquaginta naves*, dedimus id non solum certissimæ ejusdem Perizonii conjecturæ, sed et auctoritati unius e regiis codicibus. * Vocem *quinque* transponit Jac. Gron. legitque, *ad naves viginti*, quibus præerat, viginti quinque paratas alias decernunt.

⁸² Ducenta millia modiorum] Modii

Parisienses 154166. Centum millia, 77083.

⁸³ Ignarus de iis quæ] Bene Gronovius ex vestigiis scriptæ lectionis emendat: *ignarus rex ecquæ cum Annibale legatis suis convenissent*.

⁸⁴ Crito Berræus] In posteriore voce variant multum scripti et editi: nec ulli fere antiquiores habent quomodo nunc legitur. Jac. Gronovius ex vestigiis MSS. suspicatur, *Crito Bottiæus*. Bottiæa est regio Macedoniæ.

U. C. 537. Et Nolæ, sicut priore anno, senatus Romanorum, plebs
 A. C. 215. Hannibalis erat: consiliaque occulta de cæde principum et
 Nolanorum discordiæ. proditione urbis inibantur. Quibus ne incepta procederent,
 inter Capuam castraque Hannibalis, quæ in Tifatis erant,
 traducto exercitu, Fabius ⁸⁵ super Vesuvium in castris Clau-
 dianis consedit; inde M. Marcellum proconsulem cum iis
 copiis, quas habebat, Nolam in præsidium misit.

Res in Sar-
 dinia gestæ.

XL. Et in Sardinia res ⁸⁶ per T. Manlium prætorem ad-
 ministrari coeptæ, quæ omissæ erant, postquam Q. Mucius
 prætor gravi morbo est implicatus. Manlius, navibus longis
 ad Carales subductis, navalibusque sociis armatis, ut terra
 rem gereret, et a prætore exercitu accepto, duo et viginti
 millia peditum, mille et ducentos equites confecit. Cum
 his equitum peditumque copiis profectus in agrum hos-
 tium, haud procul ab Hampsicoræ castris castra posuit.
 Hampsicora tum forte profectus erat in ⁸⁷ Pellitos ^b Sardos,
 ad juventutem armandam, qua copias augeret. Filius ejus,
 nomine Hiostus, castris præerat: is, adolescentia ferox, te-
 mere prælio inito fusus fugatusque. ad tria millia Sardo-
 rum eo prælio cæsa, ⁸⁸ octingenti ferme vivi capti. Alius
 exercitus primo per agros silvasque fuga palatus; dein, quo
 ducem fugisse fama erat, ad urbem nomine Cornum, caput
 ejus regionis, confugit. debellatumque eo prælio in Sardinia
 esset, ni classis Punica cum duce Hasdrubale, quæ tempe-
 state dejecta ad Baliares erat, in tempore ad spem rebellandi
 advenisset. Manlius post famam adpulsæ Punicæ classis,
 Carales se recepit. ea occasio Hampsicoræ data Pœno se
 jungendi. Hasdrubal, copiis in terram expositis, et classe
 remissa Karthaginem, duce Hampsicora ad sociorum populi
 Romani agrum populandum profectus, Carales perventurus
 erat, ni Manlius obvio exercitu ab effusa eum populatione
 continuisset. Primo castra castris modico intervallo sunt
 objecta, deinde procursationes levique certamina vario
 eventu inita: postremo descensum in aciem, signisque con-
 latis, justo prælio per quatuor horas pugnatum. Diu

Prælium,
 quo supe-
 riores Ro-
 mani.

^b *Pellidos* Gron.

⁸⁵ *Super Vesuvium in castris Clau-
 dianis*] Lege cum Cluverio *super Sues-
 sulam*, ex capp. 17. et 32. supra, et
 46. 48. infra.

⁸⁶ *Per T. Manlium prætorem*] Vel legendum est *proprætorem*, vel
prætor hic sumitur pro eo qui cum
 prætorio imperio est, quamvis prætu-
 ram non gerat. T. enim Manlius
 non fuit prætor hoc anno, ut constat
 ex capp. 30. et 34. Nisi forte vox ea
 delenda est, quæ quidem abest ab uno
 e nostris codd.

⁸⁷ *Pellitos Sardos*] Sic optimi,
 teste Gronovio. Vulgo *Pellidos*. *Pel-
 liti Sardiniae populus, qui quia in
 montibus habitabant, ideo ad arcen-
 dum frigus mastrucis et pellibus ute-
 bantur: unde illis nomen Pelliti.
 † Vid. tertiam Epistolam nostram ad
 R. P. Harduinum, de Plinii editione
 ab eo adornata.

⁸⁸ *Octingenti ferme*] Hunc nume-
 rum habent melioris notæ scripti.
 Editorum turba, *trecenti*.

pugnam ancipitem Poeni, Sardis facile vinci adsuētis, fecerunt: postremo et ipsi, quum omnia circa strage ac fuga Sardorum repleta essent, fusi. ceterum terga dantes, circumducto cornu, quo pepulerat Sardos, inclusit Romanus. caedes inde magis, quam pugna, fuit. Duodecim millia hostium caesa Sardorum simul Poenorumque, ferme tria millia et septingenti^c capti, et signa militaria septem et viginti.

XLI. Ante omnia claram et memorabilem pugnam fecit Hasdrubal imperator captus, et Hanno, et Mago, nobiles Karthaginienses. Mago ex gente Barcina, propinqua cognatione Hannibali junctus; Hanno auctor rebellionis Sardis; bellicque ejus haud dubie concitor. Nec Sardorum duces minus nobilem eam pugnam cladibus suis fecerunt. nam et filius Hampsicoræ Hiostus in acie cecidit: et Hampsicora, cum paucis equitibus fugiens, ut super adflictas res necem quoque filii audivit, nocte, ne cujus interventus cœpta inpediret, mortem sibi conscivit. Ceteris urbs Cornus eadem, quæ ante, fugæ receptaculum fuit. quam Manlius, victore exercitu adgressus, intra paucos dies recepit. Deinde aliæ quoque civitates, quæ ad Hampsicoram Poenosque defecerant, obsidibus datis, dediderunt sese. quibus stipendio frumentoque imperato, pro cujusque aut viribus aut delicto, Carales exercitum reduxit. Ibi navibus longis deductis, inpositoque, quem secum advexerat, milite, Romam navigat, Sardiniamque perdomitam nunciat Patribus: et stipendium quæstoribus, frumentum ædilibus, ⁸⁹ captivosque Fulvio prætori tradidit. Per idem tempus ⁹⁰ T. Otacilius prætor, quinquaginta navium ab Lilybæo classe in Africam transvectus, depopulatusque agrum Karthaginensem, quum Sardiniam inde peteret, quo fama erat Hasdrubalem a Baliaribus nuper trajecisse, classi Africam repetenti obcurrit, levique certamine in alto commisso, septem inde naves cum sociis navalibus cepit: ceteras metus haud secus, quam tempestas, passim disjecit. Per eosdem forte dies et Bomilcar ⁹¹ cum militibus, ad supplementum Karthagine missis, elephantisque^d, et commeatu, Locros accessit. quem ut incautum obprimeret Ap. Claudius, per simulationem pro-

Perdomita
Sardinia.

^c sexcenti Gron. Crev.

^d quadragintaque elephantis Eæd.

⁸⁹ Captivos Q. Fulvio] Vulgo captivosque Fulvio: quo genere mendi nullum est frequentius in scriptis et editis. Unus tamen e regibus verum servavit, quod admisimus.

⁹⁰ T. Otacilius prætor] Otacilius non hoc anno, sed superiore prætor

fuit. Vid. not. 86. ad c. proxime præcedens.

⁹¹ Cum militibus] Deest numerus, qui, ut apparet ex c. 13. supra, est 4000. Mox omnes scripti omittunt quadragintaque: tres nostri habent elephantisque.

U. C. 537. *vinciæ circumeundæ Messanam raptim exercitu ducto,*
 A. C. 215. ⁹² æstu secundo Locros trajecit. Jam inde Bomilcar ad Hannonem in Bruttios profectus erat, et Locrenses portas Romanis clausurunt. Appius magno conatu nullâ re gesta, Messanam repetit. Eadem æstate Marcellus ab Nola, quam præsidio obtinebat, crebras excursiones in agrum Hirpinum et Samnites Caudinos fecit. adeoque omnia ferro atque igni vastavit, ut antiquarum cladum Samnio memoriam renovaret.

Oratio
 Samnitum
 ad Hanni-
 balem.

XLII. Itaque extemplo legati, ad Hannibalem missi simul ex utraque gente, ita Pœnum adlocuti sunt: *Hostes populi Romani, Hannibal, fuimus primum per nos ipsi, quoad nostra arma, nostræ vires nos tutari poterant. postquam iis parum fidebamus, Pyrrho regi nos adjunximus: a quo relictæ pacem necessariam accepimus, fuimusque in ea* ⁹³ *per annos prope quinquaginta, ad id tempus, quo in Italiam venisti. Tua nos non magis virtus fortunaque, quam unica comitas ac benignitas erga cives nostros, quos captos nobis remisisti, ita conciliavit tibi, ut, te salvo atque incolumi amico, non modo populum Romanum, sed ne Deos quidem iratos (si dici fas est) timere-mus. At, Hercule, non solum incolumi et victore, sed præsentē te, (comploratum prope conjugum ac liberorum nostrorum exaudire, et flagrantia tecta posses conspicerē) ita sumus aliquoties hac æstate devastati, ut M. Marcellus, non Hannibal, vicisse ad Cannas videatur; glorianturque Romani, te, ad unum modo ictum vigentem, velut aculeo emisso, torpere.* ⁹⁴ *Per centum prope annos cum populo Romano bellum gessimus, nullo externo adjuti nec duce, nec exercitu: nisi quod per biennium Pyrrhus nostro magis milite suas auxit vires, quam suis viribus nos defendit. Non ego secundis rebus nostris gloriabor, duos consules, ac duos consulares exercitus a nobis sub jugum missos, et si qua alia aut læta aut gloriosa nobis evenerunt. quæ aspera adversaque tunc acciderunt, minore indignatione referre possumus, quam quæ hodie eveniunt. Magni dictatores cum magistris equitum, bini consules cum binis consularibus exercitibus ingrediebantur fines nostros; ante explorato, et subsidiis positis, et sub signis ad populandam ducebant.* ⁹⁵ *nunc*

⁹² *Æstu secundo*] Scita et elegans locutio, qua usus est Sallust. l. I. Histor. *Itaque Sertorius . . æstu secundo furtivæ celeritate.* Exhibent tamen hoc Livii loco scripti codices *æstuque suo.* Sed hic potior nobis est editorum auctoritas, cui sensus ratio et sermonis elegantia favet.

⁹³ *Per annos prope quinquaginta*] Sigonius legi jubet *prope sexaginta.* Ab anno enim 480. quo pax cum

Samnitibus eorumque sociis facta fuerat, ad annum 534. quo Annibal in Italiam venit, anni sunt quatuor et quinquaginta.

⁹⁴ *Per centum prope annos*] Vid. not. 13. ad c. 5. supra.

⁹⁵ *Nunc prope unius*] Nunc prope præda sumus unius præsidii. Nisi forte legendum: *nunc unius, et parvi prope ad tuendam Nola præsidii.*

proprii^e unius et parvi ad tuendam Nolam praesidii praeda su- U. C. 537.
mus. Jam ne manipulatim quidem, sed latronum modo, per- A. C. 215.
cursant totis finibus nostris negligentius, quam si in Romano
vagarentur agro. Causa autem haec est, quod neque tu de-
fendis, et nostra juventus, quæ, si domi esset, tutaretur, omnis
sub signis militat tuis. Nec te, nec exercitum tuum norim,
nisi, a quo tot Romanas acies fusas stratasque esse sciam, ei
facile esse ducam obprimere populatores nostros vagos, sine
signis, palatos, quo quemque trahit, quamvis vana, prædæ
spes. Numidarum paucorum illi quidem præda erunt,⁹⁶ præ-
sidiumque missum nobis^f et Nolæ ademeri^g: si modo, quos,
ut socios haberes, dignos duxisti, haud indignos judicas, quos in
finem receptos tuearis.

XLIII. Ad ea Hannibal respondit: *Omnia simul facere* Responsum
Hirpinos Samnitesque: et indicare clades suas, et petere præ- Hannibalis.
sidium, et queri indefensos se neglectosque. Indicandum au-
tem fuisse primum, dein^h petendum præsidium: postremo, ni
impetraretur, tum denique querendum, frustra opem inplora-
tam. Exercitum seseⁱ non in agrum Hirpinum Samnitæ,
ne et ipse oneri esset, sed in proxima loca sociorum populi Ro-
mani adducturum. iis populandis et militem suum repleturum
se, et metu procul ab iis submoturum hostes. Quod ad bellum
Romanum attineret, si Trasimeni quam Trebiæ, si Cannarum
quam Trasimeni pugna nobilior esset; Cannarum se quoque
memoriam obscuram majore et clariore victoria facturum. Cum
hoc responso muneribusque amplis legatos dimisit. ipse,
præsidio modico relicto in Tifatis,⁹⁷ profectus cetero exer-
citu ire Nolam pergit. Eodem Hanno ex Brutiis, cum
supplemento Karthagine advecto atque elephantis, venit.
castris haud procul positis, longe alia omnia inquirenti
comperta sunt, quam quæ a legatis sociorum audierat. nihil
enim Marcellus ita gerebat, ut aut fortunæ, aut temere hos-
ti commissum dici posset. explorato, cum firmisque præsi-
diis, tuto receptu prædatum ierat: ⁹⁸omniaque, velut ad-
versus præsentem Hannibalem, cauta provisæque fuerunt.
Tum, ubi sensit hostem adventare, copias intra moenia te-
nuit: per muros inambulare senatores Nolanos jussit, et Animos
omnia circa explorare, quæ apud hostes fierent. Ex iis Nolanorum
Hanno, quum ad murum subcessisset, Herennium Bassum tentat Han-
nibal.

^e *prope* Gron. Crev.
inde Eæd.

^f *add. erit* Eæd.

^g *ademeri* Eæd.

^h *de-*

ⁱ *æ* Eæd.

⁹⁶ *Præsidiumque missum nobis e-*
rit, et Nolæ ademeri] Non modo mi-
 seris præsidium nobis, sed etiam ea-
 dem opera præsidium Nolæ ademeri.
 Modo dixit Romanos, qui Nolam tue-
 bantur, paucorum Numidarum præ-
 dam fore.

⁹⁷ *Profectus cetero exercitu]* Sic
 edidit Gronovius: et assentitur Vict.
 codex. Vulgo *cum cetero*. Sed Livius
 non raro præpositionem suppressere
 amat.

⁹⁸ *Omnia cauta provisæque*
fuerunt] Fortasse: *fuerant*.

U. C. 537. et Herium⁹⁹ Petrium^k, ad colloquium evocatos, permissu-
 A. C. 215. que Marcelli egressos, per interpretem adloquitur. Hanni-
 balis virtutem fortunamque extollit: populi Romani obterit
 senescentem cum viribus majestatem. *Quæ si paria essent,
 ut quondam fuissent, tamen expertis, quam grave Romanum
 imperium sociis, quanta indulgentia Hannibalis etiam in cap-
 tivos omnes Italici nominis fuisset, Punicam Romanæ societa-
 tem atque amicitiam præoptandam esse. Si ambo consules cum
 suis exercitibus ad Nolam essent, tamen non magis pares Han-
 nibali futuros, quam ad Cannas fuissent: nedum prætor unus,
 cum paucis et novis militibus, Nolam tutari possit.*¹ *ipsorum,
 quam Hannibalis, interesse, capta an tradita Nola potiretur.
 potiturum enim, ut Capua Nuceriaque potitus esset: sed, quid
 inter Capuæ Nuceriæque fortunam interesset, ipsos prope in
 medio sitos Nolanos scire. Nolle ominari, quæ captæ urbi ces-
 sura forent: sed potius spondere, si Marcellum cum præsidio
 ac Nolam tradidissent, neminem alium, quam ipsos, legem,
 qua in societatem amicitiamque Hannibalis venirent, dictu-
 rum.*

Obpugnat
Nolam.

XLIV. Ad ea Herennius Bassus respondit: *Multos an-
 nos jam inter Romanum Nolanumque populum amicitiam esse,
 cujus neutros ad eam diem pænitere; et sibi si cum fortuna
 mutanda fides fuerat,*² *sero jam esse mutare eam. dedituris se
 Hannibali non fuisse arcessendum Romanum præsidium: cum
 iis, qui ad se tuendos venissent, omnia sibi et esse consociata, et
 ad ultimum fore. Hoc colloquium abstulit spem Hannibali
 per prodicionem recipiendæ Nolæ. itaque oppidum corona
 circumdedit, ut simul ab omni parte moenia adgrederetur.
 Quem ut subcessisse muris Marcellus vidit, instructa intra
 portam acie, cum magno tumultu erupit. aliquot primo in-
 petu perculsi cæsique sunt; dein, concursu ad pugnantes
 facto, æquatisque viribus, atrox coepit esse pugna. memo-
 rabilisque inter paucas fuisset, ni ingentibus procellis effu-
 sus imber diremisset pugnantes. Eo die commisso modico
 certamine, atque irritatis animis, in urbem Romani, Pœni
 in castra sese receperunt. tamen*³ *Pœnorum prima eruptio-
 ne perculsi ceciderunt haud plus quam triginta, Romano-*

^k *Pettium Crev.*

⁹⁹ *Pettium]* Sic nomen hoc scribitur in plurimis codd. Vulgo *Petrium*.

¹ *Ipsorum quam Annibalis]* Supprimatur magis ex more optimis scriptoribus interdum usitato.

² *Sero jam esse]* Melius fortasse: *serum*. GRONOVIVS.

³ *Pœnorum . . . ceciderunt haud plusquam triginta: Romanorum nul-*

lus. Imber] Put. *Romani liber*: supra secundam litteram adscriptum est *n*. Inde ingeniose conjicit Gronovius *Romani L.* sive *quingenta. Imber*. Favet illi emendationi unus e nostris vel optimæ notæ, qui habet *Romani Imber*. Numerum quoque *triginta* falsum putat Gronovius, et pro eo legi posse *trecenti*.

rum nullus. Imber continens per noctem totam usque ad U. C. 537. horam tertiam diei insequentis tenuit: itaque, quamquam A. C. 215. utraque pars avidi certaminis erant, eo die tenuerunt sese tamen munimentis. tertio die Hannibal partem copiarum prædatum in agrum Nolanum misit. Quod ubi animadvertit Marcellus, extemplo in aciem copias educit¹: neque Hannibal detrectavit. Mille fere passuum inter urbem erant castraque. eo spatio (et sunt omnia campi circa Nola) ^{Prælium ad} concurrerunt. Clamor, ex parte utraque sublatus, proximos ^{Nolam.} ex cohortibus iis, quæ in agros prædatum exierant, ad prælium jam commissum revocavit. Et Nolani aciem Romanam auxerunt: quos conlaudatos Marcellus in subsidiis stare, et saucios ex acie efferre jussit; pugna abstinere, nisi ab se signum accepissent.

XLV. Prælium erat anceps: summa vi et duces hortantur, et milites pugnabant. Marcellus victis ante diem tertium, ⁴fugatis ante paucos dies a Cumis, pulsus priore anno ab Nola ab eodem se duce, milite alio, instare jubet. *Non omnes esse in acie: prædantes vagari in agro. sed, qui pugnent, marcere Campana luxuria, vino et scortis, omnibusque lustris per totam hiemem confectos. Abisse illam vim vigoremque, dilapsa esse robora corporum animorumque, quibus Pyrenæi Alpiumque superata sint juga. reliquias illorum virorum, vix arma membraque sustinentes, pugnare. Capuam Hannibali Cannas fuisse. ibi virtutem bellicam, ibi militarem disciplinam, ibi præteriti temporis famam, ibi spem futuri extinctam.* Quum hæc exprobrando hosti Marcellus suorum militum animos erigeret, Hannibal multo gravioribus probris increpabat: *Arma signaque eadem se noscere, quæ ad Trebiam Trasimenumque, postremo ad Cannas viderit habueritque. militem alium profecto se in hiberna Capuam duxisse, alium inde eduxisse. Legatumne Romanum et legionis unius atque ⁵alæ magno certamine vix toleratis pugnam, quos binæ acies consulares numquam sustinuerunt? Marcellus, tirone milite ac ⁶Nolanis subsidiis, inultus nos jam iterum lacessit? Ubi ille meus miles est, qui erepto ex equo C. Flaminio consuli caput abstulit? ubi, qui L. Paullum ad Cannas occidit? Ferrum nunc hebet? an dextræ torpent? an quid prodigii est aliud? Qui pauci plures vincere soliti estis, nunc paucis plures vix restatis. Romam vos expugnatueros, si quis duceret, fortes lingua, jactabatis. ⁷En nunc minor est res. hic experiri*

¹ eduxit Gron. Crev.

^m En nunc l. Enim Crev.

⁴ * *Fugatis . . a Cumis*] Sempronii ductu. Vid. supra c. 35.

⁵ *Alæ*] Intellige socialium copiarum corpus numero fere par legioni. Vid. not. 64. ad X. 40. et ad XXV. 21.

⁶ * *Nolanis subsidiis*] Nolano milite, qui in subsidiis erat.

⁷ *Enim minor est res*] Sic habebant editi ante Vallam: sic habent scripti optimi. Et firmat Livius infra,

U. C. 537, *vim virtutemque volo. Expugnate Nolam, campestram urbem,*
A. C. 216, *non flumine, non mari septam. hinc vos ex tam opulenta urbe*
præda spoliisque onustos vel ducam, quo voletis, vel sequar.

Pœni in
castra com-
pelluntur.

XLVI. Nec bene, nec male dicta profuerunt ad confir-
mandos animos. Quum omni parte pellerentur, Romanis-
que crescerent animi, non duce solum adhortante, sed No-
lanis etiam per clamorem, favoris indicem, accendentibus
ardorem pugnae, terga Pœni dederunt, atque in castra com-
puli sunt. quæ obpugnare cupientes milites Romanos Mar-
cellus Nolam reduxitⁿ, cum magno gaudio et gratulatione
etiam plebis, quæ ante inclinatio ad Pœnos fuerat. ⁸ Hos-
tium plus quinque millia cæsa eo die, vivi capti sexcenti,
et signa militaria undeviginti, et duo elephanti. quatuor in
acie occisi. Romanorum minus mille interfecti. posterum
diem induciis tacitis, sepeliendo utrimque cæsos in acie,
consumserunt. Spolia hostium Marcellus, Vulcano votum,
cremavit. Tertio post die (ob iram credo aliquam, aut
spem liberalioris militiæ) mille ducenti septuaginta duo
equites, mixti Numidæ Hispanique, ad Marcellum transfu-
gerunt. eorum forti fidelique opera in eo bello usi sunt sæpe
Romani. Ager Hispanis in Hispania, Numidis in Africa
post bellum, virtutis causa, ⁹ latus datus est. Hannibal,
ab Nola remisso in Bruttios Hannone, cum quibus vene-
rat copiis, ipse Apuliæ hiberna petit, circaque Arpos con-
sedit. Q. Fabius, ut profectum in Apuliam Hannibalem
audivit, frumento ab Nola Neapolique in ea castra con-
vecto, quæ super Suessulam erant, munimentisque firmatis,
et præsidio, quod per hiberna ¹⁰ ad tutandum locum satis
esset, relicto, ipse Capuam propius movit castra, agrum-
que Campanum ferro ignique est depopulatus. donec coacti
sunt Campani, nihil admodum viribus suis fidentes, egredi
portis, et castra ante urbem in aperto communire. Sex
millia armatorum habebant, peditem inbellem: equitatu
plus poterant. itaque equestribus præliis lacescebant hos-
tem. Inter multos nobiles equites Campanos Cerrinus Ju-
bellius erat, cognomine Taurea. civis indidem erat, longe
omnium Campanorum fortissimus eques; adeo ut, quum

Q. Fabii
res gestæ.

Jubellius
Taurea.

ⁿ *reducit* Gron. Crev.

XXXIV. 32. *Enim, ut jam ita sint.* hæc: quem ad locum notat Gron. ob-
servasse eruditos ex Plauto, particu-
lam *enim* interdum a fronte orationis
inducere vim adversativæ, et eadem
vi poni, qua junctim alias *atenim, sed-*
enim. Vid. Plaut. Epidico, Act. V. Sc.
2. v. 36. et Persa, Act. II. Sc. 2. v. 54.

⁸ *Hostium plus quinque millia cæsa*
... vivi capti sexcenti] Hos numeros
eruit ex deformata aliquantum optimi

codicis scriptura Gronovius. Et ad-
stipulatur Plut. in Marc.

⁹ *Latus datus est]* Dele vocem *la-*
tus, quæ nihil aliud esse videtur,
quam vitiosa repetitio *et datus*. Nec
eam habet Put. codex a manu prima.

¹⁰ *Ad tutandum locum]* Plerique
scripti *ad petendum*. Unus e nostris
ad tenendum: quod verum est: et præ-
ceperat jam conjectura Gronovius.

apud Romanos militaret, unus eum Romanus Claudius U. C. 537. Asellus gloria equestri æquaret. ¹¹ Hunc Taurea quum diu A. C. 215. perlustrans oculis obequitasset hostium turmis, tandem facto silentio, *ubi esset Claudius Asellus?* quæsivit. *et; quoniam verbis secum de virtute ambigere solitus esset, cur non ferro decerneret; daretque opima spolia victus, aut victor caperet?* Claudius Asellus.

XLVII. Hæc ubi Asello nunciata sunt in castra, id modo moratus, ut consulem percunctaretur, liceretne extra ordinem in provocantem hostem pugnare? permissu ejus arma extemplo cepit: proventusque ante stationes equo, Tauream nomine compellavit, congregique, ubi vellet, jussit. Jam Romani ad spectaculum pugnae ejus frequentes exierant: et Campani, non vallum modo castrorum, sed moenia etiam urbis prospectantes repleverant. ¹² Quum jam ante ferocibus dictis rem nobilitassent, infestis hastis concitarunt equos. dein libero spatio inter se ludificantes, sine vulnere pugnam extrahebant. Tum Campanus Romano, *Equorum, inquit, hoc, non equitum, erit certamen, nisi e campo in cavam hanc viam demittimus equos. ibi nullo ad evagandum spatio cominus conserentur manus.* Dicto prope citius equum in viam Claudius dejecit. Taurea, verbis ferocior, quam re, ¹³ *Minime sis, inquit, cantherium in fossa.* ¹⁴ quæ vox in rusticum inde proverbium prodita. ¹⁵ Clau-

11 *Hunc Taurea . . . ubi esset Claudius Asellus, quæsivit]* Quæsivit hunc, ubi esset, id est, quæsivit, ubi hic esset. Ideo autem post hæc verba *ubi esset* addit nomen *Claudius Asellus*, quod interposita duo orationis membra inter *hunc* et *quæsivit*, aliquid obscuritatis parere potuissent. Ceterum expeditior est quatuor nostrorum codicum scriptura, *Hic Taurea*.

12 * *Quum jam ante ferocibus dictis rem nobilitassent]* Quum initio celebritatem quamdam fastumque certaminis mox futuro per ferocia dicta addidissent.

13 *Minime sis . . cantherium in fossa]* Κανθήλιος Græcis asinus, et Κανθήλιον clitella. Latinis cantherius equus castratus, et cantherius vel cantherium adminiculum et pedamentum vitium instar furcæ, vel jugi. Fodiebantur vineæ: in fossa figebantur cantherii, quibus applicabantur et imponebantur teneræ vites. Igitur proprie cantherium in fossa est, ubi cantheriata vitis est. Sed quia cantherius etiam genus equi est, via autem cava propter altiore utrimque campum, instar fossæ; illudens Tau-

rea, postquam Claudius equum egerat in viam cavam, Quid te esse vis, inquit, cantherium in fossa? Cave te esse patiari cantherium in fossa. Hoc equidem me esse nolo. Quod quidem dictum nullam aliam tunc temporis vim habebat, quam ut invidiam ignavi turpisque discessus dicenti minueret. Hæc Gronov. Potuit quoque ludere Taurea in cognomen adversarii, quod Κανθήλιος apud Græcos, ut jam observavimus, asinus, Romanus autem Asellus cognominabatur. Observat idem Gronovius hoc proverbium aliam vim habuisse, sed quæ nihil ad hunc locum pertinere videatur. *Minime sis cantherium in fossa*: id est, ne sinas alios de te crescere, ut vitis crescit stante et adminiculante cantherio.

14 *Quæ vox in rusticum]* Merito videtur Gronovio hoc proverbium jam antiquitus receptum fuisse, neque huic Taureæ dicto debere originem suam.

15 *Claudius quum ex via]* Claudius quum ex via in campum rursum evector longe perequitasset.

U. C. 537. dius, quum ex via longe perequitasset, nullo obvio hoste in
A. C. 215. campum rursum evectus, increpans ignaviam hostis, cum magno gaudio et gratulatione victor in castra redit. - Huic pugnae equestri rem (¹⁶ quam satis certam, communis existimatio est) mirabilem certe, adjiciunt quidam annales: quum refugientem ad urbem Tauream Claudius sequeretur, patenti hostium portae invectum, per alteram, stupentibus miraculo hostibus, intactum evasisse.

Literae ex
Hispania.

Romano-
rum inopia.

XLVIII. Quieta inde stativa fuere, ac retro etiam consul movit castra, ut sementem Campani facerent: nec ante violavit agrum Campanum, quam jam altae in segetibus herbæ pabulum præbere poterant. id convexit in Claudiana castra super Suessulam; ibique hiberna ædificavit. M. Claudio proconsuli imperavit, ut, retento Nolæ necessario ad tuendam urbem præsidio, ceteros milites dimitteret Romanam, ne oneri sociis, et sumtui reipublicæ essent. Et Ti. Gracchus a Cumis Luceriam in Apuliam legiones ¹⁷ quum^o duxisset, M. Valerium inde prætorem Brundisium, cum eo, quem Luceriæ habuerat, exercitu misit, tuerique oram agri Sallentini^p, et providere, quod ad Philippum bellumque Macedonicum adtineret, jussit. Exitu æstatis ejus, qua hæc gesta perscripsimus, literæ a P. et Cn. Scipionibus venerunt, quantas, quamque prosperas in Hispania res gessissent. sed pecuniam in stipendium, vestimenta^que, et frumentum exercitui, et sociis navalibus omnia deesse. Quod ad stipendium adtineat, si ærarium inops esset, se aliquam rationem inituros, quo modo ab Hispanis sumant. cetera utique ab Roma mittenda esse: nec aliter aut exercitum aut provinciam ¹⁸ retineri posse. Literis recitatis, nemo omnium erat, quin, et vera scribi, et postulari æqua, fate retur: sed obcurrerat animis, quantos exercitus terrestres navalesque tuerentur, quantaque nova classis mox paranda esset, si bellum Macedonicum moveretur. Siciliam ac^q Sardiniam, quæ ante bellum vectigales fuissent, vix præsidēs provinciarum exercitus alere: ¹⁹ tributo sumtus subpeditari. ²⁰ quum^r ipsum tributum conferentium numerum

^o *dum* Gron. ^p *Salentini* Ead. ^q *et* Gron. Crev. ^r *quum*
L. *verum cum ipsum* Gron. *verum quum* Crev.

¹⁶ *Quam satis certam*] Gronovius ex vestigiis MSS. aliam format lectionem, quæ haud paulo melior videtur: *Quam vera sit, communis existimatio est*: id est, quam vera sit, quilibet per se judicare potest. Eodem sensu l. IV. c. 20. scripsit Livius: *existimatio communis omnibus est*.

¹⁷ *Cum duxisset*] Reposuimus cum pro *dum*, auctoribus scriptis nostris omnibus, et principibus editionibus.

¹⁸ *Retineri posse*] Hic variant scripti. Plerique habent *attineri*. Victorinus veram exhibere videtur Livii manum, *obtineri*.

¹⁹ *Tributo*] A civibus collato, quum jam vectigalia ex provinciis defecissent.

²⁰ *Quum ipsum tributum conferentium numerum . . imminutum, tum qui superessent*] Repræsentamus hic veterum editorum lectionem, quam

tantis exercituum stragibus, et ad Trasimenum lacum, et ad Cannas, inminutum; tum¹, qui superessent pauci, si multiplici gravarentur stipendio, alia perituros peste. Itaque, ²¹ nisi fide staret respublica, opibus non staturam. Prodeundum in concionem Fulvio prætori esse, indicandas populo publicas necessitates, cohortandosque, qui ²² redempturis auxissent patrimonia, ²³ ut reipublicæ, ex qua crevis- sent, ad tempus commodarent; conducere²⁴que ea lege præbenda, quæ ad exercitum Hispaniensem opus essent, ut, quum pecunia in ærario esset, iis primis solveretur. ²⁵ Hæc prætor in concione edixit, qua die vestimenta, frumentum, Hispaniensi exercitui præbenda, quæque alia opus essent navalibus sociis, esset locaturus.

XLIX. Ubi ea dies venit, ad conducendum tres socie- tates aderant hominum undeviginti, quorum duo postulata fuere: unum, ²⁶ ut militia vacarent, dum in eo publico es- sent: alterum, ²⁷ ut, quæ in naves inposuissent, ab hostium tempestatisque vi publico periculo essent. Utroque impe- trato, conduxerunt, privataque pecunia respublica adminis- trata est. Hi mores, eaque caritas patriæ per omnes ordi-

Privata pe-
cunia res-
publica ad-
ministra-
tur.

¹ tum del. Gron.

firmant codices nostri plerique, nisi quod omittunt *tum*, quod facile ab- sorberi potuit ab ultima syllaba vocis *inminutum*. Gronovius ex quibus- dam scriptis, quibus unus e nostris assentitur, legit *cum ipsum*. Sed vox *cum* stare posse non videtur, quum antea sermo fuerit de tributo, non de numero conferentium tributum.

²¹ *Nisi fide staret respublica*] *Fides* hic pro eo quod Gallice dicitur *crédit*. Nisi sustentaretur respublica pecu- niis mutuatis, quarum solutio in multum tempus differretur.

²² *Redempturis*] *Redimere* est con- ducere aliquid faciendum, vel præ- bendum. Hinc *redemptor*, qui con- ducit: *redemptura*, conductio. Qui *redempturis auxissent patrimonia*, sunt hoc loco publicani, qui conducendo publica ditati fuerant.

²³ *Ut reipublicæ . . tempus commo- darent*] Ut commodis reipublicæ hac- tenus inservirent, ut non pecuniæ tamen, sed temporis gratiam face- rent. Male olim edebatur *ad tempus*: præpositionem abjiciunt omnes scripti.

²⁴ *Ea lege*] Sic bene. Sigonius. Antea *ex lege*.

²⁵ *Hæc prætor in concione edixit, qua die*] Placet Gronovii conjectura: *Hæc prætor in concione*, supple, pro- nunciavit: *edixitque qua die*.

²⁶ *Ut militia vacarent, dum in eo publico essent*] Hæc Gronovii emen- datio non multum abit ab optimi codicis scriptura. Longe aliam Valla finxerat lectionem, quam prius editi præferebant, *ne alii triennio eo publi- cani essent*. *Publica* dicuntur, sive vectigalia et redditus populi Romani, quæ inferenda ærario locantur a ma- gistratibus, fruenda conducuntur a locupletibus et idoneis hominibus, qui inde *publicani* appellantur; ita ut definitum sit, quid pro iis pendere illi debeant ærario: sive munera ope- rare aut functiones ac necessitates reipublicæ, puta templi alicujus aut pontis exædificatio, frumenta ac ves- timenta exercitui, quæ facienda vel præbenda locantur itidem a magis- tratibus, conducuntur a publicanis; ita ut definitum sit, quid hi pretii lo- co accipere debeant ex ærario. Pos- teriore hoc sensu *publicum* hic in- tellige. *Dum in eo publico essent*: quamdiu illam curationem, tanquam conductores et publicani, gererent. Hæc fere Gronovius, Observ. l. IV. c. 23.

²⁷ *Ut, quæ in naves inposuissent*] Ut, quæ in naves inposuissent, si aut propter hostilem vim, aut per tem- pestatem interiissent, hoc damnum respublica sustineret, non ipsi.

U. C. 537.
A. C. 215.

Illiturgis
obsessa a
tribus Pœ-
norum du-
cibus.

Romani tri-
na castra
Pœnorum
capiunt.

nes velut tenore uno pertinebat. Quemadmodum conducta omnia magno animo sunt, sic summa fide præbita, ²⁸ nec secus quam si ex opulento ærario, ut quondam, alerentur. Quum hi commeatus venerunt, Illiturgi oppidum ab Hasdrubale, ac Magone, et Hamilcare Bomilcaris filio, ob defectionem ad Romanos obpugnabatur. Inter hæc trina castra hostium Scipiones, quum in urbem sociorum magno certamine ac strage obsistentium pervenissent, frumentum, cujus inopia erat, advexerunt: cohortatique oppidanos, ut eodem animo moenia tutarentur, quo pro se pugnantem Romanum exercitum vidissent, ad castra maxima obpugnanda, quibus Hasdrubal præerat, ducunt. Eodem et duo duces, et duo exercitus Karthaginiensium, ibi rem summam agi cernentes, convenerunt. Itaque eruptione e castris pugnatum est. sexaginta hostium millia eo die in pugna fuerunt, sexdecim circiter Romanis. tamen: adeo haud dubia victoria fuit, ut plures numero, quam ipsi erant, Romani hostium occiderint: ²⁹ ceperint amplius tria millia hominum, paullo minus mille equorum, undesexaginta militaria signa, elephantis quinque in prælio occisis. trinisque castris eo die potiti sunt. Illiturgi obsidione liberato, ad Intibili obpugnandum Punici exercitus traducti, suppletis copiis ³⁰ ex provincia, ut quæ maxime omnium belli avida, modo præda aut merces esset, et tum juventute abundante. Iterum signis conlatis, eadem fortuna utriusque partis pugnatum. supra tredecim millia hostium cæsa, supra duo capta, cum signis duobus et quadraginta, et novem elephantis. Tum vero omnes prope Hispaniæ populi ad Romanos defecerunt: multoque majores ea æstate in Hispania, quam in Italia, res gestæ.

²⁸ *Nec secus quam si*] Hoc Vallæ debetur. Scripti, *nec quicquam si*.

²⁹ *Ceperint . . undesexaginta militaria signa, elephantis quinque in prælio occisis*] Put. codex *signa vir elephantis*: alius, itidem Gronovio inspectus, *signavit elephantis*. Inde ille legendum suadet: *militaria signa*,

VII. elephantos, quinque in prælio occisis.

³⁰ *Ex provincia, ut quæ*] Ex provincia, quæ et belli, quantum quæ maxime, avida erat, si modo præda aut merces ostenderetur; et tum abundabat juventute.

EPITOME LIBRI XXIV.

HIERONYMUS, Syracusanorum rex, cujus avus Hiero amicus populi Romani fuerat, ad Karthaginienses defecit; et propter crudelitatem superbiamque a suis interfectus est. Ti. Sempronius Gracchus proconsul prospere adversus Pœnos et Hannonem ducem ad Beneventum pugnavit, servorum maxime opera, quos liberos esse jussit. Claudius Marcellus consul, in Sicilia, quæ prope tota ad Pœnos defecerat, Syracusas obsedit. Philippo Macedonum regi bellum indictum est; qui, ad Apolloniam nocturno prælio obpressus fugatusque, in Macedoniam cum prope inermi exercitu perfugit. ad id bellum gerendum Valerius prætor missus est. Res præterea in Hispania a P. et Cn. Scipionibus adversus Karthaginienses gestas continet. Syphax, rex Numidarum, in amicitiam adscitus,¹ et a Masinissa, rege Massylorum, pro Karthaginiensibus pugnante, victus,² in Maurusios cum magna manu transiit contra Gades; ubi angusto freto Africa et Hispania dirimuntur. Celtiberi quoque in amicitiam recepti sunt: quorum auxiliis adscitis,³ tunc primum mercenarium militem Romana castra habuerunt.

1 Et a Masinissa, rege Massylorum, pro Carthaginiensibus pugnante, victus] Sic dedit ex vett. libb. Sigonius, quum prius hic legeretur: contra Masinissam regem Masasulorum, pro Carthaginiensibus pugnans: quod quidem et absurdum erat, et Livianæ narrationi (infra capp. 48. et 49.) repugnabat. Porro Masinissa hic vocatur rex Massylorum, non quod ipse tum regnaret, sed quia filius Galæ regis Massylorum erat. Denique nomen ejus sic, quemadmodum edidimus, scribi semper in libris suis Gro-

novius testatur in nota ad l. XXV. c. 34. Masinissa, non Masanissa, aut Massanissa.

2 In Maurusios] Pro his verbis reperimus in vett. editis in Hispaniam ad Scipionem. Quis mutaverit, incertum. Sed hæc emendatio desumpta est procul dubio ex c. 49. hujus libri. Forsitan hic aliquod gravius mendum latebat: aliquot verba intercidisse suspicamur.

3 Tunc primum mercenarium militem] Vid. not. 62. ad c. 49. hujus libri.

T. LIVII PATAVINI

LIBER XXIV.

U. C. 537.
A. C. 215.
Res a Pœ-
nis apud
Bruttios
gestæ.
Rhegium
frustra ten-
tatum.

Locrenses
se dedunt
Pœnis.

UT ex Campania in Bruttios reditum est, Hanno, adjuto-
ribus et ducibus Bruttiis, Græcas urbes tentavit, eo facilius
in societate manentes Romana, quod Bruttios, quos et ode-
rant, et metuebant, Karthaginensium partis factos cerne-
bant. Rhegium primum tentatum est, diesque aliquot ibi
nequidquam absumti. ¹ Interim Locrenses frumentum, lig-
naque, et cetera necessaria usibus ex agris in urbem rapere,
etiam ne quid relictum prædæ hostibus esset: et in dies
major omnibus portis multitudo effundi. postremo ii modo
relicti in urbe erant, qui reficere muros ac portas, telaque in
propugnacula congerere cogebantur. In permixtam omni-
um ætatum ordinumque multitudinem, et vagantem in
agris magna ex parte inermem, Hamilcar Pœnus equites
emisit; qui, violare quemquam vetiti, tantum, ut exclude-
rent ab urbe fuga dissipatos, turmas objecere. Dux ipse,
loco superiore capto, unde agros urbemque posset conspi-
cere, Bruttiorum cohortem adire muros, atque evocare
principes Locrensiū ad colloquium jussit, et, pollicentes
amicitiam Hannibalis, adhortari ad urbem tradendam.
Bruttiis in colloquio nullius rei primo fides est^a: deinde ut
Pœnus adparuit in collibus, et refugientes pauci aliam om-
nem multitudinem in potestate hostium esse adferebant;
tum, metu victi, consulturos se populum responderunt. ad-
vocataque extemplo concione, quum et levissimus quisque
novas res novamque societatem mallent, et, quorum propin-
qui extra urbem interclusi ab hostibus erant, velut obsidibus
datis, ² pigneratos haberent animos, pauci magis taciti pro-
barent constantem fidem, quam probatam tueri auderent;

^a est del. Gron. Crev.

• [Interim Locrenses] Libro supe-
riore, c. 30. Locrenses descivisse me-
morantur ad Bruttios Pœnosque, anno
ipso Cannensis cladis, antequam Tib.
Sempronius consulatum iniisset. Hic
iidem defecisse dicuntur, postquam
ex Campania in Bruttios rediit Han-
no, qui lib. superiore, c. 46. sub exi-
tum hujus ipsius anni, cujus nunc

eventus describit Livius, ab Annibale
remissus dicitur ab Nola in Bruttios.
Hæc inter se pugnare cuius patet:
idque pridem admonuit Glareanus.

² Pigneratos] Quorum propinqui
in potestate hostium erant, ii illis
velut pignoribus obstricti et obligati
erant erga Pœnos.

haud dubio in speciem consensu fit ad Pœnos deditio: L. U. C. 537. A. C. 215.
 Atilio præfecto præsidii, quique cum eo milites Romani erant, clam in portum deductis, atque inpositis in naves, ut Rhegium deveherentur, Hamilcarem Pœnosque ea conditio-
 ne, ut foedus extemplo æquis legibus fieret, in urbem acceperunt. cuius rei prope non servata fides deditis est, quum Pœnus dolo dimissum Romanum incusaret; Locrenses profugisse ipsum caussarentur. Insecuti etiam equites sunt, si quo casu in freto æstus morari, aut deferre naves in terram posset. et eos quidem, quos sequebantur, non sunt adepti: alias a Messana trajicientes freto Rhegium naves conspexerunt. Milites erant Romani, a Claudio prætore missi ad obtinendam urbem præsidio. itaque Rhegio extemplo accessum est. Locrensis jussu Hannibalis data pax, *ut liberi suis legibus viverent: urbs pateret Pœnis, portus³ in potestatem^b Locrensis esset: societas eo jure staret, ut Pœnus Locrensem, Locrensisque Pœnum pace ac bello juvaret.*

Præsidio Romano dimisso.

Leges societatis inter Pœnos et Locrenses.

II. Sic a freto Pœni reducti, frementibus Bruttiis, quod Rhegium ac Locros, quas urbes direpturos se destinaverant, intactas reliquissent. Itaque per se ipsi, conscriptis armatisque juventutis suæ quindecim millibus, ⁴ad Crotonem obpugnandum pergunt ire; Græcam et ipsam urbem, et maritimam: plurimum accessurum opibus, si in ora maris ⁵urbem portu ac mœnibus validam^c tenuissent, credentes. Ea cura angebat, quod neque non arcessere ad auxilium Pœnos satis audebant, ne quid non pro sociis egisse viderentur: et, si Pœnus rursus magis arbiter pacis, quam adjutor belli, fuisset, ne in libertatem Crotonis, sicut ante Locrorum, frustra pugnaretur. Itaque optimum visum est, ad Hannibalem mitti legatos, caverique ab eo, ut receptus Croto Bruttiorum esset. Hannibal quum præsentium eam consultationem esse respondisset, et ad Hannonem eos rejecis-

Bruttii Crotonem obpugnant.

^b potestate Gron.

^c portum ac urbem mœnibus validam Gron. Crev.

³ *In potestatem Locrensis esset*] Similem loquendi formam jam observavimus supra l. II. c. 14. Sic et Cicero pro lege Man. n. 33. *in prædonum fuisse potestatem.* Terent. Eun. Act. II. Sc. 2. *Ille ubi miser, famelicus, videt me esse in tantum honorem.* Supra l. XXIII. c. 13. ubi editi habent *in defectione totam Italiam esse,* Put. codex *in defectionem.* Facile esset numerosam similibus exemplorum seriem texere. Itaque non dubitavimus hanc scripturam, quam tenent plerique libri, tum Gronovio tum nobis inspecti, anteponeere vulgatæ hujus loci lectioni, *in potestate.*

⁴ *Ad Crotonem oppugnandum*] Vid. lib. sup. c. 30. et junge ea, quæ modo annotavimus de Locrensis.

⁵ *Portum ac urbem mœnibus validam*] Raro apud illos optimæ notæ scriptores particulam *ac* reperias præfixam voci, quæ a vocali incipitur: ut monuimus in not. 73. ad l. III. c. 16. Jam Put. codex et quidam alii præferunt *urbem ac portum.* Itaque recipienda videtur, quæ a Mureto allata est et a Gronovio comprobata emendatio, quam etiam firmat unus Hearnii codex: *si in ora maris urbem portu ac mœnibus validam tenuissent.*

U. C. 537. set, ⁶ ab Hannone nihil certi ablatum^d. Nec enim diripi
A. C. 215. volebant nobilem atque opulentam urbem: et sperabant,
quum Bruttius obpugnaret, Pœnos nec probare, nec juvare
eam obpugnationem adpareret, eo maturius ad se defecturos.
Crotoniata- Crotone nec consilium unum inter populares, nec voluntas
rum discor- erat. unus velut morbus invaserat omnes Italiæ civitates,
dia. ut ⁷plebes ab optimatibus dissentirent^e: senatus Romanis
faveret, plebs ad Pœnos rem traheret. Eam dissensionem
in urbe perfuga nunciat Bruttiis; Aristomachum esse prin-
cipem plebis, tradendæque auctorem urbis: ⁸et in vasta
urbe lateque ⁹omnibus disiectis mœnibus raras et stationes^f
custodiasque senatorum^g esse. quacumque custodiant plebis
homines; ea patere aditum. Auctore ac duce perfuga,
Urbs capi- Brutii corona cinxerunt urbem: acceptique a plebe primo
tur a Brut- inpetu ¹⁰locos omnes, præter arcem, cepere. Arcem opti-
tiis, præter mates tenebant, præparato jam ante ad talem casum perfu-
arcem. gio. Eodem Aristomachus perfugit; tamquam Pœnis, non
Bruttiis, auctor urbis tradendæ fuisset.

III. Urbs Croto murum in circuitu patentem duodecim
millia passuum habuit, ante Pyrrhi in Italiam adventum.
post vastitatem eo bello factam vix pars dimidia habitaba-
tur: flumen, quod medio oppido fluxerat, extra frequentia
tectis loca præterfluebat: ¹¹et arx procul iis, quæ habita-
bantur. ¹²Sex millia aberat ab urbe nobili^h templum (ipsa
urbe eratⁱ nobilius) Laciniae Junonis, sanctum omnibus cir-
ca populis. Lucus ibi, frequenti silva et proceris abietis

Laciniae
Junonis
templum.

^d allatum Gron.

^e dissentiret Ead.

^f partitas stationes Gron. Crev.

^g add. ac plebis Gron. Crev.

^h nobile Ead.

ⁱ erat del. Ead.

⁶ Ab Hannone nihil certi ablatum] Brutii nullum certum responsum abstulerunt ab Hannone. Cic. ad Plancum, l. XVI. ad Att. *Adimus ad Cæsarem, verba fecimus pro Buthrotiis, liberalissimum decretum abstulimus.* Hactenus edebatur *allatum*. Sed illud alterum, quod magis proprium est, jamdiu a Sigonio monstratum, firmant duo optimæ notæ codices, Puteanæus, et teste Jac. Gronovio, Cantabrigiensis.

⁷ Plebes . . . dissentirent] Sic magna scriptorum manus: melius quam, ut vulgo, *dissentiret*.

⁸ Et in vasta urbe lateque omnibus disiectis mœnibus partitas stationes custodiasque senatorum ac plebis esse] Hic scripti multum abeunt ab editis. Put. et alter itidem ex regiis habent *lateque* non *lateque*: pro *partitas*, Put. *paraset*, alii *parasset*, vel *parasse*: omnes ignorant ac *plebis*. Probabilis est Gronovii conjectura: *Et in vasta*

urbe lateque, omnibus disiectis mœnibus, raras stationes custodiasque senatorum esse.

⁹ Omnibus disiectis mœnibus] Quum muri in diversa hac illac abirent.

¹⁰ Locos omnes] Scripti omittunt *locos*. Unus e codd. Gronovianis habet *omnia*, quod expeditissimum est: alius *omnem*, ubi intelligere licet *urbem*. Eligat lector, utrum malit.

¹¹ Et arx procul iis quæ habitabantur] Et arx procul erat dissita ab iis locis quæ habitabantur.

¹² Sex millia aberat ab urbe nobile templum] Strabo, l. VI. p. 262. Laciniae Junonis templum distare ait ab Crotone centum quinquaginta stadiis, hoc est, novemdecim prope millibus. An aliquid corrigendum apud alterutrum scriptorem? An potius ita conciliabimus, ut Strabonem maritimum iter, quod circumvectio reddit longius; Livium terrestre designasse dicamus? GRONOVIVS.

arboribus septus, læta in medio pascua habuit, ubi omnis generis sacrum Dæe pascebatur pecus sine ullo pastore: U. C. 537.
A. C. 215.

¹³ separatimque egressi cujusque generis greges nocte remeabant ad stabula, numquam insidiis ferarum, non fraude violati hominum. Magni igitur fructus ex eo pecore capti, columnaue inde aurea solida facta, et sacrata est: inclitumque templum, divitiis etiam, non tantum sanctitate, fuit. ¹⁴ Ac miracula aliqua affinguntur plerumque tam insignibus locis. Fama est, aram esse in vestibulo templi, ¹⁵ cujus cinerem nullo umquam moveri vento. Sed arx Crotonis, ¹⁶ una parte imminens mari^k, altera, vergente in agrum, situ tantum naturali quondam munita, postea et muro cincta est, qua per aversas rupes ab Dionysio Siciliae tyranno per dolum fuerat capta. Eam tum arcem, satis, ut videbatur, tutam, Crotoniatum optimates tenebant, circumsedente cum Bruttii eos etiam plebe sua. Postremo Bruttii, quum suis viribus inexpugnabilem viderent arcem, coacti necessitate, Hannonis auxilium inplorant. Is conditionibus ad deditionem compellere Crotoniatas conatus, ut coloniam Bruttiorum eo deduci, ¹⁷ antiquamque frequentiam eorum recipere vastam ac desertam bellis urbem paterentur, omnium neminem, præter Aristomachum, movit. morituros se adfirmabant citius, quam, inmixti Bruttii, in alienos ritus, mores, legesque, ac mox linguam etiam verterentur. Aristomachus unus, quando nec suadendo ad deditionem satis valebat, nec, sicut urbem prodiderat, locum prodendæ arcis inveniebat, transfugit ad Hannonem. Locrenses brevi post legati, quum permissu Hannonis arcem intrassent, persuadent, ut traduci se ¹⁸ in Locros paterentur, nec ultima experiri vellent. Jam hoc ut sibi liceret, impetraverant et ab Hannibale, missis ad ipsum legatis. ita ¹⁹ Crotone excessum est, deductique Crotoniatæ ad mare naves conscendunt. Arx Crotonia.
Crotoniatæ
Locros
abeunt.

^k imminet Gron.

¹³ *Separatimque egressi cujusque generis greges*] Non Put. modo, sed et omnes nostri codices carent voce *greges*. Put. vero habet etiam *egressi*. Hinc Gronovius legendum putat: *separatimque greges sui quique generis*. Sed parum scilicet interest.

¹⁴ *Ac miracula aliqua affinguntur*] Bene Jac. Gronovius: *Ac miracula aliqua affingunt, ut plerumque tam insignibus locis*.

¹⁵ *Cujus cinerem nullo unquam moveri vento. Sed arx*] Hæc lectio elegantissima debetur Gronovio. Put. liber, nullo unquam move. ventos et aros. Olim editi nullus unquam moveat ventus. Et arx.

¹⁶ *Una parte imminens mari*] Vulgo *imminet*. Sed id quod edidimus, plerique scripti tenent, inter quos Put. et sic melius cohæret oratio.

¹⁷ *Antiquamque frequentiam eorum*] Vel lege cum Gronovio *suam*, vel dele vocem *eorum*, quæ quidem ab uno Hearnii codice abest.

¹⁸ *In Locros*] Intellige populum, regionem Locrensem; aut eradenda est præpositio, quæ jungi non potest cum urbis nomine.

¹⁹ *Crotone excessum est*] Libri optimi: *Crotonem excessum est*. Et sic interdum maluit Livius, ut jam annotatum est.



U. C. 537. A. C. 215. Locros omnis multitudo abeunt. In Apulia ne hiems quidem quieta inter Romanos atque Hannibalem erat. Luceriae Sempronius consul, Hannibal haud procul Arpis hibernabat. Inter eos levia praelia ex occasione, aut opportunitate hujus aut illius partis, oriebantur: meliorque eis Romanus, et in dies cautior tutiorque ab insidiis fiebat.

Hieron
succedit
Hierony-
mus Syra-
cusis.

IV. In Sicilia Romanis omnia mutaverat mors Hieronis, regnumque ad Hieronymum nepotem ejus translatus: puerum, vixdum libertatem, nedum dominationem, modice latitum. ²⁰ Laete id ingenium tutores atque amici ad praecipitandum in omnia vitia acceperunt: quae ita futura cernens Hiero, ultima senecta voluisse dicitur liberas Syracusas relinquere, ne sub dominatu puerili, ²¹ per ludibrium, bonis artibus partum firmatumque interiret regnum. Huic consilio ejus summa ope obstitere filiae, nomen regium penes puerum futurum ratae, regimen rerum omnium penes se virosque suos, Andranodorum et Zoippum: ²² nam ii tutorum primi relinquebantur. Non facile erat nonagesimum jam agenti annum, circum sesso dies noctesque muliebribus blanditiis, liberare animum, et ²³ convertere ad publicam privata curam. Itaque ²⁴ tutores modo¹ quindecim puero reliquit: quos precatus est moriens, ut fidem erga populum Romanum, quinquaginta annos ab se cultam, inviolatam servarent, juvenemque suis potissimum vestigiis insistere vellent ²⁵ disciplinae, in qua edoctus esset. ²⁶ Haec mandata. Quum^m exspirasset, per tutores testamento prolato,

¹ modo l. numero Gron.
exspirasset, tutores prodeunt.

^m Haec mandata. Quum l. Post h. m. quum
Testamento prolato etc. Gron. Crev.

²⁰ Laete id ingenium tutores atque amici ad praecipitandum] Pro prima voce scripti et vett. editi exhibent *aetas* vel *aetatis*. Laur. Valla coniecerat *laetati*. Nobis magis placeret *laeti*. Sed et in iis quae mox sequuntur, unus e nostris codd. omittit *et ad*. Sic igitur non omnino male, nostro iudicio, formaretur haec periodus: *Laeti id ingenium tutores atque amici praecipitandum in omnia vitia acceperunt*.

²¹ Per ludibrium... interiret] Interiret per lasciviam pueri Hieronymi, cujus levitas regno velut illuderet.

²² Nam ii tutorum] Hae voces desunt in scriptis, et adjectae sunt a Vala. Andreas et Campanus dedere *qui tutorum*.

²³ Convertere ad publicam privata curam] Ita statuere de domo sua, ut praecipue reipublicae consulere, et filius statum hujus commodo attemperaret.

²⁴ Tutores modo quindecim] Hoc solum dedit suo in cives amori, ut non aut plenam rerum omnium licentiam puero relinqueret, aut Andranodorum tantum et Zoippum ei tutores daret, sed quindecim tutores nominaret. Vulgo hic legitur *numero quindecim*. Sed id quod edimus, tenent Put. et Victor. codices.

²⁵ Disciplinae in qua edoctus esset] Melius fortasse, *eductus*, quod placuit Gronovio et Tan. Fabro: et sic Campanus. Non enim hic agitur, ut idem Gronovius observat, de doctrina litterarum et artium, sed de patrio et antiquo more ac cultu, qui in domo Hieronis semper viguerat.

²⁶ Post haec mandata quum exspirasset, tutores prodeunt] Primam et ultimam vocem ignorant nostri, ut et Gronoviani, libri. Possis cum Jac. Gronovio legere. *Haec mandata. Quum exspirasset, per tutores testamento prolato*.

pueroque in concionem producto, (erat autem quindecim u. c. 537. tunc ferme annorum) paucis, qui per concionem ad exci- A. C. 215. tandos clamores dispositi erant, adprobantibus testamentum, ceteris velut patre amisso in orba civitate omnia timentibus, funus fit regium, magis amore civium et caritate, quam cura suorum, ²⁷ celebre. Deinde ceteros tutores submovet Andranodorus, juvenem jam esse dictitans Hieronymum, ac regni potentem: ²⁸ deponendoque tutelam ipse, quæ cum pluribus communis erat, in se unum omnium vires convertit.

V. Vix quidem ulli bono moderatoque regi facilis erat favor apud Syracusanos, ²⁹ succedenti tantæ caritati Hieronis. verum enim vero Hieronymus, velut suis vitiis desiderabilem efficere vellet avum, primo statim conspectu, omnia quam disparia essent, ostendit. nam qui per tot annos Hieronem filiumque ejus Gelonem, nec vestis habitu, nec alio ullo insigni differentes a ceteris civibus vidissent, conspexere purpuram, ac diadema, ac satellites armatos; quadrigisque etiam alborum equorum interdum ex regia procedentem, more Dionysii tyranni. Hunc tam superbum adparatum habitumque ³⁰ convenientes sequebantur contemptus omnium hominum, superbæ aures, ³¹ contumeliosa dicta, rari aditus, non alienis modo, sed tutoribus etiam, libidines novæ, inhumana crudelitas. Itaque tantus omnes terror invaserat, ut quidam ex tutoribus aut morte voluntaria, aut fuga præverterent metum suppliciorum. Tres ex iis, quibus solis aditus in domum familiarior erat, Andranodorus et Zoïppus, generi Hieronis, et Thraso quidam, de aliis quidem rebus haud magnopere audiebantur: tendendo autem duo ad Karthaginienses, Thraso ad societatem Romanam, certamine ac studiis interdum in se convertebant animum adolescentis: cum conjuratio, in tyranni caput

Conspiratio
in ejus caput.

²⁷ *Celebre deinde*] Put. liber habet *celebre* deinde: unde proclive est efficere: *celebre*. *Brevi deinde*.

²⁸ *Deponendoque tutelam ipse, quæ cum pluribus communis erat*] Hæc est scriptorum omnium lectio: quæ nobis elegantior visa est, quam vulgata, *deponendoque tutelam, quæ ipse cum pluribus*.

²⁹ *Succedenti tantæ caritati Hieronis*] Hieroni, qui tam carus fuerat civibus. Sic L. IV. c. 11. *quo majori gloriæ rerum domi forisque gestarum succedere se cernebant*. Libri habuerant *caritate*, quod evidenti ratione mutavit Gronovius in *caritati*.

³⁰ *Convenientes sequebantur con-*

temptus] Vulgati auctiores una voce habent *sequebantur mores*. Nec male, si MSS. assentirentur. Non tamen omnino necessaria est vox *mores*. Adjectivum enim *convenientes* potest referri ad ea omnia quæ sequuntur, *contemptus, superbæ aures, &c.*

³¹ *Contumeliosa dicta, rari aditus, non alienis modo, sed tutoribus etiam*] Olim editi: *contumeliosa dicta, aditus non alienis modo, sed tutoribus etiam difficiles*. Sed nomen *difficiles* nullo in scripto exstat. Quum igitur Gronovius reperiret in Put. codice *dictari aditus*, inde ille effecit id quod habes in contextu.

U. C. 537. A. C. 215. **facta, indicatur per calonem quemdam, sequalem Hieronymi, et jam inde a puero in omnia familiaria jura aduetum. Index unum ex conjuratis Theodotum, a quo ipse adpellatus erat, nominare potuit. qui comprehensus extemplo, traditusque Andranodoro torquendus, de se ipse haud cunctanter fassus, conscios celabat. Postremo, quum omnibus intolerandis patientiæ humanæ cruciatibus laceraretur, victum malis se simulans, avertit ab consciis in insontes indicium (Thrasonem esse auctorem consilii mentitus, nec, nisi tam potenti duce confisos, rem tantam ausuros) ³² ab latere tyranni, quorum capita vilissima fingenti inter dolores gemitusque obcurrere. Maxime animo tyranni credibile indicium Thraso nominatus fecit. Itaque extemplo traditur ad supplicium: adjectique poenæ ceteri juxta insontes. Consciorum nemo, quum diu socius consilii torqueretur, aut latuit, aut fugit. tantum illis in virtute ac fide Theodoti fiduciæ fuit: tantumque ipsi Theodoto virium ad arcana occultanda.**

Ad Hannibalem inclinat.

Legati Rom. per ludibrium ab eo auditi.

VI. ³³ Itaⁿ, quod unum^o vinculum cum Romanis societatis erat, Thrasone sublato e medio, extemplo haud dubie ad defectionem res spectabat; legatique ad Hannibalem missi, ac remissi ab eo cum Hannibale nobili adolescente Hippocrates et Epicydes, nati Karthagine, sed oriundi ab Syracusis exsuleavo, Poeni ipsi materno genere. Per hos juncta societas Hannibali ac Syracusano tyranno: nec invito Hannibale apud tyrannum manserunt. Ap. Claudius prætor, cujus Sicilia provincia erat, ubi ea accepit, extemplo legatos ad Hieronymum misit: qui, quum sese ad renovandam societatem, quæ cum avo fuisset, venisse dicerent, per ludibrium auditi dimissique sunt ab quærente per jocum Hieronymo, *quæ fortuna eis pugnae ad Cannas fuisset? vix credibilia enim legatos Hannibalis narrare. Velle, quid veri sit, scire, ut ex*

ⁿ Itaque Gron.

^o omne Gron.

³² *Ab latere tyranni*] Hæc est scripta lectio, quam sic explicat Gronovius. *Avertit in insontes indicium ab latere tyranni*, id est, accusavit insontes, qui essent ab latere tyranni, quorum capita vilissima obcurrere fingenti, quos facillime passurus erat morti ac suppliciis objici. *Ab latere* alicujus esse dicuntur, qui sunt ejus familiares, et ejus plerumque tegunt latera. Sed placere non potest interposita illa longissima parenthesis inter voces *indicium* et *ab latere*, quæ duriores profecto orationem facit. Longe expeditior erat vulgata lectio: *ab latere inde eos nominat tyranni*:

nec dubitarem eam antepone, si certa ejus origo reperiretur.

³³ *Ita, quod unum vinculum*] Pro itaque legi jussimus ita ex Put. libro: quod hæc particula melius ea quæ præcedunt cum sequentibus connectere visa est. Quod autem Gronovius affirmat in eodem codice legi *omne vinculum*, in eo desideramus solitam viri diligentiam. Etenim optimus liber habet *omni*, sed ita ut littera o virgula transfixa sit, et supra eam scriptum u. Itaque reposuimus *unum*, quam in lectionem consentiunt omnes et scripti, et editi.

eo, utram spem sequatur, consilium capiat. Romani, quum U. C. 537. serio legationes audire cœpisset, redituros se ad eum di- A. C. 215. centes esse, monito magis eo, quam rogato, ne fidem temere mutaret, proficiscuntur. Hieronymus legatos Karthaginem misit ³⁴ ad fœdus ex societate cum Hannibale faciendum. Pacto convenit, ut, quum Romanos Sicilia expulissent, (id autem brevi fore, si naves atque exercitum missent) Himera amnis, qui ferme insulam dividit, finis regni Syracusani ac Punici imperii esset. Aliam deinde, inflatus adsentationibus eorum, qui eum non Hieronis tantum, sed ³⁵ Pyrrhi etiam regis, materni avi, jubebant meminisse, legationem misit, ³⁶ quæ æquum censebat, Sicilia sibi omni cedi: Italiæ imperium proprium quæri Karthaginensi populo. Hanc levitatem ac ³⁷ jactationem animi neque mirabantur in juvene furioso, neque arguebant, dummodo averterent eum ab Romanis.

Fœdus ejus
cum Pœnia.

VII. ³⁸ Sed omnia in eo præcipitia ad exitium fuerunt. nam quum, præmissis Hippocrate atque Epicyde cum binis millibus armatorum ad tentandas urbes, quæ præsidiis tenebantur Romanis, et ipse in Leontinos cum cetero omni exercitu (erant autem ad quindecim millia peditum equitumque) profectus esset; ³⁹ liberas ædes conjurati (⁴⁰ et omnes forte militabant) imminentes viæ angustæ, qua descendere ad forum rex solebat, sumserunt. ibi, quum instructi armatique ceteri transitum expectantes starent, uni ex eis, (Dinomeni fuit nomen) quia custos corporis erat, partes datæ sunt, ut, quum adpropinquaret januæ rex, per causam aliquam in angustiis sustineret ab tergo agmen. Ita, ut convenerat, factum est. tamquam laxaret elatum pedem ab stricto nodo, moratus turbam Dinomenes, tantum intervalli fecit, ut, quum in prætereuntem sine armatis regem inpetus fieret, confoderetur aliquot prius vulneribus, quam subcurri posset. Clamore et tumultu audito, in Dinomenem, jam haud dubie obstantem, tela conjiciuntur: inter

A conjura-
tis occidi-
tur.

P quia Gron.

¶ per Gron. Crev.

³⁴ *Ad fœdus ex societate*] Societas juncta erat inter Annibalem et Hieronymum. At vult Hieronymus etiam fœdus facere cum Carthaginensi populo.

³⁵ *Pyrrhi . . regis, materni avi*] Gelo Hieronymi, pater Nereidem filiam Pyrrhi regis uxorem duxerat.

³⁶ *Qua æquum censebat*] Sic habent tres e scriptis nostris, Andreas, et Campanus. Vulgo quia: minus eleganter.

³⁷ *Jactationem animi*] Inconstan-

tiam animi, nunc huc, nunc illuc sese vertentis.

³⁸ *Sed omnia in eo præcipitia ad exitium fuerunt*] Sed omnia ita evenere, ut præceps ille in exitium rueret.

³⁹ *Liberas ædes*] Ædes vacuas, in quibus ipsi soli hospitarentur.

⁴⁰ *Et omnes forte militabant*] Hoc ideo observat Livius, ut indicet conjuratos potuisse ita regem in Leontinos sequi, ut nulla inde in eos suspicio oriretur.

U. C. 537. quæ tamen, duobus acceptis vulneribus, evasit. Fuga satellitum, ut jacentem videre regem, facta est. interfectores pars in forum ad multitudinem lætam libertate, pars Syracusas pergunt, ad præoccupanda Andranodori regionumque aliorum consilia. Incerto rerum statu, Ap. Claudius, bellum oriens ex propinquo quum cerneret, senatum literis certiores fecit, Siciliam Karthaginensi populo et Hannibali conciliari. ipse adversus Syracusana consilia, ⁴¹ provinciam, regnique fines omnia convertit præsidia. Exitu anni ejus, Q. Fabius ex auctoritate senatus Puteolos, per bellum coeptum frequentari emporium, communiit, præsidiumque inposuit. inde Romam comitiorum causa veniens, in eum, quem primum diem comitialem habuit, comitia edixit; atque ex itinere præter urbem in campum descendit. Eo die ⁴² quum sors prærogativæ Aniensi juniorum exisset, eaque T. Otacilium, M. Æmilium Regillum consules diceret, tum Q. Fabius, silentio facto, tali oratione est usus:

Comitia
consularia.

Fabii Cos.
oratio de
deligendis
magna cura
Coss.

VIII. *Si aut pacem in Italia, aut bellum cum eo hoste haberemus, in quo negligentiae laxior locus esset, qui vestris studiis, quæ in campum ad mandandos, quibus velitis, honores adfertis, moram ullam obferret, is mihi parum meminisse videretur vestrae libertatis. sed quum in hoc bello, in hoc hoste, numquam ab ullo duce sine ingenti nostra clade erratum sit, eadem vos cura, qua in aciem armati descenditis, inire suffragium ad creandos consules decet, et sibi sic quemque dicere; Hannibali imperatori parem consulem nomino. Hoc anno ad Capuam Jubellio Taureæ Campano summo equiti provocanti summus Romanus eques Asellus Claudius est obpositus. Adversus Gallum, quondam provocantem in ponte Anienis, T. Manlium, fidentem et animo et viribus, misere majores nostri. ⁴³ Ob eandem causam haud multis annis post fuisse non negaverim, cum M. Valerio non diffideretur, adversus similiter provocan-*

⁴¹ *Provinciam, regnique fines]* Hæc lectio stare nequit. Pighius emendat: *ad provinciae regnique fines*: id est, versus eam partem, ubi provincia regnum contingebat. Pulsis Sicilia primo Punico bello Carthaginensibus, tota insula duas in partes divisa erat, quarum altera erat ditionis Romanorum, et ideo vocatur hic *provincia*; altera regnum Hieronis fuerat.

⁴² *Quum sors prærogativæ Aniensi juniorum exisset]* Quum sorte obtigisset centuriæ juniorum, quæ Aniensis nominabatur, ut prima omnium suffragium ferret. * Ceterum hoc notatu dignum est, omnes centurias quæ

a Livio peculiari nomine designantur, tribubus esse cognomines, hic Aniensem, XXVI. 22. Veturiam, XXVII. 6. Galeriam: unde apparet, quod et aliunde constat, centurias, quæ initio ad tribuum divisionem nihil pertinebant, postea in iis inclusas fuisse. Igitur hoc loco *Aniensis juniorum* est centuria juniorum ex Aniensi tribu educta. † Vid. not. 32. ad I. 43. et not. 67. ad V. 18. Ceterum hujus loci emendatio Gronovio debetur. Ad doctissimi viri Observ. l. IV. c. 1.

⁴³ *Ob eandem causam. . . fuisse non negaverim]* Tolle otiosam et inelegantem particulam *ob*.

tem arma capienti Gallum ad certamen. Quemadmodum pe- U. C. 537.
dites equitesque optamus, ut validiores, si minus, ut pares hosti A. C. 215.
habeamus; ita duci hostium parem imperatorem quæramus.
Quum, qui est summus in civitate dux, eum legerimus; tamen
repente lectus, in annum creatus, adversus veterem ac perpe-
tuum imperatorem comparabitur, nullis neque temporis, neque
juris inclusum angustiis, quo minus ita omnia gerat administret-
que, ut tempora postulabunt belli. nobis autem in adparatu ipso,
ac tantum inchoantibus res, annus circumagitur. Quoniam,
quales viros creare vos consules deceat, satis est dictum; restat,
ut pauca de eis, in quos prærogativæ favor inclinavit, dicam.
M. Æmilius Regillus flamen est Quirinalis, quem neque mit-
tere ab⁹ sacris, neque retinere possumus, ut non Deum aut belli
deseramus curam. Otacilius sororis meæ filiam uxorem, at-
que ex ea liberos, habet. ceterum non ea vestra in me majores-
que meos merita sunt, ut non potio rem privatis necessitudinibus
republicam habeam. Quilibet nautarum vectorumque tran-
quillo mari gubernare potest: ubi sæva orta tempestas est, ac tur-
bato mari rapitur vento navis, tum viro et gubernatore opus est.
Non tranquillo navigamus, sed jam aliquot procellis submersi
pene sumus. itaque, quis ad gubernacula sedeat, summa cura
providendum ac præcavendum vobis est. In minore te experti,
T. Otacili, re sumus. haud sane, cur ad majora tibi fidamus,
documenti quidquam dedisti. Classem hoc anno, cui tu præ-
fuisti, trium rerum causa paravimus: ut Africæ oram popu-
laretur; ut tuta nobis Italiæ litora essent; ante omnia ne sup-
plementum cum stipendio comœatuque ab Karthagine Hanni-
bali transportaretur. Create consulem T. Otacilium, non dico,
si omnia hæc, sed si aliquid eorum reipublicæ præstitit. Sin
autem, te classem obtinente,⁴⁴ etiam, velut pacato mari, quæli-
bet Hannibali tuta atque integra ab domo venerunt; si ora
Italiæ infestior hoc anno, quam Africæ, fuit; quid dicere po-
tes, cur te potissimum ducem⁴⁵ Hannibali hosti obponant? Si
consul esses,⁴⁶ dictatorem dicendum exemplo majorum nostrorum
censeremus. nec tu id indignari posses, aliquem in civitate Ro-
mana meliorem bello haberi, quam te. magis nullius interest,
quam tua, T. Otacili, non inponi cervicibus tuis onus, sub quo
concidas. Ego magnopere suadeo, eodem animo, quo, si stan-
tibus vobis in aciem armatis repente deligendi duo imperatores
essent, quorum ductu atque auspicio dimicaretis, hodie quoque
consules creetis: ⁴⁷ quibus sacramento liberi vestri dicant, ad

⁹ a Gron. Crev.⁷ opponamus Gron.⁴⁴ Etiam velut pacato mari] Su-
pervacaneum est etiam.⁴⁵ Annibali hosti obponant] Grono-
vius nulla, ut nobis visum est, satis
necessaria causa edi jusserat oppona-mus. Nos servavimus veterem lectio-
nem.⁴⁶ Dictatorem dicendum . . . cense-
remus] Fortasse censerem. GRONOV.⁴⁷ Quibus sacramento liberi vestri

U. C. 597. *quorum edictum convenient, sub quorum tutela atque cura mi-*
 A. C. 215. *litent. Lacus Trasimenus et Cannæ⁴⁸ tristia ad recordatio-*
nem exempla, sed ad præcavendum simile⁴⁹ utili⁵⁰ documento
sunt. Præco, Aniensem juniorum in suffragium revoca.

IX. Quum T. Otacilius ferociter, eum continuare consulatum velle, vociferaretur atque obstreperet, lictores ad eum accedere consul jussit. et, quia in urbem non inierat, protinus in campum ex itinere profectus, admonuit,⁵⁰ cum securibus sibi fasces præferri. Iterum prærogativa suffragium init⁵¹; creatique in ea consules Q. Fabius Maximus quartum, M. Marcellus tertium. Eosdem consules ceteræ centuriæ sine variatione ulla dixerunt. Et prætor unusrefectus Q. Fulvius Flaccus: ⁵¹novi⁵² alii creati, T. Otacilius Crassus iterum, Q. Fabius consulis filius, qui tum ædilis curulis erat, P. Cornelius Lentulus. Comitibus prætorum perfectis, senatusconsultum factum est, ut Q. Fulvio extra ordinem urbana provincia esset: isque potissimum, consulibus ad bellum profectis, urbi præesset. Aquæ magnæ bis eo anno fuerunt: Tiberisque agros inundavit cum magna strage tectorum, pecorumque et hominum perniciæ. Quinto anno

U. C. 598.
 A. C. 214.
 Q. Fabio
 IV. M.
 Marcello
 III. Coss.

Fabio laudi
 est conti-
 nuatus con-
 sulatus.

secundi Punici belli, Q. Fabius Maximus quartum, M. Claudius Marcellus tertium, consulatum ineuntes, plus solito converterant in se civitatis animos. multis enim annis tale consulum par non fuerat. Referebant senes, sic Maximum Rullum cum P. Decio ad bellum Gallicum, sic postea Papirium Carviliūque adversus Samnites, Bruttiosque, et Lucanum cum Tarentino populum, consules declaratos. Absens Marcellus consul creatus, quum ad exercitum esset; præsentī Fabio, atque ipso comitia habente, consulatus continuatus. Tempus ac necessitas belli, ac discrimen summæ rerum faciebant, ⁵²ne quis aut in exemplum exqui-

⁴⁸ utiles Gron. utilia documenta Crev.

⁵¹ init Crev.

⁵² ins. tres Gron. Crev.

dicant] Quorum in verba liberi vestri jurent, solenni militiæ sacramento se obstringentes. Notæ phrases, *sacramento dicere, rogari, adigi*.

⁴⁸ *Tristia ad recordationem exempla*] Olim editi: *triste . . exemplar*. Correxerit Gronovius e mellioribus scriptis, ut ipse testatur l. IV. Observat. c. 1.

⁴⁹ *Utilia documenta*] Sic dedimus pro *utiles documento*, moniti a Sigonio, qui hanc lectionem profert e vet. lib. Adstipulantur duo Hearnii codices. Nec longe abit noster Victor. qui exhibet *utilia documento*: unde possis quoque legere *utili documento*.

⁵⁰ *Cum securibus sibi fasces præferri*] Intra urbem secures non præ-

ferebantur consulibus ex instituto Valerii Publicolæ. At Fabius, qui urbem non inierat, eas etiamnum fascibus illigatas habebat. Itaque admonet Otaciliū, se in eum statim animadvertere posse, si in contumacia ac ferocia perseveret.

⁵¹ *Novi tres alii creati*] Hoc a Gronovio est, qui corruptos hos loco scriptos plerosque id velle existimavit. Sed Put. exhibet *novi alii sine r̄p̄ tres*: Tellerianus, *novi tres sine r̄p̄ alii*. Utrolibet modo legendum videtur: vel *novi alii creati*, quod voluit Sigonius; vel *novi tres creati*.

⁵² *Ne quis . . in exemplum exquireret*] Ne quis rem argueret, tanquam quæ esset mali exempli.

reret, aut suspectum cupiditatis imperii consulem haberet. U. C. 538.
 quin laudabant potius magnitudinem animi, quod, quum A. C. 214.
 summo imperatore esse opus reipublicæ sciret, seque eum
 haud dubie esse, minoris invidiam suam, si qua ex re orire-
 tur, quam utilitatem reipublicæ, fecisset.

X. Quo die magistratum inierunt consules, senatus in
 Capitolio est habitus: decretumque omnium primum, ut
 consules sortirentur, compararentve inter se, uter censoribus
 creandis comitia haberet, priusquam ad exercitum proficis-
 ceretur. Prorogatum deinde imperium omnibus, qui ad
 exercitus erant, jussique in provinciis manere, Ti. Grac-
 chus Luceriæ, ubi cum volonum exercitu erat, C. Teren-
 tius Varro in agro Piceno, ⁵³ M'. Pomponius in Gallico. ex
 prætoribus prioris anni pro prætore Q. Mucius obtineret
 Sardiniam, M. Valerius ad Brundisium oræ maritimæ, in-
 tentus adversus omnes motus Philippi Macedonum regis,
 præesset. P. Cornelio Lentulo prætori Sicilia decreta pro-
 vincia; T. Otacilio classis eadem, quam adversus Kartha-
 ginienses priore anno habuisset. Prodigia eo anno multa ^{Prodigia.}
 nunciata sunt. quæ quo magis credebant simplices ac reli-
 giosi homines, eo plura nunciabantur: Lanuvii in æde in-
 tus Sospitæ Junonis corvos nidum fecisse: in Apulia pal-
 mam viridem arsisse: Mantuæ ⁵⁴ stagnum effusum Mincio
 amni cruentum visum: et Calibus creta, et Romæ in foro
 boario sanguine pluisse: et ⁵⁵ in vico Istrico fontem sub
 terra tanta vi aquarum fluxisse, ut serias doliaque, quæ in
 eo loco erant, provoluta ⁵⁶ velut impetus torrentis tulerit:
 tacta de cælo atrium publicum in Capitolio, ætem in cam-
 po Vulcani, nucem in Sabinis publicamque viam, murum
 ac portam Gabiis, Jam alia vulgata miracula erant: ⁵⁷ has-
 tam Martis Præneste sua sponte promotam: bovem in Si-
 cilia locutum: infantem in utero matris in Marrucinis, *Io*
trumphe! clamasse: ex muliere Spoleti virum factum:
 Hadriæ aram in cælo, speciesque hominum circum eam,
 cum candida veste, visas esse. Quin Romæ quoque in ipsa

⁵³ *Manius Pomponius in Gallico]* Hic M'. Pomponius jubetur in agro Gallico manere, quem eo missum esse nusquam scriptum est. Quin contra c. 25. l. XXIII. narratur placuisse senatui, ut Gallia eo anno omitteretur. Rursus idem ille Pomponius, qui hic Galliam obtinere dicitur, infra c. 17. in Campania præsidet castris super Suepsulam.

⁵⁴ *Stagnum effusum Mincio amni]* Stagnantes aquas, e Mincio amni exundanti effusas.

⁵⁵ *In vico Istrico]* Scripti fere, in

vico Instæcio. Alterutrum nomen potest verum esse: nec opus est rescribere eum Jac. Gronovio in *vico Tusco*. Neque enim, si nulla illorum nominum occurrit alibi mentio, ideo sequitur illa mendosa esse: nec scire fas est omnia.

⁵⁶ *Velut impetus torrentis]* Place- ret magis cum Gronovio, *impetu*: quod et habet unus ex Hearnii MSS.

⁵⁷ *Hastam Martis]* Hastam quam Martis effigies manu gereret. Vid. not. 74. ad XXI. 62.

U. C. 538. urbe, ⁵⁸ secundum apum examen in foro visum, adfirmantes
A. C. 214. quidam, legiones se armatas in Janiculo videre, concitave-
runt civitatem ad arma: qui tum in Janiculo essent, nega-
runt, quemquam ibi, præter adsuertos collis ejus cultores,
adparuisse. Hæc prodigia hostiis majoribus procurata sunt
ex aruspicum responso: et supplicatio omnibus Deis, quo-
rum pulvinaria Romæ essent, indicta est.

18. Legio-
nes.

Censores
M. Atilius,
P. Furius.

Nautæ pri-
vatis impe-
rati.

XI. Perpetratis, quæ ⁵⁹ ad pacem Deum pertinebant, de
republica belloque gerendo, et quantum copiarum, et ubi
quæque essent, consules ad senatum retulerunt. Duodevi-
ginti legionibus bellum geri placuit: binas consules sibi
sumere: binis Galliam, Siciliamque, ac Sardiniam obti-
neri: ⁶⁰ duabusque Q. Fabium prætorem Apuliæ, duabus vo-
lonum Ti. Gracchum circa Luceriam præesse: singulas C.
Terentio proconsuli ad Picenum, et M. Valerio ad classem
circa Brundisium relinqui, et duas urbi præsidio esse. Hic
ut numerus legionum expleretur, sex novæ legiones erant
scribendæ. eas primo quoque tempore consules scribere
jussi, et classem parare: ut cum eis navibus, quæ pro Ca-
labriæ litoribus in statione essent, centum^t quinquaginta
⁶¹ longarum navium classis eo anno expleretur. Delectu ha-
bito, ⁶² et centum navibus novis deductis, Q. Fabius comi-
tia censoribus creandis habuit. creati M. Atilius Regulus
et P. Furius Philus. Quum increbresceret^u rumor, bellum
in Sicilia esse, T. Otacilius eo cum classe proficisci jussus
est. Quum deessent nautæ, consules ex senatusconsulto
edixerunt, ut, qui, L. Æmilio, C. Flaminio censoribus, ⁶³ mil-
libus æris quinquaginta ipse aut pater ejus census fuisset, us-
que ad centum millia, aut cui postea res tanta esset facta, nau-
tam unum cum sex mensium stipendio daret: qui supra centum
millia, usque ad trecenta millia, tres nautas cum stipendio an-
nuo: qui supra trecenta millia, usque ad decies æris, quinque

^t centum del. Gron. Crev.

^u increbresceret Gron.

⁵⁸ Secundum apum examen] Secun-
dum, id est, post. Postquam apum
examen in foro visum esset.

⁵⁹ Ad pacem Deum] Ad placandos
propitiandosque deos. Vid. not. 8. ad
I. 16.

⁶⁰ Duabusque Q. Fabium] Cum
duabus legionibus Q. Fabium præto-
rem præesse Apuliæ: cum duabus
volonum Ti. Gracchum præesse re-
gioni quæ esset circa Luceriam.

⁶¹ Longarum navium] Vid. not.
12. ad c. 28. l. V.

⁶² Et navibus novis] Adjicit nume-
rum Put. liber: et C. navibus.

⁶³ Millibus æris quinquaginta] Hic

intelligimus æs grave, ob rationes
quas attulimus in Appendice de ære
gravi: æs autem grave æstimamus, ut
diximus in not. 66. ad c. 33. l. XXII.
ex vetusto more, ita ut decem æris
gravis in unum denarium imputen-
tur. Itaque quinquaginta millia æris
censemus paria esse denariis 5000.
marcis argenti nostratibus 78. cum
una uncia: centum millia æris, de-
nariis 10000. marcis argenti 156. cum
duabus uncis: trecenta millia æris,
denariis 30000. marcis argenti 468.
cum sex uncis: decies centena mil-
lia æris, denariis 100000. marcis ar-
genti 1562. cum uncis quatuor.

nautas: qui supra decies, septem: senatores octo nautas cum U. C. 538.
annuo stipendio darent. Ex hoc edicto ⁶⁴ dati nautæ, armati A. C. 214.
 instructique ab dominis, cum triginta dierum coctis ciba-
 riis naves conscenderunt. Tum primum est factum, ut
 classis Romana sociis navalibus privata impensa paratis
 compleretur.

XII. Hic major solito adparatus præcipue contreruit ^{Torrentur}
 Campanos, ne ab obsidione Capuæ bellum ejus anni Ro- ^{Campani.}
 mani inciperent. itaque legatos ad Hannibalem oratum mi-
 serunt, ut Capuam exercitum admoveret. *ad eam obpugnan-*
dam novos exercitus scribi Romæ; nec ullius urbis defectioni
magis infensos eorum animos esse. Id quia tam trepidi nun-
 ciabant, maturandum Hannibal ratus, ne prævenirent Ro-
 mani, profectus Arpis, ad Tifata in veteribus castris super
 Capuam consedit. inde, Numidis Hispanisque ad præsi-
 dium simul castrorum simul Capuæ relictis, cum cetero ex-
 exercitu ad lacum Averni per speciem sacrificandi, re ipsa ut
 tentaret Puteolos, quodque ibi præsidii erat, descendit.
 Maximus, postquam Hannibalem Arpis profectum, et re-
 gredi in Campaniam, adlatum est, nec die nec nocte inter-
 misso itinere, ad exercitum redit: et Ti. Gracchum ab
 Luceria Beneventum copias admovere, Q. Fabium præto-
 rem (is filius consulis erat) Luceriam Graccho succedere
 jubet. In Siciliam eodem tempore duo prætores profecti,
 P. Cornelius ad exercitum, Otacilius, qui maritimæ oræ
 rei que navali præesset; et ceteri in suas quisque provincias
 profecti. et, quibus prorogatum imperium erat, easdem,
 quas priore anno, regiones obtinuerunt.

XIII. Ad Hannibalem, quum ad lacum Averni esset, ^{Legati Ta-}
 quinque nobiles juvenes ab Tarento venerunt, partim ad ^{rentini ad}
 Trasimenum lacum, partim ad Cannas capti, dimissique ^{Hanniba-}
 domos cum eadem comitate, qua usus adversus omnes Ro- ^{lem.}
 manorum socios Poenus fuerat. Ii, *memores beneficiorum*
ejus perpulisse magnam partem se juventutis Tarentinæ, refe-
runt, ut Hannibalis amicitiam ac societatem, quam populi Ro-
mani, mallent; ⁶⁵ legatosque ab suis missos rogare Hanniba-
 lem, *ut exercitum propius Tarentum admoveat. Si signa ejus,*
si castra conspecta a Tarento sint, haud ullam intercessuram
moram, quin urbs dedatur. In potestate juniorum plebem, in
manu plebis rem Tarentinam esse. Hannibal conlaudatos
 eos, oneratosque ingentibus promissis, domum ad coepta
 maturanda redire jubet: se in tempore adfuturum esse.

⁶⁴ * *Dati nautæ . . . ab dominis*] Ac
 proinde nautæ illi erant servi, ut
 clare exprimitur infra XXVI. 36.
 et XXXIV. 6.

⁶⁵ * *Legatosque*] Seque legatos ab
 suis missos esse rogatuos Anniba-
 lem.

U. C. 598.
A. C. 214.

Puteolos
frustra ten-
tat.

A Nolanis
vocatur.

Prævenit
eum Mar-
cellus.

Hannonis
et Gracchi
exercitus ad
Beneven-
tum.

Volones.

Hac cum spe dimissi Tarentini. Ipsum ingens eupido in-
cesserat Tarenti potiundi. Urbem esse videbat, quum opu-
lentam nobilemque, tum mariitimam, et in Macedoniam op-
portune versam: regemque Philippum hunc portum, si
transiret in Italiam, quum Brundisium Romani haberent,
petiturum. Sacro inde perpetrato, ad quod venerat, et,
dum ibi moratur, pervastato agro Cumano usque ad Mi-
seni promontorium, Puteolos repente agmen convertit, ad
obprimendum præsidium Romanum. Sex millia hominum
erant, et locus munimento quoque, non natura modo, tutus.
Triduum ibi moratus Poenus, ab omni parte tentato præsi-
dio, deinde, ut nihil procedebat, ad populandum agrum
Neapolitanum, magis ira quam potiundæ urbis spe, proces-
sit. Adventu ejus in propinquum agrum Nolana mota est
plebs, jam diu aversa ab Romanis et infesta senatui suo.
itaque legati ad arcessendum Hannibalem, cum haud dubio
promisso tradendæ urbis, venerunt. Prævenit inceptum
eorum Marcellus consul, a primoribus adcitus. Die uno
Suessulam ab Calibus, quum Vulturinus amnis trajicientem
moratus esset, contenderat. inde proxima nocte sex millia
peditum, equitesque trecentos, qui præsidio senatui essent,
Nolam intromisit: et, uti a consule omnia inpigre facta
sunt ad præoccupandam Nolam, ita Hannibal tempus te-
rebat; bis jam ante nequidquam tentata re, segnior ad cre-
dendum Nolanis factus.

XIV. Iisdem diebus et Q. Fabius consul ad Casilinum
tentandum, quod præsidio Punico tenebatur, venit; et ad
Beneventum, velut ex composito, parte altera Hanno ex
Bruttiis cum magna peditum equitumque manu, altera Ti.
Gracchus ab Luceria accessit: qui primo oppidum intravit.
Deinde, ut Hannonem tria millia ferme ab urbe ad Calo-
rem fluvium castra posuisse, et inde agrum populari audi-
vit, et ipse, egressus mœnibus, mille ferme passus ab hoste
castra locat, ibique concionem militum habuit. Legiones
magna ex parte volonum habebat; qui jam alterum annum
libertatem tacite mereri, quam postulare palam, maluerant.
Senserat tamen hibernis egrediens murmur in agmine esse
quærentium, ⁶⁶ *en umquam liberi militaturi essent?* scripse-
ratque senatui, non tam quid desiderarent, quam quid me-
ruissent: *bona fortique opera eorum se ad eam diem usum:*
neque ⁶⁷ *ad exemplum justî militis quidquam eis, præter liber-*
tatem, deesse. De eo permissum ipsi erat, faceret, quod e
republica duceret esse. Itaque prius, quam cum hoste ma-

⁶⁶ *En umquam*] Nunquamne. Ex-
empla passim occurrunt, IV. 3. X. 8.
et infra XXX. 21.

⁶⁷ *Ad exemplum justî militis*] Ut

similes plane sint vero et suis omni-
bus numeris absoluto militi. *Justo*
militi, quemadmodum *justa arma*, l.
XXII. c. 48. *justi armis*, l. I. c. 4.

num conséreret, pronunciat; *tempus venisse eis^u libertatis*, U. C. 538.
quam diu sperassent, potiundæ. postero die signis conlatis dimi- A. C. 214.
caturum puro ac patenti campo, ubi sine ullo insidiarum metu Gracchus
vera virtute geri res posset. Qui caput hostis retulisset, eum iis liberta-
se extemplo liberum jussurum esse: qui loco cessisset, in eum tem pro-
servili supplicio animadversurum. Suam cuique fortunam in mittit, qui
manu esse: libertatis auctorem eis non se fore solum, sed con- capita hos-
sulem M. Marcellum, sed universos Patres; quos, consultos tium retu-
ab se de libertate eorum, sibi permisisse. Literas inde consu- lissent.
lis ac senatusconsultum recitavit. Ad quæ clamor cum in-
genti adsensu est sublatus. pugnam poscebant, signumque
ut daret extemplo, ferociter instabant. Gracchus, prælio
in posterum diem pronunciato, concionem dimisit. Milites
læti, præcipue⁶⁸ quibus merces navatæ in unum diem ope-
ræ libertas futura erat, armis expediendis quod^x reliquum
consumunt.

XV. Postero die, ubi signa coeperunt canere, primi om-
nium parati instructique ad prætorium conveniunt. Sole
orto, Gracchus in aciem copias educit. nec hostes moram Acris pug-
dimicandi fecerunt. Decem et septem millia peditum erant, na.
maxima ex parte Bruttii ac Lucani. equites mille du-
centi; inter quos pauci admodum Italici, ceteri Numidæ
fere omnes Maurique. Pugnatum est et acriter, et diu.
quatuor horis neutro inclinata est pugna: nec alia magis
Romanum inpediebat res, quam capita hostium pretia li-
bertati facta. Nam ut quisque hostem in pigre occiderat,
primum⁶⁹ capite ægre inter turbam tumultumque absci-
dendo^y tempus terebat: deinde, occupata dextra tenendo
caput, fortissimus quisque pugnator esse desierat: segni-
bus ac timidis tradita pugna erat. Quod ubi tribuni mili-
tum Graccho nunciaverunt, *neminem stantem jam vulnerari*
hostem, carnificari jacentes, et in dextris militum pro gladiis
humana capita esse: 70 signum dari propere jussit, projice-
rent capita, invaderentque hostem. Claram satis et insignem
virtutem esse: nec dubiam libertatem futuram strenuis viris.
Tum redintegrata pugna est, et eques etiam in hostem emis-

^u ejus Gron. Crev.^x quod l. dici Eæd.^y abscindendo Eæd.

⁶⁸ Quibus merces navatæ in unum diem operæ libertas futura erat] Gronovius affirmat scriptos magno consensu habere *libertatis*. Nos tamen in Put. codice, et in alio item non spernendo legimus *libertas*. Quod monemus, ne quis summi viri auctoritate inductus, hunc locum suspectum habeat.

⁶⁹ Capite ægre . . abscindendo] Nostri omnes codices *abscidendo*: et similem scripturam sæpe in MSS. obser-

vavit Gronovius, ut ipse testatur in not. ad l. XLIV. c. 5. Omnino duplex verbum agnoscendum videtur, *abscindo* ex *ab* et *scindo*, et *abscido* ex *abs* et *cædo*. Hic posterius magis proprium videtur. Notum est illud Martialis. *Abscidit vultus ensis uterque sacros.*

⁷⁰ Signum dare] Jussum per ordines perferre. Vid. not. 42. ad c. 36. l. V.

U. C. 588.
A. C. 214.

Romani
vincunt.

sus. ⁷¹ Quibus quum impigre Numidæ concurrissent, nec segnior equitum, quam peditum, pugna esset, iterum in dubium adducta res. Quum utrimque duces, Romanus Bruttium Lucanumque, toties a majoribus suis victos subactosque; Pœnus mancipia Romana et ex ergastulo militem, verbis obtereret; postremo pronunciat Gracchus, *esse nihil, quod de libertate sperarent, nisi eo die fusi fugatique hostes essent.*

Volonibus
libertas da-
tur.

XVI. Ea demum vox ita animos accendit, atque, renovato clamore, velut alii repente facti, tanta vi se in hostem intulerunt, ut sustineri ultra non possent. Primo antesignani Pœnorum, deinde signa perturbata, postremo tota impulsæ acies; inde haud dubie terga data, ruuntque fugientes in castra, adeo pavidæ trepidique, ut ne in portis quidem aut vallo quisquam restiterit, ac prope continenti agmine Romani insecuti, novum de integro prælium inclusi hostium vallo ediderint. Ibi sicut ⁷² pugna impeditior in angustiis, ita cædes atrocior fuit: et adjuvare captivi, qui, rapto inter tumultum ferro, conglobati et ab tergo ceciderunt Pœnos, et fugam impediunt. Itaque minus duo millia hominum ex tanto exercitu, et ea major pars equitum, cum ipso duce effugerunt: alii omnes cæsi aut capti. capta et signa duodequadraginta. Ex victoribus duo millia ferme cecidere. præda omnis (præterquam hominum captorum) militi concessa est: et pecus exceptum est, quod intra dies triginta domini cognovissent. Quum præda onusti in castra redissent, quatuor millia ferme volonum militum, qui pugnaverant segnius, nec in castra intraverant simul, metu pœnæ collem haud procul castris ceperunt. postero die ⁷³ per tribunos² militum inde deducti, concione militum advocata a Graccho, superveniunt. Ubi quum proconsul veteres milites primum, prout cujusque virtus atque opera in ea pugna fuerat, militaribus donis donasset, tunc quod ad volones adtineret, *omnes, ait, malle laudatos a se, dignos indignosque, quam quemquam eo die castigatum esse. Quod bonum, faustum, felixque reipublicæ ipsisque esset, omnes eos liberos esse jubere.* Ad quam vocem quum clamor ingenti alacritate sublatus esset, ac nunc complexi inter se

² *tribunum* Gron. Crev.

⁷¹ Quibus quum impigre Numidæ concurrissent] Andreas et Campanus, *occurrissent*: quod magis placet.

⁷² Pugna impeditior] Quam plurimi codd. tum Gronoviani, tum nostri, habent *inepeditior*: quod vocabulum, tametsi sequiori magis ætati, quam aureæ notum, non abit tamen ab analogia sermonis Latini.

⁷³ Per tribunum militum inde deducti, concione advocata] Vulgo *concione militum advocata*. Sed vox *militum* abest ab aliquot scriptis, tum Gronovianis, tum nostris, et hic odiose repetitur, quum in propinquo præcesserit *per tribunum militum*. Ergo eam delevimus.

gratulantesque, nunc manus ad coelum tollentes, bona omnia populo Romano Gracchoque ipsi precarentur; tum Gracchus: *Priusquam omnes jure libertatis æquassem, inquit, neminem nota strenui aut ignavi militis notassem volui. Nunc, exsoluta jam fide publica, ne discrimen omne virtutis ignaviaeque pereat, nomina eorum, qui, detrectatae pugnae memores, secessionem paullo ante fecerunt, referri ad me jubebo: citatosque singulos jurejurando adigam, nisi quæis morbus causa erit, non aliter, quam stantes, cibum potionemque, quoad stipendia facient, capturos esse. Hanc multam ita æquo animo feretis, si reputabitis, nulla ignaviae nota leviori vos designari potuisse.* Signum deinde conligendi vasa dedit: militesque prædam portantes agentesque, per lasciviam ac jocum, ita ludibundi Beneventum rediere, ut ab epulis per celebrem festumque diem actis, non ex acie, reverti viderentur. Beneventani omnes turba effusa quum obviam ad portas exissent, complecti milites, gratulari, vocare in hospitium. Adparata convivia omnibus ⁷⁴in propatulo ædium fuerant: ad ea invitabant, Gracchumque orabant, ut epulari permitteret militibus. ⁷⁵Et Gracchus ita permisit, in publico epularentur omnes. Ante suas quibusque fores prolata omnia. ⁷⁶pileati, aut lana alba velatis capitibus volones epulati sunt; alii adcubantes, alii stantes, qui simul ministrabant vescebanturque. Digna res visa, ut simulacrum celebrati ejus diei Gracchus, postquam Romam rediit, pingi juberet in æde Libertatis, quam pater ejus in Aventino ex multatitia pecunia faciendam curavit dedicavitque.

XVII. Dum hæc ad Beneventum geruntur, Hannibal, depopulatus agrum Neapolitanum, ad Nolam castra movet. quem ubi adventare consul sensit, ⁷⁷Pomponio proprætore cum eo exercitu, qui super Suessulam in castris erat, adcito, ire obviam hosti parat, nec moram dimicandi facere. ⁷⁸C. Claudium Neronem cum robore equitum silentio noctis per aversam maxime ab hoste portam emittit: circumvectumque occulte subsequi sensim agmen hostium jubet, et, quum coortum prælium videret, ab tergo se objicere. Id errore viarum, an exiguitate temporis, Nero ex-

Marcellus
obviam it
Hannibali.

^a C. del. Gron.

⁷⁴ *In propatulo ædium*] Id est, ut recte explicat Dujatius, intra aedes quidem, sed loco aperto, nudoque sub ætheris axe. At *in publico* est extra aedes, in ipsa via publica. Itaque, quum Gracchus non permisisset militibus epulari, nisi ea lege ut in publico vescerentur, Beneventani ante fores quisque protulisse sua omnia dicuntur.

⁷⁵ *Et Gracchus ita permisit, in publico*] Vocula ita videtur postulare, si *in publico*: quod monet Sigonius.

⁷⁶ *Pileati*] Pileum erat insigne receptæ libertatis.

⁷⁷ *Pomponio proprætore*] Vid. not. 53. ad c. 10. supra.

⁷⁸ *C. Claudium Neronem*] Adjecimus prænomen ex Put. libro.

U. C. 588.
A. C. 214.
Romani
vincunt.

sequi non potuerit, incertum est. Absente eo quum prælium commissum esset, superior quidem haud dubie Romanus erat: sed, quia equites non adfuere in tempore, ratio compositæ rei turbata est. non ausus insequi cedentes Marcellus, vincentibus suis signum receptui dedit. Plus tamen duo millia hostium eo die cæsa traduntur: Romani minus quadringentis. Solis fere obcasu Nero, diem noctemque nequidquam fatigatis equis hominibusque, ne viso quidem hoste rediens, adeo graviter est ab consule increpitus, ut per eum stetisse diceret, quo minus accepta ad Cannas redderetur hosti clades. Postero die Romanus in aciem descendit: Pœnus, tacita etiam confessione victus, castris se tenuit. Tertio die silentio noctis, omissa spe Nolæ potiundæ, rei numquam prospere tentatæ, Tarentum ad certiores spem prodicionis proficiscitur.

Censura
Romæ seve-
re exercita.

XVIII. Nec minore animo res Romana domi, quam militiæ, gerebatur. Censores, vacui ab operum locandorum cura, propter inopiam ærarii, ad mores hominum regendos animum adverterunt, castigandaque vitia; ⁷⁹ quæ, velut diutinis morbis ægra corpora ex se gignunt, nata bello erant. Primum eos citaverunt, qui post Cannensem pugnam rempublicam deseruisse, Italiaque excessisse velle dicebantur. ⁸⁰ princeps eorum L. Cæcilius Metellus^b quæstor tum forte erat. Jusso deinde eo ceterisque ejusdem noxæ reis causam dicere, quum purgari nequissent, pronunciarunt, verba orationemque eos adversus rempublicam habuisse, quo conjuratio deserendæ Italiæ causa fieret. Secundum eos citati nimis callidi exsolvendi jurisjurandi interpretes: qui captivorum, ex itinere regressi clam in castra Hannibalis, solutum, quod juraverant redituros, rebantur. ⁸¹ His superioribusque illis equi adempti, qui publicum equum habebant: ⁸² tribuque moti, ærarii omnes facti. Neque senatu modo aut equestri ordine regendo cura se censorum tenuit. nomina omnium ex juniorum tabulis excerpserunt, qui quadriennio non militassent, quibus neque vacatio justa militiæ, neque morbus causa fuisset. Et ea supra duo millia nominum in ærarios relata, tribuque omnes moti. ⁸³ Additumque inertis censoriæ notæ triste senatusconsul-

^b add. qui Gron. Crev.

⁷⁹ *Quæ velut diutinis*] Quæ veluti diutinis morbis ægra corpora ex se gignunt, ita bellis affecta respublica ex se protulerat. Claudicat hic quodammodo oratio, quod vocula *quæ* quum regatur a verbo *gignunt*, jungatur quoque in recto casu cum verbo *erant*.

⁸⁰ *Princeps eorum L. Cæcilius Mc-*

tellus, qui] Jac. Gronovius delet *et* qui, auctoribus optimis MSS.

⁸¹ *His . . . equi adempti, qui publicum equum habebant*] Intellige eos equestri dignitate et ordine privatos esse.

⁸² *Tribuque moti, ærarii omnes facti*] Vid. not. 23. ad c. 24. l. IV.

⁸³ *Additumque inertis censoriæ notæ*]

tum: ut ii omnes, quos censores notassent, pedibus mere-
 rent, mitterenturque in Siciliam ad Cannensis exercitus re-
 liquias, cui militum generi non prius, quam ⁸⁴ pulsus Italia
 hostis esset, finitum stipendiorum tempus erat. Quum ^{Liberalitas}
 censores, ob inopiam ærarii, se jam locationibus abstine-
 rent ædium sacrarum tuendarum, ⁸⁵ curuliumque equorum ^{privatorum}
 præbendorum, ac similium his rerum; convenere ad eos ^{erga Remp.}
 frequentes, qui ⁸⁶ hastæ hujus generis adsueverant: hortati-
 que censores, ut omnia perinde agerent, locarent, ac si pe-
 cunia in ærario esset. Neminem, nisi bello confecto, pe-
 cuniam ab ærario petiturum esse. Convenere deinde do-
 mini eorum, quos Ti. Sempronius ad Beneventum manu
 emiserat: arcessitosque se ab ⁸⁷ triumviris mensariis esse
 dixerunt, ut pretia servorum acciperent. ceterum non ante,
 quam bello confecto, accepturos esse. Quum hæc inclina-
 tio animorum plebis ad sustinendam inopiam ærarii fieret;
 pecuniæ quoque pupillares primo, deinde viduarum, coeptæ
 conferri: nusquam eas tutius sanctiusque deponere creden-
 tibus, qui deferebant, quam in publica fide. inde, si quid
 emptum paratumque pupillis ac viduis foret, ⁸⁸ a quæstore
 perscribebatur. Manavit ea privatorum benignitas ex urbe
 etiam in castra, ut non eques, non centurio stipendium ac-
 ciperent, mercenariumque increpantes vocarent, qui acce-
 pisset.

XIX. Q. Fabius consul ad Casilinum castra habebat, ^{Fabius Ca-}
 quod duum millium Campanorum, et septingentorum mili-
 tum Hannibalis tenebatur præsidio. Præerat Staius Me-
 tius, missus ab Cn. Magio Atellano: qui eo anno ⁸⁹ Medix-
^{silinum ob-}
^{sidet.}

Vox *inerti* parum hic convenit. Jac. Gronovius e MSS. eruit, *tam truci*: quæ lectio videtur admitti posse.

⁸⁴ *Pulsus Italia hostis*] Plerique scripti, *Italia omnis hostis*: unus e nostris *Italia omni*: plane quomodo voluit Gronovius.

⁸⁵ *Curulium . . equorum*] *Curules equi quadrigales*, inquit Festus: id est, ex interpretatione Dacerii, equi qui currum, ubi esset sella curulis, trahebant. Magistratibus nempe curulibus equi ex publico præbebantur.

⁸⁶ *Hastæ hujus generis*] Hastæ sub-
 jiciebantur, id est, hasta posita veni-
 bant, quæcunque publice venunda-
 bant Romani; more inde deducto, quod primis temporibus ea tantum publice venibant, quæ bello capta fue-
 rant. Ad hastam quoque fiebant lo-
 cationes publicorum operum. Itaque
 qui *hastæ hujus generis assueverant* ii
 sunt, qui similibus rebus conducendis

assueverant.

⁸⁷ *Triumviris mensariis*] Vid. su-
 pra XXIII. 21.

⁸⁸ *A quæstore perscribebatur*] *Perscribi* pecunia dicitur, quam non præ-
 sentibus nummis numeramus, sed per
 scripturam de mensa solvimus, id est,
 solvi jubemus ab eo apud quem ar-
 gentum depositum habeamus. Vid.
 Donat. in Terent. Phorm. Act. V. Sc.
 7. Hic ergo hujus loci sensus est. Ex
 illa pecunia in ærarium collata si quid
 pupillis viduisve emptum aut para-
 tum foret, id emptor non præsentem
 pecunia solvebat, sed jubebat solvi a
 quæstore, et chirographo dato, remit-
 tebat venditorem ad quæstorem, a
 quo pretium rei emptæ solveretur.

⁸⁹ *Medixtuticus*] Summus magis-
 tratus Capuæ. Vid. l. XXIII. c. 35.
Meddir apud Oscos nomen magistratus
 est. FESTUS.

E. C. 538. A. C. 214. tutius erat, servitiaeque et plebem promiscue armabat, ut castra Romana invaderet, intento consule ad Casilinum obpugnandum. Nihil eorum Fabium fefellit. Itaque Nola⁹⁰ ad collegam mittit, altero exercitu, dum Casilinum obpugnatur, opus esse, qui Campanis obponatur. Vel ipse, relicto Nola⁹¹ praesidio modico, veniret: vel, si eum Nola teneret, et necdum securae res ab Hannibale essent, se Ti. Gracchum proconsulem a Benevento adciturum. Hoc nuncio Marcellus, duobus militum millibus Nola⁹² in praesidio relictis, cum cetero exercitu Casilinum venit, adventuque ejus Campani, jam moventes sese, quieverunt. Ita a duobus consulibus Casilinum obpugnari coeptum. ubi quum multa, succedentes temere moenibus, Romani milites acciperent vulnera, neque satis inceptis succederet, Fabius, omittendam rem parvam ac⁹¹ juxta magnis difficilem, abscedendumque inde censebat, quum res majores instarent. Marcellus, multa magnis ducibus sicut non adgredienda, ita semel adgressis non dimittenda esse, dicendo, ⁹² quia magna famae momenta in utramque partem fierent, tenuit, ne irritum incepto abiretur. Vineae inde omniaque alia operum machinationumque genera quum admoverentur, Campanique Fabium orarent, ut abire Capuam tuto liceret; paucis egressis, Marcellus portam, qua egrediebantur, occupavit, caedesque promiscue omnium circa portam primo, deinde, inruptione facta, etiam in urbe fieri coepta est. Quinquaginta fere primo egressi Campanorum, quum ad Fabium confugissent, praesidio ejus Capuam pervenerunt. Casilinum, inter colloquia cunctationemque petentium fidem, per occasionem captum est. captivi, quique Campanorum, quique Hannibalis militum erant, Romam missi, atque ibi in carcere inclusi sunt: oppidanorum turba per finitimos populos in custodiam divisa.

Marcellus eodem cum exercitu venit.

Casilinum captum.

In Lucanis accepta clades.

XX. Quibus diebus a Casilino, re bene gesta, recessum est, eis Gracchus in Lucanis aliquot cohortes, in ea regione conscriptas, cum praefecto sociorum in agros hostium praedatum misit. eos effuse palatos Hanno adortus; haud multo minorem, quam ad Beneventum acceperat, reddidit hosti cladem, atque in Bruttios raptim, ne Gracchus adsequeretur, concessit. Consules, Marcellus retro, unde venerat,

⁹⁰ *Ad collegam mittit, altero exercitu . . opus esse*] Mittit litteras, quibus monebat altero exercitu opus esse. Vid. similem loquendi modum, l. VIII. c. 23.

⁹¹ *Juxta magnis*] Aequae ac magnas.

⁹² * *Quia magna famae momenta in utramque partem fierent*] Quia inde

magnum famae discrimen sequeretur, multumque valiturum in bonam pariter malamque partem; id est, effecturum ut magnopere timearis ab hostibus, si nullum alium incepti finem, quam victoriam noveris; ut contemnaris ab iisdem, si irritum incepto abstiteris.

Nolant redit; Fabius in Samnium ad populandos agros recipiendasque armis, quæ defecerant, urbes processit. U. C. 538. A. C. 214. Can- Fabius Samnium vastat. dinus Samnis gravius devastatus; perusti late agri, prædæ pecudum hominumque actæ. oppida vi capta, Compulteria, Telesia, Compsa, Melæ, Fulfulæ et Orbitanium. ex Lucanis Blandæ: Apulorum ⁹³ Æcæ obpugnatae. Millia hostium in his urbibus viginti quinque capta, aut occisa: et recepti perfugæ trecenti septuaginta; quos quum Romanis misisset consul, virgis in comitio cæsi omnes, ac de saxo Perfugæ virgis cæsi et de saxo dejecti. dejecti. Hæc a Q. Fabio intra paucos dies gesta. Marcellum ab gerundis rebus valetudo adversa Nolæ tenuit. Et a prætore Q. Fabio, cui circa Luceriam provincia erat, Accus oppidum per eos dies vi captum: stativaque ad Ardoneas communita. Dum hæc aliis locis ab Romanis geruntur, jam Tarentum pervenerat Hannibal, cum maxima omnium, quacumque ierat, clade. In Tarentino demum agro pacatum incedere agmen coepit. nihil ibi violatum, neque usquam via excessum est; adparebatque, non id modestia militum aut ducis, nisi ad conciliandos Tarentinorum animos, fieri. Ceterum ⁹⁴ quum propemodo muris accessisset, Ad Tarentum castra ponit Hannibal. nullo ad conspectum primi agminis, ut rebatur, motu facto, castra ab urbe ferme passus mille locat. Tarenti, triduo ante, quam Hannibal ad mœnia accederet, a M. Valerio propræto, qui classi ad Brundisium præerat, ⁹⁵ missus M. M. Livius Tarentum tuetur. Livius, primore juventute conscripta, dispositisque ad omnes portas, circaque muros, qua res postulabat, stationibus, ⁹⁶ die ac nocte plurimum intentus, neque hostibus, neque dubiis sociis loci quidquam præbuit ad tentandum. Quare diebus aliquot frustra ibi absuntis, Hannibal, quum eorum nemo, qui ad lacum Averni adissent, aut ipsi venirent, aut nuncium literasve mitterent, vana promissa se temere secutum cernens, castra inde movit. Tum quoque, intacto Hannibal Salapiam se confert. agro Tarentino, (quamquam simulata lenitas nihil dum profuerat, tamen spe labefactandæ fidei haud absistens) Salapiam ut venit, frumentum ex agris Metapontino atque Heracliensi (jam media sætas exacta erat, et hibernis placebat locus) comportat. Prædatum inde Numidæ Maurique per

⁹³ Æcæ obpugnatae] Non impetu, sed oppugnando captae.

⁹⁴ Quum propemodo muris accessisset] Placeret magis successisset: cuius verbi major vis est: unde et molitur addito propemodo.

⁹⁵ Missus M. Livius] Hoc nomen addidit ex Sigonii conjectura Gronovius. Et quidem sic vocatur hic Tarenti præfectus infra l. XXVI. c. 39. et l. XXVII. c. 25. Polybius l. VIII. in prænominis dissentit, eumque appel-

lat C. Livium. Vulgati habebant hoc loco T. Valerius. In scriptis nomen omnino deest.

⁹⁶ Die ac nocte plurimum intentus] Pro plurimum Put. liber habet a prima manu puvia: postea superscripta est littera l, ut efficeretur pluvia. Inde quidam scripti plurima: vulgati plurimum. Sed vetus scriptura monstrabat legendum iuxta. Die ac nocte iuxta, id est, die pariter ac nocte, intentus.

U. C. 538. Sallentinum agrum proximosque Apuliæ saltus dimissi. unde ceteræ prædæ haud multum, equorum greges maxime abacti: e quibus ad quatuor millia domanda equitibus divisa.

Rerum status in Sicilia.

Andranodorus ar-
cem Syracusis occupat.

XXI. Romani, quum bellum nequaquam contemnendum in Sicilia oriretur, morsque tyranni duces magis ingros dedisset Syracusanis, quam ⁹⁷ causam aut animos mutasset, M. Marcello alteri consulum eam provinciam decernunt. Secundum Hieronymi cædem primo tumultuatum in Leontinis apud milites fuerat, vociferatumque ferociter, ⁹⁸ parentandum regi sanguine conjuratorum esse. Deinde libertatis restitutæ ⁹⁹ dulce auditu nomen crebro usurpatum, spes facta ex pecunia regia largitionis, ¹ militiæque fungendæ potioris ducibus, et relata tyranni fœda scelera fœdioresque libidines, adeo mutavere animos, ut insepultum jacere corpus paullo ante desiderati regis paterentur. Quum ceteri ex conjuratis ² ad exercitum obtinendum remansissent, Theodotus et Sosis regiis equis, quanto maximo cursu poterant, ut ignaros omnium regiones obprimerent, Syracusas contendunt. ceterum prævenerat non fama solum, (qua nihil in talibus rebus est celerius) sed nuncius etiam ex regiis servis. Itaque Andranodorus et ³ Insulam, et arcem, et alia, quæ poterat, quæque opportuna erant, præsidiis firmarat. Hexapylo Theodotus ac Sosis post solis obcasum jam obscura luce inveci, quum cruentam regiam vestem atque insigne capitis ostentarent, travecti per Tycham, simul ad libertatem, simul ad arma vocantes, in Achradinam convenire jubent. Multitudo pars procurrat in vias, ⁴ pars in vestibulis stat, pars ex tectis fenestrisque prospectant, et, quid rei sit, rogitant. Omnia luminibus conlucent, strepitumque vario complentur. armati locis patentibus congregantur. inermes ex Olympii Jovis templo spolia Gallorum Il-

^c add. ædium Gron. Crev.

⁹⁷ * *Causam*] *Causa* hic est id quod Gallice dicimus *parti*: quemadmodum sæpe Cicero eadem voce utitur ad designandas partes Cæsarianas Pompeianasve. Sic pro Marc. n. 2. *quum viderem virum talem, qui in eadem causa esset, in qua ego fuissem, non in eadem esse fortuna.* Et rursus n. 31. *qui in acie cecidit, qui in causa animum profundit.*

⁹⁸ * *Parentandum*] Expiandam regis mortem, Manes regis placandos.

⁹⁹ *Dulce auditu nomen*] Olim auditum. Mutavit merito Gronovius: et hanc ejus conjecturam firmat margo Victor. codicis.

¹ *Militiæque fungendæ potioribus*

ducibus] Militandi sub potioribus ducibus, quam erant illi tyranni assentatores, quibus imperia Hieronymus demahdabat. Gronovius recte emendavit *militiæque*, pro *militi atque*. At quod idem jussit legi *potioris*, in eo illi assentiri non potuimus.

² * *Ad exercitum obtinendum*] Ut exercitum in potestate haberent.

³ * *Insulam*] Pars est Syracusanæ urbis, ut Tycha, Achradinaque, quæ infra nominantur. Neapolis quarta fuit pars ejusdem urbis: atque in hac parte fuit Hexapylum.

⁴ *Pars in ædium vestibulis*] Complures scripti omittunt *ædium*.

lyriorumque, dono data Hieroni a populo Romano, fixaque U. C. 538. ab eo, detrahunt, precantes Jovem, ut volens propitius præ- A. C. 214. beat sacra arma, pro patria, pro Deum delubris, pro libertate sese armantibus. Hæc quoque multitudo, stationibus⁵ per principes regionum urbis dispositis, adjungitur. In Insula inter cetera Andranodorus præsidii⁶ firmat horrea publica. Locus, saxo quadrato septus, atque arcis in modum emunitus, capitur ab juventute, quæ præsidio ejus loci adtributa erat, mittuntque nuncios in Achradinam, horrea frumentumque in senatus potestate esse.

XXII. Luce prima populus omnis armatus inermisque in Achradinam ad curiam convenit. ibi pro Concordiæ ara, quæ in eo sita loco erat, ex principibus unus nomine Poly-^{Polyæni oratio libera et moderata.} ænus concionem et liberam et moderatam habuit: ⁷ *Servitudinis indignitatisque homines expertos, adversus notum malum irritatos esse. Discordia civilis quas inportet clades, audisse magis a patribus Syracusanos, quam ipsos vidisse. Arma quod inpigre ceperint, laudare: magis laudaturum, si non utantur, nisi ultima necessitate coacti. In præsentia legatos ad Andranodorum mitti placere, qui denuncient, ut in potestate senatus ac populi sit: portæ Insulæ pateant; ⁸ recedat præsidium. Si tutclam alieni regni suum regnum velit facere, eundem se censere, multo acrius ab Andranodoro, quam ab Hieronymo, repeti libertatem.* Ab hac concione legati missi^{Legati mittuntur ad Andranodorum.} sunt. Senatus inde haberi coeptus est. quod sicut, regnante Hierone, manserat publicum consilium, ita post mortem ejus, ante eam diem, nulla de re neque convocati, neque consulti fuerant. Ut ventum ad Andranodorum est, ipsum quidem movebat et civium consensus, et quum aliæ occupatæ urbis partes, tum ⁹ pars Insulæ, velut munitissima, prodita atque alienata. Sed evocatum eum ab legatis Demarata^d uxor, filia Hieronis, inflata adhuc regiis animis ac

^d Demarata Gron. Crev.

⁵ *Per principes regionum urbis]* Per præcipuas urbis regiones.

⁶ *Firmat horrea publica]* Series narrationis videtur poscere firmat.

⁷ *Servitudinis . . expertos]* Hic offendere potest et rarissima vox *servitudinis*, et insolens verborum structura *expertos servitudinis*. Lipsius conjicit, *servitii tedium*: Gronovius, *servitii pœnas indignitatesque*.

⁸ *Recedat præsidium]* Sic edidit ex conjectura Gronovius. Prius *reddat*: quod quidem mendosum esse nondum satis persuasum nobis est. Etenim in iis quæ præcedunt pro *portæ insulæ*

pateant, Put. codex, eodem Gronovio teste, præfert, *portas insulæ apeat*, id est profecto, *aperiat*. Igitur optime legere posse videmur, *portas Insulæ aperiat, reddat præsidium*. *Præsidium* autem hic intelligimus locum ipsum, non milites loco tutando addictos. Sic dicitur *præsidium relinquere* miles, qui e loco sibi assignato discedit. Sic Cic. de Orat. l. II. n. 303. *veraanturque in hostium castris, ac sua præsidia dimittunt*.

⁹ *Pars Insulæ, velut munitissima]* Lege cum Gronovio, *pars Insulæ vel munitissima*.

U. C. 538. muliebri ¹⁰ spiritu, admonet sæpe usurpatæ Dionysii ty-
 A. C. 214. ranni vocis: qua, pedibus tractum, non insidentem equo,
 relinquere tyrannidem, dixerit, debere. Facile esse momen-
 to, quo quis velit, cedere possessione magnæ fortunæ: facere
 et parare eam, difficile atque arduum ¹¹ esse. Paulum^a su-
 meret spatii ad consultandum ab legatis: eo uteretur ad ar-
 cessendas ex Leontinis milites: quibus si pecuniam regiam
 pollicitus esset, omnia in potestate ejus futura. Hæc mulie-
 bria consilia Andranodorus neque tota adspernatus est,
 neque extemplo accepit: tutiorem ad opes adfectandas ratus
 esse viam, si in præsentia tempori cessisset. Itaque lega-
 tos renunciare jussit, futurum se in senatus ac populi pot-
 estate. Postero die luce prima, patefactis Insulæ portis,
 in forum Achradinæ venit. ibi in aram Concordiæ, ex qua
 pridie Polyænus concionatus erat, escendit: orationemque
 eam orsus est, qua primum cunctationis suæ veniam peti-
 vit. *Se enim clausas habuisse portas, non separantem suas res
 a publicis, sed strictis semel gladiis timentem, qui finis cædibus
 esset futurus: utrum, quod satis libertati foret, contenti nece
 tyranni essent, an, quicumque aut propinquitate, aut adfinitate,
 aut aliquibus ministeriis regiam contigissent, alienæ culpæ rei
 trucidarentur.* ¹² Postquam animadvertit, eos, qui liberassent
 patriam, servare etiam liberatam velle, atque ¹³ undique con-
 suli in medium; non dubitasse, quin et corpus suum, et ce-
 tera omnia, ¹⁴ quæ suæ fidei tutelæque essent, quoniam eum,
 qui mandasset, suus furor absumsisset, patriæ restitueret.
 Conversus deinde ad interfectores tyranni, ac nomine adpel-
 lans Theodotum ac Sosim: *Facinus, inquit, memorabile fe-
 cistis. Sed, mihi credite, inchoata vestra gloria, nondum per-
 fecta, est; periculumque ingens manet, nisi paci et concordiæ
 consulitis,* ¹⁵ *ne libera efferatur respublica.*

Oratio ejus
 ad Syracu-
 sanos.

^a Paululum Gron. Crev.

¹⁰ * Spiritu] Superbia, tumore ani-
 mi.

¹¹ Esse. Paululum sumeret spatii] Omnes MSS. ignorant ultimam vocem. Vere omnino Jac. Gronovius suspi-
 catur *et paululum* sive *paulum* muta-
 ri debere in *spatium*. Et favet Put.
 liber, qui habet *esses paulum*: ubi
 vides primam litteram vocis *spatium*
 adhæsisse verbo *esse*, quod præcedit.
 Legamus ergo sine ulla dubitatione
 . . . *esse*. *Spatium sumeret ad consul-*
tandum.

¹² Postquam animadvertit] Lege
 cum Gronovio animadvertit.

¹³ * Undique consuli in medium]

Neminem sibi proprias opes quærere,
 sed undique conspirari in communem
 salutem.

¹⁴ * Quæ suæ fidei tutelæque essent] Quæ ad suam fidem tutelamque per-
 tinerent, quæ suæ fidei tuenda com-
 missa essent.

¹⁵ Ne libera efferatur respublica] Exponit Sigonius: ne libera interest
 respublica; ne id unum ex morte
 tyranni fructus capiat, ut libera in-
 tereat. Interpretationem suam firmat
 consimili exemplo ex l. XXVIII. c.
 28. *Meo unius funere clata esset res-*
publica. Aliter intelligit Gronovius,
 nempe, ne respublica libertati recens

XXIII. Post hanc orationem claves portarum pecunie- U. C. 538.
que regiae ante pedes eorum posuit. atque illo quidem die A. C. 214.
dimissi ex concione laeti, circa omnia fana Deum supplica-
verunt cum conjugibus ac liberis: postero die comitia prae- Praetores
toribus creandis habita. Creatus in primis Andranodorus; Syracusis
ceteri magna ex parte interfectores tyranni. duos etiam ab- creantur.
sentes, Sopatrum ac Dinomenem, fecerunt. ¹⁶ Qui, auditis,
quae Syracusis acta erant, pecuniam regiam, quae in Leon-
tinis erat, Syracusas devectam, quaestoribus ad id ipsum
creatis tradiderunt: ¹⁷ et ea, quae in Insula erat et Achradina,
tradita est; murique ea pars, quae ab cetera urbe nimis
firmo munimento intersepiebat Insulam, consensu omnium
dejecta est. secutae et ceterae res hanc inclinationem ani-
morum ad libertatem. Hippocrates atque Epicydes, audita Hippocra-
morte tyranni, quam Hippocrates, etiam nuncio interfecto, tes et Epi-
celare voluerat, deserti a militibus, quia ¹⁸ id tutissimum ex cydes redire
praesentibus videbatur, Syracusas rediere. ¹⁹ ubi ne suspecti velle se ad
obversarentur^f, tamquam novandi res aliquam occasionem Hanniba-
quaerentes, praetores primum, dein^g per eos senatum adeunt. lem simu-
Ab Hannibale se missos praedicant ad Hieronymum, tamquam lant.
amicum ac socium. paruisse imperio ejus, cujus imperator suus
voluerit. velle ad Hannibalem redire. ceterum, quum iter tu-
tum non sit, vagantibus passim per totam Siciliam Romanis
armis, petere, ut praesidii dent aliquid, quo Locros in Italiam
perducantur. gratiam magnam eos parva opera apud Hanni-
balem inituros. Facile res impetrata: abire enim duces re-
gios, quum peritos militiae, tum egentes eosdem atque au-
daces, cupiebant: sed, quod volebant, non, quam maturato
opus erat, ²⁰ naviter expediebant. Interim juvenes milita-
res et adsueta militibus, nunc apud eos ipsos, nunc apud
transfugas, quorum maxima pars ex navalibus sociis Ro-
manorum erat, nunc etiam apud infimae plebis homines,
crimina serebant in senatum optimatesque: *id moliri clam eos*

^f observarentur Gron.

^g deinde Gron. Crev.

partae moderari nequeat, et eam in lasciviam vertat. Nobis potior videtur Sigonii interpretatio.

¹⁶ Qui auditis iis] Resecuit Gronovius voculam iis, quam retinet, a secunda tamen manu, codex Put. Nec nihil illa confert ad majorem orationis integritatem et claritatem.

¹⁷ Et ea quae in Insula erat et Achradina, tradita est] Campanus, Andreas, duo MSS. a Gronovio memorati, et omnes nostri, carent particula et: plerique autem ex his MSS. habent Achradinam; quidam etiam translata est. Atque hoc modo le-

gendum videtur: Et ea (pecunia) quae in Insula erat, Achradinam translata est.

¹⁸ Id] Nempe, ut Syracusas redirent.

¹⁹ Ubi ne suspecti obversarentur] Hic mendum editos omnes et plerisque scriptos obtinebat, observarentur. Duo e nostris, inter quos Puteanus, verum servavere.

²⁰ Naviter] Supplenda est ex sensu particula tam, quae respondet praecedenti quam. Non tam naviter, quam maturato opus erat.

U. C. 538. *atque struere, ut Syracusæ per speciem reconciliatæ societatis*
 A. C. 214. *in ditione Romanorum sint; dein factio et pauci auctores fœ-*
deris renovati dominantur.

Andrano-
dorus ty-
rannidem
adfectat.

Occiditur
cum The-
misto.

XXIV. His audiendis credendisque opportuna multi-
 tudo, major in dies, Syracusas confluebat: ²¹ nec^h Epicydi
 solum spem novandarum rerum, sed Andranodoro etiam,
 præbebat. Qui, fessus tandem uxoris vocibus, monentis,
Nunc illud esse tempus occupandi res, dum turbata omnia
nova atque incondita libertate essent, dum regiis stipendiis
pastus obversaretur miles, dum ab Hannibale missi duces
adsueti militibus juvare possent incepta, cum Themisto, cui
 Gelonis filia nupta, rem consociatam paucos post dies Aris-
 toni cuidam tragico actori, cui et alia arcana committere
 adsuerat, incaute aperit. Huic et genus et fortuna honesta
 erant, nec ars, quia nihil tale apud Græcos pudori est, ea de-
 formabat. itaque, fidem potiore ratas, quam patriæ debe-
 bat, indicium ad prætores defert. Qui, ubi rem haud va-
 nam esse certis indicibus compererunt, consultis senioribus,
 et auctoritate eorum præsidio ad fores posito, ingressos cu-
 riam Themistum atque Andranodorum interfecerunt: et,
 quum tumultus ab re in speciem atrocior, causam aliis
 ignorantibus, ortus esset, silentio tandem facto, indicem in
 curiam introduxerunt. Qui quum ordine omnia edocuisset,
 et principium conjurationis factum ab Harmoniæ Gelonis
 filiae nuptiis, quibus Themisto juncta esset; Afrorum His-
 panorumque auxiliares instructos ad cædem prætorum
 principumque aliorum; bonaque eorum prædæ futura in-
 terfectores pronunciatum; jam mercenariorum manum ad-
 suetam imperiis Andranodori paratam fuisse ad Insulam
 rursus occupandam; singula deinde, quæ per quosque age-
 rentur, totamque viris armisque instructam conjurationem
 ante oculos posuisset; senatui quidem tam jure cæsi, quam
 Hieronymus, videbantur. Ante curiam variæ atque incer-
 tæ rerum multitudinis clamor erat. quam, ferociter mini-
 tantem in vestibulo curiæ, ²² corpora conjuratorum eo metu
 compresserunt, ut silentes ²³ integram plebem in concionem
 sequerentur. Sopatro mandatum ab senatu et ab collegis,
 ut verba faceret.

XXV. ²⁴ Is, tamquam reos ageret^l, ab anteacta vita or-

^h add. Hippocrati et Gron.

^l agebat Gron. Crev.

²¹ *Nec Epicydi solum*] Vulgo editi:
nec Hippocrati et Epicydi solum. Sed
 illud additamentum, *Hippocrati et*,
 respuunt scripti et ipsa orationis
 structura. Nimirum Epicydes hic pro
 utroque nominatur, ut vicissim Hip-
 pocrates infra, c. 35. *Postquam ab*
Hippocrate occupatæ Syracusæ erant:

quum palam sit ab Hippocrate simul
 et Epicyde hoc factum. Hæc fere Jac.
 Gronovius.

²² *Corpora conjuratorum*] Intellige,
 projecta ante vestibulum curiæ.

²³ *Integram plebem*] Saniores ple-
 bis partem.

²⁴ *Is, tamquam reos ageret*] Sic

sus, quaecumque post Hieronis mortem scelestae atque impie U. C. 538. facta essent, Andranodorum ac Themistum arguit fecisse. A. C. 214.

²⁵ Quid enim sua sponte fecisse Hieronymum puerum, ac vix- Sopatri
dum pubescentem facere potuisse? Tutores ac ²⁶ magistros ejus praetoris
sub aliena invidia regnasse. itaque aut ante Hieronymum, aut oratio in
certe cum Hieronymo perire eos debuisse. At illos, debitos jam tyrannos.
morti destinatosque, alia nova scelera post mortem tyranni
molitos; ²⁷ palam primo, cum clausis Andranodorus Insulae
portis ²⁸ haereditatem regni creverit, quaeque procurator tenue-
rat, ²⁹ pro domino possederit; proditus deinde ab eis, qui in
Insula erant, circumsessus ab universa civitate, quae Achradi-
nam tenuerit, nequidquam palam atque aperte petitum regnum,
clam et dolo adfectare conatus sit, et ne beneficio quidem atque
honore potuerit ³⁰ vinci, quum inter liberatores patriae insidia-
tor ipse libertatis creatus esset praetor. Sed ³¹ animos eis re-
gios conjuges regias^k fecisse, alteri Hieronis, alteri Gelonis,
filias nuptas. Sub hanc vocem ex omnibus partibus concio-
nis clamor oritur, nullam earum vivere debere, nec quem-
quam superesse tyrannorum stirpis. Haec natura multitu-
dinis est; aut servit humiliter, aut superbe dominatur:
³² libertatem, quae media est, nec spernere modice, nec ha-
bere sciunt: et non ferme desunt irarum indulgentes minis-
tri, qui avidos atque ³³ intemperantes plebeiorum animos ad
sanguinem et caedes irritent. Sicut tum extemplo praeto-
res rogationem promulgarunt: acceptaque pene prius,
quam promulgata, est, ut omnis regia stirps interficeretur. Stirps regia
missique a praetoribus Damaratam^l Hieronis, et Harmo- interficitur.

^k regias conjuges Gron. Crev.

^l Demaratam Eaed.

duo scripti a Gronovio memorati. * Is ita in eos dicebat, quasi eos coram iudicibus accusaret.

²⁵ Quid enim sua sponte fecisse Hieronymum] Dele supervacaneam vocem, fecisse.

²⁶ Magistros ejus] Sic dedit, et merito, idem Gronovius. Libri: magistratus, vel magistratos ejus.

²⁷ Palam primo] Si quis ea quae sequuntur attente legerit, animadvertet ita hanc periodum esse structam, ut nihil sit, quod accurate et ad amussim ex vi verborum respondeat *primo*. Quaecumque enim adduntur, pendent ex particula *quum*, quae post vocem *primo* locatur. Nimirum respexit sensum Livius, accuratam verborum structuram neglexit.

²⁸ Haereditatem regni creverit] Cernere haereditatem in jure dicitur is qui se haeredem gerit.

²⁹ Pro domino] Tanquam domi-

nus.

³⁰ * Vincti] Flecti ad respectum libertatis amoremque patriae, et detereri a tyrannicis consiliis.

³¹ * Animos . . . regios] Animos regnandi avidos.

³² Libertatem . . . spernere modice] Libertatem is modice spernit, qui ita se subjectum esse patitur alterius imperio, ut tamen non descendat ad humile ac deforme obsequium.

³³ Intemperantes plebeiorum animos] Vox plebeiorum est ab ingenio emendatorum. Scripti hic omnes corrupti; sed ita ut a sese invicem non multum discedant: publiciorum, vel plubiciorum, vel aliud quid simile praefereunt. Solus Victor. codex id habet quod sanum videri possit, intemperantes suppliciorum: qui semel accensi ad saevitiam, nullum suppliciiis modum facere sciant.

U. C. 538. *niam Gelonis filias, conjuges Andranodori et Themisti, inter-*
A. C. 214. *fecerunt.*

Preces
Heracleæ
Hier. F.

XXVI. Heraclea erat filia Hieronis, uxor Zoïppi; qui, legatus ab Hieronymo ad regem Ptolemæum missus, voluntarium consciverat exsilium. ³⁴ Ea quum ad se quoque venire præscisset, in sacrarium ad penates confugit, cum duabus filiabus virginibus, resolutis crinibus, miserabilique alio habitu: et ad ea addidit preces, ³⁵ *nunc per memoriam Hieronis patris, Gelonisque fratris, ne se innoxiam invidia Hieronymi conflagrare sinerent. Nihil se ex regno illius, præter exsilium viri, habere: neque fortunam suam eandem vivo Hieronymo fuisse, quam sororis; neque interfecto eo causam eandem esse. Quid? quod, si Andranodoro consilia processissent, illa cum viro fuerit regnatura; sibi cum ceteris servendum. Si quis Zoïppo nunciet, interfectum Hieronymum, ac liberatas Syracusas, cui dubium esse, quin extemplo conscensurus sit navim, atque in patriam rediturus?* ³⁶ *Quantum spes hominum fallit! In liberata patria conjugem ejus ac liberos de vita dimicare; quid obstantes libertati, aut legibus? Quod ab se cuiquam periculum, a sola ac prope vidua, et puellis in orbitate degentibus, esse? At enim periculi quidem nihil ab se timeri: invisam tamen regiam stirpem esse. Ablegarent ergo procul ab Syracusis Siciliaque, et asportari Alexandriam juberent, ad virum uxorem, ad patrem filias.* ³⁷ *Aversis auribus animisque, casse ne tempus tereretur, ferrum quosdam expedientes cernebat^m: tum, omissis pro se precibus, puellis ut saltem parcerent, orare institit: a qua ætate etiam hostes iratos abstinere. ne, tyrannos ulciscendo, quæ odissent, scelera ipsi imitarentur. Inter hæc abstractam a penetralibus jugulant: in virgines deinde, respersas matris cruore, inpetum faciunt. quæ, alienata mente simul luctu metuque, velut captæ furore,* ³⁸ *eo cursu se ex sacrario proripuerunt, ut, si effugium patuisset in publicum, impleturæ urbem tumultu fuerint.* ³⁹ *Tum quoque haud magno ædium spatio,*

^m (ferrum enim quosdam exp. cernebat Gron. Crev.)

³⁴ *Ea quum ad se quoque venire præscisset]* Lege *veniri*. GRON.

³⁵ *Nunc per memoriam]* Delenda videtur particula *nunc*, cui alia compar, et ex adverso opposita nulla est.

³⁶ *Quantum spes hominum fallit!]* Melius esset *falli*. Nam tota obliqua oratio est.

³⁷ *Aversis auribus animisque]* Possis quidem utcunque exponere: Quum aures animique omnium aversi essent ab Heracleæ precibus, illa, ne tempus tereretur casse, id est, incassum.. Sed non placet primum illud membrum, *aversis auribus animisque*, pen-

dulum quodammodo et abruptum: jam adverbium *casse* admodum suspectum est. Præterea scripti omnes habent *ferrum quosdam expedientes* sine *et* enim. Itaque hunc locum pro deplorato habemus, nisi meliorum librorum copia fiat.

³⁸ *Eo cursu]* Certissima Florebelli emendatio, quum prius legeretur *ocursu*.

³⁹ *Tum quoque]* Quamvis effugere non potuerint in publicum, et haud magno ædium spatio inclusæ remanserint.

inter medios tot armatos, aliquoties integro corpore evaserunt: tenentibusque, quum tot ac tam validæ eluctandæ manus essent, sese eripuerunt: tandem, vulneribus confectæ, quum omnia replerent sanguine, exanimis conruerunt; cædemque per se miserabilem miserabiliorem casus fecit, quod paullo post nuncius venit, mutatis repente ad misericordiam animis, ne interficerentur. Ira deinde ex misericordia orta, quod adeo festinatum ad supplicium, neque locus poenitendi, aut regressus ab ira relictus esset. itaque fremere multitudo, et in locum Andranodori ac Themisti (nam ambo prætores fuerant) comitia poscere: quæ nequaquam ex sententia prætorum futura essent.

XXVII. Statutus est comitiis dies: quo, necopinantibus omnibus, unus ex ultima turba Epicydem nominavit, tum inde alius Hippocratem. crebriores deinde eæ voces, et cum haud dubio adsensu multitudinis esse. Et erat confusa concio, non populari modo, sed militari quoque turba, magna ex parte etiam perfugis, qui omnia novare cupiebant, permixtis. Prætores dissimulare primo, ⁴⁰ et trahenda re esse: postremo victi consensu, et seditionem metuentes, pronunciant eos prætores. Nec illi primo statim creati nudare, quid vellent: quamquam ægre ferebant, et de induciis dierum decem legatos isse ad Ap. Claudium, et, impletis eis, alios, qui de fœdere antiquo renovando agerent, missos. Ad Murgantiam tum classem navium centum Romanus habebat, quoniam evaderent motus ex cædibus tyrannorum orti Syracusis, quove eos ageret nova atque insolita libertas, opperiens. Per eosdem dies quum ad Marcellum, venientem in Siciliam, legati Syracusani missi ab Appio essent, auditis conditionibus pacis, Marcellus, posse rem convenire ratus, et ipse legatos Syracusas, qui coram cum prætoribus de renovando fœdere agerent, misit. Et jam ibi nequaquam eadem quies et tranquillitas erat. postquam Punicam classem accessisse Pachynum adlatum est, demto timore Hippocrates et Epicydes, nunc apud mercenarios milites, nunc apud transfugas, prodi Romano Syracusas, criminabantur. Ut vero Appius naves ad ostium portus, quo ⁴¹ aliæ partis hominibus animus accederet, in statione habere cœpit, ingens in speciem criminibus vanis accesserat fides. ac primo etiam tumultuose decurrerat multitudo ad prohibendos, si in terram egrederentur.

Epicydes et Hippocrates prætores fiunt.

Legati ad Appium missi.

Turbæ Syracusis.

⁴⁰ *Et trahenda re esse*] In eo esse, id agere, ut rem traherent.

⁴¹ *Aliæ partis hominibus*] Iis qui alia sentirent ac vellent, quam Hippocrates et Epicydes; qui partis Ro-

manorum essent. *Aliæ* antique pro *altis*. Ea voce bis usus est Cic. I. II. de Divin. n. 30. Sic et *tam nulli consilii*, apud Terent.

U. C. 538.

A. C. 214.

Apollonidæ
salutaris
oratio.Pax cum
Rom. de-
cernitur.Præsidium
mittitur in
Leontinos.

XXVIII. In hac turbatione rerum, in concionem vocari placuit. ubi quum alii alio tenderent, nec procul seditione res esset, Apollonides principum unus orationem salutarem, ut in tali tempore, habuit; *nec spem salutis, nec perniciem propiorem umquam civitati ulli fuisse. Si enim uno animo omnes vel ad Romanos, vel ad¹ Karthaginienses inclinent, nullius civitatis statum fortunatiorem beatioremve fore. si alii alio trahant res, non inter Poenos Romanosque bellum atrocius fore, quam inter ipsos Syracusanos; quum intra eosdem muros pars utraque suos exercitus, sua arma, suos habitura sit duces. Itaque, ut omnes idem sentiant, summa vi agendum esse: utra societas sit utilior, eam longe minorem ac levioris momenti consultationem esse. sed tamen Hieronis potius, quam Hieronymi, auctoritatem sequendam in sociis legendis, ⁴²vel quinquaginta annis feliciter expertam amicitiam ⁴³nunc incognita, quondam infideli, præferendam. ⁴⁴Esse etiam momenti aliquid ad consilium, quod Karthaginiensibus ita pax negari possit, ut non utique in præsentia bellum cum eis geratur: cum Romanis extemplo aut pacem, aut bellum habendum. Quo minus ⁴⁵cupiditatis ac studii visa est oratio habere, eo plus auctoritatis habuit. Adjectum est prætoribus ac delectis senatorum militare etiam consilium. jussi et duces ordinum præfectique auxiliorum simul consulere. Quum sæpe acta res esset magnis certaminibus, postremo, quia belli cum Romanis gerendi ratio nulla adparebat, pacem fieri placuit, ⁴⁶mittique cum eis legatos ad rem confirmandam.*

XXIX. Dies haud ita multi intercesserunt, quum ex Leontinis legati, præsidium finibus suis orantes, venerunt; quæ legatio peropportuna visa ad multitudinem inconditam ac tumultuosam exonerandam, ducesque ejus ablegandos. Hippocrates prætor ducere eo transfugas jussus: secuti multi ex mercenariis auxiliis^m, quatuor millia armatorum

¹ ad del. Gron.^m ex auxiliis mercenariis Gron. Crev.⁴² Vel quinquaginta annis] Gronovius censet legendum: et quinquaginta annis.⁴³ * Nunc incognita, quondam infideli] Amicitia Carthaginiensium, nunc incognita, quia nova sit, et diu jam non experta; quondam infideli, quia olim, quum ante amicitiam cum Romanis initam Syracusani socios Carthaginienses habuissent, eos infideles senserant.⁴⁴ * Esse etiam momenti aliquid ad consilium] Ad consilium captandum, in eo quoque aliquid momenti esse, id quoque valere aliquantum debere,

quod

⁴⁵ Cupiditatis] Studii partium, quod Gallice dicimus *partialité*. Hoc sensu sæpe usurpat Cicero vocem *cupidus*. Pro Rosc. Com. n. 47. *Nimis cupidus videretur, qui, qua de re judex fuisset, testis esset.* Pro Cæc. n. 8. *cupidior, quam sapientem judicem esse æquum est.* Pro Font. n. 11. *Cupidis testibus.*⁴⁶ Mittique cum eis] Cum Romanis: et intellige legatos Romanos a Marcello missos, de quibus mentio facta est c. præcedente.

effecerunt. Et mittentibus et missis ea læta expeditio fuit. U. C. 538.
 nam et illis, quod jam diu cupiebant, novandi res occasio A. C. 214.
 data est; et hi, sentinam quamdam urbis rati exhaustam,
 lætabantur. ceterum levaverunt modo in præsentia velut
 corpus ægrum, quo mox in graviores morbum recideret.
 Hippocrates enim finitima provinciæ Romanæ primo furti-
 vis excursionibus vastare coepit: deinde, quum ad tuendos
 sociorum agros missum ab Appio præsidium esset, omnibus
 copiis inpetum in obpositam stationem cum cæde multorum
 fecit. Quæ quum essent nunciata Marcello, legatos exem-
 plo Syracusas misit, qui pacis fidem ruptam esse dicerent:
 nec belli defuturam umquam causam, nisi Hippocrates at-
 que Epicydes non ab Syracusis modo, sed tota procul Sici-
 lia, ablegarentur. Epicydes, ne aut reus criminis absentis
 fratris præsens esset, aut deesset pro parte sua concitando
 bello, profectus et ipse in Leontinos, quia satis eos adversus
 populum Romanum concitados cernebat, ⁴⁷ avertere etiam
 ab Syracusis coepit. *Nam ita eos pacem pepigisse cum Ro-
 manis, ut, quicumque populi sub regibus fuissent, et suæ ditio-
 nis essent; nec jam libertate contentos esse, nisi etiam ⁴⁸ reg-
 nent^a ac dominantur. Renunciandum igitur eis esse, Leontinos
 quoque æquum censere liberos esse; vel quod in solo urbis suæ
 tyrannus ceciderit, vel quod ibi primum conclamatum ad liber-
 tatem, relictisque regiis ducibus Syracusas sit concursus. Ita-
 que aut eximendum id de fœdere esse, aut ⁴⁹ legem eam fœderis
 non accipiendam.* Facile multitudini persuasum: legatisque
 Syracusanorum, et de cæde stationis Romanæ querentibus,
 et Hippocratem atque Epicydem abire seu Locros, seu quo
 alio mallent, dummodo Sicilia cederent, jubentibus, feroci-
 ter responsum est: *Neque mandasse sese Syracusanis, ut pa-
 cem pro se cum Romanis facerent: neque teneri alienis fœde-
 ribus.* Hæc ad Romanos Syracusani detulerunt, abnuentes
 Leontinos in sua potestate esse. itaque ⁵⁰ integro secum fœdere
 bellum Romanos cum iis gesturos. neque sese defuturos ei bel-
 lo; ⁵¹ ita ut in potestatem redacti suæ rursus ditionis essent,
 sicut pax convenisset.

Hippocra-
tes provin-
ciam Rom.
invadit.

Epicydes et
ipse in Le-
ontinos pro-
ficiscitur.

Leontini
alienantur
ab Syracu-
sanis.

XXX. Marcellus cum omni exercitu profectus in Leon-
 tinos, Appio quoque adcito, ut altera parte adgraderetur,

Leontino-
rum urbs a
Marcello
capta.

^a regant Gron.

⁴⁷ Avertere etiam ab Syracusis] Put. liber ab Syracusas. Videtur scrip-
 sisse Livius, ab Syracusanis.

⁴⁸ Regnent] Hæc est complurium
 codicum scriptura, quibus consentiunt
 veteres editi. Vulgo nunc legitur re-
 gant. Sed regnare verbum invidiosum
 est apud liberas civitates, non regere.

⁴⁹ Legem eam fœderis] Id fœdus,

tali lege ictum.

⁵⁰ Integro secum fœdere] Ita ut
 fœdus secum integrum intactumque
 maneat. Non credituros Syracusanos
 fœdus quod Romani secum habeant,
 bello adversus Leontinos gerendo ulla
 parte lædi.

⁵¹ Ita ut] Ea lege ut.

U. C. 333. tanto ardore militum est usus ab ira inter conditiones pacis
 A. C. 314. interfectæ stationis, ut primo inpetu urbem expugnarent.
 Hippocrates atque Epicydes, postquam capi muros refrin-
 gique portas videre°, in arcem sese cum paucis recepere.
 inde clam nocte Herbessum perfugiunt. Syracusanis, octo
 millium armatorum agmine profectis domo, ad Mylam flu-
 men nuncius obcurrit, captam urbem esse; cetera falsa
 Atrox nun- mixta veris ferens: cædem promiscuam militum atque op-
 cius de cæ- pidanorum factam, nec quemquam puberem arbitrari super-
 de in Leon- esse: direptam urbem: bona locupletium donata. Ad nun-
 tinis facta. cium tam atrocem constitit agmen; concitatisque omnibus,
 Syracusa- duces, (erant autem Sosis ac Dinomenes) quid agerent, con-
 norum ex- sultabant. ⁵² Terroris speciem haud vanam mendacio præ-
 exercitus con- buerant verberati ac securi percussi transfugæ ad duo mil-
 citatur. lia hominum. ceterum Leontinorum militumque aliorum
 nemo, post captam urbem, violatus fuerat: suaque omnia
 eis, nisi quæ primus tumultus captæ urbis absumserat, re-
 stituebantur. Nec ut Leontinos irent, proditos ad cædem
 commilitones querentes, perpelli potuere, nec ut eodem loco
 certiores nuncium exspectarent. Quum ad defectionem
 inclinatos animos cernerent prætores, sed eum motum haud
 diuturnum fore, si duces amentiae sublatis essent; exercitum
 ducunt Megaram. ipsi cum paucis equitibus Herbessum
 proficiunt, spe, territis omnibus, per prodicionem urbis
 potiundæ. quod ubi frustra eis fuit inceptum, vi agendum
 rati, postero die Megaris castra movent, ut Herbessum om-
 nibus copiis obpugnarent. Hippocrates et Epicydes, non
 tam tutum prima specie, quam unum, ⁵³ spe undique abscis-
 sa consilium, esse rati, ut se militibus permitterent, et ad-
 suetis magna ex parte sibi, et tum fama cædis commilito-
 num accensis, obviam agmini procedunt. Prima forte sig-
 na sexcentorum Cretensium erant, qui apud Hieronymum
 meruerant sub eis, et Hannibalis beneficium habebant,
 capti ad Trasimenum inter Romanorum auxilia, dimissique,
 quos ubi ex signis ⁵⁴ armorumque habitu cognovere Hippo-
 crates atque Epicydes, ramos oleæ ac ⁵⁵ velamenta alia sup-
 plicum porrigentes, orare, *ut reciperent sese, receptosque tuta-*
rentur, neu proderent Syracusanis, a quibus mox ⁵⁶ ipsi truci-
dandi populo Romano dederentur.

Hippocra-
tes et Epi-
cydes se ei
permittunt.

° viderunt Gron. Crev.

⁵² * Terroris speciem haud vanam] Speciosam aliquam materiem terro-
ris; vim terrendi, quæ aliquo colore
niteretur.

⁵³ Spe undique abscissa] Et hic
quoque Put. *abscissa*. Vid. not. 69. ad
c. 15. supra.

⁵⁴ Armatorumque habitu] Magis
placeret armorum.

⁵⁵ * Velamenta alia supplicum] In-
fulas, et quæ alia a supplicibus por-
rigi et prætendi solent.

⁵⁶ * Ipsi] Intellige ipsos Cretenses,
ad quos hic sermo dirigitur.

XXXI. *Enimvero, conclamant, bonum ut animum habe-* U. C. 538.
rent: omnem se cum illis fortunam subituros. Inter hoc A. C. 214.
 colloquium signa constiterant, tenebaturque agmen: nec-
 dum, quæ moræ causa foret, pervenerat ad duces. ⁵⁷ post-
 quam Hippocraten atque Epicyden adesse pervasit rumor,
 fremitusque toto agmine erat haud dubie adprobantium
 adventum eorum; extemplo prætores citatis equis ad
 prima signa perrexerunt, *Qui mos ille, quæ licentia Cre-*
tensium esset, rogantes, colloquia serendi cum hoste, in-
jussuque prætorum miscendi eos agmini suo? Comprehendi
 injicique catenas jusserunt Hippocrati. ad quam vocem tan-
 tus extemplo primum a Cretibus clamor est ortus, deinde
 exceptus ab aliis, ut facile, si ultra tenderent, adpareret, eis
 timendum esse. Solliciti incertique rerum suarum Mega-
 ram, unde profecti erant, referri signa jubent, nunciosque
 de statu præsentis Syracusas mittunt. Fraudem quoque ^{Fraus Hip-}
 Hippocrates addit, inclinatis ad omnem suspicionem ani- ^{pocratis.}
 mis: et, Cretensium quibusdam ad itinera insidenda missis,
 velut interceptas literas, quas ipse composuerat, recitat:
Prætores Syracusani consuli Marcello. ⁵⁸ secundum salutem,
 ut adsolet, scriptum erat: *Recte cum atque ordine fecisse,*
quod in Leontinis nulli pepercisset. Sed omnium mercenario-
rum militum eandem esse causam, nec umquam Syracusas
quieturas, donec quidquam externorum auxiliorum, aut in
urbe, aut in exercitu suo, esset. itaque daret operam, ut eos, qui
cum suis prætoribus castra ad Megaram haberent, in suam
potestatem redigeret, ac supplicio eorum liberaret tandem Sy-
racusas. Hæc quum recitata essent, cum tanto clamore ad
 arma discursum est, ut prætores inter tumultum pavid-
⁵⁹ *adequitaverint* ⁹ Syracusas: et ne fuga quidem eorum se-
 ditio compressa est, inpetusque in Syracusanos milites fie-
 bant. nec ab ullo temperatum foret, ni Epicydes atque Hip-
 pocrates iræ multitudinis obviam issent: non a misericor-
 dia aut humano consilio, sed ne spem reditus præciderent
 sibi, et quum ipsos simul milites fidos haberent, simul ob-
 sides; tum cognatos quoque eorum atque amicos tanto
⁶⁰ merito primum, dein pignore sibi conciliarent: expertique,

⁸ *comprendi* Gron. Crev.

⁹ *adequitaverint* Crev.

⁵⁷ *Postquam Hippocratem atque Epicydem pervasit rumor*] Supple, *causas moræ esse.* Erasimus verbum *adesse*, quod huc invitis MSS. immigrarat.

⁵⁸ *Secundum salutem, ut assolet*] Post salutem, ut mos est, initie epistolæ datam.

⁵⁹ *Adequitaverint Syracusas*] *Obi adequitaverint*: non recte. Gronovius dedit *adequitaverint*: sed verbum ab-

adequitaverint melius huc quadrat. Itaque admisimus, ex Put. et Victor. codicibus.

⁶⁰ *Merito primum, dein pignore*] *Merito*, quod iis militibus vitam servassent; *pignore*, quod eosdem secum haberent tanquam totidem pignora benevolentis ac fidei eorum qui cognitione illos amicitiae Syracusis contingebant.

U. C. 538. quam vana aut levi aura mobile vulgus esset, militem nuncti
A. C. 214. ex eo numero, qui in Leontinis circumsessi erant, subor-
nant, ut Syracusas perferret nuncium convenientem eis,
quæ ad Mylam falso nunciata erant; auctoremque se exhi-
bendo, ac velut visa, quæ dubia erant, narrando, concitaret
iras hominum.

XXXII. Huic non apud vulgum modo fides fuit, sed
senatum quoque in curiam introductus movit. ⁶¹ haud vani
Syracusani quidam homines palam ferre, *perbene detectam in Leontinis*
in Romanos *esse avaritiam et crudelitatem Romanorum. eadem, si intras-*
accendun- *sent Syracusas, aut foediora etiam, quo majus ibi avaritiæ*
tur. *præmium esset, facturos fuisse.* Itaque claudendas cuncti
portas, et custodiendam urbem censere. sed non ab eisdem
omnes timere, nec eosdem odisse. ⁶² ad militare genus omne
partemque magnam plebis invisum esse nomen Romanum.
Prætores optimatumque pauci, quamquam ⁶³ inflammati
vano nuncio erant, tamen ad propius præsentiusque malum
cautiores esse. Et jam ad Hexapylum erant Hippocrates
Seditiosi atque Epicydes: serebanturque conloquia per propinquos
Syracusas ingrediun- popularium, qui in exercitu erant, ut portas aperirent, sine-
tur. rentque communem patriam defendi ab inpetu Romano-
rum. Jam, ⁶⁴ unis foribus Hexapyli apertis, coepti erant
recipi, quum prætores intervenerunt. et primo imperio mi-
nisque, deinde ⁶⁵ auctoritate, deterrendo, postremo, ut om-
nia vana erant, obliti majestatis, precibus agebant, ne pro-
derent patriam tyranni ante satellitibus, et tum corrupto-
ribus exercitus. ⁶⁶ Sed surdæ ad hæc omnia aures concita-
tæ multitudinis erant, nec minore intus vi, quam foris, por-
tæ effrangebantur: effractisque omnibus, ⁶⁷ tuto in Hexa-
pylo agmen receptum est. Prætores in Achradinam cum
juventute popularium confugiunt. mercenarii milites perfu-
gæque, et quidquid regionum militum Syracusis erat, ag-
men hostium augent. Ita Achradina quoque primo inpe-
tu capitur, prætorumque* (nisi qui inter tumultum effuge-

* inflati Gron. Crev.

* prætoresque Eæd.

⁶¹ *Haud vani*] Non leves: quidam etiam prudentum.

⁶² *Ad militare genus omne*] Hoc debetur Gronovio. Prius editi *apud militares pæne omnes.* Put. codex *ad militare senus omnem.* Sed et alii quoque MSS. tenent *ad*, non *apud*. In ceteris variant.

⁶³ *Inflati vano nuncio*] Vitium est in voce *inflati*. Gronovius legit vel *adflati*, vel *inflammati*. Prius placeret magis. *Adflati vano nuncio*, id est, icti, paulum commoti falso illo nuncio.

⁶⁴ *Unis foribus Hexapyli*] Una &

sex portis, quæ erant in Hexapylo. Huic enim urbis Syracusanæ parti nomen, si vim verbi attendamus, inditum ex eo fuit, quod sex haberet portas.

⁶⁵ * *Auctoritate*] Consiliis monitisque. Vid. not. 49. ad l. 7.

⁶⁶ *Sed surdæ ad hæc omnia*] Hunc quoque totum locum refinxit Gronovius ex scriptis, a quibus hoc in uno ahit, quod dedit *omnia* ubi illi *omnium*.

⁶⁷ *Tuto in Hexapylo agmen*] Fortasse, *totum Hexapylo agmen receptum est.*

runt) omnes interficiuntur. nox cædibus finem fecit. Pos- U. C. 538.
tero die servi ⁶⁸ ad pileum vocati, et carcere vincti emissi: A. C. 214.
confusaque hæc omnis multitudo Hippocratem atque Epi-
cydem creant prætores: Syracusæque, quum breve tempus
libertas adfulsisset, in antiquam servitutem ⁶⁹ reciderunt[†].

XXXIII. Hæc nunciata quum essent Romanis, ^{cx} Romani ad
Syracusas
castra mo-
vent. Leontinis mota sunt extemplo castra ad Syracusas. Et ab
Appio legati per portum missi forte in quinqueremi erant.
præmissa quadriremis, quum intrasset fauces portus, capi-
tur: legati ægre effugerunt. Et jam non modo pacis, sed
ne belli quidem jura relictæ erant: quum Romanus exerci-
tus ad Olympium (Jovis id templum est) ⁷⁰ mille et quin-
gentis passibus[‡] ab urbe castra posuit. Inde quoque lega- Mittunt le-
gatos Syra-
cusas.
tos præmitti placuit: quibus, ne intrarent urbem, extra
portam Hippocrates atque Epicydes obviam cum suis pro-
cesserunt. Romanus orator *non bellum se Syracusanis, sed
opem auxiliumque adferre, ait, et eis, qui, ex media cæde elap-
si, perfugerint ad se, et eis, qui, metu obpressi, foediorum, non
exsilio solum, sed etiam morte, servitutem patiantur. Nec
cædem nefandam sociorum inultam Romanos passuros. Ita-
que* ⁷¹ *si eis, qui ad se perfugerunt, tutus in patriam reditus
pateret, cædis^x auctores dedantur, et libertas legesque Syracu-
sanis restituantur, nihil armis opus esse. si ea non fiant, qui-
cumque in mora sit, bello persecuturos.* Ad ea Epicydes, Si Superbum
Epicydis re-
sponsum.
*qua^y ad se mandata haberent, responsum eis, ait, se daturos
fuisse: quum in eorum, ad quos venerint, manu res Syracusa-
na esset, tum reverterentur. Si bello lacescant, ipsa re intel-
lecturos, nequaquam idem esse Syracusas ac Leontinos obpug-
nare.* Ita legatis relictis, portas clausit. Inde terra mari- Obpugnan-
tur Syracu-
sæ.
que simul coeptæ obpugnari Syracusæ: terra ab Hexapylo,
mari ab Achradina, cujus murus fluctu adluitur. et, quia,
sicut Leontinos terrore ac primo inpetu ceperant, non diffi-
debant, vastam disjectamque spatio urbem parte aliqua se
invasuros, omnem adparatum obpugnandarum urbium muris
admoverunt.

XXXIV. Et habuisset tanto inpetu coepta res fortu-
nam, nisi unus homo Syracusis ea tempestate fuisset. Ar- Archime-
des conatus
Romano-
rum ludifi-
catur.
chimedes is erat, ⁷² unicus spectator cæli siderumque; mi-

[†] reciderant Crev.
^y quæ Eæd.

[‡] quingentos passus Ead.

^x ac cædis Gron. Crev.

⁶⁸ *Ad pileum*] Ad libertatem. Vid. supra, c. 16.

⁶⁹ *Reciderant*] Vulgo *reciderunt*. Sed illud alterum, in quo inest hoc loco major vis et elegantia, habent Put. et Victor. codices.

⁷⁰ *Mille et quingentos passus*] Sic amat loqui Livius. Itaque, auctoribus iisdem scriptis, id prætulimus vulgatæ

lectioni *mille et quingentis passibus*.

⁷¹ *Si . . . reditus pateret, ac cædis auctores dedantur*] Complures codices omittunt voculam *ac*. Sed in ea potius latere putamus vestigium veræ scripturæ, ac libenter legeremus: *Si . . . reditus pateat, cædis auctores dedantur*.

⁷² *Unicus spectator cæli siderum-*

U. C. 538. A. C. 214. **rabiliior tamen inventor ac machinator bellicorum tormentorum operumque, quibus ea, quæ hostes ingenti mole agerent, ipse ⁷⁵ perlevi momento ludificaretur. Murum per inæquales ductum colles, (pleraque alta et difficilia aditu, submissa quædam, et quæ planis vallibus adiri possent) ut cuique aptum visum est loco, ita omni genere tormentorum instruxit. Achradinæ murum, quî, ut ante dictum est, mari adluitur, ex quinquereimibus Marcellus obpugnabat. Ex ceteris navibus sagittarii funditoresque, et ⁷⁴ velites etiam, quorum telum inhabile ad remittendum inperitis est, vix quemquam sine vulnere consistere in muro patiebantur. Hi, quia spatio missilibus opus est, procul muro tenebant naves. ⁷⁵ junctæ aliæ binæ ad quinquereimes, demtis ⁷⁶ interioribus remis, ut latus lateri adplicaretur, ⁷⁷ quum exteriori ordine remorum velut naves agerentur, turres contabulatas machinamentaue alia quatiendis muris portabant. Adversus hunc navalem adparatum Archimedes variæ magnitudinis tormenta in muris disposuit. in eas, quæ procul erant, naves saxa ingenti pondere emittebat: propiores levioribus, eoque magis crebris, petebat telis: postremo, ut sui vulnere intacti tela in hostem ingererent, murum ab imo ad sum-**

que] Cœli siderumque spectandorum arte supra omnes excellens. Ceterum ita describit Archimedem Livius, ut se ipse parum omnino peritum rerum mathematicarum exhibeat, quarum sane studia nunquam apud Romanos magnopere viguere. Non astrorum cognitione præcipue claruit Archimedes: sed matheseos, quam puram vocant, quæ a rebus corporeis sese omnino sejungit, reconditam altitudinem scrutari, ditare inventis, hic illi labor, hæc gloria. Quin et parum decorum artis suæ dignitati rebatur, eam ad res corporeas convertere: et machinas illas, quas Livius maxime miratur, inventor ipse haud magni faciebat, et pro quodam lascivientiæ Geometriæ lusu habebat. Vid. Plut. in Marcello.

73* Perlevi momento] Vid. not. 3. ad XXI. 43.

74 Velites . . quorum telum] Levis armaturæ milites, quorum telum ejusmodi est, ut remitti non possit ab inperitis. Polyb. l. VI. illud telum omnino remitti posse negat, et causam affert. *Ferrum, inquit, teli velituris adeo extenuatum est, et in aciem productum, ut necessario statim a primo jactu inflectatur, nec possint hostes retorquere.* Quod si ejusmodi est, profecto illud telum non inperitis tantum, sed et peritis inhabile fuit

ad remittendum. Lipsius, l. III. de Mil. Rom. Dial. 1. suspicatur aut vocem *inperitis*, in hoc Livii loco redundare; aut mutandam in *impeditis*, ut, nisi quis otiose mucronem refingat et erigat, neget Livius remitti posse; aut denique ideo etiam *inperitis* inhabile, quia amento emittebatur, et certo motu.

75 Junctæ aliæ binæ ad quinquereimes] Polybius, l. VIII. scribit octo quinquereimes fuisse simul junctas, binas et binas. Plut. in Marcello eundem numerum octo quinquereimium habet. Inde Sigonius rectè conjicit legendum: *junctæ aliæ binæ ad octo quinquereimes*: id est, aliæ quinquereimes ad octo, ad numerum octo, junctæ, binæ et binæ.

76* Interioribus remis] Remis eorum laterum quæ ad sese mutuo applicabantur. Exterior ordo remorum est is qui alterum navis latus, quod *liberum* relinquebatur, instruebat.

77 Quum exteriori ordine remorum velut naves agerentur] Legendum videtur, *velut una navis*: eoque nos ducit Put. codicis scriptura, *velut una- ves*. Quum illæ octo naves simul junctæ, exteriori ordine remorum, velut una navis, tanquam si essent una navis, agerentur.

mum ⁷⁸ crebris cubitalibus fere cavis aperuit; per quæ cava U. C. 538.
 pars sagittis, pars ⁷⁹ scorpionibus modicis ex occulto pete- A. C. 214.
 bant hostem. ⁸⁰ Quæ propius quædam subibant naves, quo
⁸¹ interiores ictibus tormentorum essent, ⁸² in eas tollenone
 super murum eminente ferrea manus firmæ catenæ inligata
 quum injecta proræ esset, gravi libramento plumbi recel-
 lente ad solum, suspensa prora, navim in puppim statuebat:
 dein, remissa subito, velut ex muro cadentem navim cum
 ingenti trepidatione nautarum ita undæ adfligebat, ut,
 etiamsi recta reciderat, aliquantum aquæ acciperet. ita ma-
 ritima obpugnatio est elusa, ⁸³ omnisque vis est eo versa, ut
 totis viribus terra adgrederentur. Sed ea quoque pars eo-
 dem omni adparatu tormentorum instructa erat, Hieronis
 impensis curaque per multos annos, Archimedis unica arte.
 natura etiam juvabat loci, quod saxum, cui inposita muri
 fundamenta sunt, magna ex parte ita proclive est, ut non
 solum missa tormento, sed etiam quæ pondere suo provo-
 luta essent, graviter in hostem inciderent. eadem causa ad
 subeundum arduum aditum instabilemque ingressum præ-

⁷⁸ *Crebris cubitalibus fere cavis]* Crebris foraminibus, quorum magni-
 tudo, sive diameter esset unius cubi-
 ti: per quæ foramina alii sagittis . . .
 Ceterum hæc cava, si credimus Poly-
 bio, quem hic vertit Livius, unius
 tantum palmi fuere. Quæ quidem
 multum discrepant. Cubitus enim
 habet pedem unum et dimidium:
 palmus quatuor tantum digitos, et
 est sexta pars cubiti.

⁷⁹ *Scorpionibus]* Scorpiones sunt
 machinæ bellicæ ad vibranda missilia.
 De iis sic habet Vegetius: *Scorpiones*
dicebant, quas nunc Manuballistas
vocant. Ideo sic nuncupati, quod par-
vis subtilibusque spiculis mortem infe-
rant. Vir unus eos dirigere, iis uti
 poterat. Duplicis generis fuere, ma-
 jores minoresque. Vid. Lips. l. III.
 Poliorc. Dial. 4.

⁸⁰ *Quæ propius quædam]* Sic Gronovius dedit ex tribus MSS. quibus
 assentiuntur duo Hearnio inspecti:
 quum vulgati haberent, *quæ propius*
quidem. Displicet tamen *quædam*:
 et ipse Gronovius illud mutandum
 censet in *maenia*. Nos illud omnino
 delere satius esse ducimus, eo qui-
 dem magis, quod abest a codice Vic-
 tor.

⁸¹ *Interiores ictibus tormentorum]*
 Propiores, quam ut ictibus tormento-
 rum, quæ in longinquum jaculaban-
 tur, feriri possent; tam propinquæ,

ut tela e tormentis emissa ultra eas
 ferrentur. Sic l. VII. supra c. 10. T.
 Manlius dicitur *interior periculo vul-*
neris factus.

⁸² *In eas tollenone]* Tolleno est
 machinæ genus, quum trabi in ter-
 ram præalte defixæ in summo vertice
 alia transversa longior dimensa me-
 dietate connectitur eo libramento,
 ut, si unum caput depresseris, alte-
 rum erigatur, idque ad onera tollenda.
 Igitur machina hujus generis super
 murum eminente, ferrea manus firmæ
 catenæ illigata, quæ quidem cate-
 na pendebat ex uno brachio tolleno-
 nis, injiciebatur proræ alicujus navis.
 Tum gravi libramento plumbi, quod
 alteri tollenonis brachio connexum
 erat, recellentē, seu recidente ad so-
 lum, necesse erat catenam, et fer-
 ream manum, et proram navis sur-
 sum erigi, et, suspensa prora, navim
 in puppim statui. Dein eadem fer-
 rea manus remissa, et exempta machi-
 næ *diâ rivos exarctas,* ut habet Poly-
 bios, sinebat navem recidere, et eam
 ita affligebat undis, ut . . . Ceterum
 libri habuere *gravique libramento*
plumbi recelleret ad solum. Quod
 quum absurdum esset, mutavit Gronovius.

⁸³ *Omnisque vis est eo versa]* Sic
 bene Gronovius. Prius edebatur *est*
aversa.

U. C. 538. bebat. Ita, consilio habito, quum omnis conatus ludibrio
 A. C. 214. esset, absistere obpugnatione, atque obsidendo tantum ar-
 Ab obpug- cere terra marique commeatibus hostem placuit.
 natione ab-
 sistunt Ro-
 mani.

Marcellus
 alias urbes
 capit.

Himilco
 cum exerci-
 tu in Sici-
 liam venit.

Hippocra-
 tes cum ex-
 exercitu Syra-
 cusis egre-
 ditur.

Vincitur a
 Marcello.

XXXV. Interim Marcellus, cum tertia fere parte exer-
 citus ad recipiendas urbes profectus, quæ in motu rerum ad
 Karthaginienses defecerant, Helorum atque Herbessum,
 deditibus ipsis, recipit. Megara vi capta diruit ac diripuit
 ad reliquorum, ac maxime Syracusanorum, terrorem. Per
 idem fere tempus et Himilco, qui ad Pachyni promonto-
 rium classem diu tenuerat, ad Heracleam, quam vocant
 Minoam, quinque et viginti millia peditum, tria equitum,
 duodecim elephantos exposuit: ⁸⁴ nequaquam cum quantis
 copiis ante tenuerat ad Pachynum classem. Sed, postquam
 ab Hippocrate occupatæ Syracusæ erant, profectus Kar-
 thaginem, adjutusque ibi et ab legatis Hippocratis, literis-
 que Hannibalis, qui venisse tempus aiebat Siciliae per sum-
 mum decus repetendæ, ⁸⁵ et ipse haud vanus præsens moni-
 tor facile perpulerat, ut, quantæ maximæ possent, peditum
 equitumque copiae in Siciliam trajicerentur. Adveniens
 Heracleam, intra paucos dies inde Agrigentum recipit: alia-
 rumque civitatum, quæ partis Karthaginensium erant,
 adeo accensæ sunt spes ad pellendos Sicilia Romanos, ut
 postremo etiam, qui obsidebantur Syracusis, animos sustu-
 lerint; et, parte copiarum satis defendi urbem posse rati,
 ita inter se munera belli partiti sint, ut Epicydes præesset
 custodiæ urbis, Hippocrates, Himilconi conjunctus, bellum
 adversus consulem Romanum gereret. Cum decem milli-
 bus peditum, quingentis equitibus nocte per intermissa
 custodiis loca profectus, castra circa Acrillas urbem pone-
 bat. Munientibus supervenit Marcellus, ab Agrigento
 jam occupato, quum frustra eo prævenire hostem festinans
 tetendisset, rediens; nihil minus ratus, quam illo tempore ac
 loco Syracusanum sibi exercitum obviam fore; sed tamen
 metu Himilconis Pœnorumque (ut quibus nequaquam eis
 copiis, quas habebat, par esset) quam poterat maxime in-
 tentus, atque agmine ad omnes casus composito ibat.

XXXVI. Forte ea cura, quæ erat adversus Pœnos præ-
 parata, adversus Siculos usui fuit. Castris ponendis incom-
 positos ac dispersos nactus eos et plerosque inermes, quod
 peditum fuit, circumvenit: eques, levī certamine inito,
 cum Hippocrate Acras perfugit. Ea pugna deficientes ab

84 *Nequaquam cum quantis copiis*] Cum copiis, quæ tantæ erant, quan-
 tæ non fuerant illæ, cum quibus pri-
 us tenuerat ad Pachynum classem:
 sive, cum copiis majoribus, quam

quantæ fuerant illæ, cum quibus, &c.

85 * *Et ipse haud vanus præsens mo-
 nitor*] Quum et ipse aliquid momenti
 faceret, præsens monitor, firmansque
 dictis litteras et nuncios ceterorum.

Romanis quum cohibuisset Siculos, Marcellus Syracusas re-
 diit: et post paucos dies Himilco, adjuncto Hippocrate, ad
 flumen Anapum, octo ferme inde millia, castra posuit. Sub
 idem fere tempus et naves longæ quinque et quinquaginta
 Karthaginiensium cum Bomilcare classis præfecto in mag-
 num portum Syracusas ex alto decurrere; et Romana item
 classis, triginta quinqueres, legionem primam Panormi
 exposuere; versumque ab Italia bellum, adeo uterque popu-
 lus in Siciliam intentus, fuisse videri poterat. Legionem Ro-
 manam, quæ exposita Panormi erat, venientem Syracusas,
 prædæ haud dubie sibi futuram Himilco ratus, via decipi-
 tur. mediterraneo namque Pœnus itinere duxit; legio ma-
 ritimis locis, classe prosequente, ad Ap. Claudium, Pachy-
 num cum parte copiarum obviam progressum, pervenit.
⁸⁶ Nec diutius Pœni ad Syracusas morati sunt. et Bomil-
 car, simul parum fidens navibus suis, duplici facile numero
 classem habentibus Romanis, ⁸⁷ simul inutili mora cernens
 nihil aliud ab suis quam inopia adgravari socios², velis in
 altum datis, in Africam transmisit. Et Himilco, secutus
 nequidquam Marcellum Syracusas, si qua, priusquam mayo-
 ribus copiis jungeretur, occasio pugnandi esset, postquam
 ea nulla contigerat, tutumque ad Syracusas et munimento
 et viribus hostem cernebat, ne frustra adsidendo spectando-
 que obsidionem sociorum tempus tereret, castra inde mo-
 vit: ut, quocumque vocasset defectionis ab Romanis spes,
 admoveret exercitum, ac præsens suas res fœventibus ad-
 deret animos. Murgantiam primum, prodito ab ipsis præ-
 sidio Romano, recepit: ⁸⁸ ubi frumenti magna vis commea-
 tusque omnis generis convecti erant³ Romanis.

XXXVII. Ad hanc defectionem erecti sunt et aliarum
 civitatum animi: præsidiaque Romana aut pellebantur ar-
 cibus, aut prodita per fraudem obprimebantur. Henna^b,
 excelso loco ac prærupto undique sita, quum loco inexpug-
 nabilis erat, tum præsidium in arce validum, præfectumque

Auxilia Ro-
 ma et Kar-
 thagine
 missa.

Aliquot ur-
 bes ad Pœ-
 nos defici-
 unt.

Hennen-
 sium moli-
 tiones.

² sociorum Crev.

³ add. a Gron.

^b Enna: Sic semper: Gron. Crev.

⁸⁶ Nec diutius Pœni ad Syracusas morati sunt] Editi ante Gronovium et plerique MSS. Syracusis, sine præpositione. Put. et alter itidem bonæ notæ, ad Syracusis. Inde recte judicavit Gronovius legi debere ad Syracusas.

⁸⁷ Simul inutili mora cernens nihil aliud ab suis quam inopiam aggravari sociorum] Hanc lectionem concinnavimus partim ex editis, partim ex scriptis. Editi habent: simul inutili mora cernens nihil aliud ab suis quam

inopia aggravari socios. Scripti: simul, inutilem moram cernens, nihil aliud ab suis quam inopiam aggravari sociorum.

⁸⁸ Ubi . . . commeatus . . . convecti erant Romanis] Vulgo a Romanis. Scripti fere omnes omittunt præpositionem. Et sic minus offendet ubi, quod se concoquere non posse hic testatur Tan. Faber. Ubi commeatus convecti erant Romanis, idem est atque, ubi habebant commeatus vectos Romani.

U. C. 598. *præsidii* ⁸⁹ *haud sane opportunum insidiantibus habebat.* L.
 A. C. 214. *Pinarius erat vir acer, et qui plus in eo, ne posset decipi,*
quam in fide Siculorum, reponeret. et tum intenderant eum
ad cavendi omnia curam tot auditæ proditioes defectiones-
que urbium, et clades præsidiorum. Itaque nocte dieque jux-
ta parata instructaque omnia custodiis ac vigiliis erant: nec
ab armis aut loco suo miles abscedebat. Quod ubi Hen-
nensium principes, jam pacti cum Himilcone de proditione
præsidii, animadverterunt, nulli occasione fraudis Romanum
patere, ⁹⁰ *palam rentur^c agendum. Urbem arcemque suæ po-*
testatis, aiunt, debere esse, si liberi in societatem, non servi in
custodiam, traditi essent Romanis. itaque claves portarum red-
di sibi æquum censent. Bonis sociis fidem suam maximum
vinculum esse: et ita sibi populum Romanum senatumque gra-
tias habiturum, si volentes, ac non coacti, mansissent in amici-
tia. Ad ea Romanus, Se in præsidio inpositum esse, dicere,
ab imperatore suo: clavesque portarum et custodiam arcis ab
eo accepisse, quæ nec suo nec Hennensium arbitrio haberet, sed
ejus, qui commisisset. præsidio decedere apud Romanos capital
esse: et nece liberorum etiam suorum ⁹¹ *eam legem parentes*
saxisse. Consulem Marcellum haud procul esse: ad eum
mitterent legatos, ⁹² *cujus juris atque arbitrii esset. Se vero*
negare illi missuros: testarique, si verbis nihil agerent, vin-
dictam aliquam libertatis suæ quæsituros. Tum Pinarius:
at illi, si ad consulem gravarentur mittere, sibi saltem darent
populi concilium: ut sciretur, utrum paucorum ea denunciata,
an universæ civitatis, essent. ⁹³ *Consensu in posterum diem*
concio edicitur.

Pinarii
 Hennæ
 præfecti
 oratio ad
 milites.

XXXVIII. Postquam ab eo conloquio in arcem sese
 recepit, ⁹⁴ *convocatis militibus, Credo ego vos audisse, mili-*
tes, inquit, quemadmodum præsidia Romana ab Siculis cir-
cumventa et obpressa sint per hos dies. Eam vos fraudem,

^c *rentur* l. *erat* Gron. Crev.

⁸⁹ *Haud . . . opportunum insidiantibus]* Qui se non facile captandum præberet insidiantibus. Sic supra VI. 24. *Opportunus* *ruptioni.*

⁹⁰ *Palam erat agendum]* Conjectura Lipsii. Unius MS. margo habet, teste Gronovio, *palam rentur agendum.* Sed parum interest.

⁹¹ *Eam legem parentes]* Vox *legem* adjecta est ab editoribus. Sed quum sine ea sensus stare non possit, intactam relinquamus. Campanus edidit: *hoc liberorum etiam suorum cruore parentes saxisse.*

⁹² *Cujus juris atque arbitrii esset]* Supple, *res.*

⁹³ *Consensu in posterum diem con-*

cio edicitur] Omnes scripti carent ultima voce. Unde Gronovius legendum putat: *consensa in posterum diem concio.* Quomodo supra l. I. c. 32. *Bellum erat consensum.*

⁹⁴ *Convocatis militibus]* Vox *militibus* hic displicet tam vicina *et milites*, quod sequitur. Magna scriptorum manus præfert *convocatio quibus: Victor. convocatis sociis: Crediderimus cum Gronovio legi posse convocatis suis. et suis* facile mutari potuit in *sociis: nec difficilius in quibus, si forte prima littera male efformata visa est imperito librario offerre quis, unde pronum est efficere quibus.*

Defam primo benignitate, dein vestra ipsi virtute, dies noctes- U. C. 538.
que perstando ac pervigilando in armis, vitastis. utinam reli- A. C. 214.
quum tempus nec patiando infanda, nec faciendo, traduci pos-
sit! ⁹⁵ *Hæc occulta in fraude cautio est, qua usi adhuc sumus:*
cui quoniam parum succedit, aperte ac propalam claves porta-
rum repossunt; quas simul tradiderimus, Karthaginensium
extemplo Henna erit, foediusque hic trucidabimur, quam
Murgantiæ præsidium interfectum est. Noctem unam ægre
ad consultandum sumsi, qua vos certiores periculi instantis fa-
cerem. Orta luce concionem habituri sunt, ad criminandum
me concitandumque in vos populum. itaque crastino die, aut
vestro, aut Hennensium sanguine Henna inundabitur. ⁹⁶ *nec*
præoccupati spem ullam^d, nec occupantes periculi quidquam
habebitis. qui prior strinxerit ferrum, ejus victoria erit. In-
tenti ergo omnes armatique signum expectabitis. ego in con-
cione ero: et tempus, quoad omnia instructa sint, loquendo
altercandoque traham. Quum toga signum dederò, tum mihi
undique clamore sublato turbam invadite, ac sternite omnia
ferro: et cavete, quisquam supersit, a quibus aut vis, aut
fraus timeri possit. ⁹⁷ *Vos, Ceres mater ac Proserpina, precor,*
ceteri superi infernique Dii, qui hanc urbem, hos sacros la-
cus lucosque colitis, ut ita nobis volentes propitii adsitis, si vi-
tandæ, non ferendæ, fraudis causa hoc consilii capimus. Plu-
ribus vos, milites, hortarer, si cum armatis dimicatio futura
esset. inermes, incautos ad satietatem trucidabitis. Et consulis
castra in propinquo sunt, ne quid ab Himilcone et Karthagi-
niensibus timeri possit.

XXXIX. Ab hac adhortatione dimissi corpora curant. Postero die alii aliis locis, ad obsidenda itinera claudendosque ⁹⁸ oppidanis exitus, pars maxima super theatrum circaque, adsueta et ante spectaculis concionum, consistunt. Productus ad populum a magistratibus præfectus Romanus, quum consulis ea de re jus ac potestatem esse, non suam, et pleraque eadem, quæ pridie, dixisset; ⁹⁹ primo sensim, ac plures, reddere claves, dein jam una voce ¹ id

^d *spem ullam* l. *peculii* Gron. Crev.

⁹⁵ *Hæc occulta in fraude cautio est*] Hæc est cautio in occulta fraude, seu, hæc est cautio adversus occultam fraudem idonea ac sufficiens, qua usi hucusque sumus. Cui fraudi quoniam parum succedere Ennenses vident....

⁹⁶ *Nec præoccupati peculii*] *Peculii* procul dubio vitiosum. Non enim hic peculium, sed caput agebatur. Gronovius suggerit ex quibusdam libris, *spem ullam*. Campanus habet *præsidii*. Propius ad vulgatam scrip-

turam accederet *perfugii*. *Nec præoccupati habebitis quidquam perfugii, nec occupantes, periculi.*

⁹⁷ *Vos, Ceres mater ac Proserpina*] De religione Cereris Ennensis vide Cic. IV. in Verr. n. 106. et seq.

⁹⁸ *Oppidanis*] Scripti fere *oppositi*: * ut apud Virg. l. II. Æn. *Obsedere altis telis angusta viarum Oppositi*.

⁹⁹ *Primo sensim*] Libenter præfigeremus huic membro particulam *et*.

¹ *Id omnes juberent*] Vacat *et id*.

U. C. 538. omnes juberent, cunctantique ac differenti ferociter minita-
 A. C. 214. rentur, nec viderentur ultra vim ultimam dilatari; tum
 præfectus toga signum, ut convenerat, dedit. militesque in-
 tenti dudum ac parati, alii superne ² in aversam concionem
 clamore sublato decurrunt, alii ad exitus theatri conferti
 obsistunt. Cæduntur Hennenses cavea inclusi, coacervan-
 Cæduntur
 Hennenses. turque, non cæde solum, sed etiam fuga; quum alii super
 aliorum capita ruerent, atque integri sauciis, vivi mortuis
 incidentes, cumularentur. Inde passim discurretur, et urbis
 captæ modo fugaque et cædes omnia tenet; nihilo remis-
 sione militum ira, ³ quod turbam inermem cædebant, quam
 si periculum par et ardor certaminis eos irritaret. Ita Hen-
 na, ⁴ aut malo, aut necessario facinore retenta. Marcellus
 nec factum improbavit, et prædam Hennensium militibus
 concessit, ratus, timore deterritos temperaturos proditio-
 nis præsidiorum Siculos. Atque ea clades, ut urbis in me-
 dia Sicilia sitæ, claræque vel ob insignem munimento na-
 turali locum, vel ob sacrata omnia vestigiis raptæ quondam
 Proserpinæ, prope uno die omnem Siciliam pervasit. Et
 quia cæde infanda rebantur, non hominum tantum, sed
 etiam Deorum sedem violatam esse, tum vero, qui etiam
 ante dubii fuerant, defecere ad Pœnos. Hippocrates inde
 Murgantiam, Himilco Agrigentum sese recepit: quum ad-
 citi a proditoribus nequidquam ad Hennam exercitum ad-
 movissent. Marcellus retro in Leontinos redit: frumento-
 que et com meatibus aliis in castra convectis, præsidio mo-
 dico ibi relicto, ad Syracusas obsidendas venit, inde Ap.
 Claudio Romam ad consulatum petendum misso, T. Quinc-
 tium Crispinum in ejus locum classi castrisque præficit
 veteribus. ipse hibernacula quinque millia passuum ^f Hexa-
 pylo (Leonta vocant locum) communiit, ædificavitque.
⁵ Hæc in Sicilia usque ad principium hiemis gesta.

^e præfecit Gron. Crev.

^f add. ad Eæd.

² In aversam concionem] Scripti et editi in adversam. Correxerunt ex evidenti ratione Gronovius. Scilicet concio procul dubio erat a militibus in concionantem præfectum Romanum aversa.

³ Quod turbam inermem] Ante Gronovium editi quod jure turbam. Sed vocem jure insititiam esse tum sensus docet, tum optimus codex satis indicare videtur, qui habet jure eam. Nam jure eam corruptum est ex unica voce turbam.

⁴ Aut malo, aut necessario facinore] Aut malo facinore, aut eo quod necessitas colore aliquo defendat, ac proinde pro malo damnari vetet. Hanc elegantissimam sententiam non vide-

mus cur viri docti variis conjecturis sollicitent. Nihil enim clarius: nec æquitas probabilis abest.

⁵ Hæc in Sicilia usque ad principium hiemis gesta] Suspiciamus hic Livium duorum annorum res gestas in unum miscuisse: idque, duabus maxime adducti rationibus. Una, quod nihil omnino sequente anno, quo Ti. Sempronius II. Q. Fabius consules fuere, in Sicilia gestum memoratur a Livio: quod sane verisimile non est, quum tanti exercitus in insula essent. Solas Cannensis exercitus ad Marcellum preces, hujusque litteras de iis ad senatum retulit eo anno noster. Deinde, Polybius, l. VIII. testis est Marcellum per octo

XL. Eadem æstate et cum Philippo rege, quod jam ante U. C. 598. suspectum fuerat, motum bellum est. Legati ab Orico A. C. 214. ad ⁶ M. Valerium prætorem venerunt, ⁷ præidentem classi Bellum cum Philip- Brundisio Calabriæque circa litoribus, nunciantes, Philip- po. pum primum Apolloniam tentasse, lembis biremibus centum viginti flumine adverso subvectum: deinde, ut ea res tardior spe fuerit, ad Oricum clam nocte exercitum admo- Oricum a visse: eamque urbem, sitam in plano, ⁸ neque mœnibus, Philippo neque viris atque armis validam, primo inpetu obpressam captum. esse. Hæc nunciantes orabant, ut opem ferret, hostemque haud dubium Romanis ⁹ terra aut maritimis viribus arceret; qui ob nullam aliam causam, nisi quod imminerent Italiæ, peterentur. ¹⁰ M. Valerius, præsidio loci ejus relicto P. Valerio legato, cum classe instructa parataque, et, quod longæ naves militum capere non poterant, in onerarias inpositis, altero die Oricum pervenit: urbemque eam, levi tenente præsidio, quod recedens inde reliquerat Philippus, haud magno certamine recepit. Legati eo ab Apollonia Apollonia venerunt, nunciantes, in obsidione sese, quod deficere ab obsessa a Romanis nollent, esse: neque sustinere ultra vim Macedo- Philippo. num posse, nisi præsidium mittatur Romanum. Facturum se, quæ vellent, pollicitus, duo millia delectorum militum

§ P. l. T. Gron. Crev.

menses cum Appio assedissee Syracusis, antequam ab eo discederet ad prohibendas per Siciliam defectiones urbium, et obviam eundem Carthaginiensibus. Octo autem illi menses facile profecto reliquum consulatus Marcelli tempus consumpserunt. Unde sequitur expeditiones Marcelli adversus Siculos, Himilconemque et Hippocratem, in eum annum excurrisse, quo Tl. Sempronius alterum consulatum cum Q. Fabio gessit.

⁶ M. Valerium prætorem] Id est, proprætorem, ut dicitur supra c. 20. Præturam gesserat anno superiore. Vid. XXIII. 24.

⁷ Præidentem classi Brundisio] Cum classe præidentem Brundisio: ita ut classi accipiatur in auferendi casu, quemadmodum apud Virgilium, Æn. VIII. Advectum Ænean classi.

⁸ Neque mœnibus] Put. codex mœnibus. Sunt et aliæ quoque voces, quæ identidem in optimo libro non pervulgata forma scriptæ reperiuntur: ut obsidium pro obsidum, bis c. 22. l. XXII. et contra mensum pro mensium, l. XXIII. c. 21. et XXIV. 11. et passum pro passuum, XXVI. 13. et potiretur pro potiretur, l. XXIII. c. 43.

Oreretur quidem semper exhibet idem liber, ut alibi notamus. Adde traiciatur, l. XXIX. c. 24. et traiceret, l. XXX. c. 24. pro trajiciatur et trajiceret. Hæc observare nobis operis pretium esse visum est, ob eximiam vetustissimi codicis auctoritatem.

⁹ Terra, aut maritimis viribus] Hæc procul dubio vitiosa sunt. Gronovius e MSS. qui tamen hic corruptissimi sunt, suspicatur: Hostemque haud dubium Romanis Macedonem Epiri maritimis urbibus arceret, quæ . . . Sed hæc etsi aptissime omnino congruunt ad sensum, longius abeunt tum a vulgata lectione, tum etiam a MSS. quam ut admittere audeamus.

¹⁰ M. Valerius præsidio loci ejus] Cujus loci? Nullus enim speciatim definitus est in iis quæ præcedunt. Sed et scripti in alia omnia abeunt. Plerique enim, iique optimi, habent: M. Valerius MM præsidioque eis T. Valerio legato cum classe. Hæc manca sunt, sed ita ut sensus appareat: M. Valerium reliquisse duo millia militum tutandæ Superi maris oræ, quibus præfecerit T. Valerium legatum. Ipsa autem Livii verba assequi non nostrum est.

U. C. 538. A. C. 214. navibus longis mittit ad ostium fluminis, cum ¹¹ praefecto socium, Q. Nævio Crista, viro inpigro et perito militiae. Is, expositis in terram militibus, navibusque Oricum retro, unde venerat, ad ceteram classem remissis, milites procul a flumine per viam minime ab regiis obsessam duxit, et nocte, ita ut nemo hostium sentiret, urbem est^h ingressus. Die insequenti quievit, dum praefectus juventutem Apollonia-tium, armaque et urbis vires inspiceret. ubi ea visa inspec-taque satis animorum fecere, simulque ab exploratoribus comperit, quanta socordia ac negligentia apud hostes esset; silentio noctis ab urbe sine ullo tumultu egressus, castra hostium adeo neglecta atque aperta intravit, ut satis constaret, prius mille hominum vallum intrasse, quam quisquam sentiret: ac, si caede abstinuissent, pervenire ad tabernaculum regium potuisse. Caedes proximorum portae excitavit hostes. inde tantus terror pavorque omnes occupavit, ut ¹² non modo alius quisquam arma caperet, aut castris pellere hostem conaretur; sed etiam ipse rex, sicut somno excitus, erat, prope seminudus fugiens, militi quoque, nedum regi, vix decoro habitu, ad flumen navesque profugerit. eodem et alia turba effusa est. Paulo minus tria millia militum in castris aut capta, aut occisa. plus tamen hominum aliquanto captum, quam caesum, est. Castris direptis, Apolloniatae catapultas, ballistas, tormentaue alia, quae ob-pugnandae urbi comparata erant, ad tuenda moenia, si quando similis fortuna venisset, Apolloniam devexere: cetera omnis praeda castrorum Romanis concessa est. Haec quum Oricum essent nunciata, M. Valerius classem extemplo ad ostium fluminis duxit, ne navibus capessere fugam rex posset. Itaque Philippus, neque terrestri, neque navali certamine satis fore parem se fidens, subductis aut incensis navibus, terra Macedoniam petiit, magna ex parte inermi exercitu spoliatoque. Romana classis cum M. Valerio Orici hibernavit.

Res in His-pania ges-tae. XLI. Eodem anno in Hispania varie res gestae. nam, priusquam Romani amnem Iberum transirent, ingentes copias Hispanorum Mago et Hasdrubal fuderunt. defecissetque ab Romanis ulterior Hispania, ni P. Cornelius, raptim tracto exercitu Iberum, dubiis sociorum animis in tempore advenisset. Primo ad castrum Altum (locus est insignis ¹³ caede magni Hamilcaris) castra Romani habuere. Arx

^h est del. Gron. Crev.

¹¹ Praefecto socium] Vid. not. 23. ad l. XXIII. c. 7. Ceterum magna pars scriptorum non agnoscit ultimam vocem: ut Nævius praefectus dicatur huic copiae, quocunque gradu militiae fuerit.

¹² Non modo] Non modo non. Hic

suppressum est. et non, licet mox sequatur, non ne . . . quidem, (qua de re vid. not. 31. ad l. II. c. 23.) verum sed etiam: quod notandum.

¹³ Caede magni Hamilcaris] Ejus nimirum, qui pater Annibalis fuit.

erat munita, et convexerant ante frumentum. tamen, quia U. C. 598.
omnia circa hostium plena erant, agmenque Romanum in- A. C. 214.
pune ¹⁴ incursatum ab equitibus hostium fuerat, et ad duo
millia, aut moratorum aut palantium per agros, interfecta;
cessere inde Romani propius pacata loca, et ad montem
Victoriæ castra communivere. Eo Cn. Scipio cum omnibus
copiis, et Hasdrubal Gisgonis filius, tertius Karthaginien-
sium dux, cum exercitu justo advenit: contraque castra Ro-
mana trans fluvium omnes consedere. P. Scipio, cum ex-
peditis clam profectus ad loca circa visenda, haud fefellit
hostes: obpressissentque eum in patentibus campis, ni tu-
mulum in propinquo cepisset. ibi quoque circumsessus ad-
ventu fratris obsidione eximitur. Castulo urbs Hispaniæ
valida ac nobilis, et adeo conjuncta societate Pœnis, ut
uxor inde Hannibali esset, ad Romanos defecit. Kartha-
ginienses Illiturgin obpugnare adorti, quia præsidium ibi
Romanum erat: videbanturque inopia eum locum maxime
expugnaturi. Cn. Scipio, ut sociis præsidioque ferret opem, ^{obpugnant Pœni.}
cum legione expedita profectus, ¹⁵ inter ¹ bina castra cum
magna cæde hostium urbem est ingressus, et postero die
eruptione æque felici pugnavit. Supra duodecim millia
hominum cæsa duobus præliis: ¹⁶ plus mille ^k capti, cum
sex et triginta militaribus signis. ita ab Illiturgi recessum
est. Bigerra inde urbs (socia et hæc Romanorum erat) a
Karthaginiensibus obpugnari cœpta est. Eam obsidionem
sine certamine adveniens Cn. Scipio solvit.

XLII. Ad Mundam exinde castra Punica mota: et Ro- ^{Prælium ad Mundam.}
mani eo confestim secuti sunt. Ibi signis conlatis pugna-
tum per quatuor ferme horas: egregieque vincentibus Ro-
manis signum receptui est datum, quod Cn. Scipionis
femur ¹⁷ tragula confixum erat: pavorque circa eum cepe-
rat milites, ne mortiferum esset vulnus. Ceterum haud du-
bium fuit, quin, nisi ea mora intervenisset, castra eo die
Punica capi potuerint. jam non milites solum, sed elephanti
etiam usque ad vallum acti erant, superque ipso novem et
triginta elephanti pilis confixi. Hoc quoque prælio ad
duodecim millia hominum dicuntur cæsa, prope tria capta,

¹ intra Gron.^k plus decem millibus captum Gron. Crev.

¹⁴ *Incursatum*] Dubitamus an non hoc verbum sit ab conjectura editorum. Scripti enim et Gronoviani, et nostri, *inversatum*. Non tamen nobis improbat vulgata lectio. Tantum admonemus, certam ejus originem non reperiri.

¹⁵ *Inter bina castra*] Vulgo *intra*: quod mendum corrigendum monuit Gronovius ex aliquot scriptis, quibus

assentiuntur nostri. * Nimirum Karthaginienses binis castris circumsidebant urbem. Per spatium inter bina illa castra interjectum ingressus est urbem Scipio.

¹⁶ *Plus decem millibus captum*] Lege ex optimis codd. *plus mille captum*.

¹⁷ * *Tragula*] Vid. not. 35. ad XXI. 7.

U. C. 538.
A. C. 214.
Altera
Rom. victo-
ria.

Tertia vic-
toria.

Saguntum
receptum a
Rom.

cum signis militaribus septem et quinquaginta. Ad Aurin-
gen inde urbem Poeni recessere; et, ut territis instaret, se-
cutus Romanus. Ibi iterum Scipio lecticula in aciem inla-
tus conflavit: nec dubia victoria fuit: minus tamen dimidio
hostium, quam antea, quia pauciores superfuerant, qui pug-
narent, occisum. Sed gens nata instaurandis reparandisque
bellis, ¹⁸ Magone ad conquisitionem militum fratre misso,
brevis replevit exercitum, animosque ad tentandum de inte-
gro certamen fecit. ¹⁹ Alii plerique milites, sicut pro parte
toties intra paucos dies victa, iisdem animis, quibus prius,
eodemque eventu pugnare. plus octo millia hominum cæ-
sa: ²⁰ haud multo minus quam mille captum¹, et signa mi-
litaria quinquaginta octo^m; et ²¹ spolia plurima Gallica fu-
ere, aurei torquesⁿ, armillæque, magnus numerus. duo etiam
insignes reguli Gallorum (Mœnicapto et Civismaro nomina
erant) eo proelio ceciderunt. octo elephantis capti, tres occi-
si. ²² Quum jam res prosperæ in Hispania essent, verecun-
dia Romanos tandem cepit, ²³ Saguntum oppidum, quæ^o
caussa belli esset, ²⁴ octavum jam annum sub hostium potes-
tate esse. Itaque id oppidum, vi pulso præsidio Punico,

¹ *capta* Gron. ^m *et signa militaria quinquaginta octo*; del. Ead. ⁿ *aurei torques* l. *annuli aurei, torques armillæque* Ead. ^o *quod* Ead.

¹⁸ *Magone . . fratre misso*] Lege, a fratre, nempe ab Asdrubale, Amilcaris filio, fratre Annibalis et Magonis.

¹⁹ *Alii plerique milites*] Licet plerique milites, conquisiti et adducti recens a Magone, alii essent quam qui prioribus præliis pugnauerant, tamen iisdem animis quibus prius, ut qui pugnarent pro parte toties intra paucos dies victa, eodemque eventu pugnare. Videtur opponere inter se voluisse Livius, hinc alios milites, illinc eosdem animos eundemque eventum. † Recte tamen videtur Vallæ emendare: *Galli plerique milites*, id est, milites, qui magna ex parte Galli erant. Vox *alii* parum clari hic sensus est: et Vallæ conjecturam firmare videntur ea, quæ de spoliis Gallicis et regulis Gallorum infra memorantur. Emendationem Vallæ expressit Campanus.

²⁰ *Haud multo minus quam mille captum*] Hactenus edebatur *capta*: vitiose omnino. Nihil est enim cum quo consentire possit *et capta*, non *minus*, non *mille*, non *hominum*. Ideo admisimus *captum* ex Put. libro. Mox revocavimus totum hoc membrum, *et signa militaria LVIII.* quod in editioni-

bus Gronovianis prætermisum est, incuria, ut videtur, operarum, quum reperiatur non in scriptis solum, sed in vetustioribus paulo editis.

²¹ *Spolia Gallica plurima fuere: aurei torques armillæque*] Resecimus vocem *annuli*, volentibus scriptis optimis. Et vero annuli aurei non possunt videri Gallorum proprii, ut torques armillæque.

²² *Quum jam res prosperæ*] Non tum primum, sed ab ipso statim ingressu Scipionum in Hispaniam res prosperæ Romanis facere. Lege igitur cum Perizonio: *Quum tam res prosperæ*.

²³ *Saguntum oppidum, quæ causa belli esset*] Hic restituimus Livio amatam loquendi figuram, ut relativum inter duo nomina positum ad posterius referatur. Id monuerat Jac. Gronovius, auctore optimæ fidei scripto, cui consentit Put. cum fideissimo e regis. Vulgo *quod*.

²⁴ *Octavum jam annum*] Imo quintum, si Livius secum ipse consentiat. Hic enim quintus Punici belli annus agitur. Anno autem huius belli primo captum esse Saguntum contendit Livius, l. XXI. c. 15.

receperunt, cultoribusque antiquis, quos *vis* reliquerat belli, U. C. 538. restituerunt: et Turdetanos, qui contraxerant eis cum Kar- A. C. 214. thaginiensibus bellum, in potestatem redactos ²⁵ sub corona vendiderunt, urbemque eorum delevere.

XLIII. Hæc in Hispania, Q. Fabio, M. Claudio consu-
libus, gesta. Romæ quum tribuni plebis novi magistratum Censoribus
inissent ²⁶, extemplo censoribus, P. Furio et M. Atilio, a L. dies dicta
Metello tribuno plebis dies dicta ad populum est. ad popu-
questo- lum.
rem cum proximo anuo, adempto equo, tribu moverant, at-
que ærarium fecerant, propter conjurationem deserendæ
Italiæ ad Cannas factam. sed novem tribunorum auxilio
vetiti causam in magistratu dicere, ²⁸ dimissique fuerant.
Ne lustrum perficerent, mors prohibuit P. Furii. ²⁷ M. Atilius magistratu se abdicavit. Consularia comitia habita a
Q. Fabio Maximo consule. creati consules ambo absentes,
Q. Fabius Maximus consulis filius, et Ti. Sempronius
Gracchus iterum. Prætores fiunt M. Atilius, et, qui tum
ædiles curules erant, P. Sempronius Tuditanus, et Cn. Ful-
vius Centumalus, et M. Æmilius Lepidus. Ludos scenicos
per quatrimum eo anno primum factos ab curulibus ædili-
bus, memoriæ proditur. Ædilis Tuditanus hic erat, qui ad
Cannas, pavore aliis in tanta clade torpentibus, per medios
hostes evasit. Comitiiis perfectis, auctore Q. Fabio consule, U. C. 539.
designati consules Romam arcessiti magistratum inierunt: A. C. 213.
senatumque de bello ac provinciis suis prætorumque, et Q. Fabio,
de exercitibus, quibus quique præessent, consuluerunt. Ti. Sempro-
nio II. Coss.

XLIV. ²⁸ Itaque provinciæ atque exercitus divisi. Bel- Provincia-
lum cum Hannibale consulibus mandatum, ²⁹ et exercituum rum divisio.
unus, quem ipse Sempronius habuerat; alter, quem Fabius
consul. ³⁰ eæ binæ erant legiones. M. Æmilius prætor, cu-
jus peregrina sors erat, jurisdictione M. Atilio collegæ
prætori urbano mandata, Luceriam provinciam haberet,
legionesque duas, quibus Q. Fabius, qui tum consul erat,
prætor præfuerat. ³¹ P. Sempronio provincia Ariminum,
Cn. Fulvio Suessula, cum binis item legionibus, evenerunt:

P inissent Crev.

¶ P. l. Prætori Gron.

²⁵ Sub corona] Vid. not. 98. ad II. 17.

²⁶ Dimissique fuerant] Melius vi-
deretur fuerant.

²⁷ M. Atilius magistratu se abdicavit] In censoris demortui locum, alium subrogari fas non erat. Vid. supra l. V. c. 31. et l. IX. c. 34.

²⁸ Itaque provinciæ] Itaque hic intelligimus, et ita, atque hoc modo: eo nempe, quo statim narrabitur.

²⁹ Et exercituum] Sic dedit Gronovius, quum editi haberent exercitus, scripti fere exercitum. Supra c. 40. annotavimus e Put. passum pro pas-

sum. Simili modo credi potest exercitum in scriptis idem esse atque exercituum.

³⁰ Eæ binæ erant legiones] Hi duo exercitus erant singuli duarum legionum.

³¹ P. Sempronio] Merito displicuit Jac. Gronovio vulgata lectio, prætori Sempronio. Quid enim attinet monere Sempronium prætorem fuisse, quum ipse contextus palam faciat hic agi de prætorum provinciis? Quod malebat ille P. Sempronio, id nobis exhibuit Put. codex.

ut Fulvius urbanas legiones duceret, Tuditanus a M'.
 A. C. 213. Pomponio acciperet. Prorogata imperia provinciæque, M.
 Claudio Sicilia finibus eis, quibus regnum Hieronis fuisset:
 Lentulo proprætori.³² provincia vetus: T. Otacilio classis.
 exercitus nulli additi novi. M. Valerio Græcia Macedonia-
 que cum legione et classe, quam haberet: Q. Mucio cum
 vetere exercitu (duæ autem legiones erant) Sardinia: C.
 Terentio legio una, cui jam præerat, et Picenum. Scribi
 præterea duæ legiones urbanæ jussæ, et viginti millia socio-
 rum. His ducibus, his copiis, adversus multa simul, aut
 mota aut suspecta bella, munierunt Romanum imperium.
 Consules, duabus urbanis legionibus scriptis, supplemento-
 que in alias lecto, priusquam ab urbe moverent, prodigia
 procurarunt, quæ nunciata erant. Murus ac portæ tactæ,
 et Ariciæ etiam Jovis ædes de cœlo tacta fuerat. Et alia
 ludibria oculorum auriumque credita pro veris. navium lon-
 garum species in flumine Tarracinæ, quæ nullæ erant, vi-
 sæ; et in Jovis Vicilini templo, quod in Compsano agro
 est, arma concrepuisse: et flumen Amiterni cruentum flu-
 xisse. His procuratis ex decreto pontificum, profecti consu-
 les, Sempronius in Lucanos, in Apuliam Fabius. Pater
 filio legatus ad Suessulam in castra venit. quum obviam
 filius progrediretur, lictoresque verecundia majestatis ejus
 taciti anteirent; ³³ præter undecim fasces equo prævectus
 senex, ut consul ³⁴ animadvertere ³⁵ proximum lictorem jus-
 sit, et is, ut descenderet ex equo, inclamavit; tum demum
 desiliens, *Experiri, inquit, volui, fili, satin' scires, consulem*
te esse.

Prodigia.

Fabius pater a filio descendere equo jussus.

Altinius Arpinus venit ad Cos.

XLV. In ea castra Dasius Altinius Arpinus clam nocte
 cum tribus servis venit, promittens, si sibi præmio foret, se
 Arpos proditurum esse. Quum eam rem ad consilium re-
 tulisset Fabius, aliis *pro transfuga verberandus necandusque*
videri, ³⁶ ancipitis animi communis hostis. qui post Cannensem
cladem, tamquam cum fortuna fidem stare oporteret, ad Han-
nibalem ³⁷ discessisset, traxissetque ad defectionem Arpos;
quumque res Romana contra spem votaue ejus velut resurge-

³² M'. l. M. Gron.
 posteaquam Eæd.

³³ add. tunc Gron. Crév.

³⁴ quumque leg. tum

³² Provincia vetus] Vid. not. 41. ad c. 7. supra.

³³ Præter undecim fasces] Hinc apparet, quod et aliunde constat, lictores ire solitos ante magistratum, non gregatim, non binos ternosve, sed singulos, et in lineam.

³⁴ Animadvertere] Verbum proprium de lictoris officio. Videntur hoc verbo comprehendisse quidquid honoris lictor venienti magistratui exhibendum curaret, ut assurgere,

via decedere, equo aut curru descendere.

³⁵ Proximum lictorem] Proximus lictor is erat, qui proxime aberat a magistratu. Primus, is qui anteibat, et quasi ducebat agmen.

³⁶ Ancipitis animi communis hostis] Communis hostis et Romanorum et Pœnorum, cujus animus inter utroque anceps fluctuaret.

³⁷ Discessisset] Lege, ut est, in Mureti libris, descisset. GRONOVIVS.

ret, turpius videatur novam ³⁸ referre proditorem proditis U. C. 539.
 olim; ³⁹ qui aliunde stet semper, aliunde sentiat, infidus A. C. 213.
 socius, ⁴⁰ vanus hostis; ad ⁴¹ Faleriorum Pyrrhive prodito-
 torem tertium transfugis documentum esset. Contra ea con-
 sulis pater Fabius, temporum oblitos homines, in medio ar-
 dore belli, tamquam in pace, libera de quoque arbitria age-
 re, aiebat: Qui², ⁴² quum illud potius agendum atque eis co-
 gitandum sit, si quo modo fieri possit, ne qui socii a populo
 Romano desciscant, id non cogitent³; documentum autem di-
 cant⁴ statui oportere, si quis resipiscat, et antiquam societatem
 respiciat. Quod si abire ab Romanis liceat, redire ad eos non
 liceat: cui dubium esse, quin brevi deserta ab sociis Romana
 res, foederibus Punicis omnia in Italia juncta visura sit? Se
 tamen non eum esse, qui Altinio fidei quidquam censeat haben-
 dum, sed mediam consecuturum consilii viam. neque eum pro
 hoste, neque pro socio in præsentia habitum, libera custodia
 haud procul a castris placere in aliqua fida civitate servari per
 belli tempus: perpetrato bello, tum consultandum, utrum defec-
 tio prior plus merita sit poenæ, an hic reditus veniæ. Fabio
 adsensum est. catenisque ligatus, traditur et ipse et comi-
 tes: et auri satis magnum pondus, quod secum tum adtu-
 lerat, ei servari jussum. Calibus eum interdium solutum cus-
 todes sequebantur: nocte clausum adservabant. Arpis do-
 mi primum desiderari quærique est coeptus: dein fama,
 per totam urbem vulgata, tumultum, ut principe amisso,
 fecit: metuque rerum novarum extemplo nuncii ad Hanni-
 balem missi. Quibus nequaquam offensus Poenus, quia et
 ipsum, ut ambiguae fidei virum, suspectum jam pridem ha-
 bebat, et causam nactus erat tam ditis hominis bona possi-
 dendi vendendique; ceterum ut iræ magis, quam avaritiæ,
 datum crederent homines, ⁴³ crudelitati quoque gravitatem

² Qui del. Gron. Crev. ³ id non cogitent l. et non vocitent Eæd. ⁴ ducant Eæd.

³⁸ Referre proditorem proditis olim] De hac palmaria Gronovii cor-
 rectione vide ipsum disserentem l. IV.
 Observ. c. 11.

³⁹ Qui aliunde stet semper, aliunde sentiat] Qui semper alii faveat,
 quam cujus in partibus stet ejus cor-
 pus. Nempe ille, dum numerabatur
 in sociis Romanorum, faverat Pœnis;
 nunc quum habetur socius Pœnorum,
 favet Romanis.

⁴⁰ Vanus hostis] Levis, inconstans
 hostis, et facile transitorius in ejus
 partes, cujus se hostem ferat.

⁴¹ Faleriorum Pyrrhive prodito-
 rem] Faliscum ludimagistrum, de
 quo vid. supra l. V. c. 27. Niciam,
 vel Timocharem Pyrrhi medicum, * de

quo vid. Cic. l. III. de Off. n. 86.

⁴² Quum illud potius . . et non voci-
 tent] Locus corruptus, quem partim
 ex MSS. partim ex conjectura sic re-
 stituit Gronovius, l. IV. Observ. c. 11.
 Qui, quod illis potius agendum atque
 cogitandum sit . . . ne qui socii a popu-
 lo Romano desciscant, id non cogitent :
 documentum autem ducant . . .

⁴³ Crudelitati quoque gravitatem]
 Haud sane satis intelligitur, quid sit
 gravitatem addere crudelitati. Gro-
 novius ibid. testatur in quibusdam
 scriptis reperiri, crudelitatem quoque
 gravitati: unde efficit, crudelitatem
 quoque rapacitati addidit: bono sensu,
 et ad rem præsentem accommodato.

D. C. 539. addidit: conjugemque ejus ac liberos in castra adcitōs,
 A. C. 213. quæstione prius habita, primum de fuga Altinii, dein quan-
 Conjux ejus tum auri argentique domi relictum esset, satis cognitis om-
 et liberi nibus, vivos combussit.

Hannibale.
 Arpos ad-
 greditur
 Fabius.

XLVI. Fabius, ab Suessula profectus, Arpos primum institit obpugnare. ubi quum a quingentis fere passibus castra posuisset, contemplatus ex propinquo situm urbis moeniasque, quæ pars tutissima moenibus erat, ⁴⁴ qua maxime neglectam custodiam vidit, ea potissimum adgredi statuit. Comparatis omnibus, quæ ad urbes obpugnandas usui sunt, centurionum robora ex toto exercitu delegit, tribunosque viros fortes eis præfecit, et milites sexcentos, quantum satis visum est, adtribuit: eosque, ubi quartæ vigiliæ signum cecinisset, ad eum locum scalas jussit ferre. Porta ibi humilis et angusta erat, via infrequenti per desertam partem urbis: ⁴⁵ eam portam scalis prius transgressos ad murum pergere, et ex interiore parte vi claustra refringere jubet, et tenentes partem urbis cornu signum dare, ut ceteræ copiæ admoventur: parata omnia atque instructa sese habiturum. Ea inpigre facta: et, quod impedimentum agentibus fore videbatur, id maxime ad fallendum adjuvit. imber, ab nocte media coortus, custodes vigilesque, dilapsos et stationibus, subfugere in tecta coëgit. sonituque primo largioris procellæ strepitum molientium portam exaudiri prohibuit; lentior deinde æqualiorque accidens auribus magnam partem hominum sopivit. ⁴⁶ Postquam portam tenuerunt, cornicines in via paribus intervallis dispositos canere jubent, ut consulem excirent. Id ubi factum ex composito est, signa efferri consul jubet, ac paullo ante lucem per effractam portam urbem ingreditur.

Et capit.

XLVII. Tum demum hostes excitati sunt, jam et imbre conquiescente, et propinqua luce. Præsidium in urbe erat Hannibalis, quinque millia ferme armatorum: et ipsi Arpini tria millia hominum armabant. eos primos Poeni, ne quid ab tergo fraudis esset, hosti obposuerunt. Pugnatum primo in tenebris angustisque viis est: quum Romani non vias tantum, sed tecta etiam proxima portæ, occupassent, ne peti superne ac vulnerari

⁴⁴ Qua maxime neglectam custodiam vidit] Vulgo custodia: quam lectionem prorsus inconcinnam ferre non debuimus, quum in Victor. codice reperiremus custodiam. Idem liber præfert quoque videt, quod merito quis anteponeat quæ vidit.

⁴⁵ Eam portam . . transgressos, ad murum pergere] Qui portam scalis transgressi sunt, eos necesse non est ad murum pergere, quum in ipso

muro sint. Put. liber habet amurum perire. Secunda manus superscripsit ultimæ voci ge: atque inde propagatum est id quod vulgo legitur. Nobis antiquam scripturam diligenter intuentibus veniebat in mentem: eam portam, scalis prius transgressos murum, aperire.

⁴⁶ Postquam portam tenuerunt] Quidam scripti tenebant.

possent. Cogniti inter se quidam Arpinique et Romani; atque inde conloquia cepta fieri, percunctantibus Romanis, quid sibi vellent Arpini? quam ob noxam Romanorum, quod aut meritum Poenorum, pro alienigenis ac barbaris, Italici adversus veteres socios Romanos bellum gererent, et ⁴⁷ vectigalem ac stipendiariam Italiam Africae facerent? Arpinis ⁴⁸ purgantibus, ignaros omnium se venum a principibus datos Poeno, captos oppressosque a paucis esse. Initio orto, plures cum pluribus conloqui. postremo praetor Arpinus ab suis ad consulem deductus; fideque data inter signa aciesque, Arpini repente pro Romanis ⁴⁹ adversus Karthaginiensem² arma verterunt. Hispani quoque, paullo minus mille homines, nihil praeterea cum consule pacti, quam ut sine fraude Punicum emitteretur presidium, ad consulem transtulerunt signa. Karthaginiensibus portae patefactae, emissique cum fide incolumes ad Hannibalem Salapiam venerunt. Arpi sine clade ullius, praeterquam unius veteris proditoris, novi perfugae, restituti ad Romanos. Hispanis duplicia cibaria dari iussa: operaque eorum forti ac fidei persaepe respublica usa est. Quum ⁵⁰ consul alter in Apulia, alter in Lucanis esset; equites centum duodecim nobiles Campani, per speciem praedandi ex hostium agro, permissu magistratum ab Capua profecti, ad castra Romana, quae super Suessulam erant, venerunt. stationi militum, qui essent, dixerunt; conloqui sese³ cum praetore velle. Cn. Fulvius castris praerat: cui ubi nunciatum est, decem ex eo numero jussis inermibus deduci ad se, ubi, quae postularent, audivit, (nihil autem aliud petebant, quam ut, Capua recepta, bona sibi restituerentur) in fidem omnes accepti. Et ab altero praetore Sempronio Tuditano oppidum Aternum expugnatum. amplius septem millia hominum capta, et aeris argentique signati aliquantum. Romae foedum incendium per duas noctes ac diem unum tenuit: solo aequata omnia inter Salinas ac portam Carmentalem, cum ⁵¹ Aequimaelio Jugarioque vico. in templis Fortunae ac matris Matutae et Spei extra portam, late vagatus ignis sacra profanaque multa absumsit.

U. C. 539.
A. C. 218.
Arpinis ipsis adjuvantibus.

Campani equites 112.
ad castra Rom. veniunt.

Aternum captum.

Romae incendium.

Res in Hispania gestae.

Legati ad Syphacem missi a Scipionibus.

² Karthaginienses Gron. Crev.

³ se Eaed.

⁴⁷ Vectigalem. ac stipendiariam] Vid. not. 92. ad XXI. 41.

⁴⁸ Purgantibus] Hanc excusationem afferentibus, nempe se ignaros omnium remuneratorum esse Poeno a principibus civitatis suae.

⁴⁹ Adversus Carthaginienses] Op-

timi codd. Carthaginiensem: ut paulo ante venum a principibus datos Poeno.

⁵⁰ Consul alter] Magna scriptorum manus, consul alter. Et sic interdum maluit Livius.

⁵¹ Aequimaelio] Vid. l. IV. c. 16.

U. C. 539.
A. C. 213.

Unus apud
eum rema-
net militiae
magister.

sibus hostis factus: ad eum centuriones tres legatos mis-
runt, qui cum eo amicitiam societatemque facerent; et pol-
licerentur, si perseveraret urgere bello Karthaginienses,
gratam eam rem fore senatui populoque Romano, et adni-
suros, ut in tempore, et bene cumulatam gratiam referant.
Grata ea legatio barbaro fuit: conlocutusque cum legatis de
ratione belli gerundi, ut veterum militum verba audivit,
quam multarum rerum ipse ignarus esset, ex comparatione
tam ordinatae disciplinae, ⁵² animum advertit. ⁵³ Tum, primum
ut pro bonis ac fidelibus sociis facerent, oravit, *ut duo lega-
tionem referrent ad imperatores suos; unus apud sese magister
rei militaris remaneret.* rudem ad pedestria bella Numidarum
gentem esse, equis tantum habilem. Ita jam inde a principis
gentis majores suos bella gessisse, ita se a pueris insuetos. Sed ha-
bere hostem pedestri fidentem Martem: cui si æquari robore virum
velit, et sibi pedites comparandos esse; et ad id multitudine ho-
minum regnum abundare: sed armandi, ornandique et instru-
endi eos artem ignorare. omnia, velut forte congregata tur-
ba, ⁵⁴ vasta ac temeraria esse. Facturos se in praesentia,
quod vellet, legati responderunt: fide accepta, ut remitteret
extemplo eum, si imperatores sui non comprobassent factum.
Q. Statorio nomen fuit, qui ad regem remansit. ⁵⁵ Cum duobus
Romanis reliquis Numida legatos^b in Hispaniam misit ad acci-
piendam fidem ab imperatoribus Romanis. iisdem mandavit,
ut protinus Numidas, qui intra praesidia Karthaginiensium
auxiliares essent, ad transitionem perlicerent. Et Statorius
ex multa juventute regi pedites conscripsit: ordinatorumque
proxime morem Romanum, ⁵⁶ instruendo et decurrendo signa
sequi, et servare ordines docuit: et operi aliisque ⁵⁷ justis mi-
litaribus ita adsuefecit, ut brevi rex non equiti magis fideret,
quam pediti; conlatisque æquo campo signis, justo praelio:

^b reliquis Numida legatos l. relata; Numidasque legatos Gron. Crev.

⁵² *Animum advertit*] Sic saepe antiqui, quod postea per elisionem frequentius pronunciatum est *anim-advertit*. Pauca e multis quæ hic collegit Gronovius exempla reddemus in not. ad l. XXVIII. c. 14.

⁵³ *Tum primum, ut pro bonis*] Hic videtur inserenda ante *primum* vocula *hoc*, vel *id*, ex qua pendeant hæc verba, *ut duo legationem referrent. Tum oravit, hoc seu id primum ut pro bonis ac fidelibus sociis facerent, hoc ut primum sibi fidæ societatis munus et officium præstarent, nempe ut duo legationem referrent ad imperatores suos, unus.* Sic infra l. XXXV. c. 46. *Id primum eos pro amicis facturos, si insula excedant.*

⁵⁴ *Vasta*] Incondita, incomposita.

Emendatio Rubenii. Olim editi *sua iuscia*: scripti *suaisca*, vel *suasca*.

⁵⁵ *Cum duobus Romanis relata Numidasque legatos*] Admittenda videtur ea lectio, quam præfert, teste Gronovio, editio Juntina: *Cum duobus Romanis legatis Numida legatos in Hispaniam misit.*

⁵⁶ *Instruendo*] Dum instruuntur. Notum est illud Virgilii, *Uritque videndo Femina*. Et eodem modo Livius, supra l. XXIII. 37. *promovendo adjunctam . . turrem.*

⁵⁷ *Justis militaribus*] Munis militaribus. Sic dicuntur *justa funebria*. *Justa* sunt quodvis pensum, officium, munus. Sic l. IX. supra, c. 8. *quam omnia justa in deditionem nostram perfecta erunt.*

Karthaginiensem hostem superaret. Romanis quoque in U. C. 539. Hispania legatorum regis adventus magno emolumento fuit. A. C. 213. namque ad famam eorum transitiones crebrae ab Numidis coeptae fieri. Ita cum Syphace Romanis ⁵⁸juncta amicitia est. Quod ubi Karthaginienses acceperunt, extemplo ad Galam, in parte altera Numidiae (⁵⁹Massyli^c ea gens vocatur) regnantem, legatos mittunt.

XLIX. Filium Gala Masinissam habebat, septem et decem annos natum, ceterum juvenem ea indole, ut jam tum adpareret, latius regnum opulentiusque, quam accepisset, facturum. Legati, quoniam Syphax se Romanis junxisset, ut potentior societate eorum adversus reges populosque Africae esset, docent; melius fore Galae quoque, Karthaginiensibus jungi quam primum, antequam Syphax in Hispaniam, aut Romani in Africam transeant; obprimi Syphacem, nihildum praeter nomen ex foedere Romano habentem, posse. Facile persuasum Galae, filio deposcente id bellum, ut exercitum mitteret: qui, Karthaginiensium legionibus conjunctis, magno proelio Syphacem devicit. Triginta millia eo proelio hominum caesa dicuntur. Syphax cum paucis equitibus ⁶⁰in Maurusios ex acie Numidas (extremi prope oceanum adversus Gades colunt) refugit: adfluentibusque ad famam ejus undique barbaris, ingentes brevi copias armavit. cum quibus antequam in Hispaniam angusto diremtam freto trajiceret, Masinissa cum victore exercitu advenit: isque ibi cum Syphace ingenti gloria per se, sine ullis Karthaginiensium opibus, gessit bellum. In Hispania nihil memorabile gestum, praeterquam quod Celtiberum juventutem eadem mercede, ⁶¹qua pacta cum Karthaginiensibus erat, imperatores Romani ad se perduxerunt: et nobilissimos Hispanos supra trecentos in Italiam ad sollicitandos populares, qui inter auxilia Hannibalis erant, miserunt. Id modo ejus anni in Hispania ad memoriam insigne est, quod ⁶²mercenarium militem in castris neminem ante, quam tum Celtiberos, Romani habuerunt.

Karthagin.
cum Gala
foedus faciunt.

Masinissa
Galae F. Syphacem
vincit.

Celtiberi
primi mercede militantes apud Rom.

^c Massyli Gron.

⁵⁸ *Juncta amicitia est*] Pro *juncta* optimi scripti habent *coepa*: et placeret magis, si non eadem vox paulo ante reperiretur *transitiones coepae fieri*.

⁵⁹ *Massyli ea gens vocatur*] Hoc debetur Jac. Gronovio. Vulgo *Massyla*: Put. *masuli*.

⁶⁰ *In Maurusios ex acie Numidas*] Dele vocem *Numidas*.

⁶¹ *Quae pacta . . . erat*] Gronovius

ediderat *qua* ex duobus scriptis. Nobis potior fuit communis editorum lectio, quae longe clarior et expeditior est.

⁶² *Mercenarium militem in castris neminem ante*] Gallos transfugas primo Punico bello a Romanis in comilitum adscitos esse referunt Polybius et Zonaras. Quod si ita est, non primi Celtiberi in Romanis castris mercede militarunt.

EPITOME LIBRI XXV.

P. CORNELIUS Scipio, postea Africanus, ¹ ante annos ædilis factus est. Hannibal urbem Tarentum, præter arcem, ² in quam præsidium Romanorum fugerat, per Tarentinos juvenes, qui se noctu venatum ire simulaverant, cepit. Ludi Apollinares ex Marcii carminibus, quibus Cannensis clades prædicta fuerat, instituti sunt. A Q. Fulvio et Ap. Claudio consulibus adversus Hannonem Pœnorum ducem prospere pugnatum est. Ti. Sempronius Gracchus præconsul, ab hospite suo Lucano in insidias deductus, a Magone interfectus est. Centenius Penula, qui centurio militaverat, quum petisset a senatu, ut sibi exercitus daretur, pollicitusque esset, si hoc impetrasset, de Hannibale victoriam, octo millibus acceptis, militum dux factus, conflixit acie cum Hannibale, et cum exercitu cæsus est. Cn. Fulvius prætor male adversus Hannibalem pugnavit. in quo prælio hominum sexdecim millia ceciderunt: ipse cum equitibus ducentis effugit. Capua obsessa est a Q. Fulvio et Ap. Claudio consulibus. Claudius Marcellus Syracusas expugnavit anno tertio, et ingentem se virum gessit. in eo tumultu urbis capte Archimedes, intentus formis, quas in pulvere descripserat, interfectus est. P. et Cn. Scipiones in Hispania tot tantarumque rerum feliciter gestarum tristem exitum tulerunt: prope cum totis exercitibus cæsi ³ anno octavo, quam in Hispaniam ierant. amissaque ejus provinciæ possessio foret, nisi L. Marcii equitis Romani virtute et industria, contractis exercituum reliquiis, ejusdem hortatu, bina castra hostium expugnata essent. ⁴ Ad triginta septem millia cæsa, ad mille octingentos triginta capti, præda ingens parva. ⁵ Dux Marcius adpellatus est.

¹ Ante legitimos annos] Vocem legitimos omittunt Gronovianæ editiones, sed reliquæ agnoscunt: et Livius ipse infra c. 2. quod nondum . . legitima ætas esset.

² In quam præsidium Romanorum fugerat] Hoc totum orationis membrum, quod et in vet. lib. existare Sigonius testatur, et Campanus quoque, licet luxatis et in alienum locum trajectis vocibus, exhibet, addendum censuimus.

³ Octavo anno] Imo septimo, si Cn. Scipionem respicias; sexto, si Publium.

⁴ Ad triginta septem millia cæsi] Olim legebatur cæsa. Quis mutaverit, ignoramus. Sed cæsi elegantius est, et magis ad Livii gustum.

⁵ Dux Marcius appellatus est] Marcius dux electus fuerat a reliquiis exercituum, antequam confligeretur cum Pœnis, memorante Livio, hujus libri c. 37. Post victoriam eam ducem honoris causa appellatum esse nusquam scribit Livius. Itaque non satis constat, quid velit hoc loco auctor epitomes.

T. LIVII PATAVINI

LIBER XXV.

U. C. 539.
A. C. 213.
Hannibal
ad Taren-
tum.

Superstitio-
nes Romæ
exortæ.

DUM hæc in Africa atque in Hispania geruntur, Hannibal in agro Tarentino æstatem consumsit, spe per prodicionem urbis Tarentinorum potiundæ. ¹ ipsorum interim Sallentinorum ignobiles urbes ad eum defecerunt. Eodem tempore in Bruttis ex duodecim populis, qui ² anno priore ad Pœnos desciverant, Consentini et Thurini in fidem populi Romani redierunt. Et plures rediissent, ni T. ³ Pomponius Veientanus præfectus sociûm, prosperis aliquot populationibus in agro Bruttio iusti ducis speciem nactus, tumultuario exercitu coacto, cum Hannone conflixisset. Magna ibi vis hominum, sed inconditæ turbæ agrestium servorumque, cæsa aut capta est: minimumque jacturæ fuit, quod præfectus inter ceteros est captus, et tum temerariæ pugnæ auctor, et ante publicanus, omnibus malis artibus et reipublicæ et ⁴ societatibus infidus damnosusque. Sempronius consul in Lucanis multa proelia parva, haud ullum dignum memoratu, fecit: et ignobilia oppida Lucanorum aliquot expugnavit. Quo diutius trahebatur bellum, et variabant secundæ adversæque res non fortunam magis, quam animos, hominum; tanta religio, et ea magna ex parte externa, civitatem incessit, ut aut homines, aut Dii repente alii viderentur facti. nec jam in secreto modo atque intra parietes abolebantur Romani ritus; sed in publico etiam ac foro Capitolioque mulierum turba erat, nec sacrificantium, nec precantium Deos patrio more. Sacrificuli ac vates ceperant hominum mentes: quorum numerum auxit rustica plebs, ex incultis diutino bello infestisque agris egestate et metu in urbem compulsæ; et quæstus ex alieno errore facilis, quem velut ex concessæ artis usu exercebant. Primo secretæ bonorum indignationes exaudiebantur, deinde ⁴ ad Patres etiam et ad publicam querimoniam excessit res. Incusati graviter ab senatu ædiles

² T. 1. L. Gron. Crev.

¹ *Ipsorum interim Sallentinorum]* Lege cum Alb. Rubenio: *Ipsorum interim et Sallentinorum. Ipsos* intellige Tarentinos. GRONOVIVS.

² *Anno priore]* Duobus ante annis, aut etiam amplius. Vid. supra l. XXIV. c. 1. et l. XXIII. c. 30. Sed hæc minuta negligit fere Livius.

³ *Societatibus]* Publicanorum.

⁴ *Ad Patres . . et ad publicam querimoniam, excessit res]* Eo excessit res, ut jam Patres in eam inquirere se debere existimarent, quererenturque de ea tanquam ad rempublicam pertinente. Hæc querimonia vocatur *publica*, tum quia non jam a privatis, sed a toto senatu proficiacebatur; tum quia ad reipublicæ decus tranquillit-

⁵ triumvirique capitales, quod non prohiberent, quum emo- U. C. 539.
vere eam multitudinem e foro, ac disjicere adparatus sacrorum A. C. 213.
conati essent, haud procul afuit, quin violarentur. Ubi po-
tentius jam esse id malum adparuit, quam ut minores per
magistratus sedaretur, ⁶ M. Atilio prætori urbis negotium ab
senatu datum est, ut his religionibus populum liberaret. Is
et in concione senatusconsultum recitavit, et edixit, *Ut, qui-
cumque libros vaticinos precationesve, aut artem sacrificandi
conscriptam haberet, eos libros omnes literasque ad se ante* Coërcitæ a
Kalendas Apriles deferret: neu quis, in publico sacrove loco, senatu.
novo aut externo ritu sacrificaret.

II. Et aliquot publici sacerdotes mortui eo anno sunt: L. Sacerdotes
Cornelius Lentulus pontifex maximus, et C. Papirius C. F. mortui et
Maso pontifex, et P. Furius Philus augur, et C. Papirius L. subfecti.
F. Maso decemvir sacrorum. In Lentuli locum M. Cornelius
Cethegus, in Papirii Cn. Servilius Cæpio, pontifices subfecti
sunt. augur creatus L. Quinctius Flamininus, decemvir sacro-
rum L. Cornelius Lentulus. Comitiorum consularium jam
adpetebat tempus; sed, quia consules a bello intentos avocare
non placebat, Ti. Sempronius consul comitiorum causa dicta- Dictator co-
torem dixit C. Claudium Centhonem. ab eo magister equitum mitiorum
est dictus Q. Fulvius Flaccus. Dictator primo comitali die causa.
creavit consules Q. Fulvium Flaccum, magistrum equitum,
et Ap. Claudium Pulchrum, cui Sicilia provincia in prætura
fuerat. Tum prætores creati Cn. Fulvius Flaccus, C. Claudius
Nero, M. Junius Silanus, P. Cornelius Sulla. Comitibus per-
fectis, dictator magistratu abiit. ⁷ Ædilis curulis fuit eo anno
cum M. Cornelio Cethego P. Cornelius Scipio, cui post Afri- P. Corne-
cano fuit cognomen. huic petenti ædilitatem quum obsisterent lius Scipio
tribuni plebis, negantes rationem ejus habendam esse, ⁸ quod ædilis.

tatemque spectabat. Confer locum
plane geminum, L. IV. c. 30.

⁵ *Triumviri . . capitales*] Hi ma-
gistratus erant suffragiis populi creati,
qui de maleficiis et sceleribus cognos-
cerent. Multum de eorum potestate
detractum est, constitutis circa an-
num urbis conditæ 608. quæstionibus
perpetuis. Tum enim de vilissimis
fere hominibus, furibus servisque, ju-
dicavere ad columnam Mæniam, de
qua frequens occurrit apud scriptores
mentio. Iidem carceri præerant, et
supplicia de noxiis sumenda curabant.
Vid. Ascon. Pæd. in Divinat. et Pom-
pon. de Orig. Juris.

⁶ *M. Atilio prætori urbis*] Hic et
infra c. 3. legebatur *M. Æmilio*, et c.
12. *M. Æmilii*. Tribus his in locis
nomen M. Atilii reponendum curavit
Sigonius ex c. 44. l. XXIV. supra.

⁷ *Ædilis curulis fuit . . . cum M.
Cornelio Cethego P. Cornelius Scipio*]
Aliter Polybius, qui l. X. scribit Sci-
pionem ædilem curulem fuisse cum
L. fratre majore.

⁸ *Quod nondum ad petendum legiti-
ma ætas esset*] Nondum quidem leges
Annales latæ erant. Sed nimirum jam
tum sancitum fuerat, ne quis ullum
urbanum magistratum caperet, ante-
quam dena stipendia emerita haberet:
quod suo ævo servari docet Polybius,
l. VI. n. 17. Porro decimo-septimo de-
mum ætatis anno militiæ nomen da-
bant Romani. Itaque nullum pot-
erant magistratum urbanum gerere
ante annum ætatis vigesimum-septi-
mum. At Scipio tertio abhinc anno
quatuor et viginti tantum anno na-
tus esse dicatur, l. XXVI. c. 18.

U. C. 539.
A. C. 213.

nondum ad petendum legitima ætas esset: *Si me, inquit, omnes Quirites ædilem facere volunt, satis annorum habeo.* Tanto inde favore ad suffragium ferendum in tribus discursum est, ut tribuni repente incepto destiterint. Ædilitia largitio hæc fuit. Ludi Romani pro temporis illius copis magnifice facti, et diem unum instaurati, et ⁹ congii olei in vicos singulos dati. L. Villius Tappulus^b et M. Fundanius Fundulus, ædiles plebei, aliquot matronas apud populum probri accusarunt: quasdam ex eis damnatas in exsilium egerunt. Ludi plebei per biduum instaurati; et ¹⁰ Jovis epulum fuit ludorum causa.

U. C. 540.
A. C. 212.
Q. Fulvio
III. Ap.
Claudio
Coss.
Provinciae
et exercitus
divisi.

III. Q. Fulvius Flaccus tertium, Ap. Claudius consulatum ineunt. Et prætores provincias sortiti sunt; P. Cornelius Sulla urbanam et peregrinam, quæ duorum ante sors fuerat, Cn. Fulvius Flaccus Apuliam, C. Claudius Nero Suessulam, ¹¹ M. Junius Silanus Tuscos. Consulibus bellum cum Hannibale et binæ legiones decretæ: alter a Q. Fabio superioris anni consule, alter a Fulvio Centumalo acciperet. Prætorum, Fulvii Flacci, quæ Luceriæ sub Æmilio prætore; Neronis Claudii, quæ in Piceno sub C. Terentio fuissent, legiones essent. ¹² supplementum in eas quisque scriberet sibi^c. M. Junio in Tuscos legiones urbanæ prioris anni datæ. Ti. Sempronio Graccho et P. Sempronio Tuditano imperium provinciæque ¹³ Lucani et Galliæ cum suis exercitibus prorogatæ: item P. Lentulo, qua vetus provincia in Sicilia esset; M. Marcello Syracusæ, et qua Hieronis regnum fuisset: T. Otacilio classis: Græcia M. Valerio: Sardinia Q. Mucio Scaevolæ: Hispaniæ P. et Cn. Corneliis. Ad veteres exercitus duæ urbanæ legiones a consulibus scriptæ, summaque trium et viginti legionum eo anno effecta est. Delectum consulum M. Postumii Pyrgensis cum magno prope motu rerum factum inpediit. Publicanus erat Postumius, qui multis annis parem fraude avaritiæque neminem in civitate habuerat, præter T.^d Pomponium Veientanum, quem, populantem temere agros in Lucanis, ductu Han-

23. legioni-
bus bellum
gestum.

^b Tappulus Crev.

^d T. l. L. Gron. Crev.

^c quisque scriberet sibi leg. ipsi scriberent sibi Ead.

9 Congii olei] Quinæ libræ olei Patenses cum unciis fere 14.

10^a Jovis epulum] Epulum Jovi in Capitolio instructum et apparatus, quo scilicet sacerdotes vescerentur.

11 M. Junius Silanus Tuscos] Egregia Sigonii emendatio. Scripti et editi ante eum, tum hoc loco, tum paulo infra, ubi legitur M. Junio in Tuscos, pro Tuscos, vel in Tuscos præferebant inter consules vel inter consuli, vel aliud quid simile. Vidit ille hanc lectionem ex errore librariorum natam, qui scripserant intus cos. Quod qui omnibus litteris explicare volue-

runt, scripserunt intus consules, vel consuli, et deinde inter consules.

12 Supplementum in eas ipsi scriberent sibi] Ipsi intelligendi sunt prætores modo appellati: quorum in legiones supplementum, non consules, ut mos erat, sed ipsi prætores scribere jubentur. Quod editi exhibent, quisque scriberet sibi, nullus e MSS. tenet. Quamplurimi ipse scriberet sibi. Unus a Jac. Gronovio memoratus, et noster Victor. id habent quod edidimus.

13 Lucani et Galliæ] Lege Gallia, et intellige Cisalpinam. In alteram nondum Romani transcenderant.

nonis priore anno ceperant Karthaginienses. Hi, ¹⁴ quia publicum periculum erat a vi tempestatis in iis, quas portarentur ad exercitus et ementiti erant falsa naufragia, et ea ipsa, quae vera renuntiaverant, fraude ipsorum facta erant, non casu. in veteres quassasque naves paucis et parvi pretii rebus inpositis, quum merassent eas in alto, exceptis in prae paratas scaphas nautis, ¹⁵ multiplices fuisse merces ementiebantur. Ea fraus indicata M. Atilio praetori priore anno fuerat, ac per eum ad senatum delata, nec tamen ullo senatusconsulto notata: quia Patres ordinem publicanorum in tali tempore offensum nolebant. Populus severior vindex fraudis erat; excitatique tandem duo tribuni plebis Sp. et L. Carvili, quum rem invisam infamemque cernerent, ¹⁶ ducentum millium aëris multam M. Postumio dixerunt. ¹⁷ cui certandae quum dies advenisset, conciliumque tam frequens plebis adesset, ut multitudinem area Capitoli vix caperet; perorata causa, spes una videbatur esse, si C. Servilius Casca tribunus plebis, qui propinquus cognatusque Postumio erat, prius, quam ad suffragium tribus vocarentur, intercessisset. Testibus datis, tribuni populum submoverunt; sitellaque adlata est, ¹⁸ ut sortirentur, ubi Latini suffragium ferrent. Interim publicani Cascae instare, ¹⁹ ut concilio diem eximeret. populus reclamare: et forte ²⁰ in cornu primus sedebat Casca, cui simul metus pudorque animum versabat. Quum in eo parum praesidii esset, turbandae rei causa ²¹ publicani per vacuum in submoto locum cuneo irruerunt, iurgantes simul cum populo tribunisque. Nec procul dimi-

U. C. 440.
A. C. 312.
Postumii
publicani
fraus.

Multam ei
dicunt duo
Tr. Pl.

Publicano-
rum auda-
cia.

¹⁴ *Quia publicum periculum erat a vi tempestatis*] Vid. not. 26. ad l. XXIII. c. 49. supra.

¹⁵ ** Multiplices*] Multo ampliores, et majoris pretii rerum.

¹⁶ *Ducentum millium aëris*] Si intelligamus aë grave, ut fieri debere credimus, ducenta millia aëris aestimanda sunt marcis argenti Paris. 812. cum uncis 4.

¹⁷ *Cui certanda*] Tum multa certabatur, quum disceptabatur apud populum, jurene an injuria multa dicta esset a magistratu. Magistratus enim multare non poterat quemquam, sed multam pronunciare, quam deinde populus vel juberet, vel remitteret.

¹⁸ *Ut sortirentur, ubi Latini*] Campanus collidit, ubi lateri. Locus est corruptus. Nulli nisi cives Romani ferrent suffragium in comitiis. Nullus civis Romanus non ad unam e quinque et triginta tribubus pertinebat. Itaque qui Latini cives Romani erant, quum suam haberent certam tribum, nihil opus erat sortiri, qua in

tribu suffragium laturi essent. Hinc recte videtur Gronovius emendare, ut *sortirentur tribus*, nempe, quas esset prerogativa, ac dein suffragium ferrent. Gruchius tamen vulgatam lectionem utcumque tueri et exposcere conatur l. II. de Com. Rom. c. 3. extremo: at nobis quidem certe non probat.

¹⁹ *Ut concilio diem eximeret*] Ut hunc diem concilio, sive comitiis impendi vetaret, nempe intercedendo. Diem quoque saepe aliquis dicendo *arimebat*, sive *tollebat*, (utroque enim verbo utebantur) si perpetua oratione diem consumeret.

²⁰ ** In cornu*] In extremo et maxime prominente Rostrorum angulo.

²¹ *Publicani per vacuum*] Publicani conglobati et cuneo facto irruerunt per locum, in ea parte unde populus summotus erat, vacuum. Tribuni populum summovent, ut supra memoratum est. Itaque aliquid erat vacui intervalli tribunos inter et plebem. Eo publicani irruerunt.

U. C. 540. catione res erat, quum Fulvius consul tribunis, *Nonne videtis,*
A. C. 212. inquit, ²² *vos in ordinem coactos esse, et rem ad seditionem*
spectare, ni propere dimittitis plebis concilium?

IV. Plebe dimissa, senatus vocatur, et consules referunt de
concilio plebis turbato vi atque audacia publicanorum. *M.*
Furium Camillum, cujus exsilium ruina urbis secuta fuerit, dam-
nari se ab iratis civibus passum esse. Decemviros ante eum,
quorum legibus ad eam diem viverent, multos postea principes
civitatis, judicium de se populi passos. Postumium Pyrgensem
²³ *suffragium populo Romano extorsisse, concilium plebis sus-*
tulisse, tribunos in ordinem coëgisse, contra populum Romanum
²⁴ *aciem instruxisse¹, locum occupasse, ut tribunos a plebe inter-*
cluderet, tribus in suffragium vocari prohiberet. Nihil aliud
a cæde ac dimicatione continuisse homines, nisi patientiam ma-
gistratum, quod cesserint in præsentia furori atque audaciæ
paucorum, vincique se ac populum Romanum passi sint: et comi-
tia, quæ reus vi atque armis prohibiturus erat, ne causa quæren-
tibus dimicationem daretur, voluntate ipsius sustulerint. ²⁵ *Hæc*
quum ab optimo quoque pro atrocitate rei acta² essent, vim-
que eam contra rempublicam et pernicioso exemplo factam,
senatus decreasset; confestim Carvili tribuni plebis, omissa
multæ certatione, rei capitalis diem Postumio dixerunt: ac, ni
vades daret, prebendi a viatore, atque in carcerem duci jusse-
runt. Postumius, vadibus datis, non adfuit. Tribuni plebem
rogaverunt, plebesque ita scivit: Si M. Postumius ante Ka-
lendas Maias non prodisset, citatusque eo die non respondisset,
neque excusatus esset, ²⁶ *videri eum in exilio esse: bonaque ejus*
venire, ²⁷ *ipsi aqua et igni placere interdici. Singulis deinde eo-*
rum, qui turbæ ac tumultus concitatores fuerant, rei capitalis
diem dicere, ac vades poscere coeperunt. Primo non dantes,

Rei capita-
lis dies Pos-
tumio dici-
tur a Tr. Pl.

In exsilium
ipse et alii
aliquot ab-
eunt.

² Romano l. per vim Gron. Crev.
³ jacta Gron.

¹ instruxisse l. introduxisse Gron.

²² *Vos in ordinem coactos esse*] Vid.
not. 52. ad c. 35. l. III.

²³ *Suffragium populo per vim ex-*
torsisse] Scripti omittunt *per vim*.
Duo vel optimi habent *populo R.* id
est, Romano: quæ vera lectio vide-
tur: et eodem alludunt ceteri, qui
fere habent *populorum*. Legamus
ergo: *suffragium populo Romano ex-*
torsisse. Est aliqua emphasis in no-
mine populi Romani hic expresso.
Sic paulo infra, *contra populum Ro-*
manum aciem instruxisse.

²⁴ *Aciem instruxisse*] Sic plane
Vict. codex. Et firmant optimi e
Gronovianis, qui una tantum littera
decurtati præferunt *intruxisse*. Vul-
gatum *introduxisse* minus hoc loco
proprium est.

²⁵ *Hæc quum . . . acta essent*] Gro-
novius contra scriptos et editos legi
jussit *jacta*. Nobis hæc mutatio ne-
cessaria non visa est.

²⁶ *Videri*] Hæc erat apud Romanos
formula ferendæ in rerum sententiæ.
Cic. l. V. in Verr. n. 14. *Fecisse vi-*
deri pronunciavit. Vid. et not. 48. ad
XXXIV. 44. infra.

²⁷ *Ipsi aqua et igni . . . interdici*] Nulla lege apud Romanos maleficio
exilio multabatur. Vid. Cic. pro A.
Cæcina, n. 100. At mos erat aqua et
igni interdiceri sontibus, ut earum
rerum usu interdicto, sine quibus vita
hominum constare non potest, dam-
nati exulare cogerentur. Quibus igitur
aqua et igni interdictum erat, ii exules
erant, et civitatem amittebant.

deinde etiam eos, qui dare possent, in carcerem conjiciebant: U. C. 540. cujus rei periculum vitantes plerique in exsilium abierunt. A. C. 212.

V. Hunc fraus publicanorum, deinde fraudem audacia protegens, exitum habuit. ²⁸ Comitia inde pontifici maximo creando sunt habita. ²⁹ Ea comitia novus pontifex M. Cornelius Cethegus habuit. Tres ingenti certamine petierunt: Q. Fulvius Flaccus consul, qui et ante bis consul et censor fuerat: et T. Manlius Torquatus, et ipse duobus consulatibus et censura insignis: et P. Licinius Crassus, qui et ædilitatem curulem petiturus erat. hic senes honoratosque juvenis in eo certamine vicit^a. Ante hunc, intra centum annos et¹ viginti, nemo præter P. Cornelium Calussam, pontifex maximus creatus fuerat, qui sella curuli non sedisset. Consules quum ægre delectum conficerent, quod inopia juniorum non facile in utrumque, ut et novæ urbanæ legiones, et supplementum veteribus scriberetur, sufficiebat; senatus *absistere eos incepto* vetuit, et ³⁰ *triumviros binos creari* jussit: *alteros, qui citra, alteros, qui ultra* ³¹ *quingagesimum lapidem in pagis,* ³² *forisque, et conciliabulis omnem copiam ingenuorum inspicerent: et, si qui roboris satis ad ferenda arma habere viderentur, etiamsi nondum militari ætate essent, milites facerent. Tribuni plebis, si iis videretur, ad populum ferrent, ut, qui minores septem et decem annis sacramento dixissent, iis perinde stipendia procederent, ac si septem et decem annorum, aut majores, milites facti essent.* Ex hoc senatusconsulto creati triumviri bini conquisitionem ingenuorum per agros habuerunt. Eodem tempore ex Sicilia literæ M. Marcelli de postulatis militum, qui cum P. Lentulo militabant, in senatu recitatæ sunt. Cannensis reliquæ cladis hic exercitus erat,

P. Licinius
Pont. Max.
ante ædilitatem.

Delectuum
difficultas.

Legati Cannensis exercitus ad Marcellum.

^a devicit Gron. Crev.

¹ et del. Gron.

²⁸ Comitia . . pontifici maximo creando] L. Lentulus duobus sacerdotiis præditus fuerat, pontificatu, et pontificatu maximo. In ejus mortui locum Cethegus pontifex factus fuerat: hic pontifex maximus ipsi sufficitur. SIGON.

²⁹ Ea comitia novus pontifex] Grævius horum Livii verborum hunc esse sensum putat, Proleg. ad Tom. V. Thes. Ant. Rom. ut Cethegus collegii pontificum nomine petierit, ut comitia haberentur. Etenim, inquit, nusquam alibi, quam hic, legitur a pontifice habita fuisse comitia pontifici maximo creando, quum tot in aliis locis commemoretur comitia illa habuisse consules. Doctissimo viro eatenus assentiendum putamus, ut hæc comitia a consulibus, si quis vere

ac proprie loquatur, habita fuisse judicemus. Sed verba Livii aliquid amplius postulant, quam id quod eis ille tribuit. Fortasse in illis comitiis quæ pontifici maximo creando habebantur, fuit aliquod pontificum munus, aliquid ab ipsis peragendum; ut, etiam si minus proprie, aliquo tamen modo comitia illa habuisse dici possent.

³⁰ Triumviros binos] Duplex collegium triumvirorum.

³¹ Quingagesimum lapidem] Quingagesimum ab urbe milliarius.

³² Forisque et conciliabulis] Fora sunt oppidula, in quibus conventus negotiandi et nundinandi causa habebantur, ubi etiam jus dicebatur. In conciliabulis quoque jus dicebatur; at ea tamen foris inferiora erant. Vid. Turn. l. I. Advers. c. 11.

U. C. 340. relegatus in Siciliam, sicut ante dictum est, ne ante Punici
A. C. 212. belli finem in Italiam reportaretur.

VI. Hi permissu Lentuli primores equitum centurionum-
que, et robora ex legionibus peditum, legatos in hiberna ad
M. Marcellum miserunt, e quibus unus, potestate dicendi
Borum ora- facta, Consulem, inquit, te, M. Marcelle, in Italiam adissemus,
tio. quum primum de nobis, etsi non iniquum, certe triste senatus-
consultum factum est: nisi hoc sperassemus, in provinciam nos
morte regum turbatam ad grave bellum adversus Siculos simul
Poenosque mitti: et sanguine nostro ³³ vulneribusque nos ³⁴
³⁴ senatui¹ satisfacturos esse: sicut patrum memoria, ³⁵ qui capti
a Pyrrho ad Heracleam erant, adversus Pyrrhum ipsum pug-
nantes satisfecerunt. Quamquam quod ob meritum nostrum
succensuistis, Patres conscripti, nobis, aut succensetis? Ambo
mihi consules et universum senatum intueri videor, quum te, M.
Marcelle, intueor: quem si ad Cannas consulem habuissemus,
melior et reipublicæ et nostra fortuna esset. Sine, quæso, pri-
usquam de conditione nostra queror, noxam, cujus arguimur,
nos purgare. Si non Deum ira, nec fato, cujus lege immobilis
rerum humanarum ordo ³⁶ seritur, sed culpa periimus ad Can-
nas, cujus tandem ea culpa fuit? militum, an imperatorum?
Equidem miles nihil umquam dicam de imperatore meo, cui præ-
sertim gratias sciam ab senatu actas, quod non desperaverit de
republica; cui post fugam ab Cannis per omnes annos proro-
gatum imperium. Ceteros item ex reliquiis cladis ejus, quos
tribunos militum habuimus, honores petere et gerere, et provin-
cias obtinere audivimus. An vobis vestrisque liberis ignoscitis
facile, Patres conscripti, in hæc vilia capita sævi? et consuli
primoribusque aliis civitatis fugere, quum spes alia nulla esset,
turpe non fuit; milites utique morituros in aciem misistis? Ad
Alliam prope omnis exercitus fugit: ad Furculas Caudinas, ne

^k nos l. nostris nos Crev.

¹ senatui l. patriæ Gron.

³³ Vulneribusque nostris senatui sa-
tisfacturos esse] Hæc est ipsissima
scriptura codicis Teller. in qua hoc
unum minus placet quod *re nostris*
necessarium non est, et melius abes-
set. De voce *senatui* minime dubitare
nos sinit tota orationis mens, quæ ad
Patres dirigitur, Patres implorat, apud
Patres purgare crimina nititur, tan-
quam eos solos cum quibus sibi rem
esse milites existiment. Hanc emen-
dationem Bentleius conjectura præ-
ceperat, ad Horat. Od. III. 6. Grono-
vius, quia aliquot scripti præferunt
nostratui, inde effecerat *nos patriæ*.
Sed conjecturæ, etsi non improbabilis,
scriptam lectionem, et auctoritate,
et sensu potiore, anteponendam

duximus. Jac. Gronovius emendabat
parum feliciter *nos reatui*.

³⁴ *Senatui*] A quo scilicet dam-
nati et relegati in Siciliam sumus.

³⁵ *Qui capti a Pyrrho ad Hera-
cleam erant*] Vid. supra XXII. 59. et
ibi not. 97.

³⁶ *Seritur*] Connectitur, catenam
quandam efficiens a principiis rerum
causisque ad exitus pertinentem. Ver-
bum sero duplex est, ut jam observa-
vimus in not. 15. ad VII. 2. unum, a
quo fluunt *serui*, *satum*, quod nihil huc
pertinet: alterum quod flectitur per
serui, *sertum*, et idem fere est, quod
jungo, *necto*. Ab hoc posteriore pen-
det hoc loco *re seritur*.

expertus quidem certamen, arma tradidit hosti, ut alias puden- U. C. 540.
das clades exercituum taceam: tamen tantum afuit ab eo, ut A. C. 212.
ulla ignominia iis exercitibus quæreretur, ut et urbs Romæ per
eum exercitum, qui ab Allia Veios transfugerat, reciperaretur;
et Caudinæ legiones, quæ sine armis redierant Romam, arma
tæ remissæ in Samnium, eundem illum hostem sub jugum mise-
rint, qui hac sua ignominia lætatus fuerat. Cannensem vero
quisquam exercitum fugæ aut pavoris insimulare potest, ubi
plus quinquaginta millia hominum ceciderunt? unde consul
cum equitibus septuaginta fugit? unde nemo superest, nisi quem
hostis cædendo fessus reliquit? Quam captivis redemptio nega-
batur, nos vulgo homines laudabant, quod reipublicæ nos reser-
vassemus: quod ad consulem Venusiam redissemus, et speciem
justi exercitus fecissemus. Nunc deteriore conditione sumus,
quam apud patres nostros fuerant captivi. ³⁷ *quippe illis arma*
tantum atque ordo militandi, locusque, in quo tenderent in cas-
tris, est mutatus: quæ tamen, semel navata reipublicæ opera,
et uno felici prælio, recuperarunt. Nemo eorum relegatus in
exsilium est: nemini spes emerendi stipendia adempta: hostis
denique est datus, cum quo dimicantes, aut vitam semel, aut ig-
nominiam finirent. Nos, quibus (nisi quod commisimus, ut
quisquam ex Cannensi acie miles Romanus superesset) nihil
objici potest, non solum a patria procul Italiaque, sed ab hoste
etiam, relegati sumus. ubi senescamus in exsilio, ne qua opes^m,
ne qua occasio abolendæ ignominia, ne qua placandæ civium iræ,
ne qua denique bene moriendi sit. Neque ignominia finem, nec
virtutis præmium petimus; modo experiri animum, et virtutem
exercere liceat. laborem et periculum petimus, ut virorum, ut mi-
litum officio fungamur. Bellum in Sicilia jam alterum annum
ingenti dimicatione geritur: urbes alias Pænus, alias Romanus
expugnat: ³⁸ peditum, equitum acies concurrunt: ad Syracusas
terra marique res geritur: clamorem pignantium crepitumque
armorum exaudimus resides ipsi ac segnes, tamquam nec ma-
nus, nec arma habeamus. Servorum legionibus Ti. Sempronius
consul toties jam cum hoste signis conlatis pugnavit. Operæ
pretium habent, libertatem civitatemque. ³⁹ Pro servis saltem ad
hoc bellum emptis vobis simus. congrædi cum hoste liceat, et pug-
nando quærere libertatem. Vis tu mari, vis terra, vis acie, vis

^m opes l. spes Gron. Crev.

³⁷ * Quippe illis arma tantum] Hic designatur poena iis captivis quos Pyrrhus reddiderat a senatu injuncta. Decreverunt, inquit Val. Max. l. II. c. 7. ut . . . qui equo meruerant, peditum numero militarent; qui pedites fuerant, in funditorum auxilia transcriberentur. Sic arma illis, et ordo militandi mutatus. Locum in quo tenderent,

non mutatum in castris scribit Valerius, sed assignatum extra castra.

³⁸ Peditum, equitum acies concurrunt] Vulgo peditum et equitum. Put. liber ignorat copulativam: qua detracta vividior fit oratio.

³⁹ Pro servis . . . emptis vobis simus] Sic vere Salmasius. Antea: pro servis . . . emptis nobis simul.

U. C. 540. *urbibus obpugnandis experiri virtutem? asperrima quæque*
 A. C. 212. *ad laborem periculumque depreciamur, ut, quod ad Cannas faciendum fuit, quamprimum fiat; quoniam, quidquid postea viximus, id omne destinatum ignominiae est.*

Ad senatum rejectum reji-
 untur.

Senatus se-
 veritas.

Obsides Ta-
 rentini Ro-
 ma fugiunt.

VII. Sub hæc dicta ad genua Marcelli procubuerunt. Marcellus id nec juris, nec potestatis suæ esse dixit. senatui scripturum se, omniaque de sententia Patrum facturum esse. Hæ literæ ad novos consules adlatæ, ac per eos in senatu recitatæ sunt: consultusque de his literis ita decrevit senatus: *Militibus, qui ad Cannas commilitones suos pugnantes deseruissent, senatum nihil videre, cur respublica committenda sit. Si M. Claudio proconsuli aliter videretur, faceret, quod e republica fideque sua duceret:* ⁴⁰ *dum ne quis eorum munere vacaret, neu dono militari virtutis ergo donaretur, neu in Italiam reportaretur, donec hostis in terra Italia esset.* Comititia deinde a prætore urbano de senatus sententia plebisque scitu sunt habita: quibus creati sunt quinqueviri muris turribusque reficiendis: et triumviri bini; uni ⁴¹ *sacris conquirendis, donisque persignandis; alteri reficiendis ædibus Fortunæ et matris Matutæ intra portam Carmentalem, sed et Spei extra portam, quæ priore anno incendio consumptæ fuerant. Tempestates foedæ fuere. In Albano monte biduum continenter lapidibus pluit. tacta de cælo multa: duæ in Capitolio ædes: vallum in castris multis locis supra Suessulam, et duo vigiles exanimati. murus turresque quædam Cumis non ictæ modo fulminibus, sed etiam decussæ. Reate saxum ingens visum volitare: sol rubere solito magis, sanguineoque similis. Horum prodigiorum causa diem unum supplicatio fuit, et per aliquot dies consules rebus divinis operam dederunt: et per eosdem dies sacrum novemdiale fuit. Quum Tarentinorum defectio jam diu et in spe Hannibali, et in suspitione Romanis esset, causa forte extrinsecus maturandæ ejus intervenit. Phileas Tarentinus, diu jam per speciem legationis Romæ quum esset, vir inquieti animi, et minime otium, quo tum diutino senescere videbatur, patientis, aditum sibi ad obsides Tarentinos invenit. Custodiebantur in atrio Libertatis minore cura, quia nec ipsis, nec civitati eorum fallere Romanos expediebat. Hos, crebris colloquiis sollicitatos, corruptis ædituis duobus, quum primis tenebris custodia eduxisset, ipse comes occulti itineris factus profugit. Luce prima vulgata per urbem fuga est: mis-*

⁴⁰ *Dum ne quis eorum munere vacaret*] *Munus* hic est onus militare, quale est, lignum, fœnum, stramen, aquam in castra portare, &c. Iis autem oneribus vacare quibusdam militibus virtutis ergo dabatur. Has etiam vacationes interdum pecunia a centurionibus redimere solitos esse milites docet Tac. l. I. Ann. c. 17. et

alibi sæpius.

⁴¹ *Sacris conquirendis, donisque persignandis*] Conquirendis sacris, quæ fuerant in ædibus de quibus infra, priore anno incendio absumptis. *Donis persignandis*, id est, recognoscendis et in tabulas publicas referendis donis, quæ eorundem templorum forent.

sique, qui sequerentur, ab Tarracina comprehensos omnes re- U. C. 540.
traxerunt. ⁴² deducti in comitio, virgisque, adprobante po- A. C. 212.
pulo, cæsi de saxo dejiciuntur.

VIII. Hujus atrocitas poenæ ⁴³ duarum nobilissimarum in Italia Græcarum civitatum animos irritavit, ⁴⁴ quum^a publice, tum etiam singulos privatim, ut quisque tam foede interemtus aut propinquitate, aut amicitia contingebat. Ex iis tredecim fere nobiles juvenes Tarentini conjuraverunt, quorum ^{Conjuratio Tarenti.} principes Nico et Philemenus erant. Hi, prius, quam aliquid moverent, conloquendum cum Hannibale rati, nocte per speciem venandi urbem^o egressi, ad eum proficiscuntur. et, quum haud procul castris abessent, ceteri silva prope viam sese oculuerunt: Nico et Philemenus, progressi ad stationes comprehensique, ultro id petentes, ad Hannibalem deducti sunt. Qui quum et caussas consilii sui, et quid pararent, exposuissent; conlaudati, oneratique promissis, jubentur, ut fidem popularibus facerent, ⁴⁵ prædandi caussa se urbe egressos, pecora Karthaginensium, quæ pastum propulsa essent, ad urbem agere. tuto ac sine certamine id facturos, promissum est. Conspecta ea præda juvenum est: minusque, iterum ac sæpius id eos audere, miraculo fuit. Congressi cum Hannibale rursus, fide sanxerunt, liberos Tarentinos leges suaque omnia habituros, neque ullum vectigal Poeno pensuros, præsidiumve invitos recepturos: prodita præsidia Karthaginensium fore. Hæc ubi convenerunt, tunc vero Philemenus consuetudinem nocte egrediundi redeundique in urbem frequentiore facere: (et erat venandi studio insignis) canesque et alius apparatus sequebatur; captumque ferme aliquid, aut ab hoste ex præparato ablatum reportando, donabat aut præfecto, aut custodibus portarum. nocte maxime commeare propter metum hostium, credebant. Ubi jam eo consuetudinis adducta res est, ut, quocumque noctis tempore sibilo dedisset signum, porta aperiretur, tempus agenda rei Hannibali visum est. Tridui viam aberat: ubi, quo minus mirum esset, uno eodemque loco stativa eum tamdiu habere, ægrum simulabat. Romanis quoque, qui in præsidio Tarenti erant, suspecta esse jam segnis mora ejus desierat.

^a tum Gron.

^o urbe Gron. Crev.

⁴² *Deducti in comitio*] Legendum videtur: *reducti, virgisque in comitio, populo approbante, cæsi.*

⁴³ *Duarum . . Græcarum civitatum*] Tarentinorum, de quorum defectione statim agetur: Thurinorum, de quibus infra, c. 15.

⁴⁴ *Cum publice*] Levicula res est. Sed tamen quum, Gronovio teste, tres bonæ notæ scripti habeant *cum*, illis obtemperandum esse duximus,

potius quam vulgatis, in quibus legitur *tum publice*.

⁴⁵ *Prædandi causa se urbe egressos*] Supra dicuntur hi juvenes *nocte per speciem venandi egressi*. Infra de venatione iterum sermo est. Itaque intelligendum est eos significasse portarum custodibus se in utrumque paratos exire, ut et venarentur, et, si daretur occasio, ex hoste prædas agerent.

U. C. 540.
A. C. 212.
Hannibal it
Tarentum
versus.

IX. Ceterum postquam Tarentum ire constituit, decem milibus peditum atque equitum, quos ⁴⁶ in expeditione velocitate corporum ac levitate armorum aptissimos esse ratus est, electis, quarta vigilia noctis signa movit. præmissisque octoginta fere Numidis equitibus præcepit, ut discurrerent circa vias, perlustrarentque omnia oculis, ne quis agrestium procul spectator agminis falleret; prægressos retraherent, obvios occiderent, ut prædonum magis, quam exercitus, adcolis species esset. ipse, ⁴⁷ raptim agmine acto, quindecim ferme millium spatio castra ab Tarento posuit: et, ne ibi quidem ⁴⁸ nunciato, quo pergerent, tantum convocatos milites monuit, via omnes irent; nec diverti quemquam, aut excedere ordinem agminis paterentur, et in primis intenti ad imperia accipienda essent; neu quid nisi ducum jussu facerent: se in tempore editurum, quæ vellet agi. Eadem ferme hora Tarentum fama pervenerat, Numidas equites paucos populari agros, terroremque late agrestibus injecisse. Ad quem nuncium nihil ultra motus præfectus Romanus, quam ut partem equitum postero die luce prima juberet exire ad arcendum populationibus hostem. ⁴⁹ in cetera adeo nihil ob id intenta cura est, ut contra pro argumento fuerit illa procursatio Numidarum, Hannibalem exercitumque castris non movisse. Hannibal ⁵⁰ concubia nocte movit. dux Philemenus erat, cum solito captae venationis onere. ceteri proditores ea, quæ composita erant, exspectabant. Convenerat autem, ut Philemenus, portula adsueta venationem inferens, armatos induceret: parte alia portam Temenida adiret Hannibal. ⁵¹ Ea mediterranea regione orientem spectabat. aliquantum intra moenia includun-

⁴⁶ *In expeditione*] Magis placeret, in expeditionem . . . aptissimos.

⁴⁷ *Raptim agmine acto*] Olim factio. Sigonius correxit.

⁴⁸ *Nunciato, quo pergerent*] Primo melius videretur *pergeret*. Deinde nunciamus ea fere quæ vidimus, audivimus, aut aliunde didicimus. Enunciamus quum cetera arcana, tum animi nostri consilia. Videtur igitur legendum, *enunciato quo pergeret*. Plancus apud Cic. ep. 8. l. X. ad Fam. *Optimæ mentis cogitata jampridem, maturo tempore enunciare*. Hæc fere Perizonius. Vid. et not. 53. ad l. IX. c. 16. supra.

⁴⁹ *In cetera adeo nihil ob id intenta cura est*] Locus hic pridem corruptus erat. Sic enim legebatur: *Interea adeo nihil obedienter curatum est. In cetera et cura est sunt a scriptis; reliqua emendatio, a sagaci Lipsii conjectura.*

⁵⁰ *Concubia nocte*] *Concubium*, sive

concubia nos, est illud noctis tempus, quum primum omnes fere cubile ac somnus habet. Vid. Macrob. l. I. Sat. c. 3. Polybius, cujus e libro VIII. totam hanc Tarentinæ defectionis narrationem sumpsit Livius, Annibalem movisse dicit *αὐτὰρ ὁ ἀπὸ τοῦ ὕπνου*, quod quidem potuisset verti, *primis intendentibus se tenebris*.

⁵¹ *Ea mediterranea . . . aliquantum*] Locus corruptus. Polybius auctor est, ad eam portam de qua hic agitur, intra moenia fuisse sepulcra Tarentinorum, ad quæ Nico sedere debebat Annibalem expectans. De iis sepulcris hic mentionem fecisse Livium, probabiliter omnino suspicantur Sigonius et uterque Gronovius, qui varie hunc locum refinxerunt. Nihil melius videtur, quam si legas: *Ea mediterranea regione Orientem spectat, ad busta quæ intra moenia includuntur.*

tur^p. Quum portæ adpropinquaret, editus ex composito ignis ab Hannibale est, refulsitque. idem redditum ab Nicone signum: extinctæ deinde utrimque flammæ sunt. Hannibal silentio ducebat ad portam. Nico ex improviso⁵² adortus sopitos vigiles in cubilibus suis obtruncat, portamque aperit. Hannibal cum peditum agmine ingreditur, equites subsistere jubet: ut, quo res postulet, obcurrere libero campo possent. Et Philemenus portulæ parte alia, qua commeari adsuerat, adpropinquabat. nota vox ejus et familiare jam signum quum excitasset vigilem, dicentis, vix sustinere grandis bestię onus, portula aperitur. inferentes aprum duos juvenes secutus ipse cum expedito venatore, vigilem, incautius miraculo magnitudinis in eos, qui ferebant, versum, venabulo trajicit. ingressi deinde triginta fere armati, ceteros vigiles obtruncant, refringuntque portam proximam: et agmen sub signis confestim inrupit. inde cum silentio in forum ducti, Hannibali sese junxerunt.⁵³ Cum duobus millibus Gallorum Poenus, in tres divisas partes, per urbem dimittit⁵⁴ Tarentinos, et itinera quam maxime frequentia occupare jubet: tumultu orto, Romanos passim cædi, oppidanis parci. sed, ut fieri id posset, præcipit juvenibus Tarentinis, ut, ubi quem suorum procul vidissent, quiescere et silere, ac bono animo esse juberent.

X. Jam tumultus erat clamorque, qualis esse in capta urbe solet: sed, quid rei esset, nemo satis pro certo scire. Tarentini Romanos ad diripiendam urbem credere coortos: Romanis seditio aliqua cum fraude videri ab oppidanis mota.⁵⁵ Præfectus primo excitatus tumultu, in portum effugit: inde, acceptus scapha, in arcem circumvehitur. Terrorem et tuba audita ex theatro faciebat. nam et Romana erat, a proditoribus ad hoc ipsum præparata: et inscients a Græco inflata, quis, aut quibus signum daret, incertum efficiebat. Ubi inluxit, et Romanis Punica et Gallica arma cognita,⁵⁶ tum dubitationem exemerunt: et Græci, Romanos passim cæde stratos cernentes, ab Hannibale captam urbem senserunt. Postquam lux certior erat, et Romani, qui cædibus superfuerant, in arcem confugerant, conticescebatque paullatim tumultus, tum

Romani in arcem confugiunt.

P includitur Gron.

⁵² *Adortus sopitos*] Pro *adortus*, vulgo editi habebant *ad portas*. Mutavit Gronovius ex optimo codice, qui præfert *adportus*.

⁵³ *Cum duobus millibus*] Hunc locum correxit partim ex libris, partim ex conjectura Gronovius. MSS. habent: *Tum duo millia Gallorum in tres divisa* (quidam *divisas*) *partes per urbem dimittit Tarentinos et infra quam maxime frequentia*.

⁵⁴ *Tarentinos*] Intellige quosdam ex conjuratis, ut disertis verbis docet Polybius.

⁵⁵ *Præfectus primo excitatus tumultu*] Polybius narrat eum hesterno gravatum mero tum maxime crapulam edormisse. De nomine ejus vid. not. 95. ad l. XXIV. c. 20. supra.

⁵⁶ *Tum dubitationem*] Vacat particula *tum*.

U. C. 540. Hannibal Tarentinos sine armis ⁵⁷ convocare jubet. Conve-
 A. C. 212. nere omnes, præterquam qui, cedentes in arcem, Romanos ad
 omnem adeundam simul fortunam prosecuti fuerant. Ibi
 Hannibal benigne Tarentinos adloquitur. Hannibal, benigne adlocutus Tarentinos, testatusque, quæ
 præstitisset civibus eorum, quos ad Trasimenum aut ad Can-
 nas cepisset, simul in dominationem superbam Romanorum
 invecus, recipere se in domos suas quemque jussit, et foribus
 nomen suum inscribere: se domos eas, quæ inscriptæ non
 essent, signo extemplo dato, diripi jussurum. Si quis in hos-
 pitio civis Romani (⁵⁸ vacuas autem tenebant domos) nomen
 inscripsisset, eum se pro hoste habiturum. Concione di-
 missa, quum titulis notatæ fores discrimen pacatæ ab hostili
 domo fecissent, signo dato, ad diripienda hospitia Romana
 passim discursum est. et fuit prædæ aliquantum.

Arx ab urbe
 vallo inter-
 sepitur.

XI. Postero die ad obpugnandam arcem ducit: ⁵⁹ quam
 quum et mari, quo in peninsulæ modum pars major circum-
 luitur, præaltis rupibus, et ab ipsa urbe muro et fossa in-
 genti septam videret, eoque nec vi, nec operibus expugnabi-
 lem esse; ne aut se ipsum cura tuendi Tarentinos a majori-
 bus rebus moraretur; aut in relictos sine valido præsidio
 Tarentinos inpetum ex arce, quum vellent, Romani facerent,
 vallo urbem ab arce intersepire statuit: non sine illa etiam
 spe, cum prohibentibus opus Romanis manum posse conseri;
 et, si ferocius procucurrissent, magna cæde ita adtenuari præ-
 sidii vires, ut facile per se ipsi Tarentini urbem ab iis tueri
 possent. Ubi coeptum opus est, patefacta repente porta, in-
 munientes inpetum fecerunt Romani: pellique se statio passa
 est, quæ pro opere erat, ut successu cresceret audacia, ⁶⁰ plu-
 resque et longius pulsos persequerentur⁹. Tum signo dato
 coorti undique Pœni sunt, quos instructos ad hoc Hannibal
 tenuerat; nec sustinere inpetum Romani, sed ab effusa fuga
 loci angustiae eos, inpeditaque alia opere jam coepto, alia
 adparatu operis, morabantur. plurimi in fossam præcipita-
 vere, occisique sunt plures in fuga, quam in pugna. Inde et
 opus nullo prohibente fieri coeptum. Fossa ingens ducta, et
 vallum intra eam erigitur: modicoque post intervallo murum
 etiam eadem regione addere parat, ut vel sine præsidio tueri
 se adversus Romanos possent. Reliquit tamen modicum
 præsidium, ⁶¹ ut simul in faciendo muro adjuvaret. ipse, pro-

⁹ *prosequerentur* Gron. Crev.

⁵⁷ *Convocare jubet*] Lege ex vetere
 Mureti libro *convocari*.

⁵⁸ *Vacuas autem tenebant domos*] *Vacuas domos*, id est, proprias, in qui-
 bus soli habitarent, non permisti cum
 Tarentinis civibus. Ceterum scripti
 habuere *tenebat*. Emendavit Lipsius.

⁵⁹ *Quam quum et mari*] Lege cum
 Gronovio *et a mari*. Intelligendum

est, arcem ab ea parte qua mari al-
 luebatur, rupibus septam fuisse; ab
 urbe, muro et fossa.

⁶⁰ *Pluresque et longius pulsos pro-*
sequerentur] Majorque numerus Ro-
 manorum *prosequerentur* pulsos Pœ-
 nos, et longius ab arce excurrerent.

⁶¹ *Ut simul in faciendo*] Reliquit
 Annibal modicam militum manum,

fectus cum ceteris copiis, ad Galæsum^{*} flumen (quinque millia U. C. 540. ab urbe abest) posuit castra. Ex iis stativis regressus ad inspi- A. C. 212. ciendum opus (quod aliquantum opinione ejus celerius creverat) spem cepit, etiam arcem expugnari posse. ⁶² Et est non al- Hannibal arcem ob- titudine, ut cetera, tuta, sed loco plano posita, et ab urbe muro pugnatur tantum ac fossa divisa. Quum jam machinationum omni genere et operibus obpugnaretur, missum a Metaponto præsidium Romanis fecit animum, ut nocte ex improviso opera hostium invaderent. Alia disjecerunt, alia igni conruperunt. isque finis Hannibali fuit ea parte arcem obpugnandi. Reliqua erat in obsidione spes, nec ea satis efficax, quia arcem tenentes, quæ in peninsula posita imminet faucibus portus, mare liberum habebant: urbs contra exclusa maritimis com- meatibus, propiusque inopiam erant obsidentes, quam obsessi. Hannibal, convocatis principibus Tarentinorum, omnes præ- sentes difficultates exposuit: *neque arcis tam munitæ expug- nandæ viam cernere, neque in obsidione quidquam habere spei, donec mari potiantur hostes. Quod si naves sint, quibus com- meatus invehî prohibeant, extemplo aut abcessuros, aut deditu- ros se hostes. Adsentiebantur Tarentini; ceterum ei, qui consilium adferret, opem quoque in eam rem adferendam esse, censebant. Punicas enim naves ex Sicilia aditas id posse facere; suas, quæ sinu exiguo intus inclusæ essent, quum claustra portus hostis haberet, equem ad modum inde in aper- tum mare evasuras? Evadent, inquit Hannibal. Multa, quæ impedita natura sunt, consilio expediuntur. Urbem in campo sitam habetis. planæ et satis latæ viæ patent in omnes partes.* ⁶³ *Via, quæ in portum per mediam urbem ad mare trans-* Plaustris naves trans- *missa est, plaustris transveham naves haud magna mole. et feruntur in mare. mare nostrum erit, quo nunc hostes potiuntur: et illinc mari, hinc terra circumsidebimus arcem, immo brevi, aut relictam ab hostibus,* ⁶⁴ *aut cum ipsis^{*} hostibus capiemus.* Hæc oratio non spem modo effectus, sed ingentem etiam ducis admirationem fecit. Contracta extemplo undique plaustra, junctaque inter se: et machinæ ad subducendas naves admotæ, munitumque

^{*} Galæsum Gron. Crev.

^{*} ipsis del. Gron.

quæ et præsidio esset urbi, et simul adjuvaret in faciendo muro. Ceterum, quia in scriptis plerisque legitur *præsidium simul interfaciendo*; recte videtur Perizonius conjicere, *simul ut in perficiendo*. Atque hic ordo nobis magis arridet, quam *ut simul*.

⁶² *Et est non altitudine, ut cetera, tuta*] Placeret magis, *ut cetera*, nempe arces, quæ fere in locis editis, et urbi imminentibus muniuntur.

⁶³ *Via, quæ in portum . . . ad mare transmissa est*] Scripti fere *in portu*.

Recte Sigonius legi jubet *ex portu*. Id enim agebatur, ut naves Tarentinorum, quæ in portu erant, at eum egredi nequibant, quod claustra portus hostis haberet, ex eo in apertum mare transmitterentur. Et ita habet Polybius, *ἐκ τοῦ λιμένος εἰς τὴν ἕω δάλασσαν*.

⁶⁴ *Aut cum ipsis hostibus capiemus*] Addidimus vocem *ipsis*, quam in bonæ fidei libris exstare testatur Jac. Gronovius, et nos in Put. aliisque reperimus.

U. C. 540. iter, quo faciliora plaustra minorque moles in transitu esset.
 A. C. 212. Jumenta inde et homines contracti, et opus inpigre coeptum: paucosque post dies classis instructa ac parata circumvehitur arcem, et ante os ipsum portus anchoras jact. Hunc statum rerum Hannibal Tarenti reliquit, regressus ipse in hiberna. Ceterum, defectio Tarentinorum utrum priore anno, an hoc, facta sit, in diversum auctores trahunt. plures propioresque ætate memoriæ rerum hoc anno ⁶⁵tradunt factum.

XII. Romæ consules prætoresque usque ante diem quintum Kalendas Maias ⁶⁶Latinæ tenuerunt. eo die perpetrato sacro ⁶⁷in monte, in suas quisque provincias proficiscuntur. Religio deinde nova objecta est ex carminibus Marcianis. Vates hic ^{Marcus vates.} Marcus inlustris fuerat, et quum conquisitio priore anno ex senatusconsulto talium librorum fieret, in M. Atilii prætoris urbani, qui eam rem agebat, manus ⁶⁸venerant. is protinus ⁶⁹novo prætori Sullæ tradiderat. Ex hujus Marcii duobus carminibus, ⁷⁰alterius post rem actam editi cum rato auctoritas eventu, alteri quoque, cujus nondum tempus venerat, adferebat fidem. Priore carmine Cannensis prædicta clades in hæc ferme verba erat: ⁷¹*Amnem Trojugena Cannam Romane fuge: ne te alienigenæ cogant* ⁷²*in campo Diomedis conserere manus. Sed neque credes tu mihi, donec compleris sanguine campum; multaque millia occisa tua deferat* ⁷³*amnis in pontum magnum ex terra frugifera; piscibus atque avibus ferisque, quæ incolunt terras, iis* ⁷⁴*fuat esca caro tua. nam mihi ita Jupiter fatus est.* Et Diomedis Argivi campos et Cannam flumen, qui militaverant in iis locis, juxta atque ipsam cladem agnoscebant. Tum alterum carmen recitatum, non eo tantum obscurius, quia incertiora futura præteritis sunt, sed ⁷⁴per-

Marcus vates.

Cannensem cladem prædixerat.

⁷ deferet Gron. Crev.

⁶⁵ Tradunt factam] Sic habent priores editi, et unus e nostris MSS. Vulgo factum: omnino male et contra ipsas Grammaticæ leges. Clericus jam revocaverat probam lectionem.

⁶⁶ Latinæ] Feriæ: de quibus vid. not. 62. ad l. V. c. 17. supra.

⁶⁷ In monte] Albano.

⁶⁸ Venerant] Libri, vel carmina Marcii vatis. Jam monuerat Gronovius hoc ita legendum esse, non venerat; eique obsecutus erat Clericus: et consonant scripti omnes nostri.

⁶⁹ Novo prætori Sullæ] Is, teste Macrobio, l. I. Sat. c. 17. quod eo suadente ludi Apollinares ex libris Sibyllinis sunt instituti, Sibylla cognominatus est: et postea corrupto nomine Sylla cœpit vocitari.

⁷⁰ Alterius post rem actam] Alterius carminis post rem actam editi

auctoritas, quam ratam fecerat et comprobarat eventus. Cum rato eventu, est, cum eventu congruente, vero.

⁷¹ Amnem . . Cannam] Quis sit iste amnis Canna, parum liquet. Alii Ausfidum ipsum esse volunt; alii aliquem ignobilem rivulum, qui Cannas præterfluat.

⁷² In campo Diomedis] Diomedis campi in Apulia appellantur, qui ei in divisione regni, quam cum Dauno fecit, cesserant. FESTUS. Hic designantur Cannenses campi.

⁷³ Fuat] Antiquè, pro sit. *Tros Rutulurve fuat* apud Virgilium.

⁷⁴ Perplexius . . scripturæ genere] Nihil magnopere perplexum occurrit in sequenti carmine, quale a Livio editur. Si hæc Græco sermone a Marcio scripta fuerant, ut sane ambo hæc carmina, qualia hic recitantur,

plexius etiam scripturæ genere. *Hostem, Romani, si expel-* U. C. 540.
lere vultis, ⁷⁵*vomicamque, quæ gentium venit longe, Apollini* A. C. 212.
vovendos censeo ludos, qui quotannis comiter Apollini fiant: Alterum
quum populus dederit ex publico partem, privati uti conferant ejus vatici-
pro se suisque. Iis ludis faciendis præerit prætor is, qui jus nium.
populo plebeique dabit summum. Decemviri Græco ritu hos-
tiis sacra faciant. Hæc si recte faxitis, gaudebitis semper, fiet-
que res vestra melior. nam is Divus exstinguet perduelles ves-
tros, qui vestros campos pascunt placide. Ad id carmen ex-
planandum diem unum sumserunt. postero die senatuscon-
sultum factum est, ut ⁷⁶*decemviri libros, de ludis Apollini*
reque divina faciunda, inspicerent. Ea quum inspecta re-
lataque ad senatum essent, censuerunt Patres: Apollini ludos
vovendos faciundosque: et, quando ludi facti essent, ⁷⁷*duodecim*
millia æris prætori ad rem divinam et duas hostias majores dan-
das. Alterum senatusconsultum factum est, Ut decemviri
sacra Græco ritu facerent, ⁷⁸*hisque* ⁷⁹*hostiis. Apollini bove au-*
rato et capris duabus albis auratis, Latonæ bove femina aurata.
Ludos prætor in circo maximo quum factururus esset, edixit,
ut populus per eos ludos stipem Apollini, quantam commo-
dum esset, conferret. Hæc est origo ludorum Apollinarium, Origo Apol-
victoriæ, non valetudinis, ergo, ut plerique rentur, ⁸⁰*voto-* linarium
rum ^v*factorumque. populus coronatus spectavit: matronæ* ludorum.
supplicavere: vulgo apertis januis in propatulis epulati sunt,
celeberque dies omni ceremoniarum genere fuit.

XIII. Quum Hannibal circa Tarentum, consules ambo

^u *hisque* Crev. ^v post votorum interpunctio major, sequentisque periodi initium hoc: *Factosque populus* etc. Gron.

videntur redolere Græcos versus in Latinum sermonem translatos, possumus suspicari illam obscuritatem in eo positam fuisse, quod hujus secundi carminis Græca verba aliquid intortum magis perplexumque haberent.

⁷⁵ *Vomicamque, quæ gentium venit longe*] *Vomicamque*, quæ *vomica* gentium e longinquis regionibus venit. *Longe*, *μακρίδι*, e longinquo. Sunt qui malint interpretari, *vomicamque*, quæ venit longe gentium. Sed *longe gentium* minus sapit Græcam phrasin.

⁷⁶ *Decemviri libros, de ludis . . . inspicerent*] Scripti carent voce *libros*. Sed illa omnino necessaria videtur. Quid est enim *inspicere de ludis*? At *inspicere libros* solennis locutio est, ubi de Sibyllinis libris agitur. Credamus ergo Macrobio auctori, Patres Romanos non tantum tribuisse auctoritati Marcii vatis, ut non etiam Sibyllinos libros adire et consulere vellent, utrum ea quæ novus ille va-

tes præcipiebat, rite agi possent aut deberent.

⁷⁷ *Duodecim millia æris*] Id est, marcas argenti nostrates 18. cum sex unciiis. Vid. not. 63. ad l. XXIV. c. 11. supra.

⁷⁸ *Hisque hostiis*] Quæ mox nominabuntur. Editi habent *iis*: minus proprie. Scripti, quibus consentit Macrobius, *his*, vel, quod idem esse facile intelligitur, *hiis*.

⁷⁹ *Apollini bove aurato et capris duabus*] Recte suspicatur Jac. Gronovius excidiase hic nomen Dianæ. Quid enim capræ ad Apollinem? Et Dianam cum fratre jungi solenne erat. * Bos auratus est bos cujus cornua aurata fuere.

⁸⁰ *Votorum factorumque. Populus coronatus spectavit*] Vulgo . . . *votorum: factosque populos*. Nemo non statim videt, quantum ea scriptura quam ex Puteanæo codice expressam secuti sumus, anteponenda sit vulgatæ.

U. C. 540.
A. C. 212.
Capuæ inopia.

Hanno in
Campaniam cum
exercitu
venit.

in Samnio essent, sed circumsessuri Capuam viderentur; quod malum diuturnæ obsidionis esse solet, jam famem Campani sentiebant; quia sementem facere prohibuerant eos Romani exercitus. Itaque legatos ad Hannibalem miserunt, orantes, ut prius, quam consules in agros suos educerent legiones, viæque omnes hostium præsiidiis insiderentur, frumentum ex propinquis locis conveyi juberet Capuam. Hannibal, Hannonem ex Brutiis cum exercitu in Campaniam transire, et dare operam, ut frumenti copia fieret Campanis, jussit. Hanno, ex Brutiis profectus cum exercitu, vitabundus castra hostium consulesque, qui in Samnio erant, quum Benevento jam adpropinquaret, tria passuum millia ab ipsa urbe loco edito castra posuit. inde ex sociis circa populis, quo æstate comportatum erat, conveyi frumentum in castra jussit; præsiidiis datis, quæ commeatus eos prosequerentur. Capuam inde nuncium misit, qua die in castris ad accipiendum frumentum præsto essent, omni undique genere vehiculorum jumentorumque ex agris contracto. Id pro cetera socordia negligentiaque a Campanis actum. paullo plus quadringenta vehicula missa, et pauca præterea jumenta. ob id castigatis ab Hannone, quod ne fames quidem, quæ mutas accenderet bestias, curam eorum stimulare posset,⁸¹ alia prodita dies ad frumentum majore adparatu petendum. Ea omnia, sicut acta erant, quum enunciata Beneventanis essent, legatos decem extemplo ad consules (circa Bovianum castra Romanorum erant) miserunt. Qui quum, auditis, quæ ad Capuam agerentur, inter se comparassent, ut alter in Campaniam exercitum duceret; Fulvius, cui ea provincia obvenerat,⁸² profectus, nocte Beneventi^x mœnia est ingressus. Ex propinquo cognoscit, Hannonem cum exercitus parte profectum frumentatum: per quæstorem Campanis datum frumentum: duo millia plaustorum, inconditam inermemque aliam turbam, advenisse: per tumultum ac trepidationem omnia agi, castrorumque formam et militarem ordinem, inmixtis agrestibus iis ex terris, sublatum. His satis compertis, consul militibus edicit, signa tantum armaque in proximam noctem expedirent: castra Punica obpugnanda esse. Quarta vigilia profecti, sarcinis omnibus impedimentisque Beneventi relictis, paullo ante lucem quum ad castra pervenissent, tantum pavoris injecerunt, ut, si in plano castra

^x *Beneventum* Gron.

⁸¹ *Alia prodita dies*] Unus e nostris codd. *prodicta*: quod verum putamus. Verbum enim hoc proprium est de die longiore dicta. Vid. supra l. III. c. 57.

⁸² *Profectus nocte, Beneventi mœnia est ingressus*] Sic habent tres e scriptis nostris, duo *Benevento*: nullus *Beneventum*, quomodo in editis legitur.

posita essent, haud dubie primo inpetu capi potuerint. altitudo loci et munimenta defenderunt, quæ nulla ex parte adiri, nisi arduo ac difficili adscensu, poterant. Luce prima proelium ingens accensum est: nec vallum modo tutantur Pœni, sed, ut quibus locus æquior esset, deturbant nitentes per ardua hostes.

XIV. Vicit tamen omnia pertinax virtus, et aliquot simul partibus ad vallum ac fossas perventum est; sed cum multis vulneribus ac militum pernicië. Itaque convocatis tribunis militum consul, *absistendum temerario incepto*, ait: *tutius sibi videri, reduci eo die exercitum Beneventum: 83 dein postero castris se hostium jungi, ne exire inde Campani, neve Hanno regredi posset. Id quo facilius obtineatur, collegam quoque et exercitum ejus se adciturum, totumque eo versuros bellum.* hæc consilia ducis, quum jam receptui caneret, clamor militum adspernantium tam segne imperium disjecit. Proxima portæ hostium erat cohors Peligna: cujus præfectus Vibius Accuæus adreptum vexillum trans vallum hostium trajecit. Exsecratus inde seque et cohortem, si ejus vexilli hostes potiti essent, princeps ipse per fossam vallumque in castra inrumpit. Jamque intra vallum Peligni pugnabant, quum altera parte, Valerio Flacco tribuno militum tertiæ legionis exprobrante Romanis ignaviam, qui sociis captorum castrorum concederent decus, 84 T. Pedanius, princeps primus centurio, quum signifero signum ademisset, *Jam hoc signum, et hic centurio*, inquit, *intra vallum hostium erit. Sequantur, qui capi signum ab hoste prohibebuntur.* Manipulares sui primum transcendentem fossam, dein legio tota secuta est. Jam et consul, ad conspectum transgredientium vallum mutato consilio, ab revo-

Hannonis
castra capiuntur a
Romanis.

83 *Dein postero, castris]* Hæc parum clara sunt. Romano enim exercitu Beneventum reducto, quis vetare poterat, aut Campanos exire, aut Hannonem regredi. Adde quod in his vocibus *castris se hostium jungi* aliquid est inconcinnum, quod vix a manu Livii proficisci potuisse videatur. * Huic posteriori incommodo menderi aliquatenus possumus, si detracta una voce, adjecta alia, rescribamus: *castra castris hostium jungi.* † Put. liber ignorat *et se.*

84 *T. Pedanius, princeps primus centurio]* Hic idem infra vocatur *Princeps tertiæ legionis*, id est, secundum interpretationem Lipsii, l. II. de Milit. Rom. Dial. 8. primus Princeps, sive is qui primum ordinem Principum tertiæ legionis ducebat. Ubi

enim sine nota numeri *Princeps, Hastatus*, apud scriptores nominati reperiuntur, intelligendus est *primus*. At observat idem Lipsius hoc in loco, de quo nunc agimus, aliquid videri corruptum. Si enim hoc modo distinxeris, *Princeps primus, centurio*; vox *centurio* vacat. Si *Princeps, primus centurio*; falsum est. *Primus* enim *centurio* est centurio primipili. Itaque ille emendat: *Princeps primæ, sive prioris centuriæ.* In unoquoque enim manipulo duo erant ordines, sive centuriæ. Ordo autem dexter sinistro dignitate præstabat. Sic apud Cæsarem l. III. Civil. præter *Principem priorem*. * *Princeps* igitur *prior*, sive, *prioris centuriæ*, est is centurio qui in primo manipulo Principum priorem ordinem ducit.

U. C. 540. cando ad incitandos hortandosque versus milites, ostendere,
 A. C. 212. in quanto discrimine ac periculo fortissima cohors socio-
 rum et civium legio esset. Itaque pro se quisque omnes
 per æqua atque iniqua loca, quum undique tela conjiceren-
 tur, armaque et corpora hostes objicerent, pervadunt, in-
 rumpuntque. multi vulnerati, etiam quos vires sanguisque
 desereret, ut intra vallum hostium caderent, nitebantur.
 Capta itaque momento temporis, ⁸⁵velut in plano sita, nec
 permunita castra. Cædes inde, non jam pugna erat, om-
 nibus intra vallum permixtis. supra sex millia hostium oc-
 cisa, supra septem millia capitum, cum frumentatoribus
 Campanis omnique plastrorum et jumentorum adparatu,
 capta. et alia ingens præda fuit, quam Hanno, populabun-
 dus passim quum isset, ex sociorum populi Romani agris
 traxerat. Inde, dejectis hostium castris, Beneventum re-
 ditum est, prædamque ibi ambo consules (nam et Ap.
 Claudius eo post paucos dies venit) vendiderunt, diviserunt-
 que. et donati, quorum opera castra hostium capta erant:
 ante alios Accuæus Pelignus, et T. Pedanius princeps tertie
 legionis. Hanno ab Cominio Cerito, quo nunciata cas-
 trorum clades est, cum paucis frumentatoribus, quos forte
 secum habuerat, fugæ magis, quam itineris, modo in Bruttios
 rediit.

Hanno red-
 it in Brut-
 tios.

Campani
 Hanniba-
 lem vocant.

Arcem Ta-
 rentinam
 frumento et
 milite in-
 struunt Ro-
 mani.

XV. Et Campani, audita sua pariter sociorumque clade,
 legatos ad Hannibalem miserunt, qui nunciarent, *duos con-
 sules ad Beneventum esse, diei iter a Capua; tantum non ad
 portas et muros bellum esse. ni propere subveniat, celerius Ca-
 puam, quam Arpos, in potestatem hostium venturam. Ne Ta-
 rentum quidem, non modo arcem, tanti debere esse, ut Capuam,
 quam Karthagini æquare sit. solitus, desertam indefensamque
 populo Romano tradat.* Hannibal, curæ sibi fore rem Cam-
 panam pollicitus, in præsentia duo millia equitum cum le-
 gatis mittit, quo præsidio agros populationibus possent
 prohibere. Romanis interim, sicut aliarum rerum, arcis Ta-
 rentinæ, præsidiique, quod ibi obsideretur, cura esse. C.
 Servilius legatus, ex auctoritate Patrum a P. Cornelio præ-
 tore in Etruriam ad frumentum coëmendum missus, cum
 aliquot navibus onustis in portum Tarentinum inter hos-
 tium custodias pervenit. Cujus adventu, qui ante, in exi-
 gua spe, vocati sæpe ad transitionem ab hostibus per con-
 loquia erant, ultro ad transeundum hostes vocabant sollici-
 tabantque. et erat satis validum præsidium, traductis ad
 arcem Tarenti tuendam, qui Metaponti erant, militibus.

⁸⁵ *Velut in plano sita*] Velut si in
 plano sita fuissent, nec permunita.
 Supra c. 14. observavit Livius castra

Punica altitudine loci et munimentis
 firmata fuisse.

Itaque Metapontini extemplo, metu, quo tenebantur, liberati, ad Hannibalem defecere. Hoc idem eadem ora maris et Thurini fecerunt. movit eos non Tarentinorum magis defectio Metapontinorumque, quibus, ⁸⁶ indidem ex Achaia oriundi, etiam cognatione juncti erant, quam ira in Romanos propter obsides nuper interfectos. Eorum amici cognatique literas ac nuncios ad Hannonem Magonemque, qui in propinquo in Brutiis erant, miserunt, *si exercitum ad moenia admovissent, se in potestatem eorum urbem tradituros esse*. M. Atinius Thuriis cum modico praesidio praerat. quem facile elici ad certamen temere ineundum rebantur posse; non militum, quos perpauca habebat, fiducia, quam juventutis Thurinæ. eam ex industria centuriaverat armaveratque ad tales casus. Divisis copiis inter se, duces Poeni quum agrum Thurinum ingressi essent, Hanno cum peditum agmine infestis signis ire ad urbem pergit. Mago cum equitatu, tectus collibus, ⁸⁷ ad tegendas insidias obpositis, subsistit. Atinius, peditum tantum agmine per exploratores comperto, in aciem copias educit, ⁸⁸ et fraudis intestinæ, et hostium insidiarum ignarus. Pedestre praelium fuit persegne, paucis in prima acie pugnantibus Romanis; Thurinis exspectantibus magis, quam adjuvantibus, eventum: et Karthaginensium acies de industria pedem referebat, ut ad terga collis ab equite suo insessi hostem incautum pertraheret. Quo ubi ventum est, coorti cum clamore equites, ⁸⁹ propere inconditam Thurinorum turbam, nec satis fido animo, unde pugnabat, stantem, extemplo in fugam averterunt. Romani, quamquam circumventos hinc pedes, hinc eques urgebat, tamen aliquamdiu pugnam traxere. postremo et ipsi terga vertunt, atque ab urbem fugiunt. Ibi proditores conglobati, quum popularium agmen patentibus portis accepissent, ubi Romanos fusos ad urbem ferri vident, conclamant, *instare Poenum, ⁹⁰ permixtosque et hostes urbem invasuros, ni propere portas claudant*. Ita exclusos

U. C. 540.
A. C. 212.
Metaponti-
ni Thurini-
que ad
Hanniba-
lem defi-
ciunt.

⁸⁶ *Indidem ex Achaia*] Ex eadem regione, nempe ex Achaia. Unus ex Hearnii codd. et noster Victorinus pro *indidem* habent *itidem*, quod fortasse erunt qui malint. Ceterum de cognatione inter Thurinos et Metapontinos vid. Strabonem, l. VI. p. 264. Quod ad Tarentinos attinet, ex eodem Strabonis loco apparet Thurinis adversus eos simultatem potius quam cognationem fuisse.

⁸⁷ *Ad tegendas insidias obpositis*] Tan. Faber legit *appositis*, id est, aptis.

⁸⁸ *Et fraudis intestinæ, et hostium*

insidiarum] Emenda cum Gronovio *hostilium*.

⁸⁹ *Prope inconditam*] Non omnino inconditam quidem, quippe centuriatam armatamque, ut supra dictum est, ab Atinio, sed parum exercitatum, parum assuefactam disciplinæ militari. Legi jussimus *prope*, non *propere*, ex duobus scriptis, quia *et propere* omnino hic supervacuum et otiosum erat, quum sequatur *extemplo*.

⁹⁰ *Permistosque et hostes*] Permis-
tosque cum Romanis etiam hostes.

U. C. 540.
A. C. 212.

Coss. in
Campanum
agrum le-
giones du-
cunt.

Prodigium
Graccho
factum.

Romanos præbuere hosti ad cædem. Atinius tamen cum paucis receptus. Seditio inde paullisper tenuit; quum ⁹¹alii urbem tuendam, ⁹²inde alii cedendum fortunæ, et tradendam urbem victoribus censerent. ceterum, ut plerumque, fortuna et consilia mala vicerunt: Atinio cum suis ad mare ac naves deducto, magis quia ipsi, ob imperium in se mite ac justum, consultum volebant, quam respectu Romanorum, Karthaginienses in urbem accipiunt. Consules a Benevento in Campanum agrum legiones ducunt, non ad ⁹³frumenta modo, quæ jam in hibernis erant, conrumpenda, sed ad Capuam obpugnandam; nobilem se consulatum tam opulentæ urbis excidio rati facturos, simul et ingens flagitium imperio demturos, quod urbi tam propinquæ ⁹⁴tertium annum impunita defectio esset. Ceterum, ne Beneventum sine præsidio esset, et ⁹⁵ut ad subita belli, si Hannibal (quod facturum haud dubitabant) ad opem ferendam sociis Capuam venisset, equites vim sustinere possent, Ti. Gracchum ex Lucanis cum equitatu ac levi armatura Beneventum venire jubent: legionibus stativisque ⁹⁶ad obtinendas res in Lucanis aliquem præficeret.

XVI. Graccho, priusquam ex Lucanis moveret, sacrificanti triste prodigium factum est. ad exta, sacrificio perpetrato, angues duo ex occulto adlapsi, ⁹⁷edère jecur, conspectique repente ex oculis abierunt. ⁹⁸id quum aruspicum monitu sacrificium instauraretur, atque intentius ⁹⁹exta reserata servarentur: iterum ac tertium venisse tradunt, libatoque jocinore intactos angues abiisse. Quum aruspices,

Y extares ollæ servarentur Gron. Crev.

⁹¹ *Alii urbem tuendam*] Hæc verba ab omnibus scriptis abesse Gronovius affirmat. Sed nobis sensus non videtur sine iis constare posse.

⁹² *Inde alii cedendum*] Suspectum est *re inde*, quod et redundat, et ex superiore versu temere huc immigrasse potuit.

⁹³ *Frumenta . . quæ jam in hibernis erant*] Vere omnino Jac. Gronovius emendat: *quæ jam in herbis erant*.

⁹⁴ *Tertium annum*] Capua defecit anno ipso Cannensis cladis. Ex quo apparet Livium, quum *tertium annum* dixit, annos medios intelligere, imperfectos non numerare. Alioquin *quintum* erat scribendum. SIGON.

⁹⁵ *Ut . . equites vim sustinere possent*] Ut equitatu possent sustinere vim Annibalis, qui equestribus copiis præcellebat.

⁹⁶ *Ad obtinendas res*] Ad tuendas res, ad tenendos in officio Lucanos.

⁹⁷ *Edère jecur*] Scripti *anaere*, vel *ademere*, vel aliud quid simile. Inde Gronovius judicat legendum *adedère*, vel *ambedère jecur*.

⁹⁸ *Id quum . . . sacrificium instauraretur*] Magis placeret *Et quum*.

⁹⁹ *Extares ollæ servarentur*] Conjectura Salmasii, quæ sensum procul dubio attingit. Sed nullum vestigium vocis *ollæ* neque in scriptis, neque in editis reperitur. Editi habebant *exta reserata servarentur*. Put. codex *exta resereservarentur*. Alius e regis *exta reservarentur*. Rubenius videtur veram Livii manum deprehendisse: *Extar*, sive ut quam proxime ad veterem scripturam accedamus, *extare servaretur*. Glossarium: *Extar*, *olla ubi exta coquebantur*. Quamplurima autem nomina utroque modo, scilicet in *ar* vel *are*, desinunt: ut *laqueare*, *laquear*; *pulvinare*, *pulvinar*, et similia.

ad imperatorem id pertinere prodigium, præmonuissent, et U. C. 540. ab occultis cavendum hominibus consultisque; nulla tamen A. C. 212. providentia fatum inminens moveri potuit. Flavius Lu-^{Flavius Lu-}canus fuit, caput partis ejus Lucanorum, quum pars ad^{canus pro-} Hannibalem defecisset, quæ cum Romanis stabat: ¹ et jam anno in magistratu erat; ab eisdem illis creatus prætor. Is, mutata repente voluntate, locum gratiæ apud Pœnum quærens, neque transire ipse, neque trahere ad defectionem Lucanos satis habuit, nisi imperatoris et ejusdem hospitis prodi capite ac sanguine foedus cum hostibus sanxisset. ad Magonem, qui in Bruttiiis præerat, clam in conloquium venit: fideque ab eo accepta, ² si Romanum iis ³ imperatorem tradidisset, liberos cum suis legibus venturos in amicitiam Lucanos; ⁴ deducit Pœnum, in locum pacis Gracchum adducturus. Magonem ibi pedites equitesque armare, et capere eas latebras, ubi ingentem numerum occuleret, jubet. Loco satis inspecto atque undique explorato, dies composita gerendæ rei est. Flavius ad Romanum imperatorem venit: *Rem se, ait, magnam inchoasse, ad quam perficiendam ipsius Gracchi opera opus esse.* ⁵ omnium populorum prætoribus, qui ad Pœnum in illo communi Italiæ motu descissent, persuasisse, ut redirent in amicitiam Romanorum: quando res quoque Romana, quæ prope exitium clade Cannensi venisset, in dies melior atque auctior fieret; Hannibalis vis senesceret, ac prope ad nihilum venisset. Veteri delicto haud inplacabiles fore Romanos: nullam umquam gentem magis exorabilem, promptioremque veniæ dandæ fuisse. quoties rebellionem etiam majorum suorum ignotum? ⁶ Hæc ab se, ait, dicta: ceterum ab ipso Graccho eadem hæc audire malle eos, præsentisque contingere dextram: id pignus fidei secum ferre. ⁶ Locum se consciis dixisse a conspectu amotum, haud procul a castris Romanis. Ibi paucis verbis transigi rem

² iis del. Gron. Sed post imperatorem habet sibi.

¹ Et jam anno] Et jam annus erat ex quo magistratum Flavius gerebat. Expeditior est Vict. codicis scriptura, et eo anno. Sustulimus hinc mendum Gronovianarum editionum annuo, volentibus scriptis et vett. editis.

² Si Romanum iis imperatorem] Sic scripti: nisi quod quidam pro iis habent is, quod idem est. Sigonius dederat ex conjectura parum prospera sibi. Is, nempe Carthaginiensibus, qui facile ex sensu intelliguntur.

³ Deducit Pœnum, in locum pacis] Hunc locum plane vitiatum sic refingit adjutus optimo codice Gronovius: deducit Pœnum, quo cum paucis Gracchum ait ducturum. Mago ubi pedi-

tes equitesque armasset, caperet eas latebras, quæ ingentem numerum occulerent. Loco . . . Ipsa Put. codicis scriptura, ex qua hæc eruta est emendatio, talis est: Deducit Pœnum in locum paucis Gracchum adducturum mago ibi pedites equitesque armaret et capere eas latebras ubi ingentem numerum occuleret.

⁴ Omnium populorum] Lucanæ gentis.

⁵ Hæc ab se ait dicta] Scripti fere ab se sint dicta. Put. sindicta. Legamus Hæc ab sese dicta.

⁶ Locum se consciis] Gronovii conjectura verissima. Olim consiliis vel conciliis.

U. C. 540.
A. C. 212.

Gracchus
proditione
circumven-
tus.

posse, ut omne nomen Lucanum in fide ac societate Romana sit. Gracchus, fraudem et sermoni et rei abesse ratus, ac similitudine veri captus, cum lictoribus ac turma equitum e castris profectus, duce hospite in insidias ⁷ præcipitatur. Hostes subito exorti: et, ne dubia proditio esset, Flavius his se adjungit. tela undique in Gracchum atque equites conjiciuntur. Gracchus ex equo desilit, idem ceteros facere jubet, hortaturque, *Ut, quod unum reliquum fortuna fecerit, id cohonestent virtute.* Reliquum autem quid esse paucis, a multitudine in valle silva ac montibus septa circumventis, præter mortem? ⁸ id referre, utrum præbentes corpora pecorum modo inulti trucidentur, ⁹ an, toto animo a patiando expectandoque eventu in impetum atque iram verso, agentes audentesque, perfusi hostium cruore, inter expirantium inimicorum cumulata armaque et corpora cadant. Lucanum proditorem ac transfugam omnes peterent. qui eam victimam præ se ad inferos misisset, eum decus eximium egregiumque solatium suæ morti inventurum. Inter hæc dicta, paludamento circum lævum brachium intorto, (nam ne scuta quidem secum extulerant) in hostes impetum fecit. Major, quam pro numero hominum, editur pugna. jaculis maxime aperta corpora Romanorum, et quum undique ex altioribus locis in cavam vallem conjectus esset, transfiguntur. Gracchum, jam nudatum præsidio, vivum capere Poeni nituntur. ceterum ille, conspicatus Lucanum hospitem inter hostes, adeo infestus confertos invasit, ut parci ei sine multorum perniciæ non posset. Exanimem eum Mago extemplo ad Hannibalem misit, ponique cum captis simul fascibus ante tribunal imperatoris jussit. Hæc vera fama est. Gracchus in Lucanis ad campos, qui Veteres vocantur, perit.

XVII. Sunt, qui in agro Beneventano, prope Calorem fluvium, ostendant a castris cum lictoribus ac tribus servis lavandi causa progressum, quum forte inter salicta innata ripis laterent hostes, nudum atque inermem, saxisque, quæ volvit amnis, propugnātem, interfectum. Sunt, qui aruspicum monitu quingentos passus a castris progressum, uti loco puro ea, quæ ante dicta prodigia sunt, procuraret, ab insidentibus forte locum duabus turmis Numidarum circumventum scribant. ¹⁰ adeo nec locus, nec ratio mortis in

⁷ *Præcipitatur*] Vulgo *præcipitatus*. Mutavit idem Gronovius: et firmant duo e nostris codd.

⁸ *Id referre*] Id unum interesse. Vid. not. ad XXVIII. 19. qua similis plane locus paulo fusius explicatur.

⁹ *An toto animo .. in impetum atque iram verso*] Omnes scripti nostri, ut

et Gronoviani, ignorant vocem *animo*: unus etiam e nostris habet *toti*. Unde nova accedit auctoritas Gronovio emendanti: *An toti a patiando expectandoque eventu in impetum atque iram versi*.

¹⁰ *Adeo nec locus, nec ratio mortis constat*] Adeo non convenit inter

viro tam cláro et insigni constat. Funeris quoque Gracchi U. C. 540.
A. C. 212. varia est fama. Alii in castris Romanis sepultum ab suis, alii ab Hannibale (et ea vulgatior fama est) tradunt in vestibulo Punicorum castrorum rogam exstructum esse. armatum exercitum decucurrisse^a cum tripudiis Hispanorum, ¹¹ motibusque armorum et corporum suæ cuique genti assuetis, ipso Hannibale omni rerum verborumque honore exsequias celebrante. Hæc tradunt, qui in Lucanis rei gestæ auctores sunt. Si illis, qui ad Calorem fluvium interfectum memorant, credere velis, capitis tantum Gracchi hostes potiti sunt. eo delato ad Hannibalem, missus ab eo confestim Karthalo, qui in castra Romana ad Cn. Corneliū questorem deferret. is funus imperatoris in castris, celebrantibus cum exercitu Beneventanis, fecit.

XVIII. Consules, agrum Campanum ingressi, quum Coss. ad
Capuam
fusi. passim popularentur, eruptione oppidanorum et Magonis cum equitatu territi et^b trepidi, ad signa milites palatos passim revocarunt: et, vixdum instructa acie fusi, supra mille et quingentos milites amiserunt. Inde ingens ferocia superbæ suoapte ingenio genti crevit, multisque præliis lacescebant Romanos: sed intentiores ad cavendum consules una pugna fecerat, incaute atque inconsulte inita. Restituit tamen his animos, et illis minuit audaciam, parva una res. sed in bello nihil tam leve est, quod non magnæ interdum rei momentum faciat. T. Quinctio Crispino Badius Campanus hospes erat, perfamiliari hospitio junctus. Badius
Camp. pro-
vocat ad
pugnam
Rom. Cris-
pinum. creverat consuetudo, quod æger Romæ apud Crispinum Badius ante defectionem Campanam liberaliter comiterque curatus fuerat. ¹² Tum Badius, progressus ante stationes, quæ pro porta stabant, vocari Crispinum jussit. quod ubi est Crispino nunciatum, ratus colloquium amicum ac familiare quæri, manente memoria, etiam in discidio publicorum foederum, privati juris, paulum a ceteris processit. Postquam in conspectum venere, *Provoco te*, inquit, *ad pugnam, Crispine*, Badius: *conscendamus equos, submotisque alæis, uter bello melior sit, decernamus.* Ad ea Crispinus, *nec sibi, nec illi, aut, hostes deesse, in quibus virtutem ostendant:*

^a decurrisse Gron.^b ac Gron. Crev.

scriptores neque de loco, neque de ratione mortis. ^a Hoc vult Livius; non, incertum esse, quo loco, qua ratione perierit Gracchus. Dixit enim sine ulla dubitatione, eam veram famam esse quam primo executus est.

¹¹ *Motibus . . . suæ cuique genti assuetis*] Legi jubet Gronovius: *motibus . . . unicuique genti assuetis.* Nobis, quia Put. codex habet *suæ quique*, ce-

teri *suæ quisque*, magis placeret, *motibus suæ quibusque genti assuetis.* Persæpe occurrit in MSS. depravatum *et ibus in is*, vel contra. Nisi forte *quisque* accipiendum erit pro *quibusque*. Vid. not. 95. ad l. III. c. 22.

¹² *Tum Badius*] Put. liber, *Stum Badius.* Vult nempe *Is tum Badius.* Et sic melius connexa est oratio.

U. C. 540.
A. C. 212.

Singulare
eorum cer-
tamen.

Coes. pug-
nant cum
Hannibale,
æquo Mar-
te.

¹³ *Se^c, etiamsi in acie obcurrat, declinaturum, ne hospitali cæ-
de dextram violet.* conversusque abibat. Enimvero ferocius
tum Campanus increpare molliem ignaviamque, et ¹⁴ *se
digna probra in insonem jacere, hospitalem hostem adpel-
lans, simulantemque parcere, cui sciat parem se non esse. si pa-
rum publicis fœderibus ruptis diremta simul et privata jura
esse putet, Badium Campanum T. Quinctio Crispino Romano*
¹⁵ *palam^d, duobus exercitibus audientibus, ¹⁶ renunciare hospi-
tium.* Nihil sibi cum eo consociatum, nihil fœderatum hosti
cum hoste, cujus patriam ac penates publicos privatosque
obpugnatum venisset. Si vir esset, congregeretur. Diu
cunctantem Crispinum perpulere turmales, ne inpune in-
sultare Campanum pateretur. itaque tantum moratus, dum
imperatores consuleret, permetterentne sibi extra ordinem
in provocantem hostem pugnare, permissu eorum arma
cepit, equumque conscendit, et Badium, nomine compel-
lans, ad pugnam evocavit. Nulla mora a Campano facta
est. infestis equis concurrerunt^e. Crispinus supra scutum
sinistrum humerum Badio hasta transfixit, superque delap-
sum cum vulnere ex equo desiluit, ut pedes jacentum^f con-
ficeret. Badius, priusquam obprimeretur, parma atque
equo relicto, ad suos aufugit. Crispinus, equum, armaque
capta, et cruentam cuspidem insignis spoliis ostentans, cum
magna laude et gratulatione militum, ad consules est de-
ductus, laudatusque ibi magnifice, et donis donatus.

XIX. Hannibal ex agro Beneventano castra ad Capuam
quum movisset, tertio post die, quam venit, copias in
aciem eduxit: haudquaquam dubius, quod Campanis, ab-
sente se, paucos ante dies secunda fuisset pugna, quin inul-
to minus se suumque toties victorem exercitum sustinere
Romani possent. Ceterum, postquam pugnari cœptum est,
equitum maxime incursu, quum jaculis obrueretur, labora-
bat Romana acies: donec signum equitibus datum est, ut
in hostem admitterent equos. ita equestre proelium erat;
quum procul visus Sempronianus exercitus, cui Cn. Corne-
lius quæstor præerat, utrique parti parem metum præbuit,
ne hostes novi adventarent. Velut ex composito utrimque
signum receptui datum: reductique in castra prope æquo

^c *Se l. Se ab eo Gron. Crev.*
Eæd.

^d *add. omnibus Eæd.*

^e *concurrere*

^f *jacentem Eæd.*

¹³ *Se ab eo, etiamsi in acie occur-
rat, declinaturum]* In plurimis scrip-
tis non conspiciuntur *et ab eo*: quæ,
ut minime vitiant orationem, si ad-
sint, ita et abesse possunt sine sensus
dispendio.

¹⁴ *Se digna probra]* Probra qui-
bus ipse dignus erat.

¹⁵ *Palam omnibus]* Sic l. VI. c. 14.

supra, *palam populo*. Tamen hoc loco
plurimi scripti, neque optimi, omit-
tunt vocem *omnibus*.

¹⁶ *Renunciare hospitium]* Decla-
rare nullum jam esse hospitium; ir-
ritum facere et rescindere hospitii jus.
Eodem modo et sensu dicitur *renun-
ciare societatem, renunciare amici-
tiam*.

Marte discesserunt. plures tamen ab Romanis primo incur- U. C. 540.
su equitum ceciderunt. Inde ¹⁷ consules, ut averterent Ca- A. C. 412.
pua Hannibalem, nocte, quæ secuta est, diversi, Fulvius in
agrum Cumanum, Claudius in Lucanos abiit^z. Postero
die, quum vacua castra esse Romanorum nunciatum Han-
nibali esset, et duobus agminibus diversos abiisse; incertus
primo, utrum sequeretur, Appium institit sequi. Ille, circum-
ducto hoste, qua voluit, alio itinere ad Capuam rediit.
Hannibali alia in his locis bene gerendæ rei fortuna oblata
est. M. Centenius fuit cognomine Penula, insignis inter M. Cente-
¹⁸ primipili centuriones et magnitudine corporis et animo. ^{nus.}
is, perfunctus militia, per P. Cornelium Sullam prætorem
in senatum introductus, petit a Patribus, uti sibi quinque
millia militum darentur. *Se, peritum et hostis et regionum,
brevis operæ pretium facturum; et, quibus artibus ad id loco-
rum nostri et duces et exercitus capti forent, iis adversus inven-
torem usurum.* Id non promissum magis stolide quam stolide
creditum: tamquam eædem militares et imperatoriæ artes
essent. data, pro quinque, octo millia militum; pars dimidia
cives, pars socii: et ipse aliquantum voluntariorum itinere in
agris concivit, ac, prope duplicato exercitu, in Lucanos per-
venit; ubi Hannibal, nequidquam secutus Claudium, substi-
terat. Haud dubia res est, quippe inter Hannibalem ducem
et centurionem, exercitusque, alterum vincendo veteranum,
alterum novum totum, magna^b ex parte etiam tumultua-
rium ac semiermem. Ut conspecta inter se agmina sunt,
et neutra pars detrectavit pugnam, extemplo instructæ
acies. pugnatum tamen, ¹⁹ ut in nulla pari re, duas amplius
horas, concitata et¹, donec dux stetisset, Romana acie.
Postquam is, non pro vetere fama solum, sed etiam metu
futuri dedecoris, si sua temeritate contractæ cladi superes-
set, objectans se hostium telis, cecidit, fusa extemplo est
Romana acies. sed adeo ne fugæ quidem iter patuit, omni-
bus viis ab equite insessis, ut ex tanta multitudine vix mille
evaserint; ceteri passim, alii alia peste, absumti sint.

XX. Capua a consulibus iterum summa vi obsideri coep- Capua ob-
ta est: quæque in eam rem opus erant, comportabantur ^{sessæ.}
parabanturque. Casilinum frumentum convectum: ad
Vulturni ostium, ubi nunc urbs est, castellum communi-

^z abierunt Gron. Crev.

^b et magna Eæd.

¹ et del. Eæd.

¹⁷ Consules . . diversi, Fulvius in
agrum Cumanum, Claudius in Luca-
nos, abierunt] Put. codex abit: Vic-
tor. abiit: ut verbum ad ultimum
duntaxat nomen referatur. Et sic
interdum Livius. Ut c. 21. infra, ubi
vulgo legitur circa Herdoneam Roma-
næ legiones, et prætor Fulvius erant,

Put. erat. Vid. et not. 38. ad l. I. c.
58.

¹⁸ Primipili centuriones] Vid. not.
45. ad II. 27.

¹⁹ Ut in nulla pari re] Ut pugnari
potuit, ubi nulla res erat par; ubi
neque dux duci, neque exercitus ex-
ercitui ullo modo comparandus.

U. C. 540.
A. C. 212.

Cn. Fulvius in Apulia.

Ab Hannibale vincitur.

tum: (²⁰ ante Fabius Maximus munierat) praesidium impositum, ut¹ mare proximam et flumen in potestate essent. In ea duo maritima castella frumentum, quod ex Sardinia nuper missum erat, quodque M. Junius praetor ex Etruria coemerat, ab Ostia convectum est, ut exercitui per hiemem copia esset. Ceterum super eam cladem, quae in Lucanis accepta erat, volonum quoque exercitus, qui, vivo Graccho, summa fide stipendia fecerat, velut exanctoratus morte ducis, ab signis discessit. Hannibal non Capuam neglectam, neque, ut¹ tanto discrimine, desertos volebat socios: sed, prospero ex temeritate unius Romani ducis successu, in alterius ducis exercitusque obprimendi occasionem imminabat. Cn. Fulvium praetorem Apuli legati nuntiabant, primo, dum urbes quasdam Apulorum, quae ad Hannibalem descivissent, obpugnaret, intentius rem egisse: postea nimio successu et ipsum et milites, praeda impletos, in tantam licentiam socordiamque effuses, ut nulla disciplina militiae esset. Quum saepe alias, tum paucis diebus ante expertus, qualis sub inscio duce exercitus esset, in Apuliam castra movit.

XXI. Circa Herdoneam Romanae legiones et praetor Fulvius erant. quo ubi adlatum est, hostes adventare, prope est factum, ut injussu praetoris ²¹ signis convulsis in aciem exirent. nec res ulla magis tenuit, quam spes haud dubia, suo id^m arbitrio, ubi vellent, acturos. Nocte insequenti Hannibal, quum tumultuatum in castris, et plerisque ferociter, signum ut daret, instituisse duci ad arma vocantes sciret, haud dubius prosperae pugnae occasionem dari, tria millia expeditorum militum in villis circa, vepribusque, et silvis disponit; qui, signo dato, simul omnes e laebris exsisterent: et Magonem ac duo ferme millia equitum, qua fugam inclinaturam credebat, omnia itinera insidere jubet. his nocte praeparatis, prima luce in aciem copias educit. Nec Fulvius est cunctatus, non tam sua ulla spe, quam militum inpetu fortuito tractus. itaque eadem temeritate, qua processum in aciem est, instruitur ipsa acies ad libidinem militum forte procurentium consisten-

^k ut et Gron. Crev.

^l ut l. in Eaed.

^m id del. Eaed.

²⁰ *Ante Fabius Maximus munierat*] Non castellum ad Vulturum ostium, sed Puteolos Fabius munierat. Vid. l. XXIV. c. 7. Ac de Puteolis mentionem hoc loco facisse Livium patet, tum ex eo quod infra *duo maritima castella* appellat, tum ex c. 22. hujus libri, in quo Puteoli diserte nominantur. App. Claudius consul, D. Junio ad ostium Vulturum, M. Aurelio Colla Putcolis praeposito, qui &c.

Vult igitur Livius, praeter Puteolos, quos aliquanto ante Fabius munierat, etiam aliud castellum in eadem ora maris ad Vulturum ostium hoc anno fuisse communitum. Unde legendum videtur: *ad Vulturum ostium . . . castellum communitum: Puteolis (ante Fabius Maximus munierat) praesidium impositum: ut, &c.*

²¹ *Signis convulsis*] Vid. not. 38. ad III. 54.

tiumque, quo loco ipsorum tulisset animus, deinde per libi- v. C. 540.
dinem aut metum deserentium locum. prima legio et ²² si- A. C. 212.
nistra ala in primo instructæ, et in longitudinem porrecta
acies. clamantibus tribunis, *nihil introrsus roboris ac viriam
esse, et, quacumque inpetum fecisset hostisⁿ, perrupturos: ni-
hil^o*, quod salutare esset, non modo ad animum, sed ne ad
aures quidem admittebant. Et Hannibal, haudquaquam
similis dux, neque simili exercitu, neque ita instructo ade-
rat. ergo ne clamorem quidem atque inpetum primum eo-
rum Romani sustinere. Dux, stultitia et temeritate Cen-
tenio par, animo nequaquam comparandus, ubi rem incli-
natam ac trepidantes suos vidit, equo adrepto cum duoen-
tis ferme equitibus effugit: cetera a fronte pulsa, ²³ a^p ter-
go atque alis circumventa acies, eo usque est cæsa, ut ex
duodeviginti millibus hominum, duo milia haud amplius
evaserint. castris hostes potiti sunt.

XXII. Hæ clades, super aliam alia, Romam quum essent
nunciatæ, ingens quidem et luctus et pavor civitatem cepit.
sed tamen, quia consules, ubi summa rerum esset, ad id lo-
corum ²⁴ prospere rem gererent, minus his cladibus commo-
vebantur. Legatos ad consules mittunt C. Lætorium, M.
Metilium, qui nunciarent, ut reliquias duorum exercituum
cum cura conlegerent: darentque operam, ne per metum
ac desperationem hosti se dederent, (id quod post Cannen-
sem accidisset cladem) et ut desertores de exercitu volonum
conquirent. Idem negotii P. Cornelio datum, cui et de-
lectus mandatus erat: isque per fora conciliabulaque edixit,
ut conquisitio volonum fieret, iique ad signa reducerentur.
Hæc omnia intentissima cura acta. Ap. Claudius consul,
D. Junio ad ostium Vulturni, M. Aurelio Cotta Puteolis
præposito, qui, ut quæque naves ex Etruria ac Sardinia ac-
cessissent, extemplo in castra mitterent frumentum; ipse
ad Capuam regressus, Q. Fulvium collegam invenit ²⁵ Casi-
lini^q, omnia inde^r portantem^s molientemque ad obpugnan-

ⁿ fecissent hostes Gron. Crev.

^o nil Eæd.

^p a del. Gron.

^q Casilino Gron. Crev.

^r inde del. Eæd.

^s importantem Eæd.

²² Sinistra ala] Socialis exercitus
a Romanis dividebatur in duo cor-
pora: alterum appellabant *dexteram
alam*, alterum *sinistram*. Itaque id
fere erat *ala* in sociali exercitu, quod
legio in Romano. Hinc prima legio
et sinistra ala hoc loco junguntur,
tanquam corpora ejusdem generis at-
que ordinis. Cave igitur hic equites
intelligas. Fuere pedites socii. Vid.
Lips. l. II. de Milit. Rom. Dial. 7.

²³ A tergo atque alis] Alæ hic sunt
latera aciei. Ceterum scripti habent

in tergo.

²⁴ Prospere rem gererent] Olim
prospere gererent. Gronovius quum
reperiret in duobus MSS. vel optimis
prosperem gererent, fecit id quod habes
in contextu.

²⁵ Casilino omnia importantem]
Quum MSS. habeant *omnia inde por-
tantem*, vix videtur dubitari posse,
quin legendum sit: *collegam invenit
Casilini, omnia inde portantem*. Est
sic plane Victor, codex.

U. C. 340.
A. C. 212.

Capua ope-
ribus cingi-
tur.

Hannibal
auxilium
promittit
Campanis.

dam Capuam. ²⁶ Tum ambo¹ circumsederunt urbem, et Claudium Neronem prætorem ab Suessula ex ²⁷ Claudianis castris exciverunt. Is quoque, modico ibi præsidio ad tenendum locum relicto, ceteris omnibus copiis ad Capuam descendit. ita tria prætoria circa Capuam erecta, tres et exercitus diversis partibus opus adgressi, fossa valloque circumdare urbem parant, et castella excitant modicis intervallis: multisque simul locis cum prohibentibus opera Campanis eo eventu pugnant, ut postremo portis muroque se contineret Campanus. Prius tamen, quam hæc continuarentur opera, legati ad Hannibalem missi, qui quererentur, desertam ab eo Capuam, ac prope ²⁸ redditam Romanis: obtestarenturque, ut tunc saltem opem non circumsessis modo, sed etiam circumvallatis, ferret. Consulibus literæ a P. Cornelio prætore missæ, *Ut priusquam clauderent Capuam operibus, potestatem Campanis facerent, ut, qui eorum vellent, exirent ab Capua, suasque res secum auferrent. Liberos fore suaque omnia habituros, qui ante Idus Martias exissent. post eam diem quique exissent, quique ibi mansissent, hostium futuros numero.* ea pronunciata Campanis, atque ita spreta, ut ultro dicerent contumelias, minarenturque. Hannibal ab Herdonea Tarentum duxerat legiones; spe, aut vi, aut dolo, arcis Tarentinæ potiundæ. Quod ubi parum processit, ad Brundisium flexit iter, prodi id oppidum ratus. ibi quoque quum frustra tereret tempus, legati Campani ad eum venerunt, querentes simul, orantesque. quibus Hannibal magnifice respondit, et antea solvisse obsidionem, et nunc adventum suum consules non laturos. Cum hac spe dimissi legati, vix regredi Capuam, jam duplici fossa valloque cinctam, potuerunt.

XXIII. Quum maxime Capua circumvallaretur, Syracusarum obpugnatio ad finem venit, præterquam vi ac virtute ducis exercitusque, intestina etiam proditione adjuta. Namque Marcellus initio veris incertus, utrum Agrigentum ad Himilconem et Hippocraten verteret bellum, ²⁹ an obsidione Syracusas premeret, quamquam nec vi capi videbat

¹ ambo l. ambo consules Gron.

²⁶ Tum ambo circumsederunt urbem] Erasmus vocem consules, quam nostri libri, ut et optimi e Gronovianis, omittunt.

²⁷ Claudianis castris] Castris a Claudio Marcello primum communis, quæque, quum per aliquot jam annos starent, auctoris semper nomen servabant. Vid. l. XXIII. capp. 17. et 31.

²⁸ Redditam] Melius traditam.

²⁹ An obsidione Syracusas premeret]

Priore anno assederat Syracusis solus Appius, (eum enim sub finem demum ejusdem anni dimissum Romam esse credimus) dum Marcellus arma per Siciliam circumferebat, et adversus Himilconem et Hippocratem res gerebat. (Vid. not. 5. ad XXIV. 39. supra.) Hic igitur dubitat Marcellus, utrum ad Himilconem et Hippocratem versurus sit, quemadmodum priore anno, bellum, an remansurus ad premendas obsidione Syracusas.

posse inexpugnabilem terrestri ac maritimo situ urbem, U. C. 540.
³⁰ nec fame, quam prope liberi ab Karthagine commeatus A. C. 212.
alerent, tamen, ne quid inexpertum relinqueret, transfugas
Syracusanos (erant autem apud Romanos aliqui nobilissimi
viri, inter defectionem ab Romanis, quia ab novis consiliis
abhorrebant, pulsi) conloquiis suæ partis tentare hominum Conloquia
animos jussit, et fidem dare, si traditæ forent Syracusæ, li- de proden-
beros eos ac suis legibus victuros esse. Non erat conloqui dis Marcel-
copia, quia multorum animi suspecti omnium curam ocu- lo Syracu-
sis.
losque converterant, ne quid falleret tale admissum. Servus
unus exsulum, pro transfuga intromissus in urbem, conven-
tis paucis, initium conloquendi de tali re fecit. ³¹ deinde in
piscatoria quidam navi, retibus operti, circumvectique ita
ad castra Romana, conlocutique cum transfugis: et idem
sæpius eodem modo alii atque alii. postremo ad octoginta fac-
ti. Et, quum jam composita omnia ad prodicionem essent, in- Res defer-
dicio delato ad Epicyden per Attalum quemdam, indignantem tur ad Epi-
sibi rem creditam non esse, necati omnes cum cruciatu sunt. cyden.
Alia subinde spes, postquam hæc vana evaserat, excepit.
Damippus quidam Lacedæmonius, missus ab Syracusis ad
Philippum regem, captus ab Romanis navibus erat. hujus
utique redimendi et Epicydæ cura erat ingens; nec abnu-
it Marcellus, jam tum ³² Ætolorum, cujus gentis socii Lace-
dæmonii erant, amicitiam adfectantibus Romanis. Ad con-
loquium de redemptione ejus missis, medius maxime atque
utrisque opportunus locus, ad portum Trogiliorum, propter
turrin, quam vocant Galeagram, est visus. quo quum sæ-
pius commearent, unus ex Romanis, ex propinquo murum
contemplatus, numerando lapides, æstimandoque ipse se-
cum, ³³ quid in fronte paterent singuli, altitudinem^x muri,
quantum proxime conjectura poterat, permensus, humilio-
remque aliquanto pristina opinione sua et ceterorum omnium
ratus esse, et vel mediocribus scalis superabilem, ad Mar-
cellum rem defert. Haud spernenda visa. sed, quum adiri
locus, qui ob id ipsum intentius custodiebatur, non posset,
occasio quærebatur: quam obtulit transfuga, nuncians,

^u qui omissa paullo post voce *singuli* Gron.
tudinem Ead.

^x altitudinem l. *simul* alti-

³⁰ *Nec fame, quam*] Optimi MSS.
duo, *nec fame unquam*. Lege, *ut*
quam. GRON. * utpote quam.

³¹ *Deinde in piscatoria quidam*
navi] Omnes scripti respuunt in.

³² *Ætolorum, cujus gentis socii*] Vocem *gentis* ignorant MSS. tum Gronoviani, tum nostri. Gronovius legendum suspicatur *quibus*, vel *quicis* socii.

³³ *Quid in fronte paterent singuli*]

Vulgo hic habetur *qui . . . simul*: at pro *simul* legendum esse *singuli*, MSS. docent. Mutamus *qui* in *quid* ex proba Gronovii conjectura. Nimirum ille Romanus numerat, quot lapides ab imo muro ad summum essent: æstimat ipse secum, quid in fronte, id est, in altitudine paterent singuli: inde colligit, quæ sit altitudo muri ipsius.

U. C. 540: ³⁴diem festum Dianæ per triduum agi, et, quia alia in obsi-
 A. C. 212: dione desint, vino largius epulas celebrari, et ab Epicuræ
 præbito universæ plebei, et per tribus a principibus diviso.
 Id ubi accepit Marcellus, cum paucis tribunorum militum
 conlocutus, electisque per eos ad rem tantam agendam au-
 dendamque idoneis centurionibus militibusque, et scalis in
 occulto comparatis, ceteris ³⁵signum dari jubet, ut mature
 corpora curarent, quietique darent. nocte in expeditionem
 eundum esse. Inde ubi id temporis visum, quo ³⁶de die
 epulatis jam vini satias principiumque somni esset, ³⁷signi
 unius milites ferre scalas jussit; et ad mille fere armati te-
 nui agmine per silentium eo deducti. Ubi sine strepitu ac
 tumultu primi evaserunt in murum, secuti ordine alii;
 quum priorum audacia dubiis etiam animum faceret.

Murum ur-
 bis superant
 scalis Ro-
 mani.

XXIV. ³⁸Jam mille armatorum ceperant partem, quam
 ceteræ admotæ, pluribusque scalis in murum evadebant,
 signo ab Hexapylo dato; quo per ingentem solitudinem
 erat perventum, quia magna pars, in turribus epulati, aut
 sopiti vino erant, aut semigraves potabant. paucos tamen
 eorum ³⁹obpressos in cubilibus interfecerunt. Prope Hexa-
 pylon est portula magna vi refringi coepta; et e muro ex
 composito tuba datum signum erat. Et jam undique, non
 furtim, sed vi aperta, gerebatur res: quippe ad Epipolas,
 frequentem custodiis locum, perventum erat, terrendique
 magis hostes erant, quam fallendi; sicut territi sunt. nam
 simul ac tubarum est auditus cantus, clamorque tenentium
 muros partemque urbis; ⁴⁰omnia teneri custodes rati, alii
 per murum fugere, alii salire de muro, præcipitarique turba
 paventium. Magna pars tamen ignara tanti mali erat, et
 gravatis omnibus vino somnoque, ⁴¹et, in vastæ magnitudi-

³⁴ *Diem festum Dianæ per tri-
 duum agi*] Ferre non possumus *diem
 festum per triduum*. Expunge *et
 diem*. Ovidius non semel *festum* sic
 nude et absolute usurpavit. Lib. I.
 Fast. v. 190. *Pars mihi de festo ne
 labet ulla tuo*. Et l. III. v. 199. *Festa
 para Conso*. Et alibi sæpius.

³⁵ *Signum dari*] Nempe per tes-
 seram. Vid. not. 61. ad l. VII. c. 35.

³⁶ *De die epulatis*] Vid. not. 26. ad l.
 XXIII. c. 8. supra. Debetur particula
de conjecturæ Lipsii.

³⁷ *Signi unius*] Unius manipuli.
 Vid. not. 2. ad l. XXXIII. c. 1. infra.

³⁸ *Jam mille armatorum*] Jam
 mille armati transcenderant murum,
 et ceperant partem urbis, quum ce-
 teræ scalæ admotæ. Clarius foret,
 quod suggerit Muretus: *quum ceteri*

*admotis pluribus scalis in murum eva-
 debant*. Sane unus e nostris codd.
 præfert *pluribus scalis sine et que*.

³⁹ *Oppressos*] Unus e nostris codd.
 hoc plane exhibet, atque adeo tollit
 omnem dubitationem de hac Grono-
 vii emendatione, qui repererat in suis
inpressos vel impressos, quum vulgati
 haberent *comprehensos*.

⁴⁰ *Omnia teneri custodes rati, alii*] *alii*
 Quamplurimi scripti carent voce *rati*,
 quæ tamen necessaria est. Recte sus-
 picatur Jac. Gronovius delendum *et
 alii*, male additum ut respondeat al-
 teri quod sequitur, quum sæpe soleat
 Livius in partitionibus alterum sup-
 primere. Sic l. III. c. 37. *virgis caedi,
 alii securi subjici*. Vid. et not. 25. ad
 l. V. c. 8.

⁴¹ *Et, in vastæ magnitudinis urbe*]

his urbe, partium sensu non satis pertinente in omnia. Sub U. C. 540. : luce, Hexapyle effracto, Marcellus, omnibus copiis urbem A. C. 212. ingressus, excitavit convertitque omnes ad arma capiendam, optinque, si quam possent, jam captæ prope urbi ferendam. Epicydes, ⁴² ab Insula, quam ipsi Nason vocant, citato prefectus agmine, haud dubius, quin paucos, per negligentiam eustodum transgressos murum, expulsurus foret, obcurrentibus pavidis, tumultum augere eos, dictitans, et majora ac terribiliora vero adferre, postquam conspexit omnia circa Epipolas armis completa, lacessito tantum hoste paucis missilibus, retro in Achradinam agmen convertit, non tam vim multitudinemque hostium metuens, quam ne qua intestina fraus per occasionem oriretur, clausasque inter tumultum Achradinæ atque Insulæ inveniret portas. Marcellus, ut, moenia ingressus, ex superioribus locis urbem, omnium ferme illa tempestate pulcherrimam, subjectam oculis vidit, inlacrimasse dicitur, partim gaudio tantæ perpetratæ rei, Marcelli lacrimæ. partim vetusta gloria urbis. Atheniensium classes demersæ, et duo ingentes exercitus ⁴³ cum duobus clarissimis ducibus deleti, obcurrabant, et tot bella cum Karthaginensibus tanto cum discrimine gesta; tot tam opulenti tyranni regesque; præter ceteros Hiero, quam recentissimæ memoriæ rex, tum ante omnia, quæ virtus ei fortunaque sua dederat, beneficiis in populum Romanum insignis. ea quum universa obcurrerent animo, subiretque cogitatio, jam illa momento horæ arsura omnia, et ad cineres reditura: priusquam ⁴⁴ signa Achradinam⁷ admoveret, præmittit Syracusanos, ⁴⁵ qui intra præsidia Romana, ut ante dictum est, fuerant, ut adloquio leni perlicerent hostes ad dedendam urbem.

XXV. Tenebant Achradinæ portas murosque maxime transfugæ, quibus nulla erat per conditiones veniæ spes: ii nec adire muros, nec adloqui quemquam passi. itaque Mar-

7 Achradinæ Gron.

Et, quod in vastæ magnitudinis urbe sensus earum rerum, quæ in parte quapiam urbis gererentur, non satis pervadebat in ceteras omnes urbis partes.

⁴² Ab Insula, quam ipsi Nason vocant] Græce insula est νῆσος. At Doræ, quorum dialectus in Sicilia vigeat, dicunt νᾶρος, mutata pro suo more littera η in α.

⁴³ Cum duobus clarissimis ducibus] Duo duces, quos hic indicat Livius, sunt Nicias et Demosthenes, qui in miserabili Atheniensium ab Syracusis fuga interierunt. Durante Syracusarum obsidione, duo jam alii Atheniensium duces occiderant, Lama-

chus et Eurymedon. Vid. Thucyd. I. VII. et Plut. in Nicia.

⁴⁴ Signa Achradinam admoveret] Sic habet Put. codex et ceteri omnes nostri. Et tuetur ipse Livius, l. XXVII. c. 25. *Lacinium Annibal admoverat copias*: et l. XXVIII. c. 46. *M. Livium . . ex Etruria volonum exercitum admovere Ariminum jussunt*. Victorinus tamen liber hoc loco addit præpositionem *ad*. Vulgo *Achradinæ*.

⁴⁵ * Qui intra præsidia Romana . . . fuerant] Qui in exercitibus Romanis, in castris Romanis fuerant. *Præsidia* hic nihil aliud sunt, quam copiæ, vires, castra.

U. C. 540.
A. C. 212.

Neapolis et
Tycha de-
duntur.

Tumulum
Euryalum
recipit Mar-
cellus.

cellus, postquam id inceptum irritum fuit, ad Euryalum signa referri jussit. tumulus est in extrema parte urbis ⁴⁶versus a mari, viæque imminens ferenti in agros mediterraneaue insulæ, percommode situs ad commeatus excipiendos. Præerat huic arci Philodemus Argivus, ab Epicyde inpositus, ad quem missus a Marcello Sosis, unus ex interfectoribus tyranni, quum, longo sermone habito, dilatus per frustrationem esset, retulit Marcello, tempus eum ad deliberandum sumsisse. Quum is diem de die differret, dum Hippocrates atque Himilco admoverent castra legionesque, haud dubius, si in arcem accepisset eos, deleri Romanum exercitum inclusum muris posse; Marcellus, ut Euryalum neque tradi, neque capi vidit posse, ⁴⁷inter Neapolim et Tycham (⁴⁸nomina partium urbis, et instar urbium sunt) posuit castra, timens, ne, si frequentia intrasset loca, contineri ab discursu miles avidus prædæ non posset. Legati eo ab Tycha et Neapoli ⁴⁹cum infulis et velamentis venerunt, precantes, ut a cædibus et ab incendiis parceretur. De quorum precibus, quam postulatis, magis consilio habito, Marcellus ex omnium sententia edixit militibus, *ne quis liberum corpus violaret. cetera prædæ futura.* ⁵⁰castraque tectis parietum pro muro septa. ⁵¹portis regione platearum patentibus stationes præsidiaque disposuit, ne quis in discursu militum inpetus in castra fieri posset. Inde, signo dato, milites discurrerunt: refractisque foribus, quum omnia terrore ac tumultu streperent, a cædibus tamen temperatum est. rapinis nullus ante modus fuit, quam omnia diuturna felicitate cumulata bona egessere. Inter hæc et Philodemus, quum spes auxilii nulla esset, fide accepta, ut inviolatus ad Epicyden rediret, deducto præsidio, tradidit tumulum Romanis. Aversis omnibus ad tumultum ex parte captæ urbis, Bomilcar, noctem eam nactus, qua propter vim tempestatis stare ad anchoram

⁴⁶ *Versus a mari*] A mari longius discedens, ac versus in mediterranea insulæ.

⁴⁷ *Inter Neapolim et Tycham*] Neapolis sic dicta est, quia postrema ædificata fuerat: Tycha, quod in ea esset antiquissimum Fortune fanum. Testis est Cic. L. IV. in Verr. n. 119.

⁴⁸ *Nomina partium*] Put. *nomine a partium*. Alius item probæ notæ *nomine apertium*. Scribe *nomina ea partium*. GRONOV.

⁴⁹ *Cum infulis ac velamentis*] Supplicum more. Infulis velati sacerdotes sacra faciebant. Hinc assumptæ sunt a supplicibus, ut religiosæ vestis objectu ira mitesceret. *Velamenta* proprie et signate dicebantur, quæcun-

que supplices misericordiæ movendæ causa præferebant, ut ramos oleæ vittis obvolutos, etc.

⁵⁰ *Castraque tectis parietum pro muro septa*] Hæc sana esse vix quisquam nobis persuaserit. Quid enim sunt *tecta parietum*? Jam vero, quis sensus hic esse potest harum vocum, *pro muro*? quasi vero castra muris sepi soleant. Hic locus sine libris curari posse non videtur.

⁵¹ *Portis regione platearum patentibus*] Portis castrorum apertis e regione laterum utriusque urbis viarum. Si quis tamen velit intelligere ipsarum urbium portas, non magno pere repugnabimus.

in salo Romana classis non posset, cum triginta quinque U. C. 540.
 navibus ex portu Syracusano profectus, libero mari vela in A. C. 212.
 altum dedit, quinque et quinquaginta navibus Epicydæ et
 Syracusanis relictis: edoctisque Karthaginiensibus, in quan-
 to res Syracusana discrimine esset, cum centum navibus
 post paucos dies redit, multis (ut fama est) donis ex Hie-
 ron's gaza ab Epicyde donatus.

XXVI. Marcellus, Euryalo recepto præsidioque addito,
 una cura erat liber, ne qua ab tergo vis hostium in arcem
 accepta inclusos inpeditosque moenibus suos turbaret.
 Achradinam inde, trinis castris per idonea dispositis loca, Achradi-
 spe ad inopiam omnium rerum inclusos redacturum, cir- nam obsei-
 cumsedit. Quum per aliquot dies quietæ stationes utrim- det.
 que fuissent, repente adventus Hippocratis et Himilconia, Hippocra-
 ut ultro undique obpugnarentur Romani, fecit. nam et tes et Hi-
 Hippocrates, castris ⁵² ad magnum portum communitis, milco ve-
 signoque iis dato, qui Achradinam tenebant, castra vetera niunt Syra-
 Romanorum adortus est, quibus Crispinus præerat; et Epi- cusas.
 cydes eruptionem in stationes Marcelli fecit: et classis Pu-
 nica litori, quod inter urbem et castra Romana erat, ad-
 pulsa est; ne quid præsidii Crispino submitti a Marcello
 posset. Tumultum tamen majorem hostes præbuerunt, quam
 certamen. nam et Crispinus Hippocraten non repulit tan-
 tum munimentis, sed insecutus etiam est trepide fugien-
 tem: et Epicyden Marcellus in urbem compulit. satisque
 jam etiam in posterum videbatur provisum, ne quid ab re-
 pentinis eorum excursionibus periculi foret. Accessit et
 pestilentia, commune malum, quod facile utrorumque ani- Pestilentia.
 mos averteret a belli consiliis. nam tempore autumnii, et lo-
 cis natura gravibus, multo tamen magis extra urbem, quam
 in urbe, intoleranda vis æstus per utraque castra omnium
 ferme corpora movit. Et primo temporis ac loci vitio et
 ægri erant, et moriebantur: postea curatio ipsa et contac-
 tus ægrorum vulgabat morbos: ut aut neglecti desertique,
 qui incidissent, morerentur, aut adsidentes curantesque ea-
 dem vi morbi repletos secum traherent: quotidianaque fu-
 nera et mors ob oculos esset, et undique dies noctesque
 ploratus audirentur. Postremo ita adsuetudine mali effera-
 verant animos, ut ⁵³ non modo lacrimis justoque complo-
 ratu prosequerentur mortuos, sed ne efferrent quidem, aut
 sepelirent, jacerentque strata exanima corpora in conspectu
 similem mortem exspectantium; mortuique ægros, ægri
 validos, cum metu, tum tabe ac pestifero odore corporum,

⁵² *Ad magnum portum*] Duos por- majorem.

tus Syracusæ habent, quos Insula di- ⁵³ *Non modo*] Non modo non, ut
 vidit eadem et efficit, alterum altero jam aliquoties annotavimus.

U. C. 540. **copficerent. et, ut ferro potius morerentur, quidam invade-**
 A. C. 212. **bant soli hostium stationes. Multo tamen vis major^z pes-**
 tis Poenorum castra, quam Romana, (diu circumsedendo
 Qua absumitur exercitus Punicus. **Syracusas, coelo aquisque adsuerant magis) adfeverat. Ex**
hostium exercitu Siculi, ut primum videre ex gravitate loci
vulgari morbos, in suas quisque propinquas urbes dilapsi
sunt. at Karthaginienses, quibus nusquam receptus erat,
cum ipsis ducibus Hippocrate atque Himilcone, ad inter-
neccionem omnes perierunt. Marcellus, ut tanta vis ingru-
bat mali, traduxerat in urbem suos: infirmaque corpora
tecta et umbræ recreaverant. Multi tamen ex Romano ex-
ercitu eadem peste absumti sunt.

XXVII. Deleto terrestri Punico exercitu, Siculi, qui
 Hippocratis milites fuerant, ⁵⁴ in haud magna oppida, cete-
 ram et situ et munimentis tuta, (tria millia alterum ab Sy-
 racusis, alterum quindecim abest) eo et commeatus e oivi-
 tatibus suis comportabant, et auxilia arcessebant. Interea
 Classis Punica. Bomilcar, iterum cum classe profectus Karthaginem, ita
 exposita fortuna sociorum, ut spem faceret, non ipsis modo
 salutarem opem ferri posse, sed Romanos quoque in capta
 quodammodo urbe capi, perpulit, ut onerarias naves quam
 plurimas omni copia rerum onustas secum mitterent, clas-
 semque suam augerent. igitur, centum triginta navibus lon-
 gis et septingentis onerariis profectus a Karthagine, satis
 prosperos^a ventos ad trajiciendum in Siciliam habuit. ⁵⁵ sed
 iidem venti superare eum Pachynum prohibebant. Bomil-
 caris adventus, fama primo, dein præter spem mora, quum
 gaudium et metum in vicem Romanis Syracusanisque præ-
 buisset; Epicydes metuens, ne, si pergerent ⁵⁶ iidem, qui
 tum tenebant, ab ortu solis flare per dies plures venti, clas-
 sis Punica Africam repeteret, tradita Achradina mercena-
 riorum militum ducibus, ad Bomilcarem navigat. ⁵⁷ classem
 in statione versa in Africam habentem, atque timentem na-
 vale prælium, non tam quod impar viribus aut numero na-
 vium esset, (quippe etiam plures habebat) quam quod venti
 aptiores Romanæ, quam suæ, classi flarent, perpulit tan-

^z major vis Gron. Crev.

^a prosperos satis Eæd.

⁵⁴ In haud magna oppida . . eo] Supervacua videtur particula eo. At nonnunquam amat Livius ita loqui, ut claritati serviat. Vid. l. I. capp. 19. et 58. et alibi sæpius.

⁵⁵ Sed iidem venti] Carthagine Pachynum petentes ventus ab occasu ferme flans vexerat. Auster necessarius erat navigaturis ab Pachyno Syracusas.

⁵⁶ Iidem qui tum tenebant ab ortu solis . . venti] Venti ergo mutati fue-

rant ex quo Bomilcar ad Pachynum pervenerat: sed ita ut non minus, quam prius, prohiberent superari promontorium, et jam Carthaginem versus classem impellerent.

⁵⁷ Classem in statione versa in Africam habentem] Bomilcarem, qui habebat classem in statione versa in Africam; classem stantem proris in Africam versis, tanquam eo brevi trajecturam.

dem; ut fortunam navalis certaminis experiri vellet. Et U. C. 540.
 Marcellus, quum et Siculum exercitum ex tota insula con- A. C. 212.
 ciri videret, et cum ingenti comœatu classem Punicam ad-
 ventare, ne simul terra marique inclusus urbe hostium ur-
 gueretur, quamquam impar numero navium erat, prohibere
 aditu Syracusarum Bomilcarem constituit. Duæ classes
 infestæ circa promontorium Pachynum stabant, ubi prima
 tranquillitas maris ⁵⁸ in altum evexisset, concursuræ. Ita-
 que, cadente jam Euro, qui per dies aliquot sævierat, prior
 Bomilcar movit: cujus prima classis petere altum visa est,
 quo facilius superaret promontorium. ceterum, postquam
 tendere ad se Romanas naves vidit, incertum qua subita
 territus re, Bomilcar vela in altum dedit, missisque nunciis
 Heracleam, qui onerarias ⁵⁹ retro in Africam repetere jube-
 rent, ipse, Siciliam prætervectus, Tarentum petit. Epicy-
 des, a tanta repente destitutus spe, ne in obsidionem magna
 ex parte captæ urbis rediret, Agrigentum navigat, expecta-
 turus magis eventum, quam inde quidquam moturus.

Prælium /
 navale de-
 trectat.

Epicydes
 Agrigen-
 tum abit.

XXVIII. Quæ ubi in castra Siculorum sunt nunciata,
 Epicyden Syracusis excessisse, a Karthaginiensibus relic-
 tam insulam, et prope ⁶⁰ iterum Romanis traditam; legatos
 de conditionibus dedendæ urbis, explorata prius per conlo-
 quia voluntate eorum, qui obsidebantur, ad Marcellum mit-
 tunt. Quum haud ferme discreparet, quin, quæ ubique re-
 gum fuissent, Romanorum essent; Siculis cetera cum liber-
 tate ac legibus suis servarentur; evocatis ad colloquium
 his, quibus ab Epicyde creditæ res erant, *missos se simul ad
 Marcellum, ⁶¹ simul ad eos^b ab exercitu Siculorum*, aiunt, *ut
 una omnium, qui obsiderentur, quique extra obsidionem es-
 sent, fortuna esset; neve alteri proprie sibi paciscerentur quid-
 quam*. Recepti deinde ab iis, ut necessarios hospitesque
 adloquerentur, expositis, quæ pacta jam cum Marcello ha-
 berent, oblata spe salutis perpulere eos, ut secum præfectos
 Epicydis, Polyclitum, et Philistionem, et Epicyden, cui
 Sindon^c cognomen erat, adgrederentur. interfectis iis, et
 multitudine ad concionem vocata, et ⁶² inopiam, qua ipsi

Legati ex-
 ercitus Si-
 culorum ad
 Marcellum.

Intrant Sy-
 racusas.

Præfecti
 Epicydis in-
 terficiun-
 tur.

^b ad eos l. ab eo Gron.

^c Sidon Ead.

⁵⁸ * In altum evexisset] Sivisset in altum evehi.

⁵⁹ Retro in Africam repetere] Magis usitatum foret retro Africam repetere, sine præpositione. Si quis tamen vulgatam tueri velit, potest intelligere, repetere iter, vel cursum in Africam.

⁶⁰ Iterum Romanis traditam] Iterum, quia foedere ad Ægates insulas icto jam tradita fuerat Romanis.

⁶¹ Simul ad eos ab exercitu Siculo-

rum] Hæc est ipsa scriptura cod. Put. nisi quod pro eos habet eo. Nihil ergo attinebat pati vitiosam lectionem, quæ hunc locum insederat, diutius in ejus possessione remanere: simul ab eo ad exercitum Siculorum. Mendum coarguerat jam egregie acutissimus Perizonius, et veram lectionem conjectura præceperat.

⁶² Inopiam, qua ipsi] Vict. codex, quam ipsi: Put. quæ ipsi. Lege qua et ipsi.

U. C. 540. inter se fremere occulte soliti erant, conquesti, quamquam
 A. C. 212. tot mala urguerent, negarunt, fortunam accusandam esse, quod
 in ipsorum esset potestate, quamdiu ea paterentur. Romanis
 causam obpugnandi Syracusas fuisse caritatem Syracusanorum,
 non odium: nam, ut occupatas res ab satellitibus Hanni-
 balis, deinde Hieronymi, Hippocrate atque Epicyde audierint,
 tum bellum movisse, et obsidere urbem cœpisse, ut crudeles ty-
 rannos ejus, non ut ipsam urbem, expugnarent. Hippocrate
 vero interemto, Epicyde intercluso ab Syracusis, et præfectis
 ejus occisis, Karthaginiensibus omni possessione Siciliae terra
 marique pulsas, quam superesse causam Romanis, cur non,
 perinde ac si Hiero ipse viveret, unicus Romanae amicitiae cul-
 tor, incolumes Syracusas esse velint? Itaque nec urbi nec ho-
 minibus ⁶³ aliud periculum^d, quam ab semet ipsis, esse, si occa-
 sionem reconciliandi se Romanis^e prætermisissent. ⁶⁴ eam au-
 tem, qualis illo momento horæ sit, nullam deinde fore, ⁶⁵ simul
 liberatos ab inpotentibus tyrannis adparuisset.

Legatorum
 Syracusa-
 norum ad
 Marcellum
 oratio.

XXIX. Omnium ingenti adsensu audita ea oratio est. Prætores tamen prius creari, quam legatos nominari, pla-
 cuit. ex ipsorum deinde prætorum numero missi oratores
 ad Marcellum. quorum princeps, Neque primo, inquit, Sy-
 racusani a vobis defecimus, sed Hieronymus, nequaquam tam
 in vos inpius, quam in nos: nec postea pacem, tyranni cæde
 compositam, Syracusanus quisquam, sed satellites regii Hippo-
 crates atque Epicydes, obpressis nobis hinc metu, hinc fraude,
 turbaverunt. nec quisquam dicere potest, aliquando nobis liber-
 tatis tempus fuisse, quod pacis vobiscum non fuerit. Nunc
 certe cæde eorum, qui obpressas tenebant Syracusas, quum pri-
 mum nostri arbitrii esse cœpimus, extemplo venimus ad traden-
 da arma; dedendos nos, urbem, mœnia: nullam recusandam
 fortunam, quæ inposita a vobis fuerit. Gloriam captæ nobi-
 lissimæ pulcherrimæque urbis Græcarum Dei tibi dederunt,
 Marcelle. quidquid umquam terra marique memorandum ges-
 simus, id tui triumphi titulo accedit. ⁶⁶ Famæne credi velis,

^d periculi Gron.

^e Romano Ead.

⁶³ Aliud periculum . . . reconciliandi se Romanis] Sic MSS. omnes, et antiquiores editi. Recentiores periculi et Romano: non male. Sed veterum auctoritas nobis potior fuit.

⁶⁴ Eam autem, qualis illo momento] Nullam deinde talem occasionem reconciliandi se Romanis fore, qualis illo momento horæ sit, nimirum, simul liberatos ab inpotentibus tyrannis adparuisset.

⁶⁵ Simul liberatos . . . apparuisset] Hic MSS. variant, et aliquid vitii ha-

bent. Quod auctore Gronovio edidimus, id verum videtur.

⁶⁶ Famæ ne credi velis] Gronovius conjecturis sollicitat hunc locum, qui tamen integer ac sanus videtur. Ne velis famæ potius credere posteros, quanta urbs Syracusæ fuerint, quam illius pulcherrimæ urbis per te salvæ et incolumis spectaculo frui . . . eamque servatam tradas familiæ vestræ habendam sub clientela tutelaque nominis Marcellorum. Velis et tradas inter se connectuntur, ut ipse obser-

quantâ urbs a te capta sit, quam posteris quoque non spectacu- U. Q. 540.
lo esse, (⁶⁷ quo quisque terra, quisque ¹ mari venerit, nunc nostrâ A. C. 212.
de Atheniensibus Karthaginensibusque tropæa, nunc tua de no-
bis ostendat) incolumesque Syracusas familiæ vestræ sub clientela
nominis Marcellorum tutelaque habendas tradas? Ne plus apud
vos Hieronymi, quam Hieronis, memoria momenti faciat, diu-
tius ille multo amicus fuit, quam hic hostis: et illius etiam be-
nefacta persensistis; hujus amentia ad perniciem tantum ipsius
valuit. Omnia et inpetrabilia et tuta erant apud Romanos,
inter ipsos plus belli ac periculi erat. Namque transfugæ, Transfuga-
tradi se Romanis rati, mercenariorum quoque militum au- rum et mer-
xilia in eundem compulere metum: adreptisque armis præ- cenariorum
tores primum obtruncavit, inde ad cædem Syracusanorum tumultus
discurrunt: quosque fors obtulit, irati interfecere², atque
omnia, quæ in promptu erant, diripuerunt^h. tum, ne sine
ducibus essent, sex præfectos creavere, ut terni Achradinæ
ac Naso præessent. Sedato tandem tumultu, ⁶⁸ exsequentibus
sciscitando mercenariis, quæ acta cum Romanis essent,
dilucere, id quod erat, coepit; aliam suam ac perfugarum
causam esse.

XXX. In tempore legati a Marcello redierunt, falsa eos
suspensione incitados memorantes, nec causam expetendæ
pœnæ eorum ullam Romanis esse. Erat ex tribus Achra-
dinæ præfectis Hispanus, Mericus nomine. ad eum inter
comites legatorum de industria unus ex Hispanorum auxili-
aribus est missus: qui, sine arbitris Mericum nactus, pri-
mum, quo in statu reliquisset Hispaniam, (et nuper inde
venerat) exponit. Omnia Romanis ibi obtineri armis. posse
eum, ⁶⁹ si operæ pretium faciat, principem popularium esse; seu
militare cum Romanis, seu in patriam reverti libeat. Contra,
si malle obsideri pergat, quam spem esse terra marique clauso?
Motus his Mericus, quum legatos ad Marcellum mitti pla-
cuisset, fratrem inter eos mittit: qui, per eundem illum
Hispanum ⁷⁰ secretus ab aliis ad Marcellum deductus, quum

¹ quisque—quisque l. quisquis—quisquis Gron. Crev.
Ead. ^h diripuerunt Ead.

² interfecerunt

vat Gronovius. Quam hic pro magis
quam, ut sæpe alias, quum apud nos-
trum, tum apud ceteros scriptores.

⁶⁷ Quo quisquis terra, quisquis mari
venerit . . . ostendat] Magis placet in-
telligere verbum ostendat de urbe,
quam de iis qui in eam venerint.
Credimus igitur sensum esse: ita ut,
quicumque in eam terra, quicumque
mari venerint, eis illa ostendat, nunc
nostra de Atheniensibus Carthagini-
ensibusque tropæa, nunc tua de nobis.

⁶⁸ Exsequentibus sciscitando mer-

cenariis] Vox ultima non comparet in
scriptis: sed necessaria videtur.

⁶⁹ * Si operæ pretium faciat] Si ali-
quid magnum faciat; si præstet Ro-
manis officium, quod sit magni mo-
menti.

⁷⁰ Secretus ab aliis] Omnes MSS.
tam nostri, quam Gronoviani, secre-
tum. Unde legendum videtur, ut
visum Gronovio, in secretum: id est,
in locum a ceterorum conscientia
remotum.

U. C. 540. fidem accepisset, composuissetque agenda rei ordinem,
 A. C. 212. Achradinam redit. Tum Mericus, ut ab suspitione proditi-
 tionis averteret omnium animos, negat sibi placere, legatos
commeare ultro citroque, neque recipiendum quemquam, neque
mittendum: et, quo intentius custodiæ serventur, ⁷¹ opportuna
loca dividenda præfectis esse, ut suæ quisque partis tutandæ
 Achradina ⁷² *reus sit.* Omnes adsensi sunt partibus dividundis: ipsi
 proditur regio evenit ⁷³ ab Arethusa fonte usque ad ostium magni
 Romanis a portus. id ut scirent Romani, fecit. Itaque Marcellus noc-
 Merico His- te ⁷⁴ navem onerariam cum armatis remulco quadriremis tra-
 pano. hi ad Achradinam jussit, ⁷⁵ exponique ¹ milites regione por-
 tæ, quæ prope fontem Arethusam est. Hoc quum quarta
 vigilia factum esset, expositosque milites porta, ut conve-
 nerat, recepisset Mericus; luce prima Marcellus omnibus
 copiis moenia Achradinæ adgreditur: ita ut non eos solum,
 qui Achradinam tenebant, in se converteret, sed ab Naso
 etiam agmina armatorum concurrerent, relictis stationibus
 suis, ad vim et inpetum Romanorum arcendum. In hoc
 tumultu actuariae naves, instructæ jam ante circumvectæ-
 que, ad Nasum armatos exponunt, qui, improviso adorti se-
 miplenas stationes et adapertas fores portæ, qua paullo
 ante excurrerant armati, haud magno certamine Nasum ce-
 pere, desertam trepidatione et fuga custodum. neque ullis
 minus præsidii aut pertinaciæ ad manendum, quam trans-
 fugis, fuit: quia, ne suis quidem satis credentes se, medio
 certamine effugerunt. Marcellus ut captam esse Nasum
 didicit, et Achradinæ regionem unam teneri, Mericumque
 cum præsidio suis adjunctum, receptui cecinit: ne regiæ
 opes, quarum fama major, quam res, erat, diriperentur.

XXXI. Subpresso inpetu militum, et iis, qui in Achra-

¹ *exponitque* Gron.

⁷¹ *Opportuna loca*] Consentiant hic quoque scripti in omittendo *et loca*. Judicet lector utrum *opportuna* sic nude dici possit. Nobis id durius sonat.

⁷² ** Reus*] *Reus* hoc loco debet intelligi *responsable*. Vid. not. 32. ad IX. 9.

⁷³ *Ab Arethusa fonte usque ad ostium magni portus*] Hic videtur dormitasse Livius. Arethusa enim fons nihil ad Achradinam pertinuit, sed est in extrema Insula, teste Cicerone, l. IV. in Verr. n. 118. et Strabone, l. VI. p. 270. et Virgil. *Æn.* l. III. et mille aliis. Et vero Mericus dicitur infra l. XXVI. c. 21. non Achradinam, quomodo hic narratur, sed Nasum, sive Insulam, prodidisse. Unde non injuria arguit Livium Perizonius, Animadv. Hist. c.

8. tanquam parum constantem sibi. Sed veremur, ne majoris culpæ ille hoc loco reus agi possit, et totam hanc de Merici proditione narrationem valde turbaverit. In talibus locis multum nobis opus esset Polybio incolumi. Ita sentire nos non magnopere mirabitur, qui legerit Præf. nostræ p. xxiv. et seqq.

⁷⁴ *Navim onerariam . . remulco quadriremis trahi*] Recte observat Sigonius onerarias velis agi, non remis, solitas. Itaque, ubi venti usus non erat, alligatæ ad naves quæ agerentur remis, ab iis trahebantur.

⁷⁵ *Exponique milites*] Hactenus editi præferebant *exponitque*: male. Neque enim Marcellus rei gerendæ interfuit. Quod dedimus, tenent complures scripti, Andreas et Campanus.

dina erant, transfugis spatium locusque fugæ datus est; et U. C. 540. Syracusani, tandem liberi metu, portis Achradinæ apertis, A. C. 212. oratores ad Marcellum mittunt, nihil petentes aliud, quam incolumitatem sibi liberisque suis. Marcellus, consilio ad- Syracusani vocato, et adhibitis etiam Syracusanis, qui per seditiones permittunt pulsi ab domo ⁷⁶ intra ^k præsidia Romana erant, respondit: se Marcello, *non plura per annos quinquaginta benefacta Hieronis, quam paucis his annis maleficia eorum, qui Syracusas tenuerint, erga populum Romanum esse. sed pleraque eorum, quo debuerint, recidissee; fœderumque ruptorum ipsos ab se graviores multo, quam populus Romanus voluerit, pœnas exegisse. Se quidem tertium annum circumsedere Syracusas: non ut populus Romanus servam civitatem haberet, sed ne transfugarum duces captam et obpressam tenerent. Quid potuerint Syracusani facere, exemplo vel eos Syracusanorum esse, qui intra præsidia Romana fuerint, vel Hispanum ducem Mericum, qui ⁷⁷ præsidium tradiderit, vel ipsorum Syracusanorum postremo, serum quidem, sed forte consilium. Omnium sibi laborum periculorumque, circa mœnia Syracusana terra marique tam diu exhaustorum, ⁷⁸ nequaquam tantum fructum esse, quam capere Syracusas potuisse. Inde quæstor cum præsidio ad Nasum ad accipiendam pecuniam regiam, custodiendamque missus. urbs diripienda militi data est, custodi- Urbs diri- bus divisis per domos eorum, qui intra præsidia Romana pienda mi- fuerant. Quum multa iræ, multa avaritiæ, fœda exempla liti datur. ederentur, ⁷⁹ Archimeden, memoriæ proditum est, in tanto Archimedis tumultu, quantum capta urbs in discursu diripientium mili- mora. tum ciere poterat, intentum formis, quas in pulvere descripserat, ab ignaro milite, quis esset, interfectum. ægre id Marcellum tulisse, sepulturæque curam habitam: et propinquis etiam inquisitis honori præsidioque nomen ac memoriam ejus fuisse. Hoc maxime modo Syracusæ captæ:*

^k inter Gron.

⁷⁶ *Intra præsidia Romana erant*] Editi vulgo, *inter præsidia*. Emendavimus ex MSS. Hearnii et nostris, Andrea et Campano. Et tuetur hanc emendationem Livius ipse, supra c. 24. et infra bis hoc ipso cap.

⁷⁷ * *Præsidium*] Locum quem tuendum acceperat.

⁷⁸ *Nequaquam tantum fructum esse, quam capere*] Locus deploratus. Gronovius suspicatur, *quam si parcere Syracusis potuisset*. Alb. Rubenius vulgatam interpretatur hoc modo: nequaquam ex omnibus laboribus periculisque tantum esse fructum sibi, quantum capere Syracusæ potuissent, si in amicitiam Romanorum mature et volentes rediissent. Sed hæc omnia parum faciunt ad mentem Marcelli, qui exaggerare vult labores sibi in ob-

sidione Syracusarum exhaustos, ut ex eo Syracusani intelligant, qua pœna digni sint. Tota enim oratio spirat severitatem. Si et conjecturis nostris hic detur locus, placeret magis legere: *Omnium sibi laborum . . nequaquam dignum fructum esse, quod capere Syracusas potuisset. Quod . . potuisset* exhibent scripti, et vetustissimi editi. Hæc igitur foret hujus loci sententia: tantos a Marcello in obsidione Syracusarum exhaustos labores, ut vel ipsæ Syracusæ captæ exigua sit eorum merces.

⁷⁹ *Archimeden memoriæ proditum est*] De Archimedis casu fusius agunt Plut. in Marcello, et Val. Max. l. VIII. c. 7. De ejus sepulcro vide Cic. l. V. Tuscul. Quæst. n. 64. et seqq.

U. C. 310. in quibus prædæ tantum fuit, quantum vix capta Karthagine tum fuisset, cum qua viribus æquis certabatur. Paucis ante diebus, quam Syracusæ caperentur, T. Otacilius cum Uticam cum classe trajicit. quinquaginta Uticam ab Lilybæo transmisit: et, quam ante lucem portum intrasset, onerarias frumento onustas cepit: egressusque in terram, depopulatus est aliquantum agri circa Uticam, prædamque omnis generis retro ad naves egit. Lilybæum tertio die, quam inde profectus erat, cum centum triginta onerariis navibus frumento prædaque onustis rediit: idque frumentum extemplo Syracusas misit. quod ni tam in tempore subvenisset, victoribus victisque pariter perniciosa fames instabat.

Res in Hispania gestæ.

Vires Pœnorum.

Scipiones exercitum partiuntur.

XXXII. Eadem æstate in Hispania, cum biennio ferme nihil admodum memorabile factum esset, consiliisque magis, quam armis, bellum gereretur, Romani imperatores egressi hibernis copias conjunxerunt. ibi consilium advocatum, omniumque in unum congruerunt sententiæ; quando ad id locorum id modo actum esset, ut Hasdrubalem tendentem in Italiam retinerent; tempus esse id jam agi, ut bellum in Hispania finiretur: et satis ad id virium credebant accessisse, viginti¹ millia Celtiberorum ea hieme ad arma⁸⁰ excitata. Tres exercitus erant. Hasdrubal Gisgonis filius et Mago, conjunctis castris, quinque ferme dierum iter ab Romanis aberant. Propior erat Hamilcaris filius Hasdrubal, vetus in Hispania imperator. ad urbem nomine Anitorgin exercitum habebat. Eum volebant prius obprimi duces Romani: et spes erat satis superque ad id virium esse. illa restabat cura, ne, fuso eo percussi, alter Hasdrubal et Mago, in avios saltus montesque recipientes sese, bellum extraherent. Optimum igitur rati, divisis bifariam copiis, totius simul Hispaniæ amplecti bellum, ita inter se diviserunt, ut P. Cornelius duas partes exercitus Romanorum sociorumque adversus Magonem duceret atque Hasdrubalem; Cn. Cornelius cum tertia parte veteris exercitus, Celtiberis adjunctis, cum Hasdrubale⁸¹ Barcino bellum gereret. Una profecti ambo duces exercitusque, Celtiberis prægredientibus, ad urbem Anitorgin in conspectu hostium,⁸² dirimente amni^m, ponunt castra. Ibi Cn. Scipio, cum quibus ante dictum est copiis, substitit, et P. Scipio profectus ad destinatam belli partem.

¹ triginta Gron. Crev.

^m amne Eæd.

⁸⁰ Excitata] Hoc displicet, vicinum ~~arma~~. Quidam scripti præferunt ~~excitati~~; optimi, ~~excitatum~~: unde efficit Gronovius ~~excitorum~~: quod verum videtur.

⁸¹ * Barcino] Filio Amilcaris Barcæ.

Vid. supra not. 10. ad XXI. 2.

⁸² Dirimente amne] Nomen hujus amnis, quod Livius apponere neglexit, non facile est supplere, quod urbis Anitorgis situs admodum incertus sit.

XXXIII. Hasdrubal postquam animadvertit, exiguum U. C. 540.
 Romanum exercitum in castris, et spem omnem in Celtibe- A. C. 212.
 rum auxiliis esse; ⁸³peritus omnis barbaricæ, et præcipue
 omnium earum gentium, in quibus per tot annos militabat,
 perfidiæ, ⁸⁴facili linguæ commercio, quum utraque castra
 plena Hispanorum essent, per occulta colloquia paciscitur
 magna mercede cum Celtiberorum principibus, ut copias Celtiberi
 inde abducant. Nec atrox visum facinus. non enim, ut in deserunt
 Romanos verterent arma, agebatur: et merces, quanta vel Cn. Scipio-
 pro bello satis esset, dabatur, ne bellum gererent: et quum nem.
 quies ipsa, tum reditus domum fructusque videndi suos
 suæque, grata vulgo erant. Itaque non ducibus facilis,
 quam multitudini, persuasum est: simul ne metus quidem
 ab Romanis erat, quippe tam paucis, ⁸⁵si vi retinerent. Id
 quidem cavendum semper Romanis ducibus erit, exempla-
 que hæc vere pro documentis habenda, ne ita externis cre-
 dant auxiliis, ut non plus sui roboris suarumque proprie vi-
 rium in castris habeant. Signis repente sublatis, Celtiberi
 abeunt, nihil aliud quærentibus causam obtestantibusque,
 ut manerent, Romanis respondentes, quam domestico se
 advocari bello. Scipio, postquam socii nec precibus, nec vi Cn. Scipio-
 retineri poterant, nec se aut parem sine illis hosti esse, aut nis pericu-
 fratri rursus conjungi vidit posse, nec ullum aliud salutare lum.
 consilium in promptu esse, retro, quantum posset, cedere
 statuit; in id omni cura intentus, necubi hosti æquo se
 committeret loco; qui, transgressus flumen, prope vestigiis
 abeuntium insistebat.

XXXIV. Per eosdem dies P. Scipionem par terror, pe- Item P.
 riculum majus ab novo hoste, urgebat. Masinissa erat ju- Scipionis
 venis, eo tempore socius Karthaginensium, quem deinde a Masinis-
 clarum potentemque Romana fecit amicitia. is tum cum sa.
 equitatu Numidarum et advenienti P. Scipioni occurrit, et
 deinde assidue dies noctesque infestus aderat, ut non vagos
 tantum, procul a castris lignatum pabulatumque progres-
 sos, exciperet, sed ipsis obequitaret castris, invectusque in
 medias sæpe stationes, omnia ingenti tumultu turbaret.
 noctibus quoque sæpe incursu repentino in portis valloque

⁸³ *Peritus omnis barbaricæ, et præcipue omnium*] Dele cum Gronovio ultimam vocem. * Sensus est: gnarus quam perfidi essent omnes barbari, ac præcipue peritus perfidiæ earum gentium, in quibus per tot annos militabat.

⁸⁴ *Facili linguæ commercio*] Omnes scripti, tum Gronoviani, tum nostri, ignorant *et commercio*, quod tamen sensus omnino requirit. Hoc exemplum iis annumeramus, ex quibus

colligi potest non usquequaque ita fidem habendam scriptis, vel compluribus et optimis, ut omnis editis dissentientibus detrahatur auctoritas. Vid. supra not. ad XXV. 15. et 29. XXIV. 37. XXIII. 32. etc.

⁸⁵ *Si vi retinerent*] Si vi retinere conarentur Romani. Vulgo *se ne retinerent*. Correxerit feliciter Gronovius ex MSS. qui præferunt *sibi*. Nota est elementorum *b* et *v* frequens inter se mutatio.

U. C. 540. A. C. 212. **trepidatum est: nec aut locus, aut tempus ullum vacuum a metu ac sollicitudine erat Romanis: compulsisque intra vallum, adempto rerum omnium usu, quum prope justa obsidio esset, futuramque artiores eam adpareret, si se Indibilis, quem cum septem millibus et quingentis Suessetanorum adventare fama erat, Poenis conjunxisset; dux cautus et providens Scipio, victus necessitatibus, temerarium capit consilium, ut nocte Indibili obviam iret: et, quocumque obcurrisset loco, proelium consereret. Relicto igitur modico praesidio in castris, praepositoque T. Fonteio legato, media nocte profectus, cum obviis hostibus manus conseruit. ⁸⁶ Agmina magis, quam acies, pugnabant: superior tamen, ut in tumultuaria pugna, Romanus erat. ceterum et equites Numidæ repente, quos fefellisse se dux ratus erat, ab lateribus circumfusi, magnum terrorem intulere. ⁸⁷ Contracto adversus Numidas certamine novo, tertius insuper advenit hostis, duces Poeni adsecuti ab tergo jam pugnantes: ancepsque proelium Romanos circumsteterat, incertos in quem potissimum hostem, quamve in partem conferti eruptionem facerent. Pugnantem hortantemque imperatori et obferenti se, ubi plurimus labor erat, latus dextrum lancea trajicitur: cuneusque is hostium, qui in confertos circa ducem inpetum fecerat, ut exanimem labentem ex equo Scipionem vidit, alacres gaudio cum clamore per totam aciem nunciantes discurrunt, imperatorem Romanum cecidisse. Haec pervagata passim vox, ut et hostes haud dubie pro victoribus, et Romani pro victis essent, fecit. Fuga confestim ex acie, duce amisso, fieri coepta est. ceterum ut ad erumpendum inter Numidas ⁸⁸ leviumque armorum aliaⁿ auxilia ⁸⁹ haud difficilis res^o erat; ita effugere tantum equitum, æquantiumque equos velocitate peditum, vix poterant: cæsique prope plures in fuga, quam in pugna, sunt. nec superfuisset quisquam, ni præcipiti jam ad vesperum die nox intervenisset.**

P. Scipionis
temera-
rium consi-
lium.

P. Scipio
occisus, et
exercitus
cassus.

XXXV. Haud segniter inde duces Poeni fortuna usi, confestim e proelio, vix necessaria quiete data militibus, ad Hasdrubalem Hamilcaris citatum agmen rapiunt, non dubia spe, ⁹⁰ quum juncti essent, debellari posse. Quo ubi

ⁿ alia del. Gron.

^o res del. Crev.

⁸⁶ * *Agmina magis, quam acies pugnabant*] Vid. not. 61. ad XXI. 57.

⁸⁷ * *Contracto*] *Lege et contracto*. Praecessit enim et equites.

⁸⁸ *Leviumque armorum alia auxilia*] Vocem *alia* omissam a Gronovio retinent Put. et Vict. codices.

⁸⁹ *Haud difficilis erat*] Supple ex praecedentibus, *fuga*. Expunximus

vocem *res*, quæ et ab optimis MSS. abest, et omnino hic supervacua et inelegans erat.

⁹⁰ *Quum juncti essent*] Ante Gronovium editi habebant *quum copias conjunxissent*. Sed omnes scripti omittunt *re copias*; optimi vero etiam *quum*, eodem teste Gronovio. Itaque ex *conjunxissent* ille effecit *quum*

est ventum, inter exercitus ducesque, victoria recenti hostes, gratulatio ingens facta, imperatore tanto cum omni exercitu deleto, et alteram ⁹¹ pro haud dubia parem victoriam expectantes. Ad Romanos nondum quidem fama tantæ cladis pervenerat, sed moestum quoddam silentium erat, et tacita divinatio; qualis jam præsagientibus animis imminenti mali esse solet. Imperator ipse, præterquam quod ab sociis se desertum, hostium tantum auctas copias sentiebat, conjectura etiam et ratione ad suspicionem acceptæ cladis, quam ad ullam bonam spem, pronior erat. *Quoniam modo enim Hasdrubalem ac Magonem, nisi defunctos suo bello, sine certamine adducere exercitum potuisse? Quomodo autem non obstitisse, aut ab tergo secutum fratrem? ut, si prohibere, quominus in unum coirent et duces et exercitus hostium, non posset, ipse certe cum fratre conjungeret copias.* His anxius curis id modo esse salutare in præsens credebat, ⁹² cedere inde, quantum posset: et inde una nocte, ignaris hostibus, et ob id quietis, aliquantum emensus est iter. Luce, ut senserunt profectos hostes, præmissis Numidis, quam poterant maxime citato agmine sequi coeperunt: ante noctem adsecuti Numidæ, nunc ab tergo, nunc in latera incursantes. Consistere coeperunt, ac tutari agmen, quantum possent; ⁹³ tamen, tuto ut simul pugnarent procederentque, Scipio hortabatur, priusquam pedestres copiæ adsequerentur.

U. C. 540.
A. C. 212.
Tres Pœni
duces con-
jungunt se
adversus
Cn. Scipio-
nem.

Recedit Cn.
Scipio.

XXXVI. Ceterum nunc agendo, nunc ⁹⁴ sustinendo agmen, quum aliquamdiu haud multum procederetur, et nox jam instaret, revocat e prælio suos Scipio: et conlectos in tumulum quemdam, non quidem satis tutum, (præsertim agmini perculso) editiorem tamen, quam cetera circa erant, subducit. Ibi primo, impedimentis et equitatu in medium receptis, ⁹⁵ circumdati pedites haud difficulter inpetus incursantium Numidarum arcebant: dein, postquam toto agmine tres imperatores cum tribus justis exercitibus aderant, adparebatque, parum armis ad tuendum locum sine muni-

Tumulum
occupat.

juncti essent. Nobis placeret magis illibatam servare quorundam codicum scripturam, quum conjunxissent, vel si conjunxissent. Neque enim difficile est ex sensu supplere copias, vel exercitus, præsertim quum in propinquo reperiatur vox affinis, nempe agmen: ad Asdrubalem Amilcaris citatum agmen rapiunt.

⁹¹ Pro haud dubia] Sic edidit Grenovii. Sed affirmat Hearnius omnes MSS. et vetustius editos habere pro haud dubio. Sic l. i. c. 3. consentiunt libri, præter unum ab Hearnio memoratum in hanc lectionem:

Quis enim rem tam veterem pro certo affirmet?

⁹² Cedere inde... et inde una nocte] Alterutrum inde vacat. Possit legere ex Victor. codice: cedere in quantum posset.

⁹³ Tamen tuto ut simul] Nihil huc opus est adverbio tuto, quod quidem nasci potuit ex verbo tutari, quod præcedit.

⁹⁴ Sustinendo] Morando et consistere per aliquod tempus jubendo.

⁹⁵ Circumdati pedites] Pedites Romani circum impedimenta equitatumque locati.

U. C. 540
A. C. 512

Eum adgre-
diuntur
Pœni.

Cn. Scipio
occisus, ex-
ercitusque
cæsus.

nento valituros esse; circumspectare atque agitare dux cre-
pit, si quo modo posset vallum ⁹⁶ circuminijicere. sed erat
adeo nudus tumulus et asperi soli, ut nec virgulta vallo cre-
dendo, nec terra cespiti faciendo, aut ducendæ fossæ, aliæ
ali operi apta inveniri posset: nec natura quidquam satis
arduum: aut ⁹⁷ abscissum ⁹⁸ erat, quod hosti aditum adscen-
dumve difficilem præberet; omnis ⁹⁹ fastigio leni subvexa.
Ut tamen aliquam imaginem valli objicerent, clitellas inli-
gatas oneribus, velut struentes ad altitudinem solitam, cir-
cundabant; cumulo sarcinarum omnis generis objecto, ubi
ad moliendum clitellæ defuerant. Punici exercitus post-
quam advenere, in tumulum quidem perfacile agmen erexe-
re, ⁹⁹ munitionis vero facies nova primo eos velut miraculo
quodam tenuit, quum duces undique vociferarentur, *Quid sta-
rent? et non ludibrium illud, vix feminis puerisque morandis sa-
tis validum, distraherent diriperentque? Captum hostem teneri,
latentem post sarcinas.* Hæc contemtim duces increpabant.
ceterum, neque transilire, neque moliri onera objecta, nec
cedere stipatas clitellas, ipsique obrutas sarcinis, facile
erat. ¹ Tardatis diu quum amolita objecta onera armatis de-
dissent viam, pluribusque idem partibus fieret, capta jam
undique castra erant: pauci ab multis, percussique a victo-
ribus passim cædebantur. Magna pars tamen militum,
quum in propinquas refugisset silvas, in castra P. Scipio-
nis, quibus T. Fonteius legatus præerat, perfugerunt. Cn.
Scipionem alii in tumulo primo impetu hostium cæsum tra-
dunt: alii cum paucis in propinquam castris turrim perfu-
gisse. hanc igni circumdatam, atque ita exustis foribus,
quas nulla moliri potuerunt vi, captam; omnesque intus
cum ipso imperatore occisos. ² Anno octavo ³, postquam in

⁹ abscissum Gron. Crev.

¹ septimo Ead.

96 *Circuminijicere*] *Circumijicere*
dixit libb. XXXV. c. 4. et XXXVIII.
19. JAC. PERIZONIUS.

97 *Abscissum*] Et hic quoque Put.
codex, et alii duo e nostris, *abscissum*,
sive *apscissum*. Vid. not. 69. ad l.
XXIV. cap. 15. et not. 53. ad c. 30.

98 ⁹ *Fastigio leni subvexa*] Leni cli-
vo modice inclinata.

99 *Munitionis vero facies nova*] In
Pat. non apparet particula *vero*: quæ
sane videtur hic addita ab iis qui ta-
lia fulcra passim orationi Livianæ sub-
jecerunt. Ea enim omissa, non modo
belle procedit, sed et vividior est
oratio.

¹ *Tardatis diu*] Postquam illa mora
aliquamdiu tardati fuere, quum tan-
dem amota onera quæ objecta fuerant,

armatis dedissent viam. . . . Ceterum
hic nostri codices corrupti sunt, et
multum a vulgata lectione abeunt.
Plerique *traditis diu*: unus etiam
dibus: alius, *traducti diu*. Denique
nullus exhibet *amolita*, sed plerique
habent *amoliti*, unus *amolitis*. Cogi-
tent sagaciores. Nec valens tantum
iudicare possumus, non sanare.

² *Anno septimo*] Libri habent oc-
tava. Sed hic est septimus annus
ab initio hujus belli. Primo autem
belli Annibalici anno venerat Ca.
Scipio in Hispaniam. Vid. supra l.
XXI. c. 32. Tamen infra Marcus in
oratione eundem numerum, quem
hic coarguimus, habet: *Invictos per
octa annos milites suos*: ut possit sus-
picari errorem fuisse ipsius Livii.

Hispaniam venerat, Cn. Scipio, undetrigesimo die post U. C. 540.
fratris mortem, est interfectus. Luctus ex morte eorum A. C. 212.
non Romae major, quam per totam Hispaniam, fuit. Quin
apud cives partem doloris et exercitus amissi, et alienata
provincia, et publica trahebat clades. Hispaniae ipsos luge-
bant desiderabantque duces: Cnaeum tamen magis, quo
diutius praefuerat illi, priorque et favorem occupaverat,
et specimen justitiae temperantiaeque Romanas primus dede-
rat.

XXXVII. Quum deletus exercitus amissaeque Hispa- L. Marcius
niae viderentur, vir unus res perditas restituit. Erat in ex- res afflictas
ercitu L. Marcius Septimi filius, eques Romanus, impiger restituit.
juvenis, animique et ingenii aliquanto, quam pro fortuna,
in qua erat natus, majoris. ad summam indolem accesserat
Cn. Scipionis disciplina: sub qua per tot annos omnes mi-
litiae artes edoctus fuerat. Hic, et ex fuga conlectis militi-
bus, et quibusdam de praesidiis deductis, haud contemnen-
dum exercitum fecerat, junxeratque cum T. Fonteio P.
Scipionis legato. Sed tantum praestitit eques Romanus
auctoritate inter milites atque honore, ut, castris citra
Iberum communitis, quum ducem exercituum comitiis mili-
taribus creari placuisset, subeuntes alii aliis in custodiam
valli stationesque, donec per omnes suffragium iret, ad L.
Marcium cuncti summam imperii detulerint. Omne inde
tempus (exiguum id fuit) muniendis castris convehendisque
commeatibus consumtum: et omnia imperia milites, quum
impigre, tum haudquaquam abjecto animo, exsequebantur.
Ceterum postquam Hasdrubalem Gisgonis, venientem ad Reliquias
reliquias belli delendas, transisse Iberum, et adpropinquare Rom. perse-
adlatum est, signumque pugnae propositum ab novo duce quitur Has-
milites viderunt; recordati, quos paullo ante imperatores drubal Gis-
habuissent, quibusque et ducibus et copiis freti prodire ad gonis F.
pugnam soliti essent, flere omnes repente et obfensare capi- Luctus mil.
ta: et alii manus ad coelum tendere, Deos incusantes: alii, Romanor.
strati humi, suum quisque nominatim ducem inplorare. ne-
que sedari lamentatio poterat, excitantibus centurionibus
manipulares, et ipso mulcente et increpante Marcio, *quid in*
muliebres et inutiles se projecissent fletus potius, quam ad
tutandos semet ipsos et rempublicam secum acuerent animos,
et ne inultos imperatores suos jacere sinerent? Quum subito Arma ta-
clamor tubarumque sonus (jam enim prope vallum hostes men capi-
unt.

3 Prior . . favorem occupaverat, et
specimen . . primus dederat] Prior re-
fertur ad fratrem; primus ad omnes.
Prior enim omnium Romanorum
in Hispaniam cum imperio et exer-

citu venit Cn. Scipio. SIGONIUS.

4 Auctoritate inter milites atque
honore] Fama, veneratione, honore,
ac pretio apud milites.

U. C. 540.
A. C. 212.

Poenos re-
pellunt.

Marcus
statuit ob-
pugnare
castra hos-
tium.

Ejus oratio
ad milites.

erant) exauditur. inde, vero repente in iram luctu, ⁵ discurre-
rere ad arma: ac, velut accensi rabie, discurrunt ad portas, et
in hostem, neglegenter atque inecomposite venientem, incur-
runt. Extemplo improvisa res pavorem incutit Poenis: mira-
bundique unde tot hostes tam subito exorti prope deleto ex-
ercitu forent, unde tanta audacia, tanta fiducia sui victis ac fu-
gatis, quis imperator duobus Scipionibus cæsis exstitisset, quis
castris præesset, quis signum dedisset pugnae, ad hæc tot tam
necopinata, primo omnium incerti stupentesque referunt pe-
dem: dein, valida inpressione pulsî, terga vertunt. Et aut fu-
gientium cædes foeda fuisset, aut temerarius periculosusque
sequentium inpetus, ni Marcius propere receptui dedisset sig-
num, obsistensque ad prima signa, quosdam et ipse retinens,
concitata repressisset aciem. inde in castra avidos adhuc cæ-
disque et sanguinis reduxit. Karthaginienses, trepide primo
ab hostium vallo acti, postquam neminem insequi viderunt,
metu substitisse rati, contemtim rursus et sedato gradu in cas-
tra abeunt. Par neglegentia in castris custodiendis fuit. nam,
etsi propinquus hostis erat, tamen reliquias eum esse duorum
exercituum ante paucos dies deletorum subcurrebat. Ob hoc
quum omnia neglecta apud hostes essent, exploratis iis, Mar-
cius ad consilium, prima specie temerarium magis, quam
audax, animum adjecit, ut ultro castra hostium obpugnaret:
facilius⁷ esse ratus, unius Hasdrubalis expugnari castra,
quam, si se rursus tres exercitus ac tres duces junxissent, sua
defendi: simul aut, si successisset coeptis, recepturum se ad-
flictas res: aut, si pulsus esset, tamen ultro inferendo arma,
contemtum sui demturum.

XXXVIII. Ne tamen subita res et nocturnus terror ⁶ etiam
non suæ fortunæ consilium perturbaret, adloquendos adhor-
tandosque sibi milites ratus, concione advocata ita disseruit:
*Vel mea erga imperatores nostros vivos mortuosque pietas, vel
præsens omnium nostrum, milites, fortuna fidem cuivis facere
potest, mihi hoc imperium, ut ⁷ amplum iudicio vestro, ita re
ipsa grave ac sollicitum esse. Quo enim tempore, nisi metus
maerorem obstupefaceret, vix ita compos mei essem, ut ⁸ aliqua*

⁷ simul facilius Gron. Crev.

⁵ Discurrere ad arma] Observat Jacob. Gronovius abesse verbum dis-
currere ab uno MS. et has voces sic
solitarias, ad arma, interpretatur,
conclamare ad arma. Sic et apud
Florum, l. II. c. 6. ubi vulgo habetur,
non statim ad arma procurrunt, con-
tendit ex auctoritate unius MS. le-
gendum esse, non statim ad arma,
reciso verbo procurrunt. Sane in hoc
nostro Livii loco odiosa est repetitio:
discurrere ad arma... discurrunt ad
portas, et in hostem... incurrunt.

⁶ Etiam non suæ fortunæ consilium
perturbaret] Impedimentum et per-
turbationem afferret consilio, † quod
per se ipsum parum convenire videretur
afflictæ tunc ac prope desperatæ
Romanorum fortunæ.

⁷ Amplum iudicio vestro] Honori-
ficum, si quis illud spectat tanquam
delatum suffragio vestro.

⁸ Aliqua solatia] Mendum hic in-
sederat plerasque recentiorum editio-
num, alia. Vetustiores et MSS. id
tenent quod edidimus.

solatia invenire aegro animo possem; cogor vestram omnium U. C. 540. vicem (quod difficillimum in luctu est) unus consulere. et ne tum A. C. 212. quidem, ubi, quonam modo has reliquias duorum exercituum patriæ conservare possim, cogitandum est, avertere animum ab assiduo mœrore libet. Præsto est enim acerba memoria, et Scipiones me ambo dies noctesque curis insomniisque agitant, et excitant sæpe somno; neu se, neu invictos ⁹ per octo annos in his terris milites suos, commilitones vestros, neu rempublicam patiar inultam, et suam disciplinam suaque instituta ¹⁰ sequi jubent: et, ut imperiis vivorum nemo obedientior me uno fuerit, ita post mortem suam, quod quaque in re facturos illos fuisse maxime censeam, ¹¹ id optimum ducere. Vos quoque velim, milites, non lamentis lacrimisque tamquam extinctos prosequi, (vivunt vigentque fama rerum gestarum) sed, quotiescumque obcurreret memoria illorum, velut si adhortantes signumque dantes videatis eos, ita prœlia inire. Nec alia profecto species, hesterno die oculis animisque vestris oblata, memorabile illud edidit prœlium: quo documentum dedistis hostibus, non cum Scipionibus extinctum esse nomen Romanum: et, cujus populi vis atque virtus non obruta sit Cannensi clade, ex omni profecto sævitia fortunæ emersuram esse. Nunc, quia tantum ausi estis sponte vestra, experiri libet, quantum audeatis duce vestro auctore. non enim hesterno die, quum signum receptui dedi sequentibus effuse vobis turbatum hostem, frangere audaciam vestram, sed differre in maiorem gloriam atque opportunitatem, volui: ut postmodo præparati incautos, armati inermes, atque etiam sopitos, per occasionem adgredi possentis. Nec hujus occasionis spem, milites, forte temere, sed ex re ipsa conceptam habeo. A vobis quoque profecto si quis quærat, quonam modo pauci a multis, victi a victoribus castra tutati sitis; nihil aliud respondeatis, quam id ipsum timentes vos omnia et operibus firmata habuisse, et ipsos paratos instructosque fuisse. Et ita se res habet. ¹² ad id, quod, ne timeatur, fortuna facit, minime tuti sunt homines: quia, quod neglexeris, incautum atque apertum habeas. Nihil omnium nunc minus metuant hostes, quam ne obsessi modo ipsi atque obpugnati castra sua ultro obpugnemus. Audeamus, quod credi non potest ausuros nos. eo ipso, quod difficillimum videtur, facillimum

⁹ qui Gron. Crev.

⁹ Per octo annos] Imo septem. Vid. not. 2. ad c. 36. supra.

¹⁰ Sequi jubent, et ut imperiis] Totius hujus loci alia habetur in vulgatis libris interpunctio. Ea quæ hic apponitur, a Perizonio monstrata, multo elegantior visa est.

¹¹ Id optimum ducere] Supple ex præcedentibus, jubent. Vitiosa in-

terpunctio hunc locum deformat in vulgatis libris.

¹² Ad id quod ne timeatur] Nihil minus tutum est hominibus, quam quod præsens fortuna vetat timeri: quoniam id plerumque ab iis negligitur; quod autem neglexeris, incautum atque apertum est, ac facillime hosti patet.



U. C. 540. *erit. Tertia vigilia noctis silenti agmine ducam vos. explora-*
 A. C. 212. *tum habeo, non vigiliarum ordinem, non stationes justas esse.*
Clamor in portis auditus et primus impetus castra ceperit. tum
inter torpidos somno, paventesque ad necopinatum tumultum,
et inermes in cubilibus suis obpressos, illa caedes edatur, a qua
vos hesterno die revocatos ægre ferebatis. Scio, audax videri
consilium: sed in rebus asperis et tenui spe fortissima quæque
consilia tutissima sunt. quia, si in occasionis momento, cujus
prætervolat opportunitas, cunctatus paulum fueris, nequid-
quam mox omissam¹ quæras. Unus exercitus in propinquo
est: duo haud procul absunt. nunc adgredientibus spes aliqua²
est: et jam tentastis vestras atque illorum vires. Si diem profe-
rimus, et hesternæ eruptionis fama contemni desierimus, peri-
culum est, ne¹³ omnes duces, omnes² copiarum conveniant. Tres
deinde duces, tres exercitus sustinebimus hostium, quos Cn.
Scipio incolumi exercitu non sustinuit? Ut dividendo copias
periere duces nostri, ita separati ac divisi obprimi possunt
hostes. alia belli gerendi via nulla est. proinde nihil, præter
noctis proximæ opportunitatem, expectemus. Ite, Deis¹ bene
juvantibus, corpora curate, ut integri vigentesque eodem animo
in castra hostium intrumpatis, quo vestra tutati estis. Læti
et audire ab novo duce novum consilium, et, quo audacius
erat, magis placebat. reliquum diei expediendis armis et
curatione corporum consumtum: et major pars noctis quieti
data est. ¹⁴ quarta vigilia movere.

Castra Has-
drubalis ca-
piuntur.

XXXIX. Erant ultra proxima castra sex millium intervallo
 distantes aliæ copiarum Pœnorum. Vallis cava intererat, condensa
 arboribus. in hujus silvæ medio ferme spatio cohors Romana
 arte Punica abditur, et equites. Ita medio itinere intercepto,
 ceteræ copiarum silenti agmine ad proximos hostes ductæ. et,
 quum statio nulla pro portis, neque in vallo custodiæ essent,
 velut in sua castra, nullo usquam obsistente, penetravere.
 Inde signa canunt, et tollitur clamor. Pars semisomnos
 hostes cædunt: pars ignes casis, stramento arido tectis, inji-
 ciunt: pars portas occupant, ut fugam intercludant. Hostes
 simul ignis, clamor, cædes, velut alienatos sensibus, nec au-
 dire, nec providere quidquam sinunt. incidunt inermes inter
 catervas armatorum; alii ruunt ad portas, alii obseptis iti-
 neribus super vallum saliunt: et, ut quisque evaserat, pro-
 tinus ad castra altera fugiunt: ubi ab cohorte et equitibus
 ex occulto procurrentibus circumventi, cæsique ad unum
 omnes sunt. quamquam, etiam si quis ex ea cæde effugisset,

¹ amissam Gron. Crev.

² aliqua spes Eæd.

² omnesque Gron.

¹ Dñs Gron. Crev.

¹³ Omnes duces, omnes copiarum] Ser-
vant asyndeton optimi MSS. quibus
obsecuti sumus. Vulgo omnesque
copiarum.

¹⁴ Quarta vigilia] Marcius in ora-
tione dixit se tertia vigilia moturum;
sed parum scilicet interest.

¹⁵ adeo raptim captis propioribus castris in altera transcursum U. C. 540.
 castra ab Romanis est, ut praevenire nuncius cladis non posset. A. C. 212.
 Ibi vero, quo longius ab hoste aberant, et quia sub lucum²
 pabulatam, lignatum, et praedatum quidam dilapsi fuerant,
 neglecta magis omnia ac soluta invenere: arma tantum in
 stationibus posita: milites inermes, aut humi sedentes adcu-
 bantesque, aut obambulantes ante vallum portasque. Cum Altera et-
 his tam securis solutisque Romani, calentes adhuc ab recenti iam castra
 pugna, ferocesque victoria, proelium ineunt. Itaque nequa-
 quam resisti in portis potuit. intra portas, concursu ex totis
 castris ad primum clamorem et tumultum facto, atrox proelium
 oritur: diuque tenuisset, ni cruenta scuta Romanorum visa,
 indicium alterius cladis Poenis, atque inde pavorem injecis-
 sent. Hic³ terror in fugam avertit omnes: effusique, ¹⁶ qua
 iter est, nisi quos caedes obpressit, exuuntur castris. Ita
 nocte ac die bina castra hostium expugnata ductu L. Marcii.
 Ad triginta septem millia hostium caesa, auctor est ¹⁷ Claudius,
 qui annales Acilianos ex Graeco in Latinum sermonem vertit:
 captos ad mille octingentos triginta: praedam ingentem par-
 tam. in ea fuisse clipeum argenteum ¹⁸ pondo centum triginta
 octo, cum imagine Barcini Hasdrubalis. Valerius Antias
 una castra Magonis capta tradit, septem millia caesa hostium:
 altero proelio, eruptione pugnatum cum Hasdrubale: decem
 millia occisa, quatuor millia trecentos triginta captos. Piso
 quinque millia hominum, quum Mago cedentes nostros effuse
 sequeretur, caesa ex insidiis scribit. Apud omnes magnum Flamma e
 nomen Marcii ducis est. et verae gloriae ejus etiam miracula capite Mar-
 addunt: flammam ei concionanti fusam e capite, sine ipsius cii emicans.
 sensu, cum magno pavore circumstantium militum. monu-
 mentumque victoriae ejus de Poenis, ¹⁹ usque ad incensum
 Capitolium, fuisse in templo clipeum, Marcium adpellatum,
 cum imagine Hasdrubalis. Quietae deinde aliquamdiu in

² lucem Gron. Crev.

³ Hinc Gron.

¹⁵ *Adeo raptim captis*] Non male Gronovius, invenientibus scriptis, legi jubet *adeo raptim a captis*.

¹⁶ *Qua iter est*] Qua patuit fuga.

¹⁷ *Claudius, qui annales Acilianos ex Graeco in Latinum sermonem vertit*] Annales ab Acilio, Romano, Graece scripti fuerant. Testis est, praeter nostrum, Cicero, l. III. de Off. n. 115. Quis ille fuerit Acilius, non liquet. Dionys. l. III. nominat Γάιος 'Ακίλιος. Plut. in Romulo, Γάιος 'Ακίλιος ἱεργῷ. Praenomen igitur illi scriptori fuit Caius. Sed et quum Plut. in Cat. majore meminerit C. Acilii, clari hominis, qui laudi sibi duxerit Carneadis et sociorum legationis philosophorum orationes apud senatum

interpretari, hunc tam cupidum Graecarum litterarum virum non inepte suspicabimur Graece quoque scripsisse historiam. Legatio illa cadit in annum u. c. 597. Claudium, qui annales Acilianos in Latinum sermonem convertit, dicamusne Clodium Licinium, de quo infra l. XXIX. c. 22. an Claudium Quadrigarium, de quo supra l. VIII. c. 19. an alium aliquem Claudium, decernere non possumus.

¹⁸ *Pondo centum triginta octo*] Marcarum nostratum 215. cum uncis 5.

¹⁹ *Usque ad incensum Capitolium*] Anno u. c. 669. * Scipione et Norbano consulibus.

U. C. 540. Hispania res fuere, utrisque, post tantas acceptas in vicem in-
A. C. 212. latasque clades, cunctantibus periculum summæ rerum facere.

Spolia Syra-
cusiſ Ro-
mam de-
vecta.

Marcellus
res Siculo-
rum com-
ponit.

Mutines
novus Pœ-
norum in
Sicilia dux.

XL. Dum hæc in Hispania geruntur, Marcellus captis Syracusis, quum cetera in Sicilia tanta fide atque integritate composuisset, ut non modo suam gloriam, sed etiam majestatem populi Romani, augeret; ornamenta urbis, signa, tabulasque, quibus abundabant Syracusæ, Romam devexit. Hostium quidem illa spolia, et parta belli jure: ceterum inde primum initium ²⁰ mirandi Græcarum artium opera, ²¹ licentiæque huic^a sacra profanaque omnia vulgo spoliandi factum est: quæ postremo in Romanos Deos, templum id ipsum primum, quod a Marcello eximie ornatum est, vertit. Visebantur enim ab externis ad portam Capenam dedicata a Marcello templa, propter excellentia ejus generis ornamenta, quorum perexigua pars comparet. Legationes omnium ferme civitatum Siciliæ ad eum conveniebant. Dispar ut caussa earum, ita conditio erat. qui ante captas Syracusas aut non desciverant, aut redierant in amicitiam, ut socii fideles accepti cultique: ²² quos metus post captas Syracusas dediderat, ut victi a victore leges acceperunt. Erant tamen haud parvæ reliquiæ belli circa Agrigentum Romanis: Epicydes et Hanno duces reliqui prioris belli, et tertius novus ab Hannibale in locum Hippocratis missus, ²³ Libyphœnicum generis ²⁴ Hipponiates, (Mutinem populares vocabant) vir inpi-

^a huic l. hinc Crev.

²⁰ *Mirandi Græcarum artium opera*] Nihil variant hoc loco scripti et editi. Tamen suspicamur vocem *opera* a mala esse manu. Etenim *mirandi Græcarum artium* proba locutio est, ut *vestri adhortandi*, supra l. XXI. c. 41. ut *agrorum suis latronibus condonandi*, apud Cic. Phil. V. n. 6. ut multis in aliis veterum locis. Jam vero *artes* eleganter dicuntur pro *artefactis*. Virgil. l. V. Æneid. v. 359. *Et clypeum efferri jussit, Didymaonis artes*. Hor. l. IV. Od. 8. *artium, Quas aut Parrhasius protulit, aut Scopas*. Hinc apparet vocem *opera* prorsus inutilem esse hoc loco, et merito suspectam esse posse, tanquam ab iis additam quos fugeret hæc paulo reconditior sermonis elegantia.

²¹ *Licentiæque hinc*] Et ortæ exinde licentiæ. Gronovius contra omnes editiones, quibus consentit Victor. codex, dederat *licentiæque huic*, et interpretabatur *licentiæ hujus ævi*. Sed præterquam quod optimus vulgaræ lectionis sensus est, in hac emendatione *et mirandi et licentiæ*

huic inconcinnam structuram orationis efficiunt.

²² *Quos metus . . . dediderat*] Quos metus impulerat ut se dederent.

²³ *Libyphœnicum generis*] Supra, l. XXI. c. 22. *Libyphœnices, mixtum Punicum Afris genus*. Hinc infra Hanno vocat Mutinem *degenerem Afrum*.

²⁴ *Hipponiates: Mutinem populares vocabant*] In nomine *Hipponiates* variant scripti et editi. Jac. Gronovius, quum aliquot scripti vel optimi præferant *Hippacinales*, alii *Hippaciates*, emendat *Hippacrites*: id est, ex urbe quæ dicitur *Ἰππῶνακς*, *Hippu acra*: cujus cives *Hippacritæ* sæpius a Polybio in fine l. I. memorantur. Nec difitemur veram hanc Livii scripturam esse posse, qui hoc loco Polybium exscripserit. Sed magna nobis suspicio oritur, parum interesse utro modo legatur hoc nomen, *Hipponiates*, an *Hippacrites*; et eandem utroque nomine patriam Mutini assignari, nempe *Hipponem Diarrhytum*. Duplex enim fuit Hippo, Regius nempe et Diarrhytus. At quum Mutines

ger, et sub Hannibale magistro omnes belli artes edoctus. U. C. 540. A. C. 212.
 Huic ab Epicyde et Hannone Numidæ dati auxiliares: cum quibus ita pervagatus est hostium agros, ita socios ad retinendos in fide animos eorum, ferendoque^b in tempore cuique auxilium, adiit, ut brevi tempore totam Siciliam impleret nominis sui, nec spes alia major apud faventes rebus Karthaginiensium esset. Itaque inclusi²⁵ ad tempus mœnibus Agrigenti dux Pœnus Syracusanusque, non consilio Mutinis, quam fiducia, magis ausi egredi extra muros, ad Himeram amnem posuerunt castra. Quod ubi perlatus ad Marcellum est, extemplo copias movit; et ab hoste quatuor ferme millium intervallo consedit, quid agerent pararentve expectaturus. Sed nullum neque locum, neque tempus cunctationi consiliove dedit Mutines, transgressus amnem, Terret Romanos. ac stationibus hostium cum ingenti terrore ac tumultu in-
 vectus. Postero die prope justo proelio compulit hostem intra munimenta. inde revocatus seditione Numidarum in castris facta, quum trecenti ferme eorum Heracleam Minoam concessissent, ad mitigandos revocandosque eos profectus, magnopere monuisse duces dicitur, ne absente se cum hoste manus consererent. Id ambo ægre passi duces, magis Hanno, jam ante anxius gloria ejus: *Mutinem sibi modum facere, degenerem Afrum imperatori Karthaginensi, misso ab senatu populoque.* Is perpulit cunctantem Epicyden, ut, transgressi flumen, in aciem exirent. nam si Mutinem opperirentur, et secunda pugnae fortuna evenisset, haud dubie Mutinis gloriam fore.

XLI. Enimvero indignum ratus Marcellus se, qui Han- Eo absente, proelium committitur.
 nibalem subnissum victoria Cannensi ab Nola repulisset, his

^b *ferendumque* Gron. Crev.

dicatur *Libyphœnicum generis*, qui circa Carthaginem incolebant, non potest intelligi Hippone Regio natus, quæ urbs in Numidia erat, procul distans ab Carthagine. Hippo autem Diarrhytus non longe ab Utica, nec proinde a Carthagine, aberat. Verum quonam modo probare poterimus *Hipponiata*s et *Hippacrita*s eisdem esse, ac promiscue sumi et intelligi debere? Id nobis in mentem venit suspicari ex Diodoro, qui l. XX. mentionem facit duarum urbium, quam utramque *Hippu acram* nominat, alterius prope Uticam ab Agathocle expugnatae, alterius in Numidia ab Archagathi ejus filii legato Eumacho captæ. Idem autem plane situs est amborum Hipponum, ut jam diximus. Unde consequens videtur, ut *Hippu acra*, et *Hippon* idem sint nomen, aut certe eorundem locorum

nomina, ac proinde *Hipponiata*s et *Hippacrita*s eodem plane modo et sensu intelligi debeant. Præterea probabimus in nota ad l. L. c. 26. infra, *Hippagreta* urbem ab Appiano memoratam, eandem esse quæ a Diodoro *Hippu acra* dicitur. At quam urbem Appianus Hippagreta, eam Zonaras Hipponem nominat. Unde novum accedit nostræ conjecturæ de Hippone ab *Hippu acra* non distinguendo robur et firmamentum. Quæ si vera sunt, non bene Jac. Gronovius *Hippu acram* locat ad latus Tunetis, quum Hippo Diarrhytus prope Uticam sit, quam inter et Tuneta Carthago sita est: nosque nimium facile ei credidimus in nota his Livii verbis, de quibus nunc agimus, subjecta.

²⁵ *Ad tempus*] Mallemus *ad id tempus*.

U. C. 540. A. C. 212. terra marique victis ab se hostibus cedere, arma propere capere milites, et efferri signa jubet. Instruenti exercitum decem effusis equis advolant ex hostium acie Numidae, nuntiantes, populares suos, primam ex seditione motos, qua trecenti ex numero suo concesserint Heracleam, dein quod praefectum suum ab obtrectantibus ducibus gloriae ejus, sub ipsam certaminis diem, ablegatum videant, quieturos in pugna. Gens fallax promissi fidem praestitit. itaque et Romanis crevit animus, nuncio celeri ²⁶ per ordines^c misso, destitutum ab equite hostem esse, quem maxime timuerant: et territi hostes, praeterquam quod maxima parte virium suarum non juvabantur, timore etiam incusso, ne ab suo et ipsi equite obpugnarentur. Itaque haud magni certaminis fuit. primus clamor atque inpetus rem decrevit. Numidae, quum in concursu quieti stetissent in cornibus, ut terga dantes suos viderunt, fugae tantum parumper comites facti, postquam omnes Agrigentum trepido agmine petentes viderunt, ipsi metu obsidionis passim in civitates proximas dilapsi. Multa millia hominum caesa captaque, et octo elephantia. Haec ultima in Sicilia Marcelli pugna fuit. victor inde Syracusas rediit. Jam ferme in exitu annus erat. itaque senatus Romae decrevit, ut P. Cornelius praetor literas Capuam ad consules mitteret; dum Hannibal procul abesset, nec ulla magni discriminis res ad Capuam gereretur, alter eorum, si ita videretur, ad magistratus subrogandos Romam veniret. Literis acceptis, inter se consules compararunt, ut Claudius comitia perficeret, Fulvius ad Capuam maneret. Consules Claudius creavit Cn. Fulvium Centumalum et P. Sulpicium Servii filium Galbam, qui nullum antea curulem magistratum gessisset. Praetores deinde creati, L. Cornelius Lentulus, M. Cornelius Cethegus, C. Sulpicius, C. Calpurnius Piso. Pisoni jurisdictio urbana, ²⁷ Sulpicio Sicilia, ²⁸ Cethego Apulia, Lentulo Sardinia evenit. Consulibus prorogatum in annum imperium est.

Vincuntur
Pœni.

^c ordinem Gron. Crev.

²⁶ *Per ordinem misso*] Recte Gronovius legi jubet *per ordines*.

²⁷ *Sulpicio Sicilia*] Nempe vetus provincia, quæ Cannensi exercitu obtinebatur. Id apparet ex cap. 1. l. seq.

²⁸ *Cethego Apulia*] Is postea, commutata sorte, Marcello decedenti e

Sicilia successit, ut patet ex capp. 21. et 28. l. XXVI. Apuliam consules obtinuerunt, ex c. 22. ejusdem libri. De his magistratuum anni sequentis provinciis fuse disseruit accuratissimus Perizonius in nota ad hunc locum. Ex ea, quæ maxime necessaria sunt, hic excerpta habes.

EPITOME LIBRI XXVI.

HANNIBAL ad tertium ab urbe Roma lapidem super Anienem castra posuit. ipse vero cum duobus millibus equitum¹ usque ad ipsam Capenam portam, ut urbis situm exploraret, obequitavit. et quum² per triduum in aciem utrimque exercitus omnis descendisset, certamen tempestas diremit: ³nam quum in castra rediissent, statim serenitas erat. Capua capta est ⁴a Q. Fulvio et Ap. Claudio consulibus. Principes Campanorum veneno sibi consciverunt mortem. Quum senatus Campanorum deligatus esset ad palos, ut securi feriretur; literas a senatu missas Q. Fulvius consul, quibus jubebatur parere, antequam legeret, in sinu posuit, et lege agi jussit, et supplicium peregit. Quum in comitiis apud populum quaeretur, cui mandaretur Hispaniarum imperium; nullo id volente suscipere, P. Scipio, P. filius, qui in Hispania ceciderat, professus est se iturum: et, suffragio populi consensuque omnium missus, Novam Karthaginem uno die expugnavit, quum ageret vigesimum quartum annum, videreturque divina stirpe creatus: quoniam et ipse, postquam togam acceperat, quotidie in Capitolio erat; et in cubiculo matris ejus ⁵anguis saepenumero videbatur. Res praeterea in Sicilia gestas continet, et amicitiam cum Aetolis junctam, bellumque gestum adversus Acarnanas et Philippum Macedoniae regem.

¹ Usque ad ipsam Capenam portam] Ita quidem Val. Maximus, l. III. c. 7. n. 10. *Capenam portam armis Annibale pulsante.* Sed Livius infra, c. 10. habet portam Collinam: cui assentiuntur Plin. XV. 18. et Serv. ad VIII. Aen. v. 110. Haec fere Perizonius in nota ad hunc locum. Idem Animadv. Hist. c. 9. observat, non uno hoc loco a Livio dissentire harum epitomarum concinnatorem.

² Per triduum] Imo biduum, ex Liv. infra c. 11.

³ Nam quum in castra rediissent]

Particula nam huc minime convenit: nisi forte aliquid ante eam intercidit, quale reperimus apud ipsum Livium, infra c. 11. *In religionem ea res apud Paenos versa est. Nam, &c.*

⁴ A Q. Fulvio et Ap. Claudio consulibus] Imo proconsulibus: ut et infra scribi debuit Q. Fulvius proconsul, vel proconsule.

⁵ Anguis saepenumero videbatur] Unus ex MSS. Hearnii, visus erat: Andreas, visus est. Certe tamen videbatur hic partum accurate dictum est.

T. LIVII PATAVINI

LIBER XXVI.

U. C. 541.
A. C. 211.
Cn. Fulvio,
P. Sulpicio
Coss.
Provinciae
et exerci-
tus.

CN. Fulvius Centumalus, P. Sulpicius Galba consules, quum idibus Martiis magistratum inissent, senatu in Capitolium vocato, de republica, de administratione belli, de provinciis exercitibusque Patres consuluerunt. Q. Fulvio, Ap. Claudio, prioris anni consulibus, prorogatum imperium est; atque exercitus, quos habebant, decreti. adjectumque, ne a Capua, quam obsidebant, abscederent, priusquam expugnassent. Ea tum cura maxime intentos habebat Romanos: ¹ non ab ira tantum, quæ in nullam umquam civitatem justior fuit, quam quod urbs tam nobilis ac potens, sicut defectione sua traxerat aliquot populos, ita recepta inclinatura rursus animos videbatur ad veteris imperii respectum. Et ² prætoribus prioris anni, M. Junio in Etruria, P. Sempronio in Gallia, cum binis legionibus, quas habuerant, prorogatum est imperium. prorogatum et M. Marcello, ut pro consule in Sicilia ³ reliqua^a belli perficeret eo exercitu, quem haberet. si supplemento opus esset, suppleret de legionibus, quibus P. Cornelius proprætor in Sicilia præesset: dum ne quem militem legeret ex eo numero, quibus senatus missionem reditumque in patriam negasset ante belli finem. C. Sulpicio, cui Sicilia venerat, duæ legiones, quas P. Cornelius habuisset, decretæ: et supplementum de exercitu Cn. Fulvii, qui priore anno in Apulia foede cæsus fugatusque erat. Huic generi militum senatus eundem, quem Cannensibus, finem statuerat militiæ: additum etiam utrorumque ignominiae est, ne in oppidis

^a reliquias Gron. Crev.

¹ *Non ab ira tantum . . . quam*] Non tam propter iram, quam quod . . . Non raro *quam* et *tantum* sibi invicem respondent. Terentius, Hec. Act. III. Sc. 4. *Non hercle verbis dici potest tantum, quam reipsa navigare incommodum est.* Et eodem fere modo idem, Phorm. Act. II. Sc. 1. *Quo magis novi, tanto saepius.*

² *Prætoribus prioris anni, M. Junio . . . P. Sempronio*] M. Junio prætori prioris anni, P. Sempronio, qui quum biennio ante præturam gessis-

set, priore anno Galliam, prorogato imperio, proprætor obtinuerat. Jam observavimus ad l. XXIII. c. 40. interdum a Livio dici *prætorem* cum qui cum prætorio imperio est, quamvis præturam non gerat.

³ *Reliquias belli*] Haud magni momenti res est. Sed tamen legendum putamus *reliqua belli*: quod et Gronovius testatur in Put. legi: et favet optimus e reglis, in quo littera *i* a secunda manu superscripta est: quum prima dedisset *reliquas*.

hibernarent, neve hiberna propius ullam urbem decem millibus ^{U. C. 541.} passuum ædificarent. L. Cornelio in Sardinia duæ legiones ^{A. C. 211.} datæ, quibus Q. Mucius præfuerat. supplementum, si opus esset, consules scribere jussi. T. Otacilio et M. Valerio Siciliae Græciæque ora cum legionibus classibusque, quibus præerant, decretæ. ⁴ Quinquaginta Græci cum legione una, centum Siculi cum duabus legionibus habebant naves. Tribus et viginti ^{23. Legio-} legionibus Romanis eo anno bellum terra marique est gestum. ^{nea.}

II. Principio ejus anni quum de literis L. Marcii referre- ^{Literæ L. Marcii.} tur, res gestæ magnificæ senatui visæ: titulus honoris (quod, imperio non populi jussu, non ex auctoritate Patrum dato, *Proprætor senatui*, scripserat) magnam partem hominum offende-
bat. Rem mali exempli esse, imperatores legi ab exercitibus: et ⁵ sollemne auspicatorum comitiorum in castra et provincias, procul ab legibus magistratibusque, ad militarem temeritatem transferri. et, quum quidam referendum ad senatum censerent, melius visum differri eam consultationem, donec proficiscerentur equites, qui ab Marcio literas adtulerant. Rescribi de frumento et vestimentis exercitus placuit: *eam utramque rem curæ fore senatui.* adscribi autem, *Proprætori L. Marcio*, non placuit: ⁶ ne id ipsum, quod consultationi reliquerant, pro præjudicato ferret. Dimissis equitibus, de nulla re prius consules retulerunt, omniumque in unum sententiæ congruebant, agendum cum tribunis plebis esse, primo quoque tempore ad plebem ferrent, quem cum imperio mitti placeret in Hispaniam ad eum exercitum, cui Cn. Scipio imperator præfuisset. Ea res cum tribunis acta promulgataque est. Sed aliud certamen occupaverat animos. C. Sempronius Blæsus die dicta Cn. Fulvium, ob exercitum ^{Cn. Fulvius} in Apulia amissum, in concionibus vexabat: *multos impe-* ^{accusatur,} *ratores temeritate atque inscientia exercitum in locum præcipitem perduxisse dictitans: neminem, præter Cn. Fulvium, ante corrupisse omnibus vitiis legiones suas, quam proderet. itaque vere dici posse, prius eos perisse, quam viderent hostem; nec ab Hannibale, sed ab imperatore suo, victos esse. Neminem, quum suffragium ineat, satis cernere, cui imperium, cui exercitum permittat.* ⁷ *Quid interfuisse in-*

⁴ *Quinquaginta Græci]* Tuendæ Græcorum oræ quinquaginta naves; Siculorum, centum præerant.

⁵ *Solenne auspicatorum comitiorum]* Solenne institutum, quo comitia auspicato Romæ habebantur.

⁶ *Ne id ipsum . . ferret]* Ne Marcus auferret, id est, assequeretur, tanquam aliquo jam præjudicio, sive priore quodam judicio in antecessum lato, sibi attributum eum ipsum honoris titulum, quem utrum ei concedere deberent, consultationi relique-

rant. Hic *quod ferret* eodem sensu a Livio usurpatum est, quo supra l. III. c. 45. *ut tacitum feras quod celari vis.*

⁷ *Quid interfuisse inter T. Sempronium]* Hoc mancum esse, nemo non videt. Codex unus, teste Gronovio, habet *inter hunc et T. Sempronium.* Atque hoc modo legendum est, nisi cum eodem Gronovio malis: *Quid interfuisse hunc et T. Sempronium?* ut apud Ter. Adelph. Act. I. Sc. 1. *Hoc pater ac dominus interest.*

U. O. 541. ter *Ti. Sempronium*? *Quam ei servorum exercitus datus esset,*
 A. C. 311. *brevi effecisse disciplina atque imperio, ut nemo eorum generis*
ac sanguinis sui memor in acie esset, praesidio sociis, hostibus
terrori essent: Cumas, Beneventum, aliasque urbes eos velut e
faucibus Hannibalis ereptas populo Romano restituisse. Cn.
Fulvium Quiritium Romanorum exercitum, honeste genitos, li-
beraliter educatos, servilibus vitiis imbuisse. ergo effecisse, ut
feroces et inquieti inter socios, ignavi et inbelles inter hostes
essent, ⁸ nec impetum modo Paenorum, sed ne clamorem quidem
sustinere possent. Nec, Hercule, mirum esse, ⁹ milites in acie
non stetisse, quum primus omnium imperator fugeret. magis
mirari se, aliquos stantes cecidisse, et non omnes comites Cn.
Fulvii fuisse pavoris ac fugae. C. Flaminium, L. Paulum,
L. Postunium, Cn. ac P. Scipiones cadere in acie maluisse,
quam deserere circumventos exercitus. Cn. Fulvium prope
unum nuncium deleti exercitus Romam redisse. Facinus indig-
num esse, Cannensem exercitum, quod ex acie fugerit, in Sici-
liam deportatum, ne prius inde dimittatur, quam hostis ex Ita-
lia decesserit, et hoc idem in Cn. Fulvii legionibus nuper de-
cretum: Cn. Fulvio fugam ex praelio, ipsius temeritate com-
misso, impunitam esse: et eum in ganea lustrisque, ubi juven-
tam egerit, senectutem acturum: milites, qui nihil aliud pecca-
verint, quam quod imperatoris similes fuerint, relegatos prope
in exsilium, ignominiosam pati militiam. adeo inparem liber-
tatem Romae diti ac pauperi, honorato atque inhonorato esse.

Se defendit. III. Reus ab se culpam in milites transferebat: *Eos feroci-*
ter pugnam poscentes productos in aciem, non eo, quo voluerint,
(quia serum diei fuerit) sed postero die, et tempore et loco aequo
instructos, seu famam, seu vim hostium non sustinuisse. Quum
effuse omnes fugerent, se quoque turba ablatum; ut Varronem
Cannensi pugna, ut multos alios imperatores. Quis autem so-
lum se restantem prodesse reipublicae, nisi si mors sua remedio
publicis cladibus futura esset, potuisse? Non se inopia com-
meatus, non in loca iniqua incaute deductum, non agmine in-
explorato euntem insidiis circumventum. vi aperta, armis, acie
victum: nec suorum animos, nec hostium, in potestate habuisse.
suum cuique ingenium audaciam aut pavorem facere. Bis est
accusatus, ¹⁰ pecuniaque anquisitum. tertio, testibus datis,
quum, praeterquam quod omnibus probris onerabatur, iurati

⁸ *Nec impetum modo]* Et impetum Paenorum non modo sustinere non possent. Plerumque Livius post has voces non modo suppressit *nam*, ubi in sequenti membro reperitur *ne . . quidem*. Exempla alibi collegimus.

⁹ *Milites in acie non stetisse]* Omnes MSS. nostri, ut et aliquot e Gronovianis, omittunt duas postremas voces: sine quibus tamen sensus con-

stare non potest.

¹⁰ *Pecuniaque anquisitum]* Anquirere proprie idem est ac *querere*, sive *inquirere*. Hic de eo dicitur qui accusat. Anquiri igitur pecunie is qui postulat, ut reus pecuniae damnetur. Capite anquiri is qui postulat, ut reus damnetur capitis. Sed observandum capite non semper designari vitam, sed interdum statum tantummodo

permulti dicerent, fugæ pavorisque initium a prælore ortum; U. C. 541. ab eo desertos milites, quum haud vanum timorem ducis A. C. 211. crederent, terga dedisse; tanta ira accensa est, ut capite anquirendum concio subclamaret. De eo quoque novum certamen ortum. nam, quum tribunus bis pecunia anquisisset, tertio capitis se anquirere diceret; tribuni plebis adpellati, ¹¹ *collegæ*, negarunt, se in mora esse, quo minus, quod ei more majorum permissum esset, ¹² *seu legibus, seu moribus mallet, anquireret*, ¹³ *quoad vel capitis, vel pecuniæ judicasset privato*. Tum Sempronius, ¹⁴ *perduellionis se judicare* Cn. Fulvio, dixit, ¹⁵ *diemque comitiis* ab C. Calpurnio prælore urbis petit. Inde alia spes ab reo tentata est: si adesse in judicio Q. Fulvius frater posset, florens tum et fama rerum gestarum, et propinqua spe Capuæ potiundæ. Id quum per literas It in exsi- miserabiliter pro fratris capite scriptas petisset Fulvius, negas- lium. sentque Patres e republica esse, abscedi a Capua; ¹⁶ *postquam* ^b dies comitiorum aderat, Cn. Fulvius exsulatum Tarquinios abiit. id ei ¹⁷ *justum exsilium* esse, scivit plebs.

IV. Inter hæc vis omnis belli versa in Capuam erat. obside- Capuæ ar- batur tamen acrius, quam obpugnabatur: nec aut famem to- tior obsidio.

^b *priusquam* Gron.

ejus qui in discrimen vocatur. Sic hoc loco dum tribunus *capite anquiri*, hoc tantum postulat, ut Fulvius exilio mulctetur, quam pœnam sequebatur *capitis deminutio*.

¹¹ *Collegæ negarunt se in mora esse*] Negarunt se impedimento esse collegæ suo.

¹² *Seu legibus, seu moribus mallet, anquireret*] Sæpe in jure *mores* opponuntur *legibus*: quia nimirum usu derogatum aliquando legibus fuerat, ac plerumque in mitiorem partem: itaque usus, ubi diuturnitate temporis comprobatus fuerat, pene in legis vim evaluerat. Hic illa distributio, *seu legibus, seu moribus*, evidenter respicit hanc quæ sequitur, *vel capitis, vel pecuniæ*. Scilicet leges, ut videtur, capite damnaverant eum imperatorem qui sua culpa exercitum amisisset. Moribus institutum fuerat, ut pecunia lueret. Fabius Ambustus apud nostrum l. VIII. c. 33. magna asseveratione testatur, capite anquistum de imperatore nullo esse ob rem bello male gestam.

¹³ *Quoad vel capitis, vel pecuniæ judicasset privato*] Donec id assecutus esset ut populus judicaret Fulvium, qui tunc privatus erat, vel capite, vel pecunia mulctandum. Videtur Livius

retulisse ipsa verba decreti tribunorum, et propterea apposuisse ex formula vocem *privato*, quæ alioquin necessaria non erat. Similiter plane, l. XLIII. c. 16. *Censores . . mulctam pro concione privato dixerunt*.

¹⁴ *Perduellionis se judicare*] *Perduellionis*, sive *perduellionem judicare* dicitur reo et judex qui damnat, tanquam perduellionis manifestum, ut l. I. c. 26. ubi Duumviri damnant Horatium his verbis, *P. Horati, tibi perduellionem judico*; et accusator, qui postulat ut reus perduellionis damnetur, ut hoc loco, et itidem l. XLIII. c. 16. Sic et accusator passim dicitur condemnare reum, id est, dare operam ut condemnetur. De perduellione egimus ad l. I. c. 26.

¹⁵ *Diemque comitiis*] Perduellio judicabatur comitiis centuriatis, quæ tribunus habere non poterat. Ideo a prælore urbano diem comitiis petit. Idem reperies factum in simili causa, l. XLIII. c. 16.

¹⁶ *Postquam dies . . aderat*] Quum jam adesset, adventaret judicii dies. Vulgo *priusquam*. Sed optimi scripti id servant quod edidimus.

¹⁷ *Justum exilium*] Verum exilium ac legitimum, tanquam si judicio populi indictum esset.

U. C. 541.
A. C. 211.

Equestria
prœlia pro-
spera Cam-
pania.

Velites in
legionibus.

Hannibal
in Campa-
niam redit.

lerare servitia ac plebs poterant, aut mittere nuncios ad Hannibalem per custodias tam artas. Inventus est Numida, qui, acceptis literis, evasurum se professus, ut promissum præstaret, per media Romana castra nocte egressus, spem accendit Campanis, dum aliquid virium superesset, ab omni parte eruptionem tentandi. Ceterum in multis certaminibus equestria prœlia ferme prospera faciebant: pedites superabantur: sed nequaquam tam lætum vincere, quam triste vinci ulla parte erat ab obsesso et prope expugnato hoste. Inita tandem ratio est, ut, quod viribus deerat, arte æquaretur. ex omnibus legionibus electi sunt juvenes, maxime vigore ac levitate corporum veloces: eis parmæ breviores, quam equestres, et septena jacula quaternos longa pedes data, præfixa¹⁸ ferro, quale hastis velitaribus inest. eos singulos in equos suos accipientes equites adsuefecerunt, et vehi post sese, et desilire perneciter, ubi signum datum esset. Postquam adsuetudine quotidiana satis intrepide visum est fieri, in campum, qui medius inter castra murumque erat, adversus instructos Campanorum equites processerunt. et^c, ubi ad conjectum teli ventum est, signo dato velites desiliunt. pedestris inde acies ex equitatu repente in hostium equites incurrit: jaculaque cum inpetu alia super alia emittunt. Quibus plurimis in equos virosque passim conjectis permultos vulneraverunt: pavoris tamen plus ex re nova atque inopinata injectum est, et in perculsum hostem equites invecti, fugam stragemque eorum usque ad portas fecerunt. Inde equitatu quoque superior¹⁹ Romana res^d fuit. ²⁰ Institutum, ut velites in legionibus essent. Auctorem peditum equiti inmiscendorum centurionem Q. Navium ferunt, honorique id ei apud imperatorem fuisse.

V. Quum in hoc statu ad Capuam res essent, Hannibalem

^c et del. Gron. Crev.

^d acies Eæd.

¹⁸ *Ferro, quale hastis velitaribus inest*] De velitum institutione hic agitur. Quid ergo opus est observare velites armatos esse hastis velitaribus? Nimirum hasta velitaris sumitur univæse pro hasta missili: quæ quidem in usu fuit et ante institutos velites, ut constat ex l. XXIV. c. 34. et post extinctos. Nullos enim fuisse Cæsaris ævo proprie dictos velites conjicit Lipsius non improbabilibus rationum momentis: et tamen post Cæsaris tempus mentio fit velitarium hastarum ab antiquis scriptoribus. Vid. Lips. l. III. de Milit. Rom. Dial. l. De ferro velitaris hastæ egimus in nota 74. ad l. XXIV. c. 34.

¹⁹ *Romana acies*] Melius Put. et alius quoque probæ notæ codex: *Romana res*.

²⁰ *Institutum, ut velites in legioni-*

bus essent] Antea jam in exercitibus Romanis levis armaturæ milites erant. Sed levis armatura commune nomen est, cujus plura sunt genera sive partes, ut rorarii, accensi, de quibus Livius egit, l. VIII. c. 8. et ii qui hoc loco dicuntur velites. Vetus ergo illa levis armatura habuit sagittarios, funditores, jaculatores, qui videntur comprehensi fuisse duplici nomine rorariorum et accensorum; at non velites proprie dictos. Si quando igitur mentio fit velitum prioribus temporibus, ut l. XXIV. c. 34. intellige veteribus illis levis armaturæ militibus accommodatum esse illud nomen, quod tamen iis proprio sensu non competeat. Hæc fusius explicata habes apud Lipsium, l. III. de Mil. Rom. Dial. l.

²¹ diversum Tarentinae arcis potiundae Capusaeque retinendae U. C. 541. trahebant curae. vicit tamen respectus Capusae, in quam om- A. C. 211. nium sociorum hostiumque conversos videbat animos; ²² documento futurae, qualemcumque eventum defectio ab Romanis habuisset. Igitur, magna parte impedimentorum relicta in Brutiis, et omni graviore armatu, cum delectis peditum equitumque, quam poterat aptissimis ad maturandum iter, in Campaniam contendit. secuti tamen tam raptim euntem tres et triginta elephantibus. In valle occulta post Tifata montem imminentem Capusae consedit. Adveniens quum castellum Galatiam, ²³ praesidio^e vi pulso, cepisset, in circumsedentes Capuam se vertit. ²⁴ praemissis ante nunciis Capuam, quo tempore castra Romana adgressurus esset, ut eodem et illi, ad eruptionem parati, portis omnibus sese effunderent^f, ingentem praebuit terrorem. nam alia parte ipse adortus est; alia Campani omnes, pedites equitesque, et cum iis Punicum praesidium, cui Bostar et Hanno praerant, erupit. Romani, ut in re trepida, ne ad unam concurrente partem aliquid indefensi relinquerent, ita inter se copias partiti sunt. Ap. Claudius Campanis, Fulvius Hannibali est obpositus. ²⁵ C. Nero proprætor cum equitibus sextae legionis via, quæ Suessulam fert; C. Fulvius Flaccus legatus cum sociali equitatu constitit e regione Vulturni amnis. Proelium non solito modo clamore ac tumultu est coeptum, sed, ad alium virorum, equorum, armorumque sonum, disposita in muris Campanorum inbellis multitudo tantum cum æris crepitu, qualis in defectu lunæ silenti nocte cieri solet, edidit clamorem, ut averteret etiam pugnantium animos. Campanos facile a vallo Appius arcebat. Major vis ab altera parte Fulvium, Hannibal et Poeni, urgebant. legio ibi sexta loco cessit: qua pulsa, cohors Hispanorum cum tribus elephantibus usque ad vallum pervasit: ruperatque mediam aciem Romanorum, et in ancipiti spe ac^h periculo erat, utrum in castra perumperet, an interclude-

Castra Romana ad-
greditur.
Campani
quoque
erumpunt.

^e add. inde Gron. ^f effunderent, add. res nec explorata Romanis ingentem etc. Ead. ^g C. l. Claudius Ead. ^h et Gron. Crev.

²¹ Diversum . . . trahebant] In diversa trahebant, modo huc, modo illuc inclinabant.

²² Documento futurae, qualemcumque eventum] Propositas in exemplum ac documentum, ut ex eventu quem Campanorum ab Romanis defectio habuisset, ceteri omnes populi judicarent utra societas, Romanorumne an Annibalis, potior esset.

²³ Praesidio vi pulso] Hinc eliminamus superfluum, particulam inde, quam scriptis ignoratam nimium diligentes editores inseruerant.

²⁴ Praemissis ante nunciis Capuam . . . ut . . . sese effunderent, ingentem præ-

buit terrorem] Hæc est MSS. lectio, in qua certe nihil desideret erudita auris. Nempe Annibal ita rebus compositis, ut simul ipse, simul Campani invaderent Romanos, ingentem hostibus praebuit terrorem. Temere ergo et sine ulla causa ille pannus ante ingentem assutus erat, res nec explorata Romanis. Optarem tantum ut ex Victorino codice legeretur praemissisque nunciis: quo melius con-necteretur narratio.

²⁵ C. Nero] Sic habent Put. et Vict. codices, quomodo volebat Sigonius ex vet. lib. Vulgo editi: Claudius Nero.

U. C. 541. A. C. 211. **retur a suis.** Quem pavorem legionis periculumque castrorum Fulvius ubi vidit, Q. Navium primoresque alios centurionum hortatur, ut cohortem hostium sub vallo pugnantes ²⁶ *invadant*¹. in summo discrimine rem verti: aut viam dandam iis esse, et minore conatu, ²⁷ *quam condensam aciem irrupissent, in castra inrupturos: aut conficiendos sub vallo esse.* Nec magni certaminis rem fore: paucos esse, et ab suis interclusos; ²⁸ *et quæ, dum paveat Romanus*^k, *interrupta acies videatur, eam, si se utrimque in hostem vertat, ancipiti pugna medios circumventuram.* Navius ubi hæc imperatoris dicta accepit, ²⁹ *secundi hastati signum ademtum signifero in hostes infert; jacturum in medios eos minitans, ni se propere sequantur milites, et partem capessant pugnae.* Ingens corpus erat, et arma honestabant; et sublatum alte signum converterat ad spectaculum cives hostesque. ceterum, postquam jam ad signa pervenerat Hispanorum, tum undique in eum ³⁰ *tragulae conjectae, et prope tota in unum acies versa: sed neque hostium multitudo, neque telorum vis arcere impetum ejus viri potuerunt.*

VI. Et M. Atilius legatus, ³¹ *primi principis ex eadem legione signam inferri in cohortem Hispanorum coëgit.* Et, qui castris præerant, L. Porcius Licinus et T. Popilius^l legati pro vallo acriter propugnant, elephantosque transgredientes in ipso vallo conficiunt. quorum corporibus quum oppleta esset fossa, velut aggere aut ponte injecto, transitum hostibus dedit. Ibi per stragem jacentium elephantorum atrox edita cædes. Altera in parte castrorum jam impulsus erant Campani Punicumque præsidium, et sub ipsa porta Capuæ, ³² *quæ Vulturum fert, pugnabatur: ³³ ne-*

Repulsi in
urbem
Campani.

¹ add. ac *trucidant*. Ead. ^k *paveat, Romanis* Gron. ^l *Popilius* Gron. Crev.

²⁶ *Invadant ac trucidant*] Nostri libri cum Gronovianis consentiunt in omittendis duabus postremis vocibus.

²⁷ *Quam condensam aciem irrupissent*] Andreas *erupissent*. Lege *rupissent*. Supra: *ruperatque mediam aciem Romanorum*. Et sane haud satis commode diceretur, *irrumpero aciem*. Irrumpitur in castra, irrumptur in castra, non in aciem, multo minus, aciem.

²⁸ *Et quæ, dum paveat Romanus, interrupta acies videatur*] Recepimus lectionem unius e MSS. Colbertinis a Dujatio testatam. Cetera scriptorum et editorum manus, *Romanis interrupta*: quod obscurum et plane vitiosum est. Sensus est: dum pavet Romanus, interrupta acies, Romana nempe, videtur. Sed hæc eadem acies si se utrimque in hostem vertat,

ex illo ipso incommodo superior fiet, ancipitique pugna medios Pœnos circumveniet ac conficiet.

²⁹ *Secundi Hastati*] Secundi manipuli Hastatorum.

³⁰ *Tragulae*] Vid. not. 36. ad l. XXI. c. 7.

³¹ *Primi Principis signum*] Signum primi manipuli Principum.

³² *Quæ Vulturum fert*] Vulgo hic legebatur *ad Vulturum*, nempe amnem. Gronovius ex MSS. delevit voculam *ad*, et intelligit Vulturum oppidum. Utrovis modo legas, parum interest.

³³ *Neque tam armati resistebant, quam quod*] Dele cum Gronovio inutilem voculam *quod*. Sic l. XXVIII. c. 43. *Cujus ego rei non tam ipse ausim tantum virum insimulare, quam ea suspicio haud sane purgata est.*

que tam armati inrumpentibus Romanis resistebant, quam U. C. 541.
quod porta, ballistis^m scorpionibusque instructa, missilibus A. C. 211.
procul hostes arcebat. et subpressit inpetum Romanorum
vulnus imperatoris Ap. Claudii: cui, suos ante prima signa
adhortanti, sub lævo humero summum pectus³⁴ gæso ictum
est. Magna tamen vis hostium ante portam est cæsa: ceteri
trepidi in urbem compulsi. Et Hannibal, postquam cohortis Hispanorum stragem vidit, summaque vi castra hostium Hannibal
defendi, omissa obpugnatione, recipere signa, et convertere recipit sig-
agmen peditum, objecto a tergo equitatu, ne hostis insta- na.
ret, cœpit. Legionum ardor ingens ad hostem insequendum
fuit: sed Flaccus receptui cani jussit; satis ad utrumque
profectum ratus, ut et Campani, quam hand multum in
Hannibale præsidii esset, et ipse Hannibal sentiret. Cæsa
eo die, qui hujus pugnae auctores sunt, octo millia homi-
num de Hannibalis exercitu, tria ex Campanis tradunt:
signaque Karthaginiensibus quindecim adempta, duodevigin-
ti Campanis. Apud alios nequaquam tantam molem pug-
nae inveniⁿ, plusque pavoris, quam certaminis, fuisse: quum
inopinato in castra Romana Numidæ Hispanique cum ele-
phantis inrupissent; elephantis, per media castra videntes,
stragem tabernaculorum ingenti sonitu ac fugam abrum-
pentium vincula jumentorum facerent; fraudem quoque su-
per tamultum adjectam, inmissis ab Hannibale, qui (ha-
buit aliquot) gnari Latinæ linguae juberent consulum ver-
bis, quoniam amissa castra essent, pro se quemque militem
in proximos montes fugere: sed eam celeriter cognitam
fraudem, obpressamque magna cæde hostium; elephantos
igni e castris exactos. Hoc ultimum (utcumque initum fi-
nitumque est) ante deditionem Capuæ proelium fuit. Me-
dixuticus, qui summus magistratus apud Campanos est, eo
anno Seppius Lesius erat, loco obscuro tenuique fortuna
ortus. Matrem ejus quondam, pro pupillo eo³⁵ procurantem
familiarē ostentum, quum respondisset aruspex, summum
quod esset imperium Capuæ, perventurum ad eum puerum,
³⁶ nihil ad eam spem agnoscentem, dixisse ferunt, *Næ tu
perditas res Campanorum narras, ubi summus honos ad filium
meum perveniet!* ³⁷ Ea ludificatio veri, et ipsa in verum ver-

Seppius Le-
sius Medix-
uticus Ca-
puæ.

^m ballistis Gron.

ⁿ invenio Gron. Crev.

³⁴ Gæso] De hoc telo vid. not. 38.
ad L. VIII. c. 8.

³⁵ * Procurantem familiare osten-
tum] Dum sacrum facit expiandi ali-
cujus ostenti causa, quod puero domi
oblatum fuerat.

³⁶ * Nihil ad eam spem agnoscen-
tem] Nihil agnoscentem in sua et filii
sorte, quod tali tantæque spel respon-

deret.

³⁷ Ea ludificatio veri et ipsa in ve-
rum vertit] Ludificata fuerat Lesii
mater responsum aruspici, quod ta-
men verum eventu comprobatum est:
si quidem Lesius summum imperium
Capuæ tenuit. Sed et ipsa illa ludi-
ficatio veri vaticinii in verum quoque
vertit. Tum enim Lesius ad sum-

U. C. 541.
A. C. 211.

tit. nam quum fame ferroque arguerentur, nec spes ulla superesset, iis, qui nati in spem honorum erant, honores detrectantibus; Lesius, querendo desertam ac proditam a primoribus Capuam, summum magistratum ultimus omnium Campanorum cepit.

Hannibal
Romam pe-
tere statuit.

VII. Ceterum Hannibal, ut nec hostes elici amplius ad pugnam vidit, nec per castra eorum perrumpi ad Capuam posse, ne suos quoque^o commeatus intercluderent novi consules, abscedere irritum incepto, et movere a Capua statuit castra. Multa secum, quonam^p inde ire pergeret, volventi subiit animum inpetus, caput ipsum belli Romam petendi: cuius rei semper capitæ prætermisam occasionem post Cannensem pugnam et alii vulgo fremebant, et ipse non dissimulabat. *necopinato pavore ac tumultu, non esse desperandum, aliquam partem urbis occupari posse;*³⁸ *et*^q, *si Roma in discrimine esset, Capuam extemplo omissuros aut ambo*^r *imperatores Romanos, aut alterum ex iis: et, si divisissent copias, utrumque infirmiores factum aut sibi, aut Campanis, bene gerendæ rei fortunam daturus esse.* Una ea^r cura angebat, ne, ubi abscessisset, extemplo dederentur Campani. Numidam promptum ad omnia audenda donis perlicit, ut, literis acceptis, specie transfugæ castra Romana ingressus, altera parte Capuam clam pervadat. Literæ autem erant adhortatione plenæ. *Profectionem suam, quæ salutaris illis foret, abstracturam ad defendendam Romam ab obpugnanda Capua duces atque exercitus Romanos. Ne desponderent animos: tolerando paucos dies, totam soluturos obsidionem.* Inde naves in flumine Vulturno comprehensas³⁹ subigi ad id, quod jam ante præsidii causa fecerat, castellum iussit. Quarum ubi tantam copiam esse, ut una nocte trajici posset exercitus, adlatum est, cibariis decem dierum præparatis, deductas nocte ad fluvium legiones ante lucem trajecit.

VIII. ⁴⁰ Id priusquam fieret, ita futurum compertum ex

^o quoque del. Gron.
^r ambos Crev.

^p quo jam Gron. Crev.
^r ea del. Ead.

^q et, si l. eo si Gron.

mum Capuæ magistratum evectus est, quum perditæ et deploratæ res Campanorum erant.

³⁸ *Et si Roma in discrimine esset*] Hæc est altera spes Annibalis; altera, eaque præcipua causa, cur Romam sibi petendam putet. Hic igitur perbene locum habet particula *et*, quam exhibet Put. codex, aliis alludentibus, qui præferunt *ei*. Sigonius jusserat legi *eo*, parum utile additamentum. Hoc autem semel statuto, malleus in iis quæ sequuntur restitui editorum ante Gronovium lectionem, qui

si divisissent copias.

³⁹ *Subigi ad id quod*] Ingeniosa admodum Gronovii emendatio. Liber optimus habuit *ubi gladio quod*.

⁴⁰ *Id . . . compertum ex transfugis Fulvius Flaccus senatui . . . quam scripsisset*] Polybius in tota hac narratione, quæ libro ejus IX. habetur, multum a Livio discrepat. Neque enim Romanos ante comperisse consilium Annibalis scribit, quam Poenus trajecto Anienem exercitu quadraginta stadiis ab urbe castra posuerit. Tum nihil omnino dicit de Fulvio a Capua

transfugis, Fulvius Flaccus senatui Romam quum scripsisset, varie hominum animi pro cuiusque ingenio adfecti sunt. Ut in re tam trepida, senatu extemplo vocato, P. Cornelius, cui Asinæ cognomen erat, omnes duces exercitusque ex tota Italia, neque Capuæ, neque ullius alterius rei memor, ad urbis præsidium revocabat. Fabius Maximus, abscedi a Capua, terrerique et circumagi ad nutus comminationesque Hannibalis, flagitiosum ducebat. *Qui ad Cannas victor ire tamen ad urbem ausus non esset, eum, a Capua repulsum, spem potiundæ urbis Romæ cepisse? Non ad Romam obsidendam, sed ⁴¹ ad Capuæ liberandam obsidionem^t, ire. Romam cum eo exercitu, qui ad urbem esset, Jovem, fœderum ruptorum ab Hannibale testem, Deosque alios defensuros esse.* Has diversas sententias media sententia P. Valerii Flacci vicit: qui, utriusque rei memor, imperatoribus, qui ad Capuam essent, scribendum censuit, *Quid ad urbem præsidii esset, quantas autem Hannibal copias duceret, aut quanto exercitu ad Capuam obsidendam opus esset, ipsos scire. Si et Romam e ducibus alter, et exercitus pars mitti posset, ut ab reliquo et duce et exercitu Capua recte obsideretur; inter se compararent Claudius Fulviusque, utri obsidenda Capua, utri, ad prohibendam obsidione patriam, Romam veniundum esset.* Hoc sensusconsulto Capuam perlato, Q. Fulvius proconsul, cui, collega ex vulnere ægro, eundem Romam erat, e tribus exercitibus milite electo, ad quindecim millia peditum, mille equites, Vulturum traducit. inde quum Hannibalem Latina via iturum satis comperisset, ipse per Appiæ municipia, quæque propter eam viam sunt, Setiam, Coram, Lanuvium præmisit, ut commeatus paratos et in urbibus haberent, et ex agris deviis in viam proferrent, præsidiaque in urbes contraherent, ⁴² ut sua cuique respublica in manu esset.

Fulvius a Capua Romam evocatur.

IX. Hannibal, quo die Vulturum est transgressus, haud procul a flumine castra posuit. Postero die præter Cales in agrum Sidicinum pervenit. ibi diem unum populando moratus, ⁴³ per Suessulam Allifanumque et Casinatem agrum

^t ad Capuam liberandam obsidione Gron. Crev.

revocato. Romam denique a consulibus eo solo exercitu, qui ad urbem esset, defensam fuisse memorat. Utrius potior sit fides, Polybii an Livii, non decernimus. Sed eos in re tam clara tamque illustri tantopere dissentire vehementer miramur.

⁴¹ *Ad Capuam liberandam obsidionem*] Hic nostri codices, quemadmodum et optimi e Gronovianis, notabile loquendi genus exhibent, *ad Capuæ liberandam obsidionem*. Et aliud

simile exemplum advocat Gronovius ex l. XXXVI. c. 25. *suamque gratiam consul in obsidione liberanda facturum esset.*

⁴² * *Ut sua cuique respublica in manu esset*] Ut uniuscujusque urbis cives suam rempublicam per se ipsi tenerent ac tutari possent.

⁴³ *Per Suessulam*] Suessula Annibali in Sidicinum agrum ingresso et Romam petenti a tergo erat, quum sit inter Capuam et Nolam sita. Lege

U. C. 541. A. C. 211. **via Latina ducit: sub Casinum biduo stativa habita et passim populationes factæ. Inde, præter Interamnam Aquinumque, in Fregellanum agrum ad Lirim fluvium ventum. ubi intercium pontem a Fregellanis morandi itineris causa invenit. Et Fulvium Vulturum tenuerat annis, 44 navibus ab Hannibale incensis, rates ad trajiciendum exercitum, in magna inopia materiæ, ægre comparantem. Trajecto ratibus exercitu, reliquum Fulvio expeditum iter, non per urbes modo, sed circa viam, expositis benigne commeatibus, erat: alacresque milites alius alium, ut adderet gradum, memor ad defendendam ire patriam, hortabantur. Romam Fregellanus nuncius, diem noctemque itinere continuato, ingentem adtulit terrorem. tumultuosius, quam adlatum erat, cursus hominum, adfingentium vana auditis, totam urbem conciverat. ploratus mulierum non ex privatis solum domibus exaudiebatur; sed undique matronæ, in publicum effusæ, circa Deum delubra discurrunt, crinibus passis aras verrentes, nixæ genibus, supinas manus ad cælum ac Deos tendentes, orantesque, ut urbem Romanam e manibus hostium eriperent; matresque Romanas et liberos parvos inviolatos servarent. Senatus magistratibus in foro præsto est, si quid consulere velint. Alii accipiunt imperia, disceduntque ad suas quisque officiorum partes: alii obferunt se, si quo usus operæ sit. præsidia in arce, in Capitolio, in muris, circa urbem, in monte etiam Albano atque arce Æsulana ponuntur. Inter hunc tumultum, Q. Fulvium proconsulem profectum cum exercitu a Capua adfertur; 45 cui ne minueretur imperium, si in urbem venisset, decernit senatus, ut Q. Fulvio par cum consulibus imperium esset. Hannibal, infestius perpopulato agro Fregellano propter intercisos pontes, per Frusinatem Ferentinatamque et Anagninum agrum in Lavicanum venit. 46 inde Algidum Tusculum petit: nec receptus moenibus, infra Tusculum**

Tumultus
Romæ.

igitur cum Cluverio per Suessanum . . . agrum. Suessa Aurunca est juxta Latinam viam, paulum ultra oppidum Cales Romam versus. Allifæ erant quidem ad lævam Vulturni: sed fortasse ager Allifanus ad dextram, quoque ripam pertendebat.

44 Navibus . . . incensis, rates . . . ægre comparantem] *Ratis* vel est scapha subitaria et tumultuaria, vel tignorum series doliorum inter se consortis ordinibus sustentata, quam Gallice vocamus *un radeau*. Prior sensus hic magis conveniat. Ceterum *ratis* pro *nave* etiam non raro apud poetas præsertim usurpatur.

45 Cui ne minueretur imperium, si in urbem venisset] In urbe enim proconsule nemo habebat imperium, sed tantum extra urbem.

46 Inde Algidum] Inde transeundo per Algidum petit Tusculum. Ceterum de hoc loco magna lis exorta est inter celeberrimos viros, Jac. Gronovium, et Raph. Fabretum. Consule, si vacat et libet, Jac. Gronovii tertiam Dissert. Epistolice, Fabretti Dissert. tertiam de Aquis et Aqueductibus, Respons. Gronovii ad Cavillationes Raph. Fabretti, et Fabretti Apolog. ad Gronovium.

dextrorsus Gabios descendit. inde ⁴⁷in Pupiniam exercitu U. C. 541. demisso, octo millia passuum ab Roma posuit castra. Quo A. C. 211. propius hostis accedebat, eo major cædes fiebat fugientium, præcedentibus Numidis: pluresque omnium generum atque ætatum capiebantur.

X. In hoc tumultu Fulvius Flaccus, porta Capena cum ex- Fulvius cum exercitu Romam ingreditur. ercitu Romam ingressus, media urbe ⁴⁸per Carinas Esquilias contendit. inde egressus, inter Esquilinam Collinamque portam posuit castra. Ædiles plebis commeatum eo comportarunt. Consules senatusque in castra venerunt. ibi de summa republica consultatum. ⁴⁹Placuit, consules^a circa portas Collinam Esquilinamque ponere castra: C. Calpurnium prætorem urbanum Capitolio atque arci præesse: et senatum frequentem in foro contineri, si quid in tam subitis rebus consulto opus esset. Inter hæc Hannibal ad Anienem fluvium, tria millia passuum ab urbe, castra admovit. ibi stativis Hannibal tria millia passuum ab urbe castra locat. positis, ipse cum duobus millibus equitum a porta Collina usque ad Herculis templum est progressus; atque, unde proxime poterat, mœnia situmque urbis obequitans contemplabatur. Id eum tam licenter atque otiose facere, Flacco indignum visum est. itaque inmisit equites, submoverique atque Urbem obequitans contemplatur. in castra redigi hostium equitatum jussit. Quum commissum prælium esset, consules transfugas Numidarum, qui tum in Aventino ad mille et ducentos erant, media urbe transire Esquilias jusserunt: nullos aptiores, inter convalles teo- taque hortorum et sepulcra aut cava undique vias, ad pugnandum futuros rati. quos ⁵⁰quum ex arce Capitolioque clivo publico in equis decurrentes quidam vidissent, captum Aven-

^a Placuit Consulibus Gron.

⁴⁷ *In Pupiniam*] Supple, tribum. In agrum Pupiniæ tribus, sive Pupiniensem. Eodem plane modo Val. Max. l. IV. c. 4. *In agello, quem in Pupinia habebat.*

⁴⁸ *Per Carinas Esquilias contendit*] Per eam regionem urbis quæ dicitur *Carinæ*, perrexit ad Esquilias. De Esquilias vid. not. 36. ad l. 44.

⁴⁹ *Placuit consules . . . ponere castra*] Gronovianæ editiones præferunt *consulibus*: quædam paulo vetustiores, *cons.* Andreas et Campanus discrete *consules*, quemadmodum et in tribus scriptis reperisse se Hearnius testatur, et nos in Put. tribusque aliis legimus. Fidenter ergo reposuimus *consules*, quod et sensus ratio, et membrorum sequentium textura postulare visa est.

⁵⁰ *Quum ex arce Capitolioque*] Horum verborum hunc sensum esse Hearnius contendit: quum spectan-

tes ex arce Capitolioque quidam vidissent Numidas clivo Publico in equis decurrentes ex Aventino. Id, inquit, ipsa probant historici verba, *quum ex arce Capitolioque quidam vidissent*; id est, Romani spectabant ex utraque montis parte, altera, quæ arx dicitur, altera, quæ Capitolium: Neque vero potest uno eodemque clivo *ex arce* simul *Capitolioque* descendendi. Quomodo enim unus idemque clivus ad utramque montis partem pertinebat? Deinde ipsa mentio clivi Publici, qui ad Aventinum ducebat, clare probat non ex Capitolio decurrisse Numidas. Ceterum hunc clivum *Publicum* dictum esse, non *Publicum*, constat ex Varrone, et Festo, et ipso Livio, infra XXVII. 37. et XXX. 26. Et favet Put. codex, in quo littera *i* inter *c* et *e* altera manu superscripta est.

U. C. 541. tinum conclamaverunt. Ea res tantum tumultum ac fugam
A. C. 211. præbuit, ut, nisi castra Punica extra urbem fuissent, effusura
se omnis pavida multitudo fuerit. tunc in domos atque in
tectæ refugiebant: vagosque in viis suos pro hostibus lapidi-
bus telisque incessebant. Nec comprimi tumultus aperirique
error poterat, refertis itineribus agrestium turba pecorum-
que, quæ repentinus pavor in urbem compulerat. Equestre
Submotus prælium secundum fuit, submotique hostes sunt: et, quia
Hannibal. multis locis comprimendi tumultus erant, qui temere orie-
bantur, placuit, omnes, qui dictatores, consules, censoresve
fuissent, cum imperio esse, donec recessisset a muris hostis.
Et diei quod reliquum fuit, et nocte insequenti, multi temere
excitati tumultus sunt, compressique.

Instructas XI. Postero die transgressus Anienem Hannibal in aciem
utrimque a- omnes copias eduxit: nec Flaccus consulesque certamen de-
cies tempes- trectavere. Instructis utrimque exercitibus in ejus pugnae
tas dirimit. casum, in qua urbs Roma victori præmium esset, imber ingens
grandine mixtus ita utramque aciem turbavit, ut vix armis
retentis in castra sese receperint, nullius rei minore, quam
hostium, metu. Et postero die eodem loco acies instructas
eadem tempestas diremit. ubi recepissent se in castra, mira
serenitas cum tranquillitateoriebatur. In religionem ea res
apud Pœnos versa est: auditaque vox Hannibalis fertur, *Po-
tiundæ sibi urbis Romæ modo mentem non dari, modo fortunam.*
Minuere etiam spem ejus et aliæ, parva magnaue, res:
magna illa, quod, quum ipse ad mœnia urbis Romæ armatus
Supplemen- sederet, milites sub vexillis in supplementum Hispaniæ pro-
tum in His- fectos audivit: parva autem, quod per eos dies eum forte
paniam. agrum, in quo ipse castra haberet, venisse, nihil ob id demi-
Ager, in nuto pretio, cognitum ex quodam captivo est. Id vero adeo su-
quo Hanni- perbum atque indignum visum, ejus soli, quod ipse bello cap-
bal castra tum possideret haberetque, inventum Romæ emtorem; ut,
habebat, tum extemplo vocato præcone, tabernas argentarias, quæ circa
venit Ro- forum Romanum tunc essent, jusserit venire. His motus ad
mæ. Tutiam fluvium castra retulit, sex millia passuum ab urbe. inde
Recedit ad lucum Feroniæ pergit ire, templum ea tempestate inclitum
Hannibal. divitiis. ⁵¹ Capenates aliqui adcolæ ejus erant; primitias fru-
gum eo donaque alia pro copia portantes, multo auro argen-
toque id exornatum habebant. His omnibus donis tum
spoliatum templum. æris acervi, quum ⁵² rudera milites reli-
gione inducti jacerent, post profectionem Hannibalis magni in-
venti. Hujus populatio templi haud dubia inter scriptores est.

⁵¹ *Capenates aliqui*] Haud placet hic vox *aliqui*. Gronovius suspicatur, vel *Capenates aliqui qui accolæ ejus erant*; vel, resectis vocibus *ejus erant*, et nonnullis leviter mutatis, *Capenates Faliscique accolæ*. Standum vide-

tur priori emendatione, quæ ab uno e Colbertinis codicibus firmatur, teste Dujatio.

⁵² *Rudera*] *Rudus* hoc loco accipiendum est pro ære infecto ac rudi.

Coelius, Romam euntem ab Ereto divertisse eo Hannibalem, U. C. 541. tradit: ⁵³ iterque ejus ab Reate, Cutiliisque, et ab Amiterno A. C. 211. orditur. ex Campania in Samnium, inde in Pelignos perve- Hannibalis
nisse; præterque oppidum Sulmonem in Marrucinos trans- iteuntis
isse; inde Albensi agro in Marsos, hinc Amiternum, Foru- iter.
losque vicum venisse. Neque ibi error est, quod tanti ex-
ercitus vestigia intra tam brevis ævi memoriam potuerint
confundi. isse enim ea constat. Tantum id interest, vene-
ritne eo itinere ad urbem, an ab urbe in Campaniam redierit.

XII. Ceterum non quantum pertinaciæ ad premendam ob- It Rhegi-
sidione Capuam Romanis fuit, tantum ad defendendam Han- um.
nibali. namque ex Lucanis in Bruttium agrum, ad fretum
vero ac Rhegium eo cursu contendit, ut prope repentino ad-
ventu incautos obpresserit. Capua etsi ⁵⁴ nihilo^x segnius ob-
sessa per eos dies fuerat, tamen adventum Flacci sensit: et
admiratio orta est, non simul regressum Hannibalem. Inde
per colloquia intellexerunt, relictos se desertosque, et spem
Capuæ retinendæ deploratam apud Pœnos esse. Accessit
edictum proconsulis ex senatusconsulto propositum, vulga-
tumque apud hostes: *ut, qui civis Campanus ante certam diem* Campano-
transisset, ⁵⁵ sine fraude esset. Nec ulla facta est transitio, metu rum torpor
magis eos, quam fide, continente; quia majora in defectione et despera-
deliquerant, quam quibus ignosci posset. Ceterum quemad- tio.
modum nemo privato consilio ad hostem transibat, ita nihil
salutare in medium consulebatur. Nobilitas rempublicam de-
seruerat, neque in senatum cogi poterant^y. in magistratu
autem erat, qui non sibi honorem adjecisset, sed indignitate
sua vim ac jus magistratui, quem gerebat, demsisset. Jam ne
in foro quidem, aut publico loco, principum quisquam adpa-
rebat: domibus inclusi patriæ occasum cum suo exitio in
dies exspectabant. summa curæ omnis in Bostarem Hanno-
nemque præfectos præsidii Punici versa erat, suo, non socio-
rum, periculo sollicitos. ⁵⁶ Hi, conscriptis ad Hannibalem lite- Literæ
ris, non libere modo, sed etiam aspere, quibus, *non Capuam so-* Bostaris et
Hannonis
ad Hanni-
balem.

^x nihil Gron.

^y poterat Gron. Crev.

⁵³ *Iterque ejus ab Reate, Cutiliis- que, et ab Amiterno orditur*] Hæc op-
pida nominantur non eo ordine, quo
Annibal ea transisse a Cœlio diceba-
tur, sed plane inverso. Scripserat
nempe Cœlius Annibalem Romam
euntem ab Amiterno Cutilias, dein
Reate, postea Eretum venisse; inde
ad lucum Feroniæ, qui est ultra Ti-
berim in Etruria, divertisse. Quanam
autem via Amiternum a Capua venis-
set ex mente Cœlii, exponit deinde
Livius, dum eum ex Campania dicit
in Samnium, inde per Pelignos,
Marrucinos, Marsos, ad oppidum

Amiternum postremo Forulosque vi-
cum pervenisse. De Cœlio vid. not.
71, ad l. XXI. c. 38.

⁵⁴ *Nihilo segnius*] Vulgo *nihil*.
Hoc mendum, quod plurimas editio-
nes insederat, correximus moniti a
Jac. Gronovio, volente Put. codice et
omnibus nostris.

⁵⁵ *Sine fraude esset*] Ei ne fraudi
esset defectio Campanorum; is im-
munis esset ab omni et noxa et poena.

⁵⁶ *Hi conscriptis*] Pendula quo-
dammodo remanet vox *hi*, cui nul-
lum subest verbum finiti modi. Simile
exemplum observavimus l. VIII. c. 11.

U. C. 541. *lam traditam in manum hostibus, sed se quoque et praesidium*
 A. C. 211. *in omnes cruciatus proditos, incusabant: abuisse eum in Brut-*
tios, velut avertentem sese, ne Capua in oculis ejus caperetur. at,
Hercule, Romanos ne obpugnatione quidem urbis Romanae abs-
trahi ab Capua obsidenda potuisse. tanto constantiorem inimi-
cum Romanum, quam amicum Pœnium esse. Si redeat Capu-
an, bellumque omne eo vertat, et se et Campanos paratos erup-
tionis fore. Non cum Rheginis, neque Tarentinis bellum gestu-
ros transisse Alpes. ubi Romanae legiones sint, ibi et Karthagi-
niensium exercitus debere esse. Sic ad Cannas, sic ad Trasime-
num rem bene gestam; coeundo, conferendo cum hoste castra,
fortunam tentando. In hanc sententiam literae conscriptae
Numidis, proposita mercede jam professis operam, dantur.
Hi specie transfugarum quum ad Flaccum in castra venis-
sent, ut inde tempore capto abirent; famesque, quae tam
diu Capuae erat, nulli non probabilem causam transitionis
faceret, mulier repente Campana in castra venit, scortum
transfugarum unius; indicatque imperatori Romano, Numi-
das fraude composita transisse, literasque ad Hannibalem
ferre. ⁵⁷ id unum ex iis, qui sibi rem aperuisset, arguere sese
paratam esse. Productus primo satis constanter ignorare se
mulierem simulabat: paullatim dein convictus veris, quum
t tormenta posci et parari videret, fassus id ita esse. literaeque
prolatæ; ⁵⁸ et additum etiam indicio, quod celabatur, et alios
specie transfugarum Numidas vagari in castris Romanis. hi
supra septuaginta comprehensi, et cum transfugis novis mul-
cati^a virgis, manibusque praecisis, Capuam rediguntur. Con-
spectum tam triste supplicium fregit animos Campanorum.

Senatus
 Campanus
 convocatur.

Vibii Virrii
 oratio.

XIII. Concursus ad curiam populi factus coëgit Lesium se-
 natum vocare: et primoribus, qui jam diu publicis consiliis
 aberant, propalam minabantur, nisi venirent in senatum, circa
 domos eorum ituros se, et in publicum omnes vi extracturos
 esse. Is timor frequentem senatum magistratui prae-
 buit. Ibi quum ceteri de legatis mittendis ad imperatores Romanos
 agerent, Vibius Virrius^b, qui defectionis ab Romanis auctor
 fuerat, interrogatus sententiam, negat, eos, qui de legatis et de
 pace ac deditione loquantur, meminisse, nec quid facturi fuerint,
 si Romanos in potestate habuissent; nec quid ipsis patiendam
 sit. ⁵⁹ Quid? vos, inquit, eam deditionem fore censetis, qua
 quondam, ut adversus Samnites auxilium impetravimus, nos

^a solum Gron. Crev. ^a multati Gron. multati Crev. ^b Virius Gron. Crev.

⁵⁷ * *Id unum ex iis . . . arguere se-*
as paratam esse] Se paratam esse de
ea re convincere unum ex illis Numi-
dis.

⁵⁸ * *Et additum] Et indicio ac con-*
fessione de litteris id etiam additum
quod primo celatum fuerat, nempe

alios quoque Numidas . . .

⁵⁹ *Quid? vos . . . eam deditionem fore*
censetis, qua] Talem fore censetis
deditionem quam mactatis nunc fieri,
qualis fuit illa, qua quondam. . . . De
illa veteri Campanorum deditione
vid. nostrum, l. VII. capp. 30. et 31

nostraque omnia Romanis dedidimus? Jam e memoria excessit, quo tempore, et in qua fortuna a populo Romano defecerimus? jam, quemadmodum in defectione præsidium, quod poterat emitte, per cruciatum et ad contumeliam necarimus? quoties in obsidentes, quam inimice eruperimus, castra obpugnauerimus? Hannibalem vocaverimus ad obprimendos eos? hoc quod recentissimum est, ad obpugnandam Romam hinc eum miserimus? Age contra, quæ illi infeste in nos fecerint, repetite: ut ex eo, quid speretis, habeatis. Quam hostis alienigena in Italia esset, et Hannibal hostis, et cuncta bello arderent, omissis omnibus, omisso ipso Hannibale, ambo consules et duo consulares exercitus ad Capuam obpugnandam miserunt. Alterum annum circumvallatos inclusosque nos fame macerant, et ipsi nobiscum ultima pericula ac gravissimos labores perpessi, circa vallum ac fossas sæpe trucidati, et prope ad extremum castris exuti. Sed omitto hæc. vetus atque usitata res est, in obpugnanda hostium urbe labores ac pericula pati. illud iræ atque odii execrabilis indicium est. Hannibal ingentibus copiis peditum equitumque castra obpugnavit, et ex parte cepit: tanto periculo nihil moti sunt ab obsidione. Profectus trans Vulturum, perussit Calenum agrum: nihil tanta sociorum clade advocati sunt. Ad ipsam urbem Romam infesta signa ferri jussit. eam quoque tempestatem imminentem spreverunt. Transgressus Anienem, tria millia passuum ab urbe castra posuit: postremo ad mœnia ipsa et ad portas accessit. Romam se adempturum eis, nisi omitterent Capuam, ostendit. non omiserunt. Feras bestias, cæco inpetu ac rabie concitatas, si ad cubilia et catulos earum ire pergas, ad opem suis ferendam avertas. Romanos Roma circumsessæ, conjuges, liberi, quorum ploratus ⁶⁰ hinc^d prope exaudiebantur, aræ, foci, Deum delubra, sepulcra majorum temerata ac violata, a Capua non averterunt: tanta aviditas supplicii expetendi, tanta sanguinis nostri hauriendi est sitis. Nec injuria forsitan. nos quoque idem fecissemus, si data fortuna esset. Itaque quando aliter Diis immortalibus visum est, quam mortem ne recusare quidem debeam; cruciatus contumeliasque, quas sperat hostis, dum liber, dum mei potens sum, effugere morte, præterquam honesta, etiam leni, possum. Non videbo Ap. Claudium et Q. Fulvium, victoria insolenti subnisos, neque vinctus per urbem Romanam triumphæ spectaculum trahar, ut deinde in carcere, aut ad palum deligatus, lacerato virgis tergo, cervicem securi Romanæ subjiciam: nec dirui incendique patriam videbo: nec rapi ad stuprum matres Campanas, virginesque, et ingenuos

^d ins. quoque Gron.

60 Hinc prope exaudiebantur] Si res e Gronovianis codd. et omnes nostri. gonius addiderat quoque: sed redundantem particulam respuunt melio-

U. C. 341. *pueros. Albam, unde ipsi oriundi erant, a fundamentis prorue-*
A. C. 311. *runt, ⁶¹ ne stirpis, ne memoria originum suarum exstaret: ne-*
dum eos Capuæ parsuros credam, cui infestiores, quam Kar-
thagini, sunt. Itaque quibus vestrum ante futo cedere, quam
hæc tot tam acerba videant, in animo est; iis apud me hodie
epulæ instructæ paratæque sunt. Satiatis vino ciboque pocu-
lum idem, quod mihi datum fuerit, circumferetur: ea potio cor-
pus ab cruciatu, animum a contumeliis, oculos, aures, a viden-
dis audiendisque omnibus acerbis indignisque, quæ manent
victos, vindicabit. parati erunt, qui magno rogo in propatulo
ædium accenso corpora exanima injiciant. Hæc una via et
honestæ et libera ad mortem. et ipsi virtutem mirabuntur hos-
tes, et Hannibal fortes socios sciet ab se desertos ac proditores
esse.

XIV. Hanc orationem Virrii plures audierunt cum ad-
sensu, quam forti animo id, quod probabant, exsequi potue-
runt. Major pars senatus, multis sæpe bellis expertam po-
puli Romani clementiam haud diffidentes sibi quoque pla-
cabilem fore, legatos ad dedendam Romanis Capuam decre-
verunt, miseruntque. Vibium Virrium septem et viginti
ferme senatores domum secuti sunt, epulatique cum eo; et,
quantum facere potuerant, alienatis mentibus vino ab inmi-
nentis sensu mali, venenum omnes sumserunt: inde misso
convivio, dextris inter se datis, ultimoque complexu, con-
lacrimantes suum patriæque casum, alii, ut eodem rogo
cremarentur, manserunt; alii domos digressi sunt. Imple-
tæ cibis vinoque venæ minus efficacem in maturanda morte
vim veneni fecerunt. itaque noctem totam plerique eorum,
et diei insequentis partem quum animam egissent; omnes
tamen, priusquam aperirentur hostibus portæ, exspirarunt.
Postero die porta Jovis, quæ adversus castra Romana erat,
jussu proconsulis aperta est. ea intromissa legio una et
duæ alæ, cum C. Fulvio legato. Is, quum omnium pri-
mum arma telaque, quæ Capuæ erant, ad se conferenda cu-
rasset, custodiis ad omnes portas dispositis, ne quis exire
aut emitti posset, præsidium Punicum comprehendit, sena-

Legati ad
Rom. missi.

Virrius
cum 27. se-
natoribus
venenum
sumit.

Capuam in-
grediuntur
Romani.

61 *Ne stirpis*] Non minus placeret
ne stirps, quomodo habent vetustæ
editiones, et duo MSS. unus Grono-
vio, alter nobis inspectus. Nisi forte
legendum est *stirpes*, ut l. XLI. infra,
c. 8. antique pro *stirps*.

62 *Duæ alæ*] Observavimus ad l.
XXV. c. 21. *alas* dici a Romanis duo
illa peditum corpora, in quæ socialem
exercitum dividebant. Sed non vide-
tur verisimile tantum numerum pe-
destrium copiarum intromissum Ca-
puam sine ullis equitibus. Itaque

rectius *duæ alæ*, de quibus hoc loco
mentio est, accipientur de equitibus
sociis. Equitatus enim socialis et ipse
dividebatur a Romanis in duo corpo-
ra, quæ itidem vocabantur *alæ*, et
erant fere quadringenorum equitum.
atque ea vox propria erat sociorum,
nec nisi raro admodum de Romanis
equitibus usurpatur. Itaque opponi
videas legionarios equites, qui Roma-
ni, et *alarci* sive *alarci*, qui sociales.
Hæc fusius disserit Lipsius, l. II. de
Mil. Rom. Dial. 7.

tum Campanum ire in castra ad imperatores Romanos jussit. quo quum venissent, extemplo his omnibus catenæ injectæ, jussique ad quæstores deferre, quod auri argentique haberent. ⁶³ auri pondo septuaginta fuit, argenti tria millia pondo et ducenta. senatores quinque et viginti Cales in custodiam, duodetriginta Teanum missi: quorum de sententia maxime descitum ab Romanis constabat.

KV. De supplicio Campani senatus haudquaquam inter Fulvium Claudiumque conveniebat. Facilis impetrandæ veniæ Claudius, ⁶⁴ Fulvio durior sententia erat. Itaque Appius Romam ad senatum arbitrium ejus rei totum rejiciebat: percunctandi etiam æquum esse potestatem fieri Patribus, num communicassent consilia cum aliquibus ⁶⁵ sociorum Latini nominis municipiorum: et num ope eorum in bello forent et municipiorum adjuti. *Id vero minime committendum esse, Fulvius dicere, ut sollicitarentur criminibus dubiis sociorum fidelium animi: et subjicerentur indicibus, ⁶⁶ queis, neque quid facerent, neque quid dicerent, quidquam unquam pensi fuisset. itaque se eam quæstionem obpressurum extincturumque.* Ab hoc sermone quum digressi essent, et Appius, quamvis ferociter loquentem, collegam, non dubitaret, tamen literas super tanta re ab Roma expectaturum; Fulvius, ne id ipsum impedimentum incepto foret, ⁶⁷ dimittens prætorium, tribunis militum ac præfectis socium imperavit, uti duobus millibus equitum delectis denunciarent, ut ⁶⁸ ad tertiam buccinam præsto essent. Cum hoc equitatu nocte Teanum profectus, prima luce portam intravit, atque in forum perrexit: concursuque ad primum equitum ingressum facto, magistratum Sidicinum citari jussit, imperavitque, ut produceret Campanos, quos in custodia haberet. Producti omnes, virgisque cæsi, ac securi percussi. Inde citato equo Cales percurrit: ubi quum in tribunali consedisset, produc-

Senatores
Campani
securi per-
cutiuntur.

* Fulvii Gron. Crev.

⁶³ *Auri pondo septuaginta . . argenti tria millia pondo, et ducenta]* Id est, nostrates marcæ 109. auri, cum tribus uncis; argenti, 5000.

⁶⁴ *Fulvii durior sententia erat]* Put. liber et optimus e regis Fulvio.

⁶⁵ *Sociorum Latini nominis municipiorum]* Hic ante ultimam vocem credimus cum Gronovio adjiciendam esse particulam *et*. Siquidem ii qui ex municipiis erant, non socii Romanorum fuere, sed cives Romani. In sequenti versu inutiliter et odiose rursus inculcatur eadem vox *municipiorum*. Itaque eam delendam censuerimus cum vocola quæ ei præfigi-

tur. Et vero utraque abest ab uno ex Hearnii codd.

⁶⁶ * *Queis neque . . . quicquam unquam pensi fuisset]* Qui nunquam perpendissent, neque quid facerent, neque quid dicerent; qui in omnibus dictis factisque nunquam spectassent quid verum aut æquum esset, sed quid liberet. Infra XXXIV. 31. *vobis quid faceretis minus pensi esse.* Vid. et c. 49. ejusdem l. XXXIV.

⁶⁷ *Dimittens prætorium]* Vid. not. 47. ad l. XXI. c. 54.

⁶⁸ *Ad tertiam buccinam]* Ad tertiam vigiliam. Vigiliarum enim signum buccina dabatur.

U. C. 341. A. C. 211. tique Campani deligarentur ad palum, eques citus ab Roma venit, literasque a C. Calpurnio prætore Fulvio et senatusconsultum tradidit. murmur ab tribunali totam concionem pervasit, differri rem integram ad Patres de Campanis. et Fulvius, id ita esse ratus, ⁶⁹ acceptas literas, neque resolutas, quum in gremio reposuisset, præconi imperavit, ut lictorem ⁷⁰ lege agere juberet. Ita de iis quoque, qui Calibus erant, sumtum supplicium. Tum literæ lectæ senatusque consultum, serum ad impediendam rem actam; quæ summa ope adproperata erat, ne impediri posset. Consurgentem jam Fulvium Taurea Jubellius Campanus, per mediam vadens urbem turbamque, nomine inclamavit: et, quum, mirabundus quidnam sese vellet, resedisset Flaccus, *Me quoque, inquit, jube occidi, ut gloriari possis, multo fortio-rem, quam ipse es, virum abs te occisum esse.* Quum Flaccus negaret, *profecto satis compotem mentis esse: modo, prohiberi etiam se, si id vellet, senatusconsulto, diceret:* tum Jubellius, *Quandoquidem, inquit, capta patria, propinquis amicisque amissis, quum ipse manu mea conjugem liberosque interfecerim, ne quid indigni paterentur, mihi ne mortis quidem copia eadem est, quæ his civibus meis; petatur a virtute invisæ hujus vitæ vindicta, atque ita gladio, quem veste texerat, per adversum pectus transfixus, ante pedes imperatoris moribundus procubuit.*

Jubellii
mors.

XVI. Quia, et quod ad supplicium adtinet Campanorum, et pleraque alia, de Flacci unius sententia acta erant; mortuum Ap. Claudium sub deditionem Capuæ, quidam tradunt. hunc quoque ipsum Tauream neque sua sponte venisse Cales, neque sua manu interfectum: sed, dum inter ceteros ad palum deligatur, quia parum inter strepitus exaudiri possent, quæ vociferabatur, silentium fieri Flaccum jussisse: tum Tauream illa, quæ ante memorata sunt, dixisse, *virum se fortissimum ab nequaquam pari ad virtutem occidi.* Sub hæc dicta, jussu proconsulis præconem ita pronunciasse: *Lictor, viro forti adde virgas, et in eum primum lege age.* Lectum quoque senatusconsultum, priusquam securi feriret, quidam auctores sunt. sed, quia adscriptum in senatusconsulto fuerit, *si ei videretur, integram rem ad senatum rejiceret,* interpretatum esse, quid magis e republica duceret, æstimationem sibi permissam. Capuam a Calibus reditum est, Atellaque et Calatia in deditionem acceptæ. ibi quoque in eos, qui capita rerum erant, animadversum. Ita ⁷¹ ad septuaginta principes senatus interfecti; trecenti ferme nobi-

^f octoginta Gron. Crev.

⁶⁹ *Acceptas litteras, neque resolutas*] Vinculis quibusdam litteræ apud antiquos nectebantur.

⁷⁰ *Lege agere*] Ex lege officii sui

in damnatos animadvertere.

⁷¹ *Ad octoginta principes senatus*] Tum ex Capua, tum ex Atella Calatiaque.

les Campani in carcerem conditi: alii, per sociorum Latini U. C. 541.
 nominis urbes in custodias dati, variis casibus interierunt: A. C. 211.
⁷² multitudo alia civium Campanorum venundata. De urbe Cives Cam-
 agroque reliqua consultatio fuit, quibusdam delendam cen- pani vendi-
 sentibus urbem prævalidam, propinquam, inimicam. Cete- ti.
 rum præsens utilitas vicit. nam propter agrum, quem omni Urbs serva-
 fertilitate terræ satis constabat primum in Italia esse, urbs ta.
 servata est, ut esset aliqua aratorum sedes. urbi frequentan-
 dæ multitudo ⁷³ incolarum libertinorumque et institorum
 opificumque retenta: ager omnis et tecta publica populi Ro-
 mani facta. Ceterum habitari tantum, tamquam urbem, Ca- Sed ita ut
 puam, frequentarique placuit: corpus nullum civitatis, nec nullum in
 senatus, nec plebis concilium, nec magistratus esse. sine ea sit cor-
 consilio publico, sine imperio multitudinem, nullius rei inter pus civita-
 se sociam, ad consensum inhabilem fore. ⁷⁴ præfectum ad tis.
 jura reddenda ab Roma quotannis missuros. Ita ad Capuam
 res compositæ, consilio ab omni parte laudabili. severe et
 celeriter in maxime noxios animadversum: multitudo ci-
 vium dissipata in nullam spem reditus: non sævitum incen-
 diis ruinisque in tecta innoxia murosque: et cum emolu-
 mento quæsitæ etiam apud socios lenitatis ⁷⁵ species, inco-
 humitate urbis nobilissimæ opulentissimæque, cujus ruinis
 omnis Campania, omnes, qui Campaniam circa adcolunt,
 populi ingemuissent: confessio expressa hosti, quanta vis
 in Romanis ad expetendas poenas ab infidelibus sociis, et
 quam nihil in Hannibale auxilii ad receptos in fidem tuen-
 dos esset.

XVII. Romani Patres, perfuncti, quod ad Capuam ad-
 tinebat, cura, ⁷⁶ C. Neroni ex iis duabus legionibus, quas ad
 Capuam habuerat, sex millia peditum, et trecentos equites,
 quos ipse legisset, et socium Latini nominis peditum nume-
 rum parem, et octingentos equites decernunt. eum exerci-
 tum Puteolis in naves inpositum Nero in Hispaniam trans- Nero it in
 portavit. Quum Tarraconem navibus venisset, expositisque Hispaniam.
 ibi copiis, et navibus subductis, socios quoque navales mul-
 titudinis augendæ causa armasset; profectus ad Iberum
 flumen, exercitum ab T. Fonteio et L. Marcio accepit. inde
 pergit ad hostes ire. Hasdrubal Hamilcaris ad Lapidès Hasdrubal
 circumven-
 tus fraude
 elabatur.

⁷² *Multitudo alia civium Campanorum venundata*] Vid. not. 81. ad c. 34. infra.

⁷³ *Incolarum*] Eorum qui Capuam ex alia aliqua urbe vel regione immigrassent, et proinde cives Campani non essent. Vid. not. 21. ad l. IV. c. 3.

⁷⁴ *Præfectum ad jura reddenda*] Vid. l. IX. c. 20.

⁷⁵ *Species*] Gloria blande allici-
 ens animos. *Species* sæpe sumitur
 pro splendore, decore, dignitate. Sic
 infra XXXII. 36. ut *speciem legationi*
adjiceret.

⁷⁶ *C. Neroni*] Sic iterum Put. et
 Vict. codices, non *Claudio Neroni*.
 Vid. not. 26. ad c. 5. supra.

U. C. 541. ~~et~~ ~~ros~~ castra habebat in Ausetanis, is locus est inter oppida
A. C. 211. Illiturgin et Mentissam. ⁷⁷ Hujus saltus fauces Nero occupavit. Hasdrubal, ne in arcto res esset, ⁷⁸ caduceatorem misit, qui promitteret, si inde missus foret, se omnem exercitum ex Hispania deportaturum. Quam rem quum læto animo Romanus accepisset, diem posterum Hasdrubal conloquio petivit, ut Romani leges conscriberent de tradendis arcibus urbium, dieque statuenda, ad quam præsidia deducerentur, suaque omnia sine fraude Poeni deportarent. Quod ubi impetravit, extemplo primis tenebris, atque inde tota nocte, quod gravissimum exercitus erat, Hasdrubal, quacumque posset, evadere e saltu jussit. data sedulo opera est, ne multi ea nocte exirent, ut ipsa paucitas, quum ad hostem silentio fallendum aptior, tum ad evadendum per artas semitas ac difficiles esset. Ventum insequenti die ad conloquium est: sed loquendo plura scribendoque, dedita opera, quæ in rem non essent, die consumto, in posterum dilatum est. Addita insequens nox spatium dedit et alios emittendi: nec postero die res finem invenit. ita aliquot dies disceptando palam de legibus, noctesque emittendis clam e castris Karthaginiensibus, absumtæ: et, postquam major pars emissa exercitus erat, ⁷⁹ jam ne iis quidem, quæ ultro dicta erant, stabatur: minusque ac minus (cum timore simul fide decrescente) conveniebat. Jam forme pedestres omnes copiae evaserant e saltu: quum prima luce densa nebula saltum omnem camposque circa intexit. quod ubi sensit Hasdrubal, mittit ad Neronem, qui in posterum diem conloquium differret. illum diem religiosum Karthaginiensibus ad agendum quidquam rei seriæ esse. Ne tam quidem suspecta fraus. quum data esset venia ejus diei, extemplo Hasdrubal, cum equitatu elephantisque castris egressus, sine ullo tumultu in tutum evasit. Hora ferme quarta dispulsa sole nebula aperuit diem, vacuaque hostium castra conspexerunt Romani. Tum demum Claudius, Punicam fraudem agno-

⁷⁷ *Hujus saltus fauces Nero occupavit. Asdrubal, ne in arcto res esset*] Hic locus varie in variis MSS. legitur, in omnibus corrupte. Vulgata lectio parum commoda videtur. Non enim *ne in arcto res esset*, sed ut rem, quæ in arcto erat, expediret et extricaret, Asdrubal Neronem dolo aggressus est. Gronovius ex vestigiis MSS. in quibus desunt voces *occupavit Asdrubal*, suspicatur: *Hujus saltus fauces Nero quum arcto seprisset, caduceatorem misit*, nempe Asdrubal, cujus nomen in membro præcedenti exprimitur.

⁷⁸ *Caduceatorem*] Legatum cum

caduceo, qui pacem peteret. Caduceum est virga duorum serpentum implexa imagine, qui media corporis parte nodo alligati, primisque partibus inflexi in modum circuli, oscula jungunt. Hæc est symbolum pacis. Hanc Græci aliæque gentes legatis suis dabant, quum eos mitterent pacem oraturos. Eam fabulantur ab Apolline Mercurio dono datam, in mercedem lyrae ab eo acceptæ. De caduceo vid. Serv. ad IV. Æn. v. 242.

⁷⁹ *Jam ne iis quidem*] Jam Asdrubal ne iis quidem acquiescebat, quæ ultro obtulerat.

scens, ut se dolo captum sensit, proficiscentem institit sequi, U. C. 841. paratus configere acie: sed hostis detrectabat pugnam, Ie. A. C. 211. via tamen proelia inter extremum Punicum agmen præcursoresque Romanorum fiebant.

XVIII. Inter hæc Hispaniæ populi, ⁸⁰ nec qui post cladem acceptam defecerant, redibant ad Romanos, nec ulli novi deficiebant. Et Romæ senatui populoque, post receptam Capuam, non Italiæ jam major, quam Hispaniæ, cura erat: et exercitum augeri, et imperatorem mitti placebat. ⁸¹ nec tamen, quem mitterent, satis constabat; quam illud, ubi duo summi imperatores intra dies triginta cecidissent, qui in locum duorum succederet, extraordinaria cura deligendum esse. Quum ^{Comitia} alii alium nominarent, postremum eo decursum est, ut populus ^{proconsuli} proconsuli creando in Hispaniam comitia haberet: ^{creando in} diemque comitiis consules edixerunt. Primo expectaverant, ut, qui se tanto imperio dignos crederent, ⁸² nomina profiterentur. quæ ut destituta expectatio est, redintegratus luctus acceptæ cladis, desideriumque imperatorum amissorum. Mœsta itaque civitas, prope inops consilii, comitiorum die tamen in campum descendit: atque in magistratus versi circumspectant ora principum, aliorum alios intuentium, fremuntque, adeo perditas res desperatumque de republica esse, ut nemo audeat in Hispaniam imperium accipere. Quum subito ⁸³ P. Cornelius, Publii, qui Hispania ceciderat, filius, quatuor et viginti ferme annos natus, professus se petere, in superiore, unde conspici posset, loco constitit. In quem postquam omnium ora conversa sunt, clamore ac favore ominati extemplo sunt felix faustumque imperium. jussi deinde inire ⁸⁴ suffragium, ad unum ⁸⁵ omnes non centuriæ modo, sed etiam

§ add. *confusum* Gron. Crev.

⁸⁰ *Nec qui post cladem acceptam defecerant*] Nempe a Romanis, redibant ad eos; *nec ulli novi deficiebant* a Pœnis.

⁸¹ *Nec tamen, quem mitterent, satis constabat, quam illud*] Supplenda est in primo orationis membro particula *tam*, ut *et magis* intelligendum esse diximus supra l. XXV. c. 29.

⁸² *Nomina profiterentur*] Id est, publice declararent voluntatem suam de imperio in Hispaniam, si ita populo visum esset, accipiendo. Qui enim imperium aliquod vel magistratum a populo petere in animo habebant, eos oportebat primo notam facere populo hanc suam voluntatem: quod qui faciebant, *profiteri nomen*, seu simpliciter *profiteri* dicebantur. Tum necesse erat, ut eorum nomina reciperet, et rationem ipsorum haberet magistratus is, qui comitiis præfuturus

erat: quod si ille magistratus facere recusaret, spes honoris adipiscendi abscissa erat candidato. De iis omnibus fuse disserentem vide Nic. Gruchium l. I. de Comit. Rom. c. 3.

⁸³ *P. Cornelius, Publii . . . filius* Vox *Publii* est a Gronovio. Vulgati ejus loco habent *illius*. In scriptis neutrum comparet.

⁸⁴ *Confusum suffragium*] Possis intelligere suffragium per clamorem universæ concionis unanimi voce voluntatem suam testantis latum. Sed repugnare videtur in quod infra legitur, *omnes centurius* imperium Scipioni dedisse: unde liquet suffragia centuriatim data. Gronovius conjicit *confusum suffragium* esse comitiorum non centuriatorum. Quod itidem refellere videtur illa centuriarum in hisce comitiis facta mentio: præterquam quod hæc expositio nulla niti-

U. C. 541. A. C. 211. Deligitur P. Scipio annos 24. natus.

homines, P. Scipioni imperium esse in Hispania jusserunt. Ceterum post rem actam, ut jam resederat inpetus animorum ardorque, silentium subito ortum et tacita cogitatio, ⁸⁶ quidnam egissent^h, numⁱ favor plus valuisset, quam ratio? ætatis maxime poenitebat: quidam fortunam etiam domus horrebant nomenque, ex funestis duabus familiis, in eas provincias, ubi inter sepulcra patris patruique res gerendæ essent, proficiscentis.

Scipionis
artes apud
multitudi-
nem.

XIX. Quam ubi ab re tanto inpetu acta sollicitudinem curamque hominum ⁸⁷ animadvertit, advocata concione, ita de ætate sua imperioque mandato, et bello, quod gerendum esset, magno elatoque animo disseruit, ut ardorem, eum, qui resederat, excitaret rursus novaretque: et impleret homines certioris spei, quam quantam fides promissi humani, aut ⁸⁸ ratio ex fiducia rerum subicere solet. Fuit enim Scipio non veris tantum virtutibus mirabilis, sed arte quoque quadam ab juvenia in ostentationem earum compositus: pleraque apud multitudinem ⁸⁹ aut per nocturnas visa species, aut velut divinitus mente monita, agens: ⁹⁰ sive et ipse capti quadam superstitione animi, sive ut

^h add. novi? Gron. Crev.

ⁱ num l. quod Eæd.

tur veterum auctoritate. Suspicietur fortasse aliquis *confusa suffragia* fuisse centuriatim quidem data, sed non centuriatim numerata: ita ut non numerarentur centuriæ, sed omnia omnium centuriarum in unum confunderentur suffragia, eaque ita numerarentur, ut perpenderetur quot homines, non quot centuriæ in hanc aut in illam partem inclinassent. Hoc modo P. Manucius exponit *confusionem suffragiorum* apud Cic. in Orat. pro Mur. n. 47. Sed nullum hujus quoque sententiæ affertur ex veteribus scriptoribus testimonium. Si igitur nihil horum placuerit, restat ut, vel deleatur vox *confusum*, quæ quidem neque in Put. codice, neque in regio optimo, neque in editis quamplurimis comparet; vel legatur, *jussi deinde intire confestim suffragium*, quomodo edidit Campanus.

⁸⁵ *Omnes . . . centuriæ*] Proconsules vulgo creatos tributis comitiis probat Nic. Gruchius, l. II. de Com. Rom. c. 2. Sola excipit hæc nostra Scipionis comitia. Gronovius putat hic, et c. 41. hujus libri *centurias* pro *tribubus* a Livio nominatas, quemadmodum alibi sæpius *tribus* pro *centuriis*. Nos rem in medio relinquimus.

⁸⁶ *Quidnam egissent novi, quod*] Gronovius l. IV. Obs. c. 11. recte videtur annotare nihil fieri novi, quum in Campo plus valet gratia, quam

meritum. Idem testatur ab optimis MSS. quibus consentiunt nostri, abesse voculam *quod*. Itaque sic locum hunc emendat: *Quidnam egissent? Num favor plus valuisset, quam ratio?* Et sic plane Victor. codex.

⁸⁷ *Animadvertit*] Codex Cantabrigiensis a Jac. Gronovio excussus, et Puteanæus, *animam advertit*. Unde efficiendum est *animum advertit*. Vid. not. ad l. XXVIII. c. 14.

⁸⁸ *Ratio ex fiducia rerum*] Ratio nixa fiducia rerum ipsarum, fiducia quæ nascitur ex perspecto rerum ipsarum statu. Hic nempe Livius aliquid pene divinum agnoscit, et quod consuetas rerum humanarum leges excedat.

⁸⁹ *Aut per nocturnas*] Tanquam aut per noctem in somnis ea vidisset, aut instinctu divino moneretur quid esset diis cordi.

⁹⁰ *Sive et ipse capti*] Sive ipse esset superstitiosus animi, sive ut homines imperiis consiliisque suis dociles ac sine cunctatione parentes haberet. Si quis tamen putet durius dici aliquem *assequi imperia consiliaque*, dum efficit ut iis pareatur, legat cum Gronovio *ut imperia consiliaque . . . exsequerentur*, nempe homines. Ceterum, quod ad rem ipsam attinet, Polybius l. X. probat Scipionem nullo modo superstitione laborasse, sed commentum esse illa somnia et colloquia cum

imperia consiliaque, velut sorte oraculi missa, sine cunctatione exsequerentur^k. Ad hoc jam inde ab initio præparans animos, ex quo togam virilem sumsit, nullo die prius ullam publicam privatamque rem egit, quam in Capitolium iret, ingressusque ædem consideret; et plerumque solus in secreto ibi tempus tereret^l. ⁹¹ Hic mos, qui per omnem vitam servabatur, ⁹² seu consulto, seu temere, vulgatæ opinioni fidem apud quosdam fecit, stirpis eum divinæ virum esse; retulitque famam, in Alexandro Magno prius vulgatam, ⁹³ et vanitate et fabula parem, anguis immanis concubitu conceptum, et in cubiculo matris ejus persæpe visam prodigii ejus speciem, interventuque hominum evolutam repente, atque ex oculis elapsam. His miraculis numquam ab ipso elusa fides est: quin potius aucta arte quadam, nec abnuendi tale quidquam, nec palam adfirmandi. Multa alia ejusdem generis, alia vera, alia adsimulata, admirationis humanæ in eo juvene excesse-
rant modum: quibus freta tunc civitas, ætati handquaquam maturæ tantam molem rerum, tantumque imperium permittit. Ad eas copias, quas ex veteri exercitu Hispania habebat, quæque a Puteolis cum C.^m Nerone trajectæ erant, ⁹⁴ decem milia militum et mille equites adduntur. et M. Junius Silanus proprætor adjutor ad res gerendas datus est. Ita cum triginta navium classe (omnes autem quinqueremes erant) ostiis Tiberinis profectus præter oram Tusci maris, Alpes atque Gallicum sinum, et deinde Pyreneiⁿ circumvectus promontorium, Emporiis urbe Græca (⁹⁵ oriundi et ipsi a Phocæa sunt) copias exposuit: inde sequi navibus jussis, Tarraconem pedibus profectus, conventum omnium sociorum (etenim legationes ad famam adventus ejus ex omni se provincia effuderant)

U. C. 591.
A. C. 211.
Divina stirpe satus creditur.

Venit in Hispaniam.

^k assequeretur Gron. Crev.
retret Eæd.

^l et plerumque tempus solus in secreto ibi tereret Eæd.
^m C. I. Claudio Eæd.

ⁿ Pyrenes Eæd.

diis, ut ad exequenda jussa promptiores, et ad quidlibet audendum alacriores milites efficeret.

⁹¹ *Hic mos, qui per omnem vitam servabatur*] Omnes libri nostri, ut et Gronoviani, carent *et qui*: ut vera videatur ea scriptura quæ marginem unius codicis, teste Gronovio, occupat: *Hic mos per omnem vitam servatus*.

⁹² *Seu consulto, seu temere vulgatæ opinioni*] Opinioni quæ in vulgus, seu consilio et voluntate Scipionis, sive fortuito et sine auctore, sparsa erat.

⁹³ *Et vanitate et fabula parem*] *Parem vanitate*, quia æque vana, æque falsa: *parem fabula*, quia eadem prorsus de ortu Scipionis, quæ olim de ortu Alexandri Magni, vulgaban-

tur, nempe anguis immanis concubitu conceptum.

⁹⁴ *Decem millia militum, et mille equites*] *Militum* hic pro *peditum*. Hoc jam observavimus ad L. IV. c. 59.

⁹⁵ *Oriundi et ipsi a Phocæa*] Huic loco notulam hanc apposuit Clericus. Ita loquitur Livius, quod Gallicum sinum memorans cogitasset de Massilia illio sita, et a Phocæis, ut notum est, olim condita. Itaque voces hæ *et ipsi* potius cum cogitatione Livii, quam cum ejus oratione connexæ sunt. Nobis suspicio oritur ex eo quod infra mentio fit de triremibus Massiliensium Scipionem officii causa ab domo persecutis, in narratione navigationis ejus aliquot excidisse voces, in quibus de Massilia scriptor egisset.

U. C. 441. **habuit. naves ibi subduci jussit, remissis quatuor triremibus**
 A. C. 211. **Massiliensium, quæ officii causa ab domo prosecutæ fuerant:**
 Responsa inde legationibus suspensis varietate tot casuum
 dare coepit, ⁹⁶ ita elato ab ingenti virtutum suarum fiducia
 animo, ut nullum ferox verbum excideret; ⁹⁷ ingensque
 omnibus, quæ diceret, quum majestas inesset, tum fides.

XX. Profectus ab Tarracone, et civitates sociorum et
 hiberna exercitus adiit: conlaudavitque milites, quod, dua-
 bus tantis cladibus deinceps icti, ⁹⁸ provinciam obtinuissent:
 nec fructum secundarum rerum sentire hostes passi, omni-
 cis Iberum agro eos arcuissent, sociosque cum fide tutati
 essent. Marcium secum habebat cum tanto honore, ut fa-
 cile adpareret, nihil minus, quam vereri, ne quis obstaret
 gloriæ suæ. Successit inde Neroni Silanus, et in hiberna
 novi milites deducti. Scipio, omnibus, quæ adeunda agen-
 daque erant, mature aditis peractisque, Tarraconem conces-
 sit. Nihilo minor fama apud hostes Scipionis erat, quam apud
 cives sociosque, et ⁹⁹ divinatio quædam futuri; quo minus ra-
 tio timoris reddi poterat ¹ oborti temere, majorem inferens me-
 tam. In hiberna diversi concesserant: Hasdrubal Gisgonis
 usque ad oceanum et Gades: Mago in mediterranea, maxime
 supra Castulonensem saltum: Hasdrubal Hamilcaris filius
 proximus Ibero circa Saguntum hibernavit. ² Æstatis ejus ex-
 tremo, quo capta est Capua, et Scipio in Hispaniam venit,
 Punica clas-
 sis ad Ta-
 rentum. Punica classis, ex Sicilia Tarentum adita ad arcendos com-
 meatus præsidii Romani, quod in arce Tarentina erat, clau-
 serat quidem omnes ad arcem a mari aditus; sed adsidendo
 diutius artiozem annonam sociis, quam hosti, faciebat. non
 enim tantum subvehi oppidanis per pacata litora apertosque
 portus præsidio navium Punicarum poterat, quantum fru-
 menti classis ipsa turba navali mixta ex omni genere homi-
 num absumebat: ut arcis præsidium etiam sine invecto (quia

⁹⁶ *Ita elato animo, ut*] Elato
 quidem animo, sed ita tamen ut
 Sæpe particula *ita*, non intendendi
 vim habet, sed restringendi.

⁹⁷ *Ingensque omnibus*] Et in omni-
 bus quæ diceret, simul retineret dig-
 nitatem, simul efficeret ut sibi fides
 haberetur: quia nimirum dignitas il-
 la majestasque dictorum non in tumi-
 dam vaniloquentiam excedebat, quæ
 fidem abrogaret.

⁹⁸ *Provinciam obtinuissent*] Reti-
 nuissent, servassent.

⁹⁹ *Divinatio quædam futuri*] Hic
 rursum Livius aliquid divini in Scipio-
 ne, iisque quæ ad eum pertinebant,

per ambages indicat.

¹ *Oborti temere*] Ingeniosa Grono-
 vii emendatio. Scripti fere *oportet te-
 mere*.

² *Æstatis ejus extremo, quo*] Non
 omnia hæc æstatis extremo potuerunt
 esse acta, quum post captam Capuam
 Nero in Hispaniam sit missus, et ali-
 quamdiu ibi manserit ac res gesserit,
 et postea demum Scipio ac Silanus ei
 successerint, ut verisimile valde sit
 principio æstatis captam esse Capu-
 am. Scribe omnino: *Æstatis ejus
 extremo, qua capta est Capua*. JAC.
 PERIZONIUS.

pauci erant) ex ante preparato sustentari posset; Tarenti- U. C. 541.
 nis classique ne in vectum quidem subficeret. Tandem ³ ma- A. C. 211.
 jore gratia, quam venerat, classis dimissa est. annona haud
 multum laxaverat: quia, remoto maritimo praesidio, subvehi
 frumentum non poterat.

XXI. Ejusdem aetatis exitu, M. Marcellus ex Sicilia Marcellus
 provincia quum ad urbem venisset, a C. Calpurnio praetore ovans ur-
 senatus ei ad sedem Bellonae datus est. ibi quum de rebus a bem init.
 se gestis diserneret, questus leniter non suam magis, quam
 militum, vicem, quod ⁴ provincia confecta exercitum depor-
 tare non licuisset, postulavit, ut triumphanti urbem inire li-
 ceret. id non impetravit. Quum multis verbis actum esset,
 utrum minus conveniret, cujus nomine absentis, ob res pros-
 pere ductu ejus gestas, supplicatio decreta foret, et Diis in-
 mortalibus habitus honos, ei praesenti negare triumphum:
 an, quem tradere exercitum successori jussissent, (quod, nisi
 manente in provincia bello, non decerneretur) eum quasi
 debellato triumphare, quum exercitus, testis meriti atque in-
 meriti triumpho, abesset; medium visum, ut ovans urbem
 iniret. Tribuni plebis ex auctoritate senatus ad populum tu-
 lerunt, ⁵ ut M. Marcello, quo die urbem ovans iniret, im-
 perium esset. Pridie, quam urbem iniret, ⁶ in monte Al-
 bano triumphavit. inde ovans multam praese praedam in
 urbem intulit. Cum simulacro captarum Syracusarum, ⁷ ca-
 tapultae ballistaeque, et alia omnia instrumenta belli lata, et
 pacis diuturnae regiaeque opulentiae ornamenta, argenti aëris-
 que fabrefacti vis, alia supellex, pretiosaeque vestis, et multa
 nobilia signa, quibus inter primas Graeciae urbes Syracusae
 ornatiae fuerant. Punicae quoque victoriae signum, octo
 ducti elephantum. Et non minimum fuit spectaculum cum
 coronis aureis praecedentes Sosius Syracusanus, et Mericus
 Hispanus. ⁸ quorum altero duce nocturno Syracusas in-
 troitum erat; alter Nasum, quodque ibi praesidii erat, pro-

³ *Majore gratia, quam venerat, classis dimissa est*] Advenientem classem gratanter acceperant. Sed quum experti eam molestam essent, libentius eam dimiserunt, quam venientem acceperant.

⁴ *Provincia confecta*] Debellato, provincia omnino in ditionem populi Romani redacta.

⁵ *Ut M. Marcello, quo die urbem ovans iniret, imperium esset*] Triumphantibus ovantibusve debebant esse cum imperio. Proconsule autem nemo habebat imperium in urbe. Ideo mos erat, ut, qui post actum magistratum triumphans vel ovans urbem initurus esset, eo tribuni ad populum fer-

rent, ut eo die esset illi imperium.

⁶ *In monte Albano triumphavit*] Hoc a nonnullis imperatoribus factitatum, ut, quum triumphantibus urbem inire non daretur, in monte Albano, ubi olim Alba urbs, triumpharent. Auctor hujus exempli C. Papius Maso, anno u. c. 521.

⁷ *Catapulta ballistaeque*] Vid. not. 55. ad l. XXI. c. 11.

⁸ *Quorum altero duce nocturno*] Observat Glareanus, et post eum Perizonius, de hoc Sosidis facto nihil habere Livium l. XXV. ubi expugnationem Syracusarum tradit. De Merico vid. not. 73. ad l. XXV. c. 30.

U. C. 541. **diderat.** His ambobus civitas data, et quingena jugera agri.
 A. C. 211. **Sosidi in agro Syracusano, qui aut regius, aut hostium po-**
 Sosidi et **puli Romani fuisset, et aedes Syracusis cujus vellet eorum,**
 Merico agri **in quos belli jure animadversum esset: Merico Hispanis-**
 dati. **que, qui cum eo transierant, urbs agerque in Sicilia ex iis,**
qui a populo Romano defecissent, jussa dari. Id M. Cor-
nelio mandatum, ut, ubi ei videretur, urbem agrumque eis
adsignaret. In eodem agro Belligeni, per quem inlectus ad
transitionem Mericus erat, quadringenta jugera agri decre-
ta. Post profectionem ex Sicilia Marcelli, Punica classis
octo millia peditum, tria Numidarum equitum exposuit.
 Defectio ur- **⁹Ad eos Murgantinæ desciverunt terræ. secutæ defectionem**
 bium ali- **earum Hybla et Macella sunt, et ignobiliores ¹⁰quædam**
 quot Sicu- **aliæ. Et Numidæ, præfecto Mutine, vagi per totam Sici-**
 larum. **liam, sociorum populi Romani agros urebant. Super hæc**
exercitus Romanus iratus, partim quod cum imperatore non
devectus ex provincia esset, partim quod in oppidis hiber-
nare vetiti erant, segni fungebantur militia: magisque eis
auctor ad seditionem, quam animus, deerat. inter has diffi-
cultates M. Cornelius prætor et militum animos, nunc con-
solando, nunc castigando, sedavit, et civitates omnes, quæ
defecerant, ¹¹in ditionem redegit: atque ex his Murgantiam
Hispanis, quibus urbs agerque debebatur, ex senatusconsulto
adtribuit.

XXII. Consules, quum ambo Apuliam provinciam ha-
 berent, minusque jam terroris a Pœnis et Hannibale esset,
 sortiri jussi Apuliam Macedoniamque provincias. Sulpicio
 Macedonia evenit, isque Lævino successit. Fulvius, Ro-
 mam comitiorum causa arcessitus, quum comitia consuli-
 bus rogandis haberet, ¹²prærogativa Veturia juniorum de-
 claravit T. Manlium Torquatum et T. Otacilium. Manlius,
 Manlius **qui præsens erat, gratulandi causa quum turba coïret, nec**
 consulatum **dubius esset consensus populi, magna circumfusus turba ad**
 recusat. **tribunal consulis venit; petitque, ut pauca sua verba audi-**
ret, centuriamque, quæ tulisset suffragium, revocari jube-
ret. Erectis omnibus expectatione, quidnam postulaturus
esset, oculorum valetudinem excusavit. *Inpudentem et gu-*
bernatorem et imperatorem esse, qui, quum alienis oculis ei om-

⁹ *Ad eos Murgantini descivere. Secutæ defectionem eorum.] Vulgo: Ad eos Murgantina desciverunt terræ. Secutæ defectionem earum. Scripti omnes ignorant verbum desciverunt: rē terre, sic enim iidem scripti habent, suspicatus est Gronovius corruptum esse ex cauda alicujus verbi, cujus priorem partem ultima syllaba vocis præcedentis absorpserit: atque ita*

formavit eam lectionem, quam Clarius jam ante nos in contextum admi- serat.

¹⁰ *Quædam alia.] Supple urbes.*

¹¹ *In ditionem redegit.] Hic mendum insederat editos et plerosque MSS. in deditionem. Correximus ex Put. codice et optimo regio.*

¹² *Prærogativa Veturia juniorum.] Vid. not. 18. ad l. 43. et not. 67. ad V. 18.*

nia agenda sint, postulet sibi ¹³ aliorum capita ac fortunas U. G. 541. committi. proinde, si videretur, et redire in suffragium Veturiam juniorum juberet, ¹⁴ et meminisset in consulibus creandis belli, quod in Italia sit, temporumque reipublicæ. Viridum requiescere aures a strepitu et tumultu hostili, ¹⁵ quo paucos ante menses adsederint prope mœnia Romana. Post hæc quum centuria frequens subclamasset, nihil se mutare sententiæ, eosdemque consules dicturos esse; tum Torquatus, Neque ego vestros, inquit, mores consul ferre potero, neque vos imperium meum. Redite in suffragium, et cogitate, bellum Punicum in Italia, et hostium ducem Hannibalem esse. Tum centuria, et auctoritate mota viri, et admirantium circa fremitu, petit a consule, ut Veturiam seniorum citaret: Velle se cum majoribus natu conloqui, et ex auctoritate eorum consules dicere. Citatis Veturis senioribus, datum secreto ¹⁶ in Ovili cum his conloquendi tempus. Seniores de tribus consulendum dixerunt esse, duobus jam plenis honorum. Q. Fabio et M. Marcello; et, si utique ¹⁷ novum aliquem adversus Pœnos consulem creari vellent, M. Valerium Lævinum egregie adversus Philippum regem terra marique res gessisse. Ita de tribus consultatione data, senioribus dimissis, juniores suffragium ineunt. M. Claudium Marcellum, fulgentem tum Sicilia domita, et M. Valerium ¹⁸ absentes consules dixerunt. auctoritatem prærogativæ omnes centuriæ secutæ sunt. ¹⁹ Eludant nunc antiqua mirantes. non equidem, si qua sit sapientium civitas, ²⁰ quam docti fingunt magis, quam norunt, aut principes graviores temperantioresque a cupidine imperii, aut multitudinem melius moratam cen-

Alii consules creantur.

¹³ *Aliorum*] Omnes scripti *post aliorum*: unde Gronovius suspicatur *oculatorum*.

¹⁴ *Et meminisset*] Recte Jac. Gronovius censet legendum *meminisse*, ut referatur ad centuriam.

¹⁵ *Quo adsederint prope mœnia Romana*] Cum quo hostes ad ipsa prope mœnia Romana adsederint. Ceterum id nobis durius videtur: et dubitationem nobis aliquam de verbo *adsederint* movet Put. codex, qui præfert *asserint* vel *asserint*. An *sonuerint*, vel potius *circumsonuerint*? Certe cuperemus ita componi orationem, ut *mœnia Romana* in recto casu accipi possent.

¹⁶ *In Ovili*] Id est, in loco cancellis undique clauso, qui propter similitudinem cum iis septis, in quibus stabulantur greges, *Ovile* dicebatur. Eum in locum singulæ centuriæ, prout citabantur, ingressæ, ita suffragium

ferebant, ut nemini interim liceret in Ovili esse. Ideo dimittuntur seniores, antequam juniores suffragium ineant.

¹⁷ *Novum aliquem adversus Pœnos consulem*] Aliquem qui nondum adversus Pœnos consul rem gessisset. M. Valerius Lævinus, de quo hæc intelliguntur, consul quidem jam fuerat, ut constat ex l. XXIX. c. 11. infra; at non hoc bello.

¹⁸ *Absentes*] Valerium absentem ab urbe, Marcellum a Campo. Eodem modo locutus est noster, l. X. c. 22.

¹⁹ *Eludant nunc*] Eant nunc illi amatores hodiernorum temporum atque morum, et irrideant eos qui antiqua mirantur.

²⁰ *Quam docti fingunt magis quam norunt*] Significat Platonis libros de Republica.

U. C. 541. A. C. 211. *scam fieri posse. Centuriam vero juniorum seniores consulere voluisse, quibus imperium suffragio mandaret, vix ut verisimile sit, parentum quoque hoc seculo vilis levisque apud liberos auctoritas fecit.*

XXIII. Prætoria inde comitia habita. P. Manlius Vulso, et L. Manlius Acidinus, et C. Lætorius, et L. Cincius Alimentus creati sunt. Forte ita incidit, ut comitis perfectis nunciaretur, T. Otacilium, quem T. Manlio, nisi interpellatus ordo comitiorum esset, collegam absentem daturus fuisse videbatur populus, mortuum in Sicilia esse. ²¹ Ludi Apollinares et priore anno fuerant, et, eo anno ut fierent, ²² referente Calpurnio prætore, senatus decrevit, ut in perpetuum voverentur. Eodem anno prodigia aliquot visa nuntiataque sunt. In æde Concordiæ Victoria, quæ in culmine erat, fulmine icta decussaque, ²³ ad Victorias, quæ in antefixis erant, hæsit, neque inde procidit. Et Anagnia et Fregellis nunciatum est, murum portasque de cælo tactas: et in foro Sudertano sanguinis rivos per diem totum fluxisse, et Ereti lapidibus pluuisse, et Reate mulam peperisse. Ea prodigia hostiis majoribus sunt procurata, et obsecratio in unum diem populo indicta, et novemdiale sacrum. Sacerdotes publici aliquot eo anno demortui sunt, novique subfecti: in locum M.^o Æmilii Numidæ decemviri sacrorum M. Æmilius Lepidus: in locum M. Pomponii Mathonis pontificis C. Livius: in locum Sp. Carvili Maximi auguris M. Servilius. T. Otacilius Crassus pontifex quia exacto anno mortuus erat, ideo nominatio in locum ejus non est facta. C. Claudius flamen Dialis, ²⁴ quod exta perperam dederat, flaminio abiit.

XXIV. Per idem tempus M. Valerius Lævinus, tentatis prius per secreta colloquia principum animis, ad indictum ante ad id ipsum concilium Ætolorum classe expedita venit. ²⁵ Ubi quum Syracusas Capuamque captam^p, in fidem ²⁶ in Sicilia Italiaque rerum secundarum, ostentasset, adjecissetque, *jam inde a majoribus traditum morem Romanis co-*

Valerii oratio apud Ætolos.

^o M. Gron. Crev.

^p captas Eæd.

²¹ *Ludi Apollinares]* De eorum origine vid. supra l. XXV. c. 12.

²² *Referente Calpurnio]* Scripti *referente Calpurnio*. Emendavit P. Manutius.

²³ *Ad Victorias quæ in antefixis erant]* Ad statuas Victoriæ, quæ erant inter antefixa. *Antefixa*, inquit Festus, *quæ ex opere figulino tectis adfiguntur sub stillicidio*. Et consonat illud Livii l. XXXIV. c. 4. *Antefixa actilia decorum Romanorum*.

²⁴ *Quod exta perperam dederat]*

Quod in distribuendis victimæ extis aliquid peccaverat.

²⁵ *Ubi quum Syracusas Capuamque]* Quæ hic incipit periodus, non absolvitur, nisi post interpositam Lævini orationem. Simile hyperbaton occurrit infra, c. 32.

²⁶ *In Sicilia Italiaque]* Adjecit Gronovius vocem *Sicilia* evidenter necessariam. Idem in oratione Lævini legi jussit, *et eo redacturum*: quum vulgati haberent *redactos*, scripti *redactum*.

lendi socios, ex quibus alios in civitatem atque equum secum U. C. 841.
 jus accepissent, alios in ea fortuna haberent, ut socii esse, A. C. 211.
 quam cives, mallerent. Ætolos eo in majore futuros honore,
 quod gentium transmarinarum in amicitiam primi venissent.
 Philippum eis et Macedonas graves adcolas esse; quorum se
 vim ac spiritus et jam fregisse, et eo redacturum esse, ut non
 his modo urbibus, quas per vim ademissent Ætolis, excedant,
 sed ipsam Macedoniam infestam habeant. Et Acarnanas, quos
 ægre ferrent Ætoli a corpore suo diremtos, restitutum se in
 antiquam formulam jurisque ac ditionis eorum. Hæc, dicta Fœdus cum
 promissaque ab Romano imperatore, Scopas, qui tum Ætolis.
 prætor gentis erat, et Dorymachus, princeps Ætolorum,
 adfirmaverunt auctoritate sua, minore cum verecundia et
²⁷ majore cum fide vim majestatemque populi Romani
 extollentes. maxime tamen spes potiundæ movebat Acar-
 naniæ. Igitur conscriptæ conditiones, quibus in amici-
 tiam societatemque populi Romani venirent: additum-
 que, ut, si placeret vellentque, eodem jure amicitiae Elei,
 Lacedæmonique, et Attalus, et Pleuratus, et Scerdilædus es-
 sent. (Asiæ Attalus, hi Thracum et Illyriorum reges.) Bel-
 lum ut extemplo Ætoli cum Philippo terra gererent. Na-
 vibus ne minus viginti quinquere milibus adjuvaret Romanus.
 Urbium Corcyræ tenus ab Ætolia incipienti solum tectaque, et
 muri cum agris, Ætolorum; alia omnis præda populi Romani
 esset. Darentque operam Romani, ut Acarnaniam Ætoli ha-
 berent. Si Ætoli pacem cum Philippo facerent, fœderi adscri-
 berent, ²⁸ ita ratam eorum pacem, si Philippus arma ab Ro-
 manis sociisque, quique eorum ditionis essent, abstinuisset. Item,
 si populus Romanus fœdere jungeretur regi, ut caveret, ne jus
 ei belli inferendi Ætolis sociisque eorum esset. Hæc convene-
 runt, conscriptaque biennio post Olympiæ ab Ætolis, in
 Capitolio ab Romanis, ut testata sacratis monumentis es-
 sent, sunt posita. Moræ caussa fuerant retenti Romæ diu-
 tius legati Ætolorum. Nec tamen impedimento id rebus
 gerendis fuit, et Ætoli extemplo moverunt adversus Philip-
 pum bellum, et ²⁹ Lævinus Zacynthum (parva insula est pro-
 pinqua Ætoliae: urbem unam eodem, quo ipsa est, nomine Res gestæ
 habet; eam præter arcem vi cepit) et Œniadas Nasumque ab Ætolis et
 Acarnanum captas Ætolis contribuit. Philippum quoque a Valerio.
 satis implicatum bello finitimo ratus, ne Italiam Pœnosque
 et pacta cum Hannibale posset respicere, Corcyram ipse se
 recepit.

²⁷ *Majore cum fide*] Ita ut facilius
 iis laudibus fides haberetur.

²⁸ *Ita ratam eorum pacem*] Lege
 cum Mureto fore pacem.

²⁹ *Lævinus Zacynthum* (parva in-

sula est . . .) eam vi cepit] Sic l. I. c.
 19. Urbem novam conditam vi et
 armis, jure cum . . . de integro condere
 parat.

U. C. 541.
A. C. 211.
Philippus
vicina pa-
cat.

Acaranian
bellum in-
ferunt Æto-
li.
Acarnanum
conjuratio.

XXV. Philippo Ætolorum defectio Pellæ hibernanti ad-
lata est. itaque, quia primo vere moturus exercitum in Græ-
ciam erat,³⁰ Illyrios finitimasque eis¹ urbes³¹ alterno metu
quietas ut Macedonia haberet, expeditionem subitam in
Oricinorum atque Apolloniatiū fines fecit: egressosque
Apolloniatas, cum magno terrore atque pavore, compulit in-
tra muros. Vastatis proximis Illyrici, in Pelagoniam ea-
dem celeritate vertit iter: inde³² Dardanorum urbem, si-
tam in Macedonia, transitum Dardanis facturam, cepit. His
raptim actis, memor Ætolici junctique cum eo Romani bel-
li, per Pelagoniam, et Lyncum³, Bottiæam, in Thessaliam
descendit. Ad bellum secum adversus Ætolos capessendum
incitari posse homines credebat: et, relicto ad fauces Thes-
salie³³ Perseo cum quatuor millibus armatorum ad arcen-
dos aditu Ætolos, ipse, priusquam maioribus occuparetur
rebus, in Macedoniam, atque inde in Thraciam exercitum
³⁴ac Mædos duxit⁴. Incurrere ea gens in Macedoniam so-
lita erat; ubi regem occupatum externo bello, ac sine præ-
sidio esse regnum sensisset. Ad Phragandas igitur vastare
agros, et urbem Jamphorinam, caput arcemque Mædicæ,
obpugnare cœpit. Scopas, ubi profectum in Thraciam re-
gem, occupatumque ibi bello audivit, armata omni juventu-
te Ætolorum, bellum inferre Acarnaniæ parat.³⁵ Adversus
quod⁵ Acarnanum gens et viribus inpar, et jam³⁶ Ceniadas
Nasumque amissa⁶ cernens, Romanaque insuper arma in-
gruere, ira magis instruit, quam consilio, bellum. Conjugi-
bus liberisque et senioribus supra sexaginta annos in propin-
quam Epirum missis, ab quindecim ad sexaginta annos con-
jurant, nisi victores, se non redituros. Qui victus acie exces-
sisset, eum ne quis urbe, tecto, mensa, lare reciperet,³⁷ di-

¹ *ei* Gron.

² *add. et* Gron. Crev.

³ *eduxit* Eæd.

⁴ *quos* Gron.

⁵ *amissas* Gron. Crev.

³⁰ *Illyrios finitimasque eis urbes]* Pro *eis* Gronovianæ editiones habent *ei*; scripti nostri *ejus*. Vetustius cusi id tenent quod edidimus, et firmat ratio.

³¹ *Alterno metu]* *Alternus metus* est, exponente Gronovio, Illyriorum a Macedonibus, ut prius Macedonum ab Illyriis. Salmasius suspicabatur *ab tergo*, quod rectissimum videretur, nisi vox *metu* interposita subsultantem orationem efficeret.

³² *Dardanorum urbem sitam in Macedonia]* Vere omnino Rubenius: *Dardanorum urbem Sintiam, in Macedonia transitum Dardanis facturam*. Optimi scripti, et editi, inter quos Andreas, præferunt *Macedoniam*.

³³ *Perseo]* Hic fuit e præfectis re-

gis unus; non Philippi filius, qui totis undecim post hunc annis, infra XXXI. 28. puer admodum fuisse dicitur.

³⁴ *Ac Mædos eduxit]* Magis placet *duxit*: quod habet codex Put.

³⁵ *Adversus quod]* Nempe *bellum*. Vulgo *quos*, ut referatur ad Ætolos. Sed Cantabrig. liber a Jac. Gronovio inspectus, et omnes nostri præferunt *quod*; idque melius videtur.

³⁶ *Ceniadas Nasumque amissas]* Scripti et editi ante Gronovium *amissa*. Nempe intelligitur *oppida*. Itaque nihil necesse erat veterem scripturam mutari.

³⁷ *Diram execrationem in populares]* Execrationem in caput popularium, qui victos ac fugientes recepis-

ram execrationem in populares, obtestationem quam sanctis- U. C. 541.
simam potuerunt adversus hospites, composuerunt. precati- A. C. 211.
que simul Epirotas sunt, ut, qui suorum in acie cecidissent,
eos uno tumulo contegerent, ³⁸ adhiberentque humatis titu-
lum: HIC SITI SUNT ACARNANES, QUI, ADVERSUS VIM
ATQUE INJURIAM ÆTOLORUM PRO PATRIA PUGNANTES,
MORTEM OBCUBUERUNT. Per hæc incitatis animis, ³⁹ cas-
tra in extremis finibus suis obvia* hosti posuerunt. nunciis
ad Philippum missis, quanto res in discrimine esset, omittere
Philippum, id quod in manibus erat, coegerunt bellum,
Jamphorina per deditionem recepta, et prospero alio suc-
cessu rerum. Ætolorum inpetum tardaverat primo conjura-
tionis fama Acarnanicæ: deinde auditus Philippi adventus,
regredi etiam in intimos coëgit fines. Nec Philippus,
quamquam, ne obprimerentur Acarnanes, itineribus magnis
ierat, ultra Dium est progressus. inde, quum audisset redi-
tum Ætolorum ex Acarnania, et ipse Pellam rediit.

XXVI. Lævinus, veris principio a Corcyra profectus na-
vibus, superato Leucata[†] promontorio, quum venisset Nau-
pactum, Anticyram inde se petiturum edixit, ut præsto ibi Anticyram
Scopas Ætolique essent. Sita Anticyra est in Locride læva obpugnat
parte sinum Corinthiacum intrantibus. breve terra iter eo, Lævinus.
brevis navigatio ab Naupacto est. Tertio ferme post die
utrimque obpugnari coëpta est. Gravior a mari obpugnatio
erat; quia et tormenta machinæque omnis generis in navi-
bus erant, et Romani inde obpugnabant. Itaque intra pau-
cos dies recepta urbs per deditionem Ætolis traditur, præda
ex pacto Romanis cessit. Literæ Lævino redditæ, consulem
eum absentem declaratum, et successorem venire P. Sulpi-
cium. ceterum, diuturno ibi morbo implicitus, serius spe om-
nium Romam venit. M. Marcellus, quum Idibus Martiis U. C. 542.
consulatum inisset, senatum eo die, moris modo caussa, ha- A. C. 210.
buit: professus, *nihil se, absente collega, neque de republica, M. Claudio*
neque de provinciis, acturum. Scire se, frequentes Siculos IV. M. Va-
prope urbem in villis obtreptatorum suorum esse. quibus, tan- lerio II.
tum abesse, ut per se non liceat palam Romæ crimina edita Coss.
factaque ab inimicis vulgare, ut, ni simularent, aliquem sibi
timorem, absente collega, dicendi de consule esse, ipse eis ex-
templo daturus senatum fuerit. Ubi quidem collega venis-
set, non passurum quidquam prius agi, quam ut Siculi in se-
natum introducantur. Delectum prope a M. Cornelio per
totam Siciliam habitum, ut quamplurimi questum de se Ro-
mam venirent. eundem literis falsis urbem implesse, bellum

* obviā Gron.

† Leucate Gron. Crev.

38 Adhiberentque . . . titulum] Le-
ge cum Gronovio, adscriberent.Sic vetus Sigonii liber, sic tres e nos-
tris: melius quam ut vulgo, obviā.

39 Castra . . obvia hosti posuerunt]

U. C. 542. *in Sicilia esse, ut suam laudem minuat.* Moderati animi
A. C. 210. gloriam eo die adeptus consul, senatum dimisit; ac prope
justitium omnium rerum futurum videbatur, donec alter
consul ad urbem venisset. Otium, ut solet, excitavit plebis

Querelæ P. rumores: ⁴¹ *belli diuturnitate, et vastatos agros circa urbem,*
R. *qua infesto agmine isset Hannibal, et exhaustam delectibus*
Italiam, et ⁴² *prope quotannis exercitus cæsos querebantur;*
et consules bellicosos ambo, viros acres nimis et feroces, crea-
tos, qui vel in pace tranquilla bellum excitare possent, nedum
in bello respirare civitatem forent passuri.

Incendium
Romæ.

XXVII. Interrupit hos sermones nocte, quæ pridie
⁴³ Quinquatrus fuit, pluribus simul locis circa forum incen-
dium ortum. eodem tempore septem tabernæ, quæ postea
quinque, et argentariæ, quæ nunc novæ adpellantur, arsere.
Comprehensa postea privata ædificia: ⁴⁴ neque enim tum
basilicæ erant: comprehensæ ⁴⁵ lautumiæ, forumque pisca-
torium, et ⁴⁶ atrium regium. Ædes Vestæ vix defensa est
tredecim maxime servorum opera, qui ⁴⁷ in publicum re-
dempti ac manumissi sunt. nocte ac die continuatum incen-
dium fuit. Nec ulli dubium erat, humana id fraude factum
esse, quod pluribus^a simul locis, et iis diversis, ignes coorti
essent. Itaque consul ex auctoritate senatus pro concione
edixit, qui, quorum opera id conflatum incendium, profite-
retur, præmium fore, libero pecuniam, servo libertatem.
Eo præmio inductus Campanorum Calaviorum servus.

Campano-
rum fraude
ortum.

^a et del. Gron. Crev.

^a plurimis Eæd.

⁴⁰ *Justitium]* Vid. not. 7. ad l. III. c. 3.

⁴¹ *Belli diuturnitate, et vastatos agros circa urbem]* Parum commode videtur adscribi diuturnitati belli, agrorum qui circa urbem erant vastatio. Magis placeret: *Belli diuturnitatem, nempe querebantur.*

⁴² *Prope quotannis]* Egregia Gronovii emendatio, quum editi præferrent *pro re publica cannis*, scriptus optimus *pro re quod annis.*

⁴³ *Quinquatrus]* Ex Festi sententia, unicus fuit dies Minervæ sacer, sic dictus, quod esset post diem quintum Idus mensis Martii. Repugnat Livius, l. XLIV. c. 20. Et Ovid. III. Fast. vult illa sacra per quinque dies celebrata, et habere nomen a junctis quinque diebus. Fortasse primis temporibus unicus tantum dies festus fuerat; postea vero in plures prolatus. Vid. Festum in voce *Quinquatrus*, et ad eum Dacerii not.

⁴⁴ *Neque enim tum basilicæ erant]* Postea basilicam eo loco post Novas

argentarias exstructam esse a M. Fulvio censore memorat Livius l. XL. c. 51. *Basilicæ* sunt publica ædificia, in quibus senatores deliberare, iudices causas cognoscere, clientibus homines periti de jure respondere solebant. Mercatores ibidem et numularii sua tractabant negotia.

⁴⁵ *Lautumiæ]* Proprie loca, ex quibus excisi sunt lapides, a λαῖ lapides, et λίμνη cædo. Sic vocabatur unus ex carceribus urbis, quod in eo videlicet lapidicinæ fuerant. *Carceris lautumiarum* fit mentio infra, l. XXXII. c. 26.

⁴⁶ *Atrium regium]* Atrium regium Numæ Pompilii. Regia Numæ erat prope ædem Vestæ, cujus infra fit mentio. Sic quoque apud Horatium . . . *monumenta Regis, Templaque Veste.*

⁴⁷ *In publicum redempti]* Redempti, ut in potestate populi, non privatorum dominorum essent, ac postea manumissi.

(Mannus ei nomen erat) indicavit, dominos et quinque præter-
 ea juvenes nobiles Campanos, quorum parentes a Q. Fulvio se-
 curi percussi erant, id incendium fecisse; vulgoque facturos
 alia, ni comprehendantur. Comprehensi ipsi familieque eo-
 rum. et primo elevabatur index indiciumque: pridie cum
 verberibus castigatum ab dominis diaccessisse, per iram ac levi-
 tatem ex re fortuita crimen commentum. ceterum ut coram
 eoarguebantur, et quæstio ex ministris facinoris foro medio
 haberi cœpta est, fassi omnes, atque in dominos servosque
 conscios animadversum est. indici libertas data, et ⁴⁸ viginti
 millia æris. Consuli Lævino Capuam prætereunti circum-
 fusa multitudo Campanorum est, obsecrantium cum lacri-
 mis, ut sibi Romam ad senatum ire liceret, oratum, si qua
 misericordia tandem flecti possent, ne se ad ultimum perdi-
 tum irent, nomenque Campanorum a Q. Flacco deleri sine-
 rent. Flaccus, sibi privatam similitudinem cum Campanis, ne-
 gare, nullam ^b esse: publicas inimicitias et hostiles esse, et fu-
 turas, quoad eo animo esse erga populum Romanum sciret^c.
 nullam enim in terris gentem esse, nullum infestiorum populum
 nomini Romano. Ideo se mœnibus inclusos tenere eos: ⁴⁹ quia,
 si qui evasissent aliqua, velut feras bestias per agros vagari, et
 laniare, et trucidare, quodcumque obvium detur. Alios ad
 Hannibalem transfugisse, alios ad Romam incendendam pro-
 fectos. inventurum in semiusto foro consulem vestigia sceleris
 Campanorum. Vestæ ædem petitam, et æternos ignes, et condi-
 tum in penetrali ⁵⁰ fatale pignus imperii Romani. Se minime
 censere tutum esse, Campanis potestatem intrandi Romana
 mœnia fieri. Lævinus Campanos, jurejurando a Flacco
 adactos, quinto die, quam ab senatu responsum accepissent,
 Capuam redituros, sequi se Romam jussit. Hac circumfu-
 sus multitudine, simul Siculis obviam egressis ⁵¹ Ætolisque
 Romam præivit, clarissimarum urbium excidio celeberrimis
 viris victos bello accusatores in urbem adducens. De repub-
 lica tamen primum ac de provinciis ambo consules ad sena-
 tum retulere.

Campani
 querelas de
 Fulviodefe-
 runt ad Va-
 lerium Cos.

Romam
 eunt.

XXVIII. Ibi Lævinus, quo statu Macedonia et Græcia,
 Ætoli, Acarnanes Locrique essent, quasque ibi res ipse egis-

^b nullam Gron. Crev.

^c animo erga pop. R. esse sciret Eæd.

⁴⁸ Viginti millia æris] Id est, mar-
 cæ argenti Parisienses 31. cum uncis
 2. Vid. not. 63. ad c. Tl. l. XXIV.

⁴⁹ Quia . . vagari] Hoc notandum.
 Non absimiliter l. IV. c. 3. supra:
 et, si non easdem opes habere.

⁵⁰ Fatale pignus] Palladium, quod
 ab Ænea advectum in Italiam, in æde
 Vestæ asservari jactitabant. Quale
 fuerit, nemo satis certo definire pot-
 est, quum summa religione abdere-

tur, nec qui illud tractabant fas esse
 putarent, quidquam de eo apud pro-
 fanos enunciare. Vid. Dion. Halic.
 l. I.

⁵¹ Ætolisque] De hac sua emen-
 datione disserit Gronovius, l. IV. Ob-
 serv. c. 16. * Ætoli illi videntur intel-
 ligendi legati Ætolorum, quos Romæ
 diutius fuisse retentos memoravit Li-
 vius supra c. 24.

U. C. 542. set terra marique, exposuit. *Philippum, inferentem bellum*
 A. C. 210. *Ætolis, in Macedoniam retro ab se compulsum, ad intima pe-*
nitus regni abisse, legionemque inde deduci posse. ⁵² *classem sa-*
 Provincia- *tis esse ad arcendum Italia regem.* Hæc de se deque provin-
 rumdivisio. *cia, cui præfuerat.* Consulatum de provinciis communis rela-
 tio fuit. decrevere Patres, *Ut alteri consulum Italia bellum-*
que cum Hannibale provincia esset: alter classem, cui T. Ota-
cilius præfuisset, Siciliamque provinciam cum L. Cincio præ-
tore obtineret. ⁵³ Exercitus eis duo decreti, qui^d in Etruria
 Galliaque essent. eæ quatuor erant legiones. urbanæ duæ
 superioris anni in Etruriam; duæ, quibus Sulpicius consul
 præfuisset, in Galliam mitterentur. Galliae et legionibus præ-
 esset, quem consul, cujus Italia provincia esset, præfecisset.
 In Etruriam C. Calpurnius, post præturam prorogato in an-
 num imperio, missus; et Q. Fulvio Capua provincia decreta,
 prorogatumque in annum imperium. Exercitus civium so-
 ciorumque minui jussus, ut ex duabus legionibus una legio,
 quinque millia peditum et trecenti equites essent; dimissis,
 qui plurima stipendia haberent: et sociorum septem millia
 peditum et trecenti equites relinquerentur, eadem ratione sti-
 pendiorum habita in veteribus militibus dimittendis. Cn. Ful-
 vio consuli superioris anni, nec de provincia Apulia, nec de ex-
 exercitu, quem habuerat, quidquam mutatum. tantum in an-
 num prorogatum imperium est. P. Sulpicius collega ejus
 omnem exercitum, præter socios navales, jussus dimittere
 est. Item ex Sicilia exercitus, cui M. Cornelius præesset,
 ubi consul in provinciam venisset, dimitti jussus. L. Cincio
 prætori ad obtinendam Siciliam Cannenses milites dati, du-
 arum instar legionum. Totidem legiones in Sardiniam P.
 Manlio Vulsoni prætori decretæ, quibus L. Cornelius in ea-
 dem provincia priore anno præfuerat. Urbanas legiones ita
 scribere consules jussi, ⁵⁴ ne quem militem facerent, qui in
 exercitu M. Claudii, M. Valerii, ⁵⁵ Q. Fulvii^e, fuissent;

^d quæ Gron.

^e Q. Fulvii l. Fulvique Ead.

⁵² *Classem satis esse*] *Classem sine*
 legionario milite, sociis tantum na-
 valibus instructam. Socii enim nava-
 les, ut probavimus ad c. 49. l. XXI.
 non ii solum sunt, qui nautica minis-
 teria obeunt, sed et milites tuendis
 navibus attributi.

⁵³ *Exercitus eis duo decreti, qui in*
Etruria Galliaque essent: eæ quatuor
erant legiones] Perizonium offenderat
 vulgata hactenus lectio, quæ in *Etru-*
ria Galliaque essent (eæ quatuor erant)
legiones. Revocabat ille ex vetusta
 editione hanc scripturam quam re-
 præsentamus. Eam nos admisimus

in contextum, auctoribus plerisque
 scriptis, tum nostris, tum Hearnii, et
 antiquissimis omnium editionibus An-
 dreæ et Campani.

⁵⁴ *Ne quem militem facerent, qui*
.. fuissent] Possis exponere, ex iis qui
.. fuissent. Sed quum unus Hearnii
 codex habeat *fuisset*, expeditiorem
 lectionem amplectamur.

⁵⁵ *Q. Fulvii*] Prænomen deerat.
 Illud addidimus ex uno non spernen-
 dæ notæ codice, et eodem auctore
 resecurimus particulam *que*, quam vul-
 gati affigunt nomini.

neve eo anno plures, quam una et viginti, Romanæ legiones essent.

U. C. 542.

A. C. 210.

Legiones

21.

Marcello

obvenit

Sicilia.

Siculorum

legatorum

complora-

tio.

XXIX. His senatusconsultis perfectis, sortiti provincias consules. Sicilia et classis Marcello, Italia cum bello adversus Hannibalem Lævino evenit. Quæ sors, velut iterum captis Syracusis, ita exanimavit Siculos, expectatione sortis in consulum conspectu stantes, ut comploratio eorum flebilesque voces et extemplo oculos hominum converterent, et postmodo sermones præbuerint. Circumibant enim senatum cum veste sordida, adfirmantes, ⁵⁶ *se non modo suam quisque patriam, sed totam Siciliam, relicturos, si eo Marcellus iterum cum imperio redisset. Nullo suo merito eum ante implacabilem in se fuisse: quid iratum, quod Romam de se questum venisse Siculos sciat, facturum? Obrui Ætnæ ignibus, aut mergi freto, satius illi insulæ esse, quam velut* ⁵⁷ *dedi noxæ inimico.* Hæ Siculorum querelæ, domos primum nobilium circumlatæ, celebratæque sermonibus, quos partim misericordia Siculorum, partim invidia Marcelli excitabat, in senatum etiam pervenerunt. Postulatum a consulibus est, ut de permutandis provinciis senatum consulerent. Marcellus, ⁵⁸ *si jam auditi ab senatu Siculi essent, aliam forsitan futuram* ⁵⁹ *fuisse sententiam suam, dicere. nunc, ne quis timore frenari eos dicere posset, quo minus de eo libere querantur, in cuius potestate mox futuri sint, si collegæ nihil intersit, mutare se provinciam paratum esse.* ⁵⁸ *deprecari senatus præjudicium; nam, quum extra sortem collegæ optionem dari provinciæ iniquum fuerit, quanto* ⁵⁹ *maiores injuriam, immo contumeliam esse, sortem suam ad eum transferri?* Ita senatus, quum, quid placeret, magis ostendisset, quam decresset, dimittitur. inter ipsos consules permutatio provinciarum, rapiente fato Marcellum ad Hannibalem, facta est: ut, ex quo primus adversæ pugnae gloriam ceperat, in ejus laudem postremus Romanorum imperatorum, prosperis tum maxime bellicis rebus, caderet.

XXX. Permutatis provinciis, Siculi, in senatum intro-

^f quantum Gron.

⁵⁶ *Se . . . suam quisque patriam relicturos*] Gronovius dubitat, an non legendum sit *quemque*, ne videlicet solœca esse oratio videatur. Et sane sic edidit Campanus: et postulat recta loquendi ratio. Nam quod Sallustius in Bello Jugurth. c. 18. habet, *multis sibi quisque imperium petentibus*, id ita accipimus ut *quisque* sit in auferendi casu pro *queisque*, vel *quibusque*. Vid. not. 11. ad l. XXV. c. 17. et not. 95. ad l. III. 22.

⁵⁷ *Dedi noxæ*] Dedi, velut ob

noxam, ad supplicium. Noxa dicitur et culpa, et poena.

⁵⁸ *Deprecari senatus præjudicium*] Precari ne decretum senatus interponatur de permutandis provinciis, quo decreto de sua jam causa querelisque Siculorum præjudicium aliquod fieri videretur. De voce *præjudicium* vid. not. 80. ad l. III. c. 40.

⁵⁹ *Injuriam, imo contumeliam*] Injuria est id quod fit contra jus, *injustice*; contumelia denotat probum, affront.

U. C. 542. A. C. 210. Siculorum oratio in Marcellum. ducti, multa de Hieronis regis fide perpetua erga populum Romanum verba fecerunt, ⁶⁰ in gratiam publicam avertentes, Hieronymum ac postea Hippocraten et Epicyden tyrannos, quum ob alia, tum propter defectionem ab Romanis ad Hannibalem, invisos fuisse sibi. ob eam causam et Hieronymum a principibus juventutis prope publico consilio interfectum: et in Epicydis Hippocratisque caedem septuaginta nobilissimorum juvenum conjurationem factam; quos, Marcelli mora destitutos, quia ad praedictum tempus exercitum ad Syracusas non admovisset, indicio facto, omnes ab tyrannis interfectos. Eam quoque Hippocratis atque Epicydis tyrannidem Marcellum excitasse, Leontinis crudeliter direptis. Numquam deinde principes Syracusanorum desisse ad Marcellum transire, pollicerique, se urbem, quum vellet, ei tradituros. sed eum primo vi capere maluisse. dein, quum id neque terra, neque mari, omnia expertus, potuisset, auctores traditarum Syracusarum fabrum aerarium Sosim, et Mericum Hispanum, quam principes Syracusanorum habere, toties id nequidquam ultro obferentes, praepetasse: quo scilicet justiore de causa vetustissimos socios populi Romani trucidaret, ac diriperet. Si non Hieronymus ad Hannibalem defecisset, sed populus Syracusanus et senatus, si portas Marcello Syracusani publice, et non, oppressis Syracusanis, tyranni eorum Hippocrates et Epicydes, clausissent, si Karthaginensium animis bellum cum populo Romano gessissent; quid ultra, quam quod fecerit, nisi ut delect Syracusas, facere hostiliter Marcellum potuisse? Certe praeter moenia et tecta exhausta urbis, et refracta ac spoliata Deum delubra, Diis ipsis ornamentisque eorum ablati, nihil relictum Syracusis esse. Bona quoque multis ademta, ⁶¹ ita ut ne nudo quidem solo, reliquiis direptae fortunae, alere sese ac suos possent. Orare se Patres conscriptos, ut, si nequeant omnia, saltem, quae compareant cognoscique possint, restitui dominis jubeant. Talia conquestos quum excedere ex ⁶² templo, ut de postulatis eorum Patres consuli possent, Laevinus jussisset, ⁶³ Maneant inmo, inquit Marcellus, ut coram his respondeam, quando ea

§ ex del. Gron. Crev.

60 *In gratiam publicam avertentes*] Id agentes ut pro meritis Hieronis in populum Romanum gratia toti Syracusanorum civitati habenda videretur.

61 *Ita ut ne nudo quidem solo*] Hic locus, cujus Gronovius nullum esse negat sensum, sic tamen videtur exponi posse: ita ut nudo solo, quum nihil reliquerit Marcellus, praeter moenia et tecta urbis exhausta, et spoliata deum delubra, ne reliquiis quidem direptae fortunae, id est, privatis suis

bonis, puta agris, &c. alere sese ac suos possent. Conquarantur nimirum Syracusani, post spoliata urbem ac domos, etiam reliquias direptae fortunae, id est, privata bona, agros, domos, &c. multis quoque ademta.

62 *Templo*] In loco enim auguriis consecrato senatus aemper habebatur. + Vid. not. 19. ad l. II. c. 56.

63 *Maneant inmo*] Rhenanus ex suo codice inseruit vocem inmo, qua ceteri scripti carent.

conditione pro vobis, Patres conscripti, bella gerimus, ut victos U. C. 542.
armis accusatores habeamus. Duæ captæ hoc anno urbes Ca- A. C. 210.
pua Fulvium reum, Marcellum Syracusæ habeant.

XXXI. Reductis in curiam legatis, tum consul, Non ad- Siculis re-
eo majestatis, inquit, populi Romani ⁶⁴imperiique hujus obli- spondet
tus sum, Patres conscripti, ut, si de meo crimine ambigeretur, Marcellus.
consul dicturus causam, accusantibus Græcis, fuerim. ⁶⁵sed
non, quid ego fecerim, in disquisitionem venit, quam quid isti
pati debuerint. qui si non fuerunt hostes, nihil interest, nunc,
an vivo Hierone, Syracusas violaverim. ⁶⁶Sin autem descive-
runt, legatos nostros ferro atque armis petierunt, urbem ac mœ-
nia clauserunt, exercituque Karthaginiensium adversus nos lu-
tati sunt; quis passos esse hostilia, quum fecerint, indignatur?
Tradentes urbem principes Syracusanorum aversatus sum: So-
sim et Mericum Hispanum, quibus ⁶⁷tantum crederem, potiores
habui. Non estis extremi Syracusanorum, quippe qui aliis hu-
militatem objiciatis. Quis est vestrum, qui se mihi portas
aperturum, qui armatos milites meos in urbem accepturum pro-
miserit? Odistis et execramini eos, qui fecerunt, et ne his
quidem contumeliis in eos dicendis parcitis: tantum abest, ut
et ipsi tale quidquam facturi fueritis. Ipsa humilitas eorum,
Patres conscripti, quam isti objiciunt, maximo argumento est,
me neminem, qui navatam operam reipublicæ nostræ velit, aver-
satum esse. Et, antequam obsiderem Syracusas, nunc legatis
mittendis, nunc ad colloquium eundo, tentavi pacem: et, post-
quam neque legatos violandi verecundia erat, nec mihi ipsi con-
gresso ad portas cum principibus responsum dabatur, multis
terra marique exhaustis laboribus, tandem vi atque armis Syra-
cusas cepi. Quæ captis acciderint, apud ⁶⁸Hannibalem et Kar-
thaginienses victosque justius, quam apud victoris populi sena-
tum, quererentur. Ego, Patres conscripti, Syracusas spoliatas
si negaturus essem, numquam spolia earum urbem Romam ex-
ornarem. Quæ autem singulis victor aut ademi, aut dedi; quum
belli jure, tum ex cujusque merito, satis scio me fecisse. ⁶⁹Ea

⁶⁴ Imperiique hujus] Et imperii
consularis, quod gero.

⁶⁵ Sed non, quid ego fecerim, in
disquisitionem venit, quam] Particula
tam in primo membro supplenda est,
ut et supra, c. 18. Monebimus tamen
vocem quam esse a Gronovio. Pro
ea scripti habent nam: Andreas et
Campanus sed.

⁶⁶ Sin autem desciverunt, legatos]
Omnes MSS. inserunt portas post re-
desciverunt. Quid significant, haud
facile est discernere.

⁶⁷ Tantum crederem] Emendatio
Gronovii, quum editi passim habe-

rent tantam rem crederem; plerique
scripti, tantam crederem; nonnulli,
tanta.

⁶⁸ Annibalem, et Carthaginienses,
victosque] Commodius videretur,
quod subjicit Gronovius, victos secum.
MSS. habent victos se.

⁶⁹ Ea vos rata habeatis] Intellige
ut, ex more admodum usitato. Hac-
tenus edebatur: Ea vos rata habe-
tis, P. C. necne. Nos consensum
scriptorum repudiare non sustinui-
mus, qui omnes ignorant nec, præser-
tim quum bonus sit scriptæ lectionis
sensus.

U. C. 542. vos rata habeatis, Patres conscripti, *ne*^h magis reipublicæ interest, quam mea. Mea quippe fides exsoluta est: ad rempublicam pertinet, ne acta mea rescindendo, alios in posterum seniores duces faciatis. Et quoniam coram et Siculorum et mea verba audistis, Patres conscripti, simul templo excedemus, ut, me absente, liberius consuli senatus possit. Ita dimissis Siculis, et ipse in Capitolium ad delectum discessit.

A. C. 210.

Senatus-consultum de Syracusanorum rebus.

Syracusæ in clientela Marcelli.

Campanis datur senatus.

XXXII. Consul alter de postulatis Siculorum ad Patres retulit. Ibi ⁷⁰ quum diu de sententiis certatum esset, et magna pars senatus, principe ejus sententiæ T. Manlio Torquato, ⁷¹ cum tyrannis bellum gerendum fuisse, censerent, hostibus et Syracusanorum et populi Romani: et urbem recipi, non capi: et receptam legibus antiquis et libertate stabiliri, non fessam miseranda servitute bello adfligi. Inter tyrannorum et ducis Romani certamina, præmium victoris in medio positam urbem pulcherrimam ac nobilissimam perisse, horreum atque ærarium quondam populi Romani: cuius munificentia ac donis multis tempestatibus, hoc denique ipso Punico bello, adjuta ornataque respublica esset. Si ab inferis existat rex Hiero, fidissimus imperii Romani cultor, quo ore aut Syracusas, aut Romam ei ostendi posse? quum, ubi semirutam ac spoliata patriam respexisset, ingrediens Romam in vestibulo urbis, ⁷² prope in porta, spolia patriæ suæ visurus sit? Hæc taliaque quum ad invidiam consulis miserationemque Siculorum dicerentur, mitius tamen decreverunt Patres caussa Marcelli: Quæ is gerens bellum victorque egisset, rata habenda esse. in reliquum curæ senatui fore rem Syracusanam, mandatuosque consuli Lævino, quod sine jactura reipublicæ fieri posset, fortunis ejus civitatis consuleret. Missis duobus senatoribus in Capitolium ad consulem, uti rediret in curiam, et introductis Siculis, senatusconsultum recitatum est: legatique, benigne adpellati ac dimissi, ad genua se Marcelli consulis projecerunt, obsecrantes, ut, quæ deplorandæ ac levandæ calamitatis caussa dixissent, veniam eis daret, et in fidem clientelamque se urbemque Syracusas acciperet. post hæc consul clementer adpellatos dimisit.

XXXIII. Campanis deinde senatus datus est, quorum oratio miserabilior, caussa durior erat. neque enim meritas

^h *ne* L. *nec* ne Gron.

⁷⁰ Quum diu de sententiis] Expungit merito præpositionem Gronovius.

⁷¹ Cum tyrannis bellum gerendum fuisse . . et urbem recipi] Accuratus et magis exactum ad Grammaticæ leges videretur: cum tyrannis oportuisse bellum geri, et urbem recipi, non capi. Sed Livius sæpe, ut jam aliquo-

ties monuimus, ad sensum magis quam ad verba attendit. * Vid. infra not. ad XXVII. 20.

⁷² * Prope in porta] Ad portam Capenam erant templa a Marcello dedicata, et spoliis Syracusarum exornata, ut memoravit Livius supra XXV. 40.

poenas negare poterant, nec tyranni erant, in quos culpam U. C. 542. conferrent: sed satis pensum poenarum, tot veneno ab- A. C. 210. sumtis, tot securi percussis senatoribus, credebant. *Paucos nobilium superstites esse, quos nec sua conscientia, ut quidquam de se gravius consulerent, inpulerit, nec victoris ira capitis damnaverit; eos libertatem sibi suisque, et bonorum aliquam partem orare, cives Romanos, adfinitatibus plerosque et propinquis jam cognationibus* ⁷³ *ex connubio vetusto junctos.* Submotis deinde e templo, paullisper dubitatum, an arcessendus a Capua Q. Fulvius esset, (mortuus enim post captam ⁷⁴ Claudius consul erat) ut coram imperatore, qui res gessisset, sicut inter Marcellum Siculosque disceptatum fuerat, disceptaretur: dein, quum ⁷⁵ M. Atilium, C. Fulvium fratrem Flacci, legatos ejus, ac Q. Minucium et L. Veturium Philonem, item Claudii legatos, qui omnibus gerendis rebus adfuerant, in senatu viderent, nec Fulvium avocari a Capua, nec differri Campanos vellent; interrogatus sententiam M. Atilius Regulus, cujus ex iis, qui ad Ca- M. Atilii puam fuerant, maxima auctoritas erat; *In consilio, inquit, sententia. arbitror me fuisse consulibus, Capua capta, quum quaeretur, ecquis Campanorum de republica nostra bene meritus esset; duas mulieres compertum est, Vestiam Oppiam Atellanam Capuae habitantem, et Fauculam Cluviam, quae quondam questum corpore fecisset; illam quotidie sacrificasse pro salute et victoria populi Romani; hanc captivis egentibus alimenta clam suppeditasse.* Ceterorum omnium Campanorum eundem erga nos animum, quem Karthaginensium, fuisse: securique percussos a Q. Fulvio esse magis, quorum dignitas inter alios, quam quorum culpa eminebat. Per senatum agi de Campanis, qui cives Romani sunt, injussu populi non video posse. idque et apud majores nostros ⁷⁶ in Satricanis factum est, quum defecissent, ut M. Antistius tribunus plebis prius rogationem ferret,

⁷³ *Ex connubio vetusto*] Quod jam pridem Romani Campanique per connubia miscere invicem domos sanguinemque coeperint: unde factum erat ut affinitates ultro citroque inter easdem saepe domos iterumque iterumque jungerentur. Atque inde propinquitas cognationum. Alioquin *vetustum connubium* remotas, non propinquas cognationes argueret.

⁷⁴ *Claudius consul*] Id est, proconsule: quemadmodum infra, hoc ipso capite: *In consilio arbitror me fuisse consulibus Capua capta.* Neque enim Capuam Fulvius et Claudius consules ceperunt, sed consulari imperio post exactum magistratum prorogato: quod Livio tam cito excidisse verisimile non

est. Nimirum hic ille eodem modo abutitur consulis appellatione, quo passim praetoris. Vid. not. 2. ad c. 1. hujus libri.

⁷⁵ *M. Atilium, C. Fulvium fratrem Flacci, legatos ejus*] Put. liber, et tres alii e nostris, *fratres Flacci, legatos ejus.* Nec quidquam vetat M. Atilium fratrem esse Flacci, etsi diverso nomine sit, sive ex eadem tantum matre ortus, sive per adoptionem in Atiliorum familiam adscitus fuerit.

⁷⁶ *In Satricanis*] De Satricanorum defectione ad Samnites egit Livius, l. IX. c. 16. Sed quae hic a M. Atilio memorantur, silentio tum transiit.

U. Q. 542. ⁷⁷ *sciretque plebs, uti senatui de Satrianis sententias dicendas*
 A. Q. 219. *jus esset. Itaque censeo, cum tribunis plebis agendum esse, ut*
eorum unus pluresve rogationem ferant ad plebem, qua nobis
statuendi de Campanis jus fiat. L. Atilius tribunus plebis ex
auctoritate senatus plebem in hæc verba rogavit: ⁷⁸ Omnes
Campani, Atellani, Calatini, Sabatini, qui se dediderunt in ar-
bitrium ditionemque populi Romani Fulvio proconsuli¹, quæ-
que una secum dediderunt, agrum urbemque, divina, humana-
que, utensiliaque, sive quid aliud dediderunt; de iis rebus quid
fieri velitis, vos rogo, Quirites. Plebes sic jussit. ⁷⁹ Quod se-
natus juratus, maxima pars, censeat, qui adsidetis, id volumus
jubemusque.

Senatus-
consultum
de Campa-
nia.

XXXIV. Ex hoc plebeiscito senatus consultus, Oppiæ Clu-
 viæque primam bonam ac libertatem restituit. si qua alia præ-
 mia petere ab senatu vellent, venire eas Romam. Campanis in
 familias singulas decreta facta, quæ non operæ pretium est om-
 nia enumerare. Aliorum bona publicanda: ipsos liberosque
 eorum et conjuges vendendas, extra filias, quæ enupsissent prius,
 quam in populi Romani potestatem venirent. Alios in vincula
 condendos, ac de his posterius consulendum. Aliorum Campa-
 norum ⁸⁰ summam etiam census distinxerunt, publicanda nec-
 ne bona essent; pecua captiva, præter equos, et mancipia, præ-
 ter puberes virilis sexus, et omnia, quæ solo non continerentur,
 restituenda, censuerunt, dominis. ⁸¹ Campanos omnes, Atella-
 nos, Calatinos, Sabatinos, extra quam, qui eorum, aut ipsi aut
 parentes eorum, apud hostes essent, liberos esse, jusserunt, ita ut

¹ Proconsule Gron. Crev.

⁷⁷ *Sciretque plebs*] Dubitari potest, utrum mendum sit in verbo *sciret*, legendumque sit, *scisceret*; an vero hæc verba *scio* et *scisco* promiscui sint usus, et alterum alterius locum ac vi-ces obtinere possit. Quemadmodum enim hic *sciret* pro *scisceret*, sic apud Plautum in Amphitr. Act. V. Sc. 1. ut *sciscam* quid velit, id est, ut *sciam*; et apud nostrum infra l. XXVII. c. 35. et *præsciscere*, quam quisque eorum provinciam . . haberet.

⁷⁸ *Omnes Campani*] Hæc rogatio eam habet verborum comprehensio- nem, quæ planum omnino sensum offerat, at non accuratam loquendi figuram, ut fere sit in his verbosis, et horridioris vetustatis stylo conscriptis formulis.

⁷⁹ *Quod senatus juratus, maxima pars, censeat, qui adsidetis*] Libri omnes habent, teste Gronovio, qui addi-
 dunt; unde ille efficit, qui *adsiderint*, quod quidem anteponendum videtur vulgatæ lectioni. Jam in his vocibus,

senatus juratus, maxima pars, qui as- sederint, posterius semper membrum explicat, seu potius restringit sensum præcedentis. Senatus juratus, non quidem unanimi consensu, sed ex maxima suffragiorum parte; nec suf-fragiorum quidem totius senatus, aut certi senatorum numeri, qui interdum præfiniebatur, sed eorum sena- torum qui assederint, quocunque sint numero.

⁸⁰ *Summam etiam census distinxe- rant*] Supple, ut ex eo statuerent, publicanda necne bona essent.

⁸¹ *Campanos omnes . . . liberos esse jusserunt*] Ex his verbis, et iis quæ se- quuntur, patet Livium, dum scripsit supra, c. 16. multitudinem civium Campanorum venundatam, magis os- tendisse, quid facere decreverit Flæ- cus, quam quid fecerit. Nempe ille jusserat Campanos venundari. At, re in hoc tempus extracta, senatus ejus decretorum severitatem hac qui- dem in parte mitigavit.

nemo eorum civis Romanus, aut Latini nominis esset; neque U. C. 542. quis eorum, qui Capuæ fuissent, dum portæ clausæ essent, in A. C. 210. urbe agroque Campano intra certam diem maneret. Locus, ubi habitarent, trans Tiberim, qui non contingeret Tiberim, darentur. qui nec Capuæ, nec in urbe Campana, quæ a populo Romano defecisset, per bellum fuissent, eos cis Lirim amnem Romanam versus; qui ad Romanos transissent prius, quam Hannibal Capuam veniret, cis Vulturum emovendos, censuerunt, ne quis eorum propius mare quindecim millibus passuum agrum ædificiumve haberet. Qui eorum ⁸² trans Tiberim emoti essent, ne ipsi posterive eorum uspiam pararent haberentve, nisi in Veiente, aut Sutрино, Nepesinove agro: dum ne cui major, quam quinquaginta jugerum, agri modus esset. Senatorum omnium, quique magistratus Capuæ, Atellæ, Calatiæ gessissent, bona venire Capuæ, jusserunt. libera corpora, quæ venundari placuerat, Romam mitti, ac Romæ venire. Signa, statuas æneas, quæ capta de hostibus dicerentur, quæ eorum sacra ac profana essent, ad pontificum collegium rejecerunt. Ob hæc decreta molestiores aliquanto, quam Romam venerant, Campanos dimiserunt. nec jam Q. Fulvii sævitiam in sese, sed iniquitatem Deum atque execrabilem fortunam suam incusabant.

XXXV. Dimissis Siculis Campanisque, delectus habitus. scripto deinde exercitu, de remigum supplemento agi cœptum. in quam rem quum neque hominum satis, nec, ex qua pararentur, stipendiumque acciperent, pecuniæ quidquam ea tempestate in publico esset, edixerunt consules, ut privati ex censu ordinibusque, ⁸³ sicut antea, remiges darent cum stipendio cibariusque dierum triginta. Ad id edictum tantus fremitus hominum, ⁸⁴ tanta indignatio fuit, ut magis dux, quam materia, seditioni deesset. ⁸⁵ Secundum Siculos Campanosque plebem Romanam perdendam lacerandamque sibi consules sumsisse. per tot annos tributo exhaustos nil reliqui, præter terram nudam ac vastam, habere. Tecta hostes incendisse, servos agri cultores rempublicam abduxisse, nunc ad militiam parvo ære emendo, nunc remiges imperando. Si quid cui argenti ærisve fuerit, stipendio remigum et tributis annuis ablatum. Se, ut dent, quod non habeant, nulla vi, nullo imperio cogi posse. Bona sua venderent: in corpora, quæ reliqua essent, sævirent. Ne unde redi-

Edictum
Coss. de
remigibus
dandis.

Querelas
excitat.

^k tantaque Gron.

⁸² Trans Tiberim emoti] Solenne in hac re verbum. Paulo ante, cis Vulturum emovendos. XXXVII. 53. Ultra Tauri juga Antiochum emotis. XXXVIII. 53. Antiochum . . . ultra Tauri juga emovit. Et alibi sæpius. Hoc loco verbum hoc decurtatum erat in vulgatis, trans Tiberim moti. Sed veram lectionem asserunt duo

Hearnii codices, tres e nostris, Andreas et Campanus.

⁸³ Sicut antea] Vid. supra l. XXIV. c. 11.

⁸⁴ Tanta indignatio] Hic male sedulus Sigonius adjecerat voculam que, quam respuit Put. liber et omnes nostri.

⁸⁵ Secundum] Post.

U. C. 542.
A. C. 210.

Consilia ea
de re.

*mantur quidem, quidquam superesse. Hæc non in occulto, sed propalam in foro atque oculis ipsorum consulum ingens turba circumfusi fremebant: nec eos sedare consules, nunc castigando, nunc consolando, poterant. Spatium deinde his tridui se dare ad cogitandum dixerunt: quo ipsi ad rem inspiciendam expediendamque usi sunt. Senatum postero die habuerunt de remigum supplemento: ubi quum multa disseruissent, cur æqua plebis recusatio esset, verterunt orationem eo, ut dicerent, *Privatis id, seu æquum, seu iniquum, onus injungendum esse. Nam unde, quum pecunia in ærario non esset, paraturos*⁸⁶ *navales socios? Quomodo autem sine classibus aut Siciliam obtineri, aut Italia Philippum arceri posse, aut tuta Italiæ litora esse?**

XXXVI. Quum in hac difficultate rerum consilium hæeret, ac prope torpor quidam occupasset hominum mentes, tum Lævini Cos. *Lævinus consul, Magistratus senatui, et senatum populo,*⁸⁷ *sicut honore præstent, ita ad omnia, quæ dura atque aspera essent, subeunda duces*¹ *debere esse. Si quid injungere inferiori velis, id prius in te ac tuos si ipse juris statueris, facilius omnes obediens habeas. nec inpena gravis est, quum ex ea*⁸⁸ *plus quam pro virili parte sibi quemque capere principum vident. Itaque classes habere atque ornare volumus populum Romanum? privatos sine recusatione remiges dare? nobismet ipsis primum imperemus. Aurum, argentum, æs signatum omne senatores crastino die in publicum conferamus: ita ut annulos sibi quisque, et conjugii, et liberis,*⁸⁹ *et filio bullam, et, quibus uxor filiæve sunt,*⁹⁰ *singulas uncias pondo auri relinquant; argenti, qui curuli sella sederunt, equi ornamenta et libras pondo, ut*⁹¹ *salinum patellamque Deorum causa habere possint. ceteri senatores libram argenti tantum,*⁹² *æris signati quina millia in*

¹ *ducem Gron.*

⁸⁶ *Navales 'socios]* Socii navales hoc loco sunt remiges, ut ex præcedentibus constat. Vid. not. 27. ad l. XXI. c. 49.

⁸⁷ *Sicut honore præstent, ita . . duces debere esse]* Olim editi *præstet*, et *ducem*. Reposuit Gronovius *præstent*, idemque testatur in optimis MSS. legi *duces*. Illo semel admissio, nil dubium erat quin et hoc recipiendum esset.

⁸⁸ * *Plus quam pro virili parte]* Plus quam pro portione ab ipsis exigere æquum sit.

⁸⁹ *Et filio bullam]* Pueri ingenui bullam auream in figuram cordis formatam e collo suspensam ante pectus gerebant: quam simul cum toga prætexta, ubi in viros adscribebantur, deponebant. Libertinorum filii pro bulla aurea lorum in collo, sive bul-

lam scorteam præferebant. Vid. Macrobi. l. I. Saturn. c. 6. et Ascon. in tertiam contra Verrem.

⁹⁰ *Singulas uncias pondo auri]* Ita ut uxor filiæque singulas uncias auri habeant ad ornatum suum. Aliquid tamen moræ facere potest quod discimus ex l. XXXIV. infra, c. l. cautum fuisse lege Oppia, paucis ante hoc tempus annis lata, *ne qua mulier plus semuncia auri haberet*. Sed fieri potest ut hoc caput legis Oppiæ, quod perfacile posset ita negligi, ut fraus ipsi facta, aut detegi, aut vindicari nequiret, locum non habuerit.

⁹¹ *Salinum patellamque deorum causa]* Salinum, patella, in qua diis apponebantur epulæ, maximæ religioni apud antiquos erant.

⁹² *Æris signati quina millia]* Asses unciales 5000. qui dant sestertios

singulos patres familiæ relinquamus. Ceterum, omne aurum, U. C. 542. argentum, æs signatum, ad ⁹³ triumviros mensarios extempla A. C. 210. deferamus, nullo ante senatusconsulto facto: ut voluntaria conlatio et ⁹⁴ certamen adjuvandæ reipublicæ excitet ad æmulandum animos primum equestriis ordinis, dein reliquæ plebis. hanc unam viam, multa inter nos conlocuti, consules invenimus. Ingredimini, Diis bene juvantibus. Respublica incolumis et privatas res facile salvas præstat. publica prodendo, tua nequidquam serves. In hæc tanto animo consensum est, ut gratiæ ultro consulibus agerentur. senatu inde misso, pro se quisque aurum, argentum et æs in publicum conferunt, tanto certamine injecto, ut prima inter primos nomina sua vellent in publicis tabulis esse; ut nec triumviri accipiundo, nec scribæ ⁹⁵ referendo subficerent. Hunc consensum senatus equester ordo est secutus: equestriis ordinis, plebes. Ita sine edicto, sine coërcitione magistratus, nec remige in supplementum, nec stipendio respublica eguit: paratisque omnibus ad bellum, consules in provincias profecti sunt.

Magistr. et
senatores
pecuniam
sponte con-
ferunt.

Idem faci-
unt eque-
ster ordo et
plebs.

XXXVII. ⁹⁶ Neque aliud magis tempus belli fuit, quo Karthaginienses Romanique pariter variis casibus inmixtis magis in ancipiti spe ac metu fuerint. Nam Romanis et in provinciis, hinc in Hispania adversæ res, hinc prosperæ in Sicilia, luctum et lætitiā miscuerant: et in Italia, quum Tarentum amissum damno et dolori, tum arx cum præsidio retenta præter spem gaudio fuit: et terrorem subitum pavoremque urbis Romæ obsessæ et obpugnatae Capua post dies paucos capta in lætitiā vertit. Transmarinæ quoque res ⁹⁷ quadam vice pensatæ. Philippus hostis tempore haud satis opportuno factus; Ætoli novi adsciti socii, Attalusque Asiæ rex, jam velut despondente fortuna Romanis imperium orientis. Karthaginienses quoque Capuam amissam et Tarentum captum æquabant: et, ut ad mœnia urbis Romanæ nullo prohibente se pervenisse in gloria ponebant, ita pigebat irriti incepti; pudebatque adeo se spreto, ut, sedentibus ipsis ad Romana mœnia, alia porta exercitus Romanus in Hispaniam duceretur. Ipsæ quoque ⁹⁸ Hispaniæ, quo propius spem venerant, tantis duobus ducibus ex-

Paria tum
omnia inter
Romanos
Pœnosque.

1250. marcas argenti nostrates 4. cum unciis 7. et decima-sexta unciae parte.

⁹³ * *Triumviros mensarios*] Vid. supra XXIV. 17. XXIII. 21.

⁹⁴ * *Certamen adjuvandæ reipublicæ*] Ardor ille quo certabimus inter nos de laude adjuvandæ reipublicæ.

⁹⁵ * *Referendo*] In tabulas.

⁹⁶ *Neque aliud magis tempus belli fuit, quo . . . magis in ancipiti spe*] Prius illud magis vacat, et reciden-

dum videtur. Nec vero illud agnoscit Victor. codex.

⁹⁷ * *Quadam vice pensatæ*] Varietate eventuum ita mistæ, ut alternante fortuna adversa prosperis pensarentur.

⁹⁸ *Hispaniæ quo propius spem venerant . . . debellatum ibi*] Quo propius Hispaniarum res abfuerant ab eo, ut spem facerent Carthaginensibus debellatum ibi esse.

U. C. 542. cretibusque caesis, debellatum ibi, ac pulsos inde Romanos
A. C. 210. esse; eo plus, ab L. Marcio tumultuario duce ad vanum et
irritum victoriam redactam esse, indignationis praebebant^m.
Ita aequante fortuna, suspensa omnia utrimque erant, ⁹⁹ in-
tegra spe, integro metu, velat illo tempore primum bellum
inciperent.

Hannibalis
anxietas.

Vastat quæ
tueri ne-
quit.

Blattius et
Dasius Sa-
lapiæ prin-
cipes.

Salapia tra-
dita Mar-
cello.

XXXVIII. Hannibalem ante omnia angebat, quod Capua,
pertinacius obpugnata ab Romanis, quam defensa ab se, mul-
torum Italiae populorum animos averterat: quos neque omnes
tenere præsiidiis, nisi vellet in multas parvasque partes carpe-
re exercitum, quod minime tum expediebat, poterat: nec,
deductis præsiidiis, ¹ spei liberam vel obnoxiam timori socio-
rum relinquere fidem. Præceps in avaritiam et crudelitatem
animus ad spolianda, quæ tueri nequibat, ut vastata hosti
relinquerentur, inclinavit. Id fœdum consilium, quum in-
cepto, tum etiam exitu fuit. neque enim indigna patientium
modo abalienabantur animi, sed ceterorum etiam. quippe ad
plures exemplum, quam calamitas, pertinebat. Nec consul
Romanus tentandis urbibus, sicunde spes aliqua se osten-
disset, deerat. Salapiæ principes erant Dasius et Blattius²:
Dasius Hannibali amicus; Blattius, quantum ex tuto pot-
erat, rem Romanam fovebat, et per occultos nuncios spem
proditionis fecerat Marcello; sed sine adiutore Dasio res
transigi non poterat. Multum ac diu cunctatus, et tum quo-
que magis inopia consilii potioris, quam spe effectus, Da-
sium adpellabat. at ille, quum ab re aversus, tum æmulo
potentatus inimicus, rem Hannibali aperit. Arcessito utro-
que, Hannibal quum pro tribunali quædam ageret, mox de
Blattio cogniturus, starentque submoto populo accusator et
reus: Blattius de prodicione Dasium adpellabat. *Enimvero,*
ille, velut in manifesta re, exclamat, sub oculis Hannibalis
secum de prodicione agi. Hannibali atque eis, qui aderant,
quo audacior res erat, minus similis veri visa est. *æmulatio-*
nem profecto atque odium esse: et id crimen adferri, quod,
quia testem habere non posset³, liberius fingenti sit. Ita in-
de dimissi sunt. nec Blattius ante abstitit tamen tam audaci
inepto, quam idem obtundendo, docendoque, quam ea res
ipsis patriæque salutaris esset, pervicit, ut præsidium Puni-
cum (² quingenti autem Numidæ erant) Salapiaque tradere-

^m praebebat Gron. Crev.

² Blasius Eæd.

³ potuisset Eæd.

⁹⁹ * *Integra spe, integro metu*] Spe
et metu nulla ex parte delibatis, nul-
lam in partem inclinatis.

¹ *Spei liberam*] Relinquere socios
in eo statu, ubi fides eorum vel spem
veniae feliciorisque conditionis ab Ro-
manis ostentatam libere sequi, vel ti-

more concuti posset.

² *Quingenti autem Numidæ erant*] Repositus est numerus ab Sigonio et Gronovio ex Val. Maximo, qui hanc eandem rem memorans l. III. c. 8. quingentos Numidas cum Salapia Marcello traditos esse memorat. Vul-

tur Marcello. Nec sine caede multa tradi potuit. longe fortissimi equitum toto Punico exercitu erant. Itaque, quamquam improvisa res fuit, nec usus equorum in urbe erat, tamen, armis inter tumultum captis, et eruptionem tentaverunt, et, quum evadere nequirent, pugnantes ad ultimum obcubuerunt. nec plus quinquaginta ex his in potestatem hostium vivi venerunt. plusque aliquanto damni hæc ala equitum amissa Hannibali, quam Salapia, fuit: nec deinde umquam Pœnus (quo longe plurimum valuerat) equitatu superior fuit.

XXXIX. Per idem tempus, quum in arce Tarentina vix inopia tolerabilis esset, spem omnem præsidium, quod ibi erat, Romanum præfectusque præsidii atque arcis M. Livius in com meatibus ab Sicilia missis habebant. qui ut tuto præterveherentur oram Italiæ, classis viginti ferme navium Rhegii stabat. Præerat classi com meatibusque D. Quinctius, obscuro genere ortus, ceterum multis fortibus factis gloria militari inlustris. Primo quinque naves, quarum maximæ duæ triremes a Marcello ei traditæ erant, habuit: postea rem impigre sæpe gerenti tres additæ quinqueremes: postremo ipse a sociis, Rheginisque, et a Velia, et a Pæsto, debitas ex foedere exigendo, classem viginti navium, sicut ante dictum est, effecit. Huic ab Rhegio profectæ classi Democrates, cum pari classe navium Tarentinarum numero, quindecim millia ferme ab urbe ad Sacriportum obvius fuit. Velis tum forte, improvidus futuri certaminis, Romanus veniebat. sed circa Crotonem Sybarimque suppleverat remigio naves, instructamque et armatam egregie pro magnitudine navium classem habebat: et tum forte sub idem fere tempus et venti vis omnis cecidit, et hostes in conspectu fuere, ut ad componenda armamenta, expediendumque remigem ac militem ad imminens certamen ⁴ satis temporis esset. Raro alias tantis animis ⁵ justæ concurrerunt classes: quippe ⁶ quum in majoris discrimen rei, quam ipsæ erant, pugnarent. Tarentini, ut, recuperata urbe ab Romanis ⁷ post centesimum prope annum, arcem etiam liberarent;

U. C. 542.
A. C. 210.

In Tarentina arce inopia.

D. Quinctius dux Rom. classis.

Prælium Rom. et Tarentinæ classis.

go hi autem Numidæ erant. Nimirum numerus expressus fuerat nota 10.

3 Cum part classe navium Tarentinarum numero] Cuiusvis vel leviter attendenti patet vocem classe hic superfluum, atque etiam odiosam esse.

4 Satis temporis esset] Quia ventus subito cadens moræ hostibus fuit. Cui tamen hoc non satisfaciet, is legat, contrario plane sensu, ex vet. lib. Sigonii, viz satis.

5 Justæ . . . classes] Classes eo navium numero constantes, ut vere ac merito classes dici possent. Nempe viginti naves non erant iusta classis, sed aliquod classis instar.

6 Quum in majoris] Quum in illarum pugna ageretur de rebus majoris momenti, quam quanti ipsæ classes erant. Quæ sint autem illæ res, mox explicat Livius.

7 Post centesimum prope annum] Hic sexagesimus tertius annus agitur

U. C. 542. ⁸ spe^r commeatus quoque hostibus, si navali proelio possessionem maris ademissent, interclusuros⁹: Romani, ut, re-tenta possessione arcis, ostenderent, non vi aut virtute, sed proditione ac furto, Tarentum amissum. Itaque ex utraque parte signo dato quum rostris concurrissent, neque retro navem inhiberent, nec dirimi ab se hostem paterentur, ⁹ quam quis indeptus navem erat, ferrea injecta manu; ita conserebant^r ex propinquo pugnam, ut non missilibus tantum, sed gladiis etiam prope conlato pede gereretur res. Proræ inter se junctæ hærebant, puppes ¹⁰ alieno remigio circumagebantur. ita in arto stipatæ erant naves, ut vix ullum telum in mari vanum intercideret. frontibus velut pedestris acies urgebant, ¹¹ perviæque naves pugnantibus erant. Insignis tamen inter ceteras pugna fuit duarum, quæ primæ agminis concurrerant inter se, In Romana nave ipse Quinctius erat, in Tarentina Nico, cui Perconi fuit cognomen, non publico modo, sed privato etiam odio invisus atque infestus Romanis: quod ejus factionis erat, quæ Tarentum Hannibali prodiderat. Hic Quinctium, simul pugnantem hortantemque suos, incautum hasta transfigit. ille atque præceps cum armis procidit ante proram. victor Tarentinus, in turbatam duce amisso navem inpigre transgressus, quum submovisset hostes, et prora jam Tarentinorum esset, puppim male conglobati tuerentur Romani; repente et alia a puppi triremis hostium adparuit. Ita in medio circumventa Romana navis capitur. hinc ceteris terror injectus, ut prætoriam navem captam videre: fugientesque passim, aliæ in alto mersæ, aliæ in terram remis abreptæ, mox prædæ fuere Thurinis Metapontinisque. ex onerariis, quæ cum commeatu sequebantur, perpaucae in potestatem hostium venere: aliæ, ad incertos ventos hinc atque illinc obliqua transferentes vela, in altum evectæ sunt. Nequaquam

Quinctii et
Niconis
certamen.

Cadit
Quinctius.

Capta præ-
toria victi
Romani.

P *spem* Crev.

9 *interclusuri* Ead.

r *conserebant* Gron.

ab eo, quo captum est Tarentum, L. Papirio, Sp. Carvilio, utroque iterum Coss. quem nos numeramus ab u. c. 480.

8 *Spem commeatus quoque hostibus . . interclusuri*] Hæc est veterum editorum lectio, cujus sensus optimus nobis videtur. *Spem quoque* est *spem ipsam*: non commeatum modo, sed et ipsam *spem* commeatus. Gronovius, quia reperit in aliquot MSS. *interclusuros*, legi jussit: *spe commeatus quoque hostibus . . interclusuros*. *Spe*, id est, *spe* concepta. Sed tunc particula *quoque* supervacanea est. Nobis

igitur antiquorum editorum, quibus accedit Victor. codex, potior fides fuit.

9 *Quam quis indeptus navem erat, ferrea injecta manu*] Ante posterius membrum supple *in eam navem*. Sic infra, l. XXVII. c. 42. *crebris ignibus tabernaculisque* in ea parte castrorum, *quæ pars castrorum ad hostes vergebat . . relictis*.

10 *Alieno remigio*] Aliorum navigiorum, puppi pugnantis navis alligatorum, remigio.

11 *Perviæ . . naves pugnantibus erant*] Erat facilis pugnantibus transitus ex una nave in aliam.

pari fortuna per eos dies Tarenti res gesta. nam ad quatuor U. C. 342.
 millia hominum frumentatum egressa, quum in agris passim A. C. 210.
 vagarentur; Livius, qui arci praesidioque Romano praerat,
 iatentus in omnes occasiones gerendae rei, C. Persium, impi-
 grum virum, cum duobus millibus armatorum ex arce emi-
 sit, qui, vage effusos per agros palatosque adortus, quum
 diu passim cecidisset, paucos ex multis, trepida fuga incl-
 dentes ¹² semiapertis portarum foribus, in urbem compulit,
 ne urbs eodem impetu caperetur. Ita sequatæ res ad Taren-
 tum; Romanis victoribus terra, Tarentinis mari. frumenti
 spes, quæ in oculis fuerat, utrosque frustrata pariter.

XL. Per idem tempus Lævinus consul, jam magna parte
 anni circumacta, ¹³ in Siciliam¹, veteribus novisque sociis Res in Sici-
 lia gestæ.
 exspectatus, quum venisset, primum ac potissimum omnium
 ratus, Syracusis nova pace inconditas componere res. Agri-
 gentum inde (quod belli reliquum erat, tenebaturque a Kar-
 thaginiensium valido praesidio) duxit legiones. et adfuit
 fortuna incepto. Hanno erat imperator Karthaginiensium,
 sed ¹⁴ omnem in Mutine Numidisque spem repositam habe-
 bant. Per totam Siciliam vagus praedas agebat ex sociis
 Romanorum: neque intercludi ab Agrigento vi aut arte ul-
 la, nec, quin erumperet, ubi vellet, prohiberi poterat. Hæc
 ejus gloria, quia jam imperatoris quoque famæ obficiebat,
 postremo in invidiam vertit; ut ne bene gestæ quidem res jam
 Hannoni propter auctorem satis lætæ essent. propter quæ
 postremo praefecturam ejus filio suo dedit, ratus, ¹⁵ cum im-
 perio auctoritatem quoque ei inter Numidas erepturum.
 quod longe aliter evenit. Nam veterem favorem ejus sua
 insuper invidia auxit, neque ille indignitatem injuriæ tulit,
 confestimque ad Lævinum occultos nuncios misit de traden- Agrigen-
 tum Rom.
 traditum,
 do Agrigento. Per quos ut est facta fides, compositusque
 rei gerendæ modus, portam ad mare ferentem Numidæ
 quum occupassent, pulsas inde custodibus, aut cæsis, ¹⁶ Ro-

¹ Sicilia Gron.

¹² *Semiapertis portarum foribus, in urbem compulit, ne urbs eodem impetu caperetur*] Hæc collocatio non videtur a Livio esse. Itaque legit Tan. Faber, *semiapertis, ne urbs eodem impetu caperetur, portarum foribus, in urbem compulit*: eodem plane ordine, quo infra, c. 46. *cadendo confractis, ne iter impediretur, foribus*. * Foras portarum urbis semiapertæ tantum erant, non plane patentes, ne urbs eodem impetu caperetur.

¹³ *In Siciliam*] In Gronovianis editionibus mendose legitur *in Sicilia*: Correximus ex vetustioribus, et libris

MSS.

¹⁴ *Omnem in Mutine . . . spem repositam habebant*] Nempe Carthaginienses. Nam ipsum Hannonem Mutines invidia urebat, ut apparet ex iis quæ sequuntur. Hanc Gronovii emendationem firmat unus e Colb. MSS. teste Dujatio, et instar omnium Put. Vulgo habebat.

¹⁵ * *Cum imperio auctoritatem quoque*] De harum vocum discrimine vid. not. 49. ad l. 7.

¹⁶ *Romanos ad idipsum missos*] Quatuor vel optimi scripti a Jac. Gronovio allegati, quatuor nostri habent

U. C. 542. A. C. 210. manos ad id ipsum missos in urbem acceperunt. Et quum agmine jam in media urbis ac forum magno tumultu iretur, ratus Hanno non aliud, quam tumultum ac secessionem (id quod et ante acciderat) Numidarum esse, ad comprimendam seditionem processit. atque ille, quum ei multitudo major, quam Numidarum, procul visa, et clamor Romanus haudquaquam ignotus ad aures accidisset, prius, quam ad ictum teli veniret, capessit fugam. per aversam portam emissus, adsumto comite Epicyde, cum paucis ad mare pervenit: nactique opportune parvum navigium, relictis hostibus Sicilia, de qua per tot annos certatum erat, in Africam traiecerunt. alia multitudo Poenorum Siculorumque, ne tentato quidem certamine, quum caeci in fugam ruerent, clausique exitus essent, circa portas caesa. Oppido recepto Laevinus, qui capita rerum Agrigenti erant, virgis caesos securi percussit: ceteros praedamque vendidit. omnem pecuniam Romanam misit. Fama Agrigentinarum cladis Siciliam quum pervasisset, omnia repente ad Romanos inclinaverunt. Proditae brevi sunt viginti oppida: sex vi capta: voluntaria deditione in fidem venerunt ad quadraginta. quarum civitatum principibus quum pro cujusque merito consul pretia poenasque exsolvisset, coegissetque Siculos, positis tandem armis, ad agrum colendum animos convertere, ut esset non incolarum modo alimentis frugifera insula, sed urbis Romae atque Italiae (id quod multis saepe tempestatibus fecerat) annonam levaret; ab Agathyrna inconditam multitudinem secum in Italiam transvexit. quatuor millia hominum erant, mixti ex omni conluvione exsules, obaerati, capitalia ausi plerique; et quum in civitatibus suis ac sub legibus vixerant, et postquam eos ex variis causis fortuna similis conglobaverat Agathyrnam, per latrocinia ac rapinam tolerantibus vitam. hos neque relinquere Laevinus ¹⁷ in insula, tum primum nova pace coalescente, velut materiam novandis rebus, satis tutum ratus est: et Rheginis usui futuri erant ad populandum Bruttium agrum, adsuetam latrociniiis quaerentibus manum. Et, quod ad Siciliam adtinet, eo anno debellatum est.

Sicilia deserta a Poenis.

Hispaniae res.

XLI. In Hispania principio veris P. Scipio, ¹⁸ navibus deductis, evocatisque edicto Tarraconem sociorum auxiliis,

ad ipsum. Et consimilia exempla non pauca attulere idem Jac. Gronovius in nota ad l. XXI. c. 55. et Gronovius pater ad l. V. c. 43. ita ut quæri possit, an non interdum veteres Latini usurpaverint *ipse* pro *is ipse*.

¹⁷ *In insula, tum primum nova pace coalescente*] In insula, quæ tum

primum ex bellorum dissidiis in consensionem animorum nova pace reduci inciperet.

¹⁸ *Navibus deductis*] In mare. *Deducere* et *subducere* opponuntur. *Deducuntur* naves in mare, *subducuntur* in siccum.

classem onerariasque ostium inde Iberi fluminis petere jubet. Eodem legiones ex hibernis convenire quum jussisset: ipse cum quinque millibus sociorum ab Tarracone profectus ad exercitum est. Quo quum venisset, adloquendos maxime veteres milites, qui tantis superfuerant cladibus, ratus, concione advocata, ita disseruit: *Nemo ante me novus imperator militibus suis prius, quam opera eorum usus esset, gratias agere jure ac merito potuit. Me vobis prius, quam provinciam aut castra viderem, obligavit fortuna: primum, quod ea pietate erga patrem patrumque meum vivos mortuosque fuistis: deinde, quod amissam tanta clade provinciae possessionem, integram, et populo Romano et successori mihi, virtute vestra obtinistis. Sed quum jam benignitate Deum id paremus atque agamus, non ut ipsi maneamus in Hispania, sed ne Poeni maneant, nec ut pro ripa Iberi stantes*¹⁹ *arceamus transitu hostes*^t, sed ut ultro transeamus, transferamusque bellum; vereor, ne cui vestrum majus id audaciusque consilium, quam aut pro memoria cladum nuper acceptarum, aut pro aetate mea, videatur. Adversae pugnae in Hispania nullius in animo, quam meo, minus obliterari possunt. Quippe cui pater et patruus intra triginta dierum spatium, ut aliud super aliud cumularetur familiae nostrae funus, interfecti sunt. Sed ut familiaris pene orbitas ac solitudo frangit animum; ita publica quum fortunatum virtus desperare de summa rerum prohibet. Ea fato quodam data nobis sors est, ut magnis omnibus bellis victi vicerimus. Vetera omitto, Porsenam, Gallos, Samnites: a Punicis bellis incipiam. Quot classes, quot duces, quot exercitus priore bello amissi sunt? ²⁰*Jam quid hoc bello memorem? Omnibus aut ipse adfui cladibus: aut, quibus afui, maxime unus omnium eas sensi. Trebia, Trasimenus, Cannae, quid aliud sunt, quam monumenta occisorum exercituum consulumque Romanorum? Adde defectionem Italiae, ²¹Siciliae majoris partis, Sardiniae. Adde ultimum terrorem ac pavorem, castra Punica inter Anienem et moenia Romana posita, et visum prope in portis victorem Hannibalem. In hac ruina rerum stetit una integra atque immobilis virtus populi Romani. Haec omnia strata humi*

Scipionis
oratio ad
milites.

^t transitum hostis Gron.

^u add. de Ead.

¹⁹ *Arceamus transitu hostes*] In hanc lectionem consentiunt duo vel fidissima Livii exemplaria, Put. et Cantabrigiense, quibus accedit Tellerianus codex. Itaque eam admittere non dubitavimus, rejecta illa multo minus eleganti scriptura quae editos vulgo occupavit, *arceamus transitum hostis*.

²⁰ *Jam quid hoc bello memorem*] Supple, exercitus amissos. Male Si-

gonius inseruerat particulam *de*.

²¹ *Siciliae majoris partis*] Nimirum, qua regnum Hieronis fuit. Nam vetus provincia semper Romanis in fide mansit. Ideo Sigonii monitu jungimus *majoris partis* cum nomine *Siciliae*, non, ut vulgati, cum nomine *Sardiniae*, in qua nulla talis divisio occurrat, qualem modo observavimus in Sicilia.

U. C. 542.
A. C. 210.

erexit ac sustulit. Vos omnium primi, milites, post Cannensem cladem vadenti Hasdrubali ad Alpes Italiamque, qui si secum fratre conjunxisset, nullum jam nomen esset populi Romani, ductu auspicioque patris mei obstitistis. ²² et hæ secundæ res illas adversas sustinuerunt. Nunc, benignitate Deum, omnia secundæ, prospera, in dies lætiora ac meliora in Italia Siciliaque geruntur. In Sicilia Syracusæ, Agrigentum² captum, pulsæ tota insula hostes, receptaque provincia in ditioni populi Romani est. In Italia Arpi recepti, Capua capta. Iter omne ab urbe Roma trepida fuga emensus Hannibal, in extremum angulum agri Bruttii compulsus, nihil jam majus precatur Deos, quam ut incolumi cedere atque abire ex hostium terra liceat. Quid igitur minus conveniat, milites, quam, quum aliæ super alias clades cumlarentur, ac Dii prope ipsi cum Hannibale starent, vos hic ²³ cum parentibus meis (æquentur enim etiam honore nominis) sustinuisse labantem fortunam populi Romani; nunc eosdem, quia illic omnia secundæ lætaque sunt, animis deficere? Nuper quoque quæ acciderunt, ²⁴ utinam tam sine meo luctu, quam vestro, transissent! Nunc Dii immortales imperii Romani præsides, qui ²⁵ centuriis omnibus, ut mihi imperium juberent dari, fuere auctores, iidem auguriis auspiciisque, et per nocturnos etiam visus omnia læta ac prospera portendunt. Animus quoque meus, maximus mihi ad hoc tempus vates, præsagit, nostram Hispaniam esse: brevi extorre hinc omne Punicum nomen, maria terrasque fœda fuga impleturum. Quod mens sua sponte divinat, idem subjicit ratio haud fallax. Verati ab iis socii nostram fidem per legatos inplorant. ²⁶ tres duces discrepantes, prope ut defecerint alii ab aliis, trifariam exercitum in

² Agrigentumque Gron. Crev.

²² * *Et hæ secundæ res illas adversas sustinuerunt]* Et harum in quibus summus regionum res secundæ sustinuerunt adversas in Italia res, vetuerunt ne adversis in Italia rebus Roma succumberet.

²³ *Cum parentibus meis, æquentur enim etiam honore nominis]* Cum patre et patruo meo, quos ambo appella-
bo parentes, ut, qui virtute, fortuna, vita, morte pares fuerunt, ii etiam ejusdem nominis honore a me æquentur.

²⁴ *Utinam tam sine meo luctu, quam vestro]* Non ea mens est Scipionis, ut contendat legiones suas omnino luctus exsortes fuisse. Sed quum victæ ab hostibus primo, eos deinde populerint, nec sentire fractum secundarum rerum passas sint, ipse præcipuam sibi luctus partem vindicat, qui jacturam ejusmodi fecerat,

quæ nullo modo aut reparata esset. aut etiam reparabilis. Vult igitur elevare, quod ad milites attinet, cladem in Hispania acceptam. Utinam, inquit, ipsa illa clades non mihi magis, quam vobis, luctuosa fuisset! Cladis illius sensus ad me magis pertinet, qui in ea patrem patruumque amisi; quam ad vos, qui quod amiseratis primo, resarcistis.

²⁵ *Centuriis]* Vid. not. 85. ad c. 18. supra.

²⁶ *Tres duces discrepantes, prope ut defecerint alii ab aliis]* Quod Livius observare suo loco neglexit, Polybius sedulo notaverat. Carthaginiensium duces, inquit, qui hostibus superiores fuerant, sui ipsorum compotes esse non poterant: et rati se Romano bello defunctos esse, ipsi inter se hostiliter dissidebant. Lib. IX. in Excerpt. de Virt. et Vitâ.

diversissimas regiones distraxere. Eadem in illos ingruit fortuna, quæ nuper nos adflixit. nam et deseruntur ab sociis, ut prius ab Celtiberis nos: et diduxerunt exercitus, quæ patri patruoque meo causa exitii fuit. Nec discordia intestina coire eos in unum sinet, neque singuli nobis resistere poterunt. Vos modo, milites, favete nomini Scipionum, soboli imperatorum vestrorum, velut adcisis recrescenti stirpibus. Agite, milites veteres, novum exercitum novumque ducem traducite Iberum, traducite in terras cum multis fortibus factis sæpe a vobis peragratas. Brevi faciam, ut, quemadmodum nunc noscitis in me patris patruique similitudinem oris vultusque, et lineamenta corporis; ita ingenii, fidei, virtutisque exemplum expressam ad effigiem vobis reddam, ut revixisse, aut renatum sibi quisque Scipionem imperatorem dicat.

XLII. Hac oratione accensis militum animis, relicto ad præsidium regionis ejus M. Silano, cum tribus millibus peditum et trecentis equitibus, ceteras omnes copias (erant autem viginti quinque millia peditum, duo millia et quingenti equites) Iberum trajecit. Ibi quibusdam suadentibus, ut, quoniam in tres tam diversas regiones discessissent Punici exercitus, proximum adgrederetur, periculum esse ratus, ne eo facto in unum omnes contraheret, nec par esset unus tot exercitibus, Karthaginem Novam interim obpugnare statuit; urbem quum ipsam opulentam suis opibus, tum hostium omni bellico adparatu plenam; (ibi arma, ibi pecunia, ibi totius Hispaniæ obsides erant) sitam præterea quum opportune ad trajiciendum in Africam, tum super portum satis amplum quantævis classi, et nescio an unum in Hispaniæ ora, qua nostro adjacet mari. Nemo omnium, quo iretur, sciebat, præter C. Lælium. Is, classe circummissus, ita moderari cursum navium jussus erat, ut eodem tempore exercitus ostenderetur, et classis portum intraret. Septimo die ab Ibero Karthaginem ventum est simul terra marique. castra ab regione urbis, qua in septentrionem versa est, posita: ²⁷ his ab tergo (nam frons natura tuta erat) vallum objectum. Ceterum sita Karthago sic est. Sinus est maris media fere Hispaniæ ora, maxime Africo vento obpositus, et ²⁸ quingentos passus introrsus retractus, paullulo plus passuum in latitudinem patens. hujus in ostio sinus parva insula objecta

Transit Iberum.

Karthago Nova obpugnata.

Karthaginis N. situs.

²⁷ *His ab tergo (nam frons]* Hunc locum, in scriptis corruptum, variis conjecturis sollicitant ambo Gronovii. Vulgata lectio, quæ ab Rhenano est, videtur retinenda. Hic scripti plerique nos deficiunt, nec ii vulgaris notæ, sed vel optimi, et ipse Puteaneus. In illis enim, ab his verbis c. 41. utinam tam sine meo luctu quam, transi-

litur statim ad initium c. 44. *terra marique instrui oppugnationem*, omis- sis mediis.

²⁸ *Quingentos passus]* Ex Polybio, l. X. legendum est, *ad bis mille et quingentos passus*: ipse enim *ad viginti stadia* habet. Sed et ex eodem mox lege *paullulo plus mille et ducentorum passuum*.

U. C. 542. ab alto portum ab omniibus ventis, præterquam Africo, tum-
 A. C. 210. tum facit. ab intimo sinu peninsula excurrit, tumulus is ipse,
 in quo condita urbs est, ab ortu solis et a meridie cincta
 mari: ab occasu stagnum claudit, paullum et ad septentrio-
 nem fusum; incertæ altitudinis, ²⁹ utcumque exæstuat aut
 deficit mare. Continenti urbem jugum ducentos fere et
 quinquaginta passus patens conjungit. unde quum tam parvi
 operis munitio esset, non objecit vallum imperator Roma-
 nus: seu fiduciam hosti superbe ostentans, sive ut subeunti
 sæpe ad moenia urbis recursus pateret.

Cohortatur
 milites Sci-
 pio.

XLIII. Cetera, quæ munienda erant, quum perfecisset,
 naves etiam in portu, velut maritimam quoque ostentans
 obsidionem, instruxit: circumvectusque classem, quum mo-
 nuisset præfectos navium, ut vigilias nocturnas intenti ser-
 varent, omnia ubique primo obsessum hostem conari: re-
 gressus in castra, ut consilii sui rationem, quod ab urbe po-
 tissimum obpugnanda bellum orsus esset, militibus ostende-
 ret, et spem potiundæ cohortando faceret, concione advo-
 cata ita disseruit: *Ad urbem unam obpugnandum si quis vos
 adductos credit, is magis operis vestri, quam emolumenti ³⁰ ra-
 tionem exactam, milites, habet. Obpugnabitis enim vere moenia
 unius urbis, sed in una urbe universam ceperitis Hispaniam.
 Hic sunt obsides omnium nobilium regum populorumque: qui,
 simul in potestate vestra erunt, extemplo omnia, quæ nunc sub
 Karthaginiensibus sunt, in ditionem tradent. Hic pecunia om-
 nis hostium, sine qua neque illi gerere bellum possunt, quippe
 qui mercenarios exercitus alant^y; et quæ nobis maximo usui ad
 conciliandos animos barbarorum erit. Hic tormenta, arma,
 armamenta, et omnis adparatus belli est, qui simul et vos in-
 struet, et hostes nudabit. Potiemur præterea quum pulcherrima
 opulentissimaque urbe, tum opportunissima portu egregio, unde
 terra marique, quæ belli usus poscunt, suppeditentur. quæ quum
 magna ipsi habebimus, tum demserimus hostibus multo majora.
 Hæc illis arx, hoc horreum, ærarium, armamentarium, hoc om-
 nium rerum receptaculum est. Hinc rectus in Africam cursus
 est: hæc una inter Pyrenæum et Gades statio: ³¹ hinc omni
 Hispaniæ imminet Africa. Sed, quoniam vos instructos et or-
 dinatos cognosco, ad Karthaginem novam obpugnandam totis
 viribus et bono animo transeamus. Quumque omnes una voce,*

^y alunt Gron. Crev.

²⁹ Utcunque] Utcunque idem valet
 ac quomodocunque, vel quotiescunque:
 at non sumitur eodem sensu, quo
 prout. Ideo Jac. Gronovius suspica-
 tur legendum, utque exæstuat aut de-
 ficit mare.

³⁰ * Rationem exactam . . . habet]
 Rationem exegit, calculos subduxit.

³¹ Hinc omni Hispaniæ imminet
 Africa] Elegans et audax loquendi fi-
 gura, quam sic fere exponit Grono-
 vius. Hinc, tanquam ex arce qua-
 dam, imminet Africa, id est Pœnus,
 toti Hispaniæ, cui jugum partim im-
 posuit, partim minatur.

hoc faciendum, subclamarent, eos Karthaginem duxit. tum U. C. 542.
terra marique eam obpugnari jubet. A. C. 210.

XLIV. Contra Mago Pœnorum dux, quum terra mari-
que instrui obpugnationem videret, et ipse copias ita dispo-
nit. Oppidanorum duo millia ab ea parte, qua castra Ro-
mana erant, obponit: quingentis militibus arcem insedit:
quingentos tumultu urbis in orientem verso inponit: multi-
tudinem aliam, quo clamor, quo subita vocasset res, inten-
tam ad omnia obcurrere jubet. Patefacta deinde porta, eos, Erumpunt
quos in via ferente ad castra hostium instruxerat, mittit. Pœni.
Romani, duce ipso præcipiente, parumper cessere, ut propi-
ores subsidiis in certamine ipso submittendis essent. Et
primo haud impari² steterunt acie: subsidia deinde, idemtidem
submissa e castris, non averterunt solum in fugam hostes, Avertuntur
sed adeo effusis institerunt, ut, nisi receptui cecinisset, per- in fugam.
mixti fugientibus inrupturi fuisse in urbem viderentur. Tre-
pidatio vero non in proelio major, quam tota urbe fuit. mul-
tæ stationes³² pavore atque fuga desertæ sunt, relictique
muri; quum, qua cuique erat proximum, desiluissent.
³³ Quod ubi egressus Scipio in tumultum, quem Mercurii vo-
cant, animadvertit, multis partibus nudata defensoribus
mœnia esse; omnes e castris excitos ire ad obpugnandam
urbem, et ferre scalas jubet. ipse, trium præ se juvenum va-
lidorum scutis obpositis, (ingens enim jam vis omnis gene-
ris telorum e muris volabat) ad urbem succedit, hortatur, Scipio ad
imperat, quæ in rem sunt: quodque plurimum ad accenden- urbem suc-
dos militum animos intererat, testis spectatorque virtutis cedit.
atque ignaviæ cujusque adest. Itaque in vulnera ac tela
ruunt; neque illos muri, neque superstantes armati arcere
queunt, quin certatim adscendant. Et ab navibus eodem
tempore ea, quæ mari adluitur, pars urbis obpugnari cœpta
est. Ceterum tumultus inde major, quam vis, adhiberi pot-
erat. dum adplicant, ³⁴ dum partim exponunt scalas milites-
que, dum, qua cuique proximum est, in terram evadere pro-
perant, ipsa festinatione et ³⁵ certamine alii alios inpediunt.

XLV. Inter hæc repleverat jam Pœnus armatis muros, et

² *imparis Gron.*

³² *Pavore atque fuga desertæ sunt]* Put. codex atque oga. Inde hanc nostram lectionem formavit Gronovius. Vulgati atque loca desertæ sunt.

³³ *Quod ubi egressus Scipio]* Totum hoc orationis membrum refinxit partim ex scriptis, partim ex conjectura Salmasius. Antea: *quod ubi versus Scipio in tumultum, quem Mercurium Teütatem appellant, advertit.*

³⁴ *Dum partim exponunt scalas]* Hic nullum locum habet vox *partim*.

Legere possimus, inverso duarum litterarum ordine, *raptim*. Omnia hic festinationis plena: unde et in iis quæ sequuntur, *in terram evadere properant*. Sic et infra, l. XXIX. c. 28. ubi vulgati recte exhibent, *portæque raptim clausæ*, testatur Gronovius legi in tribus MSS. *partim*.

³⁵ ** Certamine]* Dum certant inter se, quis majus studium majoremque celeritatem adhibeat.

U. C. 542. *vis magna,*³⁶ *ex ingenti copia congesta, telorum suppeditabat.*
 A. C. 210. Sed neque viri, nec tela, nec quidquam aliud æque, quam
 moenia ipsa ³⁷ sese, defendebant^a. raræ enim scalæ altitudini
 æquari poterant: et, quo quæque altiores, eo infirmiores erant.
 Itaque, quum summus quisque evadere non posset, subirent
 tamen alii, onere ipso frangebantur. quidam, stantibus sca-
 lis, quum altitudo caliginem oculis obfudisset, ad terram de-
 lati sunt. Et quum passim homines scalæque ruerent, et
 ipso successu audacia atque alacritas hostium cresceret, signum
 receptui datum est; quod spem non præsentis modo ab tanto
 certamine ac labore quistis obsessis, sed etiam in posterum
 dedit, scalis et corona capi urbem non posse. opera et diffi-
 cilia esse, et tempus datura, ad ferendam opem, imperatori-
 bus suis. Vix prior tumultus contiguerat, quum Scipio ab
 defessis jam vulneratisque recentes integrosque alios accipere
 scalas jubet, et vi majore adgredi urbem. Ipse, ut ei nun-
 ciatum est, æstum decedere, quod per piscores Tarraco-
 nenses, nunc levibus cymbis, nunc, ubi eæ siderent, vadis per-
 vagatos stagnum, compertum habebat, facilem pedibus ad
 murum transitum dari,³⁸ eo secum armatos duxit. Medium
 ferme diei erat: et ad id, quod sua sponte cedente in mare
 aestu trahebatur aqua, acer etiam Septentrio ortus inclinatum
 stagnum eodem, quo aestus, ferebat, et adeo nudaverat vada,
 ut alibi umbilico tenuis aqua esset, alibi genua vix superaret.
 Hoc, cura ac ratione compertum, in prodigium ac Deos
 vertens Scipio, qui ad transitum Romanis mare verterent,
³⁹ et stagno auferrent, viasque ante numquam initas humano
 vestigio aperirent, Neptunum jubebat ducem itineris sequi,
 ac medio stagno evadere ad moenia.

• Scales frus-
tra admotæ.

Per vada
urbem Sci-
pio ingredi-
tur.

XLVI. Ab terra ingens labor succedentibus erat: nec alti-
 tudine tantum moenium inpediebantur,⁴⁰ sed quod euntes ad
 ancipites utrimque ictus subjectos habebant Romanos; ut
 latera infestiora subeuntibus, quam adversa corpora, essent.
 At parte in alia quingentis et per stagnum facilis transitus,

^a *defensabant* Gron. Crev.

³⁶ *Ex ingenti copia*] Sic planè fi-
 dissimus e regiis. Itaque plena huic e-
 mendationi Gronovianæ auctoritas con-
 stat. Editi habebant *et ingens copia*.

³⁷ *Sese defensabant*] Haud scimus
 quis huc invexerit istuc verbi. Sed
 Put. et Vict. codices præferunt *sese*
defendebant.

³⁸ *Eo secum armatos duxit*] Vocem
secum adjecit Gronovius, quum in op-
 timo codice reperiret *seu*. Non ta-
 men videtur integram huic loco sani-
 tatem restituisse. Deest profecto nu-
 merus eorum quos Scipio *secum ar-*
matos duxit. Hic autem numerus
 notatur infra, c. seq. *Parte in alia*
quingentis . . per stagnum facilis trans-

itus . . fait: quo loco quum solo nu-
 mero illi milites designentur, perspi-
 cuum est eum supra expressum fuis-
 se. Legamus hic ergo, Polybio etiam
 auctore: *Eo D* sive *quingentos secum*
armatos duxit.

³⁹ *Et stagna auferrent*] Hæc est
 Put. codicis scriptura: quæ quidem
 majorem habet emphasin, adeoque
 hic aptior visa est, quam illa quæ pla-
 cuit Gronovio, *et stagno auferrent*.

⁴⁰ *Sed quod euntes*] Forsan men-
 dum latet in voce *euntes*. Potest ta-
 men hoc modo intelligi: *sed quod*
moenia euntes sive succedentes *Roma-*
nos subjectos habebant ad ancipites utrim-
que ictus.

et in murum adscensus inde fuit. nam neque opere emunitas U. C. 542. ; erat, ut ubi ipsius loci ac stagni praesidio satis creditum foret; A. C. 210. nec ulla armatorum statio aut custodia obposita, intentia omnibus ad opem eo ferendam, unde periculum ostendebatur. Ubi urbem sine certamine intravere, pergunt inde, quanto maximo cursu poterant, ad eam portam, circa quam omne contractum certamen erat. in quod adeo intenti omnium non animi solum fuisse, sed etiam oculi auresque pugnantium spectantiumque et adhortantium pugnautes, ut nemo ante ab tergo senserit captam urbem, quam tela in aereos inciderunt, et utrimque ancipitem hostem habebant. tunc, turbatis defensoribus metu, et moenia capta, et porta intus forisque pariter Urbs capta. refringi coepta: et mox ⁴¹ caedendo confractis, ne iter impeditur, foribus, armati inpetum fecerunt. Magna multitudo et muros transcendebat, sed hi passim ad caedem oppidanorum versi. illa, quae portam ingressa erat, iuxta acies, cum ducibus, cum ordinibus, media urbe in forum processit. Inde quam duobus itineribus ⁴² fugientes videret hostes, alios ad tumulum in orientem versum, qui tenebatur quingentorum militum praesidio, alios in arcem, in quam et ipse Mago cum omnibus fere armatis, qui muris pulsati fuerant, refugerat^b; partim copiarum ad tumulum expugnandum mittit, partim ipse ad arcem ducit. et tumulus primo inpetu est captus, et Mago, arcem conatus defendere, quum omnia hostium plena videret, neque spem ullam esse, se arcemque et praesidium dedidit. ⁴³ Quoad dedita arx est, caedes^c tota urbe passim factae; nec ulli puberum, qui obvius fuit, parcebatur. tum, signo dato, caedibus finis factus. ad praedam victores versi, Praeda ingens. quae ingens omnis generis fuit.

XLVII. ⁴⁴ Liberorum capitum virile secus ad decem millia Captivi. capta. inde, qui cives Novae Karthaginis erant, dimisit: urbemque et sua omnia, quae reliqua eis bellum fecerat, restituit.

^b refugerant Gron.

^c et caedes Rad.

⁴¹ *Caedendo confractis*] Optimi MSS. habent: *caedendo confectis ac distractis*.

⁴² *Fugientes videret hostes*] Nempe Scipio. Hoc non ideo monemus, quod quidquam possit esse dubii, sed ut observemus toto hoc capite nusquam Scipionis mentionem factam. Unde necesse fuisset hic nomen ejus exprimi, nisi styli calor Livium abstulisset.

⁴³ *Quoad dedita arx est, caedes*] Vulgo *et caedes*. Delevimus incommodam particulam, quam ignorant omnes nostri codices, et duo Hearnio inspecti, Andreas et Campanus.

⁴⁴ *Liberorum capitum virile secus*] Sic edendum curavit Gronovius, quum prius legeretur *virilis sexus*; et hanc

lectionem, quam unus MS. praefert, duo alii suadere videntur, multis exemplis firmat. Idemque observat hanc esse proprietatem hujus locutionis *virile* aut *muliebre secus*, ut nusquam fere ponatur, nisi pro eo quod dicimus vulgo *virilis* aut *muliebris sexus*; in accusandi nimirum casu, quem regat intellecta praepositio *secus*, vel *secundum*. Sic apud Sallust. Hist. l. II. *concurrentium undique virile ac muliebre secus*. Forsitan haec loquendi forma restituenda foret supra c. 84. ubi vulgo habetur *praeter puberes virilis sexus*, legendumque *praeter puberes virile secus*. Etenim eo loco Put. et proximus ei bonitate codex praefert *viriles*.

U. C. 542. Opifices ad duo millia hominum erant, eos publicos fore populi Romani edixit, cum spe propinqua libertatis, si ad ministeria belli enise operam navassent. Ceteram multitudinem⁴⁵ incolarum juvenum, ac validorum servorum, in classem ad supplementum remigum dedit. et auxerat navibus octo captivis classem. Extra hanc multitudinem Hispanorum obsides erant: quorum perinde, ac si sociorum liberi essent, cura habita. Captas et adparatus ingens belli; catapultæ maximæ formæ centum viginti, minores ducentæ octoginta et una: ballistæ majores viginti tres, minores quinquaginta duæ: ⁴⁶scorpionum majorum minorumque, et armorum telorumque, ingens numerus: signa militaria septuaginta quatuor. Et auri argentique relata ad imperatorem magna vis: pateræ aureæ fuerunt ducentæ septuaginta sex, libras ferme omnes pondo: ⁴⁷argenti facti signatique decem et octo millia et trecenta pondo: vasorum argenteorum magnus numerus. Hæc omnia C. Flaminio quæstori adpensa adnumerataque sunt. ⁴⁸tritici quadraginta millia modium, hordei ducenta septuaginta. Naves onerariæ sexaginta tres^d in portu expugnatae captæque: quædam cum suis oneribus, frumento, armis, ære præterea, ferroque, et linteis, et ⁴⁹sparto, et navali alia materia ad classem ædificandam: ut minimum omnium, inter tantas opes belli captas, Karthago ipsa fuerit.

Adparatus
bellicaptus.

Aurum et
argentum.

Scipio gra-
tias Diis
agit.

Conlaudat
milites.

XLVIII. Eo die Scipio, C. Lælio cum sociis navalibus urbem custodire jusso, ipse in castra legiones reduxit: fessosque milites omnibus uno die belli operibus (quippe qui et acie dimicassent, et capienda urbe tantum laboris periculique adissent, et capta, cum iis, qui in arcem confugerant, iniquo etiam loco pugnassent) curare corpora jussit. Postero die, militibus navalibusque sociis convocatis, primum Diis immortalibus laudesque et grates egit, qui se non urbis solum opulentissimæ omnium in Hispania uno die compotem fecissent, sed ante eo congressissent omnis pene Africæ atque Hispaniæ opes: ut neque hostibus quidquam relinqueretur, et sibi ac suis omnia superessent. Militum deinde virtutem conlaudavit, quod eos non eruptio hostium, non altitudo mœnium, non inexplorata stagni vada, non castellum in alto tumultu situm, non munitissima arx deterruisset, quo minus transcenderent omnia perrumperentque. Itaque, quamquam omnibus omnia deberet, præci-

^d sexaginta tres l. CXIII. Gron. Crev.

⁴⁵ * Incolarum] Qui Carthagine habitarent, nec tamen cives essent.

⁴⁶ Scorpionum] Vid. not. 79. ad l. XXIV. c. 34.

⁴⁷ Argenti facti signatique decem et octo millia et CCC. pondo] Argenti tum elaborati in vasa, tum signati in monetam, 18300. libræ Romanæ pondo: id est, ponderis nostratis marcæ 28593. cum sex unciis.

⁴⁸ Tritici quadraginta millia modium] Modii nostrates paulo plus 30633. Hordei ducenta septuaginta millia, 208125.

⁴⁹ Sparto] Spartum est herbæ sponte nascentis præsertim in Hispania genus, quæ ad vincula ac retacula compingenda utilis est. Vid. Plin. l. XIX. c. 2.

puum^e ⁵⁰ muralis coronæ decus ejus esse, qui primus murum U. C. 542. adscendisset. profiteretur, qui se dignum eo duceret dono. A. C. 210. Duo professi sunt: Q. Trebellius centurio legionis quartæ, et Sex. Digitius ⁵¹ socius navalis. nec ipsi tam inter se acriter Certamen de murali coronæ contendebant, quam studia excitaverant uterque sui corporis hominum. Sociis C. Lælius præfectus classis; legionariis M. Sempronius Tuditanus aderat. Ea contentio quum prope seditionem veniret, Scipio tres ⁵² recuperatores quum se daturum pronunciasset, qui, cognita causa testibusque auditis, judicarent, uter prior in oppidum transcendisset; C. Lælio et M. Sempronio advocatis partis utriusque P. Cornelium Caudinum de medio adjecit; eosque tres recuperatores considerare, et causam cognoscere jussit. Quum res eo majore ageretur certamine, ⁵³ quod amoti tantæ dignitatis non tam advocati, quam moderatores studiorum fuerant; C. Lælius, relicto consilio, ad tribunal ad Scipionem accedit, eumque docet, *rem sine modo ac modestia agi: ac prope esse, ut manus inter se conserant. Ceterum, etiamsi vis absit, nihilominus detestabili exemplo rem agi; quippe ubi fraude ac perjurio decus petatur virtutis. Stare hinc legionarios milites, hinc classicos, per omnes Deos paratos jurare, magis quæ velint, quam quæ sciant, vera esse, et obstringere perjurio non se solum suamque caput, sed signa militaria et aquilas, ⁵⁴ sacramentique religionem. Hæc se ad eum de sententia P. Cornelii et M. Sempronii deferre.* Scipio, conlaudato Lælio, ad concionem advocavit, pronunciavitque, *Se satis compertum habere, Q. Trebellium et Sex. Digitium pariter in murum escendisse: seque eos ambos, virtutis causa, coronis muralibus donare.* Tum reliquos,

^e add. tamen Gron. Crev.

⁵⁰ Muralis coronæ] Vid. not. 92. ad VI. 20.

⁵¹ Socius navalis] E militibus classicis unus. In hoc toto capite socii *navales* non intelliguntur remiges, sed milites tuendis navibus attributi, qui infra *classici milites* vocantur: *stare hinc legionarios milites, hinc classicos.*

⁵² Recuperatores] Ex Festo discimus *recuperatores* primum dictos, qui inter populum Romanum et civitates peregrinas de privatis rebus reddendis recipiendisque cognoscebant. Et inde *recuperatores* dicti sunt judices qui a prætore in privatis controversiis, quacunque de re ageretur, dari consueverant. Itaque *recuperatores* ii fere appellabantur, qui apud nos *judices delegati*: atque eo sensu illud nomen hoc loco accipiendum est.

⁵³ Quod amoti] Prius illi adfuerant certantibus, inquit Gronovius in nota

ad hunc locum, sed ita graviter, ut potius regerent temperarentque studia utrimque faventium, quam accenderent: nunc ab illis abstracti, et judices dati, multitudinem effrenationem reliquerant. Res igitur eo majore agebatur certamine, quod amoti fuerant tam illustres gravesque, non dicam advocati patronive, sed potius moderatores studiorum multitudinis. Intelligendum est enim hæc verba *tantæ dignitatis* communiter regi a nominibus *advocati et moderatores.*

⁵⁴ * Sacramenti . . . religionem] Religiosissimum illud sacramentum militare. Quod autem Lælius metuit ne perjurio obstringantur signa militaria et aquilæ, et militare sacramentum, id ita intelligendum est, ut periculum esse putet, ne qui per ea pejeraverint, eadem iræ deorum objiciant, et in pænæ partem secum trahant.

U. C. 542. A. C. 210. prout cuique meritum virtusque erat, donavit, ante omnes C. Laelium præfectum classis et omni genere laudis ⁵⁵ sibi ipse æquavit, et corona aurea ac triginta bubus donavit.

XLIX. Tum obsides civitatum Hispaniæ vocari jussit: quorum quantus numerus fuerit, piget scribere, quippe quum alibi trecentos ferme, alibi ⁵⁶ septingentos viginti quinque fuisse inveniam. Æque et alia inter auctores discrepant. Præsidium Punicum alius decem, alius septem, alius haud plus quam duum millium fuisse scribit. Capta alibi decem millia capitum, alibi supra quinque et viginti invenias. Scorpiones majores minoresque ad sexaginta captos scripserim, ⁵⁷ si auctorem Græcum sequar Silenum: si Valerium Antiatem, majorum scorpionum sex millia, minorum tredecim: adeo nullus mentiendi modus est. Ne de ducibus quidem convenit. plerique Laelium præfuisse classi; sunt, qui M. Junium Silanum dicant. Arinem⁵ præfuisse Punico præsidio, deditumque Romanis, Antias Valerius; Magonem alii scriptores tradunt. Non de numero navium captarum, non de pondere auri atque argenti, et redactæ pecuniæ, convenit. Si aliquibus adsentiri necesse est, media simillima veris sunt. Ceterum Scipio, vocatis obsidibus, primum universos bonum animum habere jussit. *Venisse eos in populi Romani potestatem, qui beneficio, quam metu, obligare homines malit; exterarum gentes fide ac societate junctas habere, quam tristi subjectas servitio.* Deinde, acceptis nominibus civitatum, recensuit captivos, quot cujusque populi essent: et nuncios domum misit, ut ad suos quisque recipiendos veniret. Si quarum forte civitatum legati aderant, eis præsentibus suos restituit: ceterorum curam benigne tuendorum C. Flaminio quæstori adtribuit. Inter hæc e media turba obsidum mulier magno natu, Mandonii uxor, qui frater Indibilis Ilergetum reguli erat, flens ad pedes imperatoris procubuit, obtestarique coepit, ut curam

Scipionis in obsides humanitas.

Cura mulierum.

⁵ sibi ipsi Gron.

⁵ Armen Gron. Crev.

⁵⁵ *Sibi ipse æquavit*] Sic solet loqui Livius, alique itidem optimi Latinitatis auctores, quod jam alibi monuimus. Put. codex habet quomodo edidimus. Vulgo sibi ipsi.

⁵⁶ *Septingentos viginti quinque fuisse inveniam*] Multum auget Put. liber, *MMMDCCXXV*.

⁵⁷ *Si auctorem Græcum sequar Silenum: si Valerium Antiatem*] Quis non miretur diligentiam Livii in appellandis his auctoribus quos refellit, quibus derogat fidem; dum Polybii nomen, cujus e libro X. totam hanc expugnatæ Carthaginiæ Novæ narra-

tionem pene ad verbum expressit, alto silentio premit? Idem et in aliis locis ab eo factitatum aliquoties jam monuimus, ut in transitu Alpium, Tarenti proditiōe, expugnatione Syracusarum, etc. Ceterum de Sileno historico pauca nobis dicenda suppetunt. Scripserat res Romanas a primordio urbis, teste Dionys. l. I. Athenæus, l. XII. c. 11. mentionem facit Sileni Calactini, qui historiam Siculam condiderit: quem quidem eundem esse cum hoc rerum Romanarum scriptore nihil vetat. De Valerio Antiate egimus ad l. III. c. 5.

cultumque feminarum impensius custodibus commendaret. U. C. 542. quum Scipio, nihil profecto defuturum, diceret; tum rursus A. C. 210. mulier, *Haud magni ista facinus*, inquit. *quid enim huic fortunæ non satis est?* ⁵⁸ *Alia me cura, ætatem harum intuentem*, (nam ipsa jam extra periculum injuriæ muliebri sum) *stimulat.* Ætate et forma florentes circa erant Indibilis filiæ, aliæque nobilitate pari, quæ omnes eam pro parente colebant. Tum Scipio, ⁵⁹ *Mea populi que Romani discipline causa facerem*, inquit, *ne quid, quod sanctum usquam esset, apud nos violaretur.* nunc, ut id curem impensius, *vestra quoque virtus dignitasque facit: quæ ne in malis quidem oblitæ decoris matronalis estis.* Spectatæ deinde integritatis viro tradidit eas, tuerique haud secus verecunde ac modeste, quam hospitum conjuges ac matres, jussit.

L. Captiva deinde a militibus adducitur ad eum adulta virgo, adeo eximia forma, ut, quacumque incedebat, converteret omnium oculos. Scipio, percunctatus patriam parentesque, inter cetera accepit, desponsam eam principi Celtiberorum adolescenti: Allucio nomen erat. Extemplo igitur parentibus sponsoque ab domo adcitis, quum interim audiret, deperire eum sponsæ amore, ubi primum venit, adcuratior eum sermone, quam parentes, adloquitur. *Juvenis*, inquit, *juvenem adpello, quo minor sit inter nos hujus sermonis verecundia.* *Ego, quum sponsa tua capta a militibus nostris ad me ducta esset, audiremque, eam tibi cordi esse, et forma faceret fidem, quia ipse, si frui liceret ludo ætatis, (præsertim recto et legitimo amore) et non respublica animum nostrum occupasset, veniam mihi dari sponsam impensius amanti vellem: tuo, cujus possum, amori faveo.* *Fuit sponsa tua apud me eadem, qua apud soceros tuos parentesque suos, verecundia: servata tibi est, ut inviolatum et dignum me teque dari tibi donum posset.* *Hanc mercedem unam pro eo munere paciscor: amicus populo Romano sis. et, si me virum bonum credis esse, quales patrem patruumque meum jam ante hæ gentes norant, scias multos nostri similes in civitate Romana esse; nec ullum in terris populum hodie dici posse, quem minus tibi hostem tuisque esse velis, aut amicum malis.* Adolescens, simul pudore et gaudio perfusus, dextram Scipionis tenens, Deos omnes invocare ad gratiam illi pro se referendam, quoniam sibi nequaquam satis facultatis, pro suo animo atque ⁶⁰ illius erga se merito, esset,

Sponsa Allucii pudice servata.

Oratio ad eum Scipionis.

Recipit sponsam cum muneribus.

58 *Alia me cura*] Huic loco sanitatem restituit Gronovius, proxime ad Put. codicis fidem.

59 *Meæ populi que Romani discipline*] Val sola cura tuendæ in exercitu meo ejusmodi discipline quæ et me et populum Romanum deceat, me impelleret ad cavendum ne quid vio-

laretur apud nos, quod usquam gentium sanctum et inviolatum haberetur.

60 *Illius erga se merito*] Omnes scripti Gronoviani et nostri carent ultima voce. Rhenanus eam in suo exemplari exstare testatur: nec sine ea sensus constare potest.

U. C. 542. A. C. 210. Parentes inde cognatique virginis adpellati. qui, quoniam gratis sibi redderetur virgo, ad quam redimendam satis magnum adtulissent auri pondus, orare Scipionem, ut id ab se donum acciperet, coeperunt: haud minorem ejus rei apud se gratiam futuram esse, adfirmantes, quam redditæ inviolatæ foret virginis. Scipio, quando tanto opere peterent, accepturum se pollicitus, poni ante pedes jussit: vocatoque ad se Allucio, *Super dotem, inquit, quam accepturus a socero es, hæc tibi a me dotalia dona accedent: aurumque tollere, ac sibi habere jussit.* His lætus donis honoribusque dimissus domum, inplevit populares laudibus meritis Scipionis: *Venisse Diis simillimum juvenem, vincentem omnia, quum armis, tum benignitate ac beneficiis.* Itaque, delectu clientium habito, cum delectis mille et quadringentis equitibus intra paucos dies ad Scipionem revertit.

Lælius it Romam. 61 Scipio retentum secum Lælium, dum captivos obsidesque et prædam ex consilio ejus disponderet, satis omnibus compositis, data quinquere, captivisque, Magone et quindecim fere senatoribus, qui simul cum eo capti erant, in navem inpositis, nuncium victoriæ Romam mittit. ipse paucos dies, quibus morari Karthagine statuerat, exercendis navalibus pedestribusque copiis absumsit. Primo die legiones in armis quatuor millium spatio decurrerunt: secundo die arma curare et tergere ante tentoria jussit: tertio die rudibus inter se in modum justæ pugnæ concurrerunt, 62 præpilatisque missilibus jaculati sunt: quarto die quies data: quinto iterum in armis decursum est. Hunc ordinem laboris quietisque, quoad Karthagine morati sunt, servarunt. Remigium classicique milites, tranquillo in altum evecti, agilitatem navium simulacris navalis pugnæ experiebantur. Hæc extra urbem terra marique corpora simul animosque ad bellum acuebant. urbs ipsa strepebat adparatu belli, fabris omnium generum in publica officina inclusis. dux cuncta pari cura obibat. nunc in classe ac navali erat: nunc cum legionibus decurrebat; nunc operibus adspiciendis tempus dabat, quæque in officinis, quæque in armamentario ac navalibus fabrorum multitudo plurima in singulos dies certamine ingenti faciebat. His ita inchoatis, reffectisque, 63 qua quassi erant, muris, dispo-

61 *Quindecim fere senatoribus*] Intellige ex Polybio senatores magnæ Carthaginis. Habet ille septemdecim, quorum duos ait fuisse e sanctiore consilio seniorum, *ἐκ τῆς γεραιῆς*, quindecim e consilio publico, *ἐκ τῆς δημοτικῆς*.

62 *Præpilatis . . . missilibus*] Polybius, quem hic, ut modo monuimus, vertit Livius, habet *ἰσφαλισμένοις γέλοις*, id est, missilibus, quibus rotun-

da aliqua e ligno vel corio pila præfixa erat, ne pungerent ac vulnerarent: vel, quorum mucro a fabro rotundatus fuerat. Ut ut sit, hæc vox a pila originem ducit.

63 *Qua quassi erant*] Sic dedit Gronovius. Put. codex habet *quassaverant*. Ad hanc veterem scripturam propius accedes, si legas *quæ quassati erant*.

sitisque praesidiis ad custodiam urbis, Tarraconem est profectus, a multis legationibus protinus in via aditus. quas partim dato responso ex itinere dimisit, partim distulit Tarracoenem, quo omnibus novis veteribusque sociis edixerat conventum. Et cuncti fere, qui cis Iberum incolunt, populi, multi etiam ⁶⁴ ulterioris provinciae convenerunt. Karthaginiensium duces primo ex industria famam captae Karthaginis compresserunt: deinde, ut clarior res erat, quam ut tegi ac dissimulari posset, elevabant verbis. *Necopinato adventu ac prope furto unius diei urbem unam Hispaniae interceptam. cujus rei tam parvae praemio elatum insolentem juvenem,* ⁶⁵ *inmodico gaudio speciem magnae victoriae inposuisse. At, ubi adpropinquare tres duces, tres victores hostium exercitus audisset, obcursuram ei extemplo domesticorum funerum memoriam.* Haec in vulgus jactabant, haudquaquam ipsi ignari, quantum sibi ad omnia virium, Karthagine amissa, decessisset.

U. C. 542.
A. C. 210.
It Tarracoenem.

⁶⁴ *Ulterioris provinciae*] Nondum Hispania ulterior inter provincias Romanas erat. Sed aut eo respicit Livius, quod Publius Cnaeusque pater et patruus Africani eam fere jam provinciam fecerant, aut utitur phrasi suo tempori convenientiore. GRONOVIVS. Poterat servari veterum edito-

rum lectio, *ulterioris Hispaniae*.

⁶⁵ * *Immodico gaudio*] Per immodicum gaudium, quo Carthaginis expugnationem celebrabat, effecisse ut res per se parva speciem magnae victoriae habere videretur: quia nempe id necesse erat magnum videri, de quo tam immodicum gaudium esset.

EPITOME LIBRI XXVII.

CN. Fulvius proconsul cum exercitu ab Hannibale ad Herdoneam cæsus est. Meliore eventu a Claudio Marcello consule adversus eundem ad Numistronem pugnatum est. inde Hannibal noctu recessit. Marcellus insecutus est, et subinde cedentem pressit, donec confligeret. priore pugna Hannibal superior fuit, Marcellus insequenti. ¹ Fabius Maximus pater consul Tarentinos per proditionem recepit. In Hispania ad Bæculam Scipio cum Hasdrubale Hamilcaris conflixit, et vicit. inter alia captum puerum regalem eximiae formæ ad avunculum Masinissam cum donis dimisit. Claudius Marcellus, T. Quinctius Crispinus consules, speculandi causa progressi e castris, insidiis ab Hannibale circumventi sunt. Marcellus occisus fuit, Crispinus fugit. Res præterea a ² P. Sulpicio prætore adversus Philippum et Achæos gestas continet. Lustrum a censoribus conditum est: censa sunt civium capita centum triginta septem millia centum et octo: ex quo numero adparuit, quantum hominum tot præliorum adversa fortuna populo Romano abstulisset. Hasdrubal, qui cum exercitu novo transcenderat Alpes, ut se Hannibali conjungeret, cum millibus hominum quinquaginta sex cæsus est, M. Livii consulis ductu, sed non minore opera Claudii Neronis consulis. qui, quum Hannibali obpositus esset, relictis castris, ita ut hostem falleret, ³ cum electa manu profectus, Hasdrubalem circumvenit.

¹ Fabius Maximus pater consul] Sic emendavit Sigonius, quum prius legeretur, pater consulis: quod manifeste vitiosum erat.

² P. Sulpicio prætore] Imo proconsule. Vid. supra l. XXVI. c. 22.

³ Cum electa manu] In vulgatis

abest cum. Sed illam voculam in vet. lib. exstare affirmat Sigonius, et servat Andreas. Campanus etiam habet *delicta*, id est, *delecta*: quod magis placet, atque usitatius est in hac re, quam *electa*.

T. LIVII PATAVINI

LIBER XXVII.

U. C. 542.
A. C. 210.
Quædam
Samnii ur-
bes captæ.

Hannibal
ad Herdo-
neam Cn.
Fulvium
vincit.

HIC status rerum Hispaniæ erat. In Italia consul Marcellus, Salapia per proditionem recepta, Maroneam et Meles de Samnitibus vi cepit. Ad tria millia militum ibi Hannibalis, quæ præsidii caussa relictæ erant, obpressa. Præda (et aliquantum ejus fuit) militi concessa. tritici quoque ¹ ducenta quadraginta millia modiorum, et centum decem millia hordei inventa. Ceterum nequaquam inde tantum gaudium fuit, quanta clades intra paucos dies accepta est, haud procul ab Herdonea urbe. Castra ibi Cn. Fulvius proconsul habebat, spe recipiendæ Herdoneæ, quæ post Cannensem cladem ab Romanis defecerat, nec loco satis tuto posita, nec præsidiis firmata. Neglegentiam insitam ingenio ducis augebat spes ea, quod labare iis adversus Pœnum fidem senserat, postquam, Salapia amissa, excessisse his locis in Brutios Hannibalem ^a auditum est. Ea omnia, ab Herdonea ^b per occultos nuncios delata Hannibali, simul curam sociæ retinendæ urbis, et spem fecere incautum hostem adgrediendi. exercitu expedito, ita ut famam prope præveniret, magnis itineribus ad Herdoneam contendit, et, quo plus terroris hosti objiceret, acie instructa accessit. Par audacia Romanus, consilio et viribus inpar, copiis raptim eductis, conflixit. quinta legio et ² sinistra ala acriter pugnam inierunt. Ceterum Hannibal, signo equitibus dato, ut, quum pedestres acies occupassent præsentī certamine oculos animosque, circumvecti, pars castra hostium, pars ³ terga trepidantium ^c invaderent, ipse in Fulvii similitudinem nominis, quod Cn. Fulvium prætorem biennio ante in iisdem device rat locis, increpans, similem eventum pugnae fore adfirmabat. Neque ea spes vana fuit. nam, quum cominus acie et

^a Hannibalem in Brutios Gron. Crev.
^c pugnantium Crev.

^b Ab Herdonea ea omnia Ead.

¹ Ducenta quadraginta millia modiorum] Modii Parisienses 185000. Centum decem millia, sunt modii itidem nostrates paulo minus 84792.

² Sinistra ala] Intellige pedites socios. Vid. not. 22. ad l. XXV. c. 21.

³ Terga pugnantium] Sic editi an-

te Gronovium. Scripti fere oppugnantium. Put. oppidantium. Inde Gronovius effecerat trepidantium. Sed *est trepidare* etsi non semper eorum est qui pavent, semper certe aliquid incompositi tumultus notat, cujus nulum hic vestigium. Itaque vulgatam lectionem revocavimus.

peditum certamine multi cecidissent Romanorum, starent U. C. 542.
 tamen ordines signaque, equestris a tergo tumultus, simul a A. C. 210.
 castris clamor hostilis auditus, sextam ante legionem, quæ,
 in secunda acie posita, prior ab Numidis turbata est; quin-
 tam deinde atque eos, qui ad prima signa erant, avertit.
 Pars in fugam effusi, pars in medio cæsi: ubi et ipse Cn.
 Fulvius cum undecim tribunis militum cecidit. Romanorum
 sociorumque quot cæsa in prælio millia sint, quis pro certo
 adfirmet? quum tredecim millia alibi, alibi haud plus, quam
 septem, inveniam. Castris prædaque victor potitur. Her- Herdoneam
 doneam, quia et defecturam fuisse ad Romanos comperit, delet, oppi-
 nec mansuram in fide, si inde abscessisset, multitudine omni danosque
 Metapontum ac Thurios traducta, incendit: ⁴ occidit ⁴ prin- migrare
 cipes, qui cum Fulvio colloquia occulta habuisse comperti jubet.
 sunt. Romani, qui ex tanta clade evaserant, diversis itine-
 ribus semermes^c ad Marcellum consulem in Samnium per-
 fugerunt.

II. Marcellus, nihil admodum tanta clade territus, literas
 Romam ad senatum de duce et exercitu ad Herdoneam amis-
 so scribit. *ceterum, eundem se, qui post Cannensem pugnam*
ferocem victoria Hannibalem contudisset, ire adversus eum, bre-
vem illi lætitiā, qua exsultet, facturum. Et Romæ quidem
 quum luctus ingens ex præterito, tum timor in futurum erat.
 Consul, ex Samnio in Lucanos transgressus, ad Numistrone Marcellus
 in conspectu Hannibalis loco plano, quum Poenus collem ad Hanni-
 teneret, posuit castra. ⁵ Addidit et aliam fidentis speciem, balem con-
 quod prior in aciem eduxit. nec detrectavit Hannibal, ut tendit.
 signa portis efferri vidit. Ita tamen aciem instruxerunt, ut
 Poenus dextrum cornu in collem erigeret, Romani sinistrum
 ad oppidum adplicarent. ⁶ Ab hora tertia quum ad noctem

⁴ occiditque Gron.

^c semermes Crev.

⁴ Occidit principes] Delevimus co-
 pulativam, auctoribus Put. et Vict.
 codicibus.

⁵ Addidit et aliam fidentis speciem]
 Addidit et aliud, ex quo fiduciam iti-
 dem ostentare videretur: nempe,
 quod prior eduxit milites in aciem.

⁶ Ab hora tertia] In hac pugnae
 descriptione duo lectorem attentum
 morari queant. Primum, quod intel-
 ligi non potest, quæ in hoc prælio
 prima acies Romanorum fuerit. In
 eo enim primæ aciei successisse dici-
 tur prima legio et dextera ala; pri-
 mæ legioni et dexterae alæ, secunda
 legio et sinistra ala. Itaque hic prima
 acies omnino distincta apparet a dua-
 bus legionibus et duabus alis. Con-
 stat autem tum ex solenni et con-

stante Romanorum his temporibus
 more, tum ex c. 28. l. XXVI. Mar-
 cellum habuisse tantummodo duas le-
 giones, et parem numerum sociorum
 in duas divisum alas. Secunda diffi-
 cultas in eo posita est, quod quum pri-
 mæ acies ad noctem pugnam exten-
 disse dicantur, haud satis temporis ad
 pugnandum superesse potuisse videtur,
 ut et primæ legionis ac dexterae alæ
 pugna cum secunda acie Pœnorum
 diu steterit neutro inclinata; et post-
 ea altera legio et altera ala novum et
 atrox prælium inceperint cum aliis
 rursus hostibus, cui tandem nox fi-
 nem imposuerit. Verum duplex illa
 difficultas evanescet, si male collocata
 hujus narrationis membra in suum
 ordinem redegeris. Sic igitur hunc

U. C. 542. pugnam extendissent, fessæque pugnando primæ acies es-
 A. C. 210. sent, ab Romanis prima legio et dextera ala, ab Hannibale
 Hispani milites et funditor Baliaris, elephanti quoque, com-
 misso jam certamine in prælium acti. Diu pugna neutro
 inclinata stetit. Primæ legioni tertia, dexteræ alæ sinistra
 subiit, et apud hostes integri a fessis pugnam acceperat.
 Novum atque atrox prælium ex tam segni repente exarsit,
 recentibus animis corporibusque: sed nox incerta victoria
 diremit pugnantes. Postero die Romani ab sole orto in
 multum diei steterunt in acie: ubi nemo hostium adversus
 prodiit, spolia per otium legere, et congestos in unum locum
 cremavere suos. Nocte insequenti Hannibal silentio movit
 castra, et in Apuliam abiit: Marcellus, ubi lux fugam hos-
 tium aperuit, sauciis cum præsidio modico Numistrone re-
 lictis, præpositoque his L. Furio Purpureone tribuno mili-
 tum, vestigiis institit sequi. Ad Venusiam adeptus eum est.
 Ibi per dies aliquot quum ab stationibus procursaretur, mix-
 ta equitum peditumque tumultuosa magis prælia, quam
 magna, et ferme omnia Romanis secunda fuerunt. Inde
 per Apuliam ducti exercitus sine ullo memorando certamine;
 quum Hannibal nocte signa moveret, locum insidiis quæ-
 rens; Marcellus, nisi certa luce, et explorato ante, non se-
 queretur.

Abit Han-
 nibal noctu,
 sequente
 Marcello.

Conjuratio
 Campano-
 rum.

III. Capuæ interim Flaccus dum bonis principum venden-
 dis, agro, qui publicatus fuerat, locando (⁷ locavit autem
 omnem frumento) tempus terit; ne deesset materia in Cam-
 panos sæviendi, novum in occulto gliscens per indicium pro-
 tractum est facinus. Milites ædificiis emotos, simul ut cum
 agro tecta urbis fruenda locarentur, simul metuens, ne suum
 quoque exercitum, sicut Hannibalis, nimia urbis amœnitas
 emolliret, in portis murisque sibimet ipsos tecta militariter
 coëgerat ædificare. erant autem pleraque ex cratibus aut
 tabulis facta, alia arundine texta, stramento intecta omnia,
 velut de industria, alimentis ignis. ⁸ Hæc noctis una hora
 ut omnia incenderent, centum septuaginta Campani, princi-

locum legere videmur posse Ro-
 mani sinistrum ad oppidum applica-
 rent. Diu pugna neutro inclinata ste-
 tit. Ab hora tertia quum ad noctem
 pugnam extendissent fessæque pug-
 nando primæ acies essent, quæ qui-
 dem primæ acies erant ab Romanis,
 id est ab Romanorum parte, prima
 legio et dextera ala, ab Annibale, id
 est, ab Annibalis parte, Hispani mili-
 tes, et funditor Baliaris, et elephanti
 quoque, qui commisso jam certamine
 in prælium acti fuerant; primæ legio-
 ni tertia, et dexteræ alæ sinistra sub-
 iit, et apud hostes integri a fessis pug-

nam acceperat. Jam duobus perob-
 scuris locis l. XXII. c. 24. et c. 38.
 conati sumus mederi similiter revo-
 cando in ordinem membra orationis,
 quæ male trajecta videbantur. Vid.
 et infra c. 36. hujus libri.

⁷ Locavit autem omnem frumento]
 Hoc est, ut frumenti certum modum
 penderent coloni, non pecuniam.
 HENR. VALESIIUS.

⁸ Hæc noctis una hora ut omnia in-
 cenderent centum septuaginta Campa-
 ni . . conjuraverant] Victor. codex, ut
 et Gronoviani, omittit *ut*, et incen-
 dere habet, non incenderent. Veremur

pibus fratribus Blossiis, conjuraverant. indicio ejus rei ex fa- U. C. 542.
 milia Blossiorum facto, portis repente jussu proconsulis clau- A. C. 210.
 sis, quum ad arma signo dato milites concurrissent; com-
 prehensi omnes, qui in noxa erant, et, quæstione acriter ha-
 bita, damnati neque: indicibus libertas, et ⁹ æris dena
 millia data. Nucerinos et Acerranos querentes, ubi habita-
 rent, non esse, Acerris ex parte incensis, Nuceria deleta,
 Romam Fulvius ad senatum misit. Acerranis permissum,
 ut ædificarent, quæ incensa erant: Nucerini Atellam, quia
 id maluerant, (Atellanis Calatiam migrare jussis) traducti.
 Inter multas magnasque res, quæ, nunc secundæ, nunc ad-
 versæ, occupabant cogitationes hominum, ne Tarentinæ qui-
 dem arcis excidit memoria. M. Ogulnius et P. Aquilius^e
 in Etruriam legati ad frumentum cœmendum, quod Taren-
 tum portaretur, profecti: et ¹⁰ mille milites de exercitu urbano,
 par numerus Romanorum sociorumque, eodem in præsidium
 cum frumento missi sunt.

IV. Jam æstas in exitu erat, comitiorumque consularium in-
 stabat tempus. sed literæ Marcelli, negantis e republica esse, Marcellus
¹¹vestigium abscedi ab Hannibale, cui cedenti certamenque instat Han-
 abnuenti ¹²gravis^f ipse instaret, curam injecerant, ne aut nibali.
 consulem, tum maxime res agentem, a bello avocarent, aut
 in annum consules deessent. Optimum visum est, quam-
 quam extra Italiam esset, Valerium potius consulem ex Si-
 cilia revocari. Ad eum literæ jussu senatus ab L. Manlio
 prætore urbis missæ, cum literis consulis M. Marcelli: ut
 ex iis nosceret, quæ caussa Patribus eum potius, quam col-
 legam, revocandi ex provincia esset. Eo fere tempore legati Syphacis
 ab rege Syphace Romam venerunt, quæ is prospera proelia legati ad
 cum Karthaginiensibus fecisset, memorantes. Regem nec Rom.
 inimiciorem ulli populo, quam Karthaginensi, nec amiciorem,
 quam Romano, adfirmabant esse. misisse eum antea legatos
 in Hispaniam ad Cn. et P. Cornelios, imperatores Romanos.
 nunc ab ipso velut fonte petere Romanam^g amicitiam vo-
 luisse. Senatus non legatis modo benigne respondit, sed et Rom. legati
 ad Sypha-

^e Aquilius Gron. Crev.^f gravius Gron.^g Romanorum Gron. Crev.

cem.

ne vulgata lectio sit ab ingenio cor-
 rectorum, quibus non placuerit con-
 juraverant incendere. Sic tamen Ho-
 ratius, *Conjurata tuas rumpere nup-
 tias*: et Cato apud Plin. l. XXIX. c.
 1. *jurarunt inter se barbaros necare
 omnes medicina*. Ceterum hic ingens
 defectus est in plerisque scriptis, at-
 que in ipso Put. ab his verbis c. 2. *tu-
 multuosa magis prælia*, ad hæc c. 3.
quia id maluerant.

⁹ *Æris dena millia*] Hic grave æs
 intelligendum putamus. Itaque æris
 dena millia æstimamus marcis argenti

Parisiensibus 15. cum unciis 5.

¹⁰ *Mille milites . . . par numerus
 Romanorum sociorumque*] Mille mili-
 tes, quorum quingenti erant Romani,
 quingenti socii.

¹¹ *Vestigium abscedi ab Annibale*] Nomen *vestigium* non jungi debet
 cum verbo *abscedi*, sed regitur a præ-
 positione intellecta. *Abscedi ab An-
 nibale* secundum *vestigium*, id est,
 abscedi a vestigiis Annibalis.

¹² *Gravis ipse instaret*] Sic optimi
 MSS. Vulgo *gravius*.

U. C. 542. ipse legatos cum donis ad regem misit, L. Genucium, P.
A. C. 210. Poetelium, P. Popillium^h. Dona tulere, togam, et tunicam
purpuream, sellam eburneam, pateram¹³ ex quinque pondo
auri factam. Protinusⁱ et alios Africæ regulos jussi adire,
iis quoque quæ darentur, portata, togæ prætextæ, et¹⁴ terna^k
Legati Ale- pondo pateræ aureæ. Et Alexandriam ad¹⁵ Ptolemæum
xandriam Cleopatramque reges M. Atilius et M'. Acilius legati, ad
missi. commemorandam renovandamque amicitiam missi, dona
tulere, regi togam et tunicam purpuream cum sella eburnea:
reginæ, ¹⁶ pallam pictam cum amiculo purpureo. Multa ea
æstate, qua hæc facta sunt, ex propinquis urbibus agrisque
nunciata sunt prodigia; Tusculi agnum cum ubere lactenti
natum: Jovis ædis culmen fulmine ictum, ac prope omni tecto
nudatum: iisdem ferme diebus, ¹⁷ Anagninæ terram ante por-
tam ictam, diem ac noctem sine ullo ignis alimento arsisse: et
aves, ad ¹⁸ compitum Anagninum, in luco Dianæ nidos in ar-
boribus reliquisse: Tarracinæ in mari haud procul portu
angues magnitudinis miræ, lascivientium piscium modo ex-
sultasse: Tarquiniis porcum cum ore humano genitum; et in
agro Capenate, ad lucum Feroniæ, quatuor signa sanguine
multo diem ac noctem sudasse. Hæc prodigia hostiis majori-
bus procurata decreto pontificum: et supplicatio diem unum
Romæ ad omnia pulvinaria, alterum, in Capenate agro, ad
Feroniæ lucum, indicta.

Valerius
Cos. Ro-
mam redit.

V. M. Valerius consul literis excitus, provincia exerci-
tuque mandato Cincio prætori, M. Valerio Messalla præ-
fecto classis cum parte navium in Africam prædatum si-
mul speculatumque, quæ populus Karthaginensis ageret
pararetque, misso, ipse decem navibus Romam profec-
tus quum prospere pervenisset, senatum extemplo habuit.

^h *Popilium* Gron. Crev.

ⁱ *Protenus* Eæd.

^k *ternum* Eæd.

¹³ *Ex quinque pondo auri*] Id est, septem marcis nostratibus, cum sex unciiis et semuncia.

¹⁴ *Ternum pondo*] Quaternarum marcarum nostratium cum quinque unciiis et semuncia. Gronovius observat l. I. de Pec. vet. c. 6. scriptos omnes hic habere *terna pondo*, vel *terna*. Legebat quoque Glareanus *terna*. Et sane tam potest dici *pateræ terna* pondera librarum *pondo*, quam *coronam . . libram pondo*, supra l. III. c. 29. et *pateræ . . . libras ferme omnes pondo*, l. XXVI. c. 47.

¹⁵ *Ptolemæum*] Philopatora regem Ægypti, qui paulo ante initium secundi Punici belli regnare occæperat. * Cum eo hic renovatur amicitia, inchoata ab avo ejus Philadelpho.

¹⁶ *Pallam*] Pallium ad usum feminarum, acu pictum. *Amiculo*. *Amiculum*, inquit Festus, *genus est vestimenti a circumjectu dictum*. Nempe *amiculum* ab *amicio*, quod ab *am*, sive *ἀμφί*, circum, et *icio*, jacio.

¹⁷ *Anagninæ terram*] Scripti fere *termam* vel *turmam*. Hinc Rubenius conjicit *Hermam*. *Hermæ* enim sive Mercurii ante portas statuebantur. Vid. Juven. Sat. VIII. et ibi veterem scholiasten. Id si admittatur, mox legendum erit *ictum*.

¹⁸ *Compitum Anagninum*] Hoc nomen loci, id est, vici alicujus, sive oppiduli, esse monet Dujatius. At quo auctore id affirmet, docere neglexit. Res per se ipsa admodum est verisimilis.

ibi de suis rebus gestis commemoravit. *Quum* ¹⁹ *annos prope* U. C. 542. A. C. 210.
sexaginta in Sicilia terra marique sæpe magnis cladibus bella-
tum esset, se eam ²⁰ *provinciam confecisse. neminem Karthagi-*
niensem in Sicilia esse: neminem Siculum, qui metu inde fugati
afuerint, non esse: omnes in urbes, in agros suos reductos,
arare, serere: desertam recoli tandem terram, frugiferam ipsis
cultoribus, populoque Romano pace ac bello fidissimum annonæ
subsidium. Exin Mutine, et si quorum aliorum merita erga
populum Romanum erant, in senatum introductis, honores
omnibus, ad exsolvendam fidem a consule¹, habiti. Mutines
etiam civis Romanus factus, rogatione ab tribuno plebis, ex
auctoritate Patrum, ad plebem lata. Dum hæc Romæ ge-
runtur, M. Valerius Messalla quinquaginta navibus quum Classis Rom. Afri-
ante lucem ad Africam accessisset, improvise in agrum Uti- cam popu-
censem excensionem fecit: eumque late depopulatus, mul- latur.
tis mortalibus cum alia omnis generis præda captis, ad na-
ves rediit, atque in Siciliam transmisit: tertiodécimo die,
quam profectus inde erat, Lilybæum revector. Ex captivis,
quæstione habita, hæc comperta, consulique Lævino omnia
ordine perscripta, ut sciret, quo in statu res Africæ essent.
Quinque millia Numidarum cum Masinissa, Galæ filio, acer-
rimo juvene, Karthagine esse; et alios per totam Africam mi-
lites mercede conduci, qui in Hispaniam ad Hasdrubalem tra-
jicerentur: ut is, quam maximo exercitu primo quoque tempore
in Italiam transgressus, jungeret se Hannibali. in eo positam
victoriam credere Karthaginienses. Classem præterea inge-
ntem adparari ad Siciliam repetendam, eamque se credere brevi
trajecturam. Hæc recitata a consule ita movere senatum, ut Concertatio
non exspectanda comitia consuli censerent, sed dictatorem de dictatore
comitiorum habendorum caussa dici, et extemplo in provin- dicendo.
ciam redeundum. Illa disceptatio tenebat, quod consul in
Sicilia se M. Valerium Messallam^m, qui tum classi præesset,
dictatorem dicturum esse aiebat: Patres extra Romanum
agrum (eum autem inⁿ ²¹ Italia terminari) negabant dictato-
rem dici posse. M. Lucretius tribunus plebis quum de ea re
consuleret, ita decrevit senatus, *Ut consul prius, quam ab un-*
be discederet, populum rogaret, quem dictatorem dici placeret;
eumque, quem populus jussisset, diceret dictatorem. Si consul

¹ *consulis* Gron. Crev.^m *Messalam* Eæd.ⁿ *in del.* Crev.

¹⁹ *Annos prope sexaginta*] Ab anno nimirum u. c. 488. a quo hic quinquagesimus quintus annus agitur.

²⁰ *Provinciam confecisse*] Vid. not. 4. ad XXVI. 21.

²¹ *Italia terminari*] Vulgo in Italia. Delevimus voculam in, quam a codice regio abesse testatur Dujatius.

Ceterum hæc sic accipienda sunt, ut nullus extra Italiam ager pro Romano haberetur, non ut omnis Italiæ ager Romanus esset, ut colligitur ex c. 29. infra. Nimirum ager Romanus habitus fuisse videtur quilibet Italiæ ager, qui Romanorum ditionis esset.

U. C. 542. *notuisset, ²²prætor^o populum rogaret: si ne is quidem vellet,*
 A. C. 210. *tum tribuni ad plebem ferrent.* Quum consul se populum rogaturum negasset, quod suæ potestatis esset, prætoremque vetuisset rogare; tribuni plebis rogarunt, plebesque scivit, ut Q. Fulvius, qui tum ad Capuam erat, dictator diceretur. sed, quo die id plebis concilium futurum erat, consul clam nocte in Siciliam abiit: destitutique Patres literas ad M. Claudium mittendas censuerunt, ut desertæ ab collega rei publicæ subveniret, diceretque, quem populus jussisset, dictatorem. Ita a M.^p Claudio consule Q. Fulvius dictator dictus, et ex eodem plebiscito et ab Q. Fulvio dictatore P. Licinius Crassus pontifex maximus magister equitum dictus.

Q. Fulvius
dictator.

Comitia.

Certamen
inter dicta-
torem et
tribunos
plebis.

VI. Dictator postquam Romam venit, Cn. Sempronium Blæsum legatum, quem ad Capuam habuerat, in Etruriam provinciam ad exercitum misit, in locum C. Calpurnii prætoris; quem, ut Capuæ exercituique suo præesset, literis excivit. Ipse comitia, in quem diem primum potuit, edixit: quæ, certamine inter tribunos dictatoremque injecto, ²³perfici non potuerunt⁹. ²⁴Galeria juniorum, quæ sorte prærogativa erat, Q. Fulvium et Q. Fabium consules dixerat, eodemque ²⁵jure vocatæ inclinassent, ni tribuni plebis C. et L. Arennii se interposuissent: qui, *neque* ²⁶magistratum continuari satis ²⁷civile esse, aiebant; et multo fœdioris exempli, eum ipsum creari, qui comitia haberet. Itaque, ²⁸si suum nomen dictator acciperet, se comitiis intercessuros: si aliorum, præterquam ipsius, ratio haberetur, comitiis se moram non facere. Dictator causam comitiorum auctoritate senatus, plebiscito, exemplis tutabatur. Namque, Cn. Servilio consule, quum C. Flaminius alter consul ad Trasimenum cecidisset, ex auctoritate Patrum ad plebem latum, plebemque scivisse, ut, quoad bellum in Italia esset, ex iis, qui consules fuissent, quos et quoties vellet, reficiendi consules populo jus esset. exem-

^o add. urbanus Gron.
Gron.

P M. del. Gron. Crev.

⁹ potuerant

²² *Prætor populum rogaret*] Editi post *et prætor* subjungunt vocem *urbanus*. Sed eam omnes scripti abdicant: atque illa satis ex sensu intelligitur.

²³ *Perfici non potuerunt*] Sive sic legas ex regio codice a Dujatio allegato, sive *poterant* ex Victorino, sese commode habebit oratio. At *potuerant*, quod vulgo editi habent, stare hic non potest.

²⁴ *Galeria juniorum*] Vid. not. 18. ad l. I. c. 43. et not. 67. ad V. 18.

²⁵ *Jure vocatæ*] Vid. not. 70. ad l. V. c. 18.

²⁶ *Magistratum continuari*] Tum dictator erat Fulvius. Itaque, si consul crearetur, continuabatur ei magistratus a dictatura ad consulatum transituro.

²⁷ *Civile*] Congruum æquæ inter cives libertati.

²⁸ *Si suum nomen . . . acciperet . . . si aliorum ratio haberetur*] Vid. not. 82. ad l. XXVI. c. 18.

plumque eam in rem se habere ²⁹ *vetas L. Postumii Megelli*, U. C. 512.
quæ interrex iis comitiis, quæ ipse habuisset, consul cum C. Ju- A. C. 210.
nio Bubulco creatus esset; recens Q. Fabii, qui sibi continuari
consulatum; nisi id bono publico fieret, profecto numquam si-
visset. His orationibus quum diu certatum esset, postremo
 ita inter dictatorem ac tribunos convenit, ut eo, quod cen-
 suisset senatus, staretur. Patribus id tempus reipublicæ vi-
 sum est, ut, per veteres, et expertos, bellicque peritos impera-
 tores respublica gereretur. itaque moram fieri comitiis non
 placere. Concedentibus tribunis, comitia habita. Declarati
 consules Q. Fabius Maximus quintum, Q. Fulvius Flaccus
 quartum. Prætores inde creati, L. Veturius Philo, T.
 Quinctius Crispinus, C. Hostilius Tubulus, C. Aurunculeius.
 Magistratibus in annum creatis, Q. Fulvius dictatura se
 abdicavit. Extremo æstatis hujus classis Punica navium
 quadraginta, cum præfecto Hamilcare in Sardiniam trajecta,
 Olbiensem primo, dein, postquam ibi P. Manlius Vulso
 prætor cum exercitu adparuit, circumacta inde ad alterum
 insulæ latus, Caralitanum agrum vastavit, et cum præda
 omnis generis in Africam rediit. Sacerdotes Romani eo an-
 no mortui aliquot subfectique. C. Servilius Pontifex factus
 in locum T. Otacilii Crassi. Ti. Sempronius Ti. F. Longus au-
 gur factus in locum T. Otacilii Crassi. Decemvir item sacris
 faciundis in locum Ti. Sempronii C. F. Longi Ti. Sempronius
 Ti. F. Longus subfectus. M. Marcius rex sacrorum mortuus
 est, et M. Æmilius Papus ³⁰ maximus curio. neque in eorum
 locum sacerdotes eo anno subfecti. Et censores hic annus ha-
 buit L. Veturium Philonem et P. Licinium Crassum, maxi- Censores.
 mum pontificem. Crassus Licinius nec consul, nec prætor an-
 te fuerat, quam censor est factus. ex ædilitate gradum ad cen-
 suram fecit. Sed hi censores neque senatum legerunt, nec
 quidquam publicæ rei egerunt: mors diremit L. Veturii. ³¹ in-
 de et Licinius censura se abdicavit. Ædiles curules L. Vetu-
 rius et P. Licinius Varus ludos Romanos diem unum instau-
 rarunt. Ædiles plebis Q. Catus et L. Porcius Licinus ex
 multatio argento signa ænea ad Cereris dedere: et ludos,
 pro temporis ejus copia, magnifici adparatus fecerunt.

VII. Exitu anni hujus, die quarto et tricesimo*, quam ab Lælius ex
 Tarracone profectus erat, C. Lælius legatus Scipionis Ro- Hispania
 mam venit: isque, cum agmine captivorum ingressus urbem, Romam ve-
 nit.
 magnum concursum hominum fecit. Postero die in senatum
 introductus, captam Karthaginem, caput Hispaniæ, uno die,

* *sisset Gron.*

* *quarta et tricesima Gron. Crev.*

²⁹ *Vetus L. Postumii Megelli*] An-
 no n. c. 460.

³⁰ *Maximus curio*] Vid. not. 28. ad
 l. III. c. 7.

³¹ *Inde et Licinius censura se abdi-*
cavit] Neque enim unquam in demor-
 tui locum censor sufficiebatur. Vid. l.
 V. c. 31.

U. C. 542. receptasque aliquot urbes, quæ defecissent, novasque in so-
 A. C. 210. cietatem adscitas, exposuit. Ex captivis comperta his fere
 congruentia, quæ in literis fuerant M. Valerii Messallæ.
 Maxime movit Patres Hasdrubalis transitus in Italiam,
³² vix Hannibali atque ejus armis subsistentem. Productus
 et in concionem Lælius eadem edisseruit. Senatus ob res
 feliciter a P. Scipione gestas supplicationem in unum diem
 decrevit. C. Lælius primo quoque tempore, cum quibus
 venerat navibus, redire in Hispaniam jussit. Karthaginis
 expugnationem in hunc annum contuli, multis auctoribus;
 haud nescius, quosdam esse, qui anno insequenti captam
 tradiderint: quod mihi minus simile veri visum est, an-
 num integrum Scipionem nihil gerundo in Hispania con-
 sumsisse. Q. Fabio Maximo quintum, Q. Fulvio Flacco
 quartum consulibus, Idibus Martiis, quo die magistratum
 inierunt, Italia ambobus provincia decreta; regionibus ta-
 men partitum imperium: Fabius ad Tarentum, Fulvius in
 Lucanis ac Bruttiis rem gereret. M. Claudio prorogatum
 in annum imperium. Prætores sortiti provincias: C. Hos-
 tilius Tubulus urbanam, L. Veturius Philo peregrinam cum
 Gallia, T. Quinctius Crispinus Capuam, C. Aurunculeius
 Sardiniam. Exercitus ita per provincias divisi. Fulvio
 duæ legiones, quas in Sicilia M. Valerius Lævinus haberet:
 Q. Fabio, quibus in Etruria C. Calpurnius præfuisset, de-
 cretæ. Exercitus urbanus ut in Etruriam succederet: C.
 Calpurnius eidem præesset provinciæ exercituique: Capu-
 am exercitumque, quem Q. Fulvius habuisset, T. Quinctius
 obtineret. ³³ C. Hostilius ab C. Lætorio proprætor pro-
 vinciam exercitumque, qui tum jam Arimini erat, acciperet.
 M. Marcello, quibus consul bene rem gesserat, legiones de-
 cretæ. M. Valerio cum L. Cincio (his quoque est enim
 prorogatum in Sicilia imperium) Cannensis exercitus datus:
 eumque supplere ex militibus, qui ex legionibus Cn. Fulvii
 superessent, jussi. Conquisitos eos consules in Siciliam mi-
 serunt: additaque eadem militiæ ignominia, sub qua Can-
 nenses militabant, quique ex ³⁴ prætoris Cn. Fulvii exercitu,
 ob similis iram fugæ, missi eo ab senatu fuerant. C. Aurun-
 culeio eadem in Sardinia legiones, quibus P. Manlius Vulso
 eam provinciam obtinuerat, decretæ. ³⁵ P. Sulpicio, eadem

³² *Vix Annibali . . . subsistentem*] Id est, vix parem: quemadmodum apud Cic. l. XI. Ep. Fam. 10. *subsistere sumptui*, quod ex optimis MSS. reposuerunt Victorius et Gebhardus.

³³ *C. Hostilius ab C. Lætorio*] Lege L. Veturius, qui Galliam provinciam sortitus fuerat, ut constat tum ex iis quæ supra habentur hoc ipso capite,

tum ex c. 10. et c. 22. infra.

³⁴ *Prætoris Cn. Fulvii*] Triennio ante circa Herdoneam ab Annibale victi. Vid. l. XXV. c. 21^o.

³⁵ *P. Sulpicio eadem legione eademque classe*] Supra, l. XXVI. c. 28. Sulpicius exercitum omnem præter socios navales jussus dimittere est, ex sententia Lævini, qui exposuerat in

legione eademque classe Macedoniam obtinere jussu, proro- U. C. 543.
 gatum in annum imperium. triginta quinqueres ex Sici- A. C. 309.
 lia Tarentum ad Q. Fabium consulem mitti jussæ: cetera
 classe prædatum in Africam aut ipsum M. Valerium Lævi-
 num trajicere; aut mittere, seu L. Cincium, seu M. Vale-
 rium Messallam. Nec de Hispania quidquam mutatum,
 nisi quod non in annum Scipioni Silanoque, sed donec re-
 vocati ab senatu forent, prorogatum imperium est. Ita pro-
 vinciae exercituumque ³⁶ in eum annum¹ partita imperia.

VIII. Inter majorum rerum curas comitia maximi curio-
 nis, quum in locum M. Æmilii sacerdos crearetur, vetus ex-
 citaverunt certamen; patriciis negantibus C. Mamili Vitu- C. Mami-
 li, qui unus ex plebe petebat, habendam rationem esse, quia lius primus
 nemo ante eum, nisi ex Patribus, id sacerdotium habuisset. ex plebe
 Tribuni adpellati ad senatum rejecerunt. ³⁷ Senatus populi maximus
 potestatem fecit. Ita primus ex plebe creatus maximus curio.
 curio C. Mamilius Vitulus. Et flaminem Dialem invitum Flamen Di-
 inaugurari coëgit P. Licinius pontifex maximus C. Vale- alis invitus
 rium Flaccum. Decemvir sacris faciundis creatus in locum inaugura-
 Q. Mucii Scævolæ demortui C. Lætorius. Causam inau- tur C. Vale-
 gurari coacti flaminis libens reticuissem, ni ex mala fama in
 bonam vertisset. Ob adolescentiam neglegentem luxurio-
 samque C. Flaccus ³⁸ flamen captus a P. Licinio pontifice
 maximo erat, L. Flacco fratri germano cognatisque aliis ob
 eadem vitia invisus. Is, ut animum ejus cura sacrorum et
 ceremoniarum cepit, ita repente exiit antiquos mores, ut
 nemo tota² juventute haberetur prior, nec probatior primo-
 ribus Patrum, suis pariter alienisque, esset. Hujus famæ

¹ locum Gron. Crev.

² in tota Eæd.

senatu legionem ex Macedonia deduci
 posse: classem satis esse ad arcendum
 Italia regem. Cum his ea conciliare,
 quæ hoc loco legimus, nec possumus,
 nec conamur.

³⁶ In eum locum] Sic edidit Grono-
 vius ex plurimorum MSS. consensu,
 contenditque locum hic posse intelligi
 tempus. In exemplum affert vulga-
 tas illas locutiones ad id locorum,
 interea loci. Nobis ut id persuadere-
 tur, aliis quibusdam exemplis opus
 esse videretur, quæ magis rem tange-
 rent. Itaque utemur libentius eo
 quod antea edebatur: in eum annum:
 et quidem eo magis, quod unus probæ
 notæ codex a secunda quidem manu,
 sed habet tamen in eum annum; et
 Put. ex quo, si non omnia, pleraque
 certe quæ supersunt Livii exempla-
 ria descripta sunt, in tota hac provin-
 ciarum exercituumque descriptione

mendis scatet.

³⁷ Senatus populi potestatem fecit]
 Senatus censuit liberam hujusce rei
 potestatem populo esse relinquendam.
 Sic Sallust. Jug. c. 78. Græci optio-
 nem Carthaginiensium faciunt.

³⁸ Flamen captus] Verbum in hac
 re proprium. Dicebatur enim flamen
 capi, vestalis capi, id est, eligi a pon-
 tifice maximo. Vid. A. Gellium, l. I.
 c. 12. Quod autem hic L. Flaccus
 flamen captus memoratur a pontifice
 maximo ob adolescentiam negligen-
 tem luxuriosamque, nimirum vel
 speravit pontifex maximus, id quod
 evenit, fore ut animus ejus cura sa-
 crorum et cærimoniarum occupatus
 vitia exueret; vel, quia clarissimo ge-
 nere ortus adolescens ob pravos mo-
 res nullum publicum munus adipisci
 posse videretur, ideo solari cognatos
 ejus voluit, hoc ei impertito sacerdotio.

U. C. 543. A. C. 209. Jure sacerdotii senatum ingreditur.

consensu elatus ad justam fiduciam sui, rem intermissam per multos annos ob indignitatem flaminum priorum repetivit, ut in senatum introiret. Ingressum eum curiam quum ³⁹ L. Licinius prætor inde eduxisset, tribunos plebis adpellavit flamen. Vetustum jus sacerdotii repetebat: datum id cum toga prætexta, et sella curuli, ⁴⁰ et flaminio esse. Prætor, non exoletis vetustate annalium exemplis stare jus, sed recentissimæ cujusque consuetudinis usu, volebat: nec patrum, nec avorum memoria Dialem quemquam id jus usurpasse. Tribuni, rem inertia flaminum oblitteratam ipsis, non sacerdotio, damno fuisse, quum æquum censuissent, ne ipso quidem contra tendente prætore, magno adsensu Patrum plebisque, flaminem in senatum introduxerunt; omnibus ita existimantibus, magis sanctitate vitæ, quam sacerdotii jure, rem eam flaminem obtinuisse. Consules prius, quam in provincias irent, ⁴¹ duas urbanas legiones; in supplementum, quantum opus erat ceteris exercitibus militum, scripserunt. Urbanum veterem exercitum Fulvius consul C. Fulvio Flacco legato (frater hic consulis erat) in Etruriam dedit ducendum, et legiones, quæ in Etruria erant, Romam deducendas. Et Fabius consul reliquias exercitus Fulviani conquisitas (fuere autem ad tria millia trecenti triginta sex) Q. Maximum filium ducere in Siciliam ad M. Valerium proconsulem jussit: atque ab eo duas legiones et triginta quinquereemes accipere. Nihil hæc eductæ ex insula legiones minuerunt nec viribus nec specie ejus provinciæ præsidium. nam quum, præter egregie suppletas duas veteres legiones, transfugarum etiam Numidarum equitum peditumque magnam vim haberet, Siculos quoque, qui in exercitu Epicydis aut Poenorum fuerant, belli peritos viros, milites scripsit. Ea externa auxilia quum singulis Romanis legionibus adjunxisset, duorum speciem exercituum servavit: altero L. Cincium partem insulæ, qua regnum Hieronis fuerat, tueri jussit; altero ipse ⁴² ceteram insulam tuebatur, divisam quon-

Exercitus
in Sicilia.

³⁹ *L. Licinius*] Sigonius legi jubet *P. Licinius*: et merito, si res de qua hic agitur, insequente anno gesta est. Vid. infra, capp. 21. et 22. nomina prætorum illius anni.

⁴⁰ *Et flaminio*] Deleri jubet, ac merito, Gronovius voculam *et*. Contendebat Flaccus *datum id esse flaminio*, id est, sacerdotio quod gerebat, *cum toga prætexta et sella curuli*.

⁴¹ *Duas urbanas legiones; in supplementum*] Duas legiones scripserunt, quæ præsidio urbi essent: et præterea in supplementum ceterorum exercituum, scripserunt eum nu-

merum militum qui illis exercitibus opus erat. In plerisque editis hic locus mala interpunctione laborat, quæ sensum omnem pervertit.

⁴² *Ceteram insulam . . . divisam quondam Romani Punicique imperii finibus*] Quandonam? Etenim ante primum Punicum bellum initum nihil in Sicilia possidebant Romani; finito eodem, nihil jam in ea insula habuere Carthaginienses. Itaque hæc divisio, si locum habuit unquam, ad solum belli Punici primi tempus pertinere potuit.

dam Romani Punicique imperii finibus; classe quoque na- U. C. 543.
vium septuaginta partita, ut omni ambitu litorum præsidia A. C. 209.
oræ maritimæ essent. Ipse cum Mutinis equitatu provin-
ciam peragrabat, ut viseret agros, cultaque ab incultis nota-
ret, et perinde dominos laudaret castigaretque. Ita tantum
ea cura frumenti provenit, ut et Romam mitteret, et Cata-
nam conveheret, unde exercitui, qui ad Tarentum æstiva
acturus esset, posset præberi.

IX. Ceterum transportati milites in Siciliam (et erant major
pars Latini nominis sociorumque) prope magni motus causa
fuere: adeo ex parvis sæpe magnarum momenta rerum pen-
dent. Fremitus enim inter Latinos sociosque in conciliis Querelæ so-
ortus: *Decimum annum delectibus, stipendiis exhaustos esse.* ciorum et
quotannis ferme clade magna pugnare. Alios in acie occidi, Latini no-
alios morbo absumi: magis perire sibi civem, qui ab Romano minis.
miles lectus sit, quam qui a Pœno captus. quippe ab hoste gra-
tis remitti in patriam; ab Romanis extra Italiam in exsilium
verius, quam in militiam, ablegari. Octavum jam ibi annum
senescere Cannensem militem, moriturum ante, quam Italia hos-
tis (quippe nunc quum maxime florens viribus) excedat. Si ve-
teres milites non redeant in patriam, novi legantur, brevi nemi-
nem superfuturum. Itaque, quod propediem res ipsa negatura
sit, priusquam ad ultimam solitudinem atque egestatem perve-
niant, negandum populo Romano esse. Si consentientes in hoc
socios videant Romani, profecto de pace cum Karthaginensi-
bus jungenda cogitatueros. aliter numquam, vivo Hannibale, sine
bello Italiam fore. Hæc acta in conciliis. 43 Triginta tum co- Colonie
loniæ populi Romani erant. ex iis duodecim, quum omnium duodecim
legationes Romæ essent, negaverunt consulibus esse, unde negant se
milites pecuniamque darent. Eæ fuere Ardea, Nepete, Su- daturas mi-
trium, Alba, Carseoli, Cora, Suessa, Circeii, Setia, Cales, lites Roma-
Narnia, Interamna: Nova re consules icti, quum absterrere nis.
eos a tam detestabili consilio vellent, castigando increpando- Castigantur
que plus, quam leniter agendo, profecturos rati, eos ausos esse a Cons.
consulibus dicere, aiebant, 44 quod consules, in senatu ut pro-
nunciarent, in animum inducere non possent. non enim detrec-
tationem eam munerum militiæ, sed apertam defectionem a po-
pulo Romano esse. Redirent itaque propere in colonias, et,
tamquam integra re, locuti magis, quam ausi, tantum nefas, cum
suis consulerent. admonerent, non Campanos, neque Tarentinos

43 Triginta tum coloniæ] Sigonius enumerat tres et quinquaginta colo-
nias a Romanis ab u. c. ad hoc tem-
pus deductas. Sed Livius in suis
triginta coloniis non includit eas,
quas appellat infra, c. 38. Reliquæ
vel erant fortasse in potestate Anni-

balis, vel etiam aliquo casu interie-
rant, aut ita vacuæ erant cultoribus,
ut copiis juvare Romanos non pos-
sent.

44 * Quod consules] Quod consules
in senatu pronunciare non sustinerent,
non auderent.

U. C. 543. *eos esse, sed Romanos; ⁴⁵ inde oriundos, inde in colonias atque*
 A. C. 209. *in agrum bello captum stirpis augendæ causa missos: quæ li-*
beri parentibus deberent, ea illos Romanis debere, si ulla pietas,
si memoria antiquæ patriæ esset. Consulerent igitur de inte-
gro. nam, tum quidem quæ temere agitassent, ea prodendi im-
perii Romani, tradendæ Hannibali victoriæ esse. Quum alter-
nis hæc consules diu jactassent, nihil moti legati, neque se,
quod domum renunciarent, habere, dixerunt, neque senatum
suum, quid novi consuleret, ubi nec miles, qui legeretur, nec pe-
cunia, quæ daretur in stipendium, esset. Quum obstinatos eos
viderent consules, rem ad senatum detulerunt. ubi tantus pa-
vor ⁴⁶ animis omnium est injectus, ut magna pars, actum de im-
perio, diceret. idem alias colonias facturas; idem socios consen-
sisse omnes, ad prodendam Hannibali urbem Romanam.

X. Consules hortari et consolari senatum, et dicere, *Alias*
colonias in fide atque officio pristino fore, eas quoque ipsas, quæ
officio decessissent, si legati circa eas colonias mittantur, qui
castigent, non qui ⁴⁷ precentur, verecundiam imperii habituras
esse. Permissum ab senatu iis quum esset, agerent, facerent-
que, ut e republica ducerent; pertentatis prius aliarum co-
loniarum animis, citaverunt legatos, quæsiveruntque ab iis,
ecquid milites ⁴⁷ ex formula paratos haberent? Pro duode-
 Reliquæ in *viginti coloniis M. Sextilius Fregellanus respondit: et mili-*
 officio sunt. *tes ex formula paratos esse: et, si pluribus opus esset, plu-*
res duros: et, quidquid aliud imperaret velletque popu-
lus Romanus, enise facturos. ad id sibi neque opes deesse, ani-
munum etiam superesse. Consules, sibi parum videri, præfati,
pro merito eorum, sua voce conlaudari eos, nisi universi Patres
iis in curia gratias egissent, sequi in senatum jusserunt. Sena-
tus, quam poterat honoratissimo decreto adlocutus eos, man-
dat consulibus, ut ad populum quoque eos producerent, et,
inter multa alia præclara, quæ ipsis majoribusque suis præ-
stitissent, recens etiam meritum eorum in rempublicam com-
memorarent. Ne nunc quidem ⁴⁸ post tot secula sileantur,
fraudenturve laude sua. Signini fuere, et Norbani, Saticula-
nique, et Brundisini, et Fregellani, et Lucerini, et Venusini,
et Hadriani, et Firmani, et Ariminenses: et ab altero mari,
Pontiani, et Pæstani, et Cosani: et mediterranei, Beneven-

⁴⁷ qui non Gron. Crev.

⁴⁵ * *Inde*] Ab Roma.

⁴⁶ *Animis omnium*] Put. et Victor. codices, *animis hominum*, ut et ante Sigonium editi. Ille mutatum maluit, eique obsecuti sunt editores. Tamen et l. IX. c. 8. Livius itidem de senatu agens scripsit: *admiratio . . . incessit homines*. Ubi Gronovius quidem rescribi jubet *omnes*, sed ex mera conjectura.

⁴⁷ *Ex formula*] Qua descriptum erat, quantum quæque colonia militum deberet. * Vid. supra not. 89. ad XXII. 57.

⁴⁸ *Post tot secula*] Paulo plus ducenti anni effluxerant ab hoc tempore ad illud, quo Livius suam historiam scribebat. An et hic *γῆραι* intelligi debent? Vid. not. 67. ad l. IX. c. 18.

tani, et Aesernini, et Spoletini *, et Placentini, et Cremonenses. Harum coloniarum subsidio tum imperium populi Romani stetit: iisque gratiae et in senatu, et ad populum actae. Duodecim aliarum coloniarum, quae detrectaverunt imperium, mentionem fieri Patres vetuerunt, neque illos dimitti, neque retineri, neque adpellari a consulibus. ea tacita castigatio maxime ex dignitate populi Romani visa est. Cetera expedientibus, quae ad bellum opus erant, consulibus, ⁴⁹ aurum vicesimarium, quod ⁵⁰ in sanctiore aëratio ad ultimos casus servabatur, promi placuit. Promta ad ⁵¹ quatuor millia pondo auri. inde quingena pondo data consulibus, et M. Marcello, et P. Sulpicio proconsulibus, et L. Veturio praetori, qui Galliam provinciam sortitus erat; additumque Fabio consuli centum pondo auri praecipuum, quod in arcem Tarentinam portaretur. cetero usi sunt ⁵² ad vestimenta praesenti pecunia locanda exercitui, qui in Hispania bellum secunda sua fama ducisque gerebat.

Aurum vicesimarium.

XI. Prodigia quoque, priusquam ab urbe consules profisciscerentur, procurari placuit. In Albano monte tacta de coelo erant signum Jovis, arborque templo propinqua, et ⁵³ Ostiae lacus, et Capuae murus, Fortunaeque aedes, et Sinuessae murus portaque. Haec de coelo tacta. Cruentam etiam fluxisse aquam Albanam, quidam auctores erant. Et Romae ⁵⁴ intus cellam aedis Fortis Fortunae de capite ⁵⁵ signum, quod in corona erat, in manus sponte sua prolapsum. Et Priverni satis constabat bovem locutum, volturiumque frequenti foro in tabernam devolasse, et Sinuessae natum ambiguo inter marem ac feminam sexu infantem: quos androgynos vulgus (⁵⁶ ut pleraque, faciliore ad duplicanda verba Graeco sermone) adpellat: et lacte pluisse, et cum elephanti capite puerum natum. Ea

Prodigia.

* *Spoletani* Gron. Crev.

⁴⁹ *Aurum vicesimarium*] Aurum congestum paulatim ex vicesima parte pretii eorum, qui manumittebantur; quae quidem solvi coepa fuerat anno u. c. 398. Vid. l. VII. c. 16. CLERICUS.

⁵⁰ *In sanctiore aëratio*] Aërium sanctius fuit pars aërii reconditior, et in penitior recessu, quo certae pecuniae condebantur, non aliter inde, quam in gravissimis discriminibus, depromendae.

⁵¹ *Quatuor millia pondo*] Marcæ nostrates 6250. Quingena, 781. cum duabus unciiis. Centum, marcæ 156. cum duabus itidem unciiis.

⁵² *Ad vestimenta praesenti pecunia locanda*] Ad faciendas praesenti pecunia vestimentorum exercitui Hispaniensi praebendorum locationes cum redemptoribus: unde id commodi

redibat, ut quum illi pecuniam praesentem acciperent pro iis quae praebituri erant, minore pretio contenti esse deberent.

⁵³ *Ostiae lacus*] Lacum de coelo tactum esse, haud alibi legisse nos meminimus; nec qui id dici possit, facile intelligitur. Fortasse Livius scripserat *lucus*.

⁵⁴ *Intus cellam*] Quomodo apud Plautum in Milite, Act. II. Sc. 6. v. 55. *intus domum*. GRONOVIVS.

⁵⁵ *Signum, quod in corona erat*] Fortasse hic desit nomen ejus divi, vel divae, cujus hoc signum erat.

⁵⁶ *Ut pleraque, faciliore*] Quia nempe facilius est sermo Graecus, quam Latinus, quum in plerisque, tum in *compositione* verborum, ut loquuntur Grammatici.

U. C. 543. A. C. 209. Censores. De legendo principe senatus contentio. Notati Cannenses equites.

predigia hostiis majoribus procurata, et supplicatio circa omnia pulvinaria, et ⁵⁷ obsecratio in unum diem indicta: et decretum, ut C. Hostilius prætor ⁵⁸ ludos Apollini^y, sicut his annis voti factique erant, voveret faceretque. Per eos dies et censoribus creandis Q. Fulvius consul comitia habuit. Creati censores, ambo qui nondum consules fuerant, M. Cornelius Cethegus, P. Sempronius Tuditanus. ⁵⁹ Hi censores, ut agrum Campanum fruendum locarent, ex auctoritate Patrum ⁶⁰ latum in plebem est, plebesque scivit. Senatus lectionem contentio inter censores de principe legendo tenuit. Sempronii lectio erat: ceterum Cornelius *morem traditum a patribus sequendum* aiebat. *ut, qui primus censor ex iis, qui viverent, fuisset, eum principem legerent*: is T. Manlius Torquatus erat. Sempronius, cui *Dii sortem legendi dedissent, ei jus liberum eosdem dedisse Deos. Se id suo arbitrio facturum: lecturumque Q. Fabium Maximum, quem tum principem Romanæ civitatis esse, vel Hannibale iudice, ⁶¹ victurus esset.* Quum diu certatum verbis *esset^z*, concedente collega, lectus a Sempronio princeps in senatu Q. Fabius Maximus consul: inde alius lectus senatus, octo præteritis, inter quos L. Cæcilius Metellus erat, infamis auctor deserendæ Italiæ post Cannensem cladem. In equestribus quoque notis eadem servata causa. sed erant perpauci, quos ea infamia adtingeret. ⁶² Illis omnibus (et multi erant) ademti equi, qui Cannensium legionum equites in Sicilia erant. addiderunt acerbitati etiam tempus, ⁶³ ne præterita stipendia procederent iis, quæ

^y Apollinis Gron. Crev.

^z esset verbis Eæd.

⁵⁷ Obsecratio . . indicta] Obsecratio sumitur hic specialiore sensu pro ritu quodam peculiari supplicandi diis, quemadmodum et l. IV. c. 21. Obsecratio . . a populo duumviris præcuntibus est facta.

⁵⁸ Ludos Apollinis] Magis placeret Apollini, quomodo Sigonius et unus ex Hearnii MSS.

⁵⁹ Hi censores ut agrum Campanum fruendum locarent] Supra, c. 3. memoravit Livius agrum Campanum a Fulvio locatum esse. Sed nimirum hic res solemniori ritu peragitur a censoribus, quorum proprium hoc munus erat, ex auctoritate Patrum plebisque jussu. Ceterum pro vocula hi quidam veteres editi præferebant duo. Correxerunt Sigonius.

⁶⁰ Latum in plebem est] Sic quidem plurimi MSS. teste Gronovio. Dubitamus tamen an illorum auctoritas tantum valere debeat, ut inusitatam

loquendi formam admittamus, *ferre in plebem*: quum semper alias dixerint scripserintque antiqui scriptores *ferre ad populum, ferre ad plebem*. Hic quoque aliquot editi et regius codex habent: *latum ad plebem est*.

⁶¹ Victurus esset] Probaturus esset.

⁶² * Illis omnibus . . qui] Hæc junge sibi invicem.

⁶³ Ne præterita stipendia procederent iis, quæ equo publico emeruerant] Ne præteritorum stipendiorum, quæ equo publico emeruerant, ulla ratio haberetur. Hinc dena stipendia facere equis privatis jubentur. Tot enim annis, nempe decem, finiebatur equestris militiæ tempus, teste Polyb. l. VI. Ceterum hoc loco representamus ipsam Put. codicis scripturam. Victor. quoque servat *emeruerant*. Hactenus editi habent . . *iis qui equo publico emeruerant*: quo loquendi mo-

equo publico emeruerant^a, sed dena stipendia equis privatis U. C. 543. facerent. Magnum præterea numerum eorum conquisiverunt, qui equo merere deberent: atque ex iis, qui principio ejus belli septemdecim annos nati fuerant, neque militaverant, omnes⁶⁴ ærarios fecerunt. Locaverunt inde reficienda, quæ circa forum incendio consumpta erant, septem tabernas, macellum, ⁶⁵atrium regium.

XII. Transactis omnibus, quæ Romæ agenda erant, consules ad bellum profecti. Prior Fulvius prægressus Capuam. Post paucos dies consecutus Fabius; qui et collegam coram obtestatus, et per literas Marcellum, ut quam acerrimo bello detineret Hannibalem, dum ipse Tarentum obpugnaret: Fabius statuit Tarentum obpugnare. ea urbe adempta hosti jam undique pulso, nec ubi consisteret, ⁶⁶nec quid fidum respiceret habenti, ne remorandi quidem caussam in Italia fore. Rhegium etiam nuncium mittit ad præfectum præsidii, quod ab Lævino consule adversus Bruttios ibi locatum erat, ⁶⁷octo millia hominum: pars maxima ab Agathyrna (sicut antea dictum est) ex Sicilia traducta, rapto vivere hominum adsuetorum. additi erant Bruttiorum ⁶⁸indidem perfugæ, et audacia et audendi omnia necessitatibus pares. Hanc manum ad Bruttium primum agrum depopulandum duci jussit, inde ad Cauloniam urbem obpugnandam. Imperata non in pigre solum, sed etiam avide, exsecuti, direptis fugatisque cultoribus agri, summa vi urbem obpugnabant. Marcellus, et consulis literis excitus, Marcellus et quia ita in animum induxerat, neminem ducem Romanum tam parem Hannibali, quam se, esse, ubi primum in agris pabuli copia fuit, ex hibernis profectus, ad Canusium Hannibali obcurrit. Sollicitabat ad defectionem Canusinos Poenus. ceterum, ut adpropinquare Marcellum audivit, castra inde movit. Aperta erat regio, sine ullis ad insidias latebris; itaque in loca saltuosa cedere inde cœpit. Marcellus vestigiis instabat, castraque castris conferbat: et, opere perfecto, extemplo in aciem legiones educebat. Hannibal, turmatim per equites peditumque jaculatores levia certamina serens, casum universæ pugnæ non necessarium ducebat. tractus est tamen ad id, quod vitabat, certamen. ⁶⁹Nocte

^a meruerant Gron.

do discrimen aliquod statui videretur inter eos qui equo publico, et qui equo privato militassent, quum de iis solis sit sermo qui equum publicum habuerant, et proprio nomine *equites Romani* vocitabantur.

⁶⁴ *Ærarios fecerunt*] Quid sit *ærarium facere*, exposuimus in nota 25. ad l. IV. c. 24.

⁶⁵ *Atrium regium*] Vid. not. 46. ad l. XXVI. c. 27.

VOL. II.

⁶⁶ * *Nec quid fidum respiceret habenti*] Nec fidum a tergo tutumve perfugium habenti, quo se reciperet.

⁶⁷ *Octo millia hominum . . . rapto vivere hominum assuetorum*] Posterius illud hominum vacat, ac delendum videtur.

⁶⁸ * *Indidem*] Ex hac ipsa regione, in qua Rhegium erat. Nempe Rhegium situm erat in agro Bruttiorum.

⁶⁹ *Nocte prægressum assequitur*]

C C

U. C. 543. prægressum^b adsequitur locis planis ac patentibus Marcellus. A. C. 209. *ius. castra inde ponentem, pugnando undique in munitores, operibus prohibet. Ita signa conlata, pugnatumque totis copiis: et, quum jam nox instaret, Marte æquo discessum est. castra, exiguo distantia spatio, raptim ante noctem permunita. Postero die luce prima Marcellus in aciem copias eduxit. nec Hannibal detrectavit certamen, multis verbis adhortatus milites, ut, memores Trasimeni Cannarumque, contunderent ferociam hostis. arguere atque instare eum. non iter quietes facere, non castra ponere pati, non respirare aut circumspicere. quotidie simul orientem solem et Romanam aciem in campis videndam esse. Si uno prælio haud incruentus abeat, quietius deinde tranquilliusque eum bellaturum.* His irritati adhortationibus, simulque tædio ferociæ hostium quotidie instantium laceessantiumque, acriter prælium ineunt. Pugnatum amplius duabus horis est. cedere inde ab Romanis⁷⁰ dextra ala et extraordinarii coepere. Quod ubi Marcellus vidit, duodevicesimam legionem in primam aciem inducit. Dum alii trepidi cedant, alii segniter subeunt, turbata tota acies est, dein prorsus fusa; et, vincente pudorem metu, terga dabant. Cecidere in pugna fugaque ad duo milia et septingenti civium sociorumque: in his quatuor Romani centuriones, duo tribuni militum, M. Licinius et⁷¹ M. Helvius^c. Signa militaria quatuor⁷² de ala, prima quæ fugit; duo de legione, quæ cedentibus sociis successerat, amissa.

Alterum prælium, in quo superior Pœnus.

Exercitus acriter a Marcello increpitus.

XIII. Marcellus, postquam in castra reditum est, concionem adeo sævam atque acerbam apud milites habuit, ut prælio, per diem totum^d infelicitè tolerato, tristior iis irati ducis oratio esset. *Diis immortalibus, ut in tali re, laudes gratesque, inquit, ago, quod victor hostis, cum tanto pavore incidentibus vobis in vallum portasque, non ipsa castra est adgressus. deservissetis profecto eodem terrore castra, quo omisistis pugnam. Qui pavor hic, qui terror, quæ repente, qui, et cum quibus pugnaretis, oblivio animos cepit? nempe iidem sunt hi hostes, quos vincendo et victos sequendo priorem æstatem absumsistis; quibus dies noctesque fugientibus per hos dies insti-*

^b add. cum Gron.

^c Fulvius Gron. Crev.

^d totam Eæd.

Sigonius inseruerat *eum*. Sed hoc additamentum optimi MSS. repudiant.

⁷⁰ *Dextra ala et extraordinarii*] Socii pars *alares* erant, pars *extraordinarii*. Ex omni enim sociali exercitu eligebantur appositissimi ad ea omnia quæ vera virtute egent, quos a ceteris abjungebant et vocabant *extraordinarios*. Ex equitibus pars *tertia*, ex peditibus quinta sumebatur. Reliquos in duas alas, dextram et si-

nistram, dividebant. Hæc fere Polyb. l. VI. quem interpretatur Lipsius, l. II. de Mil. Rom. c. 7. Erant igitur *alares et extraordinarii*, tum equites tum pedites. Hic de peditibus sermo est.

⁷¹ *M. Fulvius*] Put. liber, *M. Helvius*; et alludunt ceteri.

⁷² *De ala prima*] De ala, quæ in prima acie fuerat.

tistis; quos levibus praeliis fatigastis; quos hesterno die nec iter facere, nec castra ponere passi estis. ⁷³ Omitto ea, quibus gloriari potestis: cuius et ipsius pudere ac poenitere vos oportet, referam. nempe, æquis manibus hesterno die diremistis pugnam. Quid hæc nox, quid hic dies adtulit? vestra his copiae imminutæ sunt, an illorum auctæ? Non equidem mihi cum exercitu meo loqui videor, nec cum Romanis militibus. corpora tantum atque arma eadem sunt. An, si eodem animos habuissetis, terga vestra vidisset hostis? signa alicui manipulo aut cohorti abstulisset? ⁷⁴ Adhuc cæsis Romanis legionibus gloriabatur. vos illi hodierno die primum fugati exercitus dedistis decus. Clamor inde ortus, ut veniam ejus dei daret; ubi vellet, deinde experiretur militum suorum animos. Ego vero experiar, inquit, milites: et vos crastino die in aciem educam, ut victores potius, quam victi, veniam impetretis, quam petitis. Cohortibus, quæ signa amiserant, hordeum dari jussit: centurionesque manipulorum, quorum signa amissa fuerant, ⁷⁵ dstrictis gladiis discinctos destituit; et, ut postero die ⁷⁶ omnes, equites, pedites, armati adessent, edixit. Ita concio dimissa fatentium, jure ac merito sese increpitos; neque illo die virum quemquam in acie Romana fuisse, præter unum ducem; cui aut morte satisfaciendum, aut egregia victoria esset. Postero die ornati armatique ad edictum aderant. Imperator eos conlaudat, pronunciatque, a quibus orta pridie fuga esset, cohortesque, quæ signa amisissent, se in primam aciem inducturum. edicere jam sese, omnibus pugnandum ac vincendum esse: et adnoscendum singulis universisque, ne prius hesternæ fugæ, quam hodiernæ victoriæ, fama Romam perveniat. Inde cibo corpora firmare jussi, ut, si longior pugna esset, viribus subficerent. Ubi omnia dicta facta-

^e hesterna Gron.

^f hæc Gron. Crev.

^g crastina Gron.

^h di-

strictis Gron.

ⁱ pedites equitesque Gron. Crev.

^k armati ornatique Ead.

^l erat pugna Ead.

[⁷³ Omitto ea] Hæc totius hujus loci mens est, qui ob brevitatem potest videri paulo obscurior. Omitto ea quibus gloriari potestis, victos, fatigatos, turbatos hostes. Non ii jam estis, a quibus postulandum sit, ut priorum recte factorum decus tueamini. Id referam, quod vobis ipsum pudori esse deberet, nempe æquatam vobis hesterno die cum hostibus pugnam: a quo tamen pudendo licet et poenitendo successu hodie degenerastis, ipsi fugati et in castra compulsi. Quid hæc nox, &c.

[⁷⁴ Adhuc cæsis] Hactenus gloriabatur Annibal cæsas a se Romanas legiones: at nunquam integras fugaverat. Vos ei hoc decus hodie primum dedistis.

[⁷⁵ Dstrictis gladiis discinctos destituit] Vulgo dstrictis: quod verbum recte damnat Gronovius. Districtis enim est impeditis, occupatis varietate rerum. Scripti habent quod dedimus: sed et fidem destitui jussit. Ultima vox, jussit, necessaria non est, quum reperiatur in membro præcedenti. Legamus ergo cum eodem Gronovio: dstrictis gladiis discinctos destitui. Stare eos Marcellus jussit per aliquantum temporis, discinctos, cum nudatis et evaginatis gladiis: quod erat pænæ militaris genus, memoratum Suetonio quoque in Augusti vita, c. 24.

[⁷⁶ Omnes pedites equitesque armati] Lege ex scriptis, omnes, equites, pedites, armati.

U. C. 543.
A. C. 209.

Tertium
proelium.

Elephanti
aciem Rom.
turbant.

Fugantur.

que sunt, quibus excitarentur animi militum, in aciem procedunt.

XIV. Quod ubi Hannibali nunciatum est: *Cum eo nimirum, inquit, hoste res est, qui nec bonam, nec malam ferre fortunam potest. Seu vicit, ferociter instat victis: seu victus est, instaurat cum victoribus certamen.* Signa inde canere jussit, copias educit. Pugnatum utrimque aliquanto, quam pridie, acrius est: Poenis ad ⁷⁷ obtinendum hesternum decus adnitentibus, Romanis ad demendam ignominiam. ⁷⁸ Sinistra ala ab Romanis et cohortes, quæ amiserant signa, in prima acie pugnabant, et legio vicesima ab dextro cornu instructa. L. Cornelius Lentulus et C. Claudius Nero legati cornibus præerant, Marcellus mediam aciem, hortator testisque præsens, firmabat. Ab Hannibale Hispani primam obtinebant frontem, et id roboris in omni exercitu erat. Quum anceps diu pugna esset, Hannibal elephantos in primam aciem induci jussit: si quem injicere ea res tumultum ac pavorem posset. Et primo turbarunt signa ordinesque, et partim occulcatis, partim dissipatis terrore, qui circa erant, nudaverant una parte aciem. latiusque fuga manasset, ni C. Decimius Flavus tribunus militum, ⁷⁹ signo adrepto primi hastati, manipulum ejus signi se sequi jussisset. duxit, ubi maxime tumultum conglobatæ belluæ faciebant, pilaque in eas conjici jussit. Hæsere omnia tela haud difficili ex propinquo in tanta corpora ictu, ⁸⁰ et tam conferta turba: sed ut non omnes vulnerati sunt; ita, in quorum tergis infixæ steterunt pila, (⁸¹ ut est genus anceps) in fugam versi etiam integros avertere. Tum jam non unus manipulus, sed pro se quisque miles, qui modo adsequi agmen fugientium elephantorum poterat, pila conjicere. eo magis ruere in suos belluæ; tantoque majorem stragem edere, quam inter hostes ediderant, ⁸² quanto acrius pavor consternatam agit, quam insidentis magistri imperio regitur. In perturbatam transcursu belluarum aciem signa inferunt Romani pedites:

⁷⁷ * *Obtinendum*] Retinendum, conservandum.

⁷⁸ *Sinistra ala et legio vicesima*] Pronunciaverat Marcellus se in primam aciem inducturum eos, a quibus pridie fuga orta esset: in præcedenti autem pugna fuga oritur a dextra ala, ac deinde duodevicesima legione. Itaque mirum videri debet, quod hic sinistra ala et vicesima legio in prima acie pugnent.

⁷⁹ *Signo primi Hastati*] Signo primi manipuli Hastatorum.

⁸⁰ *Et tam conferta turba*] Parvum est: sed credimus scripsisse Livium, ut in Put. libro est, *et tum conferta*

turba. Ipsa elephantorum corpora ob molem patent ictibus: sed *tum* eo magis quod conferta erat turba.

⁸¹ *Ut est genus anceps*] Ut bellua illa ejusmodi est, quæ tam in suos quam in hostes ruat.

⁸² *Quanto acrius pavor consternatam agit*] Intellige belluam illam, illam belluæ indolem et naturam. Hoc ideo notamus, non quod aliquid obscurum sit, sed quia præcessit vox *belluæ* numero plurali: unde offendere posse videretur subsequens nomen singulare *consternatam*. De re magis quam de verbis laborat Livius.

et haud magno certamine dissipatos trepidantesque aver-
tunt. Tum in fugientes equitatum inmittit Marcellus, nec
ante finis sequendi est factus, quam in castra paventes
compulsi sunt. Nam super alia, quæ terrorem trepidatio-
nemque facerent, elephantique duo in ipsa porta con-
ruerant, coactique erant milites per fossam vallumque ruere
in castra. ibi maxima hostium cædes facta: cæsa ad octo
millia hominum, quinque elephantique. Nec Romanis incruen-
ta victoria fuit. mille ferme et septingenti de duabus legio-
nibus, et sociorum supra mille et trecentos occisi: vulnera-
ti permulti civium sociorumque. Hannibal nocte proxima
castra movit. Cupientem insequi Marcellum prohibuit
multitudo sauciorum.

U. C. 543.

A. C. 209.

Vincit Mar-
cellus.

Retrocedit

Hannibal.

XV. Speculatores, qui prosequerentur agmen, missi, pos-
tero die retulerunt, Bruttios Hannibalem petere. Iisdem
fere diebus et ad Q. Fulvium consulem Hirpini, et Lucani,
et Volcentes^m, traditis præsiidiis Hannibalis, quæ in urbibus
habebant, dediderunt sese, clementerque a consule, cum ver-
borum tantum castigatione ob errorem præteritum, accepti.
Et Bruttiis similis spes veniæ facta est: quum ab iis Vibius
et Pactius fratres, longe nobilissimi gentis ejus, eandem,
quæ data Lucanis erat, conditionem deditionis petentes ve-
nissent. Q. Fabius consul oppidum in Sallentinisⁿ Mandu-
riam vi cepit. ibi ad quatuor millia hominum capta, et cete-
ræ prædæ aliquantum. Inde Tarentum profectus, in ipsis
faucibus portus posuit castra. naves, quas Livius tutandis
commeatibus habuerat, partim machinationibus onerat ad-
paratuque mœnium obpugnandorum, partim tormentis et
saxis omnique missilium telorum genere instruit, onerarias
quoque, non eas solum, quæ remis agerentur; ut alii machi-
nas scalasque ad muros ferrent, alii procul ex navibus vul-
nerarent mœnium propugnatores. Eæ naves, ab aperto
mari ut urbem adgrederentur, instructæ paratæque sunt.
Et erat liberum mare, classe Punica, quum Philippus ob-
pugnare Ætolos pararet, Corcyram transmissa. In Bruttiis
interim Caulonis obpugnatores, sub adventum Hannibalis,
ne obprimerentur, in tumultum, a præsentī inpetu tutum^o,
se recepere. Fabium, Tarentum obsidentem, leve dictu mo-
mentum ad rem ingentem potiundam adjuvit. ⁸³ Præsidium
Bruttiorum datum ab Hannibale Tarentini habebant. ejus
præsidii præfectus deperibat amore mulierculæ, cujus frater

Deseritur
ab Hirpinis,
aliisque.Fabius Ta-
rentum ob-
pugnat.

^m Volcentes Gron. Crev.
pam se recepere Gron. Crev.

ⁿ Sallentinis Gron.

^o tutum ad cetera ino-

⁸³ Præsidium Bruttiorum] Id est, cohortem Bruttiorum, quæ in partem veniret tuendæ urbis. Ita sese explicat ipse Livius, quum in tota narra-

tione, tum versus hujus c. finem, his verbis: eam partem muri, qua Bruttiorum cohortem præsidium agitare proditiōis consiliator nunciaverat.

U. C. 543.
A. C. 209.
Tarentum
proditione
captum.

in exercitu Fabii consulis erat. Is, certior literis serena factus de nova consuetudine advenæ, locupletis atque inter populares tam honorati, spem nactus per sororem quolibet inpelli amantem posse, quid speraret, ad consulem detulit. quæ quum haud vana cogitatio visa esset, pro perfuga iussus Tarentum transire, ac per sororem præfecto conciliatus, primo occulte animum ejus tentando, dein, satis explorata levitate, blanditiis muliebribus perpulit eum ad preditionem custodiæ loci, cui præpositus erat. Ubi et ratio agendæ rei, et tempus convenit, miles, nocte per intervalla stationum clamor ex urbe emissus, ea, quæ acta erant, ⁸⁴ quæque ut agerentur, convenerat, ad consulem refert. Fabius vigilia prima, dato signo iis, qui in arce erant, quique custodiam portus habebant, ipse circuito portu ab regione urbis in orientem versa occultus consedit. Canere inde tubæ simul ab arce, simul a portu et ab navibus, quæ ab aperto mari adpulsæ erant; clamorque undique cum ingenti tumultu, unde minimum periculi erat, de industria ortus. Consul interim silentio continebat suos. Igitur Democrates, qui præfectus antea classis fuerat, forte illo loco præpositus, postquam quieta omnia circa se vidit, alias partes eo tumultu personare, ut captæ urbis interdum excitaretur clamor, veritus ne inter cunctationem suam consul aliquam vim faceret, signaque inferret, ⁸⁵ præsidium ad arcem, unde maxime terribilis accidebat sonus, traducit. ⁸⁶ Fabius, quum et ^P ex temporis spatio et ex silentio ipso (quod ubi paullo ante strepebant excitantes vocantesque ad arma, inde nulla accidebat vox) deductas custodias sensisset; ferri scalas ad eam partem muri, qua Bruttiorum cohortem præsidium agitare prodictionis conciliator nanciaverat, jubet. Ea primum est captus murus, adjuvantibus recipientibusque Bruttiis: et transcendens in urbem est. inde et proxima refracta porta, ut frequenti agmine signa inferrentur. Tum, clamore sublato, sub ortum ferme lucis, nullo obvio armato, in forum perveniunt: omnesque undique, qui ad arcem portumque pugnabant, in se converterunt.

Pugna in
foro.

XVI. Proelium in aditu fori majore impetu, quam perseverantia, commissum est. non animo, non armis, non arte belli, non vigore aut viribus corporis, par Romano Tarentinus erat. Igitur, pilis tantum conjectis, prius pene, quam consererent manus, terga dederunt, dilapsique per nota urbis

P et del. Gron.

⁸⁴ *Quæque ut agerentur convenerant*] Quæque agenda convenerant: ut paulo ante, *ubi et ratio agendæ rei et tempus convenit*. Gronovius edidit *convenerat*, obsecutus, ut ait, Gallicis codicibus. At tres e nostris, ut et olim editi, *convenerant*.

⁸⁵ *Præsidium*] Eam militum manum, cum qua locum sibi attributum tuebatur.

⁸⁶ *Fabius quum et ex temporis spatio, et ex silentio*] Prius et neglectum a recentioribus editoribus, ex scriptorum codd. auctoritate revocavimus.

itinera in suis amicorumque domos. Duo ex ducibus Nicq U. C. 543.
et Democrates fortiter pugnantes cecidere. ⁸⁷ Philemenus⁹, A. C. 209.
qui prodicionis ad Hannibalem auctor fuerat, quum citato
equo ex proelio auctus esset; vagus paullo post equus er-
rans per urbem cognitus; corpus nusquam inventum est.
creditum vulgo est, in puteum apertum ex equo præcipi-
tasse. Karthalonem autem, præfectum præsidii Punici,
⁸⁸ cum commemoratione paterni hospitii, positis armis, ve-
nientem ad consulem, miles obviis obtruncat. ⁸⁹ Alii alios Multi pas-
passim sine discrimine armatos, inermes, cædunt, Kartha- sim occisi.
ginienses Tarentinosque pariter. ⁹⁰ Bruttii quoque multi
interfecti, seu per errorem, seu vetere in eos insito odio, seu
ad prodicionis famam (ut vi potius atque armis captum Ta-
rentum videretur) extinguendam. Tum ab cæde ad diri-
piendam urbem discursum. millia triginta servilium capitum
dicantur capti: argenti vis ingens facti signatique: ⁹¹ auri
octoginta tria^r millia pondo: signa tabulæque, prope ut
Syracusarum ornamenta sequaverint. Sed majore animo
generis ejus præda abstinuit Fabius, quam Marcellus; qui
interroganti scribæ, ⁹² quid fieri signis vellet, (ingentis mag-
nitudinis Dii sunt, ⁹³ suo quisque habitu in modum pugnan-
tium formati) *Deos iratos Tarentinis relinqui* jussit. Murus
inde, qui urbem ab arce dirimebat, dirutus est ac disiectus.
Dum hæc Tarenti aguntur, Hannibal iis, qui Cauloniam obsi-

⁹ *Philemenus* Gron. Crev.

^r *add. passim* Gron.

^s *septem* Gron. Crev.

⁸⁷ *Philemenus*] Hic Tarenti prodi-
tor *Philemenus* vocatur supra, l. XXV.
capp. 8. et 9. Scripti fere *Philemenes*:
Polybius, Φιλέμης.

⁸⁸ *Cum commemoratione paterni*
hospiti venientem ad consulem] Quum veniret ad consulem, comme-
morans sibi paternum esse cum eo
hospitium. Intelligendus est autem
Carthalo id commemorasse, non apud
consulem, quem antequam adiret, oc-
census est; sed apud eos quos circa se
habebat.

⁸⁹ *Alii alios passim . . cædunt*] Si
nihil hic mendosum est, *alii alios* non,
ut vulgo, exponetur, hi quidem hos
cædunt, illi vero alios; sed, reliqua
multitudo militum Romanorum cæ-
dunt passim alios quoslibet hostes. At
potius suspicaremur vacare vocem
alii, quæ obtrudi potuit ab aliquo
emendatore, ne scilicet verbum *cæ-*
dunt suo careret nomine, quum opti-
me suppleri possit ex sensu *Romani*
militæ.

⁹⁰ *Bruttii quoque multi interfecti*] Sigonius adjecerat *passim*: quam vo-
cem, ut ex tertio ante hunc versu

male repetitam, eiecimus, auctoribus
tribus scriptis.

⁹¹ *Auri octoginta septem millia pon-*
do] Ponderis nostratis 136937. seli-
bræ, seu marcæ, cum uncis 4.

⁹² *Quid fieri signis vellet, ingentis*
magnitudinis dii sunt] An omnia Ta-
rentina signa ingentis magnitudinis
erant, nec quemquam deorum exhibebant, nisi in modum pugnantis for-
matum? Jam vero Plutarchus, qui in
tota hac narratione Livium intuitus
est, inque multis vertit, longe elegan-
tius rem narrat. Facit enim scribam
interrogantem, non quid de *signis*,
sed quid de *diis* Tarentinorum fieri
vellet Fabius. Unde optime quadrat
Fabii responsum jubentis *deos iratos*
Tarentinis relinqui. Omnino videtur
esse aliquid in hisce Livii verbis de-
pravatum aut omissum, quod tamen
haud facile quis corrigat, suppleatve.

⁹³ *Suo quisque habitu in modum*
pugnantium formati] Ita formati in
pugnantium modum, ut tamen suum
quisque habitum peculiarem et pro-
pria insignia retineret.

U. C. 543.
A. C. 209.
Adcurrit
Hannibal,
serum post
urbem cap-
tam auxi-
lium.

debant, in deditionem acceptis, audita obpugnatione Tarenti, dies noctesque cursim agmine acto, quum, festinans ad opem ferendam, captam urbem audisset; *Et Romani, inquit, suam Hannibalem habent. eadem, qua ceperamus, arte Tarentum amisimus.* Ne tamen fugientis modo convertisse agmen videretur, ⁹⁴quo constituerat loco, quinque millia ferme ab urbe posuit castra. ibi paucos moratus dies, Metapontum sese recepit. inde duos Metapontinos cum literis principum ejus civitatis ad Fabium Tarentum mittit, fidem ab consule accepturos, impunita iis priora fore, si Metapontum ei cum præsidio Punico prodidissent. Fabius, vera, quæ adferrent, esse ratus, diem, qua accessurus esset Metapontum, constituit: literasque ad principes dedit, quæ ad Hannibalem delatæ sunt. Enimvero lætus successu fraudis, si ne Fabius quidem dolo invictus fuisset, haud procul Metaponto insidias ponit. Fabio auspicanti prius, quam egrederetur ab Tarento, aves semel atque iterum non addixerunt. hostia quoque cæsa consulenti Deos aruspex, cavendum a fraude hostili et ab insidiis, prædixit. Metapontini, postquam ad constitutam non venerat diem, remissi, ut cunctantem hortarentur, repente comprehensi, metu gravioris quæstionis, detegunt insidias.

Hispaniæ
res, Roma-
nis secun-
dæ.

XVII. Æstatis ejus principio, qua hæc agebantur, P. Scipio in Hispania quum hiemem totam reconciliandis barbarorum animis, partim donis, partim remissione obsidum captivorumque, absumsisset; Edesco ad eum, clarus inter duces Hispanos, venit. Erant conjux liberique ejus apud Romanos. sed præter eam causam etiam velut fortuita inclinatio animorum, quæ Hispaniam omnem averterat ad Romanum a Punico imperio, traxit eum. Eadem causa Indibili Mandonioque fuit, haud dubie omnis Hispaniæ principibus, cum omni popularium manu, relicto Hasdrubale, secedendi in imminentes castris ejus tumulos, unde per continentia jugatutus receptus ad Romanos esset. Hasdrubal, quum hostium res ⁹⁵tantis^t augescere incrementis cerneret, suas inminui, ac fore, ut, nisi audendo aliquid moveret, qua cœpissent, fluerent, dimicare quam primum statuit. Scipio avidior etiam certaminis erat, quum a spe, quam successus rerum augebat; tum quod prius, quam jungerentur hostium exercitus, cum uno dimicare duce exercituque, quam simul cum universis, malebat. Ceterum, etiam, si cum pluribus pariter dimicandum foret, arte quadam copias auxerat. nam quum videret, nullum esse navium usum, quia vacua omnis Hispaniæ ora

^t *tacitis* Gron.

⁹⁴ Quo constituerat loco] Quo loco constituerat agmen, sive stare jusserrat. Si quis malit *constiterat*, non magnopere repugnabimus, et habebit faventes duos e scriptis nostris.

⁹⁵ *Tantis augescere incrementis*] Vulgo *tacitis*: parum commodo sensu. Moniti a Gronovio reposuimus *tantis*, quæ lectio est vett. editorum et optimorum MSS.

classibus Puniis erat, subductis navibus Tarracone, navales U. C. 543. socios terrestribus copiis addidit. et armorum adfatim erat A. C. 209. captorum Karthagine, et quæ post captam eam fecerat, tanto opificum numero incluso. Cum iis copiis Scipio, veris principio ab Tarracone egressus, (jam enim et Lælius redierat ab Roma, sine quo nihil majoris rei motum volebat) ducere ad hostem pergit. Per omnia pacata eunti, ut cujusque populi fines transiret, prosèquentibus excipientibusque sociis, Indibilis et Mandonius cum suis copiis occurrerunt. Indibilis pro utroque locutus, haudquaquam ut barbarus, stolide incauteque, sed potius cum verecunda gravitate: propiorque excusanti transitionem ut necessariam, quam glorianti eam⁹⁶ velut primam⁹⁷ occasionem raptam⁹⁸. *Scire enim se, transfugæ nomen execrabile veteribus sociis, novis suspectum esse. neque eum se reprehendere morem hominum, si tamen anceps odium causa, non nomen, faciat.* ⁹⁷ Merita inde sua in duces Karthaginienses commemoravit, avaritiam contra eorum, superbiamque, et omnis generis injurias in se atque populares. *Itaque corpus dumtaxat suum ad id tempus, apud eos fuisse: animum jam pridem ibi esse, ubi⁹⁹ jus ac fas crederent coli. ad Deos quoque confugere supplices, qui nequeant hominum vim atque injurias pati. Se id Scipionem orare, ut transitio sibi nec fraudi apud eum, nec honori sit. quales ex hac die experiundo cognovit, perinde operæ eorum pretium faceret.* Ita prorsus respondet facturum Romanus: nec pro transfugis habiturum, qui non duxerint societatem ratam, ubi nec divini quidquam, nec humani sanctum esset. Productæ deinde in conspectum iis conjuges liberique lacrimantibus gaudio redduntur, atque eo die in hospitium abducti. Postero die fœdere accepta fides; dimissique ad copias adducendas. ⁹⁹ Iisdem deinde castris¹ tendebant, donec ducibus iis ad hostem perventum est.

Indibilis et Mandonius ad Rom. deficiunt.

XVIII. Proximus Karthaginiensium exercitus Hasdrubalis prope urbem Bæculam erat. pro castris equitum stationes habebat. In eas velites¹ antesignanisque, et qui primi agminis erant,

Ad Hasdrubalem contendit Scipio.

¹ ea Gron. Crev. ² ad primam Eæd. ³ recepta Eæd. ⁴ in castris Gron.

⁹⁶ Si tamen anceps odium] Si tamen geminum illud odium tum a veteribus sociis, tum a novis, causa uniuscujusque inspecta, non nomen ipsum transfugæ faciat.

⁹⁷ Merita inde sua in . . . Carthaginenses . . . avaritiam contra eorum] His dat lucem Polybius, l. IX. in Excerpt. de Virt. et Vitiis. Post victos hostes, inquit, (id est, post cladem Scipionum) Asdrubal Gisgonis filius eo amentis processit, ut ab uno e sociis tota Hispania fidelissimo Indibile, qui Carthaginiensium causa olim regno

ejectus, et ob fidem in eos ac benevolentiam nuper in regnum restitutus fuerat, pecunias flagitare non dubitaverit. Quod quum ille facere neglexisset . . . Asdrubal conficta adversus eum calumnia, filias suas obsides dare ipsum coëgit.

⁹⁸ Jus ac fas] Vid. not. 38. ad l. 32.

⁹⁹ Iisdem deinde castris tendebant] Resecuimus voculam is, quæ abest a scriptis omnibus.

¹ Antesignani] Vid. not. 17. ad l. II. c. 20.

U. C. 543. ~~advenientes ex itinere, priusquam castris locum caperent, adeo~~
 A. C. 209. ~~contemtum inpetum fecerunt, ut facile adpareret, quid utrique~~
~~parti animorum esset. In castra trepida fuga compulsi equites~~
~~sunt: signaque Romana portis prope ipais inlata. Atque illo~~
~~quidem die, irritatis tantum ad certamen animis, castra Ro-~~
~~mani posuerunt. Nocte Hasdrubal in tumultu copias reci-~~
~~pit, plano campo in summo patentem: ²fluvius ab tergo;~~
~~ante circaque velut ripa praeceps omnem ejus omnem cingebat.~~
~~Suberat et altera inferior ³submissa fastigio planities, eam quo-~~
~~que altera crepida haud facilius in adscensum ambibat. In~~
~~hunc inferiorem campum postero die Hasdrubal, postquam~~
~~stantem pro castris hostium aciem vidit, equites Numidas,~~
~~leviumque armorum Balianes, et Afros demisit. Scipio, cir-~~
~~cumvectus, ordines signaque, ostendebat, hostem, praedamnata~~
~~spe aequo dimicandi campo, captantem tumulos, loci fiducia, non~~
~~virtutis armorumque, stare in conspectu. sed altiora membra ha-~~
~~buisse Karthaginem, quae transcendisset miles Romanus. Nec~~
~~tumulos, nec arcem, ⁴ne mare quidem armis obstituisse suis. ⁵ad~~
~~id fore altitudines, quas cepissent hostes, ut per praecipitia et prae-~~
~~rupta salientes fugerent. eam quoque se illis fugam clausurum.~~
~~Cohortesque duas, alteram tenere fauces vallis, per quam de-~~
~~ferretur omnia, jubet; alteram, viam insidare, quae ab urbe~~
~~per tumuli obliqua in agros ferret. ipse expeditos, qui pridie~~
~~stationes hostium pepulerant, ad levem armaturam, infimo~~
~~stantem supercilio, ducit. Per aspera primo, nihil aliud~~
~~quam via impediti, iere. deinde, ut sub ictum venerunt, te-~~
~~lorum primo omnis generis via ingens effusa est in eos: ipsi~~
~~contra, saxa, quae locus strata passim, ⁶omnia ferme missilia,~~
~~praebet, ingerere, non milites solum, sed etiam turba calorum~~
~~inmixta armatis. Ceterum, quamquam adscensus difficilis~~
~~erat, et prope obruebantur telis saxisque, adsuetudine tamen~~
~~succedendi muros, et pertinacia animi, subierunt primi. Qui,~~
~~simul cepere aliquid aequi loci, ubi firmo consisterent gradu,~~
~~levem et concussatorem hostem, atque intervallo tutum,~~
~~quam procul missilibus pugna eluditur, instabilem eundem~~
~~ad cominus conserendas manus, expulerunt loco, et cum~~
~~caede magna in aciem altiori superstantem tumulo inpegere.~~
~~Inde Scipio, jussis adversus mediam evadere aciem victori-~~

Milites hor-
tatur.

Adgreditur
hostem.

². nec Gron.

² *Fluvius ab tergo*] Fluvius erat ab tergo castrorum et tumuli: in fronte ac lateribus velut quaedam ripa praeceps omnem campum illius, qui in summo tumulo erat, cingebat.

³ *Submissa fastigio*] In proclive incurvata. Vid. not. 20. ad l. I. c. 33. et ad l. XLV. c. 5.

⁴ *Ne mare quidem*] Sic habet. Put. codex, et postulat Latini sermonis

consuetudo. Male legebatur *nec mare*.

⁵ *Ad id fore altitudines*] Nihil aliud profuturas hostibus altitudines quas cepissent, nisi ut fuga illis impeditur fieret, per praecipitia et praerupta salientibus.

⁶ *Omnia ferme missilia*] Quae quidem saxa omnia ferme erant ejusmodi, ut manu capi et mitti possent.

bus, ceteras copias cum Laelio dividit; atque eum parte dex- U. C. 543. A. C. 209.
tra tumuli circumire, donec mollioris adscensus viam inve-
niret, jubet. ipse ab laeva, circuitu haud magno, in trans-
versos hostes incurrit. Inde primo turbata acies est, dum
ad circumsonantem undique clamorem flectere cornua et
obvertere ordines volunt. Hoc tumultu et Laelius subiit;
et, dum pedem referunt, ne ab tergo vulnerarentur, ⁷ laxata
prima acies, locusque ad exadendum et mediis datus est;
qui per tam iniquum locum, stantibus integris ordinibus,
elephantisque ante signa locatis, numquam evasissent.
Quum ab omni parte ⁸ caedes fieret, Scipio, qui laevo cornu
in dextrum incucurrerat, maxime in nuda hostium latera
pugnabat. Et jam ne fugae quidem patebat locus. nam et
stationes utrimque Romanae dextra laevaue insederant vias:
et portam castrorum ducis principumque fuga clauserat;
addita trepidatione elephantorum, quos territos aequae atque
hostes timebant. Cæsa igitur ad octo millia hominum.

XIX. ⁹ Hasdrubal jam ante, quam dimicaret, pecunia
rapta, elephantisque præmissis, quam plurimos peteret, de
fuga excipiens, præter Tagum flumen ad Pyrenæum ten-
dit. Scipio, castris hostium petitus, quum præter libera
capita omnem prædam militibus concessisset, in recensendo Præda et captivi.
captivis decem millia peditum, duo millia equitum inve-
nit. ex iis Hispanos sine pretio omnes domum dimisit:
Afros vendere quæstorem jussit. Circumfusa inde multitudo
Hispanorum, et ante deditorum, et pridie captorum,
regem eum ingenti consensu adpellavit. Tum Scipio, si Scipio vetat se regem adpellari.
lento per præconem facto, sibi maximum ¹⁰ nomen im-
peratoris esse, dixit, quo se milites sui adpellassent. regium
nomen alibi magnum, Romæ intolerabile esse. ¹¹ Regalem

⁸ *fierent* Gron.

⁷ *Laxata prima acies*] Laxata est
prima acies Pœnorum, locusque datus
est ad subeundum in altiorum tumu-
lum mediæ quoque Romanorum aciei:
quæ nunquam subisset, si stetissent
integri hostium ordines, elephantique
ante signa locati mansissent.

⁸ *Caedes fieret*] Hanc lectionem fir-
mant duo Hearnii codices, quatuor
nostri, Sigonius, Andreas, Campanus.
Nec erat causa, cur recentioribus edi-
toribus placeret magis *fierent*.

⁹ *Asdrubal jam antequam*] Asdru-
bal, pecunia rapta jam antequam di-
micaret; elephantisque præmissis,
postquam fugæ initium fieri vidit.
Non enim elephantos dimisit ante
pugnam, ut patet ex iis quæ modo a
Livio narrata sunt.

¹⁰ *Nomen Imperatoris quo se
milites sui adpellassent*] Hic nomen

Imperatoris accipiendum est, non vul-
gari sensu pro duce tantum exercitus,
sed pro eo duce, qui hostibus magno
prælio fuis a militibus *Imperator* sa-
lutatus est: *prisco erga duces honore*,
inquit Tac. l. III. Ann. c. 74. *qui bene
gesta republica gaudio et impetu victo-
ris exercitus conclamabantur*. Addit
Appianus, l. II. Civil. hujus acclama-
tionis sensum ac mentem fuisse, ut
milites dignum sibi imperatorem con-
tigisse testarentur: idemque docet il-
lam appellationem ei demum jure con-
cedi, qui decem millia hostium occi-
derit. Sed Appiani ævo et diu ante
nemini jam id honoris deferebatur, ni-
si Principi, ut colligitur ex Tac. ibid.

¹¹ *Regalem animum in se esse
tacite judicarent*] Permittit Hispanis
Scipio, velintne tacite judicare rega-
lem in se animum esse; non id ipse de

U. C. 543. *animum in se esse, si id in hominis ingenio amplissimum ducerent, tacite judicarent; ¹² vocis usurpatione abstinere.* Senses etiam barbari magnitudinem animi; cuius miraculo nominis alii mortales stupeant, id ¹³ ex tam alto fastigio adspersantis. Dona inde regalis principibusque Hispanorum divisa, et ex magna copia captorum equorum trecentos, quos vellet, eligere Indibilem jussit. Quum Afros venderet jussu imperatoris quaestor, puerum aduatum inter eos forma insigni, quum audisset regii generis esse, ad Scipionem misit. quem quum percunctaretur Scipio, *quis, et cujas, et cur id ætatis in castris fuisset?* Numidam esse, ait, Massivam populares vocare. ¹⁴ *orbum a patre relictum^b, apud maternum avum Galam, regem Numidarum, ¹⁵ eductum^c, cum avunculo Masinissa, qui nuper cum equitatu subsidio Karthaginensibus venisset, in Hispaniam trajecisse. Prohibitum propter ætatem a Masinissa, numquam ante praelium iniisse. Eo die, quo pugnatum cum Romanis esset, inscio avunculo, clam armis equoque sumto, in aciem exisse: ibi, prolapso equo effusum in præceps, captum ab Romanis esse.* Scipio, quum adservari Numidam jussisset, quæ pro tribunali agenda erant, peragit. inde, quum se in prætorium recepisset, vocatum eum interrogat, *velletne ad Masinissam reverti?* Quum, effusis gaudio lacrimis, *cupere vero*, diceret; tum puero annulum aureum, ¹⁶ tunicam lato clavo, cum Hispano sagulo et aurea fibula, equumque ornatum donat, jussisque prosequi, quoad vellet, equitibus dimisit.

Massiva
Numida.

Remittitur
a Scipione
ad avuncu-
lum Masi-
nissam.

XX. De bello inde consilium habitum. et, auctoribus quibusdam, ut ¹⁷ confestim Hasdrubalem consequeretur^d, anceps id ratus, ne ¹⁸ Mago atque Hasdrubal cum eo jungerent copias, præsidio tantum ad insidendum Pyrenæum misso, ipse reliquum ætatis recipiendis in fidem Hispaniæ populis absumsit. Paucis post praelium factum ad Bæculam diebus, quum Sci-

^b *relictum* L. *factum* Gron.
Gron. Crev.

^c *educatum* Ead.

^d *persequeretur*

se affirmat, quod esset arrogantia. Ceterum Put. et Victor. codices pro *in se esse* habent *inesse*. Sed clarior est vulgata lectio.

¹² *Vocis usurpatione abstinere*] Nomen ipsum regis sibi deferre, se nomine regis compellare ne vellent.

¹³ *Ex tam alto fastigio*] Quasi ex alto despicientis hujus nominis magnitudinem, velut infra se positam. Hic quoque Put. et Victor. libri differunt a vulgatis, habentque *ex tam magno*.

¹⁴ *Orbum a patre relictum*] Omnes scripti fere et editi in hanc scripturam consentiunt. Itaque haud possumus divinare, undenam pro *relictum* huc se invexerit *et factum*, quod in Gro-

novianis editionibus comparet.

¹⁵ *Eductum*] Hoc admisimus ex compluribus MSS. sive Gronovianis, sive nostris. Editi vulgo *educatum*. Sed Livius supra l. XXI. c. 43. *An me, in prætorio patris . . . eductum*. Et Terentius Andr. Act. I. Sc. 5. *bene et pudice ejus doctum atque eductum . . . ingenium*. Et alibi sæpius.

¹⁶ *Tunicam lato clavo*] Vid. not. 20. ad l. IX. c. 7.

¹⁷ *Confestim Asdrubalem persequeretur*] Scripti, *consequeretur*. Sed parum interest.

¹⁸ *Mago atque Asdrubal*] Lege ex aliquot MSS. *atque alter Asdrubal*.

pio, rediens jam Tarraconem, saltu Castulonensi excessisset, U. C. 543.
 Hasdrubal Gisgonis filius et Mago imperatores ex ulteriore A. C. 209.
 Hispania ad Hasdrubalem venire, serum post male gestam Hasdrubali
 rem auxilium; consilio in cetera exsequenda belli haud parum H. F. se
 opportuni. Ibi conferentibus, quid in cujusque provinciae conjungunt
 regione animorum Hispanis esset, unus Hasdrubal Gisgonis, Hasdrubal
 ultimam Hispaniae oram, quae ad Oceanum et Gades vergit, G. F. et
 ignaram adhuc Romanorum esse, eoque Karthaginiensibus Mago.
 satis fidam, censebat. Inter Hasdrubalem alterum et Mago- Pænorum
 nem constabat, *beneficiis Scipionis occupatos omnium animos consilia.*
publice privatimque esse: nec transitionibus finem ante fore,
quam omnes Hispani milites aut in ultima Hispaniae amoti,
aut traducti in Galliam forent. Itaque, etiamsi senatus Kar-
thaginiensium non censuisset, eundum tamen Hasdrubali fuisse
in Italiam, ubi belli caput rerumque summa esset; simul, ut
Hispanos omnes procul ab nomine Scipionis ex Hispania ab-
duceret. exercitum ejus, cum transitionibus, tum adverso prælio
*inminutum,*¹⁹ *Hispanis repleri militibus. Et Magonem, Has-*
drubali, Gisgonis filio tradito exercitu, ipsum cum grandi pe-
cunia ad conducenda mercede auxilia in Baliares trajicere.
Hasdrubalem Gisgonis cum exercitu penitus in Lusitaniam
abire, nec cum Romanis manus conscrere. Masinissæ ex
omni equitatu, quod roboris esset, tria millia equitum expleri;
*eumque vagum per*²⁰ *citeriorem Hispaniam sociis opem ferre,*
hostium oppida atque agros populari. his decretis, ad exse-
quenda, quæ statuerant, duces digressi. Hæc eo anno in
Hispania acta. Romæ fama Scipionis in dies crescere. Fabio
Tarentum captum astu magis, quam virtute, gloriæ tamen
esse. Fulvii senescere fama. Marcellus etiam adverso ru-
more esse, super quam quod primo male pugnaverat, quia,
vagante per Italiam Hannibale, media æstate Venusiam in
tecta milites abduxisset. Inimicus erat ei C. Publicius Bi-
bulus tribunus plebis. Is jam a prima pugna, quæ adversa
fuerat, adsiduis concionibus infamem invisumque plebei Clau-
dium fecerat, et jam de imperio abrogando ejus agebat:
quum tamen necessarii Claudii obtinuerunt, ut, relicto Venu-
*siae legato, Marcellus Romam rediret*²¹ *ad purganda ea, quæ*
inimici decernerent: nec de imperio ejus abrogando, absente

19 *Hispanis repleri militibus*] Sup-
 ple *oportere*: quæ vox latet quodam-
 modo inclusa in *et eundum*, quod in
 præcedenti membro reperitur. Idem
 dictum puta de aliis omnibus verbis
 infiniti modi, quæ in hac eadem ora-
 tione deinceps occurrunt, in *Baleares*
trajicere . . . in Lusitaniam abire, etc.
 Sic plane l. XXVI. c. 32. *Cum tyran-*
nis bellum gerendum fuisse . . . et ur-
bem recipi, non capi.

20 * *Citeriorem Hispaniam*] Quum
 hic Pœni loquantur, ea quæ dicitur
 hoc loco *citerior* Hispania intelligenda
 videtur quam Romani vocabant *ulta-*
riorem, nempe ab Ibero amne ad Ocea-
 num.

21 *Ad purganda ea quæ inimici de-*
cernerent] Ad purganda crimina, qui-
 bus freti inimici graves et atroces in
 eum sententias dicerent.

U. C. 348. ipso, ageretur. Forte sub idem tempus et Marcellus ad de-
A. C. 308. precandam ignominiam, et Q. Fulvius consul comitiorum
causa Romam venit.

XXI. Actum de imperio Marcelli in circo Flamini est,
Accusatur ingenti concursu plebisque et omnium ordinum. Accusavit-
Marcellus. que tribunus plebis, non Marcellum modo, sed omnem nobi-
litem. *Fraude eorum et cunctatione fieri, ut Hannibal de-
cimam jam annum Italiam provinciam habeat: diutius ibi,
quam Karthagine, vixerit. Habere fructum imperii prerogati
Marcello populum Romanum: bis caesum exercitum ejus vestigia
Venusiae sub testis agere.* Hanc tribuni orationem ita obruit
Absolvitur Marcellus commemoratione rerum suarum, ut non rogatio
et Cos. solum de imperio ejus abrogando antiquaretur, sed postero
creatur. die consulem eam ingenti consensu centuriae omnes crea-
rent. Additur collega T. Quinctius Crispinus, qui tum prae-
tor erat. Postero die praetores creati P. Licinius Crassus
Dives, pontifex maximus, P. Licinius Varus, Sex. Julius
Caesar, Q. Claudius Flamen. Comitiorum ipsorum diebus
sollicita civitas de Etruriae defectione fuit. Principium
ejus rei ab Arretinis fieri, C. Calpurnius scripserat, qui eam
provinciam ²² pro praetore obtinebat. ²³ Itaque confestim
eo missus Marcellus, consul designatus, qui rem inspiceret,
ac, si digna videretur, exercitu adito, bellum ex Apulia in
Etruriam transferret. Eo metu compressi Etrusci quieve-
rant. Tarentinorum legatis pacem petentibus cum liberta-
te ac legibus suis responsum ab senatu est, ut redirent,
quum Fabius consul Romam venisset. Ludi et Romani et
Ediles. plebei eo anno in singulos dies instaurati. Aediles curules
fuere L. Cornelius Caudinus et Ser. Sulpicius Galba: ple-
bei C. Servilius et Q. Caecilius Metellus. ²⁴ Servilium ne-
gabant jure aut tribunum plebis fuisse, aut aedilem esse;
quod patrem ejus, ²⁵ quem triumvirum agrarium occisum
a Boiis circa Matinam esse opinio per decem annos fuerat,
vivere, atque ²⁶ in hostium potestate esse, satis constabat.

^e *propraetor* Gron. Crev.

²² *Propraetor*] Duo scripti, unus Gronovio, alter nobis inspectus, *pro-
praetore*.

²³ *Itaque confestim*] Quatuor nos-
tri codices, ut et Cantabrigiensis a
Jac. Gronovio excussus, habent *Atque
confestim*. Et observat J. Frid. Gro-
novius, supra ad l. XXVI. c. 39. usos
esse veteres particula atque in re sub-
ita. Sic Virgil. Georg. l. I. v. 202. *Si
drachmâ forte venisset, Atque illum in
praesepe prono rapit abscis arane.*

²⁴ *Servilium negabant jure aut
tribunum plebis fuisse, aut aedilem esse*
Quia nempe, ut discimus ex Livio,

XXX. 19. vetabant leges quemquam,
patre qui curuli sella sedisset vivo, aut
tribunum, aut aedilem plebis esse.

²⁵ *Quem triumvirum agrarium*
Vid. l. XXI. c. 25. supra.

²⁶ *In hostium potestate esse*] Captivi
habebantur in servorum numero. Imo
servitutem a captis bello hostibus ini-
tium duxisse inter omnes constat.
Quum igitur Servilius captivus, ac
proinde servus apud hostes esset, nul-
lum magistratum jure capere poterat
hic ejus filius. Neque enim licebat
ejus qui servitutem serviret filium ma-
gistratum populi Romani fieri.

XXII. Undecimo anno Punici belli consulatum inierunt **U. C. 544.**
M. Marcellus quintum (ut numeretur consulatus, quem vi- **A. C. 208.**
 tio creatus non gessit) et **T. Quinctius Crispinus**. ²⁷ **Utris-** **M. Claudio**
 que consulis Italia decreta provincia est, et duo consu- **V.**
 lares: prioris anni exercitus: tertius tunc erat **Venusiae**, cui **T. Quinctio**
M. Marcellus praefuerat. ita ut ex tribus eligerent duo, **Coss.**
 quos vellent; tertius ei traderetur, cui **Tarentum** et **Sul-** **Provincia-**
lentini provincia evenisset. Ceterae provinciae ita divi- **rum divisio.**
 sae praetoribus. **P. Licinio Varo** urbana, **P. Licinio**
Crasso pontifici maximo peregrina, et quo senatus con-
 sisset: **Sex. Iulio Caesari** Sicilia, **Q. Claudio Flamini** Ta-
 rentum. Prorogatum imperium in annum est **Q. Fulvio**
Flacco, ut provinciam **Capuam**, quae **T. Quinctii** praetoris
 fuerat, cum una legione obtineret. prorogatum et **C. Hosti-**
lio Tubulo est, ut pro praetore^k in **Etruriam** ad duas legio-
 nes succederet **C. Calpurnio**: prorogatum et **L. Veturio**
Philoni est, ut pro praetore^k **Galliam** eandem provinciam
 cum iisdem duabus legionibus obtineret, quibus praetor ob-
 tenuisset. Quod in **L. Veturio**, idem in **C. Aurunculeio** de-
 cretum ab senatu, latumque de prorogando imperio ad po-
 pulum est, qui praetor **Sardiniam** provinciam cum duabus
 legionibus obtinuerat. ²⁸ additae ei ad praesidium provinciae
 quinquaginta naves^l, quas **P. Scipio** ex **Hispania** misisset.
²⁹ Et **P. Scipioni**, et **M. Silano** suae **Hispaniae**, suique exer-
 citus in annum decreti. **Scipio** ex octoginta navibus, quas
 aut secum ex Italia adductas aut captas **Karthagine** habe-
 bat, quinquaginta in **Sardiniam** transmitters jussus: quia
 fama erat, magnum navalem adparatum eo anno **Karthagi-**
ne esse; ducentis navibus omnem oram **Italiae**, **Siciliae**que,
 ac **Sardiniae** inpleturos. Et in **Sicilia** ita divisa res est. **Sex.**
Caesari exercitus **Cannensis** est datus. **M. Valerius Laevi-**
nus (ei quoque enim prorogatum imperium est) classem,
 quae ad **Siciliam** erat, navium septuaginta obtineret. Ad-

^f Utrique Consulatum Gron. Crev. ^g Consulatum Eaed. ^h duos Eaed.
ⁱ Divisae praetoribus l. divisae. Praetoribus etc. Crev. ^k proprætor Gron.
 Crev. ^l naves leg. longae naves Eaed.

²⁷ Utrique consulatum . . . duo consu-
 lum prioris anni exercitus] Tres scrip-
 ti, duo consulares. Et magis placet,
 ut tam in propinquo iteretur vox con-
 sulum. Sed et mox Put. codex, elige-
 rent duo quos vellent. Duo pro duos,
 ut saepe: quemadmodum etambo pro
 ambos.

²⁸ Additae ei ad praesidium provin-
 cia quinquaginta longae naves] Omnes
 MSS. additum: omnes omittunt lon-
 ga. Scribe cum Gronovio Additum ei

et praesidium provinciae, quinquaginta
 naves. Hae naves per appositionem
 dicuntur ipsae praesidium, quod illi
 provinciae additum est.

²⁹ Et P. Scipioni] Supra, c. 7. **Sci-**
pioni **Silano**que prorogatum imperium
 dicitur, non in annum, sed donec re-
 vocati ab senatu forent. Quod si ita
 est, nihil opus fuit nunc eis in annum
 suas **Hispanias** suasque exercitus de-
 cerni.



U. C. 544.
A. C. 208.

Legiones
21.

Prodigia.

Vix procu-
rata.

Pestilentia.

deret eo triginta naves, quæ ad Tarentum priore anno fuerant. cum ea centum navium classe, si videretur ei, prædatum in Africam trajiceret. Et P. Sulpicio, ut eadem classe Macedoniam Græciamque provinciam haberet, prorogatum in annum imperium est. De duabus, quæ ad urbem Romanam fuerant, legionibus nihil mutatum. Supplementum, quo opus esset, scriberent consules, permissum. Una et viginti legionibus eo anno defensum imperium Romanum est. Et P. Licinio Varo prætori urbis negotium datum, *ut naves longas triginta veteres reficeret, quæ Ostiæ erant, et viginti novas naves sociis navalibus inpleret: ut quinquaginta navium classe oram maris vicinam urbi Romanæ tueri posset.* C. Calpurnius vetitus ab Arretio movere exercitum, nisi quum successor venisset. ³⁰ Idem et Tubulo imperatum, ut ³¹ inde præcipue caveret, ne qua nova consilia caperentur.

XXIII. Prætores in provincias profecti. Consules religio tenebat, quod, prodigiis aliquot nunciatis, non facile litabant. Et ex Campania nunciata erant, Capuæ duas ædes, Fortunæ et Martis, et sepulchra aliquot de cœlo tacta. Cumis (adeo minimis etiam rebus prava religio inserit Deos) mures in æde Jovis aurum rosisse. Casini examen apium ingens in foro consedissee. Et Ostiæ murum portamque de cœlo tactam. Cære vulturium volasse in ædem Jovis. Volsiniis sanguine lacum manasse. Horum prodigiorum causa diem unum supplicatio fuit. Per dies aliquot hostiæ majores sine litatione cæsæ, diuque non impetrata ³² pax Deûm. In capita consulum, republica incolumi, exitiabilis prodigiorum eventus vertit. Ludi Apollinares, Q. Fulvio, Ap. Claudio consulibus, a P. Cornelio Sulla prætore urbis primum facti erant. inde omnes deinceps prætores urbani fecerant: ³³ sed in unum annum vovebant, dieque incerta faciebant. Eo anno pestilentia gravis incidit in urbem agrosque: quæ tamen magis in longos morbos, quam in perniciales, evasit. Ejus pestilentiae causa et supplicatum per compita tota urbe est, et P. Licinius Varus prætor

³⁰ *Idem et Tubulo imperatum*] Lege cum Jac. Perizonio: *Eidem et Tubulo imperatum, ut . . .* Neque enim Tubulo, qui nondum in provinciam venerat, imperatum esse verisimile est, ut in una urbe custodienda immoraretur, quoad successor venisset, qui nullus designatus erat, imo cujus designandi mentio tunc intempestiva et absurda foret. * Quod si ita est, lege mox caverent.

³¹ * *Inde*] Ab Arretio, quæ urbs tum

Romanis valde suspecta erat.

³² * *Pax deûm*] Vid. not. 59. ad XXIV. 11.

³³ * *Sed in unum annum vovebant*] Quarto ante hunc anno jam senatus decreverat, ut ludi Apollinares in perpetuum voverentur, teste ipso Livio, XXVI. 23. Cur ei senatusconsulto obtemperatum non fuerit, statuere non possumus: nisi forte necessarius erat populi jussus, qui hoc demum anno accedit.

urbis legem ferre ad populum jussus, ut hi ludi in perpetuum in statam diem voverentur. ³⁴ Ipse ^m primus ita vovit, fecitque ante diem tertium Nonas Quinctiles. Is dies deinde sollemnis servatus.

U. C. 544.
A. C. 208.
Ludi Apollinares in perpetuum voti.

XXIV. De Arretinis et fama in dies gravior, et cura crescere Patribus. Itaque C. Hostilio scriptum est, ne differret obsides ab Arretinis accipere: et, cui traderet Romam deducendos, C. Terentius ³⁵ Varro cum imperio missus. qui ut advenit, extemplo Hostilius legionem unam, quæ ante urbem castra habebat, signa in urbem ferre jussit, præsidiaque locis idoneis disposuit, tum in foro citatis senatoribus obsides imperavit. ³⁶ Quum senatus biduum ad considerandum peteret tempus, aut ipsos extemplo dare, aut se postero die senatorum omnes liberos sumtuum, edixit. inde portas ³⁷ custodire jussi tribuni militum, præfectique socium, et centuriones, ne quis nocte urbe exiret. Id segnius negligentiusque factum. septem principes senatus, priusquam custodiæ in portis locarentur, ante noctem cum liberis evaserunt. Postero die luce prima, quum senatus in forum citari coeptus esset, desiderati, bouaque eorum venierunt. a ceteris senatoribus centum viginti obsides, liberi ipsorum, accepti, traditique C. Terentio Romam deducendi. Is omnia suspectiora, quam ante fuerant, in senatu fecit. Itaque, tamquam imminente Etrusco tumultu, ³⁸ legionem alteram ex urbanis Arretium ducere jussus ipse C. Terentius, eamque habere in præsidio urbis. C. Hostilium cum cetero exercitu placet totam provinciam peragrarè, et cavere, ne qua occasio novare cupientibus res daretur. C. Terentius, ut Arretium cum legione venit, claves portarum quum magistratus poposcisset, negantibus iis comparere, fraude amotas magis ratus, quam negligentia intercidisse, ipse alias claves omnibus portis inposuit: cavitque cum cura, ut omnia in potestate sua essent. Hostilium intentius monuit, ut in eo

Arretini obsides dare coacti.

Suspecti Etrusci.

^m Itaque ipse Gron.

³⁴ *Ipse primus ita vovit*] Hactenus edebatur: itaque ipse primus ita vovit: ubi itaque . . . ita, ingrata repetitio. Put. liber. cum nostris omnibus relegant particulam itaque. Ipse hic pro is ipse: qua de re vid. not. 16. ad l. XXVI. c. 40.

³⁵ *Varro cum imperio missus*] Adidit Sigonius et cum, quod quidem exstat in Put.

³⁶ *Quum senatus biduum peteret tempus*] Vacat ultima vox.

³⁷ *Custodire jussi tribuni militum, præfectique socium, et centuriones*] Hanc lectionem hausit ex Put. Gron.

novius: una tantum littera dempta, quæ in optimo codice supererat, ubi legitur jussit. Editi passim et ceteri scripti exhibent, jussit tribunis militum, præfectisque socium, et centurionibus: quam loquendi formam ab illis aureæ Latinitatis scriptoribus usurpatam esse nondum nobis persuasimus.

³⁸ *Legionem alteram ex urbanis*] Una voce auctiores sunt Put. et Victor. codices, et, teste Jac. Gronovio ad l. XXVIII. c. 41. alii complures: legionem unam, nempe alteram ex urbanis.

U. C. 544.
A. C. 208.

De Taren-
tinis in se-
natu actum.

Tum de M.
Livio Ta-
renti præ-
fecto.

Ædes Ho-
noris et Vir-
tutis.

spem, non moturos quidquam Etruscos, poneret, ³⁹ si, ne quid moveri posset, cavisset.

XXV. De Tarentinis inde magna contentione in senatu actum coram Fabio, defendente ipso, quos ceperat armis, aliis infensis, et plerisque æquantibus eos Campanorum noxæ poenæque. Senatusconsultum in sententiam M'. Acilii factum est, ut oppidum præsidio custodiretur: Tarentinique omnes intra moenia continerentur. ⁴⁰ res integra postea referretur, quum tranquillior status Italiae esset. Et de M. Livio, præfecto arcis Tarentinae, haud minore certamine actum est, aliis senatusconsulto notantibus præfectum, quod ejus socordia Tarentum proditum hosti esset; aliis præmia decernentibus, quod per quinquennium arcem tutatus esset, maximeque unius ejus opera receptum Tarentum foret; ⁴¹ mediis ad censores, non ad senatum, notionem de eo pertinere dicentibus. ⁴² cujus sententiæ et Fabius fuit. adjecit tamen, *fateri se, opera Livii Tarentum receptum, ⁴³ quod amici ejus^a vulgo in senatu jactassent; neque enim recipiundum fuisse, nisi amissum foret.* Consulum alter T. Quinctius Crispinus ad exercitum, quem Q. Fulvius Flaccus haberat, cum supplemento in Lucanos est profectus. Marcel- lum aliaæ atque aliaæ objectæ animo religiones tenebant. in quibus, quod, quum ⁴⁴ bello Gallico ad Clastidium ædem Honori et Virtuti vovisset, dedicatio ejus a pontificibus in- pediebatur: quod ⁴⁵ negabant, unam cellam duobus recte dedicari^o: quia, si de coelo tacta, aut prodigii aliquid in ea factum esset, difficilis procuratio foret: quod, utri Deo res divina fieret, sciri non posset. ⁴⁶ neque enim duobus, nisi certis, Deis rite una hostia fieri. ita addita Virtutis ædes ad- properato opere: neque tamen ab ipso ædes eæ dedicatæ sunt. Tum demum ad exercitum, quem priore anno Venu- siæ reliquerat, cum supplemento proficiscitur. Locros in Bruttis Crispinus obpugnare conatus, quia magnam fa-

^a ejus del. Gron.

^o cellam amplius quam uni Deo rite dedicari. Gron. Crev.

³⁹ Si, ne quid moveri posset, cavis-
set]. Parum interest: sed sic habent
Put. et Vict. codices, non, quomodo
edidit Gronovius, posuit.

⁴⁰ * Res integra postea referretur]
Res postea de integro expendenda se-
natus deliberationi subjiceretur.

⁴¹ * Medis] His qui mediam senten-
tiæ viam sequebantur.

⁴² * Cujus sententiæ et Fabius fuit]
Vid. not. 56. ad I. 8.

⁴³ Quod amici ejus] Vox ejus deest
in Gronovianis editionibus. Sed eam
retinent scripti nostri.

⁴⁴ * Bello Gallico ad Clastidium]

Quam pugna equestri cecidit Gallos,
et de Virдумaro occiso spolia optima
cepit.

⁴⁵ Negabant unam cellam amplius
quam uni deo rite dedicari] Omnes
scripti, et Gronoviani et nostri, ut ante
Rhenanum et Sigonium edebatur, unam
cellam duobus recte dedicari.

⁴⁶ Neque enim duobus, nisi certis,
deis] Neque enim duobus deis rite
unam hostiam immolari, nisi certo
constaret utrique eam deberi: ita ut
dubium non relinqueretur, utrum huic,
an illi sacrum fieret.

nam adtulisse Fabio Tarentum rebatur, omne genus tor-
 mentorum machinarumque ex Sicilia arcessierat: et naves
 indidem adcitæ erant, quæ vergentem ad mare partem ur-
 bis obpugnarent. Ea omissa obpugnatio est, quia Lacinium
 Hannibal admoverat copias: et collegam eduxisse jam ab
 Venusia exercitum fama erat, cui conjungi volebat. Itaque
 in Apuliam ex Bruttis reditum, et inter Venusiani Ban-
 tiamque, minus trium millium passuum intervallo, consules
 binis castris conederant. In eandem regionem et Hanni-
 bal rediit, averso ab Locris bello. Ibi ambo consules, inge-
 nio feroces, prope ⁴⁷quotidie in aciem exire⁹; haud dubia
 spe, si duobus exercitibus consularibus junctis commisisset
 sese hostis, debellari posse.

U. C. 544.
 A. C. 208.

Ambo Coss.
 obpositi
 Hannibali.

XXVI. Hannibal quia quum Marcello bis prioris anno con-
 gressus vicerat victusque erat, ut, cum eodem si dimicandum
 foret, nec spem, nec metum ex vano haberet; ita duobus con-
 sulibus haudquaquam sese parem futurum credebat. itaque,
 totus in suas artes versus, insidiis locum quærebat. Levia ta-
 men prælia inter bina castra vario eventu fiebant: quibus
 quum extrahi æstatem posse consules crederent, nihilominus
 obpugnari Locros posse rati, L. Cincio, ut ex Sicilia Locros
 cum classe trajiceret, scribunt. Et, ut ab terra quoque ob-
 pugnari moenia possent, ab Tarento ⁴⁸partem exercitus, qui
 in præsidio erat, duci eo jusserunt. ⁴⁹Ea ita futura per quos-
 dam Thurinos compertum Hannibali quum esset, mittit ad
 insidendam ab Tarento viam. ibi sub tumultu Peteliæ tria
 millia equitum, peditum duo in occulto locata: in quæ inex-
 plorato euntes Romani quum incidissent, ad duo millia ar-
 matorum cæsa, et mille ducenti ferme vivi capti. alii dissipati
 fuga per agros saltusque Tarentum rediere. Tumulus erat
 silvestris inter Punica et Romana castra; ab neutris primo
 occupatus: quia Romani, qualis pars ejus, quæ vergeret ad
 hostium castra, esset, ignorabant; Hannibal insidiis, quam
 castris, aptiorem eum crediderat. Itaque nocte ad id missas
 aliquot Numidarum turmas medio in saltu condiderat, quo-
 rum interdium nemo ab statione movebatur, ne aut arma,
 aut ipsi procul conspicerentur. Fremebant vulgo in cas-
 tris Romanis, occupandum eum tumulum esse, et castello

Qui ad insi-
 dias con-
 vertitur.

P *quotidie milites in aciem exire*; Gron.

⁴⁷ *Quotidie in aciem exire*] Sic plane
 Vict. codex. Vulgo: *quotidie milites
 in aciem exire*. Hujus loci emenda-
 tionem Gronovius jam conjectura præ-
 ceperat, quum in nullo scripto repe-
 riret vocem *milites*, quam et ignorant
 omnes nostri.

⁴⁸ *Partem exercitus, qui in præsi-
 dio erat*] Videmur intelligere debere
 dimidiam partem. Vid. supra not. 77.

ad VI. 42. et not. 81. ad II. 13.

⁴⁹ *Ea ita futura . . compertum Anni-
 bali quum esset*] Sic fere supra c. 15.
quæ . . ut agerentur convenerant. Ele-
 gans loquendi figura, quam tuentur
 scripti nostri, Andreas, Campanus, et
 reliqui vett. editi, contra imperitiam
 correctorum, qui dederunt *compertum
 Annibali quum esset*.

U. C. 544.
A. C. 208.
Explora-
tum eunt
Coss.

firmandum: ne, si occupatus ab Hannibale foret, velut incervicibus haberent hostem. Movit ea res Marcellum, et collegæ, *quin imus*, inquit, *ipsi cum equitibus paucis exploratum?* *Subiecta res oculis nostris certius dabit consilium.* Consentiente¹ Crispino, cum equitibus ducentis et viginti, ex quibus quadraginta Fregellani, ceteri Etrusci erant, proficiscuntur.⁵⁰ Secuti M. Marcellus consulis filius, et A. Manlius, tribuni militum: simul et duo⁵¹ præfecti socium, L. Arennius, et M⁵². Aulus. Inmolasse eo die quidam memoriæ prodidere consulem Marcellum, et, prima hostia cæsa, ⁵³ jecur sine capite inventum; in secunda omnia comparuisse, quæ adsolent.⁵⁴ Auctum etiam visum in capite: nec id sane aruspici placuisse, quod, secundum trunca et turpia exta, nimis læta adparuissent.

Insidiis ex-
cipiuntur
Coss.

XXVII. Ceterum consulem Marcellum tanta cupiditas tenebat dimicandi cum Hannibale, ut numquam satis⁵⁵ castra castris conlata crederet⁵⁶. tum quoque vallo egrediens signum dedit, ut⁵⁷ ad locum miles esset paratus: ⁵⁸ ut⁵⁹, si collis, in quem speculatum irent, placuisset, vasa conligerent, ac sequerentur. Exiguum campi ante castra erat: inde in collem aperta undique et conspecta ferebat via. Numidis speculator, nequaquam in spem tantæ rei positus, sed si quos vagos, pabuli aut lignorum caussa longius a castris progressos, possent excipere, signum dat, ut pariter⁶⁰ ab suis quisque latebris exorirentur. Non ante adparuere, ⁶¹ quibus obviis ab jugo ipso consurgendum erat, quam circumiere, qui a tergo includerent viam. Tum undique omnes exorti, et clamore sublato inpetum fecere. Quum in ea valle consules essent, ut neque evadere possent in jugum occupatum ab hoste, nec receptum ab tergo circumventi haberent; extrahi tamen diutius certamen potuisset, ni cœpta ab Etruscis fuga pavorem ceteris injecisset. Non tamen omi-

¹ *Adsentiente* Gron. Crev.
² *ut del.* Gron.

³ *M. Sic semper.* Ead.

⁴ *duceret* Ead.

⁵⁰ *Secuti M. Marcellus consulis filius, et A. Manlius, tribuni militum: simul*] Omnes scripti nostri, et plurimi e Gronovianis aliter hunc locum exhibent: nempe, *secuti M. Marcellum tribuni militum, consulis filius, et A. Manlius: simul...*

⁵¹ ** Præfecti socium*] Vid. not. 23. ad XXIII. 7.

⁵² *Jecur sine capite*] Vid. not. 63. ad VIII. 9.

⁵³ *Auctum*] Majorem solito molem. *Auctum* hic ab *auctus*, *us*.

⁵⁴ *Castra castris collata duceret*] Parum interest. Sed Put. et Victor. codices pro ultimo verbo habent *crederet*.

⁵⁵ *Ad locum*] An, statim, quantocius? ut idem sit atque *illico*, quod

corruptum est ex duabus vocibus in loco. Certe quoniam alio modo exponi possint illæ voces, haud facile reperimus.

⁵⁶ *Ut si collis*] Omnes scripti servant *ut*, quod Rhénanus deleverat. Nec offendere debet repetitio hujus particulæ, quæ paulo ante præcessit. Hæc minuta non curavit Livius, nec optimi quique scriptores.

⁵⁷ *Ab suis quisque latebris exorirentur*] Quamplurimi scripti, *ab utrisque lateribus exorirentur*. Sed et Put. *exorerentur*, qua forma semper hoc verbum effertur in optimo illo libro.

⁵⁸ ** Quibus obviis ab jugo ipso consurgendum erat*] Qui consurrecturi erant ab jugo ipso obvii et oppositi Romanis adscendentibus.

sere pugnam deserti ab Etruscis Fregellani, donec integri con- U. C. 544.
sules hortando, ipsique ex parte pugnando rem sustinebant. A. C. 208.
Sed, postquam vulneratos ambo consules, Marcellum etiam
transfixum lancea prolabentem ex equo moribundum videre, Marcellus
tum et ipsi (perpauci autem supererant) cum Crispino consule occiditur.
duobus jaculis icto, et Marcello adolescente, saucio et ipso, Crispinus
effugerunt. Interfectus A. Manlius tribunus militum, et ex vulneratus
duobus præfectis socium M'. Aulius occisus, L. Arennius
captus. et lictores consulum quinque vivi in hostium pot-
estatem venerunt: ceteri aut interfecti, aut cum consule effu-
gerunt. equites tres et quadraginta, aut in proelio, aut in fuga,
cecidērunt, duodeviginti vivi capti. Tumultuatum et in
castris fuerat, ut consulibus irent subsidio; quum consulem
et filium alterius consulis saucios, exiguasque infelicitis expe-
ditionis reliquias, ad castra venientes cernunt. Mors Mar-
celli quum alioqui miserabilis fuit, tum quod nec pro ætate,
(major jam enim sexaginta annis erat) neque pro veteris pru-
dentia ducis, tam inprovidē se, collegamque, et prope totam
republicam, in præceps dederat. Multos circa unam rem
ambitus fecerim, si, quæ de Marcelli morte variant auctores,
omnia exsequi velim. Ut omittam alios, L. Coelius ⁵⁹ tripli-
cem rei gestæ ordinem edit: unam traditam fama; alteram
scriptam ⁶⁰ laudatione filii, qui rei gestæ interfuerit; tertiam, <sup>Varia fama
de morte
Marcelli.</sup>
quam ipse pro inquisita ac sibi comperta adfert. Ceterum
ita fama variat, ut tamen plerique loci speculandi causa
castris egressum; omnes insidiis circumventum tradant.

XXVIII. Hannibal, magnum terrorem hostibus, morte
consulis unius, vulnere alterius, injectum esse ratus, ne cui
deesset occasione, castra in tumultum, in quo pugnatum erat,
extemplo transfert. ibi inventum Marcelli corpus sepelit.
Crispinus, et morte collegæ, et suo vulnere territus, silentio
insequentis noctis profectus, ⁶¹ quos proximos nactus est
montes, in iis loco alto et tuto undique castra posuit. Ibi
duo duces sagaciter moti sunt, alter ad inferendam, alter ad
cavendam fraudem. ⁶² Annulo Marcelli simul cum corpore

⁵⁹ *Triplicem rei gestæ ordinem edit, unam traditam*] Hæc non conveniunt genere, ut debebant. Emendandum puto *scribem*. PERIZONIUS. Possis tamen referre *ad traditam* ad voces quæ præcessere, nempe *rei gestæ*: quod etsi paulo durius videtur, haud improbabile tamen faciunt aliæ ejusdem fere generis anomalie aliquoties a nobis annotatæ, ut l. XXIII. c. 3. Nec sane hic placeret vox *scribem*.

⁶⁰ *Laudatione filii*] Mos erat apud Romanos, ut clari viri a propinquis et sanguine conjunctis publica oratione e Rostris habita laudarentur. Hujusmodi procul dubio fuit hæc lau-

datio Marcello vel dicta a filio, vel scripta quasi dicta fuisset.

⁶¹ *Quos proximos*] Tres e nostris MSS. id tenent quod Gronovius ex optimis suis observavit, *quosquos*. Sic Cic. ad Att. l. XVI. ep. 8. *Veteranos, quique Casilini et Calatiae sunt*.

⁶² *Annulo Marcelli*] Magna scriptorum manus, sive Gronovio, sive nobis inspectorum, et hoc loco habent *annulis Marcelli*, et mox *annulisque ejus*. Et hoc contendit rectum esse Gronovius, veteresque dixisse *annulos* pro uno annulo, quemadmodum *liberos* de uno filio vel filia, et *hortos* de uno horto.

U. C. 544. Hannibal potitus erat. ejus signi errore ⁶³ ne cui^a dolus
A. C. 208. necteretur a Pœno, metuens Crispinus, circa civitates pro-
ximas miserat nuncios: occisum collegam esse, annuloque
ejus hostem potitum: ne quibus literis crederent nomine
Marcelli compositis. Paulo ante hic nuncius consulis Sala-
piam venerat, quum literæ ab Hannibale adlatæ sunt, Mar-
celli nomine compositæ: *se nocte, quæ diem illum secutura
esset, Salapiam venturum.* ⁶⁴ *parati milites essent, qui in præsidio
erant, si quo opera eorum opus esset.* Sensere Salapitani fran-
dem: et ⁶⁵ ab ira, non defectionis modo, sed etiam equitum
interfectorum, rati occasionem supplicii peti, remisso retro
nuncio, (perfuga autem Romanus erat) ut sine arbitro mi-
lites, quæ vellent, agerent, oppidanos per muros urbisque
opportuna loca in stationibus disponunt: custodias vigilas-
que in eam noctem intentius instruunt. circa portam, qua
venturum hostem rebantur, quod roboris in præsidio erat,
obponunt. Hannibal quarta vigilia ferme ad urbem acces-
sit. Primi agminis erant perfugæ Romanorum, et arma
Romana habebant. ii, ubi ad portam est ventum, Latine
omnes loquentes excitant vigiles, aperiri que portam jubent:
consulem adesse. Vigiles, velut ad vocem eorum excitati,
tumultuari, trepidare, moliri portam. ⁶⁶ *cataracta dejecta
clausa erat. eam partim vectibus levant: partim funibus
subducunt in tantum altitudinis, ut subire recti possent.*
Vixdum satis patebat iter, quum perfugæ certatim ruunt

Hannibal
ad Salapi-
am suamet
fraude cap-
tus.

^a qui Gron. Crev.

⁶³ *Ne qui dolus*] Omnes *ne cui*, quod mutavit Rhenanus: non satis evidenti causa.

⁶⁴ *Parati milites essent*] Carent prima voce scripti, tum Gronoviani, tum nostri. Sed nulli codici, ne eximio quidem illi Puteaneo, tantum tribuimus, ut ibi statim mendum esse existimemus, ubi illi dissident a vulgatis: præsertim si ratio evidens appareat cur eam quæ recepta est lectionem tueamur: ut hoc loco, ubi sensus omnino flagitat vocem *parati*. Gronovius ea omissa suspicatur legendum: *vigiles essent*, id est, vigilarent, intenti essent. Quanto simplicior, aptior, clarior sit vulgata lectio, quis non statim videt? In ea ergo acquiescamus, ne, si semel clara et aperta tentare conati fuerimus statim atque aliquot MSS. in alia abeunt, omnia jam incerta fiant. Sic hoc ipso capite, paulo superius, ubi vulgares libri habent *alter ad inferendam, alter ad cavendam fraudem*; Puteaneus, *alter ad inferendam fraudem*, omissis mediis.

Supra c. 14. mutilus quoque est idem codex, et in hac Annibalis notabili de Marcello voce, *seu vicit*, *ferociter instat victis*; *seu victus est*, *instaurat cum victoribus certamen*, transilit *et victis seu*. Et alibi sæpius tales defectus in optimo libro annotavimus. Statuimus itaque multum tribuendum esse scriptis codicibus, præsertim si sint venerandæ antiquitatis: sed ita tamen, ut sensus quoque ratio habeatur. Et ubi proba lectio occurrit, cui nostri MSS. repugnent, credendum est priores editores aliorum codicum copiam habuisse, ex quibus eam hæuerint.

⁶⁵ *Ab ira . . equitum interfectorum*] Vid. supra, l. XXVI. c. 38.

⁶⁶ *Cataracta dejecta clausa erat*] Porta clausa erat per cataractam dejectam. Eam cataractam alii levant vectibus: alii etc. Cataracta est porta pensilis e transversis lignis ferroque in reticuli modum compacta, quæ addita principi portæ claudit aditum quum demissa est, in altum sublata aperit. Galliæ dicitur herse.

per portam: et quum sexcenti ferme intrassent, remisso fune, quo suspensa erat, cataracta magno sonitu cecidit. U. C. 544.
A. C. 208. Sapientissimi, alii perfugas negligenter ex itinere suspensa humeris, ut inter pacatos, gerentes arma, invadunt; alii e turri ejus portæ murisque saxis, sudibus, pilis, absterrent hostem. Ita inde Hannibal suamet ipse fraude captus abiit; profectusque ad Locrorum solvendam obsidionem, quam Cincius Locrorum obsidionem solvit. summa vi, operibus tormentorumque omni genere ex Sicilia adfecto, obpugnabat. Magoni, jam haud ferme fidenti re-tenturum defensurumque se urbem, prima spes, morte nunciata Marcelli, adfulsit. Secutus inde nuncius, Hannibalem, Numidarum equitatu præmisso, ipsum, quantum adcelerare posset, cum peditum agmine sequi. Itaque ubi primum Numidas edito e speculis signo adventare sensit, et ipse, patefacta repente porta, ferox in hostes erumpit. Et primo, magis quia improviso id fecerat, quam quod par viribus esset, anceps certamen erat. deinde, ut supervenere Numidæ, tantus pavor Romanis est injectus, ut passim ad mare ac naves fugerent; relictis operibus machinisque, quibus muros quatiebant. Ita adventu Hannibalis soluta Locrorum obsidio est.

XXIX. Crispinus, postquam in Bruttios profectum Hannibalem sensit, exercitum, cui collega præfuerat, M. Marcellum tribunum militum Venusiam abducere jussit. ipse, cum legionibus suis ⁶⁷ Capuam profectus, vix lecticæ agitationem præ gravitate vulnerum patiens, Romam literas de morte collegæ scripsit, quantoque ipse in discrimine esset. *Se comitiorum causa non posse Romam venire: quia nec piæ laborem passurus videretur, et de Tarento sollicitus esset, ne ex Brutiis Hannibal eo converteret agmen. Legatos opus esse ad se mitti, viros prudentes: cum quibus, quæ vellet, de republica loqueretur.* Hæ literæ recitatae magnum et luctum morte alterius consulis, et metum de altero fecerunt. Itaque et Q. Fabium filium ad exercitum Venusiam miserunt: et ad consulem tres legati missi, Sext. Julius Cæsar, L. Licinius Pollio, L. Cincius Alimentus, quum paucis ante diebus ex Sicilia redisset. Hi nunciare consuli jussi, ut, si ad comitia ipse Romam venire non posset, dictatorem ⁶⁸ in agro Romano diceret comitiorum causa. Si consul Tarentum profectus esset, Q. Claudium prætorem placere in eam regionem inde abducere legiones, in qua plurimas sociorum urbes tue-

Crispinus it
Capuam.

⁶⁷ * Capuam profectus . . . Romam litteras . . . scripsit] Intellige Crispinum scripsisse, vel ex itinere, vel etiam proficiscentem. Alioquin et negligentiae merito argueretur, et Patres Romani diu ante de Marcelli morte audissent, quam Crispini litteras accipe-

rent: quem tamen nuncium eos ex illis litteris primum accepisse narratio Livii indicat.

⁶⁸ In agro Romano] In agro qui esset Romanæ ditionis. Vid. not. 21. ad c. 5. supra.

U. C. 544. ri posset. Eadem æstate M. Valerius cum classe centum
A. C. 208. navium ex Sicilia in Africam transmisit: et, ad Clupeam
Classis Ro- urbem exscensione facta, agrum late, nullo ferme obvio
mana Afri- armato, vastabat. inde ad naves raptim prædatores recepti,
cam popu- quia repente fama accidit, classem Punicam adventare. oc-
latur. toginta erant et tres naves. Cum iis haud procul Clupea

Vincit clas- prospere pugnat Romanus. decem et octo navibus captis,
sem Puni- fugatis aliis, cum magna terrestri navalique præda, Lilybæ-
cam. um rediit. Eadem æstate et Philippus inplorantibus Achæis
auxilium tulit. quos et ⁶⁸ Machanidas tyrannus Lacedæmo-
niorum finitimo bello urebat; et Ætoli, navibus per fretum,
quod Naupactum et Patras interfluit, (Rhion incolæ vocant)
exercitu trajecto, depopulati erant. Attalum quoque regem
Asiæ, quia Ætoli summum gentis suæ magistratum ad eum
⁶⁹ proximo concilio detulerant, fama erat in Europam trajec-
turum.

Res Græ-
ciæ.

Ætolia Phi-
lippo victi.

Legati con-
veniunt ad
bellum diri-
mendum.

XXX. Ob hæc Philippo in Græciam descendenti ad La-
miam urbem Ætoli, duce Pyrrhia, qui prætor in eum annum
cum absente Attalo creatus erat, obcurrerunt. Habebant et
ab Attalo auxilia secum: et mille ferme ex Romana classe,
a P. Sulpicio missos. Adversus hunc ducem atque has co-
pias Philippus bis prospero eventu pugnavit: mille admodum
hostium utraque pugna occidit. Inde quum Ætoli metu
compulsi Lamiae urbis mœnibus tenerent sese, Philippus ad
Phalara exercitum reduxit. ⁷⁰ in Maliaco sinu is locus est,
quondam frequenter habitatus propter egregium portum, tu-
tasque circa stationes, et aliam opportunitatem maritimam
terrestremque. Eo legati ab rege Ægypti Ptolemæo, Rho-
diisque, et Atheniensibus, et Chiis venerunt, ad dirimendum
inter Philippum atque Ætolos bellum. Adhibitus ab Æto-
lis et ex finitimis pacificator Amynander, rex Athamanum.
Omnium autem non tanta pro Ætolis cura erat, ⁷¹ ferocio-
ribus quam pro ingeniis Græcorum gentis: quam ⁷² ne Phi-

⁶⁸ *Machanidas tyrannus Lacedæmoniorum*] Vid. not. 82. ad l. XXXIV. c. 26. infra.

⁶⁹ *Proximo concilio detulerant*] Put. et alii aliquot scripti, *proximo anno concilio detulerunt*. Sed *et detulerant* probum videtur. Vox *anno* potuit addi primo tanquam interpretamen- tum *et concilio*, inde in contextum ir- reppsisse. Itaque vulgatam lectionem amplectimur.

⁷⁰ *In Maliaco sinu*] In ora ad- jacente ad sinum Maliacum. Vid. in- fra not. 19. ad XXVIII. 5.

⁷¹ *Ferocioribus quam pro ingeniis Græcorum gentis*] Possis utcunque

exponere: ferocioribus quam pro in- geniis gentis alicujus Græcorum. Sed hoc illepidum est et inelegans. MSS. hactenus juvant, ut exhibeant omnes fere *ferocioris*. Libenter crederemus dedisse Livium: *ferociori, quam pro ingeniis Græcorum, gente*: * id est, cu- jus ferocia male conveniret cum hu- manissimis Græcorum moribus.

⁷² *Ne Philippus regnumque ejus*] Apparet ex orationibus Lycisci Acar- nanis, et legatorum Ptolemæi, apud Polyb. libb. IX. et XI. majorem ab Romanis metum fuisse, quam a Phi- lippo.

Hippus regnumque ejus, grave libertati futurum, rebus Græcæ inmisceretur. De pace dilata consultatio est in concilium Achæorum; concilioque ei et locus et dies certa indic-
 ta. interim triginta dierum induciæ impetratæ. Profectus inde rex per Thessaliam Bœotiamque, Chalcidem Eubœæ venit, ut Attalum, quem classe Eubœam petiturum audierat, portibus et litorum adpulsu arceret. Inde, præsidio relicto adversus Attalum, si forte interim trajecisset, profectus ipse cum paucis equitum levisque armaturæ, Argos venit. Ibi curatione ⁷³ Heræorum ⁷⁴ Nemeorumque suffragiis populi ad eum delata, quia se Macedonum reges ex ea civitate oriundos referunt, Heræis peractis, ab ipso ludicro exemplo ⁷⁵ Rhium profectus est, ad indictum multo ante sociorum concilium. Ibi de Ætólico finiendo bello actum, ne caussa aut Romanis, aut Attalo intrandi Græciam esset. Sed ea omnia, vixdum induciarum tempore circumacto, Ætoli turbavere, postquam et Attalum Æginam venisse, et Romanam classem stare ad Naupactum audivere. Vocati enim in concilium Achæorum, in quo eædem legationes erant, quæ ad Phalara egerant de pace, primum questi sunt quædam parva contra fidem conventionis tempore induciarum facta: postremo negarunt dirimi bellum posse, nisi Messeniis Achæi Pylum redderent, Romanis restitueretur ⁷⁶ Atintania, Scerdilædo et Pleurato Ardyæi. Enimvero indignum ratus Philippus, victos victori sibi ultro conditiones ferre: *ne antea quidem se aut de pace audisse, aut inducias pepigisse, dixit, spem ullam habentem quieturos Ætolos; sed ut omnes socios testes haberet, se pacis, illos belli causam quæsisse.* ita infecta pace concilium dimisit, quatuor millibus armatorum relictis ad præsidium Achæorum, et quinque longis navibus acceptis. quas si adjecisset missæ nuper ad se classi Karthaginensium, et ex Bithynia ab rege Prusia venientibus navibus, statuerat navali proelio lacessere Romanos, jam diu in ea regione potentes maris. ipse ab eo concilio Argos regressus: jam enim Nemeorum adpetebat tempus, ⁷⁷ quæ celebrari volebat præsentia sua.

⁷³ *Heræorum*] Ludorum in honorem Junonis, quæ Græcis *Ἥρα* dicitur.

⁷⁴ *Nemeorum*] Ludi quoque fuere, sic dicti a Nemea sylva; quos quidam in honorem Archemori, alii in Herculis institutos memorant.

⁷⁵ *Rhium profectus est*] Scripti habent *regium*, unde firmatur Glareani conjectura emendantis *Ægium*. Certe apud Polybium sæpe Achæorum concilia indicta leguntur *Ægium*,

nunquam *Rhium*.

⁷⁶ *Atintania*] Regio Illyrici, à Romanis in deditionem accepta aliquot annis ante initium hujus secundi Punicæ belli. Vid. supra l. XX. c. 30. Occupatis autem hoc bello Romanis, Philippus, ut apparet ex hoc loco, eam invaserat.

⁷⁷ *Quæ celebrari*] Quibus celebritatem addi et spectantium concursum augeri præsentia sua volebat.

U. C. 544.

A. C. 208.

Induciæ 30. dierum.

Philippus it in Peloponnesum.

Ætoli spem pacis turbant.

U. C. 544.
A. C. 208.
Classis Ro-
mana Co-
rinthium a-
grum vas-
tat.

Repellun-
tur Romani
a Philippo.

Philippi li-
centia.

XXXI. Occupato rege adparatu ludorum, et per dies festos licentius, quam inter belli tempora, remittente animum, P. Sulpicius, ab Naupacto profectus, classem adpulit inter Sicyonem et Corinthum, agrumque nobilissimae fertilitatis effuse vastavit. Fama ejus rei Philippum ab ludis excivit: raptimque cum equitatu profectus, jussis subsequi peditibus, palatos passim per agros gravesque praeda (ut qui nihil tale metuerent) adortus Romanos, compulit in naves. Classis Romana, haudquaquam laeta praeda, Naupactum rediit. ⁷⁸ Philippo quoque ludorum, qui reliqui erant, celebritatem quantacumque, de Romanis tamen, victoriae partae fama auxerat; laetitiaeque ingenti celebrati festi dies: eo magis etiam, quod, populariter demto capitis insigni, purpuraque^z, atque alio regio habitu, aequaverat ceteris se in speciem: quo nihil gratius est civitatibus liberis. Praebuissetque haud dubiam eo facto spem libertatis, nisi omnia intoleranda libidine foeda ac deformia effecisset. vagabatur enim cum uno aut altero comite ⁷⁹ per maritas domos dies noctesque: et, ⁸⁰ submittendo in^y privatum fastigium, quo minus conspectus, eo solutior erat; et libertatem quum aliis vanam ostendisset, totam in suam licentiam verterat. Neque enim omnia emebat aut eblandiebatur, sed vim etiam flagitiis adhibebat: periculosumque et viris et parentibus erat, moram incommoda severitate libidini regiae fecisse. uni etiam principi Achaeorum ⁸¹ Arato adempta uxor nomine Polyoratia, ac spe regiarum nuptiarum in Macedoniam asportata fuerat. Per haec flagitia sollemni Nemeorum peracto, paucisque additis diebus, Dymas est profectus, ad

^y *Philippus* Gron. Crev.

^z *purpura* Gron.

^y *se in* Gron. Crev.

⁷⁸ *Philippus quoque*] Elegantius nobis videtur id quod se reperisse in aliquot vel optimis codicibus testatur Gronovius, *Philippo*. Sensus erit: Fama victoriae, non quidem magnae, tamen, quod de Romanis parva erat, satis clare, celebritatem dierum qui ludis supererant auxerat Philippo, qui majore ob novum hoc decus cum gloria illis praefuit.

⁷⁹ *Per maritas domos*] Id est, per domos in quibus vir cum uxore degeret: quod quidem facit ad augendam regiae libidinis foeditatem, quae ne conjugalis quidem tori sanctimoniam polluere vereretur. Polybius l. X. in Excerpt. de Virt. et Vitiis: ὁ δὲ βασιλεὺς ἡγεῖτο μοιχῶν. Nec locutio ipsa magis aures offendere debet, quam illud Horatii *lege maritali*. Ergo quum eam et antiqui editi habeant, et scripti nostri, princepsque omnium Puteanaeus, ejecimus parum felicem Rhemani emendationem, quae vulgatos li-

breros insedit, *per maritimas domos*. Et vero, cur per maritimas potissimum domos vagaretur Philippus? aut quem hic locum habet mentio maritimarum domorum, quum neque Argos ad mare situm sit, neque Nemea?

⁸⁰ *Submittendo se in privatum fastigium*] *Privatum fastigium* ferri non videtur posse. Jam vero qui diceret *submittere se in fastigium*, pugnantia loqueretur. Victorinus codex omittit *se*, ut Gronovius voluerat: sicque non incommodus omnino sensus erit. *Submittendo in privatum fastigium*, id est, *submittendo fastigium suum*, sive regium, in *privatum*, in habitum hominis privati. Sed dura loquendi forma, nec satis Liviana.

⁸¹ *Arato adempta uxor*] Ex Plut. in Arato versus finem, colligere licet hunc Aratum, cui uxorem ademit Philippus, fuisse Aratum juniorem, filium ejus Arati, cujus consilio et opera res publica Achaeorum coeivit.

præsidium *Ætolorum*, quod ab *Eleis* additum acceptumque U. C. 544. A. C. 208.
 in urbem erat, ejiciendum. *Cycliadas* (penes eum summus Adversus
 imperii erat) *Achæique* ad *Dymas* regi obcurrere: et *Eleorum* Ætolos pro-
 secensi odio, quod a ceteris *Achæis* dissentirent: et infensi fiscitur,
Ætolia, quos *Romanum* quoque adversus se movisse bellum in Eadem.
 credebant. Profecti ab *Dymis*, conjuncto exercitu transeunt
Larissum ^z amnem, qui *Eleum* agrum ab *Dymæo* dirimit.

XXXII. Primum diem, quo fines hostium ingressi sunt,
 populando absumserunt. Postero die acie instructa ad urbem
 accesserunt, præmissis equitibus; qui, ohequitando portis,
 promptum ad excursions genus lacerarent *Ætolorum*. Igno-
 rabant, *Sulpicium* cum quindecim navibus ab *Naupacto* Sulpicius
Cyllenen trajecisse, et, expositis in terram quatuor millibus Cyllenen
 armatorum, silentio noctis, ne conspici agmen posset, intrasse trajicit.
Elim. Itaque inprovisa res ingentem injecit terrorem, post-
 quam inter *Ætolos* *Elepsque* *Romana* signa atque arma cog-
 novere. Et primo recipere suos voluerat rex: dein, con- Rex vinci-
 tracto jam inter *Ætolos* et *Trallos* (*Illyriorum* id est genus) tur.
 certamine, quum urgueri videret suos, et ipse rex cum equi-
 tatu in cohortem *Romanam* incurrit. Ibi equus pilo trajectus
 quum prolapsus ⁸² per caput regem effudisset, atrox pugna
 utrimque accensa est, et ab *Romanis* inpetu in regem facto,
 et protegentibus regiis. Insignis et ipsius pugna fuit, quum
 pedes inter equites coactus esset proelium inire. dein ^a, quum
 jam impar certamen esset, caderentque circa eum multi, et
 vulnerarentur, raptus ab suis, atque alteri equo injectus, fugit.
 Eo die castra quinque millia passuum ab urbe *Eleorum*
 posuit. postero ad castellum (*Pyrgum* vocant) copias omnes
 eduxit: quo agrestium multitudinem cum pecoribus metu
 populationum compulsam audierat. eam inconditam iner-
 memque multitudinem primo statim terrore adveniens cepit:
 compensaveratque ea præda, quod ignominie ad *Elim* accep-
 tum fuerat. Dividenti prædam captivosque (fuerant autem
 quatuor millia hominum, pecoris omnis generis ad millia
 viginti) nuncius ex *Macedonia* venit, *Eropum* quemdam,
 corrupto arcis præsidiiisque præfecto, *Lychnidum* cepisse:
 tenere et *Dassaretiorum* quosdam vicos, et *Dardanos* etiam
 concire. ⁸³ Omisso igitur *Achaico* ^b bello, relictis tamen
 duobus millibus et quingentis omnis generis armatorum
 cum *Menippo* et *Polyphanta* ducibus ad præsidium so-
 ciorum, profectus ab *Dymis*, per *Achaiam* *Bœotiamque* ⁸⁴ et Redit in

^z *Larissum* Gron. Crev.
 lico Eæd.

^a deinde Eæd.

^b add. atque *Æto-* Macedoni-
 am.

⁸² ^a *Per caput*] Intellige caput equi,
 per quod, et ejusdem collum rex lap-
 sus est.

⁸³ *Omisso igitur Achaico atque Æ-*
tolico bello] Complures scripti resecant

atque *Ætolico*.

⁸⁴ *Et Eubæam*] Hæc est scriptura
 vett. editorum et scriptorum. Recen-
 tiores editi habent *et Bœbeidem*. Sed
 Geographiæ ratio repugnat. Bœbeis

U. C. 544. Euboeam^c, decimis castris Demetriadem in Thessaliam per-
A. C. 208. venit.

Dardani
Macedoni-
am popu-
lantur.

Achæi bene
rem gerunt.

Crispini
Cos. mors.

Dictator
Torquatus.

Ludi mag-
ni.

Curæ de
Coss. crean-
dis.

XXXIII. Ibi alii, majorem adferentes tumultum, nuncii obcurrunt: Dardanos, in Macedoniam effusos, Orestidem jam tenere, ac descendisse in ⁸⁵ Argestæum campum: famamque inter barbaros celebrem esse, Philippum occisum. Expeditione ea, qua cum populatoribus agri ad Sicyonem pugnavit, in arborem inlatus inpetu equi, ad eminentem rimum cornu alterum galeæ præfregit. id inventum ab Ætolo quodam, perlatumque in Ætoliam ad Scerdilædum, cui notum erat insigne galeæ, famam interfecti regis vulgavit. Post profectionem ex Achaia regis, Sulpicius, Æginam classe profectus, cum Attalo sese conjunxit. Achæi cum Ætolis Eleisque haud procul Messene prosperam pugnam fecerunt. Attalus rex et P. Sulpicius Æginæ hibernarunt. Exitu hujus anni T. Quinctius Crispinus consul, dictatore comitiorum ludorumque faciendorum causa dicto T. Manlio Torquato, ex vulnere moritur. alii Tarenti, alii in Campania mortuum tradunt. Id quod nullo ante bello acciderat, duo consules, sine memorando proelio interfecti, velut orbem rempublicam reliquerant. Dictator Manlius magistrum equitum C.^d Servilium (tum ædilis curulis erat) dixit. Senatus, quo die primum est habitus, ludos magnos facere dictatorem jussit, quos M. Æmilius prætor urbis, C. Flaminio, Cn. Servilio consulibus, fecerat, et in quinquennium voverat. ⁸⁶ Tum dictator et ludos fecit, et in insequens lustrum vovit. Ceterum, quum duo consulares exercitus tam prope hostem sine ducibus essent, omnibus aliis omissis, una præcipua cura Patres populumque incessit, ⁸⁷ consules primo quoque tempore creandi; et ut eos potissimum crearent, ⁸⁸ quorum virtus satis tuta a fraude Punica esset; *quam toto eo bello damnosa præpropere ac feroidea ingenia imperatorum fuissent, tum eo ipso anno consules, nimia cupiditate*

^c Babcidem Gron.

^d C. l. Cn. Gron. Crev.

enim sive palus sive regiuncula est ultra Demetriadem. Nihil absurdi habet vetus lectio, quam revocamus moniti a Jac. Gronovio. Potuit enim Philippus ob certas causas a Boeotia deflectere versus dextram in Euboeam, ut res insulæ inspiceret et constitueret.

⁸⁵ Argestæum] Vel corruptum est hoc nomen, vel parum notum. Gla-reanus legit Æstræum; Sigonius Ægestæum, id est, Thesprotium. Thesproti enim alio nomine Ægestæi quoque vocabantur, teste Stephano.

⁸⁶ Tum dictator et fecit] Nempe

ludos: quæ vox hic inserta fuerat sine ulla necessitate, quum facillime intelligatur. Nos eam, volentibus duobus scriptis optimæ fidei, erasimus.

⁸⁷ Consules . . . creandi: et ut eos potissimum crearent] Recte videtur Gronovius emendare: Et eos potissimum quorum virtus; deletis supervacuis vocibus, ut . . . crearent.

⁸⁸ Quorum virtus satis tuta] Quorum virtus et fortitudo bellica adhiberet tamen cautionem, ne fraude Punica caperetur.

conserendi cum hoste manum, in necopinatam fraudem lapsos U. C. 544. *esse. ceterum Deos immortales, miseritos^e nominis Romani,* A. C. 208. *pepercisse innoxiiis exercitibus: temeritatem consulum ipsorum capitibus damnassee.*

XXXIV. Quum circumspicerent Patres, quosnam consules facerent, longe ante alios eminebat C. Claudius Nero. Ei Claudius collega quærebat, et virum quidem eum egregium duce-^{Nero.} bant, sed promptiorem acrioremque, quam tempora belli postularent, aut hostis Hannibal: temperandum acre ejus ingenium moderato et prudenti viro adjuncto collega censebant. M. Livius erat,⁸⁹ multis ante annis ex consulatu M. Livius. populi judicio damnatus. quam ignominiam adeo ægre tulerat, ut et rus migraret, et per multos annos et urbe et omni cœtu careret hominum. octavo ferme post damnationem anno M. Claudius Marcellus et M. Valerius Lævinus consules reduxerant eum in urbem: sed erat veste obsoleta, capilloque et barba promissa, præferens in vultu habituque insignem memoriam ignominiae acceptae. L. Veturius et P. Licinius censores eum tonderi, et squalorem deponere, et in senatum venire, fungique aliis publicis muneribus coëgerunt. sed tum quoque aut verbo adsentiebatur, aut⁹⁰ pedibus in sententiam ibat, donec cognati hominis eum caussa M. Livii Macati, quum fama ejus ageretur,⁹¹ stantem coëgit in senatu sententiam dicere. Tum ex tanto intervallo auditus convertit ora hominum in se, caussamque sermonibus præbuit, indigno injuriam a populo factam, magnoque id damno fuisse, quod tam gravi bello nec opera, nec consilio talis viri usa respublica esset. C. Neroni neque Q. Fabium, neque M. Valerium Lævinum dari collegas posse, quia duos patricios creari non liceret. eandem caussam in T. Manlio esse, præterquam quod recusasset delatum consulatum, recusaturusque esset. Egregium par consulum fore, si M. Livium C. Claudio collegam adjunxissent. Nec populus mentionem ejus rei ortam a Patribus est adspersus. Unus eam rem in civitate is, cui deferebatur honos, abnuebat, levitatem civitatis accusans. Sordidati rei non miseritos, candidam togam invito obferre: eodem honores poenasque congeri. Si bonum virum ducerent, quid ita pro malo ac noxio damnassent? si noxium comperissent, quid ita, male credito priore consulatu,

^e miseritos Crev.

⁸⁹ *Multis ante annis]* Primo hujus belli anno.

⁹⁰ *Pedibus in sententiam ibat]* Vid. not. 81. ad l. III. c. 41.

⁹¹ *Stantem . . in senatu sententiam dicere]* Sic Cicero pro Marc. n. 33. *Non est stantibus omnibus necesse di-*

cere. Nimirum, quum pluribus verbis sententiam suam explicarent ac tuerentur senatores, stantes dicebant; secus, si assentirentur verbo, id est, si breviter et uno verbo declararent se huic aut illi sententiae adhærere.

U. C. 544. *alterum crederent?* Hæc taliaque arguentem et quorentem
A. C. 208. castigabant Patres, et M. Furium, memorantes, revocatum
de exilio, patriam pulsam sede sua restituisse. Ut parentum
sævitiâ, sic patriæ, patiundo ac ferendo leniendam esse. ad-
nisi omnes, cum C. Claudio M. Livium consulem fecerunt.

Coss. cre-
antur.

Coss. desig-
nati recon-
ciliantur.

XXXV. Post diem tertium ejus diei prætorum comitiis
habita. Prætores creati L. Porcius Licinus, C. Mamilius,
A. et C. Hostilii Catones. Comitibus perfectis, ludisque fac-
tis, dictator et magister equitum magistratu abierunt. C.
Terentius Varro in Etruriam prætor missus, ut ex ea
provincia C. Hostilius Tarentum ad eum exercitum iret,
⁹² quem T. Quinctius consul habuerat. et ⁹³ L. Manlius
trans mare legatus iret, viseretque, quæ res ibi gererentur:
simul, ⁹⁴ quod Olympiæ ludicrum ea æstate futurum erat,
quod maximo cœti Græciæ celebraretur, ut, si tuto per
hostem posset, adiret id concilium: ut, qui Siculi bello ibi
profugi, aut Tarentini cives relegati ab Hannibale essent,
domos redirent, scirentque, sua omnia, quæ ante bellum ha-
buissent, reddere populum Romanum. Quia periculosissi-
mus annus imminere videbatur, neque consules in republica
erant, in consules designatos omnes versi, quam primum
eos sortiri provincias, et ⁹⁵ præsciscere, quam quisque eo-
rum provinciam, quem hostem haberet, volebant. De re-
conciliatione etiam gratias eorum in senatu actum est,
principio facto a Q. Fabio Maximo. ⁹⁶ Inimicitia autem
nobiles inter eos erant, ⁹⁷ et acerbiores eas indignioresque
Livio sua calamitas fecerat, quod spreto se in ea fortuna
credebat. itaque is magis inplacabilis erat: et, nihil opus es-
se reconciliatione, aiebat. acrius et intentius omnia gesturos,
timentes ⁹⁸ ne crescendi ex se inimico collegæ potestas fieret.

† L. 1. T. Crev.

⁹² Quom T. Quinctius consul ha-
buerat] Hæc verba, quæ sibi nullo in
scripto obviam fuisse Gronovius testa-
tur, nos in Victorino codice reperimus,
nisi quod mutatum ibi nomen
consulis est, legiturque T. Manlius
consul: facili errore, quod T. Manlius
in sequenti versu nominetur. Nec
vero assentimur Gronovio, eadem
hæc verba inutilia esse. Sine iis enim
nimis abrupta et obscura fieret ora-
tio.

⁹³ T. Manlius] Sic habent scripti
nostri. Editi vulgo L. Manlius.

⁹⁴ Quod Olympiæ ludicrum ea æ-
state futurum erat] Contendit Cl.
Dodwellus, multisque probat, Dis-
sert. X. de Cyclis Roman. Sect. 44. et
45. Olympicum ludicrum male a Li-
vio commissum esse cum ea æstate,

qua saturi erant consules C. Claudius
Nero, et M. Livius, quum illud ad
præcedentem æstatem pertinuerit.

⁹⁵ * Præsciscere] Præscire. Vid.
not. 77. ad XXVI. 33.

⁹⁶ Inimicitia . . . nobiles inter eos
erant] Ortæ ex eo quod in judicio illo
in quo Livius damnatus fuerat, Nero
adversus eum testimonium dixisset.
Vid. Val. Max. l. IV. c. 2. et nostrum
infra, l. XXIX. c. 37.

⁹⁷ * Et acerbiores eas] Et calamitas
Livii fecerat, ut acerbius in eo odium
esset, et ex indignitate injuriæ acrius.

⁹⁸ * Ne crescendi ex se] Quum quis-
que timeret ne ex culpa aut negligen-
tia sua daret occasionem inimico col-
legæ crescendi, et attolleret supra se
inimicum collegam.

Vicit tamen auctoritas senatus, ut, positis simultatibus, com- U. C. 544.
muni animo consilioque administrarent rempublicam. Pro- A. C. 208.
vinciæ iis non permixtæ regionibus, sicut superioribus an- Provincie
nis, sed diversæ extremis Italiæ finibus, alteri adversus iis divisæ.
Hannibalem Bruttii, Lucani; alteri Gallia adversus Has-
drubalem (quem jam Alpibus adpropinquare fama erat) de-
creta. ⁹⁹ Exercitum ex duobus, qui in Gallia, qui in
Etruria essent, addito urbano, eligeret, quem mallet, qui
Galliam esset sortitus. Cui Bruttii provincia evenisset, no-
vis legionibus urbanis scriptis, utrius mallet consulum prio-
ris anni, exercitum sumeret. Relictum a consule exercitum
Q. Fulvius proconsul acciperet; eique in annum imperium
esset. et C. Hostilio, cui pro Etruria Tarentum mutaverant
provinciam, pro Tarento Capuam mutaverunt. legio una
data, cui Fulvius proximo anno præfuerat.

XXXVI. De Hasdrubalis adventu in Italiam dura in Hasdrubal
dies crescebat. Massiliensium præmam legati nunciave- in Galliam
rant, cum in Galliam transgressam: erectosque adventu transgres-
ejes, quia magnum pondus auri adtulisse diceretur ad mer- sus.
cede auxilia conducenda, Gallorum animos. missi deinde
cum iis legati ab Roma Sex. Antistius et M. Ræcius ¹ ad
rem inspicendam retulerant, misisse se cum Massiliensibus
ducibus, qui per ¹ hospites eorum, principes Gallorum, om-
nia explorata referrent. Pro comperto habere, Hasdruba-
lem ingenti jam concto exercitu proximo vere Alpes trajec-
tutum: nec tum eum quidquam aliud morari, nisi quod
clausæ hieme Alpes essent. In locum M. Marcelli P. Æ-
lius Pæstus augur creatus inauguratusque: et Cn. Cornelius
Dolabella rex sacrorum inauguratus est in locum M. Mar-
cii, qui biennio ante mortuus erat. Hoc eodem anno et Lustrum
lustrum conditum est a censoribus P. Sempronio Tuditano conditum.
et M. Cornelio Cethego. Censa civium capita centum tri-
ginta septem millia, centum et octo: minor ² aliquanto nu-
merus, quam qui ante bellum fuerat. ³ Eo anno primum, ex

³ Retius Gron. Crev.

⁹⁹ Exercitum ex duobus, qui in
Gallia, qui in Etruria essent] Put.
et Victor. esset: ut priore in membro
verbum intelligatur. Vid. not. 17. ad
l. XXV. c. 19.

¹ Hospites eorum] Hospitio junc-
tos cum Massiliensibus.

² Aliquanto] Prope dimidio.

³ Eo anno primum . . . Comitium
tectum esse] Comitium fuit pars fori
Romani, cui nomen ab eo, quod illuc
primum populus Romanus comitio-
rum causa convenire coeperat. Unde et
comitia Curiata, quæ omnium anti-

quissima sunt, in eo semper loco ha-
beri solebant. Ad hoc usque tempus
tecto caruerat. Ceterum haud facile
intelligitur, quomodo dici possit Co-
mitium tectum esse eo anno primum,
ex quo Annibal in Italiam venisset:
prorsus quasi Comitium identidem et
per intervalla temporum tegi soleret,
eque res debuisset jam, ex quo An-
nibal in Italiam venisset, non sensui
contingere. At eadem illa verba, quæ
hoc loco alienissima sunt, mire con-
gruunt in id, quod modo narraturum
est de lastro condito. Sic igitur per-

U. C. 544. quo Hannibal in Italiam venisset, comitium tectum esse,
 A. C. 208. memoriae proditum est, et ludos Romanos semel instauratos
 ab aedilibus curulibus Q. Metello et C. Servilio. et plebeiis
 ludis biduum instauratum ab Q. Mamilio et M. Cæcilio
 Metello aedilibus plebis. et tria signa ad Cereris ⁴ iidem ⁵ de-
 derunt: et Jovis epulum fuit ludorum causa. Consulatum
 inde ineunt C. Claudius Nero et M. Livius iterum. qui,
 C. Claudio, quia jam designati provincias sortiti erant, prætores sortiri
 M. Livio II. jusserunt. C. Hostilio urbana evenit: addita et peregrina,
 Coss. ut tres in provincias exire possent. A. Hostilio Sardinia,
 C. Mamilio Sicilia, L. Porcio Gallia evenit. Summa legio-
 Prætorum num trium et viginti ita per provincias divisa, ut binæ
 provinciæ. consulum essent; quatuor Hispania haberet; tres prætores
 Legiones binas, in Sicilia, in Sardinia, et Gallia; duas C. Terentius
 23. in Etruria; duas Q. Fulvius in Bruttiiis; duas Q. Claudius
 circa Tarentum et Sallentinos; unam C. Hostilius Tubulus
 Capuæ: duæ urbanæ ut scriberentur. primis quatuor legioni-
 bus populus tribunos creavit: in ceteras consules miserunt.

XXXVII. Priusquam consules proficiscerentur, novem-
 diale sacrum fuit, quia Veiis de coelo lapidaverat. Sub unius
 Prodigia. prodigii (ut fit) mentionem alia quoque nunciata; Mintur-
 nis ædem Jovis et lucum Maricæ; item Atellæ murum
 et portam de coelo tacta. Minturnenses, terribilius quod
 esset, adjiciebant, sanguinis rivum in porta fluxisse. et
 Capuæ lupus, nocte portam ingressus, vigilem laniave-
 rat. Hæc procurata hostiis majoribus prodigia, et sup-
 Procurata. plicatio diem unum fuit ex decreto pontificum. inde iterum
 novemdiale instauratum, quod ⁶ in Armilustro lapidibus
 visum pluere. Liberatas religione mentes turbavit rursus

⁴ eidem Gron. Crev.

mutandus videtur male motarum loco
 vocum situs. *Eo anno primum, ex
 quo Annibal in Italiam venisset, lus-
 trum conditum est a censoribus... quam
 qui ante bellum fuerat. Hoc eodem
 anno et Comitium tectum esse memo-
 riæ proditum est, et ludos Romanos...*
 Omnia hoc modo apta omnino et
 clara sunt. Constat quippe hoc pri-
 mum condi lustrum, ex quo Annibal
 in Italiam venerit. Ter quidem cen-
 sores creati sunt: at hi soli, de qui-
 bus loquitur nunc Livius, lustrum
 condidere. Vid. supra XXIV. 11. et
 48. XXVII. 6. Deinde ipsa particula
et, quæ sequitur illas voces *hoc eodem
 anno*, in eum locum quem volumus
 revocata, habet aliam comparem, quæ
 sibi respondeat, *et ludos Romanos*.
 Nec semel traiectione vocum Livii
 sensum a librariis corruptum et ob-

scuratum esse, fortasse probare pos-
 sunt ea quæ annotavimus ad c. 2. hu-
 jus ipsius libri.

⁴ *Eidem dederunt*] Id est iidem
 aediles plebis: duo e nostris codd.
edem, id est, *ædem*, ut Sigonius et
 Hearnius edidere. Put. *ad Ceteris æ-*
dem: et sic quoque Andreas et Cam-
 panus.

⁵ *In Armilustro*] *Armilustrum*, sive
Armilustrum dies festus fuit apud
 Romanos, qui in Kalendario notatur
 a. d. XIV. Kalendas Novembres. In
 eo, testibus Varrone et Festo, armati
 sacra faciebant. Ceterum et locum
 dictum esse *Armilustrum*, in quo ni-
 mirum sacra tum fiebant, colligitur
 ex eodem Varrone, l. V. de L. Latina.
 Atque hæc nostra Livii verba potius
 capienda videntur de loco, quam de
 die festo.

⁶ nunciatum, Frusinone infantem natum esse quadrimo par-
rem: nec magnitudine tam mirandum, quam quod is quo-
que, ut Sinuessæ biennio ante, incertus, mas an femina esset,
natus erat. Id vero aruspices, ex Etruria adcati, foedum ac
turpe prodigium dicere. extorrem agro Romano, procul
terræ contactu, alto mergendum. Vivum in arcam condi-
dere, provectumque in mare projecerunt. Decrevere item
pontifices, ut virgines ter novenæ, per urbem euntes, carmen
canerent. Id quum in Jovis Statoris æde discerent, condi-
tum ab ⁷ Livio poëta, carmen, tacta de coelo ædes in Aven-
tino Junonis Reginæ. prodigiumque id ad matronas perti-
nere, aruspices quum respondissent, donoque Divam placan-
dam esse; ædiliū curulium edicto in Capitolium convocatæ,
quibus in urbe Romana, intraque decimum lapidem ab urbe,
domicilia essent, ipsæ inter se quinque et viginti delegerunt,
ad quas ex dotibus stipem conferrent. Inde donum pelvis
aurea facta, lataque in Aventinum, pureque et caste a matro-
nis sacrificatum. Confestim ad aliud sacrificium eidem ^{Sacrificium}
Divæ ab decemviris edicta dies, cujus ordo talis fuit: ab æde ^{Junoni Re-}
Apollinis boves feminae albæ duæ porta Carmentali in urbem ^{ginæ, et}
ductæ. post eas duo signa cupressea Junonis Reginæ por- ^{pompa.}
tabantur. tum septem et viginti virgines, longam indutæ
vestem, carmen in Junonem Reginam canentes ibant; illa
tempestate forsitan laudabile rudibus ingeniis, nunc abhor-
rens et inconditum, si referatur. Virginum ordinem seque-
bantur decemviri coronati laurea, prætextatique. A porta
Jugario vico in forum venire. in foro pompa constitit; et,
per manus recte data, virgines sonum vocis pulsu pedum
modulantes incesserunt. inde vico Tusco Velabroque, per
Boarium forum, in clivum Publicium atque ædem Junonis
Reginæ perrectum. ibi duæ hostiæ ab decemviris inmolatæ,
et simulacra cupressea in ædem inlata.

XXXVIII. Diis rite placatis, delectum consules habebant ^{Acriter ha-}
acrius intentiusque, quam prioribus annis quisquam meminerat ^{betur delec-}
habitu. nam et belli terror duplicatus novi hostis in Italiam ^{tus.}
adventu: et minus juventutis erat, unde scriberent milites.
Itaque colonos etiam maritimos, qui ⁸ sacrosanctam vacatio-
nem dicebantur habere, dare milites cgebant. quibus recu-
santibus, edixere in diem certam, ut, quo quisque jure vaca-
tionem haberet, ad senatum deferret. Ea die hi populi ad
senatum venerunt: Ostiensis, Alsiensis, Antias, Anxuras,

⁶ Nunciatum] Hæc vox est in recto casu, et jungitur cum verbo turbavit, prorsus quasi Livius scripsisset, allatus nunciatus.

⁷ Livio poëta] Livio Andronico, qui primus Romæ fabulam docuerat, anno u. c. 512. De hoc ejus carmine vid.

Festum in voce scribæ.

⁸ Sacrosanctam vacationem] Jurejurando interposito sancitam, ita ut sine magno scelere violari non posset. Eodem fere modo dicebantur sacratæ leges, de quibus ad l. II. c. 33.

U. C. 546.
A. C. 207.

Exercitus
contra Has-
drubalem et
Hanniba-
lem.

Minturnensis, Sinuessanus, et ab supere mari Senensis. Quum vacationes suas quisque populus recitaret; nullius, quum in Italia hostis esset, præter Antiatem Ostiensemque, vacatio observata est: ⁹ et earum coloniarum juniores jurejurando adacti, supra dies triginta non pernoctaturos se esse extra moenia coloniae suae, donec hostis in Italia esset. Quum omnes censerent, primo quoque tempore consulibus eundem ad bellum, (nam et Hasdrubali occurrendum esse descendenti ab Alpibus, ne Gallos Cisalpinos, neve Etruriam, ¹⁰ erectam in spem rerum novarum, sollicitaret: et Hannibalem suo proprio occupandum bello, ne emergere ex Bruttis atque obviam fratri ire posset) Livius cunctabatur, parum fidens suarum provinciarum exercitibus: collegam ex duobus consularibus egregiis exercitibus, ¹¹ et tertio, cui Q. Claudius Tarenti præesset, electionem habere: intuleratque mentionem de volonibus revocandis ad signa. Senatus liberam potestatem consulibus fecit, et supplendi unde vellent, et eligendi de omnibus exercitibus, quos vellent, permutandique, et ex provinciis, quos e republica censerent esse, traducendi. Ea omnia cum summa concordia consilium acta. Volones in undevicesimam et vicesimam legiones scripti. Magni roboris auxilia ex Hispania quoque a P. Scipione M. Livio missa quidam ad id bellum auctores sunt: octo millia Hispanorum Gallorumque, et duo millia ¹² de legione militum, equitum mille, mixtos Numidas Hispanosque. M. Lucretium has copias navibus adduxisse: et sagittariorum funditorumque ad quatuor millia ex Sicilia C. Mamilium misisse.

Hasdrubal
transit Al-
pes.

XXXIX. Auxerunt Romæ tumultum literæ ex Gallia adlatæ ab L. Porcio prætore: *Hasdrubalem movisse ex hibernis, et jam Alpes transire: octo millia Ligurum conscripta armataque, conjunctura se transgresso in Italiam esse, nisi mitteretur in Ligures, qui eos bello occuparet. se cum invalido exercitu, quoad tutum putaret, progressurum.* Hæ literæ consules, raptim confecto delectu, maturius, quam constituerant, exire in provincias coegerunt, ea mente, ut uterque hostem in sua provincia contineret, neque conjungi, aut conferre in unum vires pateretur. Plurimum in eam rem adjuvit opinio

¹ ad mille octingentos Gron. Crev.

⁹ *Et earum coloniarum*] Nempe Antii et Ostiæ, quibus quum vacatio ideo daretur, ne defensoribus nudarentur oppida, quæ magnopere Romanorum intererat non intercipi ab hostibus, consentaneum erat, ut juniores ab iis non discedere juberentur.

¹⁰ *Erectam in spem rerum novarum*] Arrectam et suspensam in spem mutandi status, et, excusso imperii Romani jugo, socios Carthaginienses adsciscendi.

¹¹ *Et tertio, cui Q. Claudius . . . præesset*] Duorum tantum exercituum electio datur consuli, cui Bruttij provincia evenisset, supra c. 35. Omiserat nempe Livius priore illo loco mentionem facere hujus exercitus Claudiani. Nunc aliud agendo reponit id quod tunc prætermiserat.

¹² *De legione militum*] Si hæc sana sunt, intellige *millium legionariorum*, qui opponuntur Hispanis et Gallis.

Hannibalis: quod, etsi ea æstate transiturum in Italiam U. C. 545.
fratrem crediderat, recordando quæ ipse in transitu nunc A. C. 207.
Rhodani, nunc Alpium, cum hominibus locisque pugnando
per quinque menses exhausisset, haudquaquam tam facilem
maturumque transitum expectabat. ea tardius movendi ex
hibernis causa fuit. Ceterum Hasdrubali et sua et aliorum
spe omnia celeriora atque expeditiora fuere. non enim re-
ceperunt modo Arverni eum, deincepsque aliæ Gallicæ at- Gallis et
que Alpine gentes; sed etiam secutæ sunt ad bellum. et Alpinis
quum per munita pleraque transitu fratris, quæ antea invia gentibus fa-
fuerant, ducebat; tum etiam, duodecim annorum adsuetu- ventibus.
dine perviis Alpibus factis, inter mitiora jam hominum
transibat ingenia. Invisitati namque antea alienigenis, nec
videre ipsi advenam in sua terra adsueti, omni generi hu-
mano insociabiles erant. et primo ignari, quo Pœnus per-
geret, suas rupes suæque castella, et pecorum hominumque
prædam peti crediderant: fama deinde Punici belli, quò
duodecimum annum Italia urebatur, satis edocuerat, viam
tantum Alpes esse: duas prævalidas urbes, magno inter se
maris terrarumque spatio discretas, de imperio et opibus
certare. hæ causæ aperuerant Alpes Hasdrubali. Ceterum
quod celeritate itineris profectum erat, id mora ad Placen- Placentiam
tiam, dum frustra obsidet magis, quam obpugnat, corrumpit. obsidet.
Crediderat campestris oppidi facilem expugnationem esse:
et nobilitas colonie induxerat eum, magnum se excidio ejus
urbis terrorem ceteris raturum injecturum. Non ipsum so-
lum ea obpugnatio inpediit; sed Hannibalem post famam
transitus ejus, tanto spe sua celeriore, jam moventem ex
hibernis, continuerat. quippe reputantem, non solum quam
lenta urbium obpugnatio esset, sed etiam ¹⁵ quam ipse frus-
tra eandem illam coloniam, ab Trebia victor regressus, ten-
tasset.

XL. Consules, diversis itineribus profecti ab urbe, velut in Anxietas
duo pariter bella distenderant curas hominum, simul recor- Romano-
dantium, quas primus adventus Hannibalis intulisset Italiae rum.
clades; simul, quum illa angeret cura, *quos tam propitios urbi*
atque imperio fore Deos, ut eodem tempore utrobique respublica
prosperè gereretur? adhuc adversa secundis pensando rem ad id
tempus extractam esse. quum in Italia ad Trasimenum et Can-
nas præcipitasset Romana res, prospera bella in Hispania pro-

¹⁵ *Quam ipse frustra eandem il-*
lam coloniam... tentasset] Nusquam
legitur Annibal tentasse Placentiam.
Memoratur tantum l. XXI. c. 57.
tentasse Emporium prope Placenti-
am; mox, c. 59. pugnassee ad Placen-

tiam cum Sempronio consule. Utrum
memoria fefellerit hoc loco Livium,
an oppugnationem Emporii tentatio-
nem fuisse Placentiæ interpretatus
sit, in medio relinquimus.

U. C. 545. *lupream eam erexisse. postea, quam² in Hispania alia super*
 A. C. 207. *aliam clades, duobus egregiis ducibus amissis, duos exercitus ex*
parte delessset multa, secunda¹ in Italia Siciliaque gesta¹⁴ quas-
satam rempublicam excepsisse: et ipsum intervallum loci, quod
in ultimis terrarum oris alterum bellum gereretur, spatium de-
disse ad respirandum. Nunc duo bella in Italiam accepta,
duo celeberrimi nominis duces circumstare urbem Romanam,
et unum in locum totam periculi molem, omne onus incubu-
isse. qui eorum prior vicisset, intra paucos dies castra cum
altero juncturum. Terrebat et proximus annus lugubris duo-
rum consulum funeribus. His anxii curis homines digredien-
tes in provincias consules prosecuti sunt. Memoriae prodi-
tum est, plenum adhuc iræ in cives M. Livium, ad bellum
proficiscentem, monenti Q. Fabio, ne, priusquam genus hos-
tium cognosset, temere manum consereret, respondisse: Ubi pri-
um hostium agmen conspexisset, pugnaturum. Quum quæ-
reretur, quæ caussa festinandi esset? Aut ex hoste egregiam
gloriam, inquit, aut ex civibus victis gaudium, meritum certe,
etsi non honestum, capiam. Priusquam Claudius consul in
provinciam perveniret, per extremum finem agri Larinatis du-
centem in Sallentinos exercitum Hannibalem¹⁵ cum expedi-
tis cohortibus adortus, C. Hostilius Tubulus in composito ag-
mini terribilem tumultum intulit. ad quatuor millia hominum
occidit, novem signa militaria cepit. Moverat ex hibernis ad
famam hostis Q. Claudius, qui per urbes agri Sallentini castra
disposita habebat. Itaque, ne cum duobus exercitibus simul
confligeret, Hannibal nocte castra ex agro Tarentino movit,
atque in Bruttios concessit. Claudius in Sallentinos agmen
convertit. Hostilius, Capuam petens, obvius ad Venusiam
fit consuli Claudio. Ibi ex utroque exercitu electa peditum
quadraginta millia, duo millia et quingenti equites, quibus
consul adversus Hannibalem rem¹⁶ gereret: reliquas copias
Hostilius Capuam ducere jussis, ut Q. Fulvio proconsuli
traderet.

Livii vox
 plena iræ in
 cives.

Neronis et
 Hannibalis
 castra con-
 lata.

XLI. Hannibal, undique contracto exercitu, quem in hibernis, aut in præsiidiis agri Bruttii habuerat, in Lucanos ad Grumentum venit, spe recipiendi oppida, quæ per metum ad Romanos defecissent. eodem a Venusia consul Romanus exploratis itineribus contendit, et mille fere et quingentos passus castra ab hoste locat. Grumentum moenibus prope in-junctum videbatur Pœnorum vallum. ¹⁶ quingenti passus

² quum Gron. Crev.

¹ delessset, multa secunda Eæd.

^m res Eæd.

¹⁴ Quassatam rempublicam excepsisse] Fuisse quasi portum quemdam, quo quassata reipublicæ navis exciperetur.

¹⁵ Cum expeditis cohortibus] Put. non agnoscit præpositionem. Et sic

sæpe amat loqui Livius.

¹⁶ Quingenti passus intererant] Vallum Pœnorum Romanis ex intervallo spectantibus videbatur prope in-junctum moenibus Grumentum. Revera quingenti passus intererant inter Gru-

intererant. Castraⁿ Punica ac Romana inter jacebat cam-^{U. C. 545.}
 pus, colles imminebant nudi sinistro lateri Karthaginien-^{A. C. 207.}
 sium, dextro Romanorum, neutris suspecti, quod nihil sil-
 wæ neque ad insidias latebrarum habebant. In medio cam-
 po ab stationibus procursantes certamina, haud satis digna
 dictu, serebant. Id modo Romanum quærere adparebat,
 ne abire hostem pateretur. Hannibal, inde evadere cupiens,
 totis viribus in aciem descendebat. Tum consul,¹⁷ ingenio
 hostis usus, quo minus in tam apertis collibus timeri insi-
 diæ poterant, quinque cohortes, additis quinque inanipulis, ^{Insidiæ Ro-}
 nocte jugum superare, et in aversis vallibus considerare jubet. ^{manorum.}
 tempus exsurgendi ex insidiis, et adgrediendi hostem, Ti.
 Claudium Asellum tribunum militum et P. Claudium præ-
 fectum socium edocet, quos cum iis mittebat. Ipse luce
 prima copias omnes peditum equitumque in aciem eduxit.
 Paulo post et ab Hannibale signum pugnae propositum est,
 clamorque in castris ad arma discurrentium est sublatus.
 inde eques pedesque certatim portis ruere, ac palati per
 campum properare ad hostes. Quos ubi effusos consul vi-
 det, tribuno militum tertiæ legionis C. Aurunculeio impe-
 rat, ut equites legionis, quanto maximo inpetu possit, in
 hostem emittat. ita pecorum modo incompositos toto pas-
 sim campo se fudisse, ut sterni obterique, priusquam instru-
 antur, possint.

XLII. Nondum Hannibal e castris exierat, quum pug-^{Pugna com-}
 nantium clamorem audivit. itaque, excitus tumultu, raptim ^{mittitur.}
 ad hostem copias agit. Jam primos occupaverat ¹⁸ eques-
 ter^o terror. peditum etiam prima legio et dextra ala præ-
 lium inibant. incompositi hostes, ut quemque aut pediti,
 aut equiti casus obtulit, ita conserunt manus. crescit pugna
 subsidiis, ¹⁹ et procurrentium ad certamen numero augetur:
 pugnantesque (quod nisi in vetere exercitu, et duci veteri
 haud facile est) inter tumultum ac terrorem instruxisset
 Hannibal, ni cohortium ac manipulorum decurrentium per

ⁿ passus erant inter castra P. Gron.

^o equestris Gron. Crev.

menti moenia et castra Pœnorum. In-
 ter Punica et Romana castra jacebat
 campus. Quam hic sequimur scrip-
 turam, ea est omnium scriptorum et
 vett. editorum. Vulgo nunc legitur
*quingenti passus erant inter castra
 Punica ac Romana. Interjacebat cam-
 pus.* Quæ lectio omnino stare non
 poterat, quum supra dicatur consul
 mille fere et quingentos passus castra
 ab hoste locavisse.

¹⁷ *Ingenio hostis usus*] Ingenium
 hostis imitatus, et adversus Pœnum
 arte Punica utens.

¹⁸ *Equestris terror*] Optimi quique
 scripti *eques terror*. Itaque admodum
 probabilis est Sahamasi conjectura:
equester terror.

¹⁹ *Et procurrentium ad certamen
 numero augetur*] Facile pateremur
 totum hoc additamentum abesse, cu-
 jus idem plane sensus est, sed minus
 eleganter expressus, ac membri præ-
 cedentis, *crescit pugna subsidiis*. Ita-
 que illud pro glossemate videmur ha-
 bere posse, quod ex ora libri in con-
 textum temere irrepserit.

U. C. 545. A. C. 207. colles clamor, ab tergo auditus, metum, ne intercluderentur a castris, iniecisset. Inde pavor incussus, et fuga passim fieri coepta est. minorque caedes fuit, quia propinquitas castrorum brevior fugam percussis fecit. ²⁰ Equites enim tergo inhaerebant¹: in transversa latera invaserant cohortes, ²¹ secundis collibus via nuda ac facili decurrentes. tamen supra octo millia hominum occisa: ²² supra septingentos capti: signa militaria novem adempta: elephantum etiam, quorum nullus usus in repentina ac tumultuaria pugna fuerat, quatuor occisi, duo capti. ²³ Circa quingentos Romanorum sociorumque victores ceciderunt. postero die Poenus quievit. Romanus, in aciem copiis eductis, postquam neminem signa contra efferre vidit, spolia legi caesorum hostium, et suorum corpora conlata in unum sepeliri iussit. inde insequentibus continuis diebus aliquot ita institit portis, ut prope inferre signa videretur: donec Hannibal tertia vigilia, crebris ignibus tabernaculisque, ²⁴ quae pars castrorum ad hostes vergebat, et Numidis paucis, qui in vallo portisque se ostenderent, relictis, profectus Apuliam petere intendit. Ubi influxit, successit vallo Romana acies. et Numidae ex composito paullisper in portis se valloque ostentavere: frustratique aliquamdiu hostes, citatis equis agmen suorum adsequuntur. Consul, ubi silentium in castris, et ne paucos quidem, qui prima luce obambulaverant, parte ulla cernebat, duobus equitibus speculatum in castra praemissis, postquam satis tuta omnia esse exploratum est, inferri signa iussit. tantumque ibi moratus, dum milites ad praedam discurrent, receptum deinde cecinit, multoque ante noctem copias reduxit. Postero die prima luce profectus, magnis itineribus famam et vestigia agminis sequens, haud procul Venusia hostem adsequitur. Ibi quoque tumultuaria pugna fuit. supra duo millia Poenorum caesa. Inde nocturnis montanisque itineribus Poenus, ne locum pugnandi daret, Metapontum petiit. Hanno inde (is enim praesidio ejus loci praefuerat) in Bruttios cum paucis ad exercitum novum

¹ in tergo haerebant Gron. Crev.

²⁰ *Equites enim in tergo*] Ante haec verba supple ex sensu: Quod si tam propinqua non fuissent castra, magna caedes facta esset. *Equites enim in tergo haerebant . . .*

²¹ *Secundis collibus*] Per pronos colles: ut dicitur *secundo flumine delabi*, aut contra, *adversum* subire montem.

²² *Supra septingentos capti*] Put. integre: *supra septingenti capti*. Hoc si verum et probum est, dictum erit

quemadmodum passim ad jungitur cum numerorum nominibus in recto casu. Vid. not. 77. ad l. XXVIII. c. 34.

²³ *Circa quingentos Romanorum sociorumque victores ceciderunt*] Vox *victores* hic omnino otiosa est. Olim expeditius multo legebatur: *Romanorum sociorumque ducenti ceciderunt*.

²⁴ *Quae pars*] Id est, in ea parte quae pars.

comparandum missus. Hannibal, copiis ejus ad suas addi- U. C. 545.
tis Venusiam retro, quibus venerat itineribus, repetit, atque A. C. 207.
inde Canusium procedit. Numquam Nero vestigiis hostis
abstiterat: et Q. Fulvium, quum Metapontum ipse profi-
cisceretur, in Lucanos, ne regio ea sine præsidio esset, ar-
cessierat.

XLIII. Inter hæc ab Hasdrubale, postquam a Placen- Interci-
tiæ obsidione abscessit, quatuor Galli equites, duo Nu- piuntur
midæ, cum literis ad Hannibalem missi, quum per medios Hasdruba-
hostes totam ferme longitudinem Italiæ emensi essent, dum lre literæ.
Metapontum cedentem Hannibalem sequuntur, incertis
itineribus Tarentum delati, a vagis per agros pabulatoribus
Romanis ad Q. Claudium proprætorem deducuntur. Eum
primo incertis implicantes responsis, ut metus tormentorum
admotus fateri vera coëgit, edocuerunt, literas se ab Has-
drubale ad Hannibalem ferre. Cum iis literis, sicut erant,
signatis, L. Virginio tribuno militum ducendi ad Claudium
consulem traduntur. dux simul turmæ Samnitium præsidii
caussa missæ. qui ubi ad consulem pervenerunt, literæque
lectæ per interpretem sunt, et ex captivis percunctatio fac-
ta; tum Claudius, non id tempus esse reipublicæ ratus, quo
consiliis ordinariis provinciæ suæ quisque finibus per exer-
citus suos cum hoste destinato ab senatu bellum gereret,
²⁵ audendum¹ aliquid improvisum, inopinatum, quod cœptum
non minorem apud cives, quam hostes, terrorem faceret,
perpetratum in magnam lætitiā ex magno metu verteret;
literis Hasdrubalis Romam ad senatum missis, simul et
ipse Patres conscriptos, quid pararet, edocet, ut, quum in
Umbria se obcursurum Hasdrubal fratri scribat, legionem
a Capua Romam arcessant; delectum Romæ habeant; ex-
ercitum urbanum ad Narniam hosti obponant. Hæc senatui
scripta. Præmissi item² per agrum Larinatem, Marruci-
dum, Frentanum, Prætutianum, qua exercitum ducturus
erat, ut omnes ex agris urbibusque commeatus paratos mi-
liti ad vescendum in viam deferrent, equos jumenta que alia
producerent, ut vehiculorum fessis copia esset. Ipse de to-
to exercitu civium sociorumque, quod roboris erat, delegit,
sex millia peditum, mille equites: pronunciat, occupare se
in Lucanis proximam urbem Punicumque in ea præsidium
velle; ut ad iter parati omnes essent. Profectus nocte flexit
in Picenum. Et consul quidem, quantis maximis itineribus

¹ add. ac novandum Gron. Crev.

² autem Eaed.

²⁵ Audendum ac novandum aliquid] Nostri, ut et Grœnoviani, codices ig-
norant medias duas voces ac novan-
dum, quæ tamen aliquid ad sententiæ
vim adjiciunt, et ad rem præsentem

accommodatissimæ sunt: ut hoc quo-
que possit esse documentum, ne ni-
mium scriptis, etiam numero et boni-
tate non contemnendis, credamus.
Qua de re egimus ad c. 28. supra.

U. C. 545. poterat^a, ad collegam ducebat, relicto Q. Catio legato, qui
A. C. 207. castris præesset.

Metus Ro-
manorum.

XLIV. Romæ haud minus terroris ac tumultus erat, quam fuerat ²⁶ biennio ante, quum castra Punica objecta Romanis mœnibus portisque fuerant. neque satis constabat animis, tam audax iter consulis laudarent vituperarentne. Adparebat (quo nihil iniquius est) ex eventu famam habiturum. *Castra prope Hannibalem hostem relicta sine duce cum exercitu, cui detractum foret omne, quod roboris, quod floris fuerit; et consulem in Lucanos ostendisse iter, quam Picenum et Galliam peteret, castra relinquentem nulla alia re tutiora, quam errore hostis, qui ducem inde atque exercitus partem abesse^b ignoraret. Quid futurum, si id palam fiat? et aut insequi Neronem, cum sex millibus armatorum profectum, Hannibal toto exercitu velit, aut castra invadere, prædæ relicta, sine viribus, sine imperio, sine auspicio? Veteres ejus belli clades, duo consules proximo anno interfecti terrebant. Et ea omnia accidisse, quum unus imperator, unus exercitus hostium in Italia esset: nunc duo bella Punica facta, duos ingentes exercitus, duos prope Hannibales in Italia esse. quippe et Hasdrubalem, patre eodem Hamilcare genitum, æque inpigrum ducem, per tot in Hispania annos ²⁷ Romano exercitatum^c bello, gemina victoria insignem, duobus exercitibus cum clarissimis ducibus deletis. Nam itineris quidem celeritate ex Hispania et concitatis ad arma Gallicis gentibus multo magis, quam Hannibalem ipsum, gloriari posse. quippe in iis locis hunc coëgissee exercitum, quibus ille majorem partem militum fame ac frigore, quæ miserrima mortis genera sunt, amisisset. Adjiciebant etiam periti rerum Hispaniæ, ²⁸ haud cum ignoto duce C. Nerone congressurum: ²⁹ sed quem in saltu inpedito deprehensus forte, haud secus quam puerum, conscribendis fallacibus conditionibus pacis frustratus elusisset. ³⁰ Omnia majora etiam vero præsidia hostium, minora sua, metu interprete, semper in deteriora inclinato, ducebant.*

Nero milites hortatur.

XLV. Nero, postquam jam tantum intervalli ab hoste fecerat, ut detegi consilium satis tutum esset, paucis milites adloquitur. Negat ullius consilium imperatoris in speciem

^a poterat itineribus Gron. Crev.

^b abesse Ræd.

^c exercitum Gron.

²⁶ Biennio ante] Imo triennio, si non numerentur extrema; quinquennio, si eorum ratio habeatur. Atque hoc vitium potius esse librariorum crediderimus, quam Livii in re tam clara tamque recenti incuriam.

²⁷ Romano exercitatum bello] Sic habere codicem Cantabrigiensem testatur Jac. Gronovius. Consentit Put. et omnes nostri. Vulgo exercitum.

²⁸ Haud cum ignoto duce] Put. auctior est: haud cum ignoto cum duce. Videtur legendum: haud cum ignoto cum duce.

²⁹ Sed quem in saltu] De ea re vid. l. XXVI. c. 17.

³⁰ Omnia majora] Quidquid virium haberent hostes, augebant Romani, metu interprete; quidquid haberent ipsi, minuebant.

audacius, re ipsa tutius fuisse, quam solum. Ad certam eos U. C. 145. se victoriam ducere. quippe ad quod bellum collega non ante, A. C. 207. quam ad satietatem ipsius peditum atque equitum datae ab senatu copiae fuissent maiores instructioresque, quam si adversus ipsum Hannibalem iret, profectus sit, eo ipsos, quantumcunque virium momentum addiderint, rem omnem inclinatueros. ⁵¹ *Auditum modo in acie (nam, ne ante audiretur, daturum operam) alterum consulem et alterum exercitum advenisse, haud dubiam victoriam facturum. Famam bellum conficere, et parva momenta in spem metumque impellere animos. Gloriam quidem ex re bene gesta partem fructum prope omnem ipsos laturos. Semper, quod postremum adjectum sit, id rem totam videri traxisse. Cernere ipsos, quo concursu, qua admiratione, quo favore hominum iter suum celebratur. Et, Hercule, per instructa omnia ordinibus virorum mulierumque, undique ex agris effusorum, inter vota et preces et laudes ibant: illos praesidia reipublicae, vindices urbis Romae imperiique adpellabant: in illorum armis dextrisque suam liberumque suorum salutem ac libertatem repositam esse. Deos omnes Deasque precabantur, ut illis faustum iter, felixque pugna, matura ex hostibus victoria esset:* ⁵² *damnarenturque ipsi votorum, quae pro iis suscepissent. Ut, quemadmodum nunc solliciti prosequerentur eos, ita paucos post dies laeti ostantibus victoria obviam irent. Invitare inde pro se quisque, et obferre, et fatigare precibus, ut, quae ipsis jumentisque usui essent, ab se potissimum sumerent. benigne omnia cumulata dare. Modestia certare milites, ne quid ultra usum necessarium sumerent: nihil morari,* ⁵³ *nec ab signis absistere cibum capientes: diem ac noctem ire: vix, quod satis ad naturale desiderium corporum esset, quieti dare. Et ad colle-*

▼ ac Gron. Crev.

✱ liberorumque Emd.

⁵¹ *Auditum modo in acie]* Haud dubiam fore victoriam eo ipso, quod in acie solummodo, non ante, nuncius ad hostes perventurus esset additi ad vires Romanas alterius consulis et alterius exercitus. * Ex participio *auditum* pendet tota oratio, eadem plane forma, quam exposuimus in not. 6. ad c. 37. supra.

⁵² *Damnarenturque ipsi votorum]* Ut necesse haberent persolvere vota, quae pro iis suscepissent; diis scilicet id tribuentibus, quod per illa vota ipsi ab iis exposcerent. Vota autem illa mox continentur his verbis, ut *quemadmodum* . . .

⁵³ *Nec ab signis absistere]* Ingens scriptorum manus, nec ab signis nec subsistere. Unde suspicatur Gronovius

nec ab signis absistere, nec subsistere cibum capientes. Duo enim sunt diversa, excedere ex ordinibus et subsistere: utrumque autem de illis negatum mirificam diligentiam prodit. Unam autem vocem absorptam esse a vicina consimili minime mirum videri debet. Sic c. seq. ubi editi habent *deberi exercitum Asdrubalis posse redireque in Apuliam*, plurimi e. scriptis Gronovianis, omnes nostri, praeter unum Victorinum, exhibent *deberi in Apuliam*: cetera omittunt. Et paulo inferius in illo membro *abutendumque errore hostium absentium praesentiumque*, Put. et Victorin. . . . *hostium absentiumque*, omissa voce *praesentium*.

U. C. 545. gam præmissi erant, qui nunciarent adventum, percuncta-
A. C. 207. renturque, clam an palam, interdiu an noctu, venire sese vel-
let, iisdem an aliis considerare castris. Nocte clam ingredi
melius visum est.

XLVI. ³⁴ Tessera per castra ab Livio consule data erat, ut tribunum tribunus, centurio centurionem, eques equitem, pedes peditem acciperet. neque enim dilatarı castra opus esse, ne hostis adventum alterius consulis sentiret: et coartatio plurimum in angusto tendentium facilior futura erat, quod Claudianus exercitus nihil ferme, præter arma, secum in expeditionem tulerat. Ceterum in ipso itinere auctum voluntariis agmen erat; obferentibus sese ultro et veteribus militibus perfunctis jam militia, et juvenibus, quos certatim nominum dantes, si quorum corporis species roburque virium aptum militiæ videbatur, conscripserat. Ad Senam castra alterius consulis erant: et quingentos inde ferme passus Hasdrubal aberat. Itaque quum jam adpropinquaret, tectus montibus substitit Nero, ne ante noctem castra ingrederetur. Clam ingre-
ditur castra
Livii. Silentio ingressi, ab sui quisque ordinis hominibus in tentoria abduoti, cum summa omnium lætitia hospitaliter excipiuntur. Postero die consilium habitum, cui et L. Porcius Licinus prætor adfuit. Consilium
habitum. Castra juncta consulum castris habebat: et ante adventum eorum, per loca alta ducendo exercitum, quum modo insideret angustos saltus, ut transitum elauderet, modo ab latere aut ab tergo carperet agmen, ludificatus hostem omnibus artibus belli fuerat. is tum in consilio aderat. Multorum eo inclinant sententiæ, ut, dum fessum via ac vigiliis reficeret militem Nero, simul et ad noscendum hostem paucos sibi sumeret dies, tempus pugnae differretur. Nero non suadere modo, sed summa ope orare institit, ne consilium suum, quod tutum celeritas fecisset, temerarium morando facerent. ³⁵ Errore (qui non diuturnus futurus esset) velut torpentem Hannibalem, nec castra sua sine duce relictâ adgredi, nec ad sequendum se iter intendisse. antequam se moveat, deleri exercitum Hasdrubalis posse, ³⁶ redireque in Apuliam. Qui prolatando spatium hosti det, eum et ³⁷ illa castra prodere Hannibali, et aperire in Galliam

Nero censet
statim ex-
eundum in
aciem.

³⁴ Tessera . . data erat] Diditum per omnes ordines imperium fuerat. Vid. not. 61. ad l. VII. c. 35.

³⁵ Errore qui non diuturnus futurus esset] Sane mirum est, hoc errore Annibalem eo usque delusum, donec Nero victo Asdrubale in castra redierit. Profecto necesse est, ut dux callidissimus tamen parum curaret explorata sibi esse, quæ apud hostes agerentur, quum tamdiu ignoraverit rem ejusmodi, quæ et Romæ, et tota Ita-

lia percelebris foret. Neque vero suspicari quis possit speculatorum usum, quos Gallice vocamus *espions*, prorsus ei ignotum fuisse. Contrarium enim constat tum ex l. XXII. capp. 28. et 33. tum ex l. XXX. c. 29.

³⁶ Redireque in Apuliam] Magis placeat legere eum Gronovio, *redireque*.

³⁷ Illa castra] Castra quæ in Apulia sint, relictâ a Nerone.

iter, ut per otium, ubi velit, Hasdrubali conjungatur. Ea U. C. 545.
 templa signum dandum, et exiundum in aciem: ³⁸ abuten, A. C. 207.
 dumque errore hostium absentium presentiumque; dum ne-
 que illi sciant cum paucioribus, nec hi cum pluribus et vali-
 dioribus rem esse. Consilio dimisso, signum pugnae propo-
 nitur, confestimque in aciem procedunt.

XLVII. Jam hostes ante castra instructi stabant. moram
 pugnae adtulit, quod Hasdrubal, propectus ante signa cum ^{Hasdruba-}
 paucis equitibus, scuta vetera hostium notavit, quae ante ^{lis pruden-}
 non viderat, et strigosiores equos. multitudo quoque major ^{tia.}
 solita visa est. Susplicatus enim id, quod erat, receptui pro-
 pere cecinit, ac misit ad flumen, unde aquabantur: ubi et
 excipi aliqui possent, et notari oculis, si qui forte adustioris
 coloris, ut ex recenti via, essent; simul circumvehi procul
 castra jubet specularique, num auctum aliqua parte sit val-
 lum: et ut adtendant, semel bisne signum canat in castris.
 Ea quum ordine omnia relata essent, castra nihil abcta erro-
 rem faciebant. Bina erant, sicut ante adventum consulis
 alterius fuerant: una M. Livii, altera L. Porcii: neutris
 quidquam, ³⁹ quo latius tenderetur, ad munimenta adjectum.
 Illud veterem ducem aduetumque Romano hosti movit,
 quod semel in praetoris castris signum, bis in consularibus
 referebant ceciniisse. duos profecto consules esse, et, quonam
 modo alter ab Hannibale absecessisset, cura angebat. Mini-
 me id, quod erat, suspicari poterat, tantae rei frustratione
 Hannibalem elusum, ut, ubi dux, ubi exercitus esset, ⁴⁰ cum
 quo castra collata haberet, ignoraret. Profecto haud me-
 diocri clade absteritum insequi non ausum. magnopere ve-
 reri, ne perditis rebus serum ipse auxilium venisset: Roma-
 nisque eadem jam fortuna in Italia, quae in Hispania, esset.
 interdum, literas suas ad eum non pervenisse, credere: in-
 terceptisque iis, consulem ad sese obprimendum adcelerasse.
 His anxius curis, extinctis ignibus, vigilia prima dato sig- ^{Noctu cas-}
 no, ut taciti vasa conligerent, signa ferri jussit. In trepi- ^{tra movet.}
 datione et nocturno tumultu duces parum intenti adservati,
 alter in destinatis ⁴¹ jam ante animo latebris subseedit, alter

¹ habuerit Crev.

² jam inde ante Gron.

³⁸ * Abutendumque errore] Verbum
 abuti sumitur quoque in bonam par-
 tem, ita tamen ut res in usum et
 commodum vertatur vel contra jus
 aut consuetudinem, vel contra men-
 tem alicujus; ut hoc loco, ut apud
 Cic. pro Ligar. n. l. ut . . ignorations
 tua ad hominis miseri salutem abuterer.

³⁹ * Quo latius tenderetur] Quo la-
 tiora castra fierent. Tendere verbum
 proprium est ubi de castrorum meta-

tionem agitur.

⁴⁰ Cum quo castra collata habuerit]
 Haec scriptura est Put. et Victor. co-
 dicum. Rhenanus jussu legi habe-
 ret: eique paruerunt editores: minus
 recte. Etenim hoc tempore quum
 Asdrubal haec secum volutat, non ha-
 bebat Annibal castra collata cum Ne-
 rone, tunc cum eo exercitu quem Nero
 secum abduxerat.

⁴¹ Jam ante] Vulgo jam inde ante.

U. C. 545. per vada nota Metaurum flumen tranavit: ita desertum a
 A. G. 207/ duobus agmen primo per agros palatur; ⁴² fessique aliquot
 somno ac vigiliis sternunt corpora passim, atque infrequen-
 tia relinquunt signa. Hasdrubal, dum lux viam ostenderet,
 ripa fluminis signa ferri jubet: et per tortuosi amnis sinus
 flexusque errorem volvens haud multum processit, ubi pri-
 ma lux transitum opportunum ostendisset, transiturus. sed
 quum, ⁴³ quantum mare abscedebat, tanto altioribus coërcen-
 tibus amnem ripis, non inveniret vada, diem terendo spa-
 tium dedit ad insequendum sese hosti.

Adsequun-
 tur eum
 Romani.

Instruitur
 utrimque a-
 cies.

Prælium
 initur.

XLVIII. Nero primum cum omni equitatu advenit.
 Porcius deinde adsecutus cum levi armatura. Qui quum
 fessum agmen carperent ab omni parte incursarentque, et
 jam, omisso itinere, quod fugæ simile erat, castra metari
 Pœnus in tumulto super fluminis ripam vellet; advenit Li-
 vius peditum omnibus copiis, non itineris modo, sed ad
 conserendum extemplo prælium instructis armatisque. Sed
 ubi omnes copias conjunxerunt, directaque acies est, Clau-
 dius dextro in cornu, Livius ab sinistro pugnam instruit:
 media acies prætori tuenda datur. Hasdrubal, omissa mu-
 nitione castrorum, postquam pugnandum vidit, in prima
 acie ante signa elephantos conlocat. circa eos lævo in cornu
 adversus Claudium Gallos obponit, haud tantum eis fidens,
 quantum ab hoste timeri eos credebat. ipse dextrum cornu
 adversus M. Livium sibi atque Hispanis (et ibi maxime in
 vetere milite spem habebat) sumsit. Ligures in medio post
 elephantos positi; sed longior, quam latior, acies erat. Gal-
 los prominens collis tegebat. Ea frons, quam Hispani tene-
 bant, cum sinistro Romanorum cornu concurrat. dextra om-
 nis acies extra prælium, eminens cessabat. collis obpositus
 arcebat, ne aut a fronte, aut ab latere adgrederentur. Inter
 Livium Hasdrubalemque ingens contractum certamen erat,
 atroxque cædes utrimque edebatur. ibi duces ambo, ibi pars
 major peditum equitumque Romanorum: ibi Hispani, vetus
 miles peritusque Romanæ pugnae, et Ligures, durum in
 armis genus. eodem versi elephantis, qui primo inpetu turba-
 verant antesignanos, et jam signa moverant loco: deinde,
 crescente certamine et clamore, inpotentius jam regi, et in-
 ter duas acies versari, velut incerti quorum essent: haud

Particulam *inde*, quæ a compluribus
 MSS. abest, et prorsus redundat, de-
 levimus, auctoribus Rhenano et Gro-
 novio.

⁴² * *Fessi . . . somno ac vigiliis*] *Fes-*
si vigiliis, ac propterea somno graves.

⁴³ *Quantum mare abscedebat*] *Dic-*

tum accipe, quemadmodum illud Vir-
 gili, *terraque urbesque recedunt*. Ta-
 men plerique editi, et Victorinus co-
 dex, *quantum a mari abscedebat*: quod
 quibusdam fortasse simplicius videbi-
 tur et clarius.

disimiliter navibus sine gubernaculo vagis. Claudius, *Quid* U. C. 545. *ergo præcipiti cursu tam longum iter emensi sumus?* clamitans A. C. 207. militibus, quum in adversum collem frustra signa erigere conatus esset, postquam ea regione penetrari ad hostem non videbat posse; cohortes aliquot subductas e dextro cornu, ubi stationem magis segnem, quam pugnam, futuram cernebat, post aciem circumducit. et, non hostibus modo, sed etiam suis inopinantibus, ⁴⁴ in sinistrum hostium latus incurrit: tantaque celeritas fuit, ut, quum ostendissent se ab latere, mox in terga jam pugnarent. Ita ex omnibus partibus, ab fronte, ab latere, ab tergo, trucidantur Hispani Liguresque: et ad Gallos jam cædes pervenerat. Ibi minimum certaminis fuit. nam et pars magna ab signis aberant, nocte dilapsi, stratique somno passim per agros: et, qui aderant, itinere ac vigiliis fessi, intolerantissima laboris corpora, vix arma humeris gestabant. Et jam diei medium erat, sitisque et calor hiantes cædendos capiendosque adfatum præbebat.

XLIX. Elephanti plures ab ipsis rectoribus, quam ab hoste, interfecti. fabrice scalprum cum malleo habebant: id, ubi sævire belluæ ac ruere in suos cœperant, magister inter aures positum, ipso in articulo, quo jungitur capiti cervix, quanto maximo poterat ictu, adigebat. Ea celerrima via mortis in tantæ molis bellua inventa erat, ubi regendi spem vicissent. primusque id Hasdrubal instituerat, dux quum sæpe alias memorabilis, tum illa præcipue pugna. Ille pugnantes hortando, pariterque obeundo pericula, sustinuit: ille fessos abnuentesque tædio et labore, nunc precando, nunc castigando, accendit: ille fugientes revocavit, omissamque pugnam aliquot locis restituit. postremo, quum haud dubie fortuna hostium esset, ⁴⁵ ne superesset tanto exercitui suum nomen secuto, concitato equo se in cohortem Romanam inmisit. Ibi, ut patre Hamilcare et Hannibale fratre dignum erat, pugnans cecidit. Numquam eo bello una acie tantum hostium interfectum est, redditaque æqua Cannensi clades, vel ducis, vel exercitus interitu, videbatur. ⁴⁶ Quinquaginta sex millia hostium occisa: capta quinque millia et quadringenti: præda alia magna tum omnis generis, tum auri etiam argentique. Civium etiam Romanorum, qui capti apud hostes erant, supra quatuor millia capitum recep-

Elephantia
rectoribus
interfecti.

Hasdruba-
lis fortitu-
do.

Egregie
pugnans ca-
dit.

56000. e
Pœnis oc-
cisi.

⁴⁴ *In sinistrum hostium latus]* Lege omnino in dextrum. Claudius sinistro cornu hostium oppositus circumductas post suorum aciem cohortes in Hispanos agit, qui in dextro hostium cornu pugnabant. JAC. PERIZONIUS.

⁴⁵ *Ne superesset tanto exercitui*

suum nomen secuto] Parum interest. Sed tamen Put. liber: *Ne superstes tanto exercitui suum nomen secuto esset.*

⁴⁶ *Quinquaginta sex millia]* Polybius, l. XI. decem tantummodo hostium millia, duo Romanorum in hac pugna interfecta esse memorat.

U. C. 546.
A. C. 207.
Romano-
rum 8000.

ta. id solatii fuit pro amissis eo proelio militibus. Nam haudquaquam incruenta victoria fuit: octo ferme milia Romanorum sociorumque occisa. Adeoque etiam victores sanguinis caedisque ceperat satietas^a, ⁴⁷ ut postero die, quum esset nunciatum Livio consuli, Gallos Cisalpinos Liguresque, qui aut proelio non adfuissent, aut inter eandem effugissent, uno agmine abire sine certo duce, sine signis, sine ordine ullo, aut imperio; posse, si ⁴⁸ una equitum ala mittatur, omnes deleri; *Supersint, inquit, aliqui nuncii, et hostium cludis, et nostrae virtutis.*

Nero ad exercitum redit.

L. Nero ea nocte, quae secuta est pugnam, citatiore, quam inde venerat, agmine, die sexto ad stativa sua, atque ad hostem pervenit. Iter ejus frequentia minore, quia nemo praecesserat nuncius, laetitia vero tanta, vix ut compotementium praegaudio essent, celebratum est. Nam Romae neuter animi habitus satis dici enarrarique potest; nec quo incerta expectatione eventus civitas fuerat, nec quo victoriae famam accepit. Numquam per omnes dies, ex quo Claudium consulem profectum fama adtulit, ab orto sole ad occidentem, aut senator quisquam a curia atque ab magistratibus abscessit, aut populus e foro. Matronae, quia nihil in ipsis iopis erat, in preces obtestationesque versae, per omnia delubra vagae supplicis votisque fatigare Deos. tam sollicitae ac suspensae civitati fama incerta primo accidit, duos Narnienses equites in castra, quae in faucibus Umbriae opposita erant, venisse ex proelio, nunciantes caesos hostes. Et primo magis auribus, quam animis, id acceptum erat, ut majus laetiusque, quam quod mente capere, aut satis credere possent: et ipsa celeritas fidem impediebat, quod bi duo ante pugnatum dicebatur. Literae deinde ab L. Manlio Acidino missae ex castris adferantur de Narniensium equitum adventu. Eae^b literae, per forum ad tribunal praetoris latae, ⁴⁹ senatum curia exciverunt: tantoque certamine ac tumultu populi ad fores curiae concursus est, ut adire nuncius non posset, trahereturque a percunctantibus vociferantibusque, ut in Rostris prius, quam in senatu, literae recitarentur. tandem submoti et coerciti a magistratibus: ⁵⁰ dis-

^a satias Gron. Crev.

^b Et Gron.

⁴⁷ *Ut postero die . . Supersint, inquit*] Particula ut postulare verbum subjunctivi, ut vocant, modi, quale esset *dixerit, responderit*. At propter interpositam longam periodum, ejus rationem non habuit Livius. Simile fere exemplum reperies apud Cic. I. II. de Orat. n. 23.

⁴⁸ *Una equitum ala*] Ala equitum Romanorum decem turmas habebat; turma, triginta fere homines.

⁴⁹ *Senatum curia exciverunt*] Senatores ad primum nuncium allatarum litterarum, e curia ad tribunal praetoris concurrerunt. Sed statim intelligendi sunt rediisse in curiam, ut ibi litterae legerentur.

⁵⁰ *Dispensarique laetitia*] Laetitia potuit modo quodam et ordine impertiri hominibus, qui vix eam capere animo poterant, atque adeo omnem ejus potiundae moram aegre ferebant.

pensarique lætitia inter impotentes ejus animos potuit. In U. G. 345: senatu primum, deinde in concione, literæ recitatæ sunt: et, A. G. 207: pro cujusque ingenio, aliis jam certum gaudium, aliis nulla ante futura fides erat, quam legatos consularve literas audissent.

LI. Ipsos deinde adpropinquare legatos adlatum est. tant enimvero omnis ætas currere obvii, primus quisque oculis auribusque haurire tantum gaudium cupientes. ad Mulvium usque pontem continens agmen pervenit. Legati (erant L. Veturius Philo, P. Licinius Varus, Q. Cæcilius Metellus) circumfusi^c omnis generis hominum frequentia in forum pervenerunt; quum alii ipsos, alii comites eorum, quæ acta essent, percunctarentur, et ut quisque audierat, exercitum hostium imperatoremque occisum, legiones Romanas incolumes, salvos consules esse, extemplo aliis porro inpertiebant gaudium suum. Quum ægre in curiam perventum esset, multo ægrius submota turba, ne Patribus misceretur, literæ in senatu recitatæ sunt.⁵¹ inde producti in concionem legati. L. Veturius, literis recitatis, ipse planius omnia, quæ acta erant, exposuit cum ingenti adsensu, postremo etiam clamore universæ concionis, quum vix gaudium animis caperent. Discursum inde ab aliis circa templa Deum, ut grates agerent; ab aliis domos, ut conjugibus liberisque tam lætum nuncium inpertirent. Senatus, quod M. Livius et C. Claudius consules, incolumi exercitu, ducem hostium legionesque occidissent, supplicationem in triduum decrevit. eam supplicationem C. Hostilius prætor pro concione edixit, celebrataque a viris feminisque est. Omnia templa per totum triduum æqualem turbam habuere: quum matronæ amplissima veste cum liberis, perinde ac si debellatum foret, omni solutæ metu, Deis immortalibus grates agerent.⁵² Statum quoque civitatis ea victoria movit: ut jam inde, haud secus quam in pace, res inter se contrahere, vendendo, emendo, mutuum dando, argentum creditum solvendo, auderent. C. Claudius consul quum in castra redisset, caput Hasdrubalis, quod servatum cum cura adtulerat, projici ante hostium stationes, captivosque Afros vinctos, ut erant, ostendi, duos etiam ex iis solutos ire ad Hannibalem, et expromere, quæ acta essent, jussit. Hannibal, tanto simul publico familiarique ictus

Gaudium
Romano-
rum.

Caput Has-
drubalis
projectum
ante castra
Hannibalia.

^c Legati erant — Metellus. Circumfusi Gron. Crev.

Modus autem ille et ordo in eo positus est, quod in senatu primum, a quo principium duci par erat, deinde in concione litteræ recitatæ sunt.

⁵¹ Inde producti] Verbum hic proprium. Introducebantur in senatum a magistratibus legati, producebantur ad populum, sive in concionem. Bene

igitur Sigonius, quum reperisset in scriptis hoc loco *introduciti*, effecit *inde producti*.

⁵² Statum . . . civitatis . . . movit] Mutavit pecuniariæ rei statum in civitate. † Hoc eodem anno nummus aureus primum Romæ percussus est, ut colligitur ex Plin. l. XXXIII. c. 3.

U. C. 545. : luctu, *agnoscere se fortunam Karthaginis*, fertur, dixisse :
A. C. 207. castrisque inde motis, ut omnia auxilia, quæ diffusa latine
Hannibal in tueri non poterat, in extremum Italiae angulum Bruttios
extremam Italia re- contraheret, et Metapontinos, civitatem universam, ex citos
cedit. sedibus suis, et Lucanorum qui suæ ditionis erant, in Brut-
tium agrum traduxit.

EPITOME LIBRI XXVIII.

RES in Hispania prospere gestæ a Silano, Scipionis legato, et ab L. Scipione fratre adversus Pœnos, a Sulpicio proconsule et ab Attalo rege Asiæ adversus Philippum regem Macedoniam, pro Ætolis, referuntur. Quam M. Livio et Claudio Neroni consulibus triumphus decretus esset, Livius, qui in provincia sua rem gesserat, quadrigis inoectus est; Nero, qui in collegæ provinciam, ut victoriam ejus adjuvaret, venerat, equo est secutus, et in hoc habitu plus gloriæ reverentiæque habuit: nam et plus in bello, quam collega, fecerat. Ignis in æde Vestæ negligentia virginis, quæ non custodierat, extinctus est: virgo cæsa est flagro. P. Scipio in Hispania cum Pœnis debellavit ¹ quarto decimo anno ejus belli, quinto post anno, quam ierat: exclusisque in totum possessione ejus hostibus, Hispaniam recepit. et a Tarracone in Africam ad Syphacem regem Numidarum duobus navigiis transvectus, fœdus junxit. Hasdrubal Gisgonis ibi cum eo in eodem lecto adcubuit. Munus gladiatorium in honorem patris patruisque ² Karthagini novæ edidit, non ex gladiatoribus, sed ex iis, qui aut in honorem ducis, aut ex provocatione in certamen descendebant: in quo reguli fratres de regno ferro contenderunt. Quam Astapa urbs ab Romanis obpugnaretur, oppidani liberos et conjuges rogo extructo occiderunt, et se insuper præcipitaverunt. Ipse Scipio, dum gravi morbo implicitus est, seditionem, in parte exercitus motam, confirmatus discussit, rebellantesque Hispaniæ populos cœgit in deditionem venire; ³ et, amicitia facta cum Masinissa rege Numidarum, qui illi auxilium, si in Africam trajecisset, pollicebatur, cum Gaditanis quoque post discessum inde Magonis, cui ex Karthagine scriptum erat, ut in Italiam trajiceret, Romam reversus, consulque creatus. Africam provinciam petenti, contradicente Q. Fabio Maximo, Sicilia data est: permissumque, in Africam trajiceret, si ex republica esse censeret. Mago, Hamilcaris filius, a minore Baliari insula, ubi hiemarat, in Italiam trajecit.

¹ Decimo tertio anno ejus belli] Recentius editi habent decimo quinto: veteres XIV. quomodo et legebatur olim infra c. 16. hujus libri: ubi recte admonuit Glareanus emendandum esse decimo tertio. Glareano assensi sunt postea editores omnes: unde hic quoque non dubitavimus reponere eum numerum qui congrueret et veræ annorum rationi, et contextui Liviano.

² Carthagine Nova] Sic legi jussit Sigonius. Olim: Carthagini Novæ.

³ Et amicitia facta cum Masinissa . . Romam reversus] Vulgo Et amicitia facta est. Delevimus vocem est, quam a vet. lib. abesse Sigonius testatur: et omittit quoque Campanus. Sic enim rotundior videtur oratio.

T. LIVII PATAVINI

LIBER XXVIII.

U. C. 545.
A. C. 207.
Res Hispaniæ.

Contra hos-
tes mittit
Silanum
Scipio.

Castra Cel-
tiberorum
et Pœno-
rum.

QUUM transitu Hasdrubalis, quantum in Italiam declina-
verat belli, tantum levatæ Hispaniæ viderentur; renatum ibi
subito par priori bellum est. Hispanias ea tempestate sic
habebant Romani Pœnique. Hasdrubal, Gisgonis filius, ad
oceanum penitus Gadesque concesserat. Nostri maris ora
omnisque ferme Hispania, qua in orientem vergit, Scipionis
ac Romanæ ditionis erat. Novus imperator Hanno, in locum
Barcini Hasdrubalis novo cum exercitu ex Africa transgres-
sus, Magonique junctus, quum in Celtiberia, quæ media inter
duo maria est, brevi magnum hominum numerum armasset;
Scipio adversus eum M. Silanum cum ¹decem haud plus
millibus militum, equitibus quingentis, misit. Silanus, quan-
tis maximis potuit itineribus, (impediebant autem et asperi-
tates viarum, et angustiae saltibus orebris, ut pleraque His-
paniæ sunt, inclusæ) tamen non solum nuncios, sed etiam
famam adventus sui prægressus, ducibus indidem ex Celtiberia
transfugis, ad hostem pervenit. Eisdem auctoribus comper-
tum est, quum decem circiter millia ab hoste abessent, bina
castra circa viam, qua irent, esse: ²læva Celtiberos, novum
exercitum, supra novem millia hominum, dextra Punica
tenere castra. hæc stationibus, vigiliis, omni justa militari
custodia tuta et firma esse: illa altera soluta neglectaque, ut
barbarorum et tironum, et minus timentium, quod in sua
terra essent. Ea prius adgredienda ratus Silanus, signa
quam maxime ad lævam jubebat ferri, necunde ab stationibus
Punicis conspiceretur. ipse, præmissis speculatoribus, citato
agmine ad hostem pergit.

II. Tria millia ferme aberat, quum haudum quisquam hos-
tium senserat. ³confragosa loca et obsita virgultis tenebant col-
les. Ibi in cava valle, atque ob id occulta, considerare militem,

¹ Decem millibus militum, equiti-
bus quingentis] Vid. not. 94. ad l.
XXVI. c. 19.

² Læva Celtiberos . . dextra Punica
tenere castra] Ab læva parte Cel-
tiberos, a dextra Pœnos, sive Pu-
nica castra tenere, supple, locum, re-
gionem. Apud Livium interdum te-
nere absolute ponitur pro tenere lo-
cum. Sic XXXII. 5. Qua abscissæ ru-
pes erant, statio paucorum armatorum

tenebat.

³ Confragosa loca] Confragosa loca
et virgultis obsita totam collum fa-
ciem vestiebant. Aptius tamen dici
viderentur virgultis teneri colles,
quam locis. Ceterum, quia Put. et
optimus e regiis præferunt *obsiti*, vi-
dendum an hic locus sic legi et exponi
possit: *Confragosa loca et virgultis
obsiti tenebant colles*: id est, confra-
gosa loca et virgultis obsiti colles te-

et cibum capere jubet. interim speculatores, transfugarum U. C. 543.
dicta adfirmantes, venerunt. Tum, sarcinis in medium con- A. C. 207.
jectis, arma Romani capiunt, acieque justa in pugnam vadunt.
Mille passuum aberant, quum ab hoste conspecti sunt, trepi-
darique repente coeptum. et Mago ex castris citato equo ad
primum clamorem et tumultum advehitur. Erant autem in
Celtibero exercitu quatuor millia scutatorum et ducenti
equites; hanc justam legionem (et id ferme roboris erat) in
prima acie locat: ⁴ceteros^a, levem armaturam, in subsidiis
posuit. Quum ita instructos educeret castris, vixdum in
egressos vallo Romani pila conjecerunt. Subsidunt Hispani Proelium.
adversus emissa tela ab hoste, inde ad mittenda ipsi consur-
gunt; quæ quum Romani conferti, ut solent, densatis exce-
pissent scutis, tum pes cum pede conlatus, et gladiis geri res
coepta est. Ceterum asperitas locorum et Celtiberis, quibus
in proelio concursare mos est, velocitatem inutilem faciebat;
et haud iniqua eadem erat Romanis stabili pugnae adsuetis;
nisi quod angustiae et internata virgulta ordines dirimebant,
et singuli binique, velut cum paribus, conserere pugnam
cogebantur. Quod ad fugam impedimento hostibus erat, id Vincunt
ad caedem eos, velut vinctos, praebebat. Et jam, ferme om- Romani.
nibus scutatis Celtiberorum interfectis, levis armatura et Kar-
thaginienses, qui ex alteris castris subsidio venerant, perculsi
caedebantur. duo haud amplius millia peditum et equitatus
omnis, vix inito proelio, cum Magone effugerunt. Hanno,
alter imperator, cum eis, qui postremi, jam profligato proelio,
advenerant, vivus capitur. Magonem fugientem equitatus
ferme omnis, et quod veterum peditum erat secuti, decimo die
in Gaditanam provinciam ad Hasdrubalem pervenerunt.
Celtiberi, novus miles, in proximas dilapsi silvas, inde domos
diffugerunt. ⁵Peropportuna victoria nequaquam tantum
jam conflatum bellum, quanta futuri materia belli (si licuisset
eis, Celtiberorum gente excita, et alios ad arma sollicitare
populos) obpressa erat. Itaque, conlaudato benigne Silano,
Scipio spem debellandi, si nihil eam ipse cunctando moratus

In Basticam
it Scipio.

^a ceteram Gron. Crev.

nebant regionem, hujus terræ faciem
obtinebant: prorsus ut c. præcedenti,
Punica tenere castra. Idque verum
putamus: et eo quidem magis, quod
solet Livius interdum, si quam locu-
tionem notabiliorem usurpavit aliquo
in loco, eam, si paulo post sub acu-
men styli subeat, non aspernari. Sic
L. II. c. 45. distributionem per parti-
culam *qua* geminatam ter intra hujus
capitis spatium repetit: nec illa deinde
nisi longo post intervallo apparet. Et
L. III. c. 38. bis occurrit *imperium in-
hibere*. Et *sisti posse*, L. III. 9. 16. 20.

Hunc morem Livii inter legendum
observavimus aliquammultis in locis.

⁴ *Ceteram levem armaturam*] Ma-
gis placet Put. codicis scriptura: *Ce-
teros, levem armaturam*: id est, cete-
ros Celtiberos, qui leviter tantum ar-
mati erant.

⁵ *Peropportuna victoria*] Hæc vic-
toria peropportuna oppresserat, non
quidem magnum jam conflatum bel-
lum, sed ingentem futuri belli mate-
riam, quod procul dubio exarsisset, si
licuisset eis...

U. C. 545. **esset, nactus;** ad id, quod reliquum belli erat, in ultimam
A. C. 407. Hispaniam adversus Hasdrubalem pergit. ⁶ Pœnus, quum
castra tum forte ad sociorum animos in Bætica continendos
in fide haberet, signis repente sublati, fugæ magis, quam
itineris modo, penitus ad oceanum et Gades ducit. Ceterum,
quoad continuisset exercitum, ⁷propositum bello se fore
ratus, antequam freto Gades trajiceret, exercitum omnem
passim ⁸in civitates divisit^b, ut et muris se ipsi, et armis
muros tutarentur.

Regreditur,
relicto ibi
fratre.

III. Scipio ubi animadvertit, dissipatum passim bellum,
et circumferre ad singulas urbes arma diutini magis, quam
magni, esse operis, retro vertit iter. Ne tamen hostibus eam
relinqueret regionem, L. Scipionem fratrem cum decem mil-
libus peditum, et mille equitum ad obpugnandam opulentis-
simam in iis locis urbem, ⁹Oringin barbari adpellabant, mit-
tit. Sita in ¹⁰Melessum finibus est Hispanæ gentis. ager
frugifer. argentum etiam incolæ fodiunt. ea arx fuit Hasdru-
bali ad excursions circa in mediterraneos populos faciendas.
Scipio, castris prope urbem positis, priusquam circumval-
laret urbem, misit ad portas, qui ex propinquo adloquio
animos tentarent, suaderentque, ut amicitiam potius, quam
vim, experirentur Romanorum. Ubi nihil pacati responde-
batur, fossa duplicique vallo circumdata urbe, in tres partes
exercitum dividit: ut una semper pars, quietis interim dua-
bus, obpugnaret. Prima pars quum adorta obpugnare est,
atrox sane et anceps proelium fuit: non subire, non scalas
ferre ad muros præ incidentibus telis facile erat. et jam, qui
erexerant ad murum scalas, alii furcis ad id ipsum factis
detrudebantur, in alios ¹¹lupi superne ferrei injecti, ut in
periculo essent, ne suspensi in murum extraherentur.
quod ubi animadvertit Scipio, nimia paucitate suorum
exæquatum certamen esse, ¹²et jam^c eo superare hos-
tem, quod ex muro pugnaret; duabus simul partibus, pri-
ma recepta, urbem est adgressus. Quæ res tantum pavoris
injecit fessis jam cum primis pugnando, ut et oppidani

^b dimisit Gron. Crev.

^c etiam Crev.

⁶ *Pœnus quum . . . forte*] Quum
forte Asdrubal castra in Bætica habe-
ret ad continendos in fide sociorum
animos.

⁷ *Propositum bello*] Propositum in-
star scopi, quem non desinat petere
Scipio.

⁸ *In civitates dimisit*] Melius ali-
quot scripti, et in primis Put. *divisit*.

⁹ *Oringin*] Hæc urbs videtur ea-
dem esse quæ l. XXIV. c. 42. dicta
est *Aurinx*, imo idem nomen diversi-
mode scriptum. Non procul abfuisse
eam a Munda, patet ex loco Livii mo-

do memorato.

¹⁰ *Melessum*] Hoc nomen variat
in scriptis. Gronovius, monente Ru-
benio, legi posse putat *Massiensium*.
Massia apud Stephanum regio est ad
Tartessios pertinens.

¹¹ *Lupi . . . ferrei*] Ferreæ quæ-
dam machinæ, unciæ, similes lupino-
rum dentium. Turn. XI. Advers. c.
28. Vide et Lips. l. V. Poliorc. Dial. 8.

¹² *Etiam eo superare hostem*] Sic
habent plerique editi, et duo e scrip-
tis nostris. Sigonius divisim legi vo-
luit *et jam*; minus commode.

moenia repentina fuga desererent: et Punicum praesidium metu, ne prodita urbs esset, relictis stationibus in unum se colligeret. ^{U. C. 545. A. C. 207.} Timor inde oppidanos incessit, ne, si hostis urbem intrasset, sine discrimine, Poenus an Hispanus esset, obvii passim caederentur. ¹³ itaque, patefacta repente porta, frequentes ex oppido sese ejecerunt, scuta prae se tenentes, ne tela procul conjicerentur; dextras nudas ostentantes, ut gladios abjecisse adpareret. id utrum parum ex intervallo sit conspectum, an dolus aliquis suspectus fuerit, incomper-
tum est. Inpetus hostilis in transfugas factus: ¹⁴ nec se-
cus, quam adversa acies, caesi. Eademque porta signa in-
festa in urbem inlata: et aliis partibus securibus dolabris-
que caedebantur et refringebantur portae, et, ut quisque in-
traverat eques, ad forum occupandum (ita enim praecipitum
erat) citato equo pergebat. Additum erat et triariorum
equiti praesidium. legionarii ceteras partes pervadunt: di-
reptione et caede obviorum, nisi qui armis se tuebantur, ab-
stinuerunt. Karthaginienses omnes in custodiam dati sunt: oppidanorum quoque trecenti ferme, qui clauserant portas: ceteris traditum oppidum, suae redditae res. Cecidere in ur-
bis ejus obpugnatione hostium duo millia ferme; Romano-
rum haud amplius ^d nonaginta.

Oringis a
L. Scipi-
one capta.

IV. Læta et ipsis, qui rem gessere, urbis ejus expugnatio fuit, et imperatori ceteroque exercitui; et speciosum adven-
tum suum, ingentem turbam captivorum prae se agentes, fecerunt. Scipio, conlaudato fratre, quum, quanto poterat
verborum honore, Karthagini ab se captae captam ab eo
Oringin sequasset, quia et hiems instabat, ut nec tentare
Gades, nec disiectum passim per provinciam exercitum
Hasdrubalis consecrari posset, in citeriorem Hispaniam
omnes suas copias reduxit: dimissisque in hiberna legioni-
bus, L. Scipione fratre Romam misso, et Hannone hostium
imperatore, ceterisque nobilibus captivis, ipse Tarraconem
concessit. Eodem anno classis Romana, cum M. Valerio
Lævino proconsule ex Sicilia in Africam transmissa, in Uti-
censi Karthaginiensique agro late populationes fecit. extre-
mis finibus Karthaginiensium circa ipsa moenia Uticæ præ-
dæ actæ sunt. Repetentibus Siciliam classis Punica (sep-
tuaginta erant longæ naves) occurrit. decem et septem

L. Scipio
redit ad
fratrem.

Classis
Rom. popu-
latur Afri-
cam.

^d plus Gron. Crev.

¹³ *Itaque patefacta*] Put. et Vic-
tor. codices *atque*, id est, subito, con-
festim. Vid. not. 23. ad l. XXVII. c.
21.

¹⁴ *Nec secus quam adversa acies, caesi*] Omnes scripti *caesa*. Videndum an sic maluerit Livius, ut proximum

nomen *acies* attraxerit sequentem vo-
cem. Majores hujus generis anoma-
liæ nobis identidem occurrerunt, ut
l. XXIII. c. 3. *Quod sæpe optatis,*
ut supplicii sumendi vobis ex improbo
ac detestabili senatu potestas esset, eam
nunc . . . habetis.

U. C. 445. **naves ex his captæ sunt, quatuor in alto maris. cetera fusa**
 A. C. 207. **ac fugata classis. Terra marique victor Romanus cum**
magna omnis generis præda Lilybæum repetit. Toto inde
mari pulsis hostium navibus, magni commentus frumenti
Romam subvecti.

Philippus
 socios hor-
 tatur ac
 tuetur.

V. Principio ætatis ejus, qua hæc sunt gesta, P. Sulpi-
 cius proconsul et Attalus rex quum Æginæ (sicut ante dic-
 tum est) hibernassent, Lemnum inde, classe juncta, Roma-
 næ quinque et viginti quinqueremes, regiæ quinque et tri-
 ginta, transmiserunt. Et Philippus, ut, seu terra seu mari
 obviam eundum hosti foret, paratus ad omnes conatus es-
 set, ipse Demetriadem ad mare descendit: Larissam diem
 ad conveniendum exercitui edixit. Undique ab sociis lega-
 tiones Demetriadem ad famam regis convenerunt. Sustu-
 lerant enim animos Ætoli, quum ab Romana societate, tum
 post Attali adventum, finitimosque depopulabantur. nec
 Acarnanes solum Bœotique, et qui Eubœam incolunt, in
 magno metu erant: sed Achæi quoque, quos super Ætoli-
 cum bellum Machanidas etiam Lacedæmonius tyrannus,
 haud procul Argivorum fine positis castris, terrebat. hi
 omnes suis quisque urbibus, quæ pericula terra marique
 portendebantur^c, memorantes, auxilia regem orabant. Ne
 ex regno quidem ipsius tranquillæ nunciabantur res. et
 Scerdilædum Pleuratumque motos esse, et Thracum maxi-
 me Mædos, si quod longinquum bellum regem occupasset,
 proxima Macedoniæ incursuros. Bœoti quidem et interiores
 Græciæ populi, Thermopylarum saltum, ubi angustæ fauces
 coartant iter, fossa valloque intercludi ab Ætolis, nuncia-
 bant, ne transitum ad sociorum urbes tuendas Philippo da-
 rent. Vel segnem ducem tot excitare tumultus circumfusi
 poterant. Legationes dimittit, pollicitus, prout tempus ac
 res se daret, omnibus laturum se auxilium. in præsentia,
 quæ maxime urgebat res, ¹⁵ Peparethum præsidium urbi
 mittit; unde adlatum erat, Attalum, ab Lemno classe trans-
 missa, omnem circa urbem agrum depopulatum. Polyphan-
 tam cum modica manu in Bœotiam, Menippum item
 quemdam ex regiis ducibus cum mille peltastis (¹⁶ pelta

^c portenderentur Gron. Crev.

¹⁵ *Peparethum præsidium urbi mit-
 tit*] Mittit in insulam Peparethum
 præsidium urbi, quæ cognominis erat
 ipsi insulæ. Ceterum locus hic cor-
 ruptissimus erat. Emendavere Si-
 gon. et Gron. ex Polybio, l. X. c. 39.

¹⁶ *Pelta cetrae haud dissimilis est*] Clypeoli fuere leves, brevesque. Ce-
 tra e corio fere fuit, quod interdum
 nervis intertexebatur; at nihil habe-

bat ligni, neque ferri. Idem et de
 pelta suspicari licet. Quod ad formam
 spectat, plura de pelta habent scrip-
 tores, neque tamen quidquam satis
 certum, quia nempe pro diversis gen-
 tibus ejus forma variavit. Pelta dici-
 tur *lunata* apud Virgilium. Alii eam
 rotundam, alii vero quadrangulam fu-
 isse volunt. Cetra magis usi Hispa-
 ni, et Afri: pelta, Græci, Macedones,

cætræ haud dissimilis est) Chalcidem mittit. additi ¹⁷ quin- u. C. 545.
genti Agrianum, ut omnes ¹⁸ insulæ partes tueri possent. A. C. 207.
ipse Scotussam est profectus: eodemque ab Larissa Macedonum copias traduci jussit. Eo nunciatum est, concilium Ætolis Heracleam indictum, regemque Attalum, ad consultandum de summa belli, venturum. Hunc conventum ut turbaret subito adventu, magnis itineribus Heracleam duxit. et concilio quidem dimisso jam venit: segetibus tamen, quæ prope maturitatem erant, maxime ¹⁹ in sinu Ænianum vastatis, Scotussam copias reducit. Ibi exercitu omni relicto, cum cohorte regia Demetriadem sese recipit. Inde ut ad omnes hostium motus posset obcurrere, in Phocidem, atque Eubœam, et Peparethum mittit, qui loca alta eligerent, unde editi ignes adparerent. ipse in Tisæo (mons est in altitudinem ingentem cacuminis editi) speculam postuit: ut ignibus procul sublatis signum, ubi quid molirentur hostes, momento temporis acciperet. Romanus imperator et Attalus rex a Peparetho Nicæam trajecerunt. inde classem in Eubœam ad urbem Oreum transmittunt: quæ ab Demetriaco sinu Chalcidem et Euripum petenti ad lævam prima urbium Eubœæ posita est. Ita inter Attalum ac Sulpicium convenit, ut Romani a mari, regii a terra obpugnant.

VI. Quatriduo post, quam adpulsa classis est, urbem adgressi sunt. id tempus occultis cum Platore, qui a Philippo præpositus urbi erat, colloquiis absumtum est. Duas arces urbs habet, unam imminentem mari, altera urbis media est. cuniculo inde via ad mare ducit, quam a mari turris quinque tabulatorum, egregium propugnaculum, claudebat. Ibi primo atrocissimum contractum est certamen, et turre instructa omni genere telorum, et tormentis machinisque ad obpugnandam eam ex navibus expositis. Quum omnium animos oculosque id certamen avertisset, porta maritimæ arcis Plator Romanos accepit, momentoque arx occupata est. Oppidani, pulsus inde in mediam urbem, ad alteram tendere arcem. Et ibi positi erant, qui fores portæ objicerent. ita exclusi in medio cæduntur capiunturque. Mace-

Thraces. Interdum hæc nomina apud scriptores promiscue usurpantur. Vid. Lips. in *Analectis ad Militiam Romanam*.

¹⁷ *Quingenti Agrianum*] Olim *Ænianum*. Correxerit Sigonius ex Polyb. l. X. c. 39.

¹⁸ *Insulæ*] Eubœæ, cujus urbs Chalcis est caput.

¹⁹ *In sinu Ænianum*] Is est sinus *Maliacus*, qui etiam dicitur *Lamia-*

cus. Quod ei nomen hic tribuit Livius, id ortum habet ab *Ænianum* gente vicina. Ceterum hic legebatur in editis vulgo *in sinu Æniano*. At recte observat Gronovius vix Latine dici posse *Ænianus sinus*. Unde reposuimus ut scripti habent, *in sinu Ænianum*. Sinus autem hic dicitur pro terris circa sinum: ut et supra l. XXVII. c. 30.

U. C. 545.
A. C. 307.

Chalcidem
frustra ten-
tant.

Euripus.

Chalcidis
situs.

donum praesidium conglobatum sub arcis muro stetit; nec fuga effuse petita, nec pertinaciter prosilio inita. Hos Plator, venia a Sulpicio impetrata, in naves inpositos ad Demetrium Phthiotidis exposuit: ipse ad Attalum se recepit. Sulpicius, tam facili ad Oreum successu elatus, Chalcidem inde protinus victrici classe petit. ubi haudquaquam ad spem eventus respondit. ²⁰ Ex patenti utrimque coactum in angustias mare, speciem intuenti primo gemini portus in ora duo versi praebuerit: sed ²¹ haud facile alia infestior classi statio est. nam et venti ab utriusque terrae praecaltis montibus subiti ac procellosi ²² se dejiciunt, et fretum ipsum Euripi non septies die, sicut fama fert, temporibus statis reciprocatur: sed temere ²³ in modum venti, nunc huc, nunc ibi verso mari, velut monte praecipiti devolutus torrens rapitur. ita nec nocte, nec die quies navibus datur. Quum classem tam infesta statio accepit, tum et oppidum, alia parte clausum mari, alia ab terra egregie munitum, praesidioque valido firmatum, et praecipue fide praefectorum principumque, quae fluxa et vana apud Oreum fuerat, stabile atque inexpugnabile fuit. Id prudenter, ²⁴ ut in temere suscepta re, Romanus fecit, quod, circumspectis difficultatibus, ne frustra tempus tereret, celeriter abstinit incepto, classemque inde ad Cynum Locridis (emporium id est urbis Opuntiorum¹ mille passuum a mari sitae) trajecit.

VII. Philippum et ignes ab Oreo editi monuerant, sed serius Platoris fraude e specula elati: et inpari maritimis viribus haud facilis erat in insulam classi accessus. ita res per cunctationem omissa. Ad Chalcidis auxilium, ubi signum accepit, impigre est motus. nam et ipsa Chalcis, quamquam ejusdem insulae urbs est, tamen adeo arto ²⁵ interseinditur freto, ut ponte continenti jungatur, terraque aditum faciliorem, quam mari, habeat. ²⁶ Igitur Philippus, dejecto

¹ Opuntiorum urbis Gron. Crev.

²⁰ *Ex patenti utrimque coactum in angustias mare*] Mare, quod utrimque, ad dextram et ad sinistram, patens et apertum est, eo loco coactum in angustias.

²¹ *Haud facile*] Haud fere.

²² *Se deficiunt*] Adjecit pronomen re Gronovius. Quemadmodum hic venti dicuntur se dejicere, sic infra c. 15. ni se . . tanta vis aquae deiecisset.

²³ *In modum venti*] Quemadmodum ventus, cujus non ea est natura, ut statis recurrat vicibus, sed ut temere et nulla lege feratur.

²⁴ *Ut in temere suscepta re*] Quantum prudentiae laudi et titulo locus est in re temere suscepta.

²⁵ *Interseinditur*] Dividitur a continente, a Boeotia.

²⁶ *Igitur Philippus*] Cuius vel leviter attendenti patet hic aliquid obscurum et perplexum esse. Nimirum hic quoque videtur, ut alibi saepius, traiectione vocum peccatum, quae sic melius fortasse digerentur. *Igitur Philippus quum ab Demetria de Scotussam, inde de tertia vigilia profectus, dejecto praesidio, fuisseque Aetolis, qui saltum Thermopylarum insidebant, trepidos hostes Heracliam compulisset, ipse uno die . . . Philippus supra c. 5. dicitur exercitum omnem Scotussae reliquisse, ipse cum cohorte regia Demetriadem se recepisse. Ita-*

præsidio, fuisseque *Ætolis*, qui saltum Thermopylarum insi-
debant, quum ab Demetriade Scotussam, inde de tertia vi-
gilia profectus, trepidos hostes Heracleam compulisset, ip-
se uno die ²⁷ *Phocidia* Elatiam ²⁸ millia amplius sexaginta
contendit. Eodem ferme die ab Attalo rege Opuntiorum
urbs capta diripiebatur. concesserat eam prædam regi Sul-
picius, quia Oreum paucos ante dies ab Romano milite, ex-
pertibus regis, direptum fuerat. ²⁹ Quum Romana classis
eo se recepisset, Attalus, ignarus adventus Philippi, pecu-
nia a principibus exigendis terebat tempus. adeoque impro-
visa res fuit, ut, nisi Cretensium quidam, forte pabulatum
ab urbe longius progressi, agmen hostium procul conspe-
xissent, obprimi potuerit. Attalus inermis atque incompo-
situs cursu effusus mare ac naves petit: et molientibus ab
terra naves Philippus supervenit, tumultumque etiam ex
terra nauticis præbuit. inde Opuntem rediit, Deos homines-
que accusans, quod tantæ rei fortunam ex oculis prope rap-
tam amisisset. Opuntii quoque ab eadem ira increpiti,
quod, quum trahere obsidionem in adventum suum potuis-
sent, viso statim hoste, prope in voluntariam deditionem
concessissent. Compositis circa Opuntem rebus, ³⁰ Toro-
nem est profectus. ³¹ Et Attalus primo Oreum se recepit.
inde, quum fama accidisset, Prusiam Bithyniæ regem in fi-
nes regni sui transgressum, omissis^b rebus atque *Ætólico*
bello, in Asiam trajecit. Et Sulpicius *Ægina* classem re-
cepitⁱ, unde initio veris profectus erat. Haud majore cer-
tamine, ³² quam Opuntem Attalus ceperat, Philippus Toro-

Opuntio-
rum urbs
capta ab
Attalo.

Attalus fere
a Philippo
obpressus.

²⁷ *effuso* del. Crev.

^b add. *Romanis* Gron. Crev.

ⁱ *recepti* Eaed.

que ut sociis opem ferat, primo ab Demetriade Scotussam ad exercitum proficiscitur. Inde eum de tertia vigilia profectum observat Livius, ut intelligatur Philippus nihil omnino moræ fecisse, sed quam celerrime licuerit excivisse exercitum. Denique raptim actis militibus ad Thermopylarum saltum, dejicit præsidium, funditque *Ætolos*, id est, dejicit ac fundit præsidium *Ætolorum*, quo saltus ille insidebatur, trepidosque hostes compellit Heracleam, quæ erat urbs *Ætolorum* ditionis, haud procul ab Thermopylarum saltu, versus Maliaenum sinum. Hæc omnia clariora erunt tabulam Geographicam inspicientibus.

²⁷ *Phocidia Elatiam*] Ad urbem Phocidis Elatiam.

²⁸ *Millia amplius sexaginta*] Vigin- ti amplius leucas.

²⁹ *Quum Romana classis eo se recepisset*] Sic optimi scripti. Vulgati

habent, *Oreum se recepisset*. Sed facile nomen illius urbis intelligitur ex antedictis, etiamsi non repetatur hoc loco.

³⁰ *Toronem est profectus*] Glareanus, Sigonius, Gronovius merito legi jubent *Thronium*, quod oppidum est Locridis haud procul ab Opunte. At Torone ad Toronæum sinum sita est, Macedoniam versus. Bis et in his quæ sequuntur idem nomen emendandum occurrit.

³¹ *Et Attalus primo Oreum se recepit*] Omnes scripti *Oreum est profectus*. Suspiciatur non improbabili- ter Gronovius, utrumque, sive *se recepit*, sive *est profectus*, spurium esse. Et sane quid desideres in hac oratione? *Et Attalus primo Oreum; inde, quum fama accidisset . . . in Asiam trajecit*.

³² *Quam Opuntem Attalus ceperat, Philippus Toronen cepit*] Verbum ceperat nullis in scriptis apparet. Pro eo habent illi *decertans* vel *decertat*.

U. C. 545. nem cepit. Incolebant urbem eam profugi ab Thebis Phthi-
 A. C. 207. oticiis. urbe sua capta a Philippo, quum in fidem Ætolo-
 rum perfugissent, ³³ sedem eis Ætoli eam dederant, urbis
 vastatae ac desertae priore ejusdem Philippi bello. Tum ab
 Torone, sicut paullo ante dictum est, recepta profectus, Tri-
 tonon et Drymas, Doridis parva atque ignobilia oppida, ce-
 pit. inde Elatiam, jussis ibi se opperiri Ptolemæi Rhodio-
 rumque legatis, venit. Ubi quum de finiendō Ætolico bel-
 lo ageretur, (³⁴ adfuerant enim legati nuper Heracleæ concilio
 Machanidas Romanorum. Ætolorumque) nuncius adfertur, Machani-
 dam Olympiorum sollemne ludicrum parantes Eleos adgre-
 di statuisse. Prævertendum id ratus, legatis cum benigno
 responso dimissis, *se neque causam ejus belli fuisse, nec mo-
 ram (si modo æqua et honesta conditione liceat) paci facturum,*
 cum expedito agmine profectus per Boeotiam, Megara, at-
 que inde Corinthum descendit. unde, com meatibus sumtis,
 Phliunta Pheneumque petit. Et jam, quum Heræam venis-
 set, audito, Machanidam, fama adventus sui territum, refu-
 gisse Lacedæmonem, Ægium se ad concilium Achæorum
 recepit: simul classem Punicam, ut mari quoque aliquid
 posset, adcitam, ibi ratus se inventurum. Paucis ante die-
 bus ³⁵ in Phoceas trajecerant Pœni: inde portus Acarnanum
 petierant, quum ab Oreo profectum Attalum Romanosque
 audissent, veriti ne ad se iretur, et intra Rhium (fauces eæ
 sunt Corinthii sinus) obprimerentur.

VIII. Philippus moerebat quidem et angebatur, quum ad
 omnia ipse raptim isset, nulli tamen se rei in tempore ob-
 currisse, et rapientem omnia ex oculis elusisse celeritatem
 suam fortunam. In concilio autem, dissimulans ægritudi-
 nem, elato animo disseruit: testatus Deos hominesque, se
 Philippi o- nullo loco, nec tempore defuisse, quin, ubi hostium arma con-
 ratio in con- crepuissent, eo, quanta maxima posset celeritate, tenderet: sed
 cilio Achæo- vix rationem iniuri posse, utrum ab se audacius, an fugacius ab
 rum. hostibus geratur bellum. Sic ab Opunte Attalum, sic Sulpi-
 cium a Chalcide, sic eis ipsis diebus Machanidam e manibus
 suis elapsum. Sed non semper felicem esse fugam: nec pro dif-
 ficili id bellum habendum, in quo, si modo congressus cum hos-
 tibus sis, viceris. Quod primum esset, confessionem se hostium
 habere, nequaquam pares esse sibi: brevi et victoriam haud du-

Nihil sensui detraheretur, etiamsi re-
 cisa penitus suspecta voce legeremus:
*Haud majore certamine, quam Opun-
 tem Attalus, Philippus Toronen, seu
 potius Thronium cepit.*

³³ Sedem eis Ætoli eam dederant,
 urbis] Nempe, sedem urbis.

³⁴ Affuerant enim] Nam hi iidem
 legati Ptolemæi et Rhodiorum nuper

adfuerant concilio Romanorum Æto-
 lorumque Heracleæ habito.

³⁵ In Phoceas] Phocæ nullæ sunt.
 Phocæa longe ab his locis abest. Sus-
 picamur dedisse Livium in Oreas:
 nomen parum notum, ideoque oppor-
 tunum corruptoribus, sed memora-
 tum tamen Strab. l. VIII. p. 351. In-
 sulæ sunt ex Echinadum numero.

~~hanc habiturum nec meliore eventu esse secum, quam spe,~~ pag. U. G. 545.
 naturos. Laeti regem socii audierunt. Reddidit inde Achæis A. C. 207.
 Heræam et Triphyliam. Alipheram autem Megalopolitis,
 quod suorum fuisse finium satis probabant, restituit. inde, Classis in Ætoliam contendit.
 navibus acceptis ab Achæis, (erant autem tres quadriremes
 et biremes totidem) Anticyram trajecit. inde quinqueremi-
 bus septem, et lembis viginti amplius, quos, ut adjungeret
 Karthaginensium classi, miserat in Corinthium sinum, pro-
 fectus ad Erythras Ætolorum, quæ prope Eupalium sunt,
 exscensionem fecit. Haud fefellit Ætolos: nam hominum
 quod aut in agris, aut in propinquis castellis Potidaniæ
³⁶ atque Apolloniæ fuit, in silvas montesque refugit. Peco-
 ra, quæ inter festinationem abigi nequierant, sunt direpta
 et in naves compulsæ. Cum his ceteraque præda, Nicia
 prætore Achæorum Ægium misso, quum Corinthum petis-
 set, pedestres inde copias per Boeotiam terra duci jussit. ip-
 se, ab Cenchreis præter terram Atticam super Sunium na-
 vigans, inter medias prope hostium classes, Chalcidem per-
 venit. inde, conlaudata fide ac virtute, quod neque timor,
 neque spes flexissent eorum animos; hortatusque ³⁷ in pos-
 terum, ut eadem constantia permanerent in societate, si
 suam, quam Oritanorum atque Opuntiorum, fortunam mal-
 lent; ab Chalcide Oreum navigat, principumque iis, qui fu-
 gere capta urbe, quam se Romanis tradere, maluerant, sum-
 ma rerum et custodia urbis permissa, ipse Demetriadem ab
 Eubœa, unde primo ad opem ferendam sociis profectus
 erat, trajecit. Cassandreæ deinde ³⁸ centum navium longa-
 rum carinis positis, contractaque ad effectum ejus operis
 multitudine fabrorum navalium, quia res in Græcia tran-
 quillas et profectio Attali fecerat, et in tempore laboranti-
 bus sociis latum ab se auxilium, retro in regnum concessit, In regnum redit.
 ut Dardanis bellum inferret.

IX. Extremo ætatis ejus, qua hæc in Græcia gesta
 sunt, quum ³⁹ Q. Fabius Maximi filius ^k legatus ab M. Livio

^k *Maximus pater* Gron. Cræv.

³⁶ *Ac Apolloniæ*] Jam observavi-
 mus particulam *ac* non solitam esse a
 Cicerone et Livio locari ante vocalem.
 Legamus igitur ex Victor. codice *at-*
que Apolloniæ.

³⁷ *In posterum, ut eadem constan-*
tia permanerent in societate, si suam
quam Oritanorum atque] Hæc verba,
 quæ Gronovius apud Andream solum
 sibi occurrisset testatur, exstant in
 Victorino codice. Nec in iis quid-
 quam non dignum Livio deprehendi-
 mus. Quum igitur sine iis sensus
 constare non possit, sequamur eam

legem de qua egimus in not. 64. ad
 l. XXVII. c. 28.

³⁸ *Centum navium longarum ca-*
rinis positis] Suscipiebat nimirum æ-
 dificandas centum naves longas, sive
 bellicas. A carina enim necessario
 sumitur initium struendæ navis.

³⁹ *Q. Fabius Maximus pater*] Vix
 credibile est Fabium extrema ætate
 functum esse legati munere. Itaque
 quum unus MS. habeat, teste Grono-
 vio, *Q. Fabius Maximus filius*, hanc
 esse veram hujus loci lectionem exis-
 timamus.

U. C. 545.
A. C. 207.
Ambo Coss.
veniunt
Romam.

Consulum
triumphus.

consule Romam ad senatum nunciasset, consulem satis presidii Galliae provinciae credere L. Porcium cum suis legionibus esse: decedere se inde, ac deduci exercitum consularem posse; Patres non M. Livium tantum redire ad urbem, sed collegam quoque ejus C. Claudium jusserunt. Id modo in decreto interfuit, quod ⁴⁰ M. Livii exercitum reduci¹, Neronis legiones Hannibali obpositas manere in provincia jusserunt. Inter consules ita per literas convenit, ut, quemadmodum uno animo rempublicam gessissent, ita, quamquam ex diversis regionibus convenirent, uno tempore ad urbem accederent. Praeneste qui prior venisset, collegam ibi operiri jussus. Forte ita evenit, ut eodem die ambo Praeneste venirent. inde praemisso edicto, ut triduo post frequens senatus ad sedem Bellonae adesset, omni multitudine obviam effusa, ad urbem accessere. Non salutabant modo universi circumfusi, sed, contingere pro se quisque victrices dextras consulum cupientes, alii gratulabantur, alii gratias agebant, quod eorum opera incolumis respublica esset. In senatu quum more omnium imperatorum, expositis rebus ab se gestis, postulassent, ut, ⁴¹ *pro republica fortiter feliciterque administrata, et Diis immortalibus haberetur honos, et ipsis triumphantibus urbem inire liceret*; Se vero ea, quae postularent, decernere, Patres, merito Deorum primum, dein, secundum Deos, consulum, responderunt; et supplicatione amborum nomine, et triumpho utrique decreto, inter ipsos, ne, quum bellum communi animo gessissent, triumphum separarent, ita convenit: ⁴² *ut, quoniam et in provincia M. Livii res gesta esset, et eo die, quo pugnatum foret, ejus forte auspiciis fuisset, et exercitus Livianus deductus Romam venisset, Neronis deduci non potuisset de provincia, ut M. Livium, quadrigis urbem ineuntem, milites sequerentur; C. Claudius equo sine militibus inveheretur.* Ita consociatus triumphus, quum utrique, tam magis ei, qui, quantum merito anteibat, tantum honore collegae cesserat, gloriam auxit: ⁴³ *illum equi-*

¹ deduci Crev.

⁴⁰ *M. Livii exercitum deduci*] Hic legitur vulgo *reduci*. At magis placuit solenne in ejusmodi negotio verbum *deduci*, quod duo scripti habent, alter Jac. Gronovio, alter nobis inspectus.

⁴¹ *Pro republica fortiter feliciterque administrata*] Recte observat Gronovius imperatorum, eorumque quorum auspicio et ductu res geritur, virtutem felicitatemque esse; sociorum, legatorum, militum virtutem et fidem. Itaque illorum *fortem et felicem*, horum *fortem et fidelem* operam dici solitam. Exempla in utramque

rem habes ex hoc uno capite. Hic consules dicunt a se *fortiter feliciterque administratam* esse rempublicam: at in fine hujus ipsius capituli commemorant, quam *forti fidelique* deorum legatorum opera usi essent.

⁴² *Ut, quoniam . . . ut M. Livium*] Redundat particula *ut*, at non ideo delenda. Simile exemplum observavimus ad L. XXII. c. 11. et reperimus quoque infra, L. XXXVI. capp. 1. et 3.

⁴³ *Ilum equitem*] Neronem, qui equo vehatur, dum collega ejus curru sublimis incedit.

tem aiebant sex dierum spatio transcurrisse longitudinem Italiae: et eo die cum Hasdrubale in Gallia signis conlatis pugnasse, quo cum castra adversus sese in Apulia posita habere Hannibal credidisset. Ita unum consulem pro utraque parte Italiae adversus duos duces, duos imperatores, hinc consilium suum, hinc corpus opposuisse. Nomen Neronis satis fuisse ad continendum castris Hannibalem: Hasdrubalem vero, quia alia re, quam adventu ejus, obrutum atque extinctum esse? Itaque iret alter consul sublimis curru multijugis, si vellet, equis. Uno equo per urbem verum triumphum vehi: Neronemque, etiam si pedes incedat, vel parta eo bello, vel spreta eo triumpho gloria, memorabilem fore. Hi sermones spectantium Neronem usque in Capitolium prosecuti sunt. Pecuniam^m in aerarium tulerunt⁴⁴ sestertium tricies, octoginta millia æris. militibus M. Livius⁴⁵ quinquagenos senos asses divisit. tantundem C. Claudius absentibus militibus suis est pollicitus, quam ad exercitum redisset. Notatum, eo die plura carmina⁴⁶ militaribus jocis in C. Claudium, quam in consulem suum, jactata. Equites L. Veturium et Q. Cæcilium legatos magnis tulisse laudibus, hortatosque esse plebem, ut eos consules in proximum annum crearent. adjecisse⁴⁷ equitum prærogativæ auctoritatem consules, postero die in concione, quam forti fidelique duorum præcipue legatorum opera usi essent, commemorantes.

X. Quum comitiorum tempus adpeteret, et per dictatorem comitia haberi placuisset, C. Claudius consul M. Livium collegam dictatorem dixit: Livius Q. Cæcilium magistrum equitum. a M. Livio dictatore creati consules L. Veturius, Q. Cæcilius; is ipse, qui tum erat magister equitum. Inde prætorum comitia habita. creati C. Servilius, M. Cæcilius Metellus, Ti. Claudius Asellus, Q. Mamilius Turinus, qui tum ædilis plebis erat. Comitibus perfectis, dictator, magistratu abdicato, dimissoque exercitu, in Etruriam provinciam ex senatusconsulto est profectus ad quæstiones ha-

^m Pecuniæ Gron. Crev.

⁴⁴ Sestertium tricies] Hæc forent 125. talenta, quæ dant marcas argenti nostrates 11718. cum uncis sex: quibus si addas marcas 125. quæ affluunt ex octoginta millibus æris gravis, tota summa erit marcarum argenti nostratium 11843. cum sex uncis. At Polybius vult in aerarium illata esse talenta amplius trecenta, quæ efficiunt marcas argenti Parisienses 28125. Suspiciatur Gronovius excidisse litteram L. quum notatum foret LXXX. quod est octogies. Ea enim essent talenta paulo amplius

330. Victorinus codex exhibet integre sestertium centies, id est, amplius 400. talenta.

⁴⁵ Quinquagenos senos asses] Sestertios 14. non totam argenti semunciam.

⁴⁶ Militaribus jocis] Vid. supra III. 29. et IV. 53.

⁴⁷ Equitum prærogativæ] Illi equitum judicio, qui videbantur populo præire et præmonstrare, quosnam consules facere deberet. Vid. not. 28. ad l. III. c. 51. et not. 12. ad l. XXI. c. 3.

U. C. 545. bendas; qui Etruscorum Umbrorumve^a populi defectionis
 A. C. 207. ab Romanis ad Hasdrubalem sub adventum ejus consilia
 agitassent, quique eum auxiliis, aut commeatu, aut ope ali-
 qua juvissent. Hæc eo anno domi militiæque gesta. Lu-
 di Romani ter toti instaurati ab ædilibus curulibus, Cn.
 Servilio Cæpione, Ser. Cornelio Lentulo. Item ludi ple-
 beii semel toti instaurati ab ædilibus plebis, M.^o Pomponio
 Mathone, et Q. Mamilio Turino. Tertiodecimo anno Pu-
 nici belli, L. Veturio Philone et Q. Cæcilio Metello consu-
 libus, Bruttii ambobus, ut cum Hannibale bellum gererent,
 provincia decreta. Prætores exinde sortiti sunt: M. Cæ-
 cilius Metellus urbanam, Q. Mamilius peregrinam, C. Ser-
 vilus Siciliam, Ti. Claudius Sardiniam. Exercitus ita di-
 visi: consulum alteri, quem C. Claudius prioris anni con-
 sul, alteri, quem Q. Claudius proprætor (eæ binæ legiones
 erant) habuissent^p exercitum: in Etruria duas volonum le-
 giones a C. Terentio propræto M. Livius proconsul, cui
 prorogatum in annum imperium erat, acciperet. et Q. Ma-
 milio, ut, collegæ jurisdictione tradita, Galliam cum exer-
 citu, ⁴⁸ cui L. Porcius proprætor præfuerat, obtineret, de-
 cretum est: jussusque populari agros Gallorum, qui ad Pæ-
 nos sub adventum Hasdrubalis defecissent. C. Servilio cum
 Cannensibus duabus legionibus, sicut C. Mamilius tenue-
 rat, Sicilia tuenda data. Ex Sardinia vetus exercitus, cui
 A. Hostilius præfuerat, deportatus. novam legionem, quam
 Ti. Claudius trajiceret secum, consules conscripserunt. Q.
 Claudio, ut Tarentum, C. Hostilio Tubulo, ut Capuam pro-
 vinciam haberet, prorogatum in annum imperium est. M.
 Valerius proconsul, qui tuendæ circa Siciliam maritimæ
 oræ præfuerat, triginta navibus C. Servilio præbitis, cum
 cetera omni classe redire ad urbem jussus.

XI. In civitate tanto discrimine belli sollicita, quum om-
 nium secundorum adversorumque causas in Deos verte-
 rent, multa prodigia nunciabantur; Tarracinæ Jovis ædem,
 Satrici Matris Matutæ de coelo tactam. Satricanos haud
 minus terrebant in ædem Jovis foribus ipsis ⁴⁹ duo perlapsi
 angues. Ab Antio nunciatum est, cruentas spicas metenti-
 bus visas esse. Cære porcus biceps, et agnus mas idemque
 femina natus erat. Et Albæ ⁵⁰ duo soles visos referebant:

^a *Umbrorumque* Gron. Crev.
^q *perlapsi* Gron.

^o *M'. Eæd.*

^p *habuisset* Crev.

⁴⁸ *Cui L. Porcius proprætor præ-
 fuerat*] Imo *prætor*, ut constat ex c.
 35. l. XXVII. Ac verisimilius est hoc
 erratum esse librariorum.

⁴⁹ *Duo perlapsi angues*] Pro hac
 lectione stant quamplurimi scripti, et
 sermonis proprietas. Rectius enim

dicuntur angues *perlapsi* in ædem,
 quam *perlapsi*, quomodo hactenus
 editum fuerat.

⁵⁰ *Duo soles visos referebant*] Non
 sollicitamus hanc scripturam. Tamen
 Put. et Victorin. codices, *ferabant*.

et nocte Fregellis lucem obortam. Et bos in agro Romano U. C. 546.
locutus, et ara Neptuni multo sudore manasse in circo Fla- A. C. 200.
minio dicebatur: et aedes Cereris, Salutis, Quirini de coelo
tactæ. Prodigia consules hostiis majoribus procurare jussi,
et supplicationem unum diem habere. Ea ex senatuscon-
sulto facta. Plus omnibus aut nunciatis peregre, aut visis
domi prodigiis, terruit animos hominum ignis in aede Ves- Ignis in aede
tæ extinctus. cæsaque flagro est Vestalis, cujus custodia Vestæ ex-
noctis ejus fuerat, jussu P. Licinii pontificis. Id quam- stinctus.
quam, nihil portendentibus Deis, ceterum negligentia hu-
mana acciderat, tamen et hostiis majoribus procurari, et
supplicationem ad Vestæ haberi placuit. Priusquam profi-
ciscerentur consules ad bellum, moniti ab senatu sunt, ut in
agros reducendæ plebis curam haberent. Deum benignitate Plebis in
submotum bellum ab urbe Romana et Latio esse, et posse sine agros redu-
metu in agris habitari. Minime convenire, ⁵¹ Siciliæ, quam cendæ cura.
Italiæ, colendæ majorem curam esse. Sed res haudquaquam
erat populo facilis, et liberis cultoribus bello absumtis, et
inopia servitiorum, et pecore direpto, villisque dirutis aut
incensis. magna tamen pars auctoritate consulum compulsa
in agros remigravit. Moverant autem hujusce rei men-
tionem Placentinorum et Cremonensium legati, querentes,
agrum suum ab adcolis Gallis incurari ac vastari, magnam-
que partem colonorum suorum dilapsam esse, ⁵² et infrequen-
tes se urbes, agrum vastum ac desertum habere. Mamilio
prætori mandatum, ut colonias ab hoste tueretur. Consules
ex senatusconsulto edixerunt, ut, qui cives Cremonenses at-
que Placentini essent, ante certam diem in colonias reverte-
rentur. principio deinde veris et ipsi ad bellum profecti sunt.
Q. Cæcilius consul exercitum ab C. Nerone, L. Veturius ab Cosa. in
Q. Claudio proprætore accepit, novisque militibus, quos Bruttios
ipse conscripserat, supplevit. In Consentinum agrum consu- eunt.
les exercitum duxerunt, passimque depopulati, quum ag-
men jam grave præda esset, in saltu angusto a Bruttiis ja-
culatoribusque Numidis turbati sunt; ita ut ⁵³ non præda,
sed armati quoque in periculo fuerint. major tamen tumul-
tus, quam pugna, fuit: et præmissa præda, incolumes et

¹ L. Gron.

⁵¹ Siciliæ, quam Italiæ colendæ] Nimirum Lævinus sedulo operam dederat, ut vastata bellis Sicilia recole-
retur, cogerenturque Siculi ad aran-
dum ac serendum animos rursus con-
vertere. (Vid. supra l. XXVI. c. 41.
et l. XXVII. c. 5.) Eadem profecto
cura debebatur Italiæ.

⁵² Et infrequentes] Put. et jam in-

frequentes. Nec aspernamur hanc vo-
culam.

⁵³ Non præda, sed armati quoque] Non præda tantum. Atque in editis
exstabat *et tantum*. Resecuit Grono-
vius, quia non reperit in tribus scrip-
tis: brevitatis, etiam cum aliqua in-
terdum obscuritate, captator.

U. C. 546. legiones in loco tutâ evasere. Inde in Lucanos profecti. ea
 A. C. 206. sine certamine tota gens in ditionem populi Romani rediit.
 Laus Han- XII. Cum Hannibale nihil eo anno rei gestum est. nam
 nibalis. neque ipse se obtulit in tam recenti vulnere publico priva-
 toque, neque laceasierunt quietum^r Romani. tantam inesse
 vim, etiam omnia alia circa eum ruerent, in uno illo duce cen-
 sebant. ⁵⁴ Ac nescio, an mirabilior adversis, quam secun-
 dis rebus, fuerit. ⁵⁵ quippe qui, quum et in hostium terra per
 annos tredecim, tam procul ab domo, varia fortuna bellum
 gereret exercitu non suo civili, sed mixto ex conlutione
 omnium gentium, quibus non lex, non mos, non lingua
 communis; ⁵⁶ alius habitus, alia vestis, alia arma, alii ritus,
 alia sacra, alii prope Dei essent; ita quodam uno vincule
 copulaverit eos, ut nulla nec inter ipsos, nec adversus du-
 cem seditio exstiterit; quum et pecunia sæpe in stipen-
 dium, et commeatus in hostium agro deessent: quorum ino-
 pia priore Punico bello multa infanda inter duces milites-
 que commissa fuerant. ⁵⁷ Post Hasdrubalis vero exercitum
 cum duce, in quibus spes omnis reposita victoriæ fuerat,
 deletum, cedendoque in angulum Bruttium cetera Italia
 concessum, cui non videatur mirabile, nullum motum in
 castris factum? nam ad cetera id quoque accesserat, ut ne
 alendi quidem exercitus, nisi ex Bruttio agro, spes esset;
 qui, ut omnis coleretur, exiguus tamen tanto alendo exer-
 citui erat: tum magnam partem juventutis abstractam a
 cultu agrorum bellum occupaverat, et ⁵⁸ mos vitio etiam in-
 situs genti per latrocinia militiam exercendi. nec ab domo
 quidquam mittebatur, de Hispania ⁵⁹ retinenda sollicitis,
 tamquam omnia prospera in Italia essent. In Hispania res
 quadam ex parte eandem fortunam, quadam longe dispa-

Res Hispa-
 niæ.

^r quietem Gron.

⁵⁴ *Ac nescio an mirabilior*] Et hoc e Polybio sumpsit Livius, suppresso pro more suo auctoris nomine. Vid. Pol. l. XI.

⁵⁵ *Quippe qui quum et in hostium terra*] Vacat particula *et*. E contrario *et quum*, quod necessarium est, nullo in scripto exstat.

⁵⁶ *Alius habitus*] Alia species totius corporis cultusque.

⁵⁷ *Post Asdrubalis . . exercitum deletum, cedendoque . . concessum*] Postquam et Asdrubalis exercitus deletus fuit, et ipse Annibal cedendo in Bruttium agrum, reliquit Romanis liberam ceteræ Italiæ possessionem.

⁵⁸ *Mos vitio etiam insitus genti*] *Vitio*, id est, malo studio, mala libidine, vitio ingemiorum, ut loquitur supra Livius, XXIII. 4. † Horatius,

Et hoc vitio pravus facia. Nihil ergo opus esse videtur emendationis Gronovii, qui rescribit *altro*.

⁵⁹ *Retinenda sollicitis, tanquam omnia prospera in Italia essent.* In *Hispania*] Hæc nobis Liviana admodum videntur, quæ tamen in nullo e Gronovianis codicibus, uno e nostris Victorino comparent. Nimirum hujus defectus causa videtur esse nomen Hispaniæ in proximo repetitum: *de Hispania retinenda . . . in Hispania res*: unde festinantis librarii oculis falli facile potuit. Adde et hoc exemplum ad ea quæ memorata sunt in not. 37. ad c. 8. supra, et ad 28. 36. et 43. libri XXVII. Vid. et not. 55. ad XXIII. 38. XXV. 18. XXVI. 2.

rem habebant: eandem, quod proelio victi Karthaginien- U. C. 546.
ses, duce amisso, in ultimam Hispaniæ oram usque ad A. C. 206.
Oceanum compulsi erant: disparem autem, quod Hispania,
non quam Italia modo, sed quam ulla pars terrarum, bello
reparando aptior erat, locorum hominumque ingeniis. ita-
que ergo prima Romanis inita provinciarum, quæ quidem
continentis sint, postrema omnium, nostra demum ætate,
ductu auspicioque Augusti Cæsaris, perdomita est. Ibi
tum Hasdrubal Gisgonis, ⁶⁰ maximus clarissimusque eo bello Hasdrubal
secundum Barcinos dux, regressus ab Gadibus, rebellandi cum Mago-
spem adjuvante Magonē Hamilcaris filio, delectibus per ul- ne bellum
teriore Hispaniam habitis, ad quinquaginta millia pedi- instaurant.
tum, et quatuor millia et quingentos equites armavit. De
equestribus copiis ferme inter auctores convenit: ⁶¹ peditum
septuaginta millia quidam adducta ad Silpiam urbem scri-
bunt. Ibi super campos patentes duo duces Pœni ea mente,
ne detrectarent certamen, consederunt.

XIII. Scipio, quum ad eum fama tanti comparati exercitus Scipio auxi-
perlata esset, neque Romanis legionibus tantæ se parem fore lia ab sociis
multitudini ratus, ut non in speciem saltem obponerentur bar- contrahit.
barorum auxilia, neque in iis tamen tantum virium ponendum,
ut mutando fidem, quæ cladis causa fuisset patri patruoque,
⁶² magnum momentum facerent, præmisso Silano ad Colcham*,
duodetriginta oppidis regnantem, ut equites peditesque ab eo,
quos se per hiemem conscripturum pollicitus erat, acciperet,
ipse ab Tarracone profectus, ⁶³ protinus ab sociis, qui adcolunt
viam, modica contrahendo auxilia, Castulonem pervenit. Eo
adducta ab Silano auxilia, tria millia peditum et quingenti
equites. inde ad Bæculam urbem* progressus omni exercitu
civium, sociorum, peditum equitumque quinque et quadra-
ginta millibus. Castra ponentes eos Mago et Masinissa cum
omni equitatu adgressi sunt. turbassentque munientes, ni ab-
diti post tumultum, ⁶⁴ opportune ad id positum, ab Scipione
equites inprovise in effusos incurrissent. Hi promptissimum
quemque, et proxime vallum, atque in ipsos munitores ⁶⁵ pri-

* Colcam Gron. Crev.

⁶⁰ *Maximus clarissimusque*] Omnes
scripti *maximusque* omissa voce *cla-*
rissimus. Unde Perizonius in nota ad
hunc locum judicat legendum esse
maximus qui eo bello secundum Bar-
cinos dux: et ad eandem formulam
refingit aliquot alia Livii loca. Vid.
not. 89, ad l. IV. c. 17. supra.

⁶¹ *Peditum septuaginta millia qui-*
dam] Intelligit Polybium, qui hunc
numerum edit pedestrium copiarum
Asdrubalis, libro XI. unde totam hu-
jus prælii narrationem exscripsit Li-

vius.

⁶² * *Magnum momentum facerent*] Rem magnopere inclinarent, facerent
ut magna inde status rerum mutatio
sequeretur.

⁶³ * *Protinus*] Ordine, prout ad
quosque veniebat.

⁶⁴ *Opportune ad id positum*] Unus
Hearnii codex, *opportune oppositum*:
quod magis placet.

⁶⁵ *Primum invectum*] Ut quisque
primus invectus fuerat. Cave hic su-
mas *et primum* pro adverbio.

U. C. 546.
A. C. 206.

num innectum, vixdum proelio inito, fuderunt: cum ceteris, qui sub signis atque ordine agminis incesserant, longior et diu ambigua pugna fuit. sed quum ab stationibus primum expeditae cohortes, deinde ex opere deducti milites, ⁶⁶ atque arma capere jussi plures et integri fessis, magnumque jam agmen armatorum a castris in proelium rueret, terga haud dubie vertunt Poeni Numidæque. Et primo turmatim abibant, nihil propter pavorem festinationemve confusis ordinibus: dein, postquam acrius ultimis incidebat Romanus, neque sustineri impetus poterat, nihil jam ordinum memores, passim, qua cuique proximum fuit, in fugam effunduntur. Et quamquam eo proelio aliquantum et Romanis aucti et deminuti hostibus animi erant, ⁶⁷ tamen numquam aliquot^t insequentes dies ab excursionibus equitum levisque armaturæ cessatum est.

Pro vallo
ostentatae
utrimque
acies.

XIV. Ubi satis tentatae per hæc levia certamina vires sunt, prior Hasdrubal in aciem copias eduxit: deinde et Romani processere. sed utraque acies pro vallo stetit instructa: et quum ab neutris pugna coepta esset, jam die ad occasum inclinante, a Poeno prius, deinde ab Romano in castra copiae reductae. Hoc idem per dies aliquot factum. prior semper Poenus copias castris educebat. prior fessis stando signum receptui dabat. ab neutra parte procursum, telumve missum, aut vox ulla orta. mediam aciem hinc Romani, illinc Karthaginienses mixti Afris, cornua socii tenebant: erant autem utrimque Hispani pro cornibus. ante Punicam aciem ⁶⁸ elephantum castellorum procul speciem præbebant. Jam hoc in utrisque castris sermonis erat, ita, ut instructi stetissent, pugnaturos. medias acies Romanum Poenumque, quos inter belli causa esset, pari robore animorum armorumque concursuros. Scipio ubi hæc obstinate credita ⁶⁹ animadvertit, omnia de industria in eum diem, quo pugnaturus erat, mutavit. Tesse-

^t per aliquot Gron. Crev.

⁶⁶ *Atque arma capere jussi plures et integri fessis subirent*] Revocavimus verbum subirent, quod Gronovius nimium obsecutus aliquot MSS. auctoritati sustulerat, quum sine eo oratio curta et abrupta videatur. Vid. not. 64. ad L. XXVII. c. 28. Sensus omnino clarus est. Quumque plures jam, ilque integri, arma capere jussi, succederent in eorum locum, qui fessi pugnando erant.

⁶⁷ *Tamen nunquam per aliquot insequentes dies*] Hoc Rhenano debetur, cujus codex quum haberet *nunquam proelio quod insequentes dies*, inde ille effinxit, perlevi mutatione, hanc lectionem, quam editores omnes postea admiserunt. Scripti omnes, tam nostri, quam Gronoviani, carent *nunquam*, quod tamen sensus ne-

cessario flagitat.

⁶⁸ *Elephantum castellorum procul speciem præbebant*] Olim editi et scripti fere omnes una voce auctiores sunt: *visu præbebant*. Put. pro *visu* habet *ui*: quod Gronovius interpretatur *sex*. Sed hanc conjecturam refellit Polybius, qui l. XI. n. 18. duo supra triginta elephantos Asdrubali fuisse docet. Rhenanus totam vocem delendam judicavit: eique nos assentimur. *et ui* nobis videtur esse nihil aliud quam vitiosa repetitio ultimæ litteræ præcedentis vocis *speciem*. Ex primo autem illo mendo propagatum est *et visu*: dum scilicet librarii pro captu suo vitium corrigere volunt.

⁶⁹ *Animadvertit*] Afferit Gronovius ex Put. libro *animoadvertit*: videlicet pro *animom*, seu *animom advertit*. Et

nam vesperi per castra dedit, ut ante lucem viri equique cu- U. C. 548.
 rati et pransi essent: armatus eques frenatos instratosque tene- A. C. 206.
 ret equos. Vix dum satis certa luce, equitatum omnem cum levi Hostes ad-
 armatura in stationes Punicas inmisit: inde confestim ipse greditur
 cum gravi agmine legionum procedit, præter opinionem desti- Scipio.
 natam suorum hostiumque, Romano milite cornibus firmatis,
 sociis in mediam aciem acceptis. Hasdrubal, clamore equi-
 tum excitatus, ut ex tabernaculo prosiluit, tumultumque ante
 vallum et trepidationem suorum, et procul signa legionum
 fulgentia, plenosque hostium campos vidit, equitatum om-
 nem extemplo in equites emittit. ipse cum peditum agmine
 70 castris egreditur: nec ex ordine solito quidquam acie in-
 struenda mutat. Equitum jam diu anceps pugna erat: nec
 ipsa per se decerni poterat, quia pulsus (quod prope 71 in vicem
 fiebat) in aciem peditum tutus receptus erat. sed ubi jam haud
 plus quingentos passus acies inter sese aberant, signo receptui
 dato, Scipio, patefactisque ordinibus, equitatum omnem levem- Equitatus
 que armaturam, in medium acceptam dixisamque in partes in subsidiis
 duas, in subsidiis post cornua locat. Inde, ubi incipiendæ jam locatus.
 pugna tempuserat, Hispanos (ea media acies fuit) presso gradu
 incedere jubet. ipse e dextro cornu (ibi namque præerat) nun-
 cium ad Silanum et Marcium mittit, ut cornu extenderent 72 in
 sinistra parte, quemadmodum se tendentem a dextra vidissent: Prælium
 et cum expeditis peditum equitumque prius pugnam consere- initur.
 rent cum hoste, quam coire inter se mediæ acies possent. Ita di-
 ductis cornibus, cum ternis peditum cohortibus, ternisque equi-
 tum turmis, ad hoc velitibus, citato gradu in hostem ducebant,
 sequentibus 73 in obliquum aliis. 74 Sinus in medio erat, quia"

" qua Crev.

hujus antiquæ lectionis vestigia, sed in
 pravum correctæ et interpolatæ, ex-
 hibet Vict. codex, *animis animadver-*
tit. Sic et l. XXVI. c. 19. duo vel
 optimi codices præferunt *animum ad-*
partit, id est, *animum*, ut ibi obser-
 vamus in not. 87. Multis et in aliis
 veterum locis corrupta est ab editori-
 bus hæc scribendi ratio, ut apud Cæ-
 sarem, l. I. de B. Gall. versus finem,
quod eam partem minime firmam hos-
tiū esse animadverterat: scripta lec-
 tio, teste Gronovio in not. ad l.
 XXIV. c. 48. *animum adverterat*:
 apud Sallust. in B. Jugurth. c. 69.
Vaccenses ubi animadvertere ad se vor-
sum exercitum pergere: MSS. incor-
 ruptiores, observante Grutero, *ani-*
num advertere. Remansit illa inte-
 gra etiam in editis apud Cic. l. IX.
 ad Fam. ep. 9. *quid aut ille sperare*
possit aut tu, animum adverte pro tua
prudencia.

70 *Castris egreditur*] Victor. co-
 dex: *castra egreditur*: idque verum
 putamus. Neque enim scita hæc lo-
 quendi forma imperitum librarium
 sapit. Et sic infra, l. XXIX. c. 6.
egressi quidam urbem.

71 *In vicem*] Alternis vicibus.

72 *In sinistram partem, quemadmo-*
dum se tendentem ad dextram vidissent]
 Hæc est vett. editorum et scriptorum
 lectio, quam Rhenanus temere muta-
 verat, jusseratque legi *in sinistra parte*,
 et *a dextra*.

73 *In obliquum*] Ita ut non æqua
 fronte procederetur, sed in lineam
 obliquam, quæ ab extremis ducta
 cornibus oblique incideret in mediam
 aciem.

74 *Sinus in medio erat, qua*] Lon-
 ge elegantius id nobis et expressius
 visum est, quam *quia*. Itaque admi-
 simus, auctoribus Put. et Victor. co-
 dicibus.

U. C. 546. **segnius Hispanorum signa incedebant. et jam conflixerant**
 A. C. 206. **cornua, quum, quod roboris in acie hostium erat, Pœni ve-**
térani Afrique nondum ad teli conjectum venissent, neque in
cornua, ut adjuvarent pugnantes, discurrere auderent, ne
aperirent mediam aciem venienti ex adverso hosti. Cornua
ancipiti proelio urgebantur: eques, ⁷⁵ levisque armatura, ve-
lites⁷⁶, circumductis alis in latera incurrebant; cohortes a
fronte urgebant, ut abrumperent cornua a cetera acie.

XV. ⁷⁶ Et quum⁷⁶ ab omni parte haudquaquam par pug-
 na erat, tum quod turba Baliarium tironumque Hispanorum
 Romano Latinoque militi objecta erat, et, procedente jam die,
 vires etiam deficere Hasdrubalis exercitum cœperant, obpres-
 sos matutino tumultu coactosque, priusquam cibo corpora fir-
 marent, raptim in aciem exire. Ad id sedulo diem extraxerat
 Scipio, ut sera pugna esset. nam ab septima demum hora
 peditum signa cornibus incucurrerunt. ad medias acies ali-
 quanto serius pervenit pugna: ita ut prius æstus a meridiano
 sole, laborque standi sub armis, et simul fames sitisque cor-
 pora adficerent⁷⁷, quam manus cum hoste consererent. Itaque
 steterunt scutis innisi. nam super cetera elephantum etiam, tu-
 multuoso genere pugnae equitum velitumque et levis armaturæ
 consternati, e cornibus in mediam aciem sese intulerant. Fessi
 igitur corporibus animisque retulere pedem, ordines tamen ser-
 vantes, ⁷⁷ haud secus, quam si imperio ducis cederent integra
 acies. Sed quum eo ipso acrius, ubi inclinatham sensere rem,
 victores se undique inveherent, nec facile inpetus sustineri
 posset; quamquam retinebat, obsistebatque cedentibus Has-
 drubal, *ab tergo esse colles tutumque receptum, si modice se*
reciperent, clamitans, tamen, vincente verecundiam metu,
 (⁷⁸ quum proximus quisque hostem cederet) terga extemplo
 data, atque in fugam sese omnes effuderunt. Ac primo
 consistere signa in radicibus collium, ac revocare in or-
 dines militem cœperant; cunctantibus in adversum collem
 erigere aciem Romanis. inde⁷⁹ ut inferri inpigre signa vide-
 runt, ⁷⁹ integrata fuga, in castra pavidi compelluntur. Nec

Vincuntur
Pœni.

Et in castra
compellun-
tur.

⁷⁵ et velites Gron. Crev. ⁷⁶ tum Gron. ⁷⁷ afficeret Gron. Crev. ⁷⁸ deinde
Ræd.

⁷⁵ *Levisque armatura et velites]* Vid. not. 20. ad l. XXVI. c. 4.

⁷⁶ *Et quum ab omni parte]* Et haudquaquam par pugna erat, tum omnibus de causis, tum ideo vel maxime, quod turba incondita Baliarium tironumque Hispanorum Romano Latinoque militi objecta erat, et quod procedente jam die . . . Ceterum vulgo editi habent *Et tum*: scripti, ut dedimus.

⁷⁷ *Haud secus quam si imperio ducis cederent integra acies]* Velut si cederent integri, non victi, non pulsi:

ea prælii conditione et fortuna, ut essent integra acies. Servarunt nobis Put. et Victor. codices *et cederent*, quod male mutatum erat ab editoribus in *cederet*.

⁷⁸ *Quum proximus quisque hostem cederet]* Quum ii qui proximi erant hosti retrocederent. *Proximus hostem*, quomodo l. II. c. 48. *Proxime formam latrocinii*: et supra, 13. *Proxime vallum*. Vid. et not. 1. ad l. XXI. c. 1.

⁷⁹ *Integrata fuga]* Scripti omnes nostri, ut et optimi e Gronovianis, in-

procul vallo Romanus aberat: cepissetque tanto inpetu castra, U. C. 546.
 ni se ex vehementi sole, qualis inter graves imbre nubes efful- A. C. 206.
 get, tanta vis aquæ deiecisset, ut vix in castra sua receperint
 se victores; quosdam etiam religio ceperit ulterius quidquam
 eo die conandi. Karthaginienses, quamquam fessos labore ac
 vulneribus nox imberque ad necessariam quietem vocabat, ta-
 men, quia metus et periculum cessandi non dabat tempus, pri-
 ma luce obpugnaturis hostibus castra, saxis undique circa ex
 propinquis vallibus congestis augment vallum, munimento sese,
 quando in armis parum præsidii foret, defensuri. Sed trans-
 itio sociorum, fuga ut tutior mora videretur, fecit. Principium
 defectionis ab Attane regulo Turdetanorum factum est. is cum
 magna popularium manu transfugit. inde duo munita oppida
 cum præsidiis tradita a præfectis Romano. Et ne latius, in-
 clinatis semel ad defectionem animis, serperet res, silentio
 proximæ noctis Hasdrubal castra movet.

XVI. Scipio, ut prima luce, qui in stationibus erant, retu-
 lerunt; profectos hostes, præmisso equitatu signa ferri jubet.
 adeoque citato agmine ducti sunt, ut, si via recta vestigia se- Sequitur
 quentes issent, haud dubie adsecuturi fuerint. ducibus est cre- eos Scipio.
 ditum, brevius aliud esse iter ad Bætım fluvium, ut transeuntes
 adgrederentur. Hasdrubal, clauso transitu fluminis, ad ocea-
 num flectit. et jam inde fugientium modo effusi abibant; idque
 ab legionibus Romanis aliquantum intervalli fecit. Eques le-
 visque armatura, nunc ab tergo, nunc ab lateribus obcurrando,
 fatigabat morabaturque: sed quum ad crebros tumultus signa Et adsecu-
 consistarent, et nunc equestria, nunc cum velitibus ⁸⁰ auxiliis- tus cædit.
 que peditum prælia consererent, supervenerunt legiones. Inde
 non jam pugna, sed trucidatio velut pecorum fieri; donec ipse
 dux fugæ auctor in proximos cölles cum sex millibus ferme
 semiermum evasit. ceteri cæsi captique: castra tumultuaria
 raptim Pœni tumulto editissimo communierunt: atque inde,
 cum hostis nequidquam subire iniquo adscensu conatus esset,
 haud difficulter sese tutati sunt. Sed obsidio in loco nudo at-
 que inopi vix in paucos dies tolerabilis erat. itaque ⁸¹ transi-
 tiones ad hostem^a fiebant. Postremo dux ipse, navibus ac-
 ceptis, (nec procul inde aberat mare) nocte relicto exercitu,

^a *hostes* Gron.

tegra fuga. Gronovius subjicit *itera-
 ta*: sed haud magni momenti res
 est.

⁸⁰ *Auxiliisque peditum*] Peditibus
 auxiliaribus, Hispanis nempe, qui apud
 Romanos militabant, quique quum
 essent leviores agilioresque pedites Ro-
 mano legionum agmen præcesserant,
 et una cum velitibus equitibusque
 carpebant fugientes Pœnos. Obser-

vare non inutile est *auxilia* proprie
 et signate dici adjunctas Romanis ex-
 ercitus copias ex gentibus exteris,
 non vero ex Italicis populis, qui *socii*
 dicebantur, non *auxilia*, *auxillares*ve.

⁸¹ *Transitioes ad hostem fiebant*] Jamdudum Rhenanus ita legi juse-
 rat, non *ad hostes*: eique obtempera-
 tum oportuit. Nam consentiunt
 scripti.

U. C. 546. Gades perfugit. Scipio, fuga ducis hostium audita, decem milia peditum, mille equites reliquit Silano ad castrorum obsidionem. ipse cum ceteris copiis, septuagesimis castris, ⁸² protinus caussis regulorum civitatumque cognoscendis, ut praeracionem remedia ad veram meritorum aestimationem tribui possent, Tarraconem rediit. Post profectionem ejus Masinissa, cum Silano clam congressus, ut ⁸³ ad nova consilia gentem quoque suam obedientem haberet, cum paucis popularibus in Africam trajecit; ⁸⁴ non tam evidenti eo tempore subitae mutationis causa, quam documento post id tempus constantissimae ad ultimam senectam fidei, ne tum quidem eum sine probabili causa fecisse. Mago inde, remissis ab Hasdrubale navibus, Gades petit. Ceteri, deserti ab ducibus, pars transitione, pars fuga, dissipati per proximas civitates sunt. nulla manus numero aut viribus insignis. Hoc maxime modo, ductur atque auspicio P. Scipionis, pulsi Hispania Karthaginenses sunt; ⁸⁵ tertio decimo anno, post bellum initum; quinto, quam P. Scipio provinciam et exercitum accepit. Haud multo post Silanus, debellatum referens, Tarraconem ad Scipionem rediit.

Hasdrubal
Gades fugit.
Scipio Tarraconem redit.
Masinissa
conciliatur
Romanis.

Pulsi Hispania Poeni.

Scipio jam Africam et Karthaginem spectat.

XVII. L. Scipio cum multis nobilibus captivis nunciis receptae Hispaniae Romanam est missus. et quum ceteri laetitia gloriaque ingenti eam rem vulgo ferrent, unus, qui gesserat, inexplabilis virtutis veraeque laudis, ⁸⁶ parvum instar eorum, quae spe ac magnitudine animi concepisset, receptas Hispanias ducebat. jam Africam magnamque Karthaginem, et in suum decus nomenque ⁸⁷ velut consummatam ejus belli gloriam specta-

⁸² * *Protinus caussis... cognoscendis*] Cognoscendo et disceptando caussas regulorum civitatumque, prout ad quosque veniebat.

⁸³ * *Ad nova consilia*] Ad consilium suum de mutandis sociis.

⁸⁴ *Non tam evidenti*] Non tam evidens fuit eo tempore mutationis Masinissae causa, quam constantissima post id tempus ejus fides docuit, ne tum quidem... *Documento fidei*, pro *fide docente*. Ceterum, quod ad rem ipsam attinet, Appianus, libro de bellis Punicis hanc fuisse scribit Masinissae transitionis causam, quod quum ei Asdrubal Gisgonis Sophonisbae filiam suam despondisset, Carthaginenses eam, in scio utroque, Syphaci elocaverunt, ut pacem ab eo redimerent. Sed junctas hoc tempore Sophonisbae cum Syphace nuptias refellit iter Scipionis ad Syphacem, de quo mox c. 17. et tota sequentis historiae ratio. De causa transitionis Masinissae ad Romanos, vid. not. 46. ad l. XXIX. c. 29.

⁸⁵ *Tertio decimo anno post bellum initum*] Sic recte Glareanus ex Livio ipso, supra, c. 10. Olim *quartodecimo*. Ceterum hic annus *sextus*, non *quintus* numerari deberet, ex quo Scipio provinciam et exercitum accepit. Nisi dicamus ideo quintum annum nondum expletum esse, quod Scipio sub finem aestatis primo in Hispaniam venerit; initio aestatis hoc anno populerit Hispania Poenos. Porro pro eo quod prius legebatur *quinto postquam*, dedimus *quinto quam*, subnixi auctoritatibus optimorum codicum, Put. Cantabrig. aliorumque; et praeterea aliis consimilibus apud nostrum exemplis: ut l. XXVIII. c. 45. *Dis quadragesimo quinto, quam ex sylva detracta materia erat*: et l. III. c. 38. *Anno trecentesimo altero, quam collata Roma erat*: et alibi saepius.

⁸⁶ * *Parvum instar*] Parvam imaginem. Ex receptis ac domitis Hispaniis vix parvam speciem capi posse patebat eorum quae animo destinasset.

⁸⁷ *Velut consummatam*] Haec pro-

bat. Itaque, præmoliendas sibi^b ratus jam res conciliandos- U. C. 546.
 que regum gentiumque animos, Syphacem primum regem sta- A. C. 206.
 tuit tentare. Masæsylium is rex erat. Masæsyli, gens ad- Syphacem
 finis Mauris, in regionem Hispaniæ, maxime qua sita Nova sibi conciliare sta-
 Karthago est, spectant. Foedus ea tempestate regi cum Kar- tuit.
 thaginiensibus erat, quod haud gravius ei sanctiusque, quam
 vulgo barbaris, quibus ex fortuna pendet fides, ratus fore, ora-
 torem ad eum C. Lælium cum donis mittit. Quibus barbarus
 lætus, et quia res tum prosperæ ubique Romanis, Pœnis in
 Italia adversæ, in Hispania nullæ jam erant, amicitiam se Ro-
 manorum accipere adnuit. firmandæ ejus fidem nec dare, nec
 accipere, nisi cum ipso coram duce Romano. Ita Lælius, in
 id modo fide ab rege accepta, tutum adventum fore, ad Scipi-
 onem rediit. Magnum in omnia momentum Syphax adfec-
 tanti res Africæ erat, opulentissimus ejus terræ rex, bello jam
 expertus ipsos Karthaginienses, finibus etiam regni apte ad
 Hispaniam, quod freto exiguo dirimuntur, positus. Dignam In Africam
 itaque rem Scipio ratus, quæ, quoniam non aliter posset, trajicit.
 magno periculo peteretur, L. Marcio Tarracone, M. Silano
 Karthagine Nova, quo pedibus ab Tarracone itineribus mag-
 nis ierat, ad præsidium Hispaniæ relictis, ipse cum C. Lælio
 duabus quinquereimis ab Karthagine profectus tranquillo
 mari plurimum remis, interdum et leni adjuvante vento, in
 Africam trajecit. Forte ita incidit, ut eo ipso tempore Has-
 drubal pulsus Hispania, septem triremibus portum invec-
 tus, anchoris positus terræ adplicaret naves; quum⁸⁸ conspectæ
 duæ quinquereimes haud cuiquam dubio, quin hostium essent,
 obprimique a pluribus, priusquam portum intrarent, possent,
 nihil aliud, quam tumultum ac trepidationem simul militum
 ac nautarum, nequidquam armaque et naves expedientium,
 fecerunt. percussa enim⁸⁹ ex alto vela paullo acriori vento
 prius in portum intulerunt quinquereimes, quam Pœni an-
 choras molirentur. nec ultra tumultum ciere quisquam in re-
 gio portu audebat. Itaque prior in terram Hasdrubal, mox
 Scipio et Lælius egressi, ad regem pergunt.

XVIII. Magnificumque id Syphaci (nec erat aliter) vi- Hasdrubal
 sum, duorum opulentissimorum ea tempestate duces populo- et Scipio eo-
 dem tecto
 recipiuntur.

^b ibi Gron. Crev.

cul dubio vitiosa sunt. Conjicit Gronovius, olim consummandi ejus belli gloriam: quod admittere possumus, donec vel liber aliquis, vel conjectura fecerit veram huic loco sanitatem afferat. Codex unus e nostris, velut consummaturam. * Sensus patet: in sum decus notumque ituram consummandi ejus belli gloriam.

⁸⁸ * Conspectæ duæ quinquereimes . . . nihil aliud quam tumultum] Ad

conspectum duarum quinquereimarum Romanarum moti quidem sunt Pœni, sed nihil aliud effectum est quam tumultus, et trepidatio militum simul et nautarum. Quinquereimes ea dicuntur fecisse, quibus causam et occasionem præbuerunt. Sic l. V. c. 39. Complorati omnes pariter vivi mortuæque, totam prope urbem lamentis impleverant.

⁸⁹ * Ex alto] Mari.

U. C. 546. rum uno die suam pacem amicitiamque petentes venisse.
 A. C. 206. Utrumque in hospitium invitat; et, quoniam fors eos sub uno tecto esse, atque ad eosdem penates, voluisset: contrahere ad conloquium dirimendarum simultatum causa est conatus; Scipione abnuente, aut privatim sibi ullum cum Pœno odium esse, quod conloquendo finiret, aut de republica se cum hoste agere quidquam injussu senatus posse. Illud magno opere tendente rege, ne alter hospitum exclusus mensa videretur, ut in animum induceret ad easdem venire epulas, haud abnuit. Cœnatumque simul apud regem est: et eodem etiam lecto Scipio atque Hasdrubal (quia ita cordi erat regi) adcubuerunt. Tanta autem inerat comitas Scipioni, atque ad omnia naturalis ingenii dexteritas, ut non Syphacem modo, barbarum insuetumque moribus Romanis, sed hostem etiam infestissimum, facunde adloquendo sibi conciliaret^c, ⁹⁰ mirabilioremque sibi eum virum^d congresso coram visum præ se ferebat, quam bello rebus gestis. Nec dubitare, ⁹¹ quin Syphax regnumque ejus jam in Romanorum essent^e potestate. eam artem illi viro ad conciliandos animos esse. Itaque non, quo modo Hispaniæ amissæ sint, quærendum magis Karthaginiensibus esse, quam, quo modo Africam retineant, cogitandum. Non peregrinabundum, neque circa amœnas oras vagantem tantum ducem Romanum, relictâ provincia novæ ditionis, ⁹² relictis exercitibus, duabus navibus in Africam trajecisse sese^f in hostilem terram, regiam^g in fidem inexpertam: ⁹³ sed potiundæ Africæ spem adfectantem. Hoc eum jam pridem volutare in animo, hoc palam fremere, quod non, quemadmodum Hannibal in Italia, sic Scipio in Africa bellum gereret. Sci-

Scipionis
comitas et
dexteritas.

Hasdruba-
lis de eo ju-
dicium.

^c conciliarit Gron. Crev.

^f trajecisse et commisisse sœc Eæd.

^d virum del. Eæd.

^g in potestatem regiam Eæd.

^e esset Eæd.

⁹⁰ Mirabilioremque sibi eum] Omnes scripti addunt virum. Resecuerunt editores, quia sequitur illi viro. Perizonius legit mirabiliorem qui. Vid. not. 89. ad l. IV. c. 17. supra.

⁹¹ Quin Syphax regnumque ejus jam in Romanorum esset potestate] Put. et Victor. codices, essent.

⁹² Relictis exercitibus] Hic plerique scripti multum dissident a vulgatis. Habent enim fere: relictis exercitibus duobus trajecisse sese in hostilem terram regiam in fidem inexpertam. At editi: relictis exercitibus, duabus navibus trajecisse et commisisse sese in hostilem terram, in potestatem regiam, in fidem inexpertam. Quod scripti omitunt et commisisse, id amplectimur. Brevior enim fit oratio sine ullo dispendio sensus: et sic Valer. Maximus, qui profecto hæc Livii verba intuebatur, l. IX. c. 8. Quam temere

se Africanus superior ex Hispania duabus quinquerebus ad Syphacem trajecit? et duabus navibus, vel duabus quinquerebus, ut exhibet regius codex, omnino retinendum nobis videtur, tum quia eodem modo Valerius Maximus, tum quia id facit ad augendam Scipionis audaciam. Unde et Fabius infra c. 42. ut temeritatis arguat Scipionem, hoc ipsum urget quod duabus navibus populi Romani imperator fortunam publicam et majestatem imperii commisisset. Finem hujus periodi sic concinnat ex scriptis Gronovius, in hostilem terram, regiam, infidam, inexpertam. Utatur cui libuerit. Nobis vulgata lectio, quam tuetur Victorinus codex, arridet magis.

⁹³ Sed potiundæ Africæ spem adfectantem] Tendentem ad spem potiundæ Africæ. Sic Ovid. l. V. Metam. v. 377, nam spes affectat eandem.

pio, foedere icto cum Syphace, profectus ex Africa, dubiis- U. C. 546.
que et plerumque sævis in alto jactatus ventis, die quarto A. C. 206.
Novæ Karthaginis portum tenuit. Redit in Hispaniam.

XIX. Hispaniæ sicut a bello Punico quietæ erant, ita quasdam civitates, propter conscientiam culpæ, metu magis, quam fide, quietas esse adparebat: quarum maxime insignes et magnitudine et noxa Illiturgi et Castulo erant. ⁹⁴Castulo, quum prosperis rebus socii fuissent, post cæsos cum exercitibus Scipiones defecerant ad Pœnos. Illiturgitani prodendis, qui ex illa clade ad eos perfugerant, interficiendisque scelus etiam defectioni addiderant. In eos populos primo adventu, quum dubiæ Hispaniæ essent, merito magis, quam utiliter, sævitum foret. Tunc, jam tranquillis rebus, quia tempus expetendæ pœnæ videbatur venisse, adcitum ab Tarracone L. Marcium cum tertia parte copiarum ad Castulonem obpugnandum mittit: ipse cum cetero exercitu quintis ferme ad Illiturgin castris pervenit. Clausæ erant portæ, omniaque instructa et parata ad obpugnationem arcendam: adeo conscientia, quid se meritos scirent, pro indicto eis bello fuerat. ⁹⁵Hinc et hortari^h milites Scipio orsus est. *Ipsos* ⁹⁶*claudendis portis*ⁱ indicasse Hispanos, quid, ut timerent, meriti essent. itaque multo infestioribus animis cum iis, quam cum Karthaginiensibus, bellum gerendum esse. Quippe cum illis prope sine ira de imperio et gloria certari; ⁹⁷ab his^k perfidiæ et crudelitatis et sceleris pœnas expetendas esse. Venisse tempus, quo et nefandam commilitonum necem, et in semet ipsos, si eodem fuga delati forent, instructam fraudem ulciscerentur: et in omne tempus gravi documento sancirent, ne quis umquam Romanum civem militemve in ulla fortuna ⁹⁸opportunum injuriæ duceret. Ab hac cohortatione ducis incitati, scalas electis per manipulos viris dividunt: partitoque exercitu, ita ut parti alteri Lælius præesset legatus, duobus simul locis ancipiti terrore urbem adgrediuntur. Non dux

^h et hortari leg. exhortari Gron.

ⁱ claudendo portas Ead.

^k iis Ead.

⁹⁴ *Castulo quum . . . socii fuissent*] Aptius legi videretur *Castulonenses*, quod præferunt vulgati libri; eo quidem magis, quod in iis quæ sequuntur, opponuntur *Illiturgitani*. At quum Gronovius testetur in duodecim minimum MSS. quibus assentiuntur nostri quoque et Hearnii codices, et in antiquissimis editis reperiri *Castulo*, tanta auctoritate nixam lectionem rejicere ausi non sumus.

⁹⁵ *Hinc et hortari*] Sic habet Put. codex: sic et editi ante Sigonium: elegantius profecto, quam quod ille substituit, *hinc exhortari*.

⁹⁶ *Claudendis portis*] Tres e nostris scriptis, multi e Gronovianis stant pro hac lectione, quam et vett. editi tuentur. Quin et eam sua commendare debet elegantia. Itaque non fecerat operæ pretium Rhenanus, dum jusserrat legi *claudendo portas*.

⁹⁷ *Ab his*] Vulgo *ab iis*. Sed *his* magis accurate respondet *et illis*, quod præcedit. Unde, auctoribus compluribus scriptis, illud admisimus.

⁹⁸ *Opportunum injuriæ*] Talem, qui impune injuria affici et male mulctari posset.

U. C. 540.
A. G. 206.

Oppidani
acriter re-
sistunt.

Urbs capi-
tur.

unus; aut plures principes oppidanos, sed suis ipsorum ex conscientia omnes metus ad defendendam impigre urbem hortatur. ⁹⁹ et meminerant, et admonebant alii¹ alios, *supplicium ex se, non victoriam, peti.* ¹ Ubi quisque mortem obpeteret, id referre; utrum in pugna et in acie, ubi Mars communis et victum saepe erigeret, et adfligeret victorem; an postmodo, cremata et diruta urbe, ante ora captarum conjugum liberorumque, inter verbera et vincula, omnia foeda atque indigna passi, expirarent. Igitur non militaris modo aetas, aut viri tantum, sed feminae puerique supra animi corporisque vires adsunt: propugnantibus tela ministrant, saxa in muros mumentibus gerunt. Non libertas solum agebatur, ² quae virorum fortium tantum pectora acuit; sed ultima omnium supplicia, et foeda mors ob oculos erat. Accendebantur animi et ³ certamine laboris ac periculi, atque ipse inter se conspectu. Itaque tanto ardore certamen initum est, ut dormitor ille totius Hispaniae exercitus, ab unius oppidi juventute saepe repulso a muris, ⁴ haud satis decore proelio trepidaret^m. Id ubi vidit Scipio, veritus, ne vanis conatibus suorum ⁵ etⁿ hostibus cresceret animus, et segnior miles fieret, sibimet conandum ac partem periculi capessendam esse ratus, increpita ignavia militum, ferri scalas jubet: se ipsum, si ceteri cunctentur, escensurum minatur. Jam subierat haud mediocri periculo moenia, quum clamor undique ab ⁶ sollicitis vicem imperatoris militibus sublatus, scalaeque multis simul partibus erigi coeptae. Et ex altera parte Laelius instat. Tum victa oppidanorum vis, dejectisque pro-

¹ alii del. Crev.

^m trepidaret Gron. Crev.

ⁿ et del. Gron.

⁹⁹ Et meminerant, et admonebant alios] Et ipsi apud animum suum meminerant, et alios quoque admonebant. Sigonius hic inseruerat vocem alii, quam respuunt et scripti, et ipsa, nisi fallimur, Latinitatis ratio. Etenim quod Gallice diceremus ils s'avertissoient les uns les autres, id Latine efferendum est, admonebant sese invicem. Sensus autem hujus orationis, admonebant alii alios, esset, admonebant alii quidem hos, alii vero illos.

¹ Ubi quisque mortem oppeteret, id referre; utrum] Supra admonuerunt sese invicem, *supplicium ex se, non victoriam, peti.* Unde sequitur eos qui in acie vitam non amisissent, postea inter supplicia cruciatusque expiratuos. Quum igitur mors omnibus certa et destinata sit, adjiciunt id unum referre, seu id unum superesse discrimen, quo quisque loco et modo mortem oppeteret; utrum in pugna

et in acie, an postmodo inter verbera et vincula contumeliasque expirarent.

² Quae virorum fortium tantum] Minime hic opus est voce tantum, cuius etiam ingrata repetitio est, quum et in versu praecedenti reperiatur solum, et in iis quae praecedunt, modo, tantum.

³ Certamine] Emulatione. Vid. not. 35. ad XXVI. 44. Infra c. 21. conjunguntur certamen et amulatio.

⁴ Haud satis decore proelio trepidaret] Put. et Victor. codices, trepidaret.

⁵ Et hostibus crederet animus] Adjecimus particulam et, ex auctoritate trium optimorum codicum, Put. Cantabrig. et regii.

⁶ Sollicitis vicem imperatoris] Sollicitis de vice, de sorte, de periculo imperatoris.

pugnatoribus occupantur muri arx etiam ab ea parte, qua U. C. 546.
inexpugnabilis videbatur, inter tumultum capta est. A. C. 206.

XX. Transfugas Afri, qui tum inter auxilia Romanorum Tunc etiam
erant, et oppidanis in ea tendenda, unde periculum videbatur, arx.

versis, et Romanis subeuntibus, quas adire poterant, conspe-
xerunt ⁷ editissimam urbis partem, ⁸ quia rupe præalta tege-
batur, neque opere ullo munitam, et ab defensoribus va-
cuam. levissimi corporum homines, et multa exercitatione
perniciam, claves secum ferreos portantes, qua per inæqua-
liter eminentia rupis poterant, scandunt, sicuti nimis ar-
duum et leve saxum obcurrebat, clavos per modica interval-
la figentes, quum velut gradus fecissent, primi sequentes
extrahentes manu, postremi sublevantes eos, qui præerant,
in summum evadunt. inde decurrunt cum clamore in urbem
jam captam ab Romanis. Tum vero adparuit, ab ira et ab Oppidani
odio urbem obpugnatam esse. nemo capiendi vivos, nemo, ad interne-
patientibus ad dirptionem omnibus, prædæ memor est. lentur.

Trucidant intermes juxta atque armatos, feminas pariter ac
viros: usque ad infantiam eadem ira crudelis pervenit. Ig- Urbs incen-
nem deinde tectis injiciunt, ac dirunt, quæ incendio abstu- ditur.
mi nequeunt: adeo vestigia quoque urbis extinguere, ac
delere memoriam hostium sedis, cordi est. Castulonem in-
de Scipio exercitum ducit: quam urbem non Hispani mo-
do ⁹ convenæ, sed Punici etiam exercitus ex ¹⁰ dissipata pas-
sim fuga reliquæ tutabantur. sed adventum Scipionis præ-
venerat fama cladis Illiturgitanorum, terrorque inde ac de-
speratio invaserat; et ¹¹ in diversis causis, quum sibi quis-
que consultum sine alterius respectu vellet, primo tacita
suspicio, deinde aperta discordia secessionem inter Kartha- Castulonem
ginienses atque Hispanos fecit. His Cerdubellus propalam deditione
deditionis auctor. Himilco Punicis auxiliaribus præerat: recipit.
quos urbemque, clam fide accepta, Cerdubellus Romano
prodit. Mitior ea victoria fuit. nec tantumdem noxæ ad-
missum erat, et aliquantum iræ lenierat voluntaria deditio.

XXI. ¹¹ Marcius inde in barbaros, si qui nondum perdo-

⁹ e Gron. Crev.

⁷ Editissimam urbis partem] Vix dubitaverimus legendum hic esse ar-
cis, non urbis. Si quis accurate totam
hanc narrationem perpenderit, anh-
advertet profecto hic explicari et fu-
sus narrari, quod primo Livius uno
verbo indicaverat de arce etiam inter
tumultum capta, ab ea parte qua in-
expugnabilis videbatur.

⁸ Quia rupe] Nostri, ut et Grono-
viani libri, quæ. Rhenanus legi jubet
quæ, id est, procul dubio, qua parte.
Nobis, ut in re parvi momenti, in illis

nat tamen sententia, ut ultimum hoc,
nempe quæ, magis Livianum esse pu-
temus. Sic supra c. 14. ubi vulgo
edebatur quia ageretur, reposuimus ex
MSS. quæ signis.

⁹ Convenæ] Huc varis e locis con-
gregati.

¹⁰ In diversis causis] Quam causam
Hispanorum, et causam Carthaginien-
sium, diversæ essent.

¹¹ Marcius inde . . . missus] Vocem
ultimam eliminaverat Gronovius, quia
scilicet eam et Put. et quidquid est

U. C. 546. A. C. 206. Gladiatorium spectaculum edit Scipio. Corbis et Orsua. Marcius Astapam obpugnat.

miti erant, sub jus ditionemque redigendos missus. Scipio Karthaginem, ad vota solvenda Diis, munusque gladiatorium, quod mortis causa patris patruique paraverat, edendum, rediit. Gladiatorium spectaculum fuit non ex eo genere hominum, ex quo lanistis comparare mos est, ¹² servorum, quive ^p venalem sanguinem habent. Voluntaria omnis et gratuita opera pugnantium fuit. nam alii missi ab regulis sunt ad specimen insitæ genti virtutis ostendendum: alii ipsi professi, se pugnatuuros in gratiam ducis: alios æmulationis et certamen, ut provocarent, provocatique haud abnuerent, traxit. quidam, quas disceptando controversias finire nequiverant⁹, aut noluerant, pacto inter se, ¹³ ut victorem res sequeretur, ferro decreverunt. Neque obscuri generis homines, sed clari inlustresque, Corbis et Orsua patruales fratres, de principatu civitatis, quam Ibem vocabant, ambigentes, ferro se certatuuros professi sunt. Corbis major erat ætate. Orsue pater princeps proxime fuerat, a fratre majore post mortem ejus principatu accepto. Quum verbis disceptare Scipio vellet, ac sedare iras; negatum id ambo dicere communibus cognatis, nec alium Deorum hominumve, quam Martem, se judicem habituros esse. Robore major, minor flore ætatis ferox, mortem in certamine, quam ut alter alterius imperio subjiceretur, præoptantes, ¹⁴ quum dirimi ab tanta rabie nequirent^r, insigne spectaculum exercitui præbuere documentumque, quantum cupiditas imperii malum inter mortales esset. Major usu armorum et astu facile stolidas vires minoris superavit. Huic gladiatorum spectaculo ludi funebres additi ¹⁵ pro copia, et provinciali et castrensi adparatu.

XXII. Res interim nihilominus ab legatis gerebantur.

^p *servorum delectu ac liberorum, qui Gron.* ⁹ *nequierant Gron. Crev.*
^r *quod ab tanta rabie dirimi nequirent Gron. quum ab etc. Crev.*

aliorum codicum ignorarent. At nos eam et in Put. et in ceteris omnibus nostris exstare testamur, nisi quod quidam *missos*.

¹² *Servorum, quive venalem sanguinem habent*] Servorum, vel liberorum hominum qui mercede accepta sanguinem et vitam impendunt spectantium oblectationi. † Secuti sumus cum Clerico certissimam emendationem Gronovii, qui, quum optimi MSS. habeant *servorum qui venalem sanguinem habent*, addita vocula *ve* post *qui*, huic loco sanitatem restituit. Qui venalem sanguinem habet, is necessario liber est. Neque enim servi possunt venalem habere sanguinem, qui in dominorum potestate est. Vulgo legitur *servorum delectu ac libero-*

rum, qui venalem sanguinem habent: oratio inutili sarcina verborum onerata.

¹³ *Ut victorem res sequeretur*] Ut victor id auferret, de quo lis esset.

¹⁴ *Quum ab tanta rabie*] Rhenanus pro *quum* reposuerat *quod*. Sed prius illud magis placet, et nititur scriptis.

¹⁵ *Pro copia, et provinciali et castrensi apparatu*] Vacat vox *apparatu*, et videtur in contextum irrepsisse e margine, ubi ad interpretandam vocem *copia* a nescio quo poni potuit. *Pro copia et provinciali et castrensi*: id est, non magnifico apparatu, qualis erat ludorum qui in urbe edebantur, sed pro ea copia, qua instrui poterant in provincia et in castris.

Marcius, superato Bæte amni, quem incolæ Certim adpel-
 lant, duas opulentas civitates sine certamine in deditionem
 accipit. Astapa urbs erat, Karthaginensium semper par-
 tis: neque id tam dignum ira erat, quam quod, ¹⁶ extra ne-
 cessitates belli, præcipuum in Romanos gerebant odium.
 nec urbem aut situ aut munimento tutam habebant, quæ
 ferociore iis animos faceret: sed ingenia incolarum latroci-
 nio læta, ut excursions in finitimum agrum sociorum po-
 puli Romani facerent, inpulerant, et vagos milites Romanos
 lixasque et mercatores exciperent. magnum etiam comita-
 tum, quia paucis parum tutum fuerat, transgredientem fines,
 positis insidiis circumventum, iniquo loco interfecerunt. Ad
 hanc urbem obpugnandam quum admotus exercitus esset,
 oppidani conscientia scelerum, quia neq; deditio tuta ad tam
 infestos videbatur, nec spes mœnibus aut armis tuendæ sa-
 lutis erat, facinus in se ac suos foedum ac ferum conscis-
 cunt. Locum in foro destinant, quo pretiosissima rerum
 suarum congererent. super eum cumulum conjuges ac libe-
 ros considerare quum jussissent, ligna circa exstruunt, fascæ-
 que virgultorum conjiciunt. Quinquaginta deinde armatis
 juvenibus præcipiunt, *ut, donec incertus eventus pugnae esset,*
præsidium eo loco fortunarum suarum corporumque, quæ cari-
ora fortunis essent, servoarent. Si rem inclinatam viderent, at-
que in eo jam esse, ut urbs caperetur; scirent omnes, quos eun-
tes in prælium cernerent, mortem in ipsa pugna obituros. Illos
se per Deos superos inferosque orare, ut memores libertatis, quæ
illo die aut morte honesta, aut servitute infami finienda esset,
nihil relinquerent, in quod sævire iratus hostis posset. Ferrum
ignemque in manibus esse. Amicæ ac fideles potius ea, quæ per-
itura essent, absumerent manus, quam insultarent superbo ludi-
bria hostes. His adhortationibus exsecratio dira adjecta, si
 quem a proposito spes mollitiave animi flexisset. inde con-
 citato agmine patentibus portis ingenti tumultu erumpunt.
 Neque erat ulla satis firma statio obposita; quia nihil mi-
 nus, quam ut egredi mœnibus auderent, timeri poterat. per-
 paucae equitum turmae, levisque armatura repente e castris
 ad id ipsum emissa obcurrit. Acrior inpetu atque animis,
 quam compositior ullo ordine^a, pugna fuit. Itaque pulsus
 eques, qui primus hosti se obtulerat, terrorem intulit levi
 armaturæ. pugnatumque sub ipso vallo foret, ni robur legio-
 num, perexiguo ad instruendum dato tempore, aciem di-
 rexisset. Ibi quoque trepidatum parumper circa signa est,
 quum cæci furore in vulnera ac ferrum vecordi audacia rue-
 rent. dein vetus miles, adversus temerarios inpetus pertinax,

Astapen-
 sium furor.

^a ordine ullo Gron. Crev.

16 *Extra necessitates belli*] Extra necessitas coëgerat hostilem adversus
 eas etiam occasiones, in quibus belli Romanos animum ostendere.

U. C. 546. ~~cedere primorum insequentes subpressit. conatus paulo post~~
 A. C. 206. ~~ultra inferne pedem, ut neminem cedere, atque obstinatos~~
~~mori in vestigio quemque suo vidit; patefacta acie (quod~~
~~ut facere posset, multitudo armatorum facile suppeditabat)~~
~~cornua hostium amplexus, in orbem pugnantes ad unum~~
 Ad unum ~~omnes occidit.~~
 occiduntur.

XXIII. ¹⁷ Atque hæc tamen hostium iratorum, ac tum
 maxime dimicantium, ¹⁸ jure belli in armatos repugnantes-
 que edebantur. foedior alia in urbe trucidatio erat, quum
 Pueri et fe- turbam feminarum puerorumque inbellem inermemque cives
 minæ a suis sui cæderent, et in succensum rogam semianima pleraque inji-
 in urbe tru- carent corpora, rivi que sanguinis flammam orientem restingue-
 cidati. rent: postremo ipsi, cæde miseranda suorum fatigati, cum ar-
 mis medio se incendio injecerunt. Jam cædi perpetratæ victo-
 res Romani supervenerunt. ac primo conspectu tam foedæ rei
 mirabundi parumper obstupuerunt. dein quum aurum argen-
 tumque, cumulo rerum aliarum interfulgens, aviditate ingenii
 humani, rapere ex igne vellent, correpti alii flamma sunt, alii
 ambusti adflatu vaporis: quum receptus primis, urgente in-
 genti turba, non esset. Ita Astapa, sine præda militum, ferro
 ignique absunta est. Marcius, ceteris ejus regionis metu in
 deditionem acceptis, victoræ exercitum Karthaginem ad
 Scipionem reduxit. Per eos ipsos dies perfugæ a Gadibus
 Gaditani venerunt, pollicentes, urbem Punicumque præsidium, quod
 perfugæ. in ea urbe esset, et imperatorem ¹⁹ præsidii cum classe pro-
 dituros esse. Mago ibi ex fuga substitit, navibusque in
 oceano conlectis, aliquantum auxiliorum et trans fretum ex
 Africa ora, et ex proximis Hispaniæ locis per Hannonem
 præfectum coëgerat. Fide accepta dataque perfugis, et Mar-
 cius eo cum expeditis cohortibus, et Lælius cum septem tri-
 æmibus, quinquerei una, est missus, ut terra marique com-
 muni consilio rem gererent.

Scipionis
 morbus.

XXIV. Scipio ipse gravi morbo implicatus, graviore ta-
 men fama, quum ad id quisque, quod audierat, (insita ho-
 minum libidine alendi de industria rumores) adjiceret ali-
 quid, provinciam omnem ac maxime longinqua ejus turba-
 vit: adparuitque, quantam excitatura molem vera fuisset
 clades, quum vanus rumor tantas procellas excivisset. non

¹ ultra Gron. Crev.

¹⁷ Atque hæc tamen] Atque hæc hostium erant iratorum ac tum maxi-
 me dimicantium facta, atrocia qui-
 dem, sed tamen jure belli edita in ar-
 matos repugnantesque.

¹⁸ Jure belli in armatos] Hæc ver-
 ba a scriptis quamplurimis absunt,
 teste Gronovio; nec in ullo nobis oc-
 currerunt. Vix dubitamus tamen ea
 Livii esse, quum et exaugeant senten-

tiam, nec quidquam peregrinum aut
 pingue redoleant. Nec mirum videri
 debet hic aliquid perturbatum et man-
 cum reperiri in scriptis, in quibus
 tanta fuit hoc loco librariorum teme-
 ritas et protervia, ut magnam hujus
 libri partem in librum sequentem trans-
 ferrent.

¹⁹ Præsidii] Dele supervacuum
 vocem.

socii in fide, non exercitus in officio mansit. Mandonius et U. C. 546. Indibilis, quibus (quia regnum sibi Hispaniae, pulsus inde A. C. 202. Karthaginiensibus, destinarent animis) ²⁰ nihil pro spe contigerat, concitatis popularibus (²¹ Lacetani autem erant) et juventute Celtiberorum excita, agrum Suessetanum Sedetanumque sociorum populi Romani hostiliter depopulati sunt. Civilis alius furor in castris ad Sucronem ortus. Octo ibi ^{Seditio exercitus ad Sucronem.} millia militum erant; ²² praesidium gentibus, quae cis Iberum incolunt, inpositum. Motae autem eorum mentes sunt non tum primum, quum de vita imperatoris ²³ dubii rumores adlati sunt; sed jam ante, licentia ex diutino, ut fit, otio conlecta, ²⁴ et nonnihil, quod in hostico laxius rapto suetis vivere artiores in pace res erant. ²⁵ Ac primo sermones tantum occulti serebantur, si bellum in provincia esset, quid sese inter pacatos facere? si debellatum jam et confecta provincia esset, cur in Italiam non revehi? Flagitatum quoque stipendium precacius, quam ex more et modestia militari erat: et ab custodibus probra in circumeuntes vigilias tribunos iacta: et noctu quidam praedatum in agrum circa pacatum ierant: postremo interdiu ac propalam sine com metu ab signis abibant. omnia libidine ac licentia militum, nihil instituto ac disciplina militiae, aut imperio eorum, qui praerant, gerebatur. forma tamen Romanorum castrorum constabat una ea spe, quod tribunos ex contagione furoris haud expertes seditionis defectionisque rati fore, et jura reddere ²⁶ in principiis sinebant, et signum ab eis petebant, et in sta-

²⁰ * *Nihil pro spe contigerat*] Nihil tale contigens, quale speraverant.

²¹ *Lacetani autem erant*] Mirum quod hic soli Lacetani nominentur tanquam populares Mandonii et Indibilis, quum et supra l. XXVI. c. 49. Indibilis dicatur regulus Illergetum, et infra l. XXIX. c. 2. etiam Illergetum sum vocet Livius, passim denique Illergetes videantur proprius fuisse Indibilis et Mandonii milles. Fortasse nominis eorum deformata quaedam remanent vestigia in voce *autem*, quae nullo modo hic necessaria est; ac scripserit Livius *Lacetani et Illergetes erant*. Certe conjunguntur infra hi populi, capp. 27. et 34.

²² * *Praesidium gentibus, quae cis Iberum incolunt*] Sucro oppidum et fluvius ultra Iberum est, sed eo intervallo, ut facile inde in citeriora revocari potuerint copiae, si quo earum operae usus esset. Tum autem non ita fortasse urgenda est rigida verborum Livianorum proprietates, ut gentes

quae cis Iberum incolunt intelligi non possint laxiore sensu, gentes Ibero vicinae; cum respectu ad regiones Hispaniae longinquas et in Oceanum vergentes, in quibus hac aestate bellum Romani gessere. Possis legere circa *Iberum*.

²³ *Dubii rumores allati sunt*] Scripti ignorant vocem *rumores*. Victor. codex: *dubie allatum sit*. Legere videmur posse cum Gronovio: *dubie allatum est*.

²⁴ * *Et nonnihil, quod*] Aliqua etiam ex parte id valuerat ad movendas et deflectendas a sanitate illorum mentes, quod in hostili agro prius assueti laxius et liberius vivere ex iis quae rapiabant, tum, quum in sociorum agro essent, minus commode, minus laxo vivebant.

²⁵ *Ac primo sermones*] Quisquis hoc dedit, non male consuluit sensui. Sed scripti, *primores*, vel *primo res*.

²⁶ *In principiis*] Vid. not. 65. ad l. VII. c. 12.

U. C. 546.
A. C. 206.

tiones ac vigilias in ordinem ibant: et, ut vim imperii abstulerant, ita speciem dicto parentium, ²⁷ ultro sibi imperantes, servabant. Erupit deinde seditio, postquam reprehendere atque inprobare tribunos ea, quæ fierent, et conari obviam ire, et propalam abnuere, furoris eorum se futuros socios, senserunt. Fugatis itaque ex principiis, ²⁸ ac post paulo a castris tribunis, ad principes seditionis, gregarios milites, C. Albium Calenum et C. Atrium Umbrum, delatum omnium consensu imperium est. qui, nequaquam tribuniciis contenti ornamentis, insignia etiam summi imperii, fasces securesque, adtrectare ausi: neque venit in mentem, suis tergis suisque cervicibus virgas illas securesque imminere, quas ad metum aliorum præferrent. Mors Scipionis falso credita occæcabat animos: sub cuius vulgatam mox famam non dubitabant totam Hispaniam arsuram bello. in eo tumultu et sociis pecunias imperari, et diripi propinquas urbes posse. et, turbatis rebus, quum omnia omnes audent, minus insignia fore, quæ ipsi fecissent.

Tribuni militum a Scipione ad seditiones missi.

Permulcent eos placido sermone.

XXV. Quum alios subinde recentes nuncios, non mortis modo, sed etiam funeris, expectarent, neque superveniret quisquam, evanesceretque temere ortus rumor; tum primi auctores requiri coepti. et, subtrahente se quoque, ut credidisse potius temere, quam finxisse, rem talem videri posset, destituti duces jam sua ipsi insignia, et pro vana imagine imperii, quod gererent, veram justamque mox in se versuram potestatem horrebant. ²⁹ Stupente ita seditione, quum vivere primo, mox etiam valere Scipionem, certi auctores adferrent, tribuni militum septem ab ipso Scipione missi sunt. Ad quorum primum adventum exasperati animi; mox, ipsis placido sermone permulcentibus notos, cum quibus congressi erant, leniti sunt. circumeuntes enim tentoria primo, deinde in principiis prætorioque, ubi sermones inter se serentium circulos vidissent, adloquebantur, percunctantes magis, quæ causa iræ ³⁰ consternationisque subitæ foret, quam factum accusantes. Vulgo *stipendium*

²⁷ *Stupenti ita seditioni* Gron. Crev.

²⁹ *supervenerunt* Ead.

²⁷ *Ultro sibi imperantes*] Hoc debetur Gronovio, quum antea editi haberent *ultro ipsi*, scripti, *ultro si*, vel *ultro se*.

²⁸ *Ac post paulo*] Sic ordinant has voces scripti. Ut et l. XXII. c. 60. *Annibalem post paulo audistis*: et l. V. c. 55. *quum senatus post paulo* . . . haberetur.

²⁹ *Stupenti seditioni . . . supervenerunt*] Scripti, et Gronoviani, et nostri, *stupente seditione*. Tum nullus agnoscit ultimum verbum su-

pervenerunt. Vix tamen quisquam nobis eripiat, quin credamus germanam hanc esse Livii scripturam, quæ et clara, et scita atque elegans est. Si quis tamen nihil omnino, nisi sub certorum testium fide, admissum velit, legat cum regio et Victor. codd. *stupente ita*, vel *jam seditione* . . . *tribuni militum septem missi ab ipso Scipione sunt*.

³⁰ *Consternationis*] Tumultus, motus animorum.

non datum ad diem iactabatur: et, quum eodem tempore, quo U. C. 846.
 acclis Illiturgitanorum existisset, post duorum imperatorum A. C. 206.
 duorumque exercituum stragem, sua virtute defensum nomen
 Romanum ac retenta provincia esset: Illiturgitanos poenam
 novæ meritam habere; suis recte factis gratiam qui exsolvat,
 non esse. Talia querentes aqua orare, seque ea relaturos ad
 imperatorem, respondebant. latari, quod nihil tristius, nec in-
 sanabilius esset; et P. Scipionem Deum benignitate, et rem-
 publicam ³¹ esse gratiæ referendæ. Scipionem bellis adæuetum,
 ad seditionum procellas rudem, sollicitum habebat res, ³² ne
 aut exercitus peccando, aut ipse puniendo, modum excede-
 ret. in præsentia, ut coepisset, leniter agi placuit, ³³ et, mis-
 sis circa stipendiarias civitates exactoribus*, stipendii spem
 propinquam facere. Edictum subinde propositum, ut ad Seditiosi ju-
 stipendium petendum convenient Karthaginem; seu carp- bentur ve-
 tim partes, seu universi mallent. Tranquillam seditionem, nire Kar-
 jam per se languescentem, repentina quies rebellantium His- thaginem.
 panorum fecit: redierant enim in fines, omisso incepto,
 Mandonius et Indibilis, postquam vivere Scipionem adla-
 tum est. nec jam erat aut civis, aut externus, cum quo fu-
 rorem suum consociarent. Omnia circumspectantes consi-
 lia nihil reliqui habebant, præter non tutissimum a malis
 consiliis receptum, ut imperatoris vel justæ iræ, vel non de-
 sperandæ clementiæ sese committerent. etiam hostibus eum
 ignovisse, cum quibus ferro dimicasset. Suam seditionem
 sine vulnere, sine sanguine fuisse: nec ipsam atrocem, nec
 atroci poena dignam: ut ingenia humana sunt ad suam cui-
 que levandam culpam nimio plus facunda. Illa dubitatio
 erat, singulæne cohortes, an universi, ad stipendium peten-
 dum irent. inclinavit sententia, quod tutius censebant, uni-
 versos ire.

XXVI. Per eosdem dies, quibus hæc illi consultabant,
 consilium de iis Karthagini erat: certabaturque[†] sententiis,
 utrum in auctores tantum seditionis (erant autem hi numero
 haud plus, quam quinque et triginta) animadverteretur, an
 plurium supplicio vindicanda tam fœdi exempli defectio
 magis, quam seditio, esset. Vicit sententia lenior, ut, unde
 orta culpa esset, ibi poena consisteret. ad multitudinem cas-

* missi—exactores Gron. Crev.

† certabantque Eæd.

31 * *Esse gratiæ referendæ*] Esse in ejusmodi statu, ut gratiam illis re-ferre possint.

32 * *Ne . . exercitus peccando . . mo- dum excederet*] Atque adeo omnem sibi ipse ad poenitentiam abscinderet regressum, et imperatoris clementiæ nullum locum relinqueret.

33 *Et missi . . exactores . . . fecere*]

VOL. II.

Duo e nostris codd. tuentur eam lee- tionem, quam loco movit Gronovius: *et missis circa stipendiarias civitates exactoribus stipendii spem propinquam facere*. Quam quidem facile amplec- teremur; et eo quidem magis, quod omnes scripti, ipso teste Gronovio, retinent *exactoribus*. Ille ex con- jectura rescripsit *exactores*.

H h

U. C. 546.
A. C. 206.
Expedi-
tio in Laceta-
nos edici-
tur.

Compre-
henduntur
seditionis
auctores.

Oratio Sci-
pionis ad
seditiosos.

igationem satis esse. Consilio dimisso, ³⁴ ut id actum videretur, expeditio adversus Mandonium Indibilemque edicitur exercitui, qui Karthagine erat, et cibaria dierum aliquot parare jubentur. tribunis septem, qui et antea Sucronem ad leniendam seditionem ierant, obviam exercitui missis, quina nomina principum seditionis edita sunt; ut eos, per idoneos homines benigno vultu ac sermone in hospitium invitatos sopitosque vino, vincirent. Haud procul jam Karthagine aberant, quum ex obviis ³⁵ auditum, postero die omnem exercitum cum M. Silano in Lacetanos proficisci, ³⁶ non metu modo omni, qui tacitus insidebat animis, liberavit eos, sed lætitiā ingentem fecit: quod magis habituri solum imperatorem, quam ipsi futuri in potestate ejus essent. Sub occasum solis urbem ingressi sunt, exercitumque alterum parantem omnia ad iter viderunt. Excepti sermonibus de industria compositis, *latum opportunumque adventum eorum imperatori esse, quod sub ipsam profectionem alterius exercitus venissent*, corpora curant. A tribunis sine ullo tumultu auctores seditionis, per idoneos homines perducti in hospitia, comprehensi ac vincti sunt. Vigilia quarta impedimenta exercitus, cujus simulabatur iter, proficisci cœpere. sub lucem signa mota, et ad portam retentum agmen, custodesque circa omnes portas missi, ne quis ³⁷ urbe egrederetur. Vocati deinde ad concionem, qui pridie venerant, ferociter in forum ad tribunal imperatoris, ut ultro territuri subclamationibus, concurrunt. Simul et imperator in tribunal escendit, et reducti armati a portis inermi se concioni ab tergo circumfuderunt. tum omnis ferocia concidit, et, ut postea fatebantur, nihil æque eos terruit, quam præter spem robur et color imperatoris, quem adfectum visuros crediderant, vultusque, qualem ne in acie quidem aiebant meminisse. Sedit tacitus paullisper, donec nunciatum est, deductos in forum auctores seditionis, et parata jam omnia esse.

XXVII. Tum, silentio per præconem facto, ita cœpit: *Numquam mihi defuturam orationem, qua exercitum meum adloquerer, credidi. non quo verba umquam potius, quam res, exercuerim; sed quia prope a pueritia in castris habitus, ³⁸ ad-*

³⁴ *Ut id actum videretur, expeditio]* Edicitur expeditio adversus Mandonium et Indibilem, ut de ea re actum esse videretur in consilio, non de seditione Sucronensi.

³⁵ *Auditum . . . liberavit . . . fecit]* *Auditum* est in recto casu, et refertur ad verba sequentia *liberavit . . . fecit*. Nuncius ex obviis acceperat; nempe, exercitum omnem postero die proficisci, non liberavit modo eos omni metu, sed et lætitiā ingentem fecit.

Hanc loquendi formam videtur admasse Livius. Vid supra I. 53. et XXVII. 45.

³⁶ *Non metu modo omni]* Omnes scripti, et Gronoviani, et nostri, carent particula *modo*, quæ tamen necessaria est.

³⁷ *Urbe egrederetur]* Et hic quoque Vict. codex præfert *urbem*: ut supra, c. 14. *castra egreditur*.

³⁸ *Assueram]* Sic dedimus, auctoribus regio, Put. et Cantabrig. codi-

*sueram militaribus ingeniis. Ad vos quemadmodum loquar, U. C. 546.
³⁹ nec consilium, nec oratio suppetat: quos ne quo nomine qui- A. C. 206.
 dem adpellare debeam, scio. Cives? qui a patria vestra de-
 scistis: an milites? qui imperium auspiciūque abnuistis, sa-
 cramenti religionem rupistis. hostes? corpora, ora, vestitum,
 habitum civium agnosco: facta, dicta, consilia, animos hostium
 video. Quid enim vos, nisi quod Ilergetes et Lacetani, aut
 optastis aliud, aut sperastis? Et illi tamen Mandonium atque
 Indibilem, regiae nobilitatis viros, duces furoris secuti sunt:
 vos auspiciū et imperium ad Umbrum Atrium et Calenum
 Albium detulistis. Negate, vos id omnes fecisse, aut factum
 voluisse, milites: paucorum eum furorem atque amentiam esse,
 libenter credam negantibus. nec enim ea sunt commissa, quae
 vulgata in omnem exercitum sine piaculis ingentibus expiari
 possint. Inventus ea, tamquam vulnera, adtingo. sed nisi tacta
 tractataque sanari non possunt. Equidem, pulsas Hispania
 Karthaginiensibus, nullum locum tota provincia, nullos homi-
 nes credebam esse, ubi vita invisa esset mea. sic me non solum
 adversus socios gesseram, sed etiam adversus hostes. In castris
 en meis (quantum me opinio fefellit?) fama mortis meae non
 accepta solum, sed etiam exspectata est. Non quod ego vulga-
 ri facinus per omnes velim, (equidem si totum exercitum meum
 mortem mihi optasse crederem, hic statim ante oculos vestros
 morerer; nec me vita juvaret, invisa civibus et militibus meis)
 sed ⁴⁰ multitudo omnis, sicut natura maris, per se immobilis est,
 venti et aurae cient; ita aut tranquillum, aut procellae in vobis
 sunt: et causa atque origo omnis furoris penes auctores est;
 vos contagione insanistis. ⁴¹ Qui mihi ne hodie quidem scire*

cibus. Vulgo assueveram. Horatius, *Pluribus assuevit mentem corpusque superbum.*

³⁹ * *Nec consilium, nec oratio suppetat*] Nec sententiae nec verba mihi suppetunt.

⁴⁰ *Multitudo omnis*] Possis distinguere *Multitudo omnis sicut natura maris: per se immobilis est*, nempe natura maris, *venti et aurae cient; ita aut tranquillum, aut procellae in vobis sunt.* Hoc expeditius quidem est, sed redolet pingue quiddam quod erudito palato vix sapiat. Magis inclinatur sententia audacem hic agnoscere loquendi figuram, quae, spreto vulgaribus Grammaticae legibus, sensum ex ipsa illa abrupti sermonis anomaliam vividiorum et splendidiorum efficiat. Videntur igitur illae voces *multitudo omnis* pendulae quodammodo remanere; ita ut ob interpositam similitudinem neglectae a Livio fuerint,

et absoluta comparatione nova incipiat periodus, prorsus quasi nihil praecesserit. Ut ut sit, hic est hujus loci sensus. Eadem est ratio multitudinis cujuscunque, ac maris. Mare per se ipsum et natura sua immobile est, nec agitur, nisi quum venti illud et aurae cient. Ita aut tranquillum in vobis est, si vobis ipsis permissi fueritis; aut procellae, si seditiosi homines, velut venti quidam, vos commoverint. Ceterum hic olim legebatur, *ut venti et aurae cient.* Delevit Gronovius particulam *ut.* Scripti duo e nostris, *si et venti*: unus *et si venti.* Fortasse legendum est *sed venti.*

⁴¹ * *Qui mihi*] Insanisse vos dico: nec inclementius justo hoc verbum est, quum hodie quoque ignorare mihi videamini, quo amentiae progressi sitis.

U. C. 546.
A. C. 206.

videmini, quo amentiae progressi sitis; quid facinoris in me, quid in patriam parentesque ac liberos vestros, quid in Deos, sacramenti testes, quid adversus auspicia, sub quibus militatis, quid adversus morem militiae disciplinamque majorum, quid adversus summi imperii majestatem ausi sitis. De me ipso taceo. temere potius, quam avide, credideritis. denique ego sim, cujus imperii tædere exercitum minime mirandum sit. patria quid de vobis meruerat, quam cum Mandonio et Indibili consociando consilia prodebatis? Quid populus Romanus, quam imperium, ablatum ⁴² ab tribunis suffragio populi creatis, ad homines privatos detulistis? quum, eo ipso non contenti, si pro tribus illos haberetis, fasces imperatoris vestri ad eos, quibus servus, cui imperarent, numquam fuerat, Romanus exercitus detulistis. In prætorio tetenderunt Albius et Atrius: classicum apud eos cecinit: signum ab iis petatum est: sederunt in tribunali P. Scipionis: ⁴³ lictor adparuit: ⁴⁴ submoto incesserunt: fasces cum securibus prælati sunt. Lapides pluere, et ⁴⁵ fulmina jaci de cælo, et insuetos fœtus animalia edere, vos portenta esse putatis: hoc est portentum, quod nullis hostiis, nullis supplicationibus, sine sanguine eorum, qui tantum facinus ausi sunt, expiari possit.

XXVIII. *Atque ego (quamquam ⁴⁶ nullum scelus rationem habet) tamen, ⁴⁷ ut in re nefaria, quæ mens, quod consilium vestrum fuerit, scire velim. Rhegium quondam in præsidium missa legio, interfectis per scelus principibus civitatis, urbem opulentam per decem annos tenuit. propter quod facinus ⁴⁸ tota legio, millia hominum quatuor, in foro Romæ securi percussi sunt. Sed illi primum, non ⁴⁹ Atrium Umbrum semilixam,*

⁴² *Ab tribunis suffragio populi creatis]* Cave inde inferas tribunos militum omnes per hæc tempora a populo creatos. Contrarium enim constat ex l. XXVII. c. 36. Sed Livius oratorie rem auget, ut atrocius videatur militum facinus, si tribunis eam potestatem ademerint, quam populus eis mandarant.

⁴³ *Lictor apparuit]* Lictor illis minister imperii fuit. Vid. l. II. c. 55. supra.

⁴⁴ *Submoto incesserunt]* Submoto incedere dicebantur magistratus Romani, quum inter frequentiam hominum, lictorum ministerio et animadversione cedere locumque dare jussam, progrediebantur.

⁴⁵ *Fulmina jaci de cælo]* In templa et ædes. Hinc toties in prodigiorum enumeratione mentio fit ædium de cælo tactarum.

⁴⁶ * *Nullum scelus rationem habet]*

Nullum scelus non cum amentia conjunctum est.

⁴⁷ * *Ut in re nefaria]* Quantum in re nefaria locus consilio est.

⁴⁸ *Tota legio, millia hominum quatuor]* Haud paulo verisimilius est quod Polybius scribit l. I. plurimos ex illa legione cæsos in expugnatione urbis, quam eo pertinacius propugnabant, quod imminens sibi infortunium præviderent; vivos in potestatem reductos amplius trecentos, qui in foro Romæ virgis cæsi ac securi percussi sint.

⁴⁹ *Atrium Umbrum nomini etiam abominandi ducem]* An, quia nomen ejus ductum videtur ab atro, qui color funestus ac lugubris? Notum est autem, quænam fuerit Romanorum circa res omnes, ac nomina ipsa superstitio. An, quia ipse Atrius ignobilis ac semilixus?

nominis etiam abominandi ducem, sed Decium Jubellium tri- U. C. 546.
 bunum militum secuti sunt: nec cum Pyrrho, nec cum Sam- A. C. 206.
 nitibus aut Lucanis, hostibus populi Romani, se conjunxe-
 runt. vos cum Mandonio et Indibili consilia communicastis, et
 arma consociaturi fuistis. Illi, ⁵⁰ sicut Campani Capuam,
 Tuscis veteribus cultoribus ademtam, ⁵¹ Mamertini in Sicilia
 Messanam¹, sic Rhegium habituri perpetuam sedem erant: nec
 populum Romanum, nec socios populi Romani ultro lacessi-
 turi bello. Sucronemne vos domicilium habituri eratis? ubi
 si vos decedens confecta provincia imperator relinquerem, Deum
 hominumque fidem inplorare debebatis, quod non rediretis ad
 conjuges liberosque vestros. Sed horum quoque memoriam, sic-
 ut patriæ meique, ejeceritis ex animis vestris. ⁵² Viam consilii
 scelerati, sed non ad ultimum dementis, exsequi volo. Mene
 vivo, et cetero incolumi exercitu, cum quo ego die uno Kartha-
 ginem cepi, cum quo ⁵³ quatuor imperatores, quatuor exercitus
 Karthaginiensium fudi, fugavi, Hispania expuli, vos octo mil-
 lia hominum, minoris certe omnes pretii, quam Albius et Atrius
 sunt, quibus vos subjecistis, Hispaniam provinciam populo Ro-
 mano erepturi eratis? Amolior et amoveo nomen meum. ⁵⁴ ni-
 hil ultra facile creditam mortem meam a vobis violatus sim.
 Quid? si ego morerer, mecum exspiratura respublica, mecum
 casurum imperium populi Romani erat? ne istuc Jupiter opti-
 mus maximus sirit, urbem, auspicato Diis auctoribus in æter-
 num conditam, fragili huic et mortali corpori æqualem esse.
 Flaminio, Paullo, Graccho, Postumio Albino, M. Marcello,
 T. Quinctio Crispino, Cn. Fulvio, Scipionibus meis, ⁵⁵ tot tam
 præclaris imperatoribus uno bello absumtis, superstes est popu-
 lus Romanus, eritque, mille aliis nunc ferro, nunc morbo mo-
 rientibus, ⁵⁶ meo unius funere elata populi Romani esset res-

† Messanen Crev.

⁵⁰ Sicut Campani Capuam] Vid. nostrum, l. IV. c. 37.

⁵¹ * Mamertini in Sicilia Messanen] Mamertini e Campania oriundi fuere, ab Agathocle Syracusanorum rege in auxilium evocati. Ii quum a Messanensibus pro amicis excepti fuissent, civibus trucidatis aut ejectis, urbem occupaverunt, atque ejus postea possessionem semper tenuerunt: nec urbis nomine mutato, quæ Messana vocari non desit, suum et ipsi nomen servaverunt, semperque dicti fuere Mamertini. † Vid. Polyb. initio lib. I.

⁵² Viam consilii . . . exsequi] Viam exsequi est rationem expendere. Hæc est mens Scipionis. Expendendo consilium vestrum, velim illud reperire ejusmodi, ut, etsi sceleratum et nefarium, non tamen sit ad ultimum de-

mens.

⁵³ Quatuor imperatores] Asdrubales duos, Amilcaris et Gisgonis filios, Magonem Amilcaris, et Hannonem, qui Asdrubali in Italiam profecto suffectus erat. SIGONIUS.

⁵⁴ Nihil ultra facile creditam] Esto: nulla alia in re a vobis violatus sim, quam quod facile mortem meam credidistis; nec deliberatum habueritis arma adversus me imperatorem vestrum ferre. Hæc velut quædam correctio est, quia supra Scipio dixerat, Mene vivo.

⁵⁵ Tot tam præclaris imperatoribus] Hæc est scriptorum omnium lectio, quam Rhenanus sine causa mutaverat, jusseratque legi tam claris.

⁵⁶ Meo unius funere elata] Mecum sepulta. Efferrī est verbum pro-

U. C. 546. *publica? Vos ipsi hic in Hispania, patre et patruo meo, duobus*
 A. C. 206. *imperatoribus, interfectis, ⁵⁷Septimum Marcium ducem vobis*
adversus exsultantes recenti victoria Pœnos delegistis. et sic lo-
quor, tamquam sine duce Hispaniæ futuræ fuerint. M. Sila-
nus, eodem jure, eodem imperio mecum in provinciam missus,
L. Scipio frater meus, et ²C. Lælius, legati, vindices majesta-
tis imperii deessent? Utrum exercitus exercitui, an duces duci-
bus, an dignitas, an caussa comparari poterat? quibus si om-
nibus superiores essetis, ⁵⁸arma cum Pœnis contra patriam,
contra cives vestros ferretis? Africam Italiæ, Karthaginem
urbi Romanæ ³imperare velletis? Quam ob noxam patriæ?

XXIX. Coriolanum quondam damnatio injusta, miserum et indignum exsilium, ut iret ad obpugnandam patriam, impulit: revocavit tamen a publico parricidio privata pietas. Vos qui dolor, quæ ira incitavit? Stipendiumne diebus paucis imperatore ægro serius numeratum satis digna caussa fuit, cur patriæ indiceretis bellum? cur ad Ilergetes descisceretis a populo Romano? cur nihil divinarum humanarumve rerum inviolatum vobis esset? Insanistis profecto, milites: nec major in corpus meum vis morbi, quam in vestras mentes, invasit. Horret animus referre, quid crediderint homines, quid speraverint, quid optaverint. Auferat omnia irrita oblivio, si potest: si non, utcumque silentium tegat. Non negaverim, tristem atrocemque vobis ⁵⁹visam orationem meam^b; quanto creditis facta vestra atrociora esse, quam dicta mea? et me ea, quæ fecistis, pati æquum censetis: vos ne dici quidem omnia æquo animo ferretis? Sed ne ea quidem ipsa ultra exprobrabuntur. utinam tam facile vos obliviscamini eorum, quam ego obliviscar. Itaque, quod ad vos universos adtinet, si erroris poenitet, satis superque poenarum habeo. Albius Calenus, et Atrius Umber, et ceteri nefariæ seditionis auctores, sanguine luent, quod admiserunt. Vobis supplicii eorum spectaculum non modo non acerbum, sed lætum etiam, si sana mens rediit, debet esse. de nullis enim, quam de vobis, infestius aut inimicius consuluerunt. Vix finem dicendi fecerat, quum ex præparato simul omnium rerum terror oculis auribusque est obfusos. Exercitus, qui corona concionem circumdederat, gladiis ad scuta concrepuit. præconis audita vox

² et del. Gron. Crev.

³ Romæ Eæd.

^b meam del. Eæd.

prium de funeribus. Effertur: imus, apud Ter. in Andria.

⁵⁷ Septimum Marcium] Nomen integrum hujus Marcii occurrit infra, L. XXXII. c. 2. ubi vocatur L. Marcus Septimus. Itaque Septimus est ejus cognomen.

⁵⁸ Arma cum Pœnis contra patriam] Ante Sigonium legebatur arma contra patriam. Ille e veteri libro attulit arma tamen Pœnis contra

patriam. Inde effecta est vulgata hodie lectio, mutata ab nescio quo voce tamen in cum. Sensus commodus est: si satis firma auctoritate illa mutatio niteretur. Quidquid scriptorum vel Gronovius profert, vel nos inspeximus, deformatum hoc loco est.

⁵⁹ Visam orationem] Scripti addunt meam. Delevit Rhenanus, quia mox sequitur dicta mea.

citantis nomina damnatorum in consilio. Nudi in medium U. C. 546. A. C. 206. protrahebantur. et simul omnis adparatus supplicii expromebatur. deligati ad palum, virgisque cæsi, et securi percussi, adeo torpentibus metu, qui aderant, ut non modo ferocior vox adversus atrocitatem poenæ, sed ne gemitus quidem, exaudiretur. ⁶⁰ Tracti inde de medio omnes, purgatoque loco, citati milites nominatim apud tribunos militum in verba P. Scipionis jurarunt, stipendiumque ⁶¹ ad nomen singulis persolutum est. : Hunc finem exitumque seditio militum coepta apud Sucronem habuit.

XXX. Per idem tempus ad Bætim fluvium Hanno, Hanno præfectus Magonis a Marcio fusus. præfectus Magonis, missus a Gadibus, cum parva manu Afrorum, mercede Hispanos sollicitando ad quatuor millia juvenum armavit. castris deinde exutus ab L. Marcio, maxima parte militum inter tumultum captorum castrorum, quibusdam etiam in fuga amissis, palatos persequente equite, cum paucis ipse effugit. Dum hæc ad Bætim fluvium geruntur, Lælius interim, freto in oceanum evectus, ad Carteiam classe accessit. Urbs ea in ora oceani sita est, ubi primum e faucibus angustis panditur mare. Gades, sine certamine, ⁶² proditione recipiendi, ultro qui eam rem pollicerentur, in castra Romana venientibus, spes, sicut ante dictum est, fuerat. ⁶³ patefacta immatura proditio est, comprehensosque omnes Mago Adherbali prætori Karthaginem devehendos tradit. Adherbal, conjuratis in quinqueremem inpositis, præmissaque ea, quia tardior, quam triremis, erat, ipse cum octo triremibus modico intervallo sequitur. Jam fretum intrabat quinqueremis, quum Lælius, et ipse in quinqueremi e portu Carteiæ, sequentibus septem triremibus, evectus, in Adherbalem ac triremes invehitur, quinqueremem satis credens deprensam rapido in freto, ⁶⁴ in adversum æstum reciprocari non posse. Pœnus in re subita parumper incertus trepidavit, utrum quinqueremem sequeretur, an in hostes rostra converteret. Ipsa cunctatio facultatem detrectandæ pugnae ademit. jam enim sub ictu teli erant, et undique instabant hostes. æstus quoque arbitrium moderandi naves ademerat.

^c est del. Gron. Crev.

⁶⁰ * *Tracti inde de medio omnes*] Tracta deinde de medio eorum omnium qui securi percussi fuerant corpora.

⁶¹ * *Ad nomen*] Ut quisque ad nomen suum responderat.

⁶² *Prodizione recipiendi*] Conjectura Rhenani, cujus codex habuit *perditionem*; ceteri, ut et olim edebatur, *per deditionem*. Sane proditionis mentio hic omnino opportuna est. Nam et in iis quæ mox sequuntur, *patefac-*

ta immatura proditio est: et supra, c. 23. *Per eos ipsos dies perfugæ a Gadibus venerunt, pollicentes urbem.... prodituros esse.*

⁶³ *Patefacta*] Ante hoc verbum delevimus particulam *sed*, volentibus scriptis.

⁶⁴ *In adversum æstum reciprocari*] Circumagi, et retro adversus contrarii æstus vim auxilio ire triremibus sociis.

U. C. 546. neque erat navali pugna similis: quippe ubi nihil voluntarium, nihil artis aut consilii esset. Una natura freti, aestusque totius certaminis potens, suis, alienis navibus nequidquam remigio in contrarium tendentes invehbat, ⁶⁵ ut fugientem navem ^d videres retro vortice intortam victoribus ^e illatam; et sequentem, si in contrarium tractum incidisset maris, fugientis modo sese avertentem. Jam in ipsa pugna hæc, quum infesto rostro peteret hostium navem, obliqua ipsa ictum alterius rostri accipiebat: illa, quum transversa objiceretur hosti, repente intorta in proram circumagebatur. Quum inter triremes, fortuna regente, anceps praelium misceretur, quinquereimis Romana, seu pondere tenacior, seu pluribus remorum ordinibus scindentibus vortices, quum facilius regeretur, duas triremes subpressit, ⁶⁶ unius prælata impetu lateris alterius remos deterisit. ceterasque, quas indepta esset, mulcasset, ni cum reliquis quinque navibus Adherbal velis in Africam transmisisset.

Laelius et
Marcius redeunt ad
Scipionem.

Mandonius
et Indibilis
copias contrahunt.

XXXI. Laelius, victor Carteiam revectus, auditis, quæ acta Gadibus erant, patefactam prodicionem, conjuratosque missos Karthaginem, spem ad irritum redactam, qua venissent, nunciis ad L. Marcium missis, ⁶⁷ nisi si ^f terere frustra tempus sedendo ad Gades vellent, redeundum ad imperatorem esse, adsentiente Marcio, paucos post dies ambo Karthaginem rediere. Ad quorum discessum non respiravit modo Mago, quum terra marique ancipiti metu urgueretur; sed etiam, audita rebellione Ilergetum, spem recuperandæ Hispaniæ nactus, nuncios Karthaginem ad senatum mittit ^g; qui, simul seditionem civilem in castris Romanis, simul defectionem sociorum in majus verbis extollentes, hortantur, ut auxilia mitterent, quibus traditum a patribus imperium Hispaniæ repeti posset. Mandonius et Indibilis, in fines regressi, paullisper, dum, quidnam de seditione statueretur, scirent, suspensi quieverunt; si civium errori ignosceretur, non diffidentes sibi quoque ignosci posse. postquam vulgata est atrocitas supplicii, suam quoque noxam pari poena aestimatam rati, vocatis rursus ad arma popularibus, contractisque, quæ ante habuerant, auxiliis, in Sedetanum

^d navem del. Gron.
^g mittit ad senatum Gron. Crev.

^e victricibus Gron. Crev.

^f si del. Gron.

⁶⁵ Ut fugientem navem videres . . . victricibus illatam] Put. Cantabrig. et omnes nostri codices agnoscunt *et navem*, quod omittunt vulgati. Sed et iidem scripti habent *et fugientem*, non *ut*; et *victoribus*, nempe hostibus, non *victricibus*.

⁶⁶ Unius prælata impetu] Romana quinquereimis unius hostilium triremium, dum proxime illam impetu

prætervehitur, confregit, quotquot ab illo latere habebat, remos. Gæronius.

⁶⁷ Nisi si terere] In editis vulgo deest particula *si*. Iidem optimi codices, Put. et Cantabrig. sed et regius, et Thuanæus, eam exhibent. Sic et l. XXVI. c. 3. *Nisi si mors sua remedio publicis cladibus futura esset*.

agrum, ubi principio defectionis stativa habuerant, cum vi- U. C. 546.
ginti millibus peditum, duobus millibus equitum et^h quin- A. C. 206.
gentis transoenderunt.

XXXII. Scipio, ⁶⁸ quum fide solvendi pariter omnibus
noxiiis innocensque stipendii, tum vultu ac sermone in om-
nes placato, facile reconciliatis militum animis, priusquam
castra ab Karthagine moveret, concione advocata, multis
verbis in perfidiam rebellantium regulorum invectus, nequa-
quam eodem animo se ire professus est ad vindicandum id *Oratio Sci-*
scelus, quo civilem errorem nuper sanaverit. Tum se, haud *pionis ad*
secus quam viscera secantem sua, cum gemitu et lacrimis tri- *militia.*
ginta hominum capitibus expiasse octo millium seu impruden-
tiam, seu noxam: nunc læto et erecto animo ad cædem Ilerge-
tum ire. Non enim eos, neque natos in eadem terrâ, nec ulla
secum societate junctos esse. eam, quæ sola fuerit, fidei atque
amicitiæ ipsos per scelus rupisse. In exercitu suo se, præter-
quam quod omnes cives, aut socios Latinique nominis videat,
etiam eo moveri, quod nemo fere sit miles, qui non aut a pa-
truo suo Cn. Scipione, qui primus Romani nominis in eam
provinciam venerit, aut a patre consule, aut a se sit ex Italia
advectus. Scipionum nomini auspiciisque omnes adsuetos, quos
secum in patriam ad meritum triumphum deducere velit: quos
consulatum petenti, velut si omnium communis agatur honos,
adfuturos speret. Quod ad expeditionem attineat, quæ instet,
inmemorem esse rerum suarum gestarum, ⁶⁹ qui id bellum ducat.
Magonis, Hercule, sibi, qui extra orbem terrarum in circumfu-
sam oceano insulam cum paucis perfugerit navibus, majorem cu-
ram esse, quam Ilergetum. quippe illic et ducem Karthaginien-
sem, et quantumcumque Punicum præsidium esse: hic latrones,
latronumque duces. quibus ut ad populandos finitimorum agros,
tectaque urenda, et rapienda pecora aliqua vis sit, ita in acie ac
signis conlatis nullam esse. magis velocitate ad fugam, quam ar-
mis fretos, pugnatuos esse. Itaque non, quod ullum inde peri-
culum, aut semen majoris belli videat, ideo se, priusquam pro-
vincia decedat, obprimendos Ilergetes duxisse: sed primum, ne
inpunita tam scelerata defectio esset: deinde, ne quis in pro-
vincia, simul virtute tanta et felicitate perdomita, relictus hostis
dici posset. Proinde Deis bene juvantibus sequerentur, non
tam ad bellum gerendum, (neque enim cum pari hoste certamen
esse) quam ad expetendas ab hominibus scelestis pœnas.

XXXIII. Ab hac oratione dimissos ad iter se comparare in

^h et del. Gron.

⁶⁸ Quum fide solvendi . . . stipendii,
tum vultu] Feliciter emendavit hunc
locum Rhenanus, dum pro stipendium
legi jussit stipendii, tum.

⁶⁹ * Qui id bellum ducat] Qui id
bellum esse existimet. Neque enim,
ut infra dicitur, pari illud est cum
hoste certamen.

U. C. 546.
A. C. 206.
Hispani
præda ad-
lecti cæ-
duntur.

Postero die
in aciem de-
scendunt.

diem posterum jubet, profectusque ⁷⁰decimis castris pervenit ad Iberum flumen. Inde, superato anni, die quarto in conspectu hostium posuit castra. Campus ⁷¹ante montibus circa septus erat. in eam vallem Scipio quam pecora, rapta pleraque ex hostium agris, propelli ad irritandam feritatem barbarorum jussisset, velites subsidio misit. a quibus ubi per procurationem commissa pugna esset, Laelium cum equitatu inpetum ex occulto facere jubet. Mons opportune prominens equitum insidias texit: nec ulla mora pugnae facta est. Hispani in conspecta procul pecora, velites in Hispanos præda occupatos incurrere. Primo missilibus territavere: deinde, emissis levibus telis, quæ irritare magis, quam decernere, pugnam poterant, gladios nudant, et ⁷²collato pede res cœpta geri est: ancepsque pedestre certamen erat, nisi equites supervenissent. neque ex adverso tantum inlati obvios obtrivere, sed circumvecti etiam quidam per infima clivi ab tergo se, ut plerosque intercluderent, objecerunt^b. majorque cædes fuit, quam quantam edere levia per excursions proelia solent. Ira magis accensa adverso proelio barbaris est, quam inminuti animi. itaque, ne perculsi viderentur, prima luce postero die in aciem processere. Non capiebat omnes copias angusta, sicut ante dictum est, vallis: ⁷³duæ ferme peditum partes, omnis equitatus in aciem descendit. quod reliquum peditum erat, obliquo constituerunt colle. Scipio, pro se esse loci angustias ratus, et quod in arto pugna Romano aptior, quam Hispano militi, futura videbatur, et quod in eum locum detracta hostium acies esset, qui non omnem multitudinem eorum caperet, novo etiam consilio adjecit animum: equitem nec se posse circumdare cornibus in tam angusto spatio; et hosti, quem cum pedite eduxisset, inutilem fore. Itaque imperat Lælio, ut per colles quam occultissimo itinere circumducatur equites, ⁷⁴segregetque, quantum possit, equestrem a pedestri pugnam^c. Ipse omnia signa peditum in hostes vertit: quatuor

^b objecere Gron. Crev.

^c pugna Crev.

⁷⁰ Decimis castris pervenit ad Iberum flumen: inde superato anni, die quarto] Hinc colligitur Illergetes ad famam adventantis Scipionis ex Sedetanorum agro in sua rediisse. Proficiscenti enim Carthagine Scipioni Sedetani cis Iberum erant, Illergetes ultra amnem.

⁷¹ Ante] A fronte castrorum.

⁷² Collato (pede res cœpta geri est: ancepsque) pedestre certamen erat] Verba quæ parenthesi inclusimus, in solo Victorino codice nobis obvia fuerunt, qui tamen omittit ultimam particulam quæ. Gronovius ea tanquam spuria abdicat: et pro collato pedestre certamen erat, quomodo legitur in re-

liquis scriptis omnibus, subjicit collato pede acre certamen erat. Nos quum iis in verbis quæ Gronovio suspecta fecit librorum suorum silentium, nihil quidquam indignum Livio deprehendamus, imo et eorum ope fluere magis facilem et expeditam orationem, librariorum negligentiam potius accusandam putamus, quos fefellerit vocum pede pedestre vicinitas, ita ut media transiluerint.

⁷³ Duæ . . . partes] Vid. not. 84. ad XXI. 40.

⁷⁴ Segregetque . . . equestrem a pedestri pugna] Magis placeret pugnam, quomodo habet Put. codex.

cohortes in fronte statuit, quia latius pandere aciem non poterat. Moram pugnandi nullam fecit, ut ipso certamine averteret ab conspectu transeuntium per colles equitum. neque ante circumductos sensere, quam tumultum equestris pugnae ab tergo accipere. ⁷⁵ Ita duo^k proelia erant: duae peditum acies, duo equitatus per longitudinem campi (quia misceri ex genere utroque proelium angustiae non patiebantur) pugnabant. Hispanorum quum neque pedes equiti, nec eques pediti auxilio esset, pedes fiducia equitis temere commissus campo caederetur, eques circumventus ⁷⁶ nec peditem a fronte, (jam enim stratae pedestres copiae erant) nec ab tergo equitem sustineret, et ipsi, quum diu in orbem sese stantibus equis defendissent, ad unum omnes caesi sunt: nec quisquam peditum equitumque superfuit, qui in valle pugnaverunt. Tertia pars, quae in colle ad spectaculum magis tutum, quam ad partem pugnae capessendam, steterat, et locum et tempus ad fugiendum habuit. inter eos et reguli ipsi fugerunt; priusquam tota circumveniretur acies, inter tumultum elapsi.

U. C. 546.
A. C. 206.
Proelium
atrox.

Vincuntur
Hispani.

XXXIV. Castra eodem die Hispanorum, praeter reliquam praedam, cum tribus ferme millibus hominum capiuntur. Romani sociique ⁷⁷ ad mille ducenti^l eo proelio ceciderunt: vulnerata amplius tria millia hominum. minus cruenta victoria fuisset, si patientiore campo, et ad fugam capessendam facili foret pugnatum. Indibilis, abjectis belli consiliis, nihil tutius in afflictis rebus experta fide et clementia Scipionis ratus, Mandonium fratrem ad eum mittit: qui, advolutus genibus, *fatalem rabiem temporis ejus. accusat, quum velut contagione quadam pestifera, non Ilergetes modo et Lacetani, sed castra quoque Romana insanierint. Suam quidem et fratris et reliquorum popularium eam conditionem esse, ut aut, si ita videatur, reddant spiritum P. Scipioni, ab eodem illo acceptum: aut servati⁷⁸ bis uni debitam vitam pro eo in perpetuum devoteant. Antea in caussa sua fiduciam sibi fuisse, nondum experta*

Mandonius
ad Scipio-
nem sup-
plex venit.

^k duo diversa Gron. Crev.

^l ducentos Gron.

⁷⁵ Ita duo diversa proelia erant] Nostri codices, ut et optimi e Gronovianis, omittant vocem diversa: quam tamen retentam maluerimus. Sed haud multum interest.

⁷⁶ Nec peditem a fronte] Intellige peditem Romanum, qui stratis, ut mox subjicitur, pedestribus Hispanorum copiis, in equitatum Hispanum verterat impetum, et cum adversa fronte impugnabat.

⁷⁷ Ad mille ducenti] In hanc scripturam consentiunt tres optimi codices, Put. Cantabrig. Regius. Et genus hoc loquendi haud insolens est

Livio. L. III. c. 15. Exules servique ad quatuor millia hominum et quingenti. L. XXVII. c. 12. Cecidere in pugna fugaque ad duo millia et septingenti. Et eodem lib. c. 42. ubi vulgati praefereunt supra septingentos capti, Put. liber integre, supra septingenti capti. His auctoritatibus et exemplis nixi mutavimus quod hoc loco hactenus edebatur ad mille ducentos.

⁷⁸ Bis] Semel, quum illos a Poenis deficientes Scipio in amicitiam receperat; (qua de re vid. supra XXVII. 17.) iterum, praesenti in occasione.

U. C. 546.
A. C. 206.

Ignoscit ei
et fratri
Scipio.

clementia ejus: nunc contra, nullam in causa, omnem in misericordia victoris ⁷⁹ *spem positam habere.* Mos vetustus erat Romanis, ⁸⁰ cum quo nec foedere, nec æquis legibus jungeretur amicitia, non prius imperio in eum tanquam pacatum uti, quam ⁸¹ omnia divina humanaque dedidisset, obaides accepti, arma adempta, præsidia urbibus inposita forent. Scipio, multis invecus in præsentem Mandonium absentemque Indibilem verbis, illos quidem merito perisse ipsorum maleficio, ait: victuros suo atque populi Romani beneficio. Ceterum, se neque arma iis adempturum, (quippe ea pignora timentium rebellionem esse, se libera arma relinquere, solutosque metu animos) neque se in obsides innoxios; sed in ipsos, si defecerint, sæviturum: nec ab inermi, sed ab armato hoste, pœnas expetiturum. Utramque fortunam expertis permittere sese, utrum propitios, an iratos, habere Romanos malent. Ita dimissus Mandonius; pecunia tantummodo imperata, ⁸² ex qua stipendium militi præstari posset. ipse, Marcio in ulteriorem Hispaniam præmisso, Silano Tarracœnem remisso, paucos moratus dies, dum imperatam pecuniam Ilergetes pernumerarent, cum expeditis Marcium jam adpropinquantem oceano adsequitur.

Masinissæ
et Scipionis
conloqui-
um.

XXXV. Inchoata res jam ante de Masinissa aliis atque aliis de causis dilata erat, quod Numida cum ipso utique congredi Scipione volebat, atque ejus dextra fidem sancire. ea tum itineris tam longi ⁸³ ac tam devii causa Scipioni fuit. Masinissa quum Gadibus esset, certior adventare eum a Marcio factus, causando corrumpi equos inclusos in insula, penuriamque omnium rerum et facere ceteris, et ipsos sentire, ad hoc equitem marcescere desidia, Magonem perpulit, ut se trajicere in continentem ad depopulandos proximos Hispaniæ^m agros pateretur. Transgressus tres principes Numidarum præmittit, ad tempus locumque conloquio statuendum; duos pro obsidibus retineri a Scipione jubet. remisso tertio, qui, quo jussus erat, adduceret Masi-

^m Hispanos Gron. Crev.

⁷⁹ *Spem positam habere*] Rhenanus ex suo codice dederat *repositam*. At quum quatuor scripti nostri, et tres a Jac. Gronovio allegati præferant *positam*; majori, etiam in re levi admodum, auctoritati minorem cedere jussimus.

⁸⁰ *Cum quo . . jungeretur amicitia*] Sic voluerat Rhenanus: et firmat Put. codex: idque magis arridet nobis, quam id quod vulgatur, *jungeretur amicitia*. * Qui non foedere æquo in pacem et amicitiam veniret, sed impari foedere et obnoxia pace in societatem acciperetur.

⁸¹ *Omnia divina humanaque dedidisset*] Illius deditionis formulam vide l. I. c. 38. Ceterum de vetusto hoc Romanorum more Livius ideo mentionem facit, ut intelligatur Scipio clementius quam ex more majorum in victos hostes consuluisse.

⁸² *Ex qua stipendium militi*] Hic magna scriptorum manus exhibet *præsidium* pro *stipendium*. Quis dubitet veram esse vulgatam lectionem?

⁸³ *Ac tam devii*] Put. regius, et, Jac. Gronovio teste, multi alii scripti habent *tantum devii*: quod rejici non debuit.

nissam, cum paucis in colloquium venerunt. Ceperat jam U. C. 546. ante Numidam ex fama rerum gestarum admiratio viri: sub- A. C. 206. stitueratque animo speciem quoque corporis amplam ac magnificam. ceterum major præsens veneratio cepit; et, præterquam quod suapte natura multa majestas inerat, adornabat promissa cæsaries, habitusque corporis non cultus munditiis, sed virilis vere ac militaris, et ætas in medio virium robore; quod plenius nitidiusque ex morbo velut renovatus flos juventæ faciebat. Prope adtonitus ipso congressu Numida, gratias ⁸⁴ de fratris filio remisso agit. Ex eo tempore, adfirmat, eam se quæsisse occasionem, quam tandem oblatam Deum immortalium beneficio non omiserit. Cupere se illi populoque Romano operam navare, ita ut nemo unus exter- nus magis enise adjuverit rem Romanam. Id se, etiamsi jampridem vellet, minus præstare in Hispania, aliena atque ignota terraⁿ, potuisse: in qua autem genitus educatusque in spem paterni regni esset, facile præstaturum. Siquidem eundem Scipionem ducem in Africam mittant Romani, satis sperare perbrevis ævi Karthaginem esse. Lætus eum Scipio vidit auditque; quum caput rerum in omni hostium equitatu Masinissam fuisse sciret, et ipse juvenis specimen animi præ se ferret. Fide data acceptaque, profectus retro Tarraconem est. Masinissa permissu Romanorum, ne sine caussa trajecisse in continentem videretur, populatus proximos agros Gades rediit.

XXXVI. Magoni, desperatis in Hispania rebus, in qua- rum spem seditio primum militaris, deinde defectio Indibi- lis animos ejus sustulerant, paranti trajicere, in Africam, nunciatum ab Karthagine est, ⁸⁵ jubere senatum, ut classem, quam Gadibus haberet, in Italiam trajiceret: conducta ibi Gallorum ac Ligurum quanta maxima posset juventute, conjungeret se Hannibali: neu senescere bellum, maximo inpetu, majore fortuna cœptum, sineret. Ad eam rem et a Karthagine pecunia Magoni advecta est: et ipse, quantam potuit, a Gaditanis exegit, non ærario modo eorum, sed etiam templis spoliatis, et privatim omnibus coactis aurum argentumque in publicum conferre. Quum prætervehere- tur Hispaniæ oram, haud procul Karthagine Nova exposi- tis in terram militibus, proximos depopulatus agros, inde ad urbem classem adpulit. ibi quum interdiu milites in na-

Mago jube-
tur in Ita-
liam ire.

Karthagi-
nem No-
vam frustra
tentat.

ⁿ terra aliena atque ignota Gron. Crev.

⁸⁴ De fratris filio remisso] Supra l. XXVII. c. 19. Massivæ avunculus Masinissa dicitur, et maternus avus Gala, qui Masinissæ pater erat, ut constat ex l. XXIV. c. 49. et l. XXIX. c. 29. Unde sequeretur Massivam sororis filium fuisse Masinissæ. Ita- que aut aliquis hic est librariorum er-

ror, aut alterutro in loco, Livii.

⁸⁵ Jubere senatum, ut] Notanda locutio: quæ, quoniam quædam ejus exempla occurrunt, non omnino dam- nanda est; quoniam illa rara sunt, sobrie imitanda. Apud bonos Latini- tatis auctores verbo jubeo semper fere subjungitur verbum infiniti modi.

U. C. 546.
A. C. 206.

vibus tenuisset, nocte in litus expositos ad partem eam muri, qua capta Karthago ab Romanis fuerat, ducit: nec praesidio satis valido urbem teneri ratus, et aliquos oppidanorum ad spem novandi res aliquid moturos. Ceterum nuntii ex agris trepidi simul populationem agrestiumque fugam et hostium adventum adtulerant: et visa interdiu classis erat, nec sine caussa electam ante urbem stationem adparebat. itaque instructi armatique intra portam, ad stagnum ac mare versam, continebantur. Ubi effusi hostes, mixta inter milites navalis turba, ad muros tumultu majore, quam vi, subierunt, patefacta repente porta, Romani cum clamore erumpunt: turbatosque hostes, et ad primum incursum conjectumque telorum aversos, usque ad litus cum multa caede persequuntur. nec, nisi naves litori adpulsae trepidos accepissent, superfuisset pugnae aut fugae quisquam. In ipsis quoque trepidatum navibus est, dum, ne hostes cum suis simul inrumperent, trahunt scalas,⁸⁶ orasque et ancoras, ne in moliendo mora esset, praecidunt. multique adnantes navibus, incerto praetenebris, quid aut peterent aut vitarent, foede interierunt. Postero die quum classis inde retro ad oceanum, unde venerat, fugisset, ad octingenti homines caesi inter murum litusque, et ad duo millia armorum inventa.

Gades repetit, unde excluditur.

XXXVII. Mago, quum Gades repetisset, exclusus inde,⁸⁷ ad Cimbim (haud procul a Gadibus is locus abest) classe adpulsa, mittendis legatis, querendoque, quod portae sibi socio atque amico clausae forent,⁸⁸ purgantibus iis, multitudinis concursu factum, infestae ob direpta quaedam abs conscendentibus naves militibus, ad conloquium⁸⁹ suffetes eorum, qui summus Poenis est magistratus, cum quaestore elicit, laceratosque verberibus cruci adfigi jussit: inde navibus ad Pityusam insulam, centum millia ferme a continenti, (Poeni tum eam incolebant)⁹⁰ trajecit: itaque classis bona cum pace accepta est, nec commeatus modo benigne praebiti, sed in supplementum classis juvenus armaque data. quorum fiducia Poenus in Baliares insulas (quingenta inde millia absunt) transmisit. Duae sunt Baliares insulae, major altera atque opulentior armis virisque: et portum ha-

Transmittit in Baliares insulas.

° insulae del. Gron. Crev.

⁸⁶ Oras] Retinacula, quibus puppis littori alligabatur. Eadem hac voce jam usus est Livius supra l. XXII. c. 19.

⁸⁷ Ad Cimbim] Nomen loci parum notum, vel fortasse depravatum.

⁸⁸ Purgantibus] Ad purgandum se dicentibus.

⁸⁹ Suffetes eorum, qui summus Poenis est magistratus] Nempe et Gaditani Poeni erant, id est, e Phae-

nicia oriundi. Gades enim colonia Tyrionum est. Suffetes lingua Punica sunt iudices.

⁹⁰ Trajecit: itaque classis bona cum pace] Hic et itaque suspectum esse potest, quod nullus scriptus habet. Quidam etiam omittunt necessarium omnino verbum trajecit. Sed omnes nostri tenent id quod Gronovius, nimium obsecutus Put. codici, ejectum voluit, classis bona cum pace.

bet, ubi commodè hibernaturum se (et jam extremum autumni erat) credebat. ceterum, haud secus quam si Romani eam insulam incoherent, hostiliter classi obcursum est. Fundis ut nunc plurimum, ita tunc solo eo telo utebantur. nec quisquam alterius gentis unus tantum ea arte, quantum ⁹¹ inter alios omnes Baliares excellunt. itaque tanta vis lapidum creberrimæ grandinis modo in propinquantem jam terræ classem effusa est, ut, intrare portum non ausi, averterent in altum naves. In minorem inde Baliarium insulam trajecerunt, fertilem agro; ⁹² viris, armis^p haud æque validam. Itaque egressi navibus supra portum loco munito castra locant: ac, sine certamine urbe agroque potiti, duobus millibus auxiliarium inde conscriptis, missisque Karthaginem, ad hibernandum naves subdixerunt. Post Magonis ab oceani ora discessum, Gaditani Romanis deduntur.

XXXVIII. ⁹³ Hæc in Hispania P. Scipionis ductu auspicioque gesta. Ipse, ⁹⁴ L. Lentulo et L. Manlio Acidino provincia tradita, decem navibus Romam rediit. et, senatu extra urbem dato in æde Bellonæ, quas res in Hispania gessisset, disseruit: quoties signis conlatis dimicasset, quod oppida ex hostibus vicepisset, quas gentes in ditionem populi Romani rede-gisset. *adversus quatuor se imperatores, quatuor victores exercitus in Hispaniam isse: neminem Karthaginiensem in iis terris reliquisse.* Ob has res gestas magis tentata est triumphi spes, quam petita pertinaciter; quia neminem ad eam diem triumphasse, ⁹⁵ qui sine magistratu res gessisset, constabat. Senatu misso, urbem est ingressus, ⁹⁶ argentique præ se in ærarium tulit quatuordecim millia pondo trecenta quadraginta duo, et signati argenti

P armisque Gron.

⁹¹ *Inter alios omnes]* Forte *alias*, ut intelligamus *gentes*. GRONOVIVS.

* *Omnes* refer ad *Baleares*.

⁹² *Viris, armis]* Sic scripti omnes, sine particula *que*, quam nimium diligens Sigonius attexuerat.

⁹³ *Hæc . . . P. Scipionis ductu auspicioque gesta]* Minus proprie hic loquitur Livius. Qui enim proprætores vel proconsules sine magistratu imperium habebant, nulla habebant auspicia, ut constat ex Cic. l. II. de Divin. n. 76. Vid. Perizonium Animadv. Hist. c. 7. Semel jam abusus est hac locutione Livius, l. VIII. c. 31.

⁹⁴ *L. Lentulo, et L. Manlio Acidino]* Qui cum proconsulari imperio in Hispaniam missi fuerant, ut apparet ex l. XXIX. c. 13.

⁹⁵ *Qui sine magistratu res gessisset]*

Scipio proconsul in Hispania rem gesserat. Proconsulatus autem imperium erat, non magistratus. Magistratus enim erat tantummodo dictatorum, consulum, prætorum, etc. imperium, ejus quicunque rei militaris administrandæ jus a populo accepisset. Porro multi jam imperatores, exemplo orto a Q. Publilio Philone, de quo vid. nostrum, l. VIII. c. 26. ob res prorogato post exactum magistratum imperio gestas triumphaverant. At nemo ad hanc diem triumphi honorem impetraverat, qui privatus cum imperio missus esset ad res gerendas.

⁹⁶ *Argenti . . . quatuordecim millia pondo CCCXLII.]* Libras argenti Romanas 14342. id est, marcas nostrates 22409. cum tribus unciiis.

U. C. 546.
A. C. 206.
Comitia.

magnum numerum. Comitia inde citandis consulibus habuit L. Veturius Philo: centuriaeque omnes ingenti favore P. Scipionem consulem dixerunt. collega additur ei P. Licinius Crassus pontifex maximus. Ceterum, comitia majore, quam ulla per id bellum, celebrata frequentia, proditum memoriae est. Convenerant undique non suffragandi modo, sed etiam spectandi causa P. Scipionis. concurrebantque et domum frequentes, et in Capitolium ad inmolantem eum, quum centum bubus votis in Hispania Jovi sacrificaret: spondebantque animis, sicut C. Lutatius superius bellum Punicum finisset, ita id, quod instaret, P. Cornelium finitum; atque, ut Hispania omni Poenos expulisset, sic Italia pulsura esse: Africamque ei, perinde ac debellatum in Italia foret, provinciam destinabant. Praetoria inde comitia habita. creati duo, qui tum aediles plebis erant, Sp. Lucretius et Cn. Octavius, et ex privatis Cn. Servilius Caepio et L. Aemilius Papus. Quartodecimo anno Punici belli P. Cornelius Scipio et P. Licinius Crassus ut consulatum inierunt, nominatae consulibus provinciae sunt, Sicilia Scipioni extra sortem, concedente collega, quia sacrorum cura⁹ pontificem maximum in Italia retinebat; Bruttii Crasso. Tum praetoriae provinciae in sortem coniectae urbana Cn. Servilio obtigit, Ariminum (ita Galliam adpellabant) Sp. Lucretio, Sicilia L. Aemilio, Cn. Octavio Sardinia. Senatus in Capitolio habitus. ibi, referente P. Scipione, senatusconsultum factum est, ut, quos ludos inter seditionem militarem in Hispania vovisset, ex ea pecunia, quam ipse in aerarium detulisset, faceret.

U. C. 547.
A. C. 205.
P. Cornelio,
P. Licinio
Coss.
Provincia-
rum divisio.

Legatorum
Saguntino-
rum in se-
natu ora-
tio.

XXXIX. Tum Saguntinorum legatos in senatum introduxit. Ex eis maximus natus: *Etsi nihil ultra malorum est, Patres conscripti, quam quod passi sumus, ut ad ultimum fidem vobis praestaremus; tamen ea vestra merita, imperatorumque vestrorum erga nos fuerunt, ut nos cladum nostrarum non poeniteat. Bellum propter nos suscepistis: susceptum quartumdecimum annum tam pertinaciter geritis, ut saepe ad ultimum discrimen et ipsi veneritis, et populum Karthaginensem adduxeritis. Quum in Italia tam atrox bellum et Hannibalem hostem haberetis, ⁹⁷ consulem cum exercitu in Hispaniam, velut ad conligendas reliquias naufragii nostri, misistis. P. et Cn. Cornelii, ex quo in provinciam venerunt, nullo tempore destiterunt, quae nobis secunda, quaeque adversa*

⁹ cura sacrorum Gron. Crev.

⁹⁷ Consulem cum exercitu] P. Scipionem, cui primo Hispania decreta provincia fuerat, l. XXI. c. 17, quique, ob inexpectatam Annibalis celeritatem, aversus a cursu Cn. Scipionem

fratrem pro se cum exercitu in Hispaniam misit. Ceterum hic vulgo edebatur *consules*, contra Put. codicis et nostrorum omnium fidem.

hostibus nostris essent, facere. Jam omnium primum ⁹⁸ oppidum nobis restituerunt: per omnem Hispaniam cives nostros U. C. 547. A. C. 205. venundatos, dimissis, qui conquirerent, ex servitute in libertatem restituerunt. Quum jam prope esset, ut optabilem ex miserrima fortunam haberemus; P. et Cn. Cornelii imperatores vestri ⁹⁹ luctuosius nobis quoque, quam vobis, perierunt. Tum vero ad hoc retracti ex distantibus locis in sedem antiquam videbamur, ut iterum periremus, et alterum excidium patriæ videremus: nec ad perniciem nostram Karthaginensi utique aut duce aut exercitu opus esse: ab Turdulis nos veterrimis hostibus, qui prioris quoque excidii causa nobis fuerant, extinguere posse. quum ex insperato repente misistis nobis P. hunc Scipionem: quem, fortunatissimi omnium Saguntinorum videmur, quia consulem declaratum videmus, ac vidisse nos civibus nostris renunciaturi sumus, spem omnem salutemque nostram. qui, quum plurimas hostium vestrorum cepisset in Hispania urbes, ubique ex captorum numero excretos Saguntinos in patriam remisit: postremo Turdetaniam, adeo infestam nobis, ut illa gente incolumi stare Saguntum non posset, ita bello adfixit, ut non modo nobis, ¹ (absit verbo invidia) ne posteris quidem timenda nostris esset. Deletam urbem cernimus eorum, quorum in gratiam Saguntum deleverat Hannibal. vectigal ex agro eorum capimus, quod nobis ² non fructu jucundius est, quam ultione. Ob hæc, quibus majora neque sperare, neque optare ab Diis immortalibus poteramus, gratias actum nos decem legatos Saguntinus senatus populusque ad vos misit: simul gratulatum, quod ita res hos annos in Hispania atque Italia gessistis, ut Hispaniam non Ibero amne tenus, sed qua terrarum ultimas finit oceanus, domitam armis habeatis: Italiæ, nisi quatenus vallum castrorum cingit, nihil reliqueritis Pæno. Jovi optimo maximo, præsidii Capitolinæ arcis, non grates tantum ob hæc agere jussi sumus, sed donum hoc etiam, si vos permetteretis, coronam auream in Capitolium victoriæ ergo ferre. Id uti permittatis, quæsumus. utique, si vobis ita videtur, quæ nobis imperatores vestri commoda tribuerunt, ea

^r captivorum Gron. Crev.

⁹⁸ Oppidum nobis restituerunt] Vid. supra l. XXIV. c. 42.

⁹⁹ Luctuosius nobis quoque, quam vobis] Hæc est scriptorum lectio. Nec debuerant ea offendi editores, et loco ^r quoque reponere prope. Nihil enim in ea nimium, aut in majus auctum videri debet. Propior sane ac præsentior perniciēs Saguntinis imminēbat, interitu Scipionum, quam Romanis. Merito igitur dicunt Saguntini non modo et sibi et Romanis luctuosam accidisse mortem Scipionum, sed sibi etiam (hæc est

enim vis ^r quoque) luctuosiore quam Romanis.

¹ Absit verbo invidia] Liceat ita nobis felicitatem nostram gratulari, ut nulla exinde in nos invidia oriatur. Nimia prosperitate, præsertim si quis ea immodice efferretur, putabant provocari non solum hominum, sed etiam deorum invidiam.

² Non fructu jucundius est] Scripti non tam fructu. Gronovius corrigit non jam: sed pro molesta particula supervacaneam aliam suggerit. Vel dele tam, vel lege jucundum.

U. C. 547.
A. C. 205.

rata atque perpetua auctoritate vestra faciatis. Senatus legatis Saguntinis respondit, Et dirutum et restitutum Saguntum fidei socialis utrimque servatae documentum omnibus gentibus fore. Suos imperatores recte, et ordine, et ex voluntate senatus fecisse, quod Saguntum restituerint, civesque Saguntinos servitio eximerint: quæque alia eis benigne fecerint, ea senatum ita voluisse fieri. donum permittere, ut in Capitolio ponerent. ³ Locus inde lautiaque legatis præberi iussa, et muneris ergo in singulos dari ne minus ⁴ dena millia æris. Legationes deinde ceteræ in senatum introductæ, auditæque. Et petentibus Saguntinis, ut, quatenus tuto possent, Italiam spectatum irent, duces dati, literæque per oppida missæ, ut Hispanos comiter acciperent. ⁵ Tum de republica, de exercitibus scribendis, de provinciis relatum.

Scipio Africam provinciam destinat sibi.

Adversatur ei Fabius.

XL. Quum Africam novam provinciam extra sortem P. Scipioni destinari homines fama ferrent, et ipse, nulla jam modica gloria contentus, non ad gerendum modo bellum, sed ad finiendum, diceret se consulem declaratum esse. neque aliter id fieri posse, quam si ipse in Africam exercitum transportaret, et, acturum se id per populum, aperte ferret, si senatus adversaretur, id consilium haudquaquam primoribus Patrum cum placeret, ceterique ⁶ per metum aut ambitionem mussarent; Q. Fabius Maximus rogatus sententiam, Scio, inquit, multis vestrum videri, Patres conscripti, ⁷ rem actam hodierno die agi, et frustra habiturum orationem, qui, tamquam de integra re, de Africa provincia sententiam dixerit. Ego autem primum illud ignoro, quemadmodum jam certa provincia Africa consulis viri fortis ac strenui sit, quam nec senatus censuit in hunc annum provinciam esse, nec populus iussit. deinde, si est, consulem peccare arbitror, qui, de re transacta simulando se referre, senatum ludibrio habet, non senatorem modo, qui, de quo consulitur, suo loco dicit sententiam. Atque ego certum habeo, dissentienti mihi ab ista festinatione in Afri-

³ Locus inde lautiaque] Locus, in quo habitarent. Lautia sunt ea quæ dabantur legatis hospitii gratia, maxime ad victum pertinentia.

⁴ Dena millia æris] Id est, argenti marcas nostrates 15. cum uncis quinque.

⁵ Tum de republica . . de provinciis relatum] At cap. præc. jam legimus nominatas consulibus provincias; Siciliam Scipioni extra sortem, Bruttios Crasso. Fabius tamen in ea oratione quæ sequitur, vult retineri in Italia Scipionem et adversus Annibalem bellum gerere, nulla prorsus mentione facta Siciliæ. Scipio ipse, dum respondet Fabio, pagnat ne sibi in Italia

remanere necesse sit. Postremo c. 45. rursus dicuntur provinciæ decretæ consulibus, alteri Sicilia, alteri Bruttii. Hæc qui diligenter attenderit, facile in eam mentem adducetur ut credat, non novam hic rem tractari, sed hoc loco et in iis quæ sequuntur fusius narrari a Livio ea quæ primo brevius indicaverat c. 38. de provinciis.

⁶ Per metum aut ambitionem mussarent] Cunctarentur loqui et postulatis Scipionis adversari, sive per metum, sive etiam per studium captandæ consulis, quem clarum et potentem videbant, gratiæ.

⁷ Rem actam . . agi] Deliberari de eo quod jam certum statutumque sit,

cam trajiciendi, duarum rerum subeundam opinionem esse; U. C. 547. unius, insitæ ingenio meo cunctationis; quam metum pigritiam- A. C. 205. que homines adolescentes sane adpellent, dum ne pœniteat, adhuc aliorum speciosiora primo adspectu consilia semper visa, mea usu meliora. alterius, obtrectationis atque invidiæ adversus crescentem in dies gloriam fortissimi consulis. A qua suspitione si me neque vita acta et mores mei, neque dictatura cum quinque consulatibus, tantumque gloriæ belli domique partæ vindicat, ⁸ut propius fastidium ejus sim, quam desiderium; ætas saltem liberet. quæ enim mihi æmulatio cum eo esse potest, qui ne filio quidem meo æqualis sit? Me dictatorem, quum vigerem adhuc viribus, et in cursu maximarum rerum essem, recusantem nemo aut in senatu, aut ad populum audivit, quo minus insectanti me magistro equitum, quod fando numquam antea auditum erat, imperium mecum æquaretur. Rebus, quam verbis, adsequi malui, ut, qui aliorum judicio mihi comparatus erat, sua mox confessione me sibi præferret: nedum ego, perfunctus honoribus, certamina mihi atque æmulationes cum adolescente florentissimo proponam. videlicet ut mihi jam vivendo, non solum rebus gerendis fesso, si huic negata fuerit, Africa provincia decernatur. cum ea gloria, quæ parta est, vivendum atque moriendum est. Vincere ego prohibui Hannibalem, ut a vobis, quorum vigent nunc vires, etiam vinci posset.

XLI. Illud te mihi ignoscere, P. Corneli, æquum erit, si, quum in me ipso numquam pluris famam hominum, quam rempublicam, fecerim, ⁹ne tuam quidem gloriam bono publico præponam. quamquam, si aut bellum nullum in Italia, aut is hostis esset, ex quo victo nihil gloriæ quæreretur, qui te in Italia retineret, elsi id bono publico faceret, simul cum bello materiam gloriæ tuæ isse ereptum videri posset. Quum vero Hannibal hostis incolumi exercitu quartumdecimum annum Italiam obsideat, pœnitebit te, P. Corneli, gloriæ tuæ, si hostem eum, qui tot funerum, tot cladum nobis caussa fuit, tu consul Italia expuleris, et, sicut penes C. Lutatium prioris Punici perpetrati belli titulus fuit, ita penes te hujus fuerit? Nisi aut Hamilcar Hannibali dux est præferendus, aut illud bellum huic, aut victoria illa major clariorque, quam hæc, (modo contingat, ut te consule vincamus) futura est. Ab Drepanis atque Eryce detraxisse Hamilcarem, quam Italia expulisse Pœnos atque

⁸ *Ut propius fastidium ejus sim, quam desiderium]* Ut propius accedam ad fastidium ejus, quam ad desiderium: ut propior sim fastidienti eam, quam desideranti. *Propius fastidium* hic dicitur, quomodo supra, c. 15. *proximus hostem.*

⁹ *Ne tuam quidem gloriam bono publico præponam]* Tres ultimas vo-

ces scripti omnes Gronoviani et nostri respuunt. Si earum certa origo reperiretur, eas libenter conservaremus, ne oratio fiat nimis abrupta. Fatendum est tamen sine iis sensum constare posse, révocando ex iis quæ præcedunt, *pluris quam rempublicam faciam:*

U. C. 547. *Hannibalem, malis? Ne tu quidem, etsi magis partam, quam speratam, gloriam amplecteris, Hispania potius, quam Italia, bello liberata gloriatus fueris. Nondum is est Hannibal, quem non magis timuisse videatur, quam contempsisse, qui aliud bellum maluerit.* ¹⁰ *Quin igitur ad hoc adcingeris, nec per istos circuitus, ut, quum in Africam trajeceris, secuturum te illuc Hannibalem speres potius, quam recto hinc itinere, ubi Hannibal est, eo bellum intendis?* *Egregiam istam palmam belli Punici patrati petis? Hoc et natura prius est, tua quum defenderis, aliena ire obpugnatum. Pax ante in Italia, quam bellum in Africa sit: et nobis prius decedat timor, quam ultro aliis inferatur. Si utrumque tuo ductu auspicioque fieri potest, Hannibale hic victo, illic Karthaginem expugna.* ¹¹ *si altera utra¹ victoria novis consulibus relinquenda est; prior quum major clariorque, tum caussa etiam insequentis fuerit. Nam nunc quidem præterquam quod et in Italia et in Africa duos diversos exercitus alere ærarium non potest; præterquam quod, unde classes tueamur, unde com meatibus præbendis sufficiamus, nihil reliqui est;* ¹² *quid²? periculi tandem, quantum adeatur, quem fallit? P. Licinius in Italia, P. Scipio bellum in Africa geret.* ¹³ *Quid³? si (quod omnes Dii omen avertant, et dicere etiam reformidat animus, sed, quæ acciderunt, accidere possunt) et victor Hannibal ire ad urbem pergat; tum demum te consulem ex Africa, sicut Q. Fulvium a Capua, arcessemus? Quid? quod in Africa quoque Mars communis belli erit? Domus tibi tua, pater patruusque, intra triginta dies cum exercitibus cæsi, documento sint; ubi per aliquot annos, maximis rebus terra marique gerendis, amplissimum nomen apud exteras gentes populi Romani vestræque familiæ fecerant. Dies me deficiat, si reges imperatoresque, temere in hostium terras transgressos cum maximis cladibus suis exercituumque*

¹ *intendas* Crev.

² *alterutra* Gron. Crev.

³ *quid?* del. Gron.

¹⁰ *Quin igitur ad hoc adcingeris, nec per istos circuitus*] Res ipsa patet: structura verborum intricatior est. *Quin igitur ad bellum cum Annibale ipso gerendum jam nunc te comparas, non autem per istos circuitus, (nempe ut quum in Africam trajeceris, secuturum te illuc Annibalem speres) potius quam, id est, quos circuitus tibi potius sequendos existimas, quam ad Annibalem recto hinc itinere eundum?* Cur ad istos confugis circuitus, potius quam recto hinc itinere ad Annibalem contendas? In fine hujus periodi regius codex habet *intendas*: idque expressimus. Vulgo *intendis*.

¹¹ *Si alterutra*] Put. et Cantabrig. codd. *altera utra*: et alludunt tres e

nostris, in quibus *altera ultra*. Certe sic interdum amarunt loqui veteres. Jac. Gronovius ex vetusta editione Varronis l. VIII. de Ling. Lat. exemplum in hanc rem affert: *sed consuetudo alterum utrum cum satis haberet*.

¹² *Quid? periculi tandem*] Particula *quid?* a fronte præfixa orationi et transitionem juvat, et animos addit argumentationi. Eam tamen omiserant editi recentiores: sed prima editio servat, et optimi scripti.

¹³ *Quid si . . . et victor Annibal*] Et, id est, etiam: nisi forte hæc particula recidenda est. Et abesse eam ab suo codice Rhénanus testatur, ab uno e suis Hearnius.

suorum, numerare velim. Athenienses, prudentissima civitas, U. C. 547. bello domi relicto, ¹⁴ auctore æque inpigro ac nobili juvene, A. C. 205. magna classe in Siciliam transmissa, una navali pugna florentem rempublicam suam in perpetuum adflixerunt.

XLII. Externa et nimis antiqua repeto. Africa eadem ista et M. Atilius, insigne utriusque fortunæ exemplum, nobis documento sint. Næ tibi, P. Corneli, quum ex alto Africam conspexeris, ludus et jocus fuisse Hispaniæ tuæ videbuntur. Quid enim simile? ¹⁵ pacato mari ¹⁶ præter oram Italiæ Galliæque vectus Emporias, in urbem sociorum, classem adpulisti: expositos milites, ¹⁷ per tutissima omnia, ad socios et amicos populi Romani Tarraconem duxisti: ab Tarracone deinde iter per præsidia Romana: circa Iberum exercitus patris patruique tui, post amissos imperatores ferociores et calamitate ipsa: dux tumultuarius quidem ille L. Marcius, et militari suffragio ad tempus lectus, ceterum, si nobilitas ac ¹⁸ justī honores adornarent, claris imperatoribus qualibet arte belli par: obpugnata per summum otium Karthago, nullo trium Punicorum exercituum socios defendente. Cetera, neque ea elevo, nullo tamen modo Africo bello comparanda; ubi non portus ullus classi nostræ apertus, non ager pacatus, non civitas socia, non rex amicus, non consistendi usquam locus, non procedendi. Quacumque circumspexeris, hostilia omnia atque infesta. An Syphaci Numidisque credis? satis sit semel creditum. Non semper temeritas est felix: et fraus fidem in parvis sibi præstruit, ut, quum operæ pretium sit, cum mercede magna fallat. Non hostes patrem patruumque tuum armis prius, quam Celtiberi socii fraude, circumvenerunt: nec tibi ipsi a Magone et Hasdrubale, hostium ducibus, quantum ab Indibili et Mandonio in fidem acceptis, periculi fuit. Numidis tu credere potes, defectionem militum tuorum expertus? Et Syphax et Masinissa se, quam Karthaginienses, malunt ¹⁹ potentes in Africa esse: Karthaginienses, quam quemquam alium. Nunc illos æmulatio inter sese et omnes caussæ certaminum acuiunt, quia procul externus metus est. ²⁰ Ostende^x Romana arma, exercitum

^u potentissimos Gron.

^x add. illis Ead.

¹⁴ Auctore æque inpigro ac nobili juvene] Alcibiadem intelligit. Vid. Plut. in Alcib. et Nicia, et Thucydidem l. VIII.

¹⁵ Pacato] In quo tibi nihil ab hostibus periculi timendum fuit.

¹⁶ Præter oram] Rectum hoc putamus. Tamen scripti per oram.

¹⁷ Per tutissima omnia] Ultimam vocem omittunt Put. et Victor. codices. Sic lib. I. c. 57. quamplurimi scripti præferunt, postquam satis tuta circa, excluso et omnia, quod adji-

ciunt editi. Et infra l. XXIX. c. 3. indicat tuta ab lævo cornu esse.

¹⁸ Justī honores] Gradus illi honorum, qui conveniunt imperatori; prætura, consulatus. Vid. not. 27. ad l. I. c. 4.

¹⁹ Potentes] Vulgo potentissimos: non minus bene. Sed in re pari scriptæ lectionis auctoritatem sequimur.

²⁰ Ostende Romana arma] Sic olim editi, sic complures MSS. habent. Sigonius inseruerat illis, additamentum inutile.

U. C. 547. *alienigenam; velut ad commune restinguendum incendium con-*
 A. C. 205. *current. Aliter iidem illi Karthaginienses Hispaniam defen-*
derunt: aliter mœnia patriæ, templa Deûm, aras et focos, de-
fendent; quum euntes in prælium pavida prosequetur conjux,
et parvi liberi obscursabunt. Quid porro? Si satis confisi
Karthaginienses consensu Africæ, fide sociorum regum, mœni-
bus suis, quum tuo exercitusque tui præsidio nudatam Italiam
viderint, ipsi ultro novum exercitum in Italiam aut ex Africa
miserint; aut Magonem, quem, a Baliaribus classe transmis-
sa, jam præter oram Ligurum Alpinorum vectari constat,
Hannibali se conjungere jusserint? Nempe in eodem terrore eri-
mus, in quo nuper fuimus, quum Hasdrubal in Italiam trans-
cendit: quem tu, qui non solum Karthaginem, sed omnem
Africam, exercitu tuo es clausurus, e manibus tuis in Italiam
emisisti. Victum a te dices: eo quidem minus vellem, et id
tua, non reipublicæ solum, caussa, iter datum victo in Italiam
esse. Patere, nos omnia, quæ prospera tibi ac populi Roma-
ni¹ imperio evenere, tuo consilio adsignare; adversa casibus
incertis belli et fortunæ²¹ delegare. Quo melior fortiorque es,
eo magis talem præsidem sibi patria atque universa Italia re-
tinet. Non potes ne ipse quidem dissimulare, ubi Hannibal sit,
ibi caput atque arcem hujus belli esse. quippe qui præ te feras,
eam tibi caussam trajiciendi in Africam esse, ut Hannibalem
eo trahas. Sive igitur hic, sive illic, cum Hannibale est tibi
futura res. Utrum ergo tandem firmior eris in Africa solus,
an hic; tuo collegæque tui exercitu conjuncto? ne Claudius qui-
dem et Livius consules tam recenti exemplo, quantum id inter-
sit, documento sunt? Quid? Hannibalem utrum tandem ex-
tremus angulus agri Bruttii, frustra jam diu poscentem ab do-
mo auxilia, an propinqua Karthago et tota socia Africa poten-
tiores armis virisque faciet? Quod istud consilium est, ibi
malle decernere, ubi tuæ dimidio minores copiæ sint, hostium
multo majores, quam ubi duobus exercitibus adversus unum,
tot præliis et tam diuturna et gravi militia fessum, pugnandum
sit? Quam compar consilium tuum parentis tui consilio sit, re-
puta. Ille, consul profectus in Hispaniam, ut Hannibali ab
Alpibus descendentem occurreret, in Italiam ex provincia rediit:
tu, quum Hannibal in Italia sit, relinquere Italiam paras; non
quia reipublicæ id utile, sed quia tibi amplum et gloriosum cen-
ses esse: sicut quum, provincia et exercitu relicto, sine lege, sine
senatusconsulto, duabus navibus populi Romani imperator for-
tunam publicam et majestatem imperii, quæ tum in tuo capite
periclitabantur, commisisti. Ego P. Cornelium, Patres con-

¹ *populi Romani l. reipublicæ Gron. Crev.*

²¹ *Delegare]* Hoc verbum, quod Gronovii conjectura. In libris legitur
 amat usurpare Livius, hic ei restituit *legare*, vel *relegare*.

scripti, reipublicæ nobisque, non sibi ipsi privatim creatum U. C. 547.
consulem existimo: exercitusque ad custodiam urbis atque Ita- A. C. 205.
liæ scriptos esse, non quos regio more per superbiam consules,
quo terrarum velint, trajiciant.

XLIII. Quum oratione ad tempus parata Fabius, tum auctoritate et inveterata prudentiæ fama, magnam partem senatus, et seniores maxime, movisset, pluresque consilium senis, quam animum adolescentis ferocem, laudarent; Scipio ita locutus fertur: *Et ipse Q. Fabius principio orationis, Patres conscripti, commemoravit, in sententia sua posse obtrec-* Fabio re-
spondet Sci-
pio.
tationem suspectam esse. Cujus ego rei non tam ipse ausim tantum virum insimulare, quam ea suspicio, vitio orationis, an rei, haud sane purgata est. Sic enim honores suos et famam rerum gestarum extulit verbis, ad extinguendum invidiæ crimen, tamquam mihi ab infimo quoque periculum sit, ne mecum æmuletur: et non ab eo, qui, quia super ceteros excellat, ²² quo me quoque niti non dissimulo, me sibi æquari nolit. sic senem se perfunctum honoribus, et me infra ætatem filii etiam sui posuit; tamquam non longius, quam quantum vitæ humanæ spatium est, cupiditas gloriæ extendatur, maximaque pars ejus in memoriam ac posteritatem promineat. Maximo cuique id accidere animo certum habeo, ut se non cum præsentibus modo, sed cum omnis ævi claris viris, comparent. Equidem haud dissimulo, me tuas, Q. Fabi, laudes non adsequi solum velle, sed, (bona venia tua dixerim) si possim, etiam exsuperare. Illud nec tibi in me, ²³ neu mihi in minoribus natu animi sit, ut nolimus, quemquam nostri similem evadere civem. id enim non eorum modo, quibus inviderimus, sed reipublicæ, et pene omnis generis humani, detrimentum sit. Commemoravit, quantum essem periculi aditurus, si in Africam trajicerem: ut meam quoque, non solum reipublicæ et exercitus, vicem videretur sollicitus. Unde hæc repente cura de me exorta? quum pater patruusque meus interfecti, quum duo exercitus eorum prope occisione occisi essent, quum amissæ Hispaniæ, quum quatuor exercitus Pœnorum, quatuorque¹ duces omnia metu armisque tene- rent, quum quæsitus ad id bellum imperator nemo se ostenderet, præter me, nemo ²⁴ profiteri nomen ausus esset, quum mihi

¹ quatuor Gron. Crev.

²² Quo me quoque niti] Scripti Gronovio et nobis inspecti carent vocibus *quo me*. Sed eas non dubitamus absorptas esse a voce *quoque*. Sic et mox, quod dedit Sigonius, et sensus flagitat, *perfunctum honoribus*, in nullo eorundem codicum integrum est: in nullo exstat vox *honoribus*. Quam tamen relegare quis ausit? Quid erit *perfunctum*, sic nude et absolute positum.

²³ Neu mihi in minores natu]

Scripti in *minoribus*: quod non aliunde ortum suspicamur, quam ex eo quod *et minores* primo corruptum fuerit in *minoris*, deinde, genere mendi frequentissimo, ex *minoris* factum sit *minoribus*. Si tamen quis mordicus retineat scriptam lectionem, habebit unde eam tueri aliquo modo possit, in not. Gronovii ad Senec. l. IV. Quæst. Natur. præfat.

²⁴ * Profiteri nomen] Vid. not. 82. ad XXVI. 18.

U. C. 547. *quatuor et viginti annos nato detulisset imperium populus Romanus; quid ita tum nemo aetatem meam, vim hostium, difficultatem belli, patris patruisque recentem cladem commemorabat? Utrum major aliqua nunc in Africa calamitas accepta est, quam tunc in Hispania erat? An majores nunc sunt exercitus in Africa, duces plures melioresque, quam tunc in Hispania fuerunt? An aetas mea tunc maturior bello gerendo fuit, quam nunc est? An cum Karthaginensi hoste in Hispania, quam in Africa, bellum geri aptius est? Facile est, post fusos fugatosque quatuor exercitus Punicos, post tot urbes vi captas, aut metu subactas in ditionem, post perdomita omnia usque ad oceanum, tot regulos, tot saevas gentes, post receptam totam Hispaniam, ita ut vestigium nullum belli reliquum sit, elevare meas res gestas: tam, Hercule, quam, si victor ex Africa redierim, ea ipsa elevare, quæ nunc, retinendi mei causa, ut terribilia eadem videantur, verbis extolluntur. Negat aditum esse in Africam, negat ullos patere portus. M. Atilium captum in Africa commemorat; tamquam M. Atilius primo accessu ad Africam obfenderit. neque recordatur, illi ipsi tam infelici imperatori patuisse tamen portus Africae, et ²⁵ res egregias primo anno gessisse, et, quantum ad Karthaginenses duces adtinet, invictum ad ultimum permansisse. Nihil igitur me isto tu exemplo terrueris: si hoc bello, non priore, si nuper, et non ²⁶ annis ante quadraginta, ista clades accepta foret, qui ego minus in Africam, Regulo capto, quam, Scipionibus occisis, in Hispaniam trajicerem? Nec felicius Xanthippum Lacedæmonium Karthagini, quam me patriæ meæ sinerem natum esse: cresceretque mihi ex eo ipso fiducia, quod possit in hominis unius virtute tantum momenti esse. At etiam Athenienses audiendi sunt, temere in Siciliam, omisso domi bello, transgressi. Cur ergo, quoniam Græcas fabulas enarrare vacat, non ²⁷ Agathoclem potius, Syracusanum regem, quum diu Sicilia Punico bello ureretur, transgressum in hanc eandem Africam, avertisse eo bellum, unde venerat, ²⁸ refers?*

^a refert Gron.

²⁵ *Res egregias primo anno gessisse*] Supplebis nullo negotio *eum*: quo miramur ita offensum esse Gronovium, ut relicta hac lectione, quæ Put. et regii codicum est, languidior illam præoptasse visus sit, *res gestas ab eo egregias primo anno*: quam quidem Clericus etiam in contextum immiserat, recisis tamen duabus vocibus *ab eo*.

²⁶ *Annis ante quadraginta*] Imo *quingenta*, ut observat Perizonius. Regulus enim captus est anno u. c. 497. a quo usque ad hunc annum, qui

est 547. sunt plene anni quinquaginta. Dubitari tamen potest, an non Livius, qui haud sane diligens est in reddendis numeris, scripserit *quadraginta*, quum anno sequente (l. XXIX. c. 28.) annos tantum numeret *prope quingenta* a M. Regulo, L. Manlio consulibus.

²⁷ *Agathoclem . . Syracusanum regem*] Hoc felicissimæ audaciæ consilium plenius enarratum reperies apud Justin. l. XXII. et inprimis apud Diodor. l. XX.

²⁸ *Refers*] Gronovius edidit *refert*.

XLIV. *Sed quid, ultro metum inferre hosti, et ab se remoto U. C. 547. periculo alium in discrimen adducere, quale sit, veteribus exter- A. C. 205. nisque exemplis admonere opus est?* ²⁹ *Majus præsentiussve ullum exemplum esse, quam Hannibal, potest? Multum interest, alienos populere fines, an tuos uri, excindi, videas. plus animi est inferenti periculum, quam propulsanti. Ad hoc major ignotarum rerum est terror: bona malaque hostium ex propinquo ingressus fines adspicias. Non speraverat Hannibal fore, ut tot in Italia populi ad se deficerent, quot defecerunt post Cannensem cladem;* ³⁰ *quanto minus quidquam in Africa Karthaginiensibus firmum ac stabile sit, infidis sociis, gravibus ac superbis dominis? Ad hoc nos, etiam deserti ab sociis, viribus nostris, milite Romano, stetimus. Karthaginensi nihil civilis roboris est. mercede paratos milites habent, Afros Numidasque, levissima fidei mutandæ ingenia. Hic modo nihil moræ sit, una et trajecisse me audietis, et ardere bello Africam, et molientem hinc Hannibalem, et obsideri Karthaginem. lætiores et frequentiores ex Africa expectate nuncios, quam ex Hispania accipiebatis. Has mihi spes subjicit fortuna populi Romani, Dii fœderis ab hoste violati testes, Syphax et Masiussa reges:* ³¹ *quorum ego fidei ita innitar, ut bene tutus a perfidia sim. Multa, quæ nunc ex intervallo non adparent, bellum aperiet. et id est viri et ducis, non deesse fortunæ præbenti se, et* ³² *oblata casu flectere ad consilium. Habebo, Q. Fabi, parem, quem das, Hannibalem; sed illum potius ego traham, quam ille me retineat. In sua terra cogam pugnare eum, et* ³³ *Karthago^b præmium victoriæ erit, quam semiruta Bruttiorum castella.* ³⁴ *Ne quid interim, dum trajicio, dum expono exercitum in Africa, dum castra ad Karthaginem promoveo, respublica hic detrimenti capiat, quod tu, Q. Fabi, quum victor tota Italia volitaret Hannibal, potuisti præstare, hoc vide ne contumeliosum sit, concusso jam et pene fracto*

^b add. potius Gron. Crev.

Sed illud quod dedimus firmant tres e nostris codd. et princeps omnium Put.

²⁹ *Majus præsentiussve ullum exemplum esse quam Annibal potest*] Totum hoc in solo Victor. codice nobis occurrit. Ceteri nostri, ut et Gronoviani, prorsus ignorant: magno Liviani contextus damno.

³⁰ *Quanto minus quidquam . . stabile sit*] Sic Put. et Victor. codices: multo aptius sane, quam *stabile est*, quomodo editi habent.

³¹ *Quorum ego fidei ita innitar, ut*] Quorum ego fidei cum ea cautione innitar, ut, si perfidi esse velint, ab eorum fraude bene tutum me præ-

stem. Particula ita hic eodem fere modo accipienda est, quo supra l. XXVI. c. 19. *Ita elato animo, ut nullum ferox verbum excideret.*

³² *Oblata casu flectere ad consilium*] Ea quæ casu occurrerint ita gubernare ac moderari, ut consiliis ducis promovendis inserviant.

³³ *Carthago potius*] Reseca, volentibus scriptis, *et potius*, quod interdum veteres intelligi maluere, ut et tam, et magis. Vid. not. 65. ad l. XXVI. c. 31.

³⁴ *Ne quid*] Majoris facilitatis causa, ante hæc verba supple, Quod spectat ad cavendum, ne etc.

U. C. 547. *Hannibale, negare, posse P. Licinium consulem virum fortissimum præstare:* ³⁵ *qui, ne a sacris absit pontifex maximus, ideo in sortem tam longinquæ provinciæ non venit. Si, Hercule, nihilo maturius hoc, quo ego censeo, modo perficeretur bellum; tamen ad dignitatem populi Romani, famamque apud reges gentesque externas pertinebat, non ad defendendam modo Italiam, sed ad inferenda etiam Africæ arma, videri nobis animum esse; nec hoc credi vulgarique, quod Hannibal ausus sit, neminem ducem Romanorum audere: et priore Punico bello, tum quam de Sicilia certaretur, toties Africam ab nostris exercitibusque^c et classibus obpugnata; nunc, quam de Italia certetur, Africam pacatam esse. Requiescat aliquando vexata tam diu Italia: uratur evasteturque in vicem Africa. Castra Romana potius Karthaginis portis immineant, quam nos iterum vallum hostium ex mœnibus nostris videamus. Africa sit reliqui belli sedes: illuc terror fugaque, populatio agrorum, defectio sociorum, ceteræ belli clades, quæ in nos per quatuordecim annos ingruerunt, vertantur. Quæ ad rempublicam pertinent, et bellum, quod instat, et provincias, de quibus agitur, dixisse satis est. Illa longa oratio, nec ad vos pertinens sit, si, quemadmodum Q. Fabius meas res gestas in Hispania elevavit, sic et ego contra ³⁶ gloriam ejus eludere, et meam verbis extollere velim. Neutrum faciam, Patres conscripti: et, ³⁷ si ulla alia re, modestia certe et temperando linguæ adolescens senem vicero. Ita et viri, et res gessi, ut tacitus ea opinione, quam vestra sponte conceptam animis haberetis, facile contentus essem.*

XLV. Minus æquis animis auditus est Scipio, quia vulgatum erat, si apud senatum non obtinuisset, ut provincia Africa sibi decerneretur, ad populum extemplo laturum. ita-

^c exercitibus Gron. Crev.

³⁵ * *Qui ne a sacris absit*] Quia modo arguit Fabium Scipio contumeliose tractati P. Licinii consulis, ipse ut se pari crimine liberet, testatur ideo tantum collegam suum non venire in sortem Africæ provinciæ, quod pontifex maximus sit, non quod illi aut animus desit, aut peritia rei militaris.

³⁶ *Gloriam ejus eludere*] Non possumus assentiri viro clarissimo, et tam fido Musarum cultori, quam splendido Themidis antistiti, qui in notis ad nuperam editionem orationum Ciceronis in Catilinam, quam curavit doctus et elegans earum interpret Olivetæus, cerset hic in Livio legendum esse potius *elidere* quam *eludere*. Sed *elidere* vim quamdam denotat, et conatum magni moliminis: ut apud Virgilium, *angit inhærens Elisos oculos*.

Contra *eludere* jocantis est, nec toto pugnantis impetu, sed leviter et quasi per ludibrium rem tractantis: quo in genere est illa pars orationis, in qua res gestas Scipionis in Hispania carpit et extenuat Fabius.

³⁷ *Si ulla alia re*] Si quid sit aliud, quo ego superaturus sim Fabium, profecto jam nunc modestia et temperando linguæ eum vicero. Vulgati habent, *si nulla*. Sed recte observat Gronovius, sperasse Scipionem, multis aliis quoque, seu potius omnibus rebus, sese superaturum gloriam Fabii: id quod tota hæc oratio clamat. At vulgatum illud *si nulla*, desperantis est, aut desperationem præ se ferentis. *Si nulla* exstat in plerisque, iisque optimis Gronovii MSS. in omnibus nostris, et in uno Hearnii.

que Q. Fulvius, qui consul quater et censor fuerat, postulavit U. C. 547. a consule, ut palam in senatu diceret, *permitteretne Patribus*, A. C. 205. *ut de provinciis decernerent? staturusque eo esset, quod censuissent, an ad populum laturus?* Quum Scipio respondisset, se, quod e republica esset, facturum; tum Fulvius, *Non ego ignarus, quid responsurus facturuse esses, quæsi, quippe quum*³⁸*præ te feras, tentare magis, quam consulere senatum, et, ni provinciam tibi, quam volueris, extemplo decernamus, paratam rogationem habeas. Itaque a vobis, tribuni plebis, postulo, inquit, ut sententiam mihi ideo non dicenti,*³⁹*quod, etsi in meam sententiam discedatur, non sit ratum habiturus consul, auxilio sitis.* Inde altercatio orta, quum consul negaret, æquum esse tribunos intercedere,⁴⁰ quo minus suo quisque loco senator rogatus sententiam diceret. Tribuni ita decreverunt, *Si consul senatui de provinciis permittit,*⁴¹*stari eo, quod senatus censuerit, placet; nec de ea re ferri ad populum patiemur: si non permittit,*⁴²*qui de ea re sententiam recusabit dicere, auxilio erimus.* Consul diem ad conloquendum cum collega petiit. Postero die permissum senatui est. Provinciæ ita decretæ: alteri consuli Sicilia et S. C. de triginta rostratæ naves, quas C. Servilius superiore anno provinciis habuisset: permissumque, ut in Africam, si id e republica esse censeret, trajiceret. alteri Bruttii et bellum cum Hannibale, cum eo exercitu,⁴³ quem L. Veturius, aut Q. Cæcilius. hi et sortirentur inter se, compararentve, uter in Brutiis duabus legionibus, quas consul reliquisset, rem gereret: imperiumque in annum prorogaretur, cui ea provincia evenisset. et ceteris, præter consules prætoresque, qui exercitibus provinciisque præfuturi erant, prorogata imperia. Q. Cæcilio sorte evenit, ut cum consule in Brutiis adversus Hannibalem bellum gereret. Ludi deinde Scipionis magna frequentia et favore spectantium celebrati. Legati, Delphos ad donum ex præda Hasdrubalis portandum missi, M. Pomponius Matho et Q. Cati, tulerunt co-

38 *Præ te feras tentare magis*] Put. auctior est: *temptare te magis*.

39 *Quod etsi*] Editi ante Gronovium, *quod si*: scripti, *quod est*. Inde ille effecit *quod etsi*: recte. Etsi senatus major pars meam sententiam sequatur. Vid. not. 28. ad l. III. c. 51.

40 *Quominus suo quisque loco senator*] Scripti omnes et Gronoviani, et nostri, abolent ultimam vocem. Illa tamen non omnino inutilis est. Exprimit enim causam, cur debeant rogati sententiam dicere. Nam quod Gronovius argumentatur in senatum venisse plures, pluresque sententiam

dixisse, quam senatores, id verum quidem est. Sed non hic locus est subtili illi discrimini.

41 *Stari eo quod senatus censuerit*] Hic plerique scripti addunt *ferri*, quidam *ferri*: male utrumque. Et repetitum videtur ex versu sequenti, *nec de ea re ferri*.

42 *Qui de ea re sententiam recusabit dicere*] Put. et Vict. codices, *recusavit*. Scribe *recusavit*.

43 *Quem L. Veturius, aut Q. Cæcilius*] Supple ex præcedentibus *habuisset*: nisi malis hoc verbum in contextum admittere, auctore Regio codice.

U. C. 547. A. C. 205. Scipio non impetrat ut delectum sibi habere liceat. Etruriæ populi eum in ornanda classe juvant.

ronam auream ⁴⁴ ducentūm pondo, et simulacra spohiorum, ex ⁴⁵ mille pondo argenti facta. ⁴⁶ Scipio, quum, ut delectum haberet, neque impetrasset, neque magnopere tetendisset, ut voluntarios ducere sibi milites liceret, tenuit: et, quia inpensæ negaverat reipublicæ futuram classem, ut, quæ ab sociis darentur ad novas fabricandas naves, acciperet. Etruriæ primum populi, pro suis quisque facultatibus, consulem adiuturos polliciti. Cærites frumentum sociis navali-bus commeatumque omnis generis; Populonienses ferrum; Tarquinienses lintea in vela; Volaterrani ⁴⁷ interamenta navium et frumentum; Arretini ⁴⁸ triginta millia scutorum, galeas totidem, ⁴⁹ pila, gæsa, hastas longas, millium quinquaginta summam pari cujusque generis numero expleturos, secures, ⁵⁰ rutra, falces, ⁵¹ alveolos, molas, quantum in quadraginta longas naves opus esset, tritici ⁵² centum et viginti millia modium, et ⁵³ in viaticum ⁵⁴ decurionibus remigibusque conlaturos; Perusini, Clusini, Rusellani abietem

⁴⁴ *Ducentūm pondo*] Selibrarum, sive marcarum nostratium 312. cum unciis 4.

⁴⁵ *Mille pondo argenti*] Selibris nostratibus 1562. cum quatuor unciis.

⁴⁶ *Scipio quum, ut delectum haberet, neque impetrasset*] Nempe Fabius invidens crescenti in dies gloriæ Scipionis, quum obtinere non potuisset, ne permetteretur ei in Africam trajicere, vociferando et vanis terroribus animos implendo pervicit, ne aut delectum habere liceret consuli, aut pecunia decerneretur. Vid. Plut. in Fabio.

⁴⁷ *Interamenta navium*] Si hæc vox a Livio est, intelligenda videntur ligna ea, quæ a carinis utrimque ascendunt efficiunt costas navis, quorum compages a Græcis dicitur *ινερσηνια*. At multo magis placet *inceramenta*, quod exhibent duo codices, unus Gronovio, alter nobis inspectus. *Inceramenta* erunt cera et pix qua oblinebantur naves. Utraque vox perrara est, nec fortasse aliud earum exemplum reperias. At *inceramentum* magis præfert colorem quemdam Latinitatis, quam *interamentum*. Notum est illud Juvenalis, . . . *genua incerare deorum*. At *interare* nemo unquam usurpavit.

⁴⁸ *Triginta millia scutorum*] Plerique scripti et optimi, *tria millia*.

⁴⁹ *Pila, gæsa, hastas longas, millium quinquaginta summam . . . expleturos*] Fortasse legere quis malit ad

millium quinquaginta summam. Ut ut sit, sensus clarus est: nempe, quod attinet ad pila, gæsa, hastas longas, polliciti sunt se illa duros eo numero, ut summa omnium simul collectorum esset quinquaginta millium, pari cujusque generis numero; ita ut pila daturi essent circiter 16670. totidem gæsa, hastas totidem. De pilo et gæso vid. ad l. VIII. c. 8.

⁵⁰ *Rutra*] *Rutrum* a *ruendo*, sive *erundo* dictum est, et instrumentum fuit ferreum ad eruendam terram, sive arenam, quam opus esset, teste Festo.

⁵¹ *Alveolos, molas*] *Alveolos* interpretatur Marcellus Donatus vasa lignea ad asservendam aquam, aliove usus. *Molas* ad frumentum in navibus, ubi opus esset, commolendum habuisse veteres hinc apparet, sed necessario leviores et minoris solito diametri.

⁵² *Centum et viginti millia modium*] Modios nostrates 92500.

⁵³ *In viaticum*] Hic viaticum intelligi debet de pecunia, quum jam tritici mentio facta sit. * Si quis tamen ita velit exponere ut Arretini, præter modios tritici 120000. etiam id adjecerint frumenti, quod per viæ spatium opus esset decurionibus remigibusque, suo cuique judicio uti licet.

⁵⁴ *Decurionibus remigibusque*] Hi decuriones videntur præfuisse remigibus.

in fabricandas naves, et frumenti magnum numerum. ⁵⁵abiete U. C. 547. A. C. 205. Paratur classis. ex publicis silvis est usus. Umbriae populi, et præter hos Nursini, et Reatini, et Amiternini, Sabinusque ager omnis, milites polliciti. Marsi, Peligni, Marrucinique, multi voluntarii nomina in classem dederunt. ⁵⁶Camertes, quum æquo fœdere cum Romanis essent, cohortem armatam sexcentorum hominum miserunt. Triginta navium carinae, viginti quinqueremes, decem quadriremes, quum essent positæ, ipse ita institit operi, ut die quadragesimo quinto, quam ex silvis detracta materia erat, naves instructæ armatæque in aquam deductæ sint.

XLVI. Profectus in Siciliam est triginta navibus longis Proficiscuntur Coss. voluntariorum septem ferme millibus in naves inpositis. Et P. Licinius in Bruttios ad duos exercitus consulares venit. ex eis eum sibi sumsit, quem L. Veturius consul habuerat. ⁵⁷Metello, ut, quibus præfuisset legionibus, iis præesset, (facilius cum adsuetis imperio rem gesturum ratus) permisit. Et prætores diversi in provincias profecti. Et, quia pecunia ad bellum deerat, agri Campani regionem, a fossa Græca ad mare versam, vendere quæstores jussi; ⁵⁸indicio quoque permissio, qui ager civis Campani fuisset, ut is publicus populi Romani esset. indici præmium constitutum, quantæ pecuniæ ager indicatus esset, pars decima. Et Cn. Servilio prætori urbis negotium datum, ut Campani cives, ubi cuique ex senatusconsulto liceret habitare, ibi habitarent; animadverteretque in eos, qui alibi habitarent. Eadem æstate Mago, Hamilcaris filius, ex minore Baliarium insula, ubi Mago in Liguriam appellit. hibernarat, juventute lecta in classem inposita, in Italiam triginta ferme rostratis navibus et multis oncrariis, duodecim millia peditum, duo ferme equitum trajecit: Genuamque, nullis præsiidiis maritimam oram tutantibus, repentino adventu cepit. inde ad oram Ligurum Alpinorum, si quos ibi motus facere posset, classem adpulit. Ingauni (Ligurum ea gens est) bellum ea tempestate gerebant cum Epanteriis

⁵⁵ Abiete ex publicis sylvis est usus] Abietem a Perusinis non accepit, sed e sylvis publicis populi Romani excisa est usus.

⁵⁶ Camertes quum æquo fœdere] Suspiciari possis Camertes, quum æquo jure ac fœdere in amicitiam Romanorum venissent, non necesse habuisse, aut etiam solitos fuisse Romanis præbere milites. Atque ideo observaverit Livius eos id fecisse in gratiam Scipionis, quod neque lex, neque mos juberet.

⁵⁷ Metello ut quibus præfuisset legionibus, iis præesset] Scripti fere omnes tres ultimas voces relegant: unde reciso etiam *ut*, legendum putat

Gronovius: Metello, quibus præfuisset, facilius cum assuetis imperio rem gesturum ratus, permisit. Permisit ei milites quibus præfuisset.

⁵⁸ Indicio . . permissio] Memoravit Livius l. XXVI. c. 16. agrum omnem Campanum publicum populi Romani factum esse. Hic igitur ne qua pars ejus agri falleret sub alieno nomine, id quod fit, etiamnum ab aliquo cive Campano possessa, permittitur ei qui talis fraudis aliquam notitiam haberet, eam indicare, imo et ad indicium præmio proposito allicitur, ut is ager fiat publicus populi Romani, nec per illam fraudem eo populus Romanus privetur.

U. C. 517. montanis. Igitur Poenus, Savone oppido Alpino præda de-
 A. C. 205. posita, et decem longis navibus in statione ad præsidium
 relictis, ceteris Karthaginem missis ad tuendam maritimam
 oram, quia fama erat Scipionem trajecturum esse, ipse, so-
 cietate cum Ingannis, quorum gratiam malebat, composita,
 montanos instituit obpugnare. Et crescebat exercitus in
 dies, ad famam nominis ejus Gallis undique confluentibus.
⁵⁹ Ea literis cognita Sp. Lucretii, ne frustra, Hasdrubale
 cum exercitu deleto biennio ante, forent lætati, si per aliud
 inde bellum, duce tantum mutato, oriretur, curam ingentem
 accenderunt Patribus. Itaque et M. Livium proconsulem
 ex Etruria volonum exercitum admoveere Ariminum jusse-
 runt, et Cn. Servilio prætori negotium datum, ut, si e re-
 publica censeret esse, urbanas legiones, ⁶⁰ cui imperio vide-
 retur dato, ex urbe duci juberet. M. Valerius Lævinus
 Arretium eas legiones duxit. Eisdem diebus ⁶¹ naves one-
 rarias Poenorum ad octoginta circa Sardiniam ab Cn. Oc-
 tavio, qui provinciæ præerat, captas, Cælius frumento misso
 ad Hannibalem commeatuque onustas, Valerius prædam
 Etruscam Ligurumque montanorum captivos Karthaginem
 perportantes, tradit. in Bruttiiis nihil ferme anno eo memo-
 rabile ⁶² gestum. Pestilentia incesserat pari clade in Roma-
 nos Poenosque: nisi quod Punicum exercitum super mor-
 bum etiam fames adfecit. Propter Junonis Laciniæ tem-
 plum æstatem Hannibal egit; ibique aram condidit dedica-
 vitque, cum ingenti rerum ab se gestarum titulo, Punicis
 Græcisque literis insculpto.

⁵⁹ *Ea litteris cognita . . curam in-
 gentem accenderunt Patribus]* Scripti
 omnes *accendit*. Quod si verum est,
 legendum cum Rhenano, *Ea res lit-
 teris cognita*.

⁶⁰ *Cui imperio videretur dato]* Com-
 modior structura esset: *imperio cui
 videretur dato*.

⁶¹ *Naves onerarias Poenorum*
captas, Cælius] Naves onerarias Po-

enorum ad octoginta captas Cælius
 Valeriusque tradunt; ille frumento
 onustas, hic perportantes Carthagi-
 nem Etruscam prædam cum Ligu-
 rum captivis. Ceterum libri et editi
 ante nomen *Cælius* addunt *eas*. Rese-
 cuit Gronovius. De Cælio vid. not.
 71. ad XXI. 38. de Valerio, ad III. 5.

⁶² *Gestum est]* Scripti abolent *ri
 est*.

EPITOME LIBRI XXIX.

EX Sicilia C. Lælius in Africam a Scipione missus ingentem prædam reportavit, et mandata Masinissæ ¹ Scipioni exposuit, conquerentis, quod nondum exercitum in Africam trajecisset. Bellum in Hispania finitum, victore Romano, quod Indibilis excitaverat; ipse in acie occisus, Mandonius exposcentibus Romanis a suis deditus est. Magoni, qui ² in Gallia et Liguribus erat, ex Africa et militum ampla manus missa, et pecuniæ, quibus auxilia conduceret: præceptumque, ut se Hannibali jungeret. Scipio a Syracusis in Brutios trajecit, et Locros, pulso Punico præsidio, fugatoque Hannibale, recepit. Pax cum Philippo facta est. Idæa mater deportata est Romam a Pessinunte oppido Phrygiæ, carmine in libris Sibyllinis invento, pelli Italia alienigenam hostem posse, si mater Idæa deportata Romam esset. tradita autem est Romanis per Attalum regem Asiæ. Lapis erat, quem matrem Deum incolæ dicebant. Excepit P. Scipio Nasica Cn. filius, ejus, qui in Hispania perierat, vir optimus a senatu judicatus, adolescens nondum quæstorius, quoniam ita responsum jubebat: ut numen id ab optimo viro reciperetur consecrareturque. Locrenses legatos Romam miserunt, qui de inpotentia Q. Pleminii legati quererentur, quod pecuniam Proserpinæ abstulerat, et liberos eorum ac conjuges stupraverat. Pleminius, in catenis Romam perductus, in carcere mortuus est. Quum falsus rumor de P. Scipione proconsule, qui in Sicilia erat, in urbem perlatus esset, tamquam is luxuriaretur; missis ob hoc legatis a senatu, qui explorarent, an ea vera essent, purgatus infamia Scipio in Africam trajecit, senatus permissu. Syphax, accepta in matrimonium filia Hasdrubalis Gisgonis, amicitiae, quam cum Scipione ipse junxerat, renunciavit. Masinissa, rex Massylorum, dum pro Karthaginiensibus in Hispania militat, amisso patre Gala, de regno exciderat. quo per bellum sæpe repetito, aliquot præliis a Syphace rege Numidarum

¹ Scipioni exposuit] Sic vetustius cusi. Gronovianæ editiones exponit. Sed illud alterum accuratius respondet *et* reportavit, quod præcedit.

² In Gallia et Liguribus] Olim in Galliam et Liguriam ierat. Repræsentamus eam lectionem, quam se in vet. lib. Sigonius reperisse testatur.

Gronovianæ editiones habent et in Liguribus. Sed hic iterare voculam in parum utile videtur. Campanus habet in Beulia in Liguribus. Unde fortasse legendum in Albingaunis Liguribus. Infra c. 5. hujus libri, inter Albingaunos Ligures Genuamque Mago stare dicitur.

victus, in totum privatus est: et cum ducentis equitibus exsul Scipioni se junxit: et cum eo primo statim bello Hannonem Hamilcaris filium cum ampla manu interemit. Scipio, adventu Hasdrubalis et Syphacis, qui prope cum centum millibus armatorum venerant, ab obsidione Uticæ depulsus, hiberna communivit. Sempronius consul in agro Crotoniensis prospere adversus Hannibalem pugnavit. Lustrum a censoribus conditum est. censa sunt civium capita ducenta quatuordecim millia. Inter censores, M. Livium et Claudium Neronem, notabilis discordia fuit. nam et Claudius Livio collegæ equum ademit, quod a populo damnatus³ actusque in exsilium fuerat; et Livius Claudio, quod falsum in se testimonium dixisset, et quod non bona fide secum in gratiam redisset. Idem omnes tribus, extra unam, ærarias reliquit, quod et innocentem se damnassent, et postea consulem censoremque fecissent.

3^a Actusque in exsilium] Hoc de suo Livio, quem vid. supra XXVII. 34. et addidit auctor epitomes, dissentiente hoc ipso libro, c. 37.

T. LIVII PATAVINI

LIBER XXIX.

SCIPIO, postquam in Siciliam venit, voluntarios milites U. C. 547. A. C. 205. ordinavit centuriavitque: ex iis trecentos juvenes, florentes ætate et virium robore, inermes circa se habebat, ignorantes, quem ad usum, neque centuriati, neque armati, servarentur. Tum ex totius Siciliae juniorum numero principes genere et fortuna trecentos equites, qui secum in Africam trajicerent, legit: diemque iis, qua equis armisque instructi atque ornati adessent, edixit. Gravis ea militia, procul domo, terra marique multos labores, magna pericula adlatura videbatur; neque ipsos modo, sed parentes cognatosque eorum ea cura angebat. Ubi dies, quæ dicta erat, advenit, arma equosque ostenderunt. tum Scipio, renunciari sibi, dixit, quosdam equites Siculorum, tamquam gravem et duram, horrere eam militiam. Si qui ita animati essent, ¹ malle eos sibi jam tum fateri, quam postmodo querentes, segnes atque inutiles milites reipublicæ esse. Expromerent, quid sentirent: cum bona venia se auditurum. Ubi ex his unus ausus est dicere, se prorsus, si sibi, utrum velit, liberum esset, nolle militare; ² tum Scipio ei, Quoniam igitur, adolescens, quid sentires, non dissimulasti, vicarium tibi expediam, cui tu arma equumque et cetera instrumenta militiæ tradas, et tecum hinc extemplo domum ducas, exerceas, docendum cures equo armisque. Læto conditionem accipienti unum ex trecentis, quos inermes habebat, tradit. Ubi hoc modo exauctoratum equitem ³ cum gratia imperatoris ceteri viderunt, se quisque excusare, et vicarium accipere. Ita trecentis Siculis Romani equites substituti, sine publica impensa. Docendorum atque exercendorum curam Siculi habuerunt: quia edictum imperatoris erat, ipsum militaturum, qui ita non fecisset. Egregiam hanc aliam equitum evasisse ferunt, multisque proeliis rempublicam adjuvisse. Legiones inde quum inspiceret, plurimorum stipendiorum ex iis milites delegit; maxime qui sub duce Marcello militaverant: quos quum optima dis-

Trecentis equitibus Siculis Romani equites substituti.

Plurimorum stipendiorum milites legit Scipio.

¹ Malle eos sibi jam tum fateri] Pro sibi Put. et regius codices habent ei; alii scripti, æ. Nihil est cur vulgatam lectionem spernamus.

² Tum Scipio ei] Pro ultima vocula

VOL. II.

Put. et Victor. codices habent et. Libenter totum illud, sive et, sive ei, resecari pateremur.

³ Cum gratia imperatoris] Ita ut nihilominus imperatori gratus esset.

U. C. 547.
A. C. 205.

Res Siciliae
componit.

Bellum in
Hispania.

ciplina institutos credebatur, tum etiam ab longa Syracusarum obsidione peritissimos esse urbium obpugnandarum. nihil enim parvum, sed Karthaginis jam excidia agitabat animo. Inde exercitum per oppida dispertit: frumentum Siculorum civitatibus imperat; ex Italia advecto parcat: veteres naves reficit, et cum iis C. Laelium in Africam praedatum mittit; novas Panormi subducit, quia ex viridi materia raptim factae erant, ut in sicco hibernarent. Praeparatis omnibus ad bellum, Syracusas, nondum ex magnis belli motibus satis tranquillitas, venit. Graeci res a quibusdam Italici generis, eadem vi, qua per bellum ceperant, retinentibus, concessas sibi ab senatu, repetebant. Omnium primum ratus tueri publicam fidem, partim edicto, partim iudiciis etiam ⁴ in pertinaces ad obtinendam injuriam redditis, suas res Syracusanis restituit. Non ipsis tantum ea res, sed omnibus Siciliae populis, grata fuit; eoque enisius ⁵ ad bellum adjuverunt. Eadem aestate in Hispania coortum ingens bellum, conciente Ilergete Indibili, nulla alia de causa, quam per admirationem Scipionis contemptu imperatorem aliorum orto. *Eum superesse unum ducem Romanis, ceteris ab Hannibale interfectis, rebatur. eo nec in Hispania caesis Scipionibus alium, quem mitterent, habuisse: et, ⁶ postquam in Italia gravius bellum urgeret, adversus Hannibalem eum arcessitum. praeterquam quod nomina tantum ducum in Hispania Romani haberent, exercitum quoque inde veterem deductum. Trepida omnia, ut in conditam turbam tironum, esse. numquam talem occasionem liberandae Hispaniae fore. Servitum ad eam diem aut Karthaginensibus, aut Romanis: nec in vicem his aut illis, sed interdum utrisque simul. Pulsos ab Romanis Karthaginienses; ab Hispanis, si consentirent, pelli Romanos posse. ut ab omni externo imperio soluta in perpetuum Hispania in patrios rediret mores ritusque.* Haec aliaque dicendo non populares modo, sed Ausetanos quoque, vicinam gentem, concitat, et alios finitimos sibi atque illis populos. itaque intra paucos dies triginta millia peditum, quatuor ferme equitum in Sedetanum agrum, quo edictum erat, convenerunt.

II. Romani quoque imperatores, L. Lentulus et L. Manlius Acidinus, ne glisceret ⁷ prima negligendo bellum, iunctis et ipsi exercitibus, per agrum Ausetanum, ⁸ hostico,

⁴ *In pertinaces ad obtinendam injuriam*] In eos qui pertinaciter retinebant ea quae injuste invaserant.

⁵ *Ad bellum*] Addidimus praepositionem, quam omnes MSS. tenent.

⁶ *Postquam in Italia gravius bellum urgeret*] Haec ad mentem senumque Indibilis accommodata sunt, non ad rei veritatem.

⁷ *Prima negligendo*] Omnes scripti, *primo negligendo*. Neque id nos offendit: negligendo eo quod primum esset, negligendis initiis. Rhenanus reposuit *prima*. Utrum ea mutatio necessaria fuerit, iudicet lector.

⁸ *Hostico tanquam pacato*] Per hosticum solum, tanquam si amicum foret.

tamquam pacato, clementer ductis militibus, ad sedem hostium pervenere. trium millium spatio ⁹ procul a castris eorum posuerunt castra. Primo per legatos nequidquam tentatum, ut discederetur ab armis. dein, quum in pabulatores Romanos inpetus repente ab equitibus Hispanis factus esset, submisso ab statione Romana equitatu, proelium equestre fuit, haud sane memorando in partem ullam eventu. Sole oriente, postero die armati instructique omnes mille ferme passus procul a castris Romanis aciem ostendere. Medii Ausetani erant: cornua dextrum Ilergetes, laevum ^{Acies Hispanorum.} ignobiles tenebant Hispani populi. Inter cornua et mediam aciem intervalla patentia satis late fecerant; qua equitatum, ubi tempus esset, emitterent. Et Romani, more suo exercitum quum instruxissent, id modo hostium imitati sunt, ut inter legiones et ipsi patentes equiti relinquerent vias. Ceterum Lentulus, ei parti usum equitis fore ratus, quæ prior in dehiscentem intervallis hostium aciem equites emisisset, Ser. Cornelio tribuno militum imperat, equites per patentes in hostium acie vias permittere equos jubeat: ipse, cœpta parum prospere pedestri pugna, tantum moratus, dum cedenti duodecimæ legioni, quæ in lævo cornu adversus Ilergetes ¹⁰ locata erat, tertiam decimam legionem ex subsidiis in primam aciem firmamentum ducit; postquam æquata ibi pugna est, ad L. Manlium, inter prima signa hortantem, ac subsidia, quibus res postulabat locis, inducentem, venit. indicat tuta ab lævo cornu esse: jam missum ab se Cornelium Servium procella equestri hostes circumfusurum. Vix hæc dicta dederat, quum Romani equites, in medios invecti hostes, simul pedestres acies turbarunt, simul equitibus Hispanorum viam inmittendi equos clauserunt. Itaque, omissa pugna equestri, ¹¹ ad pedestrem Hispani descenderunt. Romani imperatores, ut turbatos hostium ordines, et trepidationem pavoremque, et fluctuantia viderunt signa, hortantur; orant milites, ¹² ut perculsos invadant, neu restitui aciem patiantur. non sustinuissent tam infestum inpetum barbari, ni ¹³ regu-

⁹ * *Procul*] Hoc adverbium redundare videtur, imo parum opportune adjectum esse.

¹⁰ *Locata erat*] Sic habuit Rhenani codex. At nostri omnes, ut et Gronoviani, *prona erat*. Vett. editi utrumque jungunt: *locata prona erat*. Retinenda est Rhenani lectio, aut *prona erat* refigendum cum Rubenio in *pugnaverant*.

¹¹ * *Ad pedestrem Hispani descenderunt*] Hispani equites ex equis descenderunt, ut pedestri Marte pug-

narent.

¹² *Ut perculsos invadant*] Verbum ultimum servat Victorinus codex, et sensus ratio postulat. Itaque quod plurimi scripti eo carent, id negligentia librorum accidisse judicamus.

¹³ *Regulus ipse . . cum equitibus ad pedes degressis*] Quum Campanus ediderit *digressi*, legere possemus *degressi*. Sic l. XXI. c. 60. *ipse dux cum aliquot principibus capiuntur*. Sed tunc in iis quæ sequuntur, legendum esset *objecissent*.



U. C. 547.
A. C. 205.
Vincunt
Romani.
Indibilis
occisus.

lus ipse Indibilis ¹⁴ cum equitibus ad pedes degressis^a ante prima signa peditum se objecisset. Ibi aliquamdiu atrox pugna stetit. tandem postquam ii, qui circa regem, seminecem restantem, deinde pilo terræ adfixam, pugnabant, obruti telis obcubuerant, tum fuga passim cepta, pluresque caesi, quia equos conscendendi equitibus spatium non fuerat, et quia percussis acriter institerunt Romani. nec ante abscissum est, quam castris quoque exuerunt hostem. Tredecim millia Hispanorum caesa eo die, octingenti ferme capti. Romanorum sociorumque paullo amplius ducenti, maxime in lævo cornu, occiderunt. Pulsi castris Hispani, aut qui ex proelio effugerant, sparsi primo per agros, deinde in suas quisque civitates redierunt.

Dedunt se
Hispani.

III. Tum a Mandonio evocati in concilium, conquestique ibi clades suas, increpitis auctoribus belli, legatos mittendos ad arma tradenda deditionemque faciendam censuerunt. Quibus, culpam in auctorem belli Indibilem, ceterosque principes, quorum plerique in acie cecidissent, conferentibus, tradentibusque arma, et dudentibus sese, responsum est: *In deditionem ita accipi eos, si Mandonium ceterosque belli concitores tradidissent vivos: sin minus, everitus se in agrum Ilorgetum Ausetanorumque, et deinceps aliorum populorum ducturos.* Hæc dicta legatis, renunciataque

Mandonius
traditus ad
supplicium.

in concilium. Ibi Mandonius ceterique principes comprehensi et traditi ad supplicium. Hispaniæ populis reddita pax: stipendium ejus anni duplex et frumentum ¹⁵ sex mensium imperatum, sagaque et ¹⁶ togæ exercitui, et obides ab triginta ferne populis accepti. Ita Hispaniæ rebellantis tumultu, haud magno motu, intra paucos dies concito et compresso, in Africam omnis terror versus. C. Lælius nocte ad Hipponem Regium cum accessisset, luce prima ad populandum agrum sub signis milites sociosque navales duxit. Omnibus, pacis modo incuriose agentibus, magna clades inlata: nunciique trepidi Karthaginem terrore ingenti complevere, classem Romanam Scipionemque imperatorem (et fama fuerat jam in Siciliam transgressum) advenisse. Nec quot naves vidissent, nec quanta manus agros popularetur, satis gnari, omnia in majus, metu augente accipiebant. itaque primo terror pavorque, dein^b moestitia ani-

Lælius clas-
se Africam
populatur.

Terror Kar-
thaginien-
sium,

mos incoessit: *tantum fortunam mutasse, ut, qui modo ipsi exercitum ante moenia Romana habuissent victores, stratisque*

^a degressus Gron.

^b deinde Gron. Crev.

¹⁴ Cum equitibus ad pedes degressis] Hæc est Put. codicis scriptura, ad quam alludunt plerique alii, exhibentque *digressis*. Rhenanus maluerat *degressus*, eique hactenus par-

erant editores.

¹⁵ Sex mensium] Regius codex, ut et Put. *mensium*.

¹⁶ Togæ exercitui] Vld. not. 68. ad XXII. 54.

tot hostium exercitibus, omnes Italiae populos aut vi aut voluntate in deditionem accepissent; ii, versa Marte, Africae populationes et obsidionem Karthaginiis visuri forent, nequaquam pari ad patienda ea robore, ac Romani fuissent. Illis Romanam plebem, illis Latium juventutem praeuisse, majorem semper frequentioreque pro tot caesis exercitibus subolessentem. Suam plebem inbellem in urbe, inbellem in agris esse. mercede parari auxilia ex Afris, gente ad omnem auram spei mobili atque infida. Jam reges, Syphacem post colloquium cum Scipione alienatum; Masinissam aperta defectione infestissimum hostem. nihil usquam spei, nihil auxilii esse. Nec Magonem ex Gallia movere tumultus quidquam, nec conjungere sese Hannibali; et Hannibalem ipsum jam et fœna senescere, et viribus.

IV. In hæc deflenda prolapsos ab recenti nuncio animos rursus terror instans revocavit ad consultandum, quoniam modo obviam presentibus periculis iretur. Delectus raptim in urbe agrisque haberi placet, mittere ad conducenda Afrorum auxilia, munire urbem, frumentum convehere, tela, arma parare, instruere naves ac mittere ad Hipponem adversus Romanam classem. Jam hæc agentibus nuncius tandem venit, Lælium, non Scipionem, copiasque, quantæ ad incursiones agrorum satia sint, transvectas; summæ belli molem adhuc in Sicilia esse. Ita respiratum, mittique ad Syphacem legationes, aliosque regulos, firmandæ societatis causæ, cæptæ. Ad Philippum quoque missi, qui ¹⁷ ducenta argenti talenta pollicerentur, ut in Siciliam aut in ^c Italiam trajiceret. ¹⁸ Missi et ^d ad duos imperatores in Italiam, ut omni terrore Scipionem retinerent: ad Magonem non legati modo, sed viginti quinque naves longæ, sex millia peditum, octingenti equites, septem elephantum, ad hoc magna pecunia ad conducenda auxilia, quibus fretus propius urbem Romanam exercitum admooveret, conjungeretque se Hannibali. Hæc Karthagine parabant agitabantque. Ad Lælium prædas ingentes ex agro inermi ac nudo præsidii agentem Masinissa, fama Romanæ classis excitus, cum equitibus paucis venit. Ia segniter rem agi ab Scipione questus, quod tum non jam exercitum in Africam trajecisset, percussis Karthaginiensibus, Syphace impedito finitimis bellis, ¹⁹ quem incertum hæreret; si spatium ad sua, ut velit, componenda detur, ni-

Apparatus.

Masinissa
ad Lælium
venit.^c in del. Gron. Crev.^d et del. Gron.17 Ducenta argenti talenta] Mar-
cas Parisienses 18750.18 Missi et ad duos] Recte Grono-
vius reposuerat duos, quum vulgo ede-
retur suos. Sed idem immerito elimi-navit particulum et, quam retinent
Put. et Vict. codd.19 Quem incertum hæreret] Proba
Gronovii emendatio. Scripti: quem
incertum habere.

U. C. 547. *hil sincera fide cum Romanis acturum. Hortaretur, ac stimu-*
 A. C. 205. *laret Scipionem, ne cessaret. Se, quamquam regno pulsus esset,*
cum haud contemnendis copiis adfuturum peditum equitumque.
Nec ipsi Lælio morandum in Africa esse. classem credere pro-
fectam a Karthagine, cum qua, absente Scipione, non satis tu-
tum esse contrahi certamen.

Oratio Ma-
gonis ad
Gallos et
Ligures.

Responsum
Gallorum.

V. Ab hoc sermone dimisso Masinissa, Lælius postero die naves præda onustas ab Hippone solvit, revectorumque in Siciliam mandata Masinissæ Scipioni exposuit. Eisdem ferme diebus naves, quæ ab Karthagine ad Magonem missæ erant, inter Albingaunos Ligures Genuamque accesserunt. In iis locis tum forte Mago tenebat classem: qui, legatorum auditis verbis, jubentium exercitus quam maximos comparare, extemplo Gallorum et Ligurum (namque utriusque gentis ingens ibi multitudo erat) concilium habuit. *et missum se ad eos vindicandos in libertatem, ait, et, ut ipsi cernant, mitti sibi ab domo præsidia: sed, quantis viribus, quanto exercitu id bellum geratur, in eorum potestate esse. Duos exercitus Romanos, unum in Gallia, alterum in Etruria esse. satis scire, Sp. Lucretium se cum M. Livio juncturum. multa millia ipsis etiam armanda esse, ut duobus ducibus, duobus exercitibus Romanis resistatur.* Galli, summam ad id suam voluntatem esse, dicere: *sed, quum una castra Romana intra fines, altera in finitima terra Etruria prope in conspectu habent, si palam fiat auxiliis adjutum ab sese Pœnum, extemplo infestos utrimque exercitus in agrum suum incursuros. Ea ab Gallis desideraret, quibus occulte adjuvari posset. Liguribus, quod procul agro urbibusque eorum castra Romana sint, libera consilia esse. illos armare juventutem, et capessere²⁰ pro parte bellum, æquum esse. Ligures haud abnuere: tempus modo duorum mensium petere ad delectus habendos. Interim Mago milites, Gallis dimissis, clam per agros eorum mercede conducere. commeatus quoque omnis generis occulte ad eum²¹ a Gallis populis mittebantur. M. Livius exercitum volonum ex Etruria in Galliam traducit: junctusque Lucretio, si se Mago ex Liguribus propius urbem moveat, obviam ire parat: si Pœnus sub angulo Alpium quietus se contineat, et ipse in eadem regione circa Arminum^d Italiæ præsidio futurus.*

VI. Post reditum ex Africa C. Lælii, et Scipione stimulo Masinissæ adhortationibus, et militibus, prædam ex

^d Ariminum Gron. Crev.

²⁰ * Pro parte] Hoc ideo additum est, quia non totum bellum per se capessere debebant Ligures, cujus summa penes Magonem et Carthaginienses erat, sed tantum in partem belli venire.

²¹ A Gallis populis] Hæc est scriptorum omnium lectio: quam nihil opus erat mutari. Sic Horatius *Italo cælo, Itala tellure*. Editi habent hoc loco *Gallicis*.

hostium terra cernentibus tota classe efferri, accensis ad U. C. 547. trajiciendum quam primum, intervenit majori minor cogi- A. C. 205. tatio, Locros urbem recipiendi, quæ sub defectionem Italiæ Locri recep- desciverat et ipsa ad Pœnos. ²² Spes autem adfectandæ ejus ^{ti.} rei ex minima re adfulsit. Latrociniis magis, quam justo bello, in Brutiis gerebantur res; principio ab Numidis facto, et Brutiis, non societate magis Punica, quam suopte ingenio, congruentibus in eum morem. Postremo Romani quoque, jam contagione quadam rapti gaudentes, quantum per duces licebat, excursiones ²³ in hostium agros facere. Ab iis ²⁴ egressi quidam urbem Locrenses circumventi, Rhegiumque abstracti fuerant. in eo captivorum numero fabri quidam fuere, adsueti forte apud Pœnos mercede opus in arce Locrorum facere. Ii, cogniti ab Locrensi-um principibus, qui pulsi ab adversa factione, quæ Hannibali Locros tradiderat, Rhegium se contulerant, quum cetera percunctantibus, (ut mos est, qui diu absunt) quæ domi agerentur, exposuissent, spem fecerunt, si redempti ac remissi forent, arcem se iis tradituros. ibi se habitare, fidemque sibi rerum omnium inter Karthaginienses esse. Itaque, ut qui simul desiderio patriæ angerentur, simul cupiditate inimicos ulciscendi arderent, redemptis extemplo iis remissisque, quum ordinem agendæ rei composuissent, signaque, quæ procul edita observarent, ipsi ad Scipionem Syracusas profecti, apud quem pars exsulum erat, referentes ibi promissa captivorum, quum spem ab effectu haud abhorrentem consuli fecissent; tribuni militum cum iis M. Sergius et P. Matienus missi, jussique ab Rhegio tria millia militum Locros ducere: et ²⁵ Q. Pleminio proprætori scriptum, ut rei agendæ adesset. Profecti ab Rhegio, scalas ad editam altitudinem arcis fabricatas portantes, media ferme nocte ex

²² * *Spes . . . affectandæ ejus rei ex minima re affulsit*] Odiosa repetitio rei . . . re. Potest resecari vox rei. *Spes affectandæ* sive occupandæ *ejus*, nempe urbis Locrorum, quæ in iis quæ proxime præcedunt appellatur. Eodem modo dixit Livius l. I. c. 46. *Spem affectandi regni*.

²³ *In hostium agros*] Plurimi scripti et optimi carent ultima voce. Itaque ea suppressa Gronovius legit *in hosticum*.

²⁴ * *Egressi . . . urbem*] Proba locutio, et cujus exempla, quæ rara non sunt, crebriora tamen essent in editis, si ad MSS. fidem accurate semper exigerentur. Sic l. XXVIII. c. 14. ubi vulgo legitur *castris egreditur*,

reperimus in uno codice *castra*.

²⁵ *Q. Pleminio proprætori*] Pleminius hic proprætor appellatur. Ex c. 9. infra constat eum ab Rhegio milites adduxisse Locros. Itaque admodum verisimile est eum proprætorem Rhegio præfuisse, atque ex eo præsidio, quo illam urbem tutabatur, adduxisse Locros tria hæc millia militum, de quibus modo mentio facta est. Quod si ita est, tribuni militum, qui dicuntur juberi has copias ab Rhegio Locros ducere, non intelligendi sunt iis præfuisse, sed pertulisse tantummodo mandata Scipionis ad Pleminium ut Locros hunc numerum militum duceret. Hæc non inutiliter observari patebit infra.

U. C. 547.
A. C. 205.

eo loco, unde convenerat, signum dedere proditoribus arcis. qui parati intentique, et ipsi scalas ad id ipsum factas cum demisissent, pluribusque simul locis scandentes accepissent, priusquam clamor oriretur, in vigiles Pœnorum, ut in nullo tali metu, sopitos inpetus est factus. quorum gemitus primo morientium exauditus; deinde subita consternatio ex somno et tumultus, quum causa ignoraretur; postremo certiores, aliis excitantibus alios. jamque *ad arma* pro se quisque vocabat: *hostes in arce esse, et cædi vigiles*. obpressique forent Romani, nequaquam numero pares, ²⁶ ni clamor, ab iis, qui extra arcem erant, sublatus, incertum, unde accidisset, (omnia vana augente nocturno tumultu) fecisset. Itaque velut plena jam hostium arce territi Pœni, omisso certamine, in alteram arcem (duæ sunt haud multum inter se distantes) confugiunt. Oppidani urbem habebant, victoribus præmium in medio positam. Ex arcibus duabus præliis quotidie levibus certabatur. Q. Pleminius Romano, Hamilcar Punico præsidio præerat: arcessentes^o ex propinquis locis subsidia copias augebant. Ipse postremo veniebat Hannibal. nec sustinuissem Romani, nisi Locrensiū multitudo, exacerbata superbia atque avaritia Pœnorum, ad Romanos inclinasset.

VII. Scipioni ut nunciatum est, in majore discrimine Locris rem verti, ipsumque Hannibalem adventare; ne præsidium etiam periclitaretur, haud facili inde receptu, et ipse a Messana, L. Scipione fratre in præsidio ibi relicto, ²⁷ quum primum aestu fretum inclinatum est, ²⁸ naves mari secundo misit. Et Hannibal, ²⁹ a Butroto amni (haud procul is ab urbe Locris abest) nuncio præmisso, ut sui luce prima summa vi prælium cum Romanis ac Locrensibus conserebant, dum ipse, aversis omnibus in eum tumultum, ab tergo urbem incautam adgrederetur, ubi luce cœptam invenit pugnam, ipse nec in arcem se includere, turba locum artum

^o et arcessentes Gron. Crev.

²⁶ *Ni clamor ab iis*] Ni clamor ab iis sublatus, qui extra arcem erant, fecisset incertum Pœnis, unde accidisset; cohibuisset Pœnos incertos, utrum ab arce, an ab vicinis arci locis accidisset, nocturno tumultu augente omnia, etiam vana. Similiter fere locutus est Livius, l. XLI. c. 2. *Et concursatio in obscuro incidentium aliorum in alios incertum fecerat, an hostis intra vallum esset.* Vid. et l. XXX. c. 6.

²⁷ *Quum primum aestu fretum inclinatum est*] Quum primum freti aquæ aestu propelli in eam partem

cœptæ sunt, versus quam Scipioni navigandum erat.

²⁸ *Naves mari secundo misit*] Naves ferendas permisit mari secundo, id est, motui maris obsecuturas. Et intelligendus est ipse Scipio his navibus vectus fuisse, ut constat ex iis quæ sequuntur.

²⁹ *A Butroto amni*] Commode emendat Gronovius, *ab Alece amni*, qui fluvius in ea regione memoratur a Strabone et Thucydide. Nec ablu- dit veterum codicum scriptura: *ab uloto*.

impediturus, voluit; neque scalas, quibus scanderet muros, U. C. 647. adtulerat. sarcinis in acervum coniectis, quum haud procul A. C. 206. muris ad terrorem hostium aciem ostendisset, cum equitibus Numidis circumequitabat urbem, dum scale, quæque alia ad obpugnandum opus erant, parantur, ad visendum qua maxime parte adgrederetur. progressus ad murum, ³⁰ scorpione icto, qui proximus eum forte steterat, ³¹ territus inde tam periculoso casu, receptui canere quum jussisset, castra procul ab ictu teli communiit. Classis Romana a Messana Locros, ³² aliquot horis die superante, accessit: expositi omnes e navibus, et ante occasum solis urbem ingressi sunt. Postero die coepta ex arce a Poenis pugna: et Hannibal, jam scalis aliisque omnibus ad obpugnationem paratis, subibat muros: quum repente in eum, nihil minus quam tale quidquam timentem, patefacta porta erumpunt Romani. ad ducentos improvidos, quum invasissent, occidunt. ceteros Hannibal, ut consulem adesse sensit, in castra recipit: nuncioque misso ad eos, qui in arce erant, ³³ ut sibimet ipsi consularent, nocte motis castris abiit. Et qui in arce erant, igni injecto tectis, quæ tenebant, ut is tumultus hostem moraretur, agmen suorum fugæ simili cursu ante noctem adsecuti sunt.

VIII. Scipio, ut et arcem relictam ab hostibus et vacua vidit castra, vocatos ad concionem Locrenses graviter ob defectionem incusavit: de auctoribus supplicium sumit, bonaque eorum alterius factionis principibus, ob egregiam fidem adversus Romanos, concessit. ³⁴ *Publice nec dare, nec eripere se quidquam Locrensibus*, dixit, *Romam mitterent legatos: quam senatus æquum censuisset, eam fortunam habituros. Illud satis scire, etsi male de populo Romano meriti essent, in meliore statu sub iratis Romanis futuros, quam sub amicis Karthaginiensibus fuerint.* Ipse, Q. Pleminio legato præsidioque, quod arcem ceperat, ad tuendam urbem relicto, cum quibus venerat copiis, Messanam trajecit. Ita superbe et crudeliter habiti Locrenses ab Karthaginiensibus Pleminius post defectionem ab Romanis fuerant, ut modicas injurias Præf. Locris crudeliter se gerit. non æquo modo animo pati, sed prope lubenti possent. ve-

³⁰ *Scorpione icto, qui proximus]* Quum is qui forte proximus ei steterat, scorpione ictus esset.

³¹ *Territus inde]* Forte absteritus. GROMOVIVS.

³² *Aliquot horis die superante]* Quum dies superasset, quoad aliquot horas. * quum aliquot adhuc diei horæ superessent.

³³ *Ut sibimet ipsi consularent]* Vul-

go sibimetipsis. Illud alterum, quod elegantius est, e Put. et regio, assentientibus et aliis codicibus, accepimus.

³⁴ * *Publice . . . Locrensibus]* Locrensi populo. Quod intellige dictum per oppositionem ad singulos cives, quorum alii supplicio affecti, alii præmiis aucti fuerant.

U. C. 547. rum enimvero tantum Pleminius Hamilcarem praesidii praefectum, tantum praesidiarii milites Romani Pœnos scelere atque avaritia superaverunt, ut non armis, sed vitiis videretur certari. nihil omnium, quæ ³⁵ inopi invisas opes potentioris faciunt, prætermisum in oppidanos est ab duce, aut a militibus: in corpora ipsorum, in liberos, in conjuges infandæ contumeliæ editæ. Nam avaritia ne sacrorum quidem spoliatione abstinuit: nec alia modo templa violata, sed Proserpinæ etiam, intacti omni ætate, thesauri; præterquam quod a Pyrrho, ³⁶ qui cum magno piaculo sacrilegii sui manubias retulit, spoliati dicebantur. Ergo sicut ante regiæ naves, laceratæ naufragiis, nihil in terram integri, præter sacram pecuniam Deæ, quam asportabant, extulerant; tum quoque ³⁷ alio genere cladis eadem illa pecunia omnibus contactis ea violatione templi furorem objecit, atque inter se ducem in ducem, militem in militem rabie hostili vertit.

Ejus avaritia.

Pugna inter milites Rom.

IX. Summæ rei Pleminius præerat: ³⁸ militum pars sub eo, quam ipse ab Rhegio abduxerat, ³⁹ pars sub tribunis erat. Rapto poculo argenteo ex oppidani domo Pleminii miles fugiens, sequentibus quorum erat, obviis forte Sergio et Matieno tribunis militum fuit. cui quum jussu tribunorum ademptum poculum esset, jurgium inde et clamor, pugna postremo orta inter Pleminii milites, tribunorumque; ut suis quisque opportunus advenerat, multitudine simul ac tumultu crescente. Victi Pleminii milites quum ad Pleminium, cruorem ac vulnera ostentantes, non sine vociferatione atque indignatione concurrissent, probra in eum ipsum jactata in jurgiis referentes; accensus ira domo sese proripuit, vocatosque tribunos nudari, ac virgas expediri jubet. Dum spoliandis iis (repugnabant enim, ⁴⁰ militemque inplorabant) tempus teritur, repente milites, feroces recenti vic-

35 * *Inopi*] Ei qui se tueri ac defendere suis opibus non potest.

36 * *Qui cum magno piaculo*] Qui expensis gravissimis pro scelere Pœnis, retulit in templum spolia quæ sacrilegio collegerat.

37 * *Alio genere cladis*] Sumens ex sacrilegis aliud pœnæ genus.

38 *Militum pars sub eo, quam ipse ab Rhegio abduxerat*] Vid. not. 25. ad c. 6. supra. Ceterum magis proprium videretur *adduxerat*, quomodo olim editi, et Thuanæus codex.

39 *Pars sub tribunis erat*] Nimirum verisimile est tribunos a Scipione ex Sicilia missos esse cum aliquo militum numero, quibus et præesse eos, tanquam proprios duces, consul vo-

luit.

40 *Militemque implorabant*] Plerique scripti: *militumque implorabant auxilium*. Quidam, puta regius, Rhénani liber, *militumque fidem implorabant*. Quia Put. codex neque *auxilium*, neque *fidem* agnoscit, exhibetque nude *militumque implorabant*, id eo utramque vocem pro spuria habuit Gronovius, effecitque id quod habes in contextu. Nimirum fidenter fortasse. Etenim testes sumus, hisce duobus maxime in libris, XXIX. et XXX. frequentissimis defectibus hiare Put. librum: quæ, nisi nauseam movere lectori vereretur, hic enumerare facile esset.

toria, ex omnibus locis, velut adversus hostes ad arma con- U. C. 547.
clamatum esset, concurrerunt. et, quum violata jam virgis A. C. 205.
corpora tribunorum vidissent, tum vero in multo inpoten-
torem subito rabiem accensi, sine respectu, non majestatis
modo, sed etiam humanitatis, in legatum inpetum, lictoribus
prius indignum in modum mulcatis, faciunt. tum ipsum,
ab suis interceptum et seclusum, hostiliter lacerant, et Pleminius
prope exsanguem, naso auribusque mutilatis, relinquunt. ^{hostiliter laceratus.}
His Messanam nunciatis, Scipio, post paucos dies Locros
⁴¹ hexeri advectus, quum caussam Pleminii et tribunorum
audisset, Pleminio noxa liberato, relictoque in ejusdem loci ^{A Scipione}
præsidio, tribunis sontibus judicatis, et in vincula coniectis, ^{absolvitur.}
ut Romam ad senatum mitterentur, Messanam atque inde
Syracusas rediit. Pleminius inpotens iræ, neglectam ab
Scipione et nimis leviter latam suam injuriam ratus, nec
quemquam ⁴² aestimare alium eam litem posse, nisi qui atro-
citatem ejus patiendo sensisset, tribunos adtrahi ad se jus- ^{Tribunos}
sit; laceratosque omnibus, quæ pati corpus ullum potest, ^{crudeliter}
suppliciis interfecit: nec satiatus vivorum poena, insepultos ^{occidit.}
projecit. Simili crudelitate et in Locrensiū principes est
usus, quos ad conquerendas injurias ad P. Scipionem pro-
fectos audivit. et, quæ antea per libidinem atque avaritiam
foeda exempla in socios ediderat, tunc ab ira multiplicia
edere: infamiae atque invidiae non sibi modo, sed etiam im-
peratori, esse.

X. Jam comitiorum adpetebat tempus, quum P. Licinii ^{Licinii ex-}
consulis literæ Romam adlatæ, *se exercitumque suum* ⁴³ *gravi* ^{exercitus mor-}
morbo adfectari: ⁴⁴ *nec sisti potuisse, ni eadem vis mali, aut* ^{bo affectus.}
gravior etiam, in hostes ingruisset. Itaque, quoniam ipse ve-
nire ad comitia non posset, si ita Patribus videretur, se Q. Cæ-
cilium Metellum dictatorem comitiorum caussa dicturum: ex-
ercitum Q. Cæcilii dimitti, e republica esse. Nam neque usum
ejus ullum in præsentia esse, quum Hannibal jam in hiberna
suos receperit; et tanta incesserit in ea castra vis morbi, ut, nisi
mature dimittantur, nemo omnium superfuturus videatur. ea
consuli a Patribus facienda, ut e republica fideque sua duc-
ret, permissa. Civitatem eo tempore repens religio invase-
rat, invento carmine in libris Sibyllinis, propter crebrius eo

^f *redit Gron. Crev.*

⁴¹ * *Hexeri*] Nave, quæ sex remo-
rum ordinibus ageretur. Vox Græca
est *ἱξίης*, a radicibus *ἱξ* sex et *ἱξίον*
remigo.

⁴² *Æstimare eam litem pos-*
se] *Æstimare litem*, est proprie de-
cernere quænam pecuniæ summa a
damnato exsolvenda sit, sive in piacu-
lum noxæ, sive ad resarcienda incom-
moda, quæ illata sibi ab eo esse quis-

piam queratur. Hic figurate sumi-
tur pro *statuere æquum ultionis mo-*
dum.

⁴³ *Gravi morbo adfectari*] Id est,
affici, quemadmodum apud Plautum
Bacchid. Act. III. Sc. 1. *damna, qui-*
bus patrem, et me, teque, amicosque
omnes affectas tuos.

⁴⁴ * *Nec sisti potuisse*] Vid. not. 61.
ad II. 29.

U. C. 547. anno de oculo lapidatum inspectis. *Quandoguis hostis alieni-*
 A. C. 205. *gena terræ Italiae bellum intulisset, cum pelli Italia vincique*
 Oraculum *posse, si* ⁴⁵ *mater Idæa a Pessinunte Romanam advecta foret.* Id
 Sibylli-
 num.

Delphicum. ⁴⁶ *et sacrificantes ipsos Pythio Apollini litavisse, et respon-*
sum oraculo editum, majorem multo victoriam, quam cujus
ex spoliis dona portarent, adesse populo Romano. ⁴⁷ *In*
eiusdem spei summam conferebant P. Scipionis velut præ-
sagientem animum de fine belli, quod depoposcisset provin-
ciam Africam. Itaque quo maturius ⁴⁸ *fatis, omnibus, ora-*
culisque portendentis sese victoriæ compotes fierent, id co-
gitare, quæ ratio transportandæ Romanæ Deæ esset.

Mater Idæa
 ex Asia pe-
 titur.

XI. Nullas dum in Asia civitates socias habebat populus
 Romanus. tamen memores, ⁴⁹ *Æsculapium quoque ex Græ-*
cia quondam, haud dum ullo foedere sociata, valetudinis po-
puli causa arcessitum, et jam cum Attalo rege, propter
commune adversus Philippum bellum, exceptam amicitiam
esse, facturum eum, quæ possit, populi Romani causa, le-
gatos ad eum decernunt, ⁵⁰ *M. Valerium Lavinum, qui his*
consul fuerat, ac res in Græcia gesserat, M. Cæcilium Me-
tellum prætorium, Ser. Sulpicium Galbam ædilitium, duos
quæstorios, Cn. Tremellium Flacum, et M. Valerium Fal-
tonem. His quinque naves quinqueres, ut ex dignitate
populi Romani adirent eas terras, ad quas concilianda ma-
jestas nomini Romano esset, decernunt. Legati Asiam pe-
tentes ⁵¹ *protinus Delphos quum escendissent, oraculum adi-*
erunt, consulentes, ad quod negotium domo missi essent,
perficiendi ejus, quam sibi spem populoque Romano por-
tenderet. Responsum esse ferunt, Per Attalum regem com-
potes ejus fore, quod peterent. quum Romanam Deam deoribus

§ C. Gron. Crev.

⁴⁵ *Mater Idæa*] Quæ et Rhea, et
 Ops, et Mater deum quoque vocabatur;
 Idæa dicta ab Ida monte in Phrygia,
 ubi præcipua quadam veneratione co-
 lebatur.

⁴⁶ *Et sacrificantes ipsos Pythio Apol-*
lini litavisse] De hac Gronovii emen-
 datione vid. ipsum, l. IV. Observat.
 c. 15.

⁴⁷ *In ejusdem spei summam confe-*
rebant] Ex carmine invento in libris
 Sibyllinis, et responso Apollinis Del-
 phici existebat jam quædam spei vel-
 ut summa, quam augebant addito et
 aliquo momento spei ex illa fiducia,
 qua Scipio hujus belli victoriam animo
 præ sagiebat sibi ac despondebat.

⁴⁸ *Fatis, omnibus, oraculisque*] Me-

rito Gronovius legi jussit *ominibus pro-*
mentibus. Fata intellige carmen Si-
 byllinum; omnia, Scipionis animum
 præ sagientem de fine belli; oracula,
 responsum Apollinis Delphici.

⁴⁹ *Æsculapium ex Græciis*
quondam] Id imperatum ac decretum
 memorat noster l. X. extremo. * Con-
 sule, si lubet, Ovid. XV. Metam.

⁵⁰ *M. Valerium Lavinum, qui his*
consul fuerat] Quo anno primum con-
 sul fuerit, incertum est. Hoc bello
 prætor fuit, anno 537. consul iterum
 cum Marcello, anno 542.

⁵¹ * *Protinus*] Uno itineris tenore.
 Asiam petentibus, Delphos adire pa-
 rum longum aut devium est.

sent, tum curarent, ut eam, qui vir optimus Romae esset, hos- U. C. 547.
pitio exciperet. Pergamum ad regem venerunt. Is legatos A. C. 205.
comiter acceptos Pessinuntem in Phrygiam deduxit: sa-
crumque iis ⁵² lapidem, quam ^b matrem Deum esse incolae ¹ Datur lega-
dicebant, tradidit, ac deportare Romam jussit. Praemissus ² tis lapis,
ab legatis M. Valerius Falto nunciavit, Deam adportari, quam Ma-
querendum virum optimum in civitate esse, qui eam rite vocabant.
⁵³ hospitio exciperet. Q. Caecilius Metellus dictator ab con-
sule in Brutiis comitiorum causa dictus, exercitusque ejus
dimissus: magister equitum L. Veturius Philo. Comitibus
per dictatorem habita. Consules facti M. Cornelius Ce-
thegus, ⁵⁴ P. Sempronius Tuditanus absens, quum provin-
ciam Graeciam haberet. Praetores inde creati, Ti. Clau-
dus Nero, M. Marcius Ralla, L. Scribonius Libo, M.
Pomponius Matho. Comitibus peractis, dictator sese ma-
gistratu abdicavit. Ludi Romani ter, plebei septies in-
staurati. Curules erant aediles Cn. et L. Cornelii Lentuli.
Lucius Hispaniam provinciam habebat: absens creatus,
absens eum honorem gessit. Ti. Claudius Asellus et M. Ju-
nius Pennus plebei aediles fuerunt. Aedem Virtutis eo
anno ad portam Capenam M. Marcellus dedicavit, septimo-
decimo anno postquam a patre ejus primo consulatu vota in
Gallia ad Clastidium fuerat. Et ⁵⁵ flamen Martialis eo anno
est mortuus M. Aemilius Regillus.

XII. Neglectae eo biennio res in Graecia erant, itaque
Philippus Aetolos, ⁵⁶ desertos ab Romanis, cui uni fidebant Aetoli pa-
auxilio, quibus voluit conditionibus, ad petendam et pacis- cem cum
cendam subegit pacem. quod nisi omni vi perficere matu- Philippo fa-
rasset, bellantem eum cum Aetolis P. Sempronius proconsul, ciunt.

^a quem Gron.

¹ incolae esse Gron. Crev.

⁵² Lapidem, quam Matrem deum] Hanc loquendi figuram, qua relati-
vum duobus nominibus interpositum
sequenti conjungitur, editores corru-
perant, et dederant quem: Jac. Gro-
novius vindicavit ex aliquot scriptis
vel optimis, Put. Cantabrig. aliisque,
quibus et regius noster accedit. Sic
et supra, l. XXIV. c. 42. moniti ab eo-
dem Jac. Gronovio restitimus appi-
dum, quae causa belli esset: quum
vulgati haberent quod. Sic et illud
Rani apud Festum et Cic. Aspice hoc
sublime condens, quem invocant omnes
Jovem.

⁵³ Hospitio exciperet] Non tamen
deam Naxia domum suam deporta-
vit, ut apparet ex c. 14. hujus libri.
Itaque, si sibi Livium constare volu-
mus, hospitio excipere, interpretabimur

obviam ire numini tanquam hospitem,
et illud hospitali manu de nave acci-
pere.

⁵⁴ P. Sempronius Tuditanus . . . quum
provinciam Graeciam haberet] Missus
P. Sulpicio successor, ut habetur c.
seq.

⁵⁵ Flamen Martialis . . . M. Aemi-
lius Regillus] Supra, l. XXIV. capp.
7. et 8. appellatus est M. Aemilius
Regillus Flamen Quirinalis, spe con-
sulatus dejectus a Fabio. Utrum hic
flamen Martialis alius ab illo sit, an
idem duo habuerit sacerdotia, an me-
moriam Livium fecellerit, incertum re-
linquere cogimur.

⁵⁶ Desertos ab Romano] Haec est
veterum editorum et scriptarum lec-
tio, quam sine causa mutaverat Rha-
nanus, malueratque ab Romanis.

U. C. 547. successor imperii missus Sulpicio, cum decem millibus pe-
 A. C. 205. ditum, et mille equitibus, et triginta quinque rostratis na-
 vibus (haud parvum momentum ad opem ferendam sociis)
 obpressisset. Vixdum pace facta, nuncius regi venit, Ro-
 manos Dyrrachium venisse: Parthinosque et propinquas
 alias gentes motas esse ad spem novandi res: Dimallumque
 obpugnari. ⁵⁷ Eo se verterant Romani ab Ætolorum, quo
 missi erant, auxilio, irati, quod sine auctoritate sua adversus
 foedus cum rege pacem fecissent. Ea quum audisset Phi-
 lippus, ne qui motus major in finitimis gentibus populisque
 oriretur, magnis itineribus Apolloniam contendit; quo Sem-
 pronius se receperat, misso Lætorio legato cum parte co-
 piarum et quindecim navibus in Ætoliā, et ⁵⁸ ad visendas
 res, pacemque, si posset, turbendam. Philippus agros
 Apolloniātium vastavit, et, ad urbem admotis copiis, pot-
 estatem pugnae Romano fecit. quem postquam quietum
 muros tantummodo tueri vidit, nec satis fidens viribus, ut
 urbem obpugnaret, et cum Romanis quoque, sicut cum Æ-
 tolis, cupiens pacem, si posset, sin minus, inducias facere,
 nihil ultra irritatis novo certamine odiis, in regnum se rece-
 pit. Per idem tempus, tædio diutini belli, Epirotæ, tentata
 prius Romanorum voluntate, legatos de pace communi
 ad Philippum misere; satis confidere, conventuram eam,
 adfirmantes, si ad colloquium cum P. Sempronio impera-
 tore Romano venisset. Facile impetratum, (neque enim ne
 ipsius quidem regis abhorrebat animus) ut in Epirum trans-
 iret. Phoenice urbs est Epiri: ibi prius conlocutus rex
 cum Aëropo^k, et Darda, et Philippo Epirotarum prætoribus,
 postea cum P. Sempronio congreditur. Aduit colloquio
 et ⁵⁹ Amynder Athamanum rex, et magistratus alii Epi-
 rotarum et Acarnanum. Primus Philippus prætor verba
 fecit, et petiit simul ab rege et ab imperatore Romano, ut
 finem belli facerent, ⁶⁰ darentque eam Epirotis veniam. P.

Itemque
Romani.

^k Eropo Gron. Crev.

⁵⁷ *Eo se verterant Romani ab Æ-
 tolorum, quo missi erant, auxilio*] So-
 lus Victorinus codex e nostris hanc
 tuetur lectionem. Ceteri tantummo-
 do, ut et Gronoviani, *eos verterant
 auxilio*, quidam *auxilia*. Inde Gro-
 novius legendum putat: *Eo se verte-
 rant auxilia*, nempe Romani qui Æ-
 tolis venerant auxilio, irati . . . Sed
 quum vulgata lectio nihil Livio indig-
 num sapiat, tam sancta nobis non vi-
 sa est debere esse aliquot egregiorum
 alloqui codicum, sed multis in locis
 manifeste mutilorum, fides, ut trun-
 cam, et abruptam, et parum claram

loquendi figuram pro Liviana agnos-
 ceremus.

⁵⁸ *Ad visendas res*] Vulgati præfi-
 gunt copulam *et*, quam relegant qua-
 tuor scripti, duo Hearnio, duo nobis
 inspecti.

⁵⁹ *Amynder Athamanum rex, et
 magistratus alii Epirotarum*] Nempe
 Athamania a Strabone contribuitur
 Epiro. Ideo Athamanum rex. magis-
 tratibus Epirotarum annumeratur.

⁶⁰ *Darentque eam Epirotis ve-
 niam*] Et hoc Epirotis petentibus
 concederent.

Sempronius condiciones pacis dixit, ut Parthini, et Dimal-^{U. C. 547.}
lum, et Bargulum, et Eugenium Romanorum essent. Atin-^{A. C. 205.}
tania, ⁶¹ si, missis Romam legatis, ab senatu impetrasset,
Macedoni accederet. In eas condiciones quum pax conve-
niret, ab rege foederi adscripti, Prusia Bithyniæ rex, Achæi,
Bœoti, Thessali, Acarnanes, Epirotæ: ab Romanis, ⁶² Ilien-
ses, Attalus rex, Pleuratus, ⁶³ Nabis Lacedæmoniorum ty-
rannus, Elei, Messenii, Athenienses. Hæc conscripta con-
signataque sunt, et in duos menses induciæ factæ, donec
Romam mitterentur legati, ut populus in has condiciones
pacem juberet. jusseruntque omnes tribus: quia, verso in
Africam bello, omnibus aliis in præsentia levare volebant
bellis¹. P. Sempronius, pace facta, ad consulatum Romam
decessit.

XIII. P. Sempronio, M. Cornelio consulibus^m (quintus-^{U. C. 548.}
decimus is annus Punici belli erat) provinciæ, Cornelio^{A. C. 204.}
⁶⁴ Etruria cum vetere exercitu, Sempronio Bruttii, ut novas^{M. Corne-}
scriberet legiones, decretæ. Prætoribus, M. Marcio urbana,^{lio, P. Sem-}
L. Scribonio Liboni peregrina, et eidem Gallia, M. Pom-^{pronio Coss.}
ponio Mathoni Sicilia, Ti. Claudio Neroni Sardinia evenit.
P. Scipioni cum eo exercitu, cum ea classe, quam habebat,
prorogatum in annum imperium est. item P. Licinio, ut
Bruttios cum duabus legionibus obtineret, quoad eum in
provincia cum imperio morari consuli e republica visum
esset. Et M. Livio, et Sp. Lucretio, cum binis legionibus,
quibus adversus Magonem Galliæ præsidio fuissent, proro-
gatum imperium est. Et Cn. Octavio, ut, cum Sardiniam
legionemque Ti. Claudio tradidisset, ipse navibus longis
quadraginta maritimam oram, quibus finibus senatus cen-
suisset, tutaretur. M. Pomponio prætori in Sicilia Can-
nensis exercitus duæ legiones decretæ. ⁶⁵ T. Quinctius Ta-
rentum, C. Hostilius Tubulus Capuam, proprætores, sicut

¹ bellis volebant Gron. Crev. ^m M. Cornelio, P. Sempronio consulibus Eæd.

⁶¹ Si . . . impetrasset] Philippus.

⁶² * Ilienses] Hæc prima, nisi nos
fallit opinio, occurrit apud Livium
mentio Iliensium: quos hic Romani so-
cios, alibi, ut XXXVII. 37. XXXVIII.
39. etiam originis suæ auctores agnos-
cunt.

⁶³ Nabis Lacedæmoniorum tyran-
nus] Vid. not. 82. ad l. XXXIV. c.
26. infra.

⁶⁴ Etruria cum vetere exercitu]
Cum eo exercitu quem Arretium dux-
isse Lævinus memoratur l. XXVIII.
extremo.

⁶⁵ T. Quinctius Tarentum] Hic est
T. Quinctius Flamininus, qui postea
Philippum regem devicit, ut constat
ex Plut. in ejus vita. Ceterum qui

dicitur hic Tarentum, sicut priore an-
no, obtinere jussus, nusquam supra
memoratus est Tarentum missus esse
cum imperio. Quin etiam ex c. 45.
et c. 10. l. XXVIII. sequi videtur,
ut observat Perizonius Animadv. Hist.
c. 4. Q. Claudium, superiore anno,
Tarento præfuisse. Sed fieri potuit,
ut Claudius, postquam ei prorogatum
imperium fuerat, vel moreretur, vel
aliquo casa aut negotio impeditus e
provincia decederet, eique successor
Quintius missus fuerit. Itaque tunc
nihil aliud objici poterit Livio, nisi
quod rem eam, de qua mentionem
nullam fecerat, hic tanquam supra
memoratam narret.

U. C. 548. priorē anno, cum vetere uterque praesidio, obtinerent. De
A. C. 204. Hispaniae imperio, quos in eam provinciam duos proconsules mitti placeret, latum ad populum est. Omnes tribus eisdem, L. Cornelium Lentulum et L. Manlium Acidinum, proconsules, sicut priorē anno tenuissent, obtinere eas provincias jusserunt. Consules delectum habere instituerunt, et ad novas scribendas in Bruttios legiones, ⁶⁶ et in ceterorum (ita enim jussi ab senatu erant) exercituum supplementum.

Prodigia.

P. Scipio
judicatus
vir optimus.

XIV. Quamquam nondum aperte Africa provincia decreta erat, (occultantibus id, credo, Patribus, ⁶⁷ ne praesciscerent^a Karthaginenses) tamen in eam spes erecta civitas erat, in Africa eo anno debellatum iri, finemque bello Punico adesse. Inpleverat ea res superstitionum animos, praeque et ad nuncianda, et ad credenda prodigia erant: eo plura vulgabantur. *Duos soles visos: et nocte interluxisse: et ⁶⁸ facem Setiae ab ortu solis ad occidentem porrigi visam. Tarracinae portam, Anagninae et portam et multis locis murum de caelo tactum. In aede Junonis Sospitae Lanuvii cum horrendo fragore strepitum editam.* Eorum procurandorum causa diem unum supplicatio fuit: et novemdiale sacrum, quod de caelo lapidatum esset, factum. Eo accessit consultatio de matre Idaea accipienda, quam praeterquam quod M. Valerius, unus ex legatis praegressus, actutum in Italia fore nunciaverat, recens nuncius aderat, Tarracinae jam esse. Haud parvae rei judicium senatum tenebat, qui vir optimus in civitate esset. Veram certe victoriam ejus rei sibi quisque mallet, quam ulla imperia honoresve, suffragio seu Patrum, seu plebis delator. P. Scipionem, Cn. filium, ejus qui in Hispania ceciderat, adolescentem nondum quaestorium, judicaverunt in tota civitate ⁶⁹ virum bonorum optimum esse. id quibus virtutibus inducti ita judicarint, sicut ⁷⁰ proditum a proximis memoriae temporum illorum scriptoribus libens posteris traderem; ita

^a rescirent Gron.

⁶⁶ Et in ceterorum] Nostri omnes scripti, ut et Gronoviani, inserunt particulam in, quam editi vulgo exhibent.

⁶⁷ Ne praesciscerent] Sigonius jussat legi praesciscerent. Sed et praesciscerent, quod vett. editi et aliquot MSS. tuentur, eodem sensu accipi potest: quemadmodum l. XXVII. c. 35. Et praesciscere, quam quisque eorum provinciam . . . haberet. Vid. et not. 77. ad l. XXVI. c. 33.

⁶⁸ Facem Setiae] Ignem quemdam in media aeris regione accensum, et praecipiti cursu labentem, qualis illa

Virgilii stella facem ducent. Et sane veteres editi et aliquot scripti habent facem stelle.

⁶⁹ Virum bonorum optimum] Hoc debetur Gronovio. Scripti meliores: virum bonum optimum. Conjecturam Gronovii firmat lapis vetus apud Gasendum in vita Peirescii: Hunc omnino plerumque reserant duorum optimum fuisse virum: id est, Hunc unum plurimi consentiunt bonorum optimum fuisse virum.

⁷⁰ Proditum a proximis] Si proditum fuisset.

meas opiniones, conjectando rem vetustate obrutam, non U. C. 548. interponam. P. Cornelius cum omnibus matronis Ostiam A. C. 204. ire jussus obviam Deæ, isque eam de nave accipere, et in terram elatam tradere ferendam matronis. ⁷¹ Postquam navis ad ostium amnis Tiberini accessit°, sicut erat jussus, in salum nave evector, ab sacerdotibus Deam accepit, extulitque in terram. Matronæ primores civitatis, inter quas unius Claudiae Quintæ insigne est nomen, accipere: Claudia. ⁷² cui dubia (ut traditur) antea fama clariorem ad posterum tam religioso ministerio pudicitiam fecit. Eæ per manus, succedentes deinceps aliæ aliis, omni effusa civitate obviam, thuribulis ante januas positis, qua præferebatur, atque accenso^p thure, precantibus, ut volens propitiaque urbem Romanam iniret, in ædem Victoriæ, quæ est in Palatio, pertulere Deam ⁷³ pridie Idus Aprilis; isque dies festus fuit. populus frequens dona Deæ in Palatium tulit, lectisterniumque et ludi fuere, ⁷⁴ Megalesia adpellata. Megalesia.

XV. Quum de supplemento legionum, quæ in provinciis erant, ageretur; *tempus esse*, ⁷⁵ a quibusdam senatoribus subjectum est, *quæ dubiis in rebus utcumque tolerata essent, ea, demto jam tandem Deum benignitate metu, non ultra pati.* Erectis expectatione Patribus, subjecerunt: *colonias Latinas duodecim, quæ Q. Fabio et Q. Fulvio consulibus abnuissent milites dare, eas annum jam ferme sextum vacationem militiæ, quasi honoris et beneficii causa, habere: quum interim boni obediensque socii, ⁷⁶ pro fide atque obsequio in populum Romanum^q, continuis omnium annorum delectibus exhausti essent.* Sub hanc vocem non memoria magis Patribus renovata rei prope jam oblitteratæ, quam ira irritata est. itaque, ⁷⁷ nihil prius referre consules passi, decreverunt, *ut consules* S. C. de coloniis quæ milites non dederant.

° accessisset Gron.
l. imperii Romani Gron.

p incenso Gron. Crev.

q in populum Romanum

⁷¹ Postquam navis accessit] Sic omnes scripti, tum Gronoviani, tum nostri. Vulgo accessisset.

⁷² Cui dubia antea fama] De ea muliere sic habet Sueton. in Tib. c. 2. Claudia . . . navem cum sacris Matris deum Idææ obhærentem Tiberino vado extraxit, precata propalam, ut ita demum sequeretur, si sibi pudicitia constaret. Rem fusius describit Ovid. IV. Fast.

⁷³ Pridie Idus Aprilis: isque dies festus fuit] Ludos tamen Megalenses Fasti dierum antiqui demonstrant a pridie Nonas Aprilis ad V. Idus fuisse. Itaque vel ii ludi, primo celebrati pridie Idus Aprilis, in pridie Nonas postea rejecti sunt: vel hic pro pridie Idus, legendum est pridie Nonas.

VOL. II.

Hæc fere P. Manutius in notis ad Ep. 11. l. II. Cic. ad Fam.

⁷⁴ Megalesia appellata] A nomine Magnæ Matris deum.

⁷⁵ * A quibusdam senatoribus subjectum est] Quidam senatores monuerunt.

⁷⁶ Pro fide atque obsequio in populum Romanum] Hanc lectionem, quæ procul dubio Livii est, recepimus ex Put. codice, qui habet in p. R. non imperii, quomodo Salmasius, si Gronovio credimus, notaverat. Et alludunt eodem ceteri omnes nostri: nec ullus exhibet imperii Romani, quæ prava et omnino a Latinitate aliena scriptura editos hactenus fœdabat.

⁷⁷ * Nihil prius referre consules passi] Nulla de re prius consuli senatum

L I

U. C. 448. *magistratus denosque principes Nepete, Satria, Ardea, Calibus,*
 A. C. 204. *Alba, Carseolis, Sora, Suessa, Setia, Circeiis, Narnia, Inter-*
amna, (esse namque coloniae in ea causa erant) Romam exci-
rent: iis imperarent, quantum quaeque earum coloniarum mili-
tum plurimum dedisset populo Romano, ex quo hostes in Italia
essent, duplicatum ejus summae numerum peditum daret, et equites
centenos vicos. si qua etiam numerum equitum explere non posset,
pro equite uno tres pedites liceret dare: pedites equitesque quam
locupletissimi legerentur, mitterenturque, ubicumque extra Ita-
liam supplemento opus esset. Si qui ex iis recusarent, retineri
ejus coloniae magistratus legatosque placere: neque, si postularent,
senatum dari, priusquam imperata fecissent. stipendium praeterea
*iis coloniis*⁷⁸ *in millia aeris asses singulos imperari exigique quot-*
annis: censumque in iis coloniis agi ex formula ab Romanis cen-
soribus data. dari autem placere eandem, quam populo Romano:
deferrique Romam ab juratis censoribus coloniarum, priusquam
magistratu abirent. Ex hoc senatusconsulto, aditis Romam
magistratibus primoribusque earum coloniarum, consules
*quum militem stipendiumque imperassent,*⁷⁹ *alii aliis magis*
recusare ac reclamare. negare tantum militum effici posse: vix,
*si simplum*⁸⁰ *ex formula imperetur, enisuros. Orare atque*
obsecrare, ut sibi, senatum adire ac deprecari liceret. nihil se,
quare perire merito deberent, admisisse: sed, si pereundum
etiam foret, neque suum delictum, neque iram populi Romani,
ut plus militum darent, quam haberent, posse efficere. Con-
sules obstinati manere legatos Romae jubent; magistratus
ire domos ad delectus habendos. nisi summa militum, quae
imperata esset, Romam adducta, neminem iis senatum da-
turum. Ita praecisa spe senatum adeundi deprecandique,
delectus in iis duodecim coloniis, per longam vacationem
numero juniorum aucto, haud difficulter est perfectus.

Privatis ju-
betur reddi
conlata pe-
cunia.

XVI⁸¹ Altera item^r res,⁸² prope aequae longo neglecta si-
 lentio, relata a M. Valerio Laevino est. qui, *privatis conlatas*
pecunias, se ac M. Claudio consulibus, reddi tandem, aequum
esse dixit. nec mirari quemquam debere, in publica obligata
fide suam praecipuam curam esse. Nam, praeterquam quod ali-
quid proprie ad consulem ejus anni, quo conlatae pecuniae es-

^r itidem Gron. Crev.

a consulibus passi; quum jussissent de hoc omnium primo negotio deliberrari.

78 *In millia aeris asses singulos]* Ex singulis assium millibus asses singulos.

79^{*} *Alii aliis magis]* Certatim, ita ut se invicem superare clamando niterentur.

80 *Ex formula imperetur]* Formulam intellige consuetam legem, ex

qua certus numerus militum cuique civitati, pro ratione ejus virium, imperabatur. * Vid. not. 80. ad XXII. 57.

81 *Altera itidem res]* Pat. et Victor. ut Sigonii liber, item.

82 *Prope aequae longo neglecta silen-*
 tio] Imo longiore. Siquidem Marcelli et Laevini consulatus incidit in annum 542. Fabii et Fulvii in sequentem.

sent, pertineret, etiam se auctorem ita conferendi fuisse, ⁸³ inopi U. C. 548. *ærario, nec plebe ad tributum subficiente.* Grata ea Patribus A. C. 204. admonitio fuit: jussisque referre consulibus, decreverunt, ut tribus pensionibus ea pecunia solveretur: primam præsentem ii, qui tum essent, duas tertii et quinti consules numerarent. Omnes deinde alias curas una occupavit, postquam Locrensiū clades, quæ ignoratæ ad eam diem fuerant, legatorum adventu vulgatæ sunt. nec tam Q. Plemīnii scelus, quam Scipionis in eo aut ⁸⁴ ambitio aut negligentia iras hominum irritavit. Decem legati Locrensiū, obsiti squalore et sor- Locren-
dibus, in comitio sedentibus consulibus ⁸⁵ velamenta suppli- sium legati.
cum, ramos oleæ, (ut Græcis mos est) porrigentes, ante tribunal cum flebili vociferatione humi procubuerunt. Quærentibus consulibus *Locrenses se dixerunt esse, ea passos a Q. Pleminio legato Romanisque militibus, quæ pati ne Karthaginienses quidem velit populus Romanus. Rogare, uti sibi Patres adeundi, deplorandique ærumnas suas potestatem facerent.*

XVII. Senatu dato, maximus natu ex iis: ⁸⁶ Scio*, quan- Eorum ora-
ti æstimentur nostræ apud vos querelæ, Patres conscripti, plu- tio deploro-
rimum in eo momenti esse, si probe sciatis, et quomodo prodi- rantium
Locri Hannibali sint, et quomodo, pulso Hannibalis præsidio, suas.
restituti in ditionem vestram. quippe si et culpa defectionis pro-
cul a publico consilio absit, et reditum in vestram ditionem ad-
pareat, non voluntate solum, sed ope etiam ac virtute nostra;
magis indignemini, bonis ac fidelibus sociis tam atroces atque
indignas injurias ab legato vestro militibusque fieri. Sed ego
⁸⁷ causam utriusque defectionis nostræ in aliud tempus diffe-
rendam arbitror esse, duarum rerum gratia; unius, ut coram
P. Scipione, qui Locros recepit, omnium nobis ⁸⁸ recte perpe-
ramque factorum testis, agatur; alterius, quod, qualescumque
sumus, tamen hæc, quæ passi sumus, pati non debuimus. Non
possumus dissimulare, Patres conscripti, nos, quum præsidium
Punicum in arce nostra haberemus, multa fœda et indigna, et
a præfecto præsidii Hamilcare, et ab Numidis Afrisque passos

* inser. inquit Gron. Crev.

⁸³ *Inopi ærario]* Proba lectio: quam tamen auctoritas MSS. destituit. Omnes enim inopiæ vel inopia ærarii.

⁸⁴ *Ambitio]* Pravum colligendi ex nimia indulgentia favoris studium: vel propensus in potentiores favor.

⁸⁵ *Velamenta supplicum]* Vid. not. 49. ad l. XXV. c. 25.

⁸⁶ *Scio, quanti æstimentur]* Scio plurimum momenti, ad statuendum quanti æstimare debeatis querelas nostras, in eo esse, si probe sciatis . . . si-
ve, scio, id velut pretium quod dicturi

estis querelis nostris, plurimum pendere ex eo, si probe sciatis.

⁸⁷ * *Causam . . . differendam]* Non hodie nos debere dicere de utraque defectione nostra, et super hoc negotio causam civitatis nostræ agere. Causa non est hic id a quo aliquid producitur, sed pro negotio, lite, accipi debet. Hinc sequitur mox ut . . . agatur, nempe causa illa.

⁸⁸ *Recte perperamque factorum testis]* Rhenanus delevit est ante nomen testis: recte.

U. C. 548. esse. Sed quid illa sunt, conlata cum iis, quæ hodie patimur?
 A. C. 204. Cum bona venia, quæso, audiat, Patres conscripti, id, quod invitatus dicam. In discrimine est nunc humanum omne genus, utrum vos, an Karthaginienses⁸⁹ principes terrarum¹ videat. si ex iis, quæ Locrenses aut ab illis passi sumus, aut a vestro præsidio nunc quum maxime patimur, æstimandum Romanum ac Punicum imperium sit; nemo non illos sibi, quam vos, dominos præoptet. Et tamen videte, quemadmodum Locrenses in vos animati sint. Quum a Karthaginiensibus⁹⁰ injurias tanto minores acciperemus, ad vestrum imperatorem confugimus: quum a vestro præsidio plusquam hostilia patiamur, nusquam alio, quam ad vos, querelas detulimus. Aut vos respicietis perditas res nostras, Patres conscripti, aut ne ab Diis quidem immortalibus quod precemur, quidquam superest. Q. Pleminius legatus missus est cum præsidio ad recipiendos a Karthaginiensibus Locros, et cum eodem ibi relictus est præsidio. In hoc legato vestro (dant enim animum ad loquendum libere ultimæ miseriæ) nec hominis quidquam est, Patres conscripti, præter figuram et speciem; neque Romani civis, præter habitum, vestitumque, et sonum Latinæ linguæ. Pestis ac bellua inmanis, quales fretum quondam, quo ab Sicilia dividimur, ad perniciem navigantium circumsedissee fabulæ ferunt. At si scelus, libidinemque, et avaritiam solus ipse exercere in socios vestros satis haberet, unam profundam quidem voraginem tamen patientia nostra expleremus. nunc omnes centuriones militesque vestros (adeo in promiscuo licentiam atque improbitatem esse voluit) Pleminius fecit: omnes rapiunt, spoliant, verberant, vulnerant, occidunt: constuprant matronas, virgines, ingenuos, raptos ex complexu parentum. Quotidie capitur urbs nostra, quotidie diripitur; dies noctesque omnia passim mulierum puerumque, qui rapiuntur atque asportantur, ploratibus sonant. Miretur, qui sciat, quomodo aut nos ad patiendum subficiamus, aut illos, qui faciunt, nondum tantarum injuriarum satietas ceperit. Neque ego exsequi possum,⁹¹ nec vobis operæ est audire singula, quæ passi sumus. communiter omnia amplectar. Nego domum ullam Locris; nego quemquam hominem expertem injuriæ esse; nego ullum genus sceleris, libidinis, avaritiæ superesse, quod in ullo, qui pati potuerit, prætermisum sit. Vix ratio iniri potest, uter casus civitatis sit detestabilior, quum hostes bello urbem cepere, an quum exitiabilis tyrannus

¹ terrarum leg. orbis terrarum Gron. Crev.

⁸⁹ Principes Orbis terrarum] Scripti plurimi et optimi ignorant ad Orbis. Ceteri scripti et editi multo minores.

⁹⁰ Injurias tanto minores] Put. liber, tanto minores. Inde jussit legi Gronovius, quomodo habes in contextu. ⁹¹ Nec vobis operæ est] Nec vobis aut vacat, aut utile est. Vid. l. I. c. 24.

vi atque armis obpressit. Omnia, quæ captæ urbes patiuntur, U. C. 548. passi sumus, et quum maxime patimur, Patres conscripti; omnia, quæ crudelissimi atque inportunissimi tyranni scelera in A. C. 204. obpressos cives edunt, Pleminius in nos, liberosque nostros, et conjuges, edidit.

XVIII. Unum est, de quo nominatim et nos queri ⁹² religio infixa animis cogat, et vos audire, et exsolvere rempublicam vestram religione, si ita vobis videbitur, velimus, Patres conscripti. Vidimus enim, cum quanta ceremonia non vestros solum colatis Deos, sed etiam externos accipiatis. Fanum est apud nos Proserpinæ, de cujus sanctitate templi credo aliquam famam ad vos pervenisse Pyrrhi bello: qui quum, ex Sicilia rediens, Locros classe præterveheretur, inter alia fœda, quæ propter fidem erga vos in civitatem nostram facinora edidit, thesauros quoque Proserpinæ, intactos ad eam diem, spoliavit: atque ita, pecunia in naves inposita, ipse terra est profectus. Quid ergo evenit, Patres conscripti? Classis postero die fœdissima tempestate lacerata, omnesque naves, quæ sacram pecuniam habuerunt, in litora nostra ejectæ sunt. Qua tanta clade edoctus tandem Deos esse superbissimus rex, pecuniam omnem conquistam in thesauros Proserpinæ referri jussit. nec tamen illi umquam postea prosperi quidquam evenit: pulsusque Italia, ignobili atque inhonesta morte, temere nocte ingressus Argos, obcubuit. Hæc quum audisset legatus vester, tribuni-que militum, et mille alia, quæ non augendæ religionis causa, sed præsentis Deæ numine sæpe comperta nobis majoribusque nostris, referebantur; ausi sunt nihilominus sacrilegas admove-
re manus intactis illis thesauris, et nefanda præda se ipsos ac domos contaminare suas et milites vestros. quibus, ⁹³ per, vos, fidem vestram, Patres conscripti, ⁹⁴ priusquam eorum scelus ex-

⁹² Religio infixa animis] Scripti complures melioresque infixa animos: nimis audacter. Victorinus, animo.

⁹³ Per, vos, fidem vestram] Per fidem vestram vos, supple, oramus. Quemadmodum apud Virgilium, Per ego has lacrimas dextramque tuam te . . miserere domus labentis. Ante Gronovium hic legebatur: per vos fidemque vestram. Ille particulam que eiecit. * Sensus est: Vos oramus per quidquid vobis sanctissimum est, ne iis militibus utamini ad res sive in Italia, sive in Africa gerendas.

⁹⁴ Priusquam eorum scelus expletis, neque in Italia, neque in Africa quidquam rei] Hæc omnia solus codex Victorinus nobis integra exhibuit. In ceteris codd. nostris, ut et in Gronovianis, nihil fere horum exstat. Non

possumus tamen assentiri Gronovio ea recidenti, et horum omnium loco substituenti ne quam rem. Si tantum credimus Put. codici, quid fiet his ejusdem orationis locis, quæ decurtata et mutila in eodem libro reperiuntur? Qualescunque sumus, pati non debuimus: omissis mediis, tamen hæc quæ passi sumus. Et, sæpe comperta nobisque nostris, pro nobis majoribusque nostris. Et, Hæc dea pœnas a templi sui violatoribus habet desinet, omissis vñs nec ante, quæ præfigunt ceteri libri verbo desinet, et omnino necessaria sunt ad integrandum sensum. Multa alia exempla cumulare possemus. Sed hæc satis sint. Quibus quidem ideo immorati sumus, quia Gronovius eos increpat hoc loco, qui sibi credituri non sint. Rationem igitur reddimus cur a viro doctissimo

U. C. 548. pietis, neque in Italia, neque in Africa quidquam rei gesserit;
A. C. 204. tis; ne, quod piaculum commiserunt, non suo solum sanguine, sed etiam publica clade luant. Quamquam ne nunc quidem, Patres conscripti, aut in ducibus, aut in militibus vestris cessat ira Deæ. Aliquoties jam inter se signis conlatis ⁹⁵ concurrerunt^u. dux alterius partis Pleminius, alterius duo tribuni militum erant: non acrius cum Karthaginiensibus, quam inter se ipsi, ferro dimicaverunt. præbuisseque occasionem furore suo Locros recipiendi Hannibali, ni aditus ab nobis Scipio intervenisset. At, Hercule, milites contactos sacrilegio furor agitat: in ducibus ipsis puniendis nullum Deæ numen adparuit? Immo ibi præsens maxime fuit. Virgis cæsi tribuni ab legato sunt. Legatus deinde insidiis tribunorum interceptus, præterquam quod toto corpore laceratus, naso quoque auribusque decisis, exsanguis est relictus: ⁹⁶ recreatus deinde legatus ex vulneribus, tribunos militum in vincula coniectos, dein verberatos, servilibusque omnibus ⁹⁷ suppliciis cruciatos trucidando occidit; mortuos deinde prohibuit sepeliri. Has Dea pœnas a templi sui spoliatoribus habet: nec ante desinet omnibus eos agitare furiis, quam reposita sacra pecunia in thesauris fuerit. Majores quondam nostri, gravi Crotoniensium bello, quia extra urbem templum est, transferre in urbem eam pecuniam voluerunt. noctu audita ex delubro vox est, abstinerent manus: Deam sua templa defensuram. Quia movendi inde thesauros incussa erat religio, muro circumdare templum voluerunt. ad ⁹⁸ aliquantum jam altitudinis excitata erant mœnia, quum subito conlapsa ruina sunt. Sed et nunc, et sæpe alias Dea suam sedem, suumque templum aut tutata est, aut a violatoribus gravia piacula exegit. nostras injurias nec potest, nec possit aliis ulcisci, quam vos, Patres conscripti. Ad vos vestramque fidem supplices confugimus. nihil nostra interest, utrum ⁹⁹ sub illo legato^v, sub illo præsidio Locros esse sinatis, an irato Hannibali et Pœnis ad supplicium dedatis. Non postulamus, ut extemplo

^u concurrerunt Gron. Crev.

^v sub illo legato del. Gron.

et acutissimo, et de Livii opere tam bene merito, dissentire cogamur.

95 *Concurrerunt*] Sic plurimi scripti: melius quam vulgo *concurrunt*. Put. teste Jac. Gronovio, nos enim id fugit, *concucurrerunt*.

96 *Recreatus deinde legatus*] Vocem postremam omittit Victorinus codex. Et sane sufficit, ut recte observat Gronovius, legatum præcedenti membro appellatum esse.

97 *Suppliciis cruciatos trucidando occidit*] Omnis scriptorum et vet. editorum manus: *trucidatos cruciando occidit*. Mutavit Gronovius, qui et sic exponit. Significat, inquit, non

tortos solum, sed omni sævitiae genere truncatis artubus discerptos tandem mortem invenisse. Sic Livius apud M. Senecam, *Suasoria septima*, Ciceronis *trucidata membra* dicit. Et Valer. Max. l. IX. c. 2. *L. Caesaris corpus ignobili sævitia trucidando*. Sed sic quoque non videmus, quid necesse fuerit a scripta lectione recedi.

98 *Ad aliquantum jam altitudinis excitata erant mœnia*] Complures scripti carent præpositione *ad*, quæ tamen retinenda videtur.

99 *Sub illo legato*] Has voces, in plerisque editis omissas, revocavimus.

nobis, ut de absente, ut indicta causa credatis. Veniat, coram U. C. 548.
ipse audiat, ipse diluat. Si quidquam sceleris, quod homo in A. C. 204.
homines edere potest, in nos prætermisit; non recusamus, quin
et nos omnia eadem iterum, si pati possumus, patiamur; et ille
omni divino humanoque liberetur scelere.

XIX. Hæc quum ab legatis dicta essent, quæsissetque
ab iis Q. Fabius, detulissentne eas querelas ad P. Scipio- Fabii sen-
nem; responderunt, missos legatos esse, sed eum belli adpara- tentia atrox
tu occupatum esse: et in Africam aut jam trajecisse, aut intra in Scipio-
paucos dies trajecturum. Et, legati gratia quanta esset apud nem.
imperatorem, expertos esse: quam, inter eum et tribunos cog-
nita causa, tribunos in vincula conjecerit; legatum æque son-
tem, aut magis etiam, in ea potestate reliquerit. Jussis exce-
dere e templo legatis, non Pleminius modo, sed etiam Sci-
pio, principum orationibus laocerari. ante omnes Q. Fabius,
natum eum ad conrumpendam disciplinam militarem, argu-
ere. Sic et in Hispania plus prope per seditionem militum,
quam bello, amissum. externo et regio more et indulgere licen-
tiæ militum, ¹ et sævire in eos. Sententiam deinde æque tru-
cem orationi adjecit. Pleminium legatum vinctum Romam
deportari placere, et ex vinculis causam dicere: ac, si vera fo-
rent, quæ Locrenses quererentur, in carcere necari, bonaque
ejus publicari. P. Scipionem, quod de provincia decessisset in-
jussu senatus, revocari: agique cum tribunis plebis, ut de im-
perio ejus abrogando ferrent ad populum. Locrensibus coram
senatum respondere, Quas injurias sibi factas quererentur, eas
neque senatum, neque populum Romanum factas velle. Viros
bonos, sociosque, et amicos eos adpellari: liberos, conjuges,
quæque alia erepta essent, restitui: pecuniam, quanta ex the-
sauris Proserpinæ sublata esset, conquiri, duplamque pecuniam
in thesauros reponi: et sacrum piaculare fieri, ita ut prius ad
collegium pontificum referretur, quod sacri thesauri moti, vio-
lati essent, quæ piacula, quibus Diis, quibus hostiis, fieri pla-
ceret. ² Milites, qui Locris essent, omnes in Siciliam trans-
portari: quatuor cohortes sociorum Latini nominis in præsi-
dium Locros adduci. ³ Perrogari eo die sententiæ, accensis
studiis pro Scipione et adversus Scipionem, non potuere. Objectus
Præter Pleminii facinus Locrensiūque cladem, ipsius et- Scipioni
iam imperatoris non Romanus modo, sed ne militaris qui- cultus li-
centior.

¹ * Sævire in eos] Invidiose notat Fabius supplicium sumptum a Scipione de auctoribus seditionis Sucronensis.

² Milites qui Locris essent] Put. quique: sed ita ut prius qui virgulis transversis transfixum sit. Forsitan verum sit quod quique, ut supra l. XXVII. c. 28. Quosquos proximos nactus est

montes. Ubi vid. not. 61.

³ * Perrogari eo die sententiæ .. non potuere] Sententiæ omnium senatorum exquiri non potuere; deliberatio ad finem perducere eo die non potuit. In compositione hæc præpositionis per vis est, ut indicet rem completam, perfectam.

U. C. 548. dem cultus jactabatur: ⁴ cum pallio crepidisque inambulare
A. C. 204. in gymnasio, ⁵ libellis eum palæstræque operam dare: æque
segniter molliterque ⁶ cohortem totam Syracusarum amœnitate
frui: Karthaginem atque Hannibalem excidisse de memoria:
exercitum omnem licentia corruptum, qualis Sucrone in His-
pania fuerit, qualis nunc Locris, sociis magis, quam hosti, me-
tuendum.

Metelli sen-
tentia de
Scipione.

XX. Hæc quamquam partim vera, partim ⁷ mixta, eo-
que similia veris jactabantur, vicit tamen Q. Metelli sen-
tentia: qui, de ceteris Maximo adsensus, de Scipionis caus-
sa dissensit. Qui enim convenire, quem modo civitas juvenem
admodum ⁸ recuperandæ Hispaniæ ⁸ delegerit ducem, quem, re-
cepta ab hostibus Hispania, ad inponendum Punico bello finem
creaverit consulem, spe destinaverit Hannibalem ex Italia de-
tracturum, Africam subacturum, eum repente, tamquam Q.
Pleminium, indicta causa prope damnatum, ex provincia revo-
cari? quum ea, quæ in se nefarie facta Locrenses quererentur,
ne præsentem quidem Scipione facta dicerent, neque aliud, quam
patientia, aut pudor, quod legato pepercisset, insimulari pos-
sit? Sibi placere, M. Pomponium prætorem, cui Sicilia pro-
vincia sorte evenisset, triduo proximo in provinciam proficisci:
consules decem legatos, quos iis videretur, ex senatu legere, quos
cum prætore mitterent, et duos tribunos plebei ⁹, atque ædilem.
⁹ cum eo consilio prætorem cognoscere. si ea, quæ Locrenses fac-
ta quererentur, jussu aut voluntate P. Scipionis facta essent,

⁸ admodum, unum Gron. Crev.

⁷ plebis Crev.

⁴ Cum pallio crepidisque] Pallium
et crepidæ Græcorum erant. De pal-
lio, notum est. Crepidas a Græcis
maxime gestatas esse suadet vox ip-
sa, quæ mere Græca est, teste Gellio,
l. XIII. c. 20. et diserte Persius cre-
pidas Græcorum appellat, Sat. I. v.
127. Jam vero crepidæ ipsæ, præter-
quam quod non Romanæ, non satis ex
dignitate imperatoris videbantur esse.
Idem ferme objecit Cicero Verri. Ste-
tit soleatus prætor populi Romani cum
pallio purpureo. Soleæ enim idem
fere erant, quod crepidæ. Iis plan-
tarum calces tantummodo infime tege-
bantur. Cetera prope nuda et tereti-
bus habenis vincta, ut habet Gell. loco
jam memorato. Germanicum quoque
Cæsarem a Tiberio perstrictum in se-
nato auctor est Tacitus, l. II. Ann. c.
59. quod in Ægypto pedibus intectis,
id est soleatus crepidatusve incessisset,
et pari cum Græcis amictu.

⁵ Libellis eum palæstræque] Pro
etiam reposuimus eum, quod postu-
lant omnes MSS. Ceterum hic libellos

intelligimus a rhetoribus philosophis-
ve conscriptos et propositos auditori-
bus: quemadmodum apud Cic. l. I.
de Or. n. 105. atque ex eo, qui non in
libellis, sed in maximis causis, et in
hoc domicilio imperii et gloriæ, sit con-
silio linguaque princeps.

⁶ Cohortem totam] Amicos omnes
et ministros proconsulis. Cohortis
nomine designantur ii qui magistratui
in provincia adsunt, consiliarii, adju-
tores, administri. Et sic passim Cice-
ro hoc nomen usurpat in libris contra
Verrem.

⁷ Mixta] Ex veris falsisque.

⁸ Delegerit ducem] Nostri scripti,
ut et plurimi e Gronovianis delegerit.
Neque aspernamur. Sed vulgata lectio
potior videtur.

⁹ Cum eo consilio prætorem cognos-
cere] Prætorem inquirere et statuere
de iis quæ Scipioni objiciantur, cum
tribunis plebis, ædili, et decem lega-
tis, qui consilii loco illi sint, et consi-
liarii assideant.

ut eum de provincia decedere juberent. Si P. Scipio jam in U. C. 548. Africam trajecisset, tribuni plebis atque ædilis cum duobus le- A. C. 204. gatis, quos maxime prætor idoneos censuisset, in Africam profisciscerentur: tribuni atque ædilis, qui reducerent inde Scipionem: legati, qui exercitui præessent, donec novus imperator ad eum exercitum venisset. Sin M. Pomponius et decem legati comperissent, neque jussu, neque voluntate P. Scipionis ea facta esse, ut ad exercitum Scipio maneret, bellumque, ut proposuisset, gereret. Hoc facto senatusconsulto, cum tribunis plebis actum est, ¹⁰ ut compararent inter se, aut sorte legerent, qui duo cum prætore ac legatis irent. ¹¹ Ad collegium pontificum relatum de expiandis, quæ Locris in templo Proserpinæ tacta, violata, elataque inde essent. Tribuni plebis cum prætore et decem legatis profecti M. Claudius Marcellus et M. Cincius Alimentus: iis ædilis plebis datus, quem, si aut in Sicilia prætori dicto audiens non esset Scipio, aut jam in Africam trajecisset, ¹² prendere tribuni juberent, ac jure sacrosanctæ potestatis reducerent. Prius Locros ire, quam Messanam, consilium erat.

Legati Locros mittuntur.

XXI. Ceterum duplex fama est, quod ad Pleminium adtinet. alii, auditis, quæ Romæ acta essent, in exilium Neapolim euntem forte in Q. Metellum, unum ex legatis, incidisse, et ab eo Rhegium vi retractum tradunt: alii, ab ipso Scipione legatum cum triginta nobilissimis equitum missum, qui Q. Pleminium in catenas, et cum eo seditionis principes, conjicerent. Ii omnes, seu ante Scipionis, seu tum prætoris jussu, traditi in custodiam Rheginis. Prætor legatique Locros profecti primam, sicuti mandatum erat, religionis curam habuere. omnem enim sacram pecuniam, quæque apud Pleminium, quæque apud milites erat, conquisitam, cum ea quam ipsi secum adtulerant, in thesauris reposuerunt, ac piaculare sacrum fecerunt. tum vocatos ad concionem milites prætor signa extra urbem efferre jubet, castraque in campo locat, cum gravi edicto, *Si quis miles aut in urbe restitisset, aut secum extulisset, ¹³ quod suum non esset, Locrensibus se permittere, ut, ¹⁴ quod sui quisque cognosset, prehenderet. ¹⁵ si quid non compareret, repeteret. Ante*

Pleminius in vincula conjectus.

Sacra pecunia in thesauris Proserpinæ reponitur.

¹⁰ *Ut compararent inter se, aut sorte legerent]* Primo restituimus ut, quod ab Rhenano temere mutatum in aut scripti tuentur. Secundo codices fere omnes habent tantum *ut compararent*, reliquis omissis: idque placere possit, si *comparare* sic absolute poni probetur eodem sensu, quo *comparare inter se*. Hoc quidem longe usitatius est.

¹¹ *Ad collegium pontificum]* Scripti ad concilium: quod utrum pro vero

haberi debeat, non decernimus.

¹² *Prendere]* Sic habent scripti: et in hac re proprium est verbum. Vulgo *comprehendere*.

¹³ *Quod suum non esset]* Hæc in solo Vict. codice reperimus, quæ Liviana tamen esse non dubitamus.

¹⁴ *Quod sui quisque cognosset]* Sic regius et optimi quique codd. Vulgo: *cognosceret*.

¹⁵ *Si quid non compareret, repeteret]* Ultimo verbo carent plerique li-

U. C. 548. *omnia, libera corpora placere sine mora Locrensibus restitui.*
 A. C. 204. *non levi defuncturum poena, qui non restituisset.* Locrensi-
 um deinde concionem habuit, atque, *iis libertatem legesque suas*
populum Romanum senatumque restituere, dixit. Si qui Ple-
 minium aliumque quem accusare vellet, Rhegium se sequeretur.
 Si de P. Scipione ¹⁶ publice queri vellent, ea, quæ Locris ne-
 farie in Deos hominesque facta essent, jussu aut voluntate
 P. Scipionis facta esse, legatos mitterent Messanam; ibi se
 cum consilio cogniturum. Locrenses prætori legatisque, et
 senatui ac populo Romano gratias egere: se ad Pleminium
 accusandum ituros. Scipionem, quamquam parum injuriis
 civitatis suæ doluerit, eum esse virum, quem amicum sibi, quem
 inimicum, malint esse. pro certo se habere, neque jussu, ne-
 que voluntate P. Scipionis tot tam nefanda commissa: aut
 Pleminio nimium, aut sibi parum creditum. Natura insitum
 quibusdam esse, ut magis peccari nolint, quam satis animi ad
 vindicanda peccata habeant. Et prætori et consilio haud me-
 diocre onus demtum erat de Scipione cognoscendi. Plemi-
 nium, et ad duo et triginta homines cum eo damnaverunt,
 atque in catenis Romam miserunt: ipsi ad Scipionem pro-
 fecti sunt, ut ea quoque, quæ vulgata sermonibus erant de
 cultu ac desidia imperatoris solutaque militiæ disciplina,
 comperta oculis perferrent Romam.

Locrenses
nolunt Sci-
pionem ac-
cusare.

Scipio res,
non verba,
ad purgan-
dum se pa-
rat.

XXII. Venientibus eis Syracusas, Scipio res, non verba,
ad purgandum sese paravit. exercitum omnem eo convenire,
classem expediri jussit, tamquam dimicandum eo die terra
marique cum Karthaginiensibus esset. Quo die venerunt,
hospitio comiter acceptis postero die terrestrem navalemque
exercitus, non instructos modo, sed hos decurrentes, classem
in portu, simulacrum et ipsam edentem navalis pugnae, os-
tendit: tum circa armamentaria et horrea aliumque belli
adparatum visendum prætor legatique ducti. Tantaque ad-
miratio ¹⁷ singularum universarumque rerum incussa, ut sa-
tis crederent, aut illo duce atque exercitu vinci Karthagini-
ensem populum, aut nullo alio posse. juberentque, quod
Dii bene verterent, trajicere, et spei conceptæ, quo die il-
lum omnes centuriæ priorem consulem dixissent, primo

bri, et ejus loco substituant *modo*.
Itaque Gronovius legendum putat: si
quid non compareret, vindicaret, id
est, judicio repeteret. Nos tanta mo-
liri piget, ubi libri certam non præ-
ferunt faciem. Victor. codex servat *et*
repeteret.

¹⁶ Publice] Nomine suæ civitatis.

¹⁷ Singularum universarumque re-
rum] Quis dubitet hoc esse Livii?
præsertim quum meliores codices hu-
jus scripturæ vestigium retineant,

singularumque rerum. Minime igitur
credimus Gronovio legendum esse
singularum quoque rerum, ita ut in-
telligi debeat, non modo universa-
rum. Put. exemplar hic mutilum esse
credimus, ut versu præcedenti pro *et*
circa armamentaria et horrea, alium-
que belli apparatum, exhibet idem li-
ber truncatam deformatamque scrip-
turam, et circa armentaria et horra-
tum.

quoque tempore compotem populum Romanum facere: U. C. 548.
adeoque lætis inde animis profecti sunt, tamquam victoriam, A. C. 204.
non belli magnificum adparatum, nunciaturi Romam essent.
Pleminius, quique in eadem causa erant, postquam Romam Pleminius
est ventum, extemplo in carcerem coaditi. ac primo pro in vinculis
ducti ad populum ab tribunis, apud præoccupatos Locren- moritur.
sium clade animos, nullum misericordiae locum habuerunt.
postea, quum sæpius producerentur, jam senescente invidia,
molliabantur iræ: et ipsa deformitas Pleminii memoriaque
absentis Scipionis favorem ad vulgum conciliabat. Mortuus
tamen prius in vinculis est, quam iudicium de eo populi
perficeretur. Hunc Pleminium ¹⁸Clodius Licinius in libro
tertio rerum Romanarum refert, ludis votivis, quos Romæ
Africanus iterum consul faciebat, conatum per quosdam,
quos pretio conruperat, aliquot locis urbem incendere, ut
frangendi carceris fugiendique haberet occasionem. pate-
facto dein scelere, delegatum in ¹⁹Tullianum ex senatuscon-
sulto. De Scipione nusquam, nisi in senatu, actum. ubi
omnes legatique et tribuni, classem eam, exercitum, ducem-
que verbis extollentes, effecerunt, ut senatus censeret, pri-
mo quoque tempore in Africam trajiciendum; Scipionique
permitteretur, ut ex iis exercitibus, qui in Sicilia essent, ip-
se legeret, quos in Africam secum trajiceret, quos provin-
ciæ relinqueret præsidio.

XXIII. Dum hæc apud Romanos geruntur, Karthagi-
nienses quoque, quum, speculis per promontoria omnia po-
sitis, percunctantes paventesque ad singulos nuncios sollici-
tam hiemem egissent, haud parvum et ipsi tuendæ Africæ
momentum adjecerunt societatem Syphacis regis, cujus
maxime fiducia trajecturum in Africam Romanum credide-
runt. Erat Hasdrubali Gisgonis filio non hospitium modo
cum rege, de quo ante dictum est, quum ex Hispania forte
in idem tempus Scipio atque Hasdrubal convenerunt: sed Hasdruba-
mentio quoque inchoata adfinitatis, ut rex duceret filiam lis filiam
Hasdrubalis. Ad eam rem consummandam tempusque ducit Sy-
phax.

¹⁸ Clodius Licinius] Meminit Cic.
l. I. de Legibus, n. 6. Clodii historia-
rum scriptoris: qui si hic est Clodius
Licinius, ejus ætas certo cognoscetur.
Docet enim ibidem Cicero illum de
quo agit Clodium scripsisse post Cœ-
lium Antipatrum, ac proinde circa
Syllanæ tempora.

¹⁹ Tullianum] Inferiorem carcerem
vocat ipse Livius infra l. XXXIV. c.
44. Hunc locum sic describit Sall.
in bello Catilin. Est in carcere locus,
quod Tullianum appellatur circi-
ter duodecim pedes humi depressus.

Eum muniunt undique parietes, atque
insuper camera lapideis fornicibus vinc-
ta: sed incultu, tenebris, odore fæda
atque terribilis ejus facies. In eum de-
mittebant sones quibus gula laqueo
frangenda esset. Tullianum diceba-
tur a Ser. Tullio rege, qui eam carce-
ris partem ædificaverat. Ceterum,
quod hic dubitanter et adjecto aucto-
ris nomine de Pleminio in carcere ne-
cato memorat Livius, id tanquam
certum, nec sibi ullo modo suspec-
tum, rursus narrat loco supra allato.

U. C. 548. nuptiis statuendum (jam enim et nubilis erat virgo) profec-
 A. C. 204. tus Hasdrubal, ut accensum cupiditate (et sunt ante omnes
 Numidæ barbaros effusi in Venerem) sensit, virginem ab
 Karthagine arcessit, maturatque nuptias: et inter aliam
 gratulationem, ut publicum quoque foedus privato adjicere-
 tur, societas inter populum Karthaginiensem regemque,
 data ultro citroque fide, eosdem amicos inimicosque habi-
 tuos, jurejurando adfirmatur. Ceterum Hasdrubal, memor
 et cum Scipione initæ regi societatis, et quam vana et mu-
 tabilia barbarorum ingenia essent, veritus, ne, si trajiceret
 in Africam Scipio, parvum vinculum eæ nuptiæ essent, dum
 accensum recenti amore Numidam habet, perpellit, blandi-
 tiis quoque puellæ adhibitis, ut legatos in Siciliam ad Sci-
 pionem mittat, per quos moneat eum, *Ne prioribus suis pro-*
missis fretus in Africam trajiciat. Se et nuptiis civis Kartha-
giniensis, filiae Hasdrubalis, quem viderit apud se in hospitio,
et publico etiam foedere cum populo Karthaginiensi junctum.
²⁰ *Optare^b primum, ut procul ab Africa, sicut adhuc fecerint,*
bellum Romani cum Karthaginiensibus gerant, ne sibi interesse
certaminibus eorum, armaque aut hæc, aut illa, abnuentem al-
teram societatem, sequi necesse sit. Si non abstineat Africa
Scipio, et Karthagini exercitum admoveat, sibi necessarium
fore, et pro terra Africa, in qua et ipse sit genitus, et pro pa-
tria conjugis suæ, proque parente ac penatibus dimicare.

Scipioni a-
 micitiam
 renunciat.

Quam rem
 sedulo dis-
 simulat a-
 pud milites
 Scipio.

XXIV. Cum his mandatis ab rege legati ad Scipionem
 missi, Syracusis eum convenerunt. Scipio, quamquam mag-
 no momento rerum in Africa gerendarum magnaque spe des-
 titutus erat, legatis propere, priusquam res vulgaretur, re-
 missis in Africam, literas dat ad regem, quibus etiam atque
 etiam monet eum, *Ne jura hospitii secum, neu cum populo Ro-*
mano initæ societatis, neu fas, fidem, dextras, Deos testes atque
arbitros conventorum, fallat. Ceterum, quando neque celari
 adventus Numidarum poterat, (vagati enim in urbe, obver-
 satique prætorio erant) et, si sileretur, quid petentes venis-
 sent, periculum erat, ne vera eo ipso, quod celarentur, sua
 sponte magis emanarent ²¹ timorque in exercitum^c incide-
 ret, ne simul cum rege et Karthaginiensibus foret bellan-
 dum, avertit a vero falsis præoccupando mentes hominum.
 Et, vocatis ad concionem militibus, *Non ultra esse cunctan-*

^b *Hortari Gron.*

^c *exercitu Ead.*

²⁰ *Optare primum]* Modestius hoc dictum videtur, quam, ut hactenus edebatur, *hortari*. Et non pauci libri, inter quos Put. id habent quod edidimus.

²¹ *Timorque in exercitum incideret]* Scripti in *exercitu* *incederet*, et admiserat in contextum Gronovius.

Nos id concoquere non potuimus, et editorum lectionem revocavimus. Et enim quæ exempla tuendæ scriptæ lectioni allegat Gronovius, *Religio civitatem incessit*, et *Pestilentia incesserat in Romanos* *Panosque*, in iis agnoscendum putamus verbum *incesse- re*, non *incedere*.

dum, ait. *Instare, ut in Africam quamprimum trajiciat, socios reges. Masinissam prius ipsum ad Lælium venisse, querentem, quod cunctando tempus tereretur. nunc Syphacem mittere legatos, idem admirantem, quæ tam diuturnæ moræ sit causa: postulanteque, ut aut trajiciatur tandem in Africam exercitus, aut, si mutata consilia sint, certior fiat, ut et ipse sibi ac regno suo possit consulere.* ²² *Itaque, paratis jam omnibus instructisque, et re jam non ultra recipiente cunctationem, in animo sibi esse, Lilybæum classe traducta, eodemque omnibus peditum equitumque copiis contractis, quæ prima dies cursum navibus daret, Deis bene juvantibus, in Africam trajicere.* Literas ad M. Pomponium mittit, ut, si ei videretur, Lilybæum veniret: ut communiter consulerent, quas potissimum legiones^d, et quantum militum numerum in Africam trajiceret. item circum oram omnem maritimam misit, ut naves onerariæ comprehensæ ²³ Lilybæum omnes contraherentur. Quidquid militum naviumque in Sicilia erat, quum Lilybæum convenissent, et nec urbs multitudinem hominum, nec portus naves caperet, tantus omnibus ardor erat in Africam trajiciendi, ut non ad bellum duci viderentur, sed ad certa victoriæ præmia. præcipue, qui superabant ex Cannensi exercitu, milites, illo, non alio duce, credebant, navata reipublicæ opera, finire se militiam ignominiosam posse. Et Scipio minime id genus militum adspernabatur: ut qui neque ad Cannas ignavia eorum cladem acceptam sciret, neque ullos æque veteres milites in exercitu Romano esse, expertosque non variis præliis modo, sed urbibus etiam obpugnandis. Quinta et sexta Cannenses erant legiones. eas se trajecturum in Africam quum dixisset, singulos milites inspexit: relictisque, quos non idoneos credebat, in locum eorum subjecit, quos secum ex Italia adduxerat; supplevitque ita eas legiones, ut singulæ sena millia et ducenos pedites, trecenos haberent equites: sociorum item Latini nominis pedites equitesque de exercitu Cannensi legit.

XXV. Quantum militum in Africam transportatum sit, non parvo numero inter auctores discrepat. Alibi decem millia peditum, duo millia et ducentos equites, alibi sedecim millia peditum, mille et sexcentos equites; alibi parte plus dimidia rem auctam, quinque et triginta millia peditum

^d legiones potissimum Gron. Crev.

²² *Itaque paratis jam omnibus instructisque*] Vulgo editi: *Itaque satis jam omnibus instructis apparatusque.* Sed *et apparatus* nullo exstat in codice, quem aut Gronovius, aut nos inspexerimus. Cantabrig. teste Jac. Gronovio, habet *itaque satis jam om-*

nibus instructisque: regius, plane ut edidimus.

²³ *Lilybæum omnes contraherentur*] Sic Put. et magna codicum manus, et vetustissimæ Andreæ et Campani editiones: melius quam quod recentiores editos obtinebat, *omnes traherentur.*

U. C. 548.
A. C. 204.

Copiae na-
ves con-
scendunt.

Ordo clas-
sis.

Classis sol-
vit.

equitumque ²⁴in naves inposita invenio. quidam non ad-
cere numerum: inter quos me ipse in re dubia poni malim.
Coelius, ut abstinet numero, ita ad immensum multitudinis
speciem auget. Volucres ad terram delapsas clamore mili-
tum ait, tantamque multitudinem conscendisse naves, ut
nemo mortalium, aut in Italia, aut in Sicilia, relinqui vide-
retur. Milites ut in naves ordine ac sine tumultu conscen-
derent, ipse eam sibi curam sumsis. nauticos C. Laelius, qui
classis praefectus erat, in navibus, ante conscendere coactos,
continuit. Commeatus inponendi M. Pomponio praetori
cura data: quinque et quadraginta dierum cibaria, e quibus
quindecim dierum cocta, inposita. Ut omnes jam in navi-
bus erant, scaphas circummisit, ut ex navibus gubernato-
resque et ²⁵magistri navium et bini milites in forum conve-
nirent ad imperia accipienda. Postquam convenerunt, pri-
mum ab iis quaesivit, si aquam hominibus jumentisque in
totidem dies, quot frumentum, inposuissent. Ubi respon-
derunt, aquam dierum quinque et quadraginta in navibus
esse; tum edixit militibus, ²⁶ut silentium quieti nautis sine
certamine ad ministeria exsequenda bene obedientes praes-
tarent. ²⁷cum viginti rostratis se ac L. Scipionem ab dextro
cornu, laevum, totidem rostratas, et C. Laelium praefec-
tum classis cum M. Porcio Catone (quaestor is tum erat)
onerariis futurum praesidio. Lumina in navibus singula ros-
tratae, bina onerariae haberent: in praetoria nave insigne
nocturnum trium luminum fore. Emporia ut peterent, gu-
bernatoribus edixit. Fertilissimus ager, eoque abundans
omnium copia rerum est regio, et inbelles (quod plerumque
in uberi^e agro evenit) barbari sunt: priusque, quam Kar-
thagine subveniretur, obprimi videbantur posse. Iis editis
imperiis, redire ad naves jussi: et postero die, Deis bene
juvantibus, signo dato solvere naves.

XXVI. Multae classes Romanae e Sicilia atque ipso illo
portu profectae erant. Ceterum non eo bello solum, (nec

* ubere Gron. Crev.

²⁴ *In naves inposita invenio*] Nostri codices, ut et Gronoviani, carent verbo *invenio*, quod tamen retineri necesse est.

²⁵ *Magistri navium*] Intelligendi videntur magistri, sive praefecti sociorum navalium, de quibus mentionem facit Livius infra l. XLIII. c. 8.

²⁶ * *Ut Silentium*] Ut quieti ac bene obedientes suis ducibus, silentium praestarent nautis ad ministeria nautica exsequenda, abstinentes omni certamine adversus eos, sed sinentes

eos sine tumultu id agere quod sui officii esset.

²⁷ *Cum viginti rostratis*] Se ac L. Scipionem ab dextro cornu cum viginti rostratis; C. Laelium praefectum classis et M. Porcium Catonem cum viginti quoque rostratis futuros onerariis praesidio. Haec erat directa ac simplex loquendi forma. At maluit Livius variare orationem: *laevum cornu, totidem rostratas*, id est, quod quidem cornu totidem rostratas habiturum erat.

id mirum, prædatum enim tantummodo pleræque classes U. C. 548. ierant) sed ne priore quidem, ulla profectio tanti spectaculi A. C. 204. fuit. quamquam si magnitudine classis aestimaretur, et bini consules cum binis exercitibus ante trajecerant; et ²⁸ prope totidem rostratæ in illis classibus fuerant, quot onerariis Scipio tum trajiciebat. nam, præter quadraginta^f longas naves, quadringentis ferme onerariis exercitum transvexit. ²⁹ Sed et bellum bello, secundum priore, ut atrocius Romanis videretur, quum quod in Italia bellabatur, tum ingentes strages tot exercituum, simul cæsis ducibus, effecerant: ³⁰ et Scipio dux, partim factis fortibus, partim suapte fortuna quadam ingentis ad incrementa gloriæ celebratus, converterat animos: simul et ³¹ mens ipsa trajiciendi, nulli ante eo bello duci tentata, quod ad Hannibalem detrahendum ex Italia, transferendumque et finiendum in Africa bellum, se transire vulgaverat. Concurrerat ad spectaculum in portum omnis turba, non habitantium modo Lilybæi, sed legationum omnium ex Sicilia: quæ et ad prosequendum Scipionem officii causa convenerant, et prætorem provinciæ M. Pomponium secutæ fuerant. ad hoc legiones, quæ in Sicilia relinquebantur, ad prosequendos commilitones processerant: nec classis modo prospectantibus e terra, sed terra etiam omnis circa referta turba spectaculo navigantibus erat.

XXVII. Ubi inluxit, Scipio e prætoria nave, silentio per Scipionis præconem facto, *Divi Divæque*, inquit, ³² *maria[‡] terrasque* ^{precatio.} *qui colitis, vos precor quæsoque, uti, quæ in meo imperio gesta*

^f *quinquaginta* Gron. Crev.

[‡] *qui maria* Gron.

²⁸ *Prope totidem rostratæ*] M. Regulus et L. Manlius consules trecentis triginta rostratis navibus e Sicilia solverunt, teste Polyb. l. I. Aliæ quoque classes Romanæ illo bello parem, aut etiam majorem numerum longarum navium habuerunt.

²⁹ *Sed et bellum bello*] Sed et secundum bellum priore bello atrocius Romanis videbatur, tum quia in Italia bellabatur, tum quia tot exercitus cæsi cum ducibus ipsis ab Annibale fuerant.

³⁰ *Et Scipio dux*] *Et converterat animos Scipio dux, partim factis fortibus, partim suapte fortuna quadam celebratus*, tanquam vir ingentis gloriæ ad incrementa; tanquam imperator, cujus ingens gloria novis semper incrementis augesceret. Quemadmodum hic *celebratus ingentis gloriæ*, sic et supra l. XXVI. c. 19. *sive et ipse capti quadam superstitione animi*; et apud Horat. *Notus in fratres ani-*

mi paterni. Si cui tamen id durum videatur, licet alio quoque modo exponere hunc locum: *et Scipio dux celebratus partim factis fortibus, partim suapte fortuna quadam gloriæ ingentis ad incrementa*: ita ut intelligatur *fortuna gloriæ*, id est felicitate quadam, qua ad gloriam ingentem fortunæ ipsius manu deduci videretur. Sensus non malus: oratio parum expedita fuit. Prior interpretatio magis aridet.

³¹ *Mens . . . nulli ante eo bello duci tentata, quod ad Annibalem detrahendum . . . se transire vulgaverat*] Victorinus codex firmat hanc lectionem, ab eaque in paucis minutisque discrepat. Eam frustra videtur sollicitare Gronovius.

³² *Maria terrasque qui colitis*] Hunc ordinem servant scripti meliores, et sic edebatur ante Rhenanum. Maluit ille *qui maria terrasque colitis*: eique obsecuti sunt editores.

U. C. 548. *sunt, geruntur, postque gerentur, ea mihi, populo plebique Ro-*
 A. C. 204, *manæ, sociis nominique Latino, qui populi Romani, quique*
meam sectam, imperium, auspiciūque terra, mari, omnibusque
*sequuntur,*³³ *bene verruncent: eaque vos omnia bene juxetis:*
³⁴ *bonis auctibus auxitis: salvos incolumesque, victis perduelli-*
bus victores, spoliis decoratos, præda onustos triumphantesque,
mecum domos reduces sistatis: inimicorum hostiumque ulciscen-
dorum copiam faxitis: quæque populus Karthaginiensis in ci-
*vitatem nostram facere molitus est,*³⁵ *ea ut mihi populoque Ro-*
mano in civitatem Karthaginiensium exempla edendi faculta-
*tem detis. Secundum eas preces*³⁶ *cruda exta victimæ, uti*
*mos est*³⁷, *in mare porricit, tubaque signum dedit profi-*
ciscendi. Vento secundo vehementi satis profecti, celeriter
*e conspectu terræ ablati sunt: et a meridie*³⁸ *nebula occe-*
pit, ita ut vix concursus navium inter se vitarent. lenior
ventus in alto factus. noctem insequentem eadem caligo ob-
tinuit: sole orto est discussa, et addita vis vento. Jam ter-
ram cernebant. haud ita multo post gubernator Scipioni
ait, non plus quinque millia passuum Africam abesse: Mercuri
promontorium se cernere. si jubeat eo dirigi, jam in portu
fore omnem classem. Scipio, ut in conspectu terra fuit,
³⁹ *precatus*¹, *uti bono reipublicæ suoque Africam viderit, da-*
re vela, et alium infra navibus adcessum petere jubet. Ven-
to eodem ferebantur. ceterum nebula sub idem ferme tem-
pus, quo pridie, exorta conspectum terræ ademit, et ven-
tus premente nebula cecidit. Nox deinde incertiora omnia
fecit. itaque ancoras, ne aut inter se concurrerent naves,
aut terræ inferrentur, jecere. Ubi inluxit, ventus idem co-
ortus, nebula disjecta, aperuit omnia Africæ litora. Scipio,
quod esset proximum promontorium, percunctatus, quum
Pulchri promontorium id vocari audisset, Placet omen, in-
quit; huc dirigite naves. Eo classis decurrit: copiæ omnes
in terram expositæ sunt. Prosperam navigationem sine

Ad Pulchri
Prom. ap-
pellit.

³³ *est* del. Gron. Crev.

¹ *precatus deos* Crev.

³³ *Bene verruncent*] Bene vertant.

³⁴ * *Bonis auctibus auxitis*] Bonis incrementis augeatis.

³⁵ *Ea... exempla edendi*] Sic apud Ter. in Eun. Act. V. Sc. 7. *Uterque in te exempla edet.* Exempla. edere in aliquem, est eum iis damnis, cruciatibus, malis afficere, quæ pro sua magnitudine possint in exemplum adduci: * vel exemplo ceteris esse, ut similia præcaveant.

³⁶ *Cruda exta, cæsa victima*] Hic variant scripti. Regius, *cruda exta victimæ*, ut voluerat Gronovius.

³⁷ *In mare porricit*] Hoc verbum

solenne sacrorum est. Virgilius, *extaque salsos Porriciam in fluctus.* Scripti *projecit.* Sed ex vett. editis illud alterum retinendum esse recte censet Gronovius, etiam adversa scriptorum auctoritate.

³⁸ *Nebula occipit, ita ut vix*] Nul- lus MS. habet *occipit*, sed vel *cepit*, vel *cepte*, vel *excepti*. Omnes *ita vix ut.* Libenter legeremus cum Grono- vio, *nebula exstitit, vix ut.*

³⁹ *Precatus deos*] Multi MSS. omit- tunt vocem *deos*: et facile potest in- telligi.

terrore ac tumultu fuisse, permultis Græcis Latinisque auc-^{U. C. 548.}
toribus credidi: Coelius unus præterquam quod non mer-^{A. C. 204.}
sas fluctibus naves, ceteros omnes cœlestes maritimosque
terrores, postremo abreptam tempestate ab Africa classem
ad insulam Ægimurum, inde ægre conrectum cursum, ex-
ponit: et, prope obrutis navibus, injussu imperatoris, sca-
phis, haud secus quam naufragos, milites sine armis cum
ingenti tumultu in terram evasisse.

XXVIII. Expositis copiis, Romani castra in proximis ^{Terror in Africa.}
tumulis metantur. Jam non in maritimos modo agros,
conspectu primum classis, dein tumultu egredientium in
terram, pavor terrorque pervenerat, sed in ipsas urbes. ne-
que enim hominum modo turba, mulierum puerorumque
agminibus inmixta, omnes passim compleverat vias, sed pe-
cora quoque præ se agrestes agebant; utⁱ relinqui subito
Africam diceres. Urbibus vero ipsis majorem, quam quem
secum adtulerant, terrorem inferebant. præcipue Karthagi-
nis prope ut captæ tumultus fuit. Nam post M. Atilium
Regulum et L. Manlium consules, ⁴⁰ annis prope quinqu-
aginta, nullum Romanum exercitum viderant, præter præda-
torias classes, quibus excensiones in agros maritimos factæ
erant: raptisque, quæ obvia fors fecerat, prius recursum
semper ad naves, quam clamor agrestes conciret, fuerat. eo
major tum fuga pavorque in urbe fuit. Et, Hercule, neque
exercitus domi validus, neque dux, quem obponerent, erat.
Hasdrubal, Gisgonis filius, genere, fama, divitiis, regia tum
etiam adfinitate, longe primus civitatis erat: sed eum ab
illo ipso Scipione aliquot præliis fusum pulsumque in His-
pania meminerant: nec magis ducem duci parem, quam
tumultuarium exercitum suum Romano exercitui esse. Ita-
que, velut si urbem extemplo adgressurus Scipio foret, ita
ad arma est conclamatum: portæque raptim clausæ, et ar-
mati in muris, vigiliæque et stationes dispositæ, ac nocte
insequenti vigilatum est. Postero die quingenti equites,
speculatum ad mare turbandosque egredientes ex navibus
missi, in stationes Romanorum inciderunt. jam enim Sci-
pio, classe Uticam missa, ipse haud ita multum progressus
a mari, tumulos proximos ceperat; equites et in stationi-
bus locis idoneis posuerat, et per agros miserat prædatum.

XXIX. Ii cum Karthaginensi equitatu prælium quum ^{Scipio agros}
commississent, paucos in ipso certamine, plerosque fugien-^{populatur.}
tes persecuti (in quibus præfectum quoque Hannonem, no-^{victo equi-}
bilem juvenem) occiderunt. Scipio non agros modo circa ^{tatu Kar-}
^{thag.}

ⁱ ut del. Gron.

⁴⁰ *Annis prope quinquaginta]* Hic M. Regulo, L. Manlio consulibus. Vid.
est annus quinquagesimus tertius a not. 26. ad l. XXVIII. c. 43.

VOL. II.

M m

U. C. 548. vastavit, sed urbem etiam proximam Afrorum satis opulentam cepit. ubi præter cetera, quæ extemplo in naves onerarias inposita, missaque in Siciliam erant, octo millia liberorum servorumque capitum sunt capta. ⁴¹ Lætissimus tamen Romanis in principio rerum gerendarum adventus fuit Masinissæ. quem quidam cum ducentis haud amplius equitibus, plerique cum duum millium equitatu tradunt venisse. Ceterum quum longe maximus omnium ætatis suæ regum hic fuerit, plurimumque rem Romanam juverit, operæ pretium videtur excedere paullulum ad enarrandum, quam varia fortuna usus sit in amittendo recuperandoque paterno regno. Militanti pro Karthaginiensibus in Hispania pater ei moritur: Galæ nomen erat. ⁴² Regnum ad fratrem regis Œsalcem, pergrandem natu, (mos ita apud Numidas est) pervenit. haud multo post, Œsalce quoque mortuo, major ex duobus filiis ejus Capusa, puero admodum altero, paternum imperium accepit. Ceterum quum ⁴³ magis jure gentis, quam auctoritate inter suos aut viribus, obtineret regnum; exstitit quidam, Mezetulus nomine, non alienus sanguine regibus, familiæ semper inimicæ, ac de imperio varia fortuna cum iis, qui tum obtinebant, certantis. Is, concitatis popularibus, apud quos, ⁴⁴ invidia regum, magnæ auctoritatis erat, castris palam positis, descendere regem in aciem, ac dimicare de regno coëgit. in eo prælio Capusa cum multis principum cecidit, ⁴⁵ gens Massylorum omnis in ditionem imperiumque Mezetuli concessit. regio tamen nomine abstinuit: contentusque nomine modico tutoris, puerum Lacumacen, qui stirpis regiæ supererat, regem adpellat. Karthaginiensem nobilem feminam, sororis filiam Hannibalis, quæ proxime Œsalci regi nupta fuerat, matrimonio sibi jungit, ⁴⁶ spe Karthaginensium societatis; et cum Syphace hos-

Masinissa
ad Romanos
venit.

Masinissæ
varia fortu-
na.

⁴¹ *Lætissimus tamen Romanis*] Scripti Gronoviani, et nostri, pro *Romanis* præferunt *omnis*: nisi quod Victorinus, *omnibus*. Sed verum putamus id quod editur. De Romanis solis agitur, ita ut vox *omnibus* prorsus aliena sit. Scilicet corruptio haud difficilis fuit. Si forte prima littera in nomine *Romanis* erasa fuerat, inde factum est *omanis*, *omnis*: tum corrector, ut salvæ essent Grammaticæ leges, dedit *omnibus*.

⁴² *Regnum ad fratrem regis Œsalcem*] Similem ordinem successionis, ut in demortui regis, sive principis locum non filius subiret, sed frater, in Hispania quoque servatum apparet ex l. XXVIII. c. 21. supra. Vide alia exempla apud Grot. de jure belli et

pacis, l. II. c. 7. n. 24.

⁴³ *Magis jure gentis, quam auctoritate . . aut viribus*] Jus gentis regem legitimum facit, auctoritas venerabilem, vires potentem. Sic distingui debet harum vocum sensus, *jure gentis, auctoritate, viribus*.

⁴⁴ * *Invidia regum*] Invidia in reges concitata.

⁴⁵ *Gens Massylorum omnis*] Paternum Masinissæ regnum. *Massyli* parebant Syphaci. Utrique populo commune erat *Numidarum* nomen.

⁴⁶ *Spe Carthaginensium societatis*] Ex hoc loco, et iis quæ c. sequenti narrantur, patet Carthaginenses Lacumaci et Mezetulo contra Masinissam favisse. Atque hac maxime causa suspicari possumus Numidam a Car-

pitium vetustum legatis missis renovat, omnia ea auxilia U. C. 548.
præparans adversus Masinissam. A. C. 204.

XXX. Et Masinissa, audita morte patruī, dein nece fratris patruelis, ex Hispania in Mauritaniā (Bocchar ea tempestate rex Maurorum erat) trajicit. ab eo supplex infimis precibus auxilium itineri, quoniam bello non poterat, quatuor millia Maurorum impetravit. Cum iis, præmisso nuncio ad paternos suosque amicos, quum ad fines regni pervenisset, quingenti ferme Numidæ ad eum convenerunt. Igitur Mauris inde, sicut convenerat, retro ad regem remis- sis, quamquam aliquanto minor spe multitudo, nec cum qua tantam rem adgredi satis auderet, conveniret; ratus agendo ac moliendo vires quoque ad agendum aliquid conlecturum, proficiscenti ad Syphacem Lacumaci regulo ad Thapsum obcurrit. Trepidum agmen quum in urbem refugisset, urbem Masinissa primo inpetu capit: ex regiis alios tradentes se recipit, alios vim parantes occidit. pars maxima cum ipso puero inter tumultum ad Syphacem, quo primum intenderant iter, pervenerunt. Fama hujus modicæ rei, in principio rerum prospere actæ, convertit ad Masinissam Numidas. adfluebantque undique ex agris vicisque veteres milites Galæ, et invitabant juvenem ad recuperandum paternum regnum. Numero militum aliquantum Mezetulus superabat. nam et ipse eum exercitum, quo Capusam vicerat, ⁴⁷ et ex receptis post cædem regis aliquot habebat: et puer Lacumaces ab Syphace auxilia ingentia ⁴⁸ adduxerat. quindecim millia peditum Mezetulo, decem millia equitum erant. Quibuscum Masinissa, ⁴⁹ nequaquam tantum peditum equitumve habens, acie conflixit. vicit tamen ⁵⁰ et veterum militum virtus, et prudentia inter Romana et Punica arma exercitati ducis. Regulus cum tutore et exigua Masæsyliorum manu in Karthaginensium agrum perfugit. Ita recuperato regno paterno, Masinissa, quia sibi adversus Syphacem haud paullo majorem restare dimicationem cernebat, optimum ratus cum fratre patruele gra-

thaginensibus alienatum ad Romanos descisse. Congruunt tempora. Etenim Masinissa etiam tum in Hispania erat, quum ejus regnum Mezetulus invasit. Postea novas odio ejus in Pœnos vires addidit profecto tradita Syphaci contra fidem ipsi datam in matrimonium Sophonisba. Vid. nostrum supra l. XXVIII. c. 16. et ea quæ ibi annotavimus.

⁴⁷ *Et ex receptis*] Et aliquot habebat ex iis, quos post cædem Capusæ regis ad sua signa revocaverat.

⁴⁸ *Adduxerat. Quindecim millia*

peditum Mezetulo] Sic interpungunt aliquot scripti, Andreas et Campanus: melius, quam ut vulgò nunc: *adduxerat, quindecim millia peditum. Mezetulo decem millia equitum erant.*

⁴⁹ *Nequaquam tantum peditum equitumve habens acie conflixit*] Scripti plerique, et editi ante Rhenanum, habente, ut referatur ad acie.

⁵⁰ *Et veterum militum virtus*] Vox *militum* neque in Gronovianis MSS. neque in nostris comparet. Necessaria tamen est.

U. C. 548. tiam reconciliare, missis, qui et puero spem facerent, si in
A. C. 204. fidem Masinissæ sese permisisset, ⁵¹ futurum in eodem honore, quo apud Galam Œsalces quondam fuisset; ⁵² et qui Mezetulo, præter inpunitatem, sua omnia cum fide restitui sponderent; ambo præoptantes exsilio modicam domi fortunam (omnia, ne id fieret, Karthaginiensibus de industria agentibus) ad sese perduxit.

Syphacem
Hasdrubal
in Masinissam insti-
gat.

Syphax vin-
cit Masinissam.

XXXI. Hasdrubal tum forte, quum hæc gerebantur, apud Syphacem erat. qui Numidæ, haud sane multum ad se pertinere credenti, utrum penes Lacumacen, an Masinissam, regnum Massylorum^k esset, *falli eum magnopere*, ait, *si Masinissam eisdem contentum fore, quibus patrem Galam, aut patrum ejus Œsalcem, credat. multo majorem indolcm in eo animi ingenique esse, quam in ullo gentis ejus umquam fuisset. Sæpe eum in Hispania raræ inter homines virtutis specimen dedisse sociis pariter hostibusque: et Syphacem, et Karthaginienses, nisi orientem illum ignem obpressissent, ingenti mox incendio, quum jam nullam opem ferre possent, aruros. Adhuc teneras et fragiles ejus vires esse, vixdum coalescens foventis regnum.* Instando stimulandoque pervincit, ut exercitum ad fines Massylorum admoveat; atque in agro, de quo sæpe cum Gala non verbis modo disceptatum, sed etiam armis certatum fuerat, tamquam haud dubie juris sui, castra locet. *Si quis arceat, id^l ⁵³ quod maxime opus sit, ⁵⁴ acie dimicaturum^m: sin per metum agro cedatur, in medium regnum eundum. aut sine certamine concessuros in ditionem ejus Massylos, aut nequaquam parcs futuros armis.* His vocibus incitatus Syphax Masinissæ bellum infert, et primo certamine Massylos fundit fugatque. Masinissa cum paucis equitibus ex acie in montem (Balbum incolæ vocant) perfugit. familiæ aliquot ⁵⁵ cum mapalibus pecoribusque suis (⁵⁶ ea pecu-

^k *Massyliorum* Gron. Crev. ita et in sqq. Gron.

^l *id del.* Eæd.

^m *dimicaturus*

⁵¹ *Futurum in eodem honore*] Scripti *futurum cum*. Delevit *et cum* Rhenanus: quod et melius abesse videtur.

⁵² *Et qui Mezetulo*] Gronovius recidit *et qui*: nec immerito, nisi alios ad Lacumacem, alios ad Mezetulum legavit Masinissa. Tunc enim nihil mutandum foret.

⁵³ *Quod maxime opus sit*] Jac. Gronovius ex compluribus scriptis affert *ut quod maxime*: et assentiuntur nostri. Si aliquid iis dandum est, legamus *id quod maxime opus sit*.

⁵⁴ *Acie dimicaturum*] Sequimur veteres editos, et duos e nostris scriptis, Victor. et Thuanæum. Gronovius dedit *dimicaturus*.

⁵⁵ *Cum mapalibus . . suis . . percuti sunt regem*] Ergo et Numidæ erant in illorum populorum numero qui vagas secum circumferebant domos. Quod idem testatur Plin. l. V. c. 3. Non quod iis ædificia non essent: sed ea nimirum ex junctis inter se lignis coagmentata facile dissolvebant, plausisque imposita in eo deinde loco, ubi commorari vellent, rursum aptabant.

⁵⁶ * *Ea pecunia illis est*] Non aliis illis bona, aliæ sunt possessiones. Et vero *pecunia* a *pecore* nomen habet, sive quia æs primo signatum est Romæ nota *pecudum*, sive quod veterum in *pecore* constabat universa substantia.

nia illis est) persecuti sunt regem: cetera Massylorum multi- U. C. 548.
tudo in ditionem Syphacis concessit. Quem ceperant exsules A. C. 204.
montem, herbidus aquosusque est; et, quia pecori bonus alen-
do erat, hominum quoque, carne ac lacte vescentium, abunde
subficiebat alimentis. Inde nocturnis primo ac furtivis incur-
sionibus, deinde aperto latrocinio, infesta omnia circa esse:
⁵⁷ maxime uri Karthaginiensis ager, quia et plus prædæ, quam
inter Numidas, et latrocinium tutius erat. jamque adeo licenter
eludebant, ut ad mare devectam prædam venderent mercatori-
bus, adpellentibus naves ad id ipsum; pluresque, quam justo
sæpe in bello, Karthaginensium caderent caperenturque.
Deplorabant ea apud Syphacem Karthaginenses, ⁵⁸ infensum-
que et ipsum ad reliquias belli persequendas instigabant. sed
vix regium videbatur, latronem vagum in montibus consecrari.

XXXII. Bocchar, ex præfectis regis vir acer et inpiger, ad Bocchar
id delectus. ei data quatuor millia peditum, duo equitum: mittitur in
⁵⁹ præmiorumque ingentium spe oneratus, si caput Masinissæ Masinis-
retulisset, aut vivum (id vero inæstimabile gaudium fore) ce- sam.
pisset, palatos incurioseque agentes improviso adortus, peco-
rum hominumque ingenti multitudine a præsidio armatorum
exclusa, Masinissam ipsum cum paucis in verticem montis
compellit. Inde, prope ut jam debellato, nec præda modo
pecorum hominumque captorum missa ad regem, sed copiis
etiam, ut aliquanto majoribus, quam pro reliquiis belli, re-
missis, ⁶⁰ cum quingentis haud amplius peditibus ducentisque
equitibus, degressum jugis Masinissam persecutus, in valle
arta, ⁶¹ faucibus utrimque obsessis, inclusit. ibi ingens cædes
Massylorum facta. Masinissa cum quinquaginta haud am-
plius equitibus per amfractus montis ignotos sequentibus se
eripuit. Tenuit tamen vestigia Bocchar: adeptusque eum
patentibus prope Clupeam urbem campis, ita circumvenit, ut,
præter quatuor equites, omnes ad unum interficeret. cum
iis ipsum quoque Masinissam saucium prope e manibus inter

⁶¹ interfecerit Gron. Crev.

⁵⁷ *Maxime uri Carthaginiensis ager*] Scripti quidam *maxime juris*. Andreas, teste Gronovio, *Carthaginiensium*. Et sic optime formata erit oratio: *maxime juris Carthaginensium ager*, supple, infestus esse. Et ut sic dedisse Livium credamus, id quoque nos movet, quod alibi observamus de more ipsi non inusitato iterandi easdem subinde locutiones. Nam supra hoc ipso capite: *atque in agro de quo sæpe . . . certatum fuerat, tanquam haud dubie juris sui, castra locat*. Justinus quoque similiter locutus est, l. IX. c. 5. *Initio veris, tres duces in Asiam Persarum juris præmittit*.

⁵⁸ *Infensumque et ipsum*] Scripti omnes, *intensumque*: quod recte emendatum est ab editoribus.

⁵⁹ *Præmiorumque ingentium spe*] Merito, reposuit Rhenanus *ingentium*. Ante illum editi, et Gronoviani nostrique codices, *ingenti*.

⁶⁰ *Cum quingentis haud amplius peditibus*] Nullo in libro vetere *quingentis* reperitur. Quidam mutili sunt, nec ullum numerum exprimunt: quidam, *cum haud amplius peditibus mille*.

⁶¹ *Faucibus utrimque obsessis*] Egregie. Scripti et Gronoviani, et nostri, hic vitiosi sunt, et pro *obsessis* habent vel *oppositos*, vel *oppositis*.

U. C. 549.
A. C. 204.

Insilit in
fluvium,
unde cum
duobus
emergit.

In spelunca
latens, vul-
nus curat.

Syphax ad-
versus eum
contendit.

tumultum amisit. In conspectu erant fugientes; ala equitum, dispersa toto campo, quibusdam, ut obcurrerent, per obliqua tendentibus, quinque hostes sequebatur. amnis ingens fugientes accepit, (neque enim cunctanter, ut quos major metus urgueret, in miserant equos) raptique gurgite, et in obliquum praelati. duobus in conspectu hostium in prærapidum gurgitem haustis, ipse periisse creditus. at duo reliqui equites cum eo inter virgulta ulterioris ripæ emergerunt. Is finis Bocchari sequendi fuit, nec ingredi flumen auso, nec habere credenti se jam, quem sequeretur. Inde ⁶² vanus auctor absumpti Masinissæ ad regem rediit; missique, qui Karthaginem gaudium ingena nunciarent: ⁶³ totaque Africa fama mortis Masinissæ repleta varie animos adfecit. Masinissa in spelunca occulta, quum herbis curaret vulnus, duorum equitum latrocinio per dies aliquot vixit. ubi primum ducta cicatrix, patique posse visa jactationem, audacia ingenti pergit ire ad regnum repetendum: atque, in ipso itinere haud plus quadraginta equitibus conlectis, quum in Massylos, palam jam quis esset ferens, venisset, tantum motum quum favore pristino, tum gaudio insperato, quod, quem periisse crediderant, incolumem cernebant, fecit, ut intra paucos dies sex millia peditum armatorum, quatuor equitum, ad eum convenirent: jamque non in possessione modo paterni regni esset, sed etiam socios Karthaginensium populos Massesylorumque fines (id Syphacis regnum erat) vastaret. inde, irritato ad bellum Syphace, inter Cirtam Hipponemque in jugis opportunorum ad omnia montium consedit.

XXXIII. Majorem igitur eam rem Syphax ratus, quam ut per præfectum ageret, cum filio juvene (nomen Verminæ erat) parte exercitus missa, imperat, ut, circumducto agmine, in se intentum hostem ab tergo invadat. Nocte profectus Vermina, qui ex occulto adgressurus erat: Syphax autem interdium aperto itinere, ut qui, signis conlatis, acie dimicaturus esset, movit castra. Ubi tempus visum est, quo pervenisse jam circummissi videri poterant, et ipse leni clivo ferente ad hostem, quum multitudine fretus, tum præparatis ab tergo insidiis, per adversum montem erectam aciem ducit. Masinissa fiducia maxime loci, quo multo æquiore pugnaturus erat, et ipse dirigit suos. Atrox prælium et diu anceps fuit; loco et virtute militum Masinissam, multitudine, quæ

⁶² * *Vanus auctor absumpti Masinissæ*] Falso nuncians periisse Masinissam.

⁶³ *Totaque Africa fama mortis Masinissæ repleta, varie animos adfecit*] *Africa repleta fama mortis Masinissæ*, vix videtur digna Liviana elegantia locutio. Jam vero non satis intelligitur quid sibi velit, *Africa repleta fama varie affecti animos*.

Vide nam concinnitas multo et clarius, resecta voce *repleta*, legi possit: *Totaque Africa*, id est, per totam Africam, *fama mortis Masinissæ varie affecti animos*. Qui non intellexerant illud *tota Africa* in auferendi casu a Livio poni, explere sensum voluisse videntur assuto ille suo centone *repleta*.

nimio major erat, Syphacem juvante. Ea multitudo divisa, U. C. 548.
 quum pars a fronte urgueret, pars a tergo se circumfudisset, A. C. 204.
 victoriam haud dubiam Syphaci dedit: et ne effugium quidem
 patebat hinc a fronte, hinc ab tergo inclusis. Itaque ceteri pe-
 dites equitesque cæsi aut capti. ducentos ferme equites Masi-
 nissa circa se conglobatos, divisosque turmatim in tres partes,
 erumpere jubet; loco prædicto, in quem ex dissipata conve-
 nirent fuga. Ipse, qua intenderat, inter media tela hostium Masinissa
 evasit. duæ turmæ hæserunt: altera metu dedita hosti; perti- cum paucis
 nacior in repugnando telis obruta et confixa est. Verminam evadit.
 prope vestigiis instantem, ⁶⁴in alia atque alia flectendo itinera^o
 eludens, tædio et desperatione tandem fessum, absistere se-
 quendo coëgit. ipse cum sexaginta equitibus ad minorem Syr-
 tim pervenit. Ibi cum conscientia egregia sæpe repetiti regni
 paterni, inter ⁶⁵Punica Emporia gentemque ⁶⁶Garamantum
 omne tempus, usque ad C. Lælii classisque Romanæ adventum
 in Africam, consumsit. Hæc animum inclinant, ut cum modi-
 co potius, quam cum magno præsidio equitum, ad Scipionem
 quoque postea venisse Masinissam credam: quippe illa reg-
 nantis multitudo, hæc paucitas exsulis fortunæ conveniens est.

XXXIV. Karthaginienses, ala equitum cum præfecto Karthagi-
 amissa, alio equitatu per novum delectum comparato, Han- nienses no-
 nonem Hamilcaris filium præficiunt. Hasdrubalem subinde vum equita-
 ac Syphacem per literas nunciosque, postremo etiam per le- tum sibi
 gatos, arcessunt: Hasdrubalem opem ferre prope circum- comparant.
 sessæ patriæ jubent: Syphacem orant, ut Karthagini, ut uni-
 versæ Africæ subveniat. Ad Uticam tum castra Scipio, ferme
 mille passus ab urbe, habebat, translata a mari, ubi paucos
 dies stativa conjuncta classi fuerant. Hanno, nequaquam
 satis valido, non modo ad lacesendum hostem, sed ne ad tu-
 endos quidem a populationibus agros, equitatu accepto, id
 omnium primum egit, ut per conquisitionem numerum equi-
 tum augeret. nec aliarum gentium adspersatus, maxime ta-
 men Numidas (id longe primum equitum in Africa est genus)
 conduit. Jam ad quatuor millia equitum habebat, quum

• itinere Crev.

⁶⁴ *In alia atque alia flectendo iti-
 nere]* Dum flectit iter in alia atque
 alia loca. Ceterum hic legebatur
itinera. Quod quum minus placeret,
 correximus ex optimis plurimisque
 scriptis. Hoc loquendi genus quod
 restituimus, familiare est Livio, et
 longe elegantissimum.

⁶⁵ *Punica Emporia]* Intellige re-
 gionem, de qua supra, c. 25. De ea
 rursus, l. XXXIV. c. 62. sic habet
 noster: *Emporia vocant eam regio-
 nem. Ora est minoris Syrtis, et agri*

uberis. Una civitas ejus, Leptis.
 Non ita longe ab ea incolunt Gara-
 mantes, meridiem versus. Et memi-
 nisse oportet, Masinissam tunc huc
 illuc vagum errasse, et loca etiam a
 sese mutuo aliquantum dissita alterno
 cursu attingere potuisse.

⁶⁶ *Garamantum omne tempus us-
 que]* Hæc verba nobis solus exhibuit
 Victor. codex. Reliqui nostri, ut et
 ii quos Gronovius excussit, iis carent.
 Nihil tamen videmus, quare ea repu-
 diare debeamus.

U. C. 548.
A. C. 204.

Equestre
prælium.

Vincuntur
Karthagi-
nienses.

⁶⁷ Saleram nomine urbem occupavit; quindecim ferme millia ab Romanis castris. Quod ubi Scipioni relatum est, ⁶⁸ *Æstiva sub tectis equitatus!* (inquit) *sint^p vel plures, dum talem ducem habeant.* eoque minus ⁶⁹ sibi^q cessandum ratus, quo illi segnius rem agerent, Masinissam cum equitatu præmissum portis obequitare, atque hostem ad pugnam elicere, jubet. ubi omnis multitudo se effudisset, graviorque jam in certamine esset, quam ut facile sustineri posset, cederet^r paulatim; se in tempore pugnae obventurum. Tantum moratus, ⁷⁰ quantum satis temporis prægresso visum ad eliciendos hostes, cum Romano equitatu secutus, tegentibus tumultis, qui peropportune circa viæ flexus obpositi erant, occultus processit. Masinissa, ex composito, nunc terrentis, nunc timentis modo, aut ipsis obequitabat portis, aut cedendo, quum timoris simulatio audaciam hosti faceret, ad ⁷¹ insequendum^a temere eliciebat. Nondum omnes egressi erant, varieque dux fatigabatur, alios vino et somno graves arma capere, et frenare equos cogendo, aliis, ne sparsi et inconditi sine ordine, sine signis omnibus portis excurrerent, obsistendo. Primo incaute se evehentes Masinissa excipiebat: mox plures simul conferti porta effusi æquaverant certamen: postremo, jam omnis equitatus prælio quum adesset, sustineri ultra nequiere^t. Non tamen effusa fuga Masinissa, sed cedendo sensim, inpetus eorum excipiebat: donec ad tumultos tegentes Romanum equitatum pertraxit. Inde exorti equites, et ipsi integris viribus, et recentibus equis, Hannoni Afrisque pugnando ac sequendo fessis se circumfudere: et Masinissa, flexis subito equis, in pugnam rediit. Mille ferme, qui primi agminis fuerant, ut quibus haud facilis receptus fuit, cum ipso duce Hannone interclusi atque interfecti sunt. ceteros, ducis præcipue territos cæde, effuse fugientes ⁷² per tria^u

^p *Æst. s. t. agere equitatus; sint, inquit, Gron.* ^q *sibi del. Ead.* ^r *cedere Gron. Crev.* ^a *ad insequendum l. insequentem Ead.* ^t *nequiere Ead.* ^u *triginta Crev.*

⁶⁷ *Saleram*] Hoc nomen varie in MSS. habetur. Put. *Salæcam*: Victor. *Salecam*. Non absurde suspicatur Gronovius, eandem hanc urbem esse quæ Appiano dicitur Λόχα.

⁶⁸ *Æstiva sub tectis equitatus*] Supple *agit*. Hæc verba Scipionis sunt mirantis, quod equites suos Hanno tam molliter habeat, ut eos sinat æstiva sub tectis agere, non durare sub pellibus cogat. Vulgo hic legitur *æstiva sub tectis agere equitatus*. At verbum *agere* neque in nostris MSS. neque in iis quos inspexit Gronovius, reperitur.

⁶⁹ *Sibi cessandum*] Revocavimus

pronomen *sibi*, quod Sigonius ejecerat, libri nostri tuentur.

⁷⁰ *Quantum satis temporis prægresso visum*] Quantum credidit satis esse temporis, ut Masinissa, qui prægressus fuerat, posset elicere hostes ad pugnam.

⁷¹ *Insequentem temere eliciebat*] Sic dedit Gronovius ex Put. codice, ut ipse ait. At optimus hic liber habet *ad insequentem*: ita ut non temere movenda fuisse videatur recepta ante Gronovium lectio, *ad insequendum*.

⁷² *Per triginta millia passuum*] Hæc est scriptura Put. Cantabrig. et

millia passuum victores secuti, ad duo præterea millia U. C. 548.
equitum aut ceperunt, aut occiderunt. inter eos satis A. C. 204.
constabat, non minus ducentos Karthaginensium equites fu-
isse, et divitiis quosdam et genere inlustres.

XXXV. Eodem forte, quo hæc gesta sunt, die naves, quæ
prædam in Siciliam vexerant, cum commeatu rediere; velut
ominatæ, ⁷³ad prædam alteram repetendam sese venisse. Duos
eodem nomine Karthaginensium duces duobus equestribus
proeliis interfectos, non omnes auctores sunt: veriti, credo,
⁷⁴ne falleret bis relata eadem res. Coelius quidem et Valerius
⁷⁵captum etiam Hannonem tradunt. Scipio præfectos equi-
tesque, prout cujusque opera fuerat, ante omnes Masinissam,
insignibus donis donat. et, firmo præsidio Saleræ inposito,
ipse cum cetero exercitu profectus, non agris modo, qua- Scipio po-
cumque incedebat, populatis, sed urbibus etiam quibusdam pulatur
vicisque expugnatis, late fuso terrore belli, septimo die, quam Africanam.
profectus erat, magnam vim hominum et pecoris et omnis
generis prædæ trahens, in castra redit; gravesque iterum
⁷⁶hostilibus^u spoliis naves dimittit. Inde, omissis expeditio-
nibus parvis populationibusque, ad obpugnandam Uticam
omnes belli vires convertit: eam deinde, si cepisset, sedem
ad cetera exsequenda habiturus. Simul et a classe ⁷⁷navales Uticam ob-
socii, qua ex parte urbs mari adluitur, simul et terrestres ex- pugnat.
ercitus ab imminente prope ipsis moenibus tumultu est admo-
tus. Tormenta machinasque et advexerat secum, et ex
Sicilia missa cum commeatibus erant: et nova in armamen-
tario, multis talium operum artificibus de industria inclusis,
fiebant. Uticensibus tanta undique mole circumsessis in
Karthaginiensi populo, Karthaginensibus in Hasdrubale
⁷⁸ita, si is movisset Syphacem, spes omnis erat. sed deside-
rio indigentium auxilii^x tardius cuncta movebantur. Has- Hasdruba-
drubal, intentissima conquisitione quum ad triginta millia lis et Sy-
peditum, tria equitum confecisset, non tamen ante adventum phacis in-
Syphacis castra propius hostem movere est ausus. Syphax gentes co-
cum quinquaginta millibus peditum, decem equitum advenit: pia.

^u hostium Crev.

^x auxilia Gron.

multorum aliorum codicum: quam
quidem anteferendam putavit Jac.
Gronovius ei quæ vulgabatur hacte-
nus, *per tria millia passuum*. Nec
vero magna laude digna videtur illa
in persequendo constantia, si eques
victor fugientem hostem *per tria*
millia, hoc est unius leucæ spatium,
insequatur. At *triginta millia* nonne
solitum et credibilem persequendi
modum excedunt?

⁷³ *Ad prædam alteram repetendam*] Ultimam vocem omittit Rhenani li-
ber, et noster Victorius. Nec sane

ea quidquam est opus.

⁷⁴ *Ne falleret*] Ne bis unam rem
per imprudentiam narrarent.

⁷⁵ * *Captum etiam Hannonem*] Non
interfectum, ut supra memoratum
est.

⁷⁶ *Hostium spoliis*] Omnes nostri
codices, ut et duo a Gronovio memo-
rati, *hostilibus spoliis*.

⁷⁷ *Navales socii*] Classici milites.
Vid. not. 52. ad l. XXVI. c. 28.

⁷⁸ * *Ita, si is*] Modo tamen is Sy-
phacem impulisset ad bellum.

U. C. 548. **confestimque** motis ab Karthagine castris, haud procul Utica
 A. C. 204. **munitionibusque** Romanis consedit. Quorum adventus hoc
 Scipio rece- **tamen momenti** fecit, ut Scipio, quum quadraginta ferme
 dit ab Uti- **dies nequidquam omnia experiens** obsedisset Uticam, absce-
 ca. **deret inde irrita incepto.** et^x (⁷⁹jam enim hiems instabat)
castra hiberna in promontorio, ⁸⁰quod tenui jugo continenti
adhærens in aliquantum maris spatium extenditur, commu-
nit: ⁸¹uno vallo et **navalia**^y castra amplectitur. jugo medio
legionum castris inpositis, ⁸²litus ad septentrionem versum
subductæ naves navalesque socii tenebant: meridianam val-
lem ad alterum litus devexam equitatus. Hæc in Africa
usque ad extremum autumnii gesta.

Commea-
 tus ad Sci-
 pionem ad-
 vecti.

Sempronius
 Cos. cum
 Hannibale
 male pug-
 nat.

XXXVI. Præter convectum undique ex populatis circa
 agris frumentum, commeatusque ex Sicilia atque Italia ad-
 vectos, Cn. Octavius proprætor ex Sardinia ab Ti. Claudio
 prætore, cujus ea provincia erat, ingentem vim frumenti ad-
 vexit: horreaque non solum, quæ jam facta erant, repleta,
 sed nova ædificata. Vestimenta exercitui deerant. id man-
 datum Octavio, ut cum prætore ageret, si quid ex ea pro-
 vincia comparari ac mitti posset. ea quoque haud segniter
 curata res. ⁸³Mille ducentæ togæ brevi spatio, et^z duode-
 cim milia tunioarum missa. Æstate ea, qua hæc in Africa
gesta sunt, P. Sempronius consul, cui Bruttii provincia
 erat, in agro Crotoniensi cum Hannibale in ipso itinere tu-
 multuario prælio conflixit. ⁸⁴agminibus magis, quam acie,
 pugnatum est. Romani pulsi, et tumultu verius, quam
 pugna, ad^a mille et ducenti de exercitu consulis interfecti:
 in castra trepide reditum. Neque obpugnare tamen ea hos-
 tes ausi. ceterum silentio proximæ noctis profectus inde con-
 sul, præmisso nuncio ad P. Licinium proconsulem, ut suas

^x et del. Gron. Crev. sublati parentheses signis. ^y *navalia* Eæd. ^z et
 del. Eæd. ^a ad del. Eæd.

⁷⁹ *Jam enim hiems instabat.* Cas-
 tra] Tres e nostris libris etiam enim:
 unus, et enim. Videtur legendum, ut
 jam olim voluerat Rhenanus, *Et (jam*
enim hiems instabat) castra .. commu-
nit.

⁸⁰ *Quod tenui jugo]* Hic locus post-
 ea a Scipionis hibernis dictus est *Corneliana* sive *Cornelia castra*, quo eum
 nomine appellant Cæsar, de Bello Ci-
 vili, l. II. Plinius, l. V. c. 4. *Adhæ-
 rens continenti, sive terræ, per tenue
 jugum instar isthmi angusti.

⁸¹ *Uno vallo et navalia castra*
amplectitur] Hoc parum clarum est.
 Rhenani liber, ipso teste, habuit *et*
navalia castra. Verum videtur id
 quod ex uno e suis affert Gronovius,
et navalia et castra. Lege ea quæ

mox sequuntur. Nihil clarius.

⁸² *Littus ad Septentrionem . . . ad*
alterum littus] Magna codicum Gro-
 novianorum manus, consentientibus
 nostris, pro voce *littus* utrobique ex-
 hibet *latus*: quod fortasse commodius
 videbitur. Possumus tamen intelli-
 gere jugum illud ita porrectum esse
 in altum, ut mari tum a septentrione,
 tum a meridie cingeretur: sicque ni-
 hil erit mutatione opus. Cetera hu-
 jus loci recte se habent, licet varient
 scripti.

⁸³ *Mille ducentæ togæ]* Vid. not.
 68. ad l. XXII. c. 54.

⁸⁴ * *Agminibus magis quam acie*
pugnatum est] Vid. supra not. 61. ad
 XXI. 57.

legiones admovebat, copias conjunxit. ita duo duces, duo ex- U. C. 548.
ercitus ad Hannibalem redierunt. nec mora dimicandi facta A. C. 204.
est: quum consuli duplicatæ vires, Pœno recens victoria
animo esset. In primam aciem suas legiones Sempronius
induxit: in subsidiis locatæ P. Licinii legiones. Consul Hanniba-
principio pugnae ædem ⁸⁵ Fortunæ Primigeniæ vovit, si eo lem acie
die hostes fudisset: composque ejus voti fuit. Fusi ac fugati vincit.
Pœni: supra quatuor millia armatorum cæsa: paullo minus
trecenti vivi capti, et equi quadraginta, et undecim militaria
signa. Percussus adverso proelio Hannibal Crotonem ex-
ercitum abduxit. Eodem tempore M. Cornelius consul ⁸⁶ in ^b Cornelius
altera parte Italiæ non tam armis, quam judiciorum terrore, Cos. Etru-
Etruriam continet, totam ferme ad Magonem, ac per eum ad riam in of-
spem novandi res, versam. Eas quæstiones ex senatuscon- ficio conti-
sulto ⁸⁷ minime ambitiose habuit. multique nobiles Etrusci, net.
qui aut ipsi ierant, aut miserant ad Magonem de populorum
suorum defectione, primo ⁸⁸ præsentibus erant condemnati;
postea, conscientia sibimet ipsi exsilium consciscentes, quum
absentes damnati essent, corporibus subtractis, bona tantum,
quæ publicari poterant, ⁸⁹ pignoranda pœnæ præbebant.

XXXVII. Dum hæc consules diversis regionibus agunt,
censores interim Romæ M. Livius et C. Claudius senatum Livii et
recitaverunt. Princeps iterum lectus Q. Fabius Maximus. Claudii cen-
notati septem: nemo tamen, qui sella curuli sedisset. ⁹⁰ Sar- sura.
ta tecta acriter et cum summa fide exegerunt. viam e foro
Boario ad Veneris, ⁹¹ et circa foros publicos, et ædem Ma-
tris Magnæ in Palatio faciendam locaverunt. Vectigal etiam
novum ex salaria annona statuerunt. ⁹² sextante sal et Ro-

^b in del. Gron.

⁸⁵ *Fortunæ Primigeniæ*] *Fortuna Primigenia* dicta videtur ea, quæ pri-
mum natis adesse crederetur. Huic
templum antiquitus condiderat dica-
ratque Servius Tullius, teste Plut. in
Quæst. Rom. et lib. de Fort. Romano-
rum: gratum ei videlicet animum
testatus, quod se a primo ortu excep-
tum fovisset deinde semper, ac præ-
senti ope sustentasset ac provexisset.

⁸⁶ *In altera parte Italiæ*] Om-
nes nostri, ut et Sigonii liber, adjiciunt
præpositionem, quæ in vulgatis
omittitur.

⁸⁷ *Minime ambitiose*] Ita ut nemi-
nis gratiam captaret, sed spectaret
tantum, quodnam cujusque meritum
esset: uno verbo, severe. Supra c.
16. *Scipionis in eo* (in Pleminii scelere)
ambitio.

⁸⁸ *Præsentibus erant condemnati*] Ad-
jecimus verbum *erant*, ex scriptis et
vett. editis.

⁸⁹ *Pignoranda pœnæ præbebant*] Subjicienda pœnæ præbebant, tan-
quam aliquod pignus pro corporibus,
quæ subtraxerant.

⁹⁰ *Sarta tecta*] *Opera publica*, in-
quit Festus, *quæ locantur ut integra
præstentur, sarta tecta vocantur. Et-
enim sarcire est integrum facere.* Exi-
gunt igitur censores sarta tecta, dum
cogunt redemptores ædificia publica,
quæ tuenda conduxerunt, integra
præstare.

⁹¹ *Et circa foros publicos*] Et circa
viam illam, vel fortasse, circa forum
Boarium, foros publicos. *Foros* expo-
nit ipse Livius, l. I. c. 35. in Circo
locos unde spectarentur ludi, quæ vo-
cat Festus *Circensia spectacula*. Num
igitur hic quoque *foros publicos* intelli-
gemus spectacula, sive locos ex qui-
bus spectarentur ludi gladiatorii, qui
interdum in foro Boario ederentur?

⁹² * *Sextante sal . . erat*] Salis men-
sura quædam, (quæ quum vulgo cog-
nita esset, a Livio non exprimitur)

U. C. 548. mæ et per totam Italiam erat. Romæ pretio eodem, pluris
 A. C. 204. in ⁹³ foris et conciliabulis, et alio alibi pretio præbendum
 locaverunt. Id vectigal commentum alterum ex censori-
 bus satis credebant, populo iratum, quod iniquo iudicio
 quondam damnatus esset: et in pretio salis maxime one-
 ratas tribus, quarum opera damnatus erat, credebant. in-
 de Salinatori Livio inditum cognomen. Lustrum condi-
 tum serius, quia per provincias dimiserunt censores, ut ci-
 vium Romanorum in exercitibus, quantus ubique esset, re-
 ferretur numerus. Censa cum iis ⁹⁴ ducenta decem quatuor
 millia hominum. condidit lustrum C. Claudius Nero.
⁹⁵ Duodecim deinde coloniarum, (quod numquam antea fac-
 tum erat) deferentibus ipsarum coloniarum censoribus, cen-
 sum acceperunt: ut, quantum numero militum, quantum
 pecunia valerept, in publicis tabulis monumenta exstarent.
 Equitum deinde census agi cœptus est: et ambo forte cen-
 sores equum publicum habebant. Quum ad tribum Polliam
 ventum est, in qua M. Livii nomen erat, et præco cuncta-
 retur citare ipsum censorem; *Cita*, inquit Nero, *M. Li-
 vium*. et, sive ex residua et vetere similtate, sive intempe-
 stiva jactatione severitatis inflatus, M.^c Livium, quia populi
 iudicio esset damnatus, ⁹⁶ equum vendere jussit. item M.
 Livius, quum ad tribum Arniensem^d et nomen collegæ ven-
 tum est, vendere equum C. Claudium jussit, duarum rerum
 causa; unius, quod falsum adversus se testimonium dixis-
 set; alterius, quod non sincera fide secum in gratiam rediis-
 set. Itaque ibi foedum certamen inquinandi famam alterius,
 cum suæ famæ damno, factum est. Exitu censuræ ⁹⁷ quum
 in leges jurasset C. Claudius, et in ærarium escendisset, in-
 ter nomina eorum, ⁹⁸ quos ærarios relinquebat, dedit collegæ

Census.

Certamen
notarum
inter censo-
res.^c M. del. Gron. Crev.^d Narniensem Ead.venibat sextante, sive sexta assis par-
te.⁹³ *Foris et conciliabulis*] Vid. not.
32. ad l. XXV. c. 5.⁹⁴ *Ducenta XIV. millia*] Grono-
vius edidit ex quibusdam scriptis, qui-
bus consonant e nostris duo, *ducenta
decem quatuor millia*. Sed quis un-
quam sic locutus est? *et decem qua-
tuor* nihil aliud videtur esse, quam
ludibrium imperitorum librariorum,
qui notas numerorum XIII. quum
uno verbo *quatuordecim* reddere debe-
rent, male diviserunt in duas voces.
Nos ipsammet scripturam duorum e
nostris codd. expressimus, nisi quod
illi XIII. non XIV.⁹⁵ **Duodecim deinde coloniarum*]
Vid. supra c. 15.⁹⁶ *Equum vendere*] Equum pub-
licum, ad quem emendum alendum-
que pecunia e publico præbebatur, ut
docet Livius l. I. c. 43. Qui equum
vendere a censore jubebantur, jam
equestrem ordinem amittebant.⁹⁷ *Quum in leges jurasset*] Magis-
tratum deponentibus jurare mos erat.
Exemplum insigne habes apud Cic.
Ep. secunda l. V. ad Fam. Colligitur
autem ex Plinii Panegyrico hanc fuis-
se hujus jurisjurandi formulam, ut ju-
rarent ii qui abibant magistratu, se
nihil contra leges fecisse. Sic enim
ille ad Trajanum: *Abiturus consulatu
jurasti te nihil contra leges fecisse*.
Ideo dicebantur *jurare in leges*.⁹⁸ *Quos ærarios relinquebat*] Vid.
not. 25. ad l. IV. c. 24.

nomen. Deinde M. Livius in ærarium venit, et, præter U. C. 548. Mæciam tribum, quæ se nec condemnasset, neque condem- A. C. 204. natum aut consulem aut censorem fecisset, populum Romanum omnem, quatuor et triginta tribus, ærarios reliquit: quod et innocentem se condemnassent, et condemnatum consulem et censorem fecissent: neque inficiari possent, aut iudicio semel, aut comitiis bis ab se peccatum esse. Inter quatuor et triginta tribus et C. Claudium ærarium fore. quod si exemplum haberet bis eundem ærarium relinquendi, C. Claudium nominatim se inter ærarios fuisse relicturum.⁹⁹ Prævum certamen notarum inter censores: castigatio inconstantiae populi censoria, et gravitate temporum illorum digna. In invidia censores quum essent, crescendi ex his ratus esse occasionem Cn. Bæbius tribunus plebis diem ad populum utrique dixit. Ea res consensu Patrum discussa est, ne postea obnoxia¹ populari auræ censura esset.

XXXVIII. Eadem æstate in Brutiis Clamptia a consule vi capta, Consentia et Pandosia, et ignobiles aliæ civitates, voluntate in ditionem venerunt. Et, quum comitiorum jam adpeteret tempus, Cornelium potius ex Etruria, ubi nihil belli erat, Romam adiri placuit. Is consules Cn. Servilium Cæpionem et C. Servilium Geminum creavit. Inde prætoria comitia habita. creati P.^o Cornelius Lentulus, P. Quinctilius Varus, P. Ælius Pætus, P. Villius Tappulus. Hi duo, quum ædiles plebis essent, prætores creati sunt. Consul, comitiis perfectis, ad exercitum in Etruriam rediit. Sacerdotes eo anno mortui, atque in locum eorum subfecti; Ti. Veturius Philo flamen Martialis, in locum M. Æmilii Regilli, qui priore anno mortuus erat, creatus inauguratusque: et in M. Pomponii Mathonis auguris et decemviri locum creati, decemvir M. Aurelius Cotta, augur Ti. Sempronius Gracchus admodum adolescens, quod tunc perrarum in mandandis sacerdotiis erat. Quadrigæ aureæ eo anno in Capitolio positæ ab ædilibus curulibus, C. Livio et M. Servilio Gemino. Et ludi Romani biduum instaurati. Idem per biduum plebei ad ædilibus P. Ælio, P. Villio: et Jovis epulum fuit ludorum causa.

^c Cn. Gron. Crev.

⁹⁹*Prævum certamen notarum inter censores] Prævum haberi debet certamen illud censorum sese mutuo notantium. At castigatio inconstantiae

populi censorem decebat.

¹*Populari auræ] Levitati multitudinis, quæ non minus mobilis est quam aura.

EPITOME LIBRI XXX.

IN Africa Scipio Karthaginienses et eundem Syphacem Numidarum regem Hasdrubalemque pluribus praeliis vicit, adjuvante Masinissa, binaque hostium castra expugnavit: in quibus quadraginta millia hominum ferro ignique consumta sunt. Syphacem per C. Laelium et Masinissam cepit. Masinissa Sophonisbam, uxorem Syphacis, filiam Hasdrubalis, captam ¹ statim adamavit, et, nuptiis factis, uxorem habuit. castigatus a Scipione venenum ei misit: quo hausto illa decessit. Effectumque est multis Scipionis victoriis, ut Karthaginienses, in desperationem acti, in auxilium publicæ salutis Hannibalem ex Italia revocarent. isque, anno decimosexto ² Italia decedens, in Africam trajecit, tentavitque per conloquium pacem cum Scipione componere: et, quum de conditionibus pacis non convenisset, acie victus est. Pax Karthaginiensibus data est petentibus. Hannibal Gisgonem, pacem dissuadentem, manu sua detraxit: excusata deinde temeritate facti, ipse pacem suasit. Mago, qui ³ bello in agro Insubrium cum Romanis conflixerat, vulneratus, dum in Africam per legatos revocatus revertitur, ex vulnere mortuus est. Masinissæ regnum restitutum est. Reversus in urbem Scipio amplissimum nobilissimumque egit triumphum, quem Q. Terentius Culleo senator pileatus secutus est. Scipio Africanus (incertum militari prius favore, an populari aura ita cognominatus) primus certe hic imperator victæ a se nomine gentis nobilitatus est.

¹ Statim adamavit] Gronoviana editiones habent *adamat*. Sed quum cetera omnia in hac epitome verba per præteritum tempus efferantur, prætulimus *adamavit*, quod habent Campanus, Andreas, et unus ex Hear-

nii codd.

² Italia decedens] Sic plane Campanus: Andreas, *descedens*. Vulgati *discedens*, minus proprie.

³ Bello] Prælio.

T. LIVII PATAVINI

LIBER XXX.

U. C. 549.
A. C. 203.

Provinciis.

Lans P. Li-
cinius.

CN. Servilius Cæpio et C. Servilius Geminus consules, (sexthus decimus is annus belli Punici erat) quum de republica belloque et provinciis ad senatum retulissent, censuerunt Patres, ut consules inter se compararent, sortirenturque, uter Bruttios adversus Hannibalem, uter Etruriam ac Ligures provinciam haberet. Cui Bruttii evenissent, exercitum¹ a P. Sempronio^a acciperet. P. Sempronius (ei quoque enim proconsuli imperium in annum prorogabatur) P. Licinio subcederet: is Romam reverteretur, bello quoque bonus habitus² ad cetera, quibus nemo ea tempestate instructior civis habebatur, congestis omnibus humanis a natura fortunaque bonis. Nobilis idem ac dives erat: forma viribusque corporis excellibat. Facundissimus habebatur, seu causa oranda,³ seu in senatu ad^b populum suadendi ac dissuadendi locus esset: ⁴juris pontificii peritissimus. Super hæc, ⁵bellicæ quoque laudis^c consulatus compotem fecerat. Quod in Brutiis provincia, idem in Etruria ac Liguribus decretum. M. Cornelius novo consuli tradere exercitum jussus: ipse, prorogato imperio, Galliam provinciam obtinere cum legionibus iis, quas prætor L. Scribonius priore anno habuisset. Sortiti deinde provincias: Cæpioni Bruttii, Servilio Geminio Etruria evenit. Tum prætorum provinciæ in sortem conjectæ.

^a add. *Consule Gron.*

^b et ad Ead.

^c *laudes Ead.*

¹ *A P. Sempronio]* Sigonius adjecterat *consule*: quam vocem respuunt nostri codices, et merito quidem. Quum enim inierint consulatum Cn. et C. Servilii, jam P. Sempronius non est consul.

² *Ad cetera]* Præter ceteras laudes et ornamenta, quibus ita abundabat, ut nemo iis instructior per illa tempora civis haberetur.

³ *Seu in senatu, ad populum]* Elegans asyndeton, quod tuentur libri nostri cum Gronovianis optimis. Male inserta fuerat particula *et* in vulgatis.

⁴ *Juris pontificii peritissimus]* Pon-

tifex maximus P. Licinius erat. Ideo laudatur in eo peritia juris pontificii.

⁵ *Bellicæ quoque laudis consulatus compotem fecerat]* Hæc est lectio veterum editorum et scriptorum fere omnium. Gruterus dederat *Bellicæ quoque laudes consulatus compotem fecerant*: eique obsecuti fuerant editores. Profecto contra Livii mentem. Nihil enim omnino ab eo memoratum est ante consulatum Crassi, unde ille bellator haberetur. Non igitur, ut recte observat Gronovius, vult Livius eum consulem factum quia bellator erat, sed consulatum ei occasionem dedisse bellicæ sibi parandæ laudis.

Jurisdictionem urbanam Pætus Ælius, Sardiniam P.^d Lentulus, Siciliam P. Villius, Ariminum cum duabus legionibus (sub Lucretio Spurio eæ fuerant) Quinctilius Varus est sortitus. Et Lucretio prorogatum imperium, ut Genuam oppidum a Magone Pœno dirutum exædificaret. P. Scipioni, non temporis, sed rei gerendæ fine, donec debellatum in Africa foret, prorogatum imperium est: decretumque, ut supplicatio fieret, quod is in Africam provinciam trajecisset, ut ea res salutaris populo Romano ipsique duci atque exercitui esset.

II. In Siciliam tria millia militum sunt scripta. et, quia, quod roboris ea provincia habuerat, in Africam transvectum fuerat, ⁶ ne qua classis ex Africa trajiceret, quadraginta navibus custodiri placuerat Siciliæ maritimam oram. Tredecim novas naves Villius secum in Siciliam duxit: ceteræ in Sicilia veteres resectæ. Huic classi M. Pomponius, prioris anni prætor, prorogato imperio præpositus, novos milites ex Italia advectos in naves inposuit. Parem navium numerum ⁷ Cn. Octavio, prætori item prioris anni, cum pari jure imperii ad tuendam Sardiniae oram Patres decreverunt. Lentulus prætor duo millia militum dare in naves jussus. Et Italiae ora, quia incertum erat, quo missuri classem Karthaginienses forent, (videbantur autem, quidquid nudatum præsidii esset, petitori) M. Marcio, prætori prioris anni, cum totidem navibus tuenda data est. tria millia militum in eam classem ex decreto Patrum consules scripserunt, et duas legiones urbanas ad incerta belli. Hispaniæ cum exercitibus imperioque veteribus imperatoribus, L. Lentulo et L. Manlio Acidino, decretæ. Viginti omnino legionibus, et centum sexaginta navibus longis res Romana eo anno gesta. Prætores in provincias ire jussi. Consulibus imperatum, priusquam ab urbe profiscerentur, ⁸ ludos magnos facerent, quos T. Manlius Torquatus dictator in quintum annum vovisset, si

Legiones
20. naves
160.

^d Cn. Gron. Crev.

⁶ *Ne qua classis*] Put. liber, et qui ante qua classis: ceteri eodem alludunt. Videtur tota sic formanda periphrasis; In Siciliam tria millia militum sunt scripta, et quia, quod roboris ea provincia habuerat, in Africam transvectum fuerat; et quia, ne qua classis ex Africa trajiceret, quadraginta navibus custodiri placuerat Siciliæ maritimam oram. Duplex ergo ratio affertur, cur scripta fuerint hæc tria militum millia in Siciliam: una, quod insula non satis firmo tenebatur præsidio; altera, ut hi novi milites imponerentur in naves quibus custodiri

placebat maritimam oram: idque revera factum paulo post memoratur.

⁷ *Cn. Octavio prætori item prioris anni*] Cn. Octavius prætor biennio ante fuerat. Anno priore, prorogato imperio, jussus erat Sardiniae oram cum quadraginta navibus tueri. Vid. l. XXVIII. c. 38. et l. XXIX. c. 13. Ceterum, sive memoria lapsus Livius, sive abusus nomine prætoris, Cn. Octavianum prætorem appellet, non raro occurrunt apud eum, hujusmodi exempla. Vid. not. 2. ad l. XXVI. c. 1.

⁸ *Ludos magnos, quos T. Manlius*] Vid. supra l. XXVII. c. 33.

U. C. 549.
A. C. 203.
Prodigia.

eodem statu respublica staret. Et novas religiones excitabant in animis hominum prodigia, ex pluribus locis nuntiata. Aurum in Capitolio corvi non lacerasse tantum rostris crediti, sed etiam edisse. Mures Antii coronam auream adrosere. Circa Capuam omnem agrum locustarum vis ingens, ita ut, unde advenissent, parum constaret, complevit. Equuleus Reate cum quinque pedibus natus. Anagninæ sparsi primum ignes in cœlo, dein fax ingens arsit. Frusinone arcus solem tenui linea amplexus est; circulum deinde ipsum major solis orbis extrinsecus inclusit. Arpini terra campestri agro in ingentem sinum consedit. Consul alteri, primam hostiam immolanti, ⁹caput jecinoris defuit. Ea prodigia majoribus hostiis procurata. editi a collegio pontificum Dii, quibus sacrificaretur.

Res gestæ
in Africa.

III. Iis transactis, consules prætoresque in provincias profecti. omnibus tamen, velut eam sortitis, Africæ cura erat; seu quia ibi summam rerum bellicue verti cernebant; seu ut Scipioni gratificarentur, in quem tum omnis versa civitas erat. Itaque non ex Sardinia tantum, (sicut ante dictum est) sed ex Sicilia quoque et Hispania vestimenta, frumentumque, et arma etiam ex Sicilia, et omne genus commeatus eo portabantur. Nec Scipio ullo tempore hiemis belli opera remiserat, quæ multa simul undique eum circumstabant. Uticam obsidebat. castra in conspectu Hasdrubalis erant. Karthaginienses deduxerant naves. classem paratam instructamque ad commeatus intercipiendos habebant. Inter hæc ne Syphacis quidem reconciliandi curam ex animo miserat; si forte jam^e satias amoris in uxore ex multa copia cepisset. Ab Syphace magis pacis cum Karthaginiensibus conditiones, ut Romani Africa, Pœni Italia excederent, quam, si bellaretur, spes ulla desciturum adferebatur. Hæc per nuncios magis equidem acta crediderim, (et ita pars major auctores sunt) quam ipsum Syphacem, ut Antias Valerius prodit, in castra Romana ad colloquium venisse. Primo eas conditiones imperator Romanus vix auribus admisit. postea, ut caussa probabilis suis commeandi foret in castra hostium, mollius eadem illa abnuere, ac spem facere, sæpius ultro citroque agitantibus rem conventuram. Hibernacula Karthaginiensium, congesta temere ex agris materia exædificata, lignea ferme tota erant. ¹⁰Nu-

Castra Hasdrubalis et Syphacia.

^e cum Gron. Crev.

⁹ Caput jecinoris] Tres e nostris, ut et Gronoviani permulti, jecinoris. Vid. not. 68. ad l. VIII. c. 9.

¹⁰ Numidæ præcipue] Paulo intricatior hic est verborum ordo, quæ sic digerere videmur posse. Numidæ præcipue passim nullo ordine hiberna-

culis arundine textis, pars maxima, (plerique eorum) storea quoque tectis, habitabant; quidam extra fossam etiam vallumque, ut in locis sine imperio occupatis. Storea efficitur e palea, vel ulva texta.

midæ præcipue arundine textis, storeaque pars maxima U. C. 549.
tectis, passim nullo ordine, quidam, ut sine imperio oc- A. C. 203.
cupatis locis, extra fossam etiam vallumque habitabant.
Hæc relata Scipioni spem fecerant castra hostium per oc-
casione[m] incendendi.

IV. Cum legatis, quos mitteret ad Syphacem, calonum loco ¹¹ primos ordines spectatæ virtutis atque prudentiæ servili habitu mittebat; qui, dum in conloquio legati essent, vagi per castra, alius alia, aditus exitusque omnes, situm formamque et universorum castrorum, et partium, qua Pœni, qua Numidæ haberent, quantum intervalli inter Hasdrubalis ac regia castra esset, specularentur: moremque simul noscerent stationum vigiliarumque: nocte, an interdiu opportuniore[m] insidianti essent. Et inter crebra conloquia alii atque alii de industria, quo pluribus omnia nota essent, mittebantur. Quum sæpius agitata res certiore[m] spem pacis in dies et Syphaci et Karthaginiensibus per eum faceret; legati Romani *vetitos se reverti ad imperatorem aiunt, nisi certum responsum detur.* ¹² Proinde, seu ipsi staret jam sententia, seu consulendus Hasdrubal et Karthaginienses essent, consuleret. Tempus esse, aut pacem componi, aut bellum naviter geri. Dum consulitur Hasdrubal ab Syphace, ab Hasdrubale Karthaginienses; et speculatores omnia visendi, et Scipio ad comparanda ea, quæ in rem erant, tempus habuit. et ex mentione ac spe pacis neglegentia, ut fit, apud Pœnos Numidamque orta cavendi, ne quid hostile interim paterentur. Tandem relatum responsum, quibusdam (quia nimis cupere Romanus pacem videbatur) iniquis per occasionem adjectis; quæ peropportune cupienti tollere inducias Scipioni causam præbuere. ac nuncio regis, quum relaturum se ad consilium dixisset, postero die respondit, *Se uno frustra tendente, nulli alii pacem placuisse. Renunciaret igitur, nullam aliam spem pacis, quam relictis Karthaginiensibus, Syphaci cum Romanis esse.* Ita tollit inducias, ut libera fide incepta exsequeretur: deductisque navibus (et jam veris principium erat) machinas tormenta[m]que, velut a mari adgressurus Uticam, inponit. Et duo millia militum ad capiendum, quem antea tenuerat, tumultum super Uticam mittit: simul ut ab eo, quod parabat, in alterius rei curam converteret hostium animos: simul ne qua, quum ipse ad Syphacem Hasdrubalemque profectus esset, eruptio ex urbe et inpetus in castra sua, relictæ cum levi præsidio, fieret.

¹¹ *Primos ordines*] Primorum ordinum centuriones. Vid. not. 88. ad l. X. c. 85.

¹² *Proinde, seu ipsi staret jam sen-*

tentia] Supple, daret statim responsum, vel aliud quid simile. Verbum enim *consuleret* hic locum non habet. Vid. not. 84. ad l. III. c. 67.

U. C. 649.
A. C. 203.
Incensa a
Scipione.

V. His præparatis, advocatoque consilio, edicere exploratoribus jussis, quæ comperta adferrent, Masinissaque, cui omnia hostium nota erant; postremo ipse, quid pararet in proximam noctem, proponit. Tribunis edicit, ut, ubi, ¹³ prætorio dimisso, signa concinuissent, extemplo educerent castris legiones. Ita, ut imperaverat, signa sub occasum solis efferri sunt coepta. ad primam ferme vigiliam agmen explicaverunt: media nocte (septem enim millia itineris erant) modico gradu ad castra hostium perventum. Ibi Scipio partem copiarum Lælio, Masinissamque ac Numidas, adtribuit: et castra Syphacis invadere, ignesque conjicere jubet. ¹⁴ Singulos deinde separatim, Lælium ac Masinissam, seductos obtestatur, ut, quantum nox providentia adimat, tantum diligentia expleant curaque. Se Hasdrubalem Punicaque castra adgressurum. Ceterum non ante coepturum, quam ignem ¹⁵ in regiis castris conspexisset. Neque ea res morata diu est. nam, ut ¹⁶ proximis casis injectus ignis hæsit, extemplo proxima quæque, et deinceps continua amplexus, totis se passim dissipavit castris. Et trepidatio quidem, ¹⁷ quanta necesse erat, in nocturno effuso tam late incendio orta est: ceterum, fortuitum, non hostilem ac bellicum, ignem rati esse, sine armis ad restinguendum incendium effusi, in armatos incidere hostes, maxime Numidas, ab Masinissa notitia regionum castrorum ad exitus itinerum idoneis locis dispositos. Multos in ipsis cubilibus semisomnos hausit flamma: multi in præcipiti fuga, ruentes super alios alii, in angustiis portarum obtriti sunt.

VI. Relucentem flammam primo vigiles Karthaginensium, deinde excitati alii nocturno tumultu quum conspexissent, ab eodem errore credere et ipsi sua sponte incendium ortum. et clamor inter cædem et vulnera sublatus, ¹⁸ an ex trepidatione nocturna esset, confusus, sensum veri adimebat. Igitur pro se quisque inermes, ut quibus nihil hostile

¹³ *Prætorio dimisso*] Vid. not. 47. ad XXI. 54.

¹⁴ * *Singulos*] Singulos deinde separatim a sese invicem, Lælium, inquam, et Masinissam, seductos a vulgo et turba, obtestatur. Videtur Livius ideo expressisse nomina Lælii et Masinissæ, ut restringeret vocem singulos, quæ latioris significationis esse poterat.

¹⁵ *In regiis castris*] Sic omnes nostri codd. et unus Hearnii, consentientibus vet. editis. Vulgo nunc in regis.

¹⁶ *Proximis casis*] Gronovius recte legi jubet *primis*, tum quia sequitur

proxima quæque, tum quia Polybius, quem hic noster exscribit, habet τὰς πρώτας καὶ ἐκείνας.

¹⁷ *Quanta necesse erat*] Forte quantum. Gronovius.

¹⁸ *An ex trepidatione nocturna esset, confusus*] Durum est profecto, sed tamen videtur exponi posse: clamor confusus, sive incertus an ex trepidatione nocturna esset: id est, qui an oriretur ex illa trepidatione, quæ nocturnum incendium comitari solet, incertum erat. Non dissimiliter L. XXIX. supra c. 6. *ni clamor ab his qui extra arcem erant sublatus, incertum unde accidisset. . . faceret.*

suspectum esset, omnibus portis, qua cuique proximum U. C. 549.
 erat, ea modo, quæ restinguendo igni forent, portantes, in A. C. 203.
 agmen Romanum ruebant. Quibus cæsis omnibus, præter-
 quam hostili odio, etiam ne quis nuncius effugeret, exem-
 plo Scipio neglectas, ut in tali tumultu, portas invadit: ig-
 nibusque in proxima tecta coniectis, effusa flamma primo
¹⁹ veluti sparsa pluribus locis reluxit, dein per continua ser-
 pens, uno repente omnia incendio hausit. Ambusti homines
 jumentaue foeda primum fuga, dein strage, obruerant iti-
 nera portarum. Quos non obpresserat ignis, ferro absumti:
 binaque castra clade una deleta. Duces tamen ambo, et ex
 tot millibus armatorum duo millia peditum et quingenti
 equites semiermes; magna pars saucii, adflatique incendio,
 effugerunt. Cæsa aut hausta flammis quadraginta millia
 hominum sunt, capta supra quinque milia: multi Kartha-
 giniensium nobiles, undecim senatores, signa militaria cen-
 tum septuaginta quatuor, equi Numidici supra duo millia
 septingenti, elephanti sex capti; octo flamma ferroque ab-
 sumti, magnaue vis armorum capta. Ea omnia imperator
 Vulcano sacra incendit.

VII. Hasdrubal ex fuga, cum paucis, ²⁰ Afrorum urbem
 proximam petierat: eoque omnes, qui supererant, vestigia
 ducis sequentes, se contulerant. metu deinde, ne dederetur
 Scipioni, urbe excessit. Mox eodem patentibus portis Ro-
 mani accepti: nec quidquam hostile, quia voluntate con-
 cesserant in ditionem, factum. Duæ subinde urbes captæ
 direptæque. ea præda, et quæ castris ex incensis et igne
 rapta erat, militi concessa est. Syphax octo millium ferme
 inde spatio loco communito consedit. Hasdrubal Kartha-
 ginem contendit, ne quid per metum ex recenti clade mol-
 lius consuleretur. quo tantus primo terror est adlatus, ut,
 omissa Utica, Karthaginem crederent extemplo Scipionem
 obsessurum. Senatū itaque suffetes (quod velut consu-
 lare imperium apud eos erat) vocaverunt. ²¹ Ibi e tribus^f
 (una de pace legatos ad Scipionem decernebat: altera Han-
 nibalem ad tuendam ab exitiabili bello patriam revocabat:
²² tertia Romanæ in adversis rebus constantiæ erat; repa-

^f Ibi tribus dictis sententiis Gron. Crev.

¹⁹ *Veluti sparsa*] Quidam MSS. *sparsa*, ut referatur ad sequens nomen *incendia*. Sic opponuntur inter se *et sparsa pluribus locis et uno incendio*. Quod si cui placuerit, utatur eo per nos licet.

²⁰ *Afrorum urbem*] Hæc sibi in-
 vicem jungo. Urbs illa non erat Puni-
 cæ originis: Afri eam tenebant.

²¹ *Ibi tribus dictis sententiis*] Duas

postremas voces ignorant nostri codi-
 ces, ut et quamplurimi e Gronovianis.
 Non possumus tamen a nobis impetrare
 ut eas resecemus, ne abrupta et obscū-
 ra fiat oratio.

²² *Tertia Romanæ . . . constantiæ*
erat; reparandum exercitum . . . cense-
bat] Fieri vix potest, ut verbum *cen-*
sebat, quod plane ultra perfectum tra-
hitur, a Livio profectum sit, scitis

U. C. 549. A. C. 203. Karthaginenses bellum reparant.

randum exercitum, Syphacemque hortandum, ne bello ab-
sisteret, censebat) hæc sententia, quia Hasdrubal præsens
Barcinæque omnes factionis bellum malébant, vicit. Inde
delectus in urbe agrisque haberi cœptus, et ad Syphacem
legati missi, summa ope et ipsum reparantem bellum: quum
uxor non jam, ut ante, blanditiis, satis potentibus ad ani-
mum amantis, sed precibus et misericordia valuisset, plena
lacrimarum obtestans, ne patrem suum patriamque prode-
ret, iisdemque flammis Karthaginem, quibus castra confla-
grassent, absumi sineret. Spem quoque opportune oblatam
adferebant legati: quatuor millia Celtiberorum circa urbem
nomine Abbam, ab conquisitoribus suis conducta in Hispa-
nia, egregiæ juventutis, sibi obcurrisse: et Hasdrubalem
prope diem adfore cum manu haudquaquam contemnenda.
Igitur non benigne modo legatis respondit, sed ostendit et-
iam multitudinem agrestium Numidarum, quibus per eos-
dem dies arma equosque dedisset, et omnem juventutem
adfirmat exciturum ex regno. *Scire incendio, non prælio,
cladem acceptam. eum bello inferiorem esse, qui armis vincatur.*
Copias cum Syphace jungunt. Hæc legatis responsa. Et post dies paucos rursus Hasdru-
bal et Syphax copias junxerunt. is omnis exercitus fuit
28 triginta ferme millium armatorum.

It ad hos-
tes Scipio.

VIII. Scipionem, velut jam debellato, quod ad Sypha-
cem Karthaginiensesque adtineret, Uticæ obpugnandæ in-
tentum, jamque machinas admoventem muris, avertit fama
rediintegrati belli: modicisque præsidiis ad speciem modo
obsidionis terra marique relictis, ipse cum robore exercitus
ire ad hostes pergit. Primo in tumulto, quatuor ferme mil-
lia distante ab castris regiis, consedit: postero die cum
equitatu in Magnos (ita vocant) campos, subjectos ei tumu-
lo, degressus, subcedendo ad stationes hostium, lacescendo-
que levibus præliis, diem absumsit: et per insequens bidu-
um tumultuosis hinc atque illinc excursionibus in vicem,
nihil dictu satis dignum fecerunt. quarto die utrimque in
aciem descensum est. Romanus 24 principes post hastato-
rum prima signa, in subsidiis triarios constituit: equitatum
Italicum ab dextro cornu, ab lævo Numidas Masinissam-

8 orandum Gron. Crev.

brevitatis consecratore diligentissimo. Ceterum, auctore Gronovio, inclu-
denda parenthesi duximus tria illa
membra orationis, quibus explicantur
tres sententiæ: ut sensus non finiatur
nisi in his verbis, hæc sententia, nem-
pe tertia et ultima, vicit.

28 Triginta millium armatorum] Fortasse quis malit millia, quomodo
Andreas et Campanus, et complures
MSS.

24 Principes post hastatorum pri-
ma signa] Post signa Hastatorum, quæ
prima erant, id est, ex quibus prima
constabat acies. Ceterum hic ante Si-
gonium legebatur: post Principes Has-
tatorum prima signa. Correxerit ille,
ut postulabat et solennis mos Romano-
rum in instruenda acie, a Livio sæpius
testatus, et Polybius in hujus ipsius
prælii narratione.

que obposuit. Syphax Hasdrubalque, Numidicis adversus U. C. 549. Italicum equitatum, Karthaginiensibus contra Masinissam A. C. 203. locatis, ²⁶ Celtiberos in mediam aciem in adversa signa legionum acceperere. ita instructi concurrunt. Primo inpetu simul utraque cornua, et Numidæ et Karthaginienses pulsi. ^{Proelium committitur.} nam neque Numidæ, maxima pars agrestes, Romanum equitatum, neque Karthaginienses, et ipse novus miles, Masinissam, recenti super cetera victoria terribilem, sustinuerunt. Nudata utrimque cornibus Celtiberum acies stabat: quod ^{Vincunt Romani.} nec in fuga salus ulla ostendebatur locis ignotis, neque spes veniæ ab Scipione erat; quem, bene meritum de se et gente sua, mercenariis armis in Africam obpugnatum venissent. Igitur, circumfusus undique hostibus, alii super alios cadentes, obstinati moriebantur: omnibusque in eos versis, aliquantum ad fugam temporis Syphax et Hasdrubal præceperunt. Fatigatos cæde diutius, quam pugna, victores nox obpressit.

IX. Postero die Scipio Lælium Masinissamque, cum omni Romano et Numidico equitatu expeditisque militum, ad persequendos Syphacem atque Hasdrubalem mittit. ipse, cum robore exercitus, urbes circa, quæ omnes ^h Karthaginiensium ditionis erant, partim spe, partim metu, partim vi subegit. Karthagini quidem erat ingens terror, et circumferentem ^{Terror Populorum.} arma Scipionem, omnibus finitimis raptim perdomitis, ipsam Karthaginem repente adgressurum credebant. Itaque et muri reficiebantur, propugnaculisque armabantur: et pro se quisque, quæ diutinæ obsidioni tolerandæ sunt, ex agris ²⁶ convehit¹. Rara mentio est pacis, frequentior legatorum ad Hannibalem arcessendum mittendorum. pars maxima classem, quæ ²⁷ ad commeatus excipiendos parata erat, mittere jubent ad obprimendam stationem navium ad Uticam, incaute agentem: forsitan etiam navalia castra, relictæ cum levi præsidio, obpressuros. In hoc consilium maxime inclinant: legatos tamen ad Hannibalem mittendos censent. quippe, ²⁸ classi ut felicissime gerantur res, parte aliqua le-

^h urbes circa omnes, quæ Gron. Crev.

ⁱ convehit Gron.

²⁵ Celtiberos in mediam aciem] Hunc locum sollicitat Gronovius. Sed nihil videtur mutatione opus esse. Celtiberos acceperere in mediam aciem in adversa, sive contra adversa signa legionum, oppositos signis legionum, quæ proinde adversa Celtiberis erant. Sic vulgo dicunt in adversum montem, in adversum flumen niti. Quod igitur plurimi scripti omittunt præpositionem in ante mediam aciem, dicamus id eo factum esse quod illa, facili

errore, absorpta fuerit a prima littera vocis sequentis.

²⁶ Convehit] Vulgo convehit: quod languidius et segnus est. Plurique scripti et vett. editi id habent quod restituimus.

²⁷ Ad commeatus excipiendos] Ad intercipiendos commeatus, qui ad Scipionem mittebantur.

²⁸ Classi ut felicissime] Etiam si felicissime gerantur res classe, id unum ex eo successu commodum percipi

U. C. 549.
A. C. 203.
Legati missi
ad revocan-
dum Han-
nibalem.

vari Uticæ obsidionem: Karthaginem ipsam qui teneatur^k, neque imperatorem alium, quam Hannibalem, neque exercitum alium, quam Hannibalis, superesse. Deductæ ergo postero die naves, simul et legati in Italiam profecti, raptimque omnia, stimulante fortuna, agebantur: et, in quo quisque cessasset, prodi ab se salutem omnium rebatur. Scipio, gravem jam spoliis multarum urbium exercitum trahens, captivis aliaque præda in vetera castra ad Uticam missis, jam in Karthaginem intentus, occupat relictum fuga custodum Tuneta: abest ab Karthagine quindecim millia ferme passuum locus, quum operibus, tum suapte natura tutus, et qui et ab Karthagine conspici, et præbere ipse prospectum, quum ad urbem, tum ad circumfusum mare urbi, posset.

Classem
Romanam
invadunt
Carthag.

X. Inde, quum maxime vallum Romani jacerent, conspecta classis hostium est, Uticam Karthagine petens. Igitur, omisso opere, pronunciatum iter, signaque raptim ferri sunt coepta: ne naves, in terram et obsidionem versæ, ac minime navali proelio aptæ, obprimerentur. Qui enim restitissent²⁹ agili et nautico instrumento aptæ et armatæ classi naves, tormenta machinasque portantes, et aut in onerariarum usum versæ, aut ita adpulsa^l ad muros, ut pro aggere ac pontibus præbere adscensus possent? Itaque Scipio, contra quam in navali certamine solet, rostratis,³⁰ quæ præsidio aliis esse poterant, in postremam aciem receptis prope terram, onerariarum quadruplicem ordinem pro muro adversus hostem obposuit: easque ipsas, ne in tumultu pugnae turbati ordines possent, malis antennisque de nave in navem trajectis, ac validis funibus velut uno inter se vinculo inligatis, comprehendit: tabulasque superinstravit,³¹ ut pervium ordinem faceret^m: et³² sub ipsis pontibus intervalia fecit, qua procurrere speculatoriæ naves in hostem, ac tuto recipi possent. His raptim pro tempore instructis, mille ferme

^k teneatur Gron. Crev.
navium ordo esset. Emd.

^l pulsa Emd.

^m ut pervius in totum

quod aliqua ex parte levaretur Uticæ obsidio.

²⁹ Agili et nautico instrumento aptæ . . classi] Classi agili ad motum, et instructæ ornatæque instrumento nautico.

³⁰ * Quæ præsidio aliis esse poterant] Quæ, si de navali pugna ageretur, potuissent esse aliis præsidio; quarum is vulgo usus est, ut aliis præsidio sint.

³¹ Ut pervius in totum navium ordo esset] Ab Rhehano hoc est, quum pñus legeretur, ut pervium navium

ordinem faceret. Sed quid vetat revocari eam scripturam, quæ et in Rhehani codice, et in aliquot MSS. hand spernendis reperitur, teste Gronovio, ut pervium in totum ordinem esset? Nempe ibi pervium idem esset, ac pervius usus, pervius transitus, quem admodum apud Festum, in *Vici*: Ut in eo edificio pervium sit, quo itinere habitatores ad suam quique habitationem habeat accessum.

³² Sub ipsis pontibus] Sub tabulis illis, quæ e nave in navem transitum dabant.

delecti propugnatores onerariis inponuntur: telorum maxi- U. C. 549.
 me missilium, ut, quamvis longo certamine, subficerent, A. C. 293.
 vis ingens congeritur. Ita parati atque intenti hostium ad-
 ventum obperiebantur. Karthaginienses, qui, si maturas-
 sent, omnia permixta turba trepidantium primo impetu ob-
 pressissent, perculsi terrestribus cladibus, atque inde ne
 in mari quidem, ubi ipsi plus poterant, satis fidentes, die
 segni navigatione absumto, sub occasum solis in portum
 (³³ Ruscinona Afri vocant) ³⁴ classe adpulere. postero die sub
 ortum solis instruxere ab alto naves, velut ad justum proe-
 lium navale, et tamquam exituris contra Romanis. Quum
 diu stetissent, postquam nihil moveri ab hostibus viderunt,
 tum demum onerarias adgrediuntur. ³⁵ Erat res minime
 certamini navali similis, ³⁶ proxime speciem muros obpug-
 nantium navium, altitudine aliquantum onerariæ supera-
 bant: ex rostratis Pœni vana pleraque (utpote supino jac-
 tu) tela in superiorem locum mittebant: gravior ac ponde-
 re ipso libratior superne ex onerariis ictus erat. Specula-
 toriæ naves ac ³⁷ levia ipsa navigia, quæ sub constratis pon-
 tium per intervalla excurrabant, ³⁸ primo ipso tantum impetu
 ac magnitudine rostratarum obruebantur: deinde et pro-
 pugnatoribus quoque incommodæ erant, quod permixtæ
 cum hostium navibus inhibere sæpe tela cogeabant; metu
 ne ambiguo ictu suis inciderent: postremo asseres ferreo
 unco præfixi (³⁹ harpagones vocantⁿ) ex Punicis navibus in-

ⁿ [*harpagones vocat miles*] Gron. Crev.

³³ *Ruscinona*] Put. et Regius codi-
 ces *Rusucmona*: alii *Rusucinona*. In-
 de Jac. Gronovius efficit *Rusucrona*,
 quod oppidum memoratum est Plinio,
 l. V. c. 4.

³⁴ *Classen appulere*] Hanc lectio-
 nem, quæ omnium editorum est, tu-
 entur quoque scripti omnes nostri.
 Sine causa eam mutaverat Gronovius
 ex uno codice, edideratque *classe*.

³⁵ *Erat res minime certamini na-
 vali similis*] Gronovius, quia in scrip-
 tis suis, quibus quidem nostri adsti-
 pulantur, desideratur *et res*, tentat
 refingere hunc locum: *erat minime
 certamen navali simile*. Nobis potior
 est vulgata lectio.

³⁶ *Proxime speciem*]. Proxime ac-
 cedebat res ad speciem navium muros
 oppugnantium: ea certaminis species
 erat, quasi naves oppugnarent muros.

³⁷ *Levia ipsa navigia*] Libenter re-
 sequemur *ipsa*: quæ vox neque hic
 satis necessaria est, et nimis in vici-
 no iteratur. Supra *pondere ipso*: in-
 fra *ipso tantum impetu*.

³⁸ *Primo ipso tantum impetu*] Si
 hic locus sanus est, sensus erit: Pri-
 mo id tantam afferebant damni Ro-
 manis, quod obruerentur ipsæ vel so-
 lo impetu ac magnitudine Punicarum
 rostratarum; deinde etiam iis incom-
 modæ erant, qui ex onerariis pugna-
 bant adversus Pœnos. Ceterum lec-
 tio hujus loci variat in scriptis, sive
 quos Gronovius, sive quos ipsi inspe-
 ximus. Alii præferunt *ipsa et alto*:
 alii, iique optimi, *ipsæ tanto*. Quid
 vetat admitti hanc meliorum codicum
 scripturam? *Primo ipsæ tanto impetu*,
 impetu illo, qui tantus et tam validus
 erat, *ac magnitudine rostratarum ob-
 ruebantur: deinde et propugnatoribus
 quoque incommodæ erant. et ipsæ sat
 belle opponetur propugnatoribus*, qui
 in navibus onerariis erant.

³⁹ *Harpagones vocat miles, ex Pu-
 nici*]. Minime necessaria est hoc loco
 militis mentio. Deinde scripti omnes,
vocant. Quidam prorsus omittunt *et
 miles ex*; quidam loco utriusque vo-
 cis, *miles*. Si quid videmus, duæ

U. C. 649. jici in Romanas coepti. Quos quum neque ipsos, neque
 A. C. 208. catenas, quibus suspensi injiciebantur, incidere possent; ut
 quæque retro inhibita rostrata onerariam hærentem unco
 traheret, scindi videres vincula, quibus alia aliis innexa
 erat, ⁴⁰ seriem aliam simul plurium navium trahi. Hoc ma-
 xime modo lacerati quidem omnes pontes, et vix transsilien-
 di in secundum ordinem navium spatium propugnatoribus
 datum est. Sex ferme onerariæ puppibus abstractæ Kar-
 thaginem sunt: major quam pro re lætitia, sed eo gratior,
 quod inter assiduas clades ac lacrimas unum quantumcum-
 que ex insperato gaudium adfulserat; ⁴¹ cum eo, ut adpare-
 ret, haud procul exitio fuisse Romanam classem, ni cessa-
 tum a præfectis suarum navium foret, et Scipio in tempore
 subvenisset.

Naves sex
 abstrahunt.

Masinissa
 regnum re-
 cuperat.

Syphax bel-
 lum repa-
 rat.

Vincitur a
 Lælio et
 Masinissa.

XI. Per eodem forte dies, quum Lælius et Masinissa
 quintodecimo ferme die in Numidiam pervenissent, Massy-
 li^o, regnum paternum Masinissæ, læti ut ad regem diu de-
 sideratum concessere. Syphax, pulsus inde præfectis præ-
 sidiisque suis, vetere se continebat regno, neutiquam quie-
 turus. Stimulabant ægrum amore uxor socerque: et ita
 viris equisque abundabat, ut subjectæ oculis regni per mul-
 tos florentis annos vires etiam minus barbaro atque inpo-
 tenti animo ⁴² spiritus possent facere. Igitur omnibus, qui
 bello apti erant, in unum coactis equos, arma, tela dividit.
 equites in turmas, pedites in cohortes, ⁴³ sicut quondam ab
 Romanis centurionibus didicerat, distribuit. Exercitu haud
 minore, quam quem prius habuerat, ceterum omni prope
 novo atque incondito, ire ad hostes pergit. Et, castris in
 propinquo positis, primo pauci equites ex tuto speculantes
 ab stationibus progredi; inde jaculis submoti recurrere
 ad suos: inde excursions in vicem fieri, et, quum pulsos
 indignatio accenderet, plures subire: quod irritamentum
 certaminum equestrium est, quum aut vincentibus spes, aut
 pulsus ira adgregat suos. Ita tum a paucis prælio accenso,
 omnem utrimque postremo equitatum certaminis studium
 effudit. ac, dum ⁴⁴ sincerum equestre prælium erat, multitu-
 do Masæsyliorum, ingentia agmina Syphace emittente, sus-

^o Massylii Gron. Crev.

primæ litteræ vocis *miles*, sive *miles*,
 nihil aliud sunt quam repetitio dua-
 rum postremarum verbi *vocant*. Inde
 propagatus et auctus error. Lega-
 mus: *Harpagonas vocant, ex Punicis*.

⁴⁰ *Seriem aliam*] Parum hic con-
 gruit vox *aliā*, quæ potuit nasci ex
 vicinis vocibus, *alia aliis*. Magis pla-
 ceret cum Gronovio legere *seriemque*
simul plurium.

⁴¹ *Cum eo ut appareret*] Præter-
 quam quod apparebat.

⁴² *Spiritus . . facere*] Addere fero-
 ciam.

⁴³ *Sicut quondam ab Romanis*] Vid.
 lib. XXIV. c. 48.

⁴⁴ *Sincerum equestre prælium*] So-
 lorum equitum prælium, nullis pedi-
 tibus se ei immiscentibus.

tineri vix poterat: deinde, ut pedes Romanus repentino per U. C. 549.
 turmas suas viam dantes intercursum stabilem aciem fecit, A. C. 203.
 absterruitque effuse invehentem sese hostem, primo barbari
 segnius permittere equos; deinde stare ⁴⁵ ac prope turbari
 novo genere pugnae; postremo, non pediti solum cedere,
 sed ne equitem quidem sustinere, peditis praesidio auden-
 tem. Jam signa quoque legionum adpropinquabant. tum
 vero Masæsyli non modo primum inpetum, sed ne conspec-
 tum quidem signorum atque armorum, tulerunt: tantum
 seu memoria priorum cladum, seu praesens terror valuit.

XII. Ibi Syphax, dum obequitat hostium turmis, si pu-
 dore, si periculo suo fugam sistere posset, equo graviter ic-
 to, effusus obprimitur capiturque, et vivus, lætum ante om- Capitur.
 nes Masinissæ præbiturus spectaculum, ad Lælium pertra-
 hitur. Cirta ^p caput regni Syphacis erat: eo se ingens ho-
 minum contulit vis. Cædes in eo proelio minor, quam vic-
 toria, fuit, quia equestri tantummodo proelio certatum fue-
 rat. non plus quinque millia occisa, minus dimidium ejus
 hominum captum est, inpetu in castra facto, quo perculsa
 rege amisso multitudo se contulerat. Masinissa, Sibi qui-
 dem, dicere, nihil esse in præsentia pulchrius, quam victorem,
 recuperatum tanto post intervallo, patrium invisere regnum:
 sed tam secundis, quam adversis, rebus non dari spatium ad
 cessandum. Si se Lælius cum equitatu ⁴⁶ vinctoque Syphace
 Cirtam præcedere sinat, trepida omnia metu se obpressurum:
 Lælium cum peditibus subsequi modicis itineribus posse. Ad-
 sentiente Lælio, prægressus Cirtam, evocari ad colloquium
 principes Cirtensium jubet. sed apud ignaros regis casus,
 neque quæ acta essent promendo, nec minis, nec suadendo,
 ante valuit, quam rex victus in conspectum datus est.
 Tum ad spectaculum tam foedum comploratio orta: et par-
 tim pavore mœnia sunt deserta, partim repentino consensu
 gratiam apud victorem quærentium patefactæ portæ. Et
 Masinissa, praesidio circa portas opportunaque mœnium di-
 misso, ne cui fugæ pateret exitus, ad regiam occupandam cita-
 to vadit equo. Intranti vestibulum in ipso limine Sophonisba,
 uxor Syphacis, filia Hasdrubalis Pœni, obcurrit: et, quum in
 medio agmine armatorum Masinissam insignem, quum ar- Sophonisba
 mis, tum cetero habitu, conspexisset, regem esse (id quod Masinissæ
 erat) rata, genibus advoluta ejus: ⁴⁷ Omnia quidem ^q ut pos- supplicat.

^p Cirtha Gron.

^q ins. inquit Gron. Crev.

⁴⁵ *Ac prope turbari*] Scripti optimi
ac propere: quod fortasse quibusdam
 magis placebit.

⁴⁶ *Vinctoque Syphace*] Vulgo victo.
 Mutavit Gronovius ex certissima con-

jectura.

⁴⁷ *Omnia quidem, inquit, ut posses
 in nos, dii tibi dederunt*] Scripti rele-
 gant inquit et tibi. Prius illud absit
 sane. At tibi retinendum nobis

U. C. 549. *ses in nobis, Dii dederunt, virtusque et felicitas tua. Sed, si*
 A. C. 208. *captivæ apud dominum vitæ necisque suæ vocem supplicem mit-*
tere licet, si genua, si victricem adtingere dextram, precor qua-
soque per majestatem regiam, in qua paullo ante nos quoque
fuiamus, per gentis Numidarum nomen, quod tibi cum Syphace
commune fuit, per hujusce regiae Deos, qui te melioribus omni-
bus accipiant, quam Syphacem hinc miserunt, hanc veniam
supplici des, ut ipse, quodcunque fert animus, de captiva sta-
tuas, neque me in cujusquam Romani superbum ac crudele ar-
bitrium venire sinas. Si nihil aliud, quam Syphacis uxor, fu-
issem, tamen Numidæ, atque in eadem mecum Africa geniti,
quam alienigenæ et externi, fidem experiri mallet. Quid Kar-
thaginiensi ab Romano, quid filiae Hasdrubalis timendum sit,
vides. Si nulla alia re potes, morte me ut vindices ab Roma-
norum arbitrio, oro obtestorque. Forma erat insignis et flo-
*rentissima ætas. itaque quum*⁴⁸ *modo, dextram amplexens,*
in id, ne cui Romano traderetur, fidem exposceret, propius-
que blanditias oratio esset, quam preces; non in misericor-
diam modo prolapsus est animus victoris, sed (ut est genus
*Numidarum in Venerem præceps)*⁴⁹ *amore captivæ victor*
captus, data dextera in id, quod petebatur, obligandæ fidei,
in regiam concedit. Institit deinde reputare secum ipse,
quemadmodum promissæ fidem præstaret. quod quum expe-
dire non posset, ab amore temerarium atque impudens mu-
tuatur consilium. Nuptias in eum ipsum diem repente pa-
*rari jubet,*⁵⁰ *ne quid relinqueret integri aut Lælio, aut ipsi*
Scipioni, consulendi velut in captivam, quæ Masinissæ jam
nupta foret. Factis nuptiis supervenit Lælius: et adeo non
dissimulavit inprobare se factum, ut primo etiam cum Sy-
phace et ceteris captivis detractam eam toro geniali mittere
ad Scipionem conatus sit. victus deinde precibus Masinissæ
orantis, ut arbitrium, utrius regum duorum fortunæ acces-
sio Sophonisba esset, ad Scipionem rejiceret; misso Syphace

Ducit eam
uxorem
Masinissa.

[†] in nos Dii tibi Gron. Crev.

omnino videtur. Quod vero iidem habent in nobis, id etsi tueri conatur congestis etiam exemplis Gronovius, admittere nullo modo possumus. Neque enim ex uno alterove devio scriptorum antiquorum loco, qui sæpe etiam rem non tangit, sed ex communi usu Latini sermonis, statuere debemus quid rectum sit, quid probari, quid rejici debeat. Vld. not. 32. ad L XXVIII. c. 48.

⁴⁸ *Modo dextram amplexens*] Suspiciatur Gronovius, *modo genua, modo dextram amplexens*. Supra enim dixit Sophonisba: *si genua, si victricem attingere dextram*.

⁴⁹ *Amore captivæ victor captus*] Jam observavimus ex Appiano ad L. XXVIII. c. 16. Sophonisbam Masinissæ quondam desponsam fuisse. Erravit ille quidem circa tempus nuptiarum Sophonisbæ cum Syphace: sed cetera vera esse nihil vetat. Id si admittatur, minus mirum erit nondum fortasse plane extinctam in animo Masinissæ flatum in veteres vires subito surrexisse.

⁵⁰ *Ne quid relinqueret integri*] Ne aut Lælius, aut ipse Scipio possent jam putare sibi integrum esse, sibi liberum esse tractare ut captivam, eam quæ Masinissæ nupta foret.

et captivis, ceteras urbes Numidiae, quae praesidiis regis tenebantur, adjuvante Masinissa, recipit'. U. C. 549.
A. C. 203.

XIII. Syphacem in castra adduci, quum esset nuntiatum, omnis velut ad spectaculum triumphi multitudo effusa est. Praecedebat ipse vinctus; sequebatur grex nobilium Numidarum. Tum, quantum quisque plurimum posset, magnitudini Syphacis, famae gentis, victoriam suam augendo, addebat: *illum esse regem, cujus tantum majestati duo potentissimi in terris tribuerint populi, Romanus Karthaginiensisque, ut Scipio imperator suus ad amicitiam ejus petendam, relictâ provincia Hispania exercituque, duabus quinqueringibus in Africam navigaverit: Hasdrubal, Pœnorum imperator, non ipse modo ad eum in regnum venerit, sed etiam filiam ei nuptum dederit. Habuisse eum uno tempore in potestate duos imperatores, Pœnum Romanumque. Sicut ab Diis immortalibus pars utraque hostiis mactandis⁵¹ pacem petisset, ita ab eo utrimque pariter amicitiam petitam. Jam tantas habuisse opes, ut Masinissam regno pulsum eo redegerit, ut vita ejus fama mortis et latebris, ferarum modo in silvis raptis viventis, tegeretur.* His sermonibus circumstantium celebratus rex in praetorium ad Scipionem est perductus. Movit et Scipionem quum fortuna pristina viri praesenti fortunae conlata, tum recordatio hospitii dextraeque datae, et foederis publice ac privatim juncti. Eadem haec et Syphaci animum dederunt in adloquendo victore. nam quum Scipio, *quid sibi voluisset, quæreret, qui non societatem solum abnuisset Romanam, sed ultro bellum intulisset; tum ille, peccasse quidem sese atque insanisse, fatebatur; sed non tum demum, quum arma adversus populum Romanum cepisset: exitum sui furoris fuisse, non principium.*⁵² *Tunc se insanisse, tunc hospitia privata et publica foedera omnia ex animo ejecisse, quum Karthaginiensem matronam domum acceperit. Illis nuptialibus facibus regiam conflagrasse suam: illam furiam pestemque omnibus delinquentis animum suum avertisse atque alienasse: nec conquiesse, donec ipsa manibus suis nefaria sibi arma adversus hospitem atque amicum induerit. Perdito tamen atque adflicto sibi hoc in miseriis solatii esse, quod in omnium hominum inimicissimi sibi domum ac penates eandem pestem ac furiam transisse videat. neque prudentiorem, neque constantiorem Masinissam, quam Syphacem, esse, etiam juvenia incautiorem certe stultius illum atque intemperantius eam, quam se, duxisse.*

Syphax in castra Romana adducitur.

Conloquitur cum Scipione.

XIV. Hæc non hostili modo odio, sed amoris etiam stimulis, amatam apud æmulum cernens, quum dixisset; non medio-

* recepit Gron. Crev.

51. * Pacem] Propitium favorem.

diq̃ melius visum est, quam, ut vulgo, Tunc se insanisse, tum.

52 Tum se insanisse, tum] Parum est. Sed tamen sic edere ex Vict. co-

U. C. 549.
A. C. 203.

Masinissam
castigat Sci-
pio.

cri cura Scipionis animum pepulit. et fidem criminibus ⁵³ raptæ prope inter arma nuptiæ, neque consulto, neque expectato Lælio, faciebant; tamque præceps festinatio, ut, quo die captam hostem vidisset, eodem matrimonio junctam acciperet, et ad penates hostis sui nuptiale sacrum conficeret. eo fœdiora hæc videbantur Scipioni, quod ipsum in Hispania juvenem nullius forma pepulerat captivæ. Hæc secum volutanti Lælius ac Masinissa supervenerunt; quos quum pariter ambo et benigno vultu excepisset, et egregiis laudibus frequenti prætorio celebrasset; abductum in secretum Masinissam sic adloquitur; *Aliqua te existimo, Masinissa, intuentem in me bona, et principio ⁵⁴ in Hispania ad jungendam mecum amicitiam venisse, et postea in Africa te ipsum spesque omnes tuas in fidem meam commisisse. Atqui nulla earum virtus est, propter quas adpetendus tibi visus sim, qua ego æque, atque temperantia et continentia libidinum, gloriatus fuerim. Hanc te quoque ad ceteras tuas eximias virtutes, Masinissa, adjecisse velim. non est, non (mihi crede) tantum ab hostibus armatis ætati nostræ periculum, quantum ab circumfusus undique voluptatibus. qui eas sua temperantia frenavit ac domuit, ⁵⁵ multo¹ majus decus majoremque victoriam sibi peperit, quam nos Syphace victo habemus. Quæ, me absente, strenue ac fortiter fecisti, libenter et commemoravi, et memini. cetera te ipsum reputare tecum, quam, me dicente, erubescere malo. Syphax populi Romani auspiciis victus captusque est. Itaque ipse, conjux, regnum, ager, oppida, homines, qui incolunt, quidquid denique Syphacis fuit, præda populi Romani est: et regem conjugemque ejus, etiamsi non civis Karthaginienensis esset, etiamsi non patrem ejus imperatorem hostium videremus, Romam oportet² mitti, ac senatus populique Romani de ea judicium atque arbitrium esse, quæ regem nobis socium alienasse, atque in arma egisse præcipitem dicatur. Vince animum. cave deformes multa bona uno vitio, et tot meritorum gratiam majore culpa, quam caussa culpæ est, corrumpas.*

XV. Masinissæ hæc audienti non rubor solum subfusus, sed lacrimæ etiam obortæ: et, quum se quidem in potestate futurum imperatoris dixisset, orassetque eum, ut, quantum res sinneret, fidei suæ temere obstrictæ consularet; promisisse enim, sese in nullius potestatem eam traditurum, ex prætorio in tabernaculum suum confusus concessit. Ibi, arbitris remotis, quum

¹ næ multo Gron.

² oportet Ead.

⁵³ * Raptæ] Raptim factæ, prope: brusquæ.

⁵⁴ In Hispania] Quum uterque in Hispania essemus. Ante Gronovium editi, quos vidimus, præferebant in Hispaniam: quod vitiosum esse, et scripti, et ipsa res arguit. Neque enim ad jungendam cum Scipione amicitiam venerat in Hispaniam Ma-

sinissa, sed ad juvandos auxilio Karthaginienses. Postea ab iis ad Romanos defecerat.

⁵⁵ Multo majus decus] Rhenanus quum inveniret in libro suo ut multo legi jusserat næ multo. At nostri, ut et Gronoviani codices, neque ut, neque næ, agnoscunt.

crebro suspiritu et gemitu, quod facile ab circumstantibus ta- U. C. 549.
 bernaculum exaudiri posset, aliquantum temporis consum- A. C. 208.
 sisset; ingenti ad postremum edito gemitu, fidum e servis vo-
 cat, sub cujus custodia regio more ad incerta fortunæ vene-
 num erat, ⁵⁶ et mixtum in poculo ferre ad Sophonisbam jubet,
 ac simul nunciare; *Masinissam libenter primam ei fidem præ-* Masinissa
staturum fuisse, quam vir uxori debuerit. Quoniam arbitrium venenum
ejus, qui possint, adimant, secundam fidem præstare, ne viva mittit ad
in potestatem Romanorum veniat. Memor patris imperatoris, Sophonis-
patricæque, et duorum regum, quibus nupta fuisset, sibi ipsa bam.
consuleret. Hunc nuncium ac simul venenum ferens minister
 quum ad Sophonisbam venisset, *Accipio, inquit, nuptiale*
munus; neque⁷ ingratum, si nihil majus vir uxori præstare po-
tuit. Hoc tamen nuncia, melius me morituram fuisse, si non in
funere meo nupsissem. non locuta est ferocius, quam acceptum
 poculum, nullo trepidationis signo dato, inpavide hausit.
 Quod ubi nunciatum est Scipioni ne quid æger animi ferox
 juvenis gravius consuleret, adcitum eum extemplo nunc solat-
 tur; nunc, quod temeritatem temeritate alia luerit, tristio-
 rem-que rem, quam necesse fuerit, fecerit, leniter castigat. Postero Scipio Ma-
 die, ut a præsentī motu averteret animum ejus, in tribunal sinissam
 escendit, et concionem advocari jussit. Ibi Masinissam, pri- amplissimis
 mum regem adpellatum, eximiisque ornatum laudibus, aurea rat.
 corona, ⁵⁷ aurea patera, sella curuli, et scipione eburneo, toga
 picta, et palmata tunica donat. ⁵⁸ Addit verbis honorem, *Ne-*
que magnificentius quidquam triumpho apud Romanos, neque
triumphantibus ampliore eo ornatu esse; quo unum omnium
externorum dignum Masinissam populus Romanus ducat.
 Lælium deinde, et ipsum conlaudatum, aurea corona donat.
 et alii militares viri, prout a quoque navata opera erat, donati.
 His honoribus mollitus regis animus, erectusque in spem pro-
 pinquam, sublato Syphace, omnis Numidiæ potiundæ.

XVI. Scipio, C. Lælio cum Syphace aliisque captivis Ro-
 mam misso, cum quibus et Masinissæ legati profecti sunt, ipse
 ad Tuneta rursum castra refert, et, quæ munimenta inchoave-
 rat, permunit. Karthaginienses, non brevi solum, sed prope Karthagini-
 vano gaudio, ab satis prospera in præsens obpugnatione enses pa-
 classis perfusi, post famam capti Syphacis, in quo plus prope, cem petunt.
 quam in Hasdrubale atque exercitu suo spei reposuerant,
 perculsi, jam nullo auctore belli ultra audito, oratores ad
 pacem petendam mittunt triginta seniorum principes. id erat

⁷ nec Gron. Crev.

⁵⁶ *Et mistum*] Ante Gronovium libaret. De sella curuli egimus ad l.
 edebatur ei *mistum*. Correxerit ille ex I. c. 8. De toga picta et tunica pal-
 conjectura: quæ per se minime dubia, mata ad X. 7.
 firmatur insuper auctoritate regii co-
 dicis. ⁵⁸ *Addit verbis honorem*] Munus
 insuper ornat verbis.

⁵⁷ *Aurea patera*] Qua nimirum diis

U. C. 549.
A. C. 203.

Leges pacis
a Scipione
dictæ.

Nihil reca-
sant Pœni
moram
querentes.

sanctius apud illos consilium, ⁵⁹maximæque ad ipsius senatum regendum vis. Qui ubi in castra Romana et prætorium pervenerunt, ⁶⁰more adulantium (accepto, credo, ritu ex ea regione, ex qua oriundi erant) procubuerunt. Conveniens oratio tam humili adulationi fuit, non culpam purgantium, sed transferentium initium culpæ in Hannibalem inpotentiæque ejus fautores. Veniam civitati petebant, civium temeritate ⁶¹bis jam ante everse, incolumi futuræ iterum hostium beneficio. Imperium ex victis hostibus populum Romanum, non perniciem, petere. Paratis obedire servire, quæ vellet, imperaret. Scipio, et venisse ea spe in Africam se, ait, et spem suam prospero belli eventu auctam, victoriam se, non pacem, domum reportaturum esse. tamen, quam victoriam prope in manibus habeat, pacem non abnuere; ut omnes gentes sciant, populum Romanum et suscipere juste bella, et finire. Leges pacis se has dicere. Captivos, et perfugas, et fugitivos restituant: exercitus ex Italia et Gallia deducant: Hispania abstineant: insulis omnibus, quæ inter Italiam et Africam sunt, decedant: naves longas, præter viginti, omnes tradant: ⁶²tritici quingenta, hordei trecenta millia modium. Pecuniæ summam quantam imperaverit, parum convenit. alibi ⁶³quinque millia talentum, alibi ⁶⁴quinque millia pondo argenti, alibi duplex stipendium militibus imperatum invenio. His conditionibus, inquit, ⁶⁵placeatne pax, triduum ad consultandum dabitur. Si placuerit, mecum inducias facite, Roman

⁵⁹ * Maximæque ad ipsius senatum regendum vis] Cui quidem consilio maxima inerat auctoritas, qua se regi senatus ipse sinneret.

⁶⁰ More adulantium] More eorum qui proni et humi prostrati reges adorant. Sic supra, l. IX. c. 18. de Alexandro, desideratas humi jacentium adulationes. Et eodem modo Val. Max. l. IV. c. 7. Hephæstionem . . . more Persarum adulata, tanquam Alexandrum salutavit. Idem l. VI. c. 3. Timagoram inter officium salutationis Darii regem more gentis illius adulatum. Ex his exemplis recte videtur colligere Gronovius in not. ad Liv. l. IX. c. 18. admodum verisimile esse adorationem regum *ναρ' ἱεροῦ* adulationem a Latinis dictam esse.

⁶¹ Bis jam ante everse] Quam ci-ves jam sui bis, quantum in se esset, everterant. Eversam dicunt, quæ perire meruerit: quemadmodum supra, l. XXVIII. c. 84. Scipio de Indibili et Mandonio, illos quidem merito perituros ipsorum maleficio ait, victores sub et populi Romani beneficio. Ceterum vox ante hic nullo modo stare potest. Non

enim bis ante hoc tempus everam urbem suam dicunt, sed nunc iterum: ut constat ex eo quod iterum incolit mem futuram subjiciunt hostium beneficia. Primo periisse Carthaginem intelligunt clade ad Ægætes insulas, quæ fractis animis ac viribus coegit eos pacem ab Romanis petere. Quod jubemus deferri vocem ante, in eo faventem habemus Put. codicem, in quo scriptum est bis jam severset; et Regium, qui exhibet plane ut volumus, bis jam everse: nisi quod tamen aliquid erasum videtur.

⁶² Tritici quingenta . . . millia modium] Modios nostrates fere 385417. Hordei trecenta, 231250.

⁶³ Quinque millia talentum] Marcas argenti nostrates 468750.

⁶⁴ Quinque millia pondo] Immane quantum hæc summa a priore distat. Nam quinque millia pondo sunt marce nostrates tantummodo 7812. cum quatuor unciis.

⁶⁵ Placeatne pax] Regius et Put. codices stant pro hac mentione, quam sine causa sollicitat Gronovius.

ad senatum mittite legatos. Ita dimissi Karthaginienses, nul- U. C. 549.
las recusandas condiciones pacisquum censuissent, (quippe qui A. C. 203.
moram temporis quærerent, dum Hannibal in Africam trajice-
ret) legatos alios ad Scipionem, ut inducias facerent, alios Ro-
mam ad pacem petendam mittunt, ducentes paucos in speciem
captivos, perfugasque, et fugitivos, quo impetrabilior pax esset.

XVII. Multis ante diebus Lælius, cum Syphace primori- Lælius cum
busque Numidarum captivis, Romam venit; quæque in Africa captivis Ro-
gesta essent, omnia exposuit ordine Patribus, ingenti omnium mam venit.
et in præsens lætitia, et in futurum spe. Consulti inde Pa-
tres regem in custodiam Albam mittendum censuerunt: Læ-
lium retinendum, donec legati Karthaginienses venirent.
Supplicatio in quatrimum decreta est. P. Ælius prætor,
senatu misso, et concione inde advocata, cum C. Lælio in
Rostra ascendit. Ibi vero audientes, fusos Karthaginiensium
exercitus, devictum et captum ingentis nominis regem, Nu-
midiam omnem egregia victoria peragratam, tacitum conti-
nere gaudium non poterant, quin clamoribus, quibusque aliis
multitudo solet, lætitiam inmodicam significarent. Itaque
prætor extemplo edixit, *Uti æditui ædes sacras omnes tota*
urbe aperirent, circumeundi, salutandique Deos, agendique
grates per totum diem populo potestas fieret. Postero die le- Oratio le-
gatos Masinissæ in senatum introduxit. Gratulati primum gatorum
senatui sunt, quod P. Scipio prospere res in Africa gessisset: Masinissæ
deinde gratias egerunt, quod Masinissam non adpellasset modo in senatu.
regem, sed fecisset, restituendo in paternum regnum: in quo
post Syphacem sublatum, si ita Patribus visum esset, sine metu
et certamine esset regnaturus. Dein, quod conlaudatum pro con-
cione amplissimis decorasset donis: quibus ne indignus esset, et
dedisse operam Masinissam, et porro daturum esse. Petere, ut
regium nomen ceteraque Scipionis beneficia et munera senatus
decreto confirmaret: et, nisi molestum esset, illud quoque petere
Masinissam, ut Numidas captivos, qui Romæ in custodia essent,
remitterent. Id sibi amplum apud populares futurum esse.
Ad ea responsum legatis: *Rerum gestarum in Africa prospere*
communem sibi cum rege gratulationem esse. Scipionem recte
atque ordine videri fecisse, quod eum regem adpellaverit: ⁶⁶ et,
quidquid aliud fecerit, quod cordi foret Masinissæ, ea Patres
comprobare atque laudare. Munera, quæ legati ferrent regi,
decreverunt: sagula purpurea duo cum fibulis aureis singu-
lis, et lato clavo tunicis: et equos duo phaleratos: bina
equestria arma cum loricis: et tabernacula, militaremque

66 *Et, quidquid aliud fecerit . . ea*
Patres] Hic numeri non sibi respon-
dent: *quidquid . . ea.* Sane recedit
non raro Livius a consuetis Gramma-
ticæ legibus, ut observavimus ad l.

XXIII. c. 3. et alibi. Sed hoc loco
Put. liber pro *ea* exhibet *eis*; Victor.
ei. Legi possit, et *Patres*, id est, Pa-
tres quoque.

U. C. 549. supellectilem, qualem præberi consuli mos esset. Hæc regi
 A. C. 208. prætor mittere jussus. legatis in singulos dona ne minus
⁶⁷quinûm millium, comitibus eorum millium æris: et vesti-
 menta bina legatis, singula comitibus Numidisque, qui ex
 custodia emissi redderentur regi. ad hoc ⁶⁸ædes liberæ,
 loca^x, lautia legatis decreta.

Prælium
 cum Mago-
 ne.

XVIII. Eadem æstate, quâ hæc decreta Romæ, et in
 Africa gesta sunt, P. Quinctilius Varus prætor et M. Cor-
 nelius proconsul in agro Insubrium Gallorum cum Magone
 Pœno signis conlatis pugnarunt. Prætoris legiones in pri-
 ma acie fuerunt: Cornelius suas in subsidiis tenuit, ipse ad
 prima signa equo advectus: proque duobus cornibus prætor
 ac proconsul milites ad inferenda in hostes signa summa vi
 hortabantur. Postquam nihil commovebant, tum Cornelio
 Quinctilius: *Lentior, ut vides, fit pugna¹: et induratus præ-
 ter spem resistendo hostium timor: ac, ne vertat in auda-
 ciam, periculum est. Equestrem procellam excitemus, oportet, si turbare ac statu movere volumus. Itaque vel tu ad
 prima signa prælium sustine, ego inducam in pugnam equites:
 vel ego hic in prima acie rem geram, tu quatuor legionum
 equites in hostem emitte.* Utram vellet prætor, muneris par-
 tem proconsule accipiente, Quinctilius prætor cum filio,
 cui Marco prænomen erat, inpigro juvene, ad equites per-
 git: jussosque escendere in equos repente in hostem emit-
 tit. Tumultum equestrem auxit clamor ab legionibus ad-
 ditus: nec stetisset hostium acies, ni Mago, ad primum
 equitum motum, paratos elephantos extemplo in prælium
 induxisset. Ad quorum stridorem odoremque et adspec-
 tum territi equi vanum equestre auxilium fecerunt. ⁶⁹et
 ut permixtus, ubi cuspide uti et cominus gladio posset, ro-
 boris majoris Romanus eques erat; ita in ablatum paventi-
 bus procul equis melius ex intervallo Numidæ jaculaban-
 tur. Simul et peditum legio duodecima, magna ex parte
 cæsa, pudore magis, quam viribus, tenebat locum. nec diu-

^x ædes, libera loca, Gron.

^y add. inquit Gron. Crev.

⁶⁷ *Quinûm millium . . . æris*] Si in-
 telligimus æs grave, quina millia æris
 æstimari possunt marcis argenti Pa-
 ris. 7. cum unciiis sex et semuncia:
 mille æris, uncie ærgenti duodecim,
 itidem cum semuncia.

⁶⁸ *Ædes liberæ, loca*] Sic emendat
 Sigonius ex vetere libro, cui adstipu-
 lantur quidam e Gronovianis, quum
 vulgo legatur, ædes, libera loca. Hanc
 emendationem firmat ipse Livius, l.
 XXXV. c. 23. *Attalo . . ædes liberæ,
 locus, lautia decreta. Ædes liberæ*
 idem Sigonius recte videtur interpre-
 tari vacuas, in quibus legati soli habi-

tarent. Ceterum, quid sint *loca*, quæ
 præter liberæ ædes decernuntur le-
 gatis, haud facile statuere possumus.
 Tamen intelligendum esse aliquid
 quod ad habitationem pertineat colli-
 gere videmur ex eo quod l. XXXIII.
 c. 24. legati *Macedones* dicuntur *de-
 ducti extra urbem in villam publicam,
 ibique iis locus et lautia præbita. Lau-
 tia sunt munera hospitalia, ut dixi-
 mus ad l. XXVIII. c. 89. supra.*

⁶⁹ *Et ut permixtus*] Plurimi scrip-
 ti, et ut rem permixtus. Unde Jac.
 Gronovius efficit non improbabiliter,
 et ut intermixtus.

tius tenuisset, ni ex subsidiis tertiadecima legio, in primam U. C. 549.
 aciem inducta, ⁷⁰prælium dubium excepisset². ⁷¹Mago quo- A. C. 203.
 que^a ex subsidiis Gallos integræ legioni opposuit^b. Qui-
 bus haud magno certamine fuis, hastati legionis undecimæ
 conglobant sese, atque elephantos ⁷²jam^c peditum aciem
 turbantes invadunt. in quos quum pila confertos conjecis-
 sent, nullo ferme frustra emisso, omnes retro in aciem suo-
 rum averterunt: quatuor gravati vulneribus conruerunt.
 Tum prima commota hostium acies, simul omnibus pediti-
 bus, ut aversos videre elephantos, ad augendum pavorem
 ac tumultum effusis. sed, donec stetit ante signa Mago,
 gradum sensim referentes ordines, tenorem pugnae serva-
 bant; postquam femine transfixo cadentem, auferrique ex
 prælio prope exsanguem videre, extemplo in fugam om- Vincunt
 nes versi. ad quinque millia hostium eo die cæsa, et signa Romani.
 militaria duo et viginti capta. Nec Romanis incruenta vic-
 toria fuit: duo millia et trecenti de exercitu prætoris, pars
 multo maxima ex legione duodecima, amissi. inde et tribuni
 militum duo, M. Cosconius, et M. Mænius: tertiæ decimæ
 quoque legionis, quæ postremo prælio adfuerat, Cn. Hel-
 vius tribunus militum in restituenda pugna cecidit, et duo
 et viginti ferme equites illustres, obtriti ab elephantis, cum
 centurionibus aliquot perierunt: et longius certamen fuisset,
 ni vulnere ducis concessa victoria esset.

XIX. Mago, proximæ noctis silentio profectus, quantum Mago ius-
 pati viæ per vulnus poterat, ⁷³itineribus extentis, ad mare sus in Afri-
 in Ligures Ingaunos pervenit. ibi eum legati ab Karthagine, cam redire.
 paucis ante diebus in sinum Gallicum adpulsis navibus, ad-
 ierunt, jubentes, primo quoque tempore in Africam trajice-
 re. *idem et fratrem ejus Hannibalem (nam ad eum quoque isse*
legatos eadem jubentes) facturum. Non in eo esse Karthagi-
niensium res, ut Galliam atque Italiam armis obtineant. Ma-
 go, non imperio modo senatus periculoque patriæ mo-
 tus, sed metuens etiam, ne victor hostis moranti insta-

² *expedisset*, Gron.^a *Magoque* Gron. Crev.^b *opposuisset* Gron.^c *jam etiam* Gron. Crev.

⁷⁰ *Prælium dubium excepisset*] Gronovius edidit *expetisset*, obsecutus auctoritati complurium MSS. Nobis pro lectione priorum editorum, quam revocavimus, ratio stare visa est.

⁷¹ *Magoque ex subsidiis Gallos integræ legioni opposuit*] Representamus ipsam Put. et regii codd. scripturam. Quæ tamen ut plane satisfaciat, legendum est *Mago quoque*, ut voluit Gronovius: et ita haberi in uno e suis Hearnii testatur. Hic vulgo edebatur *Magoque ex subsidiis Gallos*

..... *opposuisset*. Absurde: non enim hoc in causa fuit, cur duodecima legio teneret locum.

⁷² *Jam etiam peditum aciem turbantes*] Particula *etiam* potest videri hic ideo addita a Livio, quia primo equitatum Romanum turbaverant elephantis. Eam tamen omittit Put. liber, et unus e Gronovianis.

⁷³ *Itineribus extentis*] Quum itinera extendisset, quum singulis diebus multum itineris confecisset, quantum tamen viæ eum pati sinebat vulnus.

U.C. 549. A. C. 203. In navigatione moritur. ret, Liguresque ipsi, relinqui Italiam a Pœnis cernentes, ad eos, quorum mox in potestate futuri essent, deficerent, simul sperans leniorem in navigatione, quam in via, jactationem vulneris fore, et curationi omnia commodiora, inpositis copiis in naves profectus, vixdum superata Sardinia, ex vulnere moritur: naves quoque aliquot Pœnorum disjectæ in alto a classe Romana, quæ circa Sardiniam erat, capiuntur. Hæc terra marique in parte Italiæ, quæ jacet ad Alpes, gesta. Consul C. Servilius, nulla memorabili re in provincia Etruria et Gallia (⁷⁴ quoniam eo quoque processerat) gesta, patre C. Servilio et ⁷⁵ C. Lutatio^d ex servitute post sextumdecimum annum receptis, ⁷⁶ qui ad vicum Tanetum a Boiis capti fuerant, hinc patre, hinc Catulo lateri circumdatis, privato magis, quam publico decore insignis, Romam rediit. Latum ad populum est, *ne C. Servilio fraudi esset, quod patre, qui sella curuli sedisset, vivo, quam id ignoraret, tribunus plebis atque ædilis plebis fuisset, contra quam sanctum legibus erat.* Hac rogatione perlata, in provinciam rediit. ⁷⁷ Ad Cn. Servilium consulem, qui in Brutiis erat, Consentia, Uffugum, Vergæ, Besidiæ, Hetriculum, Sypheum, Argentanum, Clampetia, multique alii ignobiles populi, senescere Punicum bellum cernentes, defecere. Idem consul cum Hannibale in agro Crotoniensi acie conflixit. Obscura ejus pugnae fama est. Valerius Antias quinque millia hostium cæsa ait. quæ tanta res est, ut aut inpudenter ficta sit, aut neglegenter prætermissa. Nihil certe ultra rei in Italia ab Hannibale gestum. nam ad eum quoque legati ab Karthagine, vocantes in Africam, iis forte diebus, quibus ad Magonem, venerunt.

Hannibalis
revocati ex
Italia dolor.

XX. Frendens gemensque, ac vix lacrimis temperans, dicitur legatorum verba audisse: postquam edita sunt mandata, *Jam non perplexe, inquit, sed palam revocant, qui, vetando supplementum et pecuniam mitti, jampridem retrahebant. Vicit ergo Hannibalem non populus Romanus toties cæsus fugatusque, sed senatus Karthaginiensis obtrectatione atque invi-*

^d add. patruo Gron. Crev.

⁷⁴ *Quoniam eo quoque*] Editi ante Gronovium, *nam eo quoque*: idque non minus placet, quam id quod substituit ille erutum ex deformata aliquot codicum scriptura.

⁷⁵ *C. Lutatio patruo*] Qui Lutatius patruus esse poterat Servilii, quum ille inter se nomine differant? Id fieri nequit, nisi vel Lutatius, vel pater consulis, in aliam familiam adoptione transierint. Sed nodus hic aliter quoque secari potest, nimisum ablegata

voce patruo, quæ neque in Pat. neque in Cantabrigiensi, neque in ullo e. nostris codd. comparset.

⁷⁶ *Qui ad vicum Tanetum*] Rem narravit Livius supra XXI. 25.

⁷⁷ *Ad Cn. Servilium . . . Consentia . . . Clampetia . . . defecere*] Tamen Clampetiam superiore anno a P. Scipione consule vi captam, Consentiam voluntate in deditionem venisse scripsit Livius, XXIX. 88.

dia. neque hac deformitate reditus mei tam P. Scipio exsulta- U. C. 549.
bit atque efferet sese, quam Hanno, qui domum nostram, quan- A. C. 203.
do alia re non potuit, ruina Karthaginiis obpressit. Jam hoc
 ipsum præsagens animo, præparaverat ante naves. ita-
 que, inutili militum turba præsidii specie in oppida Brut-
 tii agri, quæ pauca magis metu, quam fide, contineban-
 tur, dimissa, quod roboris in exercitu erat, in Africam
 transvexit: multis Italici generis (quia in Africam secutu-
 ros abnuentes concesserant in Junonis Laciniæ delubrum,
 inviolatum ad eam diem) in templo ipso foede interfectis.
 Raro quemquam alium, patriam exsilii causa relinquen-
 tem, ⁷⁸ magis moestum abisse ferunt, quam Hannibalem
 hostium terra excedentem: respexisse sæpe Italiæ litora,
 et Deos hominesque accusantem, in se quoque ac suum ip-
 sius caput exsecratum, *Quod non cruentum ab Cannensi vic-*
toria militem Romam duxisset. Scipionem ire ad Karthagi-
nem ausum, qui consul hostem in Italia Pœnam non vidisset.
se, centum millibus armatorum ad Trasimenum et Cannas
cæsis, circa Casilinum, Cumasque, et Nolam consenuisse. Hæc
 accusans querensque, ex diutina possessione Italiæ est detrac-
 tus.

XXI. Romam per eosdem dies, et Magonem et Hanniba-
 lem profectos, adlatum est. cujus duplicis gratulationis minuit
 lætitiā, et quod parum duces in retinendis iis (quum id man-
 datum ab senatu esset) aut animi, aut virium habuisse videban-
 tur; et quod solliciti erant, omni belli mole in unum ducem
 exercitumque inclinata, quo evasura esset res. Per eosdem
 dies legati Saguntini venerunt, comprehensos cum pecunia
 adducentes Karthaginienses, qui ad conducenda auxilia in
 Hispaniam trajecissent. ⁷⁹ ducentū et quinquaginta auri,
 octingentū pondo argenti in vestibulo curiæ posuerunt.
 Hominibus acceptis et in carcerem conditis, auro argento-
 que reddito, gratiæ legatis actæ: atque insuper munera
 data ac naves, quibus in Hispaniam reverterentur. Mentio
 deinde ab senioribus facta est, *Segnius homines bona, quam*
mala, sentire. Transitu in Italiam Hannibalis, quantum ter-
roris pavorisque, ⁸⁰ *sese meminisse, quas deinde clades, quos luc-*

⁷⁸ *Magis moestum*] Nullo in scripto, neque Gronovio, neque nobis occurrit *et magis*. Plerique hanc vocem totam abolent: quidam ejus loco habent *tem*. Alterutra ex his particulis neces-
 saria hic nobis videtur.

⁷⁹ *Ducentū et quinquaginta auri, octingentū pondo argenti*] Id est, si hanc orationem ad Grammaticam se-
 veritatem exigere velis, pondera du-

centarum et quinquaginta librarum pondo auri, octingentarum argenti. Vid. Gronov. de Pec. Vet. l. I. c. 7. Ceterum 250. libræ Romanæ efficiunt marcas nostrates 390. cum quinque uncis. Octingentæ libræ Romanæ, marcas 1250.

⁸⁰ *Sese meminisse*] Libenter cum Gronovio recideremus hæc verba, quæ nullo modo necessaria videntur.

U. C. 549. *tus incidisse? Visa castra hostium e muris urbis: quæ vota*
 A. C. 203. *singulorum universorumque fuisse? quoties in conciliis voces,*
manus ad cælum porrigentium, auditas: ⁸¹ En unquam ille dies
futurus esset, quo vacuum hostibus Italiam bona pace florentem
visuri essent? Dedissem tandem id Deos sextodecimo demum an-
no: nec esse, qui Diis grates agendas censeant. Adeo ne ad-
venientem quidem gratiam homines ⁸² benigne accipere, nedum
 Supplicatio *ut præteritæ satis memores sint.* Conclamatum deinde ex
 Romæ de- *omni parte curiæ est, uti referret P. Ælius prætor: decre-*
 creta ob *tumque, ut quinque dies circa omnia pulvinaria supplica-*
 discessum *retur, victimæque majores inmolarentur centum viginti.*
 Hannibalis. *⁸³ Jam dimisso Lælio legatisque Masinissæ, quum Kartha-*
giniensium legatos de pace ad senatum venientes Puteolis
visos, inde terra venturos adlatum esset; revocari C. Læ-
lium placuit, ut coram eo de pace ageretur. Q. Fulvius
Gillo, legatus Scipionis, Karthaginienses Romam adduxit:
quibus, vetitis ingredi urbem, hospitium in villa publica, se-
natus ad ædem Bellonæ datus est.

Legati Kar-
thaginien-
ses de pace.

XXII. Orationem eandem ferme, quam apud Scipio-
nem, habuerunt; culpam omnem belli a publico consilio in
Hannibalem vertentes. *Eum injussu senatus non Alpes modo,*
sed Iberum quoque, transgressum: nec Romanis solum, sed ante
etiam Saguntinis, privato consilio bellum intulisse. Senatui ac
populo Karthaginensi, si quis vere æstimet, fœdus ad eam^c diem
inviolatum esse cum Romanis. Itaque nihil aliud sibi manda-
tum esse, uti peterent, quam ut in ea pace, quæ postremo cum
consule Lutatius facta esset, manere liceret. ⁸⁴ Quum, more
tradito, Patribus potestatem interrogandi, si quis quid vellet,
legatos, prætor fecisset; senioresque, qui fœderibus interfu-
erant, alia alii interrogarent, nec meminisse per ætatem
(etenim omnes ferme juvenes erant) dicerent legati; concla-
matum ex omni parte curiæ est, Punica fraude electos, qui
veterem pacem repeterent, cujus ipsi non meminissent.

XXIII. Emotis deinde curia legatis, sententiæ interro-
gari cœptæ. M. Livius C. Servilium consulem, qui propior
esset, arcessendum, ut coram eo de pace ageretur, censebat.

^c cum Gron. Crev.

⁸¹ *En unquam*] Nunquamne?
Vid. l. XXIV. c. 14.

⁸² *Benigne*] Benigna in auctores
beneficii et grata mente.

⁸³ *Jam dimisso Lælio . . . quum*
Carthaginensium legatos] Tamen su-
 pra, c. 17. memoratum est censuisse
 Patres retinendum Lælium, donec le-
 gati Carthaginenses venirent. Sed

fortasse, Annibale profecto ex Italia,
nullos jam crediderant venturos a Car-
thaginensibus legatos.

⁸⁴ *Quum more tradito, Patribus*
potestatem interrogandi . . . legatos
prætor fecisset] Hic conjecturam ha-
 bemus Freinshemii, sed eam minime
 dubiam. Antea more tradito a patri-
 bus.

quum de re majore, quam quanta ea esset, consultatio incidere U. C. 549.
 non posset, non videri sibi, absente consulum altero, ambobusve, A. C. 203.
 eam rem agi, satis ex dignitate populi Romani esse. Q. Metellus, qui triennio ante consul dictatorque fuerat, Quum P. Scipio, cædendo exercitus, agros populando, in eam necessitatem compulisset hostes, ut supplices pacem peterent; et nemo omnium verius existimare posset, qua mente ea pax peteretur, quam is, qui ante portas Karthaginis bellum gereret; nullius alterius consilio, quam Scipionis, accipiendam abnuendamve pacem esse.
⁸⁵ M. Valerius Lævinus, qui bis consul fuerat, Speculatores, non legatos, venisse, arguebat: jubendosque Italia excedere, et custodes cum iis usque ad naves mittendos; Scipionique scribendum, ne bellum remitteret. Lælius Fulviusque adjecerunt: Et Scipionem in eo positam habuisse spem pacis, si Hannibal et Mago ex¹ Italia non revocarentur. Omnia simulaturos Karthaginienses, duces eos exercitusque expectantes. deinde, quamvis recentium fœderum et Deorum omnium oblitos, bellum gesturos. Eo magis ⁸⁶ in Lævini sententiam discessum. Le- Re infecta dimissi.

XXIV. Per eos dies Cn. Servilius consul, ⁸⁷ haud dubius, quin pacatæ Italiæ penes se gloria esset, velut pulsum ab se Hannibalem persequens, in Siciliam, inde in Africam trans-
 iturus, trajecit. Quod ubi Romæ vulgatum est, primo Cn. Servi-
 censuerunt Patres, ut prætor scriberet consuli, senatum æ- lius ex Sici-
 quum censere, in Italiam reverti eum: deinde, quum præ- lia revoca-
 tor, spreturum eum literas suas, diceret, dictator ad id ipsum tur.
 creatus P. Sulpicius, pro jure majoris imperii, consulem in Italiam revocavit: reliquum anni, cum M. Servilio magistro equitum, circumeundis Italiæ urbibus, quæ bello alienatæ fuerant, ⁸⁸ noscendisque singularum caussis consumsit.
 Per induciarum tempus et ex Sardinia ab Lentulo prætore Commeatus
 centum onerariæ naves, cum commeatu et viginti ros- ex Sardinia
 tratarum præsidio, et ab hoste, et ab tempestatibus mari in Africam.
 tuto, in Africam transmiserunt. Cn. Octavio ducentis onerariis, triginta longis navibus ex Sicilia trajicienti, non Ex Sicilia.
 eadem fortuna fuit. In conspectum ferme Africæ prospero cursu vectum primo destituit ventus; deinde versus in Africum turbavit, ac passim naves disjecit. ipse cum Classis dis-
 rostratis, per adversos fluctus ingenti remigum labore eni- jecta vento.

^f ex del. Gron. Crev.

⁸⁵ M. Valerius Lævinus, qui bis consul fuerat] Vid. not. 50. ad l. XXIX. c. 11.

⁸⁶ * In Lævini sententiam discessum] Vid. not. 39. ad XXVIII. 45.

⁸⁷ * Haud dubius quin] Sibi haud dubie tribuens pacatæ Italiæ gloriam, quæ tamen tota Scipionis erat, et

persequens Annibalem, tanquam ille a se pulsus esset.

⁸⁸ * Noscendisque singularum caussis] Inquirendoque, quam in causa singulæ essent, quæ magis, quæ minus nocentes, quæ omnino innoxie haberi possent.

U. C. 549.
A. C. 203.

Naves onerariæ a Karthaginensibus captæ.

Legati Rom. a Karthaginensibus prope violati.

sus, Apollinis promontorium tenuit. onerariæ, pars maxima ad Ægimurum (insula ea sinum ab alto claudit, in quo sita Karthago est, triginta ferme millia ab urbe) aliæ adversus urbem ipsam ad Calidas Aquas delatæ sunt. Omnia in conspectu Karthaginis erant. itaque ex tota urbe in forum concursus est. Magistratus senatum vocare, populus in curiæ vestibulo fremere, ne tanta ex oculis manibusque amitteretur præda. Quum quidam pacis petitiæ, alii induciarum (necdum enim dies exierat) fidem obponerent, permixto pene senatus populique concilio, consensus est, ut classe quinquaginta navium Hasdrubal Ægimurum trajiceret: inde per litora portusque dispersas Romanas naves conligeret. Desertæ fuga nautarum, primum ab Ægimuro, dein ab Aquis onerariæ Karthaginem puppibus tractæ sunt.

XXV. Nondum reverterant ab Roma legati, neque sciebatur, quæ senatus Romani de bello aut pace sententia esset; necdum induciarum dies exierat: eo indigniorem injuriam ratus Scipio, ab iis, qui petiissent pacem et inducias, et spem pacis et fidem induciarum violatam esse, legatos Karthaginem, L. Bæbium, L. Sergium, L. Fabium extemplo misit. qui, quum multitudinis concursu prope violati essent, nec reditum tutiorem cernerent futurum, petierunt a magistratibus, quorum auxilio vis prohibita erat, ut naves mitterent, quæ se prosequerentur. Datæ triremes duæ, quum ad Bagradam flumen pervenissent, unde castra Romana conspiciebantur, Karthaginem rediere. Classis Punica ad Uticam stationem habebat. ex ea tres quadriremes, seu clam misso a Karthagine nuncio, uti fieret, seu Hasdrubale, qui classi præerat, sine publica fraude auso facinus, quinqueremem Romanam⁸⁹ superantem promontorium ex alto repente adgressæ sunt. sed neque rostro ferire celeritate subterlabentem poterant, neque transilire armati ex humilioribus in altiore navem: et defendebatur egregie, quoad tela suppeditarunt.⁹⁰ quibus deficientibus, quum jam nulla alia res eam, quam propinquitas terræ, multitudoque a castris in litus effusa, tueri potuisset; concitatam remis, quan-

§ M. Gron. Crev.

⁸⁹ *Superantem promontorium*] Intelligendum est, ut constat ex Appiano, Apollinis promontorium, quod appellatur in c. præc.

⁹⁰ *Quis deficientibus, quum jam*] Put. et Victor. codices respuunt *quum*. Deinde Vict. *concitata enim remis*: Put. *concitatam enim remis*. Nec quidquam videtur obstare, quominus integram optimi libri scripturam ad-

mittamus, nisi quod loco *et potuisset*, malleus *poterat*. *Quis deficientibus, jam nulla alia res eam, quam propinquitas terræ . . tueri poterat. Concitatam enim remis . . . in terram quum immisissent. Enim accipiendum est, ut plerumque pronunciatum enimvero: quemadmodum fere restituimus, monente Gronovio, lib. XXIII, c. 45. Enim minor est res.*

to maximo impetu poterant, in terram quum intrisissent, U. C. 549. navis tantum jactura facta, incolumes ipsi evaserunt. Ita A. C. 203. alio super aliud scelere quum haud dubie induciæ ruptæ essent, Lælius Fulviusque ab Roma cum legatis Karthaginensibus supervenerunt. quibus Scipio, *Etsi non induciarum modo fides a Karthaginensibus, sed jus etiam gentium in legatis violatum esset; tamen se nihil, nec institutis populi Romani, nec suis moribus indignum, in iis facturum esse*, quum dixisset, legatis dimissis, bellum parabat. Hannibali jam terræ adpropinquanti ⁹¹ jussus e nauticis unus^h ascendere in malum, ut specularetur, quam tenerent regionem, quum dixisset, sepulcrum dirutum proram spectare, ⁹² abominatus, prætervehi jusso gubernatore, ad Leptim adpulit classem, atque ibi copias exposuit.

Leptim appellit Hannibal.

XXVI. Hæc eo anno in Africa gesta. Insequentia excedunt in eum annum, quo M. Servilius Geminus, qui tum magister equitum erat, et Ti. Claudius Nero consules facti sunt. Ceterum exitu superioris anni quum legati sociarum urbium ex Græcia questi essent, vastatos agros ab regiis præsidiis, profectosque in Macedoniam legatos ad res repetendas non admissos ad Philippum regem: simul nunciassent, quatuor millia militum cum Sopatro duce trajecta in Africam dici, ut essent Karthaginensibus præsidio, et pecuniæ aliquantum una missum; legatos ad regem, qui hæc adversus fœdus facta videri Patribus nunciarent, mittendos censuit senatus. Missi C. Terentius Varro, C. Mamilius, M. Aurelius. iis tres quinqueres datæ. Annus insignis incendio ingenti, quo clivus Publicius ad solum exustus est, et aquarum magnitudine: sed annonæ vilitas fuit, præterquam quod pace omnis Italia erat aperta, etiam quod ⁹³ magnam vim frumenti, ex Hispania missam, M. Valerius Falto et M.

Legati ad Philippum missi a Rom.

^h unus del. Gron.

⁹¹ *Jussus e nauticis unus*] Olim hic legabatur *jussus e nautis unus*. Gronovius mutavit, et dedit *jussus e nauticis*, suppresso *et unus*: ut mire delectant eum abrupti sermonis asperitates. Emendationi suæ prætexit auctoritatem Put. codicis, in quo negavit reperiri eam vocem quam recidebat. At quinam diligenti alioquin viro id exciderit, miramur. Nos enim eam exstare in illo libro vidimus integram, nisi quod prima littera obelo transfixa est, et supra scriptum i. Alludunt eodem et alii codices nostri, qui habent omnes *jussus e nautico sinu*. Sed et ea exempla quæ allegat Gronovius similium, ut ipse censet,

locutionum, non usquequaque respondent: ut illud ex hoc ipso libro, c. 15. *Adum e servis vocat*, longe lenius est. Igitur non dubitavimus revocare vocem *unus*. Ex Gronoviana emendatione accepimus *et nauticis*, quo scripti ducunt.

⁹² *Abominatus*] Omen aversatum.

⁹³ *Magnam vim frumenti*.... *œdiles œurules quaternis æris*] Quaternis assibus in modios. Sic enim et l. XXXI. c. 50. dicuntur ædiles magnam frumenti vim *binis æris in modios* populo divisisse. Porro quatuor asses æquabant denarii quadrantem, sive sestertium, qui æstimari potest grani argenti nostratibus 18.

U. C. 549.
A. C. 203.
Q. Fabii
Max. mors
et laudes.

Fabius Buteo ædiles curules quaternis æris ⁹⁴vicatim populo descripserunt. Eodem anno Q. Fabius Maximus moritur, exactæ ætatis; siquidem verum est, augurem duos et sexaginta annos fuisse, quod quidam auctores sunt. Vir certe fuit dignus tanto cognomine, ⁹⁵vel si novum ab eo inciperet. ⁹⁶Superavit paternos honores, ⁹⁷avitos æquavit. Pluribus victoriis et majoribus præliis avus insignis Rullus; sed omnia æquare unus hostis Hannibal potest. Cautior tamen, quam promptior, hic habitus fuit: et, sicut dubites, utrum ingenio cunctator fuerit, an quia ita bello proprie, quod tum gerebatur, aptum erat: sic nihil certius est, quam unum hominem nobis cunctando rem restituisse, sicut Ennius ait. Augur in locum ejus inauguratus Q. Fabius Maximus, filius: in ejusdem locum pontifex (nam duo sacerdotia habuit) Ser. Sulpicius Galba. Ludi Romani diem unum, plebei ter toti instaurati ab ædilibus, M. Sextio Sabino et Cn.¹ Tremellio Flacco. ii ambo prætores facti, et cum iis C. Livius Salinator et C. Aurelius Cotta. Comitia ejus anni utrum C. Servilius consul habuerit, an (quia eum res in Etruria tenuerint, quæstiones ex senatusconsulto de conjurationibus principum habentem) dictator ab eo dictus P. Sulpicius, incertum ut sit, diversi auctores faciunt.

U. C. 550.
A. C. 202.
M. Servilio,
Ti. Claudio
Coss.

Provinciæ.

XXVII. Principio insequentis anni, M. Servilius et ^kTi. Claudius, senatu in Capitolium vocato, de provinciis retulerunt. Italiam atque Africam in sortem conjici, Africam ambo cupientes, volebant. ceterum, Q. Metello maxime adnitente, neque data, neque negata est Africa. Consules jussi cum tribunis plebis agere, ut, si iis videretur, populum rogarent, quem vellet in Africa bellum gerere. Omnes tribus P. Scipionem jusserunt. Nihilominus consules ⁹⁸provinciam Africam (ita enim senatus decreverat) in sortem conjecerunt. Ti. Claudio Africa evenit, ut quinquaginta navium classem, omnes quinqueres, in Africam trajiceret, ⁹⁹parique impe-

ⁱ C. Gron. Crev.

^k et del. Ead.

⁹⁴ * *Vicatim populo descripserunt*] Distribuerunt populo, certum assignando frumenti modum in singulos vicos, pro ratione et numero incolentium. Vid. not. 95. ad XXXIV. 56.

⁹⁵ *Vel si novum ab eo inciperet*] Cognomen *Maximi* avus ejus Rullus sibi pepererat, memorante Livio, l. IX. c. ult. idque posteris hæreditarium reliquerat.

⁹⁶ * *Superavit paternos honores, avitos æquavit*] Honoribus magistratum superavit patrem: avum æquavit. Nempe Q. Fabius Gurges, quem Livius existimavit patrem hujusce Fabii, ter tantum consul fuit: Rullus

quinquies, ut et hic sive nepes, sive pronepos.

⁹⁷ * *Avitos honores . . . avus Rullus*] Plutarchus in Fabio bis hunc Cunctantorem Rulli pronepotem fuisse scribit. Consentit Plinius, et favet ratio temporum.

⁹⁸ *Provinciam Africam, ita enim senatus decreverat*] Nimirum intelligendum est senatum, instantibus etiam post judicium populi consulibus, hoc temperamento uti tandem coactum esse, ut classis certe in Africam trajicienda, et par cum Scipione imperium alterutri e consulibus decerneretur.

⁹⁹ *Parique imperio cum Scipione*

rio cum Scipione imperator esset. M. Servilius Etruriam U. C. 550. sortitus. in eadem provincia et C. Servilio prorogatum im- A. C. 202. perium, si consulem manere ad urbem senatui placuisset. Prætores, M. Sextius Galliam est sortitus, ut duas legiones provinciamque traderet ei P. Quinctilius Varus; C. Livius Bruttios cum duabus legionibus, quibus P. Sempronius proconsul priore anno præfuerat; Cn. Tremellius Siciliam, ut ab P. Villio Tappulo prætore prioris anni provinciam et duas legiones acciperet; Villius proprætor viginti navibus longis, militibus mille, oram Siciliæ tutaretur: inde M. Pomponius viginti navibus reliquis mille et quingentos milites Romam deportaret. C. Aurelio Cottæ urbana evenit. ceteris, ita uti quisque obtinebant provincias exercitusque, prorogata imperia. Sexdecim non amplius eo anno legionibus defensum ^{Legiones} imperium est. Et ut placatis Diis omnia inciperent agerent- ^{16.} que, ¹ ludos, quos, M. Claudio Marcello, T. Quinctio consulibus, T. Manlius dictator, quasque hostias maiores voverat, si per quinquennium illud respublica eodem statu fuisset, ² ut eos ludos consules, priusquam ad bellum proficiscerentur, facerent. Ludi in circo per quatrimum facti: hostiæque, quibus votæ erant Diis, cæsæ.

XXVIII. Inter hæc simul spes, simul cura in dies crescebat: nec satis certum constare apud animum poterat, utrum gaudio dignum esset, Hannibalem, post sextumdecimum annum ex Italia decedentem, vacuum possessionem ejus reliquisse populo Romano, an magis metuendum, quod incolumi exercitu in Africam transisset. *Locum nimirum, non periculum, mutatum; cujus tantæ dimicationis vatem, qui nuper decessisset, Q. Fabium haud frustra canere solitum, graviores in sua terra futurum hostem Hannibalem, quam in aliena fuisset. nec Scipioni aut cum Syphace, inconditæ barbariæ rege, ³ cui Statorius semilix ducere exercitus solitus sit, aut cum socero ejus Hasdrubale, fugacissimo duce, rem futuram, aut tumultuariis exercitibus, ex agrestium semiermi turba subito conlectis; sed cum Hannibale, prope nato in prætorio patris fortissimi ducis, alito atque educato inter arma, puero quondam milite, vixdum juvene imperatore; ⁴ qui senex vincendo factus, Hispanias, Gallias,*

Anxii Romani ob transitum Hannibalis.

imperator esset] Vox imperator omnino otiosa videtur, ac proinde ableganda.

¹ Ludos quos . . . T. Manlius dictator] Hos ludos jussi fuerant facere consules superioris anni, quo re ipsa quinquennium a Manlio definitum claudabatur. Necesse est igitur aliqua intervenerit mora, quæ eos in hunc annum rejicere coegerit.

² Ut eos ludos] Ante hæc verba suppl. decretum fuit.

³ Cui Statorius semilix] De hoc

Statorio vid. l. XXIV. c. 48.

⁴ Qui senex vincendo factus] Oratorie fortasse dictum ad rem augendam. Nisi potius dicendum est Livium hic ex more Romanorum loqui, apud quos initium senectutis ab anno ætatis sexto et quadragesimo petebatur. Vid. not. 18. ad l. l. c. 48. Id autem ætatis tunc erat Annibal. Ipse infra de se ait, c. 37. *Novem annorum a vobis profectus, post trigesimum sextum annum redii.*

U. C. 580. *Italiam ab Alpibus ad fretum monumentis ingentium rerum*
 A. C. 202. *complexset: ⁵ducere exercitum æqualem stipendiis suis, dura-*
tum omnium rerum patientia, quas vix fides fiat homines pas-
sos; perfusum millies cruore Romano; exuvias non militum
tantum, sed etiam imperatorum, portantem. Multos obcursu-
ros Scipioni in acie, qui prætores, qui imperatores, qui consules
Romanos sua manu occidissent, muralibus vallaribusque in-
signes coronis, pervagos capta castra, captas urbes Romanas.
Non esse hodie tot fasces magistratibus populi Romani, quot
captos ex cæde imperatorum præferre posset Hannibal. Has
formidines agitando animis, ipsi curas et metus augebant
etiam, quod, quum adsuessent per aliquot annos bellum ante
oculos aliis atque aliis in Italiæ partibus lenta spe, in nul-
lum propinquum debellandi finem gerere, erexerant omnium
animos Scipio et Hannibal, velut ad supremum certamen
comparati duces. Ii quoque, quibus ingens erat in Scipione
fiducia et victoriæ spes, ⁶quo magis in propinquam eam in-
minebant animis, ⁷eo curæ intentioris erant. Haud dispar
habitus animorum Karthaginiensibus erat. quos modo pe-
tisse pacem, intuentes Hannibalem ac rerum gestarum ejus
magnitudinem, poenitebat: modo, quum respicerent, bis se-
se acie victos, Syphacem captum, pulsos se Hispania, pul-
sos Italia, atque ea omnia unius virtute et consilio Scipionis
facta, velut fatalem eum ducem in exitium suum natum
horrebant.

Speculato-
res Hanni-
balis a Sci-
pione di-
missi.

XXIX. Jam Adrumetum venerat Hannibal: unde, ad
 reficiendum ex jactatione maritima militem paucis diebus
 sumtis, excitus pavidis nunciis, omnia circa Karthaginem
 obtineri armis, adferentium, magnis itineribus Zamam con-
 tendit. Zama quinque dierum iter ab Karthagine abest.
 inde præmissi speculatores quum excepti a custodibus Ro-
 manis deducti ad Scipionem essent, traditos eos tribunis
 militum, jussosque omisso metu visere omnia, per castra,
 qua vellent, circumduci jussit: percunctatusque, satin' per
 commodum omnia explorassent, datis, qui prosequerentur,
 retro ad Hannibalem dimisit. Hannibal nihil quidem
 eorum, quæ nunciabantur, (nam et, Masinissam cum sex
 millibus peditum, quatuor equitum venisse eo ipso forte
 die, adferebant,) læto animo audiit¹, maxime hostis fiducia,
⁸quæ non de nihilo profecto concepta est, perculsus. Itaque,

¹ *audivit* Gron. Crev.

⁵ *Ducere exercitum*] Lege *duceret* auctore Gronovio.

⁶ *Quo magis*] Quo avidiore et spe et voto eam propinquantem jam exspectabant et optabant.

⁷ *Eo curæ intentioris erant*] Sic nullus e scriptis. Sed quam nihil of-

ferant sani, utamur recepta lectione, donec meliores codices reperti fuerint.

⁸ *Quæ non de nihilo profecto concep- ta est*] Imo esset. Est enim cogitatio Annibalis, non affirmatio Livii. Gronovius.

quamquam et ipse causa belli erat, et adventu suo turbaverat U. C. 550.
et pactas inducias, et spem foederum; tamen, si integer, quam A. C. 202.
si victus, peteret pacem, æquiora impetrari posse ratus, nun-
cium ad Scipionem misit, ut conloquendi secum potestatem
faceret. Id utrum sua sponte fecerit, an publico consilio,
neutrum cur adfirmem, habeo. Valerius Antias, primo præ-
lio victum eum a Scipione, quo duodecim millia armatorum
in acie ⁹ sunt cæsa, mille et septingenti capti, legatum cum
aliis decem legatis tradit in castra ad Scipionem venisse.
Ceterum Scipio quum conloquium haud abnuisset, ambo ex
composito duces castra protulerunt, ut coire ex propinquo
possent. Scipio haud procul ¹⁰ Naraggara^m urbe, tum ad Conlo-
cetera loco opportuno, tum quod ¹¹ aquatio intra teli conjec- quium da-
tum erat, consedit. Hannibal tumultum a quatuor millibus cum de
inde, tutum commodumque alioquin, nisi quod longinquæ pace.
aquationis erat, cepit. ibi in medio locus conspectus undi-
que, ne quid insidiarum esset, delectus.

XXX. Submotis pari spatio armatis, cum singulis inter-
pretibus congressi sunt, non suæ modo ætatis maximi duces,
sed omnis ante se memoriæ, omnium gentium cuilibet regum
imperatorumve pares. Paullisper alter alterius conspectu, ad-
miratione mutua prope adtoniti conticuere. Tum Hannibal Hannibalis
prior, *Si hoc ita fato datum erat, ut, qui primus bellum intuli* oratio.
populo Romano, quique toties prope in manibus victoriam ha-
bui, is ultro ad pacem petendam venirem; lætor te mihi sorte
potissimum datum, a quo peterem. Tibi quoque inter multa
egregia non in ultimis laudum hoc fuerit, Hannibalem, cui
tot de Romanis ducibus victoriam Dii dedissent, tibi cessisse;
teque huic bello, vestris prius, quam nostris, cladibus insig-
ni, finem inposuisse. ¹² *Hoc quoque ludibrium casus edide-*
rit fortuna, ut, quum patre tuo consule ceperim arma, cum
eodem primum Romano imperatore signa contulerim; ad fi-
lium ejus inermis ad pacem petendam veniam. Optimum qui-
dem fuerat, eam patribus nostris mentem datam ab Diis esse,
ut et vos Italiæ, et nos Africæ imperio contenti essemus: neque
enim ne vobis quidem Sicilia ac Sardinia satis digna pretia
sunt pro tot classibus, tot exercitibus, tot tam egregiis amissis
ducibus. Sed, præterita magis reprehendi possunt, quam cor-
rigi. Ita aliena adpetivimus, ut de nostris dimicaremus, nec in
Italia solum vobis bellum, nobis in Africa esset: sed et vos in
portis vestris prope ac mœnibus signa armaque hostium vidistis,
et nos ab Karthagine fremitum castrorum Romanorum exau-

^m Nadagara Gron. Crev.

⁹ *Sunt cæsa*] *Lege sint.* GRONOVIVS.

¹⁰ *Nadagara*] *Scripti, Naragga-*

ra.

rivo propiorē castris, quam quantus
est teli conjectus.

¹² *Hoc quoque ludibrium casus*]

¹¹ *Aquatio intra teli conjectum*
erat] *Aqua petebatur e flumine vel*

Hunc quoque ludicrum casum velut
jocata fortuna edidisse videri queat.

U. C. 550. A. C. 202. *dimus. Quod igitur nos maxime abominaremur, vos ante omnia optaretis, in meliore vestra fortuna de pace agitur: agimus ii, quorum et maxime interest pacem esse, et qui quodcumque egerimus, ratum civitates nostræ habituræ sint. animo tantum nobis opus est non abhorrente a quietis consiliis. Quod ad me adinet, jam ætas¹³ senem in patriam revertentem, unde puer profectus sum, jam secundæ, jam adversæ res, ita erudierunt, ut rationem sequi, quam fortunam, malim. Tuam et adolescentiam et perpetuam felicitatem, ferociora utraque, quam quietis opus est consiliis, metuo.*¹⁴ *Non temere incerta casuum reputat, quem fortuna numquam decepit. Quod ego fui ad Trasimenum, ad Cannas, id tu hodie es. Vixdum militari ætate imperio accepto, omnia audacissime incipientem nusquam fefellit fortuna. Patris et patrui persecutus mortem, ab calamitate vestræ domus decus insigne virtutis pietatisque eximiæ cepisti: amissas Hispanias reciperasti, quatuor inde Punicis exercitibus pulsas: consul creatus, quum ceteris ad tutandam Italiam parum animi esset, transgressus in Africam, duobus hic exercitibus cæsis, binis eadem hora captis simul incensisque castris, Syphace potentissimo rege capto, tot urbibus regni ejus, tot nostri imperii ereptis, me sextumdecimum jam annum hærentem in possessione Italiæ detraxisti.*¹⁵ *Potest victoriam, inquamⁿ, malle, quam pacem, animus.*¹⁶ *Novi^o spiritus magis magnos, quam utiles. et mihi talis aliquando fortuna adfulsit. Quod si in secundis rebus bonam quoque mentem darent Dii; non ea solum, quæ evenissent, sed etiam ea, quæ evenire possent, reputaremus. Ut omnium obliviscaris aliorum, satis ego documenti in omnes casus sum. Quem modo, castris inter Anienem atque urbem vestram¹⁷ positis^p, signa inferentem ad mœnia Romana; hic cernis, duobus fortissimis viris, fratribus clarissimis imperatoribus, orbatum, ante mœnia prope obsessæ patriæ, quibus terrui ves-*

ⁿ inquam del. Gron. Crev. ^o add. vobis Eæd. ^p positus, ac jam prope scandentem mœnia Romæ videras; hic Eæd.

¹³ *Senem in patriam revertentem, unde puer profectus sum]* Vid. not. 4. ad 28. supra, et not. 57. ad 37. infra.

¹⁴ *Non temere]* Raro.

¹⁵ *Potest victoriam malle]* Plerique scripti: *potest victoriam, inquam, malle.* Nec displicet. In illa enim voce *inquam* est quædam vis affirmandi et urgendi.

¹⁶ *Novi vobis spiritus]* Vocem *vobis*, etsi scripti ignorant, retineamus tamen, ut clarior sit oratio. * *Novi vobis* eos esse animos, ut soleatis magna et alta spirare potius, quam utilibus acquiescere.

¹⁷ *Ac jam prope scandentem mœnia*

Romæ videras] Magna pars scriptorum, et vet. editi habent *signa inferentem ad mœnia Romana.* Quidam, ut noster Victorinus, et unus e Gronovianis, utrumque conjungunt, *signa inferentem ac prope scandentem mœnia Romana.* Quoquo modo legas, haud credimus multum interesse: nisi quod *scandentem prope mœnia Romana*, nobis valde Livianum videtur. Hanc locutionem restituimus Livio, l. XXII. c. 14. *scandentem mœnia Romanæ colonie*, ubi vulgati præferebant *tendentem ad mœnia.* Quod sequitur *videras*, etsi complures MSS. omittunt, retinendum putamus.

tram urbem, ea pro mea deprecantem. Maximæ cuique for- U. C. 550.
 tunæ minime credendum est. In bonis tuis rebus, nostris du- A. C. 202.
 biis, tibi ampla ac speciosa danti est pax: nobis petentibus
 magis necessaria, quam honesta. Melior tutiorque est certa
 pax, quam sperata victoria. hæc in tua, illa in Deorum ma-
 nu est. Ne tot annorum felicitatem in unius horæ dederis
 discrimen. Cum tuas vires, tum vim fortunæ Martemque
 belli communem, propone animo. Utrunque ferrum, corpora
 humana erunt. nusquam minus, quam in bello, eventus re-
 spondent. Non tantum ad id, quod data pace jam habere
 potes, si prælio vincas, gloriæ adjeceris; quantum ademeris,
 si quid adversi eveniat. Simul parta ac sperata decora
 unius horæ fortuna evertere potest. Omnia in pace jngen-
 da tuæ potestatis sunt, P. Corneli: tunc ea habenda fortuna
 erit, quam Dii dederint. Inter pauca felicitatis virtutisque
 exempla M. Atilius quondam in hac eadem terra ¹⁸ fuisset,
 si victor pacem petentibus dedisset patribus nostris: non⁹
 statuendo tandem felicitati modum, nec cohibendo efferentem
 se fortunam, quanto altius elatus erat, eo fædius corrui-
 t. Est quidem ejus, qui dat, non qui petit, conditiones dicere
 pacis: sed forsitan non indigni simus, qui ¹⁹ nobismet ipsi^r
 multam inrogemus. Non recusamus, quin omnia, propter
 quæ bellum initum est, vestra sint, Sicilia, Sardinia, Hispa-
 nia, quidquid insularum toto inter Africam Italiamque con-
 tinetur mari. Karthaginienses, inclusi Africæ litoribus,
 vos (quando ita Dîs placuit) ²⁰ externa etiam terra marique
 videamus regentes imperia. Haud negaverim, propter non
 nimis sincere petitam aut expectatam nuper pacem, suspec-
 tam esse vobis Punicam fidem. ²¹ multum, per quos petita
 sit, ad fidem tuendæ pacis pertinet, Scipio. Vestri quoque (ut
 audio) Patres nonnihil etiam ob hoc, quia parum dignitatis

⁹ sed non Gron. Crev.

^r ipsis Gron.

¹⁸ Fuisset, si victor pacem peten-
 tibus dedisset patribus nostris] Hæc
 frustra tentat decurtare emenda-
 tione minime necessaria et parum
 eleganti Gronovius. Integrum exstat
 id in regio codice, quod vulgo editur.
 Verum in eo quod sequitur, sed non
 statuendo tandem felicitati modum, rā
 sed et tandem idem liber omittit.
 Tres alii pro tandem habent tamen.
 Libenter legeremus rejecta particula
 sed, quam sæpe gaudet suppressere
 Livius, Non statuendo tamen felicitati
 modum: ut sensus sit, quamvis res
 prosperissime gereret, melius tamen si-
 bi consulturum fuisse, si statuisset
 felicitati modum. Quod quia non
 fecit, quanto altius elatus erat, eo fæ-

dus corrui-

¹⁹ Nobismet ipsi] Sic habent Re-
 gius et Victor. codices: et hanc ele-
 gantiam loquendi sæpe alias Livio re-
 stituit cura Gronovii. Vulgo nobismet-
 ipsis.

²⁰ Externa . . . regentes imperia] Imperium exercentes in exteris na-
 tiones. Regentes imperia hic videtur
 dici, quemadmodum ludere ludum,
 certare certamen, et alia similia. Sic
 et Virgilius, Imperium Dido Tyria
 regit urbe profecta.

²¹ Multum, per quos petita sit] Qua
 fide pax servetur, id magnopere pen-
 det ex dignitate eorum per quos illa
 petita sit.

U. C. 550.
A. C. 202.

Responsio
Scipionis.

in legatione erat, negaverunt pacem. Hannibal peto pacem : qui neque peterem, nisi utilem crederem : et propter eandem utilitatem tuebor eam, propter quam petii. et, quemadmodum, quia a me bellum ceptum est, ²² ne quem ejus poeniteret, quoad ipsi invidere Dei, praestiti ; ita admitar, ne quem pacis per me partae poeniteat.

XXXI. Adversus haec imperator Romanus in hanc fere sententiam respondit. *Non me fallebat, Hannibal, adventus tui spe Karthaginienses et praesentem induciarum fidem, et spem pacis turbasse. neque tu id sane dissimulas, qui de conditionibus superioribus pacis omnia subtrahas, praeter ea, quae jam pridem in nostra potestate sunt. Ceterum, sicut tibi curae est, sentire cives tuos, quanto per te onere levantur : sic mihi laborandum est, ne, quae tunc pepigerunt, hodie subtracta ex conditionibus pacis, praemia perfidiae habeant. Indigni, quibus eadem pateat conditio, ut etiam prosit vobis fraus, petitis. Neque patres nostri priores de Sicilia, neque nos de Hispania fecimus bellum. ²³ et tunc Mamertinorum sociorum periculum, et nunc Sagunti excidium nobis pia ac justa induerunt arma. Vos lacesse, et tu ipse fateris, et Dei testes sunt : qui et illius belli exitum secundum jus fasque dederunt, et hujus dant et dabunt. Quod ad me adinet, et humanae infirmitatis memini, et vim fortunae reputo, et omnia, quaecumque agimus, subjecta esse mille casibus scio. Ceterum, quemadmodum superbe et violenter me fateri facere, si prius, quam in Africam trajecissem, te tua voluntate cedentem Italia, et, imposito in naves exercitu, ipsum venientem ad pacem petendam adspernarer ; sic nunc, quum ²⁴ prope manu conserla restitantes ac tergiversantes in Africam adtraxerim, nulla sum tibi verecundia obstrictus. Proinde ²⁵ si quid ad ea, in quae tum pax conventura videbatur, (quae sint, nosti) multae navium cum commeatu per inducias expugnataram legatorumque violatorum adjicitur, est, quod referam ad consilium. Sin illa quoque gratia videntur, bellum parate,*

²² Ne quem ejus poeniteret . . praestiti] Feci, per lantos belli eventus, ut nemo illud susceptum incusare posset.

²³ Et tunc Mamertinorum] De ea re vid. Polyb. l. l. ex quo apparet Scipionem hic suae Romanorumque causae gratificari. Romana enim arma in Siciliam vocavit magis nimiae jam Carthaginensium potentiae metus, quam Mamertinorum preces, qui novetusta cum iis societate juncti erant, et ob immanitatem injustitiamque, qua Messanam veteribus cultoribus ademrant, parum sane digni erant auxilio. * De acerba et injusta vi Mamertinorum, vid. not. 51. ad XXVIII.

²³ supra.

²⁴ Prope manu conserla] Nostri scripti, ut et Gronoviani, manu conserlum : quasi respexerit Livius illud antiqui fori, ex jure manu convertum vocare. Nobis potior est vulgata lectio.

²⁵ Si quid ad ea] Hoc licet paulo durius ferri tamen potest, atque in hunc modum exponi : si quid multae nomine, navium expugnataram causa, adjicitur ad ea . . Gronovius testatur nusquam in MSS. suis reperiri, quae sint nosti, sed quasi multae aut quae si multa navium : et assentiuntur nostri. Inde ille efficit, quasi multa navium ; quod planius est, nec fortasse spernendum.

quoniam pacem pati non potuistis. Ita infecta pace, ex con- U. C. 550.
loquio ad suos quum se recepissent, ²⁶ frustra verba jactata A. C. 202.
renunciant. armis decernendum esse, habendamque eam Re infecta
fortunam, quam Dii dedissent. redeunt.

XXXII. In castra ut est ventum, pronunciant ambo, ^{Omnia pa-}
Arma expedirent milites animosque ad supremum certamen, non rantur ad
in unum diem, sed in perpetuum, si felicitas adesset, victores. ^{praelium.}
²⁷ *Roma, an Karthago, jura gentibus darent, ante crastinam*
noctem scituros. neque enim Africam, aut Italiam, sed orbem
terrarum victoriæ præmium fore; par periculum præmio,
quibus adversæ pugnae fortuna fuisset. nam neque Romanis
effugium ullum patebat in aliena ignotaque terra: et Kar-
thagini, supremo auxilio effuso, adesse videbatur præsens
excidium. Ad hoc discrimen procedunt postero die duorum
opulentissimorum populorum duo longe clarissimi duces,
duo fortissimi exercitus, multa ante parta decora aut cumu-
laturi eo die, aut eversuri. Anceps igitur spes et metus mis-
cebant animos: contemplantibusque modo suam, modo
hostium aciem, ²⁸ quum oculis magis, quam ratione, pensa-
rent vires, simul læta, simul tristia obversabantur. Quæ
ipsis sua sponte non subcurrebant, ea duces admonendo at-
que hortando subjiciunt. Pœnus sedecim annorum in terra
Italia res gestas, tot duces Romanos, tot exercitus occidio-
ne occisos, et sua cuique decora, ubi ad insignem alicujus
pugnae memoria militem venerat, referebat. Scipio Hispa-
nias, et recentia in Africa prælia, et confessionem hostium,
quod neque non petere pacem propter metum, neque ma-
nere in ea præ insita animis perfidia potuissent. ad hoc, con-
loquium Hannibalis in secreto habitum, ac ²⁹ liberum fin-
genti, qua velit, flectit. ³⁰ Ominatur, quibus quondam aus-

²⁶ *Frustra verba jactata*] Conjec-
tura Gronovii. Libri habent *pacata*,
vel *precata*, vel *peracta*.

²⁷ *Roma, an Carthago jura genti-
bus daret*] Sana et accurata loquendi
forma: non *darent*. Etenim non
possunt ambæ simul illæ urbes, jura
dare gentibus. Scripti tamen hoc ul-
timum tenent. Editos ante Grono-
vium sequimur.

²⁸ *Quum oculis magis, quam ra-
tione pensarent vires*] An igitur, si ra-
tione pensarent vires, non jam ipsis
partim læta, partim tristia occurre-
rent? Malleus sine particula *ma-
gis: quum oculis, quum ratione pensa-
rent vires*.

²⁹ *Liberum . . . flecti*] Sic edidit
Sigonius. Gronovianæ editiones ha-
bent *flectit*. Magis placet Sigoniana

lectio, quam firmant MSS. et alii co-
dices, teste Hearnio. Eam sic expo-
nimus, repetentes ex præcedentibus
verbum *referebat*. *Ad hoc*, sive præ-
terea, Scipio referebat *colloquium An-
nibalis in secreto habitum, ac proinde*
liberum fingenti flecti qua velit, id est,
quod, fingens, falsa veris admiscens,
posset libere flectere in quamcunque
partem vellet.

³⁰ * *Ominatur . . . portendisse deos*]
Vulgo verbum *ominari* futura spec-
tat, non præterita. Hic videtur non
alia esse potuisse mens Livii, quam
ut dicat Scipionem fausto omine eri-
gentem animos militum, jussisse eos
minime dubitare quin eadem Pœnis
hodie in aciem exeuntibus auspicia
dii dederint, quæ olim pugnaturis
ad Ægates insulas.

U. C. 550. **piciis patres eorum pugnaverint ad Ægates insulas, ea illis**
 A. C. 202. **exeuntibus in aciem portendisse Deos. *Adesse finem belli ac laboris. In manibus esse prædam Karthaginis, reditum domum in patriam, ad parentes, liberos, conjuges, Penatesque Deos.*** Celsus hæc corpore, vultuque ita læto, ut vicisse jam crederes, dicebat. Instruit deinde primos hastatos, post eos principes: triariis postremam aciem clausit.

Acies Scipionis.

Acies Hannibalis.

XXXIII. ⁸¹ Non confertas autem cohortes ante sua quamque signa instruebat, sed manipulos aliquantum inter se distantes, ut esset spatium, quo elephanti hostium accepti nihil ordines turbarent. Lælium (cujus ante legati, eo anno quaestoris extra sortem ex senatusconsulto opera utebatur) cum Italico equitatu ab sinistro cornu, Masinissam Numidasque ab dextro obposuit. vias patentes inter manipulos antesignatorum ⁸² velitibus (ea tunc levis armatura erat) complevit; dato præcepto, ut, ad inpetum elephantorum, aut ⁸³ post rectos refugerent ordines, aut, in dextram lævamque discursu ⁸⁴ adplicantes se antesignans, viam, qua intruerent in ancipitia tela, belluis darent. Hannibal ⁸⁵ ad terrorem primum elephantos (octoginta autem erant, quot nulla umquam in acie ante habuerat) instruxit: deinde auxilia Ligurum Gallorumque, Baliaribus Maurisque admixtis; in secunda acie Karthaginienses Afrosque et Macedonum legionem; modico inde intervallo relicto, subsidiariam aciem Italicorum militum (Bruttii plerique erant, vi ac necessitate plures, quam sua voluntate, ⁸⁶ decedentem ⁸⁷ ex Italia secuti) instruxit. Equita-

⁸ *discedentem* Gron. Crev.

⁸¹ *Non confertas autem cohortes]* Non ita instruebat cohortes ante sua quamque signa, ut hæerent sibi invicem densati manipuli e quibus constabat cohors, sed ita ut illi manipuli aliquantum inter se distarent. Verum illud est ex more solito militiæ Romanæ, in qua manipuli distinctim semper locabantur. Polybius, l. XV. unde et ambas fere Annibalis ac Scipionis orationes, et totam hujus pugnae narrationem exscripsit Livius, clarius indicat, qua in re Scipio a communi more instruendæ Romanæ aciei recesserit. Scipio, inquit, sic ⁸¹ *ordines copiarum instruxit. Primum Hastatos eorumque manipulos aliquantum inter se distantes; horum a tergo Principes locavit, positos eorum manipulis non ex adverso vacui spatii, quo distabant invicem Hastatorum manipuli, sicut mos est Romanorum, sed alios post alios in eadem serie, cum aliquo intervallo. Inde fiebat ut a fronte ad extremam aciem patentes et di-*

rectæ viæ panderentur, per quas velites, si ab elephantis nimium urgerentur, pone universam aciem refugere possent.

⁸² *Velitibus (ea tunc levis armatura erat]* Vid. l. XXVI. c. 4.

⁸³ *Post rectos . . . ordines]* Post ordines qui in rectum, in lineam, a fronte ad ultimam aciem dispositi erant.

⁸⁴ *Applicantes se antesignans]* Immo, ut Polybius habet, intervallis, quas inter manipulos a dextra lævaque patentium viarum relictæ erant.

⁸⁵ *Ad terrorem primum elephantos]* Potius videretur primos, quod ex Cantabrigiensi codice affert Jac. Gronovius, et firmat noster Regius.

⁸⁶ *Discedentem]* Duo e nostris MSS. *decedentem*: quod verbum hic proprium est.

⁸⁷ *Ex Italia secuti) instruxit]* Aut hoc instruxit recidere juvaret, aut prius illud, *elephantos . . instruxit.*

tum etiam ipsum circumdedit cornibus: dextrum Kartha- U. C. 550.
ginienses, sinistrum Numidæ tenuerunt. Varia adportatio A. C. 202.
erat in exercitu inter tot homines, quibus ³⁸ non lingua, non
mos, non lex, non arma, non vestitus habitusque, non caussa
militandi eadem esset. Auxiliaribus et præsens, et multipli-
cata merces ex præda ostentatur. Galli proprio atque insito in
Romanos odio accenduntur. Liguribus campi uberes Italiæ,
deductis ex asperrimis montibus, in spem victoriæ ostentantur.
Mauros Numidasque Masinissæ inpotenti futuro dominatu
terret. Aliis aliæ spes ac metus jactantur. Karthaginien-
sibus moenia patriæ, Dii Penates, æpulcra majorum, liberi
cum parentibus, conjuges pavidæ, aut excidium servitiumque,
aut imperium orbis terrarum, nihil aut in metum, aut in
spem medium ostentatur. Quum maxime hæc imperator
apud Karthaginienses, ³⁹ duces suarum gentium inter popu-
lares, plerique¹ per interpretes inter inmixtos alienigenis,
agerent, tubæ cornuaque ab Romanis cecinerunt: tantus-
que clamor ortus, ut elephanti in suos, sinistro maxime cornu,
verterentur, Mauros ac Numidas. Addidit facile Masinissa
perculsis terrorem, nudavitque ab ea parte aciem equestri
auxilio. Paucae tamen bestiarum, intrepidæ in hostem actæ,
inter velitum ordines cum multis suis vulneribus ingentem
stragem edebant. resiliens enim ad manipulos velites, quum
viam elephantis, ne obtererentur, fecissent; ⁴⁰ in² ancipites
ad ictum utrimque conjiciebant hastas; nec pila ab antesig-
nanis cessabant; donec undique incidentibus telis exacti ex
Romana acie, hi quoque in suo dextro cornu ipsos Kartha-
giniensium equites in fugam verterunt. Lælius, ut turbatos
vidit hostes, addit perculsis terrorem.

XXXIV. Utrimque equite nudata erat Punica acies,
quum pedes concurrat, nec spe, nec viribus jam par. ad hoc,
⁴¹ dictu parva, sed magni eadem in re gerenda momenti res,

¹ pleraque Crev.

² in eos Gron.

³⁸ *Non lingua, non mos, non lex*] Vulgo legitur *non mores*. Sed quum tres MSS. Jac. Gronovio inspecti, duo Hearnio, nostri quatuor præferant *non mos*, hoc malimus. Supra, l. XXVIII. c. 12. itidem de Annibalis exercitu, *quibus non lex, non mos, non lingua communis*. Et apud Cic. l. I. de Orat. n. 196. *Cujus primum nobis mens, mos, disciplina nota esse debet*.

³⁹ *Duces suarum gentium inter populares, pleraque per interpretes*] Intellege *duces suarum* quemque gentium, Mauros Maurorum, Hispanos Hispanorum, etc. quæ cohortes, manipuli, legiones, quum non sinceræ omnino essent, sed permixtæ varia nationum

colluvie, duces illi pleraque ex iis quæ dicebant, per interpretes agere cogebantur. Gronovius maluit *plerique*, non satis evidenti mutationis causa. At ei assensi sumus reponenti *agerent*, quum prius legeretur *ageret*.

⁴⁰ *In ancipites ad ictum*] In elephantos utrimque expositos ad ictum et patentes. Vulgo hic legitur, *in eos ancipites*. Sed quum vox *eos* superflua sit, nec in MSS. exstet, illam erasimus.

⁴¹ *Dictu parva, sed magni eadem in re gerenda momenti res*] MSS. consentiunt in abolenda voce *res*: idque arripuit Gronovius, ut *res parva* referatur numero plurali ad omnia quæ sequuntur, *clamor, voces, pugna sta-*

U. C. 550.
A. C. 202.

congruens clamor a Romanis, eoque major et terribior; dissonæ illis, ut gentium multarum discrepantibus linguis, voces. pugna Romana stabilis, et suo et armorum pondere incumbentiam in hostem: concursatio et velocitas illinc major, quam vis. Igitur primo inpetu extemplo movere loco hostium aciem Romani. ⁴² ala deinde et umbonibus pulsantes, in submotos gradu inlato, aliquantum spatii, velut nullo resistente, incessere; urgumentibus et novissimis primos, ut semel motam aciem sentire; quod ipsum vim magnam ad pellendum hostem addebat. Apud hostes, auxiliares cedentes secunda acies, Afri et Karthaginienses, adeo non sustinebant, ut contra etiam, ne resistentes pertinaciter primos cædendo ad se perveniret hostis, pedem referrent. Igitur auxiliares terga dant repente: et, in suos versi, partim refugere in secundam aciem, partim non recipientes cædere, uti paullo ante non adjuti, et tunc exclusi. Et prope duo jam permixta proelia erant, quum Karthaginienses simul cum hostibus, simul cum suis cogerentur conserere manus. non tamen ita perculos iratosque in aciem accipere; sed, densatis ordinibus, in cornua vacuumque circa campum extra proelium ejecere, ⁴³ ne pavidos fuga vulneribusque milites in certam et integram aciem miscerent. Ceterum tanta strages hominum armorumque locum, in quo steterant paullo ante auxiliares, compleverat, ut prope difficilior transitus esset, quam per confertos hostes fuerat. Itaque, qui primi erant, hastati, per cumulos corporum armorumque et tabem sanguinis, qua quisque poterat, sequentes hostem, et signa et ordines confuderunt. principum quoque signa fluctuari cœperant, vagam ante se cernendo aciem. Quod Scipio ubi vidit, ⁴⁴ receptui propere canere hastatis jussit: et, sauciis in postremam aciem subductis, principes triariosque in cornua inducit; quo tutior firmiorque media

bilis, concursatio et velocitas. Sed quemadmodum patet, clamorem, voces dissonas in pugna, posse dici res parvas, ita non videmus, qui liceat idem pronunciare de pugna stabili, concursatione et velocitate militum, quæ magni esse momenti primo statim intuitu intelliguntur. Retineamus ergo *res*, licet destitutum auctoritate Gronovianorum codicum postorumque: et sensus Liviani potior rationem, quam vel plurimorum exemplarium, habeamus.

⁴² *Ala deinde et umbonibus pulsantes*] Incusso lacerto et scutorum umbonibus. Sic l. IX. c. 41. *Umbonibus incussa que ala sternuntur hostes.* Ceterum hoc loco scripti habent *umbone*,

vel *umboni*. Sed parum interest *umbonibusne* legas, an *umbone*.

⁴³ *Ne pavidos*] Veram Livii scripturam crediderimus cum Gronovio esse eam quam exhibet Regius codex: *ne pavidos fuga vulneribusque milite sinceram et integram aciem miscerent.* Tantummodo particulam *que* addimus, quæ necessaria est ad fulciendam orationem. * *Sinceram et integram aciem* intellige aciem non permixtam ex variarum gentium colluvione, nec ulla adhuc clade, ullo damno imminutam aut debilitatam.

⁴⁴ *Receptui . . canere Hastatis jussit*] Jussit receptui canere Hastatis, id est ad Hastatos revocandos.

hastatorum acies esset. Ita novum de integro proelium ortum est: quippe ad veros hostes perventum erat, et armorum genere, et usu militiæ, et fama rerum gestarum, et magnitudine vel spei vel periculi pares. Sed et numero Romanus superior erat, et animo: quod jam equites, jam elephantos fuderat: jam, prima acie pulsa, in secundam pugnabat.

XXXV. In tempore Lælius ac Masinissa, pulsos per aliquantum spatii secuti equites, revertentes in aversam hostium aciem incurrere. Is demum equitum inpetus fudit hostem. multi circumventi in acie cæsi: multi per patentem circa campum fuga sparsi, tenente omnia equitatu, passim interierunt. Karthaginiensium sociorumque cæsa eo die supra millia viginti: par ferme numerus captus est, cum signis militaribus centum triginta tribus, elephantis undecim. Victores ⁴⁵ ad duo millia cecidere. Hannibal, cum paucis equitibus inter tumultum elapsus, Adrumetum perfugit: omnia et in proelio, et ante aciem, priusquam excederet pugna, expertus; et confessione etiam Scipionis, omniumque peritorum militiæ, illam laudem adeptus, singulari arte aciem eo die instruxisse. Elephantos in prima fronte: quorum fortuitus inpetus atque intolerabilis vis, signa sequi, et servare ordines, (in quo plurimum spei ponerent) Romanos prohiberet. Deinde auxiliares ante Karthaginiensium aciem, ne homines mixti ex^v conluvione omnium gentium, quos non fides teneret, sed merces, liberum receptum fugæ haberent. simul primum ardorem atque inpetum hostium ⁴⁶ excipientes fatigarent; ac, si nihil aliud, vulneribus suis ferrum hostile hebetarent. Tum, ubi omnis spes esset, milites Karthaginienses Afrosque: ut, omnibus rebus aliis pares, eo, quod integri cum fessis ac sauciis pugnarent, superiores essent: Italicos, intervallo quoque diremtos, incertos socii an hostes essent, in postremam aciem submotos. Hoc edito velut ultimo virtutis opere, Hannibal, quum Adrumetum refugisset, aditusque inde Karthaginem ⁴⁷ sexto ac trigesimo post anno, quam puer inde profectus

^v ex del. Gron. Crev.

45 *Adduo millia*] Emendatio Sigonii, nixa auctore Polybio. Libri, *ad decem millia*.

46 *Excipientes fatigarent, ac, si nihil aliud, vulneribus suis*] Plerique scripti non agnoscunt *et fatigarent ac si nihil aliud*: et loco harum vocum substituunt *alii missilibus, alii*. Id qui placere potuerit Gronovio, miramur. Ceterum pro vulgata lectione stat regius codex, probæ ille quidem

notæ: stat Polybius, quem hic pene ad verbum exscribit noster. Græci auctoris hæc sunt verba, l. XV. n. 16. ἵνα καὶ τοῦ προελύσαι μὲν τῇ κόπῃ τὰ σώματα τῶν πολεμίων, ἀχρηῶσαι δὲ τὰς ἀκμὰς τῶν ὅπλων διὰ τὸ πλῆθος τῶν φανυμένων. Vides nullam ibi mentionem esse missilium.

47 *Sexto ac trigesimo post anno, quam puer*] Vid. not. 57. ad c. 37. infra.

U. C. 550. erat, redisset, fassus in curia est, non proelio modo se, sed
A. C. 202. bello victum, nec spem salutis alibi, quam in pace impetran-
da, esse.

XXXVI. Scipio, confestim a proelio expugnatis hos-
tium castris direptisque, cum ingenti præda ad mare ac na-
ves rediit; nuncio adlato, P. Lentulum cum quinquaginta
rostratis, centum onerariis, cum^x omni genere commeatus,
ad Uticam accessisse. Admovendum igitur undique terro-
rem perculsæ Karthagini ratus, ⁴⁸ misso Lælio Romam cum
victoriæ nuncio, Cn. Octavium terrestri itinere ducere le-
giones Karthaginem jubet: ipse, ad suam veterem nova
Lentuli classe adjuncta, profectus ab Utica portum Kar-
thaginis petit. Haud procul aberat, quum velata infulis
Karthagini-
enses pacem
petunt.
ramisque oleæ Karthaginensium occurrit navis. Decem
legati erant principes civitatis, auctore Hannibale missi ad
petendam pacem. qui quum ad puppim prætoriae navis ac-
cessissent, velamenta supplicum porrigentes, orantes, inplo-
rantesque fidem et misericordiam Scipionis; nullum iis
aliud responsum datum, quam ut Tunetem venirent: eo se
moturum castra. ipse ab contemplato situ Karthaginis, non
tam noscendi in præsentia, quam deprimendi hostis causa,
Uticam, eodem et Octavio revocato, rediit. Inde proce-
dentibus ad Tunetem nunciis adlatus, Verminam, Sypha-
cis filium, cum equitibus pluribus, quam peditibus, venire
Karthaginiensibus auxilio. pars exercitus cum omni equi-
tatu ⁴⁹ Saturnalibus primis agmen adgressa, Numidas levi
Numidæ
fusi.
certamine fudit. exitu quoque fugæ intercluso, ⁵⁰ a parte
omni circumdatis equitibus, quindecim millia hominum
cæsa; mille et ducenti vivi capti sunt, et equi Numidici
mille et quingenti, signa militaria duo et septuaginta^y. Re-
gulus ipse inter tumultum cum paucis effugit. Tum ad Tu-
netem eodem, quo antea, loco castra posita, legatique tri-
ginta Karthagine ad Scipionem venerunt. et illi quidem
Legati Kar-
thag. ad
Scipionem.
multo miserabilius, quam ante, (quo magis coge-
bat fortuna) egerunt: sed aliquantò minore cum misericordia ab recenti
memoria perfidiæ auditi sunt. In consilio quamquam jus-
ta ira omnes ad delendam stimulabat Karthaginem; tamen,

^x cum del. Gron. Crev.

^y septuaginta duo Ead.

⁴⁸ *Misso Lælio Romam cum victo-
riæ nuncio*] Delendum est omnino il-
lud cum, ut Lælius ipse intelligatur
fuisse victoriæ nuncius. Sic l. XXVI.
c. 51. *Scipio Lælium . . nuncium vic-
toriae Romam mittit.* l. XXVIII. c. 17.
*L. Scipio cum multis nobilibus captivis
nuncius receptæ Hispaniæ Romam est
missus.* Jac. Gronovius.

⁴⁹ *Saturnalibus primis*] Primo die
Saturnaliū, quæ per triduum cele-

brabantur. Sic apud Cic. l. XIII.
ad Att. Ep. ultima, appellantur Sa-
turnalia secunda, et Saturnalia tertia.
Et noster l. XLIV. c. 20. *Legati ex
Macedonia Quinquatribus ultimis*, id
est, ultimo die Quinquatrum, vene-
runt.

⁵⁰ *A parte omni circumdatis equi-
tibus*] Quum equitatus Romanorum
sese iis ab omni parte circumfudis-
set.

quum, et quanta res esset, et quam longi temporis obsidio U. C. 550. ⁵¹ tam munitæ et tam² validæ urbis, reputarent, et ipsum A. C. 202. Scipionem expectatio successoris, venturi ad paratam alterius labore ac periculo finiti belli famam, sollicitaret, ad pacem omnium animi versi sunt.

XXXVII. Postero die, revocatis legatis, et cum multa ^{Conditio-} castigatione perfidiæ monitis, ut, tot cladibus edocti, tan- ^{nes pacis a} dem Deos et iusjurandum esse crederent; conditiones pa- ^{Scipione} cis dictæ: *Ut liberi legibus suis viverent.* ^{dictæ.} ⁵² quas urbes, quosque agros, quibusque finibus ante bellum tenuissent, tenerent, populandique finem eo die Romanus faceret. Perfugas, fugitivosque, et captivos omnes redderent Romanis, et naves rostratas, præter decem triremes, traderent, elephantosque, quos haberent domitos: neque domarent alios. Bellum neve in Africa, neve extra Africam, injussu populi Romani gererent. Masinissæ res redderent, fœdusque cum eo facerent. Frumentum stipendiumque ⁵³ auxiliis, donec ab Roma legati redissent², præstarent. ⁵⁴ Decem millia talentum argenti, ⁵⁵ descripta pensionibus æquis in annos quinquaginta, solverent. Obsides centum arbitrato Scipionis darent: ne minores quatuordecim annis, neu triginta majores. Inducias ita se daturum, si per priores inducias naves onerariæ captæ, quæque fuissent in navibus, restituerentur. Aliter nec inducias, nec spem pacis ullam sese. Has conditiones legati quum ⁵⁶ domum referre^b jussi in concione ederent, et Gisgo ad dissuadendam pacem processisset, audireturque a multitudine, inquieta eadem et inbelli: ^{Gisgonem} indignatus Hannibal, dici ea in tali tempore audiri- ^{contra pa-} que, ad- ^{cem dicere} reptum Gisgonem manu sua ex superiore loco detraxit. ^{vetat Han-} Quæ insueta liberæ civitati species quum fremitum populi movisset, perturbatus militaris vir urbana libertate, ⁵⁷ Novem, inquit, *annorum a vobis profectus, post sextum et tricesimum^c annum redii.* Militares artes, quas me a puero ⁵⁸ fortuna nunc

² tam del. Gron. Crev. ² rediissent Eæd. ^b ferre Gron. ^c trigesimum sextum Gron. Crev.

⁵¹ *Tam munitæ et validæ urbis]* Omnes nostri libri, ut Cantabrigiensis a Jac. Gronovio excussus, iterant particulam: *tam munitæ et tam validæ urbis.*

⁵² *Quas urbes, quosque agros]* Intellige, in Africa, ut diserte habetur apud Polybium.

⁵³ *Auxiliis]* Vid. not. 80. ad l. XXVIII. c. 16.

⁵⁴ *Decem millia talentum]* Marcas nostrates argenti 987500.

⁵⁵ * *Descripta]* Distributa per pensiones æquas in annos quinquaginta.

⁵⁶ *Domum referre]* Vulgo *ferre*. Sed jamdudum Sigonius suggestit ex libro suo *referre*, quod melius est:

et tuentur nostri.

⁵⁷ *Novem . . annorum a vobis profectus, post trigesimum et sextum annum redii]* Hoc jam bis, nempe capp. 30. et 35. supra, dixit Livius, et consentit Polybius, l. XV. Unde sequitur Annibalem, ex quo novem annos natus patria excesserat, nunquam Carthaginem ante hoc tempus rediisse. Tamen Carthagini profecto erat, quum cum Asdrubal litteris ad se arcesseret, quod narratum est, l. XXI. c. 3. Hæc conciliari ægre posse videntur.

⁵⁸ * *Fortuna nunc privata, nunc publica]* Ea vivendi sors, quam mihi nunc privata fortuna mea, nunc publica Carthaginis fortuna dedit.

U. C. 580. *privata, nunc publicu docuit, probe videor scire. Urbis ac fori*
 A. C. 202. *jura, leges, mores, vos me oportet doceatis.* Excusata imprudentia, de pace multis verbis disseruit, quam nec iniqua, et necessaria esset. Id omnium maxime difficile erat, quod ex navibus per inducias captis nihil, præter ipsas comparebat

Pacem accipiunt Karthag. naves: neque inquisitio erat facilis, adversantibus paci, 59 qui arguerentur. Placuit naves reddi, et homines utique inquiri. Cetera, quæ abessent, æstimanda Scipioni permitti: atque ita 60 pecunia luere Karthaginienses. Sunt qui Hannibalem ex acie ad mare pervenisse, inde præparata nave ad regem Antiochum extemplo profectum tradant: postulantiq[ue] ante omnia Scipioni, ut Hannibal sibi traderetur, responsum esse, Hannibalem in Africa non esse.

XXXVIII. Postquam redierunt ad Scipionem legati; quæ publica in navibus fuerant, ex publicis descripta rationibus quæstores: quæ privata, profiteri domini jussi; pro ea summa pecuniæ 61 viginti quinque millia pondo argenti præsentia exacta: induciæque Karthaginiensibus datæ in Induciæ in tres menses. Additum, ne per induciarum tempus alio usquam, quam Romam, mitterent legatos: et, quicumque legati Karthaginem venissent, ne ante dimitterent eos, quam Romanum imperatorem, qui, et quæ petentes venissent, certiores facerent. Cum legatis Karthaginiensibus Romam missi L. Veturius Philo, et M. Marcius Ralla, et L. Scipio imperatoris frater. 62 Per^d eos dies commeatus ex Sicilia Sardiniaque tantam vilitatem annonæ effecerunt, ut pro vectura frumentum mercator nautis relinqueret. Romæ ad nuncium primum rebellionis Karthaginiensium trepidatum fuerat; jussusque erat Ti. Claudius mature in Siciliam classem ducere, atque inde in Africam trajicere, et alter consul M. Servilius ad urbem morari, donec, quo statu res in Africa essent, sciretur. Segniter omnia in comparanda deducendaque classe ab Ti. Claudio consule facta erant; quod Patres de pace Scipionis potius arbitrium esse, quibus legibus daretur, quam consulis, censuerant. Prodigia quoque, nunciata sub ipsam famam rebellionis, terrorem adtulerant. Cumis solis orbis minui visus, et pluit lapideo imbri. et in Veliterno agro terra ingentibus cavernis cecidit, arboresque in profundum haustæ. Ariciæ forum, et circa tabernæ, Frusinone murus aliquot locis, et porta, de

Prodigia.

^d Post Gron.

59 Qui arguerentur] Iis qui res in navibus captas possidere arguerentur.

60 Pecunia luere] Sic solus Thua-næus. Ceteri tam Gronoviani, quam nostri, pecuniam. Tamen vulgata lectione nihil verius.

61 Viginti quinque millia pondo] Selibræ nostrates 39062. cum quatuor unciiis.

62 Per eos dies] Gronovianæ editiones habent post, operarum, ut videtur, incuria.

caelo tacta: et in Palatio lapidibus pluit. Id prodigium U. C. 550. more patrio novemdiali sacro, cetera hostiis majoribus ex- A. C. 202. piata. inter quæ etiam aquarum insolita magnitudo in religionem versa. nam ita abundavit Tiberis, ut ludi Apollinares, circo inundato, extra portam Collinam ad ædem Erycinæ Veneris parati sint. Ceterum ludorum ipso die, subita serenitate orta, pompa, duci cœpta ad portam Collinam, revocata deductaque in circum est, quum decessisse inde aquam nunciatum esset. lætitiâque populo et ludis celebritatem addidit sedes sua sollemni spectaculo reddita.

XXXIX. Claudium consulem, profectum tandem ab urbe, inter portus Cosanum Lauretanumque atrox vis tempestatis adorta in metum ingentem adduxit. Populonios inde quum pervenisset, stetitque ibi, dum reliquum tempestatis exsæviret, Ilvam insulam, et ab Ilva Corsicam, a Corsica in Sardiniam trajecit. Ibi superantem Insanos montes, multo et sævior et infestioribus locis tempestas adorta, disjecit classem. Multæ quassatæ armamentisque spoliatæ naves: quædam fractæ. Ita vexata ac lacerata classis Carales tenuit. ubi dum subductæ reficiuntur naves, hiems obpressit: circumactumque anni tempus, et, nullo prorogante imperium, privatus Ti. Claudius classem Romanam reduxit. M. Servilius, ne comitiorum causa ad urbem revocaretur, dictatore dicto C. Servilio Gemino, in provinciam est profectus. Dictator magistrum equitum P. Ælium Pætum dixit. Sæpe comitia indicta perfici tempestates prohibuerunt. itaque, quum ⁶³ pridie Idus Martias ⁶⁴ veteres magistratu^e abissent, novi subfecti non essent, respublica sine curulibus magistratibus erat. T. Manlius Torquatus pontifex eo anno mortuus. in locum ejus subfectus C. Sulpicius Galba. Ab L. Licinio Lucullo et Q. Fulvio ædilibus curulibus ludi Romani ter toti instaurati. Pecuniam ex ærario scribæ viatoresque ædilitii clam egressisse per indicem comperti, damnati sunt, non sine infamia Luculli ædilis. P. Ælius Tubero et L. Lætorius ædiles plebis vitio creati, magistratu se abdicarunt, quum ludos ludorumque causa epulum Jovi fecissent, et signa tria ex multatio argento facta in Capitolio posuissent. ⁶⁵ Cerealia ludos dictator et magister equitum ex senatusconsulto fecerunt.

Classis
Claudii Cos.
tempestate
vexata.

^e magistratus Gron. Crev.

^f L. Eæd.

⁶³ Pridie Idus Martias] Olim edebatur præter Idus. Correxerit Sigonius, in quo assentientes habet duos e nostris codd.

⁶⁴ Veteres magistratus abissent] Jubet legi Gronovius veteres magistratu abissent: ita ut ex sensu et pro-

xime sequente membro repetendi sint nominativi magistratus curules, qui referantur ad præ veteres et novi. Sane ubique Livius scribit abire magistratu; nunquam magistratus abeunt.

⁶⁵ Cerealia ludos] Sic et l. XXXIV. c. 54. Megalesia ludos scenicos: et l.

U. C. 550. A. C. 202. Legati Karthaginienses Romam veniant. **XL. Legati ex Africa Romani simul Karthaginiensesque** quum venissent Romam, senatus ad ædem Bellonæ habitus est. ubi quum L. Veturius Philo, pugnatum cum Hannibale esse ⁶⁶suprema Karthaginiensibus pugna, finemque tandem lugubri bello inpositum ingenti lætitia Patrum exposuisset; adjecit, Verminam etiam, Syphacis filium, quæ parva bene gestæ rei accessio erat, devictum. in concionem inde prodire jussus, gaudiumque id populo impartire^s. Tum patuere, facta gratulatione, omnia in urbe templa, supplicationesque in triduum decretæ. Legatis Karthaginiensium et Philippi regis (nam ii quoque venerant) petentibus, ut senatus sibi daretur, responsum jussu Patrum ab dictatore est, consules novos eis senatum duros esse. Comitia inde habita. creati consules Cn. Cornelius Lentulus, P. Ælius

U. C. 551. A. C. 201. Cn. Cornelio, P. Ælio Coss.

Provinciæ.

Pætus: Prætores, M. Junius Pennus, cui sors urbana evenit; M. Valerius Falto Bruttios, M. Fabius Buteo Sardiniam, P. Ælius Tubero Siciliam est sortitus. De provinciis consulum nihil ante placebat agi, quam legati Philippi regis et Karthaginiensium auditi essent. belli finem alterius, principium alterius prospiciebant animis. Cn. Lentulus consul cupiditate flagrabat provinciæ Africæ; seu bellum foret, facilem victoriam, seu jam finiretur, ⁶⁷finiti tanti belli se consule gloriam petens. Negare itaque prius quidquam agi passurum, quam sibi Africa decreta esset, concedente collega, moderato viro et prudenti; qui gloriæ ejus certamen cum Scipione, præterquam quod iniquum esset, etiam impar futurum cernebat. Q. Minucius Thermus et M. Acilius Glabrio, tribuni plebis, *rem, priore anno nequidquam tentatam ab Ti. Claudio consule, Cn. Cornelium tentare aiebant. Ex auctoritate Patrum latum ad populum esse, cujus vellent imperium in Africa esse. Omnes quinque et triginta tribus P. Scipioni id imperium decresce.* Multis contentionibus, et in senatu et ad populum acta res, postremo eo deducta est, ut senatui permitterent. Patres igitur jurati (ita enim^h convenerat) censuerunt, uti consules provincias inter se compararent, sortirenturve, uter Italiam, uter classem navium quinquaginta haberet. Cui classis obvenisset, in Siciliam navigaret: si pax cum Karthaginiensibus componi nequisset, in Africam trajiceret. Consul mari, Scipio eodem, quo

^s impartire Gron. Crev.

^h enim del. Eæd.

XXXIX, c. 22. *Ludi Taurilia per biduum facti.* De Cerealibus ludis vid. Rosinum, l. V. c. 14.

⁶⁶ *Suprema Carthaginiensibus pugna*] Pugna, quæ suprema, postrema fuit Carthaginiensibus, bello jam, non solum prælio victis. Scripti fere omnes, et vet. editi inserunt cum ante Car-

thaginiensibus. Sed incommodam particulam omittit Regius codex.

⁶⁷ *Finiti tanti belli se consule*] Recte videtur Perizonius legere a se consule. Sane apparebat bellum eo consule finitum iri, ut revera accidit. At cupiebat ipse ultimam bello manum imponere.

adhuc, jure imperii terra rem gereret. Si conditiones convenirent pacis, tribuni plebis populum rogarent, utrum consulem, an P. Scipionem, juberent pacem dare; et quem, si deportandus exercitus victor ex Africa esset, deportare. Si pacem per P. Scipionem dari, atque ab eodem exercitum deportari jussissent, ne consul ex Sicilia in Africam trajiceret. Alter consul, cui Italia evenisset, duas legiones a M. Sextio prætore acciperet.

XLII. P. Scipioni cum exercitibus, quos haberet, in provincia Africa prorogatum imperium. Prætori M. Valerio Faltoni duæ legiones in Bruttis, quibus C. Livius prioris anno præfuerat, decretæ. P. Ælius prætor duas legiones in Sicilia ab Cn. Tremellio acciperet. Legio una M. Fabio in Sardiniam, quam P. Lentulus pro prætore habuisset, decernitur. M. Servilio prioris anni consuli, cum suis duabus item legionibus, in Etruria prorogatum imperium est. Quod ad Hispanias adtineret, aliquot jam annos ibi L. Cornelium Lentulum et L. Manlium Acidinum esse. ⁶⁸ uti consules cum tribunis agerent, si eis videretur, ut plebem rogarent, cui juberent in Hispaniæ imperium esse. is ex duobus exercitibus in unam legionem conscriberet Romanos milites, et in quindecim cohortes socios Latini nominis, quibus provinciam obtineret: veteres milites L. Cornelius et L. Manlius in Italiam deportarent. Cornelio consuli quinquaginta navium classis ex duabus classibus, Cn. Octavii, quæ in Africa esset, P. Villii, quæ Siciliæ oram tuebatur, decreta: ut, quas naves vellet, deligeret. P. Scipio quadraginta¹ longas naves haberet, quas habuisset. quibus si Cn. Octavium, sicut præfuisset, præesse vellet, Octavio pro prætore in eum annum imperium esset: si Lælium præficeret, Octavius Romam decederet: reduceretque naves, quibus consuli usus non esset. Et M. Fabio in Sardiniam decem longæ naves decretæ. Et consules duas legiones urbanas scribere jussi: ut quatuordecim legionibus eo anno, ⁶⁹ centum navibus longis respublica administraretur.

14. legionibus, 100. navibus res gesta. Legati Philippi.

XLII. Tum de legatis Philippi et Karthaginensium actum. Priores Macedonas introduci placuit: quorum varia oratio fuit; partim purgantium, quæ questi erant missi ad regem a Roma legati de populatione sociorum; partim ultro accusantium quidem et socios populi Romani, sed multo infestius M. Aurelium; (quem ex tribus ad se missis le-

¹ quinquaginta Gron. Crev.

⁶⁸ Uti consules cum tribunis] Olim centum et decem. Cornelius enim editi, ut ii consules. Sigonii liber, et quinquaginta naves, totidem habebat noster Victor. ut hi. Recte fecit, Scipio; M. Fabius in Sardinia, decem. quisquis emendavit uti. Nisi si Livius minorem numerum

⁶⁹ Centum navibus longis] Lege neglexit.

U. C. 551. A. C. 201. gatis, delectu habito, substitisse, et se bello lacesse contra foedus, et saepe cum praefectis suis signis conlatis pugnasae) partim postulantium, ut Macedones duxque eorum Sopater, qui apud Hannibalem mercede militassent, captique in vinculis essent, sibi restituerentur. Adversus ea M. Furius, missus ad id ipsum ab Aurelio ex Macedonia, disseruit, *Aurelium relictum, ne socii populi Romani, fessi populationibus atque injuria, ad regem deficerent, finibus sociorum non excessisse: dedisse operam, ne inpune in agros eorum transcenderent populatorum.* Sopatrum ⁷⁰ ex purpuratis et propinquis regis esse: eum cum quatuor millibus Macedonum et pecunia missum nuper in Africam esse, Hannibali Karthaginensibusque auxilio. De his rebus interrogati Macedones, quum perplexe responderent ⁷¹ ipsi, ante responsum tulerunt, *Bellum quaerere regem, et, si pergat, propediem inventurum. Dupliciter ab eo foedus violatum: et quod sociis populi Romani injurias fecerit, bello armisque lacesierit: et quod hostes auxiliis et pecunia juverit. Et P. Scipionem recte atque ordine videri fecisse et facere, quod eos, qui arma contra populum Romanum ferentes ⁷² capti sunt, hostium numero in vinculis habeat. et M. Aurelium e republica facere, gratumque id senatui esse, quod socios populi Romani, quando jure foederis non posset, armis tueatur.* Cum hoc tam tristi responso dimissis Macedonibus, legati Karthaginenses vocati. quorum aetatibus dignitatibusque conspectis, (nam longe primi civitatis erant) tum pro se quisque dicere, vere de pace agi. Insignis tamen inter ceteros Hasdrubal erat, (Hædum populares cognomine adpellabant) pacis semper auctor, adversusque factioni Barcinæ. ⁷³ Eo tum plus illi auctoritatis fuit, belli culpam in paucorum cupiditatem a republica transferenti. qui quum varia oratione unus esset, nunc purgando crimina, nunc quædam fatendo, ne inpudenter certa negantibus difficilior venia esset, nunc monendo. etiam Patres conscriptos, ut rebus secundis modeste ac moderate uterentur; Si se atque Hannonem audissent Karthaginenses, et tempore uti voluissent, daturos fuisse pacis condiciones, quas tunc peterent. Raro simul hominibus bonam fortunam bonamque mentem dari. Populum Romanum eo invictum esse, quod in secundis rebus sapere et consulere meminerit. et, Hercule, mirandum fuisse, si aliter facerent. ⁷⁴ Ex insolentia, quibus

Cum tristi responso dimissi.

Legati Karthaginensium.

⁷⁰ *Ex purpuratis*] Purpurati in regum Macedonicorum aulis ii erant, qui, quia dignitate ceteros anteibant, purpurea veste utebantur. Horum frequens mentio et in libris sequentibus, et apud Curtium, et alibi passim.

⁷¹ *Ipsi ante responsum tulerunt*] An, antequam quidquam satis certum respondissent? Fortasse mendum la-

tet in vocula ante.

⁷² *Capti sunt*] Lege sint.

⁷³ * *Eo tum plus illi auctoritatis fuit*] Eo tum et decentior gravique viro dignior ejus oratio fuit, et fides illi facilius haberi poterat.

⁷⁴ * *Ex insolentia*] Eos quibus nova bona fortuna sit, quia id illis præter solitum accidat, non capientes

nova bona fortuna sit, impotentes lætitiæ insanire. Populo Romano usitata ac prope jam obsoleta ex victoria gaudia esse, ac plus pene parcendo victis, quam vincendo, imperium auxisse. Ceterorum ⁷⁵ miserabilior oratio fuit, commemorantium, Ex quantis opibus quo recidissent Karthaginiensium res. nihil eis, qui modo orbem prope terrarum obtinissent armis, superesse, præter Karthaginis mœnia. Is inclusos, non terra, non mari quidquam sui juris cernere. Urbem quoque ipsam ac penates ita habituros, si non in ea quoque, quo nihil ulterius sit, sævire populus Romanus velit. Quum flecti misericordia Patres adpareret, senatorum unum infestum perfidiæ Karthaginensium subclamasse ferunt, Per quos Deos fœdus icturi essent, quum eos, per quos ante ictum esset, fefellissent? Per eosdem, inquit Hasdrubal, qui tam infesti sunt fœdera violentibus.

XLIII. Inclinatorum omnium ad pacem animis, Cn. Lentulus consul, cui classis provincia erat, senatusconsulto intercessit. Tum ⁷⁶ M'. Acilius et Q. Minucius tribuni plebis ad populum tulerunt, *Vellent, juberentne senatum decernere, ut cum Karthaginensibus pax fieret: et quem eam pacem dare, quemque ex Africa exercitus deportare juberent?* De pace ⁷⁷ uti rogassent, omnes tribus jusserunt: pacem dare P. Scipionem, eundem exercitus deportare. Ex hac rogatione senatus decrevit, ut P. Scipio ex decem legatorum sententia pacem cum populo Karthaginensi, quibus legibus ei videretur, faceret. Gratias deinde Patribus egere Karthaginenses, petieruntque, ut sibi in urbem introire, et conloqui cum civibus suis liceret, qui capti in publica custodia essent. esse in iis partim propinquos amicosque suos, nobiles homines; partim ad quos mandata a propinquis haberent. Quibus conventis, quum rursus peterent, ut sibi, quos vellent, ex iis redimendi potestas fieret; jussi nomina edere: et, quum ducentos ferme ederent, senatusconsultum factum est, *Ut legati Romani ducentos ex captivis, quos Karthaginenses vellent, ad P. Cornelium Scipionem in Africam deportarent: nuntiarentque ei, ut, si pax convenisset, sine pretio eos Karthaginensibus redderet.* Feciales quum in Africam ad fœdus ferendum ire juberentur; ipsis postulantibus, senatusconsultum in hæc verba factum est: *Ut ⁷⁸ privos lapides silices, privasque ⁷⁹ verbenas secum ferrent: uti ⁸⁰ prætor Romanus his impe-*

animo immodicam lætitiā, ad insaniam efferri.

⁷⁵ * *Miserabilior.*] Magis accommodata ad movendam miserationem.

⁷⁶ *Man. Acilius*] Vulgati, *Atilius*. Mutavit Jac. Gronovius, eundem merito ratus esse, cujus mentio facta est supra c. 40.

⁷⁷ * *Uti rogassent*] Vid. not. 52. ad

VI. 38.

⁷⁸ * *Privos lapides silices*] Privos idem est ac singulos. *Lapides silices* sic dicit hoc loco Livius, ut supra I. 24. *Saxo silice.* Vid. ibi not. 74.

⁷⁹ *Verbenas . . . sagmina*] Vid. not. 63. ad l. I. c. 24.

⁸⁰ * *Prætor . . . prætorem*] Præto-rem credimus hic antique dictum pro

U. C. 561.

A. C. 201.

Plebiscitum de pace.

S. C. de pace.

Feciales.

U. C. 551.
A. C. 201.
Pax.

Incensæ
500, naves.

Risus Han-
nibalis in
publico fle-
tu.

raret, ut *foedus ferirent, illi prætorem sagmina poscerent.* Herbæ id genus ex arce sumtum dari fecialibus solet. Ita dimissi ab Roma Karthaginienses, quum in Africam venissent ad Scipionem, quibus ante dictum est legibus, pacem fecerunt. Naves longas, elephantos, perfugas, fugitivos, captivorum quatuor millia tradiderunt. inter quos Q. Terentius Culleo senator fuit. Naves provectas in altum incendi jussit. quingentas fuisse omnis generis, quæ remis agerentur, quidam tradunt: quarum conspectum repente incendium tam lugubre fuisse Poenis, ⁸¹ quam si tum ^k ipsa Karthago arderet. De perfugis gravius, quam de fugitivis, consultum; nominis Latini qui erant, securi percussi; Romani in crucem sublati.

XLIV. Annis ante quadraginta pax cum Karthaginensibus postremo facta erat, Q. Lutatio, A. Manlio consulibus. bellum initum annis post tribus et viginti, P. Cornelio, Ti. Sempronio consulibus. ⁸² Finitum est septimodecimo anno, Cn. Cornelio, P. Ælio Pæto consulibus. Sæpe postea ferunt Scipionem dixisse, Ti. Claudii primum cupiditatem, deinde Cn. Cornelii, fuisse in mora, quo minus id bellum exitio Karthaginis finiret. ⁸³ Karthagini^l quum prima conlatio pecuniæ diutino bello exhaustis difficilis videretur, moestitiaque et fletus in curia esset, ridentem Hannibalem ferunt conspectum. cujus quum Hasdrubal Hædus risum increparet in publico fletu, quum ipse lacrimarum causa esset; *Si, quemadmodum oris habitus cernitur oculis, inquit, sic et animus intus cerni posset, facile vobis adpareret, non læti, sed prope amentis malis cordis hunc, quem increpatis, risum esse. qui tamen nequaquam adeo est intempestivus, quam vestra istæ absurdæ atque abhorrentes lacrimæ sunt. Tunc flesse decuit, quum adempta nobis arma, incensæ naves, interdictum externis bellis. illo enim vulnere concidimus.* ⁸⁴ *Nec esse in vos, odio vestro, consultum ab Romanis credatis. Nulla magna civitas diu quiescere potest. si foris hostem non habet, domi invenit: ut prævalida corpora ab externis caussis tuta videntur, sed suis ipsa viribus onerantur. Tantum, nimirum, ex publicis*

^k tum del. Gron. Crev.

^l Karthaginensibus End.

summo magistratu, et intelligimus consulem. Sic supra VII. 3. qui prætor maximus sit.

⁸¹ *Quam si ipsa Carthago*] Tres e nostris codd. ut quidam e Gronovianis, et vett. editi: *quam si tum ipsa Carthago.*

⁸² *Finitum est septimo decimo anno*] Intelligendus est septimus decimus annus elapsus, et incipiente decimo octavo finitum bellum.

⁸³ *Karthaginiensibus quum prima*]

Aliquot scripti, *Carthagine*: non pejus.

⁸⁴ *Nec esse in vos*] Neque existimetis ideo tam acerbe egisse vobiscum Romanos, ut suum in vos odium expleant. Vestrae paci ac tranquillitati consulere. Nulla quippe magna ac valida civitas diu quiescere potest. Ideo vobis vires ademere, ut quiescere cogamini. Ceterum hæc defensio Romanæ in victos acerbitalis fortasse quibusdam videbitur haud satis decere personam Annibalis.

malis sentimus, quantum ad privatas res pertinet : nec in eis quidquam acrius, quam pecuniæ damnum, stimulat. Itaque, quum spolia victæ Karthagini detrahebantur, quum inermem jam ac nudam destitui inter tot armatas gentes Africæ cerneretis, nemo ingemuit. nunc, quia tributum ex privato conferendum est, tamquam in publico funere comploratis. Quam vereor, ne propediem sentiatis, levissimo in malo vos hodie lacrimasse ! Hæc Hannibal apud Karthaginienses. Scipio, concione advocata, Masinissam, ad regnum paternum Cirta oppido et ceteris urbibus agrisque, quæ ex regno Syphacis in populi Romani potestatem venissent, adjectis donavit. Cn. Octavium classem in Siciliam ductam Cn. Cornelio consuli tradere jussit. legatos Karthaginensium Romam proficisci, ut, quæ ab se ex decem legatorum sententia acta essent, ea Patrum auctoritate populique jussu confirmarentur.

U. C. 551.
A. C. 201.

Masinissa
regno Syphacis donatus.

XLV. Pace terra marique parta, exercitu in naves inposito, in Siciliam Lilybæum trajecit. inde magna parte militum in navibus missa, ipse per lætam pace non minus, quam victoria, Italiam, effusis non urbibus modo ad habendos honores, sed agrestium etiam turba obsidente vias, Romam pervenit, triumphoque omnium clarissimo urbem est invectus. ⁸⁵ Argenti tulit in ærarium pondo centum millia viginti tria. militibus ex præda ⁸⁶ quadragenos æris divisit. Morte subtractus spectaculo magis hominum, quam triumphantis gloriæ, Syphax est, Tibure haud ita multo ante mortuus, quo ab Alba traductus fuerat. ⁸⁷ conspecta mors tamen ejus fuit, quia publico funere est elatus. Hunc regem in triumpho ductum Polybius, haudquaquam spernendus auctor, tradit. Secutus Scipionem triumphantem est ⁸⁸ pileo capiti inposito Q. Terentius Culleo : omnique deinde vita, ut dignum erat, libertatis auctorem coluit. Africanum cognomen militaris prius favor, an popularis aura, celebraverit, an, sicuti Felicis Sullæ Magnique Pompeii patrum memoria, cœptum ab adsentatione familiari sit, parum compertum habeo. Primus certe hic imperator nomine victæ ab se gentis est nobilitatus. exemplo deinde hujus, nequaquam victoria pares, insignes imaginum titulos claraque cognomina familiæ fecere.

Scipio Romam reversus triumphat.

⁸⁵ *Argenti . . pondo centum millia viginti tria*] Selibras nostrates 156286. una semuncia minus.

⁸⁶ *Quadragenos æris*] Binos denarios cum semisse, qui æquabant grana argenti 180.

⁸⁷ *Conspecta*] Vulgo nota et spectata.

⁸⁸ *Pileo capiti inposito*] Quia videlicet pileus erat receptæ libertatis insigne. * Vid. supra XXIV. 16.



